


አራሳ ጫቂዋ ገፋሶ



New Testament in Gofa

ኦራሳ ጩቂዋ ገፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

Contents

ማቶሳ	1
ማርቆሳ	28
ሉቃሳ	46
ዮሃንሳ	72
ሃዋርያ ኦሱዋ	92
ሮሜ	116
1 ቆሮንቶሳ	127
2 ቆሮንቶሳ	137
ጋላቲያ	144
ኤፌሶና	148
ፊልጶሲፎሳ	152
ቆላሲያሳ	155
1 ቲሴሎንቄ	158
2 ቲሴሎንቄ	161
1 ዲሞቲዮሳ	163
2 ዲሞቲዮሳ	166
ቲቶ	169
ፊልሞና	171
ኢብራዊ	172
ያይቆሳ	180
1 ጴጥሮሳ	183
2 ጴጥሮሳ	186
1 ዮሃንሳ	188
2 ዮሃንሳ	191
3 ዮሃንሳ	192
ዪሁዲ	193
ዮሃንሳ ቆንጩሳ	194

ማቶ 1:1-25

ማቶ 1 ዋንጌላይ፡ ያና ጌቴቲዲ ኡፋይሳን ናጌቲያ ኣሺይሲ ዩሱሳ ጊዳይሳኔ ያሳይ ጋልዓ ጫቁዋን ባ ኣሳሰ ኢሚዳ ኡፋይሳ ቃላ ፖሊዳይ ኢያ ባጋራ ጊዳይሳ ኦዲያ ዋንጌላ። ሃ ዋንጌላይ ዩሱሲ ኤንታ ጊዳን ዩሌቲዲ ዲጪዳ ኣይሁዴታ ዓላላሰ ጊዳናሺን ኩሜላ ኣላሚያ ኡሳሳ።

ማቶ 1 ዋንጌላይ፡ ዳር ናጌቲላን ዓፊቲዳ ማዓፋ። ማቶ 1 ባ ማዓፋ ዩሱሳ ዩሌቲላን ደሚዲ፡ ኢያ ዓማቁቲላኔ ኢያ ፓጩቲላ ኦዲ ሲሚዲ፡ ጋሊላን ኢ ሳባኪዳባ፡ ታማርሲዳባኔ ሃርጋንቸታ ፓሊዳባ ኦዴሰ። ሄሳፊ ካሊዲ፡ ዩሱሲ ጋሊላፕ ዩራሳላሚ ቢዳይሳኔ ኢ ሃ ሳባን ዳዲ ዋዳ ወርሴላ ሳሚንታን ሃኒዳባታ ቆንጪሴሰ። ሄሲካ ኢያ ካቁቲላ፡ ኢያ ሃይቁዋኔ ኢያ ዴንዲዋ ኦይኬሰ።

ሃ ዋንጌላይ፡ ዩሱሲ ያሳ ሃጊያ ቢርሻናው ማቲ ዳዴይሳኔ ያሳ ካዋቲላባ ታማርሲያ ጌታ ኣሰታማሬ ኦሊዲ ሺሺሰ። ኢያ ቲሚርቲያፊ ዳሪያ ባጋይ ዳማ ዳማ ማራን ጊጌቲዳ ኢቻሹ ኪፊሌታን ሻኬቲሰ።

1. ያሳ ካዋቲላን ዳዲያ ኣሳ ሃኖቲላ፡ ኦሱዋ፡ ማታኔ ወርሴላ ቃዳ ኦዲያ ዳሪያ ቦላ ቲሚርቲያ (ሺም 5-7)።
2. ታማኔ ናምዑ ታማሬቲ ዋንጌላ ሳባካናው ቢዳ ዋዳ ኤንታው ኢሚቲዳ ካሌሱዋ (ሺም 10)።
3. ያሳ ካዋቲላባ ታማርሳናው ሺቁዳ ዳማ ዳማ ሌሚሶታ (ሺም 13)።
4. ኢያ ታማሬ ጊዳባ ቢርሸላ ኦዲያ ቲሚርቲያ (ሺም 18)።
5. ሃዲ ኣላሚያ ወርሴላኔ ያሳ ካዋቲላ ዩሳባ ኦዲያ ቲሚርቲያ (ሺም 24-25)።

ማቶ 1 ዋንጌላ ኣይፊ ቆፋታ

- ዩሱሲ ኪሪሰቶሳ ዩሌቲላ ሱሳኔ ኢያ ዩሌቲላ 1:1-2:23
- ዓማቁያ ዮሃንሳ ኦሱዋ 3:1-12
- ዩሱሳ ዓንቃቲያኔ ፓጩቲላ 3:13-4:11
- ዩሱሲ ጋሊላን ባ ኦሱዋ ኦይኪዳይሳ 4:12-18:35
- ጋሊላፕ ዩራሳላሚ ጋካናው 19:1-20:34
- ወርሴላ ሳሚንታ ዩራሳላሚ ሄራን 21:1-27:66
- ጎዳ ሃይቆፕ ዳንዲዋኔ ቆንጩላ 28:1-20

- ዩሱሳ ዩሌቲላ ሱሳ (ሉቃ 3:23-38)
- 1 ሃይሳፊ ካሊዲ ዓፊቲዳይሲ ዳዊቲ ናባ ኣብራሃማ ናባ ጊዲዳ ዩሱሲ ኪሪሰቶሳ ዩሌቲላ።
- 2 ኣብራሃማይ ዩሳቃ ዩሊሰ፤ ዩሳቃ ያይቆባ ዩሊሰ፤ ያይቆቢ ዩሁዳኔ ኢያ ኢሻታ ዩሊሰ፤
- 3 ዩሁዲ ቲዒማሪፕ ፋሬሴኔ ዛራ ዩሊሰ፤ ፋሬሲ ኣሰሮሚ ዩሊሰ፤ ኣሰሮሚይ ራሚ ዩሊሰ፤
- 4 ራሚይ ኣሚናዳቤ ዩሊሰ፤ ኣሚናዳቤ ናባሶና ዩሊሰ፤

- ናባሶኔይ ሳልሞና ዩሊሰ፤
- 5 ሳልሞኔይ ራባቢፕ ቦዔዛ ዩሊሰ፤ ቦዔዚ ኡራቲፕ ኢዮቤዳ ዩሊሰ፤ ኢዮቤዲ ኢሴዩ ዩሊሰ፤
- 6 ኢሴዩይ ካወዋ ዳዊቲ ዩሊሰ፤ ዳዊቲይ ኦሪዮ ማቼፊ ሶሎሞኔ ዩሊሰ፤
- 7 ሶሎሞኔይ ሮቢዓማ ዩሊሰ፤ ሮቢዓማይ ኣቢያ ዩሊሰ፤ ኣቢዩይ ኣሳፊ ዩሊሰ፤
- 8 ኣሳፊ ኢዮሳፊዳ ዩሊሰ፤ ኢዮሳፊዳይ ኢዮራሚ ዩሊሰ፤ ኢዮራሚይ ኦዚያኔ ዩሊሰ፤
- 9 ኦዚያኔይ ኢዮባታማ ዩሊሰ፤ ኢዮባታማይ ኣካዛ ዩሊሰ፤ ኣካዚ ሃዚቁያሳ ዩሊሰ፤
- 10 ሃዚቁያሲ ሚናሴ ዩሊሰ፤ ሚናሴይ ኣሞና ዩሊሰ፤ ኣሞኒ ኢዮሲያሳ ዩሊሰ፤
- 11 ኢሰራዔሌ ኣሳይ ዳዔቲዲ ባቢሎኔ ቢታ ቢዳ ዋዳ ኢዮሲያሲ ኢኮኒያናኔ ኢያ ኢሻታ ዩሊሰ።
- 12 ባቢሎኔ ቢታ ኢሰራዔሌ ኣሳይ ዳዔቲዲ ቢዳፕ ጉዩ ኢኮኒያኒ ሳላቲያሌ ዩሊሰ። ሳላቲያሌይ ዜራባቤላ ዩሊሰ፤
- 13 ዜራባቤላ ኣብዲዩ ዩሊሰ፤ ኣብዲዩይ ኤሊያቁሜ ዩሊሰ፤ ኤሊያቁሜይ ኣዛራ ዩሊሰ፤
- 14 ኣዛሪ ሳዶቁ ዩሊሰ፤ ሳዶቁይ ኣኪማ ዩሊሰ፤ ኣኪማይ ኤሊዩዳ ዩሊሰ፤
- 15 ኤሊዩዲ ኣላዛራ ዩሊሰ፤ ኣላዛሪ ማታኔ ዩሊሰ፤ ማታኔይ ያይቆባ ዩሊሰ፤
- 16 ያይቆቢ ዮሴፋ ዩሊሰ፤ ዮሴፊ ኪሪሰቶሳ ጊያ ዩሱሳ ዩሊዳ ማይራሚ ኣዚና።
- 17 ሃዛ፡ ዩሌቲላይ ኣብራሃማይ ዳዊቲ ጋካናው ታማኔ ኦይዲ። ዳዊቲፕ ቢዲ ባቢሎኔ ዲዑዋ ጋካናው ታማኔ ኦይዲ። ባቢሎኔ ዲዑዋፕ ቢዲ ኪሪሰቶሳ ጋካናው ታማኔ ኦይዲ ዩሌቲላ ጊዳሰ።

- ዩሱሲ ኪሪሰቶሳ ዩሌቲላ (ሉቃ 2:1-7)
- 18 ዩሱሲ ኪሪሰቶሳ ዩሌቲላ ታሪኬይ ሃይሳፊ ካሌይሳ። ኢያ ኣያ ማይራማ ዮሴፋሰ ኦይሺታ ዳዓሺ ዮሴፋራ ጋሃቶና ጌሻ ኣያናፕ ቃንላታሱ። 19 ዮሴፊ ደሎ ኣሲ ጊዲዳ ጊሾ ኢዮ ኣሳን ኬሳናው ኮዩቤና። ያኒያ ጊሾ ቆሳን ኢዮ ኣጋናው ቆፕሰ። 20 ኢ ሄ ቆፋን ዳዒሺን ያሳ ኪታንቸይ ኣሙሆን ቆንጪዲ፡ «ዳዊቲ ናባው፡ ዮሴፋ፡ ማይራማ ቃንላቲዳይ ጌሻ ኣያናፕ ጊዲያ ጊሾ ኢዮ ኤካናው ያዮፋ» ያጊሰ። 21 ኢያ ኣዳ ናባ ዩላና፡ ኢ ባ ዳሪያ ኤንታ ናጋራፕ ኣሺያ ጊሾ ኢያ ሱንላ ኔ ዩሱሳ ጋዳ ዪጋና።
- 22 ጎዳይ ናቢያ ኢሳያሳ ዳናን፡ 23 «ሄኮ ጌላዲያ ቃንላታና፤ ኣዳ ናባካ ዩላና፤ ኢያ ሱንላይ ኣማኑዔላ ጌቲታና» ጎይሲ ፖሌታና ሚላ ሃ ኡባይ ሃኒሰ። ኣማኑዔላ ጌይሳሰ ቢርሸላይ «ያሳይ ኦራ ዳዔሰ» ጉሱ።
- 24 ዮሴፊ ጲሰኮፊ ባርኪዲ ጎዳ ኪታንቸይ ኪቲዳይሳ ሚላ ማይራሞ ባ ሶ ኤፊሰ። 25 ሺን ባ ባይራ ናባ ዩላና

ገዛናው ኢየሱስ ጸገብና፤ * ዩሌቲዳ ናዓካ ዩሱሳ ገዲ ጸገሰ።

2

ዶሎሃፕ ዩዳ አሳታ

1 ካወቀ ሄሮዲሳ ዋዴን ዩሱሱ ዩሁዳ ቢታን ቤቴሌሜ ካታማን ዩሌቲዳይሳፊ ጉዬ ያለንቶ ታይቢያ አሳቲ ዶሎሃፕ ዩሩሳላሜ ዩዲ፤ 2 «ዩሌቲዳ አይሁዳ ካዎይ አወን ዴዒ? ኑኒ ዶሎሃ ባጋራ ከዩዳ ኢያ ያለንቱዋ ቤዒዲ ኢያው ጎይናናው ዩዳ» ያገዲ ኦይቸደሶና። 3 ካዎይ ሄሮዲሱ ሄሳ ሲዒዳ ዋዴ ዳጋሚሰ። ዩሩሳላሜን ዴዒያ አሳይ ኡባይካ ዳጋሚደሶና። 4 ሄሮዲሱ ካሂኔ ሃላቃታኔ ሂገ አሰታማሬታ ባኮ ጭገዲ፤ «ከሪሰቶሲ አወን ዩሌታንዴሻ?» ያገዲ ኢንታ ኦይቸሰ።

5 ኢንቲካ፤ «ዩሁዳ ቤቴሌሜና፤ ናቤይ፤

6 «ዩሁዳን ዴዒያ ቤቴሌሜ፤

ዩሁዳን ዴዒያ ጎባ ካታማታ፤

ኔኒ አይቢንካ ጉፃካ።

ታ ዴሪያ ኢሰራዔል አይሳናይሰ፤

ኔፕ ከያና ገዲ ያፊሰ»

ያገደሶና።

7 ሄሳፊ ጉዬ፤ ሄሮዲሱ ዶሎሃፕ ዩዳ አሳታ ገማን ጭገዲ፤ ያለንቱዋ ኢንቲ ቤዒዳ ዋዲያ ኢንታፊ ገሼዲ ኤሪሰ። 8 ኢ ኢንታና ቤቴሌሜ ዩዲሹ፤ «ቤዲ ዩሌቲዳ ናዓ ሚንሉዲ ኮዩቲ፤ ኢያ ሂንቲ ዴሚዳ ዋዴ ታካ ባዳ ኢያው ጎይናና ሜላ ሲሚዲ ዩሹ ታው ኦዲቲ» ያገደሰ። 9 ኢንቲካ ካዎይ ሄሮዲሱ ገዲይሳ ሲዒዲ ቢደሶና። ኢንቲ ዶሎሃ ባጋራ ቤዒዳ ያለንቶይ ኢንታና ካሌሌሽ ናባይ ዴዒያ ስሙዋ ገዛናው ኤፊሰ። 10 ኢንቲ ሄ ያለንቱዋ ቤዒዳ ዋዴ ገታ ኡፋይሰ ኡፋይቲደሶና። 11 ሶ ገሌዲ ናዓ ባ አዩ ማይራሚራ ዴዒይሳ ቤዒደሶና። ኢያው ጉልባቲዲ ጎይኒደሶና። ባንታ ሳዒኒያ ደዩዲ ዋርቃ፤ ኢፃኔኔ ካርቤ ኢያው አሚደሶና። 12 ኢንቲ ሄሮዲሳኮ ጉዬ ሲሞና ሜላ ያሳይ አሙሆን ኢንታው ኦዲን፤ ሃራ ኦጌራ ባንታ ቢታ ሲሚደሶና።

ገብጫ ባቃቱዋ

13 ዶሎሃ ባጋፊ ዩዳ አሳቲ ቢዳፕ ጉዬ፤ ጎዳ ከታንቸይ ዮሴፋሰ አሙሆን ቆንጨዲ፤ «ሄሮዲሱ ናዓ ዋዳናው ኮያ ገሾ ዴንዳ፤ ኤሌሳዳ ናዓኔ ናዓ አዩው ኤካዳ ገብጫ ቢታ ባ። ኔ ሲሞና ዋዲያ ታ ኔው ኦዳና ገዛናው ያን ጋሞዓ» ያገደሰ።

14 ሄሳ ገሾ፤ ዮሴፊ ሄ ቃማን ዴንዲዲ፤ ናዓኔ ናዓ አዩው ኤከዲ ገብጫ ቢሰ። 15 ናቢያ ደናን ያሳይ፤ «ታኒ፤ ታ ናዓ፤ ገብጫ ቢታፊ ጭጋሰ» ጌቲቲዳ ቃላይ ፖሌታና ሜላ ሄሮዲሱ ሃይቃና ገዛናው ኢ ያን ዴዒሰ።

16 ሄሳፊ ጉዬ፤ ዶሎሃ ባጋፊ ዩዳ አሳቲ ኢያ ጨሚዳይሳ ኤሪዳ ዋዴ ዳር ዩሌቲሰ። ኢ ካሴ ኢንታፊ ሲዒዳይሳዳ ቤቴሌሜኔ ሄ ሄራን ዴዒያ ናሞዑ ላይሉ ኩሚዳይሳታኔ ናሞዑ ላይላፊ ጋርሳን ዴዒያ አዳ ናይታ ኡባ ባ ዋታዳሬታ ዩዲዲ ዋዲሰሰ።

17-18 ናቢያ ኤርሚያሳ ደናን፤

«ዩሆይኔ ዜሌልሰ፤

ራማ ካታማን ሲዒቲሰ።

ራሄላ ባ ናይታሰ ዩካወሱ፤

ኢንቲ ሃይቁዳ ገሾ

ሚኔታናው ዳንዳዓኩኩ»

ገዲ ኦዲዳይሰ ፖሌቲሰ።

ናዚሬቲ ሲሙዋ

19 ሄሮዲሱ ሃይቁዳፕ ጉዬ ገብጫን ጎዳ ከታንቸይ ዮሴፋሰ አሙሆን ቆንጨዲ፤ 20 «ናዓ ዋዳናው ኮያ አሳቲ ሃይቁዳ ገሾ ዴንዳዳ ናዓኔ ናዓ አዩው ኤካዳ ኢሰራዔል ቢታ ሲሚ» ያገደሰ።

21 ዮሴፊ ዴንዲዲ ናዓኔ ናዓ አዩው ኤከዲ ኢሰራዔል ቢታ ሲሚሰ። 22 ሺን አርኬሊዮሱ ዩሁዳን ባ አዋ ሄሮዲሳ ቤሳን ካዎቲዳይሳ ሲዒዳ ዋዴ ያ ባናው ያዩሰ። ያሳይ አሙሆን ኢያው ቆንጨሲን ጋሌላ ቢታ ቢሰ። 23 ናቤታ ደናን፤ «ናዚሬቲ ኣሲ ጌቲታና» ገዲ ኦዳቲዳይሰ ፖሌታና ሜላ ናዚሬቲ ካታማ ቢዲ ያን ዴዒሰ።

3

ፃማቂያ ዮሃኒሳ ቲሚርቲያ

(ማር 1:1-8፤ ሉቃ 3:1-17፤ ዮሃ 1:19-28)

1-2 ሄ ዋዴ ፃማቂያ ዮሃኒሰ፤ «ያሳ ካዎቲላይ ማታቲዳ ገሾ ሂንቲ ናጋራፕ ሲሚቲ» ያገዲ ሳባኪሹ ዩሁዳ ባዘ ቢታ ቢሰ። 3 ናቢያ ኢሳያሲ ዮሃኒሳባ ኦዲዳይሳ ሜላ፤ «ባዘ ቢታን፤

ኢሶይ ባ ቃላ ቶቁ ኦሊዲ፤

ናሳዳ ኦገያ ገገሰቲ።

ኢያ ሆርጋ ፒዲ ኦሊቲ» ገሰ»

ያጌቲዳይ ኢያሳ ያገደሰ።

4 ዮሃኒሱ ገማሌ ኢኪሴፕ ኦሴቲዳ አፊላ ማዔሰ። ባ ጭሳን ደፎ ዳንጨሰ። ኢ ሚያ ካሳይካ ቦሌኔ ዴጌራ ኤሰ። 5 አሳይ ሄ ዋዴ ዩሩሳላሜ ካታማፕ፤ ዩሁዳ ቢታ ኡባፊኔ ዮርዳኖሴ ሻፋ ሄራፕ ኢያኮ ዮሶና።

6 ባንታ ናጋራ ጋዲዲ ዮርዳኖሴ ሻፋን ዮሃኒሳ ኩሼን ፃማቂቶሶና።

7 ዮሃኒሰ፤ ዳር ፋሪሳዌቲኔ ሳዲቃዌቲ ፃማቂታናው ባኮ ዩይሳታ ቤዒዲ፤ ኢንታኮ፤ «ሃ ኢታ ሾሻቶ፤ ያና ያሳ ሃንቁዋፊ ባቃታና ሜላ ሂንቲና ኦኔ ዘሪዳይ? 8 ሂዛ፤ ሂንቲ፤ ሂንቲ ናጋራፕ ሲሚዳይሳ ኤሪሲያባ ኦሊቲ። 9 ሂንቲ፤ ሂንቲ ዋዛናን፤ ኣብራሃሜይ፤ ኦ አዎይ ዴዒሰ» ገዲ ቆፖሬቲ። ሎይሉ ሲዒቲ! ያሳይ ሃ ሹቻታፕ ኣብራሃሜሰ ናዓ ኬሳናው ዳንዳዒሰ። 10 ቤጃይ ሚላ ፃጵዋን ገገዲ ኡቲሰ፤ ሎዎ አይፊ አይፎና ሚላ ኡባይ ቃንጃቲዲ ታማን ዩጌታና።

11 «ሂንቲ፤ ሂንቲ ናጋራፕ ሲሚዳይሳ ኤሪሳናው ታኒ ሂንቲና ሃላን ፃማቃይሰ። ሺን ታፕ ጉዬራ ዩይሰ ሂንቲና ጌሻ አያናኒኔ ታማን ፃማቃና። ኢ ታፕ ዳር ዋልቃሜሰ፤ ታኒ ሃሪ አቶሺን ኢያ ጫማ ቶካናወካ ቤሲኬ። 12 ካላ ጌሺያ ፒሌይ ኢያ ኩሼን ዴዒሰ። ካላ ሎይሉ ጌሼሰ፤ ገሰቲያ ባ ሻሊያን ቆላና፤ ሺን ፑኦዋ ቶዶና ታማን ፀጋና» ያገደሰ።

ዩሱሳ ፃማቂቲላ

(ማር 1:9-11፤ ሉቃ 3:21-22)

* 1:25 ኢየሱስ ጸገብና፤ ማቸራ ኣዘናራ ኣቁይሳዳ ኢሲፊ ኣቁኮኮና ጉሱ። 2:17-18 ኤር 31:15 2:23 ማር 1:24፤ ሉቃ 2:39፤ ዮሃ 1:45 3:7 ማቶ 12:34፤ 23:33 3:9 ዮሃ 8:33 3:10 ማቶ 7:19

1:25 ሉቃ 2:21 2:6 ሚክ 5:2 2:15 ሆሴ 11:1 3:1-2 ማቶ 4:17፤ ማር 1:15 3:3 ኢሳ 40:3 3:4 2ካዎ 1:8

13 ሄ ዋዴ ዩሱሲ ዮሃንሲ ሱሽን ጻማቄታናው ጋለላፕ ዮርዳኖሴ ሻፋ ቢስ። 14 ሺን ዮሃንሲ ኢያ ዲጋናው ኮዩድ። «ታኒ ኔናን ጻማቄታናው ኮሺሽን ኔኒ ታኮ ያይ?» ያገሰ። 15 ሺን ዩሱሲ ዛሪዲ። «የሳይ ኑፔ ኮያባ ኡባ ኑ ፖላናው ቤሲያ ገሾ ሃዲ ታው ኤር ጋ» ያገሰ። ዮሃንሲ ኢያው ኤር ገዲ ኤኪስ። 16 ዩሱሲ ጻማቄቲዳ ማላ ሃላፊ ኬዩስ። ኢራካ ሳሎይ ደዩቲን ያሳ አያናይ ሆሌዳ ዩሺን ቃሲ ባ ቦላ ዋልዳሚዲ ዋዲሺን ቤዲስ። 17 ሄ ዋዴ «ታ ደሲያ፣ ኢያን ታና ኡፋይሲያ ታ ናዳይ ሃይሳ» ያገያ ቃላይ ሳሎፕ ዩስ።

4

ዩሱሳ ፓጫቴላ
(ማር 1:12-13፤ ሉቃ 4:1-13)

1 ሃሳፊ ጉዩ፣ ጻላሄይ ዩሱሳ ፓጫና ማላ ገሻ አያናይ ዩሱሳ ባዞ ቢታ ኤፊስ። 2 ኦይታው ቃማኔ ኦይታው ጋለሰ ያሚዳፕ ጉዩ ኮሻቲስ። 3 ጻላሄይ ዩሱሳኮ ዩዲ «ኔኒ ያሳ ናዳ ገዲኮ፣ አኔ ሃ ሹቻቲ ኡይሌ ገደና ማላ ኪታ» ያገሰ።

4 ዩሱሲ ዛሪዲ። « ኣሲ ያሳ ደናፕ ኬያ ቃላ ኡባን ደናፕ አቲን ኡይላ ጻላላን ዴዩናን ገቴቲዲ ያሳ ቃላን ፃፊቲስ» ያገሰ።

5 ካሊዲካ፣ ጻላሄይ ዩሱሳ ገሻ ካታማ ኤፊዲ፣ ያሳ ኬላ ሁዲያ ኬሲዲ፣ 6 «ኔኒ ያሳ ናዳ ገዲኮ፣ አኔ ዲጌ ሳዳን ኩንዲ። አይሰ ገኮ፣

ኔ ቶሆይ ሹቻን ጳቤቲ ዴሹቶና ማላ፣
ባንታ ኩሺያን ኔና ዴንፋና ማላ፣
የሳይ ባ ኪታንቸታ ኔ ገሾ ኪታናን
ገቴቲዲ ያሳ ቃላን ፃፊቲስ» ያገሰ።

7 ዩሱሲ ኢያኮ፣ «ቃሲካ፣ የሳ ቃላን ኔ ጎዳ፣ ኔ ያሳ ፓጫፋ» ያገቴዲ ፃፊቲስ» ገዲ ዛሪስ።

8 ወርሴላን ጻላሄይ ዩሱሳ ኢሲ ዋልቃማ ዴሪያ ሁዩ ኬሲዲ አላሚያ ካዋቲላታ ኤንታ ቦንቸዋራ ኢሲፊ ቤሲዲ፣ 9 «ኔ ታው ኩንዲዳ ጎይኒኮ ታ ኔው ሃ ኡባ አማና» ያገሰ።

10 ዩሱሲ ዛሪዲ። «ሃ ጻላሄያው፣ ታፕ ሃካ! ኔ ጎዳ፣ ኔ ያሳ ጎይና፣ ኢያ ጻላላ ሃጋዛ» ገቴቲዲ ያሳ ቃላን ፃፊቲስ» ያገሰ።

11 ሃሳፊ ጉዩ፣ ጻላሄይ ኣገዲ ቢስ፤ ኪታንቸቲ ዩዲ ኢያ ሃጋዚደሶና።

ዩሱሳ ቲሚርቲያ
(ማር 1:14-15፤ ሉቃ 4:14-15)

12 ዩሱሲ፣ ዮሃንሲ ቃሹቶይሳ ሲዲዳ ዋዴ ጋለላ ቢታ ቢስ። 13 ናዚሬቲ ካታማ ኣገዲ ዛቢሎናኒኔ ኒፍታሌማ ሄራን፣ አባ ማታን ዴዲያ ቂፊርናሆማ ካታማ ቢዲ ያን ዴዲስ። 14 ሄሲ ሃኒዳይ ናቢያ ኢሳያሳ ደናን፣

15 «ዛቢሎኔ ቢታን፣ ኒፍታሌማ ቢታን፣
ዮርዳኖሴ ሻፋፕ ሄፊንፋን፣
አባ ኣገያ ጋፃን ዴዲያ፣
አይሁዳ ገደና ዴሬይ ዴዲያ ጋለላን፣

16 ጳማን ዴዲያ ዴሬይ፣
ዋልቃማ ፖየ ቤዲስ።
ሃይቆ ኩያ ቢታን፣

ዴዴይሳታሰ ፖየይ ኬዩስ»
ያገዲ ኦይቲዳ ቃላይ ፖሌታና ማላሳ።

17 ሄ ዋዴፕ ደሚዲ ዩሱሲ፣ «የሳ ካዋቲላይ ማታቲዳ ገሾ ሃንቴ ናጋራፕ ሲሚቴ» ያገዲ ቃላ ሳባኬስ።

ኮይር ታማሬታ ጭቴላ
(ማር 1:16-20፤ ሉቃ 5:1-11)

18 ዩሱሲ ጋለላ አባ ማታራ አዲሼ ናምዑ አሻታ፣ ጳዲርሳ ገቴቲያ ሲሞና ኢያ አሻ ኢንዲሪያሳ ቤዲስ። ኤንቲ ሞሎ ኦይኬይሳታ ገዲዳ ገሾ ባንታ ገቴያ አባን ዩሳሶና። 19 ዩሱሲ ኤንታና፣ «ሃ ዩቴ፤ ታና ካላቴ! ሞሎ ኦይሌ አቶሺን፣ ታ ሃንቴና አሴ ኦይሌ ታማርሳና» ያገሰ። 20 ኤንቲካ፣ ኤሌሲዲ ባንታ ገቴያ ዩገ ኣገዲ ዩሱሳ ካሊደሶና።

21 ዩሱሲ ያፕ ቡር ጌዴ ሲንፎ አዲሹ ሃራ ናምዑ አሻታ፣ ዛቢዲዮሳ ናይታ፣ ያይቆባኔ ዮሃንሲ ቤዲስ። ባንታ አዋ ዛቢዲዮሳራ ኢሲፊ ዋጎሉዋ ገደን ባንታ ገቴያ ገገሴይሳታ ጭገስ። 22 ኤንቲካ፣ ኤሌሲዲ ባንታ ዋጎሉዋኔ ባንታ አዋ ኣገዲ ዩሱሳ ካሊደሶና።

ዩሱሲ ሃርጋንቸታ ፓሌስ
(ሉቃ 6:17-19)

23 ዩሱሲ አይሁዳ ዋሳ ኬላታን ታማርሲሹ፣ ሳሎ ካዋቲላ ዋንጌላ ኦዲሹኔ ዴማ ዴማ ሃርገያፊ አሳ ፓሌሽ ጋለላ ቢታ ኡባን ዩዩስ።

24 ሃሳፊ ዴንደይሳን ኢያ ሱንፋይ ሶሪያ ቢታ ኡባን ኬዩስ። ዴማ ዴማ ሃርገን ኦይኬቲዳይሳታኔ ዋዩቲይሳታ፣ ቱና አያናን ኦይኬቲዳይሳታ፣ ሾጪ ዩገያ ሃርገን ኦይኬቲዳይሳታኔ፣ ጉንዳታ ኢያኮ ኤሂደሶና፤ ኢሳ ኤንታና ፓሌስ።

25 አሳይ ጋለላፕ፣ ታው ካታማታፕ፣ ዩራሳላማፕ፣ ዩሁዳፕ፣ ዮርዳኖሴ ሻፋ ሄፊንፋን ዴዲያ ቢታፊ ዩዳ ዳር አሳይ ኢያ ካሊደሶና።

5

ዩሱሲ ዴሪያ ቦላ ታማርሲዳ ቲሚርቲያ

1 ዳር ዴሬይ ሸቂዳይሳ ዩሱሲ ቤዲዳ ዋዴ ዴሪያ ቦላ ኬዩዲ ኡቲስ። ኢያ ታማሬቲ ኢያኮ ሸቂን፣ 2 ሃይሳዳ ያገዲ ታማርሲስ።

ቱማ ኡፋይሳ
(ሉቃ 6:2-23)

3 «ባንታ አያናን ማንቆቲ ኣንጃቲዳይሳታ፣ ሳሎ ካዋቲላይ ኤንታሳ።

4 ዩኬይሳቲ ኣንጃቲዳይሳታ፣ ኤንቲ ሚንፎሶ ዴማና።

5 ባንታ ዋዛናን ኣሸኬቲ ኣንጃቲዳይሳታ፣ ኤንቲ ሳዳ ላታና።

6 ዪሎባ ኦላናው ኮሻቴይሳቲኔ ሳሞቲይሳቲ ኣንጃቲዳይሳታ፣

ኤንቲ ካሳና።

7 ማሬይሳቲ ኣንጃቲዳይሳታ፣ ኤንቲ ማርቲሌ ዴማና።

8 ዋዛና ገሻቲ ኣንጃቲዳይሳታ፣ ኤንቲ ያሳ ቤዳና።

3:17 ማቶ 12:18፤ 17:5፤ ማር 1:11፤ ሉቃ 9:35 4:1 ኢብ 2:18፤ 4:15 4:4 ዛሬ 8:3 4:6 ማዝ 91:11 4:7 ዛሬ 6:16
4:10 ዛሬ 6:13 4:12 ማቶ 14:3፤ ማር 6:17፤ ሉቃ 3:19-20 4:13 ዮሃ 2:12 4:15 ኢሳ 9:1-2 4:17 ማቶ 3:2 4:23
ማቶ 9:35፤ ማር 1:39 5:4 ኢሳ 61:2 5:5 ማዝ 37:11 5:6 ኢሳ 55:1 5:8 ማዝ 24:3

9 ሲገሉይሳቲ እንጃቲዳይሳታ፡
ከንቲ ያሳ ናይታ ጌቲቲ ዪጌታና።

10 ዲሎባ ኦሊያ ገሾ ገዲ፡
ጎዴቲይሳቲ እንጃቲዳይሳታ፡
ሳሎ ካዎቲላይ ኤንታሳ።

11 «አሳይ ሂንቲና ታ ገሾ ገዲ ጫያ ዎዴ ጎዲያ
ዎዴኔ ሂንቲ ቦላ ኢታባ ኡባ ዎርዶን ኦዲሲያ ዎዴ
ሂንቲ እንጃቲዳይሳታ። 12 ሂንቲ ዎይቶይ ሳሎን ገታ
ገዲያ ገሾ ኡፋይቲቲ፡ ሃሹ ገቲ። ሂንቲፊ ካሴ ዳዒያ
ናቤታ ሄሳዳ ጎዲዶሶና።

ማዳኔኔ ፖዎ

13 «ሂንቲ ቢታሰ ማዳኔ፤ ማዳኔይ ባ ማዳኔቲላ አገኩ፡
ባ ማልጎቲላ ዋቲ ዛሬ ዳማኔ? ካሬ ሆሊን አሳን
ዬዴታናፍ ኣቲን አይቢሰካ ማዳና።

14 «ሂንቲ ቢታሰ ፖዎ፤ ዳሬ ቦላ ዳዒያ ካታሚያ
ቆሴታናው ዳንዳዑኩ። 15 ያምፔ ኦይሊዲ ሶን ዳዒያ
አሳ ኡባሰ ፖዳና ማላ ቶቃ ሶን ዎሴሲፔ ኣቲን ዳሎ
ገዶን ዎሴይ ባዎ። 16 ሄሳ ማላ አሳይ ሂንቲ ሎዎ
ኡሱዎ ቤዒዲ፡ ሳሎን ዳዒያ ሂንቲ አዎ ቦንቻና ማላ
ሂንቲ ፖዎይ አሳ ሲንላን ፖዎ።

ሙሴ ሂጊያ

17 «ታኒ ሙሴ ሂጊያኔ ናቤታ ቃላ ሻራናው ዪዳ
ሂንቲው ዳናፖ። ታኒ፡ ኤንቲ ኦዲዳይሲ ቱማ ገዳይሳ
ቆንጨሳናው ያሲፔ ኣቲን ሻራናው ያቢኬ። 18 ታ
ሂንቲው ቱማ ኦዲይሰ፤ ሳሎይኔ ሳዓይ አቆና ጋካናው
ሂኔ ኡባይ ፖሌታናፍ ኣቲን ሂጊያፊ ኢሲ ቃላይ ዎይኮ
ፒዳሌይ አዳና። 19 ሄሳ ገሾ፡ ሃ ኪታታፔ ጉዲያ ኢሲ
ኪታ ማንሳያ ኦኒካ ቃሲ ሃራታ ሄሳሉ ኦላና ማላ
ታማርሴይ ኦኒካ ሳሎ ካዎቲላን ኡባፊ ጉላ ገዳና።
ሺን ሃ ኪታ ፖሌይሲኔ ሃራታካ ፖላና ማላ ታማርሴይ
ሳሎ ካዎቲላን ገታ ገዳና። 20 ታ ሂንቲው ኦዲይሰ፤
ሂንቲ ዲሎቲላይ ፋሪሳዊታ ዲሎቲላፊኔ ሂኔ አሰታማሬታ
ዲሎቲላፊ አዳና ኢዲኮ፡ ሳሎ ካዎቲላ ጌሌኬታ።

ዎዶባ

21 «ሂንቲ ማይዛታኮ፡ «ዎዶፒቲ፤ ሹምፖ ዎዶዳ ኦኒካ
ፒርዳታና። ጌቲቶይሳ ሲዒዳታ። 22 ሺን ታ ሂንቲው
ኦዲይሰ፤ ባ አሻ ሃንቁቲያ ኡባይ ፒርዳታና። ባ አሻ
ጫያ ኦኒካ ዳይና ሲንላ ፒርዳሰ ሺቃና። ባ አሻኮ፡
«ኤያይ» ገያ ኦኒካ ቃሲ ጋናማ ታማን ፒርዳታና።

23 «ሄሳ ገሾ፡ ኔኒ ኔ ያርሹዎ ያርሹያ ዎዴ ኔ አሻ
ቆሂዳባይ ኔው ኣኬኬቲኮ። 24 ኔ ያርሹዎ ሄ ቤሳን አጋዳ
ባ፤ ኮይርታ ባዳ ኔ አሻራ ገጋ፤ ያታ ሲማዳ፡ ኔ ያርሹዎ
ያሳሰ ያርሻ።

25 «ኔና ሞቲይሳራ ፒርዳ ኬላ ባሼ ኦኒ ቦላ ኢያራ
ገጋ። ሄሲ አቶ ገኮ ኢ ኔና ዳይና ሲንላ ኤፋና። ዳይናይ
ኔና ቃቼይሳሰ አላ አማና፤ ኢ ኔና ዎይኔን ዬጋና። 26 ታ
ቱማ ኦዲይሰ፤ ኔ ቦላ ፒርዳቲዳ ኣጩዎ ኢሲ ሳንቲማይ
አቶና ጨጋ ኦንጋና ጋካናው ቃሾ ኬላፊ ኬያካ።

ላይማቲላባ

27 «ሃይሳፊ ካሴ፡ «ላይማቶፒቲ» ጌቲቶይሳ
ሲዒዳታ። 28 ሺን ታ ሂንቲው ኦዲይሰ፤ ማጫሰ
ዪሊዲ፡ አሞቲዳ ኡባይ ባ ዎዛናን ኢራ ላይማቲሰ።
29 ኔ ኡሻቻ ኣይፊይ ኔው ናጋራሰ ጋሶ ገዲኮ፡ ኬሳ
ሆላ። ኔ አሳቲላይ ኩማላ ጋናማ ታማን ዎቆናፍ ኔ
አሳቲላፊ ኢሶይ ቆይኮ ኔው ሎዎ። 30 ኔ ኡሻቻ ኩሼይ
ኔው ናጋራሰ ጋሶ ገዲኮ፡ ኢያ ቃንፃ ሆላ። ኔ አሳቲላይ
ኩማላ ጋናማ ታማን ዎቆናፍ ኔ አሳቲላፊ ኢሶይ ቆይኮ፡
ኔው ሎዎ።

**ማቺ አዚና ቢሌላባ
(ማቶ 19:9፤ ማር 10:11-12፤ ሉቃ 16:18)**

31 « ላባ ማቺው ዬዲያ ኦኒካ እንጃ ዎርቃቲያ ኢሞ፡
ጌቲቲሰ። 32 ሺን ታ ሂንቲው ኦዲይሰ፤ ባ ማቺያ
ላይማቶና ዳዒሺን ቢሊያ ኦኒካ ኢያ ላይማታና ማላ
ኦሴሰ። ሄሳዳካ፡ እንጃቲዳ ማጫሲው ኤኪያ ኡባይ
ላይማቲሰ።

ጫቆባ

33 «ሂንቲ ማይዛታኮ፡ «ዎርዶን ጫቆፊቲ፤ ሂንቲ
ያሳ ሲንላን ጫቁዳይሳ ፖሊቲ» ጌቲቲዳይሳ ሲዒዳታ።
34 ሺን ታ ሂንቲው ኦዲይሰ፤ ኡባራካ ጫቆፊቲ። ያሳይ
ኡቲያ ኣራታ ገዲያ ገሾ ሳሎን ጫቆፊቲ። 35 ኢያ
ቶሆይ ዬዲያ ሶ ገዲያ ገሾ ሳዓንካ ጫቆፊቲ። ገታ
ካዉዎ ካታማ ገዲያ ገሾ ዬራሳላማንካ ጫቆፊቲ።
36 ሂንቲ ቢናናፍ ኢሱዎካ ቦላ ዎይኮ ካሬላ ኦላናው
ዳንዳና ገሾ ሂንቲ ሂንቲ ሆዒንካ ጫቆፊቲ። 37 ሄሳ
ገሾ፡ ሂንቲ ቃላይ፡ «ኤ» ዎይኮ «አካይ» ገዶ። ሄሳፊ
ካሬ ኬዬይ ፃላሂፔ ዬሰ።

ሃሎ ኬያናው ኮሼና

38 « ሳይፊ ገሾ ኣይፊ፤ ኣቻ ገሾ ኣቼ» ጌቲቲዳይሳ
ሲዒዳታ። 39 ሺን ታ ሂንቲው ኦዲይሰ፤ ሂንቲ ቦላ
ኢታባ ኦሊያ ኡራራ ኤቁቶፊቲ። ኦኒካ ኔ ኡሻቻ ሻካላ
ባቁኮ ኔ ሃዲርሳ ሻካላካ ቤሳ። 40 ኢሲ ኣሲ ኔ ሻሚዚያ
ኤካናው ኔና ሞቲኮ፡ ኔ ኮቲያ ጉጃዳ ኢማ። 41 ኢሲ ኣሲ
ኔና ዎልቃን ባባ ቶሲዲ ኢሲ ሳቲ ኦኒ ባራ ባና ማላ
ኔና ኡንዒላኮ፡ ኢያራ ናምዑ ሳቲ ኦኒ ባ። 42 ዎሲያ
ኦዲሰካ ኢማ፤ ኔፔ ታልዓናው ኮያ ኦናካ ዲሳፋ።

**ኔ ሞርኬታ ሲቃ
(ሉቃ 6:27-28፤ 32-36)**

43 « ሳና ዶሴይሳ ዶሳ፤ ኔና ኢዳይሳ ኢፃ» ጌቲቶይሳ
ሲዒዳታ። 44 ሺን ታ ሂንቲው ኦዲይሰ፤ ሂንቲ ሞርኬታ
ዶሴቲ፤ ሂንቲና ቆሂይሳታሰ ዎሴቲ። 45 ሄሳሉ ሂንቲ
ኦሴኮ፡ ሳሎን ዳዒያ ሂንቲ አዎሰ ሂንቲ ናይታ ገዳና። ኢ
ኢታታሰኔ ሎዎታሰ አዎ ኬሴሰ፤ ዲሎታሰኔ ናጋራንቸታሰ
ባ ኢራ ቡኪሴሰ። 46 ሂንቲና ዶሴያ አሳ ፃላላ ሂንቲ
ዶሴኮ፡ ሂንቲው ኣይ ዎይቶይ ዳዒ? ሃራ አቶሺን፡ ቃራፃ
ቃንዲሴይሳቲካ ሄሳ ኦሎሶና። 47 ሂንቲ፡ ሂንቲ አሻታ
ፃላላ ሳርላኮ፡ ሃራታፔ ኣይ ሃራ ኣዲያባ ኦሊዳቲ? ሃራ
አቶሺን፡ ያሳ ኣማኖና አሳይካ ሄሳ ኦሎሶና። 48 ሂዛ፡

5:10 1ጳጳ 3:14 5:11 1ጳጳ 4:14 5:12 2ታሪ 36:16፤ ሃ.ኦ 7:52 5:13 ማር 9:50፤ ሉቃ 14:34-35 5:14 ዮሃ 8:12፤
9:5 5:15 ማር 4:21፤ ሉቃ 8:16፤ 11:33 5:16 1ጳጳ 2:12 5:18 ሉቃ 16:17 5:21 ኬሳ 20:13፤ ዛሬ 5:17 5:27
ኬሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ 18:8፤ ማር 9:43 5:31 ማቶ 19:7፤ ማር 10:4 5:32 ማቶ
19:9፤ ማር 10:11-12፤ ሉቃ 16:18፤ 1ቆር 7:10-11 5:33 ሉቁ 19:12፤ ታይ 30:2፤ ዛሬ 23:21 5:34 ማቶ 23:22 5:35 ኢሳ
66:1፤ ማዝ 48:2 5:38 ኬሳ 21:24፤ ሉቁ 24:20፤ ዛሬ 19:19 5:48 ሉቁ 19:2፤ ዛሬ 18:13

ሳሎን ዴዲያ ሂንቲ አዋይ ፖሎ ገደይሳዳ ሂንቲካ ፖሎ ገደቲ።

የማ ገደና። ገማን ኦሴቲዳይሳ ቤዲያ ኔ አዋይ ኔው ዋይቱዋ ኢማና።

6

ማንቆታሰ አዋባ

1 «አሲ ቤዎ ገደሊ ሂንቲ ሎዎ ኦሱዋ አሳ ሲንሳን አዳናና ናገቲቲ። ሄሳላ ሃናና ኢዲኮ ሳሎን ዴዲያ ሂንቲ አዋፔ ዋይቶ ዴማኬታ።

2 «ሂንቲ ማንቆታሰ አዲያ ዋዴ አሳ ሲንሳን ቦንቆታናው ገደሊ ጩቦቲ ኦጊያ ደናኒኔ አይሁዴ ዋሳ ኬላታን ኦሴይሳዳ አሲ ቤዎ ገደሊ አዳፊቲ። ታ ሂንቲው ቱማ ኦዳይሰ፤ ኤንቲ ባንታ ኩማላ ዋይቱዋ ኤኪደሶና።

3 ሺን ሂንቲ ማንቆታሰ አዲያ ዋዴ ሂንቲ ኡቫቻ ኩሼይ ኦሴይሳ ሂንቲ ሃዲርሳ ኩሼይ ኤርፖ፤ 4 ሂንቲ አዋይ ገማን ገደ። ገማን ኦሴይሳ ቤዲያ ሂንቲ አዋይ ሂንቲው ዋይቱዋ ቆንጩን ኢማና።

ዋሳባ

(ሉቃ 11:2-4)

5 «ዋሳ ዋሲሼ ጩቦታላ ሃናፔቲ። ኤንቲ፣ ባንታና አሲ ቤዎ ገደሊ አይሁዴ ዋሳ ኬላኒኔ ኦጊያ ደናን ኤቁዲ ዋሲይሳ ደሶሶና። ታ ሂንቲው ቱማ ኦዳይሰ፤ ኤንቲ ባንታ ኩማላ ዋይቱዋ ኤኪደሶና። 6 ሺን ኔኒ ዋሲያ ዋዴ ኔ ሶ ጌላ፣ ዉላ ጎርዳዳ ገማን ዴዲያ ኔ አዋቦ ዋሳ፤ ገማን ኦሴይሳ ቤዲያ ኔ አዋይ ኔው ዋይቱዋ ኢማና። 7 ሂንቲ ዋሲያ ዋዴ አማናና አሳላ ጮ ቃላ ደርሲዲ ዋሶፊቲ። ኤንቲ አዲሲ ዋሲን ያሳይ ሲዔሰ ገደሊ ቆፖሶና። 8 ሄሳ ገሹ፣ ኤንታይሳዳ ሃናፔቲ። አይሰ ገኩ፣ ሂንቲ አዋይ ሂንቲው አይ ኮሺያኮ ሂንቲ ዋሳናፔ ሲንሳቲዲ ኤሬሰ።

9 «ሂዛ፣ ሂንቲ ያገዲ ዋሲቲ፡

ሳሎን ዴዲያ ኔ አዋፔ፡

ኔ ጌሻ ሱንሳይ አንጃቶ፡፡

10 ኔ ካዋቲሳይ ዮ፡

ኔ ሼኔይ ሳሎን ሃኒዳይሳዳ

ሳሳንካ ሃና፡፡

11 ጋላሳ ካላ ሃቺ ሃቺ ኦሰ ኢማ፡፡

12 ኦኒ ኦና ቆሂዳይሳታ፡ አቶ ጌይሳዳ፡

ኦሰካ ኦ ቆሁዋ አቶ ጋ፡፡

13 ኦና ኢታፔ አሻፌ አቲን

ፓጩን ጌልሶፋ፡፡

[ካዋቲሳይ፡ ዋልቃይኔ ቦንቆይ

ሜሪናው ኔሳ፡ አሚንዲ፡፡]

14 «ሂንቲ ሂንቲና ቆሂዳይሳታ አቶ ገኩ፣ ሳሎን ዴዲያ ሂንቲ አዋይ ሂንቲ ቆሁዋካ አቶ ጋና። 15 ሺን ሂንቲ ሃራ አሳ ናገራ አቶ ጎና ኢዲኮ ሂንቲ አዋይ ሂንቲ ናገራ አቶ ጌና።

የማባ

16 «ሂንቲ የሚያ ዋዴ ጩቦታላ ካዮቶፊቲ። አይሰ ገኩ፣ ኤንቲ የሚይሳ አሲ ኤራና ሜላ ባንታ ሶምዑዋ ቂታዮሶና። ታ ቱማ ኦዳይሰ፤ ኤንቲ ባንታ ዋይቱዋ ኤኪደሶና።

17 «ሺን ኔኒ የሚያ ዋዴ ኔ ሶምዑዋ ሚጫ፣ ኔ ሁዲያ ቲዬታ። 18 ሄሳዳ ኔ ኦሴኮ ኔ የሚያ የማይ አሳፔ ገሚዳይሳ፣ ሺን ገማን ዴዲያ ኔ አዋይ ኤሪያ

ሳሎን ሻሎ ሺሾ

19 «ቢሊ ሚያሶን፣ ቢራቲ ሺዲያሶን፣ ካይሶይ ቦኪዲ ኤኪያሶን፣ ሃ ሳሳን፣ ሂንቲው ሻሎ ሺሾፔቲ። 20 ሺን ቢሊ ሞናሶን፣ ቢራቲ ሺያናሶን፣ ካይሶይ ቦኪዲ ኤኮናሶን ሳሎን ሂንቲው ሻሎ ሺሺቲ። 21 ኔ ሻሎይ ዴዲያሱዋን ኔ ዋዛናይ ዴዳና።

22 «አይፊይ አሳቲሳሰ የምፔ። ሄሳ ገሹ፣ ኔ አይፊይ ፓዎ ገደኮ ኔ ኩማላ አሳቲሳይ ፖዎ ገደሰ። 23 ኔ አይፊይ ሃርጋንቸ ገደኮ ኔ ኩማላ አሳቲሳይ ቋማ ገደሰ። ሂዛ፣ ኔናን ዴዲያ ፖይይ ቋማ ገደኮ፣ ቋማይ አይ ሚላ አቋዲ ቋማንዴሻ!

24 «አሲ አሲ ናምዑ ጎዳሰ ሃራታናው ዳንዳዔና። ኢሱዋ ደሲኮ ሃንኩዋ ኢዳሰ፤ ዋይኮ ኢሱዋ ቦንቆኮ ሃንኩዋ ካዴሰ። ያሳሲኔ ሚሼሰ ሃራታናው ዳንዳዔኬታ።

ኤንዔቶፊቲ

(ሉቃ 12:22-31)

25 «ሂዛ፣ ሲዒቲ! ሂንቲ ዴዎን ዳናው፣ ሳይ ማኔ? አይ ኡያኔ? አይ ማዔኔ? ገደሊ ኤንዔቶፊቲ፤ ዴዎይ ካላፊ ዋይኮ ማዎፔ አዴኔ? 26 ሳሎ ካፎታ ያለቲ፣ ኤንቲ ዜርኮና፣ ቡጮኮና፣ ሻሌን ዩሳኮና፣ ሺን ሂንቲ ሳሎ አዋይ ኤንታ ሙዜሰ። ሂንቲ ኤንታፊ ኬሂ አዴኬቲ? 27 ሂንቲ ገደፊ ደር ኡንዔቲዲ ባ ላይላ ቦላ ኢሲ ጋላሰ ጉጃናው ዳንዳዔይ ዴዲ?

28 «ቃሲ ሂንቲ ማዲያባሰ አይሰ ኤንዔቲቲ? አኔ ጩሻታ ቤዒቲ፣ ኦሶን ዳቡርኮና ዋይኮ ሱቆኮና።

29 ሲዒቲ! ሃሪ አቶሺን፣ ካዉዋ ሶሎሞኔይ ባ ቦንቆ ኡባን ሃ ጩሻታፔ ኢሱዋ ሚላካ ማዲቤና። 30 ሂንቲና፣ አማናይ ፓጩዳይሳቶ፣ ያሳይ ሃቺ ቤንቲዲ ዋንቶ ታማን ዋቆናው ዴዲያ ማታ ያቲዲ ማይዚያባ ገደኮ፣ ሂንቲና ኤንታፊ አላዲ ዋቲ ማይዜኔ? 31 ሄሳ ገሹ፣ ሳይ ማኔ? አይ ኡያኔ? አይ ማዔኔ?» ገደሊ ኤንዔቶፊቲ።

32 ሂ ኡባ ያሳ አማናና አሳይ ደርሲዲ ዴማናው ኡንዔቶሶና። ሂንቲ ሳሎ አዋይ ሂ ኡባይ ሂንቲው ኮሼይሳ ኤሬሰ። 33 ሺን ኡባፊ ሲንሌ ያሳ ካዋቲሳኔ ኢያ ያሎቲላ ኮዩቲ፤ ሂ ኡባይ ሂንቲው ጉጂ አሚታና።

34 ሄሳ ገሹ፣ ዋንቶሰ ቆፔሼ ኤንዔቶፊቲ። ዋንቶይሲ ዋንቶሰ አቆ፤ ኢሲ ኢሲ ጋላሳይ ባው ገደሊያ ሜቶራ ዴዲሰ።

7

ሃራታ ቦላ ፐርዶፊቲ

(ሉቃ 6:37-42)

1 «ሂንቲ ቦላ ፐርዶቶና ሜላ ሃራታ ቦላ ፐርዶፊቲ።

2 አይሰ ገኩ፣ ሃራታ ቦላ ሂንቲ ፐርዶይሳዳ ሂንቲ ቦላ ፐርዶታና፤ ሂንቲ ሃራታሰ ማኪዳባን ሂንቲው ዛሪ ማኬታና። 3 ኔ አይፊን ዴዲያ ቲሱ ዳኔይሳ ቤዎና ኔ አሻ አይፊን ዴዲያ ቡሪያ አይሰ ቤዎይ? 4 ኔ አይፊን ቲሲ ዴዲሺን ኔ አሻ አይፊን ዴዲያ ቡሪያ ኬሶ ጋናው ዋና ዳንዳዔይ? 5 ኔኖ ጩቡዋው፣ ኮይርታዳ ኔ አይፊን ዴዲያ ቲሲ ዳኔይሳ ኬሳ። ኢያፔ ጉዬ፣ ኔ አሻ አይፊን ዴዲያ ቡሪያ ኬሳናው ኔ ጌሻ ያላና።

6 «ጉዬ ሰሚዲ ሂንቴና ሳያና ማላ ጌሻባ ካናታሰ ዩጎፊቴ። ባንታ ቶሁቀን ዩጲዲ ኢሶና ማላ ሂንቴ አልዎ አንቁዋ ጉዲንገታ ሲንገታን ዩጎፊቴ።

ዎሲቴ፣ ኮዩቴ፣ ያጌቴ (ሉቃ 11:9-13)

7 «ዎሲቴ ሂንቴው አሜታና፣ ኮዩቴ ሂንቴ ደማና፣ ካሬ ዩዲ ያጌቴ ሂንቴው ደዩታና። 8 ዎሲያ ኦዴሰካ አሜታና፣ ኮያ ኦዴሰካ ቤንታና፣ ካሬ ዩዲ ያጌያ ኦዴሰካ ደዩታና።

9 «ሂንቴ ጊደፊ ባ ናሚ ኡይሌ ዎሲኮ ሹቺ አሜይ ኦዲ? 10 ዎይኮ ሞሎ ዎሲኮ ሹቺ አሜይ ደዲ? 11 ያቲን ሂንቴ ኢታ ጊዲሼ ሂንቴ ናይታሰ ሎዎባ አዎ ኤሪኮ፣ ሂንቴ ሳሎ አዎይ ባና ዎሲይሳታሰ ሎዎባ ዋቲ ደርሲዲ አሜይ? 12 ሃራቲ ሂንቴው ኦላና ማላ ሂንቴ ኮሳባ ኡባ ሂንቴካ ሃራታሰ ኦላቴ። ኣይሰ ጊኮ፣ ሙሴ ሂንቴ ናቤቲ ታማርሴይ ሃይሳ።

13 «ፀንገላ ወላራ ጌሊቴ፤ ኣይሰ ጊኮ፣ ጳዮስ ኤፊያ ኦጌይ ዎጋ፣ ወላይካ ደልጋ። ኢያራ ጌሊያ ኣሳይካ ደር። 14 ሺን ደዑዋኮ ኤፊያ ኦጌይ ወላይ ፀንገላ፤ ያ ጌሊያ ኣሳይካ ጉላ።

ሚሊ ባ ኣይፊን ኤሬቴሰ (ሉቃ 6:43-44)

15 «ቦላ ባጋራ ደርሴ ዳኒዲ ባንታ ጋላን ሱቋሚ ጊዲዲ ሂንቴ ጊደ ጌሊያ ዎርዳንቸ ናቤታ፤ ናጌቴ። 16 ሂንቴ ኤንታ፣ ኤንታ ኣይፊያ፤ ኤንታ፤ ኣጉንገላፊ ዎይይይ፣ ከንቸቴ፤ ላይይ ማጻቴና። 17 ሃሳ ማላ ሎዎ ሚሊ ኡባይ ሎዎ ኣይፊ ኣይፊሰ፤ ኢታ ሚሊ ኢታ ኣይፊ ኣይፊሰ። 18 ሎዎ ሚሊ ኢታ ኣይፊ ኣይፊና፣ ቃሲ ኢታ ሚሊ ሎዎ ኣይፊ ኣይፋናው ዳንዳና። 19 ሎዎ ኣይፊ ኣይፎና ሚሊ ኡባይ ቃንጻቴዲ ታማን ፀንታና። 20 ሃሳ ጊሾ፣ ሂንቴ ኤንታ፣ ኤንታ ኣይፊያን ኤራና።

21 «ሳሎን ደዲያ ታ ኣዎ ሸኒያ ኦሊያ ኡራይ ሳሎ ካዎቴሊ ጌላና፤ ኣቲን ጮ ታና ሳዳው፣ ሳዳው፣ ጊያ ኡባይ ሳሎ ካዎቴሊ ጌላና። 22 ፐርዳ ጋላሰ ዳርቲ፣ ሳዳው፣ ሳዳው፣ ኔ ሱንገላን ቲንቢቴ ኦዲሶኮ? ኔ ሱንገላን ቱና ኣያናታ ከሲሶኮ? ኔ ሱንገላን ማላታታ ኦሊሶኮ?» ያጋና። 23 ሃ ዎይ ታኒ፣ ሃ ሂንቴና ኡባራካ ኤሪኮ፣ ሂንቴ ኢታ ኦሊይሳቲ ታ፤ ሃኪቴ) ያጋና።

24 «ሂዛ፣ ሃ ታ ቃላ ሰዲዲ ኦሊያ ኦሊያ ኦሊያ ባ ኬላ ሹቻ ቦላ ኬዲዳ ዎዛናማ ኣሳ ማላ። 25 ኢራይ ቡኪሰ፣ ዲያይ ዲዲሰ፣ ጫርኮይካ ጫርኪዲ ሃ ኬላ ሱጊሰ። ሺን ኬላይ ሹቻ ባሶ ቦላ ኬጻቴዳ ጊሾ ኩንዲቤና። 26 ሃ ታ ቃላ ሰዲዲ ኦላና ኦሊካ ባ ኬላ ሻፊ ቦላ ኬዲዳ ኤያ ኡራ ማላ። 27 ኢራይ ቡኪዲ፣ ዲያይ ዲዲዲ፣ ጫርኮይካ ጫርኪዲ፣ ሃ ኬላ ሱጊን፣ ሃ ኬላይ ኩንዲሰ፤ ኢያ ኩንዲዳይካ ዎልቃማ» ያጊሰ።

28-29 ዩሱሲ ባ ኦዳ ኦንጊዳ ዎይ ኢያ ቲሚርቴይ ሃጌ ኣስታማሬታ ማላ ጊደና ማታራ ጊዲያ ጊሾ ኣሳይ ኢያ ቲሚርቴያን ማላላቲዶሶና።

8

ዩሱሲ ባር ሃርጋንቸዎ ፓሊሰ (ማር 1:40-45፤ ሉቃ 5:12-16)

1 ዩሱሲ ደሪያ፤ ዎይ ዎይ ደር ኣሳይ ኢያ ካሊዶሶና። 2 ሃኮ ኢሲ ባር ሃርጋንቸይ ኢያኮ ሸቁዲ፣

ኢያ ሲንገላን ጉልባቲዲ፣ «ሳዳው፣ ኔ ሸኔ ጊዲኮ ታና ጌሻዳ ፓላናው ዳንዳና» ያጊሰ። 3 ዩሱሲ ባ ኩሺያ ዩዲዲ ኢያ ቦቺዲ፣ «ኤ፣ ታ ሸኔ፣ ፓፃ» ያጊሰ። ኡራይ ኢራካ ጌዬ ኣጊሰ። 4 ዩሱሲ ኢያኮ፣ «ኔ ፓፀዎ ኦዴሰካ ኦደፓ። ሺን ባዳ ኔ ጌያዳ ፓይሳ ካሂኔ ቤሳ። ኔ ፓፀዎሰ ማርካ ጊደና ማላ ባዳ ሙሴይ ከቲዳ ያርሹዎ ያርሻ» ያጊሰ።

ማቶ ሃላቃ ኣማኑዎ

5 ዩሱሲ ቁፊርናሆሚ ካታማ ጋኪዳ ዎይ ኢሲ ማቶ ሃላቃይ ኢያኮ ሸቁዲ፣ 6 «ሳዳው፣ ታ ኣይሌይ ኣሳቴላይ ጉንዲን ዳር ሃርጌቲዲ፣ ሶን ዘንዲዲ ደዴሰ» ያጊዲ ዎሲሰ።

7 ዩሱሲ ዛሬዲ፣ «ታኒ ባዳ ኢያ ፓላና» ያጊሰ። 8 ሺን ማቶ ሃላቃይ ዛሬዲ፣ «ሳዳው፣ ኔ ታ ሶ ጌላናው ቤሲያ ኣሲ ጊዲኮ፣ ሺን ኔ ሃን ኡታዳ ቃላ ፃላላ ኦዳ፣ ታ ኣይሌይ ፓፃና። 9 ኣይሰ ጊኮ፣ ታ፤ ቦላራ ታ ከቲቲያ ኣሳቲ ደዎሶና፣ ቃሲ ታ፤ ጋርሳራ ታው ከቲቲይሳቲ ደዎሶና፣ ኤንታፊ ኢሱዎ፣ ሳ) ጊያይ ቤሰ፤ ሃንኩዎ ቃሲ ሃያ!። ጊያይ ዩሰ። ታ ኣይሊያ፣ ሃይሳ ኦላ) ጊያይ ኦላሰ» ያጊሰ።

10 ዩሱሲ ሃሳ ሰዲዳ ዎይ ማላላቲዲ፣ ባና ካሊያ ኣሳኮ፣ «ታ ሂንቴው ቱማ ኦዴይሰ፤ ታኒ ሃይሳ ማላ ኣማኖ ኢሰራዴሌ ኣሳንካ ቤዓቢኮ። 11 ታ ሂንቴው ኦዳይሰ፤ ዳርቲ ደሎሃ፤ ወሎሃ፤ ዩዲ፣ ሳሎ ካዎቴላን ኣብራሃሚራ፣ ዩሳቃራኔ ያይቆባራ ኢሲፊ ኢማቶ ቦላ ኡታና። 12 ሺን ሳሎ ካዎቴላ ላታናው ቤሲሺን ኣቲዳይሳቲ ካሬ ቋማን ሆሌታና። ያን ኤንታው ዩሆኔ ኣቻ ጋርጮላ ጊደና» ያጊሰ።

13 ዩሱሲ ማቶ ሃላቃኮ፣ «ኔ ሶ ባ፣ ኔ ኣማኑዎላ ኔው ሃና» ያጊሰ። ኢያ ኣይሌይ ሶሁዎራ ፓፂ ኣጊሰ።

ዩሱሲ ዳር ሃርጋንቸታ ፓሊሰ (ማር 1:29-34፤ ሉቃ 4:38-41)

14 ዩሱሲ ጳይሮሳ ሶ ጌሊያ ዎይ ጳይሮሳ ማቸ ኢያ ቆፆ ሚሻ ሃርጌን ሳኬታዳ ዘንዲዳር ቤዲሰ። 15 ዩሱሲ ኢ ኩሺያ ቦቺዳ ዎይ ቆፆይይ ሚሻይ ኣጊ ኣጊሰ። ፓፃ ዳንዳዳ ኢያ ሞካሱ።

16 ሃ ዎይ ኦማርሲ ቱና ኣያናን ኦይኬቲዳ ዳር ኣሳታ፣ ኣሳይ ዩሱሳኮ ኤሂዶሶና። ኣካ ቱና ኣያናታ ባ ቃላን ከሲሰ፣ ሃርጋንቸታ ኡባ ፓሊሰ። 17 ሃሳንካ ናቢያ ኢሳያሲ፣

«ኢ ኑ ሃርጊያ ባው ኤኪሰ፣ ኢ ኑ ሃርጊያ ቶኪሰ» ጊዳ ቃላይ ፖሌቲሰ።

ዩሱሳ ካሎይ ጨጊሲያ ጋቲያ (ሉቃ 9:57-62)

18 ዩሱሲ ዳር ኣሳይ ኢያ ዩሹዎን ኤቁዳይሳ ቤዲዲ፣ ኣባፊ ሃፊንገሊ ፐናና ማላ ባ ታማሬታ ከቲሰ። 19 ሃጌ ኣስታማሬታ፤ ኢሶይ፣ «ኣስታማሬያው፣ ኔ ቢያሶ ኡባ ታ ካላና» ያጊሰ።

20 ዩሱሲ ኢያኮ «ዎርካናታሰ ኦሊ ደዴሰ፣ ሳሎ ካፎታሰ ኬሊ ደዴሰ። ሺን ኣሳ ናዓሰ ባ ሁዲያ ሹምፐሲያ ቤሲ ባዎ» ያጊሰ።

21 ዩሱሳ ካሊያ ኣሳታ፤ ኢሶይ፣ «ሳዳው፣ ታኒ ሲንገላታ ባዳ ታ ኣዎ ሞጋዳ ያና» ያጊሰ።

22 ሺን ዩሱሲ፡ «ሃይቁዳይሳቲ ባንታ ሃይቆታ ሞጎ፤ ኔኒ ታና ካላ» ያገሰ።

ዩሱሲ ሆቢያ ሲሲ ኦሊስ
(ማር 4:35-41፤ ሉቃ 8:22-25)

23 ዩሱሲ ባናው ዋጎሎዋን ጌሊዳ ዋዴ ኢያ ታማራቲካ ኢያራ ባናው ጌሊዳሶና። 24 ኢንቲ ቆፖና ዳዲሺን፡ ዋልቃማ ሆቤይ ሃላ ቦላ ዳንዲን ዋጎሎይ ማቲታናው ጋኪስ። ሺን ዩሱሲ ጲስኪስ። 25 ኢያ ታማራቲ ኢያኮ ሸቁዳ ኢያ ባርኬሊዳ፡ «ጎዳው፡ ኑ ጳዮስ ኑና አሻርኪ» ያገደሶና።

26 ዩሱሲ ኤንታኮ፡ «ሂንቴ፡ አማኖይ ፓጩዳይሳቶ፡ አይስ ያዩቲ?» ያገሰ። ዳንዲዳ፡ ሆቢያኔ ጎቲያ ኤሲስ። ኤሊሲዳ ኡባባይ ሲሲ ገሰ።

27 ኢያ ታማራቲ ማላሌቲዳ፡ «ሃይሲ፡ ሃሪ አቶሺን፡ ሆቤይኔ ጎቲይ ኪቴይይሲ ዋኒዳ አሴ?» ያገደሶና።

ቱና አያናይ ኦይኪዳ ናምዑ አሳታ
(ማር 5:1-20፤ ሉቃ 8:26-39)

28 ዩሱሲ አባፌ ሄፊንጎን ዳዲያ ገርጌሶኔ ገያ ቢታ ጋኪዳ ዋዴ ቱና አያናይ ኦይኪዳ ናምዑ አሳቲ ዲፎፔ ከዪዳ ኢያራ ጋሄቲደሶና። ኢንቲ ዳር ኢታኔ ያሺያ አሳታ ገዲያ ገሾ አሲ ሄ ቤሳራ አቆናው ዳንዳዴና።

29 ኤንቲካ፡ «ጾሳ ናዓው፡ ኑናኔ ኔና አይቤ ጋሴይ? ዋዴይ ጋኮና ዳዲሺን ኑና ፒርዳናው ያዲ?» ገዲ ዋሲደሶና።

30 ኤንታፌ ዳር ሃኮና ጉዲንሶ ዉዳይ ሄማቲስ። 31 ቱና አያናቲ ዩሱሳ፡ «ኔ ኑና ከሳናባ ገዲኮ፡ ሂኒ ጉዲንሶ ዉዲያ ገደ ዩዳርኪ» ያገዲ ዋሲደሶና።

32 ዩሱሲ፡ «ቢቴ» ያገሰ። ቱና አያናቲ አሳታፔ ከዪዳ ጉዲንሶታን ጌሊዳሶና። ጉዲንሶቲ ኡባይ አፎ ዳናራ ዲርገዲ ቢዳ አባን ማቲቲዳ ሃይቁዳሶና።

33 ጉዲንሶ ዉዲያ ሄማይሳቲ ባቃቲዳ ካታማ ቢዳ፡ ሃኒዳባኔ ቱና አያናይ ኦይኪዳ አሳታ ቦላ ኑሴቲዳባ ኡባ ኦዲደሶና። 34 ያቲን፡ ካታማን ዳዲያ አሳ ኡባይ ዩሱሳ ቤዳናው ከዪደሶና። ኢንቲ ዩሱሳ ቤዲዳ ዋዴ ባንታ ቢታፌ ከዪዳ ባና ማላ ዋሲደሶና።

9

ጉንዳ ኡራ ፓፀዋ
(ማር 2:1-12፤ ሉቃ 5:17-26)

1 ሃሳፌ ጉዬ፡ ዩሱሲ ዋጎሎዋን ጌሊዳ፡ አባ ፒኒዳ ባ ካታማ ቢስ። 2 ሃኒዳ ጉላ አሳቲ ኢሲ ጉንዳ ኡራ አልጋራ ቶኪዳ ዩሱሳኮ ኤሂደሶና። ዩሱሲ ኤንታ አማኑዋ ቤዲዳ፡ ጉንዳ ኡራ፡ «ታ ናዓው፡ ያዮፋ! ኔ ናጋራይ አቶ ጌቲቲስ» ያገሰ።

3 ሄ ሳቲያን፡ አይሁዴ ሂጌ አስታማሬታፔ ኢሶቲ ኢሶቲ፡ «ሃይሲ ያሳ ጫሼ ገዳኔ» ያገዲ ባንታ ዋዛናን ቆፒደሶና።

4 ዩሱሲ ኤንታ ቆፋ ኤሪዳ፡ «ኢታባ ሂንቴ ዋዛናን አይስ ቆፔቲ? 5 ሃኖሺን፡ ሳኔ ናጋራይ አቶ ጌቲቲስ፡ ጌይሳፌኔ (ዳንዳ ኤቃዳ ባ) ጌይሳፌ አዉሲ ካዉዪ? 6 ሺን ሳዓ ቦላ ናጋራ አቶ ጋናው አሳ ናዓስ ማቲ ዳዴይሳ ታ ሂንቴና ኤሪሳና» ያገዲ፡ ጉንዳ አዲያኮ፡ «ዳንዳ ኤቃ፡ ኔ አልጋ ቶካዳ፡ ኔ ሶ ባ» ያገሰ።

7 ጉንዳ ኡራይ ዳንዲዳ ባ ሶ ቢስ። 8 ዳሬይ ሃሳ ቤዲዳ ማላሌቲደሶና። ሃሳ ማላ ማታ አሳስ ኢሚዳ ያሳ ጋላቲደሶና።

ማቶሳ ዪጌቴላ
(ማር 2:13-17፤ ሉቃ 5:27-32)

9 ዩሱሲ ያፔ ዳንዲዳ ቢሼ ማቶሳ ጌይሳ ቃራፃ ቃንዲሲያ ቤሳን ኡቲዳሺን ቤዲዳ፡ «ታና ካላ» ያገሰ። ኢካ ዳንዲዳ ካሊስ።

10 ዩሱሲ ማቶሳ ሶን ጋይታ ቦላ ኡቲዳሺን፡ ቃራፃ ቃንዲሲያ ዳር አሳቲኔ ናጋራንቸቲ ዪዳ ኢያራኔ ኢያ ታማራታራ ኢሲፌ ማናው ኡቲደሶና። 11 ኢሲ ኢሲ ፋሪሳዌቲ ሃሳ ቤዲዳ፡ ዩሱሳ ታማራታ፡ «ሂንቴ አስታማራይ ቃራፃ ቃንዲሲያሳታራኔ ናጋራንቸታራ አይስ ማ?» ያገደሶና።

12 ዩሱሲ ሃሳ ሲዲዳ፡ «ጳሌ ኮሼይ ሃራጋንቸታሳፌ አቲን ፓፃታሳ ገዳና። 13 ሺን ሂንቴ ቢዳ፡ ሳኒ ሂንቴ ያርሹዋ ገደናሺን ሂንቴ ሃራታ ማራና ማላ ኮያይስ) ጌቲቲዳ ያፌቲዳይሲ ዋይ ጉሴኮ ኤሪቴ። አይስ ገኮ፡ ታኒ ናጋራንቸታ ዪጋናው ያሲፔ አቲን ዲሎታ ዪጋናው ያቢኬ» ያገሰ።

ዩሱሲ ያማባ ኦይሼቲስ
(ማር 2:18-22፤ ሉቃ 5:33-39)

14 ሄ ዋዴ ዮሃኒሳ ታማራቲ ዩሱሳኮ ሸቁዳ፡ «ኑኔ ፋሪሳዌቲ ያሞስ፡ ሺን ኔ ታማራቲ አይስ ያሞኮና?» ያገዲ ኦይቺደሶና።

15 ዩሱሲ ዛሪዳ ኤንታኮ፡ «ሙሹራይ ኤንታራ ዳዲሺን ዪጌቲዳ ዪዳ አሳይ ካዮታናው ዳንዳያና? ሙሹራይ ኤንታ ማታፔ ኤኬታና ዋዴይ ያና፡ ኤንቲ ሄ ዋዴ ያማና።

16 «ኦራላ ማፖፔ ፔጲዳ ጋልዓ ማፖ ቦላ ሲኬይ ኦኒካ ባዋ። ሃሳላ ኦሊኮ ኦራላይ ጋልዓ ፔጲስ። ፔጲላይካ ጉጁ ዳልጌስ። 17 ኦራላ ዋይኔ ጋልዓ ኦጎርን ቆሊያ ኦኒካ ባዋ። ሃሳላ ኦሊኮ ኦራላ ዋይኔይ ጋልዓ ኦጎርዋ ጳሴስ ዋይኔይካ ጉኬስ፤ ኦጎርይካ ናምዓንሶ ማደናባ ገዳስ። ሺን ኦራላ ዋይኔይ ኦራላ ኦጎርን ቆሊታናው ቤሴስ። ሃሳላ ኦሴቲኮ ናምዓይካ ኢቶና ናጌቶሶና» ያገሰ።

ሃይቁዳ ናዒዉኔ ዩሱሳ አፊላ ቦቺዳ ማጫሲው
(ማር 5:21-43፤ ሉቃ 8:40-56)

18 ዩሱሲ ሃሳ ኦደ ቦላ ዳዲሺን፡ አይሁዴ ሃላቃታፔ ኢሶይ ኢያኮ ዪዳ፡ ኢያ ሲንጎን ጉልባቲዳ፡ «ታ ናዒያ ሃሳ ሃይቃሱ፡ ሺን ኢያ ፓፃና ማላ ኔኒ ያዳ ኔ ኩሺያ ኢ ቦላ ዋላርኪ» ገዲ ዋሲስ። 19 ዩሱሲ ዳንዲዳ ኢያራ ቢስ፤ ኢያ ታማራቲካ ካሊደሶና።

20 ኢ ቢሺን ታማኔ ናምዑ ላይላ ኩሜላ ሱላ ጎገዲ ዋይሲያ ኢሲ ማጫሲያ ጉዬራ ሺቃዳ ዩሱሳ አፊላ ማጫራ ቦቻሱ። 21 ኢያ ባ ዋዛናን፡ «ታ ኢያ አፊላ ማጫራ ያላላ ቦቺያኮ ፓፃና» ያጋዳ ቆፓሱ።

22 ዩሱሲ ጉዬ ሰሚ ኢዮ ያሊዳ፡ «ታ ናቲ፡ ያዮፋ! ኔና ኔ አማኖይ ፓሊስ» ያገሰ። ማጫሲያ ሰሁዋራ ፓፃ ኣጋሱ።

23 ዩሱሲ አይሁዴ ሃላቃ ሶ ጋኪያ ዋዴ ዛዬ ፑኔይሳታኔ ዩኬይሳታ ቤዲዳ፡ 24 «ኣኔ ኪቺቲ፤ ጉላ ናዒያ ጲስካሱፔ አቲን ሃይቃሱኩ» ያገሰ። ሺን አሳይ ኢያ ቦላ ሚጩደሶና። 25 አሳ ካሬ ኬሲዳፔ ጉዬ ሶ

ጌሊዲ፣ ናዔ ኩሺያ ኦይኪስ፣ ናዔያ ዳንዳ ኤቃሱ።
26 ሃ ዋሬይ ሃ ቢታ ኡባ ጋኪስ።

ዩሱሲ ናምዑ ቆቄታ ፃሊሲስ

27 ዩሱሲ ያፔ ዳንዲዲ ጌዳ ሲንሌ ቢያ ዋዴ ናምዑ ቆቄቲ ባንታ ቃላ ጶቁ ኦሊዲ፣ «ዳዊቲ ናባው፣ ኦና ማራርኪ» ያገሸ ኢያ ካሊደሶና።

28 ዩሱሲ ሶ ጌሊዲ ዋዴ ቆቄቲ ኢያ ካሊዲ ዪደሶና። ዩሱሲ ኤንታኮ፣ «ታኒ ሄሳ ኦላናው ዳንዳዔይሳ ሂንቲ ኣማኔቲ?» ያገሰ።

ኤንቲካ፣ «ኤ፣ ጎዳው» ያገዲ ዛሪደሶና።

29 ሄሳፊ ጉዩ፣ ዩሱሲ ኤንታ ኣይፊያ ቦቹዲ ኤንታኮ፣ «ሂንቲው፣ ሂንቲ ኣማኔታ ሃና» ያገሰ። 30 ኤንታ ኣይፊይካ ደዌቲስ። ዩሱሲ ኤንታኮ፣ «ሃይሳ ኦዴሰካ ኦደቲቲ» ያገዲ ማንላ ኦደሰ። 31 ሸን ኣሳቲ ቢዲ ዩሱሳባ ሃ ቢታ ኡባን ኦዲደሶና።

32 ኤንቲ ያፔ ኬያ ዋዴ ኣሳይ ቱና ኣያናይ ኦይኪዲ ሙሚሲዲ ኢሲ ኣሲ ዩሱሳኮ ኤሂደሶና። 33 ቱና ኣያናይ ኬዩዳፔ ጉዩ ሙሚ ኡራይ ኦደቲስ። ዳሬይካ ማላሊቲዲ፣ «ሃይሳ ማላ ኦራላባይ ኢሰራዔል ቢታን ሃኒቤና» ያገደሶና።

34 ሸን ፋሪሳዊቲ፣ «ቱና ኣያናታ ሃላቃን ቱና ኣያናታ ኬሴስ» ያገደሶና።

ዩሱሲ ኣሳስ ቃጴቲስ

35 ዩሱሲ ኣይሁዴ ዋሳ ኬላታን ታማርሲሹ፣ ሳሎ ካዋቲላ ዋንጌላ ሳባኪሹ፣ ኣሳ ሃርጌ ኡባፊ ፓሊሹ ካታማታኒኔ ጉታ ኡባን ዩዩስ። 36 ዳር ዳሬይ፣ ሃሚያ ኣሲ ባይና ደርሳዳ ኤንታና ቤዒያ ኣሲ ጳዩን ኤንዔቲዲ ዳዔይሳታ ቤዒዲ ኤንታው ቃጴቲስ። 37 ባ ታማሪታኮ፣ «ሸቃና ካላይ ዳር፣ ሸን ካላ ሸሺያ ኣሳይ ጉላ። 38 ሃሳ ገሹ፣ ጎዳይ ካላ ሸሺያ ኦሳንቸታ ዩዳና ማላ ዋሲቲ» ያገሰ።

10

ዩሱሲ ከቲዳ ታማኔ ናምዑ ሃዋሬታ (ማር 3:13-19፤ ሉቃ 6:12-16)

1 ዩሱሲ ታማኔ ናምዑ ታማሪታ ባኮ ፃገዲ፣ ቱና ኣያናታ ኬሳና ማላኔ ሃርጌ ኡባ ፓላና ማላ ኤንታው ማታ ኢሚስ።

2 ዩሱሲ ከቲዳ ታማኔ ናምዑ ሃዋሬታ ሱንላይ፣ ኮይርይ ጳደርሳ ገያ ሲሞና ኢያ ኢሻ ኢንዲሪያሳ፣ ዛብዲዮሳ ናዓ ያይቆባኔ ኢያ ኢሻ ዮሃንሳ፣ 3 ፊልጶስ ባርቶሎሚዮሳ፣ ቶማሳኔ ቃራፃ ቃንጂሲያ ማቶሳ፣ ኢልፊዮሳ ናዓ ያይቆባ፣ ታዲዮሳ፣ 4 ባ ቢታስ ሚሹቲያ ሲሞናኔ ዩሱሳ ኣላ ኢሚዳ ኣስቆርታ ዩሁዳ።

5 ሃ ታማኔ ናምዓታ ዩሱሲ ከቲዲ ዩዲሹ፣ «ኣይሁዴ ገደና ዳሪያኮ ቦጥቲ፣ ቃሲ ሳማሪታ ካታማካ ጌሎጥቲ። 6 ሸን ኢሰራዔል ኬላፊ ገዲዳ ሂኒ ጳዩዳ ደርሳታኮ ቢቲ። 7 ያ ቢዲ፣ (ሳሎ ካዋቲላይ ማታቲስ) ገዲ ኦዲቲ። 8 ሃርጋንቸታ ፓሊቲ፣ ሃይቁዳይሳታ ሃይቆፔ ዳንሊቲ፣ ባር ሃርጋንቸታ ጌሺ ፓሊቲ፣ ቱና ኣያናታ

ኬሲቲ። ሂንቲ ጮ ኤኪዳይሳ ጮ ኢሚቲ። 9 ሂንቲ ኪሴን ዋርቃ፣ ዋይኮ ቢራ ሳንቲሚ ኦይኮፊቲ። 10 ሂንቲ ኦጊያስ ካርዒቶ፣ ናምዑ ኣፊላ፣ ዋይኮ ጫማ ዋይኮ ፃምዓ ኦይኮፊቲ፤ ኦሳንቸዋስ ጋላሳ ካላ ኮሸስ።

11 «ሂንቲ ኢሲ ካታማ ዋይኮ ጉታ ጌሊያ ዋዴ ሂንቲና ሞኪዲ ኤካናው ኡፋይቲያ ኡራ ኮዩዲ ኢያ ሶን ሸምጥቲ፤ ሂንቲ ባና ጋካናው ያን ጋምዒቲ። 12 ቃሲ ኦዴ ሶካ ጌሊሹ ሳርላቲ። 13 ሃ ኬላይ ሂንቲና ሞኪኮ ሂንቲ ሳርላዳ ሳርይ ኤንታና ጋኮ፣ ሸን ኤንቲ ሞኮና ኢጻኮ ሂንቲ ሳርላዳ ሳርይ ሂንቲው ጉዩ ሲሞ። 14 ኦኒካ ሂንቲና ሞኮናኔ ሂንቲ ኦዲያባ ሲዖና ኢጻኮ ሃ ኬላፊ ዋይኮ ሃ ካታማፔ ኬዩሹ ሂንቲ ቶሁዋን ዳዒያ ባና ጥቲዲ ኬዩቲ። 15 ታ ሂንቲው ቱማ ኦዲይስ፤ ያሳ ፐርዳ ጋላሳን ሃ ካታማፔ ሶደሚሲኔ ጋምራ ካታማታስ ፐርዳይ ካወያና።

16 «ታ ሂንቲና ደርሳታዳ ሱቋሚታ ገደ ዩዳና። ሃሳ ገሹ፣ ሾሻዳ ጩንጫታ፣ ሆሌዳ ኣዳታ ገዲቲ። 17 ኣሳይ ሂንቲና ፐርዳ ዳይናታስ ኣላ ኢማና፣ ቃሲ ኣይሁዴ ዋሳ ኬላን ሂንቲና ጋራፋና። ሃሳ ገሹ፣ ኤንታፊ ናጌቲቲ። 18 ታ ገሹ ገዲ ሂንቲና ዳሪያ ሃሬይሳታ ሲንሌኔ ካዋታ ሲንሌ ኤፋና። ኤንታ ሲንላኒኔ ኣይሁዴ ገደና ዳሪያ ሲንላን ኤቁዲ ሂንቲ ታባ ማርካታና። 19 ሸን ሂንቲና ፐርዳስ ኣላ ኢሚያ ዋዴ ዋይገዲ ዛሪና ገዲ ኤንዔቶፊቲ፤ ሃ ሳቲያን ሂንቲ ጋናባ ያሳይ ሂንቲው ኢማና። 20 ኣይስ ገኮ፣ ሂንቲናን ሃሳይ ሂንቲ ኣዋ ጌሻ ኣያናፔ ኣቲን ሂንቲና ገዴኬታ።

21 «ኢሻይ ባ ኢሻ፣ ኣዋይ ባ ናዓ፣ ሃይቆስ ኣላ ኢማና፣ ናይቲ ባንታና ዩሊዳይሳታ ቦላ ዳንዲዲ ኤንታና ዋዲሳና። 22 ታ ገሹ ገዲ ኣሳ ኡባይ ሂንቲና ኢፃና፣ ሸን ወርሴላ ጋካናው ሚኒዳይ ኣታና። 23 ኢሲ ሄራፔ ሂንቲና ኤንቲ ጎዲኮ ሃራ ካታማ ባቃቲቲ። ታኒ ሂንቲው ቱማ ኦዲይስ፤ ኣሳ ናዓይ ያና ጋካናው፣ ሂንቲ ኢሰራዔል ካታማ ኡባ ካንሌኬታ።

24 «ታማሪይ ባ ኣስታማሪያ፤ ኣይሌይ ባ ጎዳፔ ኣጴና። 25 ታማሪይ ባ ኣስታማሪያ፣ ኣይሌይ ባ ጎዳ ዳኒኮ ኢያው ገደና። ኬላዋ ቢዔልዜቡላ ገኮ ኢያ ሶ ኣሳ ዋኒዲ ኢሲዲ ጻጌኔ?»

26 «ሂዛ፣ ኣሳስ ያዮፊቲ። ካሚቲዳባይ ቆንጮና፣ ቆሴቲዳባይ ጌሺ ኬዮና ኣቲና። 27 ታኒ ሂንቲው ቋማን ኦዲያባ ሂንቲ ፖፖን ኦዲቲ፤ ታ ሂንቲው ሃይላን ካልካሺዳባ ዳባባን ኣዋጂቲ። 28 ኣሾፔ ኣቲን ሸምፖ ዋዲናው ዳንዳናይሳታስ ያዮፊቲ። ሸን ሸምፑዎኔ ኣሹዋ ጋናሚን ጳይሳናው ዳንዳዒያ ያሳስ ያዩቲ። 29 ናምዑ ቡቤቲ ኢሲ ሳንቲሚን ባይዜቶኮና? ሃኖፔ ኣቲን፣ ኤንታፊ ኢሲናካ ሂንቲ ያሳይ ጎና ዳዒሸን ሳዓን ዋዲኮ። 30 ሃሪ ኣቶሸን፣ ሂንቲ ሁዔ ቢናናይካ ፓይዳቲዲ ዳዔስ። 31 ሂዛ፣ ዳር ቡቤታፔ ሂንቲ ኣጴያ ገሹ ያዮፊቲ።

32 «ኣሳ ሲንላን ታው ማርካቲያ ኡባስ ታኒካ ሳሉዋን ዳዒያ ታ ኣዋ ሲንላን ማርካታና። 33 ሸን ኣሳ ሲንላን ታና ካዳይሳ ታኒካ ሳሉን ዳዒያ ታ ኣዋ ሲንላን ካዳና።

9:34 ማቶ 10:25፤ 12:24፤ ማር 3:22፤ ሉቃ 11:15 9:35 ማቶ 4:23፤ ማር 1:39፤ ሉቃ 4:44 9:36 ታይ 27:17፤ 1ካዋ 22:17፤ 2ታሪ 18:16፤ ሂዝ 34:5፤ ማር 6:34 9:37 ሉቃ 10:2 10:7 ሉቃ 10:4-12 10:10 1ቆር 9:14፤ 1ዲዋ 5:18 10:14 ሃ.ኦ 13:51 10:15 ማቶ 11:24፤ ሜጴ 19:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:21 ማር 13:12፤ ሉቃ 21:16 10:22 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13 10:24 ሉቃ 6:40፤ ዮሃ 13:16፤ 15:20 10:25 ማቶ 9:34፤ 12:24፤ ማር 3:22፤ ሉቃ 11:15 10:26 ማር 4:22፤ ሉቃ 8:17 10:33 2ዲዋ 2:12

34 «ታሲ ሳዓን ሳር ኤሃናው ዩዳ ሂንቲው ዳና፡፡ ታሲ ቶራቴ ኣቲን ሳርቴሌ ኤሃናው ያቢኬ፡፡ 35 ታሲ ዩዳይ፡ ሩና ኣዋፔ

ማጫ ናዒው ኣዬፔ ናዓ ማቸው ኣዚና ኣዬፔ ሻካናሳ፡፡

36 ኣሳሰ ሞርኬቲ ኢያ ሶ ኣሳታ ጊዳና፡፡»

37 «ታፔ ኣሌዲ ባ ኣዋ ዋይኮ ባ ኣዬው ደሴይ፡ ታባ ጊዳናው ቤሴና፡፡ ባ ኣዳ ናዓ ዋይኮ ባ ማጫ ናዒው ታፔ ኣሌዲ ደሴይ፡ ታባ ጊዳናው ቤሴና፡፡ 38 ባ ማሰቃሊያ ቶኪዲ ታና ካሎና ኣኒካ ታባ ጊዳናው ቤሴና፡፡ 39 ባ ሽምፑዋ ኣሻናው ኮዬይ ጳይሳና፡ ሺን ባ ሽምፑዋ ታ ጊሾ ኣሌ ኢሜይ ኣሻና፡፡

40 «ሂንቲና ሞኬይ ታና ሞኬሰ፡ ታና ሞኬይ ቃሲ ታና ከቲዳይሳ ሞኬሰ፡፡ 41 ናቢያ ናቤ ሱንጻን ሞኬይ፡ ናቢያሉ ዋይቲታና፤ ቃሲ ያሉዋ ያሎ ሱንጻን ሞኬይ፡ ያሉዋሉ ዋይቲታና፡፡ 42 ታ ሂንቲው ቱማ ኦዳይሰ፤ ሃ ታ ታማሬታፔ ጉዳያ ኢሱዋሰ ታና ካሊያ ጊሾ ሃሪ ኣቶሺን ጉላ ኢርፃ ሃሌ ኢሚኮ ኢያ ዋይቶይ ጳይና» ያገሰ፡፡

11

ፃማቂያ ዮሃንሲ ከቲዳ ኣሳታ (ሉቃ 7:18-35)

1 ዩሱሲ ታማኔ ናምዑ ታማሬታ ከታ ኦንጊዳፔ ጉዬ ያፔ ዳንዲዲ ታማርሳናውኔ ሳባካናው ጋሊላ ካታማታ ቢስ፡፡

2 ዮሃንሲ ቃሾ ኬላን ዳዒሽ ከሪሰቶሲ ኦሊያባታ ሲዒዲ፡ ባ ታማሬታፔ ኢያኮ ከቲዲ፡ 3 «ያና ጌቲቲዳይ ኔኔዬ? ዋይኮ ኮኒ ሃሪ ናጊና?» ያገዲ ኦይቲስ፡፡

4 ዩሱሲ ኤንታኮ ዛሪዲ፡ «ቢዲ ሂንቲ ሲዒያባኔ ሂንቲ ቤዒያባ ዮሃንሳሰ ኦዲቲ፡፡ 5 ቆቄቲ ያሎሶና፡ ዋይቲ ሃሙቶሶና፡ ባር ሃርጋንቸቲ ፓፃሶና፡ ቱሉቲ ሲፃሶና፡ ሃይቂዳይሳቲ ሃይቆፔ ዳንደሶና፤ ማንቆታሰ ዋንጌላይ ሳባኬቲስ፡፡ 6 ታናን ጳቤቶናይ ኣንጃቲዳይሳ» ያገሰ፡፡

7 ዮሃንሳ ታማሬቲ ጉዬ ሲሚዲ ቢን፡ ዩሱሲ ዳሪያሰ ዮሃንሳባ ኦዲሽ፡ «ሃ ባዙዋ ኣይ ቤዓናው ኬዩዳቲ? ጫርኮይ ቃሊያ ማቃ ቤዓናው ዩዳቲዬ? 8 ያቲን፡ ኣይ ቤዓናው ኬዩዳቲ? ከቲ ማፃ ማዒዳ ኣሴ ቤዓናሴዬ? ከቲ ማፃ ማዒዳይሳቲ ካዋታ ኬላን ዳፃሶና፡፡ 9 ያቲን፡ ኣይ ቤዓናው ኬዩዳቲ? ናቤ ቤዓናሴዬ? ሄኮ፡ ሂንቲ ናቤፔካ ኣጼይሳ ቤዒታ፡፡

10 «ኔ ኦጊያ ኔ ሲንጻን ገገሲያ ታ ከታንቸዋ ኔፔ ሲንጻ ከታና» ጌቲቲዲ ፃፊቲዳይ ኢያሳ፡፡

11 ታ ሂንቲው ቱማ ኦዳይሰ፤ ማጫሳፔ ዩሉቲዳይሳታ ገደፊ ዮሃንሳፔ ኣጼይ ኣኒካ ባዋ፤ ሳሎ ካዋቲላን ኡባፊ ጉዳይ ኢ፡ ኢያፔ ኣጳና፡፡ 12 ፃማቂያ ዮሃንሳ ዋዲያፔ ደሚዲ ሃቸ ጋካናው ሳሎ ካዋቲላይ ዳር ናቄቲስ፡ ሚኒዳ ኣሳቲ ዋልቃን ያ ጌላና፡፡ 13 ናቤቲ ኡባይኔ ሙሴ ሂጌይ ዮሃንሳ ዋዳ ጋካናው ሳሎ ካዋቲላባ ቲንቢቲ ኦዲደሶና፡፡ 14 ሂዛ፡ ሂንቲ ኤንታ ከታ ኣማናና ጊዲኮ፡ ያና ጌቲቲዳ ኤሊያሲ፡ ኢ ዮሃንሳ፡፡ 15 ሂዛ፡ ሲዒያ ሃይሌ ዳዒይ ሲፃ፡፡

16 «ሂዛ፡ ሃ ዋዲያ ዩሉቲላ ኣይቢራ ዳሲሶ? ጊያ ጊደን ኡቲዲ ዋሊ ያጊዲ፡፡

17 ኣኮ ሂንቲው ሱሱልዒ ፑኒን፤ ሂንቲ ዩዳኬታ፡፡

ኦ ሳቢዲ ዜሌሊን፤ ሂንቲ ዩኬኬታ»

ያጊያ ናይታ ዳናሶና፡፡ 18 ፃማቂያ ዮሃንሲ ሞናኔ ኡዮና ዩን፡ ሩቱና ኣያኒ ዳዒሰን ያጊዳታ፡፡ 19 ኣሳ ናዓይ ሚሽኔ ኡዩሽ ዩን፡ ሩታምባኔ ኡሻንቸ፡ ቃራፃ ቃንዲሴይሳታኔ ናጋራንቸታ ዳቦ ያጊዳታ፡፡ ሂዛ፡ ጨንጫቴላ ቱማቴላይ ኢያ ኦሱዋን ቆንጨሰ» ያገሰ፡፡

ኣማናና ኢዳዳ ካታማታ (ሉቃ 10:13-15)

20 ሃሳፊ ጉዬ፡ ዩሱሲ ዳር ማላታታ ኦሊዳ ካታማታን ዳዒያ ኣሳቲ ባንታ ናጋራፔ ሲሚዲ ማርታን ጌሎና ኢዳዳ ጊሾ ኤንታና፡ 21 «ኣዬ ኮራዚኔ ካታማው፡ ኣዬ ቤቲሳይዳ ካታማው፡ ኣይሰ ገኮ፡ ሂንቲ ጊደን ኦሴቲዳ ማላታቲ ዊርሳኒኔ ሲደናን ኦሴቲዳ ጊዲያኮ፡ ኤንቲ ቤኒ ቢደ ቲዩቲዲ፡ ካሌ ማዒዲ ባንታ ናጋራፔ ሲሚ ኣጋና፡፡

22 ሺን ታ ሂንቲው ኦዳይሰ፤ ፐርዳ ጋላሰ ሂንቲፊ ኣሌዲ ዊርሳኒኔ ሲደናሰ ፐርዳይ ካዉያና፡፡ 23 ቃሲ፡ ቂፊርናሆሜ፡ ኔኒ ፑዳ ሳሎ ኬያናው ኮያይ? ሃኔና! ኔኒ ሲፃሊን ዩጌታና፡፡ ኣይሰ ገኮ፡ ኔ ጊደን ኦሴቲዳ ማላታቲ ሶደሜን ኦሴቲዳባ ጊዲያኮ፡ ሶደሜይ ሃቸ ጋካናው ዳዓናሺን፡፡ 24 ሺን ታ ኔው ኦዳይሰ፤ ፐርዳ ጋላሰ ኔፔ ኣሌዲ ሶደሜሰ ፐርዳይ ካዉያና» ያገዲ ሃንቄቲስ፡፡

ከሪሰቶሳን ዳዒያ ሽምፑ (ሉቃ 10:21-22)

25 ሃ ዋዳ ዩሱሲ፡ «ኣዋው፡ ሳሉዋኔ ሳዓ ጎዳው፡ ኔኒ ሃይሳ ኤራንቸታፔ፤ ጨንጫታፔ ጌንጻዳ ናይታሰ ቆንጨሲዳ ጊሾ ኔና ጋላታይሰ፡፡ 26 ኤ፡ ታ ኣዋው፡ ሃይሲ ኔ ሎፃ ሽኒያዳ ሃኒስ፡፡

27 «ኡባይ ታው ታ ኣዋፔ ኢሜቲስ፡ ኣዋፔ ሃሪ ናዓ ኤሬይ ባዋ፡ ናዓፔኔ ኢ ኤንታው ቆንጨሳናው ኮዬይሳታፔ ሃሪ ኣዋ ኤራናው ዳንዳዒይ ባዋ፡፡

28 «ሂንቲና፡ ዳቡራንቸቶ፡ ቶሆይ ዳዒዳ ኡባይ ታኮ ሃ ዩቲ፤ ታኒ ሂንቲና ሽምፐሳና፡፡ 29 ታኒ ታ ዋዛናን ኣሽኬኔ ኣዳ ጊዲያ ጊሾ ታ ቃምባራን ጌሉቲ፡ ታፔ ታማራቲ፤ ሂንቲ፡ ሂንቲ ሽምፐዋሰ ሽምፐ ዳማና፡፡ 30 ታ ቃምባራይ ሊቆ፡ ቃሲ ታ ቶሆይካ ካዉሼ» ያገሰ፡፡

12

ሳምባታ ቦንቻናው ቤሲ? (ማር 2:23-28፤ ሉቃ 6:1-5)

1 ሃሳፊ ጉዬ፡ ሳምባታ ጋላሰ፡ ዩሱሲ ጋዳ ጊደራ ኣጼሰ፡፡ ዩሱሳ ታማሬቲ ኮሻቲዳ ጊሾ ቲያ ባንጋ ሺሪኪዲ ሞሶና፡፡ 2 ሺን ፋሪሳዌቲ ሃሳ ቤዒዲ ዩሱሳኮ፡ «ሄኮ፡ ኔ ታማሬቲ ሳምባታ ጋላሰ ኣላናው ቤሶናባ ኦሎሶና» ያገደሶና፡፡

10:35 ሚክ 7:6 10:38 ማቶ 16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25
10:40 ሉቃ 10:16፤ ዮሃ 13:20፤ ማር 9:37፤ ሉቃ 9:48 11:5 ኣሳ 35:5 11:10 ሚሉ 3:1 11:12 ሉቃ 16:16 11:14 ሚሉ 4:5፤ ማቶ 17:10 11:21 ኣሳ 23:1-18፤ ሂዝ 26:1-28:26፤ ኣዶ 3:4-8፤ ኣዋ 1:9-10፤ ዛካ 9:2-4 11:23 ኣሳ 14:13 11:24 ማቶ 10:15፤ ሉቃ 10:12 11:27 ዮሃ 3:35፤ ዮሃ 1:18፤ 10:15 11:29 ኤር 6:16 12:1 ዛሬ 23:25 12:3 ሳሎ 21:1-6

3 ዩሱሲ ኤንታኮ ዛሪዲ፡ «ዳዊቱይ ኮሻቲዳ ዎዴ ኢያራ ዴዴይሳታራ ኣይ ኦሊዳኮ ናባቢቤኬት? 4 ዳዊቱይ ያሳ ኬሌ ጌሊዲ ካሂኔታ ዓላላፕ ኣቲን ኢኔ ኢያራ ዴዴይሳታሰ ቤሶና ጌሻ ዳቡዎ ሚሰ። 5 ዎይኮ ካሂኔቲ ሳምባታ ዎጋ ሻሪዲ ያሳ ኬላን ሳምባታ ጋላስ ኦሶ ኦሊኮ ኤንታው ባላ ጊደናይሳ ሙሴ ሂጊያን ናባቢቤኬት? 6 ሺን ሰዒቲ! ያሳ ኬላፊ ኣጼይ ሃይሳን ዴዴሰ። 7 ታኒ ሂንቴ ያርሹዎ ጊደናሺን ሂንቴ ሃራታ ማራና ሚላ ኮያይሰን ጊያ ቃላይ ዎይ ጉሴኮ ሂንቴ ኤሪዳኮ ደሎ ኣሳ ቦላ ፐርዴኬታ። 8 ኣሳ ናዓይ ሳምባታ ጎዳ» ያጊሰ።

9 ዩሱሲ ያፕ ቢዲ ኣይሁዴ ዎሳ ኬሌ ጌሊሰ። 10 ያን ኩሼይ ጉንዲዳ ኢሲ ኡራይ ዴዴሰ። ዩሱሳ ሞታናው ጋሶ ኮያ ኣሳቲ፡ «ሳምባታ ጋላስ ፓላናው ቤሲ ቤሴኔ?» ያጊዲ ኦይቺደሶና።

11 ኢ ኤንታኮ፡ «ሂንቴ ጊደፊ ኢሱዎሰ ዶርሲ ሳምባታ ጋላስ ኣፎን ወሊኮ፡ ጎቺዲ ኬሶናይ ኦኔ? 12 ያቲን ኣሲ ደርሳፊ ዎኒዲ ዳር ኣጼኔ? ሄሳ ጊሾ፡ ሳምባታ ጋላስ ሎዎባ ኦሶይ ቤሴሰ» ያጊሰ።

13 ሄሳፊ ጉዬ፡ ዩሱሲ ኣዲያኮ፡ «ኔ ኩሺያ ፒዲ ኦላ» ያጊን፡ ኡራይ ፒዲ ኦሊሰ። ኢያ ኩሼይ ፓዲ ሃንኮ ኩሺያዳ ሃኒሰ። 14 ሺን ፋሪሳዊቲ ያፕ ካሬ ኬዩዲ፡ ዩሱሳ ዎቲ ዎታኔኮ ማቂቲደሶና።

ያሳይ ደሪዳ ኣይሊያ

15 ዩሱሲ ኤንታ ቆፋ ኤሪዲ ሄ ቤሳ ኣጊዲ ሃራ ሶ ቢሰ። ዳር ኣሳይ ኢያ ካሊዲ ቢደሶና፡ ሃርጋንቸታ ኡባ ፓሊሰ። 16 ዩሱሲ፡ «ታባ ሃራ ኦዴሰካ ኦደፕቲ» ያጊዲ ሚንሊ ኦዲሰ። 17 ሄሲካ ናቢያ ኢሳያሲ፡

18 «ሂኮ ታ ደሪዳ ኣይሊይ፡ ታ ደሴይሲ፡ ታና ኡፋይሴይሲ፡ ታኒ ታ ኣያና፡ ኢያ ቦላ ሸምፕሳና፤ ኢ፡ ኣይሁዴ ጊደና ዴሪያሰ ሱሬ ፐርዳባ ኣዎጃና።

19 ኢ ፓላሚና ዎይኮ ካጤና፤ ባ ቃላካ ዴንባን ጮ ሲሴና። 20 ሱሬ ፐርዳን ያኖ ዴማና ጋካናው፡ ዲንጤቲዳ ማቃ ሜንሴና፡ ጤዩያ ሙቃዳ ቶይሴና።

21 ኣይሁዴ ጊደና ዴሬይ ኡባይ ኢያን ኡፋይሲ ዎላና» ያጊዲ ዓፊደይሲ ፖሊታና ሜላሳ።

ዩሱሳኔ ቢዒልዜቡላ

(ማር 3:20-30፤ ሉቃ 11:14-23)

22 ሄሳፊ ጉዬ፡ ቱና ኣያናን ኦይኬቲዳ ቆቄኔ ሙሚ ኣሴ ዴዴይሳ ኢያኮ ኤሂደሶና። ዩሱሲ ኡራ ፓሊን፡ ኡራይ ቤዒሲኔ ኦዴቲሰ። 23 ኣሳ ኡባይ ማላሌቲዲ፡ «ሃይሲ ዳዊቲ ናዓ ጊደንዴሻ?» ያጊደሶና።

24 ሺን ፋሪሳዊቲ ሄሳ ሰዒዲ፡ «ሃ ኡራይ ቱና ኣያናታ ኬሴይ ቱና ኣያናታ ሃላቃ ቢዒልዜቡላ ዎልቃና» ያጊደሶና።

25 ዩሱሲ ኤንታ ቆፋ ኤሪዲ፡ «ዎሊ ጊደን ሻኬቲያ ካዎቲላ ኡባይ ኩንዳና፤ ቃሲ ዎሊ ጊደን ሻኬቲያ ካታማይ ዎይኮ ኬላይ ሚኒዲ ኤቄና። 26 ዓላሄይ ዓላሄ ኬሲያባ ጊዲኮ ባ ጊደን ሻኬቲሰ ጉሱ። ሄሳሶ ሃኒያባ

ጊዲኮ ኢያ ካዎቲላይ ዎኒዲ ሚኒዲ ኤቃናው ዳንደዒ? 27 ታኒ ቱና ኣያና ኬሴይ ቢዒልዜቡላ ዎልቃን ጊዲኮ ሂንቴና ካሊያ ኣሳቲ ኦዴ ዎልቃን ኬሳኔ? ሄሳ ጊሾ፡ ሂንቴና ካሊያ ኣሳቲ ሂንቴና ፐርዳና። 28 ሺን ታኒ ቱና ኣያናታ ኬሴይ ያሳ ኣያናን ጊዲኮ፡ ያሳ ካዎቲላይ ሂንቴኮ ዩሰ።

29 «ዎይኮ ኢሲ ኣሲ ዎልቃማ ኣሳ ሶ ጌሊዲ ኢያ ሻሉዎ ቦንቃናው ኮይኮ ኮይርቲዲ ሄ ኡራ ቃቸና ኢደኮ ዎቲዲ ዳንደዒ? ያቲኮ ኢያ ሻሉዎ ቦንቃናው ዳንደዒዎሰ።

30 «ታራ ጊደናይ ኦኒካ ታራ ኤቄቲሰ፤ ቃሲ ታራ ኢሲፊ ሺሾና ኡባይ ላሌሰ። 31 ሄሳ ጊሾ፡ ሰዒቲ፤ ኣሳይ ኦሊያ ኣይ ናጋሪኔ ጫሻ ቃሊ ኡባይ ኣቶ ጌቲታና፡ ሺን ጌሻ ኣያና ጫያ ኦዴሰካ ኢያ ናጋራይ ኣቶ ጌቲቲና።

32 ኦኒካ ኣሳ ናዓ ቦላ ኢታባ ኦዴቲኮ ኢያው ኣቶ ጌቲታና፡ ሺን ጌሻ ኣያና ቦላ ኢታባ ኦዴቲያ ኦዴሰካ ሃ ሳዓን ጊዲን ያና ኣላሚያን ኢያ ናጋራይ ኣቶ ጌቲቲና።

33 «ሎዎ ሚላይ ሎዎ ኣይፊ ኣይፊሰ፤ ቃሲ ኢታ ሚላይ ኢታ ኣይፊሰ። ሂዛ፡ ሚላይ ኡራቲይ ባ ኣይፊያና። 34 ሂንቴና፡ ሾሻ ናይቶ፡ ሂንቴ ኢታ ጊዲሼ ዎኒዲ ሎዎባ ኦዴታናው ዳንደዒቲ? ኣሲ ባ ዎዛናን ኩሚዳባፔ ዶናን ኦዴቲሰ። 35 ሎዎ ኣሲ ባ ዎዛናን ዎሊዳ ሎዎባ፤ ሎዎባ ኬሴሰ፤ ኢታ ኣሲ ባ ዎዛናን ዎሊዳ ኢታባ፤ ኢታባ ኬሴሰ። 36 ሺን ሰዒቲ፡ ኣሳይ ኦዴቲያ ጮ ኦዳ ኡባሰ ፐርዳ ጋላስ ዛር ኢማና። 37 ኣይሰ ጊኮ፡ ኔ ኦዴቲያ ኔ ቃላን ደላና፤ ኔ ኦዴቲያ ኔ ቃላይ ኔ ቦላ ፐርዳና» ያጊሰ።

ማላታ ቤዓናው ሸቆዳ ኦይሻ
(ማር 8:11-12፤ ሉቃ 11:29-32)

38 ሄሳፊ ጉዬ፡ ኢሲ ኢሲ ፋሪሳዊቲኔ ሂጌ ኣሰታማሬቲ ዩሱሳኮ፡ «ኣሰታማሬያው፡ ኔጌ ማላታ ኦላዳ ኦና ቤሳ» ያጊደሶና።

39 ሺን ዩሱሲ ዛሪዲ፡ «ኣማኔቶናኔ ኢታ ዩሌቲላይ ማላታ ኮዩሰ። ሺን ናቢያ ዮናሳ ማላታፔ ሃራ ማላቲ ኢያው ኢሚቲና። 40 ዮናሲ ጊታ ሞሎ ኡሎን ሂቩ ጋላሲኔ ሂቩ ቃማ ጋምዒዳይሳ ሚላ ኣሳ ናዓይ ሂቩ ጋላሲኔ ሂቩ ቃማ ቢታ ጋርሳን ጋምዓና። 41 ናናዌ ኣሳይ ፐርዳ ጋላሰ ዴንዲዲ ሃ ዩሌቲላ ቦላ ፐርዳና፤ ኣይሰ ጊኮ፡ ኤንቴ ዮናሳ ሲብካቲያ ሰዒዲ ባንታ ናጋራፔ ሰሚደሶና። ሄኮ፡ ዮናሳፔ ኣጼይሲ ሃይሳን ዴዴሰ።

42 ፐርዳ ጋላሰ ዲጌሃ ካዊያ ዴንደዳ ሃ ዩሌቲላ ቦላ ፐርዳና፤ ኣይሰ ጊኮ፡ ኢያ ሶሎሞኔ ጩንጫቲላ ሰዓናው ቢታ ጋፀፔ ያሱ። ሄኮ፡ ሶሎሞኔ ኣጼይ ሃይሳን ዴዴሰ።

43 «ቱና ኣያናይ ኣሳፔ ኬዩዳፔ ጉዬ ባው ሸምፕያሶ ኮዩዲ ሃሊ ባይና ሚላ ቤሳን ዳቡሬሰ። ሺን ባ ኮያ ሸምፕዎ ዴማና። 44 ያኒን፡ ታ ኣጋ ኬዩዳ ኬላ ሰማዳ ባና» ያጊሰ። ኢ ሰሚያ ዎዴ ኬላይ ካይሲ ጊዴይሳኔ ፐቲቲዲ ጊጊ ኡቲዳይሳ ዴሚሰ። 45 ሂዛ፡ ሰሚ ቢዲ፡ ባፔ ኢቲያ ሃራ ላፑን ኢታ ኣያናታ ኤኪዲ ዩሰ፤ ኤንቲካ ኡራ ጊደ ጌሊዲ ዴዎሶና። ሄ ኡራሰ ካሴይሳፊ ጉዬይሲ ዳር ኢቲሰ። ሃ ኢታ ዩሌቲላ ቦላ ሃሳ ሚላ ሃናና» ያጊሰ።

12:4 ለዌ 24:9 12:5 ታይ 28:9-10 12:7 ማቶ 9:13፤ ሆሴ 6:6 12:11 ሉቃ 14:5 12:18 ኢሳ 42:1-4 12:24 ማቶ 9:34፤ 10:25 12:30 ማር 9:40 12:31 ሉቃ 12:10 12:32 ሉቃ 12:10 12:34 ማቶ 3:7፤ 23:33፤ ሉቃ 3:7፤ ማቶ 15:18፤ ሉቃ 6:45 12:38 ማቶ 16:1፤ ማር 8:11፤ ሉቃ 11:16 12:39 ማቶ 16:4፤ ማር 8:12 12:40 ዮሃ 1:17 12:41 ዮሃ 3:5 12:42 1ካዎ 10:1-10፤ 2ታሪ 9:1-12

ዩሱፍ አዩወኔ ኢያ አሻታ
(ማር 3:31-35፤ ሉቃ 8:19-21)

46 ዩሱሲ ዳሪያሰ ኦዳ ቦላ ዳዊሽን ኢያ አያኔ ኢያ አሻቱ ኢያ ኦዲሳናው ኮዩዲ ካሬን ኤቂደሶና። 47 ኢሲ አሲ ኢያኮ፡ «ኔ አያኔ ኔ አሻቱ ኔና ኦዲሳናው ኮዩዲ ካሬን ኤቂደሶና» ያገሰ።

48 ዩሱሲ ዛሪዲ፡ «ታ አያ ኦኔ? ታ አሻቱካ ኦናንቱ?» ያገሰ። 49 ባ ኩሺያራ ታማሬታ ማሊሹ፡ «ቤዒቱ፡ ታ አያኔ ታ አሻቱ ሃይሳታ። 50 ሳሎን ዳዊያ ታ ኣዎ ሽኒያ ኦሊያ ኡባይ ታ አሻ፡ ታ ሚቾኔ ታ ኣዮ» ያገሰ።

13

ዜሬሌ ዜሪያ ኡራ ሌሚሶ
(ማር 4:1-9፤ ሉቃ 8:4-8)

1 ሄ ጋላሰ ዩሱሲ ሶፔ ኮዩዲ ኣባ ጋፃን ኡቲስ።
2 ዳር ዳሬይ ኢያ ዩሹዋን ሸቂን ኣሳ ኣባ ጋፃን ኣጋገዲ ዋጎሎን ጌሊዲ ኡቲስ። 3 ኣሳሰ ዳርባ ሌሚሶን ያገዲ ኦዲስ።

«ኢሲ ጎሻንቾይ ዜሬሌ ዜራናው ኮዩስ። 4 ኢ ዜሪያ ዎዳ ኢሲ ኢሲ ዜሬላቲ ኦፔ ጋፃን ዎዳደሶና፤ ኤንታካ ካፎቲ ዩዲ ማዳ ሚደሶና። 5 ኢሲ ኢሲ ዜሬላቲ ጋርሳን ሻሎይ ዳዊያ ቢታ ቦላ ዎዳደሶና። ዳር ቢቲ ባይና ገሾ ኤሌሲዲ ደሊስ። 6 ሺን ኣዎይ ኮዩን ሹሊስ፤ ፃጶይ ባይና ገሾ ሚሊስ። 7 ኢሲ ኢሲ ዜሬላይ ኣጉንላ ገደን ዎዳሰ፤ ኣጉንላይ ዲጪዲ ሄ ደላ ጩሊስ። 8 ሃራቲ ቃሲ ኣራዳ ቢታ ቦላ ዎዳሰ፤ ደሊዲ ኣይፌ ኣይፌስ። ኢሶይ ያታ፡ ኢሶይ ኡሱፑን ታማ፡ ኢሶይ ቃሲ ሃሰታማ ኣይፌስ። 9 ሲዒያ ሃይላ ዳዊያ ኡራይ ሲዎ» ያገሰ።

10 ዩሱፍ ታማሬቲ ኢያኮ ሸቂዲ፡ «ኣይስ ኔኒ ዳሪያሰ ሌሚሶን ኦዲይ?» ያገዲ ኦዲቾደሶና።

11 ኢ ዛሪዲ፡ «ሂንቲው ሳሎ ካዎቲላ ፀራ ኤራይ ኢሚቲስ፡ ሺን ኤንታው ኢሚቲቤና። 12 ዳዊያ ኡባሰ ጉኩታና፡ ኢያው ዳራና፡ ሺን ባይናይሳፌ ሃሪ ኣቶሺን ኢያው ዳዊያራካ ኤኬታና። 13 ሄሳ ገሾ፡ ታኒ ኤንቲ፡ ያሊሹ ዳዎና ሚላ፡ ሲዒሹ ሲዎና ሚላ ዎይኮ ኣኬኮና ሚላ ኤንታው ሌሚሶን ኦዲይስ።

14 «ኣሳያሲ ባ ማፃፋን ኦዲዳይሲ ኤንታ ቦላ ፖሌቲስ። ኢ ኦዲሹ፡

«ሂንቲ ሲሳ ሲዒታ፡ ሺን ኣኬኬኬታ፤ ሂንቲ ያሊታ፡ ሺን ቤዒኬታ።
15 ኣይስ ገኮ፡ ሃ ኣሳ ዎዛናይ ዜልዐሚስ፤ ባንታ ሃይላ ኤሪሹ ቱሊሲደሶና፤ ባንታ ኣይፌያ ጎዚደሶና፤ ሄሲ ባይኔኮ ኤንቲ ባንታ ኣይፌያን ቤዒዲ፤ ባንታ ሃይላን ሲዒዲ፤ ባንታ ዎዛናን ኣኬኪዲ፤ ታኮ ሲማና፤ ታካ ኤንታ ፓላናሺን» ያገሰ።

16 «ሺን ሂንቲ ኣይፌቲ ቤዒያ ገሾኔ ሂንቲ ሃይላቲ ሲዒያ ገሾ ሂንቲ ኣንጃቲዳይሳታ። 17 ታ ሂንቲው ቱማ ኦዲይስ፤ ዳር ናቤቲኔ ያሎ ኣሳቲ ሂንቲ ቤዒይሳ ቤዒናወኔ ሂንቲ ሲዒይሳ ሲዒናው ኣሞቲደሶና፤ ሺን ኤንታው ሃኒቤና።

18 «ሂዛ፡ ሃ ዜሬላ ዜሪያ ኡራ ሌሚሶው ሲዒቲ።
19 ኦፔ ጋፃን ዎዳደሶና ዜሬላ ሌሚሶይ ሃይሳ፡ ሳሎ ካዎቲላ ቃላ ሲዒዲ ኣኬኮና ኡራ ዎዛና፤ ፃላሃይ ዩዲ ኢያ ዎዛናን ዳዊያ ዜሬላ ማዳ ዲጌስ። 20 ሻሎይ ጋርሳን ዳዊያ ቢታ ቦላ ዜሬቲዳይሲ ቃላ ሲዒዲ ኤሌሲዲ ኡፋይሳን ኤኬይሳታ። 21 ሺን ፃጶ ዩዳናው ዳንዳሶና ገሾ ዳር ጋምዎኮና። ቃላ ጋሶን ሚቶይ ዎይኮ ጎዳቲላ ያ ዎዳ ኤሌሲ ዱቤቶሶና። 22 ኣጉንላ ጋላን ዜሬቲዳይሲ ቃላ ሲዒስ፡ ሺን ሃ ኣላሚያ ዱሳ ሂርጋይኔ ዱሬቲላ ቆፋይ ቃላ ጩሊያ ገሾ ኣይፌ ኣይፎና ኣቲስ። 23 ሺን ኣራዳ ቢታን ዜሬቲዳ ዜሬላይ ኣኬካን ቃላ ሲዒያ ኡራ። ኢ ኣይፌ ኣይፌስ፤ ኢሶይ ያታ፡ ኢሶይ ኡሱፑን ታማ ኢሶይ ቃሲ ሃሰታማ ኣይፌስ» ያገሰ።

ሌሹዋ ሌሚሶ

24 ዩሱሲ ኤንታው ሃራ ሌሚሶ ኦዲስ፡ «ፃሳ ካዎቲላይ ባ ጎሻን ሎዎ ዜሬሌ ዜሪዳ ኡራ ዳኔስ። 25 ሺን ኣሲ ኡባይ ዳሰኪን ኢያ ሞርኬይ ዩዲ ገሰቲያ ገደን ሌሾ ዜሪዲ ቤስ። 26 ገሰቲይ ዲጪዲ ኣይፌያ ዎዳ ሌሾይ ኢያ ገደን ቤንቲስ።

27 «ጋዲያ ጎዳ ኣይሌቲ ጎዳኮ ቢዲ፡ ሳዳው፡ ኔ ጎሻን ኔ ሎዎ ዜሬሌ ዜራቢኪሾ? ያቲን፡ ሌሾይ ኣወፔ ዩዳ?» ያገደሶና።

28 «ኢ ኤንታኮ፡ ሳሳ ሞርኬይ ኦሊስ» ያገሰ። «ኣይሌቲ ጎዳኮ፡ ሳሳ ቢዲ ሌሹዋ ሾዳና ሚላ ኮያይ?» ያገደሶና።

29 «ሺን ኢ፡ ሳቶ ቦቾሬቲ፤ ሂንቲ ሌሹዋ ሾዳይስ ገሺን ገሰቲይ ሾዳታና። 30 ቦቾሬቲ፤ ጫካ ዎዳይ ጋካናው ኢሲፌ ዲጮ። ሄ ዎዳ ጫኪያ ኣሳታ ሌሹዋ ሲንላቲዲ ማዳዲ ታማን ፀጋናው ሚርቁን ሚርቁን ቃቾቲ። ሺን ገሰቲያ ሺሺዲ ታ ሻሊያን ቆሊቲ» ያገሰ።

ጉላ ሚላ ሌሚሶ

(ማር 4:30-32፤ ሉቃ 13:18-19)

31 ቃሲ ሃራ ሌሚሶ ያገዲ ኦዲስ፤ «ሳሎ ካዎቲላይ ኢሲ ኣሲ ባ ጎሻን ባኪዳ ጉላ ሚላ ኣይፌ ዳኔስ። 32 ሄ ሚላ ኣይፌይ ሃራ ሚላ ኣይፌታፔ ጉላ፡ ሺን ኢያ ደላ ዲጪዲ ሃራ ሚላታ ኡባፌ ኣቆ ገታታውሱ። ኢ ታሺያን ካፎቲ ኮዳዲ ኡታና ጋካናው ዎልቃማ ሚላ ገዳወሱ» ያገሰ።

ኢርሾ ሌሚሶ

(ሉቃ 13:20-21)

33 ካሊዲካ፡ ዩሱሲ ሃራ ሌሚሶ ኦዲስ፤ «ሳሎ ካዎቲላይ ኢሲ ማጫሲ ሄሹ ጋባቲ ዳሌ ኤካ ሙኑቃዳ፡ ሙኑቃይ ዳንዳና ሚላ ኢያን ጉጂዳ ኢርሾ ዳኔስ» ያገሰ።

34 ዩሱሲ ዳሪያሰ ሄ ሌሚሶው ኡባ ኦዲስ። ሌሚሶይ ባይና ኢሲባካ ኦዲቤና። 35 ናቤይ ባ ማፃፋን፡ «ታኒ ታ ደና፡ ሌሚሶን ደያና፤ ሳሎይኔ ሳዒይ ሚዴቶሳቲ፡ ገሚዳይሳ ኦዲይስ» ያገዲ ኦዲዳይሲ ሃሳን ፖሌቲስ።

ሌሾ ሌሚሶው ቢርሼላ

36 ዩሱስ ዳሪያ ሞይዚዲ ሶ ጌሊሰ። ኢያ ታማራት ኢያኮ ሸቆዲ። «ጎሻን ዳሪያ ሌሹዋ ቢርሹላ ኮስ ኦዲ» ያገደሰና።

37 ኢ ዛሪዲ። «ሎዎ ዜሬላ ዜሪዲዲ ኣሳ ናዓ።

38 ጎሻይ ሃ ኣላሚያ። ሎዎ ዜሬላይ ሳሎ ካዎቴላ ናይታ።

ሌሾይ ፃላሃ ናይታ። 39 ሌሹዋ ዜሪዲዲ ሞርኪያ ፃላሃ።

ጫካ ዋዴይ። ዋዲያ ወርሴላ። ጫኬይሳት ኪታንቸታ።

40 «ሌሾይ ማጻቲዲ ታማን ፀጌቲይሳ ማላ ዋዲያ

ወርሴላን ሄሳዲ ሃናና። 41 ኣሳ ናዓይ ባ ኪታንቸታ

ኪታና። ኤንቲ ናጋራሰ ጋሶ ጌዴይሳታኔ ኢታ ኦሊያ ኡባ

ማጻዲ ኢያ ካዎቴላሬ ኬሳና። 42 ማጻ ሸሸዲ ዩሆይኔ

ኣቻ ጋርጩላ ዳሪያ ቶዖና ታማን ዩጋና። 43 ሄ ዋዴ

ጻሎቲ ባንታ ኣዎ ካዎቴላን ኣዎዲ ፖሳና። ሲዒያ ሃይላ

ዳዓይ ሲዖ!

44 «ጻሳ ካዎቴላይ ጎሻን ሞጌቲዲ ማሽ ዳኔስ። ኢሲ

ኣሲ ሄ ማሽያ ዳሚዲ ዛሪ ሞጌሰ። ዳር ኡፋይቲዲ

ቢዲ ባው ዳሪያባ ኡባ ባይዚዲ ሄ ጎሻ ጋዲያ ሻሚሰ።

45 «ሄሳዲካ። ቃሲ ሳሎ ካዎቴላይ ኢንቆ ጌያ ኣልዎ

ሹቻታ ኮያ ዛልዓንቸ ዳኔስ። 46 ዳር ኣልዎ ኢንቁዎ

ዳሚዲ ቢዲ ባው ዳሪያባ ኡባ ባይዚዲ ኢያ ሻሚሰ።

ሞሎ ኦይኪያ ጌቲ ለሚሶ

47 «ቃሲ ጻሳ ካዎቴላይ ኣባን ዩጌቲዲ ዲማ ዲማ

ቆሞ ሞሎ ኦይኪያ ጌቲያ ዳኔስ። 48 ሞሎ ኦይኪያ

ኣሳቲ ሞሎይ ጌቲያን ኩሚን ኣባሬ ጋፃ ኬሲደሶና።

ያን ኡቲዲ ሎዎታ ቆሪ ቆሪ ዳቸን ዩጌደሶና። ሺን ኢታ

ሞሎታ ዋራ ሆሊደሶና። 49 ዋዲያ ወርሴላን ሄሳላ

ሃናና። ኪታንቸቲ ዩዲ ናጋራንቸታ ጻሎታ፤ ሻኪዲ።

50 ዩሆይኔ ኣቻ ጋርጩላ ዳሪያ ቶዖና ታማን ዩጋና።

51 «ሃ ኡባይ ሂንቴው ጌሊዴ?» ያገደዲ ኤንታ

ኦይቸሰ።

ኤንቲ ዛሪዲ። «ኤ» ያገደሰና።

52 ዩሱስ። «ሂዛ። ሳሎ ካዎቴላ ኤራ ኤኪዲ ሂጊያ

ታማርሲያ ኡባይ። ባ ሚንጂዲ ሻሉዋ፤ ኦራላኔ ጋልዓ

ኬሲያ ኣሴ ዳኔስ» ያገሰ።

ዩሱስ ናዚሬቲን ኢጻቲሰ

(ማር 6:1-6፤ ሉቃ 4:16-30)

53 ዩሱስ ሃ ለሚሶዎ ኦዲ ወርሲዳ፤ ጉዬ ያፔ

ዳንዲዲ ቢሰ። 54 ባ ዩሎቲዲ ቢታ ቢዲ ኣይሁዳ

ዋሳ ኬላን ዳሪያ ታማርሲሰ። ኤንቲ ማላሌቲዲ። «ሃ

ኡራይ ሃ ጨንጨቲላኔ ሃ ማላታታ ኦሊያ ዋልቃ ኣወፔ

ኤኪዴ? 55 ሃይሲ ኣናጻያ ናዓ ጌዴኔዬ? ኢያ ኣዬ

ሱንሳይ ማይራሞ ጌዴኔ? ኢያ ኢሻቲ ያይቆባ። ዮሴፋ።

ሲሞና ኢሁዳ ጌደኮናዬ? 56 ኢያ ሚቹቲ ኦራ ዳዖሶና

ጌደኮና? ያቲን። ሃ ኡራይ ሃ ኡባ ኣወፔ ኤኪዴ?»

ያገደሰና። 57 ሄሳ ጌሾ። ኢ ጌያባ ኤኮና ኢጻደሶና።

ሺን ዩሱስ። «ናይይ ባ ዩሎቲዲ ቢታኒኔ ባ ሶ ኣሳ

ማታን ቦንቹቲና» ያገሰ። 58 ኤንቲ ኣማኖና ኢጻዳ ጌሾ

ዳር ማላታታ ሄ ቤሳን ኦሊቤና።

14

ፃማቂያ ዮሃንሳ ሃይቁዎ

(ማር 6:14-29፤ ሉቃ 9:7-9)

1 ሄ ዋዴ ጋሊላ ኣይሲያ ሄርዲሲ * ዩሱሳባ ሲዒሰ።

2 ባ ኣይሌታኮ። «ሃይሲ ፃማቂያ ዮሃንሳ፤ ኢ ሃይቆፔ

ዳንዲሰ። ያገደዲ ጌሾ ሃ ኡባ ማላታታ ኢ ኦሌስ» ያገሰ።

3 ኢ ሄሳ ጌዳይ ሄርዲሲ ባ ኢሻ ፊልጶሳ ማቹ

ሄርዲያዲ ጋሶን ዮሃንሳ ቃሾ ኬላ ጌልሲዳ ጌሾሳ።

4 ዮሃንሲ ሄርዲሳ። «ኔ ኢዮ ኤካናው ዋጋ ጌዴና»

ያገሰ። 5 ሄርዲሲ ዮሃንሳ ዋጻናው ኮዩሰ። ሺን ዳሬይ

ዮሃንሳ ናቤ ኦሊዲ ቤዒያ ጌሾ ያሸቲሰ።

6 ሄርዲሲ ባ ዩሎቲዳ ጋሳባ ቦንቹያ ዋዴ ሄርዲያዳ

ናዒያ ኣሳ ሲንላን ዩላን ዲራዳ ኢያ ኡፋይሳሱ።

7 ያቲን። ኢ። «ኢያ ኮያባ ኡባ ኣማና ጌዲ» ጫቂሰ።

8 ናዒያ ባ ኣዬ ዘሪያ ሲዒዳ ሄርዲሳኮ። «ፃማቂያ

ዮሃንሳ ሁዒያ ኬሬን ዋላዳ ታው ኢማ» ያገሰ። 9 ኢያ

ያገን ካዎይ ቁርቲሰ። ሺን ባ ጫቁዎ ጌሾኔ ባራ ዳዒያ

ኢማላታ ጌሾ ጌዲ ኢ ኦይቫይ ፖሌታና ማላ ኪቲሰ።

10 ካዎይ ኣሴ ኪቲዲ ዮሃንሲ ቃሾ ኬላን ዳዒሺን ኢያ

ቆጲያ ጎይሪሰሰ። 11 ሁዒያ ኬሬን ዋላ ኤሂዲ ናዒሰ

ኢሚደሶና፤ ናዒያካ ኤካዳ ባ ኣዬሰ ኤፋሱ። 12 ዮሃንሳ

ታማራቲ ዩዲ ኢያ ኣሃ ኤፊዲ ሞጌደሶና። ኢያፔ ጉዬ

ሃኒዳባ ኡባ ቢዲ ዩሱሳሰ ኦዲደሶና።

ዩሱስ ኢቻሹ ሙኩሉ ኣሳ ሙዚሰ

(ማር 6:30-44፤ ሉቃ 9:10-17፤ ዮሃ 6:1-14)

13 ዩሱስ ሃኒዳባ ሲዒዳ ዋዴ ዋጎሉዋን ጌሊዲ ሄ

ቤሳሬ ኢሲ ጌሚያ ሶ ባርካ ቢሰ። ኣሳይ ሄሳ ሲዒዲ

ካታማታ፤ ዳንዲዲ ቶሆን ኢያ ካሊደሶና። 14 ዩሱስ

ዋጎሉዋ፤ ዋጲዲ ዳር ኣሳ ቤዒዲ ኤንታው ቃጴቲሰ።

ኤንታ ጌደን ዳዒያ ሃርጋንቸታ ፓላሰ።

15 ሳዓይ ኦማርሲሼ ቢያ ዋዴ ዩሱሳ ታማራቲ ኢያኮ

ሸቆዲ። «ሃ ቤሳይ ኣሲ ባይና ቤሰ። ሳዓይካ ቃሚሰ።

ያኒያ ጌሾ። ሄራን ዳዒያ ጉታታ ቢዲ ባንታው ሻሚዲ

ማና ማላ ዳሪያ ዩዳ» ያገደሰና።

16 ሺን ዩሱስ ኤንታኮ። «ዳሬይ ሞና ባናው ኮሼና፤

ኤንቲ ማናባ ሂንቴ ኢሚቲ» ያገሰ።

17 ኤንቲ ዛሪዲ። «ኮሰ ሃይሳን ኢቻሹ ኡይላሬኔ

ናምዑ ሞሎ፤ ሃሪ ባዎ» ያገደሰና።

18 ኢካ። «ኣኔ ኤንታ ሃ ኤሂቲ» ያገሰ። 19 ካሊዲካ።

ዳሬይ ማታን ኡታና ማላ ኦዲሰ። ኢቻሹ ኡይላኔ ናምዑ

ሞሎታ ኤኪዲ። ሳሎ ጻሊዲ ጋሳቲ ሲሚዲ። ኡይላ

ማንላዲ ባ ታማራታሰ ኢሚሰ፤ ኤንቲ ቃሲ ዳሪያሰ

ኢሚደሶና። 20 ኡባይ ሚዲ ካሊደሶና። ዩሱሳ ታማራቲ

ሚሺን ኣቲዳይሳ ታማኔ ናምዑ ጋይታ ዳንላደሶና።

21 ካላ ሚዲ ኣሳይ ማጫሳይኔ ናይቲ ኣቲን ኢቻሹ

ሙኩሉ ጌዴሰ።

ዩሱስ ኣባ ቦላራ ሃሙቲሰ

(ማር 6:45-52፤ ዮሃ 6:15-21)

22 ዩሱስ ባ ታማራቲ ዋጎሉዋን ጌሊዲ ባፔ

ሲንላቲዲ ኣባሬ ሄ ሬንላ ፐናና ማላ ኪቲዲ ባው

ዳሪያ ሞይዛናው ጉዬ ኣቲሰ። 23 ዳሪያ ሞይዚ ሲሚዲ

ባርካ ዋጎናው ኢሲ ዳሪያ ቦላ ኬዩሰ። ሳዓይ ቃሚንካ

ኢ ባርካ ያን ጋምዒሰ። 24 ሄ ዋዴ ዋጎሎይ ኣባ ቦላ

ቢሺን ሲንላ ባጋራ ጫርኮይ ዳንዲን ሆቤይ ዋጎሉዋ

ኤንዒላሰ።

25 ዋንቲማላ ቦላ ዩሱስ ኣባ ቦላ ሃሙቲሼ ባ

ታማራታኮ ዩሰ። 26 ኢያ ታማራቲ። ኢ ኣባ ቦላ ሃሙቲሼ

13:57 ዮሃ 4:43 * 14:1 ሄርዲሲ። ሃይሲ ካወዎ ሄርዲሲ ኣንቲጶሳ። ኢ ዩሁዳኔ ፔሪያ ኪሪሰቶሲ ዩሉታና፤ ሲንላ 4-39 ሞ.ል. ጋካናው ሃሪሰ። ኢ ካወዎ ሄርዲሳሰ ናዓ። 14:4 ሉቃ 3:19-20፤ ለዌ 18:16፤ 20:21

ባንታኮ ዩይሳ ቤዒዲ ያዩደሶና። ኤንቲካ፣ «ሃይሲ ሞይቲሌ» ጊዲ ያዩዲ ዋሲደሶና።

27 ሺን ዩሱሲ ኤሌሲዲ፣ «አይኮይ ባዋ! ያዮፊቴ! ታናባይ» ያገሰ።

28 ጳጳርሲ ኢያኮ፣ «ጎዳው፣ ኔና ጊዲኮ፣ ታኒ ሃላ ቦላራ ሃውታዳ ኔኮ ባና ማላ ታና ኪታ» ያገሰ።

29 ዩሱሲ ጳጳርሳኮ፣ «ሃያ» ያገሰ። ጳጳርሲ ዋጎሉዋፔ ዋጲዲ ሃላ ቦላራ ሃውታሺ ዩሱሳኮ ቡሱ ኦይኪሰ። 30 ሺን ዋልቃማ ጫርኩዋ ቤዒዲ ያዩሰ። ሃላን ማቴቴሌ ኦይኪዳ ዋዳ «ጎዳው፣ ታና አሻርኪ» ያገረዱ ዋሲሰ።

31 ዩሱሲ ኤሌሲዲ ባ ኩሺያ ዩዲ ኢያ ኦይኪዲ፣ «ኔና፣ አማናይ ፓጩዳይሶ አይሰ ሲቆይ» ያገሰ።

32 ዩሱሳራኔ ጳጳርሳራ ዋጎሉዋን ጌሊዲ ዋዳ ጫርኮይ ሲዲ ገሰ። 33 ዋጎሉዋ ጊደን ዳዒያ ኢያ ታማሬቲ፣ «ኔኒ ቱማካ ያሳ ናዓ» ጊዲ ጎይኒደሶና።

34 ኤንቲ አባ ፒኒዲ ፔንሳሬጃ ቢታ ጋኪደሶና። 35 ሃ ቢታን ዳዒያ አሳይ ዩሱሳ ኤሪዳ ዋዳ ባንታ ሃራን ዳዒያ ጉታ ኡባ ኪታ ዩዲደሶና። አሳይ ሃርጋንቸታ ኡባ ኢያኮ ኢሂደሶና። 36 ሃርጋንቸቲ ኢያ አፊላ ማጫራ ፃላላ ቦቻና ማላ ዋሲደሶና። ቦቹዳ ኡባይካ ፓዒደሶና።

15

አዋታ ዋጋጋ (ማር 7:1-13)

1 ሃሳፌ ጉዬ፣ ኢሲ ኢሲ ፋሪሳዊቲኔ ሂጌ አሰታማሬቲ ዩሩሳላማፔ ዩሱሳኮ ዩዲ፣ 2 «ኔ ታማሬቲ አይሰ ኦ አዋታ ዋጋ ማንሉና? ኤንቲ ካሌ ማናፔ ሲንሌ ባንታ ኩሺያ ማጩቶኮና» ያገረዱ ኦይቸደሶና።

3 ዩሱሲ ዛሪዲ፣ «ሂንቲ፣ ሂንቲ ዋጋ ገሾ ያሳ ኪታ ፖሌይሳ አይሰ ኢጻቲ? 4 አይሰ ገኮ፣ ያሳይ፣ ኔ አዋኔ ኔ አዩው ቦንቻ። ኢ ባ አዋ ዋይኮ ባ አዩው ጫዬይሲ ሃይቆ ገቤኔ?» ያገሰ።

5 ሺን ሂንቲ፣ ኢሲ አሲ ባ አዋ ዋይኮ ባ አዩው ማዳናባይ ዳዒሺን፣ «ሃይሳ ታ ያሳሰ ያርሻሰ ገኮ፣ 6 ባ አዋ ዋይኮ ባ አዩው ቦንቻናው ቤሴና» ያገታ። ያቲዲ ሂንቲ፣ ሂንቲ ዋጋ ፖላናው ያሳ ቃላ ማንሌታ። 7 ሂንቲኖ፣ ጩቦቶ፣ ኢሳያሲ ሂንቲባ ሊኬ ኢዲሰ።

8 « ሃ አሳይ ታና ባንታ ደናን ቦንቹሰ፣ ሺን ኤንታ ዋዛናይ ታፔ ሃሆን ዳዒሰ።

9 አሳይ ታና ጮ ጎይኖሶና፤ ኤንቲ አሲ ማጲዳ ኪታ ያሳ ሂጌ ዳኒሲዲ ታማርሶሶና» ገሰ» ያገሰ።

አሴ ቱኒሲያባታ (ማር 7:14-23)

10 ዩሱሲ ዳር አሳ ባኮ ጃገዲ፣ «ሲዒቲ! አኩከቲ! 11 አሴ ቱኒሲያባይ ደናራ ጌሊያባ ገደናሺን ደናፔ ኬያባ» ያገሰ።

12 ሃሳፌ ጉዬ፣ ዩሱሳ ታማሬቲ ኢያኮ ዩዲ፣ «ፋሪሳዊቲ ኔኒ ገዳይሳ ሲዒዲ ጴቤቲዳይሳ አኩካይ?» ያገረደሶና።

13 ሺን ዩሱሲ ኤንታው ዛሪዲ፣ «ሳሉዋን ዳዒያ ታ አዋይ ቶኪቦና ማላይ ኡባይ ሾዴታና። 14 ኤንታባ ሂርጎፊቲ፤ ኤንቲ ቆቄ ካሌሊያ ቆቄታ። ቆቄይ ቆቄ ካሌሊኮ፣ ናምዓይካ ኦላን ኩንዳና» ያገሰ።

15 ጳጳርሲ ዛሪዲ፣ «ሃ ለሚሱዋ ቢርሼላ ኦሰ ኦዳርኪ» ያገሰ።

16 ዩሱሲ ኤንታኮ፣ «ሂንቲወካ ሃዒ ጋካናው ጌሊቤኔ? 17 ደናራ ጌሊያባ ኡባይ ኡሎ ጌሊዲ ካሬ ኬይሳ ኤሬኬቲ? 18 ሺን ደናራ ኬያባይ ዋዛናፔ ኬዩሰ። አሴ ቱኒሲያባቲ ሂሳታ። 19 ኤንቲካ አሳ ዋዛና ገደፌ ኬያ ኢታ ቆፋ፣ ዋጶ፣ ላይማቴሌ፣ ኢታ ኦሶ፣ ካይሶ፣ ዋርዶ ማርካቴሌ፣ ጫሺ። 20 ሃሳ ዳኒያባቲ አሴ ቱኒሴሲፔ አቲን ማጩቶና ኩሼራ ማይሲ ቱኒሴና» ያገሰ።

ኢሲ ማጫሴ አማኑዋ (ማር 7:24-30)

21 ሃሳፌ ጉዬ፣ ዩሱሲ ያፔ ኬዩዲ ዓርሳኔ ሲደና ካታማቲ ዳዒያ ቢታ ቢሰ። 22 ኢሲ ካናኔ ቢታ ማጫሰ ዩሱሳኮ ያዳ፣ ባ ቃላ ቶቁ አላዳ፣ «ጎዳው፣ ደዋቲ ናዓው፣ ታው ቃጴታርኪ፤ ታ ናዒው ቱና አያናይ ኦይኪዲ ኢታ ዋይሴሰ» ያጋሱ።

23 ሺን ዩሱሲ ኢሲ ቃላካ ዛርና ሲዒ ገሰ። ዩሱሳ ታማሬቲ ኢያኮ ዩዲ፣ «ሃ ማጫሲያ ኦ ጌዶ ካላ ካላዳ፣ ዋሳወሱ። ሃሳ ገሾ፣ ኔኒ ኢዮ ሞይዛርኪ» ያገረዱ ዋሲደሶና።

24 ዩሱሲ ዛሪዲ፣ «ታኒ ወዴፔ ቆዩዳ ደርሳዳ ኢሰራዒሌ ኬላፌ ቆዩዳ አሳታ ፃላላሰ ኪቲታሰ» ያገሰ።

25 ሺን ኢያ፣ ኢያ ሲንላን ኩንዳዳ፣ «ጎዳው፣ ታና ማዳርኪ?» ያጋሱ።

26 ኢ ዛሪዲ፣ «ናይታ ካሌ ኤኪዲ ካናታሰ ዩጌይሲ ሎጆ ገዳና» ያገሰ።

27 ማጫሲያካ፣ «ጎዳው፣ ሄሲ ቱማ፣ ሺን ሃሪ አቶሺን ካናቲ ባንታ ጎዳቲ ሚሺን፣ ጋይታፔ ዋጲያ ቲፊያ ሞሶና» ያጋሱ።

28 ዩሱሲ ዛሪዲ፣ «ሃ ማጫሴቲ፣ ኔ አማናይ ገታ፤ ኔ ኮዩዳይሳዳ ኔው ሃና» ያገሰ። ኢ ናዒያ ኢራካ ፓፃ አጋሱ።

ዩሱሲ ዳር ሃርጋንቸታ ፓሊሰ

29 ዩሱሲ ያፔ ዳንዲዲ ጋሊላ አባ ማቲ ቢሰ። ኢሲ ዳሪ ቦላ ኬዩዲ፣ ያን ኡቲሰ። 30 ዳር አሳይ ባንታራ፣ ዋቤታ፣ ቆቄታ፣ ኩናታ፣ ደና ሙሜታኔ፣ ሃራ ዳር ሃርጋንቸታ ኤኪዲ፣ ኢያኮ ኤሂዲ ኢያ ሲንላን ዋሊደሶና። ዩሱሲ ኤንታና ፓሊሰ። 31 ሃሳ ገሾ፣ ሙሜቲ ኦዴቲሺን፣ ኩናቲ ፒዲ ገሺን፣ ዋቤቲ ሃውቲሺን፣ ቆቄቲ ጃሊሺን አሳይ ቤዒዲ ማላሌቲዲ፣ ኢሰራዒሌ ያሳ ጋላቲደሶና።

ዩሱሲ ኦይዲ ሙኩሉ አሳ ሙዚሰ (ማር 8:1-10)

32 ዩሱሲ ባ ታማሬታ ባኮ ጃገዲ፣ «ሃ ዳር አሳይ ታራ ሂቹ ጋላሰ ጋምዒዳ ገሾኔ ኤንታው ሃዒ ሚያባይ ባይና ገሾ ታኒ ኤንታው ቃጴታይሰ። ኤንቲ ኦጌን ዳቡሪዲ ኩንደና ማላ አይኮ ሙዛና ኤንታ ማላ ዩዳናው ኮዩኬ» ያገሰ።

33 ኢያ ታማሬቲ ዛሪዲ፣ «ኦኒ ሃ ባዙዋን ሃይሳ ኬና አሳሰ ገዲያ ካሌ አዉፔ ደማኔ?» ያገረደሶና።

34 ዩሱሲ ኤንታኮ፣ «ሂንቲው አፑን ኡይሌ ዳዒ?» ያገረዱ ኦይቸሰ።

ኤንቲ ዛሪዲ፣ «ላፑን ኡይሌኔ ላፋ ሞሎታፔ ጉሌ ዳዒሰ» ያገረደሶና።

35 ዩሱሲ ዳሪያ ሳዓን ኡቲቴ ያገደ ከቲስ። 36 ሃሳፌ ጉዬ፣ ሄ ላፑን ኡይላኔ ሞሉዋ ኤኪዲ ያሳ ጋላቲስ። ማንሉዲ ባ ታማሬታስ አሚስ። ኢያ ታማሬቲ አሳስ ጊሺደሶና።

37 አሳይ ኡባይ ሚዲ ካሊደሶና። ኢያ ታማሬቲ፣ ሚሺን አቲዳ ቲፊያ ላፑን ጊታ ጋይታ ኩሜላ ዳንሉደሶና። 38 ሚዳ አሳይ ማጫሲኔ ናዓ ፓይደና አዳ ፃላሊ ኦይዳ ሙኩሉ። 39 ዩሱሲ ዳሪያ ዩዲዳፔ ጉዬ ዋሳሉዋን ጌሊዲ ማጌደና ጊያ ቢታ ቢስ።

16

ሳሎፔ ማላ ቤዓናው ኦይቺዳ ኦይሻ (ማር 8:11-13፤ ሉቃ 12:54-56)

1 ፋሪሳዊቲኔ ሳዲቃዊቲ ዩሱሳኮ ዩደሶና። ኢያ ፓጫናው ኮዩዲ፣ ባንታና ሳሎፔ ማላታ ቤሶ ጊዲ ኦይቺደሶና። 2 ሺን ኢ ኤንታኮ፣ «ሳዲ አማርሲያ ዋዳ (ሳሎይ ዘዲዳ ጊሾ ዋንቶ ቦቃላና) ያጌታ። 3 ዋንቲያ ዋዳ፣ (ሳሎይ ዘዲዳ ሻራቲዳ ጊሾ ኢራይ ቡካና) ያጌታ። ያቲን ሂንቴ ሳሎ ማላ ቤዓዲ ኤሬታ፣ ሺን ዋዲያ ማላ ኤራናው ዳንዳዲቤኬታ። 4 ኢታኔ አማኖና ዩሉቴላይ ማላታ ኮዬስ። ሺን ኢያው ዮናሳ ማላታፔ ሃራ ማለቲ አሚቴና» ያጊስ። ሃሳፌ ጉዬ፣ ኤንታና ያን አገዲ ሃራ ሶ ቢስ።

ፋሪሳዊታኔ ሳዲቃዊታ ኢርሹዋ (ማር 8:14-21)

5 ኤንቲ አባፌ ሄፊንሉ ፒኒዳ ዋዳ ዳሶ ኤኪዲ ያናይሳ ደገደሶና። 6 ዩሱሲ ኤንታኮ፣ «ፋሪሳዊታፔኔ ሳዲቃዊታ ኢርሹዋፊ ናጌቲቴ» ያጊስ። 7 ኤንቲካ ባንታ ጋርሳን፣ «ኢ ሃሳ ጊዳይ ኑ ዳሶ ኤኪዲ ዮና ጊሾሳ ጊዳና» ያገደሶና። 8 ዩሱሲ ኤንታ ቆፋ ኤሪዲ፣ «ሂንቴኖ፣ አማኖይ ፓጫዳይሳቶ! ዳሶ ኤኮና ዩዳ ጊሾ ዋሊ ጊደን አይስ ኦይቲቴ? 9 ሃዲካ ሂንቴ አኬኬቲ? ኢቻሹ ሙኩሉ አሳስ ኢቻሹ ኡይላ ጊሺዳይሳኔ ኤንቲ ሚዲ ካለን ሂንቴ አፑን ጋይታ ኩሜላ ዳንሉደኮ ደገዳቲ? 10 ሃሳዳካ፣ ላፑን ኡይላ ኦይዳ ሙኩሉ አሳስ ጊሺዳይሳኔ ኤንቲ ሚዲ ካለን፣ ሂንቴ አፑን ጊታ ጋይታ ኩሜላ ዳንሉደኮ አኬኬኬቲ? 11 ሂዛ፣ ታኒ ፋሪሳዊታኔ ሳዲቃዊታ ኢርሹዋፊ ናጌቲቴ ጋዳ ኦይይሲ ዳሶ ባ ጊደናይሳ አኬኬኬቲ?» ያጊስ። 12 ያቲን፣ ኢያ ታማሬቲ ዩሱሲ ኦይይ ሙኩቃ ዳንሳናው ዩጌቲያ ኢርሹባ ጊደናሺን ፋሪሳዊታኔ ሳዲቃዊታ ቲሚርቲያፊ ናጌታናይሳ ጊዳይሳ አኬኪደሶና።

ጳዊርሲ ዩሱሳባ ኦዲስ (ማር 8:27-30፤ ሉቃ 9:18-21)

13 ዩሱሲ ቁሳሪያ ፊልጶሳ ቢታ ጋኪዳ ዋዳ ባ ታማሬታኮ፣ «አሳይ፣ አሳ ናዓ ኦና ሳና?» ያገደዲ ኦይቺስ።

14 ኤንቲካ፣ «ኢሶቲ ኢሶቲ ፃማቂያ ዮሃኒሳ፣ ሃራቲ ኤሊያሳ ቃሲ ሃንኮቲ ኤርሚያሳ ዋይኮ ናቤታፔ ኢሱዋ ሳሶና» ያገደሶና።

15 ዩሱሲ ዛሪዲ፣ «ያቲን፣ ሂንቴ ታና ኦና ጌቲ» ጊዲ ኤንታ ኦይቺስ።

16 ሲሞና ጳዊርሲ ዛሪዲ፣ «ኔኒ ኪሪስቶሳ፣ ዳያ ያሳ ናዓ» ያጊስ።

17 ዩሱሲ ጳዊርሳኮ፣ «ዮና ናዓ ሲሞና፣ ኔኒ አንጃቲዳይሳ! ሃይሳ ኔው ቆንጨሲዳይ ሳሉዋን ዳዲያ ታ አዋፔ አቲን አሴ ጊዳና። 18 ታ ኔው ኦዲይስ ጳዊርሳ፣ ኔኒ ዛላ! ታኒ ሃ ዛላ ቦላ ታ ዋሳ ኬላ ኬፃና። ሃይቆ ዋልቃቲካ ኢዮ ያኖኮና። 19 ሳሎ ካዋቴላ ቁልፔታ ታ ኔው አሚና። ሳዓን ኔኒ ዲጊያባይ ኡባይ ሳሎን ያሳ ማታን ዲጌቲዳባ ጊዳና። ሳዓን ኔኒ ሃኖ ጊያባይ ኡባይ ሳሎን ያሳ ማታን ሃኒዳባ ጊዳና» ያጊስ።

20 ሃሳፌ ጉዬ፣ ኢ፣ ኪሪስቶሳ ጊዳይሳ ኦይስካ ኦደና ማላ ባ ታማሬታ ማንሉዲ ከቲስ።

ዩሱሲ ባና ጋካና ዋያ ኦዲስ

21 ሄ ዋዲያፔ ደሚዲ ዩሱሲ ባ ታማሬታስ፣ «ታኒ ዩራሳላሚ ባናው ቤሴስ። ያን ዳሪያ ጨማታን፣ ካሂኔ ሃላቃታኔ ሂጌ አስታማሬታ ኩሺን ዋዬ ኤካናው ቤሴስ። ኤንቲ ታና ዋቆና፣ ሺን ታኒ ሃዻንሉ ጋላስ ሃይቆፔ ዳንዳና» ያገደዲ ቆንጨሲስ።

22 ጳዊርሲ ዩሱሳ ጋፃ ኬሲዲ፣ «ጎዳው፣ ሄሲ ሃኔና! ሄሳ ማላባይ ኔና ኡባራካ ጋኮፎ!» ያገደዲ ሃንቁቲስ።

23 ዩሱሲ ጳዊርሳኮ ጉዬ ሲሚዲ፣ «ሃ ፃላሂያው፣ ታፔ ሃካ! ኔኒ አሳ ቆፋ ቆፓሳፔ አቲን ያሳ ቆፋ ቆፖና ጊሾ ታው ቆቤ ጊዳሳ» ያጊስ።

24 ሃሳፌ ጉዬ፣ ዩሱሲ ባ ታማሬታኮ፣ «ኦኒካ ታና ካላናው ኮያባ ጊዲኮ ባና ካድ፣ ባ ማስቃሊያ ቶኪዲ ታና ካሎ። 25 ባ ዳዑዋ አሻናው ኮያ ኡባይ ቆይሴስ። ሺን ባ ዳዑዋ ታ ጊሾ ጊዲ አሉ አሚይሲ አሺስ። 26 አሲ አላሚ ኩሜላ ባባ ኦሉዲ፣ ጊደሺን ባ ሺሞፑዋ ቆይሴኮ ኢያ አይ ማዲ? ዋይኮ አሲ ባ ሺሞፑዋ ላሚ አይ አሚናው ዳንዳዲ? 27 አሳ ናዓይ ባ አዋ ቦንቹዋን ባ ኪታንቸታራ ያና። ሄ ዋዳ ኢሲ ኢሲ ኡራስ ኢያ ኦሱዋዳ አሚና። 28 ታ ቱማ ኦዲይስ፤ አሳ ናዓይ ካዋ ጊዲዲ ሲሚይሳ ቤዓና ጋካናው ሃይሳን ኤቂዳ አሳፔ ሃይቆናይሳቲ ዳያሶና» ያጊስ።

17

ዩሱሳ ማላይ ላሚቲስ (ማር 9:2-13፤ ሉቃ 9:28-36)

1 ኡሱፑን ጋላሳፔ ጉዬ ዩሱሲ፣ ጳዊርሳ፣ ያይቆባኔ ኢያ አሻ ዮሃኒሳ ባራ ኤኪዲ ባንታርካ ጊደናው ዳሪያ ቦላ ኬዩስ። 2 ያን ኤንታ ሲንላን ዩሱሳ ማላይ ኩሜላ ላሚቲስ፤ ኢያ ሶሞያይካ አዋዳ ያልቂስ። ኢያ ማያይካ ዳር ቦሻስ። 3 ሄኮ፣ ሙሴይኔ ኤሊያሲ ኢያራ ኦይቲሺን ቤዒደሶና። 4 ጳዊርሲ ዩሱሳኮ፣ «ኔኒ ሃይሳ ሃሹ ዩዳ። ኔ ኮይኮ ኢሲኖ ኔው፣ ኢሲኖ ሙሴስ፣ ኢሲኖ ኤሊያሳስ ሃይሳን ሃዻ ሻቃራ ሻቃራና» ያጊስ። 5 ጳዊርሲ ሃሳ ቡር ኦዲሺን ቦላ ሻራይ ኤንታና ካሚስ። ሻራ ጊደራ፣ «ታና ኡፋይሲያ፣ ታ ደሲያ ናዓይ ሃይሳ፣ ኢያ ሲዒቲ!» ያገደዲ ቃላይ ዩስ። 6 ዩሱሳ ታማሬቲ ሃሳ ሲዒዳ ዋዳ ዳጋሚዲ ባንታ ሶሞዑዋራ ሳዓን ኩንዲደሶና።

16:1 ማቶ 12:38፤ ሉቃ 11:16 16:4 ማቶ 12:39፤ ሉቃ 11:29 16:6 ሉቃ 12:1 16:9 ማቶ 14:17 16:10 ማቶ 15:34
16:14 ማቶ 14:1 16:16 ዮሃ 6:68 16:19 ማቶ 18:18፤ ዮሃ 20:23 16:24 ማቶ 10:38፤ ሉቃ 14:27 16:25 ማቶ 10:39፤ ሉቃ 17:33፤ ዮሃ 12:25 16:27 ማቶ 25:31፤ ማገ 62:12፤ ሮሜ 2:6 17:1 2ጴጌ 1:17-18 17:5 ሜጴ 22:2፤ ማገ 2:7፤ ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15

7 ሺን ዩሱሲ ኤንታኮ ሸቀዱ ኤንታ ቦቹዱ፡ «ዳንዲቲ፡ ያየፊቲ!» ያገለገሉ። 8 ኤንቲ ቆቁ ገዲ ቤዒያ ዋዳ ዩሱሳፍ ሃራ ኦካ ቤዒሶኮ፡፡

9 ኤንቲ ዳሪያፍ ዋዳ ሺን ዩሱሲ ኤንታኮ፡ «አሳ ናዓይ ሃይቆፍ ዳንዲና ጋካናው ሃ ሂንቲ ቤዒዳባ ኦዳሰካ ኦድፕቲ» ገዲ ከቲሰ። 10 ዩሱሳ ታማሪቲ፡ «ያቲን፡ ሂጌ አሰታማሪቲ ኤሊያሲ ከሪሰቶሳፍ ካሴቲዲ ያና ገዳይ አይቤሴ?» ያገዲ ኦይቹደሶና።

11 ዩሱሲ ዛሪዱ፡ «ኤ! ኤሊያሲ ካሴቲ ዩዲ ኡባባ ገገሳና። 12 ሺን ታ ሂንቲው ቱማ ኦዳይሰ፤ ኤሊያሲ ካሴቲዲ ዩሰ። ኤንቲካ ኢያ ቦላ ኮዩዳባ ኦዲደሶናፍ ኦቲን ኢያ ሻኪ ኤሪሶኮ፡፡ ሄሳዳ አሳ ናዓይ ኤንታ ኩሼን ዋዳታና» ያገለገሉ።

13 ሃ ዋዳ ዩሱሲ ገዳይ ፃማቁያ ዮሃንሳባ ገዳይሳ አክኪደሶና።

ዩሱሲ ቱና አያናይ አይኪዳ ናዓ ፓሊሰ
(ማር 9:14-29፤ ሉቃ 9:37-43)

14 ኤንቲ ዳሪያፍ አሳኮ ሰሚያ ዋዳ ኢሲ አሲ ዩሱሳ ሲንላን ጉልባቲዱ፡ 15 «ሳዳው፡ ሃያና ታ ናዓሰ ቃቆታርከ፤ ኢያ ሸጨዲ ዩገያ ሃርጌይ ዳር ኤንዴሊዲ ታማኒኔ ሃላን ዩጌሰ። 16 ኔ ታማሪታኮ ኤሃሰ፡ ሺን ኤንቲ ፓላናው ዳንዲሲሶኮና» ያገለገሉ።

17 ዩሱሲ ዛሪዱ፡ «ሂንቲና፡ አማና ጌላ ዩሌቴላው አዉዴ ጋካናው ታ ሂንቲራ ዳኔ? አዉዴ ጋካናው ታ ሂንቲና ዳንዲሳኔ? አኔ ናዓ ሃ ኤኪ ዩቲ» ያገለገሉ።

18 ዩሱሲ ቱና አያና ሃንቁን፡ ቱና አያናይ ናዓፍ ኬዩሰ፤ ሄ ሳቲንካ ናዓይ ፓዲሰ። 19 ሄሳፊ ጉዩ፡ ዩሱሳ ታማሪቲ ባንታርካ ኢያኮ ሸቀዱ፡ «ኮኒ ቱና አያና ከሳናው ዳንዲሲሶናይ አይቤሴ?» ያገዲ ኦይቹደሶና። 20 ኢ ኤንታኮ፡ «ሂንቲው አማናይ ላፊዳ ገሾሳ። ታ ሂንቲው ቱማ ኦዳይሰ፤ ጋሼ አይፊ ማላ አማናይ ሂንቲው ዳዒኮ ሳ ሳዳይ ሃይሳፊ ዳንዲዳ ጌዴ አቆ» ገኮ ሂንቲው ከቲታና። ሂንቲው ዳንዲዳቶናባይ ዳና። 21 [ሺን ሄሳ ማላይ ዋሳፍኔ ፃማፍ አቲን ሃራን ከዩና]» ያገለገሉ። *

ዩሱሲ ባ ሃይቆቀባ ዛሪ ኦዲሰ
(ማር 9:30-32፤ ሉቃ 9:43-45)

22 ዩሱሳ ታማሪቲ ጋሊላን ሸቀዱ ዳዒሺን ዩሱሲ ኤንታኮ፡ «አሳ ናዓይ አሳ ኩሼን አቆዲ አሜታና።

23 ኤንቲ ኢያ ዋዳና፡ ሺን ኢ ሄቫንላ ጋሊሰ ሃይቆፍ ዳንዲና» ያገለገሉ።

ኢያ ታማሪቲካ ዳር ቂርቲደሶና።

ዳሳ ኬላ ገራ

24 ዩሱሳራኔ ኢያ ታማሪታራ ቂፊርናሆማ ካታማ ጋኪዳ ዋዳ ዳሳ ኬላ ገራ ቃንዲሴይሳቲ ጳዲርሳኮ ዩዲ፡ «ሂንቲ አሰታማሪይ ዳሳ ኬላ ገራ ገሪ?» ያገዲ ኦይቹደሶና።

25 ጳዲርሰ ዛሪዱ፡ «ገሪሰ» ያገለገሉ። ጳዲርሰ ሶ ጌሊያ ዋዳ ዩሱሲ ካሴቲዱ፡ «ጳዲርሳ፡ ኔው አይ ዳኒ? ሃ ሳዓ ካዋቴላቲ ቃራፃኔ ገራ ኦፕ ኤኮና? ጋዴ አሳፍዩ ዋይኮ አሳ ጋዴ አሳፍ?» † ያገዲ ኦይቹሰ።

26 ጳዲርሰ «አሳ ጋዴ አሳፍ» ገዲ ዛሪሰ።

17:10 ማል 4:5 17:12 ማቶ 11:14 17:21 ማቶ 21:21፤ ማር 11:23፤ 1ቆር 13:2 * 17:21 ኢሲ ኢሲ ቤኒ ማፃፋታን ፓይዶ 21 ዳና። 17:24 ኬሳ 30:13 † 17:25 ጋዴ አሳፍ ዋይኮ አሳ ጋዴ አሳፍ? ሄ ዋዳ ካዋቴላቲ ባንታ ጋዴ አሳፍ ገራ ኤኮና። 18:1 ሉቃ 22:24 18:3 ማር 10:15፤ ሉቃ 18:17 18:8 ማቶ 5:30 18:9 ማቶ 5:29 18:10 ሉቃ 19:10 * 18:11 አሳ ናዓይ ጳዲዳይሳታ አሻናው ዩሰ፡ ኢሲ ኢሲ ቤኒ ማፃፋቲ ፓይዶ 11 ጉጃሶና። 18:15 ሉቃ 17:3 18:16 ዛሪ 19:15 18:18 ማቶ 16:19፤ ዮሃ 20:23

ዩሱሲ ዛሪዱ፡ «ጋዴ አሳይ ገራ ገርኮና ጉሱ። 27 ሺን ኤንቲ ቆቤቶና ማላ አባ ባዳ ሞሉዋ ኦይኪያ ማንፃቆ ዩጋ። ኮይር ኔ ኦይኪያ ሞሉዋ ደና ደያዳ ገራሰ ገዲያ ሚሺያ ኔ ገሾኔ ታ ገሾ ኤፋዳ ገራ» ያገለገሉ።

18

ኡባፊ አቆይ ኦኔ?
(ማር 9:33-37፤ ሉቃ 9:46-48)

1 ሄ ዋዳ ዩሱሳ ታማሪቲ ዩዲ፡ «ሳሎ ካዋቴላን ኡባፊ አቆይ ኦኔ?» ያገዲ ኦይቹደሶና። 2 ዩሱሲ ኢሲ ጉላ ናዓ ጃገዲ ኤንታ ገደን ኤሲዲ ሃይሳዳ ያገለገሉ። 3 «ታኒ ሂንቲው ቱማ ኦዳይሰ፤ ሂንቲ ላሚቶናኔ ጉላ ናይታዳ ሃናና ኢዲኮ ሳሎ ካዋቴላ ኡባፊካ ጌላናው ዳንዲዳኬታ። 4 ሂዛ፡ ሃ ጉላ ናዓዳ ባና ካዉሺያ ኦኒካ ሳሎ ካዋቴላን ኡባፊ አቆይሳ ገደና። 5 ሃይሳ ማላ ናዓ ታ ሱንላን ሞኪያ ኦኒካ ታና ሞኬሰ።

6 «ሺን ታናን አማኒያ ሃ ጉላታፍ ኢሱዋ ናጋራ ኦላና ማላ ቆቤ ገዲያ ኦኒካ ገታ ጋቻ ዋፃ ባ ቆቆን ቃቹዲ ጨዋ አባን ሚቴቲኮ ኢያው ሎዎ። 7 አላሚን አሳይ ናጋራ ኦላና ማላ ኦሊያባቲ ዳዒያ ገሾ አላሚያ አዩ። ሄሳ ማላባቲ ዮና አቴና፡ ሺን ቆቤይ ኢያ ጋሶን ያ ኡራ አዩ።

8 «ኔ ኩሼይ ዋይኮ ኔ ቶሆይ ኔና ባሌሊኮ ኔፕ ቃንፃ ዩጋ። ኔኒ ናሞሱ ኩሼራ ዋይኮ ናሞሱ ቶሆራ ማሪና ታማን ዩጌታናይሳፊ ኩሼ ዋይኮ ቶሆ ዱፃ ገዳዳ ማሪና ዴፃ ዳሚይሲ ኔው ሎዎ። 9 ቃሲ ኔ አይፊይ ኔና ባሌሊኮ ኢዮ ዋጫ ኬሳዳ ዋራ ሆላ። ኔኒ ናሞሱ አይፊራ ጋናማ ታማን ዩጌቲይሳፊ ኢሲ አይፊራ ማሪና ዴዑዋ ጌሌይሲ ኔው ሎዎ።

10 «ታ ሂንቲው ኦዳይሰ፤ ሳሎን ዳዒያ ኤንታ ናገያ ከታንቸቲ ኡባ ዋዳ ሳሎን ዳዒያ ታ አዋ ሲንላን ዳዒያ ገሾ ሂንቲ ሃ ጉላታፍ ኢሱዋካ ካዶና ማላ ናጌቲቲ።

11 አሳ ናዓይ ጳይዳይሳታ አሻናው ዩሰ» * ያገለገሉ።

ጳዲዳ ደርሳ ለሚሶ
(ሉቃ 15:3-7)

12 ቃሲ ዩሱሲ፡ «ሂንቲው አይ ዳኒ? ኢሲ ኡራሰ ፃቲ ደርሳቲ ዳዒይሳታፍ ኢሶይ ጳዲኮ ኡዲፋን ታማኔ ኡዲፋናታ ዳሪያ ቦላ ዩጌ ኦገዲ ሄ ጳዲዳይሳ ኮያናው ቤኔ? 13 ታ ቱማ ኦዳይሰ፤ ኢ ዳሚዳ ዋዳ ኡዲፋን ታማኔ ኡዲፋናታፍ ኢሊዲ ጳዲዲ ቤንቲዳ ኢሲ ደርሳን ኡፋይቲሰ። 14 ሄሳዳካ፡ ሳሎን ዳዒያ ሂንቲ አዋይ ሃ ጉላታፍ ኢሶይ ጳዲና ማላ ኮዩና።

ቆሃዳ አሲ ዋታኔ?

15 «ኔ አሻይ ኔና ቆሃኮ ኔርካ ኢያኮ ባዳ ኢያ ባላ ኢያው ኦዳ። ኢ ኔና ሲዒኮ ኔ አሻ ኔው አሻ ኦላ። 16 ሺን ኢ ኔና ሲዶና ኢዲኮ፡ ናሞሱ ዋይኮ ሄቭ አሳ ማርካን ሞቶይ ላሴቲያ ገሾ ኢሲ ዋይኮ ናሞሱ አሲ ኤካዳ ኢያኮ ባ። 17 ኢ ኤንታና ሲዶና ኢዲኮ፡ ዋሳ ኬላሰ ኦዳ። ዋሳ ኬላ ገያባ ሲዶና ኢዲኮ አማናና አሳዳ ዋይኮ ቃራፃ ቃንዲሴያ አሳዳ ኢያ ፓይዳ።

18 «ታ ሂንቲው ቱማ ኦዲይስ፤ ሳዓን ሂንቲ ዲጊያባቲ ኡባይ ሳሎን ያሳ ማታን ዲጊቲዳባ ጊዳና። ሳዓን ሂንቲ ሃኖ ጊያባቲ ኡባይ ሳሎን ያሳ ማታን ሃኒዳባ ጊዳና።

19 «ቃሲካ ታ ሂንቲው ኦዲይስ፤ ሳዓን ሂንቲፊ ናምዓይ ባንታ ዋሲያባስ ኢሲ ዋዛናን ጊዲዲ ያሳ ዋሲያባ ጊዲኮ ሳሎን ዳዒያ ታ ኣዋይ ሂንቲው ኦዲና።

20 ታና ካሌይሳታፔ ናምዓ ዋይኮ ሄቫ ጊዲዲ ሺቂያ ቤሳን ታኒ ኤንታ ጊዳን ቤንታና» ያገሰ።

አቶ ጉሳባ

21 ሄ ዋዴ ጳዲሮሲ ዩሱሳኮ ዩዲ፣ «ጎዳው፣ ታ ኢሻይ ታና ቆሂኮ ኣፑን ቶሆ ታኒ አቶ ጋናው ቤሲ? ላፑን ቶሆ ጋካናሴዬ?» ጊዲ ኦይቸሰ።

22 ዩሱሲ ዛሪዲ፣ «ጊዳና፣ ላፑን ታው ቶሆ ላፑናፔ አቲን ላፑን ቶሆ ጊዳና።

23 «ሄሳ ጊሾ፣ ያሳ ካዋቲላይ ባ ኦሳንቸታራ ባ ሚሼይ ፓጩዳኮኔ ፓላሂዳኮ ቤዓናው ቆፒዳ ካወዋ ዳኔስ። 24 ሄ ካዋይ ሚሼይ ፓጩዳኮኔ ፓላሂዳኮ ቤዒያ ዋዴ ዳር ጊንዲጊንዳ ኣጮይ ዳዒያ ኢሲ ኡራ ኢያኮ ኡሂዳሶና። 25 ሺን ሄ ኣይሌይ ኣጩዋ ቃንፃናው ያኔቲን ኢያራ፣ ኢያ ማቸሬ፣ ኢያ ናይቲኔ ኢያው ዳዒያባይ ኡባይ ባይዘቲዲ ኣጮይ ጨጌታና ማላ ኢያ ጎዳይ ከቲሰ።

26 ያቲን ኣይሌይ ባ ጎዳ ቶሆባ ቦላ ጉልባቲዲ፣ ታ ጎዳው፣ ሃያና ጉላ ዋዴ ታካርኪ፣ ታ ኣጩዋ ኡባ ታ ጨጋና» ያገዲ ዋሲሰ። 27 ካዋይ ኢያው ቃጴቲዲ፣ ዩዲ ኣገሰ፤ ኢያ ኣጩዋ ማሪሰ።

28 «ሺን ሄ ኣይሌይ ከዩ ቢዲ ባ ላጌ ኦሳንቸታፔ ኢሶይ ባፔ ዳር ጉላ ሚሼ ታልዒዳይሳ፣ ሩ ቦላ ዳዒያ ታ ሚሼያ ታው ጨጋ» ጊዲ ቆጴ ኦይኪሰ።

29 «ሄ ኢያ ላጌ ኣይሌይ ኢያ ሲንሳን ጉልባቲዲ፣ ሳያና ጉላ ዋዴ ታካርኪ ታኒ ታ ኣጩዋ ኡባ ጨጋና» ያገዲ ዋሲሰ።

30 «ሺን ኢዲዲ ኤኪ ኤፊዲ ባ ላጌይ ኣጩዋ ቃንፃና ጋካናው ቃሾ ከሌ ጌልሲሰ። 31 ሄሳ ጊሾ፣ ሃራ ላጌ ኦሳንቸቲ ሄሳ ቤዒዳ ዋዴ ዳር ዩሎቲዲ፣ ቢዲ ባንታ ጎዳሰ ኢ ኦሊዳባ ኡባ ኦዲዳሶና።

32 «ያቲን ካዋይ ሄ ኣይሌያ ያገሲዲ፣ ሳሃ ኢታ ኣይሌያው፣ ኔኒ ታና ዋሲዳ ጊሾ ታ ኔ ኣጩዋ ኡባ ኔው ማራሰ። 33 ያቲን፣ ታኒ ኔ ኣጩዋ ማሪዳይሳዳ ኔኒ ኔ ላጌ ኣይሌያ ኣጩዋ ማራናው ኔው ቤሴኔ?» ያገሰ።

34 ሄሳ ጊሾ፣ ካዋይ ዳር ዩሎቲዲ፣ ኢ ባ ኣጩዋ ኡባ ጨጋና ጋካናው ፓፃ ካዔታና ማላ ቃሾ ከላን ዩገሰ።

35 «ሄሳዳካ፣ ሂንቲ ኢሶይ ኢሶይ ሂንቲ ኢሻ ዋዛናፔ ማርና ኢዲኮ ሳሎን ዳዒያ ታ ኣዋይ ሂንቲና ሄሳዳ ኦዲና» ያገሰ።

19

ኤኮ ጌሎባ (ማር 10:1-12)

1 ዩሱሲ ሄሳ ኦዲ ኦንጊዳፔ ጉዬ ጋለላፔ ዳንዲዲ ዮርዳኖሴ ሻፋፔ ሄፊንሳን ዳዒያ ዩሁዳ ቢታ ቢሰ። 2 ዳር ኣሳይ ኢያ ካሊዲ ቢን ኤንታ ጊዳፊ ሃርጋንቸታ ፓሊሰ።

3 ፋሪሳዌቲ ኢያ ፓጩናው ኮዩዲ ኢያኮ ዩዲ፣ «ኢሲ ኣሲ ኣይ ጋሶንካ ባ ማቸው ዩዳናው ቤሲ?» ያገዲ ኦይቸደሶና።

4 ዩሱሲ ዛሪዲ፣ «ያሳይ ኮይር ኣዴኔ ማጫሰ ኦሊ ሚጲዳይሳ ሂንቲ ናባቤቤቲ?» 5 ሄሳ ጊሾ፣ ኢሲ ኣሲ ባ ኣዋኔ ባ ኣዩው ኣገዲ ባ ማቸራ ኢሲኖ ጊዳሰ፣ ናምዓይካ ኢሲ ኣሾ ጊዳሶና። 6 ሄሳ ጊሾ፣ ኤንቲ ኢሲ ኣሾ ጊዳሶናፔ አቲን ናምዓ ጊዳኮና። ሂዛ፣ ያሲ ቃቸዳይሳ ኣሲ ሻኮፎ» ያገሰ።

7 ፋሪሳዌቲ፣ «ያቲን፣ ሙሴይ ኢሲ ኣሲ ኣንጅ ዋርቃፔ ኢሚዲ ዩዳና ማላ ኣይሰ ከቲዴ?» ያገዲ ኦይቸደሶና።

8 ዩሱሲ ዛሪዲ፣ «ሂንቲ፣ ሂንቲ ማቸታ ዩዳና ማላ ሙሴይ ሂንቲና ከቲዳይ፣ ሂንቲ ዋዛና ሚናቲላ ጊሾፔ አቲን ኮይርፔ ሄሳ ማላ ጊዳና። 9 ታ ሂንቲው ኦዲይስ፤ ባ ማቸያ ላይማቶና ዳዒሺን ዩዲዲ ሃራ ኤኪያ ኦኒካ ላሚስ» ያገሰ።

10 ኢያ ታማራቲ ኢያኮ፣ «ኣዚናባይኔ ማቸባይ ሄሳ ማላ ጊዲኮ ኤኮ ጌሎይ አቲኮ ሎ?» ያገደሶና።

11 ዩሱሲ ዛሪዲ፣ «ሄሳ ማላ ቲሚርቲይ ያሳይ ዳንዳዓ ኢሚዳይሳታሳፊ አቲን ኣሳ ኡባሳ ጊዳና። 12 ሂዛ፣ ዩሎቲሼ ሹፋ ጊዲዲ ዩሎቲዳይሳቲ ዳዎሶና፣ ቃሲ ኣሲ ቃራቲዳይሳቲ ዳዎሶና፣ ቃሲ ሳሎ ካዋቲላ ጊሾ ጊዲ ባንታና ሹፋይዳይሳቲ ዳዎሶና። ሄሳ ጊሾ፣ ሃይሳ ኤካናው ዳንዳዒያ ኦኒካ ኤኮ» ያገሰ።

ዩሱሲ ጉላ ናይታ ኣንጂሰ (ማር 10:13-16፤ ሉቃ 18:15-17)

13 ዩሱሲ ባ ኩሺያ ጉላ ናይታ ቦላ ዋሊዲ ኤንታው ዋሳና ማላ ኢሲ ኢሲ ኣሳይ ናይታ ኢያኮ ኤሂደሶና። ሺን ኢያ ታማራቲ ኣሳ ሃንቄቲደሶና። 14 ሺን ዩሱሲ፣ «ያሳ ካዋቲላይ ሃይሳታ ማላሳ ጊዲያ ጊሾ ጉላ ናይቲ ታኮ ዩይሳ ዲጎፊቲ፤ ዮ ጌቲ» ያገሰ።

15 ባ ኩሺያ ኤንታ ቦላ ዋሊዳፔ ጉዬ ሄ ቤሳፊ ኣገዲ ቢሰ።

ናዓቲላ ዳሬ ኡራ (ማር 10:17-31፤ ሉቃ 18:18-30)

16 ኢሲ ጋላሰ ኢሲ ኡራይ ዩሱሳኮ ዩዲ፣ «ኣሰታማሪያው፣ ታኒ ሚሪና ዳዎ ዳማናው ኣይ ሎዎባ ኦሶ?» ያገሰ። 17 ዩሱሲ ኢያኮ፣ «ሎዎባ ኔ ታና ኣይሰ ኦይቸይ? ኢሲ ያሳፊ አቲን ሃሪ ሎዎይ ባዋ። ሺን ኔኒ ሚሪና ዳዎ ሎዎባ ኮይኮ ከታታ ናጋ» ያገሰ።

18 ኡራይ ዛሪዲ፣ «ኣወሳ ከታታ» ያገዲ ኦይቸሰ። ዩሱሲ ዛሪዲ፣ «ዋጶፓ፣ ላይማቶ፣ ካይሶቶፓ፣ ዋርዶ ማርካቶ፣ 19 ኔ ኣዋኔ ኔ ኣዩው ቦንቻ፣ ኔ ሾሩባ ኔ ሁዒያሶ ዳሳ» ያገሰ።

20 ሄ ናዓቲላይ፣ «ታኒ ሃይሳታ ኡባ ናዓቲላፊ ደማዳ ናጋሰ። ያቲን፣ ሃሪ ታው ፓጩያባይ ኣይቤ?» ያገዲ ኦይቸሰ።

21 ዩሱሲ ዛሪዲ፣ «ኔኒ ፖሎ ጊዳናው ኮይኮ ባዳ ኔው ዳዒያባ ባይዛዳ ማንቆታሰ ኢማ፤ ኔኒ ሳሎን ዳሬታና። ያታ ሲማ ያዳ ታና ካላ» ያገሰ።

22 ሺን ሄ ናቲላ ኡራይ ዳር ዳሬ ጊዲያ ጊሾ ሄሳ ሲዒዳ ዋዴ ኣዛኒሼ ኣገዲ ቢሰ። 23 ሄሳፊ ጉዬ፣ ዩሱሲ

18:21 ሉቃ 17:3-4 18:22 ሜጴ 4:24 19:4 ሜጴ 1:27፤ 5:1 19:5 ሜጴ 2:24 19:7 ሜጴ 24:1 19:9 ማቶ 5:32፤ 1፩ር 7:10 19:18 ከሳ 20:13-16፤ ዛሬ 5:17-20 19:19 ከሳ 20:12፤ ዛሬ 5:16፤ ሉቁ 19:18

ባ ታማሪታ፡ «ታኒ ሂንቲው ቱማ ኦዲይስ፤ ዲሬይ ሳሎ ካዋቱሉ ጌላናይሲ ዳር ማቶ። 24 ዲሬ ኣሲ ያሳ ካዋቱላ ጌላናይሳፊ ገማሌይ ማርፔ ሉሆራ ኣዴይሲ ካወዬስ» ያገሰ።

25 ዬሱሳ ታማሪቲ ሄሳ ሲዒዲ ማላሌቲዲ፡ «ያቲን፡ ኦኒ ኣታናው ዳንዳዒ?» ያገረዲ ኦይቲዳሶና።

26 ዬሱሲ ኤንታ ጫዲ ያሊዲ፡ «ሃይሲ ኣሳስ ዳንዳዒና፡ ሺን ያሳስ ኡባይ ዳንዳዒቲስ» ያገሰ።

27 ዳዒርሲ ዛሪዲ፡ «ኦኒ ኡባባ ኣገዲ ኔና ካሊዲ፡ ያቲን፡ ኦኒ ኣይ ዳማኔ?» ያገሰ። 28 ዬሱሲ ኤንታኮ ሃይሳዳ ያገሰ፡ «ታኒ ሂንቲው ቱማ ኦዲይስ፤ ኣሳ ናዒይ ያና ኣላሚያን ባ ቦንቾ ኣራታን ኡቲያ ዋዴ ሂንቲ ታማኔ ናምዓቲ፡ ታና ካሊዲይሳቲ፡ ታማኔ ናምዑ ኣራታን ኡቲዲ ታማኔ ናምዑ ኢስራዔል ዜሬላታ ቦላ ፐርዳና።

29 ታ ሱንላ ገሾ ከሌ ዋይኮ ኢሻታ ዋይኮ ሚቹታ ዋይኮ ኣዋ ዋይኮ ኣዩው ዋይኮ ናይታ ዋይኮ ጋዲያ ኣገዳይ ኣነካ ያቱ ኩሹ ኤካና። ቃሲ ሜሪና ዴዑዋካ ኤካና። 30 ሺን ዳርቲ ሃዒ ዴላን ሲንሌ ገዲዲይሳቲ ጉዬ ገዳና፡ ቃሲ ጉዬ ገዲዲይሳቲ ሲንሌ ገዳና» ያገሰ።

20

ዋይኒያ ገደን ኦላያ ኦሳንቾታ ለሚሶ

1 «ያሳ ካዋቱላይ ባ ዋይኒያ ገደን ኦሳንቾታ ከራ ኣሲሳናው ዋንታ ጉራ ከዪዳ ከላዋ ዳኔስ። 2 ኢ ሄ ኦሳንቾታስ ሃቲ ሃቲ ኢሲ ዲናሬ * ቃንፃናው ኤንታራ ገገዲ፡ ኤንታ ባ ዋይኒያ ገደ ዬዲስ።

3 «ቃሲ ዋንታፊ ሄቾ ሳቲ ገዲሺን ከዪዲ ኦሶ ዳዪዲ ገያ ቦላ ኤቁዳ ሃራ ኣሳታ ዳሚስ። 4 ኢ ኤንታኮ፡ ሂንቲካ ታ ዋይኒያ ገደ ቢዲ ኦላቲ፡ ታኒ ሂንቲው ቤሲያ ጋቲያ ቃንፃና» ያገሰ። 5 ኤንቲካ ቢደሶና፡ ቃሲካ ኢ ኡሱቱን ሳቲኒ ኡዱፋን ሳቲን ከዪዲ ሄሳዳ ኦላሲ። 6 ታማኔ ኢሲ ሳቲ ገዲሺን ኢ ከያ ዋዴ ሃራቲ ያን ኤቁዳይሳታ ዳሚዲ፡ ሂንቲ ኦሶ ኦላና ጋላስ ኩሜላ ሃይሳን ኣይስ ኤቁዲ ፔሲዳቲ?» ያገሰ።

7 «ኤንቲ ዛሪዲ፡ ሱና ከራ ኦሲሲያ ኣሲ ዳዪዳ ገሾሳ» ያገደሶና።

«ኢካ፡ ሂንቲካ ታ ዋይኒያ ገደ ቢዲ ኦላቲ» ያገሰ።

8 «ሳዒ ኦማርሲን፡ ዋይኒያ ጎዳይ ኦሳንቾታ ሃላቃኮ፡ ሱሳንቾታ ያጋዳ ወርሴላን ኦሶ ጌሊዲይሳቲ ደማዳ ኮይሮ ጌሊዲይሳታ ጋካናው ኤንታ ጋቲያ ቃንፃ» ያገሰ።

9 ታማኔ ኢሲ ሳቲን ኦሶ ኣይኪዲይሳቲ ዩዲ፡ ሁዒን ሁዒን ኢሲ ኢሲ ዲናሬ ኤኪደሶና። 10 ኮይሮ ኦሶ ኣይኪዲይሳቲ ዩዲ፡ ባንታው ዳር ኢማታና ገዲ ቆፐደሶና። ሺን ኤንቲካ ሁዒን ሁዒን ኢሲ ኢሲ ዲናሬ ኤኪደሶና። 11 ባንታ ሚሺያ ኤኪ ሲሚዲ ከላዋ ቦላ ዙዙሚደሶና። 12 ሃይሳቲ ጉዬፔ ዩዲ ኢሲ ሳቲ ያላላ ኦላደሶና። ሺን ጋላስ ኩሜላ ኣዋ ሱላን ዳቡራዲ ፔሲዳ ኦሶ ኤንቲ ዋኒዲ ኢሲኖ ገደና» ያገደሶና።

13 «ዋይኒያ ከላዋይ ኦሳንቾታፔ ኢሱዋኮ፡ ታ ኢሻው፡ ታኒ ኔና ቆሃቢከ፤ ኔ ታራ ገገዲይ ኢሲ ዲናሬሳ ገደኔ? 14 ኔ ሚሺያ ኤካዳ ኔ ሶ ባ፡ ታ ኦማርሲ ዩዲይሳሰካ ኔይሳ ሜላ ኢማናው ኮያይስ። 15 ታኒ ታ ሚሺያን ኮዩዳባ ኦላናው ታው ማቲ ባዌ? ዋይኮ ታኒ ከሃ ገዲዳ ገሾ ኔኒ ቃናታይ?» ያገሰ።

16 «ሄሳዳ ሃዒ ዴላን ጉዬ ገዲዲይሳቲ ሲንላታና፡ ሲንላቲዲይሳቲ ቃሲ ጉዬታና» ያገሰ።

ዬሱሲ ባ ሃይቁዋባ ሄቻንላ ኦዲስ (ማር 10:32-34፤ ሉቃ 18:31-34)

17 ዬሱሲ ዩሩሳላሚ ቢሹ፡ ታማኔ ናምዑ ታማሪታ ዳማ ጋፃ ከሲዲ ኤንታኮ ያገሰ። 18 «ሄኮ፡ ኦኒ ሃዒ ዩሩሳላሚ ቡሳ ቦላ ዳዎስ። ያን ኣሳ ናዒይ ካሂኔ ሃላቃታሲኔ ሂኔ ኣሰታማሪታስ ኣቋ ኢማታና። ኤንቲካ ኢያ ቦላ ሃይቆ ፐርዳ ፐርዳና። 19 ኢያ ኣይሁዴ ገደና ዳሪያስ ኣላ ኢማና። ኤንቲ ኢያ ካወሻና፡ ጋራፋና፡ ያቲዲ ኢያ ማስቃሊያ ቦላ ካቃና። ሺን ኢ ሄቻንላ ጋላስ ሃይቆፔ ዳንዳና» ያገሰ።

ዛብዲዮሳ ናይታ ኣዬ ዋሳ (ማር 10:35-45)

20 ሄ ዋዴ ዛብዲዮሳ ማቹያ ባ ናምዑ ኣዴ ናይታራ ዬሱሳኮ ያዳ፡ ኢያ ሲንላን ጉልባታዳ ኢሲባ ኢያ ዋሳሱ።

21 ዬሱሲ ኢኮ፡ «ኔ ኣይ ኮያይ?» ያገሰ።

ኢያ ዛራዳ፡ «ኔ ካዋቱላን ሃ ታ ናምዑ ናይቲ ኢሶይ ኔ ኡሻቻን ኢሶይ ኔ ሃዲርሳን ኡቶ ጋርኪ!» ያጋሱ።

22 ሺን ዬሱሲ ናይታኮ ዛሪዲ፡ «ሂንቲ ኣይ ዋሲያኮ ኤሬከታ፤ ታኒ ኡያናው ዳዒያ ዋዬ ፀ-ሳ ኡያናው ዳንዳዒቲ?» ያገሰ።

ኤንቲካ፡ «ኤ ዳንዳዎስ» ያገደሶና።

23 ዬሱሲ፡ «ቱማካ ታኒ ኡያናው ዳዒያ ፀ-ሳፔ ሂንቲ ኡያና። ሺን ታ ኡሻቻኒኔ ሃዲርሳን ኡታናይሳታ ዳሬይ ታና ገዲኬ። ሄ ቤሳይ ኢማቴይ፡ ታ ኣዋይ ኢማናው ገገሲዳ ኣሳታሳ» ያገሰ።

24 ኣቲዳ ታሙ ኢያ ታማሪቲ ሄሳ ሲዒዲ ዋዴ ናምዑ ኢሻታ ቦላ ሃንቁቲደሶና። 25 ሺን ዬሱሲ ኤንታ ኡባ ያገዲ ሃይሳዳ ያገሰ። «ኣይሁዴ ገደና ኣሳ ሃሪይሳቲ ባንታ ኣሳ ቦላ ጎዳቲይሳኔ ኤንታ ካሌሌይሳቲ ዋልቃን ሃሪይሳ ሂንቲ ኤሬታ። 26 ሺን ሂንቲ ገደን ሄሳዳ ገደፖ። ሂንቲፊ ገታታናው ኮያ ኦኒካ ሂንቲው ኣይሌ ገደ። 27 ሂንቲ ገደን ኡባፊ ቦላ ገዳናው ኮያ ኦኒካ ሂንቲው ኣይሌ ገዳናው ቤሴስ። 28 ሄሳዳካ፡ ኣሳ ናዒይ ኣሴ ሃጋዛናውኔ ዳር ኣሳ ዋዛናው ባ ሺምቱዋ ኢማናው ዩሲፔ ኣቲን ኣሳን ሃጋዜታናው ዩሴና» ያገሰ።

ዬሱሲ ናምዑ ቆቁታ ፓላስ (ማር 10:46-52፤ ሉቃ 18:35-43)

29 ሄሳፊ ጉዬ፡ ዬሱሲ ባ ታማሪታራ ኢያርኮፊ ከዪዲ ቢሺን፡ ዳር ኣሳይ ኤንታና ካሊደሶና። 30 ኦጌ ጋፃን ኡቲዳ ናምዑ ቆቁቲ ዬሱሲ ያራ ኣዴይሳ ሲዒዲ፡ «ጎዳው፡ ዳዋቲ ናዓው፡ ኦስ ቃዴታርኪ» ያገዲ ዋሲደሶና። 31 ዳር ኣሳይ ኤንታና፡ «ሃይዚቲ» ያገዲ ካጪደሶና። ሺን ኤንቲ፡ «ጎዳው፡ ዳዋቲ ናዓው፡ ኦስ ቃዴታርኪ» ገዲ ጉጂ ዋሲደሶና።

32 ዬሱሲ ኤቁዲ፡ ኤንታ ያገዲ፡ «ታ ሂንቲው ኣይ ኦላና ሜላ ኮይቲ?» ያገዲ ኦይቲስ።

33 ኤንቲካ፡ «ጎዳው፡ ኦ ኣይፊይ ያላና ሜላ ኮዮስ» ያገደሶና። 34 ዬሱሲ ኤንታው ቃዴቲዲ፡ ኤንታ ኣይፊያ ቦቲስ። ኤሌሲዲ ኤንታ ኣይፊይ ያሊስ፤ ኤንቲ ኢያ ካሊዲ ቢደሶና።

19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 * 20:2 ኢሲ ዲናሬ፡ ኢሲ ኣሲ ኢሲ ጋላስ ኦላ ፔሲዲ ኤኪያ ሚሺ። 20:8 ሉቁ 19:13፤ ዛሬ 24:15 20:16 ማቶ 19:30፤ ማር 10:31፤ ሉቃ 13:30 20:26 ማቶ 23:11፤ ማር 9:35፤ ሉቃ 22:26

21

ዩሱስ ገታ ቦንቸን ዩሩሳሌም ጌሊስ
(ማር 11:1-11፤ ሉቃ 19:28-40፤ ዮሃ 12:12-19)

1 ዩሱሳሪኔ ኢያ ታማሪታራ ዩሩሳሌም ማቲዲ፣ ሻማሆ ዳሪያ ቦላ ዳዒያ ቤቴፋን ገያ ጉታ ጋኪሼ፣ ዩሱሱ ባ ታማሪታፔ ናምባታ ባፔ ሲንፊ ያጊዲ ከቲስ፡
2 «ሂንቴፊ ሲንፋን ዳዒያ ጉታ ቢቴ፡ ያን ኢሲ ሃሪይ ቃሾን ዳዒያር ኢ ማራራ ሂንቴ ሶሁዋራ ዳማና፡ ኢንታ ቢሊዲ ሃ ኤኪ ዪቴ፡ 3 ኢኒካ ሂንቴና ኦይቸኮ፣ ሳዳይ ኤንታና ኮዬስ) ያጊቴ፡ ኢ ኤንታና ኢራካ ዬዲ ኣገና» ያጊስ፡

4 ሄሲካ ናቤይ፣
5 «ጂዮኔ ካታማስ፡
«ሄኮ፣ ኔ ካዋይ ኣሽኬ ገዲዲ፣ ሃሪ ቦላኔ ሃሪ ማራ ቦላ ኡቲዲ፣ ኔኮ ዬስ) ያጊቴ» ያጊዲ ፃፊዳይሲ ፖሌታና ማላ ሄሲ ሃኒስ፡

6 ኢያ ታማሪቲ ቢዲ ዩሱሱ ኤንታ ከቲዳይሳዳ ኦሊደሶና፡ 7 ሃሪወኔ ሃሪ ማራ ኤሂዲ ቦላር ማዒዳ ባንታ ማዑዋ ኤንታ ዘኮን ዩጊደሶና፡ ዩሱሱ ማጋታ ቦላ ኡቲስ፡ 8 ዳር ኣሳይ ባንታ ማዑዋ ኦጊያን ሂጂደሶና፡ ሃራቲ ቦንጮ ታሺዲ ኦጊያ ቦላ ዩጊደሶና፡ 9 ዩሱሳፔ ሲንፋራ ሃሙቴይሳቲኔ ኢያፔ ጉዬራ ካሊያ ዳር ኣሳይ፡ «ሆሳና! * ዳዋቴ ናዓይ ጋላቲቶ! ጎዳ ሱንፋን ዩይሲ ኣንጃቲዳይሳ! ቦንቸይ ኡባፊ ጶቃ ሳሉዋን ያሳሰ ገደ!» ያጊዲ ዋሲደሶና፡

10 ዩሱሱ ዩሩሳሌም ካታማ ጌሊዳ ዋዴ ሄ ካታማን ዳዒያ ኣሳ ኡባይ፡ «ሃይሲ ኦኔ?» ያጊዲ ያርኪደሶና፡
11 ኣሳይ፡ «ሃይሲ ጋሊላን ዳዒያ ናዚሬቴ ካታማፔ ዪዳ ናቢያ ዩሱሳ» ያጊደሶና፡

ዩሱሱ ያሳ ከሌ ጌሊስ
(ማር 11:15-19፤ ሉቃ 19:45-48፤ ዮሃ 2:13-22)

12 ዩሱሱ ያሳ ከሌ ጌሊዲ፣ ያን ባይዜይሳታኔ ሻማይሳታ ኡባ ካሪ ጎዲስ፡ ማሼ ላማይሳታ ፃርጶዛታኔ ሆሌታ ባይዚያ ኦይዳታ ሽሪ ዩጊስ፡ 13 ኢካ ኤንታኮ፡ «ያሳ ቃላን፣ ታ ከላይ ያሳ ዋሲያ ከሌ ጌቲታና) ጌቲቲ ፃፊቲስ፡ ሺን ሂንቴ ፓንጋቲ ቆሴቲያ ጎንጎሎ ኦሊዳታ» ያጊስ፡

14 ዩሱሱ ያሳ ከላን ዳዒሺን ቆቄቲኔ ጉንዳቲ ኢያኮ ዪን ኤንታ ፓሊስ፡ 15 ሺን ካሂኔ ሃላቃቲኔ ሂጌ ኣስታማሪቲ ዩሱሱ ኦሊዳ ማላሊሲያባታ ቤዒዳይሳሲኔ ጉላ ናይቲ ያሳ ከላን፡ «ዳዋቴ ናዓይ፣ ጋላቲቶ» ያጊዲ ዋሲይሳ ሲዒዲ ሃንቄቲደሶና፡ 16 ኤንቲ ዩሱሳኮ፡ «ሃይሳቲ ጌይሳ ኔ ሲዓይ?» ያጊደሶና፡

ዩሱሱ፡ «ኤ ሲዓይስ፡ ያሳ ቃላን፣ ሩጉላ ናይታ ደናኒኔ ቋሚያ ናይታ ደናን ጋላታ ዋላዳሳ) ጌቲቲዲ ፃፊቲዳይሳ ሂንቴ ናባቢኬኬቲ?» ያጊስ፡ 17 ኤንታና ያን ኣጊዲ ቢታኒያ ካታማ ቢዲ ኣቄስ፡

ጎዳይ ባዲዳ ባላሴ ሚሊው
(ማር 11:12-14፤ 20-24)

18 ዩሱሱ ዋንታ ጉራ ካታማ ሲሚዲ ዪሼ ኮሻቲስ፡
19 ኦጌ ጋፃን ኢሲ ባላሴ ሚሊ ቤዒዲ ኢኮ ቢስ፡ ሺን ሃይላፊ ኣቲን ሃራ ኣይኮካ ዳሚቤና፡ ሄሳ ጊሾ፣ ኢዮ፡

«ሂዛፔ ናምባንፉ ኣይፊ ኣይፎፓ!» ያጊስ፡ ሄ ባላሴ ሚሊያ ኤሌሳዳ ሚላ ኣጋሱ፡

20 ኢያ ታማሪቲ ሄሳ ቤዒዲ፡ «ሃ ባላሴያ ዋናዳ ኤሌሳ ሚላዴ?» ያጊዲ ማላሊቲደሶና፡

21 ዩሱሱ ዛሪዲ፡ «ታኒ ሂንቴው ቱማ ኦዳይስ፤ ሂንቴው ኣማኖይ ዳዒኮ፣ ቃሲ ሂንቴ ሲጶና ኢጂኮ ባላሴ ቦላ ታኒ ኦሊዳይሳ ሚላ ፃላላ ኦሌኬታ፡ ሺን ሳ ሄ ዳሪያ ሾዴታዳ ኣባን ዋቋ) ያጊኮ ሃናና፡ 22 ኣማኒዲ ሂንቴ ዋሲያባ ኣይቢባ ጊዲኮካ ሂንቴ ኤካና» ያጊስ፡

ዩሱሳ ማታይ ኦይሼቲስ
(ማር 11:27-33፤ ሉቃ 20:1-8)

23 ዩሱሱ ያሳ ከላ ጌሊዲ ታማርሲሺን፣ ካሂኔ ሃላቃቲኔ ኣይሁዳ ጨማቲ ኢያኮ ዪዲ፡ «ኔኒ ሃይሳ ኦላና ሚላ ኔው ኣይ ማቲ ዳዒ? ኔው ሃ ማታ ኢሚዳይ ኦኔ?» ያጊዲ ኦይቸደሶና፡

24 ዩሱሱ ኤንታኮ፡ «ታኒካ ሂንቴና ኢሲባ ኦይቻይስ፤ ሂንቴ ታው ሃሳ ዛሪኮ፡ ታኒ ኣይ ማታን ኦሊያኮ ሂንቴው ኦዳና፡ 25 ዮሃኒሲ ፃማቃና ሚላ ማታይ ኣወፔ ኢማቲዳ? ያሳፊዬ ኣሳፔ?» ያጊስ፡

ኤንቲ ባንታ ገደን ዘሪቲዲ፡ «ኦኒ፣ (ያሳፊ) ገኮ፡ ኢ ኦና፣ (ያቲን ኣይስ ኣማኒቤኬቲ?) ያጋና፡ 26 ኦኒ፣ (ኣሳፔ) ገኮ፡ ኣሳ ኡባይ ዮሃኒሳ ናቤ ኦሊ ያሊያ ጊሾ ኣሳ ያዮስ» ያጊደሶና፡ 27 ሄሳ ጊሾ፡ «ኦኒ ኤሮኮ» ያጊዲ ዛሪደሶና፡

ኢካ፡ «ሂዛ፣ ታኒካ ሃይሳ ኣይ ማታን ኦሊያኮ ሂንቴው ኦዲኬ» ያጊስ፡

ናምዑ ናይታ ለሚሶ

28 «ዩሱሱ ካሊዲካ ሃይሳዳ ያጊስ፡ ናምዑ ኣዴ ናይቲ ዳዒያ ኢሲ ኡራይ ዳዒስ፡ ሄ ኡራይ ባይራ ናዓኮ ቢዲ፣ ታ ናዓው፣ ሃቸ ዋይኒያ ገደ ባዳ ኦላ) ያጊስ፡
29 ናዓይ ዛሪዲ፡ (ኣቶ ቢኬ) ያጊስ፡ ሺን ጉዬፔ ባ ዋዛናን ቆፔ ኤኪዲ ኦላናው ቢስ፡ 30 ኣዋይ ባ ካሎ ናዓኮ ቢዲ፣ ባ ባይራ ናዓኮ ገዳይሳዳ ከቲስ፡ ኢካ፡ (ኦሮ፣ ታ ኣዋው) ያጊስ፡ ሺን ቢቤንና፡ 31 ሃ ናምዑ ናይታፔ ባ ኣዋስ ከቲቲዳይሲ ኣወሴ?» ያጊስ፡

ኤንቲካ፡ «ባይራ» ያጊደሶና፡

ዩሱሱ ኤንታኮ፡ «ታ ሂንቴው ቱማ ኦዳይስ፤ ቃራፃ ቃንጂሴይሳቲኔ ላይማቴይሳቲ ሂንቴፊ ሲንፋቲዲ ያሳ ካዋቲላ ጌላና፡ 32 ፃማቄያ ዮሃኒሲ ሱሬ ኦጊያ ታማርሲሺ ዪን ኢ ጌይሳ ኣማኒቤኬታ፡ ሺን ቃራፃ ቃንጂሴይሳቲኔ ላይማቴይሳቲ ኣማኒደሶና፡ ሂንቴ ሃሪ ኣቶሺን፣ ኤንታ ቤዒዲካ ሂንቴ ናጋራፔ ሲሚዲ ኣማኒቤኬታ» ያጊስ፡

ዋይኒያ ገደን ኦሊያ ጎሻንቸታ ለሚሶ
(ማር 12:1-12፤ ሉቃ 20:9-19)

33 ቃሲካ ዩሱሱ ሃይሳዳ ያጊስ፤ «ሃራ ለሚሶ ሲዒቲ፣ ዋይኔ ቶኪዳ ኢሲ ኡራይ ዳዒስ፡ ሄ ዋይኒያ ዩሹዋ ዲሪስ፡ ዋይኒያ ጉምዒያ ኦላካ ቦኪስ፡ ዋይኒያ ናጋናው ሻኮካ ሻኪስ፡ ሃሳፊ ጉዬ፣ ጋዲያ ኮሌ ኢሚዲ ሃራ ቢታ ቢስ፡ 34 ዋይኔ ኣይፊያ ማዒያ ዋዴይ ጋኪን ባና ጋኪያ ባጋ ኤኪዲ ያና ሚላ ባ ኣይሌታ ኤንታኮ ዩዲስ፡ 35 ኮሌ ኣዋቲ ኢያ ኣይሌታ ኦይኪዲ ኢሱዋ ዋዲደሶና፣ ሃንኩዋ ዋዲደሶና ቃሲ ኣቲዳይሳ ሹቻን

21:5 ዛካ 9:9 * 21:9 ሆሳና፡ ኢብራይስጫ ደናን ሆሳና ጉሳይ «ኦና ኣሻ ጉሱ፡ ቃሲ ኣሳይ ያሳ ጋላታናው ጎዔቲያ ቃላ፡ 21:9 ማዘ 118:25 21:13 ኣሳ 56:7፤ ኤር 7:11 21:21 ማቶ 17:20፤ 1ቆር 13:2 21:32 ሉቃ 3:12፤ 7:29-30 21:33 ኣሳ 5:1-2

ጫዲዶሶና። 36 ዋይኔ ኣታከልቲያ ጎዳይ ካሴይሳታፕ ደሪያ ሃራ ኣይሌታ ከቲሰ። ኮሌ ኣዋቲ ኤንታ ቦላካ ሃንኮይሳታ ቦላ ኦሊዳይሳዳ ኦሊዶሶና። 37 ወርሴላን ኢ፡ ታ ናዓ ኤንቲ ቦንቻና! ያጊዲ ባ ናዓ ኤንታኮ ከቲሰ።

38 «ሺን ኮሌ ኣዋቲ ናዓ ቤዲዲ ባንታ ጊዶን ስጋዲያ ላታናይሲ ሃይሳ፡ ኢያ ዋዲዲ ጋዲያ ኵኒ ላቶሰ!» ያጊዶሶና። 39 ናዓ ኦይኪዲ ዋይኒያ ጊዶፊ ጋፃ ከሲዲ ዋዲዶሶና።

40 «ሂዛ፡ ዋይኔ ኣታከልቲያ ጎዳይ ያ ዋዳ ሄ ኮሌ ኣዋታ ዋታኔ?» ያጊዲ ኦይቸሰ።

41 ኤንቲ ዛሪዲ፡ «ኢ ሄ ኢታ ኣሳታ ኢታ ዋዶ ዋዲዲ፡ ዋይኔይ ኣይፊያ ዋዳ ኢያ ጋኪያ ባጋ ዋዴን ዋዴን ኢሚያ ሃራ ኮሌ ኣዋታሰ ኢማና» ያጊዶሶና።

42 ዩሱሲ ዛሪዲ ኤንታኮ፡ ያሳ ቃላን፡ « ረምቤይሳቲ ቦሪዲ ኢዲዳ ሹቻይ፡ ጎዳ ያጸዋ ሚንሌያ፡ ኡባፊ ኣዲያ ሹቻ ጊዲሰ። ሃይሲ ጎዳይ ኦሊዳባ፤ ኦ ኣይፊያሰ ማላሊሲያባ) ጌቲቲዲ ያፊቲዳይሳ ናባቢቤኬቲ?

43 «ሃሳ ጊሾ፡ ታኒ ሂንቲው ኦዳይሰ፤ ያሳ ካዋቲላይ ሂንቲፊ ኤኬቲዲ ሎዶ ኣይፊ ኣይፊያ ኣሳታሰ ኢሚታና። 44 [ሃ ሹቻ ቦላ ከንዲያ ኡባይ ማቄሬታና። ቃሲ ሄ ሹቻይ ኢያ ቦላ ዋዲያ ኡራይካ ጋጩታና] † ያጊሰ።

45 ካሂኔ ሃላቃቲኔ ፋሪሳዊቲ ዩሱሲ ኦዲዳ ለሚሱዋን ባንታና ኦዲዳይሳ ኤሪዶሶና። 46 ኤንቲ ዩሱሳ ኦይካናው ኮዩዶሶና፡ ሺን ኣሳይ ዩሱሳ ናቤ ኦሊዲ ያሊያ ጊሾ ኣሳሰ ያዩዶሶና።

22

ያጋኖ ያሳ ለሚሶ (ሉቃ 14:15-24)

1 ዩሱሲ ኣሳሰ ዛሪዲ ሃይሳዳ ያጊዲ ለሚሶ ኦዲሰ። 2 «ያሳ ካዋቲላይ ባ ናዓሰ ያጋኖ ጊሲሲዳ ካወዋ ዳኔሰ። 3 ሄ ካዋይ ያጋኖ ያና ሜላ ኦዲ ዋሊዳ ኣሳታ ያጋናው ባ ኣይሌታ ከቲሰ። ሺን ኣሳቲ ያናው ኮዩቦኮና። 4 ቃሲ ሃራ ኣይሌታ ያጊዲ፡ ያጌቲዳ ኣሳታኮ ቢዲ፡ ታኒ ታ ሳንጋታኔ ዋዲዳ ጋታርሜንሎታ ሹካሰ፤ ኡባባይ ጊሲሰ። ታ ያጋኑዋ ሃ ዩቲ ያጊቲ» ያጊዲ ከቲሰ። 5 ሺን ያጌቲዳይሳቲ ያሳ ኢዲዲ፡ ባንታ ኦሶሰ ኦሶሰ ቢዶሶና። ኢሶይ ባ ጎሻሰ፡ ሃንኮይ ባ ዛልዲያሰ ቢሰ። 6 ሃራቲ ቃሲ ካወዋ ኣይሌታ ኦይኪዲ፡ ካወሺ ዋዲዲ ዋዲዶሶና።

7 «ካዋይ ዳር ዩሎቲዲ፡ ባ ዋታዳሬታ ዩዲዲ ሸምፖ ዋዲዳይሳታ ዋዲሲሰ፡ ኤንታ ካታማካ ፀሊሰ። 8 ሃሳፊ ጉዩ፡ ባ ኣይሌታኮ፡ (ያጋኖይ ጊሲሰ፡ ሺን ያጌቲዳይሳቲ ያጋኑዋሰ ቤሲያ ኣሲ ጊዶኮና። 9 ሃሳ ጊሾ፡ ዋጋ ኣጌታ ቢዲ፡ ዳሚዳ ኣሲ ኡባ ያጋኑዋ ያና ሜላ ያጊቲ» ያጊሰ። 10 ኣይሌቲ ኦጊያ ቦላ ቢዲ ባንታ ዳሚዳ ኣሲ ኡባ ሎዶታኔ ኢታታ ኤሂዲ ያጋኖ ሻቃራ ጌላሲዲ ከንሲዶሶና።

11 «ሺን ካዋይ ካሳ ማናው ኡቲዳ ኣሳ ቤዳናው ጌሊዳ ዋዳ ያጋኖ ማፖ ማዲቦና ኢሲ ኣሲ ዳሚሰ።

12 ኢያኮ፡ «ላ፡ ኔ ያጋኖ ማፖ ማፖና ዋናዳ ሃይሳ ጌላዲ?» ያጊሰ። ሺን ኡራይ ሲዲ ጊሰ።

13 «ካዋይ ባ ኣይሌታኮ፡ «ሃ ኡራ ከሺያኔ ቶሁዋ ቃቸዲ፡ ካሬ ዱማ ኬሲ ዩጊቲ። ያን ኢያው ዩሆኔ ኣቻ ጋርጩላ ጊዳና» ያጊሰ።

14 «ሄሳዳካ፡ ያሳ ካዋቲላሰ ያጌቲዳይሳቲ ዳር ሺን ዳራቲዳይሳቲ ጉላ» ያጊሰ።

ጊራባ (ማር 12:13-17፤ ሉቃ 20:20-26)

15 ሃሳፊ ጉዩ፡ ፋሪሳዊቲ ቢዲ፡ ዩሱሳ ዋቲ ኦዲን ኣይካኔኮ ዘሬቲዶሶና። 16 ባንታ ታማሬታኔ ሄርዲሳ ባጋታፕ ኢሶታ ኢሶታ ከቲዶሶና። ኤንቲካ፡ «ኣሰታማሪያው፡ ኔ ቱማ ኦይሳ ኦ ኤርሰ። ኔኒ ኣሳፕ ኣሴ ሻካካ፡ ኣሳ ዋይጋንዴሰ ጋዳ ኣይኮካ ኦሳካ፡ ያሳ ኦጊያ ቱማቲላን ታማርሳሳ። 17 ኣኔ ኦሰ ኦዳ፡ ኦኒ ሮሜ ካወዋሰ ጊራ ጊራናው ቤሲ ቤሴኔ?» ያጊዶሶና።

18 ሺን ዩሱሲ ኤንታ ኢታ ቆፋ ኤሪዲ፡ «ሃ ጩቦቶ፡ ታና ኣይሰ ፓጩቲ? 19 ጊራ ጊሪያ ሚሺያ ታና ቤሲቲ» ያጊሰ። ኤንቲካ ኢያው ሳንቲሜ ኤሂዶሶና። 20 ኢ፡ «ሃ ሱንሳይኔ ማላይ ኦዳባዩ?» ያጊሰ።

21 ኤንቲ፡ «ሮሜ ካወዋይሳ» ያጊዶሶና። ያቲን ዩሱሲ ኤንታኮ፡ «ሂዛ፡ ካወዋሰ ቤሴይሳ ካወዋሰ፡ ያሳሰ ቤሴይሳ ያሳሰ ኢሚቲ» ያጊሰ።

22 ኤንቲ ሃሳ ሲዲዳ ዋዳ ማላሌቲዲ ኢያ ማታፕ ኣጊዲ ቢዶሶና።

ሃይቆፕ ዳንዶባ (ማር 12:18-27፤ ሉቃ 20:27-40)

23 ሄ ጋላሰ ሃይቆፕ ዳንዶይ ባዋ ያጊያ ሳዲቃዊቲ ዩሱሳኮ ዩዲ፡ ያጊዲ ኢያ ኦይቸዶሶና።

24 «ኣሰታማሪያው፡ «ሙሴይ፡ ኢሲ ኣሲ ናዓ ዩሎና ሃይቁኮ፡ ሄ ሃይቁዳይሳ ኣሻይ ኢያ ማቸው ኤኪዲ፡ ባ ኣሻሰ ናዓ ዩሎ» ያጊዲ ከቲሰ። 25 ኦ ኤሪያ ላፑን ኣሻቲ ዳዶሶና። ባይራይ ማቸ ኤኪዲ ናዓ ዩሎና ሃይቁሰ። ኢያ ማቸው ኢያ ካሎ ኣሻይ ኤኪሰ። 26 ሃሳዳካ፡ ሄ ማጫሲው ኤኪዳ ናምዓንሎይካ፡ ሄጃንሎይካ፡ ቢዲ ላፑናቲ ወራና ጋካናው ኡባይ ሃይቁዶሶና። 27 ኡባፊ ጉዩ ሄ ማጫሲያ ሃይቃሱ። 28 ያቲን፡ ላፑናቲ ኡባይ ኢያ ኤኪዳ ጊሾ ሃይቆፕ ዳንዲያ ጋላሰ፡ ሄ ማጫሲያ ላፑናታፕ ኣወሳሰ ማቸ ጊዳኔ?» ያጊዶሶና።

29 ዩሱሲ ዛሪዲ፡ «ሂንቲ ያሳ ቃላይ ታማርሲያባ ዋይኮ ኢያ ዋልቃ ኤርና ጊሾ ባሌታ። 30 ኣሳይ ሃይቆፕ ዳንዲያ ዋዳ ሳሎን ዳዲያ ከታንቸታ ሜላ ጊዳናፕ ኣቲን ኤኮኮና ጌሎኮና። 31 ቃሲ ሃይቁዳ ኣሳቲ ሃይቆፕ ዳንዳናባ ያሳይ ሂንቲው ኦዲዳይሳ ናባቢቤኬቲ? 32 ያሳይ፡ ታኒ ኣብራሃሜ ያሳ፡ ዩሳቃ ያሳ፡ ያይቆባ ያሳ» ያጊሰ። ሃሳ ጊሾ፡ ያሳይ ፓፃ ዳዲይሳታ ያሳፊ ኣቲን ሃይቁዳይሳታ ያሳ ጊዳና» * ያጊሰ።

33 ዳር ኣሳይ ሃሳ ሲዲዲ፡ ኢያ ቲሚርቲያን ማላሌቲዶሶና።

ኡባፊ ባይራቲያ ከታ (ማር 12:28-34፤ ሉቃ 10:25-28)

21:42 ማዘ 118:22 † 21:44 ኢሲ ኢሲ ቤኒ ማፃፋቲ ፓይዶ 44 ጉጃሶና (ሉቃ 20:18 ያሊቲ)። 22:13 ማቶ 8:12፤ 25:30፤ ሉቃ 13:28 22:23 ሃ.ኦ 23:8 22:24 ዛሬ 25:5 * 22:32 ያሳይ ፓፃ ዳዲይሳታ ያሳፊ ኣቲን ሃይቁዳይሳታ ያሳ ጊዳና፡ ዩሱሲ ሃ ቤሳን ኦዲይ ያሳይ ሃ ሃይቁዳ ሄጃንሎ ያሴ ጊዲኮ ኤንቲ ዳዶን ዳዶሶና ያጌይሳ። 22:32 ኬሳ 3:6

ዎዴ ዴዲዳባ ገዲያኮ፡ ኤንታራ ኢሲፌ ናቤታ ሱላ ጉሶኮሽን) ያገታ። 31 ሄሳ ገሾ፡ ሂንቴ ናቤታ ዎዲዳ ኣሳ ናይታ ገዴይሳ ሂንቴ ሂንቴ ሁዒን ማርካቴታ። 32 ሂዛ፡ ሂንቴ ኣቀቴ ደሚዳይሳ ሂንቴ ፖሊቴ።

33 «ሃ ሾሻቶ፡ ሾሻ ናይቶ፡ ሂንቴ ጋናሚ ፒርዳፊ ዎኒዲ ኣታኔ? 34 ሄሳ ገሾ፡ ታ ኦዴይሳ ሲዒቴ፤ ታኒ ናቤታ፡ ጨንጫ ኣሳታኔ ኣስታማሬታ ሂንቴኮ ኪታና። ኤንታፊ ኢሶታ ኢሶታ ሂንቴ ዎዲዳ ኣሳ ማርካቴታ ስላ ካቃና። ባጋታ ኣይሁዴ ዎሳ ኬላታን ሊሶን ጋራፋና ካታማፔ ካታማ ጎዳና። 35 ሄሳ ገሾ፡ ዲሉዎ ኣቤላ ዎዲዳ ዎዲያፔ ደሚዲ፡ ያሳ ኬላሲኔ ያርሾ ቤሳፊ ገደን ሂንቴ ዎዲዳ ባራኪያ ናባ ዛካሪያሳ ዎዴ ጋካናው ሃይቁዳ ዲሎ ኣሳ ኡባ ገሾ ሂንቴ ሴሬታና። 36 ታኒ ሂንቴው ቱማ ኦዴይሳ፤ ሂንቴኔ ሂንቴ ኣቀቴ ኦሊዳ ባላሰ ሃ ፒርዳ ኡባይ ሃ ዩሌቴላ ስላ ጋካና።

ዩሱሲ ዩሩሳላሚስ ዩኪሰ (ሉቃ 13:34-35)

37 «ዩሩሳላሚ፡ ዩሩሳላሚ፡ ናቤታ ዎዲያፊ! ያሳይ ኔኮ ከቲዳይሳታ ሹቻን ጫዲያፊ! ኩቶይ ባ ናይታ ባ ቁፊን ሃዴይሳዳ ታኒ ኔ ኣሳ ታ ቁሲያን ገቻናው ኣፑን ቶሆ ኮያዲና! ሺን ታና ዲጋዳሳ። 38 ሂዛ፡ ሂንቴ ያሳ ኬላይ ካይሲ ገዳና። 39 ታኒ ሂንቴው ኦዴይሳ፤ ሳዳ ሱንላን ዩይሲ ኣንጄቲዳይሳ) ሂንቴ ጋና ጋካናው ናምዓንሉ ታና ቤዔኬታ» ያገሰ።

24

ዩሱሲ ያሳ ኬላይ ሳሌታናይሳ ካሴቴዲ ኦዲሰ (ማር 13:1-2፤ ሉቃ 21:5-6)

1 ዩሱሲ ያሳ ኬላፊ ኬዩዲ ቢሺን፡ ኢያ ታማሬቲ ኢያኮ ዩዲ፡ ማላሊቴዲ ያሳ ኬላ ገምቢያ ቤሲደሶና። 2 ዩሱሲ ኤንታኮ ዛሪዲ፡ «ኤ! ሃይሳ ኡባ ቤዔቴ? ታኒ ሂንቴው ቱማ ኦዴይሳ፤ ሹቹ ሹቻ ስላ ገምቤቴዳ ማላ ላሌቶና ኣቴና» ያገሰ።

ሲንሳፊ ሃናናባታ (ማር 13:3-13፤ ሉቃ 21:7-19)

3 ዩሱሲ ሻማሆ ዴሪያ ስላ ኡቲዳሺን፡ ኢያ ታማሬቲ ባንታርካ ኢያኮ ዩዲ፡ «ሂሲ ኣዉዴ ሃናኔኮ ኵሰ ኦዲ። ቃሲ ኔ ዩሳሲኔ ዎዲያ ዉርሴላሰ ማላታይ ኣይቤ?» ያገዲ ኦይቹደሶና።

4 ዩሱሲ ዛሪዲ፡ «ሂንቴና ኦኒካ ባሌላና ማላ ናገቴቴ! 5 ኣይሰ ገኮ፡ ዳር ኣሳቲ ታ ሱንላን፡ ሓኒ ኪሪሰቶሳ፡ ያሳይ ኣሳ ኣሻናው ከቲዳይሳ) ያገሺ ዩዲ ዳር ኣሳ ባሌላና። 6 ማታን ዴዲያ ኦላ ገርሳ፡ ሃሆን ዴዲያ ኦላ ዎሪ ሲዓናው ዴዲታ። ሄሳ ማላባይ ሃናናው ቤሲያ ገሾ ሂርጎፊቴ። ሺን ዉርሴላይ ቡርና። 7 ዴይይ ዴሪያፊ፡ ኢሲ ካዎቴላይ ሃራ ካዎቴላራ ኦሌታና። ኮሻይኔ ቢታ ቃይይ ኡባ ቤሳን ሃናና። 8 ሄሲ ኡባይ ዩሎ ኣቆሳሰ ዘኬ ማላ።

9 «ሄ ዎዴ ኣሳይ ሂንቴና ዎዩሰ ኣሊ ኢማና፡ ቃቻናኔ ዎዲና። ታ ሱንላ ገሾ ኣሳ ኡባይ ሂንቴና ኢፃና። 10 ሄ ዎዴ ዳርቲ ኣማኖ ኣጋና። ባንታ ገደን ኢሶይ ኢሱዎ ኣሊዲ ኢማና፡ ኢሶይ ኢሱዎ ኢፃና። 11 ቃሲ ዳር ዎርዶ

ናቤቲ ዴንዲዲ ዳርታ ባሌላና። 12 ጌላቴሊ ዳሪያ ገሾ ዳር ኣሳ ሲቆይ ኢርፃና። 13 ሺን ዉርሴሊ ጋካናው ጌንጨያ ኡራይ ኣታና። 14 ኣሳ ኡባሰ ማርካ ገዳና ማላ ያሳ ካዎቴላ ዎንጌላይ ቢታ ኡባን ኦዴታና። ሄሳፊ ጉዩ፡ ዉርሴላይ ያና።

ቱና ባሻ (ማር 13:14-23፤ ሉቃ 21:20-24)

15 «ሄሳ ገሾ፡ ናቢያ ዳኔሊ ኦዲዳ ባሻ ቱናቴላይ ጌሻ ቤሳን ኤቁዳይሳ ሂንቴ ቤዓና። (ኣኬኪሶ፡ ሂሲ ዎይ ጉሱኮ ናባቤይሲ ኣኬኮ!) 16 ሄ ዎዴ ዩሁዳ ቢታን ዴዲይሳቲ ዴሪያኮ ባቃቶ። 17 ኬላ ሁዒን ዴዲያ ኡራይ ባ ሶን ዴዲያባ ኤካናው ሶ ጌሎና ባቃቶ። 18 ጋዴን ዴዲይሲ ባ ማዑዎ ኤካናው ጉዩ ሲሞፎ። 19 ሄ ዎዴ ቃንላ ማጫሳታሲኔ ቋንሊያ ማጫሳታሰ ዳር ኡንዓ ገዳና። 20 ባልጎን ዎይኮ ሳምባታን ሂንቴ ባቃቶይ ገዳና ማላ ያሳ ዎሲቴ። 21 ኣይሰ ገኮ፡ ሳዲ ሜዴቶሳፔ ሃቹ ጋካናው ሃናናባይ፡ ቃሲ ሲንሳፊካ ኡባራካ ሃናና ዎዩይ ሄ ዎዴ ሃናና። 22 ያሳይ ሄ ጋላሳታ ታይቡዎ ጉላናኮ ኣሴ ገዲዳ ኦኒካ ኣቴና። ሺን ኢ ባ ደሪዳ ኣሳታ ገሾ ሄ ጋላሳታ ታይቡዎ ጉላና።

23 «ሄ ዎዴ ኣኒካ ሂንቴና፡ ሓኮ፡ ኪሪሰቶሲ ሃይሳን) ዎይኮ (ሂኒን ዴዲሰ) ያገኮ ኣማኖፔ። 24 ኣይሰ ገኮ፡ ዎርዶ ኪሪሰቶሳቴኔ ዎርዶ ናቤቲ ዴንዳና። ኤንታው ዳንዳዴቴኮ፡ ሃሪ ኣቶሺን ያሳይ ደሪዳይሳታካ ባሌላናው ገታ ማላታታኔ ማላሊሲያባታ ኦላና። 25 ኣኬኪቴ፡ ታኒ ሂንቴው ሃይሳ ካሴታዳ ኦዲሰ።

26 «ሄሳ ገሾ፡ ኣሳይ ሂንቴኮ፡ ሓኮ፡ ኪሪሰቶሲ ባዘን ዴዲሰ) ገኮ፡ ያ ቦፒቴ። ዎይኮ ሂንቴኮ፡ ሓኮ፡ ቆልዓን ዴዲሰ) ገኮ፡ ኤንታባ ኣማኖፔ። 27 ኣይሰ ገኮ፡ ዎልዓንላ ሳሎን ዎልዓሚዲ፡ ደሎሃፔ ዉሎሃ ጋካናው ቤንቴይሳዳ፡ ኣሳ ናባ ዩሳይ ሃሳዳ ሃናና።

28 «ባዉቲ ዴዲይሶን ኣንኮቲ ሺቃና። ኪሪሰቶሲ ናምዓንሉ ያና (ማር 13:24-27፤ ሉቃ 21:25-28)

29 «ሄ ዎዴ ሄ ዎዩ ጋላሳታፔ ጉዩ፡ ስሁዎራ ኣዎይ ቋማና፡ ኣጌናይ ባ ፖዑዎ ዲጋና። ያለንቶቲ ሳሎፔ ዎዲና፡ ቃሲ ሳሎን ዴዲያ ዎልቃቲ ቡቂታና።

30 ሄ ዎዴ ኣሳ ናባ ዩሳ ማላይ ሳሎዎ ስላ ቤንታና። ሳዓን ዴዲያ ኣሲ ኡባይ ዩካና። ቃሲ ኣሳ ናባይ፡ ዎልቃራኔ ገታ ቦንቹዎራ ሳሎዎ ሻራ ገደራ ዩሺን ኤንቲ ቤዓና። 31 ኢ ባ ኪታንቸታ ገታ ፑኒያ ሞይዜራ ኪታና። ኤንቲ ሳዓ ኦይዲ ባጋ ቢዲ፡ ሃ ጋፃፔ ያ ጋፃ ጋካናው ዴዲያ ኢያው ደሬቲዳይሳታ ሺሻና።

ጎዳይ ያና ጋላሳ ማላታ (ማር 13:28-31፤ ሉቃ 21:29-33)

32 «ባላሴ ሚላፊ ታማሬቲ። ኢ ኣጨዲ ሃይዲያ ዎዴ ቶርቹይ ማታቲዳይሳ ሂንቴ ኤሬታ። 33 ሃሳዳካ፡ ሂንቴ ሃ ኡባባ ቤዲያ ዎዴ ዩሱሲ ማቲዲ ፔንጌን ዴዲይሳ ኤሪቴ። 34 ታኒ ሂንቴው ቱማ ኦዴይሳ፤ ሃ ኡባባይ ፖሌታና ጋካናው፡ ሃ ዩሌቴላይ ኣዴና። 35 ሳሎይኔ ሳዓይ ኣዳና፡ ሺን ታ ቃላይ ኡባካ ኣዴና።

23:33 ማቶ 3:7፤ 12:34፤ ሉቃ 3:7 23:35 ሜዴ 4:8፤ 2ታሪ 24:20 23:38 ኤር 22:5 23:39 ማዝ 118:26 24:9 ማቶ 10:22 24:13 ማቶ 10:22 24:15 ዛሬ 9:27፤ 11:31፤ 12:11 24:17 ሉቃ 17:31 24:21 ሜዴ 12:1፤ ዮ.ቆ 7:14 24:26 ሉቃ 17:23-24 24:28 ሉቃ 17:37 24:29 ኢሳ 13:10፤ ኤር 2:10 24:30 ዛሬ 7:13፤ ዛካ 12:10

ጎዳይ ያና ጋላሳ ኦሪካ ኤሬና
(ማር 13:32-37፤ ሉቃ 17:26-30፤ 34-36)

36 «ሄ ጋላሳኔ ሄ ሳቲያ ሳሎን ዳዊያ ታ አዋፔ ኣቲን ሃሪ ሳሎ ከታንቸታ ጊዲን ወይኮ ናባ ጊዲን ኦሪካ ኤሬና። 37 ኣሳ ናባ ዩሳይ፣ ኖሄ ዋዴ ሃኒዳይሳ ማላ ጊዳና። 38 ሄ ዋዴ ቆዮ ሃላይ ያናፔ ሲንጤ ኖሄይ ማርካቢያን ጌሊዳ ጋላሳ ጋካናው፣ ኣሳይ ማሼኔ ኡዩሼ፣ ኤኪሼኔ ጌሊሼ ጋምዲሰ። 39 ባሻ ሃላይ ዩዲ፣ ኤንታ ኡባ ቆይሳና ጋካናው ኣክኪቦኮና። ኣሳ ናባ ዩሳይካ ሄሳዳ ሃናና።

40 «ሄ ዋዴ ናምቡ ኣሳቲ ጋዴን ኦላና። ኤንታፊ ኢሶይ ኤኬታና፣ ሃንኮይ ኣታና። 41 ናምቡ ማጫሳቲ ኢሲፊ ጋጫና። ኤንታፊ ኢሲኒያ ኤኬታና ሃንኪያ ኣታና።

42 «ሂዛ፣ ሂንቴ ጎዳይ ኣይ ጋላሰ ያኔኮ ሂንቴ ኤርና ጊሾ ማኒዲ ናጊቴ። 43 ሺን ካይሶይ ቃማፊ ኣይ ሳቲን ያኔኮ ከላዋይ ኤሪያኮ፣ ባ ከላይ ቦኬቶና ማላ ባርኪዲ ናጋናሺን። 44 ሄሳዳካ፣ ኣሳ ናባይ ሂንቴ ቆፖና ሳቲን ያና ጊሾ ሂንቴካ ጊሊዲ ዳዲቴ።

ኢታኔ ሎዖ ኣይሌታ ለሚሶ
(ሉቃ 12:41-48)

45 «ያቲን፣ ባ ሶ ኣሳሰ ካላ ኮሺያ ዋዲያን ኢማና ማላ ኢያ ጎዳይ ዶሪዳ ኣማንጤይሲኔ ዋዛናማ ኣይሌይ ኦኔ? 46 ኢ ባ ጎዳይ ከቲዳይሳ ኦሊሺን ኢያ ጎዳይ ዩዲ ዳሚያ ኣይሌይ ኣንጃቲዳይሳ። 47 ታኒ ሂንቴው ቱማ ኦዳይሰ፤ ጎዳይ ሄ ኣይሊያ ባባ ኡባ ቦላ ሹማና። 48 ሺን ሄ ኣይሌይ ኢታ ጊዲኮ፣ ታ ጎዳይ ጋምዲዲ ያና) ያጊዲ ባ ዋዛናን ቆፒዲ፣ 49 ባ ላጌ ኦሳንቸታ ዋዶ ደሚኮ፣ ማላቲይሳታሪ ማኮኔ ኡዩኮ፣ 50 ሄ ኣይሊያ ጎዳይ ኢ ቆፖና ጋላሲኔ ኢ ኤርና ሳቲን፣ 51 ዩዲ ኢያ ቃንጃሬላና። ኢያ ቃዳ ጨቦታራ ኦላና። ሄ ቤሳን ኢያው ዩሆኔ ኣቺ ጋርጤላ ጊዳና።

25

ታሙ ጌላዖታ ለሚሶ

1 «ሄ ዋዴ ሳሎ ካዎቲላይ ባንታ ኩራዚያ ኦይኪዲ፣ ማቾ ኤሃናው ቢዳ ኣዲያ ሞካናው ከዩዳ ታሙ ጌላዖታ ዳኔሰ። 2 ኤንታፊ ኢቻሻቲ ኤያ፣ ቃሲ ኢቻሻቲ ጨንጫ። 3 ኤያቲ ኩራዜ ኦይኪዳሶና፣ ሺን ሃራ ለምባ ኦይኪዳሶና። 4 ሺን ጨንጫቲ ባንታ ኩራዚያኔ ሃራ ጉዣ ለምባ ኦይኪዳሶና። 5 ማቾው ኤኬይሲ ጋምዲን፣ ሄ ጌላዖቲ ባንታና ጳሰኮይ ኦይኪን ጳሰኪዳሶና።

6 «ጊዲ ቢላሂ ጊዲያ ዋዴ ሃኮ፣ ማቾው ኤሄይሲ ጋኪሰ፣ ኢያ ሞካናው ከዩቲ» ያጊያ ጊታ ጫቦይ ሲዔቲሰ።

7 «ሄ ዋዴ ሄ ጌላዖቲ ኡባይ ባርኪዲ፣ ባንታ ኩራዚያ ጊሲሲዳሶና። 8 ኤያቲ ጨንጫታኮ፣ ሓ ኩራዜይ ቶዓና ሃኒያ ጊሾ ሂንቴ ለምባፊ ኦሰ ኢማርኬቴ) ያጊዳሶና።

9 «ሺን ጨንጫቲ ኤንታኮ ዛሪዲ፣ ሳካይ፣ ኦሲኔ ሂንቴሰ ጊዲያ ለምባ ባዎ። ሃሳ ጊሾ፣ ሂንቴው ቢዲ ሻሚዲ ኤኪቴ) ያጊዳሶና። 10 ኤያ ጌላዖቲ ለምባ ሻማናው ቢን፣ ማቾው ኤኬይሲ ፑቲ ጊሰ። ጊጌቲ ኡቲዳ ኢቻሹ ጌላዖቲ ኢያራ ኢሲፊ ያጋኖ ከላ ጌሊዳሶና፤ ካሬይካ ጎርዳቲ ኣጊሰ።

11 «ጉዩፔ ሃንኮ ጌላዖቲ ዩዲ፣ ሳዳው፣ ጎዳው፣ ኦሰ ዳያርኪ) ያጊዳሶና።

12 «ሺን ኢ ኤንታኮ ዛሪዲ፣ ታኒ ሂንቴው ቱማ ኦዳይሰ፤ ታ ሂንቴና ኤሪኬ!»

13 «ሂዛ፣ ኣሳ ናባይ ያና ጋላሳ ወይኮ ሳቲያ ሂንቴ ኤርና ጊሾ ባርኪዲ ናጊቴ።

ሃቭ ኦሳንቸታ ለሚሶ
(ሉቃ 19:11-27)

14 «ዖሳ ካዎቲላይ ባ ኦሳንቸታ ያጊዲ ባው ዳዲያባ ኤንታው ሹዲዲ ኦጌ ባናው ከዩዳ ኡራ ዳኔሰ።

15 ኤንታው ሁዔን ሁዔን ኤንታ ዋልቃ ማላ ኢሱዋሰ ኢቻሹ ካርዒቴ ቢራ፣ ኢሱዋሰ ናምቡ ካርዒቴ ቢራ ቃሲ ኢሱዋሰ ኢሲ ካርዒቴ ቢራ ኢሚዲ ባ ኦጊያ ቢሰ። 16 ኢቻሹ ካርዒቴ ቢራ ኤኪዳ ኣይሌይ ሶሁዋራ ቢዲ ዛልዲዲ፣ ሃራ ኢቻሹ ካርዒቴ ቢራ ዋዲሲሰ። 17 ሄሳዳካ፣ ቃሲ ናምቡ ካርዒቴ ቢራ ኤኪዳ ኣይሌይ ሃራ ናምቡ ካርዒቴ ቢራ ዋዲሲሰ። 18 ሺን ኢሲ ካርዒቴ ቢራ ኤኪዳይሲ ቢዲ፣ ኦላ ቦኪዲ፣ ባ ጎዳ ማሺያ ሞጊሰ።

19 «ዳር ዋዴፔ ጉዩ ሄ ኣይሌታ ጎዳይ ዩዲ፣ ባ ማሺያ ኤንታራ ሳላዲሰ። 20 ኢቻሹ ካርዒቴ ቢራ ኤኪዳ ኣይሌይ ዩዲ፣ ሃራ ኢቻሹ ካርዒቴ ቢራ ኤሂዲ፣ ታ ጎዳው፣ ኔኒ ታው ኢቻሹ ካርዒቴ ቢራ ኢማዳሳ። ሺን ታኒ ሃራ ኢቻሹ ካርዒቴ ቢራ ዋዲሳሰ) ያጊሰ። 21 ኢያ ጎዳይ፣ ሳምቦይ! ኔኒ ሎዖኔ ኣማንጤያ ኣይሌ፤ ኔኒ ጉላባን ኣማኔታዳሳ። ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊሰ።

22 «ቃሲ ናምቡ ካርዒቴ ቢራ ኤኪዳይሲ ዩዲ፣ ታ ጎዳው፣ ኔኒ ታው ናምቡ ካርዒቴ ቢራ ኢማዳሳ። ሺን ታኒ ሃራ ናምቡ ካርዒቴ ቢራ ዋዲሳሰ) ያጊሰ። 23 ኢያ ጎዳይ፣ ሳምቦይ! ኔኒ ሎዖኔ ኣማንጤያ ኣይሌ፤ ኔኒ ጉላባን ኣማኔታዳሳ። ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊሰ።

24 «ቃሲ ኢሲ ካርዒቴ ቢራ ኤኪዳይሲ ዩዲ፣ ታ ጎዳው፣ ኔኒ ዜርና ቤሳፊ ጫኬይሳኔ ቆርጮና ቤሳፊ ማዲያ ኢታ ኣሲ ጊዳይሳ ታኒ ኤራይሰ። 25 ሄሳ ጊሾ፣ ያያዳ ኔ ቢራ ቢታን ሞጋሰ። ኔ ማሺይ ሃይሲሽ) ያጊሰ።

26 «ኢያ ጎዳይ ዛሪዲ፣ ሃ ኢታ ኣዛላ ኣይሊያው፣ ታኒ ዜርና ቤሳፊ ጫኬይሳኔ ቆርጮና ቤሳፊ ማዲያ ኣሲ ጊዳይሳ ኤራዳሳ። 27 ያቲን፣ ኔኒ ታ ማሺያ ባንኬን ዋላዳባ ጊዲያኮ፣ ታኒ ሲሚያ ዋዴ ታ ማሺያ ዋዴራ ኤካናይሳ ዲጋዳሳ። 28 ሄሳ ጊሾ፣ ማሺያ ኢያፔ ኤኪዲ፣ ታሙ ካርዒቴ ቢራ ዳዒይሳሰ ኢሚቴ። 29 ኣይሰ ጊኮ፣ ዳዲያ ኡባሰ ጉጌታናኔ ዳራና። ሺን ባይናይሳፊ ሃሪ ኣቶሺን፣ ሄ ኢያው ዳዲያ ጉሊያካ ኤኬታና። 30 ሃ ማዶና ኣይሊያ ካሬ ቆማ ከሲ ዩጊቴ። ያን ኢያው ዩሆኔ ኣቺ ጋርጤላ ጊዳና) ያጊሰ።

ዋዲያ ወርሴላን ሃናና ፒርዳ

31 «ኣሳ ናባይ፣ ከታንቸ ኡባታራ፣ ባ ቦንቹዋራ ያ ዋዴ ኢ ባ ቦንቸ ካዎታ ኣራታ ቦላ ኡታና። 32 ቢታን ዳዲያ ኣሲ ኡባይ ኢያ ሲንጤ ሺቃና። ሃንሳንቸይ ዶርሳታ ዳሻታፔ ሻኬይሳዳ ኢ ሄ ኣሳ ናምባን ሻካና። 33 ቃሲ ዶርሳታ ኡሻቻ ባጋራ ዳሻታ ሃዲርሳ ባጋራ ኤሳና።

34 «ሄሳፌ ጉዬ፡ ካዎይ ኡሻቻ ባጋራ ዴዔይሳታኮ ሃይሳዳ ያጋና፡ ታ ኣዎይ ኣንጂዳይሳቶ፡ ሃ ዩዲ ሳዓይ ሜዴቲያ ዎዴ ሂንቴው ገገዳ ካዎቴላ ላቲቴ።
 35 ኣይሰ ገኮ፡ ታኒ ኮሻቲን ሙዚዴታ፡ ሳሞቲን ኡሺዴታ፡ ኤሬቶና ኣማላ ኣሲ ገዳዳ ቢን ሞኪዴታ፡
 36 ካሎቲን ማይዚዴታ፡ ሃርጌቲን ሃርገሲዴታ፡ ቃሼቲን ታና ኦይቲዴታ» ያጋና።

37 «ሄሳፌ ጉዬ፡ ዓሎቲ ዛሪዲ፡ ሳዳው፡ ኔኒ ኮሻቲን ኣወዴ ቤዒዲ ሙዚዴ? ዎይኮ ኔኒ ሳሞቲን ኣወዴ ቤዒዲ ኡሺዴ? 38 ኔኒ ኣማሌ ገዳዳ ዩን ኣወዴ ቤዒዲ ሞኪዴ? ዎይኮ ኔኒ ካሎቲን ኣወዴ ማይዚዴ? 39 ኔኒ ሃርገን ዎይኮ ቃሼቲን ኔኮ ቢዲ ኔና ኣወዴ ኦይቲዴ?» ያጋና። 40 ካዎይ ዛሪዲ፡ ታኒ ሂንቴው ቱማ ኦዳይሰ፤ ሂንቴ ታና ካሊያ ሃ ኡባፌ ጉዳይሳሰ ኦሊዳይሳ ታው ኦሊዳታ» ያጋና።

41 «ሄ ዎዴ ሃዲርሳ ባጋራ ዴዔይሳታኮ፡ ሳ ሃንጌቲዳይሳቶ፡ ታ ማታፔ ሃኪቴ። ያላሂሲኔ ኢያ ኪታንቸታሰ ገገዳ ሜሪና ታማን ቢቴ። 42 ኣይሰ ገኮ፡ ኮሻቲን ታና ሙዚቤኬታ፤ ሳሞቲን ኡሺቤኬታ። 43 ታኒ ኣማሌ ገዳዳ ቢን ታና ሞኪቤኬታ፡ ካሎቲን ማይዚቤኬታ፡ ሃርገኒኔ ቃሼቲን ታና ኦይቲቤኬታ» ያጋና።

44 «ሄ ዎዴ ኤንቲ፡ ሳዳው፡ ኔኒ ኮሻቲን ዎይኮ ሳሞቲን ዎይኮ ኣማሌ ገዳዳ ቢን ዎይኮ ካሎቲን ዎይኮ ሃርገን ዎይኮ ቃሼቲን ቤዒዲ ኔና ኣወዴ ማዶና ኢዲዴ?» ያገዲ ዛሪና።

45 «ሄ ዎዴ ካዎይ ዛሪዲ ኤንታኮ፡ ታኒ ሂንቴው ቱማ ኦዳይሰ፤ ሂንቴ ታና ካሊያ ሃ ኡባፌ ጉዳይሳ ማዶና ኢዲዳይሰ፡ ታና ማዶና ኢዲዳይሳ» ያጋና። 46 ሄሳ ገሹ፡ ሄ ኣሳቲ ሜሪና ፐርዳሰ ቃሲ ዓሎቲ ሜሪና ዴዐቀሰ ባና» ያገሰ።

26

ዩሱሳ ቦላ ማቄቲዶሶና
 (ማር 14:1-2፤ ሉቃ 22:1-2፤ ዮሃ 11:45-53)

1 ዩሱሳ ሃ ቲሚርቲያ ኡባ ወርሲዳ ዎዴ ባ ታማሪታኮ፡ 2 «ናምዑ ጋላሳፔ ጉዬ፡ ፓሲካ ባሌ ቦንቺያ ጋላሰ ገዳይሳ ኤሬታ። ሄ ጋላሰ ኣሳ ናዓይ ማሰቃሊያ ቦላ ካቄታናው ኣሳ ኩሽን ኣጂ ኣሚታና» ያገሰ።

3 ሄ ዎዴ ካሂኔ ሃላቃቲኔ ጨማቲ፡ ቃያፋ ገያ ካሂኔ ሃላቃ ኬላን ሸቂዲ፡ 4 ኣሲ ኤርና ዩሱሳ ኦይኪዲ፡ ዎዳናው ማቄቲዶሶና። 5 ሺን ኤንቲ፡ «ኣሳይ ኦሺ ኬሶና ሜላ ገዲ፡ ፓሲካ ቦንቺያ ጋላሰ ሄሳ ኦሎኮ» ያገደሶና።

ኢሲ ማጨሲያ ዩሱሳ ሺቶ ቲያሱ
 (ማር 14:3-9፤ ዮሃ 12:1-8)

6 ዩሱሳ ቢታኒያ ካታማን ባር ሃርገዳ ሲሞና ሶን ዴዔሰ። 7 ዩሱሳ ኣማቱዎ ቦላ ዴዒሺን ኢሲ ማጨሲያ ኣልባሰደርሴ ጸልቃፆ ኩሜላ ዳር ኣልጎ ሺቶ ኤካ ያዳ ዩሱሳ ሁዔን ቲጋሱ። 8 ሺን ዩሱሳ ታማሪቲ ሄሳ ቤዒዲ ሃንቄቲዲ፡ «ሃ ሺቶይ ጮ ኢቲይ ኣይቢሴ? 9 ሃ ሺቶይ ኣልጎ ጋቲን ባይዘቲዲ፡ ሚሺይ ማንቆታሰ ኣሚታናው ዳንዳዔቲሰ» ያገደሶና።

10 ዩሱሳ ኤንቲ ጌይሳ ኤሪዲ፡ ኤንታኮ፡ «ሃ ማጨሲው ኣይሰ ዎይሴቲ? ኢያ ታው ሎጎባ ኣላሱ። 11 ማንቆቲ ኡባ ዎዴ ሂንቴራ ዳና። ሺን ታኒ ሂንቴራ ኡባ ዎዴ ዴዒኬ። 12 ኢያ ሃ ሺቱዎ ታ ቦላ ቲገዳይሲ ታና ሞጋናው ገገሳናሳ። 13 ታኒ ሂንቴው ቱማ ኦዳይሰ፤ ቢታ ኡባን ሃ ዎንጌላይ ሳባኬቲያ ቤሳን ኣወንካ፡ ኣሳይ ኢዮ ሃሳያና ሜላ ኢያ ኦሊዳይሲ ኦዴታና» ያገሰ።

ዩሱዲ ዩሱሳ ኣሊዲ ኣማናው ገጌቲሰ
 (ማር 14:10-11፤ ሉቃ 22:3-6)

14 ሄ ዎዴ ታማኔ ናምዑ ዩሱሳ ታማሪታፔ ኢሶይ፡ ኣሰቆርታ ዩሱዲ ጌቲቴይሲ ካሂኔ ሃላቃታኮ፡ 15 ቢዲ፡ «ታኒ ሂንቴው ዩሱሳ ኣላ ኣሚኮ፡ ሂንቴ ታው ኣይ ኣማኔ?» ያገዲ ኤንታ ኦይቲሰ። ኤንቲ ዘሬቲዲ ሃሰታው ቢራ ሳንቲሜ * ኣሚደሶና። 16 ሄሳፌ ጉዬ፡ ዩሱዲ ዩሱሳ ኣሊዲ ኣማናው ኣንጃቲያ ዎዴ ዎቼሰ።

ዩሱሳ ፓሲካ ካሁዎ ባ ሃዎሪታራ ሚሰ
 (ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይላ ባሌ ቦንቺያ ኮይር ጋላሰ፡ ዩሱሳ ታማሪቲ ኢያኮ ዩዲ፡ «ፓሲካ ቦንቺያ ጋላሰ ኔኒ ማና ካሊ ኔኒ ኣወን ገገሲና?» ያገደሶና።

18 ዩሱሳ ኤንታኮ፡ «ካታማን ዴዒያ ኣዲያኮ ቢዲ፡ ሳኣታማሪይ፡ ታው ዎዴይ ጋኪዳ ገሾ ታ ታማሪታራ ፓሲካ ቦንቺያ ጋላሳ ኔ ሶን ኣላና ያጌሰ» ያገሰ።

19 ኢያ ታማሪቲ ዩሱሳ ባንታና ኪቲዳይሳዳ ኦሊዲ፡ ፓሲካ ባሌ ጋላሰ ማና ካላ ገገሲደሶና።

20 ሳዓይ ኣማርሲያ ዎዴ ዩሱሳ ታማኔ ናምዑ ሃዎሪታራ ካሊ ማናው ኡቲሰ። 21 ኤንቲ ሚሺን፡ ዩሱሳ ኤንታኮ፡ «ታኒ ሂንቴው ቱማ ኦዳይሰ፤ ሂንቴፌ ኢሲ ኡራይ ታና ኣሊዲ ኣማና» ያገሰ።

22 ኤንቲ ዳር ዳጋሚዲ፡ ሁዔን ሁዔን፡ «ሳዳው፡ ቱማ ታኔሻ?» ገዲ ኢያ ኦይቲደሶና።

23 ዩሱሳ ዛሪዲ፡ «ባ ኩሺያ ታራ ኢሲፌ ሻቲያን ዩዴይሲ ኢ ታና ኣሊዲ ኣማና። 24 ኣሳ ናዓይ፡ ያሳ ቃላን ኢያው ያፌቲዳይሳዳ ሃይቃና፡ ሺን ኣሳ ናዓ ኣሊዲ ኣሚያ ኡራ ኣዬ፤ ሄ ኡራይ ዩሎቶና ኣቲዳኮ ኢያው ሎጎሺን» ያገሰ።

25 ኢያ ኣሊ ኣማናው ዴዒያ ዩሱዲ ዛሪዲ፡ «ኣሰታማሪያው፡ ኔኒ ጌይ ታኔዬ?» ያገሰ። ዩሱሳ ዛሪዲ፡ «ኔኒ ኔ ሁዔን ጋዳሳ» ያገሰ።

ሳዳ ካሁዎ
 (ማር 14:22-26፤ ሉቃ 22:15-20፤ 1ቆር 11:23-25)

26 ኤንቲ ሚሺን፡ ዩሱሳ ኡይላ ኤኪዲ ያሳ ጋላቲሰ። ሄ ኡይላ ሚንሊዲ ባ ታማሪታሰ ኣሚዲ፡ «ሄዒቲ፡ ሚቲ፡ ሃይሲ ታ ኣሹዎ» ያገሰ።

27 ፀሓ ኤኪዲ፡ ያሳ ጋላቲሰ። ኤንታው ኣሚዲ፡ «ኡባይ ሃይሳፌ ኡዩቲ። 28 ሃይሲ ዳር ኣሳ ናጋራይ ኣቶ ጌቲታና ሜላ ጉኪያ ታ ሱላ። ሃ ሱላይ ያሳይ ሂንቴራ ጌሊያ ጨቁዎ ሚንሊይሳ። 29 ሺን ታኒ ሂንቴው ኦዳይሰ፤ ታኒ ታ ኣዎ ካዎቴላን ኦራላ ዎይኔ ኡሻ ሂንቴራ ኡያና ጋላሳ ጋካናው ናምዓንሉ ሃ ዎይኔ ኡሻ ኡዩኬ» ያገሰ።

25:46 ዳኔ 12:2 26:2 ኬሳ 12:1 26:7 ሉቃ 7:37 26:11 ዛሬ 15:11 26:15 ዛካ 11:12 * 26:15 ቢራ ሳንቲሜ፡ ኣይኮይካ ገብቲቦና ጌሻ ቢራ ጉሱ። † 26:15 ሃሰታው ቢራ ሳንቲሜ፡ ሃሰታው ቢራ ሳንቲሜይ ኣሰራዔሌ ቢታን ኣይሌይ ሻሜቲያኔ ባይዘቲያ ጋቲ። 26:23 ማዝ 41:9 26:28 ኬሳ 24:8፤ ኤር 31:31

30 ጋላታ ማዝሙራ ዩዲያይሳፊ ጉዬ ሻማሆ ዳሪያ ቢደሰና።

ዩሱሲ ጳጳርሲ ካዳናይሳ ኮይርቲዲ ኦዲስ (ማር 14:27-31፤ ሉቃ 22:31-34፤ ዮሃ 13:36-38)

31 ሄ ዎዴ ዩሱሲ ኤንታኮ፡ «የሳይ ሄንገንቸዎ ሾጫና ደርሳቲካ ላሌታና»

ጌቲቲዲ ያሳ ቃላን ፃፊቲዳይሳ ማላ ሃቸ ቃማ ሂንቲ ኡባይ ታና አጊዲ ባቃታና። 32 ሺን ታኒ ሃይቆፔ ዴንዲዳፔ ጉዬ ሂንቲፊ ሲንገታዳ ጋሊላ ባና» ያጊስ።

33 ጳጳርሲ ዛሪዲ፡ «ኤንቲ ኡባይ ኔና አጊዲ ባቃቲኮካ፡ ታኒ ኔና ኣጊኬ» ያጊስ።

34 ዩሱሲ ጳጳርሳኮ፡ «ታኒ ኔው ቱማ ኦዳይስ፤ ሃቸ ቃማ ኩቶይ ዋሳናፔ ሲንገጼ ኔኒ ታና ሄቸ ቶሆ ካዳና» ያጊስ።

35 ጳጳርሲ ዛሪዲ፡ «ታኒ ኔሪ ኢሲፊ ሃይቆፔ ኣቲን ኔና ኡባካ ካዲኬ» ያጊስ።

ሃንኮ ኢያ ታማሬቲ ኡባይካ ሄሳዳ ጊደሰና።

ዩሱሲ ጌቲሴማኔን ዋሲስ (ማር 14:32-42፤ ሉቃ 22:39-46)

36 ያቲዲ፡ ዩሱሲ ባ ታማሬታሪ ጌቲሴማኔ ጊያ ቤሳ ቢዲ፡ ኤንታኮ፡ «ታኒ ሂኒ ባዳ ያሳ ዋሳሻና፡ ሂንቲ ሃይሳን ኡቲቲ» ያጊስ። 37 ጳጳርሳኔ ዛብዲዮሳ ናይታ ናምዓታ ባሪ ኤኪ ቢዲ ዳር ኣዛና ኤንዔቲፊ ደሚስ። 38 ቃሲካ ኤንታኮ፡ «ታኒ ሃይቆስ ጋሊያ ኤንዓ ኤንዔታስ። ሃይሳን ታሪ ጋምዒቲኔ ማኒዲ ናጊቲ» ያጊስ።

39 ጉሊ ሲንገጼ ቢዲ ቢታን ጉፋኒዲ፡ «ታ ኣዋው፡ ዳንዳዔቲያ ባ ጊዲኮ ሃ ዋዬ ፀዓ ታፔ ዲጋ። ሺን ኔ ሸኔይ ሃናፔ ኣቲን ታ ሸኔይ ሃናፔ» ያጊዲ ያሳ ዋሲስ።

40 ዩሱሲ ባ ታማሬታኮ ሲሚ ዪዲ ኤንቲ ጳስኪዳሺን ደሚስ። ጳጳርሳኮ፡ «ሂንቲ ኢሲ ሳቲኮኔ ጳስኮና ታሪ ሚናናው ዳንዳዒቤኬቲ? 41 ፓጩን ሂንቲ ጌሎና ማላ ባርኪዲ ናጊቲኔ ያሳ ዋሲቲ። ሂንቲው ሎዎ ኣዋይ ዳዔስ፡ ሺን ሂንቲ ዳቡራንቸ ኣሲ» ያጊስ።

42 ዩሱሲ ቃሲ ናምዓንጉ ቢዲ፡ «ታ ኣዋው፡ ታኒ ሃ ዋዬ ፀዓፔ ኡዮና ዳዒሽ ኣቋናው ዳንዳዔቶና ባ ጊዲኮ ኔ ሸኔይ ሃናፔ» ያጊዲ ያሳ ዋሲስ። 43 ቃሲካ ሲሚ ያ ዎዴ ኢያ ታማሬታ ኣይፊያ ጳስኮይ ጎዚን፡ ዚንዲዳሺን ደሚስ።

44 ቃሲካ ኤንታ ኣጊ ቢዲ፡ ካሴ ቃላ ዛሪ ሄቸጎሎ ዋሲስ። 45 ሄሳፊ ጉዬ፡ ባ ታማሬታኮ ዪዲ፡ «ሃዒ ጋካናው ጳስኬቲኔ ሸምፔቲ? ሄኮ፡ ኣሳ ናዓይ፡ ናጋራንቸታ ኩሸን ኣቋ ኣሜቲያ ሳቲይ ጋኪስ። 46 ዳንዲዲ ዩዲቲ፡ ታና ኣሉዲ ኣሚይሲ ሃይሲሽ ጋኪስ» ያጊስ።

ዩሱሲ ባ ዋርኬታን ኦይኬቲስ (ማር 14:43-50፤ ሉቃ 22:47-53፤ ዮሃ 18:3-12)

47 ዩሱሲ ቡር ሄሳ ሃሳዪሺን፡ ታማኔ ናምዑ ታማሬታፔ ኢሶይ፡ ዪሁዲ ጋኪ ዎዲስ። ካሂኔ ሃላቃቲኔ ዳሪያ ጨማቲ ከቲዳ ዳር ኣሳቲ ማሸኔ ፃምዓ ኦይኪዲ ኢያራ ኢሲፊ ዪደሰና። 48 ዩሱሳ ኣሉ ኣሚያ ዪሁዲ

ሄ ዳር ኣሳኮ፡ «ታኒ ዩሪይሲ ሂንቲ ኮይይሲ ኢያ፡ ኢያ ኦይኪቲ» ያጊዲ ማላ ኢሚ ዋሊስ።

49 ኢራካ ዩሱሳኮ ሸቂዲ፡ «ኣስታማሪያው፡ ሳር ዳዓይ» ያጊዲ ኢያ ዩሪስ።

50 ዩሱሲ ኢያኮ፡ «ታ ላጊያው፡ ኔኒ ኣላናባ ኦላ ኣጋ» ፤ ያጊስ።

ሄሳፊ ጉዬ፡ ሸቂዲ፡ ዩሱሳ ኦይኪደሰና። 51 ዩሱሳራ ዳዔይሳታፔ ኢሶይ ባ ማሻ ሸዲዲ ካሂኔ ሃላቃ ኣይሊያ ሸጪዲ፡ ኢያ ሃይላ ቃንዲዲ ዩጊስ። 52 ሺን ዩሱሲ፡ «ኔ ማሻ ጉዬ ሸሁዋን ዛራ። ኣይስ ጊኮ፡ ማሻ ሸዲያ ኡባይ ማሻን ሃይቃና። 53 ታ፡ ታ ኣዎ ዋሲያኮ ዳር ሙኩሉን ታይቤቲያ ከታንቸታ ዩዳናው ዳንዳዓናባ ኔው ዳኒ? 54 ያቲን፡ ያሳ ቃላን ሃሳዳ ሃናናው ቤሴስ ጌቲቲዳይሲ ዋኒዲ ፖሌታኔ?» ያጊስ።

55 ሄ ሳቲያን፡ ዩሱሲ ሄ ሸቂዲ ዳር ኣሳኮ፡ «ታና ፓንጋ ኦሉዲ ኦይካናው ማሸኔ ፃምዓ ኦይኪዲ ዪዳቲ? ታኒ ያሳ ኬላን ጋላስ ጋላስ ታማርሳሽ ሂንቲራ ዳዒያ ዎዴ ታና ኦይኪቤኬታ። 56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሌታና ማላሳ» ያጊስ። ሄ ዎዴ ኢያ ታማሬቲ ኡባይ ኢያ ኣጊዲ ባቃቲደሰና።

ዩሱሲ ፐርዳ ሻንጎ ሲንገጼ ሸቂስ (ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዩሱሳ ኦይኪዳይሳቲ ካሂኔ ሃላቃ ቃያፋኮ ኢያ ኤፊደሰና። ያን ሂኔ ኣስታማሬቲኔ ቢታ ጨማቲ ሸቂዲ ደዎሰና። 58 ሺን ጳጳርሲ ካሂኔ ሃላቃ ዛባ ጋካናው ሃሆን ኢያ ካሊስ። ኢያ ዉርሴላይ ሻኬታና ጋካናው ዛባ ጌሊዲ ናጊይሳታራ ኡቲስ።

59 ካሂኔ ሃላቃቲኔ ሸቂዲ ኣሳ ኡባይ ዩሱሳ ዎቋናው ኢያ ቦላ ዎርዶ ማርካ ኮይደሰና። 60 ዳርቲ ዪዲ ኢያ ቦላ ዎርዶ ማርካ ማርካቲደሰና፡ ሺን ኣይኮካ ዳሚቦኮና። ጉዬፔ ናምዑ ኣሳቲ ዪዲ፡ 61 «ሃ ኡራይ፡ ታኒ ያሳ ኬላ ላላዳ ሄቸ ጋላሳን ዛራ ኬፃናው ዳንዳዓይስ» ያጊስ» ያጊደሰና።

62 ካሂኔታ ሃላቃይ ዳንዲ ኤቂዲ ዩሱሳኮ፡ «ሃይሳቲ ኔና ሞቲያ ሞቶዎስ ኔኒ ዛሪያባይ ባዌ?» ያጊስ። 63 ሺን ዩሱሲ ሲዲ ጊስ። ቃሲካ ካሂኔ ሃላቃይ፡ «ታኒ ኔና ዳዎ ያሳ ሱንጎን ኦይካይስ፤ ኔኒ ያሳ ናዓ ኪሪስቶሳ ጊዲኮ ኮስ ኦዳ» ያጊስ።

64 ዩሱሲ ዛሪዲ፡ «ኔኒ ኔ ሁዒንካ ጋዳሳ። ሺን ታኒ ሂንቲው ኦዳይስ፤ ሂዛፔ ጉዬ፡ ኣሳ ናዓይ ዎልቃማ ያሳ ኡሻቻ ባጋን ኡቲዳሺን፡ ቃሲ ሳሎ ሻራራ ዪሺን ሂንቲ ቤዓና» ያጊስ።

65 ሄ ዎዴ ካሂኔ ሃላቃይ ዳር ዪሎቲዲ ባ ማዑዎ ፔዲዲ፡ «ሃይሳ ቤዒቲ ያሳ ጨዪስ! ኦና ሃራ ማርካ ኣይ ኮሺ? ኢ ሃዒ ጨዪዳይሳ ሂንቲ ሲዒዳታ። 66 ሂንቲ ቆፋይ ኣይቤ?» ያጊስ።

ኤንቲካ፡ «ኢያው ሃይቆ ቤሴስ» ያጊዲ ዛሪደሰና። 67 ያቲን፡ ኤንቲ ኢያ ሰምዖን ጨቲዲ ደቸደሰና። ሃራቲ ኢያ ባቂዲ፡ 68 «ኪሪስቶሳ! ኔና ደቸዳይ ኦኔ? ኣኔ ኮስ ኦዳ» ያጊደሰና።

ጳጳርሲ ዩሱሳ ካዲስ (ማር 14:66-72፤ ሉቃ 22:56-62፤ ዮሃ 18:15-18፤ 25-27)

26:31 ዛካ 13:7 26:32 ማቶ 28:16 ፤ 26:50 ታ ላጊያው፡ ኔኒ ኣላናባ ኦላ ኣጋ፡ ዎይኮ ሃራ ቢርሼላይ ታ ላጊያው፡ ኔ ሃይሳን ኣይ ኦላይ? 26:55 ሉቃ 19:47፤ 21:37 26:61 ዮሃ 2:19 26:64 ዳኔ 7:13 26:65 ሉቁ 24:15-16 26:67 ኢሳ 50:6

69 ጳጳሮች ዘባን ኡተዳሽን፤ ኢሲ ኣይሊያ ኢያኮ ያዳ፡ «ኔንካ ጋለላ ዩሱሳራ ኢሲፊ ዳዓሳ» ያጋሱ።

70 ሺን ኢ ኤንታ ኡባ ሲንጻን ሄ ኣይሌኮ፡ «ኔን ጊያባይ ኣይቤኮ ታኒ ኤሪኬ» ያጊዲ ካዲሰ።

71 ቃሲ ቢዲ ዲርሳ ፔንጌኮ ጋኪሺን ሃራ ኣይሊያ ኢያ ቤዓዳ፡ ያን ዳዒያ ኣሳኮ፡ «ሃ ኡራይ ናዚሬቲ ዩሱሳራ ዳዒሰ» ያጋሱ።

72 ጳጳሮች ናምዓን፡ ጫቂዲ፡ «ታኒ ሄ ኡራ ኤሪኬ!» ያጊሰ።

73 ጉፉ ጋምዒሺን፡ ያን ኤቂዳ ኣሳቲ ጳጳሮባኮ ዩዲ፡ «ኔካ ቱማ ኤንታራ ኢሲፊ ዳዓሳ፤ ኔን ኔ ሃሳያን ኤሪታሳ» ያጊደሶና።

74 ሄሳፊ ጉዬ፡ ጳጳሮች፡ «ታኒ ሄ ኡራ ኤሪኬ!» ያጊዲ፡ ባና ቃንጌሌኔ ጫቆ ደሚሰ።

ሄ ዋዴ ኢራካ ኩቶይ ዋሲ ኣጊሰ። 75 ዩሱሲ ኢያኮ፡ «ኔን ኩቶይ ዋሳና፤ ሲንጳ ታና ሄቶ ቶሆ ካዳና» ጊዳይሳ ጳጳሮች ኣኬኪዲ፡ ካሬ ኬዩዲ ኢታ ዩሆ ዩኪሰ።

27

ዩሱሲ ባና ሱሊሲ

(ማር 15:1፤ ሉቃ 23:1-3፤ ዮሃ 18:28-32)

1 ዋንታ ጉራ ካሄኔ ሃላቃቲኔ ቢታ ጨማቲ ኡባይ ዩሱሳ ዋዲሳናው ማቂቲደሶና። 2 ኤንቲ ዩሱሳ ቃቺ ኤፊዲ ዳሪያ ሃሪያ ጳላዎሳሰ ኣሊዲ ኢሚደሶና።

3 ሄ ዋዴ ዩሱሳ ኣይሊዳ ዩሱዲ፡ ጳላዎሲ ዩሱሳ ቦላ ፐርዲዳይሳ ቤዒዲ፡ ቂርቲዲ፡ ሄ ሃሰታው ቢራ ሳንቲሚያ ካሄኔ ሃላቃታሲኔ ዳሪያ ጨማታሰ ጉዬ ዛሪሰ።

4 «ታኒ ደሎ ኣሲ ሃይቆስ ኣሳ ኢማዳ ናጋራ ኦሳስ» ያጊሰ።

ሺን ኤንቲ፡ «ሄሲ ኦ ሜቶ ጊዳና ኔ ሜቶ» ያጊደሶና።

5 ዩሱዲ ሚሺያ ያሳ ኬፋን ዩጊ ኣጊዲ ኤንታ ማታፔ ቢዲ፡ ሱሊቲ ሃይቂሰ።

6 ካሄኔ ሃላቃቲ ሚሺያ ኤኪዲ፡ «ሃ ሚሺይ ሱሳ ሚሺ ጊዲያ ጊሾ ኮኒ ያሳ ኬፋ ሚሺያራ ጋሌይሲ ዋጋ ጊዳና» ያጊደሶና። 7 ሄሳፊ ጉዬ፡ ኢሲፊ ዘራቲዲ፡ ቤቲ ኣሲ ዋጋናው ማና ቢታ ሻሚደሶና። 8 ሄሳ ጊሾ፡ ሄ ጋይይ ሃቺ ጋካናው ሱሳ ቢታ ጌቲቲ ያጌቲሰ።

9 ናቢያ ኤርሚያሲ፡ «ኢሰራዔል ኣሳይ ኢያው ቃንጻናው ጋማቲዳ ሃሰታው ቢራ ሳንቲሚ ኤኪደሶና።

10 ጎዳይ ታና ከቲዳይሳዳ ማና ቢታ ሻማናው ኢሚደሶና» ጊዳይሲ ሄ ዋዴ ፖሌቲሰ።

ዩሱሲ ጳላዎሳ ሲንጻን

(ማር 15:2-5፤ ሉቃ 23:3-5፤ ዮሃ 18:33-38)

11 ዩሱሲ ዳሪያ ሃሪያ ጳላዎሳ ሲንጻ ሸቂን፡ ጳላዎሲ ኢያኮ፡ «ኔን ኣይሁዴ ካዎ?» ያጊዲ ኦይቺሰ።

ዩሱሲ ዛሪዲ፡ «ኔ ጋዳሳ» ያጊሰ።

12 ካሄኔ ሃላቃቲኔ ቢታ ጨማቲ ኢያ ሞቲያ ዋዴ ኤንታው ኣይቢ ዛርካ ኢሚቤና።

13 ሄ ዋዴ ጳላዎሲ ዩሱሳኮ፡ «ሃይሳቲ ኔና ሞቲያ ሞቱዋ ኡባ ሲዒኪ?» ያጊሰ።

14 ዩሱሲ ሃሪ ኣቶሺን፡ ኢሲ ቃላካ ዛርና ኢዲን፡ ዳሪያ ሃሪይሲ ዳር ማላሌቲሰ።

ዩሱሳ ቦላ ሃይቆ ፐርዳቲሰ

(ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዳሪያ ሃሪይሲ ላይላን ላይላን ፓሲካ ባሌ ቦንቺያ ጋላሳን፡ ኣሳይ ኮያ ኢሲ ኣሲ ቃሾፔ ቢርሺያ ዋጊ ዳዒሰ። 16 ሄ ዋዴ ኢሲ ባርባና ዩሱሳ ጊያ ዳር ኤሬቲዳ ኢታ ኣሲ ቃሾ ኬፋን ዳዒሰ። 17 ሄሳ ጊሾ፡ ዳር ኣሳይ ሸቂዲ ዳዒሺን ጳላዎሲ፡ «ታኒ ሃንቴው ባርባና ዩሱሳ ቢርሾዬ፡ ዋይኮ ዩሱሳ ጊያ ኪሪሰቶሳ ቢርሾ?» ያጊዲ ኣሳ ኦይቺሰ። 18 ኢ ሄሳ ጊዳይ ኤንቲ ቃናቲዲ ዩሱሳ ኦይሊዳይሳ ኤሪያ ጊሾሳ።

19 ጳላዎሲ ፐርዳ ኬፋን ኡተዳሽን፡ ኢያ ማቺያ፡ «ታኒ ሃቺ ቃማ ኣውሆን ኢያባ ዳር ዋይታሺ ኣቂዳ ጊሾ ሄ ደሎ ኡራ ቦላ ኣይቢባካ ኦሶፋ» ያጋዳ ኪታሱ።

20 ሺን ካሄኔ ሃላቃቲኔ ዳሪያ ጨማቲ ጳላዎሲ ባርባና ቢርሺዲ፡ ዩሱሳ ዋዳና ሜላ፡ ኣሳይ ኢያ ዋሳና ሜላ፡ ኣሳ ጨሚደሶና።

21 ጳላዎሲ ዛሪዲ ኤንታኮ፡ «ታኒ ኤንታ ናምዒፊ ሃንቴው ኦና ቢላና ሜላ ኮይቲ?» ያጊዲ ኦይቺሰ።

ኤንቲ፡ «ባርባና ቢላና ሜላ ኮዮሰ» ያጊደሶና።

22 ጳላዎሲ፡ «ያቲን፡ ዩሱሳ ጊያ ኪሪሰቶሳ ዋቶ?» ያጊዲ ኤንታ ኦይቺሰ።

ኡባይ ዛሪዲ፡ «ማሰቃሊያ ቦላ ኢያ ካቃ» ያጊደሶና።

23 ጳላዎሲ ኣሳኮ፡ «ኣይሰ? ኢ ኣይ ኢታባ ኦሊዳ?» ያጊዲ ኦይቺሰ።

ሺን ኣሳይ ካሲይሳፊ ኣሊዲ፡ «ማሰቃሊያ ቦላ ኢያ ካቃ» ጊዲ ዋሲደሶና።

24 ኦሺ ዳንጼዳፊ ሃራ ኣይቢባካ ኦሳናው ዳንዳዒቶናይሳ ጳላዎሲ ቤዒዲ፡ ሃሌ ኤኪዲ፡ «ሃ ኡራ ሃይቂዋን ታኒ ዳዒኬ። ሄሳ ኦሊይ ሃንቴና» ያጊዲ ኣሳ ሲንጻን ባ ኩሺያ ሜጨቲሰ።

25 ኣሳ ኡባይ ዛሪዲ፡ «ኢያ ሱሳ ጎሜይ ኦና ኔ ኦ ናይታ ጋኮ» ያጊደሶና።

26 ያቲን፡ ጳላዎሲ ባርባና ኤንታው ቢሊዲ፡ ዩሱሳ ሊሶን ጋራፊዲ፡ ማሰቃሊያ ቦላ ካቂቲዲ ሃይቃና ሜላ ኤንታው ኣሊዲ ኢሚሰ።

ዋታዳሬቲ ዩሱሳ ቂልቂሲደሶና

(ማር 15:16-20፤ ዮሃ 19:2-3)

27 ሄሳፊ ጉዬ፡ ጳላዎሳ ዋታዳሬቲ ዩሱሳ ዳሪያ ሃሪይሳ ሶ ኤኪ ኤፊን፡ ዋታዳሬቲ ኡባይ ኢያ ዩሾዋን ኤቂደሶና። 28 ኢያ ኣፊላ ቃሪ ኤኪዲ ዘዎ ኣፊላ * ማይዚደሶና። 29 ቃሲ ኣጉንጻ ካላቻ ጊጊሲዲ፡ ኢያ ሁዒን ዋሊደሶና። ኢያ ኡሻቻ ኩሺያን ማይሬ ዓምዓ ኦይሊዲ፡ ኢያ ሲንጻን ጉልባቲዲ፡ «ኣይሁዴ ካዎው፡ ሙኩሉ ላይሊ ካዎታ!» ያጊዲ፡ ኢያ ቦላ ቂልቂሲደሶና። 30 ኢያ ቦላ ጨቲደሶና። ሄ ማይሬ ዓምዓ ኤኪዲ፡ ኢያ ሁዒን ሸጨደሶና። 31 ኤንቲ ኢያ ቦላ ቂልቂሲዳይሳፊ ጉዬ ዘዎ ኣፊላ ኢያፔ ቃሪ ኤኪዲ፡ ኢያ ኣፊላ ኢያ ማይዚደሶና። ማሰቃሊያ ቦላ ኢያ ካቃናው ኤኪ ኤፊደሶና።

ዩሱሳ ካቂቲሳ

(ማር 15:21-32፤ ሉቃ 23:25-43፤ ዮሃ 19:17-27)

27:3 ሃ.ኦ 1:18-19 27:9 ዛካ 11:12-13 27:24 ዛሬ 21:6 * 27:28 ዘዎ ኣፊላ፡ ቤኒ ዋዴ ካዎቲ ቦላራ ማዒያ ኣፊላ።

32 ከንቲ ካሬ ከዩዲ፣ ኢሲ ሲሞና ጊያ ቄሬና ቢታ ኢሲ ዳሚዲ፣ ዩሱፊ ማሰቃሊያ ዋልቃን ቶሲደሶና። 33 ጎልጎታ ጊያ ቤሲ ጋኪደሶና። «ጎልጎታ» ጉሳይ «ጉጌ ቤሲ» ጉሱ። 34 ሄሳን ከንቲ ጨዬ ዋላኬቲዳ ዋይኔ ኡሻ ኡዮ ጊዲ ኢያው ኢሚደሶና። ሺን ኢ ሄሳ ጋንዳ ኤኪዲ፣ ኡዮና ኢዲሰ።

35 ከንቲ ማሰቃሊያ ቦላ ኢያ ካቂዳይሳፊ ጉዬ ኢያ አፊላ ሻኪዲ፣ ሳማ ዩጊዲ ኤኪደሶና። 36 ሄሳፊ ጉዬ፣ ያን ኡቲዲ ኢያ ናጊደሶና። 37 ቃሲ፣ «ሃይሲ አይሁዳ ካወቀ ዩሱሳ» ያጊያ ሞቶ ፀፊያ ኢያ ሁዔ ሶን ዋሊደሶና። 38 ዩሱሳራ ሄ ዋዳ ናሞፀ ፓንጋታ ኢሱቀ ኢያ፤ ኡሻቻ ባጋን፣ ሃንኩቀ ኢያ፤ ሃዲርሳ ባጋራ፣ ማሰቃሊያ ቦላ ካቂደሶና።

39 ኦጊደራ አዲያ አሳይ ዩሱሳ ቦሪዲ፣ ኢያ ቦላ ጨቲሼ። 40 «ዳሳ ኩላ ላላዳ ሄሹ ጋላሳ ጊደን ከዳይሶ፣ ኔና አሻ። ኔኒ ዳሳ ናዓ ጊዲኮ፣ አኔ ማሰቃሊያ ቦላፊ ዋቆ» ያጊደሶና።

41 ሄሳዳካ፣ ካሂኔ ሃላቃቲ፣ ሃጌ አስታማሬቲኔ ቢታ ጨማቲ ኢሲፊ ዩሱሳ ቦላ ቁልቂሲደሶና። ሃይሳዳ ያጊደሶና። 42 «ሃራታ አሸሲ፣ ሸን ባና አሻናው ዳንዳቢና። ኢ ኢሰራዔል ካዋ ጊዲኮ፣ አኔ ማሰቃሊያ ቦላፊ ሃዒ ዋቆ፣ ኩካ ኢያ አማናና። 43 ዳሳን ኢ አማኔቴሰ፣ ዳሳይ ኢያ አሻናው ኮይኮ አኔ አሻ። አይሰ ጊኮ፣ ኢ ባና፣ ታኒ ዳሳ ናዓ ጌሰ» ያጊደሶና።

44 ቃሲ ሃሪ አቶሺን፣ ኢያራ ማሰቃሊያ ቦላ ካቂቲዳ ፓንጋቲካ ሄሳዳ ጊዲ ኢያ ቦላ ቁልቂሲደሶና።

ዩሱሳ ሃይቁዋ

(ማር 15:33-41፤ ሉቃ 23:44-49፤ ዮሃ 19:28-30)

45 ኡሱፑን ሳቲፔ ቢዲ፣ ኡዲፋን ሳቲ ጋካናው ቢታ ኡባይ ቆሚሰ። 46 ኡዲፋን ሳቲ ጊዲያ ዋዳ ዩሱሲ፣ «ኤሎሄ፣ ኤሎሄ፣ ላማ ሳባቂታኒ?» ጊዲ ጌታ ዋሶ ዋሲሰ። «ኤሎሄ፣ ኤሎሄ፣ ላማ ሳባቂታኒ?» ጌይሳ ቢርሼላይ «ታ ዳሳው፣ ታ ዳሳው፣ ታና አይሰ አጋዲ?» ጉሱ።

47 ሄሳን ኤቂዳ አሳፔ ኢሶቲ ኢሶቲ ሄሳ ሲዒዲ፣ «ሃ ኡራይ ኤሊያሳ ያጌሰ» ያጊደሶና። 48 ኢራ ከንታፊ ኢሶይ ዋዳ ቢዲ፣ ኢሰፖንጃ ኤኪዲ፣ ጫላ ዋይኔ ኡሻ ኩንሱሰ። ሄሳ ማይሬ ያሞዓ ያራን ዋሊዲ ኡሻናው ኢያ ደናኮ ሸሸሰ። 49 ሺን ሃንኮቲ፣ «ናጋ፣ ኤሊያሲ ኢያ አሻናው ያኔኮ አኔ ቤዳሰ» ያጊደሶና። 50 ዩሱሲ ናሞሳንሉ ጌታ ዋሶ ዋሲዲ፣ ሃይቁ አገሰ።

51 ሄ ሳቲን ዳሳ ከላን ካቂቲዳ ማጋራጃይ ቆሞፊ ዳጌ ጋካናው ናሞፀ ከዩዲ፣ ፔጴቲ ዋቆሰ። ቢታይ ቃዲሰ፣ ዛላይካ ጳልቂቲሰ። 52 ዱፎቲ ደዩቲን ዳሳ አሳታፔ ዳሮቲ ሃይቆፔ ዳንዲደሶና። 53 ከንቲ ዱፎፔ ከዩዲ፣ ዩሱሲ ሃይቆፔ ዳንዲደሳፊ ጉዬ ጌሻ ካታማ ቢደሶና፤ ያን ከንቲ ዳሮ አሳሰ ቤንቲደሶና።

54 ማቶ ሃላቃይኔ ኢያራ ዩሱሳ ናጊያ ዋታዳሬቲ ቢታይ ቃዲደሳኔ ሄሳን ሃኒዳባ ቤዒዳ ዋዳ ዳሮ ያዩዲ «ቱማ ሃይሲ ዳሳ ናዓ» ያጊደሶና።

55 ሄሳን ዳሮ ማጫሳቲ፣ ጋሊላፔ ደሚዲ ዩሱሳ ሃጋዚሼ ካሊዳይሳቲ ሃሆን ኤቂዲ ያሎሶና። 56 ከንታ

ጊደን ማግደላ ማይራማ፣ † ያይቆባኔ ዮሴፋ አያ ማይራማኔ ዛብዲዮሳ ማቺያ ዳዎሶና።

ዩሱሳ ሞጌቲላ

(ማር 15:42-47፤ ሉቃ 23:50-56፤ ዮሃ 19:38-42)

57 ሳዓይ ኦማርሲያ ዋዳ ዮሴፋ ጊያ ኢሲ ዲሬ ኡራይ፣ አርማቲያሳ ካታማፔ ዩሰ። ኢ ባ ሁዔንካ ዩሱሳ ካሊያ አሲ። 58 ዮሴፊ ጲላዳሳኮ ቢዲ፣ ዩሱሳ አሃ ኤካናው ዋሲሰ። ጲላዳሳ ከሃይ ዮሴፋሰ ኢሜታና ሜላ ከቲሰ። 59 ዩሱሳ አሃ ኤኪዲ፣ ጌሻ ሞጎ አፊላን ያዲሰ። 60 ባው ሞጌታናው ሹቻፊ ዋጨዳ ኦራሳ ጎንጎሎን ኢያ አሃ ዋሊሰ። ቃሲ ሄ ጎንጎሎዋ ደናን ጌታ ሹቻ ጎንደርሲ ዋሊዲ አገ ቢሰ። 61 ማግደላ ማይራማኔ ሃንኮ ማይራማ ሄ ጎንጎሎዋኮ ሲሚዲ ኡቲደሶና።

62 ዋንቴሌ ሳሞባታ ጋላሰ፣ ካሂኔ ሃላቃቲኔ ፋሪሳዌቲ ጲላዳሳኮ ዩዲ፣ ሃይሳዳ ያጊደሶና። 63 «ጎዳው፣ ሃ ዋርዳንቺይ ፓዓ ዳዒሼ፣ ታኒ ሄሹ ጋላሳፔ ጉዬ ሃይቆፔ ዳንዳና) ያጊደይሲ ኩሰ ሃሳዌቲሰ። 64 ሄሳ ጊሹ፣ ኢ ሞጌቲዳ ጎንጎሎዋ ሄሹ ጋላሰ ጋካናው፣ ሚንሱ ናጋና ሜላ ከታርኪ። ሄሲ ሃናና ኢዲኮ፣ ኢያ ታማሬቲ ቢዲ ኢያ አሃ ካይሲ ቆይሲዲ፣ ሃይቆፔ ዳንዲሰ) ያጊዲ አሳሰ ኡዲኮ ናሞሳንሉ ባሌሶይ ኮይርይሳፊ ኡባ ሃ ኢታና» ያጊደሶና።

65 ጲላዳሳ ከንታኮ፣ «ሂንቲው ናጌይሳቲ ዳዎሶና፤ ቢዲ ሂንቲው ዳንዳዔቲዳ ሜላ ናገሲቲ» ያገሰ።

66 ሄሳ ጊሹ፣ ከንቲ ቢዲ ዱፎይ ቦሼቶና ሜላ ሹቻ ቦላ ማታሜ ዋሊዲ ዋታዳሬታን ናገሲደሶና።

28

ዩሱሳ ሃይቆፔ ዳንዲዋ

(ማር 16:1-10፤ ሉቃ 24:1-12፤ ዮሃ 20:1-10)

1 ሳሞባቲ አዲን ዋጋ ዋዳ ዋንታ ጉራ፣ ማግደላ ማይራማኔ ሃንኮ ማይራማ ዩሱሲ ሞጌቲዳ ጎንጎሎዋ ቤዓናው ቢደሶና። 2 ቆፖና ዋልቃማ ቢታ ቃይይ ሃኒሰ። ጎዳ ከታንቺይ ሳሎፔ ዋቆዲ ዱፋዋ ደናን ዳዒያ ሹቻ ጎንደርሲዲ ኢያ ቦላ ኡቲሰ። 3 ኢያ ማላይ ዋልዓንሱ ዳኔሰ። ኢያ ማይይካ ሻቻዳ ቦሊ። 4 ናጌይሳቲ ከታንቺዋ ቤዒዲ፣ ያሻን ኮኮሪዲ፣ ሃይቁዳ አሳዳ ሃኒደሶና።

5 ከታንቺይ ማጫሳታኮ፣ «ሂንቲ ማሰቃሊያ ቦላ ካቂቲዳ ዩሱሳ ኮይይሳ ታኒ ኤሬያ ጊሹ ያዩፊቲ። 6 ኢ ካሴ ኡዲዳይሳ ሜላ ሃይቆፔ ዳንዲሰ፤ ሃይሳን ዳና። ሃ ዩዲ ኢያ ዘንዒሲዲ ቤሳ ቤዒቲ። 7 ሂንቲ ሃዒ ኤሌሲ ቢዲ፣ ኢያ ታማሬታሰ፣ «ዩሱሲ ሃይቆፔ ዳንዲሰ። ቃሲ ኢ ሂንቲፊ ሲንላቲዲ ጋሊላ ባና፤ ሂንቲ ኢያ ያን ቤዓና) ያጊዲ ኡዲቲ። ታኒ ሂንቲው ሃይሳ ኡዳናው ያሰ» ያገሰ።

8 ከንቲ ያዩሼኔ ዳሮ ኡፋይቲሼ፣ ዱፋዋ ማታፔ ኤሌሲዲ ቢዲ፣ ኢያ ታማሬታሰ ኡዳናው ዋዳደሶና።

9 ቆፖና ዩሱሲ ከንታራ ጋሂቲዲ ከንታኮ፣ «ሳርይ ሂንቲው ጊደ» ያገሰ። ከንቲ ኢያኮ ሸቂዲ፣ ኢያ ቶሁዋ ኮይኪዲ ኢያው ጎይኒደሶና። 10 ሄ ዋዳ ዩሱሲ ከንታኮ፣ «ያዩፊቲ፤ ቢዲ ታ ታማሬቲ ጋሊላ ባና ሜላ ከንታው ኡዲቲ። ከንቲ ያን ታና ቤዓና» ያገሰ።

27:34 ማዝ 69:21 27:35 ማዝ 22:18 27:39 ማዝ 22:7፤ 109:25 27:40 ማቶ 26:61፤ ዮሃ 2:19 27:43 ማዝ 22:8
 27:46 ማዝ 22:1 27:48 ማዝ 69:21 27:51 ኬሳ 26:31 27:55 ሉቃ 8:2-3 † 27:56 ማግደላ ማይራማ፣ ጉሳይ ማግደላ ካታማፔ ዩዳ ማይራማ ጉሱ። 27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33

11 ህ ማጫሳቲ ቢሺን፣ ዲፋዋ ናጊያ ዎታዳሬታፔ ባጋቲ ካታማ ቢዲ፣ ሃኒዳባ ኡባ ካሂኔ ሃላቃታሰ ኦዲደሶና። 12 ካሂኔ ሃላቃቲኔ ጨማቲ ሸቂዲ ዞሬቲዲ፣ ዎታዳሬታሰ ዳሮ ሚሼ ኢሚዲ፣ 13 « ሳኒ ጳሰኪዲሺን ኢያ ታማሬቲ ቃማ ዪዲ፣ ኢያ ኣሃ ካይሲደሶና ያጊቲ። 14 ሃ ኦዲ ዳሪያ ሃሬይሲ ሲዒኮ፣ ሄሲ ሂንቲ ባላ ጊደናይሳ ኑኒ ኢያ ኦዲ ኣማንላና። ሂንቲና ኣይቢካ ሂርጊሶፖ» ያጊደሶና።

15 ዎታዳሬቲ ሚሺያ ኤኪዲ፣ ከቲቲዳይሳዳ ኦሲደሶና። ሃ ኦዲይ ኣይሁዳ ማታን ሃቺ ጋካናው ኦዳቲሼ ዳዔሰ።

ዬሱሲ ባ ታማሬታሰ ቆንጨሰ

(ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆሮ 15:3-8)

16 ታማኔ ኢሲ ኢያ ታማሬቲ ዬሱሲ ባንታና ቢቲ ጊዳ ጋለላ ዳሪያ ቦላ ቢደሶና። 17 ያን ኤንቲ ኢያ ቤዒዳ ዎዳ ኢያው ጎይኒደሶና፣ ሺን ኤንታፌ ኢሶቲ ኢሶቲ ሲጳደሶና።

18 ዬሱሲ ኤንታኮ ሸቂዲ፣ «ሳሎኒኔ ሳዓን ማቲ ኡባይ ታው ኢማቲሰ። 19 ሂዛ፣ ሂንቲ ኡባ ቤሲ ቢዲ፣ ኣዎ፣ ናዓ፣ ጌሻ ኣያና ሱንላን ኣሴ ኡባ ፃማቂዲ ታና ካሌይሳታ ኦሲቲ። 20 ታኒ ሂንቲና ከቲዳባ ኡባ ኤንቲ ናጋና ሜላ ኤንታ ታማርሲቲ። ታኒ ዎዲያ ዉርሴላ ጋካናው ኡባ ዎዳ ሂንቲራ ዳዓይሰ» ያጊሰ።

28:16 ማቶ 26:32፤ ማር 14:28 28:19 ሃ.ኦ 1:8

ማርቆስ ፩ ዓ.ዓ. ዮሴፍ ኪሪስቶስ ዋንጌላ ጋላ ቆፋ

ማርቆስ ዋንጌላይ፡ «ሃይሲ ያሳ ናዓ ዮሴፍ ኪሪስቶስ ዋንጌላ ደሜላ» ገሼ ኮይሮ ደሜሰ። ሃ ዋንጌላን ዮሴፍ ኦሶ አሲኔ ማታ አዋ ገዲዲ ሸቁሰ። ኢያ ማታይ ኢያ ተሚርቲያን፡ ቱና አያና ቦላ ዳዒያ ዋልቃኒኔ አሳ ናጋራፔ ማሬይሳን ቆንጨሰ። ዮሴፍ፡ «ታኒ፡ አሳ ናጋራ ኣይሌቴላፊ ኬሳናው ታ ደዑዋ አላዳ ኢማናው ዩዳ አሳ ናዓ» ያገዲ ዓ ደናን ሃሳዩሰ።

ማርቆስ ዮሴፍ ታሪኪያ ሱሬ ኦጌኒኔ ዋልቁ ኩሚዳ ኦጌን ኦዲሰ። ማርቆስ ዮሴፍ ቃላኔ ተሚርቲያ ገደናሽን ኢ ኦሴዳ ማላሊሲያ ኦሶታ ባይራዩዲ ኦደሰ። ማርቆስ ዓማቂያ ዮሃንስ ታሪኪያ፡ ዮሴፍ ደንቃቲያኔ ኢያ ገጠፎታ ቃንላን ኦዲ ሲሚዲ፡ ዮሴፍ ተሚርቲያኔ ኢያ ገሰዋ ዳልገሲዲ ኦደሰ። አቁ አቁ ቢሽን ዮሴፍ ታማሬቲ ዮሴፍ ሎይሊዲ ኤሪ ኤሪ ቢደሶና፡ ሺን ዮሴፍ ኢደይሳቲ አሊዲ ኢደሽ ኢደሽ ቢደሶና። ወርሴላ ሸምፖቲ ዮሴፍ ዳዖን ወርሴላ ሳሚንታን ፖሌቲዳ ኦሶታ ባ ኦደሶና። ሃሳቲካ ኢያ ካቁቴላኔ ኢያ ዳንዲዋባ ኦደሶና።

ማርቆስ ዋንጌላ ኣይፌ ቆፋታ

- ዋንጌላ ደሜላ 1:1-13
- ዮሴፍ ጋሊላን ባ ኦሶዋ ኦይኪዳይሳ 1:14-9:50
- ዮሴፍ ዩሩሳሌምን ኦሴዳ ኦሶዋ 10:1-52
- ወርሴላ ሳሚንታ ዩሩሳሌም ሄራን 11:1-15:47
- ዮሴፍ ሃይቆፔ ዳንዲዋ 16:1-8
- ሃይቆፔ ዳንዲዳ ጎዳ ቆንጨላኔ ሳሎ ኬሳ 16:9-20

ዓማቂያ ዮሃንስ ኦጌ ገሊሴሰ
(ማቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ያሳ ናዓ ዮሴፍ ኪሪስቶስ ዋንጌላ ደሜላ።
2 ናቢያ ኢሳያስ ፩ ዓ.ዓ. ማፃፋን ያሳይ፡

«ሄኮ፡ ታኒ ታ ኪታንቸዋ
ኔፔ ሲንፎ ዩዳና።

ኢ ኔ ኦጌያ ገሊሳና።

3 ኢሶይ ባዞ ገደን ባ ቃላ ቶቁ ኦሴዲ፡
ጎዳ ኦጌያ ገሊሲቲ፤

ኢ ሃውታና ሆሮጋ
ኢያው ሱሪሲቲ ገሰ »

ያገሰ።

4 ዓማቂያ ዮሃንስ አሳ ዓማቂሽ፡ «ሂንቲ ናጋራፔ ሲሚዲ ዓማቂቲቲ፤ ያሳይ ሂንቲ ናጋራ አቶ ጋና» ያገዲ ቃላ ኦዲሽ ባዞ ቢታፊ ዩሰ። 5 ዩሁዳ ቢታን ዳዒያ ኣሳይ ኡባይኔ ዩሩሳሌም ካታማ አሳ ኡባይ ዮሃንስ ኦሶና። ባንታ ናጋራ ገደን፡ ዮሃንስ ኤንታ ዮርዳኖስ ሻፋን ዓማቂሰ።

6 ዮሃንስ ገማሌ ኢኪሴፔ ዳዳቲዳ አፊላ ማዔሰ። ባ ዓሳን ዳሮ ዳንጨሰ፤ ቃሲ ቦሌኔ ዳጌራ ኤሲ ማሰ።

7 ዮሃንስ ቃላ ኦዲሽ፡ «ታፔ ጉዬራ ዳሮ ማኔይሲ ዮሰ። ሃሪ አቶሽን፡ ታኒ ኢያ ጫማ ዋደሩዋ ሆካዳ ቢላናው

ቤሲኬ። 8 ታኒ ሂንቲና ሃላን ዓማቂይሰ፡ ሺን ኢ ሂንቲና ገሻ አያናን ዓማቂና» ያገሰ።

ዮሴፍ ገጠፎታ

(ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዮሴፍ ሄ ዋዳ ጋሊላ ቢታን ዳዒያ ናዚሬቲ ካታማፔ ዩን፡ ዮሃንስ ዮርዳኖስ ሻፋን ኢያ ዓማቂሰ።

10 ዮሴፍ ሃላፊ ኬያ ዋዳ ሳሎይ ደይቲን፡ ገሻ አያናይ ባ ቦላ ሆሌዳ ዋዲሽን ቤዒሰ። 11 ቃሲ ሳሎፔ፡ «ታኒ ደሲያ ታ ናዓይ ኔና፤ ታ ኔናን ኡፋይታይሰ» ያገደ ቃላይ ዩሰ።

12 ኢራ ገሻ አያናይ ዮሴፍ ባዞ ቢታ ኤፊሰ።

13 ዮሴፍ ባዞ ቢታን ዓላሂን ገጠፎቲሽ ኦይታሙ ጋላሰ ጋምዒሰ። ደዓታራ ዳዒሰ፡ ሺን ኪታንቸቲ ዩዲ ኢያ ማዲደሶና።

ዮሴፍ ሞሎ ኦይኪያ ኦይዲ አሳታ ያገሰ

(ማቶ 4:12-22፤ ሉቃ 4:14-15፤ 5:1-11)

14 ዮሃንስ ቃሽቲዳፔ ጉዬ ዮሴፍ ያሳ ካዋቲላ ዋንጌላ ኦዲሽ ጋሊላ ቢታ ቢሰ። 15 ያን፡ «ዋይይ ጋኪሰ፤ ያሳ ካዋቲላይ ማታቲሰ። ሂንቲ ናጋራፔ ሲሚዲ፡ ዋንጌላን ኣማኒቲ» ያገሰ።

16 ዮሴፍ ጋሊላ አባ ማታራ ኣዲሽ፡ ሞሎ ኦይኪያ፡ ሲሞናኔ ኢያ ኢሻ ኢንዲሪያሳ፡ ባንታ ገቲያ ኣባን ዩይይሳታ ቤዒሰ። 17 ኤንታኮ፡ «ታና ካሊቲ፤ ታኒ ሂንቲና ኣሴ ኦይቱ ታማርሳና» ያገሰ። 18 ኤንቲ ሶሆዋራ ባንታ ገቲያ ዩጊ ኣገዲ ዮሴፍ ካሊደሶና።

19 ዮሴፍ ጉሊ ሲንፎ ቢዲ፡ ናምዑ ኢሻታ ዛብዲዮሳ ናይታ፡ ያይቆባኔ ዮሃንስ ዋሳሉዋ ገደን ባንታ ገቲያ ገሊሴይሳታ ቤዒሰ። 20 ኢ ኤንታ ቤዒዳ ማላ ያገሰ። ኤንቲ ባንታ አዋ ዛብዲዮሳ፡ ኢያ ኦሳንቸታራ ዋሳሉዋ ገደን ዩጊ ኣገዲ ዮሴፍ ካሊዲ ቢደሶና።

ቱና አያናይ ኦይኪዳ ኡራይ ገደሰ

(ሉቃ 4:31-37)

21 ኤንቲ ቁፊርናሆማ ካታማ ገሊደሶና። ሳምባቲ ገሊዳ ማላ ዮሴፍ ኤሌሲዲ ኣይሁዳ ዋሳ ኬሊ ገሊዲ ታማርሶ ኦይኪሰ። 22 ማታራ ዳዒያ አሳዳ ታማርሴሲፔ አቲን ሂኔ ኣሰታማሬታላ ታማርሶና ገሾ አሳይ ኢያ ተሚርቲያን ማላቴደሶና።

23 ሄ ዋዳ ቱና አያናይ ኦይኪዳ ኢሲ ኡራይ ኣይሁዳ ዋሳ ኬሊ ገሊዲ ባ ቃላ ቶቁ ኦሴዲ፡ 24 «ናዚሬቲ ዮሴፍ፡ ኔኒ ኦፔ ኣይ ኮያይ? ኦና ቆይሳናው ያዲ? ኔኒ ኦኔኮ ታ ኡራይሰ፤ ኔኒ ያሳ ገሻ ገዲኪ?» ያገሰ።

25 ዮሴፍ ሄ ቱና አያና፡ «ሃይዛ፡ ሃ ኣዲያፊ ኬያ» ገዲ ኪቲሰ።

26 ቱና አያናይ ኡራ ዳፊሬሊዲ፡ ዋሲዲ ኢያፔ ኬዩሰ። 27 አሳይ ኡባይ ማላቴዲ፡ «ሃይሲ ኣይቤ? ሃ ኡራይ ባ ማታን ሃሪ ኣቶሽን ቱና አያናታካ ኪቲሰ። ኤንቲ ኢያው ኪቲቶሶና፤ ሃይሲ ኣይቤ ኦራላ ተሚርቲ?» ገዲ፡ ባንታ ገደን ኢሶይ ኢሱዋ ኦይቸደሶና።

28 ዮሴፍ ሱንሳይ ኤሌሲዲ ጋሊላ ቢታን ዳዒያ ሄራ ኡባን ኬዩሰ።

ዮሴፍ ዳሮ ሃርጋንቸታ ገሊሰ

(ማቶ 8:14-17፤ ሉቃ 4:38-41)

29 ዩሱስ አይሁዳ ዋሳ ከላፌ ከዩዲ፣ ያይቆባራኔ የሃኒሳራ ሲሞና ሱኔ ኢንዲሪያሳ ሶ ቢስ። 30 ሲሞና ማቼ እያ ቆያ ማሻ ሃርጋዳ ዘንዲዳር ዩሱስ ያ ጋኪያ ዋዴ ኢያው አዲዶሶና። 31 ኢ ኢኮ ሸቂዲ፣ ኢ ኩሺያ ኦይኪዲ፣ ኢዮ ዳገላ ኤሲስ። ቆያይኔ ማሻይ አገን ኢያ ኤንታ ሞካሱ።

32 ሃርጊዳ አሳ ኡባኔ ቱና አያናቲ ኦይኪዳ አሳ ኡባ ኦማርሲ አዋይ ወሊዳፔ ጉዬ ኢያኮ ኤሂዶሶና። 33 ካታማን ዴዲያ አሳ ኡባይ ሄ ኩላ ካሬ ሸቂዶሶና። 34 ዩሱስ ዲማ ዲማ ሃርጊን ኦይኮቲዳ ዳር አሳ ፓሊዲ፣ ዳር ቱና አያናታ ኮሲስ። ኢ ኦኔኮ ቱና አያናቲ ኤሪዳ ገሾ ኤንታ ኦዲሶና ዲገሰ።

ዩሱስ ጋሊላን ታማርሲስ
(ሉቃ 4:42-44)

35 ዩሱስ ዋንታ ጉራ ዴንዲዲ፣ አሲ ባይና ቤሲ ቢዲ፣ ያን ያሳ ዋሲስ። 36 ሲሞኒኔ ኢያራ ዴዲያሳቲ ኢያ ኮዩሼ ቢዶሶና። 37 ኤንቲ ኢያ ዴሚዲ፣ «አሳይ ኡባይ ኔና ኮዩስ» ያገደሶና።

38 ዩሱስ ቃሲ ኤንታ፣ «ሄ ሄራን ዴዲያ ሃራ ካታማታ ዩቋቲ። ታኒ ዩዳይ ዋንጌላ ኦዳናው ገዲያ ገሾ ያንካ ቃላ ኦዳናው ቤሴስ» ያገሰ። 39 አይሁዳ ዋሳ ከላታን ቃላ ኦዲሼኔ ቱና አያናታ ኮሲሼ፣ ጋሊላ ቢታ ኡባን ዩዳስ።

ዩሱስ ባር ሃርጋንቸዋ ፓሊስ
(ማቶ 8:1-4፤ ሉቃ 5:12-17)

40 ባርይ ኦይኪዳ ኢሲ ኡራይ ዩሱሳኮ ዩዲ፣ ኢያ ሲንላን ጉልባቲዲ፣ «ኔኒ ኮይኮ ታና ጌሻናው ዳንዳዓሳ» ያገዲ ዋሲስ።

41 ዩሱስ ኢያው ቃቋቲዲ፣ ባ ኩሺያ ዩዲዲ ኢያ ቦቸዲ፣ «ታኒ ኮያይስ፣ ጌያ» ያገሰ። 42 ሰሁዋራ ባርይ ኡራ ዩዲን ኡራይ ፓዲስ። 43 ዩሱስ ኡራ ማንላ ርገሲዲ ኮሲ ዩዲስ። 44 ዩሱስ ኢያ፣ «ኔና ኡራ፣ ሃይሳ ኦዳስካ ኦዳፓ። ሸን ባዳ ኔ አሳቲላ ካሂኔ ቤሳ። ኔኒ ሃዲ ጌሺ ገዲዳይሳ አሳ ኤሪሳናው፣ ሙሴይ ከቲዳ ያርሹዋ ያርሻ» ያገሰ።

45 ሸን ኡራይ ቢዲ፣ ጉታ ኡባን አሳ ኡባስ ኦዲስ። ሄሳ ገሾ፣ ዩሱስ ቆንጨኹ ከዩዲ፣ ካታማ ጌላናው ዳንዳዲቤና። ሸን አሲ ባይናሶን ጋዓን ዴዲስ፤ ቃሲ አሳይ ኡባ ቤሳፌ ኢያኮ ዮሶና።

2

ዩሱስ ጉንዳ ኡራ ፓሊስ
(ማቶ 9:1-8፤ ሉቃ 5:17-26)

1 ጉላ ጋላሳፔ ጉዬ ዩሱስ ቁፊርናሆሚ ሲሚዲ፣ ሶን ዴዲስ ገያ ኦዳይ ሲዴቲስ። 2 አሳ ከላይ ኤኮና ኢዲን፣ ሃሪ አቶሺን ካሪይካ ፀማና ጋካናው ዳር አሳይ ሸቂን፣ ዩሱስ ቃላ ታማርሲስ። 3 ኦይዲ አሳቲ ኢሲ ጉንዳ ኡራ ቶኪዲ ኢያኮ ኤሂዶሶና። 4 አሳይ ዳሪዳ ገሾ ኡራ ዩሱሳኮ ሸሻናው ኤንታው ዳንዳዲቶና ኢዲን፣ ዩሱስ ዴዲያ ገናራ ከላ ቃሪዲ፣ ካራ ቃወዲዲ ኡራ ኢ ዘንዲዳ አልጋራ ዲጌ ዩዲዲ ዩሱሳ ሲንላን ዋቋሲዶሶና። 5 ዩሱስ ኤንታ አማኑዋ ቤዲዲ፣ ሄ ጉንዳ ኡራ፣ «ታ ናዓው፣ ኔ ናጋራይ አቶ ጌቲቲስ» ያገሰ።

6 ሂጌ አሰታማሬታፔ ሄ ቤሳን ኡቲዳ ኢሶቲ ኢሶቲ ባንታ ዋዛናን፣ 7 «ላ ሃ ኡራይ ሃይሳ ማላ ኢታባ ያሳ

ቦላ አይስ ኦዳቲ? ያሳ ዓላላፔ አቲን ሃሪ ኦኒ ናጋራ አቶ ጋናው ዳንዳዲ?» ገዲ ቆፒዶሶና።

8 ኤንቲ ባንታ ዋዛናን ሃሳዳ ቆፒዶይሳ ዩሱስ ሰሁዋራ ባ አያናን ኤሪዲ፣ ኤንታኮ፣ «ሂንቲ ሂንቲ ዋዛናን አይስ ሃሳዳ ቆፒቲ? 9 ጉንዳ ኡራ፣ ኔ ናጋራይ አቶ ጌቲቲስ) ጌይሲ ማቲዬ? ዋይኮ፣ ዴንዳ ኤቃዳ ኔ አልጋ ቶካዳ ባ) ጌይሲ ማቲ? 10 ሸን ታው፣ አሳ ናዓስ፣ ሳዓ ቦላ ናጋራ አቶ ጋናው ማቲ ዴዲያሳ ሂንቲ ኤራና ማላ» ገዲ ሄ ጉንዳ ኡራኮ፣ 11 «ኔና ጋይስ፣ ዴንዳ ኤቃዳ ኔ አልጋ ቶካዳ ኔ ሶ ባ» ያገሰ።

12 ኡራይ ኤሌሲ ዴንዲ ኤቁዲ፣ ባ አልጋ ቶኪዲ አሳ ኡባይ ቤዲሸን ቢስ። አሳይ ኡባይ ማላላቲዲ፣ «ኔኒ ሃይሳ ማላ ማላሊሲያባ ቤዲ ኤርኮ» ያገዲ ያሳ ጋላቲዶሶና።

ዩሱስ ሌዌ ያገሰ
(ማቶ 9:9-13፤ ሉቃ 5:27-32)

13 ዩሱስ ቃሲ ጋሊላ አባ ዳና ሲሚ ቢዲ፣ ባኮ ዩዳ አሳ ኡባ ታማርሲስ። 14 ያራ አቋሼ፣ ኢልፊዮሳ ናዓ ሌዌ ጌቲቲይሲ ቃራዓ ቃንዲሲያ ቤሳን ኡቲዳይሳ ቤዲዲ፣ «ታና ካላ» ያገሰ። ሌዌይ ዴንዲ ኤቁዲ ኢያ ካሊስ።

15 ዩሱስ ካሊ ማናው ሌዌ ሶን ኡቲስ። ኢያ ካሊያ አሳይ ዳር ገዲያ ገሾ ቃራዓ ቃንዲሲያ ዳር አሳይኔ ናጋራንቸቲ ኢያራኔ ኢያ ታማሬታራ ኢሲፌ ኡቲዶሶና። 16 ሂጌ አሰታማሬ ገዲዳ ኢሲ ኢሲ ፋሪሳዌቲ ዩሱስ ናጋራንቸታራኔ ቃራዓ ቃንዲሲያሳታራ ካሊ ሚሸን ቤዲዲ፣ «ኢ አይስ ናጋራንቸታራኔ ቃራዓ ቃንዲሲያሳታራ ካሊ ሚ?» ያገዲ፣ ኢያ ታማሬታ ኦይቸዶሶና።

17 ዩሱስ ኤንቲ ጌይሳ ሲዲዲ፣ «ሃርጋንቸታፔ አቲን ፓዓታስ አከሜ ኮሼና። ታኒ ናጋራንቸታ ያጋናው ያሲፔ አቲን ዲሎታ ያጋናው ያቢኬ» ያገዲ ኤንታው ዛሪስ።

ያማባ ኤራናው ሸቂዳ ኦይሻ
(ማቶ 9:14-17፤ ሉቃ 5:33-39)

18 ዓማቂያ የሃኒሳ ታማሬቲኔ ፋሪሳዌቲ ያሞሶና። ኢሲ ኢሲ አሳቲ ዩሱሳኮ ዩዲ፣ «የሃኒሳ ታማሬቲኔ ፋሪሳዌታ ታማሬቲ ያሞሶና፣ ሸን ኔ ታማሬቲ አይስ ያሞኮና?» ያገደሶና።

19 ዩሱስ ኤንታኮ፣ «ያጋኑዋ ዩዳ አሳቲ ማቸው ኤኬይሲ ኤንታራ ዴዲሸን፣ ያማናው ዳንዳዶና? ማቸው ኤኬይሲ ኤንታራ ዴዲሸን፣ ያማናው ዳንዳዶኮና። 20 ሸን ማቸው ኤኬይሲ ኤንታ ማታፔ ኤኬታና ዋዴይ ያና፣ ኤንቲ ሄ ዋዴ ያማና።

21 «ጨጋ ማዖ ቦላ ኡራላ ዋሊዲ ሲኪያ አሲ ባዋ። ዋሊዲ ሲኪኮ፣ ኡራላይ ጨጋ ማዑዋ ዳኬስ፤ ዳኬላይካ ካሴይሳፌ ዳሪስ። 22 ቃሲ ማልዓንቶ ዋይኔ ጨጋ ኦጎርን ቆሊያ አሲ ባዋ። ሸን ቆሊኮ፣ ሄ ዋይኔይ ኦጎርዋ ዳኬስ፣ ባወካ ጉኬስ፣ ኦጎርይካ ኢቲስ። ሸን ማልዓንቶ ዋይኔይ ኡራላ ኦጎርን ቆሊቲስ» ያገሰ።

ሳምባታባ ኤራናው ሸቂዳ ኦይሻ
(ማቶ 12:1-8፤ ሉቃ 6:1-5)

23 ዩሱስ ኢሲ ሳምባታ ጋላስ ባንጋ ጋዴ ገደራ አቋሼን፣ ኢያ ታማሬቲ ኢያራ ቢሼ ባንጋ ቲያ ሸርኪዲ

ሞሶና። 24 ፋሪሳዊት ዩሱፊስ፡ «ሄኮ፡ ኔ ታማራት ሳምባታ ጋላስ ዋጋ ጊደናባ አይስ ኦላና?» ያጊደሶና።

25 ዩሱሲ ኤንታኮ፡ «ዳዊቱይ ኮሻቲዲ፡ ሚያባ ኮዩዳ ዋዴ ባራ ዴዔይሳታራ ኦሊዳይሳ ናባቢቤኬት? 26 አቢያታሪ ካሂኔ ሃላቃ ጊዲዲ ዴዔያ ዋዴ ዳዊቱይ ያሳ ኬሊ ጌሊዲ፡ ካሂኔታ ፃላሊ ማናፕ አቲን ኦኒካ ማናው ዋጋ ጊደናይሳ ጎዳ ሲንላን ዋሊዳ ዳቡዋ ሚስ፡ ባራ ዴዔይሳታሪካ አሚስ» ያጊስ።

27 ቃሲካ ዩሱሲ ኤንታኮ፡ «ሳምባቲ አሳ ናባ ጎዳስ ማዴቲሲፕ አቲን አሲ ሳምባታስ ማዴቲቤና። 28 ሄሳ ጊሾ፡ አሳ ናባይ፡ ሃሪ አቶሺን ሳምባታስካ ጎዳ» ያጊስ።

3

ዩሱሲ ኩሼ ጉንዳ ኡራ ፓሊስ (ማቶ 12:9-14፤ ሉቃ 6:6-11)

1 ዩሱሲ አይሁዴ ዋሳ ኬሊ ሲሚ ጌሊስ፡ ያን ኩሼይ ጉንዲዳ ኢሲ ኡራይ ዴዔስ። 2 ኢሲ ኢሲ አሳይ ዩሱሳ ሞታናው ኮዩዲ፡ ኩሼይ ጉንዲዳ ኡራ ሳምባታ ጋላስ ኢ ፓሊኮኔ አገኮ ቤዓናው ኮዩዲ ሚንሊዲ ናጎሶና።

3 ዩሱሲ ኩሼይ ጉንዲዳ ኡራ፡ «ዳንዳ ኤቃዳ ሃ ሲንሌ ያ» ያጊስ። 4 ሄሳፊ ጉዬ፡ አሳኮ፡ «ሳምባታ ጋላስ ሎዎባ ኦሊይሲ ዋጊዬ ኢታባ ኦሊይሲ ዋጊ? አሳ ሸምፖ አሾዬ ዋይኮ ዋዶ?» ያጊዲ ኦይቸስ።

ሺን አሳይ ሲዲ ጊስ። 5 ዩሱሲ ሃንቁቲዲ፡ ኤንታ ዩሺ አሊ ያሊዲ፡ ኤንቲ ኦዲን ሲዎናይሳታ ጊዲያ ጊሾ ኤንታ ቦላ ዳር አዛኒስ። ሄ አዲያኮ፡ «ኔ ኩሼያ ፒዲ ኦላ» ያጊስ። ኡራይ ፒዲ ኦሊን ኢያ ኩሼይ ፓይስ። 6 ኤሌሲዲ ፋሪሳዊት አይሁዴ ዋሳ ኬላፊ ካሪ ኬዩዲ፡ ዩሱሳ ዋቲ ዋዳኔኮ ማቁታናው ሄርዲሳ ባጋታራ ኢሲ ሶ ሸቁደሶና።

አሳይ ዩሱሳኮ ሸቁደሶና

7 ዩሱሲ ባ ታማራታራ ጋሊላ አባኮ ቢስ፡ ጋሊላፔኔ ዩሁዳፔ ዩዳ ዳር አሳይ ኢያ ካሊደሶና። 8 ቃሲካ ዩራሳላሚፔ፡ ኢዲሚያሳፔ፡ ዮርዳኖሴ ሻፋ ፒንላፊ፡ ዲርሳ ካታማፔኔ ሲደና ካታማፔ ዩሱሲ ኦሊዳባ ሲዲዲ፡ ዳር አሳይ ኢያኮ ዩደሶና። 9 አሳ ዳርቲላፊ ዳንደይሳን ኢያ ኤንዔላና ማላ ኢያ ታማራቲ ዋጎሎ ኢያው ጊሳና ማላ ከቲስ። 10 ዳር አሳ ኢ ፓሊዳ ጊሾ ሃርጊያ አሳ ኡባይ ኢያ ቦቻናው ሱፕሶና። 11 ቱና አያናይ ኦይኪዳ አሳቲ ኢያ ቤዒዳ ዋዴ ኢያ ሲንላን ኩንዲዲ፡ ባንታ ቃላ ዶቁ ኦሊዲ፡ «ኔኒ ያሳ ናባ ጊዲኪ?» ያጎሶና።

12 ዩሱሲ ሄ ቱና አያናቲ ባናቲላ ኦዴሰካ ቆንጨሶና ማላ ኤንታ ሚንሊዲ ሃንቁቲስ።

ዩሱሲ ታማኔ ናምቡ ሃዋራታ ደሪስ (ማቶ 10:1-4፤ ሉቃ 6:12-16)

13 ዩሱሲ ዴሪያ ቦላ ኬዩዲ፡ ባ ኮዩዳ አሳታ ባኮ ያጊስ፤ ኤንቲካ ኢያኮ ቢደሶና። 14 ኤንቲ ባራ ዳና ማላኔ ቃላ ታማርሳና ማላ ታማኔ ናምባታ ደሪዲ፡ ኤንታ፡ «ሃዋራታ» * ጊዲ ሱንሊስ። 15 ቱና አያናታካ ኬሳና ማላ ኤንታው ማታ አሚስ።

16 ኢ ደሪዳ ታማኔ ናምባቲ ሃይሳታ፡ ጳዊርሳ ያጊዲ ሱንሊዳ ሲሞና፡ 17 ቦዓኔርጌስ (ዳዳ ዳኒያ አሳታ) ያጊዲ ሱንሊዳይሳታ፡ ዛብዲዮሳ ናይታ ያይቆባኔ ያይቆባ

ኢሻ ዮሃኒሳ፡ 18 ኢንዲሪያሳ፡ ፊልጶሳ፡ ባርቶሎሚዮሳ፡ ማቶሳ፡ ቶማሳ፡ ኢልፊዮሳ ናባ ያይቆባ፡ ታዲዮሳ፡ ባ ቢታስ ሚሼቲያ ሲሞናኔ፡ 19 ዩሱሳ አሊ ኢሚዳ አሰቆርታ ዩሁዳ።

ዩሱሳኔ ቢዔልዜቡላ (ማቶ 12:22-32፤ ሉቃ 11:14-23፤ 12:10)

20 ሄሳፊ ጉዬ፡ ዩሱሲ ሶ ቢስ። ቃሲ ዳር አሳይ ሸቁን፡ ኢኔ ኢያ ታማራቲ ሃሪ አቶሺን ካሊ ማናውካ ዳንዳቢኮና። 21 አሳይ ኢያ፡ «ጎዬስ» ጊያ ጊሾ ኢያ ዳቦቲ ሄሳ ሲዲዲ ኢያ ኤካናው ቢደሶና።

22 ሂጌ አሰታማራታፔ ኢሶቲ ኢሶቲ ዩራሳላሚፔ ዩዲ፡ «ኢያ ቦላ ቢዔልዜቡሊ ዴዔስ»፤ ኢ፡ «ፃላሂይ ዋልቃን ቱና አያናታ ኬሴስ» ያጊዲ ኦዴቲደሶና።

23 ዩሱሲ አሳ ባኮ ያጊዲ ለሚሶ ኦዲስ፡ «ፃላሂይ ፃላሂ ዋቲ ኬሳናው ዳንዳዒ?» 24 ኢሲ ካዎቲሳይ ባ ጊደን ሻኬቲኮ ሄ ካዎቲሳይ ኤቃናው ዳንዳዒና።

25 ሄሳዳካ፡ ኢሲ ኬላ አሳይ ባንታ ጊደን ሻኬቲኮ ጳያናፔ አቲን ዳናው ዳንዳዎኮና። 26 ሄዛ፡ ፃላሂይ ባራ ካጨቲዲ ሻኬቲኮ ጳዮፔ አቲን ዳናው ዳንዳዒና።

27 «ሺን ኮይርቲዲ ዋልቃማ ኡራ ቃቾና ዴዔሼ ኢያ ኬላ ጌሊዲ፡ ኢያ ሚሺያ ቦንቃናው ዳንዳዒያ አሲ ባዎ። ቃቾ ሲሚዲ ኢያ ኬላ ቦንቃናው ዳንዳዒያ።

28 «ታኒ ሃንቲው ቱማ ኦዲይሲ፤ ያሳይ አሳ ናይታስ ናጋራ ኡባኔ ኤንቲ ጫያ ጫሼ ኡባ አቶ ጋና። 29 ሺን ጌሻ አያና ቦላ ኢታባ ኦዴቲያ ኦዴሰካ ሚሪና ናጋራ ጊዳናፔ አቲን ያሳይ ኡባራካ ኢያ ማሪና» ያጊስ። 30 ዩሱሲ ሄሳ ጊዳይ፡ ኢሲ ኢሲ አሳቲ፡ «ኢያ ቦላ ቱና አያናይ ዴዔስ» ያጊዳ ጊሾሳ።

ዩሱሳ አዩዔኔ ኢያ ኢሻታ (ማቶ 12:46-50፤ ሉቃ 8:19-21)

31 ኢያ አያኔ ኢያ ኢሻቲ ዩዲ ካሪን ኤቁዲ፡ ኢያኮ አሴ ከቲዲ ኢያ ያጊደሶና። 32 ኢያ ማታን ኡቲዳ ዳር አሳቲ፡ «ሄኮ፡ ኔ አዬራኔ ኔ ኢሻታራ ካሪን ኤቁዲ ኔና ኮዮሶና» ያጊደሶና።

33 ዩሱሲ ዛሪዲ፡ «ታ አያ ኦኔ? ቃሲ ታ ኢሻቲ ኦናንቲ?» ያጊስ። 34 ባ ማታን ኡቲዳ አሳ ዩሺ አሊ ያሊዲ፡ «ሄኮ፡ ታ አያኦኔ ታ ኢሻቲ ሃይሳታ። 35 ያሳይ ሼኒያ ኦሊያ ኡባይ ታ ኢሻ፡ ታ ሚቾኔ ታ አዮ» ያጊስ።

4

ዜሬሊ ዜሪያ ኡራ ለሚሶ (ማቶ 13:1-9፤ ሉቃ 8:4-8)

1 ዩሱሲ ዛሪዲ ጋሊላ አባ ማታን ታማርሴስ። ዳር አሳይ ኢያ ዩሹዋን ሸቁን፡ አባን ዴዒያ ዋጎሎዎ ጊደ ጌሊዲ ኡቲስ፡ አሳ ኡባይ አባ ማታን ዴዒስ። 2 ኢ ኤንታ ዳርባ ለሚሶን ታማርሴስ። ታማርሴሼ ሃይሳዳ ያጊስ።

3 «ሲዲቲ! ኢሲ ኡራይ ዜሬሊ ዜራናው ኬዩስ።

4 ኢ ዜሪሸን፡ ኢሲ ኢሲ ዜሬላይ ኦጌ ጋፃን ዋዲስ፤ ካፎቲ ዩዲ ሚደሶና። 5 ኢሲ ኢሲ ዜሬላይ ጋርሳን ሻሎይ ዴዒያ ቢታ ቦላ ዋዲስ። ዳር ቢቲ ባይና ጊሾ ሄ ዜሬላይ ኤሌሲዲ ደሊስ። 6 ሺን አዋ ኬዩዳ ዋዴ ሹሊስ። ሎይሊዲ ፃጾ ዩዲቦና ጊሾ ኤሌሲ ማሊስ።

2:25 1ሳው 21:1-6 2:26 ለዌ 24:9 3:9 ማር 4:1፤ ሉቃ 5:1-3 * 3:14 ሃዋራ፡ ሃዋራ ጉሳይ ከቲቲዳይሳ ጉሱ። 3:22 ማቶ 9:34፤ 10:25 3:29 ሉቃ 12:10 4:1 ሉቃ 5:1

7 ኢሲ ኢሲ ዘሬላይ ኣጉንጎ ገደን ዎጲሰ። ደሊዳይሳ ኣጉንጎይ ዲጨዲ ጨለዳ ገሾ ኣይፌ ኣይፎና ኣተሰ።
 8 ኢሲ ኢሲ ዘሬላይ ኣራዳ ቢታን ዎጲዲ ደሊሰ። ዲጨዲ ኢሶይ ሃሰታማ፣ ኢሶይ ኡሱፑን ታማ ኢሶይ ጭታ ኣይፊሰ» ያገሰ። 9 «ሲዒያ ሃይሊ ዳዒያ ኦኒካ ሲያ» ያገሰ።

ዩሱሲ ለሚሶን ኦዲዳ ጋሱዋ
 (ማቶ 13:10-17፤ ሉቃ 8:9-10)

10 ዩሱሲ ኦዲዳይሳ ሲዒዳ ኢሲ ኢሲ ኣሳተኔ ታማኔ ናምዑ ታማሬቲ ዩሱሲ ባርካ ዳዒሺን፣ ኢያገ ሸቁዲ ሄ ለሚሱዋ ቢርሼላ ኦይቲደሶና። 11 ዩሱሲ ኤንታኮ ሃይሳዳ ያገሰ። «ሂንቴው ያሳ ካዎቴላ ፀራ ኤርይ ኢሜቲሰ። ሺን ሃራታሰ ካዎቴላፊ ካሬን ዳዒይሳታሰ ኡባባይ ለሚሶን ኦዳቴሰ። 12 ጋሶይካ፣ ሓንቲ ጃሎሶና፣ ሺን ዳዎኮና፣ ሲያሶና፣ ሺን ኣኩኮኮና፣ ኤንቲ ዳሚያኮኔ ኣኩኪያኮ፣ ያሳኮ ሲማና ኣካ ኤንታ ማራናሺን » ያገሰ።

ዘሬላ ለሚሱዋ ቢርሼላ
 (ማቶ 13:18-23፤ ሉቃ 8:11-15)

13 ዩሱሲ ኤንታኮ፣ «ሃ ለሚሶይ ሂንቴው ጌሌኔ? ያቲን፣ ለሚሶ ኡባ ሂንቴ ዋቲ ኣኩካኔ? 14 ዘሬይሲ ያሳ ቃላ ዘሬሰ። 15 ቃላይ ዘሬቲያ ዎዴ ኦኔ ጋያን ዎጲዳይሳቲ ቃላ ሲዒዳይሳታ። ሺን ያላሂይ ሰውዎራ ዩዲ፣ ኤንታ ዎዛናን ዘሬቲዳ ቃላ ማፂ ዲጌሰ። 16 ሃሳዳካ፣ ጋርሳን ሻሎይ ዳዒያ ቢታን ዘሬቲዳይሲ ቃላ ሲዒዲ፣ ኤሌሲዲ ኡፋይሳን ኤኬይሳ። 17 ሺን ኤንታው ሚኖ ያጳይ ባይና ገሾ ሃዒሳፊ ኣቲን ጋምዎኮና። ጉላ ዎጲፕ ጉዬ ቃላ ጋሶን ዎዩይ ዎይኮ ጎዲ ጋኪያ ዎዴ ኤሌሲዲ ጳቤቶሶና። 18 ኣጉንጎ ገደን ዘሬቲዳይሲ ቃላ ሲዒይሳታ። 19 ሺን ሃ ሳዓ ዳዑዋሰ ሂርጎይ፣ ዲሬቲላ ደሶይኔ ሃራባ ኣሞቴይሲ ኢያ ዎዛናን ጌሊዲ ቃላ ጨለያ ገሾ ኣይፌ ኣይፎና ኣተሰ። 20 ሺን ኣራዳ ቢታን ዘሬቲዳይሳቲ ቃላ ሲዒዲ ኤኬይሳታ። ኤንቲ ኢሶይ ሃሰታማ፣ ኢሶይ ኡሱፑን ታማ ኢሶይ ጭታ ኣይፊሰ» ያገሰ።

ጌማን ዳዒያ ያምፔ
 (ሉቃ 8:16-18)

21 ዩሱሲ ጉጂዲ፣ «ያምፔ ኤኪዲ፣ ዳቕፊ ዎይኮ ኣልጋፊ ጋርሳን ዎሊያ ኣሲ ዳዒ? ጳቃ ቤሳን ዎሌኔይ? 22 ሂዛ፣ ቆሴቲዳባይ ኡባይ ቆንጨ ኬያና፤ ጌሚዳባይ ኡባይ ኤሬቶና ኣቲና። 23 ሲዒያ ሃይሊ ዳዒያ ኦኒካ ሲያ» ያገሰ።
 24 ቃሲ ኤንታኮ፣ «ሂንቴ ሲዒያባ ኣኩኪዲ ሲዒቲ! ያሳ ቃላ ሂንቴ ሲዒይሳ ሚላ ኢ ሂንቴው ኣኩካ ኢማና። ኡባካ ሂንቴው ዳርሲዲ ኢማና። 25 ኢሲባይ ዳዒያ ኡራሰ ጉጂ ኢሜታና፣ ባይናይሳፊ ሃሪ ኣቶሺን፣ ኢያው ዳዒያ ሄ ጉሊያካ ኤኬታና» ያገሰ።

ዲጨያ ዘሬላ ለሚሶ

26 ዩሱሲ ዛሬዲ፣ «ያሳ ካዎቴላይ ባ ጋዴን ዘሬሊ ዘሬያ ኣሳ ሚላ። 27 ሄ ኡራይ ቃማ ጲሰከሰ፤ ዎንታ ዳንዴሰ። ኢ ባ ሁዒን ዎኒያኮ ኤርና ዳዒሺን ሄ ዘሬላይ

ደሊሰኔ ዲጨዳ። 28 ቢታይ ካሊ ባርካ ኢሜሰ። ኮይር ደሊዲ ዲጨዳ፣ ካሊዲ ኣይፋናው ጋምቡጻሰ፣ ዉርሴላን ኩሚላ ኣይፊ ኣይፊሰ። 29 ሺን ካላይ ጋኪያ ዎዴ ኡራይ ሰውዎራ ባጫራ ጌሊ ኣጌሰ» ያገሰ።

ኣይፊ ጉላ ሚላ ለሚሶ
 (ማቶ 13:31-34፤ ሉቃ 13:18-19)

30 ዩሱሲ፣ «ኦኒ ያሳ ካዎቴላ ኣይ ዳኔሰ ጋኔ? ዎይኮ ኣይቢራ ለሚሳኔ? 31 ያሳ ካዎቴላይ ኣይፊ ጉላ ሚላ ዳኔሰ። ሄ ሚላ ኣይፊያ ዘሬያ ዎዴ ሳዓን ዳዒያ ሚላ ኣይፊ ኡባፊ ጉጻሰ። 32 ዘሬን ደሊዲ ኣታኪልቲ ኡባፊ ገታቲሰ፤ ዳር ዳሺ ዳዩሰ። ካፎቲ ኢያ ታሺያ ቦላ ከጫዲ ኡታና ጋካናው ዳዩሰ» ያገሰ።

33 ዩሱሲ ሃይሳ ሚላ ዳር ለሚሶን ኣሳይ ኣኩካናው ዳንዳዒይሳ ሚላ ቃላ ኦዲሰ። 34 ኣሳሰ ለሚሶይ ባይና ኦዴና። ሺን ዩሱሲ ባ ታማሬታ ያላላራ ዳዒያ ዎዴ ኤንታው ኡባባ ቢርሼዲ ኦዲሰ።

ዩሱሲ ሆቢያ ሲዒ ኣሊሰ
 (ማቶ 8:23-27፤ ሉቃ 8:22-25)

35 ሄ ጋላሰ ሳዒይ ኦማርሲን፣ ዩሱሲ ባ ታማሬታኮ፣ «ኣባፊ ሄፊንሊ ፒኖሰ» ያገሰ። 36 ኢያ ታማሬቲ ዳር ኣሳ ዩጊ ኣጊዲ፣ ዩሱሲ ካሴ ጌሊ ኡቲዳ ዎጎሎዎን ጌሊዲ ዩሱሳ ባንታራ ኤፊደሶና። ሃራ ዎጎሎቲካ ያን ዳዎሶና። 37 ዎልቃማ ጎቲይ ዳንዲዲ፣ ሆቤይ ዎጎሎዎ ሾጨን፣ ኩማና ጋካናው ዎጎሎዎ ገደ ሃሊ ጌሊሰ። 38 ሄ ዎዴ ዩሱሲ ዎጎሎዎን ጉዬ ባጋራ ቦርኮቲዲ ጲሰከሰ። ኢያ ታማሬቲ ኢያ ዳንሊዲ፣ «ኣሰታማሪያው፣ ኦኒ ጳያ ዎዴ ኔ ሲዒ ጋዳ ጻላይ?» ያገደሶና።

39 ያቲን፣ ኢ ባርኪዲ ጎቲያ፣ «ሲዒ ጋ» ገዲ፣ ኣባካ፣ «ዎፑ ጋ» ገሰ። ጎቲይካ ሲዒ ገን ኡባባይ ዎፑ ገሰ። 40 ዩሱሲ ባ ታማሬታኮ፣ «ኣይሰ ሃይሳዳ ባቤቲ? ሂንቴው ኣማኖይ ዎኒዲ ጳይዴ?» ያገሰ።

41 ኤንቲ ዳር ባቢዲ ባንታ ገደን፣ «ሃይሲ ሃሪ ኣቶሺን፣ ጎቲይኔ ኣባይ ከቲይሲ ኦኔ?» ያገደሶና።

5

ቲና ኣያኒ ኣይኪዳ ኡራይ ጋዒሰ
 (ማቶ 8:28-34፤ ሉቃ 8:26-39)

1 ዩሱሲኔ ኢያ ታማሬቲ ኣባ ፒኒዲ፣ ጌርጌሶኔ ገያ ቢታ ጋኪደሶና። 2 ዩሱሲ ዎጎሎዎፕ ዎጲያ ዎዴ ቲና ኣያናይ ኦይኪዳ ኢሲ ኡራይ ዲፎፔ ከዩዲ ኢያራ ጋሂቲሰ። 3 ሄ ኡራይ ዲፋዎን ኣቂ ፕዒዲ ዳዒሰ። ኢያ ኦኒካ ሳንላላታን ቃቻናው ዳንዳዒና። 4 ኢ ዳር ቶሆ ዲላኒኔ ሳንላላታን ቃሺቲዲ ዳዒሰ። ሺን ሳንላላታ ዲሴሬሌሰ፣ ዲላ ሚንሌሬሌሰ። ኢያ ቲቃናው ዳንዳዒያ ኦኒካ ባዎ። 5 ኢ ቃማኔ ጋላሰ ሄ ዲፋዎኒኔ ዳሬ ቦላ ዎሴሰ፣ ባ ቦላካ ሹቻን ጋሬሰ።

6 ዩሱሳ ሃሆን ቤዒዳ ዎዴ ዎፂ ቢዲ ኢያ ሲንላን ጉልባቲሰ። 7 ሄ ኡራይ ባ ቃላ ቆቁ ኦሊዲ፣ «ኡባፊ ቦላ ያሳ ናዓው ዩሱሳ፣ ኔናኔ ታና ኣይቤ ጋሌይ? ታና ጳይሶና ሚላ ታኒ ኔና ያሳ ሱንላን ዎሳይሰ» ያገሰ። 8 ኢ ሃሳ ገዲይ ዩሱሲ ኢያ፣ «ላ ሃ ቲና ኣያናው፣ ሃ ኣዲያፊ ኬያ» ያገዲ ገሾሳ።

9 ዩሱሲ ኢያኮ፣ «ኔ ሱንላይ ኦኔ?» ያገዲ ኦይቲሰ።

ኢ፡ «ኩኒ ዳር ጊዲያ ገሾ ታ ሱንጻይ ለገዮና» ያገለገሉ።
10 ቱና ኣያናቲ ባንታና ሄ ቢታፌ ከሲ ዩዳና ማላ ዩሱፊ ማንሳዲ ዋሲደሶና።

11 ሄ ዳሪያ ቦላ ዳር ጉዲንላ ወዳይ ሃሙቴሰ።
12 ቱና ኣያናቲ ዩሱፊኮ፡ «ኑና ሂኒ ጉዲንላ ወዳይኮ ዩዳናኪ፡ ኤንታን ቢዲ ጌሎሰ» ያገለገሉ ዋሲደሶና።

13 ዩሱፊ ኤንታኮ፡ «ቢቴ» ያገለገሉ። ያቲን ቱና ኣያናቲ ኣዲያፌ ከዩዲ ጉዲንላታን ጌሊደሶና። ናሞዑ ሙኩሉ ጊዲያ ጉዲንላ ወዳይ ኣፎ ደናራ ዲርጊዲ ቢዲ ኣባን ጌሊዲ ማቴቲደሶና።

14 ጉዲንላ ወዳይ ሃሚይሳቲ ባቃቲ ቢዲ ሃኒዳባ ካታማኒኔ ገፃሪያን ኣዲደሶና። ያቲን ኣሳይ ሃኒዳባ ቢዳናው ከዩዲደሶና። 15 ኣሳይ ዩሱፊኮ ያ ዋዴ ቱና ኣያናን ኣይኩቲዳ ኡራ ቤዲደሶና። ኢ ባ ዋዛናኮ ሰሚዲ፡ ማፖ ማዲዲ፡ ያን ኡቲዳይሳ ቤዲዳ ዋዴ ኡባይ ያዩደሶና። 16 ሄሳ ቤዲዳ ኣሳቲ ቱና ኣያናቲ ኣይኩዳ ኡራ ቦላኔ ጉዲንላታ ቦላ ሃኒዳባ ኡባ ኣሳሰ ኣዲደሶና። 17 ሄሳ ገሾ፡ ኣሳይ ባንታ ቢታፌ ዩሱፊ ባና ማላ ዋሲደሶና።

18 ዩሱፊ ዋጎሉዋን ጌሊያ ዋዴ ካሴ ቱና ኣያናይ ኣይኩዲ ዩዲዳ ኡራይ፡ ዩሱፊ ካላናው ኢያ ዋሲሰ።
19 ሺን ዩሱፊ ኢዲዲ ኢያኮ፡ «ኔ ሶ ሰሚዳ፡ ጎዳይ ኔው ኣይ ማላ ገታባ ኣሉዳኮኔ ኔው ኣይ ማላ ከሂዳኮ ኔ ሶ ኣሳሰ ኦዳ» ያገለገሉ። 20 ኡራይ ቢዲ ታሙ ካታማ ገያሶን ዩዲዲ፡ ዩሱፊ ባው ኣይ ማላ ገታባ ኣሉዳኮ ኣዲሰ። ኢ ኣዲዳይሳ ሰዲዳ ኣሳ ኡባይ ማላሌቲደሶና።

ሃይቁዳ ናዊወኔ ዩሱፊ ማዕቀ ቦቛዳ ማጫሲው
(ማቶ 9:18-26፤ ሉቃ 8:40-56)

21 ዩሱፊ ሰሚዲ፡ ዋጎሉዋን ጌሊዲ፡ ኣባ ፒኒዳፔ ጉዬ ዳር ኣሳይ ኣባ ገፃን ኢያ ዩሹዋን ሸቁደሶና።
22 ኢያርሳ ጊያ ኣይሁዴ ዋሳ ከላ ሃላቃታፔ ኢሶይ፡ ዩሱፊ ቤዲዳ ዋዴ ኢያኮ ዩዲ ኢያ ቶሁዋ ቦላ
23 ኩንዲዲ፡ «ታ ናዊያ ሃርጋዳ ሃይቃና ሃናውሱ። ኢያ ፓዳዳ ደዓና ማላ ያዳ ኔ ኩሺያ ኢ ቦላ ዋላርኪ» ያገሊዲ ዩሱፊ ማንሳዲ ዋሲሰ።

24 ዩሱፊ ኢያርሳራ ቢሰ። ኢ ቢሺን ዳር ኣሳይ ኢያ ካሊዲ ኡንዔሉደሶና።

25 ታማኔ ናሞዑ ላይላ ኢ ቦላፌ ሱላ ጎጊያ ኢሲ ማጫሲያ ደዓወሱ። 26 ዳር ኣከሜቲ ኢዮ ኣከሚደሶና፡ ሺን ኢያ ፓዳ ካዔታሱ። ኢያ ባ ማሺያ ኡባ ወርሲንካ ኢው ሃ ኢቲሰፔ ኣቲን ኣይኮካ ማዲቤና። 27 ሄ ማጫሲያ ዩሱፊ ሰዲዳ፡ ኣሳ ካንላዳ ዩሱፊ ጉዬራ ያዳ ኢያ ማዕቀ ቦቛሱ። 28 ኢያ፡ «ታኒ ሃሪ ኣቶሺን ኢያ ማዕቀ ቦቛኮ ፓዳና» ጋዳ ቆፓሱ።

29 ኢፔ ጎጊያ ሱላይ ሶሁዋራ ኤቁ ኣገሰ። ኢያ ባ ዋያፔ ፓዳዳይሳ ባ ኣሳቲላን ኤራሱ። 30 ዩሱፊ ባፔ ዋልቁ ከዩዲይሳ ባ ሁዔን ኤራዲ፡ ኤሌሲዲ ዳር ኣሳ ገደን ጉዬ ሰሚዲ፡ «ታ ማዕቀ ቦቛዳይ ኦኔ?» ያገለገሉ።

31 ኢያ ታማራቲ፡ «ኣሳይ ኔና ሱጌይሳ ቤዳሽ፡ «ዋይጋዳ ታና ኦኔ ቦቛዳይ ያገይ?» » ያገሊደሶና።

32 ዩሱፊ ሄሳ ኦኔ ኣሉዳኮ ቤዳናው ዩሺ ኣሉ ያሊሰ።
33 ሺን ማጫሲያ ባው ሃኒዳባ ኡራዳ፡ ያሻን ኮኮራሽ ያዳ ዩሱፊ ሰንሳሻ ጉፋናሱ፤ ቃሲ ሃኒዳባ ኡባ ቱማ ኢያው ኦዳሱ። 34 ያገን፡ ዩሱፊ ኢኮ፡ «ታ ናቲ፡ ኔና ኔ ኣማናይ ፓሉሰ፡ ሳሮን ባ፡ ኔ ዋያፔካ ፓዳ» ያገለገሉ።

35 ዩሱፊ ቡር ሄሳ ኦዲሸን፡ ኣይሁዴ ዋሳ ከላ ሃላቃ ሶፔ ከቲቲዳ ኣሳቲ ዩዲ፡ «ኔ ናዊያ ሃይቃሱ፡ ኣሰታማሪያ ኣይሰ ዳቡሪሳይ?» ያገሊደሶና።

36 ሺን ዩሱፊ ኤንቲ ጌይሳ ሰዲዲ፡ ኣይሁዴ ዋሳ ከላ ሃላቃኮ፡ «ኣማና ዓላላ ኣማናፔ ኣቲን ባቦፋ» ያገለገሉ። 37 ዩሱፊ ጳዳርሳፔ፡ ያይቆባፔኔ ያይቆባ ኣሻ ዮሃኒሳፔ ሃሪ ኦኒካ ባና ካሎና ማላ ዲገሰ። 38 ኤንቲ ኣይሁዴ ዋሳ ከላ ሃላቃ ሶ ጋኪያ ዋዴ ዩሱፊ ኣሳይ ካሃ ጳዩዲ ዩኬይሳኔ ዜሌሌይሳ ቤዲሰ። 39 ጌሊዲ ኣሳኮ፡ «ኣይሰ ካሃ ጳዩዲ ዩኬቲ? ናዊያ ጳሰካሱፔ ኣቲን ሃይቃሱኩ» ያገለገሉ።

40 ኣሳይ ኢያ ቦላ ሚጪሰ። ሺን ኣሳ ኡባ ካሪ ከሲዲ፡ ናዊ ኣዋ፡ ኣዩወኔ ሃቶ ታማሪታ ባራ ኤኪዲ ናዊያ ደዓዲሱዋ ጌሊሰ። 41 ዩሱፊ ናዊ ኩሺያ ኣይኪዲ፡ «ዓሊታ፡ ቁሚ» (ጉላ ናቲ፡ ኔና ገይሰ ዳንዳ) ያገለገሉ።

42 ናዊያ ሶሁዋራ ዳንዳ ኤቃዳ ሃሙታሱ። ኢያ ታማኔ ናሞዑ ላይላ ናዳ። ሄሳን ኣሳይ ዳር ማላሌቲደሶና።
43 ዩሱፊ ሄሳ ኤንቲ ኦዳሰካ ኦዳና ማላ ኤንታ ማንሳዲ ከቲሰ። ኤንቲ ኢው ሚያባ ኣማና ማላ ኦዲሰ።

6

ዩሱፊ ናዚሬቲን ኢዳቲሰ
(ማቶ 13:53-58፤ ሉቃ 4:16-30)

1 ዩሱፊ ያፔ ከዩዲ፡ ባ ታማሪታ ካሌሉዲ፡ ባ ካታማ ናዚሬቲ ቢሰ። 2 ሳሞባታ ጋላሰ ኣይሁዴ ዋሳ ከላን ታማርሶ ኣይኪሰ። ኢ ታማርሶይሳ ሰዲዳ ዳር ኣሳይ ማላሌቲዲ፡ «ሃይሲ ሃ ኡባ ኣወፔ ደሚዴ? ሃ ጨንጫቲላ ኢ ኣወፔ ኤኪዴ? ሃ ማላታታ ኣሉያ ማታ ኢ ኣወፔ ደሚዴ? 3 ሃይሲ ኣናዲያ ገዴኔ? ማይራሚ ናዳ፡ ያይቆባ፡ ዮሳ፡ ዩሁዳኔ ሰሞና ኣሻ ገዴኔ? ኢያ ሚቼቲ ኩራ ሃይሳን ዴዎኮናዩ?» ያገሊዲ፡ ኢ ገያባ ኤኮና ኢዲደሶና።

4 ዩሱፊ ሄ ኣሳኮ፡ «ናቤይ ባ ቢታን፡ ባ ዳቦታኒኔ ባ ሶ ኣሳን ቦንቼቲናፌ ኣቲን ሃራታ ማታን ቦንቼቲሰ» ያገለገሉ። 5 ኢ ሄ ቤሳን ባ ኩሺያ ጉላ ኣሳ ቦላ ዋሉዲ ፓሉዳይሳፌ ኣቲን ሃራ ማላታታ ኦላናው ዳንዳዲቤና።
6 ኣሳይ ኣማኒቦና ገሾ ዳር ማላሌቲሰ።

ዩሱፊ ታማኔ ናሞዑ ሃዋሪታ ከቲሰ
(ማቶ 10:5-15፤ ሉቃ 9:1-6)

ሃሳፌ ጉዬ፡ ዩሱፊ ሄ ሄራን ደዓዲያ ጉታታን ኣሳ ታማርሶሰ። 7 ዩሱፊ ታማኔ ናሞዑ ታማሪታ ባኮ ያገዲ፡ ናሞዳ ናሞዳ ጋሉዲ ከቲሰ። ኤንታው ቱና ኣያናታ ከሲያ ዋልቃ ኢሚሰ። 8 ኤንታ፡ «ኦፔ ዓሞዳፌ ኣቲን ካሉ፡ ካርዲታ፡ ሂንቲ ከሱን ሚሼ ኣይቢባካ ኦይኮፊቲ። 9 ሂንቲ ቶሁዋን ጫማ ኣሉ፡ ሺን ናሞዑ ኣፊላ ኦይኮፊቲ» ያገለገሉ። 10 ቃሲካ፡ «ሂንቲና ኣሲ ሞኪዳ ሶ ኣወንካ ገዲን ሄ ቤሳ ዩዲዲ ባና ጋካናው ሄ ከላን ጋሞዲ። 11 ሂንቲና ኣሲ ሞኮናሱዋ ዋይኮ ሂንቲ ኦዲያባ ሰዳናሱዋ ኣወን ገዲኮካ፡ ሄ ቢታን ደዓዲያ ኣሳሰ ሄሲ ናገሶ ማርካ ገዲና ማላ ሄ ቤሳፌ ከዩሺ፡ ሂንቲ ቶሁዋፔ ባና ፒቲቲ» ያገለገሉ።

12 ታማኔ ናሞዑ ታማሪቲ ቢዲ፡ ኣሳይ ባንታ ናጋራፔ ሰማናዳ ቃላ ኦዲደሶና። 13 ኤንቲ ኣሳፔ ዳር ቱና ኣያናታ ከሲደሶና። ዳር ሃርጋንቾታ ዛይቲ ቲዩዲ ፓሉደሶና።

ፃግቆያ የሃሊሳ ሃይቁዋ
(ማቶ 14:1-12፤ ሉቃ 9:7-9)

14 ዬሱሳ ሱንገይ ኡባ ቤሳን ኬዩዳ ገሾ ካዎይ ሄሮዲሲ ኢያባ ሲዒሰ። ኢሲ ኢሲ አሳይ። «ፃግቆያ የሃሊሳ ሃይቆፔ ዳንዲሰ። ሄሳ ገሾ ሃ ማላታታ ኦሴይ ኢያ» ያገደሰና።

15 ባጋቲ። «ሃይሲ ኤሊያሳ ገዴኔ?» ያገደሰና። ሃራቲ ቃሰ። «ሃይሲ ቤኒ ዎዴ ናቤታፕ ኢሱዋ ገደና አገና» ያገደሰና።

16 ሺን ሄሮዲሲ ሄሳ ሲዒዳ ዎዴ «ሃይሲ ታኒ ቆጂያ ቃንዲሰዳ ፃግቆያ የሃሊሳ ገዴኔ? ኢ ሃይቆፔ ዳንዲሰ» ያገደሰ።

17 ሄሮዲሲ ባ አሻ ፊልጶሳ ማቸው ሄሮዲያዳ ኤኪዳ ገሾ ኢ ጋሶን የሃሊሳ ኦይሌዲ ቃሺሲሰ። 18 የሃሊሲ ሄሮዲሳ። «ኔኒ ኔ አሻ ማቸው ኤካናው ቤሴና» ያገደሰ።

19 ሄሮዲያዳ የሃሊሳ ባ ኡሎን ሞርካዳ ኢያ ዎጂሳናው ኮያሱ። ሺን ዳንዳባሱኩ። 20 የሃሊሲ ዲሎኔ ገሻ አሲ ገዲዳይሳ ሄሮዲሲ ኤሪዳ ገሾ ኢያው ባቢዲ ሎይሌ ናገሴሰ። ሄሮዲሲ የሃሊሲ ገያባ ሲዳናው ደሲኮካ ኢ ገያባ ሲዒያ ዎዴ ዳሮ ዳጋሚሰ።

21 ሄሮዲሲ ባ ዩሎቲዳ ጋላሳ ቦንቻናው ዳሪያ ሃሪይሳታሰ። ሻላቃታሰኔ ጋሊላን ዳሪያ ገታ አሳሰ አማቶ ገገሲሰ። ሄሲ ሄሮዲያዳሰ አንጄ ጋላሰ ገዲሰ።

22 ሄሮዲያዳ ናሪያ አማላይ ሞኬቲያ ቤሳ ገላ ዳራዳ። ሄሮዲሳኔ ኢያ አማላታ ኡፋይሳሰ። ካዎይ ናሪው። «ኔ ኮያባ አይባ ገዲኮካ ታና ኦይቻ። ታኒ ኔው አማና» ያገደሰ። 23 ቃሲ ኢው ጫቂዳ። «ኔኒ ኦይቸያባ አይባ ገዲኮካ። ታኒ ኔው አማና። ሃሪ አቶሺን። ታ ካዎቴላ ባጋ ገዲኮካ ታኒ ኔው አማና» ያገደሰ።

24 ናሪያ ካሪ ኬያዳ ባ አዩኮ። «አይ አማ ጎ?» ጋዳ ኦይቻሰ።

ኢ አያ። «ፃግቆያ የሃሊሳ ሀዒያ አማ ጋ» ያጋሱ።

25 ናሪያ ኤላሳዳ ካወዋኮ ባዳ። «ፃግቆያ የሃሊሳ ሀዒያ ሳኔን ዎላዳ ሃሪ ታው አማና ማላ ኮያይሰ» ያጋሱ።

26 ያንን ካዎይ ዳሮ ቂርቲሰ። ሺን ባ አማላታ ገሾ ኢው ጫቂዳ ባ ጫቁዋ ማንገሳናው ኮዩቤና። 27 ሄሳ ገሾ። ኤሌሲዲ ናገይሳ የሃሊሳ ሀዒያ ኤሃና ማላ ከቲሰ። ናገይሲ ቃሾ ኬሌ ቢዲ የሃሊሳ ቆጂያ ቃንዲሰ።

28 ሄ ቃንጭቲዳ ሀዒያ ሳኔን ዎላ ኤሂዲ ናሪሰ አሚሰ። ናሪያ ቃሲ ባ አዩሰ አማሰ። 29 የሃሊሳ ታማሪቲ ሄሳ ሲዒዳ ዎዴ ቢዲ ኢያ አሃ ኤኪ ኤፊዲ ሞገደሰና።

ዬሱሲ ኢቻሹ ሙኩሉ አሳ ሙዚሰ
(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናምቡ ሃዋሪቲ ሲሚ ዩዲ ኤንቲ ኦላዳባኔ ታማርሲዳባ ኡባ ዬሱሳሰ ኦዲደሰና። 31 ኤንታኮ ያ አሳይኔ ቢያ አሳይ ዳሪዳ ገሾ ዬሱሳራኔ ኢያ ታማሪታራ። ሃሪ አቶሺን ካሌ ማናወካ ኤንታ ጋሶና ኢዲሰ። ያንን። ዬሱሲ ኤንታኮ። «ኑርካ ጉሌ ሹምፕ ኤካናው አሲ ባይና ቤሲ ዩጂቲ» ያገደሰ። 32 ሄሳ ገሾ። ኤንቲ ባንታርካ ዎላሎን ገሊዲ አሲ ባይና ቤሲ ቢደሰና።

33 ኤንቲ ቢሺን ዳሮ አሳይ ኤንታ ቤዒዲ ኤሪደሰና። ያቲን። ካታማ ኡባፊ አሳይ ቶሆራ ዎዴ ቢዲ ኤንቲ ቢያሱዋ ኤንታፊ ሲንሌ ጋኪደሰና። 34 ዬሱሲ ዎላሎፕ ዎጂዲ ዳሮ አሳ ቤዒሲ። አሳይ ሄሚያ አሲ ባይና ደርሳ

ሚላ ገዲዳይሳ ቤዒዲ ኤንታው ቃጴቲዲ ኤንታ ዳሮባ ታማርሲሰ።

35 ሳሳይ ኦማርሲያ ዎዴ ዬሱሳ ታማሪቲ ኢያኮ ዩዲ። «ሃይሲ ቤሳይ አሲ ባይና ቤሲ፤ ሃሪ ሳሳይካ ቃሚሰ።

36 አሳይ ጉታታኔ ካታማታ ቢዲ ባንታው ሚያባ ሻማና ሚላ አሳ ዩዳ» ያገደሰና።

37 ሺን ዬሱሲ ዛሪዲ ኤንታኮ። «አሳሰ ሚያባ ሂንቲ ኢሚቲ» ያገደሰ።

ኤንቲ። «ኑኒ ቢዲ ናምቡ ጭቲ ዳናሪን ኡይሉ ሻሚዲ አሳ ሙዛና ሚላ ኮያይ?» ያገደሰ ኦይቸደሰና።

38 ዬሱሲ ኤንታኮ። «ሂንቲው አቸን ኡይሌ ዳዒ? አኔ ቢዲ ቤዒቲ» ያገደሰ።

ኤንቲ ቤዒዲ። «ኢቻሹ ኡይሉኔ ናምቡ ሞሎ» ያገደሰና።

39 ዬሱሲ ባ ታማሪታ አሳ ኡባ ጩጋን ጩጋን ሻኪዲ ማታን ኡቲሳና ሚላ ከቲሰ። 40 አሳይ ባጋይ ጭታ። ባጋይ ኢሻታማ ገዲዲ ጩጋን ጩጋን ሻኬቲዲ ኡቲደሰና።

41 ዬሱሲ ኢቻሹ ኡይላኔ ናምቡ ሞሎታ ኤኪዲ። ፑዴ ሳሎ ዲሊዲ ያሳ ጋላቲሰ። ኡይላ ማንላዲ አሳሰ ገሻና ሚላ ባ ታማሪታሰ አሚሰ። ቃሲ ናምቡ ሞሎታ ኤንታ ኡባሰ ሻኪሰ። 42 አሳ ኡባይ ሚዲ ካሊደሰና። 43 አቲዳ ኡይላ ቲፊያኔ ሞሎታ ቲፊያ። ኢያ ታማሪቲ ታማኔ ናምቡ ጋይታ ኩሚሌ ዳንላደሰና። 44 ኡይላ ሚዳ አዴ አሳ ታይቦይ ኢቻሹ ሙኩሉ።

ዬሱሲ አባ ቦላራ ሃሙቲሰ
(ማቶ 14:22-33፤ ዮሃ 6:15-21)

45 ኤሌሲዲ ዬሱሲ ባ ታማሪቲ ዎላሎዎን ገሊዲ። አባፊ ሄፊንገን ዳሪያ ቤቲሳይዳ ባፔ ሲንገላቲዲ ባና ሚላ ከቲሰ። ሺን ባው አሳ ሞይዛናው ጉዬ አቲሰ። 46 አሳ ሞይዚዳፔ ጉዬ ያሳ ዎላናው ዳሪያ ቦላ ኬዩሰ።

47 ሳሳይ ቃሚያ ዎዴ ዎላሎይ አባ ገደን ዳዒሰ። ሺን ዬሱሲ አባፊ ጋፃን ባርካ ዳዒሰ። 48 ጫርኮይ ኢያ ታማሪታኮ ጫርኪያ ገሾ አባ ፒጶይ ዎይሴይሳ ዬሱሲ ቤዒሰ። ዎንቲማሌ ሳሳይ ገያና ሃሊያ ዎዴ ኢ አባ ቦላ ሃሙቲሹ ኤንታኮ ዩዲ። ኤንታ ዩገዲ አሳናው ኮዩሰ። 49 ሺን ኢ አባ ቦላ ሃሙቲሺን። ኤንቲ ቤዒዲ። ኤንታው ዎይቲሌ ዳኒን ዎሲደሰና። 50 ኤንቲ ኡባይ ኢያ ቤዒዲ። ያሻን ኮኮሪደሰና።

ሺን ዬሱሲ ኤሌሲዲ ኤንታኮ። «ታና። አይኮይ ባዎ፤ ያዮፊቲ» ያገደሰ። 51 ዬሱሲ ዎላሎዎን ገሊዲ ኤንታራ ኢሲፊ ኡቲን ጫርኮይ ዎፑ ገሰ። ኤንቲ ዳሮ ማላሌቲደሰና። 52 ኤንታ ዎዛናይ ዜልዑሚዳ ገሾ ኤንቲ ኡይላባ አኬኪቦኮና።

ዬሱሲ ገንሳሬጃን ሃርጋንቸታ ፓሌሰ
(ማቶ 14:34-36)

53 ኤንቲ አባ ፒኒዲ። ገንሳሬጃ ቢታ ጋኪዲ። ዎላሎዎ ጋፃ ሺሺዲ ቃቸደሰና። 54 ኤንቲ ዎላሎፕ ዎጂያ ዎዴ አሳይ ኤሌሲዲ ዬሱሳ ኤሪደሰና። 55 ኤንቲ ሄራን ዳሪያ ቢታ ኡባን ዎጃሪቲዲ ሃርጋንቸታ ሃላን ቶኪዲ። «ዬሱሲ ዳዒሰ» ገን ሲዒዳ ቤሳ ኤሂደሰና። 56 አሳይ ኢ ቢዳ ሶ ኡባን። ጋፃሪያን ገዲን። ካታማን። ዳሪያ ሃርጋንቸታ ዳባባ ኤፎሰና። ሃርጋንቸቲ ኢያ አፊላ ማጫራ ገዲኮካ ቦቻና ሚላ አሳይ ኢያ ዎሲደሰና። ቦቸዳ ኡባይ ፓዲሰ።

7

በኒ አዋታ ዎጋ
(ማቶ 15:1-9)

1 ዩሩሳሌም ጌታ ፋሪሳዊትኔ ሂን አስታማሪት ዩሱሳ ማታን ሸቂዶሶና። 2 ዩሱሳ ታማሪታፕ ኢሶት ኢሶት ጌዮና ኩሺያን፣ ሄሲካ ኩሺ ማጩቶና ካላ ማይሳታ በዲዶሶና።

3 ፋሪሳዊትኔ እይሁዳ እሳ ኡባይ ባንታ አዋታ ዎጋ ባንታ ኩሺያ ማጩቶና ሞኮና። 4 ሃሳዳካ፣ ኤንቲ ጌያፕ ሻማቲዳባ ማጩና ዳዲሽ ሞኮና። ቃሲ ኤንቲ ባንታ አዋታፕ ኤኪዳ ሃራ ዳሮ ዎጊ ዳዴሰ። ሄሲካ ሲኒያ፣ ኬሪያ፣ ቢራታ ማሽታኔ እርሳ ማጩያ ዎጋ ናጌይሳ።

5 ፋሪሳዊትኔ ሂን አስታማሪት ዩሱሳ፣ «ኔ ታማሪት እይሰ አዋታ ዎጋ ማንላዲ ባንታ ኩሺያ ማጩቶና ካላ ሞና?» ያጊዲ ኦይቺዶሶና።

6 ዩሱሳ ኤንታኮ፣ «አሳያሲ ሂንቲና ጩባታ፣ ሳይሲ አሳይ ታና ባ አንግርሳ ጻላላን ቦንቺሰ። ሺን ኤንታ ዎዛናይ ታፕ ሃሆን ዳዴሰ።

7 እሲ ማዲዳ ዎጋ ያሳ ሂን ዳኒሲዲ ታማርሲያ ጊሾ ኤንቲ ታና ማላ ጎይናሶና » ጊዲ ጻፊደሲ ቱማ።

8 «ሂንቲ ያሳ ኪታ አጊዲ እሳ ዎጋ ማንላዲ ናጌታ» ያጊሰ።

9 ቃሲካ ዩሱሳ፣ «ሂንቲ ሂንቲ ዎጋ ናጊዲ ያሳ ኪታ ዩጊ አጋናው ሎዎ ኦጌ ዳሚዳታ። 10 ሙሴይ፣ ሩኔ አዎኔ ኔ አዱው ቦንቻ»፣ ቃሲ ሳባ አዎኔ ባ አዱው ጫዬይሲ ሃይቃናው በሴሰ) ያጊሰ። 11 ሺን እሲ እሲ ባ አዎ ዎይኮ ባ አዱው ማዳናይሳ አጊዲ፣ ሳሲ ያሳ ያርሾ) ጊኮ፣ 12 ኢ ባ አዎ ዎይኮ ባ አዱው ማዳና ማላ ኦሌታ። 13 ሃሳዳካ፣ ሂንቲ ሃራታ ታማርሲዳ ሂንቲ ዎጋን ያሳ ቃላ ካዲዳታ። ሃሳ ማላ ሃራ ዳሮባ ኦሌታ» ያጊሰ።

እሴ ቱኒሲያባታ
(ማቶ 15:10-20)

14 ዩሱሳ ዳሮ እሳ ቃሲካ ባኮ ግጊዲ፣ «ኡባይ ታኒ ኦይሳ ሲዲቲኔ እኩከቲ። 15 እሳ ዎዛናፕ ኬያባይ እሴ ቱኒሲሴፕ ኦቲን ካሬፕ እሳ ኡሎ ጌሊዲ እሴ ቱኒሲያባይ እይቢካ ባዎ። 16 ሲዲያ ሃይላ ዳዲያ ኦኒካ ሲዎ» ያጊሰ።

17 ዩሱሳ ዳሮ እሳ ዩጊ አጊዲ ሶ ጌሊን ኢያ ታማሪት ሄ ለሚሱዎባ ኢያ ኦይቺዶሶና። 18 ኢ ኤንታኮ፣ «ሂንቲወካ ቃሲ ጌሊኬን? ካሬፕ እሳ ዎዛናን ጌሊያባይ እይቢካ እሴ ቱኒሳናው ዳንዳያናይሳ እኩከቲ? 19 እይሰ ጊኮ፣ ካላ እሳ ኡሎ ጊዶ ጌሊዲ ካንላዲ እዲሴፕ ኦቲን እሳ ዎዛና ጊዶ ጌሊና» ያጊሰ። ሃሳን ዩሱሳ ካላ ኡባይ ጌሺ ጊዳይሳ ኤሪሲሰ።

20 ካሊዳካ፣ ዩሱሳ፣ «እሳ ቱኒሲያባይ እሳ ዎዛና ጊዶፊ ኬያባ። 21 እሳ ዎዛና ጊዶፊ ኬያባይ ኢታ ቆፋ፣ ላይማቲላ፣ ካይሶ፣ እሴ ዎዶ፣ ላሚ፣ 22 ኢታ አዎ፣ ኢታቲላ፣ ጌኔ፣ ቃይጻ፣ ጨዎ፣ ቃናቲ፣ ጫሽ፣ ኦቶሮኔ ቦዛቲላ። 23 ሃ ኢታባይ ኡባይካ እሳ ዎዛና ጊዶፊ ኬዱዲ እሴ ቱኒሴሰ» ያጊሰ።

እሲ ማጩሴ አማኦዎ
(ማቶ 15:21-28)

24 ዩሱሳ ያፕ ኬዱዲ፣ ግሮሳ ካታማ ማታን ዳዲያ ቢታ ቢሰ። ኢ ኢሲ ኬላ ጌሊዲ ያን ዳዴይሳ

ኦኒካ ኡራና ማላ ኮዩቤና። ሺን ቆሴቲዲ ጋምዳናው ዳንዳዲቤና። 25 ሺን ኢ ጉላ ናዲው ቱና አያናይ ኦይኪዳ ኢሲ ማጩሲያ ዩሱሳባ ሲዳዳ ኤሌሳ ኢያኮ ያዲ ኢያ ቶሁዎ ቦላ ኩንዳሱ። 26 ኢያ እይሁዳ ማጩሲ ጊዲኩ፤ ቱና አያና ኬሳና ማላ ዩሱሳ ዎሳሱ።

27 ሺን ዩሱሳ ዛራዲ፣ «ናይቲ ኮይሮቲዲ ካላ ካሎ፤ ናይታ ካላ ኤኪዲ ካናታሰ ዩጌይሲ ሎዎ ጊዳና» ያጊሰ።

28 ማጩሲያ ዛራዲ፣ «ታ ጎዳው ሄሲ ቱማ፣ ሺን ጋይታ ማታን ዳዲያ ካናቲ ናይታፕ ዎዲያ ቲፊያ ሞሶና» ያጋሱ።

29 ዩሱሳ ቃሲ ኢኮ፣ «ሃ ኔ ቃላ ጊሾ ኔ ሶ ባ፤ ቱና አያናይ ኔ ናዴፕ ኬይሰ» ያጊሰ።

30 ማጩሲያ ባ ሶ ቢያ ዎዶ ቱና አያናይ ኢፕ ኬዱን ሂፃን ዘንግዲዳሮ ዳማሱ።

ዩሱሳ ቱሌኔ ሙሚ ኡራ ፓላሰ

31 ዩሱሳ ግሮሳ ካታማፕ ኬዱዲ፣ ሲዶናራኔ ታሙ ካታማታ ጊያ ቢታራ ካንላዲ ጋሊላ አባኮ ቢሰ።

32 አሳይ ቱሌኔ ዎዱዲ ኦይቲያ እሲ ዩሱሳኮ ኤሂዲ፣ ባ ኩሺያ ኢያ ቦላ ዎላና ማላ ኢያ ዎሲዶሶና።

33 ዩሱሳ ባርካ ሄ ኡራ ዳሮ አሳፕ ጋዎ ኬሲዲ፣ ባ ቢራዲያ ኢያ ሃይላን ዩዲሰ። ቃሲ ጩቺ ጩቲዲ ኢያ አንግርሳ ቦቺሰ። 34 ሳሎ ፑዴ ግሊዲ፣ ቶኪ ሸምፕዲ፣ «ኤፍታህ» ጊሰ። ቢርሽላይካ «ዶዬታ» ጉሰ። 35 ኡራ ሃይላይ ኤሌሲዲ ዳዬቲሰ፣ ቃሽቲዳ አንግርሳይካ ቢርሽቲሰ፣ ኡራይ ጌሺዲ ኦይቲሰ።

36 ዩሱሳ አሳኮ፣ «ሃይሳ ኦይሰካ ኦይፕቲ» ያጊሰ። ሺን ኢ ዳሮ ማንላዲ ኦይፕቲ ጊን፣ አሳይ ኦዳ ያ ዳርሲሰ። 37 ሃሳ ሲዲዳ እሳ ኡባይ ዳሮ ማላሌቲዲ፣ «ኡባባ ኢ ሎይላ ኦሌሰ። ሃሪ አቶሺን፣ ቱሊያ ሲሴሰ፣ ሙሚያ ኦዲሴሰ» ያጊዶሶና።

8

ዩሱሳ ኦይዲ ሙኩሉ እሳ ሙዚሰ
(ማቶ 15:32-39)

1 ጉላ ዎይፕ ጉዬ፣ ዳሮ አሳይ ዩሱሳኮ ሸቂዶሶና። አሳሰ ሚያባይ ቆዩን ዩሱሳ ባ ታማሪታ ባኮ ግጊዲ፣

2 «ሃ አሳይ ታራ ሃሹ ጋላሰ ጋካናው ጋምዲዲ፣ እይኮካ ሚያባ ዳሚቦና ጊሾ ታና አሳይ ቃዴሌሰ። 3 ታኒ እሳ ኮሻራ ሶ ዩዲኮ አሳይ ቢሽ ኦጌን ዳቡሪዲ ኩንዳና፣ ባጋ አሳይ ሃሆሶፕ ዩዶሶና» ያጊሰ።

4 ዩሱሳ ታማሪት ዛራዲ፣ «ሃ ባዘ ቢታን ሃ እሳ ኡባ ሙዛናው ጊዲያ ካላ ዳማናው ዳንዳዴይ ኦኔ?» ያጊዶሶና።

5 ዩሱሳ ኤንታኮ፣ «ሂንቲው አፑን ኡይላ ዳዲ?» ያጊዲ ኦይቺሰ።

ኤንቲ ዛራዲ፣ «ላፑን ኡይላ ዳዴሰ» ያጊዶሶና።

6 ዩሱሳ አሳይ ሳዳን ኡታና ማላ ከቲሰ። ያቲዲ፣ ላፑን ኡይላ ኤኪዲ ያሳ ጋላቲ ሲሚዲ ሄ ኡይላ ማንላዲ፣ አሳሰ ጊሻና ማላ ባ ታማሪታሰ አሚሰ። ኢያ ታማሪት አሳሰ ጊሽዶሶና። 7 ኤንታው ቃሲ ጉላ ላፋ ሞሎቲ ዳዶሶና። ዩሱሳ ሄ ሞሎታ ጊሾ ያሳ ጋላቲዲ፣ አሳሰ ጊሻና ማላ ባ ታማሪታ ከቲሰ። 8 አሳይ ኡባይ ሚዲ ካሊዶሶና። ኢያ ታማሪት ኦቲዳ ቲፊያ ላፑን ጋይታ ኩሚላ ዳንላዶሶና። 9 ካላ ሚዳ እሳ ታይቦይ ኦይዲ

7:6 እሳ 29:13 7:10 ኬሳ 20:12፤ ዛሬ 5:16፤ ኬሳ 21:17፤ ለዌ 20:9

ሙኩሉ ገደና። ሄሳፌ ጉዬ፣ ዩሱሲ አሳ ዩዲስ። 10 ኢ ቃሲ ባ ታማራታራ ኤሌሲ ዋሳሎን ጌሊዲ ዳልማኑታ ጊያ ቢታ ቢስ።

ማላቲ ኦሴታና ማላ ኦይቺዶሶና
(ማቶ 16:1-4)

11 ፋሪሳዊቲ ዩዲ ዩሱሳ ፓጫናው ኮዩዲ፣ ሳሎፕ ባንታና ማላታ ቤሳና ማላ ዩሱሳራ ፓላማ ኦይኪዶሶና።

12 ዩሱሲ ቶኪ ሸምፕዲ፣ «ሃ ዋዲያ አሳይ አይስ ማላታ ኮዩ? ታኒ ሂንቲው ቱማ ኦዲይስ፤ ሃ ዋዲያ አሳስ አይ ማላቲካ ኢሜቲና» ያገሰ። 13 ኢ ኤንታ ያን ዩጌ አገዲ ዛሪ ዋሳሎን ጌሊዲ አሳፌ ሄፊንላ ፒሰ።

ፋሪሳዊታኔ ሄርዲሳ ኢርሹዋ
(ማቶ 16:5-12)

14 ኢያ ታማራቲ ካላ ኤፋናይሳ ደገደሶና፤ ኤንታው ዋሳሎ ገደን ኢሲ ኤይላፌ ሃሪ ባዋ። 15 ዩሱሲ ኤንታኮ፣ «ሂንቲና ኤሪቲ። ፋሪሳዊታ ኢርሹዋፊኔ ሄርዲሳ ኢርሹዋፊ ናጌቲቲ» ያገሰ።

16 ኤንቲ ባንታ ገደን፣ «ኢ ሃይሳ ጌይ ኮስ ኤይላ ባይና ገሸሻ» ያገደሶና።

17 ዩሱሲ ኤንቲ ጌይሳ ኤሪዲ ኤንታኮ፣ «ሂንቲው ኤይላ ባይና ገሸ ኣይስ ኦዴቲቲ? ሃዒካ ኤሪኬቲ? ዋይኮ ኣኬኬኬቲ? ሂንቲ ዋዛናይ ደጨዳ?»

18 ሂንቲው አይፊይ ዳዒሺን ቤዒኬቲ? ሃይላ ዳዒሺን ሰዒኬቲ? ሂንቲ ኣኬኬቲ? 19 ታኒ ኢቻሹ ኤይላ ኢቻሹ ሙኩሉ አሳስ ባሊዳ ዋዴ ኣፑን ጋይታ ኩሜላ ቲፌ ዳንላዴቲ?» ያገሰ።

ኤንቲካ፣ «ታማኔ ናምዑ ጋይታ ኩሜላ» ያገደሶና። 20 «ሃሳዳካ፣ ታኒ ላፑን ኤይላ ኦይዲ ሙኩሉ አሳስ ባሊዳ ዋዴ ኣፑን ጋይታ ኩሜላ ቲፌ ዳንላዴቲ?» ያገሰ።

ኤንቲ፣ «ላፑን ጋይታ ኩሜላ ዳንላዴቲ» ያገደሶና። 21 ያቲን፣ «ሃዒካ ኣኬኬኬቲ?» ያገሰ።

ዩሱሲ ቤቴሳይዳን ኢሲ ቆቂያ ፓላስ

22 ኤንቲ ቤቴሳይዳ ካታማ ቢደሶና። ጉላ አሳቲ ቆቂ ኡራ ዩሱሳኮ ኤሂዲ ሄ ኡራ ቦቻና ማላ ኢያ ዋሲደሶና።

23 ዩሱሲ ቆቂ ኡራ ኩሺያ ኦይኪዲ ካታማፔ ጋፃ ኬሲስ። ኢያ አይፊያን ጨቲዲ ባ ኩሺያ ኢያ ቦላ ዋላዲ፣ «ኔው አይኮይ ቤንቲ?» ያገዲ ኦይቺሰ።

24 ኡራይ ቶቂ ገዲ ያሊዲ፣ «ታው አሳይ ቤንቲስ፣ ሺን አሳይ ሃሙቲሽ ሚላ ዳኔስ» ያገሰ።

25 ሄሳፌ ጉዬ፣ ዩሱሲ ዛሪዲ፣ ኡራ አይፊያን ባ ኩሺያ ዋላስ። ኡራይ ሎይላ ያሊስ፣ ኢያ አይፊይ ፓሂስ፣ ኡባባ ጌሺዲ ቤዒስ። 26 ዩሱሲ አዲያኮ፣ «ኔ ሶ ባ፣ ሺን ጉታ ጌሎፓ» ያገዲ ከቲስ።

ጳዒርሳ አማኑዋኔ ማርካቴላ
(ማቶ 16:13-20፤ ሉቃ 9:18-21)

27 ዩሱሲ ባ ታማራታራ ቂሳሪያ ፊልጶሳ ማታን ዳዒያ ጉታ ቢስ። ኤንቲ ቢሺን ኦኔ ቦላ ዩሱሲ፣ «ታና አሳይ ኦና ጎና?» ያገዲ ባ ታማራታ ኦይቺሰ።

28 ኢያ ታማራቲ፣ «ኢሲ ኢሲ አሳይ ኔና፣ ሳማቂያ ዮሃንሳን ጎሶና፤ ሃራቲ፣ ሳሌያሳ ጎሶና» ቃሲ ሃራቲ፣ «ናቤታፔ ኢሱዋ» ጎሶና» ያገደሶና።

29 ዩሱሲ ኤንታኮ፣ «ያቲን ሂንቲ ታና ኦና ጌቲ?» ያገዲ ኦይቺሰ።

ጳዒርሲ፣ «ኔኒ ኪሪስቶሳ» ያገዲ ዛሪስ።

30 ዩሱሲ፣ «ታባ ኦዴሰካ ኦደፕቲ» ያገዲ ኤንታ ከቲስ።

ዩሱሲ ባና ጋካና ሜቱዋኔ ዋያ ኦዲስ
(ማቶ 16:21-28፤ ሉቃ 9:22-27)

31 ዩሱሲ ባ ታማራታኮ፣ «አሳ ናዒይ፣ ዳር ሜቶ ኤካናው ቤሴስ፤ ጨማቲ፣ ካሂኔ ሃላቃቲኔ ሂጌ አስታማራቲ ኢያ ኢፃናው ቤሴስ። ኤንቲ ኢያ ዋቆናውኔ ሄቹ ጋላሳፔ ጉዬ፣ ኢ ሃይቆፔ ዳንዳናው ቤሴስ» ያገዲ ኤንታ ታማርሲስ። 32 ኢ ሃሳ ኤንታው ጌሺዲ ኦዲስ። ጳዒርሲ ኢያ ኢሲ ባጋ ዛሪዲ ሃንቂስ።

33 ሺን ዩሱሲ ጉዬ ሲሚዲ፣ ባ ታማራታ ያሊዲ፣ ጳዒርሳ ሃንቁቲዲ፣ «ሃ ያላሂያው፣ ታፔ ሃካ። ኔኒ ኣሲ ደሲያባ ቆፓሳፔ ኣቲን ያሳይ ደሲያባ ቆፓካ» ያገሰ።

ዩሱሳ ካሎይ ባና ካዶ ኦይቺሰ
(ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዩሱሲ ዳር አሳኔ ባ ታማራታ ባኮ ያገዲ፣ «ታና ካላናው ኮያ ኦኒካ ባና ካዶ፤ ባ ማስቃሊያ ቶኪዲ ታና ካሎ። 35 ባ ሸምፕዋ አሻናው ኮያ ኡራይ ቆይሳና። ሺን ታ ገሸኔ ዋንጌላ ገሾ ባ ሸምፕዋ ቆይሲያ ኡራይ አሻና። 36 ኢሲ ኣሲ ሳዒን ዳዒያ ኡባባ ባው ሺሺዲ፣ ባ ሸምፕዋ ቆይሲኮ ኢያ አይ ማዳኔ? 37 ኢሲ ኣሲ ባ ሸምፕዋ ዋዛናው አይ ኢማናው ዳንዳዒ? 38 ያሳ አማናና ሃ ኢታ ዩሎቴላን፣ ኢሲ ኣሲ ታናኒኔ ታ ቃላን ዩላቲኮ፣ አሳ ናዒይ፣ ቃሲ ባ አዋ ቦንቸን ጌሻ ኪታንቸታራ ያ ዋዴ ኢያን ዩላታና» ያገሰ።

9

ዩሱሳ ማላይ ላሜቲስ
(ማቶ 17:1-13፤ ሉቃ 9:28-36)

1 ዩሱሲ ኤንታኮ፣ «ታኒ ሂንቲው ቱማ ኦዲይስ፤ ያሳ ካዋቲላይ ዋልቃራ ዩይሳ ቤያና ሃይቆና ኢሲ ኢሲ አሳቲ ሃይሳን ዳዖሶና» ያገሰ።

2 ዩሱሲ ኡሱፑን ጋላሳፔ ጉዬ፣ ባራ ጳዒርሳ፣ ያይቆባኔ ዮሃንሳ ኤኪዲ፣ ኤንታ ያላላ ገታ ዴሪያ ቦላ ኬሲዲ ኤንታ ሲንላን ላሜቲስ። 3 ኢያ ማጋይካ ጳሊስ፤ ሳዒን ማጋ ሜጨያ ኦኒካ ጌሻናው ዳንዳያናይሳ ማላ ዳር ቦዒስ። 4 ሄ ሄቹ ታማራቲ፣ ኤሊያሲኔ ሙሴይ ዩሱሳራ ኦዴቲሺን ቤዒደሶና።

5 ጳዒርሲ ዩሱሳ፣ «አስታማሪያው፣ ኦኒ ሃይሳን ዳዒይሲ ኦስ ሎፖ፤ ኦ ሄቹ ሻቃራታ ኢሱዋ ኔው፣ ኢሱዋ ሙሴስ፣ ቃሲ ኢሱዋ ኤሊያሳሳ ሻቃራና» ያገሰ። 6 ኢያራኔ ሃንኮታራ ዳር ያዩዳ ገሾ ኢ አይ ጌያኮካ ኤሪቤና።

7 ሄሳፌ ጉዬ፣ ሻራይ ዩዲ ኤንታ ካሚን ሻራፔ፣ «ሃይሲ ታ ደሲያ፣ ታ ናዒ፣ ኢ ጌይሳ ሲዒቲ» ገያ

8:11 ማቶ 12:38፤ ሉቃ 11:16 8:12 ማቶ 12:39፤ ሉቃ 11:29 8:15 ሉቃ 12:1 8:18 ኤር 5:21፤ ሂክ 12:2፤ ማር 4:12
8:28 ማር 6:14 8:34 ማቶ 10:38፤ ሉቃ 14:27 8:35 ማቶ 10:39፤ ሉቃ 17:33፤ ዮሃ 12:25 9:2 2ጴጊ 1:17-18 9:7 ማቶ 3:17፤ ማር 1:11፤ ሉቃ 3:22

ቃላይ ዩሱስ። 8 ኤሌሲዲ ኤንቲ ዩቪ አሉ ያሊያ ዋዴ ዩሱሳ፤ ኣቲን ሃራ ኦናካ ባንታ ማታን ቤዒቦኮና።

9 ኤንቲ ዴሪያ፤ ዋዲቪን፤ ዩሱሲ ኤንታኮ። «አሳ ናባይ፤ ሃይቆ፤ ዴንዳና ጋካናው፤ ሂንቲ ቤዒዳባ ኦዴሰካ ኦዴፒቲ» ያጊዲ ከቲሰ።

10 ኢ ከቲዳይሳ ኤንቲ፤ «ኤሮ» ጊዲ፤ «ሃ ሃይቆ፤ ዴንዳ ጌይሲ ዋይፕሴ» ጊዲ፤ ባንታ ጊደን ኦዴቲደሶና።

11 ኤንቲ ዛሪዲ፤ «ሂኔ አሰታማራቲ፤ ሎሊያሲ ኮይርቲዲ ያናው ቤሴሰ» አይሰ ጎና?» ያጊዲ ኦይቲደሶና።

12 ዩሱሲ ዛሪዲ «ኤሊያሲ ኮይርቲዲ ዩዲ፤ ኡባባ ጊሲሰሰ፤ ያቲን፤ አይሰ ጌቫ ማፃፋይ፤ ላሳ ናባይ ዳር ዋይታና ኢዳታና» ያጊ ጊዲ ኦይቲሰ። 13 ቪን ታኒ ሂንቲው ኦዴይሰ፤ ኤሊያሲ ዩሰ፤ ቃሲ ኢያባይ ጌቫ ማፃፋን ፃፊቲዳይሳዳ፤ አሳይ ኢያ ቦላ ባንታ ኮዩዳባ ኦሊደሶና» ያጊሰ።

ዩሱሲ ቱና አያናይ ኦይኪዳ ናባ ፓሊሰ
(ማቶ 17:14-21፤ ሉቃ 9:37-43)

14 ዩሱሲ፤ ጳዕርሲ፤ ያይቆቤኔ ዮሃኒሲ ሃንኮ ኢያ ታማራታኮ ሰሚዲ ያ ዋዴ ዳር አሳይ ኤንታ ዩቪዋን ኤቁዳይሳታኔ ሂኔ አሰታማራ ጊዲዳ ጉላ አሳቲ ኤንታራ ፓላሚይሳ ቤዒደሶና። 15 ሃ ዳር አሳይ ዩሱሳ ቤዒዳ ዋዴ ማላሌቲዲ፤ ኤሌሲዲ ኢያኮ ዋዲ ዩዲ፤ ኢያ ሳርሊደሶና። 16 ዩሱሲ ባ ታማራታኮ፤ «ኤንታራ አይ ፓላሚቲ?» ያጊዲ ኦይቲሰ።

17 ሃ ዳር አሳ ጊደፊ ኢሲ ኡራይ ዛሪዲ፤ «አሰታማራው፤ ታ ናባ ቦላ ኦይቲሊ ዲጊያ ቱና አያናይ ዴዳያ ጊቮ ኢያ ኔኮ ኤካዳ ያሰ። 18 ሃ ቱና አያናይ ኢያ ኦይኪያ ዋዴ ኡባን፤ ኢያ ቮጩ ዩጌሰ፤ ኢያ ደናራ ጎፖንቶይ ዩሰ፤ ቃሲ ኣቺ ጋርጩሴሰ፤ አሳቲላካ ሚኔሰ። ኢያ፤ ሃ ቱና አያና ከሳና ማላ፤ ኔ ታማራታሰ ኦዳሰ፤ ቪን ከሳናው ዳንዳባኮና» ያጊሰ።

19 ዩሱሲ ዛሪዲ ኤንታኮ፤ «አማናና ሃ ዋዲያ አሳው! ታኒ ሂንቲራ አዉዴ ጋካናው ዳኔ? ቃሲ ሂንቲና አዉዴ ጋካናው ዳንዳባኔ? ናባ ታኮ ሃ ኤኪ ዩቲ» ያጊሰ።

20 ኤንቲ ናባ ኢያኮ ኤሂደሶና፤ ሃ ቱና አያናይ ዩሱሳ ቤዒዳ ማላ ናባ ኮኮርሲሰ፤ ናባይ ሳባን ከንዲዲ፤ ደናራ ጎፖንቶይ ቶፋ ጊቪን ጎንደሬቲሰ። 21 ዩሱሲ ሃ ናባ አዋኮ፤ «ሃይሲ ኔ ናባ ኦይኮሳ፤ አይ ማላ ዋዴ ጊዳኔ?» ያጊዲ ኦይቲሰ።

ናባ አዋይ፤ «ኢ ጉላን ዴዒቪን ኦይኪሰ። 22 ኢያ ዋዳናው ዳር ዋዴ ታማኒኔ ሃላን ዩጌሰ፤ ቪን ኔ ዳንዳባኮ፤ ኮሰ ቃዴታርኪ፤ ኦና ማዳርኪ» ያጊሰ።

23 ዩሱሲ ኢያ፤ « ኔኒ ዳንዳባኮ ጋይ?» አማኒያ ኦዴሰካ ኡባባይ ዳንዳባኮ» ያጊሰ።

24 ኤሌሲዲ ናባ አዋይ ባ ቃላ ጴቁ ኦሊዲ፤ «ታኒ አማናይሰ፤ ቪን ጉጃ አማናና ታና ማዳርኪ» ያጊሰ።

25 ዩሱሲ አሳይ ዳር ዳር ቤይሳ ቤዒዲ፤ ቱና አያና፤ «ሃ ቱሊኔ ሙሚ አያናው፤ ሃ ናባ፤ ከያ ጋዳ ኔና ታ ከታይሰ፤ ቃሲ ናምባንሶ ኢያን ጌሎፓ» ያጊሰ።

26 ሃ ቱና አያናይ ዋሲዲ፤ ናባ ዳር ኮኮርሲዲ፤ ኢያ፤ ከዩሰ። ናባይ ሃይቆዳ ዳኒን፤ ዳር አሳይ፤ «ናባይ ሃይቆሰ» ያጊደሶና። 27 ቪን ዩሱሲ ናባ ኮቪያ ኦይኪዲ ዴንሊን፤ ናባይ ዳንዲ ኤቁሰ።

28 ዩሱሲ ሶ ጌሊዳይሳፊ ጉዬ ኢያ ታማራቲ፤ «ኦኒ ሃ ቱና አያና ከሳናው አይሰ ዳንዳባኮ?» ያጊዲ ዩሱሳ ዲማ ኦይቲደሶና።

29 ዩሱሲ ዛሪዲ፤ «ሃሳ ማላይ ዋሳ፤ ያማ፤ ኣቲን ሃራባን ከያናው ዳንዳባኮ» ያጊሰ።

ዩሱሲ ባና ጋካና ማቲዋ ዛሪ ኦዲሰ
(ማቶ 17:22-23፤ ሉቃ 9:43-45)

30 ኤንቲ ሃ ቤሳፊ ዴንዲዲ፤ ጋሊላራ ኣዲዲ ቢደሶና፤ ዩሱሲ ባ ዴዒያሱዋ ኦኒካ ኤራና ማላ ኮዩቤና። 31 ኢ ባ ታማራታኮ፤ «አሳ ናባ፤ አሲ አሳሰ አሉ አማናኔ ዋዳና፤ ኢ ሃቭ ጋላሳ፤ ጉዬ፤ ሃይቆ፤ ዴንዳና» ያጊዲ ታማርሴሰ።

32 ቪን ኤንታው ኢ ጌይሲ ጌሊቤና፤ ቃሲ ኢያ ኦይቻናዉካ ያዩደሶና።

ኡባፊ አዴይ ኦኔ?
(ማቶ 18:1-5፤ ሉቃ 9:46-48)

33 ኤንቲ ቁፊርናሆሜ ካታማ ቢዲ ሶ ጌሊዳይሳፊ ጉዬ ዩሱሲ ኤንታኮ፤ «ኦኒን አይ ኦይቲቲ?» ያጊዲ ኦይቲሰ። 34 ቪን ኤንቲ፤ «ኦ ጊደን ኡባፊ አዳናይ ኦኔ?» ያጊዲ ፓላሚዳ ጊቮ ሲዲ ጊደሶና። 35 ዩሱሲ ኡቲዲ፤ ታማኔ ናምቡ ታማራታ ያጊዲ፤ «ኦኒካ ሰንሐ አዳናው ኮይኮ፤ ኡባፊ ጉዬ ኣዲዲ፤ ኡባሰ አይሌ ጊዳናው ቤሴሰ» ያጊሰ።

36 ኢሲ ጉላ ናባ ኤኪዲ፤ ኤንታ ጊደን ኤሲሰ፤ ሃ ጉላ ናባ ኢዲሚዲ ኤንታኮ፤ 37 «ሃይሳ ማላ ጉላ ናይታ፤ ኢሱዋ ታ ሱንላን ሞኪያ ኦኒካ ታና ሞኬሰ፤ ቃሲ ታና ሞኪያ ኦኒካ ታና ከቲዳይሳካ ሞኬሲ፤ ኣቲን ታ ፃላላ ሞኬና» ያጊሰ።

ኦና ኢያና ኡራይ ኦ ባጋ
(ሉቃ 9:49-50)

38 ዮሃኒሲ፤ «አሰታማራው፤ ኢሲ አሲ ኔ ሱንላን ቱና አያናታ ከሲቪን ኦኒ ቤዒዲ፤ ኦ ባጋ ጊደና ጊቮ ኢያ ዲጊዳ» ያጊሰ።

39 ቪን ዩሱሲ፤ «ኦኒካ ታ ሱንላን ያሳይ ኦሊያ ማላታታ ኦሊዲ፤ ኤሌሲዲ ታ ቦላ ኢታባ ኦይታናው ዳንዳባይ ባይና ጊቮ ዲጎፊቲ። 40 ኦባ ኢያና ኡራይ ኦ ባጋ። 41 ታኒ ሃንቲው ቱማ ኦዳይሰ፤ ሂንቲ ታይሳታ ጊዲያ ጊቮ ኦኒካ ሃንቲው ታ ሱንላን ሃሎ ሃሉ ኡያናው ኢሚኮካ፤ ባ ዋይቲዋ ኤካና።

ናጋራን ፓጩቲሊ
(ማቶ 18:6-9፤ ሉቃ 17:1-2)

42 «ታና አማኒያ ሃ ጉላታ፤ ኢሱዋ ባሌሊያ ኦኒካ፤ ጋቻ ዋጋ ዋፃ ባ ቆዴን ቃቲዲ፤ ኣባን ዉሊያኮ ኢያው ሎዎ። 43-44 ኔ ከቪይ ኔና ባሌሊኮ፤ ቃንፃ ሆላ። ኔኒ ናምቡ ከቪራ ቶዶና ጋናሚ ታማን ዩጌቲይሳፊ፤ ዲፃ ከቪራ ዴቡዋ ጌሎይ ኔው ሎዎ። 45-46 ኔ ቶሆይ ኔና ባሌሊኮ፤ ቃንፃ ሆላ። ኔኒ ናምቡ ቶሆዋ ጋናሚ ታማን ዩጌቲይሳፊ፤ ዋቤ ጊዳዳ ዴቡዋ ጌሊይሲ ኔው ሎዎ። 47 ኔ አይፊይ ኔና ባሌሊኮ፤ ዋጫ ከሳ ሆላ። ኔኒ ናምቡ አይፊያራ ጋናሚ ታማን ዩጌቲይሳፊ፤ ኢሲ አይፊያራ ያሳ ካዋቲላ ጌሊይሲ ኔው ሎዎ። 48 ያን ኤንታ ሚያ ጉፀኔይ ሃይቁና፤ ታማይካ ቶዴና።

49 «ያርሾይ ማግኔን ገዬይሳ ማላ አሲ ኡባይ ታማን ሃርቁታና። 50 ማግኔይ ሎዎ፣ ሺን ኢ ማልዎና ኢግኮ፣ ዛሪዲ ዋቲ ማልዎና? ሂንቴናን ማግኔይ ዳዎ። ያንዲ ኢሶይ ኢሱዋራ ሳርቴላን ዳዊቲ» ያገሰ።

10

ማቾ ዬዳናው ቤሴና
(ማቾ 19:1-2፤ ሉቃ 16:18)

1 ዬሱሲ ሄሳፊ ዳንዲዲ፣ ዪሁዳ ቢታ ቢዲ ዮርዳኖሴ ሻፋ ፒኒስ። ዳሮ አሳይ ዛሪዲ ኢያኮ ሸቁን፣ ካሴይሳዳካ ሄ አሳ ታማርሲስ።

2 ኢሲ ኢሲ ፋሪሳዊቲ ፓጫናው ኮዪዲ ዬሱሳ፣ «ኢሲ አሲ ባ ማቾው ዬዳና ማላ ሙሴ ሂጌይ ከቲ?» ያገዲ ኢያ ኦይቺደሶና።

3 ኢ ዛሪዲ፣ «ሙሴይ ሂንቴና ዋይገዲ ከቲዳ?» ያገሰ።

4 ኤንቲ፣ «ሙሴይ፣ ሳሲ አሲ ባ ማቾስ አንጅ ዋርቃቲ ኢሚዲ ዬዳ» ገሰ» ያገደሶና።

5 ዬሱሲ ዛሪዲ፣ ኤንታ «ሂንቴ ኦዲን ሲዎናይሳታ ገዲያ ገሾ ሙሴይ ሃ ከታ ሂንቴው ፃፊስ። 6 ሺን ያሳይ ኮይሮ ሜዲያ ዋዳ አዳኔ ማጫ ኦሊዲ፣ ኤንታ ሜዲስ። 7 ሄሳ ገሾ፣ ኢሲ አሲ ባ አዋኔ ባ አዪው አገዲ፣ ባ ማቾራ ኢሲፊ ዳዎስ። 8 ኤንቲ ናምዳይ ኢሲ አሴ ገደሶና፤ ሂዛፔ፣ ኤንቲ ኢሲ አሴ ገደሶና፤ ኣቲን ናምዑ አሲ ገደኮና። 9 ሄሳ ገሾ፣ ያሳይ ኢሲፊ ቃቺዳይሳ አሲ ሻኮፎ» ያገሰ።

10 ኤንቲ ሶ ሲሚዳ ዋዳ ኢያ ታማሬቲ ሃ ኦዳባ ዬሱሳ ናምዳንሎ ኦይቺደሶና። 11 ዬሱሲ ኤንታኮ፣ «ባ ማቾው ዬዲዲ ሃራ ኤኪያ ኦኒካ ላይማቴስ። 12 ቃሲ ማጫሲያካ ባ አዘናፔ ኬያዳ ሃራ አዘና ጌሊኮ ላይማታዉሱ» ያገሰ።

ዬሱሲ ጉላ ናይታ አንጂስ
(ማቾ 19:13-15፤ ሉቃ 18:15-17)

13 ዬሱሲ ጉላ ናይታ ቦቻና ማላ፣ ኢሲ ኢሲ አሳይ ናይታ ኢያኮ ኤሆሶና፣ ሺን ኢያ ታማሬቲ ሄ አሳ ሃንቁቲደሶና። 14 ዬሱሲ ሄሳ ቤዲዲ፣ ባ ታማሬታ ሃንቁቲዲ፤ ኤንታኮ፣ «ጉላ ናይቲ ታኮ ዬይሳ ዲጎፊቴ፤ ያሳ ካዋቴላይ ሃይሳታ ማላሳ። 15 ታኒ ሂንቴው ቱማ ኦዳይስ፤ ያሳ ካዋቴላ ጉላ ናዳዳ ኤኮና ኡራይ ኦኒካ ሄ ካዋቴላ ኡባራካ ጌሊና» ያገሰ። 16 ጉላ ናይታ ኢዲሚዲ፣ ባ ኩሺያ ኤንታ ኢሱዋ ኢሱዋ ቦላ ዋሊዲ አንጂስ።

ሚሼ ሲቆይ ኤሂያ ሜቱዋ
(ማቾ 19:16-30፤ ሉቃ 18:18-30)

17 ዬሱሲ ባናው ኬዪዳ ዋዳ ኢሲ ኡራይ ዋዳ ዪዲ፣ ኢያ ሲንላን ጉልባቲዲ፣ «ኬሃ አስታማሪያው፣ ሜሪና ዳዎ ላታናው ታኒ አይ ኦሎ?» ያገዲ ኦይቺስ።

18 ዬሱሲ፣ «አይስ ታና ኬሃው ጋዳ ጃይይ? ያሳ ፃላላፔ ኣቲን ሃሪ ኬሂ ኦኒካ ባዋ። 19 ያሳ ከታ፣ ዋዳፓ፤ ላይማቶፓ፤ ካይሶቶፓ፤ ዋርዶ ማርካቶፋ፤ ኢንፃርሳን ጨሞፋ፤ ኔ አዋኔ ኔ አዪው ቦንቻ ያጌይሳ ኤራሳ» ያገሰ።

20 ኡራይ፣ «አስታማሪያው፣ ታኒ ሄሳ ኡባ ናዳቴላፊ ደማዳ ሃዲ ጋካናው ናጋይስ» ያገሰ።

21 ዬሱሲ ኡራ ቲሺ ኦሊ ያሊዲ ደሲስ፤ «ኔው ኢሲባይ ፓጫና፤ ባዳ ኔው ዳዲያባ ኡባ ባይዛዳ፣ ሄ ሚሺያ ማንቆታስ ኢማ፤ ኔኒ ሳሎን ዳራታና። ያታ ሲማዳ ታና ካላ» ያገሰ። 22 ሺን ኡራይ ሄሳ ሲዲዲ፣ ኢ ዳሮ ዳራ ገዲያ ገሾ ባ ሶምዑ ዋ ካሬሊስ፣ ኡፋይቶና አገዲ ቢስ።

23 ዬሱሲ ባ ታማሬታ ዩሺ አሊ ያሊዲ፣ «ዳራ አሲ ያሳ ካዋቴላ ጌላናይሲ ዋኒዲ ማታንዳሻ!» ያገሰ።

24 ኢያ ታማሬቲ ኢያ ቲሚርቲያ ሲዲዲ ማላሌቲደሶና። ሺን ዬሱሲ ቃሲካ ኤንታኮ፣ «ናይቶ፣ ያሳ ካዋቴላ ጌላናይሲ ዋኒዲ ማታንዳሻ! 25 ዳራ አሲ ያሳ ካዋቴላ ጌላናይሳፊ፣ ገማሌይ ናርፔ ሉሆራ አዲይሲ ካዉዬስ» ያገሰ።

26 ኢያ ታማሬቲ ማላሌቲዲ፣ «ያቲን፣ ኦኒ ኣታኔ?» ያገዲ፣ ኢሶይ ኢሱዋ ኦይቺደሶና።

27 ዬሱሲ ኤንታ ቲሺ ኦሊ ያሊዲ፣ «ሃይሲ ያሳስ ዳንዳዌቴስ፤ ኣቲን አሳስ ዳንዳዌቴና፤ ያሳስ ኡባባይ ዳንዳዌቴስ» ያገሰ።

28 ጳዳሮሲ ዬሱሳኮ፣ «ሄኮ፤ ኦኒ ኦባ ኡባ አገዲ፣ ኔና ካሊዳ» ያገሰ።

29 ዬሱሲ «ታኒ ሂንቴው ቱማ ኦዳይስ፤ ታ ገሾኔ ዋንጌላ ገሾ ኬላ ዋይኮ ኢሻታ ዋይኮ ሚቺታ ዋይኮ አዋ ዋይኮ አዪው ዋይኮ ማቾው ዋይኮ ናይታ ዋይኮ ጋዲያ አገዳይ ኦኒካ፣ 30 ሃዲ ሃ ዋዲያን ጃቲ ኩሼ ኬላ፣ ኢሻታ፣ ሚቺታ፣ አዪታ፣ ናይታ፣ ጋዲያ፣ ጎዴታራ ኢሲፊ ኤካና። ሲንላፊ ያና ዋዲያንካ ሜሪና ዳዎ-ዋ ኤካና። 31 ሺን ዳሮቲ ሃዲ ዳላን ሲንሌ ገዲዳይሳቲ ጉዬ ገዳና፣ ቃሲ ዳሮቲ ሃዲ ጉዬ ገዲዳይሳቲ ሲንሌ ገዳና» ያገሰ።

ዬሱሲ ባና ጋካና ሜቱዋ ሄሻንሎ ኦዲስ
(ማቾ 20:17-19፤ ሉቃ 18:31-34)

32 ዬሱሳራኔ ኢያ ታማሬታራ ዬራሳላሚ ቢሺን፣ ዬሱሲ ባ ታማሬታ ሲንላን ሃሙቴስ። ኤንቲ ማላሌቲደሶና። ኢያ ካሌይሳቲካ ያዪደሶና። ናምዳንሎ፣ ታማኔ ናምዑ ታማሬታ ጋዳ ኬሲዲ፣ ባና ጋካናባ ዳማ ኤንታው ሃይሳዳ ያገዲ ኦዲስ። 33 «ሄኮ፣ ኦኒ ዬራሳላሚ ሃዲ ኬዮስ። ያን አሳ ናዳይ፣ ካሂኔ ሃላቃታሲኔ ሂጌ አስታማሬታስ አሊ ኢሜታና። ኤንቲ ኢያ ቦላ ሃይቆ ፒርዳ ፒርዳና፤ ቃሲ አይሁዳ ገደና ዳሪያስ ኢያ አሊ ኢማና። 34 ሄ አይሁዳ ገደና ዳሪይ ኢያ ቶቻና፣ ኢያ ቦላ ጩታና፣ ሊሶን ጋራፋናኔ ዋሳና። ኢ ሄሹ ጋላሳፔ ጉዬ፣ ሃይቆፔ ዳንዳና» ያገሰ።

ያይቆቤኔ ዮሃኒሲ ዋሲዳ ዋሳ
(ማቾ 20:20-28)

35 ዛብዲዮሳ ናይቲ ያይቆቤኔ ዮሃኒሲ ዬሱሳኮ ዪዲ፣ «አስታማሪያው፣ ኦኒ ኔና ዋሲያ ኢሲባ ኦስ ኦላርኪ» ያገደሶና።

36 ዬሱሲ ኤንታኮ፣ «ታኒ ሂንቴው አይ ኦሎ?» ያገሰ።

37 ኤንቲ፣ «ኔኒ ኔ ቦንቾ ካዋቴላን ኡቲያ ዋዳ ኦፔ ኢሱዋ ኡሻቻ ባጋራ ቃሲ ኢሱዋ ሃዲርሳ ባጋራ ኡቲሳርኪ» ያገደሶና።

38 ሺን ዩሱሲ ኤንታኮ፡ «ሂንቲ አይ ዋሲያኮ ኤሬኬታ፡ ታ ኡያናው ዳዒያ ፀዓ ኡያናው ዳንዳዒቲ? ቃሲ ታኒ ዓማቄታናው ዳዒያ ዒንቃቲያ ዓማቄታናው ዳንዳዒቲ?» ያገሰ።

39 ኤንቲ ዛሪዲ፡ «ኤ ዳንዳዒታ» ያገደሰና።

ዩሱሲ ቃሲ፡ «ቱማካ ታ ኡያናው ዳዒያ ፀዓ ሂንቲ ኡያና፡ ታኒ ዓማቄታናው ዳዒያ ዒንቃቲያ ሂንቲ ዓማቄታና። 40 ሺን ታፔ ኡቫቻ ባጋራኔ ሃዲርሳ ባጋራ ኡታናይሳታ ደራናው ታው ማቲ ባዋ፡ ሺን ሄ ቤሳይ ያሳይ አማናው ገገሲ ዋሊዳይሳታሳ» ያገሰ።

41 ሃንኮ ታው ታማራቲ ሄሳ ሲዒዳ ዋዴ ያይቆባኔ የሃንሳ ሃንቄቲደሰና። 42 ዩሱሲ ኤንታ ኡባ ባኮ ዪገዲ፡ «አይሁዳ ገደና አሳ ሃላቃቲ ዴሪያ ሃሪይሳታ ጌቲቲዲ ዪጌቲይሳኔ ሃሪይሳታሰ ዴሪያ ቦላ ማቲ ዳዒይሳ ሂንቲ ኤሬታ። 43 ሺን ሂንቲ ገደን ሄሳ ማላ ገዴና፤ ሂንቲ ገደን ገታታታናው ኮዬይ ኦኒካ ሂንቲው አይሌ ገዴናው ቤሴስ። 44 ቃሲ ሂንቲ ገደን ኡባሬ ቦላ ገዴናው ኮዬይ ኦኒካ ሂንቲ ኡባሰ አይሌ ገዴናው ቤሴስ። 45 ሃሪ አቶሺን፡ አሳ ናዓይካ፡ አሳሰ አላናው ዳርታ ዋዛናው ባ ሺምቸዋ አሊ አማናው ዩሲፔ ኦቲን አሲ ኢያው አላና ማላ ዩቤና» ያገሰ።

ዩሱሲ ቆቄያ ባርዒሞሳ አይፊያ ፓሊስ (ማቶ 20:29-34፤ ሉቃ 18:35-43)

46 ኤንቲ ኢያርኮ ካታማ ቢደሰና። ዩሱሲ ባ ታማራታራኔ ዳር አሳራ ኢያርኮሬ ኬዩሺን፡ ዒሞሳ ናዓይ፡ ቆቄይ፡ ባርዒሞሳ ጌቲቲይሲ፡ ኦጌ ጋዖን ዋሲሺ ኡቲስ። 47 ባርዒሞሲ፡ ያራ አዴይ ናዚሬቲ ዩሱሳ ገዲዳይሳ ሲዒዳ ዋዴ ባ ቃላ ቶቁ አሊዲ፡ «ዳዊቲ ናዓ ዩሱሳ፡ ታና ማራርኪ!» ያገሰ።

48 ዳር አሳይ ኢያ፡ «ሃይዛ!» ገዲ ሃንቄቲደሰና።

ሺን፡ ኢ ባ ቃላ ካሴይሳሬ ዳር ቶቁ አሊዲ፡ «ዳዊቲ ናዓው፡ ታና ማራርኪ!» ያገሰ።

49 ዩሱሲ ኤቁዲ፡ «ኢያ ሃ ያገጌ» ያገሰ።

ኤንቲ ቆቄያኮ፡ «አይኮይ ባዋ፡ ዳንዳ ኤቃ፡ ኔና ዪጌስ» ያገደሰና። 50 ቆቄይ ባ ማዑዋ ሆሊ ዩገዲ፡ ጉጉ ዳንዲ ኤቁዲ፡ ዩሱሳኮ ቢስ።

51 ዩሱሲ፡ «ታኒ ኔው አይ አላና ማላ ኮያይ?» ያገሰ።

ቆቄይ፡ «አሰታማሪያው፡ ታ ያላናው ኮያይስ» ያገሰ።

52 ዩሱሲ ኢያ፡ «ባ፡ ኔ አማናይ ኔና ፓሊስ» ያገሰ። ሶሁዋራካ ኢያ አይፊይ ያለን፡ ዩሱሳ ካሊስ።

11

ዩሱሲ ገታ ቦንቸን ዩሩሳሌም ጌሊስ (ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዩሩሳሌም ማቲሺ፡ ሻማሆ ዴሪያ ማታን ዳዒያ ቤቲፋጌኔ ቢታኒያ ካታማታ ጋኪደሰና። ዩሱሲ ባ ታማራታፔ ናሞታታ ሲንጤ ኪቲዲ፡ 2 «ሂንቲሬ ሲንሳን ዳዒያ ጉታ ቤቲ፤ ያ ጌሊዳ ማላ ኦኒካ ቶገቦና ቃሾን ዳዒያ ሃሪ ማሪ ሂንቲ ዳማና፡ ኢያ ቢሊዲ፡ ሃ ኤኪ ዩቲ። 3 ኦኒካ ሂንቲና፡ «ሃይሳ አይሰ አላቲ?» ያገዲ አይቸኮ፡ ሳዳይ ኢያ ኮዬስ፡ ኤሌሲዲ ሃ ዩዳና ያገጌ» ያገሰ።

4 ኤንቲ ቢዲ፡ ሃሪ ማሪ ካሬ ቦላ ኦጌ ማታን ቃሾቲዲ ዳዒይሳ ዳሚዲ ቢሊደሰና። 5 ሄ ቤሳን ኤቁዳ ኢሲ ኢሲ አሳቲ ኤንታኮ፡ «ሃሪ ማሪ ዋታናው ቢሊቲ?» ያገደሰና። 6 ኢያ ታማራቲ ዩሱሲ ባንታና ኪቲዳይሳ ኦዲን፡ አሳቲ ዩዲ አገደሰና። 7 ኤንቲ ሃሪ ማሪ ዩሱሳኮ ኤሂዲ፡ ባንታ ማዑዋ ኢያ ዘኮን ሃዪን ዩሱሲ ሄ ሃሪ ማሪ ቶገሰ። 8 ዳር አሳይ ባንታ ማዑዋ ኦጊያን ሃዪደሰና፤ ቃሲ ሃራቲ ማላ ታሺ ታሺዲ፡ ኦጌን ሃዪደሰና። 9 ዩሱሳፔ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ቶቁ አሊዲ፡

«ሆሳና! * ያሳይ ጋላቲቶ! ጎዳ ሱንሳን ዩይሲ አንጃቲዳይሳ።

10 ጎዳ ሱንሳን ያ ኦ አዋ ዳዊቲ ካዋቲላይ አንጃቲዳይሳ።

ኡባሬ ቦላ ሳሉዋን ዳዒያ ያሳይ ጋላቲቶ» ያገደሰና።

11 ዩሱሲ ዩሩሳሌም ቢዲ፡ ያሳ ኬላ ጌሊስ። ቃሲ ኡባባ ዩዩ ያሊዳፔ ጉዬ፡ ሳዓይ ቃሚያ ገሾ ታማኔ ናሞታ ታማራታራ ቢታኒያ ካታማ ቢስ።

ዩሱሲ ቃንገዲ ባላሴ ማሊው (ማቶ 21:18-19)

12 ዋንቲላ ጋላስ ኤንቲ ቢታኒያፔ ኬዩዲ ቢሺን፡ ዩሱሲ ኮቫቲስ። 13 ሃሆን ኢሲ ባላሴ ማሊው ሃይላ ያላላ ማዓ ኡቲዳር ቤዒዲ፡ ኢ ቦላ አይፊይ ቤቲኮ ገዲ፡ ቤዓናው ኢኮ ቢስ፡ ሺን ኢኮ ኢ ቤያ ዋዴ ሃይላ ያላላፔ ኦቲን ኢሲ አይፊካ ዳሚቤና፤ አይሰ ገኮ፡ ባላሴይ አይፊያ ዋዴይ ጋኪቤና። 14 ዩሱሲ ሄ ባላሲው፡ «ሃዛ፡ ኔፔ ማሪናው አሲ አይፊ ሞ?» ያገሰ። ኢያ ታማራቲ ኢ ጌይሳ ሲዒደሰና።

ዩሱሲ ያሳ ኬላን ዛልዒይሳታ ኬሲስ (ማቶ 21:12-17፤ ሉቃ 19:45-48፤ ዮሃ 2:13-22)

15 ኤንቲ ዩሩሳሌም ቢደሰና፤ ዩሱሲ ያሳ ኬላ ጌሊዲ፡ ያን ባይዜይሳታኔ ሻሚይሳታ ካሬ ጎዶ ኦይኪስ፤ ቃሲ ማሺ ላሚይሳታ ያርጵዛኔ ሆሌ ባይዜይሳታ ኦይዲያ አሊ ዩገዲ፡ 16 አሲ አይቢባካ ቶኪዲ፡ ያሳ ኬላ ገደራ አቶና ማላ ዲገሰ። 17 ዩሱሲ አሳ ሃይሳዳ ያገዲ ታማርሲስ፡ «ጌቫ ማዓፋን፡ ታ ኬላይ አሲ ኡባይ ያሳ ዋሲያ ኬሊ ገዳና ጌቲቲዲ ያሬቲስ። ሺን ሂንቲ ኢያ ፓንጋቲ ቆሴቲያ ጎንጎሎ ኦሊዳታ» ያገሰ።

18 ካሂኔ ሃላቃቲኔ ሂጌ አሰታማራቲ ሄሳ ሲዒዲ፡ ኢያ ዋፋናው ኦጌ ኮሺ ኦይኪደሰና። ሺን ዳር አሳይ ኢያ ቲሚርቲያን ማላሌቲያ ገሾ ኢያው ያዩደሰና።

19 ሳዓይ ኦማርሲያ ዋዴ ዩሱሲኔ ኢያ ታማራቲ ካታማፔ ጋዖ ኬዩደሰና።

ባላሴ ማሊያ ማላሱ (ማቶ 21:20-22)

20 ኤንቲ ዋንቲላ ጋላስ ሄ ኦጊያራ አዳሺ፡ ሄ ባላሲያ ያጸራ ማሊዳር ቤዒደሰና። 21 ጳዒርሲ አኬኪዲ፡ «አሰታማሪያው፡ ሂኮ፡ ኔኒ ቃንገዲ ባላሲያ ማላሱ» ያገሰ።

22 ዩሱሲ ዛሪዲ፡ «ያሳ አማኒቲ። 23 ታኒ ሂንቲው ቱማ ኦዳይስ፤ ኦኒካ ባ ዋዛናን ሲቶና ገዳባይ ሃናይሳ

10:42 ሉቃ 22:25-26፤ ማቶ 23:11፤ ግር 9:35፤ ሉቃ 22:26 * 11:9 ሆሳና፡ ማቶ 21:9 ቤዒቲ። 11:9 ማዝ 118:25 11:17 አሳ 56:7፤ ኤር 7:11 11:23 ማቶ 17:20፤ 1ቆር 13:2

አማኒዲ። ሃ ዳሪያ፣ (ዳንዳዳ አባን ኩንዳ) ያገኘው ኢያው ሃናና። 24 ሃሳ ገሾ፣ ታህ ሂንቴው ኦዳይሰ፤ ያሳ ሂንቴ ዋሲያባኔ ኦይቸያባ አይባ ገዲኮካ ኤኪዳዳ አማኒቴ፣ ሂንቴ ኤካና። 25 ያሳ ዋሳናው ሂንቴ ኤቂያ ዋዴ ሳሎን ዳዲያ ሂንቴ አዋይ ሂንቴ ናጋራ አቶ ጋና ማላ፣ ኦኒካ ሂንቴና ናቂዳባይ ዳዲኮ፣ ኢያው አቶ ገቴ። 26 ሺን አሳ ናጋራ ሂንቴ አቶ ጎና ኢዳኮ፣ ሳሎን ዳዲያ ሂንቴ አዋይካ ሂንቴ ናጋራ ሂንቴው አቶ ገና» ያገሰ።

ዩሱሲ አይቢ ማታን ኦሌያኮ ኦይሹቴሰ
(ማቶ 21:23-27፤ ሉቃ 20:1-8)

27 ኤንቴ ዛሪዲ ዩሩሳላሚ ቢደሰና። ዩሱሲ ያሳ ኬላን ሃሙተሺን፣ ካሂኔ ሃላቃቴ፣ ሂጌ አስታማራቴኔ ጨማቴ ኢያኮ ዩዲ፣ 28 «ኔኒ ሃይሳ አላናው ኔው አይ ማቴ ዳዲ? ዋይኮ ኔው ሃ ማታ ኢሚዳይ ኦኔ?» ያገደሰና።

29 ዩሱሲ ዛሪዲ ኤንታኮ፣ «ታ ሂንቴና ኢሲባ ኦይቻና፣ ታው ኦዲቴ። ታ ቃሲ ሃይሳ አይ ማታን ኦሌያኮ፣ ሂንቴው ኦዲና። 30 ዮሃኒሳ ዓንቃቴይ ያሳፊዬ ዋይኮ አሳገጥ? ታው ኦዲቴ» ያገሰ።

31 ኤንቴ ባንታ ገደን ፓላማ ደሚዲ፣ «ኦኒ፣ (ዮሳፊ) ገኮ፣ ኢ ኦኮ፣ ናቲን፣ ዮሃኒሲ ኦዲዳይሳ አይሰ አማኒቤኬቴ?» ያጋና። 32 (አሳገጥ ገኮ) አሳ ኡባይ ዮሃኒሲ ናቤ ገዳይሳ ኤሮሶና።» ያኒያ ገሾ አሳሰ ያዩደሰና። 33 ሃሳ ገሾ፣ ኤንቴ ዩሱሳኮ፣ «ኦኒ ኤሮኮ» ያገዲ ዛሪደሰና፤

ዩሱሲ፣ «ታኒካ ሃይሳ አይ ማታን ኦሌያኮ፣ ሂንቴው ኦዲኬ» ያገሰ።

12

ዋይኔ ቶኪያ ጎሻንቸታ ለሚሶ
(ማቶ 21:33-46፤ ሉቃ 20:9-19)

1 ዩሱሲ ኤንታው ለሚሶን ያገዲ ኦዲሰ፤ «ኢሲ ኡራይ ዋይኔ አታኪልቴ ቶኪዲ፣ ዩሺ አሌዲ ዲርሲ ዲሪሰ። ቃሲ ሄ ዋይኒያ ጉምዲያ ኦላካ ቦኪሰ። ኢያ ናጋናው አዲሳ ሻኮ ሻኪሰ። ሃሳፊ ጉዬ፣ ኮሌ ኦሌያ አሳሰ ኢሚዲ፣ ሃራ ቢታ ቢሰ። 2 ዋይኔ አይፊያ ማዲያ ዋይይ ጋኪን፣ ባና ጋኪይሳ ኤኪዲ ያና ማላ፣ ኢሲ ባ አይሊያ ኮሌ አዋታኮ ከቴሰ። 3 ኮሌ አዋቲ ኢያ አይሊያ ኦይኪዲ ዋዲዲ፣ ማላ ኮሼ ዩዲደሰና። 4 ናምባንሶ ሃራ አይሌ ኤንታኮ ከቴን፣ ኤንቴ ሄ አይሊያሰ ሁዲያ ቆዲዲ ካወሺዲ ዩዲደሰና። 5 ዋይኔ አታኪልቴያ ጎዳይ ቃሲካ ሃራ አይሌ ከቴሰ። ሄ አይሊያ ዋዲደሰና፣ ቃሲ ሃራ ዳርታ ሃሳዳ ኦሌደሰና፣ ኢሶታ ኢሶታ ዋዲዲ፣ ሃራታ ዋዲደሰና።

6 «ዋይኔ አታኪልቴያ ጎዳሰ ከታናው ኡባፊ ወርሱላን ኢ ዳር ደሲያ ባ ናባ ማላ ኦላሊ ኦቲሰ። ኢ፣ «ኤንቴ ታ ናባ ቦንቸና አጎኮና» ገዲ፣ ባ ናባ ኤንታኮ ከቴሰ።

7 «ሺን ኮሌ አዋቲ ባንታ ገደን፣ (ላታናይሲ ሃይሳ፤ ዩዲቴ ኢያ ዋዲሰ፤ ኢያ ላታይ ኦባ ገደና!» ያገደሰና። 8 ናባ ኦይኪዲ ዋዲዲ፣ ኢያ አሃ ዋይኔ አታኪልቴያ ገደፊ ጋፃ ኬሲ ሆሊደሰና።

9 «ሂዛ፣ ዋይኔ አታኪልቴያ ጎዳይ ዋታኔ? ዩዲ ሄ ኮሌ አዋታ ዋዲ ኦንገዲ፣ ዋይኒያ ኮሌ ኦሌያ ሃራ አሳሰ ኢማና።

10-11 ረምቤይሳቴ ቦሪዲ ኢዳዳ ሹቻይ

ጎዳ ማዲያ ሚንሌያ፣ ኡባፊ አዲያ ሹቹ ገዲሰ።

ሃይሲ ጎዳይ ኦሌዳባ፤ ቃሲ ኦ አይፊያሰካ ማላሊሲያባ

ያገይሳ ገሻ ማፃፋቴ ናባቢቤኬቴ?» ያገሰ።

12 ካሂኔ ሃላቃቴ፣ ሂጌ አስታማራቴኔ ጨማቴ ዩሱሲ ሄ ለሚሶ-ዋ ባንታ ቦላ ለሚሲዳይሳ ኤሪዳ ገሾ ኢያ ኦይካናው ኮዩደሰና፣ ሺን አሳሰ ያዩዲ፣ አገ ቢደሰና።

ገራ ገርባ
(ማቶ 22:15-22፤ ሉቃ 20:20-26)

13 ቃሲ ኢያ ኦዲጥ ባላ ዳሚዲ፣ ኢያ ኦይካና ማላ፣ ፋሪሳዊታጥቴ ሂርዲሳ ባጋታጥ ጉላ አሳታ ኢያኮ ከቴደሰና። 14 ኤንቴ ኢያኮ ዩዲ፣ «አስታማሪያው፣ ኔኒ ቱማ ኦይቴይሳኔ አሳጥ ኢሴ ሻኮናይሳ ኦኒ ኤሮሰ። ኔኒ ኢሴ ዲማያካ፤ ቃሲ ያሳ ኦኒያ ቱማቴላን ታማርሳሳ። ኦኒ ሮማ ቢታ ካወዋ ቁሳሬሰ ገራ ገራይሲ ዋጌዬ ዋጋ ገዴኔ? ገራ ገራኔ አጋኔ?» ያገደሰና።

15 ሺን ኤንታ ጨቦቴላ ዩሱሲ ኤሪዳ፣ «ታና አይሰ ፓጨቴ? ኦኒ ኢሲ ሳንቴሜ ታና ቤሲቴ» ያገሰ።

16 ኤንቴ ኢያው ኤሂደሰና፣ «ሃ ማላይኔ ሱንሳይ ኦይይሰ?» ያገዲ ኤንታ ኦይቸሰ።

ኤንቴ፣ «ሮማ ካወዋ ቁሳሬይሳ» ያገደሰና።

17 ዩሱሲ ዛሪዲ፣ «ያቴኮ፣ ቁሳሬይሳ ቁሳሬሰ፣ ያሳይሳ ያሳሰ ኢሚቴ» ያገኘ ኤንቴ ኢያባ ማላሌቴደሰና።

ሃይቆጥ ዳንደባ
(ማቶ 22:23-33፤ ሉቃ 20:27-40)

18 ሃይቆዳ አሲ ዳንደና ገያ ሳዲቃዊታጥቴ ኢሲ ኢሲ አሳጥ ዩሱሳኮ ዩዲ፣ ሃይሳዳ ያገዲ፣ ኢያ ኦይቸደሰና። 19 «አስታማሪያው፣ ሙሴይ ኦሰ ሂጊያ ፃፊሼ፣ ማቸ ኤኪዳ አሲ ናባ ዩሎና ሃይቆኮ፣ ሄ ሃይቆዳይሳ ኢሻይ ኢያ ማቸው ኤኪዲ፣ ባ ኢሻሰ ናባ ዩላናው ቤሴሰ» ያገይሳ ፃፊሰ። 20 ቤኒ ዋዴ ላቸን ኢሻቴ ዳዔይሳታጥቴ ባይራይ ማቸ ኤኪዲ፣ ናባ ዩሎና ሃይቆሰ። 21 ናምባንሶይ ኢያ ኤኪሰ፣ ኢካ ናባ ዩሎና ሃይቆሰ። ሃሻንሶይካ ሃሳዳ ሃኒሰ። 22 ላቸናቴካ ሃሳዳ ኢያ ኤኪዲ፣ ናባ ዩሎና ሃይቆደሰና። ኡባፊ ጉዬ፣ ቃሲ ሄ ማጨሲያ ሃይቃሰ። 23 ያቴን፣ ላቸናቴ ኢያ ኤኪዳ ገሾ ሃይቆዳ አሳይ ሃይቆጥ ዳንዲያ ጋላሰ፣ ኢያ ኤንታፊ አወሳሰ ማቸ ገዴኔ?» ያገደሰና።

24 ዩሱሲ ዛሪዲ፣ «ሂንቴ ባሌይ፣ ገሻ ማፃፋታ ዋይኮ ያሳ ዋልቃ ኤሮና ገሾሳ! 25 ሃይቆዳ አሳይ ሃይቆጥ ዳንዲያ ጋላሰ፣ ሳሎን ዳዲያ ከታንቸታ ማላ ገደናጥ ኦቲን አዴ አሳይ ኤኮኮና፤ ማጨ አሳይ ጌሌኮና። 26 ሺን ሃይቆዳይሳታ ዳንዲያባ ገዲኮ፣ ሙሴ ማፃፋን ፃፊቴዳ ፀጌቴያ ቡሪያባ ኦዲያ ቤሳን፣ ያሳይ ሙሴኮ፣ (ታኒ፣ ኦብራሃሚ ያሳ፣ ዩሳቃ ያሳ፣ ያይቆባ ያሳ) ገዲይሳ ናባቢቤኬቴ? 27 ሃሳ ገሾ፣ ኢ፣ ፓፃ ዳዔይሳታ ያሳፊ ኦቲን ሃይቆዳይሳታ ያሴ ገዴና። ሂንቴ ዳር ባሊዳታ» ያገሰ።

ኡባፊ አዲያ ከታ
(ማቶ 22:34-40፤ ሉቃ 10:25-28)

28 ሂጌ አስታማራጥቴ ኢሶይ ኤንቴ ፓላሚይሳ ሸቂዲ ሲዲሰ። ቃሲ ዩሱሲ ኤንታው ሎይሌ ዛሪዳይሳ ሲዲዲ፣

«ከታ ኡባፌ አዲያ ከታይ አዉሴ?» ያጊዲ ዩሱሳ ኦይቸሰ።

29 ዩሱሱ ዛሪዲ፣ ኢያ ሃይሳዳ ያጊሰ። «ከታ ኡባፌ አዲያ ከታ ሰዒቲ፣ ላኢሰራዔሌ አሳው፣ ጎዳይ ኑ ያሳይ ኢሲ ጎዳ። 30 ኔ ጎዳ ኔ ያሳ ኔ ኩሜላ ዋዛና፤ ኔ ኩሜላ ሸምፑዋፊ፣ ኔ ኩሜላ ቆፋ፤ ኔ ኩሜላ ዋልቃፊ ደሳ» ያጊሰ። 31 ቃሲ ከታ ኡባፌ አዲያ ናምዓንሶ ከታይ ሃይሳ፣ «አሴ ኡባ ኔ ሁዒያዳ ደሳ» ያጊይሳ፤ ሃይሳታፕ አዲያ ሃራ ከቲ ባዋ» ያጊሰ።

32 ሂጌ አሰታማሬይ ዩሱሳኮ፣ «አሰታማሬይው፣ ቱማ ጋዳሳ፤ ኔ፤ ሰሳይ ኢሲ ያሳ ያላላ። ኢያፕ ኦቲን ሃሪ ባዋ» ጊዳይሲ ቱማ። 33 ያሳ ኩሜላ ዋዛና፤ ኩሜላ ቆፋ፤ ኩሜላ ዋልቃፊ ደሴይሲኔ ቃሲ አሴ ኡባ ባ ሁዒያዳ ደሴይሲ፣ ፀጊያ ያርሹዋፊኔ ሃራ ያርሹ ኡባፌ አዲሰ» ያጊሰ።

34 ዩሱሱ ሂጌ አሰታማሬይ ዛርይ አዲዳ ኤራንቸ አሳ ዛር ጊዲዳይሳ ቤዒዲ፣ «ኔ፤ ያሳ ካዋቲላፌ ሃካባካ» ያጊሰ፤ ሄሳፌ ጉዩ፣ ዩሱሳ ሃራባ ኦይቸናው ኦኒካ ሚኒቤና።

ኪሪሰቶሲ ኦዴ ናዔ
(ማቶ 22:41-46፤ ሉቃ 20:41-46)

35 ዩሱሱ ያሳ ኬላን ታማርሲሼ፣ ሃይሳዳ ያጊሰ። «ሂጌ አሰታማሬቲ ኪሪሰቶሳ ዋይጊዲ ዳዊቲ ናዔ ጎና?

36 ዳዊቲይ ገሻ አያናን ኩሚዲ፣ ሳዳይ፣ ታ ጎዳ፣ «ታ፤ ኔ ሞርኬታ ኔ ቶሆይ ዩዲያሶ ኦላና ጋካናው፣ ሃይሳን ታፕ ኡቫቻ ባጋራ ኡታ» ጊሰ። ያጊሰ። 37 ዳዊቲይ ባ ሁዒን ኪሪሰቶሳ፣ ሳዳ፣ ጊዲ ያጊሰ፣ ያቲን፣ ኪሪሰቶሲ ዋኒዲ፣ ዳዊቲ ናዔ ጊዲ» ያጊሰ።

ዳር አሳይ ዩሱሱ ጌይሳ ኡፋይሳን ሰዒደሶና።

ዩሱሱ ሂጌ አሰታማሬታኔ ፋሪሳዊታ ቦሪሰ
(ማቶ 23:1-36፤ ሉቃ 20:45-47)

38 ዩሱሱ ታማርሲሼ፣ ሃይሳዳ ያጊሰ። «ሂጌ አሰታማሬታፕ ናፕቲቲ፣ ኤንቲ አዲሳ ማዎ ማዒዲ ዩይይሳኔ ጊያንካ አሳይ ኤንታ ቦንቸዲ ሳርሌይሳ ደሶሶና። 39 ኤንቲ አይሁዳ ዋሳ ኬላታን ዳር ሎዎ ኦይዳ ደሶሶና፤ ቃሲ አሲ ባንታና ሞኪያ ቤሳን ቦንቸ ቤሲ ደሶሶና። 40 ኤንቲ አምዔታ ኬላ ቦንቄዲ፣ ባንታው ሎዎ ዳናናው ዋሳ አዲሶሶና፤ ኤንቲ ኡባፌ አዲያ ፕርዳ ኤካና» ያጊሰ።

አምዒ ሙፃታ
(ሉቃ 21:1-4)

41 ዩሱሱ ያሳ ኬላን ሙፃታ ዩጊያ ሳዒኒያ ማታን ኡቲዲ፣ አሳይ ባ ሚሺያ ሄ ሳዒኒያን ዩጌይሳ ቤዒሰ፤ ዳር ደሬ አሳይ ዳር ሚሺያ ሄ ሳዒኒያን ዩሳሶና። 42 ኢሲ ማንቆ አምዒያ ያዳ፣ ናምዑ ባካናታ ሄ ሳዒኒያን ዩጋሱ። 43 ዩሱሱ ባ ታማሬታ ያጊዲ፣ «ታ፤ ሂንቲው ቱማ ኦዳይሰ፤ ሙፃታ ሳዒኒያን ዩጊዲ አሳ ኡባፌ ሃ ማንቆ አምዒያ ዳርሳዳ ዩጋሱ። 44 አይሰ ጊኮ፣ ሃራቲ ኡባይ ባንታው ፓላሂዳ ሚሺያፕ ዩጊደሶና። ሺን ኢያ ባ ፓጩያፊ፣ ባው ዳዒያ አቁዋ ኩሜላ አማሱ» ያጊሰ።

13

ዩሱሱ ያሳ ኬላይ ላሌታናይሳ ኮይርቲዲ ኦዲሰ
(ማቶ 24:1-2፤ ሉቃ 21:5-6)

1 ዩሱሱ ያሳ ኬላፌ ኬዩሺን፣ ኢያ ታማሬታፕ ኢሶይ፣ «አሰታማሬይው፣ ሃ ሎዎ ሹቻኔ ሃ ሎዎ ሹቻ ኬላ ቤዒይ!» ያጊሰ።

2 ዩሱሱ ዛሪዲ፣ «ሃ ጊታ ሹቻ ኬላ ቤዒይ? ሃ ኬላይ ሹቹ ሹቻ ቦላ ጊምቤቲዳ ሜላ ላሌቶና አቴና፤ ኢሲ ሹቹካ አቶና ኡባይ ላሌታና» ያጊሰ።

ጎዳይ ያናፕ ኮይርቲዲ ጋካና ጎዳኔ ዋያ
(ማቶ 24:3-14፤ ሉቃ 21:7-19)

3 ዩሱሱ ያሳ ኬላፌ ሂጌ ባጋራ ሻማሆ ዳሪያ ቦላ ኡቲዳሺን፣ ጳዒርሲ፣ ያይቆቤ፣ ዮሃኒሲኔ ኢንዲሪያሲ ባንታርካ ኢያኮ ዩዲ፣ 4 «ሃይሲ አዉዴ ሃናኮ፣ ኑሰ ኦዳ፤ ሃ ኡባይ ፖሌታና ዋዲያ ኤሪሲያ ማላታይ አይቤ?» ያጊዲ ኦይቸደሶና።

5 ዩሱሱ ቃሲ ኤንታው ሃይሳዳ ያጊዲ ኦዲሰ፣ «ሂንቲና ኦኒካ ባሌላና ሚላ ናፕቲቲ። 6 ዳር አሳቲ ታ ሱንላን፣ «ታ፤ ኪሪሰቶሳ» ያጊዲ ታማርሲሼ ዩዲ፣ ዳር አሳ ባሌላና። 7 ማታን ዳዒያ ኦላኔ ሃሆን ዳዒያ ኦላ ዋሪ ሂንቲ ሰዒያ ዋዴ ሂርጎፊቲ። ሄሳ ሜላባይ ሃናናው ቤሰሰ፣ ሺን ዉርሴላይ ቡርና። 8 ኢሲ ቤታ አሳይ ሃራ ቤታ አሳራ ኦሌታና፤ ቃሲ ኢሲ ካዋቲላይ ሃራ ካዋቲላታራ ኦሌታና፤ ቤታ ቃዎይ ኡባ ቤሳን ሃናና፤ ኮቫይ ዳና፣ ሺን ሄሲ ኡባይ ዩሎ አቁላሰ ዘኬ ሚላ።

9 «ሺን ሂንቲ፣ ሂንቲ ሁዒን ናፕቲቲ። አይሰ ጊኮ፣ አሲ ሂንቲና አይኪዲ፣ ፕርዳ ኬላሰ አላ አማና፤ ቃሲ አይሁዳ ዋሳ ኬላታንካ ሂንቲና ሊሶን ጋራፋና፤ ዳሪያ ሃሪይሳታ ሲንላኒኔ ካዋታ ሲንላን ታ ጊሾ ሂንቲ ማርካታናው ኤቃና። 10 ዉርሴላይ ጋካናፕ ሲንሌ ዋንጌላይ ኮይር ዳሪ ኡባሰ ኦይታናው ቤሰሰ። 11 ኤንቲ ሂንቲና ፕርዳ ኬላ ኤሂያ ዋዴ ኦላ አላ አማያ ዋዴ ዋይጊዲ ኦዳኔኮ ኮይር ሂርጎፊቲ፤ ሄ ሳቲያን ያሳይ ሂንቲው አማያባ ኦዲቲ። ሂንቲናን ገሻ አያናይ ኦይቲሲፕ አቲን ሂንቲና ጊዴኬታ።

12 «ኢቫይ ባ ኢቫ፣ አዋይ ባ ናዔ ዋዲሳና። ናይቲ ባንታና ዩሊዳይሳታ ቦላ ዳንዲዲ፣ ኤንታ ዋዲሳና።

13 አሳይ ኡባይ ሂንቲና ታ ሱንላ ጊሾ ኢያና፣ ሺን ዉርሴላ ጋካናው ሚኒዳይ አታና።

ዩራሳላሚ ጋካና ኢታ ሜቱዋ
(ማቶ 24:15-28፤ ሉቃ 21:20-24)

14 «ሺን ባሻ ቱናቲላይ ኤቃናው ቤሶና ቤሳን ኤቁዳሺን ሂንቲ ቤዓና።» (አኬኪሶ፣ ሄሲ ዋይ ጉሴኮ ናባቤይሲ አኬኮ!) «ዩሁዳ ቤታን ሄ ዋዴ ዳዒይሳቲ ዳሪያኮ ባቃቶ። 15 ኬላ ሁዒን ዳዒያ ኡራይካ ኢሲባ ኤካናው ዳጌ ዋዲዲ፣ ባ ሶ ጌሎ። 16 ጋዴን ዳዒይሲ ባ ማዑዋ ኤካናው ጉዩ ሲሞፎ። 17 ሄ ዋዴ ቃንላቲዳ ማጫሳታሲኔ ቆንሊያ ማጫሳታሰ ዳር ኡንዓ ጊዳና። 18 ሺን ሃይሲ ኡባይ ሃኒያ ዋዴይ ባልጎ ጊደና ሚላ፣ ያሳ ዋሰቲ። 19 አይሰ ጊኮ፣ ያሳይ አላሚያ ሚዲዳ ዋዲያፕ ደሚዲ፣ ሃዒ ጋካናው ሃኒሶና ሜቶይኔ ሲንላፊካ ሃናና ሜቶይ አሳ ቦላ ሄ ዋዴ ሃናና። 20 ጎዳይ ሄ ጋላሳታ

ታይቡዋ ጉላናኩ፡ አሴ ገዲዳይ ኦኒካ አቴና። ሺን ኢ ባ ደሪዳ አሳ ገሾ ሄ ጋላሳታ ታይቡዋ ጉላና።

21 «ሄ ዋዴ ኦኒካ ሂንቴና፡ ሩሃ፡ ኪሪሰቶሲ ሃይሳን ዴዔሰ ዋይኮ ኪሪሰቶሲ ሂንቴ ዴዔሰ» ያገኩ፡ ሄሳ አማኖ። 22 ዋርዳንቾ ኪሪሰቶሳቴኔ ዋርዳ ናቤቲ ዴንዲዲ ባንታው ዳንዳዔቲኮ፡ ሃሪ አቶሺን ያሳይ ደሪዳይሳታካ ባሌፋናው ማላታታኔ ማላሊሲያባታ ቤሳና። 23 ሺን ሂንቴ ናጌቲቲ፤ ታኒ ሂንቴው ኡባባ ካሴታዳ ኦዳሰ።

ኪሪሰቶሳ ናምዓንሉ ዩሳ
(ማቶ 24:29-31፤ ሉቃ 21:25-28)

24 «ሺን ሄ ዋዴ ሄ ዋያፕ ጉዬ፡ አዋይ ቋማና፤ አጌናይ ፖዑዋ አጋና፤

25 ያለንቶቲ ሳሎፕ ኩንዳና፤ ቃሲ ሳሎን ዴዔያ ዋልቃቲካ ቃፃና።

26 ሄ ዋዴ አሳ ናዓይ፡ ጌታ ዋልቃራኔ ቦንቹዋራ ሻራ ገደራ ዩሺን ኤንቲ ቤሳና። 27 ሄ ዋዴ ታኒ ኪታንቾታ ሳሳ ኦይዲ ባጋ ኪታና፤ ሳሳ ጋፃፕ ሳሎዋ ጋፃ ጋካናው፡ ያሳይ ደሪዳ አሳ ሺሻና።

ዋዴይ ጋኪዳይሳ ኤሪሲያ ባላሴ ሚሊው
(ማቶ 24:32-35፤ ሉቃ 21:29-33)

28 «ለሚሱዋ ባላሴ ሚላፌ አኩኪቲ፤ ባላሲያ አጪያ ዋዴኔ ኢ ሃይላይ ጨሊዔያ ዋዴ ቶርቼይ ማታቲዳይሳ ሂንቴ ኤሬታ። 29 ሄሳዳካ፡ ሂንቴ ሄ ኡባባይ ሃኔይሳ ቤዔያ ዋዴ ኢ ማቲዲ ፔንጌ ጋኪዳይሳ ኤሪቲ። 30 ታኒ ሂንቴው ቱማ ኦዳይሰ፤ ሃ ኡባባይ ሃናና ጋካናው ሃይሳን ዴዔያ አሳ ኡባይ ሃይቄና። 31 ሳሎይኔ ሳዓይ አቆና፡ ሺን ታ ቃላይ ኡባራካ አዴና።

ሳዳይ ያና ጋላሳኔ ሳቲያ ኦኒካ ኤሬና
(ማቶ 24:36-44)

32 «ሺን ሄ ጋላሳኔ ሄ ሳቲያ አዋ ያላላፕ አቲን ሃሪ አቶሺን ሳሎን ዴዔያ ኪታንቾታ ገዲን ዋይኮ ናዓ ገዲን ኦኒካ ኤሬይ ባዋ። 33 ሄ ዋዴይ አዉዴ ገዳኔኮ፡ ሂንቴ ኤርና ገሾ ናጌቲቲኔ ሚኒቲ። 34 ታ ዩሳይ ባ ኬላ አገዲ፡ ኦኒ ቢያ ኡራ ሜላ። ኡራይ ባ አይሌታ ሁዔን ሁዔን ኦሱዋ አሚዲ ኤንታ ባ ኦሱዋሰ አዋ ኦሊሰ፤ ቃሲ ናጌይሲካ ሚንሊዲ ናጋና ሜላ ኪቲሰ።

35 «ሄሳ ገሾ፡ ሚኒቲ። አይሰ ገኮ፡ ኬላዋይ ኦማርሲ ገዲን ዋይኮ ገዲ ቢላሃ ገዲን ዋይኮ ኩቶ ዋሶ ገዲን ዋይኮ ዋንታ ጉራ ገዲን አዉዴ ያኔኮ፡ ሂንቴ ኤሬኬታ።

36 ሂንቴ አኬኮና ኢ ዩዲ ሂንቴና ቋሰኪዲ ዴዔሺን ዴፎና ሜላ ሚኒቲ። 37 ታኒ ሂንቴው ኦዳይሳ አሳ ኡባሰ ኦዳይሰ፤ ሚኒቲ» ያገሰ።

14

ኪሪሰቶሳ ቦላ ማቂቲደሶና
(ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቹያ ጋላሳይኔ ኡይላ ባሌ ቦንቹያ ጋላሳይ ጋካናው ናምዑ ጋላሲ አቲሰ። ካሂኔ ሃላቃቲኔ ሂጌ አሰታማሬቲ አሲ ኤርና ዩሱሳ ኦይኪዲ ዋዲያ ኦኒ

ኮዮሶና። 2 «አሳይ ኦሺ ኬሶና ሜላ ፓሲካ ቦንቹያ ጋላሳን ሄሳ ኦሎኮ» ያገደሶና።

ዩሱሳ ሺቱዋ ቲዩዳ ማጫሲው
(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባር ሃርጋንቹዋ ሲሞና ሶን ጊቢራ ቦላ ኡቲዳሺን፡ ኢሲ ማጫሲያ አልባሰዲርሴ ገያ ሹቻፌ ኦሱቲዳ ጲልቃዳ ኩሜላ ናርዶሴ ገያ ዳር አልዎ ሺቶ ኤካዳ ያሱ። ሄ ጲልቃዳያ ሜንላዳ ሺቱዋ ዩሱሳ ሁዔያን ቲጋሱ። 4 ሄ ቤሳን ዴዔያ አሳፔ ኢሶይ ኢሶይ ሃንቄቲዲ፡ «ሃ ሺቶይ ሜላ ጮ አቲይ አይቢሴ? 5 ሃ ሺቱዋ ሃቹ ያቲ ዲናሬን * ባይዚዲ፡ ሚሺያ ማንቆታሰ አማናው ዳንዳዔቲሰ» ያገዲ ባንታ ገደን ኦዳቲደሶና። ያቲዲ፡ ሄ ማጫሲው ዳር ቦሪደሶና።

6 ሺን ዩሱሲ «ሃ ማጫሲው አይኮካ ጎፒቲ፤ ኢዮ አይሰ ዋይሰቲ? ኢያ ታው ሎፖባ ኦላሱ። 7 ማንቆቲ ኡባ ዋዴ ሂንቴራ ዴፖሶና። ሂንቴ ኮዩዳ ዋዴ አዉዴካ ሂንቴ ኤንታ ማዳናው ዳንዳዔታ፡ ሺን ታኒ ኡባ ዋዴ ሂንቴራ ዴዔኬ። 8 ኢያ ባ ዳንዳዔዳይሳ ኦላሱ፤ ቃሲ ታና ሞጎሰ ገገሳናው ካሴታዳ ሺቶ ቲያሱ። 9 ታኒ ሂንቴው ቱማ ኦዳይሰ፤ ሳሳ ኡባን ዋንጌላ ኦዲያሶን አዉንካ፡ አሳይ ኢዮ አኬካና ሜላ ሃ ኢያ ኦሊዳይሲ ኦዳታና» ያገሰ።

ዩሁዲ ዩሱሳ አሊዲ አማናው ዙሬቲሰ
(ማቶ 26:14-16፤ ሉቃ 22:3-6)

10 ታማኔ ናምዑ ታማሬታፔ ኢሶይ አሰቆርታ ዩሁዳ ጌቲቲይሲ ዩሱሳ ካሂኔ ሃላቃታሰ አሊ አማናው ኤንታኮ ቢሰ። 11 ኤንቲ ሄሳ ሲዒዳ ዋዴ ኡፋይቲዲ፡ «ኦኒ ኔው ሚሺ አማና» ያገደሶና፤ ዩሁዲ ዩሱሳ አሊ አማናው ኢንጆ ዋዴ ኮዬሰ።

ዩሱሲ ባ ታማሬታራ ፓሲካ ሚሰ
(ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

12 ኡይላ ባሌይ ቦንቹቲያ ኮይር ጋላሰ፡ ፓሲካ ካላ ማናው ማራዜ ሹኪያ ዋዴ ዩሱሳ ታማሬቲ ኢያኮ፡ «ፓሲካ ቦንቹያ ጋላሰ ኔኒ ማና ካላ ኦኒ አው ቢዲ ገገሲና?» ገዲ ኦይቹደሶና።

13 ዩሱሲ ባ ታማሬታፔ ናምዓታ ሃይሳዳ ያገዲ ኪቲሰ፡ «ካታማ ቢቲ፤ ሂንቴ ቢሺን፤ ኦቶራ ሃሌ ቶኪዳ ኢሲ ኡራይ ሂንቴራ ጋሂታና፤ ኢያ ካሊቲ። 14 ኢ ቢዲ ጌሊያ ኬላዋ፡ ሳሰታማሬይ ኔኮ፡ «ታኒ ታ ታማሬታራ ፓሲካ ማናው አማላ ኪፊሌይ አዉኔ?» ያገሰ» ያገቲ። 15 ኬላዋይ ሂንቴና ፖቄያ ቦላ ዴዔያ ገገ ኡቲዳ ዳልጋ ኪፊሌ ቤሳና፤ ሄሳን ገገሲቲ» ያገሰ።

16 ሄ ናምዑ ታማሬቲ ኮዩዲ፡ ካታማ ቢደሶና፤ ዩሱሲ ኤንታው ኦዲዳይሳዳ ዴሚዲ፡ ፓሲካ ካላ ገገሲደሶና።

17 ሳዓይ ኦማርሲያ ዋዴ ዩሱሲ ታማኔ ናምዑ ታማሬታራ ያ ቢሰ። 18 ኤንቲ ኡቲዲ ካሊ ሚሺን፡ ዩሱሲ ኤንታኮ፡ «ታኒ ሂንቴው ቱማ ኦዳይሰ፤ ሂንቴፌ ኢሶይ ታራ ሜይሲ፡ ታና አሊ አማና» ያገሰ።

19 ኢያ ታማሬቲ ዳጋሚዲ፡ ባንታ ሁዔን ሁዔን፡ «ቱማ ታኔሻ?» ያገዲ ኢያ ኦይቹደሶና።

13:24 ኢሳ 13:10፤ ኤር 2:10 13:25 ኢሳ 34:4፤ ዮ.ቆ 6:13፤ ኤር 2:10 13:26 ዛሬ 7:13፤ ዮ.ቆ 1:7 13:32 ማቶ 24:36 13:34 ሉቃ 12:36 14:1 ኬሳ 12:1 14:3 ሉቃ 7:37 * 14:5 ሃቹ ያቲ ዲናሬ፡ ኢሲ አሳሰ ላይላን ጨጌቲያ ሎፖ ዳሞዜፔ ቦላ ገዲያ ሚሺ። 14:7 ዛሬ 15:11 14:18 ማዘ 41:9

20 ዩሱሲ ዛሬዲ፡ «ሄ ኡራይ ሂንቴ ታማኔ ናምዓታፕ ኢሱዋ፤ ኢ ታራ ኢሲፌ ቱሻናው ባ ኡይላ ሻቲያን ዩዴይሳ። 21 አሳ ናዓይ፡ ጌሻ ማፃፋይ ሃይቃና ጊዳይሳዳ ሃይቃና፡ ሺን አሳ ናዓ፡ አላ ኢሚያ ኡራ አዩ። ሄ ኡራይ ዩሌቶና አቲዳኮ ኢያው ሎፖሺን» ያገሰ።

ጎዳ ካሁዋ (ማቶ 26:26-30፤ ሉቃ 22:14-20፤ 1ቆሮ 11:23-25)

22 ኤንቲ ሚሺን፡ ዩሱሲ ኡይላ ኤኪዲ፡ ያሳ ጋላቲስ፤ ሄ ኡይላ ሚንሉዲ፡ ባ ታማሬታስ ኢሚሺ፡ «ሄዲቴ፡ ሃይሲ ታ አሹዋ» ያገሰ።

23 ፀዓ ኤኪዲ፡ ያሳ ጋላቲዲ፡ ኤንታው ኢሚን ኡባይካ ሄ ፀዓፕ ኡዩዶሶና። 24 ዩሱሲ፡ «ሃይሲ ኡራላ ጫቁዋን ዳሮ አሳ ጊሾ ጉኪያ ታ ሱላ። 25 ታኒ ሂንቴው ቱማ ኦዳይስ፤ ታኒ ያሳ ካዋቱላን ኡራላ ዋይኒያ ኡያና ጋላሳይ ጋካናው ዛራዳ ሃ ዋይኒያፕ ኡዩኬ» ያገሰ።

26 ማዘሙሬ ዩዲዳፕ ጉዬ ሻማሆ ዳሪያ ቦላ ቢዶሶና።

ጳዊሮሲ ካዳናይሳ ዩሱሲ ኮይሮቲዲ ኦዲስ (ማቶ 26:31-35፤ ሉቃ 22:31-34፤ ዮሃ 13:36-38)

27 ዩሱሲ ኤንታኮ፡ «ሂንቴ ኡባይ ታና ዩጊ አጊዲ ባቃታና፤ ጌሻ ማፃፋይ፡ ሳሳይ ዳርሳ ሄሚይሳ ዋቆና፡ ዳርሳቲ ኡባይ ላሌታና» ያገሰ።

28 ሺን ታኒ ሃይቆፕ ዳንዲዳፕ ጉዬ ሂንቴፌ ካሴታዳ ጋላላ ባና» ያገሰ።

29 ጳዊሮሲ ዛሬዲ፡ «ኤንቲ ኡባይ ኔና ዩጊ አጊዲ ባቃቲኮካ፡ ታ ኔና አጊኬ» ያገሰ።

30 ዩሱሲ ጳዊሮሳኮ፡ «ታኒ ኔው ቱማ ኦዳይስ፤ ሃቸ ቃማ ኩቶይ ናምዑ ቶሆ ዋሳናፕ ሲንሌ ኔኒ ታና ሄቸ ቶሆ ካዳና» ያገሰ።

31 ሺን ጳዊሮሲ ካሴይሳፌ ሚንሉዲ፡ «ታኒ ሃሪ አቶሺን፡ ኔራ ኢሲፌ ሃይቁያኮካ፡ ኔና ካዲኬ» ያገሰ። ቃሲ ሃራቲ ኡባቲካ ሃሳዳ ጊዶሶና።

ዩሱሲ ጌቴሴማኔን ዋሲስ (ማቶ 26:36-46፤ ሉቃ 22:39-46)

32 ጌቴሴማኔ ጊያ ቤሳ ቢዶሶና፤ ዩሱሲ ባ ታማሬታኮ፡ «ታኒ ያሳ ዋሳዳ ሲማና ጋካናው ሂንቴ ሃይሳን ኡቲሺቴ» ያገሰ።

33 ዩሱሲ ጳዊሮሳ፡ ያይቆባኔ ዮሃኒሳ ባራ ኤኪዲ ቢስ፤ ዳሮ ዋይቲሲኔ ኤንዔቲስ። 34 ቃሲ ኤንታኮ፡ «ታኒ ሃይቃና ጋካናው አዛናስ፡ ሃይሳን ጋምዲሺቴ፤ ጳሰኮፊቴ» ያገሰ።

35 ጉላ ሲንሌ ሸቂዲ፡ ሳዓን ጉፋኒዲ፡ ዳንዳዔቲያባ ጊዲኮ፡ ሄ ዋያ ሳቲይ ባፕ አቆና ሜላ፡ ያሳ ዋሲስ።

36 ቃሲ፡ «አባ፡ ታ አዋው፡ ኡባባይ ኔው ዳንዳዔቲስ፡ ሃ ዋዬ ፀዓ ታፕ ዲጋ። ሺን ኔ ሺኔይ ሃናፕ አቲን ታ ሺኔይ ሃናፕ» ያገሰ።

37 ዩሱሲ ባ ታማሬታኮ ሲሚ ዩዲ፡ ኤንቲ ጳሰኪዳሺን ዳሚዲ፡ ጳዊሮሳኮ፡ «ሲሞና፡ ጳሰካዲ? ኔኒ ኢሲ ሳቲካ ባርካዳ ናጋናው ዳንዳዓቢኪ?»

38 ፓጩን ሂንቴ ጌሎና ሜላ ባርኪዲ ናጌቴኔ ያሳ

ዋሲቴ። ሂንቴው ሎፖ አዋይ ዳዔስ፡ ሺን ሂንቴ ዳቡራንቸ አሲ» ያገሰ።

39 ቃሲካ ቢዲ ካሴይሳዳካ ያሳ ዋሲስ። 40 ባ ታማሬታኮ ጉዬ ሲሚዲ ያ ዋዴ ጳሰኪዳሺን ዳሚስ። ኤንታ አይፊያ ጳሰኮይ ጎዚ ዋሊዳ ጊሾ ኢያኮ አይ ኦዴቲያኮካ ኤርኮና።

41 ሄቫንላ ኤንታኮ ዩዲ፡ «ሃዒ ጋካናዉካ ጳሰኬቴኔ ሸምፕቴ? ሂዛ፡ ጊዳና፤ ሳቲይ ጋኪስ፤ ቤዒቲ! አሳ ናዓይ፡ ናጋራንቸ አሳታስ አቋ ኢሜታና ዋዴይ ጋኪስ። 42 ዳንዲዲ ዩዲቴ፤ ቤዒቲ፡ ታና አላ ኢማናይሲ ጋኪስ» ያገሰ።

ዩሱሲ ባ ሞርኬታ ኩሺን ኦይኬቲስ (ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡሮ ኦዲሺን፡ ታማኔ ናምዑ ኢያ ታማሬታፕ ኢሶይ፡ ዩሁዲ፡ ኤሌሲዲ ጋኪ ዋቋስ። ቃሲ ካሂኔ ሃላቃቲ፡ ሂጌ አሰታማሬቲኔ ጨማቲ ኪቲን፡ ማሺኔ ፃምዓ ኦይኪዳ ዳሮ አሳይ ኢያራ ኢሲፌ ዩዶሶና።

44 ዩሱሳ አላ ኢማናይሲ ሄ ዳሮ አሳስ፡ «ታኒ ዩሬይ ኢያ፤ ኢያ ኦይኪዲ፡ ሎይላ ናጊዲ፡ ኤኪ ኤፊቴ» ያገሰ። ማላ ኦዲ ዋሊስ።

45 ዩሁዲ ጋኪ ዋቋዳ ሚላ ዩሱሳኮ ሸቂዲ፡ «አሰታማሬታው» ያገሰ። ዩሱሳ ዩሪ ኤኪስ። 46 ሄ ዳሮ አሳይ ዩሱሳ ኦይኪዶሶና። 47 ሺን ማታን ኤቁዳይሳታፕ ኢሶይ ባ ማሻ ሾዲዲ ካሂኔ ሃላቃ አይሊያ ሾጪዲ፡ ኢያ ሃይላ ቃንዲ ሆሊስ።

48 ዩሱሲ ዛሬዲ፡ ሄ ሸቂዳ ዳሮ አሳኮ፡ «ታና ፓንጋ ኬሲዲ፡ ፓንጋ ኦይኬይሳዳ ኦይካናው ማሺኔ ፃምዓ ኦይኪዲ ዩዴቲ? 49 ታኒ ያሳ ኬላን ታማርሳሺ፡ ጋላስ ጋላስ ሂንቴራ ዳዒያ ዋዴ ታና ኦይኪቤኬታ፡ ሺን ጌሻ ማፃፋይ ጊዳይሲ ፖሌታናው ቤሴስ» ያገሰ።

50 ኢያ ታማሬቲ ኡባይ ኢያ ዩጊ አጊዲ ባቃቲዶሶና።

51 ላፃና ፃላላ ማዒዳ ኢሲ ናቴላ ኡራይ ዩሱሳ ካሌይሳ አሳይ ኦይኪስ። 52 ሺን ሄ ኡራይ ላፃና ዩጊ አጊዲ፡ ዓሬ ካሎ ባቃቲስ።

ዩሱሳ ፐርዳ ሻንጎ ሲንሌ ኤፊዶሶና (ማቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 አሳይ ዩሱሳ ካሂኔ ሃላቃ ሶ ኤፊዶሶና። ያን ካሂኔ ሃላቃቲ፡ ጨማቲኔ ሂጌ አሰታማሬቲ ሸቂዲ ዳዖሶና።

54 ጳዊሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዩስ።

55 ካሂኔ ሃላቃቲኔ ሸቂዳ አሳ ኡባይ ዩሱሳ ዋቆናው ኢያ ቦላ ማርካ ኮዩዶሶና፡ ሺን አይኮካ ዳሚሶኮና።

56 ዳሮ አሳቲ ኢያ ቦላ ዋርዶ ማርካቲዶሶና፡ ሺን ኤንታ ማርካቴላይ ኢሲኖ ጊዳና።

57-58 ኢሲ ኢሲ አሳቲ ዳንዲ ኤቁዲ ዩሱሳ ቦላ፡ «ኢ፡ ሳቲ ኢሲ ኬዲዳ ሃ ያሳ ኬላ ላላዳ፡ አሳ ኩሺን ኬጻቲቦና ሃራ ያሳ ኬላ ሄቸ ጋላሳ ጊዶን ኬፃና ጊሺን ኮኒ ሲዒዳ» ያገሰ። ዋርዶ ማርካቲዶሶና። 59 ጊዶሺን፡ ኤንታ ማርካቴላይ ሄሳንካ ኢሲኖ ጊዳና።

60 ካሂኔ ሃላቃይ አሳ ኡባ ሲንላን ዳንዲ ኤቁዲ፡ «ሃይሳቲ ኔና ሞቲያ ሞቲዋስ ኔ ዛሬያባይ ባዌ?» ያገሰ። ዩሱሳ ኦይቸስ። 61 ሺን ዩሱሲ ሲዒ ገሰ፤

አይኮካ ዛርቤና። ካሂኔ ሃላቃይ፡ «አንጃቴዳ ያሳ ናዓይ፡ ኪሪሰቶሲ ኔኔዩ?» ያጊዲ ዛር ኮይቸሰ።

62 ዩሱሲ ዛርዲ፡ «ኤ ታና፡ ሂንቴ ኣሳ ናዓይ፡ ዋልቃማ ያሳፊ ኡቫቻ ባጋራ ኡተዳሺን ቃሲ ሳሉዋ ቫራራ ዩሺን ቤዓና» ያጊሰ።

63 ካሂኔ ሃላቃይ ባ ማዑዋ ፔዲዲ፡ «ኡና ሃራ ማርካ ኣይ ኮሺ? 64 ሂንቴ ኢያ ጫሻ ሲዒዳታ፤ ሂንቴ ቆፋይ ኣይቤ?» ያጊሰ። ኡንቴ ኡባይ፡ «ኢ ሃይቃናው ቤሰሰ» ያጊዲ ኢያ ቦላ ፐርዲደሶና።

65 ኡንታፊ ኢሶቲ ኢሶቲ ኢያ ቦላ ጩቴላ ኦይኪደሶና። ኢያ ኣይፊያ ጎዚዲ ባቂሼ፡ «ኔና ዳቸዳይ ኦኔ? ኣኔ ኩሰ ኦዳ!» ያጊደሶና። ናጌይሳቲ ኢያ ኤኪ ኤፊዲ ጋራፊደሶና።

ጳጳርሲ ዩሱሳ ካዲሰ

(ማቶ 26:69-75፤ ሉቃ 22:56-62፤ ዮሃ 18:15-18፤ 25-27)

66 ጳጳርሲ ካሂኔ ሃላቃ ዛባን ጋርሳ ባጋራ ዳዒሺን፡ ካሂኔ ሃላቃ ማጫ ኣይሌታጅ ኢሲኒያ ያ ያሶ።

67 ጳጳርሲ ታማ ካዩይሳ ቤዓዳ፡ ቲሺ ኦላ ያላዳ፡ «ኔኒካ ናዚሬቴ ዩሱሳራ ዳዓሳ» ያጋሱ።

68 ሺን ጳጳርሲ፡ «ኔ ጌይሲ ኣይቤኮ ታ ኤሪኬ፡ ታው ኣኬኬቴና» ያጊዲ ካዲሰ። ያጊ ሲሚዲ ዛጎ ኬያ ዋዳ ሰሁዋራ ኩቶይ ዋሲሰ።

69 ሄ ኣይሊያ ጳጳርሳ ቤዓዳ፡ ኢያ ማታን ኤቂዳ ኣሳታኮ፡ «ሃ ኡራይካ ኡንታራ ዳዔሰ» ጋዳ ዛራ ኦዳሶ።

70 ሺን ጳጳርሲ ቃሲካ ካዲሰ።

ጉላ ጋምዒሺን፡ ማታን ኤቂዳ ኣሳቲ ናምዓንሉ ጳጳርሳኮ፡ «ኔኒ ጋሊላ ቢታ ኣሲ ጊዲያ ጊሾ ቱማ ኡንታራ ዳዓሳ» ያጊደሶና።

71 ሺን ጳጳርሲ፡ «ታኒ ሂንቴ ጊያ ኡራ ኤሪኬ!» ያጊዲ ባና ቃንጌላኔ ጫቆ ኦይኪሰ።

72 ሰሁዋራ ኩቶይ ናምዓንሉ ዋሲ ኣገሰ። ጳጳርሲ ዩሱሲ ኢያኮ፡ «ኔኒ ኩቶይ ናምዑ ቶሆ ዋሳናፔ ሲንሌ ሄቩ ቶሆ ታና ካዳና» ኢያኮ ጊዳይሳ ኣኬኪዲ ዳር ዩኪሰ።

15

ዩሱሳ ጲላዖሳኮ ኤፊደሶና

(ማቶ 27:1-2፤ 11-14፤ ሉቃ 23:1-5፤ ዮሃ 18:28-38)

1 ዋንታ ጉራ ኤሌሲዲ ካሂኔ ሃላቃቲ፡ ጨማቲ፡ ሂጌ ኣሰታማራቴኔ ኣይሁዳ ቫንጎቲ ኡባይ ሸቂዲ ማቂቲደሶና። ኡንቴ ዩሱሳ ቃቺ ኤፊዲ ጲላዖሳኮ ኣላ ኢሚደሶና።

2 ጲላዖሲ ኢያኮ፡ «ኔኒ ኣይሁዳታ ካዎ?» ያጊዲ ኦይቸሰ።

ዩሱሲ ዛርዲ፡ «ኔ ጋዳሳ» ያጊሰ።

3 ካሂኔ ሃላቃቲ ዩሱሳ ዳርባን ሞቲደሶና። 4 ሺን ጲላዖሲ ዛርዲ ዩሱሳኮ፡ «ኔው ዛርያባይ ባዌ? ኡንቴ ኔ ቦላ ኣይ ማላ ሞቱዋ ኤሄያኮ ቤዒኪ?» ያጊሰ።

5 ሺን ዩሱሲ ሃራባ ዛርና ኢዳን፡ ጲላዖሲ ማላሌቲሰ።

ዩሱሳ ሃይቆ ጊዲ ፐርዲደሶና

(ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጲላዖሳኮ ጋሊካ ባሌ ቦንቺያ ጋላሳን ኣሳይ ኮያ ኢሲ ኡራ ቃሾፔ ቢሊያ ማዜይ ዳዔሰ። 7 ሄ ዋዳ ኢሲ ባርባና ጊያ ኡራይ ኦቩ ኬሲዲ ሸዋፖ ዋዲዳ ኣሳታራ ኢሲፊ ቃሾ ኬላን ዳዔሰ። 8 ሸቂዳ ዳር ኣሳይ ጲላዖሲ ካሲይሳዳ ኦላና ማላ ኢያ ኦይቸደሶና። 9 ጲላዖሲ ኣሳ ዛርዲ፡ «ታኒ ሂንቴው ኣይሁዳታ ካወዋ ቢላናይሳ ኮዩቲ?» ያጊዲ ኦይቸሰ። 10 ሄሳ ኢ ጊዳይ፡ ካሂኔ ሃላቃቲ ዩሱሳ ቃናቲዲ ኣላ ኢሚደይሳ ኤሪያ ጊሾሳ።

11 ሺን ካሂኔ ሃላቃቲ ዩሱሳ ጊሾ ባርባና ቢላናዳ፡ ሄ ሸቂዳ ኣሳይ ጲላዖሳ ዋሳና ማላ ኣሳ ማቂደሶና።

12 ጲላዖሲ ዛርዲ፡ «ያቲን፡ ሃ ሂንቴ ኣይሁዳ ካዎ ጌይሳ ዋቶ?» ያጊሰ።

13 ኣሳይ ጲላዖሳ ቦላ ዋሲዲ፡ «ማሰቃሊያ ቦላ ኢያ ካቃ» ያጊደሶና።

14 ጲላዖሲ ኣሳኮ፡ «ኣይሰ? ኢ ኣይ ኢታባ ኦላዳ?» ያጊሰ።

ሺን ኣሳይ ካሲይሳፊ ጉጂ ዋሲዲ፡ «ማሰቃሊያ ቦላ ኢያ ካቃ» ያጊደሶና።

15 ጲላዖሲ ኣሳ ኡፋይሳናው ኮዩዲ፡ ባርባና ኣሳሰ ቢሊሰ፤ ያቲዲ ሊሶን ዩሱሳ ጋራፊዲ፡ ማሰቃሊያ ቦላ ካቃና ማላ ኡንታው ኣላ ኢሚሰ።

ዋታዳሬቲ ዩሱሳ ቶቺደሶና

(ማቶ 27:27-31፤ ዮሃ 19:2-3)

16 ሄሳፊ ጉዩ፡ ዋታዳሬቲ ዩሱሳ ዳሪያ ሃራይሳ ኦሶ ኬላ ኤኪ ኤፊዲ፡ ሃራ ዋታዳሬታ ኡባ ኢሲፊ ያጊደሶና።

17 ቃሲ ዘዖ ኣፊላ ኢያ ማይዚደሶና፤ ኣጉንላ ካላቻ ጊሺዲ፡ ኢያ ሁዒን ዋላደሶና። 18 ሄሳፊ ጉዩ፡ ኢያኮ፡ «ኣይሁዳታ ካወዋው ሚሪናው ካዎታ» ያጊዲ፡ ኢያው ዚጊደሶና። 19 ኢያ ሁዒያ ፃምዓን ሾጪደሶና፤ ቃሲ ኢያ ቦላ ጩቲደሶና፤ ጉልባቲዲ ኢያው ጎይኒደሶና። 20 ኢያ ቶቺዳይሳፊ ጉዩ ዘዖ ኣፊላ ኢያፔ ቃሪ ኤኪዲ፡ ኢያ ኣፊላ ኢያ ማይዚዲ ማሰቃሊያ ቦላ ኢያ ካቃናው ኤኪ ኤፊደሶና።

ዩሱሳ ካቂደሶና

(ማቶ 27:32-44፤ ሉቃ 23:26-43፤ ዮሃ 19:17-27)

21 ኡንቴ ቢሼ፡ ኢሰኪንዲሬኔ ሩፎሳ ኣዎ፡ ሲሞና ጊያ ቁሪና ቢታ ኣሲ፡ ጋዖሬፔ ካታማ ዩይሳራ ጋሂቲዲ፡ ዩሱሳ ማሰቃሊያ ዋልቃን ቶሲደሶና። 22 ያቲዲ ጎልጎታ ጊያ ቤሳ ዩሱሳ ኤፊደሶና። «ጎልጎታ» ጉሳይ «ሁዒ ጉጌ» ጉሱ። 23 ሳኮይ ሲዒቶና ማላ ካርቤ ጊያ ዳሌይ ዋላኬቲዳ ዋይኔ ኡዮ ጊዲ ኢያው ኢሚደሶና። ሺን ኢ ኡዮና ኢዳሰ። 24 ኡንቴ ማሰቃሊያ ቦላ ኢያ ካቂደሶና። ኦና ኣይቤ ጋካኔኮ ጊዲ ኢያ ኣፊላ ቫኪዲ ሳማ ዩጊደሶና።

25 ኡንቴ ማሰቃሊያ ቦላ ኢያ ካቂያ ዋዳ ዋንታፊ ሄቩ ሳቲ። 26 ኡንቴ፡ «ኣይሁዳታ ካወዋ» ያጊዲ ኢያ ሞቲያ ፀፊ ዓፊዲ ዋላደሶና። 27 ዩሱሳራ ናምዑ ፓንጋታ ኢሱዋ ኢያፔ ኡቫቻ ባጋራ ሃንኩዋ ኢያፔ ሃዲርሳ ባጋራ ማሰቃሊያ ቦላ ካቂደሶና። 28 ጌሻ ማዓፋይ፡ «ኢታባ ኦላዳ ኣሳታራ ኢ ፓይዳቲሰ» ጌቴቲዳይሲ ፖሌቲሰ።

29 ኦጊያራ ኣዲያ ኣሳይ ዩሱሳ ካዲዲ፡ ባንታ ሁዒያ ቃላዲ ጫዩደሶና፤ «ሂኮ! ያሳ ኬላ ላላዳ ሄቩ ጋላሳ

ጊደን ከደይሶ፡ ኔ ሁዒያ ኣሻ፤ 30 ኣኔ ማስቃሊያ ቦላፊ ዎዳ» ያጊደሶና።

31 ሄሳዳካ፡ ካሂኔ ሃላቃቲ ሂጊያ ታማርቤይሳታራ ኢሲፊ ዩሱሳ ቶቶዲ፡ «ሃራታ ኣሺሰ፡ ሺን ባና ኣሻናው ደንዳዒና፤ 32 ኔኒ ቤዒዲ ኣማናና ማላ ኪሪሰቶሱ፡ ኢሰራዔል ካዎይ፡ ኣኔ ማስቃሊያ ቦላፊ ሃዒ ዎዳ» ያጊደሶና። ቃሲ ሃሪ ኣቶሺን፡ ኢያራ ማስቃሊያ ቦላ ካቁቲዳይሳቲካ ኢያ ቶቶዲሶና።

ዩሱሲ ሃይቁስ

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱቸን ሳቲፔ ደሚዲ፡ ኡዲፋን ሳቲ ጋካናው ቢታ ኡባይ ዱሚሰ። 34 ኡዲፋን ሳቲያን ዩሱሲ ባ ቃላ ዶቁ ኦሊዲ፡ «ኤሎሄ፡ ኤሎሄ፡ ላማ ሳባቂታኒ?» ያጊሰ። ሄሳ ጉሳይ፡ «ታ ያሳው፡ ታ ያሳው፡ ታና ኣይሰ ኣጋዲ?» ጉሱ።

35 ሄሳን ኤቁዳ ኣሳፔ ኢሶይ ኢሶይ ሄሳ ሲዒዲ፡ «ሄኮ፡ ኤሊያሳ ያጊሰ» ያጊሰ። 36 ሄ ኣሳፔ ኢሶይ ዎዲዲ፡ ኢሰፖንጃን ጫላ ዎይኔ ኩንሱሰ፤ ሄሳ ፃምዓ ያራን ዎሊዲ፡ «ናጊቲ፤ ኤሊያሲ ማስቃሊያፔ ኢያ ዎዲሳናው ያኔኮ ኣኔ ቤዎስ» ያጊዲ ዩሱሳ ደናኮ ኡሻናው ሺሺሰ።

37 ዩሱሲ ባ ቃላ ዶቁ ኦሊ ዎሲዲ፡ ሃይቁስ።

38 ያሳ ኬላን ካቁቲዳ ማጋራጃይ ቆሞፊ ዲጌ ጋካናው፡ ናምዑ ከዪዲ ደኬቲ ዎዲሰ። 39 ማስቃሊያፔ ሲንሳ ባጋራ ያን ኤቁዳ ኢሲ ማቶ ሃላቃይ፡ ዩሱሲ ዎኒዲ ሃይቁዳኮ ቤዒዲ ዎዳ «ሃ ኡራይ ቱማ ያሳ ናዓ» ያጊሰ።

40 ሄሳ ሃሆን ኤቁዲ ቤዒያ ጉሳ ማጫሳቲ ዴዎሶና። ኤንታ ጊደን ማግዳላ ማይራማ፡ ካሉዎ ያይቆሳኔ ዮሳ ኣያ ማይራማኔ ሳሎማ ዴዎሶና። 41 ሄ ማጫ ኣሳቲ ዩሱሲ ጋሊላን ዴዒያ ዎዳ ኢያ ካሊዲይሳታኔ ኢያ ሞኪዲይሳታ ቃሲ ዩሱሳራ ኢሲፊ ዩራሳላማ ቢዳ ሃራ ደር ማጫ ኣሳቲ ያን ዴዎሶና።

ዩሱሲ ሞጌቲስ

(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳዓይ ኦማርሲዳ ዎዳ ሺቁዳ ኣሳን ቦንቹቲዳ ኣይሁዳ ሻንጎታፔ ኢሶይ፡ ዮሴፋ ጊያ ኡራይ፡ ያሳ ካዎቲላይ ያናይሳ ናጊሼ ዴዒይሰ፡ ኣርማቲያሳ ካታማ ኣሲ ዴዒይሰ ዩሱሲ። ዎንቴሉ ሳምባታስ ጊጌቲያ ጋላስ ጊዲዳ ጊሾ ዮሴፊ ሚኒዲ ጸላዎሳኮ ቢዲ፡ ዩሱሳ ኣሃ ኤካናው ዎሲሰ። 44 ጸላዎሲ ዩሱሲ ሃይቁዳይሳ ሲዒዳ ዎዳ ማለሌቲስ፤ ማቶ ሃላቃ ያጊዲ፡ «ኢ ሃይቁዲ ጋምዒዴ?» ያጊዲ ኦይቶስ። 45 ጸላዎሲ ዩሱሲ ሃይቁዳይሳ ማቶ ሃላቃፔ ሲዒዲ ኢያ ኣሃ ዮሴፋስ ኢሚሰ። 46 ዮሴፊ ሞጎ ኣፊላ ሻሚሰ፤ ዩሱሳ ኣሃ ማስቃሊያፔ ዎሊዲ፡ ኣፊላን ፃዒዲ፡ ሹቻፊ ዎጩቲዳ ዲፎ ጊደን ኢያ ኣሃ ሞጊሰ። ቃሲ ሄ ዲፋዎ ደናን ጊታ ሹቹ ጎንደርሲዲ ዎሊሰ። 47 ማግዳላ ማይራማኔ ዮሳ ኣያ ማይራማ ዩሱሳ ኣሃ ኤንቲ ኣዉን ዎሊያኮ ቤዎሶና።

16

ዩሱሲ ሃይቆፔ ዴንዲስ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ ኣዲዳፔ ጉዬ ማግዳላ ማይራማ፡ ያይቆሳ ኣያ ማይራማኔ ሳሎማ ቢዲ፡ ዩሱሳ ኣሃ ቲያናው ሺቶ ሻሚደሶና። 2 ዎጋ ዎዳ ዎንታ ደር ጉራ ፃለቁይ ጫርሺን፡ ዲፋዎ ቢደሶና። 3 ኤንቲ ባንታ ጊደን ኢሶይ ኢሱዎራ፡ «ዲፋዎ ደናፔ ኦስ ሹቻ ኣኔ ጎንደርሲዲ ዲጋናይ?» ያጊዲ ኦይቲደሶና።

4 ኤንቲ ያሊያ ዎዳ ሄ ደር ጊታ ሹቻይ ጎንደራቲዲ ከቺዳይሳ ቤዒደሶና። 5 ዩሱሲ ሞጌቲዳ ዲፋዎ ጊደ ጌሊያ ዎዳ ኢሲ ፓንሳ ኣዴይ ቦላ ማዎ ማዒዲ፡ ኡሻቻ ባጋራ ኡቲዳይሳ ቤዒዲ ዴጋሚደሶና።

6 ሺን ኢ ኤንታኮ፡ «ዴጋሞፊቲ፤ ማስቃሊያ ቦላ ካቁቲዳ፡ ናዚሬቲ ዩሱሳ ሂንቲ ኮዬይሳ ታኒ ኤራይሰ። ኢ ሃይሳን ዴና፡ ሃይቆፔ ዴንዲስ። ኤንቲ ኢያ ሞጊዳ ቤሳ ሃይሳ ቤዒቲ። 7 ሃዒ ቢዲ ዩሱሳ ታማራታሲኔ ጸዒርሳስ፡ «ዩሱሲ ሂንቲፊ ሲንሳቲዲ ጋሊላ ቤስ። ኢ ሂንቲው ኦዲዳይሳዳ ሂንቲ ኢያ ያን ቤዒና» ያጊዲ ኦዲቲ» ያጊሰ።

8 ማጫሳቲ ያሻን ኮኮሪሽ ዲፋዎፔ ከዪዲ ባቃቲደሶና። ቃሲ ኤንቲ ያዪዳ ጊሾ ሄሳ ኦይሰካ ኣይኮካ ኦዲሶኮና። *

ዩሱሲ ማግዳላ ማይራማሰ ቤንቲስ

(ማቶ 28:9-10፤ ዮሃ 20:11-18)

9 ዩሱሲ ሃይቆፔ ዴንዲዳፔ ጉዬ ዎጋ ጋላስ ዎንታ፡ ላቸን ቱና ኣያናታ ከሲሳ ማግዳላ ማይራማሰ ኮይርቲዳ ቤንቲስ። 10 ኢያ ባዳ ካሴ ኢያራ ዴዒይሳታስ፡ ኤንቲ ኣዛኒሽኔ ዩኪሼ ዴዒሺን ኦዲሱ። 11 ሺን ዩሱሲ ፓፃ ዴዒይሳኔ ኢው ቤንቲዳይሳ ኤንቲ ሲዒዳ ዎዳ ኢያ ጌይሳ ኣማኒሶኮና።

ዩሱሲ ናምዑ ባ ታማራታስ ቤንቲስ

(ሉቃ 24:13-35)

12 ሄሳፊ ጉዬ፡ ኤንታፊ ናምዓቲ ካታማፔ ከዪዲ ቢሺን፡ ኣጌ ቦላ ዩሱሲ ካሴይሳፊ ዴማቲዲ ኤንታው ቤንቲስ። 13 ኤንቲ ጉዬ ሲሚዲ፡ ሃራታስ ኦዲደሶና፡ ሺን ሃራቲካ ኤንታ ኦዲ ቱማ ጊሶኮና።

ዩሱሲ ታማኔ ኢሲ ባ ታማራታስ ቤንቲስ

(ማቶ 28:16-20፤ ሉቃ 24:36-49፤ ዮሃ 20:19-23፤ ሃ.ኦ 1:6-8)

14 ጉዬፔ ታማኔ ኢሲ ኢያ ታማራቲ ካሊ ሚሺን፡ ዩሱሲ ኤንታው ቤንቲስ። ኤንታው ኣማኖይ ባይና ጊሾኔ ሃይቆፔ ኢ ዴንዲዳይሳ ቤዒዲ ኣሳይ ኦዲን ኤንቲ ኣማኖና ኢዲዳ ጊሾ ኢ ኤንታ ቦሪስ።

15 ኢ ኤንታኮ፡ «ቢታ ኡባ ቢዲ ኣሳ ኡባስ ዎንጌላ ኦዲቲ። 16 ኣማኔይኔ ፃማቁቲይ ኣታና፡ ሺን ኣማኖናይ ፒርዴታና። 17 ኣማኔይሳታስ ሃ ማላታቲ ኢሜታና። ኤንቲ ታ ሱንሳን ቱና ኣያናታ ከሳና፡ ኦራላ ደናን ኦዲታና። 18 ኤንቲ ሹሹ ኦይኪኮካ ዎይኮ ዎዲያባ ኡዩኮካ ኤንታ

15:34 ማዘ 22:1 15:36 ማዘ 69:21 15:38 ከሳ 26:31 15:41 ሉቃ 8:2-3 16:7 ማቶ 26:32፤ ግር 14:28 * 16:8 ኢሲ ኢሲ ቤኒ ማፃፋቲ ማርጃሳ ዎንጌላ ፓይዶ 8 ቦላ ኤሶሶና። ቃሲ ኢሲ ኢሲ ማፃፋቲ ፓይዶ 9-20 ጋካናው ዴዒያ ቆፋ ጉጃኮና። ጊደሺን፡ ፓይዶ 8 ካሊዲ ዴዒያ ጉጃኮና። ሄሲካ [ማጫሳቲ ቢዲ፡ ከታንቾይ ኦዲዳባ ኡባ ጸዒርሳሲ ኢያራ ዴዒይሳታስ ቃንሳን ኦዲደሶና። ሄሳፊ ጉዬ፡ ዩሱሲ ባ ታማራታ ጊሼኔ ሜሪና ኣቶቲላ ዎንጌላ ከታ ደሎሃፔ ዉሎሃ ጋካናው ከቲስ።] 16:15 ሃ.ኦ 1:8

ቆሄና። ቃሲ ኤንቲ ባንታ ኩሺያ ሃርጋንቸታ ቦላ ዋሊዲ ኤንታ ፓላና» ያገሰ።

ዩሱሲ ፑዴ ሳሎ ኬዩሰ
(ሉቃ 24:50-53፤ ሃ.ኦ 1:9-11)

19 ሳዳይ ዩሱሲ ታማራታራ ኦዴቲዳፔ ጉዬ ፑዴ ሳሎ ኬዩሰ፤ ያሳፌ ኡሻቻ ባጋራ ኡቲሰ። 20 ኢያ ታማራቲ ቢዳሶ ኡባን ቃላ ኦዲዳሶና። ሳዳይካ ኤንታራ ኢሲፌ ኦሴሰ። ኤንቲ ኦዲያ ቃላይ ቱማ ጊዲዳይሳ ያሳይ ኤንታው ኢሚያ ማላታታን ኤሪሲሰ።

ሉቃስ 9፡፩ ዓፊዳ ዩሱስ ኪሪስቶስ ዋንጌላ ጋሳ ቆፋ

ዩሱስ ደሪዳ ታማኝ ናምዑ ሃዋርያት ገደን ሉቃስ ደና። ሉቃስ ዋንጌላይ፣ ዩሱስ ኮይር ናቤታ ደናን ያና ጌቲቲዳ ኦዲቲዳይሳ፣ ኢሰራዌላቲ ካሴፔ ናጊሼ ደዒዳ «ኪሪስቶስ» ገደይሳን አሳ ዜሬላ ኡባ አሽይሳ ገደይሳ ቆንጨሴስ። ሉቃስ፣ ባ ማፃፋን ዩሱስ፣ «ማንቆታስ ዋንጌላ ሳባካናው» ባ አዋፔ ኪቲቲዳይሳ ገደይሳን ሄ ዋንጌላይ አሳስ ደዒያ ደማ ደማ ማቲዋፔ ጌሴይሳ ገደይሳ አዳስ። ሉቃስ ዋንጌላ ገደን፣ ዩሱስ ዩባ ጉዲያ ኮይር ሽምግታኒኔ ዩሱስ ፑዳ ሳሎ ከዩዳይሳ ጉዲያ ወርሴሳ ሽምግታን ቆንጨዲ ኦዲቲዳይ ኡፋይሳ። ዩሱስ ሳሎ ከዩዳይ ጉዩ አማኖይ ዋኒዲ ዲጨዳኮኔ ዳልጊዳኮ ኦዲያ ታሪኪያ ሃ ዋንጌላ 9፡፩ ደ ሃዋርያት ኦሶ ማፃፋን 9፡፩።

ኪታንቸታ ማዘሙሪያባ፣ ዩሱስ ዩሌቲዳ ዋዴ ሄንሳቸቲ ቢዲ ቤዒዳይሳ ኦዲያ ታሪኬይ፣ ዩሱስ ናባቲላን ያሳ ከሌ ቢዳይሳ፣ ቃዴቲያ ሳማሬ አዲያባኔ ጳዩዲ ቤንቲዳ ናባባ ኦዲያ ታሪኬይ፣ ሉቃስ ዋንጌላ 9፡፩ ላላን ቤንቲያ ታሪኬ። ሉቃስ ዋንጌላን ጋፃፔ ጋፃ ጋካናው ደዒያ ዋና ቆፋቲ ዋሳባ፣ ጌሻ አያናባ፣ ዩሱስ ኦሱዋ ገደን ማጫሳታስ ደዒያ ቤሳኔ ያሳይ ናጋሪ ማሬይሳ።

ሉቃስ ዋንጌላ አይፌ ቆፋታ

- ጌሎ ቆፋ 1:1-4
- 9ማቂያ ዮሃንሳኔ ዩሱስ ዩሌቲላ 1:5-2:52
- 9ማቂያ ዮሃንሳ ኦሱዋ 3:1-20
- ዩሱስ ዊንቃቲያኔ ፓጩቲላ 3:21-4:13
- ዩሱስ ጋሊላን ኦሱዋ ኦሱዋ 4:14-9:50
- ጋሊላፔ ዩሩሳላሜ ጋካናው 9:51-19:27
- ወርሴሳ ሳማንታ ዩሩሳላሜ ሄራን 19:28-23:56
- ሃይቆፔ ዳንዶ፣ ቆንጨላኔ ሳሎ ኬሳ 24:1-53

1 ቦንቸ ቲዎሬሎሳ፣ ኑ ገደን ፖሌቲዳባስ ደርቲ፣ ባንታው ዳንዳዒቲዳ ማላ 9፡፩ ደራሶና። 2 ሄ ታሪኪያ ኤንቲ 9፡፩ ደዳይ ኮይርፔ ደሚዲ አይፌ ማርካቲኔ ቃላ ሃጋዜይሳቲ ኑስ ኦዲዳይሳ። 3 ታካ ታ ባጋሪ ኮይርፔ አኬካ ፀሊዳፔ ጉዩ ሄ ታሪኪያ ሃኖታ ማራያዳ ኔው 9፡፫ ታው ሎፖ ገዲ ቤንቲስ። 4 ሄሲካ፣ ኔ ታማሪዳባይ ቲማ ገደይሳ ኤሪሳናሳ።

9ማቂያ ዮሃንሳ ዩሌቲላ

5 ዩሁዳ ካወዋ ሄርዲሳ ዋዴ አቢያ ያራፔ ገዲዳ ዛካሪያሳ ገያ አይሁዳ ካሄኔይ ደዒስ። ኢያ ማቸያካ አርና ሽሻፔ። ኢ ሱንሳካካ ኤልሳቤ። 6 ናምዒይካ ጎዳ ዋጋኔ ኪታ ኡባ ናጊዲ ቦሬይ ባይና ያሳ ሲንሳን ዊሎቲላን ደዒደራሶና። 7 ሃኖፔ ኦቲን ኤልሳቤፃ ማይንላ ገዲዳ ጊሾ ኤንታው ናዒ ባዋ። ናምዒይካ ቃሲ ጨሚደራሶና።

8 ኢሲ ጋላስ ዛካሪያሳ ባ ጊሾዋ ማራን ያሳ ሲንሳን ካሄኔቲላን ሃጋዜስ። 9 ካሄኔቲላ ዋጋን ያሳ ከሌ ጌሊዲ

ኢፃኔ ጨዩሳናው ኢያ ሳሚ ጋከስ። 10 ኢፃኔይ ጨያ ዋዴ አሳይ ካሬን ዋሴስ።

11 ጎዳ ኪታንቸይ ያርሹዋ ያርሹያ ቤሳፌ ኡሻቻ ባጋሪ ኡቁዲ ቤንቲስ። 12 ዛካሪያሳ ኢያ ቤዒዳ ዋዴ ዳጋሚዲ ዳር ያዩስ። 13 ሽን ኪታንቸይ ኢያኮ፣ «ዛካሪያሳ ያዮፋ፤ ኔ ዋሳይ ሲዒቲስ። ኔ ማቸያ ኤልሳቤፃ አዴ ናባ ዩላና፣ ኢያ ዮሃንሳ ጋዳ ኔ ሱንሳና። 14 ኢ ኔው ኢንጃኔ ኡፋይሲ ገዳና፤ ዳርቲ ኢያ ዩሌቲላን ኡፋይታና። 15 ጎዳ ሲንሳን ኢ ጌታ ገዳና፤ ዋይኔ ኡሻ ገዲን ሃራ ማላያ ኡሻ ኡዬና። ባ አዬ ኡሎን ደዒሼ ጌሻ አያናን ኩማና። 16 ኢሰራዌላ አሳታፔ ዳርታ ባንታ ጎዳ፣ ያሳኮ ዛራና። 17 አዋታ ዋዛና ናይታኮ ዛራና፣ ኪቲቲዳይሳታ ዊሎታ ጨንጫቲላኮ ዛራና ማላ፣ ጎዳስ ቤሲያ ዴሬ ጊሊሳናው ኤሊያሳ አያናኒኔ ዋልቃን ጎዳ ሲንሳን ባና» ያገሰ።

18 ዛካሪያሳ ኪታንቸዋኮ፣ «ታ ሃሳ አይቢን ኤራኔ? ታራኔ ታ ማቸራ ጨሚዳ» ያገሰ።

19 ኪታንቸይ ዛሪዲ፣ «ታኒ ያሳ ሲንሳን ኡቁያ ጋብሬሌ። ሃ ሚሽራቸዋ ኔው ኦዳናው ያሳፌ ኪቲታስ።

20 ሄኮ፣ ዋዲያ ናጊዲ ፖሌቲያ ታ ቃላ ኔ አማኖና ኢዲዳ ጊሾ ሃይሲ ፖሌታና ጋካናው ኔኒ ሙሜ ገዳና፣ ኦዴታናወካ ዳንደባካ» ያገሰ።

21 ሄ ዋዴ ዛካሪያሳ ያሳ ከሌ ጌሊዲ ጋምዒዳ ጊሾ አይቢ ሃኒዴ ገዲ አሳይ ካሬን ናጊሼ ጋምዒስ።

22 ኢ ካሬ ከዩዲ ኤንታና ኦዲሳናው ዳንደባኔና። ማሊ ቤሶፔ ኦቲን ኦዴታናው ዳንደያይሳ ቤዒዳ ዋዴ ቆንጨሌ ቤዒዳይሳ ኤሪደሶና።

23 ዛካሪያሳ ሃጋዜ ዋዲያ ፖሊዲ ባ ሶ ሲሚስ።

24 ሃሳፌ ጉዩ፣ ኢያ ማቸያ ኤልሳቤፃ ቃንሳታሱ። ኢቻሹ አጌና ኩሜሌ ባና ጌንሳዳ ጋምዒስ። 25 ኢያ፣ «ጎዳይ ባ ማርታን ታ ቦሪያ አሳ ገደፌ ዲጋናው ቤዒዲ ሃ ዋዲያን ሃይሳ ኦሌስ» ያገሰ።

ዩሱስ ዩሌቲላይ ኮይርቲዲ ኦዴቲስ

26 ኤልሳቤፃ ቃንሳቲን ኡሱቸንሳ አጌናን፣ ያሳይ ኪታንቸዋ ጋብሬሌ ጋሊላ ቢታን ደዒያ ናዚሬቲ ካታማ ኪቲስ። 27 ካወዋ ዳዋቲ ሽሻፔ ገዲዳ ዮሴፋ ገያ ኡራስ ኦይሹቲዳ ጌላዒኮ ኪቲስ። ሄ ጌላዒያ ማይራዋ ጌቲታውሱ። 28 ኪታንቸይ ኢኮ ቢዲ፣ «ዳር ዶሴቲዳሬ፣ ሳርይ ኔው ገደ፣ ያሳይ ኔራ ደዒስ» ያገሰ።

29 ማይራማ ኢያ ኦዳን ዳር ዳጋማዳ፣ «ሃይሲ አይቢ ሳርላ» ጋዳ ሄታሱ። 30 ኪታንቸይ ዛሪዲ፣ «ማይራሜ፣ ባቦፋ፤ ኔኒ ያሳ ሲንሳን ሳባ ደማዳሳ። 31 ሄኮ ኔኒ ቃንሳታና አዴ ናባ ዩላና፣ ኢያ ሱንሳካ ዩሱስ ጌቲቲ ሱንሳና። 32 ኢ ጌታ ገዳና፣ ኡባፌ ቦላ ያሳ ናባ ጌቲቲ ፀጌታና። ጎዳ ያሳይ ኢያ አዋ ዳዋቲ አራታ ኢያው ኢማና። 33 ኢ ያይቆባ ሽሻ ቦላ ማሪናው ካዋታና፤ ኢያ ካዋቲላስ ዛዊ ባዋ» ያገሰ።

34 ማይራማ ኪታንቸዋኮ፣ «ሄሲ ዋኒዲ ሃናኔ? ታ አዴ ኤሪኬ» ያገሰ።

35 ኪታንቸይ ዛሪዲ፣ «ጌሻ አያናይ ኔ ቦላ ዋዳና፣ ኡባፌ ቦላ ያሳ ዋልቃይ ኔ ቦላ ኩያታና። ሃሳ ጊሾ፣ ዩሌቲያ ጌሻ ናባይ ያሳ ናባ ጌቲታና። 36 ሄኮ፣ ኔ ዳቢያ ኤልሳቤፃ ባ ጨማቲላ ላይላን አዴ ናባ ቃንሳታሱ። ኢያ

ማይንሉ ጌቲቲዳር። ሸን ሃዲ ኡሱፑንላ ኣጌና ኣይካሱ።
37 ያሳ ያኒያባይ ባዎ» ያገሱ።

38 ማይራማ፡ «ሄኮ፡ ታኒ ጎዳ ኣይሊው፡ ኔ ቃላዳ ታው ሃና» ያገሱ። ሃሳፌ ጉዬ፡ ኪታንቸይ ኢፔ ሻኬቲሰ።

39 ማይራማ ሃ ሳሚንታን ዴንዳዳ ዩሁዳ ቢታን ዴዲያ ኢሲ ጌዜ ካታማ ባሱ። 40 ዛካሪያሳ ሶ ጌላዳ ኤልሳቤያ ሳርሳሱ። 41 ኤልሳቤያ ማይራማ ሳርሳቱ ሰዲዳ ዎዴ ኢ ኡሉዋን ዴዲያ ናባይ ኡፋይሳን ጉፒሰ። ኤልሳቤያ ጌሻ ኣያናን ኩማዳ፡ 42 ባ ቃላ ጶቁ ኦላዳ፡ «ኔኒ ማጫሳ ጊዳፌ ኣንጃቲዳር፡ ኔ ቃንሳቲዳ ናባይካ ኣንጃቲዳይሳ። 43 ሃናሸን፡ ታ ጎዳ ኣዬ፡ ኔኒ ታኮ ያና ማላ ታኒ ኦኔ? 44 ሄኮ ኔ ሳርሳቱ ታ ሰዲዳ ዎዴ ታ ኡሉዋን ዴዲያ ናባይ ኡፋይሳን ጉፒሰ። 45 ጎዳይ ፖላና ጊዲ ኢሚዳ ቃላ ኣማኒዳራ፡ ኢያ ኣንጃቲዳር» ያገሱ።

ማይራማ ማዘሙሪያ

46 ማይራማ ሃይሳዳ ያገሱ፡
«ታ ሸምፒያ ጎዳ ቦንቻውሱ፡
47 ታ ኣያናይ ቆሊያ ያሳን ኡፋይቲሰ።
48 ኢ ባ ኣይሌ ካወሻቲላ ቤዲሰ።
ሃቸፌ ዶሚዲ ዩሌቴላ ኡባይ ታና ኣንጃቲዳር ጋና።
49 ኣይሰ ጊኮ፡ ዎልቃማ ጊዲዳ ኢ፡ ታው ጊታባ ኦሊሰ።
ኢያ ሱንሳይ ጌሻ።
50 ኢያ ቦንቹይሳታ ቦላ፡
ኢያ ማርቲላይ ማሪናፔ ማሪና ጋካናሳ።
51 ባ ቁሲያን ሚኖባ ኦሊሰ፡
ባንታ ዎዛናን ኡቶርቲይሳታ ላሊሰ።
52 ዎልቃማ ካዎታ ኣራታፔ ካወሸሲ፤
ባንታና ካወሸዲይሳታ ካቦይሰ።
53 ኮሻቲዳይሳታ ሎዎባን ካልሲሰ፡
ሸን ዲሬታ ማላ ኩሼ ዩዲሰ።
54 ባ ማርታ ቆፒዲ፡
ባ ኣይሊያ ኢሰራዴሌ ማዲሰ።
55 ሄሲካ ኑ ኣዎታሰ ኦዲዳ ቃላ፡
ኣብራሃሜሲኔ ኢያ ሸሻሰ ጊዳይሳ ማሪናው ፖላናሳ»

ያገሱ።
56 ማይራማ ኤልሳቤያ ማታን ሄቩ ኣጌና ማላ ጋምዳ ባ ሶ ሲማሱ።

ፃማቂያ ዮሃንሳ ዩሌቴላ

57 ኤልሳቤያን ዩሎ ቃማይ ጋኪን ኣዴ ናባ ዩላሱ።
58 ኢ ሾርቲኔ ኢ ዳቦቲ ጎዳይ ጊታ ማርታ ኦሊዳይሳ ሰዲዲ፡ ኢራ ኢሲፌ ኡፋይቲዳሶና። 59 ሆሰፑንላ ጋላሳን ዮጋ ናባ ቃፃራናው ዩደሶና። ኢያ ኣዎ ሱንሳን ዛካሪያሳ ጊዲ ሱንሳናው ኮዩደሶና። 60 ሸን ኣያ፡ «ኣካይ፡ ዮሃንሳ ጌቲታናው ቤሰሰ» ያገሱ። 61 ኤንቲካ፡ «ኔ ዳቦታፔ ሃ ሱንሳን ጃጌቲዳይ ኦኒካ ባዎ» ያገደሶና። 62 ኢያ ኣዎይ ኦና ጊዲ ሱንሳኔኮ ኤራናው ኮዩዲ ኢያ ማላ ኦይቸደሶና። 63 ኢ ፃፊያባ ኦይቸ ኤኪዲ፡ «ኢያ ሱንሳይ ዮሃንሳ» ጊዲ ፃፊሰ። ኡባይ ኢ ፃፊዳይሳ ቤዲዲ ማላሊቲደሶና። 64 ኢራ ዛካሪያሳ ኢንፃርሳይ ቢሊቲሰ፡ ያሳ ጋላቲሼ ኦዴቴላ ኦይኪሰ። 65 ሾርቲ ኡባይ ያሻን ኩሚደሶና። ሃ ሃኒዳባይ ጌዜ ዩሁዳ ቢታን ኦዴቲሰ። 66 ሄሳ ሲዲዳ ኡባይ፡ «ሃ ናባይ ኣይ

ሃናንዴሻ» ጊዲ ባንታ ጊደን ኦዴቲደሶና። ጎዳ ኩሼይ ኢያራ ዴዲሰ።

ዛካሪያሳ ማዘሙሪያ

67 ዮሃንሳ ኣዎይ ዛካሪያሳ ጌሻ ኣያናን ኩሚዲ ሃይሳዳ ያገዲ ቲንቢቲ ኦዲሰ።
68 «ኢሰራዴሌ ጎዳይ ጋላቲቶ፡
ዩዲ ባ ኣሳ ዎዚሰ።
69 ባ ኣይሊያ ዳዊቲ ኬላን
ኣቶቴላ ካጪያ ዴንሊሰ።
70 ሄሲካ ቤኒ ዎዴ ጌሻ ናቤታ ደናን ኦዴቲዳይሳ ማላ፡
71 ኢያ ኣሾይ ኑ ሞርኬታፔኔ
ኑራ ኤቄቲያ ኡባ ኩሺያፔ።
72 ሄሳ ኢ ኦሊዳይ ኑ ኣዎታሰ ባ ማርታ ቤሳናሲኔ፡
ባ ጌሻ ጫቁዎ ናጋናሳ።
73 ኑ ኣዎ ኣብራሃሜሰ ጫቁዳ
ጫቁዎ ቆፓናሲኔ
74 ኑ ሞርኬታ ኩሼፔ ኬሲዲ
ያሺ ባይና ኢያ ሃጋዛና ማላሳ።
75 ኑ ላይላ ኡባን ጌሻቴላኒኔ ዲሎቴላን
ባ ሲንሳን ኑና ኤሳናሳ።
76 ቃሲ ላ ናባው፡ ኔኒ ኡባፌ ቦላ ያሳ ናቤ ጌቲታና።
ጎዳ ኦጊያ ሎይላናው ኔ ኢያ ሲንሳን ባና።
77 ኤንታ ናጋራይ ቁሼቲን፡
ኤንቲ ኣቶቴላ ዴማናይሳ ኔ ጎዳ ዴሪያሰ ኦዳና።
78 ኑ ያሳ ሎዎ ማርቲላይ ዴንደይሳን
ዎንታ ፃልቄይ ኑሰ ሳሉዎፔ ኬዩሰ።
79 ሄሲካ ቆማኒኔ፡
ሃይቆ ኩያ ጋርሳን ዴዲይሳታሰ ፖሊሳናሳ፡
ኑ ቶሁዎካ ሳር ኦጊያኮ ዛራናሳ»

ያገሱ።
80 ናባይ ዲጪሰ፡ ኣያናን ሚኒሰ፡ ኢሰራዴሌ ኣሳሰ ቆንጫና ጋካናው ባዘ ቢታን ዴዲሰ።

2

ዩሱሳ ዩሌቴላ (ማቶ 1:18-25)

1 ሄ ዎዴ ሮሜ ቢታን ዴዲያ ኣሳ ኡባይ ታይቤታና ማላኔ ሱንሳይ ፃፊታና ማላ ካዎይ ኣወጊሰዎሲ ከቲሰ።
2 ሄሲካ ቁሪኖሲ ሶሬ ቢታ ኣይሲያ ዎዴ ኦሴቲዳ ኮይሮ ታይቡዎ። 3 ሄሳ ጊሾ፡ ኢሲ ኢሲ ኣሲ ባ ሱንሳ ፃፊታናው ባ ዩሌቴዳ ቢታ ቢሰ።
4 ዮሴፊካ ዳዊቲ ኬላፌኔ ያራፔ ጊዲዳ ጊሾ ጋሊላ ናዚሬቲ ካታማፔ ዴንዲዲ ዳዊቲ ካታማ ጊዲዳ ዩሁዳ ቤቴሌሜ ቢሰ። 5 ቢሼ፡ ዩላናው ዎዴይ ወሪዳ ኢ ኦይቸ ዎሊዳ፡ ማይራማራ ዎላ ፃፊታናው ቢሰ። 6 ኤንቲ ያን ዴዲሸን ኢው ዩሎ ዎዴይ ጋኪሰ። 7 ባ ባይራ ናባ ዩላሱ። ጨርቃራ ፃፃዳ ኢማላ ኣቂያሶን ቤሲ ቆዩዳ ጊሾ ዳራን ማሄ ሙዚያ ጎንጌን ዚንዲሳሱ።

ሄንሳንቸታኔ ኪታንቸታ

8 ሄ ጋዲያን ቃማ ዶርሳ ወዲያ ናጊሼ ካሬን ኣቂያ ሄንሳንቸቲ ዴሶና። 9 ጎዳ ኪታንቸይ ሃሳዮና ዩዲ ኤንታ ማታን ኤቂሰ። ጎዳ ቦንቹይ ኤንታ ዩሹዎን ፖሊሰ፤ ኤንቲካ ዎልቃማ ያሺ ያዩደሶና። 10 ሸን ኪታንቸይ፡ «ያዮፊቲ! ሄኮ፡ ኣሳ ኡባሰ ጊዲያ ጊታ ኡፋይሳ

ሚሸራቸዋ ኤካዳ ያሰ። 11 ሄሲካ፣ ዳዊቲ ካታማን ኣሸይሲ ሂንቴው ሃቺ ዩሌተሰ። ኢ ጎዳ ኪሪሰቶሳ። 12 ዘቃሌ ናዓይ ጩርቃራ ፃፃቲዲ ጎንጌን ዚንዒዳይሳ ሂንቴ ዳማና፤ ሄሲካ ሂንቴው ማለ ጊደ» ያገሰ።

13 ቆፖና ዳር ሳሎ ኪታንቸቲ ኪታንቸውራ ኢሲፊ ቆንጨዲ።

14 «ቦንቸይ ያሳሰ ጾቃ ሳሎዋን፡ ሳሮይ ቢታ ቦላ ያሳይ ደሲያ ኣሳሰ ጊደ» ያገዲ ጋላቲዶሶና።

15 ኪታንቸቲ ኤንታፊ ሻኬቲዲ ሳሎዋ ከዩዳፔ ጉዩ ሄንሳንቸቲ፡ «ኣኔ ጎዳይ ኮሰ ቆንጨሲዳባኔ ሃኒዳባ ቤዓናው ቤቴሌማ ቦሰ» ያገደሶና።

16 ኤንቲካ ኤሌሲዲ ቢደሶና። ማይራዎ፡ ዮሴፋኔ ዘቃሌ ናዓ ጎንጌን ዚንዒዳይሳ ቤዒደሶና። 17 ቤዒ ሰሚዲ ናዓባ ኤንታው ኦዴቶይሳ፡ ቆንጨሲዲ ሄ ቤሳን ዳዒያ ኣሳሰ ማርካቲደሶና። 18 ሄሳ ሲዒዳ ኡባይ ሄንሳንቸቲ ኦዲዳይሳን ማላሌቲደሶና። 19 ማይራማ ሃኒዳባ ኡባ ባ ዋዛናን ቆፓሼ ዳዒሱ። 20 ሄንሳንቸቲ ኤንታው ኦዴቲዳይሳዳ ሃኒን ቤዒደሶና። ሄሳ ገሾ፡ ባንታ ሲዒዳባሲኔ ቤዒዳባ ኡባሰ ያሳ ቦንቸሼኔ ጋላቲሼ ሰሚደሶና።

ዩሱሳ ያሳ ኬሊ ኤፊደሶና

21 ሆሰቸንሳ ቃማን፡ ቃፃር ዋዴይ ጋኪን፡ ኢ ቃንሳታናፔ ሲንሌ ኪታንቸይ ዋሊዳ ሱንሳን ዩሱሳ ጌቲቲሰ። 22 ሙሴ ዋጋ ማላ ኤንታ ጌሻቲሳ ዋዴይ ፖሌቲዳፔ ጉዩ ዮሴፋራኔ ማይራሚራ ዮጋ ናዓ ባንታ ጎዳሰ ኢማናው ዩራሳላማ ቢደሶና። 23 ሄሲካ፡ ጎዳ ዋጋን፡ «ኣዴ ጌዲዳ ባይራ ናዒ ኡባይ ጎዳሰ ዲማቲዳይሳ ጊደ» ጌቲቲዲ ያፊቲዳይሳ ፖላና። 24 ቃሲ ጎዳ ዋጋን፡ ናምቡ ኩራቸ ዋይኮ ሆሊ ያርሻናው ኤፊደሶና። 25 ሄ ዋዴ ጌሽኔ ኣማናራ ሚና ጊዲዳ ሰሞና ጌቲቲያ ኣሲ ዩራሳላማን ዳዒሰ። ኢ ኢሰራዔሌታ ኣቶቲሳ ናገሼ ዳዒሰ። ጌሻ ኣያናይካ ኢያ ቦላ ዳዒሰ። 26 ቃሲ ኪሪሰቶሳ ቤያና ሃይቆናይሳ ጌሻ ኣያናይ ኢያው ቆንጨሲን ኤሪዲ ዳዒሰ። 27 ኢ ሄ ጋላሰ ኣያናይ ካሌሊን ያሳ ኬሊ ቢሰ። ናዓ ኣዩራኔ ኣዋራ ዋጋ ፖላናው ዮጋ ናዓ ዩሱሳ ኤኪዲ ጌሊዳ ዋዴ 28 ሲሞኒ ሞኪ ኤኪዲ ናዓ ኢዲሚዲ።

29 «ጎዳው ኔ ታው ጌሊዳ ቃላ ማላ፡ ሃዒ ኔ ኣይሊያ ሳሮን ሞይዛ። 30 ታ ኣይፊይ ኣሳ ኡባ ሲንሳን ኔ ገሊሲዳ፡ 31 ኔ ኣሹዋ ቤዒሰ። 32 ሄሲካ ካዋቲሳታ ኡባሰ፡ ያሳ ኦጊያ ቆንጨሲያ ፖያ፡ ኔ ኣሳ ኢሰራዔሌሰካ ቦንቸ» ያገዲ ያሳ ጋላቲሰ።

33 ዮሴፋራኔ ማይራሚራ ኢያው ኦዴቲዳባን ማላሌቲደሶና። 34 ሲሞኒ ኤንታ ኣንጂሰ። ኣዩ ማይራሚኮ፡ «ሃኮ ዳር ኣሳ ዋዛና ቆፋይ ቆንጨና ማላ፡ ኢሰራዔሌን ዳዒያ ዳርታሰ ኤንታ ኩንዳሳሲኔ ዳንዲዋሰ ያሳን ደሬቲሰ። 35 ቃሲ ኤቁቴይሳታሰ ማላ ገደና። ኔ ሸምቸዋራካ ቃሲ ማሺ ኣቆና» ያገሰ። 36 ቃሲ ኣሴሬ ያራፔ ጊዲዳ ፋኑዔላ ናዒያ ሃና ጌቲቲያ ናቤይ ዳዒውሱ። ኢያ ዳር ጨማሱ፤ ኢያ ባ ኮይሮ ኣዚናራ

ላቸን ላይሊ ዳዒሱ። 37 ኢ ኣዚናይ ሃይቁን ሆሰቸን ታማኔ ኣይዲ ላይሊ ጊደና ጋካናው ቃማኔ ጋላሰ ፓጩይ ባይና ዋሳኒኔ ያማን ያሳ ኬላን ሃጋዛሱ። 38 ኢያ ሄ ሳቲያን ባዳ ያሳ ጋላታሱ፤ ዩራሳላማ ዋዜቲሳ ናገያ ኡባሰ ዮጋ ናዓባ ማርካታሱ። 39 ዮሴፋራኔ ማይራሚራ ጎዳ ሂንጊያን ኪቲቲዳ ዋጋ ኡባ ፖሊዳፔ ጉዩ ጋሊላ ቢታን ዳዒያ ባንታ ካታማ ናዚሬቲ ሲሚደሶና። 40 ናዓይ ዲጨሼኔ ሚኒሼ ቢሰ። ጨንጫቲሳን ኩሚሰ፤ ያሳ ኣጼ ከሃቲሳይ ኢያ ቦላ ዳዒሰ።

ዩሱሳ ያሳ ኬሊ ቢሰ

41 ዮሴፋራኔ ማይራሚራ ፋሲካ ባሌ ቦንቸናው ላይላን ላይላን ዩራሳላማ ቦሶና። 42 ዩሱሳሰ ታማኔ ናምቡ ላይሊ ጊዲያ ዋዴ ካሴ ሜዜቲዳይሳዳ ባሊያ ቦንቸናው ቢደሶና። 43 ባሊያ ቦንቸዳፔ ጉዩ ሶ ሲሚያ ዋዴ ናዓይ ዩሱሳ ዩራሳላማን ኣቲሰ። ሺን ዮሴፋራኔ ማይራሚራ ኢ ዩራሳላማን ኣቶይሳ ኤሪቦኮና። 44 ኢ ሶ ሲሚያ ኣሳራ ዋላ ዳዒያ ዳኒን ኤንቲ ኢሲ ጋላሳ ኦጌ ቢደሶና። ኢ ባይናይሳ ኤሪዳፔ ጉዩ ባንታ ደቦታኔ ላጌታ ማታን ኮዩደሶና። 45 ኢ ያን ቆዩን ኮዩሼ ጉዩ ዩራሳላማ ጋካናው ቢደሶና።

46 ሄሹ ጋላሳፔ ጉዩ ያሳ ኬላን ኣሰታማሬታ ጊደን ኡቲዲ ኤንታባ ሲዒሼኔ ኤንታ ኣይቸሼ ዳዒሺን ዳሚደሶና። 47 ኢያ ሲዒያ ኡባይ ኢያ ኣከካኒኔ ዛሩዋን ማላሌቲደሶና።

48 ሶ ኣሳይ ኢያ ዳሚዳ ዋዴ ማላሌቲደሶና። ኢያ ኣያካ፡ «ታ ናዓው፡ ኣይሰ ኦና ሃይሳዳ ኦላዲ? ኔ ኣዋራኔ ታራ ኔና ኮዩሼ ኣንዔቲዳ» ያጋሱ።

49 ዩሱሳ ኤንታኮ፡ «ታና ኣይሰ ኮዩቲ? ታ፡ ታ ኣዋ ኬላን ዳናው ቤሴይሳ ኤሬከቲ» ያገሰ። 50 ሺን ኢ ኤንታኮ ጊደባ ኤንቲ ኣከኪቦኮና።

51 ሄሳፊ ጉዩ፡ ኤንታራ ኢሲፊ ናዚሬቲ ካታማ ቢሰ። ኤንታው ኪቲቲሼ ዳዒሰ። ኢያ ኣያ ሄ ኡባ ባ ዋዛናን ዋላዳ ናጋሱ። 52 ዩሱሳ፡ ጨንጫቲሳን፡ ጌሳኒኔ ቲማን ያሳ ሲንሳኒኔ ኣሳ ሲንሳን ዲጨሰ።

3

ፃማቂያ ዮሃኒሳ ቲሚርቲያ

(ማቶ 3:1-12፤ ማር 1:1-8፤ ዮሃ 1:19-28)

1 ካዋይ ዓባርዮሲ ሮሜ ቢታን ካዋቲን፡ ታማኔ ኢቻሻንሎ ላይላን፡ ጳንፄ ጲላዮሲ ዪሁዳ ሃሪያ ዋዴ ሃርዲሲ ጋሊላ ሃሪያ ዋዴ ኢያ ኢሻ ፊልጶሲ ኢጮሪያሳኔ ዲራኮንደሳ ሃሪያ ዋዴ ለሳኒዮሲ ኣብላኒሳ ሃሪያ ዋዴ 2 ሃናራኔ ቃያፋራ ካሂኔ ሃላቃ ጊዲ ዳዒሺን፡ ያሳ ቃላይ ዛካሪያሳ ናዓ ዮሃኒሳኮ ባዘ ቢታ ዩሰ። 3 ዮሃኒሳ፡ «ሂንቴ ናጋራፔ ሲሚቲኔ ፃማቂቲቲ። ያሳይ ሂንቴ ናጋራ ኣቶ ጋና» ያገዲ ታማርሲሼ ዮርዳኖሴ ሻፋ ሄራን ዳዒያ ቢታ ኡባ ቢሰ። 4 ሄሲካ ናቤይ ኢሳያሲ ባ ማፃፋን፡ «ባዘ ጊደን ባ ቃላ ጾቁ ኦሊዲ፡ ዋሲያ ኡራ ቃላይ፡ ሳዳ ኦጊያ ገሊሰቲ፡ ሆርጋካ ፒዲ ኦሊቲ።

5 ኣፎ ኡባይ ኩማና፡ ዙማይኔ ዳሬይ ዘቂ ጋና። ዋቤ ኦጊይ ሉላና፡ ገሳና ሆርጋይ ቁንፃ ጋና።

6 አሾ ማዲያ ኡባይ፡

ገዲ ዓፊደላዳላ ሃኒሰ።
ገዲ ዓፊደላዳላ ሃኒሰ።

7 የሃኒሰ፡ ባ ኩሼን ፃማቁታናው ዪዳ አሳኮ፡ «ሃንቴኖ፡ ሸሻ ናይቶ ያናው ደዲያ ሃንቁዋፊ አታና ማላ ሃንቴና ዘሪዳይ ኦኔ? 8 ሃዛ፡ ሃንቴ ሲሙቀ ቆንጨሲያ ሎፖ ኦሶ ኦሊቴ፡ ሃንቴ ዋዛናን፡ ሉሰ፡ ኑ አዋይ አብራሃሜይ ደዲያ ገዲ ጨቁቶፊቴ።» ሃ ሲዲቴ፡ ሃ ሹቻታፔ ያሳይ አብራሃሜሰ ናዓ ከሳናው ደንዳዔስ። 9 ሃኮ፡ በዓይ ማላ ዓጳን ደዲያ። ሃዛ፡ ሎፖ አይፊ አይፎና ማላ ኡባይ ቃንጻቲዲ ታማን ዩጌታና» ያገሰ።

10 አሳይ፡ «ያቲን ኑኒ አይ ኦሊኖ?» ያገዲ አይቺደሶና።

11 የሃኒሰ ዛሪዲ፡ «ናምቡ አፊሊ ደዲያ አሲ ባይናይሳሰ አም። ካሊ ደዲያሲ ባይናይሳሰ አም» ያገሰ።

12 ቃሪፃ ቃንጻሴይሳቲ ፃማቁታናው ዪዳ፡ «አሰታማሪያው፡ ኑኒ አይ ኦሊኖ?» ያገደሶና።

13 ኢ ዛሪዲ፡ «ሃንቴ ቃንጻሳናው ከቲቶይሳፊ አሊዲ ኤኮፊቴ» ያገሰ። 14 ቃሲ ዋታዳሬቲ ዪዳ፡ «ኑኒ አይ ኦሊኖ» ያገዲ አይቺደሶና።

የሃኒሰ፡ «ኦሪባካ ዋላቃን ደፊዲ ኤኮፊቴ፡ ኦናካ ዋርደን ሞቶፔቴ፡ ሃንቴ ዳሞኬይ ሃንቴው ገደ፤ ኡፋይቲዲ ደዲቴ» ያገሰ።

15 አሳይ ከሪሰቶሳ ናገሼ ደዲያ ገሾ የሃኒሳ፡ «ኢ ከሪሰቶሳ ገደንዳሻ?» ገዲ ቆፐደሶና። 16 የሃኒሰ ኡባሰ ዛሪዲ፡ «ታኒ ሃንቴና ሃላን ፃማቃይሰ፡ ሺን ታፔ አጲዲ ዋላቃሜይሲ ያና። ታኒ ኢያ ጫማ ዋደራዋ ቢላናው በሶና አሲ። ኢ ሃንቴና ጌሻ አያናኒኔ ታማን ፃማቃና። 17 ወደማን ደዲያ ካላ ፖሎ ጌሻናው ፐሌይ ኢያ ኩሼን ደዲያ። ጌሻ ካላ ባ ሻሊያን ቆላና፤ ካሊያ ቆየና ታማን ፀጋና» ያገሰ።

18 ቃሲ የሃኒሰ አሳ ደር ዘሪ ዘሪዲ ዋንጌላ * አዲሰ።

19 ሺን የሃኒሰ ሄርዲሲ ባ አሻ ማቺው፡ ሄርዲያዳ፡ ኤኪዳ ገሾኔ ሃራ ኢታ ኦሶታ ገሾ ካጪዳ ዋዴ

20 ሄርዲሲ ካሴይሳ ቦላ ሃራባ ኡባ ጉጂዲ የሃኒሳ ዋይኔ ጌልሲ።

ዩሱሳ ፃማቁቲላ
(ማቶ 1:1-17፤ 3:13-17፤ ማር 1:9-11)

21 የሃኒሰ ቃሼታናፔ ሲንሌ አሳ ኡባ ፃማቁዲ ሲሚን፡ ዩሱሳካ ቃሲ ፃማቁቲሰ። ኢ ዋሲሺን ሳሎይ ደዩቲሰ። 22 ጌሻ አያናይ ሆሎዳ በንቴሼ ኢያ ቦላ ኡቲሰ። ሳሎፔ «ታኒ ደሲያ ናዓይ ኔና፤ ኔ ታና ኡፋይሳሳ ያገያ» ቃላይ ዪሰ።

23 ዩሱሳ ታማርሶ አይኪያ ዋዴ ኢያው ሃሰታሙ ላይሊ ገዲሺን፡ አሳይ ኢያ የሱፋ ናዓ ገዲ ቆፐሰ። የሱፊ ኤሌ ናዓ፡ 24 ኤሌይ ማቲ ናዓ፡ ማቲይ ሌዌ ናዓ፡ ሌዌይ ማልካ ናዓ፡ ማልኬይ የና ናዓ፡ የኒ የሱፋ ናዓ፡ 25 የሱፊ ማታቴ ናዓ፡ ማታቴይ አሞፃ ናዓ፡ አሞፃይ ናሆሜ ናዓ፡ ናሆሜይ አሲሊሜ ናዓ፡

አሲሊሜይ ናጌ ናዓ፡ 26 ናጌይ ማዓቲ ናዓ፡ ማዓቲይ ማታቴይ ናዓ፡ ማታቴይ ሳማዬ ናዓ፡ 27 ሳማዬይ ዪሁዳ ናዓ፡ ዪሁዲ የናኔ ናዓ፡ የናኔይ ራሴ ናዓ፡

ራሴይ ዜሩባቤላ ናዓ፡ ዜሩባቤላይ ሳላቲያሌ ናዓ፡ ሳላቲያሌይ ኔሬ ናዓ፡ 28 ኔሬይ ማልካ ናዓ፡ ማልኬይ ሃዴ ናዓ፡ ሃዴይ ቆሳሜ ናዓ፡ ቆሳሜይ ኤልሞዳኔ ናዓ፡ ኤልሞዳኔይ ኤሬ ናዓ፡ 29 ኤሬይ የሱዔ ናዓ፡ የሱዔይ አላዛሪ ናዓ፡ አላዛሪ የራሜ ናዓ፡ የራሜይ ማቲ ናዓ፡ ማቲይ ሌዌ ናዓ፡ 30 ሌዌይ ሲሞና ናዓ፡ ሲሞኒ ዪሁዳ ናዓ፡ ዪሁዲ የሱፋ ናዓ፡ የሱፊ የናኔ ናዓ፡ የናኔይ ኤሊያቁሜ ናዓ፡ 31 ኤሊያቁሜይ ማሊዬ ናዓ፡ ማሊዬይ ማይናኔ ናዓ፡ ማይናኔይ ማቲ ናዓ፡ ማቲይ ናታኔ ናዓ፡ ናታኔይ ዳዊቲ ናዓ፡ 32 ዳዊቲይ ኢሴዬ ናዓ፡ ኢሴዬይ ኢየሱዳ ናዓ፡ ኢየሱዳይ ቦዔዛ ናዓ፡ ቦዔዛ ሳልሞና ናዓ፡ ሳልሞኔይ ናዓሶና ናዓ፡ 33 ናዓሶኔይ አሚናዳቤ ናዓ፡ አሚናዳቤይ ራሜ ናዓ፡ ራሜይ አርኔ ናዓ፡

አርኔይ አሰርሜ ናዓ፡ 34 አሰርሜይ ፋሬሴ ናዓ፡ ፋሬሴይ ዪሁዳ ናዓ፡ ዪሁዲ ያይቆባ ናዓ፡ ያይቆቢ ዪሳቃ ናዓ፡ ዪሳቁ አብራሃሜ ናዓ፡ አብራሃሜይ ታራ ናዓ፡ 35 ታሪ ናኮሬ ናዓ፡ ናኮሬይ ሳሩጌ ናዓ፡ ሳሩጌይ ሬሁ ናዓ፡ ሬሁይ ፋሌቁ ናዓ፡ ፋሌቁይ ኤቤራ ናዓ፡ ኤቤርይ ሴላ ናዓ፡ 36 ሴሊ ቃይናሜ ናዓ፡ ቃይናሜይ አርፋኪሳዳ ናዓ፡ አርፋኪሳዳይ ሴሜ ናዓ፡ ሴሜይ ኖሃ ናዓ፡ ኖሃይ ላሜሃ ናዓ፡ 37 ላሜሃይ ማቲሳላ ናዓ፡ ማቲሳሊ ሄናኬ ናዓ፡ ሄናኬይ ያሬዴ ናዓ፡ ያሬዴይ ማላልዔላ ናዓ፡ ማላልዔሊ ቃይናኔ ናዓ፡ 38 ቃይናኔይ ሄናሳ ናዓ፡ ሄናሴይ ሴታ ናዓ፡ ሴቲይ አዳሜ ናዓ፡ አዳሜይ ያሳ ናዓ።

4

ዩሱሳ ፓጩቲሰ
(ማቶ 4:1-11፤ ማር 1:12-13)

1 ዩሱሳ ጌሻ አያናን ኩሚዲ የርዳኖሴ ሻፋፔ ሲሚዳ ማላ አያናይ ኢያ ባዘ ኤፊሰ። 2 ያን ኦይታሙ ጋላሲኔ ቃማ ፃላሄን ፓጩቲሰ። ሄ ጋላሳታን አይኮካ ሞና ጋምዲ ገሾ ወርሴላን ኮሻቲሰ።

3 ፃላሄይ ኢያኮ፡ «ኔኒ ያሳ ናዓ ገዲኮ ኦኔ ሃይሲ ሹቻይ ኡይሉ ገደ ጋዳ ኪታ» ያገሰ።

4 ዩሱሳ ዛሪዲ፡ «አሲ ኡይላ ፃላላን ዳና ጌቲቲዲ ፃፊቲሰ» ያገሰ።

5 ሄሳፊ ጉዬ፡ ፃላሄይ ዩሱሳ አዳሳ ዳሬ ቦላ ከሲዲ ሃ አላሚያ ካዋቲላታ አይፊ ቁጲ ዛራናው በሲሰ።

6 ፃላሄይ፡ «ሃ ኡባሰ ማታይኔ ቦንቾይ ታው አሚቲሰ። ታኒ ደሲዳ ኦዳሰካ አሚያ ገሾ ኔው አሚና። 7 ሄሳ ገሾ፡ ኔኒ ታው ጎይኒኮ ኡባይ ኔው ገዳና» ያገሰ።

8 ዩሱሳ ዛሪዲ፡ «ኔ ጎዳ፡ ኔ ያሳ፡ ኢያ ፃላላ ጎይና ጌቲቲዲ ፃፊቲሰ» ያገሰ።

3:7 ማቶ 12:34፤ 23:33 3:8 የሃ 8:33 3:9 ማቶ 7:19 3:12 ሉቃ 7:29 * 3:18 ዋንጌላ፡ ገሪኬ ደናን ዋንጌላ ገያ ቃላይ ዳር ኡፋይሲያ ኦዳ ዋይኮ ሚሺራቾ ጉሱ። ሄ ሚሺራቾይካ ከሪሰቶሲ አሳ ዜሬላ ኡባ ሜሪና ፐርዳሬ አሻናው ከቲቲዲ ዪዳ ጌታ ኡፋይሳ (ሉቃ 1:19፤ 2:10)። 3:19 ማቶ 14:3-4፤ ማር 6:17-18 3:22 ሜዴ 22:2፤ ማዘ 2:7፤ ኢሳ 42:1፤ ማቶ 3:17፤ ማር 1:11፤ ሉቃ 9:35 4:4 ዛሬ 8:3 4:8 ዛሬ 6:13

5 ሲሞኒ ዛሪዲ፡ «አስታማሪያው፡ ቃማ ኩሜላ ዳቡሪሽ አቂዲ አይኮካ ኦይኪቦኮ፡ ሺን ኔ ገኮ ጊቲያ ይገና» ያገለገለ።

6 እንቲ ጊቲያ ይገዳ ዎዴ ጊቲይ ዳኬታና ጋካናው ዳሮ ሞሎ ኦይኪደሶና። 7 ሃራ ዎጎሎዎን ዳዲያ ባንታ ለጌቲ ዪዲ፡ ባንታና ማዳና ማላ ወቲዲ ያገደሶና። እንቲ ዪዲ ናምዑ ዎጎሎታ፡ ሃላን ማቴታና ጋካናው ሞሎን ኩንሊደሶና።

8 ሲሞን ጳዊሮሲ ሄሳ ቤዲዳ ዎዴ ዩሱሳ ሲንላን ኩንዲዲ፡ «ጎዳው፡ ታጊ ናጋራንቸ አሲ ገዲያ ገሾ ታፔ ሻኬታ» ያገለገለ። 9 ሄሳ ኢ ገዳይ ኢኔ ኢያራ ዳዴይሳቲ ኦይኪዳ ሞሎዎ ዳሮቴላን ማላሌቲዳ ገሾሳ። 10 ቃሲ ሲሞና ላጌ ገዲዳ ዛብዲዮሳ ናይቲ ያይቆባራኔ ዮሃንሳራ ማላሌቲደሶና። ዩሱሲ ሲሞና፡ «ባቦፋ! ሃዘፔ ኔጊ አሴ ኦይኪያ አሲ ገዳና» ያገለገለ። 11 እንቲ ዎጎሎታ ጋፃ ሺሺዳፔ ጉዬ ኡባ አገዲ ዩሱሳ ካሊደሶና።

ዩሱሲ ባሮ ሃርጋንቸዎ ፓሊስ
(ማቶ 8:1-4፤ ማር 1:40-45)

12 ዩሱሲ ካታማታፔ ኢሱዎን ዳዲሺን ኢሲ ባሮ ሃርጋን * ኦይኬቲዳ አሲ ሄ ካታማን ዳዴስ። ሄ ኡራይ ዩሱሳ ቤዲዲ ኢያ ሲንላን ጉፋኒዲ፡ «ጎዳው፡ ኔ ሺኔ ገዲኮ ታና ጌሻናው ዳንዳዓሳ» ገዲ ዎሲስ።

13 ዩሱሲ ባ ኩሺያ ዩዲ ቦቹዲ፡ «ኤ፡ ታ ሸኔ፤ ጌያ» ያገለገለ። ኢራ ባሮ ሃርጌይ ኡራፔ ከቸሰ።

14 ዩሱሲ፡ «ሃይሳ ኦዳስካ ኦደፓ፡ ሺን ባዳ ኔናቴላ አይሁዳ ካሂንያ ቤሳ። ኔ ጌዩዳይሳስ ማርካ ገዳና ማላ ሙሴይ ከቲዳ ያርሹዎ ያርሻ» ገዲ ከቲሰ።

15 ገደሺን፡ ኢያ ሱንላይ ካሴፔ ኦዲዲ ዳልገሹ ቢስ። ዳሮ አሳይ ኢ ኦዲያሳ ሲዓናዉኔ ባንታ ሃርጌያፊ ፓፃናው ዮሶና። 16 ሺን ዩሱሲ ዳሮ ዎዴ ጌማ ቤሲ ቢዲ ዎሴስ።

ዩሱሲ ጉንዳ ፓሊስ
(ማቶ 9:1-8፤ ማር 2:1-12)

17 ኢሲ ጋላስ ዩሱሲ ታማርሲሺን ጋሊላፔኔ ዪሁዳ ሄራ ኡባፊ ቃሲ ዩራሳሳማፔካ ዪዳ ፋሪሳዊቲኔ ሂጌ አስታማራቲ ያን ኡቲደሶና። አሳ ፓሊያ ጎዳ ዎላቃይካ ኢያራ ዳዴስ። 18 ሄ ዎዴ አሳይ ኢሲ ጉንዳ አሲ ሃላራ ቶኪዲ ኤሂደሶና። ሶ ጌልሲዲ ኢያ ሲንላን ዎላናው ቆፒደሶና። 19 ሺን አሳ ዳሮቴላፊ ዳንደይሳን ሶ ጌልሳናው ያኔቲዲ ኬላ ቦላ ከዩዲ፡ ካራ ቃወጫዲ፡ ሃርጋንቸዎ ሃላራ አሳ ሻኪዲ ዩሱሳ ሲንላን ይገደሶና።

20 ዩሱሲ እንታ አማኑዎ ቤዲዲ፡ «ላ አዲያው፡ ኔ ናጋራይ ቁሼቲስ» ያገለገለ።

21 ሂጌ አስታማራቲኔ ፋሪሳዊቲ፡ «ሃይሲ ያሳ ቦላ ያገዲ ኦዴቲይ ኦኔ? ኢሲ ያሳፊ አቲን ሃሪ ናጋራ ቁቻናው ዳንዳዔይ ኦኔ?» ያገዲ ቆፒደሶና።

22 ዩሱሲ እንታ ቆፋ ኤሪዳ ገሾ እንታኮ፡ «ሂንቲ ዎዛናን ሄሳላ አይስ ቆፔቲ? 23 «ኔ ናጋራይ ቁሼቲስ ጌይሳፊኔ ዳንዳዳ ባ ጌይሳፊ አዉሲ ካወዩ?» 24 ሺን ታ ሄሳ ገዳይ አሳ ናዓይ ሳዓ ቦላ ናጋራ ቁቻናው ማቲ ዳዴይሳ ሂንቲ ኤራና ማላሳ።» ሄሳፊ ካሊዲ፡ ጉንዳ ኡራኮ፡ «ዳንዳ፤ ኔ አልጋ ቶካዳ ኔ ሶ ባ» ያገለገለ። 25 ኢ

ኤሌሲ ዳንዲዲ እንታ ሲንላን ኤቂስ፤ ኢ ቶኬቲዲ ዪዳ አልጋ ቶኪዲ ያሳ ጋላቲሼ ባ ሶ ቢስ። 26 ሄ ዎዴ ኡባይካ ማላሌቲደሶና። ያሳ ጋላቲሼ፡ «ሃቸ ገታ ማላታ ቤዲዳ» ያገዲ ያሼቲደሶና።

ዩሱሲ ሌዌ ያገለገለ
(ማቶ 9:9-13፤ ማር 2:13-17)

27 ሄሳፊ ጉዬ፡ ዩሱሲ ያፔ ከዩዲ ቢስ። ሌዌ ጌቲቲያ ኢሲ ቃራፃ ቃንዲሴይሲ ቃራፃ ቃንዲሴያ ቤሳን ኡቲዳይሳ ቤዲዲ፡ «ታና ካላ» ያገለገለ። 28 ኢ ኡባባ አገ ዳንዲዲ ኢያ ካሊስ።

29 ሄ ሌዌይ ባ ሶን ገታ ገቢራ ገገሲስ። ዳሮ ቃራፃ ቃንዲሴይሳቲኔ ሃራ አሳቲ ካላ ማናው ኡቲደሶና። 30 ፋሪሳዊቲኔ ሂጌ አስታማራቲ፡ «ቃራፃ ቃንዲሴይሳቲኔ ናጋራንቸታራ አይስ ማቴኔ ኡዬቲ?» ያገዲ ዩሱሳ ታማራታ ቦላ ዙዙሚደሶና።

31 ዩሱሲ እንታኮ፡ «ሃርጋንቸታሳፊ አቲን ፓፃታስ አኪማ ኮሼና። 32 ታጊ ናጋራንቸታ ማርታኮ ዛራናሳፊ አቲን ጌሻታ ያጋናው ያቢኬ» ያገዲ ዛሪስ።

33 እንቲ ዩሱሳኮ፡ «ዮሃንሳ ታማራቲ ዳሮ ዎዴ ያሞሶና፡ ዎሶሶና፤ ቃሲ ፋሪሳዊታ ታማራቲካ ሄሳላ ኦሶና። ሺን ኔይሳቲ ኡባ ዎዴ ዎሶናኔ ኡዮሶና» ያገደሶና።

34 ዩሱሲ እንታኮ፡ «ሙሹራይ እንታራ ዳዲሺን ያጌቲዳ አሳይ ያማና ማላ ኦላናው ዳንዳዔቲ? 35 ሺን ሙሹራይ እንታፊ ሻኬታና ጋላሳይ ያና፡ ሄ ዎዴ እንቲ ያማና።»

36 ቃሲ ያገዲ ሌሚሶ ኦዲስ፤ «ኦራላ ማፖፔ ፔዲዲ ጋልዓ ማፖ ቦላ ሲኬይ ኦኒካ ባዎ። ሄሳላ ኦሊኮ ኦራላ ማፖ ፔዲስ፡ ኦራላይ ጋልዓስ ገጌና። 37 ማልዓንቶ ዎይኒያ ጋልዓ ኦጎርን ቆሊያ ኦኒካ ባዎ። ሄሳ ኦሊኮ፡ ኦራላ ዎይኔይ ጋልዓ ኦጎርዎ ቆሊስ፤ ዎይኔይ ጉኬስ ኦጎርይካ ማደናባ ገዴስ። 38 ሄሳ ገሾ፡ ኦራላ ዎይኔይ ኦራላ ኦጎርን ቆሊታናው ቤሴስ። 39 ሂዛ፡ ጫላይ ሎዎ ገያ ገሾ ጫላ ዎይኔ ኡዩ ሲሚዲ ማልዓንቶ ኮዬይ ኦኒካ ባዎ» ያገለገለ።

6

ዩሱሲ ሳምባታ ባይሼቲስ
(ማቶ 12:1-8፤ ማር 2:23-28)

1 ኢሲ ሳምባታ ጋላስ ዩሱሲ ገሰቲ ጋዴ ገደራ አዴስ። ዩሱሳ ታማራቲ ቲያ ባንጋ ዱሊዲ ባንታ ኩሼን ሸርኪዲ ሞሶና። 2 ሺን ፋሪሳዊታ ገደፊ ኢሶቲ ኢሶቲ፡ «ሳምባታ ጋላስ ኦላናው ቤሶናባ አይስ ኦሊቲ?» ያገደሶና።

3 ዩሱሲ እንታኮ ዛሪዲ፡ «ዳዊቲይ ኮሻቲዳ ዎዴ ባራ ዳዴይሳቲ ኢሲፊ ኦላይሳ ናባቢቤኬቲ? 4 ያሳ ኬሊ ጌሊዲ አይሁዳ ካሂኔታ ፃላላስ ቤሲያ ዳቡዎ ሚስ፤ ባራ ዳዴይሳታስካ አሚስ» ያገለገለ። 5 ቃሲ ዩሱሲ፡ «አሳ ናዓይ ሳምባታ ጎዳ» ያገለገለ።

6 ሃራ ሳምባታ ጋላስ ዩሱሲ አይሁዳ ዎሳ ኬሊ ጌሊዲ ታማርሴስ። ሄ ቤሳን ኡሻቻ ኩሼይ ጉንዲዳ ኢሲ አሲ ዳዴስ። 7 ሂጌ አስታማራቲኔ ፋሪሳዊቲ ኢያ ሞታናው ጋሶ ኮዩዲ ሳምባታ ጋላስ ፓሊኮ ቤዓና ገዲ ናሳሶና። 8 ሺን ዩሱሲ እንታ ቆፋ ኤሪዲ ኩሼይ ጉንዲዳ

* 5:12 ባሮ ሃርጌ፡ ባሮ ሃርጌይ አሳ ጋልባ ቦላ ኬያ ሃርጌ። ኢሰራዬሌ ቢታን ባሮ ሃርጋንቸቲ ሃራ አሳፔ ዳማቲዲ ዳፖሶናፔ አቲን አሳራ ጋሂቶኮና።
5:14 ሌዌ 14:1-32 5:30 ሉቃ 15:1-2 6:1 ዛሬ 23:25 6:3 1ሳሙ 21:1-6 6:4 ሌዌ 24:9

ኡራኮ፡ «ዳንዳዳ አሳ ገደብን ከቃ» ያገለገሉ። ኡራይካ ዳንዳ ከቀሰ።

9 ዩሱስ፡ «እኔ ታ ሂንቴና ኢሲባ ኦይቻይስ፤ ሳምባታ ጋላስ ኦላፍው ቤሴይ ሎዎባዬዬ ኢታባዬ? ሽምፖ ኦሽዬ ወይኮ ጳይሶ?» ያገለገሉ።

10 ቃሲ ዩሱስ ኢያ ዩሹዋን ዳዒያ አሳ ዩሺ ያሊዲ ኡራኮ፡ «ኔ ኩሺያ ፒዲ ኦላ» ያገለገሉ። ኡራይካ ኢ ገደባዳ ኦሊን ኩሺይ ፓዲስ። 11 ሺን ሂጌ አስታማሬቴኔ ፋሪሳዊቲ ዳሮ ዩሎቲዶሶና። ዩሱሳ ቦላ አይ ኦሊፍ ገዲ ባንታ ገደን ማቄቲዶሶና።

ዩሱሱ ታማኔ ናምቡ ሃዋሬታ ዶሪስ
(ማቶ 10:1-4፤ ማር 3:13-19)

12 ሄ ወደ ጋላሳታፔ ኢሱዋን ዩሱሱ ዋሳናው ዳሪያ ቦላ ከዩሱስ። ቃማ ኩሜላ ያሳ ዋሲሽ አቀሰ። 13 ዋንቴሌ ባ ታማሬታ ያገደ ኤንታ ገደፌ ታማኔ ናምባታ ዶሪዲ፡ ኤንታና፡ «ሃዋሬታ» ገዲ ሱንሊስ። 14 ኤንቲካ፡ ጳይሮሳ ገዲ ሱንሊዳ ሲሞና፡ ኢያ አሻ ኢንዲሪያሳ፡ ያይቆባ፡ ዮሃንሳ፡ ፊልጶሳ፡ ባርቶሎሚዮሳ፡ 15 ማቶሳ፡ ቶማሳ፡ ኢልፊዮሳ ናዓ ያይቆባ፡ ባ ቢታስ ሚሽቲያ ሲሞና፡ 16 ያይቆባ ናዓ ዩሁዳኔ ዩሱሳ አሊ ኢሚዳ አስቆርታ ዩሁዳ።

17 ዩሱሱ ኤንታራ ኢሲፌ ዳሪያፔ ወዲዲ ዳንባ ቤሳን ከቀሰ። ኢያ ታማሬታፔ ዳርቲ ሄ ቤሳን ዳዎሶና ዩሁዳ ቢታ ኡባፌ ዩሩሳላሚፔ፡ ያሮሳፔኔ ሲደና አባ ጋፀፔ ዩዳ ዳሮ አሳይ ዳዔስ። 18 ኤንቲ ዩዳይ ኢ ታማርሲያባ ሲዳናውኔ ባንታ ሃርጊያፌ ፓዳና። ቱና ኢያናን ዋይቲያ አሳቲካ ፓዲዶሶና። 19 ዋልቃይ ኢያፔ ከዩዲ አሳ ኡባ ፓሊያ ገሾ አሳይ ኢያ ቦቻናው ኮዮሶና።

20 ባ ታማሬታኮ ያሊዲ ሃይሳዳ ያገለገሉ፡ «ሂንቴና፡ ማንቆቶ፡ ሂንቴ ኢንጃቲዳይሳታ፤ ያሳ ካዋቴሳይ ሂንቴሳ።

21 ሂንቴ ሃዒ ኮሻቲይሳቲ ኢንጃቲዳይሳታ፡ ሂንቴ ካላና።

ሂንቴ ሃዒ ዩኬይሳቲ ኢንጃቲዳይሳታ ሂንቴ ማጫና።

22 አሳይ ሂንቴና አሳ ናዓ ገሾ ኢዲያ ወደ ሂንቴና ሂሊያ ወደ ሂንቴና ኤንቲ ቶቺያ ወደኔ፡ ኢታ ሱንሊ ኤንቲ ሂንቴው ኢሚያ ወደ ሂንቴ ኢንጃቲዳይሳታ።

23 «ሄኮ፡ ሂንቴ ወይቶይ ሳሎን ገታ ገዲያ ገሾ ሄ ወደ ኡፋይሳን ጉፒቴ። አይስ ገኮ፡ ቤኒ ኤንታ አዋቲ ናቤታ ቦላ ሃሳዳ ኦሊዶሶና።»

24 «ሺን ዱሪቶ ሂንቴና አይ፤ ሂንቴ ሃዒ ሎዎ ዱሳ ኤኪዳታ።

25 ሃዒ ካሊዳይሳቶ ሂንቴና አይ፤ ሂንቴ ኮሻታና።

ሃዒ ሚጩይሳቶ ሂንቴናሾ ሂንቴ ካዮታናኔ ዩካና።

26 አሲ ኡባይ ሂንቴ ሎዎቴላ ያላላ ኦዲያ ወደ ሂንቴና አይ።

ኤንታ አዋቲ ቤኒ ዋርዳንቾ ናቤታ ቦላ ሃሳዳ ኦሊዶሶና።

ሂንቴ ሞርኬታ ሰቂቲ
(ማቶ 5:38-48፤ 7:12)

27 «ሺን ታና ሲዒያ ሂንቴስ ታ ኦዳይስ፤ ሂንቴ ሞርኬታ ሰቂቲ፤ ሂንቴና ኢዳይሳታስ ሎዎባ ኦሊቴ።

28 ሂንቴና ቃንጌይሳታ ኢንጃቲ፡ ሂንቴና ናቄይሳታስ ዋሲቴ። 29 ኢሲ ባጋ ሻካላ ባቄይሳስ ሃንኮ ባጋካ ቤሳ። ኔ ላዮና ኤካና ጌይሳስ ኔ ሻሚዚያካ ጉጃዳ ኢማ። 30 ኔና ዋሲያ ኡባስ ኢማ፤ ኔፔ ኤኪዳ ኦናካ ዛሮ ጋዳ ኦይቾፋ። 31 አሳይ ሂንቴው ኦላና ሜላ ሂንቴ ኮያባ ኡባ ሂንቴካ አሳስ ኦሊቴ።

32 «ሂንቴ ሂንቴና ዶሲያ አሳታ ያላላ ዶሲኮ፡ አይ ጋላቲ ሂንቴው ዳዒ? ሃሪ አቶሺን፡ ናጋራንቾቲካ ባንታና ሲቄይሳታ ሲቆሶና። 33 ሂንቴው ሎዎባ ኦሊይሳታ ያላላስ ሎዎባ ኦሊኮ ሂንቴው አይ ጋላቲ ዳዒ? ናጋራንቾቲካ ሃሳዳ አሎሶና። 34 ታልዔ ዛራና አሳ ያላላስ ሂንቴ ታልዒኮ አይ ዳማ ጋላቲቴቲ? ናጋራንቾቲካ ጉዬ ዛራና አሲ ቤዒዲ ታልዎሶና።»

ሃራታ ቦላ ፐርዶፊቲ

35 «ሺን ሂንቴ ሞርኬታ ሰቂቲ፤ ኤንታው ሎዎባ ኦሊቴ። ጉዬ ኤካናው ቆፖና ታልዒቴ። ሃሳን ሂንቴ ኤካና ወይቶይ ገታ ገደና። ሂንቴ ኡባፌ ቦላ ያሳ ናይታ ገደና። ኢ ባና ጋላቶናይሳታሲኔ ኢታታስ ኬሃ። 36 ሂንቴ አዋይ ኬሃ ገደይሳዳ ሂንቴካ ኬሃ ገዲቴ።

37 «አሳ ቦላ ፐርዶፊቲ፤ ሂንቴ ቦላ ፐርዶፊቲና። ሂንቴ ቦሪቶና ሜላ ኦናካ ቦሮፒቴ። አቶ ገቲ፤ ያሳይ ሂንቴው አቶ ጋና። 38 ኢሚቴ፤ ሂንቴው ኢሚታና። ሂንቴ ማኪዳባን ሂንቴው ዛሪ ማኬታና፡ ኡባራካ ሎዎ ማኪያባን ባቄዲ፡ ሱዲ ኩንሊዲ፡ ላሊታና ጋካናው ሂንቴው ማኬቲ ኢሚታና» ያገለገሉ።

39 ቃሲካ ዩሱሱ ያገደ ኤንታው ለሚሶ ኦዲስ፤ «ቆቄይ ቆቄ ካሌላናው ዳንዳዒ? ካሌሊኮ ናምባይካ ዋሊ ኤኪዲ አፎን ዉሎኮናዬ? 40 ታማሬይ አስታማሬፔ አዴና። ሺን ሎይሊ ታማሪዳ ኡራይ ባ አስታማሪያላ ሃኔስ።

41 «ኔ አሻ አይፊያን ዳዒያ ቡሪያ አይስ ቤዓይ? ኔ አይፊያን ዳዒያ ቱሲ ዳኔይሳ አይስ ቤዒኪ? 42 ኔ አይፊያን ዳዒያ ቱሲ ዳኔይሳ ቤዎና ኔ አሻኮ፡ ታ አሻው ኔ አይፊያን ዳዒያ ቡሪያ ኬሶ ጋናው ዋና ዳንዳዒይ? ኔና ጩቡዋው፡ ኮይርታዳ ኔ አይፊያን ዳዒያ ቱሲ ዳኔይሳ ኬሳ። ሃሳፌ ጉዬ፡ ኔ አሻ አይፊያን ዳዒያ ቡሪያ ኬሳናው ጌሻዳ ያላና።

ሚላኔ ኢያ አይፊያ

43 «ሎዎ ሚሊ ኢታ አይፌ አይፌና፤ ሃሳዳካ ኢታ ሚሊ ሎዎ አይፌ አይፌና። 44 አይፌ አይፊያ ሚሊ ኡባይ ባ አይፊያን ኤሬቴስ። አጉንሳፌ ባላሴ ሚላ አይፌይ ማፄቴና ቃሲ ላዴፔ ወይኔ አይፌይ ማፄቴና። 45 ሎዎ አሲ ባ ዋዛናን ኩሚዳ ሎዎባፔ ሎዎባ ኬሴስ። ኢታ አሲ ባ ዋዛናን ኩሚዳ ኢታባፔ ኢታባ ኬሴስ። አሲ ባ ዋዛናን ኩሚዳ ፓላሂዳባፔ ባ ዶናን ሃሳዬስ።

ኬሌ ኬዲያ ናምቡ አሳታ
(ማቶ 7:24-27)

46 «ታ ጌይሳ ኦሊኬታ፡ ሺን ያቲን አይስ ታና፡ ሳዳው፡ ሳዳው፡ ጌቲ?» 47 ታኮ ዩይኔ ታ ቃላ ሲዒዲ

ፖሊያ ኡባይ ኦና ዳኒያኮ ታ ሂንቴና ቤሳና። 48 ኢ ኬሌ ከፃናው ዘቁ ኦሊ፣ ኦላ ቦኪዲ፣ ጋርሳን ዳዊያ ዛላ ቦላ ኬላ ኤሲዳ ጨንጫ ኡራ ዳኔስ። ዲያይ ዲዲዲ ሄ ኬላ ሱጊስ፣ ሺን ሚንሉዲ ከፊዳ ጊሾ ቃፃናው ዳንዳዲቤና። 49 ሺን ታ ቃላ ሲዲዲ ኦላናይ ባ ኬላ ሻፌ ቢታ ቦላ ከፊዳ ኡራ ዳኔስ። ዲያይ ዲዲዲ ሄ ኬላ ሱጊዳ ዋዴ ኤሌሲዲ ኩንዲስ። ሄ ኬላይ ዋልቃማ ኩንዴላ ኩንዲስ» ያገለገሉ።

7

ማቶ ሃላቃ አማኑዋ
(ማቶ 8:5-13፤ ዮሃ 4:43-54)

1 ዩሱሲ ሄሳ ኡባ ኦሳ ሲንሳን ታማርሲዲ ኦንጊዳፕ ጉዬ፣ ቁፈርናሆሜ ካታማ ቢስ። 2 ሄ ቤሳን ኢሲ ማቶ ሃላቃይ ዳዴስ። ኢ ዳሮ ደሲያ ኣይሌይ ሃርጌተዲ ሃይቆስ ጋኪስ። 3 ኢ ዩሱሳባ ሲዲዳ ዋዴ ባ ኣይሊያ ፓላና ሜላ ኢያ ዋሶ ጊዲ ኢሲ ኢሲ ኣይሁዴ ጨማታ ዩሱሳኮ ከተስ። 4 ከተተዳይሳተ፣ ዩሱሳኮ ቢዲ፣ «ኔ ኢያው ሃይሳ ኦላናው ቤሴስ። 5 ኣይስ ጊኮ፣ ሃ ኡራይ ኦ ኣሳ ደሴስ፣ ኣይሁዴ ዋሳ ኬላካ ከፊስ» ጊዲ ሚንሉ ዋሲደሶና 6 ዩሱሲካ ኢንታራ ቢስ።

ማቶ ሃላቃ ሶኮ ማጉያ ዋዴ ባ ላጌታ ኢያኮ ከተዲ፣ «ጎዳው፣ ታ ካራፔ ጋርሳን ኔ ጌላናው ታ ቤሶና ጊሾ ዳቡርፓ። 7 ታካ ታና ኔ ሲንሌ ሺቃናው ቤሲያ ኣሲ ጋዳ ቆፒኬ። ሺን ኔ ኢሲ ቃላ ኦዳ፤ ታ ኣይሌይ ፓፃና። 8 ታው ታፔ ቦላራ ሃላቃይ ዳዴስ፣ ታፔ ጋርሳን ታ ከተያ ዋታዳሬተ ዳደሶና። ኢሱዋ፣ «ባ፣ ጊኮ ቤስ፣ ሃንኩዋ፣ «ሃያ፣ ጊኮ ዩስ። ታ ኣይሊያኮ፣ «ሃኖ ኦላ» ጊኮ ኦሌስ» ያገለገሉ።

9 ዩሱሲ ሄሳ ሲዲዳ ዋዴ ማላሌተስ። ጉዬ ሲሚዲ ባራ ያ ኣሳኮ፣ «ታኒ ሂንቴው ቱማ ኦዳይስ፤ ሃሪ ኣቶሺን ኢስራዴሊንካ ሃይሳ ሜላ ጊታ ኣማና ዳማቢኬ» ያገለገሉ። 10 ከተተዳይሳተ ሶ ሲሚያ ዋዴ ኣይሌይ ፓፃን ዳሚደሶና።

አምዒ ናዓ

11 ጉላ ዋዴፕ ጉዬ ዩሱሲ ናይኔ ካታማ ቢስ። ኢያ ታማሬታራኔ ሃራ ዳሮ ኣሳተ ኢያራ ቢደሶና። 12 ኢ ካታማ ጌላና ሃሊያ ዋዴ ኣሃ ቶኪዳ ዳሮ ኣሳተ ካታማፔ ከዮሶና። ሃይቁዳ ናዓይ ባ ኣይስ ኢሱዋ፣ ኢያካ ኣምዎ ጊዳዳ ዳዓዉሱ። ካታማ ኣሳፔ ዳሮተ ኢራ ዳደሶና። 13 ጎዳይ ኢዮ ቤዲዳ ዋዴ ቃዴተዲ፣ «ዩኮፋ» ያገለገሉ።

14 ሺቁዲ ሃላ ቦቹን ቶኪዳ ኣሳተ ኤቁደሶና። ዩሱሲ፣ «ላ፣ ያላጋው ዳንዳ» ያገለገሉ። 15 ሃይቁዳይሲ ዳንዲ ኡተዲ ኦዳ ኦይኪስ። ዩሱሲ ናዓ ኤኪዲ ኣይስ ኢሚስ።

16 ኣሳ ኡባይ ያሽተዲ፣ «ጊታ ናቤይ ኦ ጊደን ዳንዲስ፤ ያሳይ ባ ኣሳ ቤዲስ» ያገለገሉ ያሳ ጋላተደሶና። 17 ኢያ ሱንሳይ ዪሁዳኒኔ ሄ ሄራን ዳዊያ ቢታ ኡባን ሲዳተስ።

ዩሱሳኔ ፃማቁያ ዮሃንሳ

18 ፃማቁያ ዮሃንሳ ታማሬተ ሄሳ ኡባ ዮሃንሳስ ኦዲደሶና። ኢ ኢንታ ጊደፌ ናምዓታ ፃጊዲ፣ 19 «ያና ጌተተዳይ ኔኔዬ? ዋይኮ ሃራ ናጊና?» ያገለገሉ ኣይቸቴ ጊዲ ጎዳኮ ከተስ።

20 ኣሳተ ዩሱሳኮ ቢዲ፣ ፃማቁያ ዮሃንሳ፣ «ያና ጌተተዳይ ኔኔዬ? ዋይኮ ሃራ ናጊና?» ጌቴ ጊዲ ኦና ኔኮ ከተስ ያገለገሉ።

21 ሄ ሳቴንካ ዩሱሲ ዳሮ ኣሳ ሃርጊያፌ ፓላስ። ቱና ኣያናታ ከሲስ፣ ቆቁዳ ኣይፊያካ ፃሊሲስ። 22 ዮሃንሳ ማታፔ ከተተዲ ዩዳይሳታኮ፣ «ቢዲ ሂንቴ ቤዲዳይሳኔ ሲዲዳይሳ ዮሃንሳስ ኦዲቴ። ኣይፌ ቆቁተ ፃሎሶና፣ ጉንዳተ ቢርሹተዲ ሃሙቶሶና፣ ባሮ ሃርጋንቸቴ ጌዮሶና፣ ቱሌተ ሲዮሶና፣ ሃይቁዳይሳተ ሃይቆፔ ዳንደሶና፣ ማንቆታስ ዋንጌላይ ሳባኬቴስ። 23 ታናን ቆቤቶና ኦኒካ ኣንጃተዳይሳ።»

24 ዮሃንሳ ከተዳይሳተ ቢዳፔ ጉዬ ዩሱሲ ኣሳስ ዮሃንሳባ ያገለገሉ ኦዲስ፣ «ሂንቴ ኣይ ቤዳናው ባዞ ቢታ ከዩዳቴ? ጨርኮይ ቃሊያ ማታ ቤዳናሴዬ? 25 ያጉን፣ ኣይ ቤዳናው ከዩዳቴ? ኮይሴ ማዎ ማዲዳ ኣሳ ቤዳናሴዬ? ኮይሴ ማዎ ማዲዳይሳተኔ ሳዲ ኣንጃተዳ ኣሳይ ካዎ ኬላን ዳደሶና። 26 ያጉን፣ ኣይ ቤዳናው ከዩዳቴ? ናቢያ ቤዳናሴዬ? ኦ፣ ታ ያጋይስ፣ ሂንቴ ቤዳናው ከዩዳይ ናቤፔ ኣዴይሳ።

27 «ኔ ኦጊያ ኔ ሲንሳን ጊጊሲያ ታ ከታንቸዋ ኔፔ ሲንሌ ታ ከታና» ጌቴተዲ ፃፊተዳይ ኢያሳ። 28 ታ ሂንቴው ኦዳይስ፤ ማጫሳፔ ዩሌተዳይሳታ ጊደፌ ዮሃንሳፔ ኣዴይ ባዎ። ያሳ ካዎቴላን ኡባፌ ጉፃይሲ፣ ኢ ኡባፌ ጊታ ጊዳና» ያገለገሉ።

29 ሃሪ ኣቶሺን፣ ዩሱሳ ቃላ ሲዲዳ ቃራፃ ቃንፂሴይሳተ ኡባይ ዮሃንሳ ኩሼን ፃማቁተዲ ያሳይ ፃሎ ጊዳይሳ ቆንጨሲደሶና። 30 ሺን ፋሪሳዌቴኔ ሂጌ ኣሰታማሬተ ዮሃንሳ ኩሼን ፃማቁቶና ኢዲዲ ያሳ ዘሪያ ሌቁሲደሶና።

31 ዩሱሲ ካሊዲ ሃይሳዳ ያገለገሉ፣ «ሂዛ፣ ሃ ዋዲያ ዩሌቴላ ኣይቢራ ዳኒሶ? ኤንቴካ ኦና ዳናና? 32 ጊያ ጊደን ኡተዲ ዋሊ ፃጊዲ፣ «ኦ ሂንቴው ሱሱልዔ ፑኒን፣ ሂንቴ ዩፃኬታ። ኦ ሳቢዲ ዜሌሊን፣ ሂንቴ ዩኬኬታ» ያገለገሉ ናይታ ዳናሶና። 33 ፃማቁያ ዮሃንሳ ሞናኔ ኡዮና ዩን፣ «ኢታ ኣያናራ ዳዴስ ጊዳታ።» 34 ኣሳ ናዓይ ሚሼኔ ኡዩሼ ዩን፣ «ያራምባኔ ኡሻንቸ፣ ቃራፃ ቃንፂሴይሳተኔ ናጋራንቸታ ዳቦ» ጊዳታ። 35 ሂዛ፣ ጨንጫቴላ ቱማቴላይ ኢያ ናይታ ኡባ ማታን ኤሬቴስ» ያገለገሉ።

ኢሲ ማጫሲያ ዩሱሳ ሺቶ ቲያሱ

36 ኢሲ ፋሪሳዌይ ዩሱሳ ካሊ ሙዛናው ባ ሶ ፃጊስ። ኢ ፋሪሳዌያ ሶ ቢዲ ጋይታ ቦላ ኡተስ። 37 ሄ ካታማን ኢሲ ናጋራንቸ ማጫሲ ዳዲያራ ዩሱሲ ፋሪሳዌያ ሶን ጊቢራ ቦላ ዳዴይሳ ሲዲዳ ዋዴ ዳሮ ኣልዎ ጸልቃፃ ሺቶ ኤካዳ ያሱ። 38 ዩሱሳስ ጉዬ ባጋራ፣ ኢያ ቶሁዋ ማታን ኤቃዳ ዩካሽ ኢያ ቶሁዋ ባ ኣፋራራ ላኬላውሱ። ባ ቢናናራ ኢያ ቶሁዋ ቆቻሽኔ ዩራሽ ሺቶ ቲያሱ።

39 ጊቢራ ጊጊሲዳ ፋሪሳዌይ ሄሳ ቤዲዳ ዋዴ ባ ዋዛናን፣ «ሃይሲ ናቤ ጊዲያኮ ሃ ማጫሲያ ኢያ ቦቹያራ ኦኔኮ ቃሲ ኢያ ናጋራንቸ ጊዳይሳካ ኢ ኤራናሺን» ያገለገሉ።

40 ዩሱሲ፣ «ሲሞና፣ ታ ኔው ኦዲያባይ ዳዴስ» ያገለገሉ።

ኢ፣ «ኣሰታማሪያው፣ ታው ኦዳ» ያገለገሉ።

41 ዩሱሲ ኢያሱ፡ «ናምዑ አሳቲ ኢሲ ኡራፔ ሚሽ ታልዒደሶሩ። ኢሶይ ኢቻሹ ጃቱ ቢራ ሃንኮይ ቃሲ አሻታሙ ቢራ ታልዒደሶሩ። 42 ናምዒይካ ታልዒያ ጨጋናው ያኔቲን፡ ናምዒታሰካ ታልዒያ ማሪሰ። ሂዛ፡ ሃ ናምዒታፔ ሄ ኡራ ዳሮ ደሳናይ ኔው አዉሳ ዳኒ» ያገሰ።

43 ሲሞኒ፡ «ዳሮ አጮይ ማሬቲዳ ኡራይ ዳሮ ደሳና ዳኔስ» ያገሰ። ዩሱሲ፡ «ኔ ቱማ ፐርዳዳሳ» ያገሰ። 44 ሄሳፌ ጉዬ፡ ዩሱሲ ማጮሴኮ ሲሚ ያሊዲ፡ ሲሞናኮ፡ «ሃኖ ማጮሴው ቤዓይ? ታኒ ኔ ሶ ጌሊን ሃሪ አቲን ኔ ታው ቶሆ ሃሌ ኢማባካ፡ ሺን ኢያ ታ ቶሆባ ባ አፋላን ላኮሳዳ ባ ቢናናን ቁቻሱ። 45 ኔኒ ታና ዩራ ኤካባካ፡ ሺን ኢያ ታ ኔ ሶ ጌሎዴፔ ደማዳ ታ ቶሆባ ዩሮ አጋቡኩ። 46 ኔኒ ታ ሁዒያን ዛይቲ ቲያባካ፡ ሺን ኢያ ታ ቶሆባ ሺቶ ቲያዉሱ። 47 ኢያ ታና ዳሮ ደሲዳ ጊሾ ኢ ዳሮ ናጋራይ አቶ ጌቲቲሰ። ኢያ ጉሳ ናጋራይ አቶ ጌቲቲዳይ ጉሳራ ደሴሰ።»

48 ዩሱሲ ማጮሴኮ፡ «ኔ ናጋራይ አቶ ጌቲቲሰ» ያገሰ።

49 ኢያራ ኢሲፌ ጋይታን ኡቲዲ ሚያ አማላቲ፡ «ናጋራ አቶ ያጌይ፡ ኢ ሃይሲ ኦኔ?» ያገረዱ ባንታ ዋዛናን ቆጥደሶሩ።

50 ዩሱሲ ማጮሴኮ፡ «ኔ አማናይ ኔና አሺሰ፤ ሳሮ ባ» ያገሰ።

8

ዩሱሳ ሞኪዳ ማጮሳታ

1 ሄሳፌ ጉዬ፡ ዩሱሲ ያሳ ካዎቲላ ዎንጌላ ሳባኪሽ ካታማራኔ ጉታራ አዲሰ። ሄ ዎዴ ታማኔ ናምዑ ሃዎሬቲ ኢያራ ደዎሶሩ። 2 ቃሲ ቱና አያናፔኔ ዳማ ዳማ ሃርጊያፌ ፓዲዳ ኢሲ ኢሲ ማጮሳቲ ኢያራ ደዎሶሩ። ኤንቲካ፡ ላፑን ቱና አያናቲ ከዱዳ ማግደላ ማይራሞ፡ 3 ሄርዲሳ ሹማ ኩዛ ማቺው ዮሃና፡ ሶሲናራኔ ቃሲ ሃራ ዳሮቲ ኤንታና ሚሽን ማዴይሳቲ ደዎሶሩ።

4 ዳሮ አሳይ ዳማ ዳማ ካታማፔ ኢያኮ ሸቄን ለሚሶን ኤንታው ኦዲሰ። 5 «ኢሲ ጎሻንቾይ ዜሬሌ ዜራናው ከዩሰ። ኢ ዜሪሺን ኢሲ ኢሲ ዜሬላይ ኦጌ ጋዩን ዎዲዲ ዩዴቲሰ፡ ሳሎ ካፎቲ ማዲደሶሩ። 6 ሃራቲ ሻሎይ ጋርሳን ዳዒያ ቢታ ቦላ ዎዲደሶሩ። ቡሮ ደሊዳ ሜላ ቢታን ላሆይ ባይና ጊሾ ሚጠደሶሩ። 7 ሃራ ዜሬላይ ቃሲ አፑን ጊደን ዎዲሰ። አፑንሳራ ዎላ ዲጠዳ ጊሾ አፑንሳይ ጩሊዲ ቤሳን አሺሰ። 8 ሃራቲ ሎዎ ቢታ ቦላ ዎዲደሶሩ። ደሊዳ ዎዴ ጃቱ ኩሽ አይፊደሶሩ።» ሄሳ ኦዲ ኦንጊዲ፡ ባ ቃላ ቶቁ ኦሊዲ፡ «ሲዒያ ሃይሌ ዳዒያ ኡባይ ሲዎ» ያገሰ።

9 ኢያ ታማራቲ፡ «ሃ ለሚሱባ ቢርሽላይ አይቤ?» ያገረዱ ኦይቺደሶሩ 10 ኢ፡ «ዎሳ ካዎቲላ ፀራ ኤራና ሜላ ሂንቲው አሜቲሰ። ሺን ሃራቲ ቤዒሽ ዳሞና ሜላ፡ ሲዒሽ አኩኮና ሜላ ለሚሶን ኦዲይሰ።

11 «ሂዛ፡ ሃ ለሚሱባ ቢርሽላይ ሃይሳ፡ ዜሬሌ ያጌቲዳይ ያሳ ቃላ። 12 ኦጌ ጋዩን ዎዲዳ ዜሬላይ ቃላ ሲዒይሳታ። ጊደሺን፡ ኤንቲ አማኒዲ አቶና ሜላ ዓላሄይ ቃላ ኤንታ ዎዛናፔ ማዲ ዲጌሰ። 13 ሻሎይ ጋርሳን ዳዒያ ቢታ ቦላ ዎዲዳ ዜሬላይ ቃላ ሲዒዲ ኡፋይሳን

ኤኬይሳታ። ኤንቲ ሃዒሰ አማናሶናፔ አቲን ዓጾይ ባይና ጊሾ ፓጩይ ጋኪያ ዎዴ ኤሌሲዲ ካደሶሩ። 14 አፑንሳ ጊደን ዜሬቲዳይሳቲ ቃላ ሲዒይሳታ። ኤንቲካ አላሚያ ቆፋን፡ ዲሬቲላኒኔ ሳዓ ዲሳ ሚኮቲላን ጩሊቲዲ ቤሴይሳዳ አይፊሶኮና። 15 ሎዎ ቢታን ዎዲዳ ዜሬላይ ሎዎ ዎዛናን ቃላ ሲዒዲ ናጌይሳታኔ ዳንዳዓን ሚኒዲ አይፊ አይፊይሳታ።

16 «ዎምፔ ዎምፒዲ፡ ዳቾ ካሜይ ዎይኮ አርሳፌ ጋርሳን ዎሌይ ዳና። ጌሊያ አሲ ቤዓና ሜላ ቶቃ ቤሳን ዎሌሰ።

17 «ሄሳ ጊሾ፡ ቆንጩ ከዮና ቆሴቲዲ አቲያባይ፡ ኤሬቶና ጌሚዲ አቲያባይ ዳና።

18 «ሂዛ፡ ሂንቲ ቃላ ዋቲ ሲዒያኮ አኬኪቲ። ዳዒያ ኡባሰ ጉከቲዲ አሜታና፡ ባይናይሳሰ ሃሪ አቶሺን ኢያው ዳዒያ ጉሊያካ ኢያፔ ኤኬታና» ያገሰ።

ዩሱሳ አዩራኔ አሻታራ (ማቶ 12:46-50፤ ማር 3:31-35)

19 ዩሱሳ አዩራኔ አሻታራ ኢያኮ ዩደሶሩ። ሺን አሳ ዳሮቲላፌ ዳንደይሳን ኢያ ዳማናው ዳንዳዒሶኮና።

20 ኢሲ አሲ ዩሱሳኮ፡ «ኔ አዩራኔ ኔ አሻታራ ኔና ኮዩዲ ካሬን ናጎሶና» ያገሰ።

21 ዩሱሲ ዛሪዲ፡ «ዎሳ ቃላ ሲዒዲ ኦሶን ፔሽይሳቲ ኡባይ ታው አዮኔ ታው አሻ» ያገሰ።

ዩሱሲ ሃላ ዙሊያ ሴሪሰ (ማቶ 8:23-27፤ ማር 4:35-41)

22 ኢሲ ጋላሰ ዩሱሳራኔ ኢያ ታማራታራ ኢሲፌ ዎጎሎን ጌሊዲ፡ «አባ ፒናሰ» ያገሰ። ኤንቲካ ባናው ዳንዲደሶሩ። 23 አባ ቦላራ ኤንቲ ፒናናው ቢሺን ዩሱሲ ዲሰከሰ። ቆፖና ሚና ጫርኮይ አባ ቦላ ዳንዲሰ። ሃላይ ዎጎሎን ጌሊን ዎጎሎይ ሚቲቲሌ ኦይኪያ ዎዴ ኡባይ ባቢደሶሩ።

24 ኢያ ታማራቲ ኢያኮ ሸቄዲ፡ «ኦ ጎዳው፡ ኦ ጎዳው፡ ኦ ጳዮሰ ያገረዱ» ዩሱሳ ዳንሊደሶሩ።

ዩሱሲ ዳንዲዲ ጫርኮቅኔ ጎቲያ ሴሪሰ። ኤሌሲዲ ጫርኮይኔ ጎቲይ ዎፑ ገሰ። ሳርቲላይካ ሲሚሰ።

25 ዩሱሲ ባ ታማራታኮ፡ «ሂንቲ አማናይ አዉኔ» ያገሰ። ኤንቲካ፡ ያዩሽኔ ማላላቲሽ ኢሶይ ኢሱዋኮ፡ «ጫርኮይኔ ሃላይ ከቲቲይሲ፡ ኢ ሃይሲ ኦኔ» ያገረደሶሩ።

ቱና አያናፔ ዩዴቲዳ ኡራ (ማቶ 8:28-34፤ ማር 5:1-20)

26 አባ ፒኒዲ ጋሊላ ባጋራ ዳዒያ ጌርጌሶኔ ቢታ ጋኪደሶሩ። 27 ዩሱሲ ዎጎሎዎፔ ከዩዲ ሳዓን ዎዲሺን ቱና አያናን ኦይኬቲዳ ኡራይ ካታማፔ ከዩዲ ኢያራ ጋሂቲሰ። ዳሮ ሳይሌ አፊሊ ማዎና ካሎ ዳፎን ዳዒሲፔ አቲን ሶ ጌሊና። 28 ዩሱሳ ቤዒዳ ዎዴ ኢያ ሲንሳን ጉፋኒዲ፡ ባ ቃላ ቶቁ ኦሊዲ፡ «ኡባፌ ቦላ ያሳ ናዓው ዩሱሳ ኔራ ታው አይቢ ኢሲፌቲሌ ዳዒ? ሃያና ታና ሃዒ ኡንዔሳፋርኪ» ያገሰ። 29 ሄሳ ኢ ጊዳይ፡ ቱና አያናይ ኡራፔ ኬያና ሜላ ዩሱሲ ሃንቁቲዳ ጊሾሳ። ዳሮ ዎዴ ቱና አያናይ ኢያ ሃሪዳ ጊሾ ሳንሳላታኒኔ ቶሆ ቃቺያ ቢራታን ቃሽቲዲ ናጌቲሰ። ሺን ቃሹዋ ዲሊዲ ቱና አያናን ላጌቲዲ ባዘ ጌሊሰ።

30 ዩሱሲ፡ «ኔ ሱንሳይ ኦኔ» ያገረዱ ኦይቺሰ።

ኢ፡ ዳሮ ቱና አያናቲ ኢያ ኦይኪዲ ገሾ ባና፡ «ሌገዮና» ገሰ። 31 ቱና አያናቲ ባንታና ሲጾላ ከቶና ማላ ዋሲደሶና።

32 ሄ ቤሳን ዘዜ ቦላ ማያ ጉዲንጾ ወዳይ ሃሙቲሰ። ሂኒ ጉዲንጾታን ጌሊኖ ገዲ ዋሲደሶና፡ ኢካ «ጌሊቲ» ገሰ። 33 ቱና አያናቲ ኡራፔ ከዩዲ ጉዲንጾታን ጌሊደሶና። ወዳይ ዳሪያፔ ዲጌ ጉርጉዲዲ አባን ጌሊሰ።

34 ሄንጻንቸቲ ሃኒዳይሳ ቤዒዳ ዋዴ ዋዲ ቢዲ፡ ካታማኒኔ ጉታ ኡባን ኦዲደሶና። 35 አሳይ ሃኒዳባ ቤዓናው ከዩዲ ዩሱሳኮ ዩደሶና። ቱና አያናይ ከዩዲ ኡራይ ማዖ ማዒዲ፡ ኢያ ዋዛናይ ስሚን፡ ዩሱሳ ቶሆ ማታን ኡቲዳይሳ ዳሚዲ ያዩደሶና። 36 ኢያ ቤዒዳ አሳይ ቱና አያናን ኦይከቲዳ ኡራይ ዋኒዲ ፓዲደኮ ኦዲደሶና። 37 ጌርጌሶኔ ዩሹዋን ዳዒያ አሳይ ገታ ያሺ ያሹቲዲ ዩሱሰ ባንታ ማታፔ ባና ማላ ዋሲደሶና። ኢ ዋሳሎታን ጌሊዲ ጉዩ ስሚሰ።

38 ቱና አያናይ ከዩዲ ኡራይ ዩሱሳራ ዳናው ዋሲሰ። 39 ሺን ዩሱሰ ኢያኮ፡ «ኔ ሶ ሲማ፡ ያሳይ አይ ማላ ገታባ ኔው አሉዳኮ ኦዲ» ያገዲ ሞይዚሰ። ኡራይካ ዩሱሰ አይ ማላ ገታባ ኢያው አሉዳኮ ካታማ ኡባን ማርካቲሼ ቢሰ።

ሃይቁዳ ናዒወን ዩሱሳ ማዕ-ዋ ቦቺዳ ማጫሰው
(ማቶ 9:18-26፤ ማር 5:21-43)

40 አሳይ ናገዲ ገምዒዳ ገሾ ዩሱሰ ስሚያ ዋዴ ሞኪ ኤኪደሶና። 41 አይሁዴ ዋሳ ከላ ሃላቃ ገዲዳ ኢያርሳ ገያ ኡራይ ባ ሶ ያና ማላ ዩሱሳ ቶሆ-ዋ ቦላ ዋዲ ዋሲሰ። 42 ኢያው ታማኔ ናምዑ ላይሊ ገዲዳ ማጫ ናዒ ዳዒ ዳዒ ሳኬታዳ ሃይቆሰ ገካዳ ዳዒወሰ። ዩሱሰ ቢያ ዋዴ አሳይ ኢያ ኡንዔሌሰ። 43 ታማኔ ናምዑ ላይሊ ሱሊ ጎጊሼ ገምዒዳ ማጫሰ ዳዒያራ ዳዒወሰ። ኢያ ባው ዳዒያ ሚሺያ አከሜታሰ ኢማዳ ኦንጋሰ። ሺን ፓፃናው ዳንዳባኩ። 44 ኢያ ዩሱሳሰ ጉዩ ባጋራ ሺቃዳ፡ ኢያ አፊላ ማጫራ ቦቻሱ፡ ሶሁዋራ ጎጊያ ሱላይ ኤቁ አገሰ።

45 ዩሱሰ፡ «ታና ቦቺዳይ ኦኔ?» ያገሰ። ኡባይ «ኮ ቦቺቦኮ» ያገን፡ ጳዒርሲ፡ «አሰታማሪያው፡ ዳሮ አሳይ ካሊሺኒኔ ኡንዔሊሺን ቤዓሼ ዋናዳ፡ ታና ቦቺዳይ ኦኔ?» ጋይ» ያገሰ።

46 ሺን ዩሱሰ፡ «ኢሲ አሲ ታና ቦቺሰ፤ አይሰ ገኮ፡ ዋልቁ ታፔ ከዮይሲ ታው ኤሬቲሰ» ያገሰ።

47 ማጫሰያ፡ አባይ ቆንጨዳይሳ ኤሪዳ ዋዴ ኮኮራሼ ያዳ ዩሱሳ ቶሆ-ዋ ቦላ ኩንዳሱ። አይሰ ቦቺዳኮኔ ዋናዳ ኤሌሳዳ ፓዲደኮ አሳ ኡባ ሲንጻን ማርካታሱ። 48 ኢ፡ «ታ ናቱ፡ ኔ አማናይ ኔና ፓሊሰ፤ ሳርን ባ» ያገሰ።

49 ዩሱሰ ኦዲ ኦንጎና ዳዒሺን፡ አይሁዴ ዋሳ ከላ ሃላቃ፡ ኢያርሳ ሶፔ ኢሲ አሲ ዩዲ፡ «ኢያርሳ፡ ኔ ናዒያ ሃይቃሱ፤ አሰታማሪያ ማላ ዳቡሪሶፋ» ያገሰ።

50 ሺን ዩሱሰ ሄሳ ሲዒዲ ኢያርሳኮ፡ «ባቦፋ! አማና፡ ኔ ናዒያ ፓፃና» ያገሰ።

51 ዩሱሰ ኢያርሳ ሶ ጋኪዳ ዋዴ ጳዒርሳፔ፡ ዮሃኒሳፔ፡ ያይቆባፔ፡ ናዒ አዋፔኔ አዩፔ ኦቲን ሃሪ ጌላና ማላ ኮዩቤና። 52 ሄ ቤሳን ዳዒያ አሳ ኡባይ ናዒሰ ሚሹቲዲ ዩኪሺን፡ ዩሱሰ፡ «ዩኮፊቲ! ናዒያ ጳሰካሱፔ ኦቲን ሃይቃቡኮ» ያገሰ።

53 አሳይ ናዒያ ሃይቁዳይሳ ኤሪያ ገሾ ኢያ ኦዲ ሌቁዲ ሚጨደሶና። 54 ሺን ዩሱሰ ናዒ ኩሺያ ኦይኪዲ፡ «ናቱ ዳንዳ» ያገሰ። 55 ናዒሰ ሺምፖይ ስሚን ዳንዳ ኤቃሱ። ዩሱሰ ኤንታኮ፡ «ኢወ ሚያባ ኢሚቲ» ያገሰ። 56 ናዒ አዋራኔ አዩራ ማላሊቲደሶና። ሺን ዩሱሰ ሃይሳ፡ «ኦዴሰካ ኦደፔቲ» ያገሰ።

9

ዩሱሰ ታማኔ ናምዑ ሃዋሬታ ከቲሰ
(ማቶ 10:5-15፤ ማር 6:7-13)

1 ዩሱሰ ታማኔ ናምዑ ሃዋሬታ ባኮ ጭገዲ፡ ቱና አያናታ ከሳና ማላኔ ሃርጌ ኡባ ፓላና ማላ ዋልቃኔ ማታ ኢሚሰ። 2 ያሳ ካዋቲላባ ማርካታናይ ሃርጋንቸታ ፓላናዳ ከቲሰ። 3 ኢ ኤንታኮ፡ «ፃምዓ ገዲን ኦጎሮ ገዲን ካሊ ገዲን ሚሼ ገዲን ላሚ ማዒያ አፊላ ገዲን ኦጌሰ ገዲ አይኮካ ኦይኮፊቲ። 4 ሄ ካታማፔ ሂንቲ ከያና ጋካናው ኢማላቲላን ሂንቲ ጌሊዳሱዋን ጋምዒቲ። 5 ኦኒካ ሂንቲና ሞኮና ኢዲኮ ሄ ካታማፔ ከዩሼ ኤንታው ማርካ ገዳና ማላ ሂንቲ ቶሆዋን ዳዒያ ባና ፔቲዲ ከዩቲ።» 6 ኤንቲካ ከቲቲዳይሳዳ ከዩዲ ዋንጌላ ኦዲሼኔ ዳማ ዳማ ጉታታን ሃርጋንቸታ ፓሊሼ አጲደሶና።

7 ጋሊላ ቢታ ሃሪያ ሄሮዲሲ ዩሱሰ አሉዳባ ኡባ ሲዒዳ ዋዴ ዳጋሚሰ። አይሰ ገኮ፡ ኢሲ ኢሲ አሳቲ ዮሃኒሲ ሃይቆፔ ዳንደና አጌና ያጎሶና። 8 ባጋቲ፡ «ኤሊያሰ ቆንጨሰ» ጎሶና፤ ሃራቲ ቃሲ፡ «ቤኒ ናቤታፔ ኢሶይ ሃይቆፔ ዳንዲሰ» ያገዲ ኦዴቶሶና። 9 ሺን ሄሮዲሲ፡ «ዮሃኒሳ ቆጲያ ታ ቃንዲሳዳ ዋዳሰ። ያቲን፡ ሃይሳላ ያጌቲዲ ኢያባ ኦዴቲይ፡ ኢ ኦኔ?» ያገዲ ባ አይፊን ቤዓናው ኮዩሰ።

ዩሱሰ ኢቻሹ ሙኩሉ አሳ ሙዚሰ
(ማቶ 14:13-21፤ ማር 6:30-44፤ ዮሃ 6:1-14)

10 ታማኔ ናምዑ ሃዋሬቲ ጉዩ ሲሚ ዩዲ፡ ኤንቲ ኦሊዳባ ኡባ ዩሱሳሰ ኦዲደሶና። ኢ ኤንታና ኤኪዲ ቤቲሳይዳ ካታማፔ ጋፃ ኤፊሰ። 11 ሺን ዳሮ አሳይ ዩሱሳ ገዳይሳ ኤሪዲ ኢያ ካሊደሶና። ኢ ኤንታ ሞኪ ኤኪዲ ያሳ ካዋቲላባ ታማርሲሰ፤ ፓፃናው ኮዩይሳታካ ፓሊሰ።

12 ሳዒ አማርሲያ ዋዴ ታማኔ ናምዑ ሃዋሬቲ ኢያኮ ሸቁዲ፡ «ኮ ዳዒይ ባዞ ቢታ ገዲያ ገሾ አሳይ ዳማ ዳማ ጉታታኔ ካታማታ ቢዲ፡ ካሊኔ አቁያሶ ኮያና ማላ አሳ ሞይዛ» ያገደሶና።

13 ሺን ኢ፡ «ኤንታው ሚያባ ሂንቲ ኢሚቲ» ያገሰ።

ኤንቲ፡ «ኮሰ ዳዒይ ኢቻሹ ኡይሊኔ ናምዑ ሞሎ ገዲያ ገሾ ሃ አሳሰ ገዲያ ካሊ ኮኒ ቢዲ ሻሞና ኢዲኮ ገዳና» ያገደሶና። 14 ሄ ቤሳን ኢቻሹ ሙኩሉ ገዲያ አዳቲ ዳዖሶና።

ዩሱሰ ባ ታማሬታኮ፡ «ኢሻታማን ኢሻታማን ሻኪ ሻኪ አሳ ኡቲሲቲ» ያገሰ።

15 ኢያ ታማሬቲ፡ ኢ ከቲዳይሳዳ አሳ ኡቲሲደሶና።

16 ኢ ኢቻሹ ኡይላኔ ናምዑ ሞሎታ ኤኪዲ፡ ሳሎ ጭሊዲ፡ ያሳ ጋላቲዲ፡ ሚንሊዲ አሳ ኡባ ጋላና ማላ ባ ታማሬታሰ ኢሚሰ። 17 ኡባይ ሚዲ ካሊደሶና። ኤንታፊ ኦቲዳ ቲፊይ ታማኔ ናምዑ ጋይታ ኩሜሊ ገዲሰ።

ጳጳርስ፡ ዩሱሲ ኦኔኮ ማርካቲስ
(ማቶ 16:13-19፤ ማር 8:27-29)

18 ዩሱሲ ባ ጻላላ ዋሲሺን፡ ኢያ ታማራቲ ኢያኮ ዩደሶና፡ ኢ፡ «አሳይ ታና ኦና ጎና?» ጊዲ ኦይቸሰ፡

19 ኢንቲ ዛሪዲ «ኢሶቲ ኢሶቲ፡ ጻማቂያ ዮሃንሳ፡ ባጋቲ ኤሊያሳ፡ ሃራቲ ቃሲ፡ ቤኒ ናቤታ፤ ኢሶይ ሃይቆፕ ዴንዲስ» ያገሰና፡

20 ኢ ዛሪዲ፡ «ያቲን ሂንቲ ታና ኦና ጌቲ» ያገሰ፡ ጳጳርስ፡ «ኔኒ ያሳፊ ከቲቲዳ ከሪሰቶሳ» ያገረዱ ዛሪሰ፡

21 ዩሱሲ ሃይሳ ኦደሰካ ኦደፕቲ ጊዲ ሚንሉዲ ኦደሰ፡ 22 ቃሲካ ዩሱሲ፡ «አሳ ናዳይ ደር ሜቱዋ ኤካና፡ ቢታ ጨማታን፡ ካሂኔ ሃላቃታን፡ ሂጌ ኦስታማራታን ኦቂ ኦሚታና፡ ኢንቲ ኢያ ዋቆና፡ ሺን ኢ ሄቫንሶ ጋላስ ሃይቆፕ ዴንዳና» ያገሰ፡

23 ዩሱሲ አሳ ኡባኮ፡ «ታና ካሳናው ኮዩይ ኦኒካ ዴኒኮ ባና ካዶ፡ ባ ማሰቃሊያ ጋላስ ጋላስ ቶኪዲ ታና ካሎ፡ 24 ባ ሸምፕው አሻናው ኮያ ኡባይ ኢዮ ቆይሴስ፡ ባ ሸምፕው ታ ገሾ ጊዲ ቆይሴያ ኦኒካ ኢዮ አሸሰ፡ 25 ኦሲ ኦላሚ ኡባ ሃሪዲ፡ ገደሺን ባ ሸምፕው ቆይሴያ ባ ዋይኮ ቆሃያባ ገዲኮ ኢያ ኦይ ሚዲ? 26 ኦኒካ ታናኒኔ ታ ቃላን ዩላቲኮ አሳ ናዳይ ባ ቦንቹዋሪ ሄሳዳካ ኦዋ ቦንቹዋሪ ጌሻ ከታንቸታ ቦንቹዋሪ ያ ዋይ ኢያን ዩላታና፡ 27 ታ ሂንቲው ቱማ ኦዳይሰ፤ ሃይሳን ኤቁዳይሳታ ገደፊ ያሳ ካዋቲላ ቤዖናሺን ሃይቆና አሳቲ ዴዖሶና» ያገሰ፡

ዩሱሳ ማላይ ላሜቲስ
(ማቶ 17:1-8፤ ማር 9:2-8)

28 ዩሱሲ ሄ ኦዳ ኦዲን፡ ሆሰፑን ጋላሳ፤ ጉዩ ጳጳርሳ፡ ያይቆባኔ ዮሃንሳ ባራ ኤኪዲ ዋሳናው ዴሪያ ቦላ ከዩሰ፡ 29 ኢ ዋሳ ቦላ ዴሪሺን ኢያ ኦይፊ ካሬይ ላሜቲስ፤ አፊላይካ ኦዋ ሚላ ጸሊዲ ቦይሰ፡ 30 ናምቡ አሳቲ፡ ኢንቲካ ሙሴራኔ ኤሊያሳራ ቦንቸን ቆንጨዲ፡ 31 ዩሩሳላሚን ፖሊታናው ዴሪያባ፡ ሄሰካ፡ ኢ ሃ ኦላሚያ፤ ሻኬታናባ ኢያራ ኦዳቶሶና፡ 32 ጳጳርሳኔ ኢያራ ዴዳይሳታ ቆሰኮይ ኤፊን፡ ኢንቲ ቆሰኮፊ ባርኪያ ዋይ ኢያ ቦንቹዋኔ ኢያራ ኤቁዳ ናምቡ አሳታ ቤዳደሶና፡ 33 አሳቲ ዩሱሳ፤ ሻኬቲዲ ባና ሃኒሺን፡ ጳጳርሰ ዩሱሳኮ፡ «ጎዳው፡ ሃይሳን ገዴይሰ ኦስ ኦይ ሚላ ሎዎ! ኢሲና ኔው፡ ኢሲና ሙሴስ፡ ኢሲና ኤሊያሳስ ኦሊዲ ሄቸ ሻቃራ ሻቃርሰ» ያገሰ፡ ሺን ኢ ኦይ ገዳኮ ኤሬና፡

34 ኢ ያገረዱ ኦዳቲሺን ሻራይ ዩዲ ኢንታና ካሚሰ፡ ኢንቲ ሄ ሻራ ገደ ጌሊሽ ባቢደሶና፡ 35 ሻራ ገደፊ፡ «ታ ደሪዳ ናዳይ ሃይሳ ኢያ ሰዒቲ» ያገያ ቃላይ ሰዒቲስ፡ 36 ሄ ቃላይ ሰዒቲዳ፤ ጉዩ ዩሱሲ ባርካ ዴሪሽ ቤንቲስ፡ ሄ ዋይ ኢንቲ ቤዳዳባ ኦደሰካ ኦደና፡ ባንታ ዋዛናን ኦይኪዲ ሰዒ ገደሶና፡

ዩሱሲ ቱና ኦሳና ኢሲ ናዳ፤ ኬሲስ
(ማቶ 17:14-18፤ ማር 9:14-27)

37 ዋንቲሌ ኢንቲ ዴሪያ፤ ዋቂያ ዋይ ደር አሳይ ዩዲ ኢያራ ጋሂቲደሶና፡ 38 ሄ ዋይ አሳ ገደፊ ኢሲ ኦሲ፡ «ኦስታማሪያው፡ ታ ኢሲ ናዳ ያዳ ቤዳርኪ፡ 39 ቱና

ኦሳናይ ቆፖና ኦይኪዲ ዋሲሴስ፤ ጎፖንቶ ዩጊሲዲ ቃኬሬሌስ፡ አሳቲላ ቆሂዲ ኤንዳሊዲ ዩዴስ፡ 40 ኔ ታማራቲ ከሳና ሚላ ዋሳሰ፡ ሺን ኢንቲ ዳንዳዒቦኮና» ያገረዱ ዋሲሴስ፡

41 ዩሱሲ፡ «ኦማሮይ ባይና ጌላ ዩሌቴላቶ፡ አዉይ ጋካናው ታ ሂንቲራ ዳኔ፡ ሂንቲና ዳንዳዒኔ? ኔ ናዳ ባዳ ሃ ኤካያ» ያገሰ፡

42 ናዳ ኤኪዲ ያ ዋይ ቱና ኦሳናይ ሳዳን ሆሊ ዩጊዲ ኮኮርሲስ፡ ሺን ዩሱሲ ቱና ኦሳና ሃንቁዲ ናዳ፤ ኬሲስ፡ ናዳካ ናዳ ኦዋሰ ኢሚስ፡ 43 አሳይ ኡባይ ያሳ ገታ ዋልቃን ማላሊቲደሶና፡ ኢንቲ ኢ ኦሊዳባን ማላሊቲሺን፡ ዩሱሲ ባ ታማራታኮ፡ 44 «ሃይሳ ታ ሂንቲው ኦዴይሳ ሎይሊ ሰዒቲ፤ አሳ ናዳይ ሞርኬታ ኮሺን ኦቂ ኦሚታና» ያገሰ፡ 45 ሺን ኢ ገዳባይ ኢንታፊ ጌሚዳ ገሾ ኦኬኪቦኮና፡ ሄሳ ገሾ፡ ዛሪዲ ኦይቻናው ባቢደሶና፡

ኡባፊ ገታ ገዳናይ ኦኔ?
(ማቶ 18:1-5፤ ማር 9:33-37)

46 ዩሱሳ ታማራቲ፡ «ኦ ገደን ገታ ገዳናይ ኦኔ?» ጊዲ ፓላማ ኦይኪደሶና፡ 47 ዩሱሲ ኢንታ ዋዛና ቆፋ ኤሪዲ ዮጋ ናዳ ባ ማታን ኤሲዲ፡ 48 «ሃ ዮጋ ናዳ ታ ሱንላን ሞኪያ ኦኒካ ታና ሞኬስ፡ ታና ሞኬይ ታና ከቲዳይሳ ሞኬስ፡ ሂንቲ ኡባፊ ጉዳይሰ፡ ኢ ገታ ገዳና» ያገሰ፡

49 ዮሃንሲ፡ «ጎዳው፡ ኢሲ ኦሲ ኔ ሱንላን ቱና ኦሳናታ ኬሲሺን ቤዳዲ ኢ ኦራ ገደና ገሾ ዲጊዳ» ያገሰ፡

50 ዩሱሲ ዛሪዲ፡ «ሂንቲራ ኤቆቶናይሰ፡ ኢ ሂንቲ ባጋ፡ ሄሳ ገሾ፡ ኢያ ዳጎፊቲ» ያገሰ፡

ሳማራ አሳይ ዩሱሳ ኢዲደሶና

51 ዩሱሲ ሳሎ ቢያ ዋይ ማታቲዳ ገሾ ዩሩሳላሚ ባናው ቃንጃዲ ዴንዲስ፡ 52 ሳማራ ቢታን ዴሪያ ኢሲ ጉታ ቢዲ፡ ኡባባ ኢያው ገሪሳና ሚላ ኦሲ ያ ከቲስ፡ 53 ሺን ኢ ቤይ ዩሩሳላሚ ገዲያ ገሾ ኢንቲ ኢያ ሞኪ ኤኪቦኮና፡ 54 ዩሱሳ ታማራቲ ያይቆባራኔ ዮሃንሳራ ሄሳ ቤዳዲ፡ «ጎዳው፡ ሳሎ፤ ታሚ ዋቂዲ ኢንታ ሞ ጋና ሚላ ኔ ኮያይ» ያገደሶና፡ 55 ሺን ዩሱሲ ጉዩ ሰሚ ኢንታ ሃንቁቲዲ፡ «ሂንቲ ጋርሳን ኦይቤ ኦሲ ዴሪያኮ ሂንቲ ኤሬኬታ፡ አሳ ናዳይ ኦሲ አሻናው ዩሲ፤ ኦሲ፤ ሻቃራ ሻቃርሰ» ያገሰ፡ 56 ያፕ ዴንዲዲ ሃራ ጉታ ቢደሶና፡

ዩሱሳ ካሎይ ጨገሲያ ጋቲያ
(ማቶ 8:19-22)

57 ኢንቲ ኦጊያራ ቢሺን፡ ኢሲ ኦሲ፡ «ኔ ቢያሶ ኡባ ታ ካላና» ያገሰ፡

58 ዩሱሲ ዛሪዲ፡ «ዋርካናታስ ኦሊ፡ ሳሎ ካፎታስ ኬሊ ዴዳስ፡ ሺን አሳ ናዳይ ባ ሁዒያ ሸምፕሲያሶይ ባዋ» ያገሰ፡

59 ሃንኩዋኮ፡ «ኔኒ ታና ካላ» ያገሰ፡ ሺን ኡራይ፡ «ጎዳው፡ ኮይርታዳ ታ ኦዋ ሞጋዳ ያና» ያገሰ፡

60 ሺን ዩሱሲ፡ «ሃይቁዳይሳቲ ሃይቁዳይሳታ ሞጋና ሚላ ኢንታው ኦጋጋ፤ ኔኒ ባዳ ያሳ ካዋቲላ ሳባካ» ያገሰ፡

9:19 ማቶ 14:1፤ 2፤ ማር 6:14-15፤ ሉቃ 9:7-8 9:20 ዮሃ 16:20-28፤ ማር 8:30-9:1 9:23 ማቶ 10:38፤ ሉቃ 14:27 9:24 ማቶ 10:39፤ ሉቃ 17:33፤ ዮሃ 12:25 9:28 2ጴጊ 1:17-18 9:35 ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22 9:46 ሉቃ 22:24 9:48 ማቶ 10:40፤ ሉቃ 10:16፤ ዮሃ 13:20 9:54 2ካዎ 1:9-16 9:61 1ካዎ 19:20

61 ቃሲ ሃራ አሲ፡ «ጎዳው፡ ታ ነና ካላና፡ ሺን ከይርታዳ ታ ሶ አሳ ሳርፋዳ ያና» ያገሰ።
 62 ዩሱሲ ዛሪዲ፡ «ኮጃ ኦይኪዲ ጉዬ ያለያ ኦኒካ ያሳ ካዎቴሳሰ ቤሴና» ያገሰ።

10

ዩሱሲ ላፑን ታማኔ ናምዑ ታማሪታ ከተሰ

1 ሃሳፌ ጉዬ፡ ጎዳይ ሃራ ላፑን ታማኔ ናምዑ * አሳታ ደሪሰ። ኢ ባናው ቆፒዳ ካታማኔ ጉታ ኡባ ሲንሳተዲ ባናዳ ናምዓ ናምዓ አሊዲ ከተሰ። 2 ዩሱሲ ኤንታኮ፡ «ሄኮ ሺቃና ካላይ ዳር ሺን ኦሳንቸተ ጉላ። ያኒያ ገሾ፡ ካላ ጎዳይ ኦሳንቸታ ከታና ማላ ዎሲቴ። 3 ሂዛ፡ ቢቴ፡ ደርሳታዳ ሱቋ ማታ ገደ ሂንቴና ታኒ ዩዳና። 4 ሂንቴ ቢያ ኦጊያሰ አይኮካ ኦይኮፊቴ፡ ማሽ ገዲን ካሊ ገዲን ጫማ ኦይኮፊቴ። ኦጊ ቦላ ኦናካ ሳርፊፊቴ። 5 ሂንቴ ጌሊያ ኬላ ኡባ ኮይርቲዲ፡ ሳርይ ሃ ኬላሰ ገደ ያገቴ። 6 ሳር ደሲያ አሲ ሄ ቤሳን ዳዲኮ፡ ሂንቴ ሳርይ ያን ሸምፓና፤ ኢያሰ ገኮ ሂንቴ ሳርይ ሂንቴው ሲማና። 7 ኦሳንቸሰ ዳሞዜ ቤሲያ ገሾ ሂንቴ ጌሊዳ ኬላን ሂንቴው ሸሺዳባ ኡባ ማሽኔ ኡዩሽ ያን ጋምዲቴ። ኢሱዎ ሶፔ ኢሱዎ ሶ ዩዮፒቴ። 8 አይ ካታማካ ሂንቴ ጌሊያ ዎዴ አሳይ ሂንቴና ሞኪዲ፡ ሂንቴው ሸሺዳባ ኡባ ማሽ። 9 ሄ ካታማን ዳዲያ ሃርጋንቸታ ፓሊሽ፡ «የሳ ካዎቴላይ ሂንቴኮ ማተሰ» ያገዲ ኦዲቴ። 10 ሺን ኢሲ ካታማ ጌሊያ ዎዴ አሳይ ሂንቴና ሞኮና ኢዳኮ ዳባባ ኬዩዲ ሃይሳዳ ገቴ። 11 ሱ ቶሁዎ ቦላ ዳዲያ ሂንቴ ካታማ ባና ፒቶሰ፡ ሺን ያሳ ካዎቴላይ ሂንቴኮ ማታተዳይሳ ኤሪቴ። 12 ፒርዳ ጋላሳን ሃ ካታማፔ ሶዶማ ካታማሰ ፒርዳይ ካዉሽ ገዳናይሳ ታ ሂንቴው ኦዳይሰ» ያገሰ።

አማናና ገሾ ቦሬቲዳ ካታማታ (ማቶ 11:20-24)

13 ካሊዲካ፡ ዩሱሲ፡ «ኔኖ ኮራዚኔ፡ ኔኖ ቤቴሳይዳ፡ አዬ፡ ሂንቴናን ኦሴቲዳ ማላታቲ ዲርሳኒኔ ሲዶናን ኦሴቲዳኮ ያን ዳዲያ አሳይ ካሌ ማዲዲ፡ ቢዳንሳ ቦላ ኡቲዲ ቤኒ ማርታን ጌሊ አጋናሺን። 14 ሃሳ ገሾ፡ ሂንቴፊ አሊዲ ዲርሳኒኔ ሲዶናሰ ያሳ ፒርዳይ ካዉያና። 15 ኔካ ቁሬርናሆማ፡ ሳሎ ጋካናው ኔና ጾቁ ኦላናው ኮያይ? ኔ ዳጌ ሲዎሌ ሆሌታና» ያገሰ።
 16 ቃሲካ ዩሱሲ ባ ታማሪታኮ፡ «ሂንቴና ሲዌይ ታና ሲዌሰ፡ ሂንቴና ኤኮናይ ታና ኤኮና፡ ታና ኤኮናይ ታና ከቲዳይሳ ኤኮና» ያገሰ።

ላፑን ታማኔ ናምዑቲ ሲሚደሶና

17 ላፑን ታማኔ ናምዑ ታማሪቲ ከቲቲዳ ቤሳፊ ከሄ ኡፋይቲሽ ሲሚደሶና። ዩሱሳኮ ሸቂዲ፡ «ጎዳው፡ ኔ ሱንሳን ቱና አያናቲካ ኦሰ ከቲቲደሶና» ያገደሶና።
 18 ዩሱሲ ኤንታኮ፡ «ፃላሂይ ሳሎፔ ዎልግላዳ ዎጲሺን ታ ቤዓሰ። 19 ሂኮ፡ ሾሻኔ ኮርኔ ዩቆና ማላኔ ሞርኪያ ዎልቃ ዛራና ማላ ማታ ሂንቴው አማሰ። ሂንቴና ቆሃናባይ አይኮይካ ዳና። 20 ገደሺን፡ ሂንቴ ሱንሳይ

ሳሎ ማዘጋባን ፃፊቲዳ ገሾ ኡፋይቲቴፔ ኣቲን ቱና አያናቲ ከቲቲዳ ገሾ ኡፋይቶፊቴ» ያገሰ።

ዩሱሲ ባ ኡፋይሳ ቆንጩሲሰ (ማቶ 11:25-27፤ 13:16-17)

21 ሄ ዎዴ ዩሱሲ ገሻ አያናን ኡፋይቲዲ፡ «ሳሎዎ ሳሳ ጎዳው፡ ሃይሳ ጩንጫታፔኔ ኤራንቸታፔ ጌንላዳ ያላጋታሰ ቆንጩሲዳ ገሾ ጋላቴታ። ኤ ታ አዎው፡ ሃሳ ኔ ኦላናው ሎዎ ሸኔ ገዲሰ።
 22 «ኡባባይ ታ አዎፔ ታው አማቲሰ። ናዓይ ኦኔኮ አዎፔ ኣቲን ሃሪ ዎይኮ ናዓይ ቆንጩሳናው ኮዩይሳፊ ሃሪ ኦኒካ አዎ ኤሬይ ባዎ» ያገሰ።
 23 ካሊዲካ፡ ዩሱሲ ዲማ ባ ታማሪታኮ፡ «ሂንቴ ቤዌይሳ ቤዌይሳቲ ኣንጃቲዳይሳታ። 24 ቱማ ዳር ናቤቲኔ ካዎቴ ሂንቴ ቤዌይሳኔ ሲዌይሳ ቤዓናውኔ ሲዓናው አሞቲደሶና፡ ሺን ቤዒቦኮና፡ ሲዒቦኮና» ያገሰ።

ቱማ ሲቆ

25 ሂኮ፡ ኢሲ ጋላሰ ሙሴ ዎጋ ኤሪያ ኢሲ ኡራይ ዳንዲዲ ዩሱሳ ያገዲ ፓጩ ኦይሾ ኦይቸሰ። «አሰታማሪያው፡ ማሪና ዳዑዎ ላታናው ታኒ አይ ኦላ?» ያገሰ።
 26 ዩሱሲ፡ «ሙሴ ማፃፋን ፃፊቲዳይ ዎይገ? ኔ ዎታ ናባባይ?» ያገሰ።
 27 አይይ ዛሪዲ፡ « ኔ ጎዳ ኔ ያሳ፡ ኔ ኩማላ ዎዛናፔ፡ ኔ ኩማላ ሸምፑዎፊ፡ ኔ ኩማላ ዎልቃፊኔ ኔ ኩማላ ቆፋፔ ደሳ። ቃሲ አሴ ኔ ሾራዎ ኔ ሁዒያዳ ደሳ» ያገሰ።
 28 ዩሱሲ ኢያኮ፡ «ኔኒ ሊኬ ዛራዳሳ፡ ኔካ ሃሳዳ ኦላ። ኔኒ ማሪናው ዳዎን ዳና» ያገሰ።
 29 ሺን ኡራይ ባና ያሎ ኦላናው ኮዩዲ፡ «ሃኖሰ ኢ ታ ሾርይ ኦኔ?» ያገሰ።
 30 ኢያ ኦይሻሰ ዩሱሲ ያገዲ ዛር አሚሰ፡ «ኢሲ አሴ ዳዌይሲ ዩራሳላማ ካታማፔ ዳጌ ኢያርኮ ካታማ ቢሺን ኦጌ ቦላ ጋንጋቲ ኬዩዲ ሾጩደሶና። ኢያ ማዑዎ ቃሪ ኤኪዲ ሃይቆፔኔ ፓፃፔ ገዲን ዩገዲ ቢደሶና።
 31 ጉዬፔ፡ አይሁዴ ካሂኔ ኢሶይ ሄ ኦጊያራ ባ ቡሱ ቢሽ ኡራ ቤዒዲ ዳሽ ገዲ አጲሰ። 32 ቃሲ ኢሲ ሌዌ ዳዌይሲ ሄ ቤሳ ጋኪሽ ኡራ ቤዒዲ ሃራሶራ አጲዲ ቢሰ። 33 ሺን፡ ኢሲ ሳማሪ ቢታ አሴ ዳዌይሲ ሄ ኦጊያራ ዩሽ ኡራ ቤዒዲ ኢያው ቃጴቲሰ 34 ኢያኮ ሸቂዲ፡ ኢያ ማዲንሳ ቦላ ዛይቴኔ ዎይኔ ቲገዲ ቃቸሰ። ባ ሃሪያ ቦላ ኡቲሲዲ አማላ አቂያ ኬላ ኤፊሰ። ሄ ቤሳን ኢያው ኮሺያባ ኡባ ኦሊሰ። 35 ዎንቴሌ ናምዑ ዲናሬ ኬሲዲ አማላ ኬላዎሰ አሚዲ፡ ሳያና ሃ ኡራ ሎይላ ያላ። ታኒ ኔው አሚዳይሳፊ ቦላራ ኔ ኬሲያባ ኡባ ታ ኔው ጩጋና» ያገሰ።
 36 «ሂዛ፡ ሃ ሄዥ አሳታፔ ፓንጋቲ ሾጩዳ ኡራሰ ሾርቲይ ኔው ኦና ዳኒ?»
 37 ኡራይ ዛሪዲ፡ «ኢያው ቃጴቲዳይሳካ» ያገሰ። ዩሱሲ፡ «ኔካ ባዳ ሃሳዳ ኦላ» ያገሰ።

* 10:1 ላፑን ታማኔ ናምዑ፡ ኢሲ ኢሲ ማፃፋቲ ላፑን ታማ ጎሶና፤ ቃሲ ፓይዶ 17 ያላ። 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆር 9:14፤ 1ጊዎ 5:8 10:10 ሃ.ኦ 13:51 10:11 ማቶ 10:7-14፤ ማር 6:8-11፤ ሉቃ 9:3-5 10:12 ሜዴ 19:24-28፤ ማቶ 10:15፤ 11:24 10:13 ኢሳ 23:1-18፤ ሂዘ 26:1-21፤ ኢዩ 3:4-8፤ አዎ 1:9-10፤ ዛካ 9:2-4 10:15 ኢሳ 14:13-15 10:16 ማቶ 10:40፤ ማር 9:37፤ ሉቃ 9:48፤ ዮሃ 13:20 10:19 ማዘ 19:13 10:22 ዮሃ 3:35፤ 10:15 10:25 ማቶ 22:35-40፤ ማር 12:28-34 10:27 ሉዌ 19:18፤ ዛሬ 6:5 10:28 ሉዌ 18:5 10:33 2ታሪ 28:15

ዩሱሲ ማርታን ማይራሚ ሶን

38 ዩሱሲ ባ ታማሪታራ ኦጌ ቢሼ ኢሲ ጉታ ጋኪሰ። ያን ማርታ ጌቲቲያ ኢሲ ማጫሲያ ኢያ ባ ሶን ሞካሱ።
 39 ኢወካ ማይራሚ ጊያ ሚቺያ ደዓዉሱ፡ ማይራሚ ቃላ ሲዓሼ ጎዳ ቶሁዋ ማታን ኡታሱ። 40 ሺን ማርታ ዳሮ ኦሶን ኡንዔታዳ ዩሱሳኮ ሺቃዳ፡ «ጎዳው፡ ታ ሚቺያ ኦሶዋ ታ ዓላላሰ ዩጋዳ ኡታ ኣጊን ታ ዳቡሪያ ዋዳ ኔጊ ቤዓሼ ሲዒ ጋይ? ኢያ ታና ማዳና ማላ ኦዲኪ» ያጋሱ።
 41 ሺን ጎዳይ ሃይሳዳ ጊዲ ዛሪሰ፡ «ማርታ፡ ማርታ፡ ኔጊ ዳሮባን ኡንዔታሳን ማቶታሳ። 42 ጊደሺን፡ ኮዩቲይ ኢሲባ ዓላላ። ማይራሚ ሎዖባ ዶራሱ፡ ሄሲካ ኢፕ ኤኬቴና» ያገሱ።

11

ዩሱሲ ዋሳባ ታማርሲስ (ማቶ 6:9-13፤ 7:7-11)

1 ኢሲ ጋላሰ ዩሱሲ ኢሲ ቤሳን ዋሴሰ። ዋሳ ወርሲዳ ዋዴ ኢያ ታማሪታ፤ ኢሶይ፡ «ጎዳው፡ ዮሃንሲ ባ ታማሪታ ዋሳ ታማርሲዳ ማላ ኔካ ኦና ዋሳ ታማርሳ» ያገሱ።
 2 ዩሱሲ፡ «ሃይሳዳ ያገዲ ዋሲቲ፡ ሳሉዋን ዳዒያ ኦ ኣዋው ኔ ጌሻ ሱንሳይ ኣንጃቶ፤ ኔ ካዋቲሳይ ዮ።
 3 ኦ ጋላሳ ካላ ሃቺ ሃቺ ኦሰ ኢማ።
 4 ኦና ቆሃይሳታ ኦኒ ኣቶ ጌይሳዳ፡ ኦ ናጋራ ኣቶ ጋ፤ ፓጩን ኦና ጌልሶ።» ያገሱ።
 5 ካሊዲካ፡ ዩሱሲ ባ ታማሪታኮ ያገሱ፡ «ሎሚሶስ ሂንቴፊ ኢሱዋሰ ላጌይ ዳዒሰ። ኢ ጊዲ ቢላሃ ባ ላጊያ ሶ ቢዲ፡ ታ ላጊያው፡ ሄሹ ሶሎ ታው ታልዓርኪ። 6 ታው ላጌ ጊዲዳ ኢሲ ኣሲ ኦጌፕ ዩን፡ ኢያው ኣሊያባ ሳያሰ» ያገሱ።
 7 «ኢያ ላጌይ ኬላ ጊደን ጊዲዳ፡ ሳሃና ታና ዋይሶፓ፡ ዉላይ ጎርዳቲሰ። ታ ናይቲካ ታራ ኣርሳ ቦላ ዚንዒዶሶና። ያኒያ ጊሹ፡ ዳንዳዳ ኔ ኮያባ ኢማናው ዳንዳዒኬ» ያገሱ። 8 ታ ሂንቴው ኦዳይሰ፤ ላጌቲላ ጊሹ ዳንዲዲ ኢማናው ኮዮና ኢዳኮካ ዋሳን ሳሌሊዳ ጊሹ ዳንዲዲ ኮሺያባ ኡባ ኢማሰ።
 9 «ሃሳ ጊሹ፡ ታኒ ሂንቴው ኦዳይሰ፤ ዋሲቲ ሂንቴው ኢማታና፤ ኮዩቲ ሂንቴ ዳማና፤ ካሬ ዩዲ ያጌቲ ሂንቴው ደዩታና። 10 ጋሶይካ ዋሲያ ኡባይ ኤኬሰ፤ ኮዩይ ዳማሰ፤ ካሬ ዩዲ ያጌይሳሰ ደዩቲሰ።
 11 «ሂንቴና፡ ኣዋቶ ሂንቴ ጊደፊ ናዒ ኡይሊ ዋሲን ሹቹ ኢማይ ኦኔ? ሞሎ ዋሲን ሹሹ ኢማይ ኦኔ?
 12 ዋይኮ ጳጳሌ ዋሲኮ ኮርኔ ኢማ? 13 ሂንቴ ኢታታ ጊዲሼ ሂንቴ ናይታሰ ሎዖባ ኢሞ ኤርኮ፡ ሳሎን ዳዒያ ሂንቴ ኣዋይ ዋሲይሳታሰ ጌሻ ኣያና ዋቲ ኣሉ ኢማኔ?» ያገሱ።

ዩሱሳን ቢዔልዜቡላ

14 ኢሲ ጋላሰ ዩሱሲ ደና ሙሚሲዳ ቲና ኣያና ኢሲ ኡራፔ ኬሲሰ። ቲና ኣያናይ ኬዩዳ ማላ ሙሙ ኡራይ ኦዳቲሰ። ኣሳይካ ማላሌቲሰ። 15 ሺን ኢሶቲ ኢሶቲ፡

«ቲና ኣያና ሃላቃ፡ ቢዔልዜቡላ ዋልቃን ቲና ኣያናታ ኬሲሰ» ያገደሶና። 16 ሃራቲ ቃሲ ፓጩሰ ሳሎፔ ማላ ቤሳና ማላ ኮዩደሶና።
 17 ሺን ዩሱሲ ኤንታ ቆፋ ኤሪዲ ኤንታኮ፡ «ዋሊ ጊደን ሻኬቲያ ካዋቲሊ ኡባይ ሳዩሰ፤ ዋሊ ጊደን ሻኬቲያ ኬሊ ኮንዳሰ። 18 ዓላሃይ ዋሊ ጊደን ሻኬቲኮ ኢያ ካዋቲላይ ዋኒዲ ሚኒዲ ኤቃኔ? ሂንቴ ታና፡ ሳኢ ቲና ኣያናታ ቢዔልዜቡላ ዋልቃን ኬሲሰ» ያጌታ።
 19 ሂዛ፡ ታኒ ቲና ኣያና ቢዔልዜቡላ ዋልቃን ኬሲያባ ጊዲኮ ሂንቴ ናይቲ ኦዴ ዋልቃን ኬሶናሻ? ሃሳ ጊሹ፡ ኤንቲ ሂንቴ ቦላ ፐርዳይሳታ ጊዳና። 20 ሺን ታኒ ቲና ኣያናታ ያሳ ቢራዴን ኬሲያባ ጊዲኮ ሂዛ ያሳ ካዋቲላይ ሂንቴኮ ማቲዳይሳ ኤሪቲ።
 21 «ሚኖ ኣሲ ዳንጩቲዲ ባ ኬላ ናጊያባ ጊዲኮ፡ ኢያ ሻሎይ ቦሼቲና። 22 ሃናሺን፡ ኢያፔ ኣጲ ሚኖ ጊዲዳ ኣሲ ዩዲ፡ ኢያ ቆሃዲ ያኒኮ ኣማኔቲዲ ዳንጩዳ ዳንጩዋ ቢሊሲዲ፡ ኢያ ሻሎዋ ቦንቁዲ ሃራሰ ሻኬሰ።
 23 «ታራ ጊደናይሲ ታና ኢዳሰ፤ ታራ ሺሻናይሲካ ላሌሰ።
 24 «ቲና ኣያናይ ኣሳፔ ኬዩዳ ዋዴ ሹምፕያሶ ኮዩዲ ሃላ ባይናሶራ ዩዩሰ። ሹምፕያሶ ሳዩዳ ዋዴ ታ ኬዩዳኮዋ ሲማና» ያጌሰ። 25 ኢ ሲሚያ ዋዴ ኬላይ ፐቲቲዲ ሎዒዲ ዳዒሺን ዳሚሰ። 26 ሃሳፊ ጉዩ፡ ቢዲ ኢያፔ ኣጲዲ ኢቲዳ ሃራ ላፑን ቲና ኣያናታ ኤኪዲ ዩሰ። ኢያን ጌሊዲ ዲሱ ኦይኬሰ። ሄ ኡራሰ ኮይርይሳፊ ጉይይሲ ኣጲዲ ኢታ ጊደሰ» ያገሱ።
 27 ዩሱሲ ሃሳ ኦዳ ቦላ ዳዒሺን ኢሲ ማጫሲ ኣሳ ጋላፊ ዳንዳዳ፡ ባ ቃላ ጶቁ ኦላዳ፡ «ኦና ቶኪዳ ኡሎይኔ ኔጊ ሳሚዳ ሳንሳቲ ኣንጃቲደሶና» ያጋሱ።
 28 ሺን ኢ፡ «ኣንጃቲዳይሳቲ ያሳ ቃላ ሲዒዲ ኪቲቲይሳታ» ያገሱ።

ዮናሳ ማላ

29 ዳሮ ኣሳይ ሺቁዳ ዋዴ ዩሱሲ፡ «ሃ ዩሌቲላይ ኢታ፤ ኦራላ ማላ ኮዩሰ። ሺን ዮናሳ ማላታፔ ኣቲን ሃሪ ኤንታው ኢማቲና። 30 ዮናሲ ናናዌ ኣሳሰ ማላ ጊዲዳ ማላ ኣሳ ናናይካ ሃ ዩሌቲላይ ማላ ጊዳና።
 31 ዲጌሃ ካዋያ ፐርዳ ጋላሰ ሃ ዩሌቲላይ ዳንዳዳ ፐርዳና። ጋሶይካ፡ ኢያ ሶሎሞኔ ጨንጨቲላ ሲዓናው ቢታ ጋፃፔ ዳንዳዳ ያሱ። ሄኮ ሶሎሞኔ ኣጲይሲ ሃይሳን ዳዒሰ 32 ናናዌ ኣሳቲ ፐርዳ ጋላሰ ሃ ዩሌቲላይ ዳንዲዲ ኤንታ ቦላ ፐርዳና። ጋሶይካ ዮናሳ ሲብካቲያን ማርታ ጌሊደሶና። ሄኮ፡ ዮናሳፔ ኣጲይ ሃይሳን ዳዒሰ» ያገሱ።

ኣሳቲላ ፖዖ

33 «ፆሞፔ ፆሞፐዲ ቆሳ ቤሳን ዋይኮ ኦቶ ጊደን ዋሊያ ኣሲ ዳና። ኣሲ ፖዖ ዋላ ማላ ጶቃ ቤሳን ዋሊሰ። 34 ኔ ኣሳቲላ ፖዖይ ኔ ኣይፊያ። ኔ ኣይፊይ ሎዖ ጊዲኮ፡ ኔ ኩሜላ ኣሳቲላይ ፖዒሰ። ኦና ኣይፊይ ሳኪኮ ኔ ኣሳቲላይ ኡባይ ሳሚሰ። 35 ሃሳ ጊሹ፡ ኔ ጋርሳን ዳዒያ ፖዖይ ሳሞና ማላ ናጌታ። 36 ሂዛ፡ ኔ ኩሜላ ኣሳቲላይ ፖዖ ጊዲኮ፡ ኔ ኣሳቲላይካ ሃሪ ሳሚ ቤሲ ሳዩኮ፡ ኔ ኣሳቲላ ኩሜላይ ዋሊሌ ፖዖ ማላ ጊደሰ» ያገሱ።

ኡሱቸን አዎታ
(ማቶ 23:1-36፤ ማር 12:38-40)

37 ዩሱሲ ባ ኦዳ ኦንጊዳ ማላ ኢሲ ፋሪሳዊያ ባራ ካላ ማና ማላ ያገለገለ። ኢ ኢያራ ኢሲፌ ጌሊዲ ገቢራ ቦላ ኡቲሰ። 38 ፋሪሳዊያ ዩሱሲ ካላ ማና፤ ሲንሐ ኩሼ ማጮናይሳ ቤዒዲ ማላሌቲሰ።

39 ጎዳይ ኢያኮ፡ «ሂንቲ ፋሪሳዊቲ ቁሊያኔ ሻቲያ ቦላ ባጋ ማጮታ። ሺን ሂንቲ ጋላይ ኡዜቲላኒኔ ኢታቲላን ኩሚሰ። 40 ሂንቲኖ፡ ኤያቶ፡ ካሪ ባጋ ማጲዳይሲ ጋላ ማጲዳይ ኢያ ገዴኔዬ? 41 ሺን ቁሊያኒኔ ሻቲያን ዳዔይሳ ማንቆታሰ ኢሚቲ። ሄ ዎዴ ሂንቲው ኡባባይ ጌሺ ገዳና።

42 «ፋሪሳዊቶ ሂንቲና አዬ፡ ሳዎ፤ ሳዎ፤ ሳዎ፤ ሃሳ ማላባ፤ አሰራታ ከሴታ። ሺን ያሎቲላኒኔ ያሳ ዶሶይ ሂንቲናን ባዎ። ሃራታ አጎና ሃይሳታካ አላናው ቤሴሰ። ሺን አገዴታ።

43 «ፋሪሳዊቶ ሂንቲና አዬ፡ አይሁዴ ዎሳ ከላን ቦንቾ ኦይዴ፡ ገያ ገዳን ቦንቾ ሳርላ ዶሴታ።

44 «ማላይ ቆዳን አሳይ ኤርና ቦላራ ቢያ ዱፎ ዳይሳቶ ሂንቲና አዬ» ያገለገለ።

45 ሂጌ አሰታማሪዬ ዛሪዲ፡ «አሰታማሪያው፡ ኔ ሃሳ ጋሽ ኡና ጫያሳ» ያገለገለ።

46 ዩሱሲ፡ «ሂንቲኖ፡ ሂጌ አሰታማሪቶ፡ ሂንቲናካ አዬ፡ አሳይ ቶካናው ዳንዳያና ዴያ ቶሆ ቶሴታ። ሺን ሂንቲ ሂንቲ ሁዔሰ ሃሪ አቶሺን ቢራጼ ያራንካ ቦቼከታ።

47 «ሂንቲ አዎቲ ዎጲዳ ናቤታ ዱፋዎ ሂንቲ ገቢሲያ ገሾ ሂንቲና አዬ። 48 ሂዛ፡ ሂንቲ አዎታ ኦሱዎ ማንላናው ኤንቲ ዎጲዳ ናቤታ ዱፋዎ ሂንቲ ሎይሲያ ገሾ ኤንታ ኢታ ኦሱዎሰ ሂንቲ ማርካ። 49 ሃሳ ገሾ፡ ያሳይ ባ ጪንጫቲላን፡ «ናቤታኔ ሃዎሪታ ታ ሂንቲው ከታና፡ ሺን ሂንቲ ባጋታ ዎጲና፤ ሃራታ ጎዳና» ያገለገለ። 50 ሃሳ ገሾ፡ ሃ ዩሌቲላይ አላሚይ ማጲቶሳ፤ ሃና ጋካናው ጉኪዳ ናቤታ ኡባ ሱላስ ኦይሼታና። 51 አቤላ፤ ዶሚዲ ያርሾ ቤሳሲኔ ያሳ ከላፊ ገዲዎን ጉኪዳ ዛካሪያሳ ሱላ ገሾ ሃ ዩሌቲላይ ኦይሼታና።

52 «ሂጌ አሰታማሪቶ፡ ሂንቲና አዬ፡ ኤራቲላ ቁሊ፤ ሂንቲ ኩሼን ኦይኪዴታ፡ ሺን ሂንቲው ጌሌከታ ሃራታካ ጌላሴከታ።» ያገለገለ።

53 ዩሱሲ ያፔ ባናው ከያ ዎዴ ሂጌ አሰታማሪቲኔ ፋሪሳዊቲ ኢያራ ኤቁቲዲ ኦይሾን ዎይሶሶና። 54 ኢያ ዶና፤ ከያ ቃላን ኢያ ኦይካናው ኮዩዲ ሃሳ አሊዶሶና።

12

አያና ሚንሌላ
(ማቶ 10:26-27)

1 ሄ ዎዴ ዶር ሙኩሉን ታይቤቲያ አሳይ ዎሊ ቦላ ዩዴታና ጋካናው አሲ አሳ ቦላ ሸቂዲ ዳዒሺን፡ ዩሱሲ ባ ታማሪታኮ፡ «ፋሪሳዊታ ኢርሹዎፊ ናጌቲቲ። ሄሲካ ኤንታ ጩቦቲላ። 2 ቆንጮና ቆሴቲዲ፡ ኤሪቶና ጌሚዲ አቲያባይ አይኮይካ ባዎ። 3 ሂዛ፡ ሂንቲ ጲማን ኡዲዳባይ ኡባይ ፖጆን ሲዔታና፡ ቆልሳ ጋላን ካልካሺዳባይ ዳባባን ኦዴታና።

4 «ታ ባጋቶ፡ ታ ኦዴይሳ ሲዒቲ፤ አሹዎ ዎጲሶና፤ አቲን ሃራ አይኮካ አላናው ዳንዳያናይሳታሰ ባቦፊቲ።

5 ሃናሺን፡ ሂንቲ ባባናው ቤሴይሳ ታ ሂንቲው ቆንጪሳና፡ ሄሲካ ዎጲዳ፤ ጉዬ ጋናሚን ዩጋናው ዎልቃይ ዳዔይሳሰ ኢያው ባቢቲ። ኤ፡ ቱማ ጋይሰ፤ ኢያው ባቢቲ። 6 ኢቻሹ ቡቤቲ ኢሲ ሳንቲሚሰ ባይዜቶኮናዬ? ሃና፤ አቲን ኤንታፊ ኢሲናካ ያሳ ሲንላን ዶጌቲኩ። 7 ሃሪ አቶሺን፡ ሂንቲ ሁዔ ቢናናይካ ፓይዴቲዲ ዳዔሰ። ሂዛ፡ ባቦፊቲ፤ ዶር ቡቤታ፤ ሂንቲ አዴታ።

8 «ታ ኦዴይሳ ሲዒቲ፤ አሳ ሲንላን ታው ማርካቲያ ኡባሰ አሳ ናዓይ ያሳ ከታንቾታ ሲንላን ማርካታና።

9 አሳ ሲንላን ታና ካዴይሳሰ ያሳ ከታንቾታ ሲንላን ታ ኢያ ካዳና። 10 አሳ ናዓ ቦላ ካጼ ቃላ ሃሳያ ኡባይ ማርታ ዳማና፡ ሺን ጌሻ አያና ቦላ ካጼ ቃላ ኦዴቲይሲ ማሪቲና።

11 «አሲ ሂንቲና ኦይኪዲ አይሁዴ ዎሳ ከላን፡ ዳይናታ ሲንላኒኔ ካዎታ ሲንላን ጎሼቺያ ዎዴ አይ ኦዴኮኒኔ ዎይጊ ዛራኔኮ ሂርጎፊቲ። 12 ሄ ዎዴ ሂንቲ ኦዳና ባ ጌሻ አያናይ ሂንቲና ታማርሳና» ያገለገለ።

ዱሪ ኡራ ኤያቲላ

13 አሳ ገደፊ ኢሲ አሲ ዩሱሳኮ ዩዲ፡ «ታ አሻይ ታው ኦ አዎ ላታ፤ ሻካና ማላ ኢያው ኦዳ» ያገለገለ።

14 ዩሱሲ ዛሪዲ፡ «ላ አዲያው፡ ሂንቲ ቦላ ታና ዳይናኔ ላታ ሻኪያ ጪማ ኦሊዳይ ኦኔ?» ያገለገለ።

15 ቃሲካ ዩሱሲ፡ «አሳ ዳይይ ሻሎ ዳርቲላን ገደና ገሾ ያሪ አገዲ ሚንሊዲ ሂንቲና ናጌቲ» ያገለገለ።

16 ካሊዲካ ለሚሶን፡ «ጋዴይ ዶር ካላ አሚያ ኢሲ ዱሪ ኡራይ ዳዔሰ። 17 ሄ ኡራይ፡ «ታ ካላ ታኒ ሺሻናው ቤሲ ጉዳይ ገሾ አይ ኦላ?» ያገለገለ ባ ዎዛናን ቆገሰ።

18 ሂዛ፤ ያታና፤ ካሴ ዳዒያ ሻሌታ ላላዳ ሃራ ዳልጋ ሻሌታ ከፃና። ካላኔ ታው ዳዒያባ ኡባ ኢያን ዩጋና።

19 ባ ሸምፔኮ፡ «ታ ሸምፔቲ፡ ዶር ላይላሰ ኔው ገዲያ ሻሎ ሸሻሰ። ሂዛ፡ ሸምፓዳ ማ፡ ኡያ፡ ኡፋይታ» ያጋና።

20 «ሺን ያሳይ፡ «ላ፡ ኤያ አዲያው፡ ሃቺ ቃማ ኔ ሸምፔያ ኔ፤ ኤከታውሱ። ሂዛ፡ ኔ ሺሺዳባይ ኦዳሰ ገዲኔ?» ያገለገለ።

21 «ሃሳ ገሾ፡ ባው ዱሪቲላ ሳዓን ሺሺያ አሳሰ፡ ያሳ ማታን ዱሪ ገደና አሳሰ ዉርሴላይ ሃ ኡራይሳ ማላ» ያገለገለ።

ኤንዔቶፊቲ
(ማቶ 6:25-34)

22 ሃሳፊ ጉዬ፡ ዩሱሲ ባ ታማሪታኮ፡ «ሂዛ፡ ታ ኡዲያባ ሲዒቲ፡ ሂንቲ ሸምፔዎሰ አይ ሚኖ ሂንቲ ቦላሰ አይ ማዒኖ ያገዲ ኤንዔቶፊቲ። 23 ሸምፖይ ካላፊ ቦሊ አፊላ፤ አዴሰ። 24 ካፎታ ቤዒቲ ዜርኮና፡ ከሾኮና፡ ኤሌይካ ሻሌይካ ባዎ። ሺን ያሳይ ኤንታና ሙዜሰ። ሂንቲ ካፎታ፤ ዶር አዴታ። 25 ሃናሺን፡ ሂንቲፊ ኤንዔቲዲ ባ ላይላ ቦላ ኢሲ ቃማ ጉጃናው ዳንዳዔይ ኦኔ? 26 ሂዛ፡ ሃ ጉላባ አላናው ዳንዳያና ሂንቲ ሃራባሰ አይሰ ኤንዔቲቲ? 27 ኦኔ ጪሻቲ ዎኒዲ ዲጪያኮ ቤዒቲ። ዎኮኮናኔ ሱቆኮና። ሃሪ አቶሺን፡ ሰሎሞኔይ ባ ዳዒያ ቦንቾ ኡባን ኤንታፊ ኢሱዎ ማላካ

11:42 ሉቁ 27:30 11:51 ሜጴ 4:8፤ 2ታሪ 24:20-21 12:1 ማቶ 16:6፤ ማር 8:15 12:2 ማር 4:22፤ ሉቃ 8:17 12:10 ማቶ 12:32፤ ማር 3:29 12:11 ማቶ 10:19-20፤ ማር 13:11፤ ሉቃ 21:14-15 12:27 1ካዎ 10:4-7፤ 2ታሪ 9:3-6

ማዕቢና። 28 ሂንቴኖ፣ አማኖይ ፓጪዳይሳቶ፣ ሂዛ፣ ያሳይ ሃቺ ቤንቴዲ ዋንቶ ታማን ዩጌታና ጪሻታ ሃይሳዳ ማይዚኮ፣ ሂንቴና ዋቲ አሊ ማይዚኮ? 29 ሂሳ ጊሹ፣ አይ ሚኖ ዋይኮ አይ ኡዩኖ ጊዲ ኡንዔቶፊቴ። 30 ሂ ኡባሰ ያሳ አማኖና አሳቲ ኡንዔቶሶና። ሺን ሂንቴ አዋይ ያሳይ ሄሲ ኡባይ ሂንቴው ኮሼይሳ ኤሬሰ። 31 ኡባፌ አሊዲ ያሳ ካዋቴላ ኮዩቴ ሄሲ ኡባይ ሂንቴው ጉጂ አሜታና።

32 «ሂንቴኖ፣ ጉላ ዳሬቶ፣ ያዮፊቴ፤ ሂንቴ አዋ ያሳይ ካዋቴላ ሂንቴው አማኖው ኡፋይቴሰ። 33 ሂንቴው ዳዒያባ ባይዚዲ ማንቆታሰ አሚቴ። ካይሶይ ኤኮናሶን፣ ቢሊ ሞናሶን፣ ጪሞና ካርዒታን፣ ወርና ሻሉዋ ሳሉዋን ሺሺቴ። 34 ሂንቴ ዋዛናይ ሂንቴ ሻሎይ ዳዒያሱዋን ጊዳና።

ባርኪዲ ናጎ

35 «ቃንላን ዳንጪዲ ጊጌቲቴ፤ ሂንቴ ያምፔይ ፖዒዳይሳ ጊደ። 36 ባንታ ጎዳይ ያጋናፔ ሰማና ጋካናው ባርኪዲ ናጌይሳታዳ፣ ጎዳይ ዩዲ ያጊያ ዋዴ ኤሌሲዲ ደያናው ጊዲ አሳታ ዳኒቴ። 37 ባንታ ጎዳይ ሰሚያ ዋዴ ጳሰኮና ዳዒሽ ናጌይሳቲ አንጃቲዳይሳታ። ቱማ ጋይሰ፤ ጎዳይ ቃንላን ዳንጪዲ ጋይታ ዩሹዋን ኡቲሲዲ ሞከሰ። 38 ጎዳይ ላይ ጊዲን ጊዲ ቢላሂ ጊዲን ዋይኮ ዋንቲማሌ ጊዲን ዩዲ፣ ሂሳ ሜላ ጳሰኮና ናጊሺን ዳሚያ ሄ አይሌቲ አንጃቲዳይሳታ። 39 ሺን ሃይሳ ኤሬቲ፤ ካይሶይ አወዳ ያኔኮ ከላዋይ ኤሬያኮ ከላይ ቦኬቲያ ዋዴ ሰዒ ጊዲ ቤዔና። 40 ሂንቴካ ጊዲ ናጊቴ፤ አሳ ናዓይ ሂንቴ ቆፖና ዋዴ ያና» ያጊሰ።

41 ጳዒርሲካ፣ «ጎዳው ሃ ለሚሱዋ ኑ ዓላላሰ ኦዳዬ ዋይኮ አሳ ኡባሴ?» ያጊሰ።

42 ጎዳይ ዛሬዲ፣ «ሂዛ፣ ካላ ሙዛናው ቤሲያ ዋዴያን አማና ሜላ ጎዳይ ባ አይሌታ ቦላ ሹሚዳ አማንሌይሰኔ ዋዛናማ ሃላቃይ ኦኔ? 43 ጎዳይ ሰሚያ ዋዴ ሂሳ ሜላ ኡሊሽ ቤንቴያ አይሌይ ኢ አንጃቲዳይሳ 44 ታ ሂንቴው ቱማ ኦዳይሰ፤ ባ ጎዳሰ ዳዒያ ሻሎ ኡባ ቦላ ኢ ሹሜታና። 45 ሺን ሄ አይሌይ፣ ታ ጎዳይ ኤሌ ዩና) ያጊዲ ባ ዋዛናን ቆፒዲ፣ ማጫ አይሌታኔ አዳ አይሌታ ዋዲኮ፣ ቃሲ ባው ኮዩዳ ሜላ ሚሼኔ ኡዩሽ ማሞቲኮ። 46 ሄ አይሊያ ጎዳይ ኢ ቆፖና ጋላሳኒኔ ሂርጎና ዋዴ ያና። ዩዲ ኢያ ቃንጃሬሊዲ፣ ኢያ ቃዳ አማኖና አሳታራ አላና።

47 «ጎዳ ሽኒያዳ ገንናይሲኔ ኢያ ጎዳይ አይ ደሲያኮ ኤሬሽ አሉና አይሌይ ዳር ጋራፊታና። 48 ሺን ባ ጎዳ ሽኒያ ኤርና አቲዲ ጋራፊታናው ቤሴይሳ አሊዳይ ጉላራ ጋራፊታና። ጋሶይካ ዳር አሜቲዳይሳፊ ዳር ኮዩቴሰ፣ ዳር ሃዳራ ኤከዳይሳፊካ ዳር አማና ጊዲ ናጌቴሰ።

ሳርቴላሰ ጊዳናሺን ሻኬቲላሳ (ማቶ 10:34-36)

49 «ታኒ ዩዳይ ቢታ ቦላ ታማ ኦይላናሳ። ሃዒ ታማይ አይኪያኮ ታና ዋቲ ኡፋይሳንዳሻ! 50 ሃኖሺን፣ ታ ሃዒ ያማቂቲያ ዪንቃቴይ ዳዒሰ። ኢ ፖሌታና ጋካናው ታ ዳር ኡንዔታይሰ። 51 ሳባ ቦላ ሳርቴሌ ኤሃናው ዩዳ ሂንቴው ዳኒ? ጊዳና፣ ታ ዩዳይ ሻካናሳ። 52 ሃዒፊ ደሚዲ ዋሊ ጊዳን ሻኬቲዳ ኢቻሹ ከላ አሳቲ ኢሲፊ ዳዎሶና። ናምባቲ ሃሻታ ቦላ፣ ሃሻቲካ ናምባታ ቦላ፣

ዳንዲዲ ሻኬቶሶና። 53 አዋይ ናዓ ቦላ፣ ናዓይካ አዋ ቦላ፣ አያ ናዒ ቦላ፣ ናዒያ አዬ ቦላ፣ አዚና አያ ናዓ ማቺ ቦላ፣ ናዓ ማቺያ አዚና አዬ ቦላ፣ ዳንዲዲ ሻኬታና።»

ላይላታ ማሎ (ማቶ 16:2-3)

54 ቃሲካ አሳኮ፣ «ወሎሃ ባጋራ ሳሎይ ሻራቲያ ዋዴ ቤዒዲ፣ ኤሌሲዲ፣ (ኢሪ ያና) ያጌታ፣ ሃሳዳካ ሃኔሰ። 55 ዲጌሃ ጫርኮይ ጫርኪያ ዋዴ (ሳዓይ አዋና) ያጌታ፣ ሃሳዳካ ሃኔሰ» ያጊሰ። 56 ሂንቴኖ፣ ጩቦቶ፣ ሳሎባኔ ሳባባ ሻኪ ኤሬታሺን ሃ ዋዲያ ሻኪ ኤርይ ሂንቴና ዋጊዲ ያጊዴ? 57 «ያቲን፣ ሂንቴ ሁዔሰ አይሰ ቱማ ፐርዴኬቲ? 58 ኔ ሞርኪያራ ዋላ ዳይና ሲንላን ኤቃናው ባሽ ኦጌ ቦላ ጊጋናው ኮያ። ኔ ገንና ኢዳኮ ጎሹቺዲ ዳይና ሲንሌ ኔና ኤፋና። ዳይናይ ኔና ፖሊሴሰ አሊ አማና። ኢ ኔና ዋይኔን ዩጋና። 59 ሲዒቴ፣ ኢሲ ባካኒ አቶና ጪጋ ኦንጋና ጋካናው ኔ ያፔ ኬዮናይሳ ኤራ» ያጊሰ።

13

ናጋራፔ ሰዋ

1 ሄ ዋዴ ዩሱሳኮ አሳይ ዩዲ ጲላያሲ ዋዲዲ ኤንታ ሱላራ ኤንታ ያርሹዋ ዋላኪዳ ጋሊላ አሳባ ኦዲዳ አሳቲ ሄ ቤሳን ዳዎሶና። 2 ኢ ሃይሳዳ ያጊዲ ዛሬሰ፤ «ያቲን ሄ ጋሊላ አሳቲ ሄ ኢታ ሃይቆ ሃይቂዳ ጊሹ ጋሊላን ዳዒያ አሳ ኡባፌ አዲዳ ናጋራንቸ ዳናና? 3 ጊዳና! ጊዳሺን፣ ሂንቴካ ማርታን ሰሞና ኢዳኮ፣ ኡባይ ሃሳዳ ጳያና። 4 ዋይኮ ቃሲ ሳሊሆሚ ጊያ ቤሳን ገምቤይ ዋዲዲ ዋዲዳ ታማኔ ሆሰፑን አሳይ ዩራሳላሜን ዳዒያ አሳ ኡባፌ አዲዳ ናጋራንቸ ዳናና? 5 ጊዳና! ሺን ሂንቴካ ማርታን ሰሞና ኢዳኮ ኡባይ ሃሳዳ ጳያና።»

6 ቃሲካ ዩሱሲ ሃይሳዳ ጊዲ ለሚሶ ኦዲሰ። «ኢሲ ኡራሰ ዋይኔ ጋዴን ቶኬቲዳ ባላሴ ሚሊያ ዳዓወሱ። ኢ አፔ አይፊ ኮዩ ዩዲ አይኮካ ዳሚቤና። 7 ጋዲያ ጎዳይ ዋይኔ ኦሳንቸዋኮ፣ (ኣይፊ ዳማናው ኮያዳ ሂቸ ላይሌ ሰሜሬታዳ አይኮካ ዳማቢኬ። ሃሳ ጊሹ፣ ቃንፃ ዲጋ፤ አይሰ ቢታ ሚሊሳይ?) ያጊሰ።

8 «ሺን ኦሳንቸይ፣ ሳዳው፣ ኢ ዩሹዋ ኦላዳ ኦሻ ዩጋና ጋካናው ሃ ላይላሰ አጋርኪ። 9 ሃ ላይሌ አይፊኮ ሎዎ፣ ኢዳኮ ቃንፃ አጋ) » ያጊዲ ዛሬሰ።

ዘኮ ኩኒዳ ማጫሲያ ፓፃሱ

10 ዩሱሲ ሳምባታ ጋላሰ አይሁዳ ዋሳ ከላን ታማርሴሰ። 11 ሄ ቤሳን ታማኔ ሆሰፑን ላይሌ ቱና አያኒ ዘኮ ኩኒሲዳ ኢሲ ማጫሲያ ዳዓወሱ። ኢያ ኩናፔ ዳንደይሳን ሱሬ ኤቃናው ዳንዳዑኮ። 12 ዩሱሲ ኢዮ ቤዒዳ ዋዴ ያጊዲ፣ «ሃ ማጫሴቴ፣ ኔ ሃርጊያፊ ፓፃዳሳ» ያጊሰ። 13 ባ ኩሺያ ኢ ቦላ ዋሊን፣ ኢያ ስሁዋራ ሱራዳ ኤቃሱ። ያሳካ ጋላታሱ።

14 ሺን አይሁዳ ዋሳ ከላ ሃላቃይ ዩሎቲዲ አሳኮ፣ «ኦሶ ኦሊያ ኡሱፑን ጋላሳቲ ዳዎሶና። ሃሳ ጊሹ፣ ሄ ጋላሳታን ዩዲ ፓፃቴፔ አቲን ሳምባታ ጋላሰ ጊዳና» ያጊሰ።

15 ጎዳይ፣ «ጩቦቶ፣ ሂንቴ ጊደፊ ቦሪ ዋይኮ ሃሪ ሳምባታ ጋላሰ ዛዳሎፔ ቢሊዲ ሃሌ ኡሻናው ኤርናይ ኦኔ? 16 ያቲን፣ ሃ ማጫሲያ አብራሃሚ ናዓ

ገዳሽ ዓላሄን ቃሽታዳ ታማኔ ሆሰፑን ላይሊ ኩሜሊ ዳዒዳሪስ ሳምባታ ጋላስ ቢርሼቴሌ ኮሼኔ?» ያገዱ ኦይቸሰ።

17 ኢህሳ ሄሳ ኦዲዳ ዋዴ ኤቁቴይሳቲ ኡባይ ዩላቲዶሶና። ሺን ኣሳ ኡባይ ኢ ኦሊዳ ማላሊሲያ ኦሶ ኡባን ኡፋይቲዶሶና።

18 ሄሳፊ ጉዩ፣ ዩሱሲ ሃይሳዳ ያገሰ፣ «ዶሳ ካዎቴላይ ኣይ ዳኒ? ኢያ ኣይቢራ ዳኒሶ? 19 ዶሳ ካዎቴላይ ኢሲ ኣሲ ባ ሳሻን ቶኪዳ ዎላ ኣይፊ ማላ። ኢ ዲጩዲ ሚሊ ገዲሰ። ሳሎ ካፎቲ ኢያ ታሺያ ቦላ ሸምፒዶሶና።

20 ቃሲ፣ «ዶሳ ካዎቴላይ ኣይቢራ ዳኒሶ? 21 ኢሲ ማጫሲያ ዳሮ ጴሌራ ዎላካዳ ሙኩቁዳ ጉላ ኢርሾ ዳኔስ» ያገሰ።

ፀንሳ ወላ

22 ሄሳፊ ጉዩ፣ ዩሱሲ ዩሩሳላሜ ቢሼ ኢ ካንሊያ ኦጊያን ዳዒያ ካታማታኒኔ ጉታታን ታማርሲሼ ኣጲሰ። 23 ኢሲ ኣሲ ዩሱሳኮ፣ «ጎዳው፣ ኣታናይ ጉላ ኣሳ ዓላሌ?» ያገዱ ኦይቸሰ።

ዩሱሲ ኤንታኮ፣ 24 «ሲዒቲ፣ ፀንሳ ወላራ ጌላናው ባዌቲቲ፣ ዳሮቲ ጌላናው ኮዮሶና ሺን ኤንታው ሃኔና።

25 ከላዎይ ዴንዲዲ ወላ ጎርዲዳፕ ጉዩ ሱስ ደያርኪ) ያገረኸ ካሬን ኤቁዲ ያሲ ኣይኬታ። ሺን ኢ፣ ሂንቲ ኦኔኮኔ ኣወፕ ዩዳኮ ታ ኤሪኬ) ገዲ ዛራና። 26 ሄ ዎዴ ሂንቲ፣ ሱራ ዎላ ሚዳ፣ ኡዩዳ፣ ኦ ዳባባንካ ታማርሳዳሳ) ያገና።

27 «ኢ ዛራዲ፣ ሂንቲ ኦኔኮኔ ኣወፕ ዩዳኮ ኤሪኬ። ሂንቲና፣ ጌላቶ ታፕ ሃኪቲ) ያገና። 28 ኣብራሃሜ፣ ዩሳቃ፣ ያይቆባኔ ናቤታ ኡባ ዶሳ ካዎቴላን ቤዓና፣ ሺን ሂንቲ ካሬን ዎጲዲ ኣቲያ ዎዴ ሂንቲው ዩሆኔ ኣቲ ጋርጩሊ ገዳና። 29 ኣሳይ ደሎሃፕ፣ ወሎሃፕ፣ ፑዳሃፕ፣ ዲጌሃፕ ዩዲ ዶሳ ካዎቴላን ገቢራ ቦላ ኡታና። 30 ሄሳ ገሾ፣ ሃዒ ዳላን ጉዩ ገዲዳይሳታፕ ሲንሌ ገዳናይሳቲ፣ ሲንሌ ገዲዳይሳታፕ ጉዩ ገዳናይሳቲ ዳዎሶና» ያገሰ።

ዩሱሲ ዩሩሳላሜስ ዩኪስ (ማቶ 23:37-39)

31 ሄ ዎዴ ፋሪሳዊታፕ ኢሶቲ ኢሶቲ ዩዲ፣ «ሄሮዲሲ ኔና ዎጻናው ኮያ ገሾ ሃ ቤሳፊ ዴንዲዳ ባ ገደሶና።

32 ኢ ዛራዲ፣ «ቢዲ፣ ሄ ዎርካናስ ሄኮ፣ ሃቸኔ ዎንቶ ቲና ኣያናታ ከሳና፣ ሃርጋንቸታ ፓላና፣ ሄዳንላ ጋላሳን ኩሻ ቦላ ጋካና) ያገሰ ገቲ። 33 ሃኖፕ ኣቲን፣ ናቤይ ዩሩሳላሜፕ ካሬን ሃይቃናው ቤሴና። ሄሳ ገሾ፣ ሃቸ፣ ዎንቶኔ ዎንቲ ፔሲን ሄ ቤሳ ባናው ዳንዳሰ።

34 «ዩሩሳላሜ፣ ዩሩሳላሜ፣ ናቤታ ዎጲያሬ፣ ኔኮ ኪቲቲዳይሳታ ሹቻን ጫዲያሬ፣ ኩቶይ ባ ናይታ ባ ቁፊያፕ ጋርሳን ሺሺያዳ ኔ ናይታ ታ ቁሲያፕ ጋርሳን ኣፑን ቶሆ ሺሻናው ኮያዲና፣ ሺን ሂንቲ ኢዳስ ገዴታ። 35 ታ ሂንቲው ኦዳይስ፤ ሂንቲ ከላይ ካይሳታና። ጎዳ ሱንላን ዩይሲ ኣንጃቲዳይሳ ሂንቲ ጋና ጋካናው ታና ዴሜኬታ» ያገሰ።

14

ዩሱሲ ፋሪሳዊያ ሶን

1 ኢሲ ሳምባታ ጋላስ ዩሱሲ ኢሲ ፋሪሳዊታ ሃላቃ ሶ ካሊ ማናው ጌሊያ ዎዴ ኣሳይ ጫዲ ያሎሶና።

2 ሄ ቤሳን ሻወሄ ሃርጌን ዎዩቲያ ኢሲ ኣሲ ኢያው ሲንላ ባጋራ ዚንዲሰ። 3 ዩሱሲ ፋሪሳዊታኮኔ ሂጌ ኣስታማሬታኮ፣ «ሳምባታ ጋላስ ሃርጋንቸ ፓሶይ ዎጌዬ ዎጋ ገዴኔ?» ያገዱ ኦይቸሰ። 4 ኤንቲ ሲዒ ገደሶና።

ዩሱሲ ሃርጌቲያ ኡራ ቦቺ ፓሊዲ ሞይዚሰ።

5 «ቃሲካ ሂንቲፊ ኢሱዋስ ናዒ ዎይኮ ቦሪ ሳምባታ ጋላስ ኣፎን ወሊኮ ኤሌሲዲ ከሶናይ ኦኔ?» ያገዱ ኦይቸሰ። 6 ኤንቲ ኢሲባካ ዛራናው ዳንዳዒቦኮና።

7 ዩሱሲ ኢማቲዋስ ያጌቲዳይሳቲ ቦንቸ ቤሲ ዶሪሺን ቤዒዲ፣ ሃ ለሚሱዋ ኦዲሰ። 8 «ኢሲ ኣሲ ኔና ያጋኖ ያገረኮ ቦንቸ ቤሳን ኡቶፋ። ኔፕ ኣጲ ቦንቸቲያ ኣሲ ያጌታናው ዳንዳዒሰ። 9 ሂንቲና ናምባታካ ያገደይሲ ዩዲ፣ ሱ ቤሳ ሃ ኢማላስ ዩዳ) ያገረኮ ዎዴ ኔኒ ዩላታሽ ዚቃ ቤሲ ዎጻሳ። 10 ገደሺን፣ ኔ ያጌቲዳ ዎዴ ኮይርታዳ ዚቃ ቤሲ ቤዓዳ ኡታ። ያጎይሲ ዩዲ፣ ታ ላጊያው፣ ሃ ቦንቸ ቤሳን ኡታ) ያገና። ሄ ዎዴ ኔራ ኢሲፊ ያጌቲዳ ኣሳ ኡባ ሲንላን ኔ ቦንቸታና። 11 ባና ቶቁ ቶቁ ኦሊያ ኡባይ ካወያና፤ ባና ዚቁ ዚቁ ኦሊያ ኡባይ ቶቁ ቶቁ ጋና።»

12 ቃሲ ዩሱሲ ኢያ ሞኪዳ ከላ ኣዎኮ፣ «ቁማ ዎይኮ ካሆ ኢማቶ ያገረኮ ዎዴ ኔኒ ኩሼ ዛር ያጎና ማላ ኔ ላጌታ ዎይኮ ኔ ኢሻታ ዎይኮ ኔ ዳቦታ ዎይኮ ኔ ዲሬ ሾርታ ኢማቶ ያጎ። 13 ገደሺን፣ ኔ ኢማቶ ገገሲዳ ዎዴ ማንቆታ፣ ዎቤታ፣ ጉንዳታኔ ቆቁታ ያጋ፤ ኔኒ ኣንጃታና። 14 ሃይሳቲ ኩሼ ዛራናው ዳንዳዎና ገሾ ኩሼ ዛርይ ጌሻታ ዳንዶ ጋላሳን ኔው ሲማና» ያገሰ።

ጊታ ኢማቲዋ (ማቶ 22:1-10)

15 ዩሱሳራ ዎላ ኢማቶ ቦላ ኡቶይሳታ ገደፊ ኢሶይ ሄሳ ሲዒዲ፣ «ዶሳ ካዎቴላን ኢማቶ ቦላ ኡቲይሲ ኣንጃቲዳይሳ» ያገሰ።

16 ዩሱሲ፣ «ኢሲ ኣሲ ጊታ ኢማቶ ገገሲዲ ዳር ኣሳታ ያገሰ። 17 ኢማቶይ ሞኪቲያ ሳቲይ ጋኪያ ዎዴ ያጌቲዳ ኢማላታ፣ ሂኮ ኡባባይ ገገሰ፣ ሃ ዩቲ) ያገዱ ያጋናዳ ባ ኣይሊያ ኪቲሰ።

18 «ሺን ኡባይካ ባንታ ጋሶ ጋሶ ሜጲዶሶና። ኢሶይ፣ ሃዒ ቡሮ ጋዴ ሻሚዳ ገሾ ባዳ ቤዓናው ኮሼስ ሃያና ታና ኣጋርኪ ያጋ) ያገሰ። 19 ሃንኮይ፣ ሲቸሹ ዎላ ቦሪ ሻማስ ኤንታና ዎፃ ቤዓና ገሾ ሃያና ታና ላንጮፋ) ያገሰ። 20 ቃሲ ሃራይ፣ ታኒ ቡሮ ሜዳን ዴዒያ ገሾ ያናው ዳንዳዒኬ) ያገሰ።

21 «ኣይሌይ ሲሚ ዩዲ ሄ ኡባ ባ ጎዳስ ኦዲሰ። ሄ ዎዴ ያጋኖ ኣዎይ ሃንቁቲዲ ኣይሊያኮ፣ ሱሌሳዳ ካታማን ዴዒያ ዎጋ ኦጌታኔ ዳጋላታ ባዳ፣ ማንቆታ፣ ዎቤታ፣ ቆቁታኔ ጉንዳታ ሃ ኤሃ) ያገሰ።

22 «ኣይሌይ፣ ታ ጎዳው፣ ኔ ኪቲዳይሲ ኡባይ ፖሌቲሰ፣ ሺን ሃዒካ ቤሲ ዴዒሰ) ያገሰ።

23 «ጎዳይ ኣይሊያኮ፣ ሲሮጋታ ቦላኔ፣ ጋዴ ገደ ኦጌታ ከያ፣ ታ ከላይ ኩማና ጋካናው ዴሚዳ ኡባ ያና ሚላ ኦላ። 24 ታ ሂንቲው ኦዳይስ፤ ኢማቶቲዳይሳታፕ ኦኒካ ታ ገቢራፕ ሞናይሳ ኤሪቲ) ገሰ» ያገሰ።

ጎዳ ካሎይ ያርሺሴስ

25 ዳር አሳይ አያራ ዋላ ቢሸን ዩሱሲ ኤንታኮ ጉዩ ሲሚዲ፣ 26 «ታኮ ያ ኡባይ ባ አዋኔ ባ አዩው፣ ባ ማቸውኔ ባ ናይታ፣ ባ አሻታኔ ባ ሚቸታ፣ ሃሪ አቶሺን ባ ዴቡዋ አያሪይ ታ ታማሪ ገዳናው ዳንዳዔና። 27 ባ ማሰቃሊያ ቶኪዲ ታና ካሎናይ ታ ታማሪ ገዳናው ዳንዳዔና።

28 «ሂንቴፊ አሲ አሲ ሹቻ ከሌ ከፃናው ኮይኮ፣ ከላ ከዲዲ እንጋናው አይ ማላ ማሼ ኮሺያኮ ኮይርቲዲ ኤራናው ቆፒ ቤያናይ ኦኔ? 29 ሄሳ ገዳና አዲኮ፣ ሃ ኡራይ ባሶ ሹቻ ሃዲን ቁስቴሌ ያኒኮ፣ 30 ቤዲያ ኡባይ፣ ሃ ኡራይ ገምቤሌ ኦይኪን ቁስታናው አያ ያኒሰ) ያገዲ ቦርሶና።

31 «ዋይኮ አሲ ካዋይ ሃራ ካዋራ ኦሌታናው ዳንዲሼ ላታው ሙኩሉ ኦላንቸታ ኤኪ ያ ካወዋራ ታው ሙኩሉ ኦላንቸታ ኤቁታናው ዳንዳዳናይሳኔ ዳንዳዳናይሳ ኡቲዲ ዘሬቶናይ ኦኔ? 32 ኤቁታናው ዳንዳዳቶናባ ገዲኮ፣ ሄ ሃራ ካወዋራ ሃሆን ዳዲሺን ገጋናው ኮይርቲዲ ጪማ ዩዲዲ ኦይቸሰ። 33 ሄሳዳካ፣ ሂንቴፊ ኦኒካ ባው ዳዲያባ ኡባ አሳና አዲኮ ታ ታማሪ ገዳናው ዳንዳዔና።

34 «ማዲይ ሎ፣ ሺን ማዲይ ባ ማላቡ አኒኮ፣ ዋኒዲ ማዲይ ጌቲታናው ዳንዳዲ? 35 ቢታቴላሰካ አራዳቴላሰካ ማዳናባ ገዲያ ገሾ ዋራ ዩጌቴሰ። ሂዛ፣ ሲዲያ ሃይሌ ዳዲያ አሲ ሲያ» ያገሰ።

15

ቆዩዳ ደርሳ (ማቶ 18:12-14)

1 አሲ ጋላስ ቃራፃ ቃንጃይሳቲኔ ናጋራንቸቲ ዩሱሳ ቲሚርቲያ ሲዳናው አያ ዩሹዋን ሸቂደሶና። 2 ሺን ፋሪሳዊቲኔ ሂጌ አሰታማራቲ፣ «ሃይሲ ኡራይ ናጋራንቸታ ሸሺዲ ኤኬሰ፣ ኤንታራ አሲፊ ማሰ» ያገዲ ዘዙሚደሶና።

3 ዩሱሲ ያገዲ ሃይሳ ለሚሶ ኤንታው ኦዲሰ፣ 4 «ሂንቴ ገደፊ አሱዋሰ ጃቲ ደርሳቲ ዳዲያባ ገዲኮ ኤንታፊ አሲይ ቆዩኮ ኡዲፋን ታማኔ ኡዲፋናታ ባዘን አገዲ ቆዩይሳ ዳማና ጋካናው ኮዮናይ ኦኔ? 5 ዳሚዳ ዋዴ ኡፋይቲዲ ባ ጋናን ቶኪዲ፣ 6 ባ ሶ ሲሜሰ። ባ ላጌታኔ ሾርታ አሲፊ ጃገዲ፣ «ቆዩዳ ታ ደርሳ ዳማሰ፣ ታራ አሲፊ ኡፋይቲቲ» ያገሰ። 7 ሄሳዳካ፣ ማርቲ ኮሾና ኡዲፋን ታማኔ ኡዲፋን ጃሎታፔ አሲዲ ማርታን ጌሊያ አሲ ናጋራንቸታ ጋሶን ሳሎን ገታ ኡፋይሲ ገዳሰ።

8 «ዋይኮ ታው ቢሪ ዳዲያ አሲ ማጫሲያ ታማፊ አሲያ ቆዩኮ ዳማና ጋካናው ያምፔ ኦይላዳ ከላ ፒታዳ ሚንላ ኮዮናራ ኦኔ? 9 ዳሚዳ ዋዴ ባ ላጌታኔ ባ ሾርታ ጃገዳ «ቆዩዳ ታ አሲ ቢራ ዳሚዳ ገሾ ታራ ኡፋይቲቲ» ያጋውሱ። 10 ሲዲቲ፣ ሄሳ ማላ አሲ ማርቲላን ጌሊያ ናጋራንቸታን ያሳ ኪታንቸታ ሲንላን ኡፋይሲ ገዳሰ» ያገሰ።

ቆዩዳ ናዓ

11 ዘሪዲ ዩሱሲ፣ «አሲ ኡራሰ ናምቡ ናይቲ ዳዎሶና። 12 ኤንታፊ ካሎ ናዓይ ባ አዋኮ፣ ታ አዋው፣ ኔ ሻሉዋፔ ታ ገሹዋ ታው አማ» ያገሰ። አዋይ ባ ሻሉዋ ባ ናይታሰ

ሻኪሰ። 13 ጉላ ጋላሳፔ ጉዩ ካሎ ናዓይ ባ ገሹዋ ኡባ ቃቸ ኤኪዲ ሃሆ ቢታ ቢሰ። ያን አላታጫን ሻሉዋ ቶቸዲ ኦንገሰ። 14 አ ባው ዳዲያባ ኡባ ወርሲዳፔ ጉዩ ሄ ቢታ ኡባን ሚኖ ኮሺ ኬዩን ሚቶቲሰ። 15 ሄሳ ገሾ፣ ሄ ቢታ አሳፔ አሱዋ ሶ ጋታ ጌሊሰ። ኡራይ አያ ጉዲንላ ሄማና ማላ ባ ሞላ ዩዲሰ። 16 ጉዲንላቲ ሚያ ሃርቁዋፊ ማናው አምቲሰ፣ ሺን አዮካ አያው አሚያ አሲ ቤንቴቤና። 17 ዋዛኒ ሲሚን፣ «ኦፑን ታ አዋ አይሌታሰ ካሌ ዋራ ዋዲን ታ ሃይሳን ኮሻራ ሃይቃናው ጋካዲና?» 18 ዳንዳዳ ታ አዋኮ ባዳ፣ ታ አዋው፣ ሳሎን ያሳ፣ ሳዓን ኔና ቆሃሰ። 19 ሃዛፔ ኔ ናዓ ጌቲታዳ ጃጌታናው ታው ቤሶና ገሾ ኔ ሶን ዳዲያ አይሌታፔ አሱዋዳ ታና ፓይዳ ያጋና» ያገሰ። 20 ሄሳ ገሾ፣ ዳንዲዲ ባ አዋኮ ቢሰ።

«ሃናሺን፣ አ ቡሮ ሃሆን ዳዲሺን አዋይ ቃዴቲዲ፣ አያኮ ዋዲ ቢዲ አዲሚዲ ዩሪሰ። 21 ናዓይካ፣ ታ አዋው ሳሎን ያሳ፣ ሳዓን ኔና ታ ቆሃሰ። ሃዛፔ ኔ ናዓ ጌቲታዳ ጃጌታናው ቤሲኬ» ያገሰ።

22 «አያ አዋይ አይሌታ ጃገዲ፣ «ኤሌሲዲ ኡባፊ ሎ፣ ገዲዳ ማዶ ኤሂዲ አያ ማይዚቴ፤ አያ ቢራዴን ሳጋዮ፣ አያ ቶሁዋን ጫማ አሊቲ። 23 ሞጶ ጋታርሜንላ ኤሂዲ ሹኪቲ፣ ሞሰ፣ ኡፋይቶሰ። 24 ታ ናዓይ ሃይሲ ሃይቁሰ፣ ሺን ሃራ ፓዲሰ፤ ቆይሰ፣ ሺን ቤንቴሰ) ያገሰ። ሃሳፊ ጉዩ፣ ኡፋይቲሌ ኦይኪደሶና።

25 «ሄ ዋዴ ባይራ ናዓይ ጎሻ ጋዴን ዳዔሰ። ያፔ ዩሼ ሶ ማቲሺን ዩሌኔ ጉፋ ገርሲ ሰዲሰ። 26 አ፣ አይሌታፔ አሱዋ ጃገዲ ሃኒያባይ አይቤኮ ኤራናው ኦይቸሰ። 27 አይሌይ፣ «ኔ አሻይ ሳር ዩዳ ገሾ ኔ አዋይ ሞጶ ጋታርሜንላ አያው ሹኪሰ) ያገሰ።

28 «ባይራ አሻይ ዩሎቲዲ ሶ ጌላናወካ ኮዩቤና። አዋይ ካሬ ከዩዲ ሶ ጌላና ማላ አያ ዋሲሰ። 29 ሺን አ ባ አዋኮ፣ «ሂኮ፣ ሃይሳ ማላ ላይሌ ታ ኔው አይሌታዳ ኔ ኪታፔ አሱዋካ ፓጪሶና ኔው ኪቲቲን ታ ታ ላጌታራ ኡፋይታና ማላ ሃሪ አቶሺን አሲ ላቃ ዳሼ አማባካ። 30 ሃናሺን፣ ሃይሲ ኔ ናዓይ ኔ ሻሉዋ ላይማታራ ደሚሲዲ ዩን ሞጶ ጋታርሜንላ ሹካዳሳ» ያገሰ።

31 «አዋይካ፣ ታ ናዓው፣ ኔኒ ኡባ ዋዴ ታራ ዳዓሳ፣ ታባይ ኡባይ ኔሳ። 32 ሃይሲ ኔ አሻይ ሃይቁሰ፣ ሺን ፓዲሰ፤ ቆይሰ፣ ሺን ቤንቴሰ። ሄሳ ገሾ፣ ዳር ኡፋይታናው ቤሴሰ) ያጋና» ያገሰ።

16

አማኔቶና ሹማ ለሚሶ

1 ዩሱሲ ባ ታማራታኮ፣ «አሲ ዳሬ ኡራሰ አያፔ ጋርሳራ አሲ ሹማይ ዳዔሰ። ሄ ሹማይ ባ ጎዳ ሻሉዋ ቶቸሰ ያገያ ዋሬይ ከላዋ ጋኪሰ። 2 ከላዋይ ሹማ ጃገሲዲ፣ ታኒ ዋይገያባ ሲዳዲና? ሃዛፔ ኔኒ ታ ከላሰ ሹማ ገዳዳ ኦላናው ዳንዳዎና ገሾ ታ ሻሉዋ ታው ሹፋ) ያገሰ።

3 «ሄ ሹማይካ ባ ዋዛናን ሃይሳዳ ያገዲ ቆፒሰ። ታ ጎዳይ ታና ሹማቲላፊ ዋላና ሃኔሰ፣ ጎያ አቃናው ዋልቂ ባዋ፣ ዋሳ ማናው ዩላዩሰ፤ ያቲን ታ ዋና? 4 ሹማቲላፊ ታ ዋዲያ ዋዴ አሳይ ታና ሞካና ማላ ኦላናባ ታ ኤራይሰ) ያገሰ።

5 «ሄሳ ገሾ፡ ኢያ ጎዳ አጮይ ዳዒያ አሳ ኢሱዋ ኢሱዋ ያገ ኤሂዲ ኮይሮ ኡራኮ፡ ሩኔ ቦላ ታ ጎዳ አጮይ አይ ማሊ ዳዒ?» ያገዲ ኦይቸሰ።

6 «ኢ፡ ሳታሙ ባርሜሌ ዛይቲ አጮይ ዳዒሰ» ያገሰ።

«ሹማይ፡ ሳይሌ ዋርቃቲያ ሄዒ፡ ኤሌሳዳ፡ ታሙ ባርሜሌ ዛይቲ አጮይ ዳዒሰ ጋዳ 94» ያገሰ።

7 «ሄሳፊ ካሊዲ ናምዓንሉዋኮ፡ ሩኔው አቸኒ ዳዒ?» ያገሰ።

«ኢ፡ (370 ኩንታሌ ገሰቲ አጮይ ዳዒሰ) ያገሰ።

«ሹማይ፡ ሩኔ ወሌ ዋርቃቲያ ሄዒ፡ ኤሌሳዳ፡ 296 ኩንታሌ ያጋዳ 94» ያገሰ። 8 ከላዋይ አማኔቲቦና ሹማ ኢያ ቢላማቲላሰ ናሺሰ። ሃ አላሚያ ናይቲ አሴ ኦይላን ፖ ያይታፔ አዲዳ ዋዛናማታ።

9 «ሄሳ ገሾ፡ ታ ሂንቲው አዳይሰ፤ ሃ አላሚያ ሚሼይ ወሪያ ዋዳ ማሪና ኬላን ዋኬታና ማላ ሃ ሚሺያራ ሂንቲው ላጌታ ሻማቲ። 10 ኡባፊ ጉላባን አማኔቲዳይ ደርባን አማኔቲዳይሳ ገዴሰ። ቃሲ ኡባፊ ጉላባን አማኔቶናይሲ ደርባን አማኔቲና። 11 ሂዛ፡ ሃ አላሚያ ሚሼን ሂንቲ አማኔቶና ኢዲኮ ቲማ ሚሼ ሂንቲው ኦኒ ሃዳራ አማኔ? 12 ሂንቲ ሃራ አሳ ሚሼን አማኔቶና ኢዲኮ፡ ሂንቲ ቡዞ ሚሼ ሂንቲው ኦኒ አማኔ?»

13 «ኢሲ አይሌይ ናምዑ ጎዳታሰ ሃራታናው ዳንዳዒና። ኢሱዋ ኢዲኮ ሃንኩዋ ደሴሰ ዋይኮ ኢሱዋኮ ሸቁኮ ሃንኩዋ ካዴሰ። ሄሳዳካ፡ ሂንቲ ያሳሲኔ ሚሼሰ ሃራታናው ዳንዳዒኬታ።»

14 ሚሼ ደሲያ ፋሪሳዊቲ ሄሳ ሲዒዳ ዋዳ ዩሱሳ ቁልቁሲደሶና። 15 ኢ፡ «ሂንቲ ሂንቲና አሳ ሲንላን ያሊሲታ፡ ሺን ያሳይ ሂንቲ ዋዛና ኤራሰ። አሳ ሲንላን ቦንቸቲዳይሲ ያሳ ሲንላን ቦራቲዳይሳ።

16 «ሙሴ ሂጌይ ናቤታ ከታይ ዮሃንሳ ጋካናው ሂንቲው አዳቲሼ ጋምዒሰ። ሄሳፊ ጉዬ፡ ያሳ ካዋቲላ ዋንጌላይ ሳባኬቲሼ ጋምዒሰ። አሲ ኡባይ ያ ጌላናው ዳፊቲሰ። 17 ገደሺን፡ ሂጌይ ኢሲ ላፋ ፒዳሌይ አታናፔ ሳሎይ ሳዒይ አዴይሲ ካወዩሰ።

18 «ባ ማቸው ዩዲዲ ሃራ ኤኪያ ኡባይ ላሜሰ። ባ አዘናፔ አንጃቲዳር ኤኬይሲካ ላሜሰ» ያገሰ።

ዱራ ኡራኔ አላዛሪ

19 «አልዎኔ አሌቆ አፊላ ማዒያ፡ ሳዒ ኢንጃቲን ጋላሰ ጋላሰ ኡፋይሳን ዳዒያ ኢሲ ዱራ አሲ ዳዒሰ። 20 ሃሪ ቃሲ አሳቲላይ ኩሜሊ ማዲንዲዳ ኢሲ አላዛሪ ጌቲቲያ ማንቆይ ሃ ዱራ ኡራ ካሪን ዩጌቲዲ አቲዳይሲ ዳዒሰ። 21 ኮሻፔ ዳንደይሳን ዱራ ኡራ ጋይታፔ ዋዲያ ቲፊያ ማናው አሞቲሼ ዳዒሰ። ሃሪ አቶሺን፡ ካናቲ ዩዲ ኢያ ማዲንላ ላጮሶና።

22 «ሄ ማንቆይ ሃይቁሰ፤ ከታንቸቲ ኢያ አብራሃሜ ከዑዋ ኤፊደሶና። ቃሲ ዱራ ኡራይካ ሃይቁዲ ሞጌቲሰ። 23 ሲዎሌን ኡንዔቲዲ ዳዒሼ ዶቁ ገዲ ሃሆን አብራሃሜ ኢያ ከዎን ዳዒያ አላዛሪ ቤዒሰ። 24 ኢ፡ ሳሞው አብራሃሜ፡ ታው ቃዴታርኪ፤ ሃ ላጮ ታማን ኡንዔታዳ ዳዒያ ገሾ አላዛሪ ባ ቢራዲያ ሃላን ዩዲዲ ታ ኢንፃርሳ ላኮላና ማላ ሃያና ኢያ ዩዳርኪ» ያገዲ ዋሲሰ።

25 «ሺን አብራሃሜ ኢያኮ፡ ታ ናዓው፡ ኔ ሳዓን ዳዒያ ዋዳ ሎዎባታ ኤኪዳይሳ፡ ቃሲ አላዛሪ ኢታባታ ኤኪዳይሳ አኬካ። ሺን ሃዒ ኢ ሃይሳን ኡፋይቲሰ፡ ቃሲ ኔኒ ዋይታሼ ዳዒሳ» ያገሰ። 26 ሃ ኡባፊ አዲዲ፡ ሳሃፔ ሂንቲኮ፡ ሂጌፔ ሃ ኡኮ አዳናው ኮይይሳቲ ፒኖና ማላ ኮሲኔ ሂንቲሰ ገደን ገታ አሮይ ዳዒሰ» ያገሰ።

27 «ዱራ ኡራይ፡ ሳሞው፡ ያኮ አላዛሪ ታ አዋ ሶ ከታና ማላ ታ ኔና ዋሳይሰ። 28 ታው ኢቻሹ ኢሻቲ ዳዒደሶና፡ ኤንቲካ ሃ ዋዬ ቤሳ ዮና ማላ ኤንታው ቢዲ ማርካቶ» ያገሰ።

29 «ሺን አብራሃሜ፡ ሳኤንታው ሙሴራኔ ናቤታራ ዳደሶና፤ ኤንቲ ኦዲያባ ሲዎና» ያገሰ።

30 «ዱራ ኡራይ፡ ሳሞው አብራሃሜ፡ ሄሳሶ ገዴና፤ ኢሲ አሲ ሃይቆፔ ዳንዲዲ ቢኮ ኤንቲ ማርታን ጌላና» ያገሰ።

31 «አብራሃሜ፡ ሙሴኔ ናቤታ ሲዎና ኢዲኮ፡ ሃሪ አቶሺን ሃይቆፔ ኢሲ አሲ ዳንዲ ኦዲኮካ አማኖኮና» ያገሰ።»

17

ኦይሺሲያ አዋቲላ

1 ዩሱሲ ባ ታማራታኮ፡ «አሴ ቆቤሊዲ ናጋራን ጌልሲያባይ ዮና አጌና። ገደሺን፡ ናጋራን ጌላና ማላ ኦሊያ ኡራ አዬ» ያገሰ። 2 ሄ ኡራይ ካሎታፔ ኢሱዋ ባሌላናፔ ዋዳ ባ ቆዴን ቃቸዲ አባን ወሊኮ ኢያው ሎዎ። 3 ሄሳ ገሾ ናጌቲቲ።

«ኔ አሻይ ናጋራ ኦሊኮ ሃንቁታ፤ ቁርቲዲ ማርቲላን ሲሚኮ፡ ኢያው አቶ ያጋ። 4 ኢሲ ጋላሳን ላቸን ቶሆ ቆሂዲ፡ ላቸን ቶሆ፡ (ታኒ ታ ባላ ኤራሰ ታና ማራ) ያገዲ ኔኮ ዩኮ ኢያው አቶ ጋ።»

5 ሃዋራቲ ጎዳኮ፡ «አማኖ ኑሰ ጉጃርኪ» ያገደሶና።

6 ጎዳይ፡ «ጋሼ አይፊ ማላ አማኖይ ሂንቲው ዳዒኮ ሳይሳ ዋላ ሸዴታዳ አባ ገደን ቶኬታ» ያገሰ ሂንቲው ከቲታና» ያገሰ።

7 ጉጃዲካ ዩሱሲ፡ «ሂንቲ ገደፊ ኢሱዋሰ ጎሻንቸይ ዋይኮ ደርሴ ሃሚያ አይሌይ ዳዒኮ ኦሶ ጋዴፔ ዋይኮ ወዴፔ ሶ ሲሚያ ዋዳ ሳሌ ሃያዳ ካሊ ማናው ኡታ» ያገይ ዳዒ? 8 ዳና፡ (ታው ካሆ ገሺሳ፤ ታኒ ማዳ፡ ኡያዳ አጋና ጋካናው ኤቃዳ ሙዛ። ሄሳፊ ጉዬ፡ ኔኒ ቃሲ ማሳኔ ኡያሳ) ያጌኔዎ? 9 ሃዛ፡ ጎዳይ፡ አይሌይ ከታ ፖሊዳ ገሾ አንጃዬ? 10 ሄሳ ገሾ፡ ሂንቲካ ከቲቶይሳ ኡባ ፖሊዳ ዋዳ ሳ ፓላና አይሌታ፤ አላናው ቤሲያ ኦሱዋ ፖሊዳ» ያገሰ።

ባር ሃርጌያፊ ጌዩዳ ታሙ አሳታ

11 ዩሱሲ ዩሩሳላሚ ቢሼ ሳማሪሲኔ ጋሊላ ቢታሰ ገደራ ካንሊዲ አዲሰ። 12 ኢሲ ጉታ ጌሊያ ዋዳ ባር ሃርጌን ኦይኬቲዳ ታሙ አሳቲ ኢያ ዳሚደሶና። ኤንቲካ ሃሆን ኤቁዲ። 13 «ጎዳ ዩሱሳ፡ ኑሰ ቃዴታርኪ» ያገዲ ዋሲደሶና።

14 ኢ ኤንታ ቤዒዳ ዋዳ «ቢዲ ሂንቲናቲላ አይሁዳ ካሂኔ ቤሲቲ» ያገሰ። ኤንቲ ኦጊያ ቦላ ቢሼ ፓዲደሶና።

16:13 ማቶ 6:24 16:16 ማቶ 11:12-13 16:17 ማቶ 5:18 16:18 ማቶ 5:32፤ 1ቆር 7:10-11 17:3 ማቶ 18:15
17:14 ለዌ 14:1-32 * 17:18 ሃ አላጋ ኡራፔ፡ ባር ሃርጌያፊ ፓዲዳ ኡራይ አላጋ ጌቲቲዳይ ኢ አይሁዳ ገደና ገሾሳ።

15 ከነታፌ አሰይ ባ ገጠቀ ቤዲዳ ዋዴ ቆቁ ገዳ ቃላን ያሳ ለንቸሼ ዩሱሳኮ ሲሚሰ። 16 ኢ ሳማራ ቤታ ክሲ፣ ሺን ዩሱሳ ተሁዋ ቦላ ጉፋኒዲ ኢያ ገላቲሰ።

17 ዩሱሱ፣ «ገዳይ ታሙ አሳታ ገደኮናዬ? ያቲን፣ ኡዱፋናቲ አው ቢዶና? 18 ሃ አላጋ ኡራፔ * አቲን ሃሪ ሲሚዲ ያሳ ገላቲይ ዴና ጉሴዬ?» ያገዲ ኦይቸሰ። 19 ኡራኮ፣ «ኔ አማኖይ ኔና ገላሰ፤ ዴንዳዳ ባ» ያገሰ።

ያሳ ካዋቲላ ዩሳ
(ማቶ 24:23-28፣ 37-41)

20 ፋሪሳዊቲ፣ «ያሳ ካዋቲላይ አዉዴ ያኔ?» ገዲ ዩሱሳ ኦይቸደሶና። ኢ፣ «ያሳ ካዋቲላይ ቤንቲያ ማላን ዩና። 21 ቃሲካ ኢዮ፣ «ሃኒና ዋይኮ ሃኒና ያጋናው ዴንዳዳና። አይሰ ገኮ፣ ያሳ ካዋቲላይ ሂንቲ ገደን ዴዔሰ» ያገዲ ዛሪሰ።

22 ዩሱሱ ባ ታማሪታኮ፣ «አሳ ናዓ ገላሳታፔ ኢሱዋ ቤዓናው ሂንቲ አዋቲያ ዋዴይ ያና፣ ሺን ሂንቲ ቤዔኬታ።

23 አሳይ፣ «ኢ ያን ዴዔሰ» ዋይኮ፣ «ሃይሳን ዴዔሰ» ያጋና፣ ሺን ከነታና ካሊዲ ቦፒቲ። 24 ዋልዓንሌ ዋልዓሚዲ ሳሉዋ ጋፓፔ ጋፓ ፖሲሲያ ማላ አሳ ናዓ ዩሳ ገላሳይ ሄሳዳ ሃናና። 25 ሺን ሄሲ ሃናናፔ ሲንሌ አሳ ናዓይ ደሮ ዋያናውኔ ሃ ዩሉቲላን ኢዳታናው ቤሴሰ።

26 ኖሄ ዋዴ ሃኒዳይሳ ማላ አሳ ናዓ ዋዲያንካ ሄሳዳ ሃናና። 27 ኖሄይ ማርካቢያን ገሊዲ ቃማ ጋካናው አሳይ ሚሼኔ ኡዩሼ፣ ኤኪሼኔ ገሊሼ ዴዒሺን ጳዮ ሃላይ ዩዲ ኡባ ጳይሲሰ። 28 ሎዳ ላይላንካ ሄሳላ ሃኒሰ። አሳይ ሚሼኔ ኡዩሼ፣ ሻሚሼኔ ባይዚሼ፣ ቶኪሼኔ ከዲሼ፣ ጋምዲደሶና። 29 ሎዳይ ሶደሚፔ ከዩዳ ገላሰ ዴኔ ገቲቲያ ፀ-ገያባይ ሳሎፔ ቡኪዲ ኡባ ጳይሲሰ። 30 አሳ ናዓይ ቆንጨያ ዋዴካ ሄሳዳ ሃናና።

31 «ሄ ገላሳን ኦኒካ ካሪን ዴዔይ ከላ ገደን ዴዒያባ ኤካናው ሶ ገሎፖ። ሄሳዳካ፣ ጋዴን ዴዒያ አሲ አይኮሰካ ሶ ሲሞሮ። 32 ሎዳ ማቸው አኬኪቲ፤

33 ባ ሸምፒው አሻናው ኮያ አሲ ኦኒካ ጳይሳና፤ ባ ሸምፒው አሉ አሚያ ኦኒካ ኢ አሻና። 34 ታ ሂንቲው ኦዳይሰ፤ ሄ ገላሳን ናምቡ አሳቲ ኢሲ አርሳን ዚንዓና። አሰይ ኤኬታና፣ ሃንኮይ አታና። 35 ናምቡ ማጫሳቲ ዋላ ጋጨሺን ኢሲያ ኤኬታና፣ ሃንኪያ አታና። 36 ናምቡ አሳቲ ዋላ ጋዴን ሳይሳታፔ ኢሰይ ኤኬታና፣ ሃንኮይ አታና» ተ ያገሰ።

37 ኤንቲ፣ «ሳዳው አው ኤኬታኔ?» ያገዲ ኦይቸደሶና።

ኢ፣ «ባዉቲ ዴዒያ ቤሳን አንኮቲ ሺቆሶና» ያገሰ።

18

ሚኒዲ ዋሳና ማላ ታማርሲሰ

1 ዩሱሱ ባ ታማሪታ ኣዛሎና ኡባ ዋዴ ዋሳና ማላ ታማርሳናው ኮዩዲ ያገዲ ለሚሶ ኦዲሰ። 2 «ኢሲ ካታማን ያሳሰ ያሹቶና አሳሰካ ዩላቶና ኢሲ ዳይኒ ዴዔሰ 3 ሄ ካታማን ኢሲ አምዒያ ዳዓዉሱ። ኢያካ፣ (ታዉኔ ታ ሞርኪያሰ ገደን ዴዒያ ሞቱዋ ፐርዳ) ያጋዳ ኡባ ዋዴ ሄ ዳይናኮ ሲሜሪታዉሱ። 4 ዳይናይ ጉሳ ዋዴሰ ኢ ኦዳ ሲያና ኢዲሰ፣ ሺን ጉዬፔ ባ ዋዛናን፣

ታኒ ያሳሰ ያዮና፣ አሳሰ ዩላቶና ኢዲኮካ፣ 5 ሃ አምዒያ ታና ዋይሲያ ገሾ ኢው ፐርዳና፤ ያቶና ኢዲኮ ኡባ ዋዴ ያዳ ታና ሳሌላና) ያገዲ ቆፒሰ» ያገሰ።

6 ጎዳይካ፣ «ጌላ ዳይናይ ገዳይሳ ሲዒዴታ፤ 7 ያሳይ ቃማኔ ገላሰ ኢያኮ ዋሲያ ባ ዳሪዳይሳታሰ ፐርዴኔዬ? ኤንታና ማዳናው ጋምዒዬ? 8 ታ ሂንቲው ኦዳይሳ ሲዒቲ፣ ኤሌሲዲ ፐርዳና። ገደሺን፣ አሳ ናዓይ ያ ዋዴ ሳዓ ቦላ አማኖ ዴማንዴሻ?» ያገሰ።

ፋሪሳዊያኔ ቃሪፃ ቃንዲሴይሳ

9 ቃሲ ዛሪዲ፣ ዩሱሱ፣ ባንታና ዲሎ አሳዳ ኦሊዲ ጨቁቲይሳታሲኔ ሃራታ ካዴይሳታሰ ሃይሳዳ ያገዲ ለሚሶ ኦዲሰ። 10 «ናምቡ አሳቲ ዋሳናው ያሳ ከሌ ቢደሶና። ኢሰይ ፋሪሳዊ ሃንኮይ ቃሲ ቃሪፃ ቃንዲሴያ አሰ። 11 ፋሪሳዊይ ኤቁዲ ባው ዋሲሹ፣ (የሳው ታኒ ሃራታ ማላ ቦንቃንቸ፣ ጌላኔ ላይማቲያ አሰ፣ አዲዳ ቃሲ ሃ ቃሪፃ ቃንዲሴያ ኡራ ማላ ገደና ገሾ ኔና ገላታይሰ።

12 ሳሚንታፌ ናምቡ ቶሆ ያማይሰ፣ ታ ዴሚያባ ኡባፌ አሲራታ ከሳይሰ» ያገሰ።

13 «ሺን ቃሪፃ ቃንዲሴይሰ ቃሲ ሃሆን ኤቁዲ ሃሪ አቶሺን ሳሎ ቆቁ ገዲ ዲላናውካ ያዩዲ ባ ቲራ ኢጨሽ (የሳው፣ ታና ናጋራንቸዋ ማራርከ) ገዲ ዋሲሰ። 14 ታ ሂንቲው ኦዳይሳ ሲዒቲ፤ ፋሪሳዊያፔ ሃይሲ ቃሪፃ ቃንዲሴይሰ ያሳ ሲንላን ዲሎ ገዲዲ ባ ሶ ሲሚሰ። አይሰ ገኮ፣ ባና ቆቁ ቆቁ ኦሊያ አሲ ካዉያና፣ ባና ካዉሺያ አሲ ቆቁ ቆቁ ጋና» ያገሰ።

ዩሱሳኔ ዮጋ ናይታ

(ማቶ 19:13-30፤ ማር 10:13-31)

15 ዩሱሱ ዮጋ ናይታ ቦላ ባ ኩሺያ ዋሊዲ አንጅና ማላ አሳይ ኢያኮ ኤሆሶና። ዩሱሳ ታማራቲ ሄሳ ቤዒዲ አይሰ ዩሱሳኮ ኤሄቲ ያገዲ ካጨደሶና። 16 ሺን ዩሱሱ ናይታ ባኮ ያገዲ፣ «ዮጋ ናይቲ ታኮ ያናይሳ ዲጎፊቲ፤ ዮ ገቲ። አይሰ ገኮ፣ ያሳ ካዋቲላይ ኤንታዳ ሃኒዳይሳታሳ።

17 ታኒ ሂንቲው ቲማ ኦዳይሰ፤ ያሳ ካዋቲላ ዮጋ ናይታ ኤኮናይ ኦኒካ ያ ገሌና» ያገሰ።

ዲራ ኡራ ኦይሻ

(ማቶ 19:16-30፤ ማር 10:17-31)

18 አይሁዴ ሃላቃታፔ ኢሰይ፣ «ከሃ አሰታማሪያው፣ ማሪና ዴዐ-ዋ ዴማናው አይ ኦላ?» ያገዲ ኦይቸሰ።

19 ዩሱሱ ኢያኮ፣ «አይሰ ታና ከሃው ያጋዳ ያጋይ? ኢሲ ያሳፌ አቲን ሃሪ ከሄ ባዋ። 20 ላሞፋ፣ ዋዶፓ፣ ካይሶቶፓ፣ ዋርዶ ማርካቶፋ፣ ኔ አዋኔ ኔ አዩው ቦንቻ ያገያ ኪታ ኤራይ» ያገዲ ኦይቸሰ።

21 ኡራይካ፣ «ሄሳታ ኡባ ታኒ ናዓቲላፌ ደማዳ ናጋሼ ጋምዓሰ» ያገሰ።

22 ዩሱሱ ሄሳ ሲዒዲ ዋዴ «ሂዛ፣ ኔው ኢሲባይ ፓጨሰ፤ ኔው ዴዒያባ ኡባ ባይዛዳ ማንቆታሰ አማ፤ ሳሎን ኔና ሻሎይ ናጌሰ። ያታ ሲማዳ ታና ካላ» ያገሰ።

23 ሺን ኡራይ ሄሳ ሲዒዲ ዋዴ ኢያው ዳር ሻሎይ ዴዒያ ገሾ ዳር ቁርቲሰ።

24 ዩሱሱ ኡራ ቤዒዲ፣ «ዲራ አሳሰ ያሳ ካዋቲላ ገሎይ ዋኒዲ ኡንዓንዴሻ? 25 ዲራይ ያሳ ካዋቲላ

17:26 ሜዴ 6:5-8 17:27 ሜዴ 7:6-24 17:28 ሜዴ 18:20-19:25 17:31 ማቶ 24:17-18፤ ማር 13:15-16 17:32 ሜዴ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 † 17:36 ኢሲ ኢሲ ማፃፋታን ፓይዶ 36 ዳና። 18:14 ማቶ 23:12፤ ሉቃ 14:11 18:20 ከሳ 20:12-16፤ ዛሬ 5:16-20

ገላናይሳፊ ገማሌይ ናርፔ ለሆራ ካንጭሲ ካወደሰ» ያገለገሉ።

26 ሄሳ ሰዓዊ አሳይ፡ «ሄሳ ገዲኮ ኦኒ አታኔ?» ያገለገሉ።

27 ዩሱስ፡ «አሳሰ ዳንዳዔቶናባይ ያሳሰ ዳንዳዔቱሰ» ያገለገሉ።

28 ጳውሎስ፡ «ሄኮ ኦኒ ኑባ ኡባ አገዲ ኔና ካሊዳ» ያገለገሉ።

29 «ዩሱሲ ቱማ ታ ሂንቴው ኦዳይሰ፤ ያሳ ካዎቴሳሰ ገዲ ባ ከላ ወይኮ ባ ማቺው ወይኮ ባ አሻታ ወይኮ ባ አዋኔ ባ አዪው ወይኮ ባ ናይታ አገዲይ፤ 30 ሃ ወዲያን ዳኮ ዳር፡ ያና አላሚያን ሜሪና ዳዑዋ ኤኮናይ ኦኒካ ባዋ» ያገለገሉ።

ዩሱሲ ባ ሃይቁዋባ ዛሪ ኦዲሰ
(ማቶ 20:17-19፤ ማር 10:32-34)

31 ዩሱሲ ታማኔ ናምዓታ ባኮ ያገዲ፡ «አኔ ዩሩሳሌም ሰሰ፡ ናቤቲ አሳ ናባባ ያፊዳባ ኡባይ ያን ፖሌታና። 32 ኢ አይሁዳ ገደና አሳሰ አዲዲ አሚታና። ኤንቲ ኢያ ቶቻና፡ ጫያናኔ ኢያ ቦላ ጩታና። 33 ኢያ ጋራፊዳፔ ጉዬ ዋቋና፡ ሺን ሄኸንሉ ጋላሳን ኢ ሃይቆፔ ዳንዳና» ያገለገሉ።

34 ሺን ኢያ ታማራቲ ሄሳ ኡባፊ ኢሲባካ አኬኪቦኮና። ኢያ ፀራይ ኤንታው ቆሴቲዳ ገሾ ኢ ወይገዳኮ ኤሪቦኮና።

ቆቄ ኡራይ ያሊሰ
(ማቶ 20:29-34፤ ማር 10:46-52)

35 ዩሱሲ ኢያርኮ ማታቲያ ዋዴ ኢሲ ቆቄ ኡራይ ኦጌ ጋፃን ኡቲዲ ዋሴሰ። 36 ቆቄ ኡራይ አሳይ ሄ ቤሳራ አዲሽን ሰዓዊ፡ «ኢ አይቤ?» ገዲ ኦይቺሰ።

37 ኤንቲ፡ «ናዚሬቲ ዩሱሲ ሃይሳራ አዴሰ» ያገለገሉ።

38 ኢ፡ «ዳዊቲ ናባው፡ ዩሱሳ፡ ታና ማራርኪ» ያገዲ ዋሴሰ።

39 ሲንጭ ሲንጭ ቢያ አሳቲ፡ «ሲዒ ጋ» ገዲ ሃንቁቲዳሰና። ሺን ኢ፡ «ዳዊቲ ናባው፡ ታና ማራ» ያገዲ ዳርሲ ዋሴሰ።

40 ዩሱሲ ኤቁዲ ኡራ ባኮ ኤሃና ሜላ ከቲሰ። ኡራይካ፡ «ኢያኮ ሸቅን፤ 41 «ታ ኔው አይ ኦላና ሜላ ኮያይ?» ያገዲ ኦይቺሰ።

ቆቄይ፡ «ሳዳው ታ ያላናው ኮያይሰ» ያገለገሉ።

42 ዩሱሲ፡ «ያላ፡ ኔ አማናይ ኔና ፓሊሰ» ያገለገሉ።

43 ኡራይ ሰሁዋራ ያሊ አገሰ። ያሳ ቦንቺሼ ዩሱሳ ካሊሰ። አሳ ኡባይ ሄሳ ቤዒዲ ያሳ ጋላቲዳሰና።

19

ቃራፃ ቃንዲሲያ ዛኪዮሳ

1 ዩሱሲ ኢያርኮ ገሊዲ አዴሰ። 2 ያን ዛኪዮሳ ገቴቲያ ቃራፃ ቃንዲሲያታ ሃላቃይ ዳዔሰ። ኢ ዳር ዲሬ። 3 ኢ ዩሱሲ ኦኒኮ ቤናናው ኮዩሰ። ኢ ቃንጲ ገዲያ ገሾ አሳ ዳርቴላፊ ዳንዳይሳን ዩሱሳ ቤናናው ዳንዳዒቤና። 4 ዩሱሳ ቤናናው ኮዩዲ ኢ ቢያ ኦጌሰሰ ሲንጭ ዋዲ ቢዲ ኢሲ ቦባ ሚላ ቦላ ከዩሰ።

5 ዩሱሲ ሄ ቤሳ ጋኪሼ ቶቄ ገዲ ቤዒዲ፡ «ዛኪዮሳ፡ ሃቺ ታ ኔ ሶን ፔናናው ቤሲያ ገሾ ኤሌ

ዋቋ» ያገለገሉ። 6 ኢ ኤሌሲ ዋቋዲ ኡፋይሳን ዩሱሳ ዋኪሰ።

7 ሄ ቤሳን ዳዒያ አሳ ኡባይ ሄሳ ቤዒዲ፡ «ናጋራንቺዋ ሶ ገሊዲ ዋኪታንው ሃኔሰ» ያገዲ ዙዙሚዳሰና። 8 ገደሺን፡ ዛኪዮሲ ኤቁዲ ጎዳኮ፡ «ሳዳው፡ ሄኮ ታው ዳዒያ ሻሎ ኡባፊ ባጋ ማንቆታሰ አማና። አሳፔ አይባካ ዋርዶን ባሌላዳ ኤኪዳባ ገዲኮ ኦይዲ ኩሼ ዛራና» ያገለገሉ።

9 ዩሱሲ ቃሲ፡ «ሃ ኡራይ ኡብራሃሜ ናባ ገዲዳ ገሾ ሃቺ አቶቴላይ ሃ ሶ ዩሰ። 10 አሳ ናባይ ዩዳይ ቋዩዳይሳ ኮያናሳኔ አሻናሳ» ያገለገሉ።

ታሙ ሚናኔታ ለሚሱዋ
(ማቶ 25:14-30)

11 አሳይ ሄሳ ሰዒያ ዋዴ ዩሱሲ ዩሩሳሌም ማታቲዳ ገሾኔ ያሳ ካዎቴላይ ሃዒ ማታራ ቆንጫና ዳኒዳ ገሾ ኤንታው ለሚሶ ኦዲሰ። 12 ሄሳ ገሾ፡ ዩሱሲ፡ «ኢሲ ገታ አሲ ዳዔይሲ ባው ካዎቴላ ኤኪዲ ያናው ሃራ ቢታ ቢሰ። 13 ኢያው ኦሊያ አይሌታፔ ታማታ ያገዲ ኢሱዋሰ ኢሱዋሰ ታሙ ሚናኔ * አሚዲ ታ ሲማዳ ያና ጋካናው ሃ ሚሺያራ ዛላዒቲ» ያገለገሉ።

14 «ሄ ቢታ አሳይ ኢያ ኢዲያ ገሾ ሃ ኡራይ ኑ ቦላ ካዎታና ሜላ ኑ ኮዮኮ ያገዲ አሴ ኢያ ጉዬራ ከቲዳሰና።

15 «ገደሺን፡ ሄ ኡራይ ካዎ ገዲዲ ባ ቢታ ሲሚሰ። ሄ ታሙ አይሌቲ ኢ አሚዳ ሚሺያን አይ ሜላ ዛላዒዲ ዋቋሲዳኮ ኤራናው ኮዩዲ ኤንታና ያገሲሰ።

16 «ኮይሮይሲ ዩዲ፡ ሳዳው፡ ኔ ታው አሚዳ ሚሼይ ሃራ ታማ ዋቋሰ» ያገለገሉ።

17 «ኢያ ጎዳይ፡ ሳኖ አማኔቲዳ አይሊያው ሎዎ ኦላዳሳ። ኔኒ ጉላባን አማኔቲዳ ገሾ ኔው ታሙ ካታማታ ቦላ ማታ አማሰ» ያገለገሉ።

18 «ናምዓንላይካ ዩዲ፡ ሳዳው፡ ኔ ታው አሚዳ ሚሼይ ሃራ ኢቻሻ ዋቋሰ» ያገለገሉ።

19 «ሳዳይ ኢያኮ፡ ሳኔዛካ ቃሲ ኢቻሹ ካታማታ ቦላ ማታ አማሰ» ያገለገሉ።

20 «ሄኮ ሄኸንላይ ዩዲ፡ ሳዳው፡ ታ ጩርቃን ፃፃዳ ናገዳ ኔ ሚሺያ ሃናሹ። 21 አይሰ ገኮ፡ ኔኒ ኔባ ገደናባ ኤኬይሳኔ ኔ ዜርናባ ቡጩያ ኢታ አሲ ገዲያ ገሾ ኔው ያያሰ» ያገለገሉ።

22 «ኢያ ጎዳይ ዛራዲ፡ ሳኖ ኢታ አይሊያው ኔ ደናሶ ታ ኔና ፐርዳና። ታ ዋሶናባ ኤኬይሳኔ ዜርናባ ቡጩያ አሲ ገዳይሳ ኔ ኤሪኮ። 23 ታ ያዳ ታ ሚሺያ ዋቋራ ኤካና ሜላ ዛላዒያ አሳሰ አይሰ አማቢኪ?»

24 «ኢያ ጎዳይ ሄ ቤሳን ኤቁዳይሳታኮ፡ ሳኖ ዳዒያ ሚሺያ ኤኪዲ ታማ ዋቋሲዳይሳሰ አሚቲ» ያገለገሉ።

25 «ኤንቲ፡ ሳዳው፡ ኢያው ካሴካ ታሙ ሚናኔይ ዳዔሰ» ያገለገሉ።

26 «ሳዳይ፡ ታ ሂንቴው ኦዳይሰ፤ ሳዒያ ኡባሰ ሃሪ ጉዙታና፡ ሺን ባይናይሳፊ ሃራይ አቶ ኢያው ዳዒያራካ ኤኬታና። 27 ገደሺን፡ ታ ኤንታ ቦላ ካዎቶና ሜላ ኮዩዳይሳታ ሄ ታ ሞርኬታ ሃ ታ ሲንጭ ኤሃዲ ጎይሪቲ» ያገለገሉ።

19:10 ማቶ 18:10 19:11 ማቶ 25:14-30 * 19:13 ሚናኔ፡ ሚናኔይ ገሪኬ ደና። ኢሲ ሚናኔይ ኢሲ ጋላሳ አሳንቸሰ ሄኸ አገና ዳሞዜ ገዲሰ። 19:26 ማቶ 13:12፤ ማር 4:25፤ ሉቃ 8:18 19:27 ማቶ 25:14-30 † 19:29 ሻማሆ ዳርያ፡ ሻማሆይ ዳር ደሊያ ዳሪ ጉሱ።

ዩሱሲ ገታ ቦንቸን ዩሩሳሌም ጌሊሰ (ማቶ 21:1-11፤ ማር 11:1-11፤ ዮሃ 12:12-19)

28 ዩሱሲ ሄሳ ኦሲዳይሳፊ ጉዬ ኤንታፊ ሲንፎ አጂ ሃሙተዲ ዩሩሳሌም ቢስ። 29 ሻማሆ ዳሪያ ተ ቦላ ዳሪያ ቤተፋጌኔ ቢታኒያ ማታተዳ ዋዴ ባ ታማሬታፔ ናምዒታ ያጊዲ ከቲሰ። 30 «ሂንቴ ሲንፋን ዳሪያ ጉታ ቢቴ፣ ሂንቴ ያ ጋኪያ ዋዴ ኦኒካ ቶጎና ቃሽቴዲ ዳሪያ ሃሬ ማሪ ዳማና። ኢያ ቢሊዲ ሃ ኤኪ ዪቴ። 31 እነካ፣ «አይስ ቢሌተ?» ጊዲ እይቲኮ፣ ሳዳይ ኢያ ኮዩስ) ያጊቴ» ያጊሰ።

32 ከቲቲዳይሳቲ ቢዲ ኢ ጊዳይሳዳ ሃኒን ቤዒዳሪና። 33 ኤንቴ ሃሬ ማሪ ቢሊሽን ጎዳቲ ቤዒዲ፣ «ሃሬ ማሪ አይስ ቢሌተ?» ያጊዳሪና።

34 ኤንቴ ዛሪዲ፣ «ጎዳይ ኢያ ኮዩስ» ያጊዳሪና።

35 ያፔ ሃሬ ማሪ ዩሱሳኮ ኤሂዳሪና። ባንታ ማዑዋ ሃሬ ማሪ ዘኮን ዩጊዲ ዩሱሳ ሃሬ ማሪ ቦላ ኡቲሲዳሪና። 36 አሳይካ ኢ ቢያ ኦኒያ ቦላ ባንታ ማዑዋ ሂደዳሪና።

37 ሻማሆ ዳሪያ ዲጌላ ዋጂሲያ ኦኒያኮ ማቲያ ዋዴ ታይቦን ከሂ ዳር አሳይ ኤንቴ ቤዒዳ ማላሊሲያባን ኡፋይቲዲ ባንታ ቃላ ቶቁ ኦሊዲ።

38 «ጎዳ ሱንፋን ያ ካዋይ እንጃቲዳይሳ ሳሉዋን ሳርይ

ኡባፊ ቆቃ ሳሉዋን ቦንቸይ

ዳሳስ ጊዳ።»

ያጊዲ ያሳ ጋላቲዳሪና።

39 አሳ ጊዳፊ ኢሲ ኢሲ ፋሪሳዌቲ ዩሱሳኮ፣ «አስታማሪያው፣ ኔ ታማሬታ ሃይዚቴ ጋዳ ሃንቁታ» ያጊዳሪና።

40 ኢ ኤንታኮ፣ «ኤንቴ ሲዒ ጊኮ ሹቻቲ ዋሳና» ያጊሰ።

41 ዩሱሲ ዩሩሳሌም ማቲሹ ካታማ ቤዒዲ ኢያው ዩኪስ። 42 «ኔው ሳር ጊዳናይሳ ሃቺ ኔ ኤሪዳባ ጊዲያኮሽን፣ ሃዒ ኔ አይፊያፔ ጌሚስ። 43 ኔ ሞርኬቲ ኔ ዩሹዋ ዲሪዲ ዲማ ዲማ ኦኒያራ ኔና ቲቁዲ ኡንዔሊያ ዋዴይ ያና። 44 ኔና ኔ ዲርሳ ጋርሳን ዳሪያ ኔ ናይታ ቆይሳና። ኢሲ ኢሲ ሹቹ ዳንጌዲ ላላና፣ አይስ ጊኮ ያሳይ ኔና አሻናው ያ ዋዲያ ኤራባካ» ያጊዲ ኢው ዩኪስ።

45 ሄሳፊ ጉዬ፣ ዩሱሲ ያሳ ኬሊ ጌሊዲ ዛላይሳታ ያፔ ጎዲስ። 46 ቃሲ፣ « ታ ኬላይ ያሳ ዋሲያ ኬሊ ጊዳና) ጊዲ ያፊቲስ፣ ሽን ሂንቴ ታ ኬላ ፓንጋታ ጎንጎሎ ኦሊዳታ» ያጊሰ።

47 ጋላስ ጋላስ ያሳ ኬላን ታማርሴስ። ካሂኔታ ሃላቃቲ፣ ሂኔ አስታማሬቲኔ ዳሪያ ጨማቲ ኢያ ዋቆናው ኦኔ ኮዮሶና። 48 ጊዳሽን፣ አሳ ኡባይ ኢያ ቲሚርቲያ ባንታ ዋዛና ዩጊዲ ሲዒያ ጊሾ ኤንታው ኦላናባይ ቆይስ።

20

ዩሱሳ ማታይ አይሁዳታስ ኦይሾ ጊዲሰ (ማቶ 21:23-27፤ ማር 11:27-33)

1 ኢሲ ጋላስ ዩሱሲ ያሳ ኬላን አሳ ታማርሴሽኔን ዋንጌላ ማርካቲሽን፣ ካሂኔ ሃላቃቲ፣ ሂኔ አስታማሬቲኔ ዳሪያ ጨማቲ ኢሲፊ ኢያኮ ዩዲ፣ 2 «ኔኒ ሃይሳታ አይቢ

ማታን ኦሊያኮ ኮስ ኦዳ። ሃ ማታ ኔው ኢሚዳይ ኦኔ?» ያጊዲ ኦይቺዳሪና።

3 ኢ ኤንታኮ፣ «ታካ ሂንቴና ኢሲባ ኦይቻና፣ አኔ ታው ዛሪቴ። 4 ዓማቂያ ዮሃኒሳ ዊንቃቴይ ያሳፊዬ አሳፔ?» ያጊሰ።

5 ኤንቴ ዋሊ ጊዳን ያጊዲ ዛሪቲዳሪና፣ «ያሳፊ ጊኮ ያቲን፣ አይስ አማኒቤኬቲ?» ያጋና።

6 «አሳፔ ጊኮ፣ አሳ ኡባይ ዮሃኒሲ ናቤ ጊዴይሳ አማኒያ ጊሾ ኦና ሹቻን ጫዳና።»

7 ያኒያ ጊሾ፣ «አጠፔኮ ኦ ኤርኮ» ያጊዲ ዛሪዳሪና።

8 ዩሱሲ ዛሪዲ፣ «ሂዛ፣ ታካ አይ ማታን ሃይሳታ ኦሊያኮ ሂንቴው ኦዲኬ» ያጊሰ።

ጎሻንቸታ ሌሚሱዋ

(ማቶ 21:33-46፤ ማር 12:1-12)

9 ሄሳፊ ጉዬ፣ ዩሱሲ ያጊዲ ሃ ሌሚሱዋ አሳስ ኦዲስ። «ኢሲ አሲ ዋይኔ ቶኪስ። ጎሻንቸታስ ኬራ ኢሚዲ ዳር ዋዴ ጋምዒዲ ያናው ሃራ ቢታ ቢስ።

10 ዋይኔ አይፊያ ማዲያ ዋዴይ ጋኪን ዋይኒያ አይፊያፔ ኢያው ዩዳና ማላ ጎሻንቸታኮ ባ አይሊያ ከቲስ። ሽን ጎሻንቸቲ ሄ አይሊያ ኦይኪዲ ዋጂዲ ማላ ኮሼ ዩዲዳሪና። 11 ካሊዲካ ሃራ አይሊያ ከቲስ። ቃሲ ጎሻንቸቲ ኢያ ዋጂዲ፣ ካጠሹዲ ማላ ኮሼ ዩዲዳሪና። 12 ሃዒካ ዛሪዲ ሂቫንላ አይሊያ ከቲስ። ጎሻንቸቲ ኢያካ ማዲንዊሲ ዋይኒያ ጊዳፊ ጋዩ ኬሲዲ ዩጊዳሪና።

13 «ዋይኒያ ጎዳይ፣ ሳቲን ታ አይ ኦላ? አኔ ቃሲ ታ ደሲያ ታ ናባ ዩዳና፤ ኦኒ ኤሪ ኤንቴ ኢያ ቦንቸና አጎኮና) ያጊሰ።

14 «ሽን ጎሻንቸቲ ኡራ ናባ ቤዒዳ ዋዴ ሃይሲ ኢያ ላቲይሳ፣ ሃ ዪቴ ኢያ ዋቆና፣ ያቲኮ ላታይ ኮስ ጊዳና) ያጊዲ ዛሪቲዳሪና። 15 ዋይኒያ ጊዳፊ ጋዩ ኬሲዲ ዋጂዳሪና።

«ያቲን፣ ዋይኒያ ጎዳይ ሄ አሳታ ዋታኔ? 16 ዩዲ ሄ ጎሻንቸታ ቆይሳና፣ ዋይኒያ ቤሳ ሃራ አሳታስ ኢማና። አሳይ ሄሳ ሲዒዳ ዋዴ (ሽንቻሌ ሄሳ ማላባ ኤሆፖ) ያጊዳሪና።

17 ዩሱሲ ኤንታ ጫዲ ያሊዲ፣

«ያቲን ሲምቤ ከዲያ አሳቲ ቦሪዳ ሹቻይ፣

ኬላስ ማላኔ ሚኖቴሊ ኢሚያ ኡባፊ አጂያ ሹቺ ጊዲስ)

ጌቲቲዲ ያፊቲዳይሳ ቢርሹላይ አይቤ? 18 ሄ ሹቻ ቦላ ኩንዲያ ኡባይ ቆይታና፣ ሹቻይ ኢያ ቦላ ዋጂያ ኡባይ ሊቃና» ያጊሰ።

19 ሂኔ አስታማሬቲኔ ካሂኔ ሃላቃቲ ሃ ሌሚሶይ ኦዴቲዳይ ኤንታ ቦላ ጊዴይሳ ኤሪዲ ሄ ዋዴ ኢያ አይካናው ኮዩዳሪና፣ ሽን አሳስ ባቢዳሪና።

ጊራባ

(ማቶ 22:15-22፤ ማር 12:13-17)

20 ሄሳ ጊሾ፣ ዩሱሳ ዳሪያ ሃሪያ ሮሜ ካጠዋ ማታስ አሊ ኢማናው ኮዩዲ ኢያ ደናፔ ባላ ቃላ ናጎሶና። ሄሳ ፖሊሳናው ዊሎ ዳኒዲ ጨሚያ አሳታ ኢያኮ ከቲዳሪና።

21 ከቲቲዲ ቢዳ አሳቲ፣ «አስታማሪያው፣ ኔኒ ኦዴይሲኔ ታማርሴይሲ ሊኬ ጊዴይሳ፣ ቃሲ ያሳ ኦኒያ ቲማቲላን ታማርሴይሳኔ ኦናካ ሻኮናይሳ ኦ ኤርሰ። 22 ሃናሽን፣

ሮሜ ካወቀሰ ገራ ገራናው ቤሲ ቤሴኔ?» ያገዱ ኢያ ኦይቺደሶና።

23 ሺን ኢ ኤንታ ዎዛና ኢታቴላ ኤሪዳ ገሾ 24 «እኔ ታና ኢሲ ሳንቲሜ ቤሲቲ፣ ኢያ ቦላ ዳዒያ ሚሲሌይኔ ሱንላይ ኦዳባዬ?» ያገሰ።

እንቲ ዛሪዳ፣ «ሮሜ ካወቀ ቁሳሬይሳ» ያገደሶና።

25 ኢ ዛሪዳ፣ «ያቲኮ፣ ቁሳሬይሳ ቁሳሬሰ፣ ያሳይሳ ያሳሰ አሚቲ» ያገሰ።

26 ሄሳ ገሾ፣ ኢ ዛሪዳ ዛሩዎን አሳ ሲንላን ባላ ዳማናው ዳንዳቢቦኮና። ኢያ ዛሩዎን ማላሌቲዳ ሲዒ ገደሶና።

ሃይቆፔ ዳንደባ
(ማቶ 22:23-33፤ ማር 12:18-27)

27 ሃይቆፔ ዳንደይ ባዎ ያገያ ሳዲቃዌታፔ ኢሶቲ ኢሶቲ ዩሱሳኮ ዩዳ፣ 28 «አስታማሪያው፣ ኢሲ አሲ ማቾ ኤኪዳ ናዓ ዩሎና ሃይቁኮ፣ ኢያ አሻይ ሄ ማጫሲው ኤኪዳ ናይታ ዩሊዳ ባ አሻሰ ዜሬሌ አሻና ማላ ሙሴይ ፃፊሰ። 29 ሄኮ ላፑን አሻቲ ዳዎሶና። ኮይሮይሲ ማቾ ኤኪዳ ናዓ ዩሎና ሃይቁሰ። 30 ናምዓንላይ ኢዮ ኤኪዳ ናዓ ዩሎና ሃይቁሰ። 31 ሄቫንላይካ ሄሳሶ ሃኒሰ። ላፑናቲ ኡባይ ሄሳዳ ሃኒዳ ኢዮ ኤኪደሶና፣ ሺን ናዓ ዩሎና ሃይቁደሶና። 32 ወርሴላን ማጫሲያ ሃይቃሱ። 33 ሄዛ፣ ላፑን አዳይ ኢዮ ኤኪዳ ገሾ ሃይቆፔ ዳንዲያ ዎዴ ኢያ ኦዴ ማቾ ገዳኔ?» ያገዱ ኦይቺደሶና።

34 ዩሱሲ ዛሪዳ፣ «አሳይ ሃ ዎዲያን ኤኮሶናኔ ጌሎሶና። 35 ሺን ሃይቆፔ ዳንዲዳ ያና አላሚያን ዳናው ቤሴይሳቲ ኤኮኮናኔ ጌሎኮና። 36 ኤንቲ ኪታንቾ ማላ ገዲያ ገሾ ሲንላፊ ሃይቆኮና። ሃይቆፔ ዳንዲዳ ገሾ ኤንቲ ያሳ ናይታ። 37 ሙሴይ ጎዳ፣ «አብራሃሜ ጎዳ፣ ዩሳቃ ጎዳ፣ ያይቆባ ጎዳ» ገዲ ቱሺያ ገደን ፀጌቲያ ታማ ታሪኪያ ፃፊዳይሳን ሃይቁዳ አሳይ ዳንደይሳ ቤሴሰ። 38 ኡባይ ኢያው ዳዎን ዳዒይሳታ ገዲያ ገሾ ኢ ዳዎን ዳዒይሳታ ጎዳፔ አቲን ሃይቁዳይሳታ ጎዳ ገዳና» ያገዱ ዛሪሰ።

39 ሂጌ አስታማሪታፔ ኢሶቲ ኢሶቲ፣ «አስታማሪያው፣ ሎዎባ ኦዳዳሳ» ያገደሶና። 40 ሄሳፊ ጉዬ፣ ሃራ ኦይሾ ኦይቻናው ያዩደሶና።

ኪሪሰቶሲ ኦዴ ናዔ
(ማቶ 22:41-46፤ ማር 12:35-37)

41 ኢያፔ ካሊዳ ዩሱሲ ኤንታኮ፣ «አሳይ ኪሪሰቶሳ ዎቲዳ ዳዊቲ ናዓ ያጎና? 42-43 አይሰ ገኮ፣ ዳዊቲይ ባ ሁዔን ባ ማፃፋን፣

«ያሳይ ታ ጎዳኮ «ታ ኔ ሞርኬታ ኔ ቶሆይ ዩዲያሶ አላና ጋካናው ታፔ ኡሻቻ ባጋን ኡታ» ገሰ» ያገሰ።

44 «ሂዛ፣ ዳዊቲይ ኪሪሰቶሳ፣ ሳዳ ገዲ ያገሺ ኢያው ናዓ ዎኒዳ ገዲ?» » ያገሰ።

45 ዳሬይ ኡባይ ሲዒሺን ባ ታማሪታኮ፣ 46 «አዲሳ ማዎ ማዒዳ ዩሼ ደሴይሳታፔ፣ ገያን ቦንቾ ሳርሉ፣ አይሁዳ ዎሳ ኬላን ቦንቾ ኦይዴ፣ ሞኬቲያ ሶንካ ቦንቾ ቤሲ ኮያ ሂጌ አስታማሪታፔ ናጌቲ። 47 ኤንቲ አምዔታ ኬላ ካሎዮሶና፣ ያሎ አሲ ዳኒዳ ዎሳ አዲሶሶና። ኤንቲ ኢታ ፐርዳ ኤካና» ያገሰ።

21

አምዔ ሙፃታ
(ማር 12:41-44)

1 ዳሬ አሳይ ያሳ ኬላን ሙፃታ ሳዒኒያን ዩገሺን ዩሱሲ ጶቁ ገዲ አሳ ቤዒሰ። 2 ቃሲ ኢሲ ማንቆ አምዒያ ናምዑ ሲኪና ዩገሺን ቤዒዳ፣ 3 «ታ ሂንቲው ቱማ ኦዳይሰ፤ ሃ ማንቆ አምዒያ ኡባሬ አላዳ አማሱ። 4 አይሰ ገኮ፣ ሃ አሳ ኡባይ ባንታው ዳዒያባፔ አሚደሶና፣ ሺን ኢያ ባ ፓጪያፔ፣ ባው ዳዒያ አቁዎ ኡባ አማሱ» ያገሰ።

ወርሴላ ዎዲያ ማላታታ
(ማቶ 24:3-14፤ ማር 13:3-23)

5 ዩሱሳ ታማሪታፔ ኢሶቲ ኢሶቲ ያሳ ኬላይ ዳር ሎዒያ ሹቻኒኔ አሳይ ያሳሰ አሚዳ አምታን ሎዒዳይሳ ኦዳቶሶና። 6 ሺን ዩሱሲ፣ «ሃ ሂንቲ ቤዒያባይ ኡባይ ላሌቶና፣ ሹቹ ሹቻ ቦላ ገምቤቲዳ ማላ አቶና ዎዴይ ያና» ያገሰ።

7 ኤንቲካ፣ «አስታማሪያው፣ ሃ ኡባይ ሃናናይ አዉዳ? ቃሲ ሃይሲ ሃናናይሳሰ ማላታይ አይቤ?» ያገዱ ኦይቺደሶና።

8 ዩሱሲ ያገዱ ኤንታው ዛር አሚሰ። «ባሌቶና ማላ ናጌቲ። ዳርቲ፣ «ታኒ ኪሪሰቶሳ፣ ዎዴይ ማታቲሰ» ያገሺ ታ ሱንላን ያና፣ ሺን ሂንቲ ኤንታ ካሎፊቲ። 9 ሂንቲ ኦላባኔ አሳ ጌላቴላ ሲዒያ ዎዴ ዳጋሞፊቲ። ሄሲ ሲንላቲዳ ሃናናይሲ አቶናባ ገዲያ ገሾ ዎዲያ ወርሴላይ ኤሌሲዳ ዩና» ያገሰ።

10 ካሊዳካ፣ «ዳሬይ ዳሪያ ቦላ፣ ካዎቲላይ ካዎቲላ ቦላ ዳንዳና። 11 ገታ ቢታ ቃይሃ ሃናና፣ ኮሻይኔ ጋደይ ዲማ ዲማ ቤሳን ዳራና፣ ያሺያባይኔ ገታ ማላታቲ ሳሎፔ ቆንጫና። 12 ሺን ሃ ኡባይ ሃናናፔ ሲንሌ ታ ሱንላ ገሾ ገዲ አሳይ ሂንቲና ጎዳናኔ ኦይካና። አይሁዳ ዎሳ ኬላኒኔ ቃሾ ኬላን ሂንቲና ዩጋና። ካዎታ ሲንሌኔ ዳሪያ ሃሬይሳታ ሲንሌ ሂንቲና ኤፋና። 13 ሄሲካ ታባ ሂንቲ ኤንታው ማርካታናው ሎዎ ኦጌ ገዳና። 14 ሄሳ ገሾ፣ ሂንቲ ኦይሼቲያ ዎዴ ዎይገዲ ዛር አማኔ ገዲ ሂንቲ ዎዛናን ኤንዔቶና ማላ አኬኪቲ። 15 አይሰ ገኮ፣ ሂንቲ ሞርኬቲ ሂንቲራ ኤቁታናዉኔ ፓላማናው ዳንደዎና ዶናኔ ጨንጫቴሌ ታ ሂንቲው አማና። 16 ሃሪ አቶሺን፣ ሂንቲና ዩሊዳይሳቲ፣ ሂንቲ አሻቲ፣ ሂንቲ ዳሶቲኔ ሳጌቲ ሂንቲና አሌ አማና፣ ሂንቲ ገደሬ ኢሶታ ኢሶታ ዎቆና። 17 ታ ሱንላ ገሾ አሳ ኡባ ሲንላን ሂንቲ ኢፃቲዳይሳታ ገዳና። 18 ሺን ሃሪ አቶሺን፣ ሂንቲ ቢናናፔ ኢሶይካ ቆዩና። 19 ፖሎ ዳንደዎን ሂንቲ፣ ሂንቲ ሹምፑዎ አሻና።»

20 «ዩሩሳሌም ካታማይ ዎታዳሬን ዲሬቲዳ ኡቲዳሺን ሂንቲ ቤዒኮ ኢያው ቆዮይ ማታቲዳይሳ ኤሪቲ። 21 ሃ ዎዴ ዩሁዳን ዳዒያ ኡባይ ዳሪያኮ ባቃቶ፣ ካታማን ዳዒይሳቲ ያፔ ኬዮ፣ ጋፃሪያን ዳዒይሳቲ ካታማ ጌሎፖ። 22 አይሰ ገኮ፣ ሃ ፃፊቲዳባይ ፖሎታና ማላ ሄሲ ያሳይ ኩሼ ዛሪያ ዎዴ። 23 ሳዓ ቦላ ገታ ማቶይ ያና፣ ሄሳንካ አሳ ቦላ ያሳ ሃንቆይ ያና። ሄሳ ገሾ፣ ቃንላቲዳይሳታኔ ቆንሌይሳታ አዩ። 24 ኤንቲ ማሻን ሃይቃና፣ አሳ ኡባይ አላጋ ቢታ ዲዔታና። አይሁዳ ገደና አሳ ዎዴይ ፖሎታና ጋካናው ዩሩሳሌም ኤንታናን ዩዴቲዳይሳ ገዳና።

25 «አዋን፣ አገናኒ፣ የሊንቶታ ቦላ ማላታቲ ሃኒዲ ቤንታና። አባፌኔ ዙሊያ ዳቩዋፕ ዳንደይሳን ቢታን ዳዲያ አሳይ ኡንዴታናኔ ያርካና። 26 ሳሉዋ ዋልቃቲ ቡቁታና ገሾ አሳይ ያሻኒኔ ቢታ ቦላ አይቢ ሃናንዳሻ ገዲ ናጎን ባንታና ባሌታና። 27 ሄ ዋዴ አሳ ናዳይ ዋልቃኒኔ ገታ ቦንቹዋን ሻራራ ዪሺን ኤንቲ ቤዳና።

28 ሂንቲ አቶቲሳይ ማታቲዳ ገሾ ሃ ሃናቲ ፖሌቲላ ኦይኪያ ዋዴ ገራቲ ኤቁቲ፣ ሂንቲ ሁዲያ ቶቁ አሉዲ ያለቲ» ያገሰ።

29 ካሊዲካ፣ ሃይሳዳ ገዲ ለሚሶ ኦዲሰ። «ባላሴ ሚላኔ ሃራ ሚላታ ኡባ ቤዲቲ። 30 ኤንቲ አጪያ ዋዴ ቶርቼይ ማታቲዳይሳ ሂንቲ ኤሬታ። 31 ሄሳዳ ሃ ሃናቲ ፖሌቲሺን ሂንቲ ቤዲኮ ያሳ ካዋቲሳይ ማታቲዳይሳ ኤሪቲ።

32 «ታ ሂንቲው ቲማ ኦዲይሰ፤ ሃ ኡባይ ፖሌታና ጋካናው ሃ ዩሌቲሳይ አዴና። 33 ሳሎይኔ ሳዳይ አቶና፣ ሺን ታ ቃላይ አዴና።

34 «ሂዛ፣ ቆሲ ባይና ዳዎን፣ ኡሻ ዳርኒኔ ዲሳባሰ አንዴቲሳን ሂንቲ ዋዛናይ ኦይኬቶና ሚላኔ ሄ ቃማይ አኬኮና ዲሃዳ ሂንቲ ቦላ ጋኮና ሚላ ናገቲቲ። 35 ሄ ቃማይ ቢታ ኩሚሳን ዳዲያ ኡባ ቦላ ጋካና። 36 ሄሳ ገሾ፣ ያ ኢታፔ አታናወኔ አሳ ናዳ ሲንሳን ኤቃናው ዳንደዳና ሚላ ኡባ ዋዴ ሚኒዲ ዋሲቲ» ያገሰ።

37 ጋላሰ ጋላሰ ዩሱሲ ያሳ ኬላን ታማርሲሼ፣ ቃማ ቃማ ሻማሆ ዳሪያ ቦላ ኬዪዲ አቁሰ። 38 አሳይ ኡባይ ኢያ ሲዳናው ዋንታ ጉራ ኢያኮ ያሳ ኬላ ዮሶና።

22

ዪሁዲ ዩሱሳ አሉ አማናው ማቁቲሰ
(ማቶ 26:1-5፣ 14፣ 16፣ ማር 14:1-2፣ 10-11፣ ዮሃ 11:45-53)

1 ሄ ዋዴ (ፋሲካ) ያገያ ኡይላ ባሌይ ማቲሰ።
2 ካሂኔ ሃላቃቲኔ ሂኔ አሰታማሬቲ አሳሰ ያዪዳ ገሾ ዋቲዲ ዩሱሳ ባንታ ገደሬ ቆይሳኒኮ ኦጌ ኮዮሶና።
3 ያላሄይ ታማኔ ናምባታፔ ኢሱዋ ገዲዳ አሰቆርታ ዪሁዲ ጌቲቲይሳ ገደ ጌሊሰ። 4 ዪሁዲ ካሂኔ ሃላቃታኮኔ ያሳ ኬላ ናገይሳታ ሃላቃታኮ ቢዲ ዩሱሳ ዋቲ አሉ አማኔኮ ኤንታራ ማቁቲሰ። 5 ኤንቲካ ሄሳን ኡፋይቲዲ ሚሼ አማናው ኢያራ ዘሬቲደሶና። 6 ኢካ ዘሬቲሳን ገረሰ። አሉ ኤንታው አማናው አሲ ባይና አንጃ ዋዴ ናገሼ ዳዴሰ።

ወርሴላ ካሁዋ
(ማቶ 26:17-25፣ ማር 14:12-21፣ ዮሃ 13:21-30)

7 ሄሳሬ ጉዬ፣ ፋሲካ ዳርሳይ ሹኬቲያ ኡይላ ባሌይ ጋኪሰ። 8 ዩሱሲ፣ «ፋሲካ ካሁዋ ማና ሚላ ቢዲ ኦሰ ገረሰቲ» ያገዲ ጳይሳኒኔ ዮሃኒሳ ከቲሰ። 9 ኤንቲ፣ «ኦ አወን ገረሰና ሚላ ኔ ኮያይ» ያገዲ ኦይቹደሶና። 10 ኢ ኤንታኮ፣ «ሄኮ ሂንቲ ካታማ ጌሊሺን ሃላ ኦቶ ቶኪዳ አዴይ ሂንቲራ ጋሃታና። ኢ ቢዲ ጌሊያ ኬላ ኢያ ካሊዲ ጌሊቲ። 11 ኬላዋኮ አሰታማሬይ፣ ታ ታ ታማሬታራ ዋላ ፋሲካ ካሁዋ ማናው አማላ ኬላ አወኔ? ያገሰ» ገቲ። 12 ኢ ጉቁያ ቦላ ሂፃቲዲ ገረዲ ዳዲያ

ዳልጋ ከፊሌ ሂንቲና ቤሳና፣ ያን ገረሰቲ» ያገሰ።
13 ኤንቲ ቢዲ ዩሱሲ ገዳይሳዳ ሃኒን ዳሚደሶና። ፋሲካ ባሌ ካሁዋ ያን ገረሰደሶና።

14 ሳቲይካ ጋኪዳ ዋዴ ዩሱሲ ሃዋሬታራ ዋላ ካሁዋ ቦላ ኡቲሰ። 15 ኢ ኤንታኮ፣ «ታ ዋዬ ኤካናፔ ሲንሌ ሃ ካሁዋ ሂንቲራ ማናው ዳሮ አሞታሰ። 16 ሂዛ፣ ሲዲቲ! ያሳ ካዋቲሳን ሃይሳሰ ቢርሼላይ ፖሌታና ጋካናው ሃ ካሁዋ ዘራዳ ሚኬ» ያገሰ። 17 ኡሻ ኤኪዲ ጋላቲ ሲሚዲ፣ «ሄዲቲ ሃይሳ ሂንቲ ገደን ሻኬቲቲ። 18 ሲዲቲ! ያሳ ካዋቲሳይ ያና ጋካናው ሃቹሬ ደማዳ ሃ ዋይኔ ኡሻሬ ዘራዳ ኡዪኬ» ያገሰ።

19 ኡይላ ኤኪዲ፣ ጋላቲ ሲሚዲ፣ «ሃይሲ ሂንቲው ኢሚቲያ ታ አሹዋ። ሃይሳ ኦሊሼ ታና ቆፕቲ» ያገዲ ሚንላዲ ኤንታው ኢሚሰ።

20 ሄሳዳካ፣ ካሁዋፔ ጉዬ ኡሻ ኤኪዲ፣ «ሃ ኡሻይ ሂንቲው ጉኪዳ ታ ሱላን ገዲያ ኦራሳ ጫቁዋ።

21 ገደሺን፣ ታና አሉ አማና ኡራ ኩሼይ ታራ ኢሲሬ ጋይታና። 22 አሳ ናዳይ ኢያው ጌቲቶይሳ ሚላ ሃይቃናው ዳዴሰ፣ ሺን ኢያ አሉ አሚያ ኡራ አዬ» ያገሰ። 23 ኤንቲ ባንታ ገደን፣ «ሃይሳ ኦኒ ኦላኔ» ገዲ ዋሊ ኦይቹደሶና።

24 ቃሲ ኤንታ ገደን ገታ ገዳናይ ኦኔ ገያ ፓላሚ ሚቆቲሰ። 25 ዩሱሲ ኤንታኮ፣ «ዳሪያ ካዋቲ ባንታ አሳ ዋልቃን ሃርሶና፤ ባንታ ዳሪያ ቦላ ጎዳቲይሳታሰካ ባንታና፣ (ሎ? ኦሊይሳታ) ያገዲ ፃሳሶና። 26 ሺን ሂንቲ ገደን ሄሳ ሚላ ገደፖ። ሂንቲ ገደን ባይራቲይ ካሎዳ ሃና፣ ካሌላይሲ ካሌይሳዳ ሃና። 27 ሃናሺን፣ ሞኬይሳሬኔ ሞኬቲይሳሬ አወሲ አቋ? ሞኬቲይሳ ገዴኔ? ሺን ታኒ ሂንቲ ገደን ሞኬይሳ ሚላ።

28 «ሂንቲካ ታ ሜቲዋን ታፔ ሻኬቶና ታራ ሚኒዲ ኤቁዳይሳታ። 29-30 ሂንቲ ታ ጋይታፔ ማና ሚላ፣ ኡያና ሚላኔ አራታታ ቦላ ኡቲዲ ታማኔ ናሞዑ ኢሰራዴሌ ሼሻታ ቦላ ፐርዳና ሚላ ታ አዋይ ታና ሹሚዳይሳዳ ታካ ሂንቲና ታ ካዋቲሳን ሹማና» ያገሰ።

31 ካሊዲካ ዩሱሲ፣ «ሲሞና፣ ሲሞና፣ ያላሄይ ሂንቲና ገሰቲዳ ሃርቃናው ዋሲሰ። 32 ሺን ታኒ ኔ አማናይ ቆዮና ሚላ ኔው ጋናታሰ። ኔካ ሲሚዳ ዋዴ ኔ አሻታ ሚንላ» ያገሰ።

33 ሲሞኒ፣ «ጎዳው፣ ታኒ ኔራ ቃሼታናወኔ ሃይቃናው ገረታሰ» ያገሰ።

34 ዩሱሲ ጳይረሳኮ፣ «ታ ኔው ኦዲይሰ፤ ሃቹ ኩቶይ ዋሳናፔ ሲንሌ ኔ ታና ሃቹ ቶሆ ካዳና» ያገሰ።

35 ካሊዲካ፣ ዩሱሲ ኤንታኮ፣ «ታኒ ሂንቲና ኮርጅይ፣ ካርጂቲይኔ ጫሚ ባይና ከቲዳ ዋዴ ሂንቲው ፓጪዳባይ ዳዲ?» ያገዲ ኦይቹሰ።

ኤንቲ ዘራዳ፣ «ኦይኮይካ ፓጪቤና» ያገደሶና።

36 ኢ ኤንታኮ፣ «ሃዲ ኮርጅይኔ ካርጂቲይ ዳዴይ ኦይኮ፤ ማሺ ባይናይ ባ አፊላ ባይዚዲ ማሻ ሻሞ። 37 ሃ ሲዲቲ! (ጌላታራ ታይቤቲሰ) ጌቲቲዲ ያፊቲዳይሲ ታናን ፖሌታናው ቤሰሰ። ኤ፣ ታ ገሾ ያፊቲዳባይ ፖሌቲይሲ ቲማቲሰ» ያገሰ።

38 ኢያ ታማሬቲ፣ «ጎዳው ሃይሳን ናሞዑ ማሺ ዳዴሰ» ያገደሶና።

21:25 እሳ 13:10፤ ሂዘ 32:7፤ ኤር 2:31፤ ዮ.ቆ 6:12 21:27 ዳኔ 7:13፤ ዮ.ቆ 1:7 21:37 ሉቃ 19:47 22:1 ኬሳ 12:1
22:20 ኤር 31:31 22:21 ማዘ 41:9 22:24 ማቶ 18:1፤ ማር 9:34፤ ሉቃ 9:46 22:25 ማቶ 20:25-27፤ ማር 10:42-44
22:26 ማቶ 23:11፤ ማር 9:35 22:27 ዮ.ቆ 13:12 22:29-30 ማቶ 19:28 22:35 ማቶ 10:9-10፤ ማር 6:8-9፤ ሉቃ 9:3
22:37 እሳ 53:12

ኢ፡ «ጊዳና» ያገሰ።

ዩሱሲ ሻማሆ ዳሪያ ቦላ ዋሲሰ
(ማቶ 26:36-46፤ ማር 14:32-42)

39 ዩሱሲ ካሴ ማዘቲዳይሳዳ ዳንዲዲ ሻማሆ ዳሪያ ቦላ ከዩሰ። ኢያ ታማራቲ ኢያ ካሊደሶና።
40 ሄ ቤሳ ጋኪዳ ዋዴ «ፓጩን ጌሎና ማላ ዋሲቲ» ያገሰ። 41 ኢንታፊ ሹቹ ሆሊን ጋኪያ ሶ ማላ ሃኪዲ ጉልባቲዲ ዋሲሰ። 42 «ታ አዋው፣ ኔ ሹኔ ጊዲኮ ሃ ማቲዋ ታፔ አፋ። ሺን ታ ሹኔ ጊደፖ ኔ ሹኔይ ሃና» ያገዲ ዋሲሰ። 43 ኪታንቸይ ሳሎፔ ቆንጩዲ ማንሊሰ። 44 ዳር ኡንዔቲዲ ማንሊዲ ዋሲሰ። ኢያ ጫዋይካ ሱሉ ያኪያዳ ሳዓን ያኬሰ።

45 ዩሱሲ ዋሳ ወርሲዲ ባ ታማራታኮ ዩሰ። ኢንቲ፣ አዛኒያፔ ዳንደይሳን ዳቡራዲ ጲስኪዳሺን ዳሚዲ፣
46 «አይሰ ጲስኬቲ? ፓጩን ጌሎና ማላ ዳንዲዲ ዋሲቲ» ያገሰ።

ዩሱሲ ኦይኬቲሰ
(ማቶ 26:47-56፤ ማር 14:43-50፤ ዮሃ 18:3-11)

47 ኢ ቡር ኦዳ ቦላ ዳዒሺን ዳር አሳቲ ዩደሶና። ታማኔ ናምዓታፔ ኢሶይ ዩሁዳ ጌቲቲይሲ ኢንታና ካሌሌሰ። ኢ ዩሱሳ ዩራናው ማቲ ሸቂሰ። 48 ሺን ዩሱሲ፣ «ዩሁዳ፣ አሳ ናዓ ዩራዳ አሳ ኢማኔ?» ያገሰ።
49 ዩሱሳ ታማራቲ ሄ ሃኑዋ ቤዒዲ፣ «ጎዳው ማሻን ሸጩና?» ያገደሶና። 50 ኢንታ ጊደፊ ኢሶይ ካሂኔ ሃላቃ ኦሳንቸዋ ሸጩዲ ኡሻቻ ሃይላ ቃንዒዲ ዩገሰ።

51 ሺን ዩሱሲ፣ «አጋ! ዲሳፊቲ» * ያገሰ። ኡራ ሃይላ ቦቹዲ ፓሊሰ።

52 ሄሳፊ ጉዩ፣ ዩሱሲ ባና ኦይካናው ዩዳ ካሂኔ ሃላቃታኮ፣ ያሳ ከላ ናጌይሳታ ሹማታኮኔ ጩማታኮ፣ «ፓኖ ኦይኪያ አሳዳ ማሹኔ ፃምዓ ኦይኪዲ ዩዳቲ? 53 ኡባ ጋላሰ ያሳ ከላን ታ ሂንቴራ ዳዒያ ዋዴ ታ ቦላ ኩሼ ዋሊቤኬታ። ሺን ሃይሲ ጲማ ካዋቲላይ ሃሪዳ ዋዴኔ ሂንቴ ዋዴ» ያገሰ።

ጳጳርሲ ዩሱሳ ካዲሰ
(ማቶ 26:57-58፣ 67-75፤ ማር 14:53-54፣ 66-72፤ ዮሃ 18:12-18፣ 25-27)

54 ሄሳፊ ጉዩ፣ ዩሱሳ ኦይኪዲ ካሂኔ ሃላቃ ዛባ ኤፊደሶና። ጳጳርሲ ሃሆን ዩሱሳ ካሌሰ። 55 አሳቲ ካሂኔ ሃላቃ ዛባን ታማ ኤሊዲ ዋላ ኡቲዳሺን ጳጳርሲ ኢንታራ ኢሲፊ ኡቲሰ። 56 ኢሲ ኦይሊያ ጳጳርሲ ታማ ማታን ኡቲዳይሳ ጫዳ ያላዳ፣ «ሃ ኡራይ ኢያራ ዳዔሰ» ያገሰ።

57 ሺን ጳጳርሲ፣ «ሃ ማጫሴቲ ታ ሄ ኡራ ኤሪኬ» ያገዲ ካዲሰ።

58 ጉላ ዋዴፔ ጉዩ ኢሲ ሃራ ኦይይ ኢያ ቤዒዲ፣ «ኔካ ኢንታፊ ኢሱዋ» ያገሰ።

ሺን ጳጳርሲ፣ «ሃ አዲያው ታና ጊዲኬ» ያገሰ።

59 ኢሲ ሳቲ ማላ ጋምዒዳፔ ጉዩ ኢሲ ሃራ ኦይይ ቲሊሲዲ፣ «ሃ ኡራይ ጋሊላፔ ጊዲያ ጊሾ ሲጴይ ባይና ኢያራ ዳዔሰ» ያገሰ።

60 ሺን ጳጳርሲ፣ «ሃ አዲያው፣ ኔ ጌይሳ ታ ኤሪኬ» ያገሰ። ኢ ሄ ኦዳ ኦንጎና ዳዒሺን ኩቶይ ዋሲሰ።

61 ጎዳይ ጉዩ ሲሚዲ ጳጳርሳ ያሊሰ። ጳጳርሲ፣ «ሃቹ ኩቶይ ዋሳናፔ ሲንሌ ኔ ታና ሄሹ ቶሆ ካዳና» ያገዲ፣ ጎዳይ ኦዲዳ ቃላ አኬኪሰ። 62 ጳጳርሲ ካሪ ከዩዲ ዳር ኩሪሪዲ ዩኪሰ።

63 ዩሱሳ ናጊያ አሳቲ ኢያ ለቂሶኔ ዳሼሉ ኦይኪደሶና። 64 ኢያ ኦይፊያ ጎዲዲ «ኦኔ ቲንቢቲ ኦዲ፤ ኔና ዳቹዳይ ኦኔ?» ያገዲ ኦይቸሶና። 65 ሃራ ዳር ጫሼ ጫዩዲ ካወሾሶና።

ዩሱሲ ጲላያሳ ሲንሌኔ ሄርዲሳ ሲንሌ ሸቂሰ
(ማቶ 26:59-66፤ ማር 14:55-64፤ ዮሃ 18:19-24)

66 ሳዒ ዋንቲያ ዋዴ ኦይሁዴ ቢታ ጩማቲ፣ ካሂኔ ሃላቃቲኔ ሂጌ አስታማራቲ ሸቂዲ፣ ዩሱሳ ባንታ ሲንሌ ሸሸደሶና። 67 ኢንቲ፣ «ኔኔ ኪሪሰቶሴ? ኦኔ ኦሰ ኦዳ?» ያገዲ ኦይቸደሶና።

ዩሱሲ፣ «ታ ኦዲያኮ ኦማኔኬታ። 68 ታ ኦይቸያኮ ዛሪኬታ። 69 ሺን አሳ ናዓይ ሃይሳፊ ጌዴ ባጋን ዋልቃማ ያሳ ኡሻቻ ባጋን ኡታና» ያገሰ።

70 ሄ ዋዴ ኡባይ፣ «ያቲን፣ ኔኔ ያሳ ናዔ?» ያገደሶና።

ኢ፣ «ታ ያሳ ናዓ ጊዴይሳ ሂንቴ ጊዴታ» ያገሰ።

71 ኢንቲ፣ «ሂዛ፣ ሃራ ማርካ ኦይ ኮሺ? ኢ ባ ኢንፃርሳን ኦዲሺን ኦ ሲዒዳ» ያገደሶና።

23

ዩሱሲ ጲላያሳ ሲንላን
(ማቶ 27:1-2፣ 11-14፤ ማር 15:1-5፤ ዮሃ 18:28-38)

1 ሄ ቤሳን ሸቂዳ ሻንጎቲ ኡባይ ዳንዲዲ ዩሱሳ ጲላያሳኮ ኤፊደሶና። 2 «ሃ ኡራይ ኦ አሳ ባሌሊሺን፣ ካወዋሰ ጊራ ጊርና ማላ ዲጊሺኒኔ ቃሲ፣ «ታኒ ኪሪሰቶሳ ሂንቴ ካወዋ» ያገሺን ዳሚዳ» ያገዲ ዋቲደሶና።

3 ጲላያሲ ዩሱሳ፣ «ኔኔ ኦይሁዴታ ካዋዩ?» ያገዲ ኦይቸሰ።

ዩሱሲ፣ «ኤ፣ ኔ ጊዳይሳ ማላ» ያገሰ።

4 ጲላያሲ ካሂኔ ሃላቃታኮኔ አሳኮ፣ «ሃ ኡራ ቦላ ታኒ ኢሲ ባላካ ዳማቢኬ» ያገሰ። 5 ሺን ኢንቲ፣ «ሃ ኡራይ ጋሊላፔ ዳሚዲ ሃይሳ ጋካናው ዩሁዳ ኩማላ ኢታባሰ ዳንሌሌሰ» ያገዲ ማንሌ ኦዲደሶና።

6 ጲላያሲ ሄሳ ሲዒዳ ዋዴ ዩሱሲ ጋሊላ አሴኮ ኤራናው ኮዩዲ ኢያ ኦይቸሰ። 7 ዩሱሲ ሄርዲሳ ቢታፊ ዩዳ አሲ ጊዴይሳ ጲላያሲ ኤሪዳ ዋዴ ሄርዲሲ ሄ ዋዴ ዩራሳላሚን ዳዒያ ጊሾ ኢያኮ ዩዲሰ።

8 ሄርዲሲ ዩሱሳ ቤዓናው ዳር ዋዴፔ ኮዩሼ ዳዒያ ጊሾ ኢያ ቤዒዲ ዋዴ ዳር ኡፋይቲሰ። ኦይሰ ጊኮ፣ ኢያባ ሲዒዳ ጊሾ ማላሊሲያባ ኦሊን ቤዓናው አዋቲሼ ዳዒሰ። 9 ሄርዲሲ ዩሱሳ ዳር ኦይሾታ ኦይቸሰ፣ ሺን ኢ ኦይኮካ ዛሪቤና። 10 ካሂኔታ ሃላቃቲኔ ሂጌ አስታማራቲ ያን ኤቂዲ ማንሊዲ ኢያ ዋቶሶና።

11 ሄርዲሳራኔ ኢያ ዋታዳሪታራ ዩሱሳ ካጲደሶናኔ ለቂሲደሶና። ቦንቾ አፊላ ማይዚዲ ጲላያሳኮ ዛሪዲ

* 22:51 አጋ! ዲሳፊቲ፡ ዩሱሲ ሃ ቤሳን አጋ ያገዳይ ኢያ አሻናው ጊዲ አሳቲ ኡራ ሃይላ ቃንደሳ አጋ ቃንጾፋ ጊዳይሳ፣ ሃራቲ ኢያ ኦይካናው ዩዳይሳታ ዲሳፊቲ ሃላ ኢንታ ዋዴ ያገደሳ ናምዑ ቆፋታ ዋሊ ጋሊዲ ኦይኪሰ። 22:53 ሉቃ 19:47፤ 21:37

ዩዲዎች። 12 ሄሮዲዮስ ጳጳሳዊ ካሴ ሞርኬሽን ሄ ጋላስ ዋላ ገዢዎች።

13 ጳጳሳዊ ካሄኔ ሃላቃታ፡ አሳ ሃራይሳታኔ አሳ ጭደ። 14 « ሃ ኡራይ አሳ ጌላቴላስ ዳንጫላስ ገደታኑ ኤሂደታ። ታካ ሂንቴ ሲንላን ፒላጋዳ ሂንቴ ሺሺዳ ሞቱዋሰ አይቢ ባላካ ዳማቢኬ። 15 ሄሮዲዮስ፡ ሄሳሶ አይቢ ባላካ ኢያ ቦላ ዳሚቦና ገሾ ኑኮ ዩዲሰ። ቱማካ ሃ ኡራይ ሃይቆስ ጋሊያ አይቢ ባላካ ኦሊቤና። 16 ሄሳ ገሾ፡ ኢያ ጋራፋዳ ቢላ ዩዳና» ያገሰ። 17 ሄሳ ኢ ገዳይ ፋሲካ ባሌ ዋዴ ኢሲ አሲ ኤንታው ቢላናይሲ ኢያው አቶናባ ገዲያ ገሾሳ።

18 ዳሬይ ኡባይ ኢሲ ቦላ፡ «ሃ ኡራ ጌዴ ዲጋ፡ ኑስ ባርባና ቢላ» ያገደደሰ። 19 ባርባኒ ካታማ ገደን አሳ ኢታባሰ ዳንጫሊዲ አሴ ዋዲዲ ቃሼቲዳ አሲ።

20 ጳጳሳዊ ዩሱሳ ቢላናው ኮዩዲ አሳስ ዛሪ ኦዲስ። 21 ገደሽን፡ አሳይ፡ «ካቃ! ካቃ!» ያገደደሰ። 22 ጳጳሳዊ ሄሽጎላ፡ «ሃ ኡራይ ቆሂዳባይ አይቤ? ዋዲስ ጋሊያ ባላ ታ ዳማቢኬ። ሄሳ ገሾ፡ ጋራፋዳ ዩዳ አጋና» ያገሰ።

23 ኤንቲ ባንታ ቃላ ቶቁ ኦሊዲ፡ «ካቆታናው ቤሴስ» ገዲ ሚንላ ዋሲደሰና። ኤንታ ዋሶይካ ያሲስ። 24 ኤንታ ኦይሻ ገሾ ገዲ ጳጳሳዊ ኢያ ቦላ ፐርዲስ። 25 አሳ ኢታባሰ ዳንጫሊዲ አሴ ዋዲዲ ቃሼቲዳይሳ ቢላና ሚላ ዋሲዲ፡ ሄ ኡራ ኤንታው ቢሊስ። ሺን ዩሱሳ ኤንቲ ኮዩዳባ አላና ሚላ ኤንታው አሊ ኢሚስ።

ዩሱሳ ካቂደሰና

(ማቶ 27:31-44፤ ማር 15:21-32፤ ዮሃ 19:17-27)

26 ዩሱሳ ኦይኪዲ ኤፊሽን ሲሞና ገያ ቄሪና ቢታ አዳይ ጋግሬፔ ዩሽን፡ ዳሚዲ ማሰቃሊያ ቶሲዲ ዩሱሳ ካሊዲ ባና ሚላ ኡንዲዲደሰና። 27 ዳር አሳይኔ ባንታ ቲራ ኢጨሽ ዩኪያ ማጫሳቲ ኢያ ጉዩያራ ካሎሶና።

28 ሺን ዩሱሳ ኤንታኮ ጉዬ ሲሚዲ፡ «ሂንቴና፡ ዩሩሳሌም ማጫሳቶ፡ ሂንቴ ሁዔሲኔ ሂንቴ ናይታሰ ዩኪቴፔ አቲን ታው ዩሶፊቴ። 29 ሂኮ ማይንሳቲ፡ ዩሎና ኡሎቲኔ ቆንጎና ቆንጎላቲ ኢንጃቲደሰና ሂንቴ ያጋና ጋላሳይ ያና። 30 ሄ ዋዴ ዳሬታ፡ ሱ ቦላ ኩንዲቴ፡ ዙማታካ፡ ሱና ካሚቴ) ያጋና። 31 ሂዛ፡ ቃዬ ሚላ ሄሳሶ ኦሊኮ ሚላ ሚላ ዋታንዳሻ?» ያገሰ።

32 ኢያራ ዋዳናው ሃራ ናምቡ ዋራንሽታ ኤፊደሰና።

33 ቁራኒዮ * ጌቲቲያ ቤሳ ጋሊዲ ካቂደሰና። ዋራንሽታፔ ኢሱዋ ኡሻቻ ባጋራ ሃንኩዋ ሃዲርሳ ባጋራ ካቂደሰና።

34 ዩሱሳ፡ «ታ አዋው፡ ኤንቲ አይ ኦሊያኮ ኤርና ገሾ ኔኒ ኤንታው አቶ ያጋ» ያገሰ።

ኤንቲ ኢያ አፊላ ቦላ ሳማ ዩገዲ ሻኬቲዲ ኤኪደሰና።

35 አሳይ ኤቂዲ ጭሎሶና፡ ሺን ዳሪያ ሃራይሳቲ፡ «ሃራታ አሺስ፤ ያሳይ ዶሪዳ ኪሪሰቶሲ ኢያ ገዲኮ አኔ ባና አሻ» ያገደደሰ ሌቂሲደሰና። 36 ዋታዳሬቲ ኢያኮ ሸቂዲ፡ ጫላ ዋይኔ ኡሻ ኢሚደሰና። 37 ያቲዲ፡

«ኔኒ አይሁዳታ ካዋ ገዲኮ ኔ ሁዒያ አሻ» ያገደደ ሌቂሲደሰና።

38 ኢያው ሁዔ ባጋራ፡ «ሃይሲ አይሁዳታ ካዋ» ያገያ ፀፊይ ዳዔስ። 39 ካቂቲዳ ዋራንሽታፔ ኢሶይ ጫሼ ሳዓራ ጎቺሼ፡ «አኔ ኔኒ ኪሪሰቶሳ ገዲኮ፡ ኔናካ ኑናካ አሻ» ያገሰ።

40 ሺን ሃንኮ ዋራንሽቆ፡ «ኔኒ ሃይሳ ሚላ ፐርዳን ዳዓሼ ሃሪ አቶሺን፡ ያሳስ ያዩኪ? 41 ኔኒ ኑ ባላስ ቤሲያ ፐርዳ ኤኮስ፡ ሺን ሃ ኡራይ ኢሲ ኢታባካ ኦሊቤና» ያገደደ ሃንቁቲስ።

42 ቃሲካ፡ «ዩሱሳ፡ ኔ ኔ ካዋቲላራ ያ ዋዴ ታና ቆፓ» ያገሰ።

43 ዩሱሳ፡ «ታ ኔው ቱማ ኦዳይስ፤ ሃቺ ኔኒ ታራ ጋናቲን ገዳና» ያገሰ።

44-45 ሄ ጋላስ ኡሱፑን ሳቲፔ ቢዲ ኡዱፋን ሳቲ ጋካናው አዋይ ፖቡዋ ዲገዳ ገሾ ቢታ ኡባ ቦላ ቆማ ገዲስ። ያሳ ኬላ ማጋራጃይ ዳኬቲዲ ናምባን ሻኬቲስ። 46 ዩሱሳ፡ ቃላ ቶቁ ኦሊዲ፡ «ታ አዋው፡ ታ ታ ሽምፐው ኔ ኩሽን ሽቆይስ» ያገደደ ሃይቂስ።

47 ማቶ ሃላቃይ፡ ሃኒዳይሳ ቤዒዲ፡ «ሃይሲ ኡራይ ቱማካ ዒሎ» ያገደደ ያሳ ጋላቲስ። 48 ሃ ሃኒያባ ቤዒናው ሄ ቤሳ ሸቂዳ አሳ ኡባይ ሃኒዳባ ቤዒዳ ዋዴ ባንታ ቲራ ኢጨሽ ባንታ ሶ ሲሚደሰና። 49 ገደሽን፡ ዩሱሳ ማታን ኤሪያ አሳ ኡባይ፡ ሄሳዳካ ጋሊላፔ ካሊዲ ዩዳ ማጫሳቲ ሄሳ ቤዒሼ ሃሆን ኤቂደሰና።

50-51 አይሁዳ ሻንጎታፔ ኢሶይ፡ ዮሴፋ ጌቲቲያ ኡራይ ዳዔስ። ኢ አርማቲያሳ ጌቲቲያ ዩሁዳ ካታማፔ ዩስ። ኢ ሎዎኔ ዒሎ አሲ ገዲያ ገሾ ያሳ ካዋቲላ ዩሳ ናጌስ። ሻንጎታፔ ኢሱዋ ገዲሼ ኤንታ ዘሬቴላኒኔ ኦሱዋን ዳና። 52 ሄ ኡራይ ጳጳሳዊ ቢዲ፡ ዩሱሳ አሃ ሞጋናው ታው ኢማ ገዲ ዋሲስ። 53 ጳጳሳዊ ኤካ ያገን፡ ዩሱሳ አሃ ዋዲሲዲ አፊላራ ፃዒስ። ዛላፊ ዋጪዲ ኬሲዳ ሃራ አሲ ሞጌቶና ኦራፋ ዲፎን ዋሊስ። 54 ሳምባቲ ጌላና ሃኒያ ገሾ ሄ ጋላሳይ ገጌቲላ ቃማ።

55 ጋሊላፔ ዳንዲዲ ዩሱሳ ካሊዲ ዩዳ ማጫሳቲ ዮሴፋራ ቢዲ ኢያ አሃ ዋቲ ሞገያኮ ዲፋዋ አኬኪዲ ቤዒደሰና። 56 ያፔ ሲሚዲ ሺቶኔ ቂባቲያ ገገሲደሰና። ሃጌይ ኪቲይሳ ሚላ ሳምባታ ጋላስ ሽምፐ ፔዒደሰና።

24

ዩሱሳ ሃይቆፔ ዳንዲስ

(ማቶ 28:1-10፤ ማር 16:1-8፤ ዮሃ 20:1-10)

1 ሳሚንታፊ ኮይር ጋላስ፡ ዋጋ ዋዴ ዋንታ ዳር ጉራ፡ ማጫሳቲ ባንታ ገገሲዲ ሸቲዋ ኤኪዲ ዲፋዋ ቢደሰና። 2 ኤንቲ ያ ጋኪያ ዋዴ ዲፋዋ ደናን ዳዒያ ሹቻይ ጎንዳሬቲዲ ኪቾይሳ ዳሚደሰና። 3 ኤንቲ ዲፋዋ ጋሊ ጌሊደሰና፡ ሺን ጎዳ ዩሱሳ አሃ ዳሚቦኮና። 4 ኤንቲ ያን ኤቂዲ አይቢ ሃኒዳ ገዲ ቆፐሺን አኬኮና ዳር ጳሊያ አፊላ ማዒዳ ናምቡ አሳቲ ኤንታ ማታን ኤቂደሰና። 5 ማጫሳቲ ያሹቲዲ ባንታ ሁዒያ ሳዓን ዘቂ ኦሊዲ ዳዒሺን፡ አሳቲ ኤንታኮ፡ «ዳዎን ዳዒይሳ

23:30 ሆሴ 10:8፤ ዮ.ቆ 6:16 * 23:33 ቁራኒዮ፡ ቁራኒዮ ጌይሲ ገሪኬ ደና። አራማይኬ ደናን «ጎልጎታ» ዋይኮ «ሁዔ ጉጌ» ጉሱ። ቁራኒዮ ገያ ሰንሳይ ኢማቲዳይ ዩሱሳ ካቂቲዳይ አሳ ሁዔ ጉጌ ዳኒያ ቤሳን ገዲያ ገሾሳ። ሄ ቤሳይ ሮሜ ካዋቲላይ ዋራንሽታ ካቂያ ቤሲ። (ማቶ 27: 33፤ ማር 15:22፤ ዮሃ 19:17) 23:34 ማዝ 22:18 23:35 ማዝ 22:18፤ ማዝ 22:7 23:36 ማዝ 69:21 23:44-45 ኬሳ 26:31 23:46 ማዝ 31:5 23:49 ሉቃ 8:2 23:56 ኬሳ 20:10፤ ዛሬ 5:14

ሃይቆታ ገደን አይሰ ኮዬት? 6-7 ኢ ሃይሳን ዳና፤ ሃይቆፔ ዳንዲሰ፡ «አሳ ናዓይ ናጋራንቸታ ኩሼን አቋ ከሚታና፤ ከንቲካ ኢያ ካቃና። ኢ ሃቫንታ ቃማን ሃይቆፔ ዳንዲና፤ ያገደ። ኢ ሃንቴራ ጋለላን ዳዒሼ ሃንቴው ኦዲዳ ቃላ ቆፒቱ» ያገሰ።

8 ማጫሳቲ ሄ ዋዴ ኢያ ቃላ ቆፒደሶና።
9 ማጫሳቲ ዲፋዋፔ ሲሚዲ ሃኒዳባ ኡባ ታማኔ ኢሶታሲኔ ሃራታሲካ ኦዲደሶና። 10 ሄሳ ሃዋሬታሰ ኦዲዳይ ማግዳላ ማይራሞ፡ ዮሃና፡ ያይቆባ አዪው ማይራሞኔ ከንታራ ዳዒያ ሃራ ማጫሳታ። 11 ሺን ከንታው ማጫሳቲ ኦዲዳይሲ ኤልሞ ዳኒን አማኒቦኮና። 12 ሺን ጳዒርሲ ዳንዲ ዋዒዲ ዲፎ ቢሰ። ሄ ቤሳ ጋኪዲ ሆኪ ጋላ ያለያ ዋዴ ሞሳ አፊላ ያላላ ቤዒሰ። ሃኒዳባን ማላሌቲሼ ባ ሶ ሲሚሰ።

ኤማሁሴ ኦጊያ ቦላ
(ማር 16:12-13)

13 ሄ ጋለሰ ካሊያ ታማሬታፔ ናሞዒቲ ዩሩሳላሚፔ ታማኔ ኢሲ ከሎ ሚቲሬ ሃኪያ ኤማሁሴ ጉታ ቦሶና። 14 ከንቲ ዋላ ሃኒዳባ ኡባ አዳቶሶና። 15 ከንቲ ሄ ሃናታባ ቆፒሼኔ ኦዲቲሼ ቢያ ዋዴ ዩሱሲ ባ ሁዒን ሸቂዲ ከንታራ ቤሰ። 16 ሃናሺን፡ ከንቲ ኢያ ኤርና ሜላ ከንታ አይፊይ ኦይኬቲሰ።

17 ኢ፡ «ሃንቴ ዋላ ኦፔ ቦላ ዳዒሼ ኦዴቲይሲ አይቤ?» ያገሰ።
ከንቲ አዛኒዲ ሲዒ ገዲ ኤቂደሶና። 18 ከንታፊ ኢሶይ ቁሊዮጳ ጌቲቲይሲ፡ «ሃ ቃማታ ገደን ዩሩሳላሚን ሃኒዳባ ኤርናይሲ፡ ኔ ቢታሰ አማላዬ?» ያገሰ።

19 ኢ ዛሪዲ፡ «ኢ ሃኒዳይሲ አይቤ?» ያገደዲ አይቺሰ።

ከንቲ፡ «ዖሳ ሲንላኒኔ አሳ ሲንላን ኦሶኒኔ ኦዲን ሚኖ ናቤ ገዲዲ ናዘሬቲ ዩሱሳባ። 20 ኢያ ካሄኔ ሃላቃቲኔ ኦና ሃሬይሳቲ ሃይቆ ፒርዳሰ አላ አሚዲ፡ ካቂደሶና። 21 ኦኒ ኢሰራዔል አሳ ዋዘንዴ ገዲ ኡፋይቲዲ ናገደሺን ሃይሲ ሃኒን ሃቺ ሃቫንታ ቃማ። 22 ቃሲ ኦ ገደፊ ኢሲ ኢሲ ማጫሳቲ ኦና ማላሊሲደሶና። ከንቲ ሃቺ ዋንታ ጉራ ዲፋዋ ቢደሶና። 23 ኢያ አሃ ቆዩዳ ዋዴ ሲሚ ዩዲ፡ «ኢ ፓዖ ዳዔሰ» ያገደ ከታንቸቲ ቆንጫን ቤዒዳ ያገደ ኦዲደሶና። 24 ኦ ገደፊካ ኢሶቲ ኢሶቲ ዲፋዋ ቢዲ ማጫሳቲ ኦዲዳይሳ ሃኒን ቤዒደሶና፡ ሺን ኢያ ቤዒቦኮና» ያገሰ።

25 ኢ ከንታኮ፡ «ሃንቴኖ፡ አኬኮና አሳው፡ ሃንቴ ዋዘናይ ናቤቲ ኦዲዳባ ኡባ አማናናው ጋሞዒይሳቶ፡ 26 ከሪሰቶሲ ሃ ሜቲዋ ኤካናውኔ ባ ቦንቸዋን ጌላናው ቤሴኔ?» ያገሰ። 27 ሙሴፔኔ ናቤታ ኡባፊ ዳንዲዲ ጌሻ ማፃፋን ኢያባይ ፃፊቲደይሳ ኡባ ከንታው ቆንጫሲሰ።

28 ከንቲ ቢያ ጉታኮ ማታቲዳ ዋዴ ዩሱሲ አቋዲ ሃሆ ሶ ቢያ ዳኒን፡ 29 ከንቲ፡ «ሳዓይ ቃሚዳ ገሾ ኦራ አቃ» ያገደዲ ሚንላዲ ሞሲደሶና። ሃሳ ገሾ፡ ከንታራ አቃናው ጌሊሰ።

30 ከንታራ ኢሲፊ ጋይታ ቦላ ኡቲዲ፡ ኡይሳ ዳንላዲ፡ ሜንላ አንጂዲ ከንታው አሚሰ። 31 ሄ ዋዴ ከንቲ ኤራና ሜላ ከንታ አይፊይ ደዬቲሰ። ከንቲካ ኤሪደሶና፡ ሺን ኢ ከንታፊ ጌሚሰ። 32 ከንቲ፡ «ኦ

ኦጊያ ቦላ ዳዒሺን ኢ ኦሰ ጌሻ ማፃፋ ቢርሺሺኒኔ ኦና ሃሳዩሲሺን ኦ ዋዘናይ ፀጌቲቤኔ?» ያገደሶና። 33 ሄ ዋዴ ዳንዲዲ ጉዬ ዩሩሳላሚ ዩደሶና። ታማኔ ኢሶቲኔ ሃራቲ ኢሲ ቦላ ሸቂዲ ዳዒሺን ዳሚደሶና። 34 ከንቲ፡ «ሳዳይ ቱማ ዳንዲሰ፤ ሲሞናሰ ቆንጫሰ» ያገደሶና።

35 ሄ ናሞዑ ታማሬቲ ኤማሁሴ ኦጊያ ቦላ ዳዒሺን ሃኒዳይሳኔ ኡይሳ ሜንላዲ ዋዴ ዋቲ ኢያ ኤሪዳኮ ከንታው ኦዲደሶና።

ዩሱሲ ባ ታማሬታሰ ቆንጫሰ

(ማቶ 28:16-20፤ ማር 16:14-18፤ ዮሃ 20:19-23፤ ሃ.ኦ 1:6-8)

36 ናሞዑ ታማሬቲ ሄሳ ኦዲ ቦላ ዳዒሺን፡ ዩሱሲ ከንታ ገደን ኤቂዲ፡ «ሳርይ ሃንቴው ገደ» ያገሰ።

37 ገደሺን፡ ከንቲ ዳጋሚዲ፡ ሞይቲሌ ቤዒዳ ዳኒን ያዩደሶና።

38 ኢ ከንታኮ፡ «አይሰ ባቢዳቲ? አይሰ ሲዴይ ሃንቴ ዋዘናን ጌሊዳ? 39 ታ ኩሺያኔ ታ ቶሁዋ ቤዒቲ፤ ታኒ ታና። ቃሲ ኦይኪዲ ቤዒቲ፤ ታናን ሃንቴ ቤዒይሳዳ፡ ሞይቲሌሰ አሸይኔ ሜቄላ ባዋ» ያገሰ። 40 ያገደዲ፡ ባ ቶሁዋኔ ባ ኩሺያ ከንታ ቤሲሰ። 41 ከንቲ ኡፋይሳፊ ዳንደይሳን አማናና ማላሌቲላን ዳዒሺን፡ ዩሱሲ ከንታኮ፡ «ሃይሳን ሃንቴው ሚያባይ ዳዒ?» ያገሰ። 42 ከንቲ ኢሲ ጫጫቲዳ ሞሎ ኢያው አሚደሶና። 43 ኢ ኤኪዲ ከንታ ሲንላን ሚሰ።

44 ኢ፡ «ታ ሃንቴራ ጋሞዒዳ ዋዴ ኡባን ሙሴ ማፃፋታን፡ ናቤታ ማፃፋታኒኔ ማዘሙራ ማፃፋታን፡ ታ ገሾ ፃፊቲዳባይ ኡባይ ፖሌታናው ቤሴሰ ያጋዳ ታ ሃንቴው ኦዲዳ ቃላይ ሃይሳ» ያገሰ።

45 ሄ ዋዴ ጌሻ ማፃፋታ አኬኮና ሜላ ዋዘና ከንታ ደዩሰ። 46 ሃሳዳካ፡ «ከሪሰቶሲ ዋዴ ኤካና፡ ሃቫንታ ቃማን ሃይቆፔ ዳንዲና ያገደዲ ፃፊቲሰ። 47 ዩሩሳላሚፔ ዳንዲዲ አሳ ኡባሰ ናጋራፔ ማርቲላይኔ አቶቲላይ ኢያ ሱንላን ማርካታና። 48 ሃንቴ ሃሳሰ ማርካታ። 49 ሃኮ፡ ታካ ታ አዋይ አሚዳ ኡፋይሳ ሃንቴው ዩዳና። ሃንቴ ሳሎፔ ዋልቃ ማዓና ጋካናው ዩሩሳላሚ ካታማን ጋሞዒቲ» ያገሰ።

ዩሱሲ ዳንዲሰ

(ማር 16:19-20፤ ሃ.ኦ 1:9-11)

50 ሃሳፊ ጉዬ፡ ቢታኒያ ካታማ ከንታና ኤኪዲ ቢሰ። ባ ኩሺያ ዳንላዲ አንጂሰ። 51 ከንታና አንጂሼ ከንታፊ ሻኬቲዲ ፑዴ ሳሎ ኤኬቲሰ። 52 ከንቲ ዘጊ ጎይኒዲ ዳር ኡፋይሳን ዩሩሳላሚ ሲሚደሶና። 53 ዖሳ ኡባ ዋዴ ጋላቲሼ ዖሳ ኬላን ጋሞዒደሶና።

ጥሃሲ ፩ዱ ዩሱስ ኪሪስቶስ ዋንጌላ ጋላ ቆፋ

ጥሃሲ ዩሱስ፡ «አሴ ጊዲዲ አሳ ጊደን ቤንተዳ ያሳ ቃላ» ያጊዲ ቆንጨሲስ። ሃ ዋንጌላይ ዓፌተዳይ፡ ኢያ ናባቢያ አሳይ ዩሱሲ አሳ አሼይሳ ጊዲዲ ያና ጌተተዳ ያሳ ናባ ጊዳይሳ አማናና ማላኔ ኢያን አማኔይሳታስ ማሪና ዳይይ ዳይሳ ኢንተ ኤራና ማላሳ (20:31)።

ዋንጌላስ ኮይሮ ከፊሌይ ማሪናባ ጊዲዳ ያሳ ቃላይኔ ዩሱሲ ኢሶ ጊዳይሳ ኦዲ ሲሚዲ፡ ዩሱሲ አሼይሳ ጊዲዲ ያና ጊዳ ያሳ ናባ ጊዳይሳ ቤሲያ ዲማ ዲማ ማላታታ ቆንጨሲስ። ዓፌይ፡ ዩሱስ ኪሪስቶስ ባ ሁዔን ቱማ ያሳ ናባኔ ያሳ አዋራ ኢሶ ጊዳይሳ (1:1) ቦላ ቆንጨሲስ። ዩሱሲ ባ ሁዔን ታ ኣብራሃማፔ ካሴ ዳዳይስ (8:58) ያጊሲ። ወርሴላን ቶማሲ፡ «ታ ጎደው፡ ታ ያሳው» ያጊዲ ያጊሲ (20:28)። ሄሳፊ ካሊዲ ቃሲ ሃ ማላታታፔ ቤንተዳ አይፊያ ኦዲያ ታሪኬቲ ካሎሶና። ሃ ከፊሌይ ኢሲ ኢሲ አሳይ ዩሱሳ አማኒዲ ኢያ ካሌይሳታ ጊዲዳይሳ ኦዳስ፤ ቃሲ ሃራቲ ኢያራ ዋኒዲ ኤቁተዳኮኔ ዋኒዲ አማናና ኢዲዳኮ ኦዳሶና። ሹምፖ 13-17 ጋካናው ዩሱሲ ኦይኬቲዳ ኦማርሲ ኢያው፡ ኢያ ታማራታራ አይ ማላ ማሪ ጋሃቲላ ዳዲያኮ፡ ቃሲ ዋንጌላ ጋላስ ካቁታናፔ ሲንሌ ጌጌቱላ ቃላኔ ማንሌላ ቃላ ኤንታው ኦዲዳይሳ ቆንጨሲስ። ወርሴላ ሹምፖቲ ዩሱሲ ኦይኬቲዳባኔ ፐርዳስ ሹቂዳባ፡ ኢያ ካቁታላኔ ኢያ ዳንዲዋ፡ ሄሳዳካ ዳንዲዋፊ ጉዬ ባ ታማራታስ ኢ ቆንጨዳ ቆንጨዳባ ኦዳሶና።

ጥሃሲ ዋንጌላ አይፊ ቆፋታ

ጌሎ ቆፋ 1:1-18
ፃማቂያ ጥሃሲኣኔ ዩሱሳ ኮይሮ ታማራታ 1:19-51
ዩሱሲ ቆንጨኹን ኦሶ ኦይኮይሳ 2:1-12:50
ወርሴላ ቃማታ ዩሩሳሌም ሄራን 13:1-19:42
ጎዳ ዳንዲዋኔ ቆንጨዳ 20:1-31
ኩሻ ቆፋ፡ ጋሊላን ዛሪዲ ባ ታማራታስ ቆንጨይሳ 21:1-25

ዳዎ ቃላ

1 ቃላይ ኮይሮ ዳዕስ። ቃላይካ ያሳራ ዳዕስ፤ ሃ ቃላይ ያሳ። 2 ኮይሮፔ ቃላይ ያሳራ ዳዕስ። 3 ያሳይ ኡባባ ቃላ ባጋራ ማጺስ። ማጺቲዳባፔ ኢሶይካ ኢያ ባጋራ ማጺቶናባይ ባዋ። 4 ኢያን ዳይይ ዳዕስ፤ ሃ ዳይይ አሳስ ፖ። 5 ፖይይ ጹማን ፖዕስ፤ ጹማይ ፖዑዋ ያኒቤና።

6 ያሳይ ከቲዳ፡ ኢሲ ጥሃሲ ጊያ አሲ ዳዕስ። 7 አሳ ኡባይ ፖዑዋን አማናና ማላ ኢ ፖፖስ ማርካ ጊዲዲ ዩስ። 8 ኢ ፖዑዋባ ማርካታናው ዩሲፔ ኣቲን ባ ሁዔን ፖፖ ጊዳና። 9 አሳ ኡባስ ፖዒሲያ ቱማ ፖይይ ኣላሚያ ዩስ።

10 ቃላይ ኣላሚን ዳዒስ። ያሳይ ቃላን ኣላሚያ ማጺስ፤ ሺን ኣላሚይ ኢያ ኤሪቤና። 11 ኢ ባይሳታኮ ዩስ፤ ሺን ኢያይሳቲ ኢያ ኤኪቦኮና። 12 ሺን ኢ ባና ኤኪዳይሳታሲኔ ኢያ ሱንላን ኣማኒዳይሳታስ ያሳ ናይታ ጊዳና ማላ ማታ አሚስ። 13 ኤንቲ ያሳፊ ዩሌቲዳሶናፔ

ኣቲን ኣሲ ዩሌቲያ ዋጋን ዋይኮ ኣዳ ሺኔን ዋይኮ ኣሳ አዋን ዩሌቲቦኮና። ያሳይ ኢ ኤንታ ኣዋ።

14 ቃላይ አሴ ጊዲሲ፤ አጹ ከሃቲላኔ ቱማ ኩሚዲ ኦ ጊደን ዳዒስ። ኢ አዋስ ኢሲ ናባ ጊዲዲ ኤኪዳ ኢያ ቦንቹዋ ኮኒ ቤዒዳ።

15 ጥሃሲ ኢያባ ማርካቲስ። ባ ቃላ ጶቁ ኦሊዲ፤ «ታኒ፡ ታፔ ጉዬራ ዩይሲ ታፔ ካሴ ዳዒያ ጊሾ ታፔ ኣጼስ» ጋዳ ማርካቲዳይሲ ሃይሳ» ያጊሲ።

16 ኮኒ ኡባይ ኢያ ኣጹ ከሃቲላ ኩሚላፊ ኣንጆ ቦላ ኣንጆ ኤኪዳ። 17 ያሳይ ሃጊያ ሙሴ ባጋራ አሚስ፤ ሺን ኣጹ ከሃቲላይኔ ቱማቲላይ ዩሱስ ኪሪስቶስ ባጋራ ዩስ።

18 ያሳ ቤዒዳ ኣሲ ኦኒካ ባዋ፤ ባ ኣዋ ማታን ዳዒያ ኢሲ ናባ ዓላሊ ባው ያሴ ጊዲዳይሲ ኢያ ቆንጨሲስ።

ፃማቂያ ጥሃሲ ማርካቲላ
(ማቶ 3:1-12፤ ማር 1:1-8፤ ሉቃ 3:1-8)

19 ዩሩሳሌምን ዳዒያ ኣይሁዳ ሃላቃቲ፡ ካሂኔታኔ ለዌታ፡ «ኔኒ ኦኔ?» ጊዲ፡ ጥሃሲ ኣይቻና ማላ ኢያኮ ከቲን፡ ጥሃሲ ኤንታው ማርካቲዳ ማርካቲላይ ሃይሳ።

20 ጥሃሲ፡ «ታኒ ኪሪስቶስ ጊዲኬ» ያጊዲ፡ ጌሺዲ ማርካቲሲፔ ኣቲን ካዲቤና።

21 ኤንቲ፡ «ያቲን፡ ኔኒ ኦኔ? ኔኒ ኤሊያሴዬ?» ያጊዲ ኦይቹዳሶና።

ጥሃሲ፡ «ኣካይ ጊዲኬ» ያጊሲ።

ቃሲ ኤንቲ፡ «ኔኒ ያና ጌተተዳ ናቢያዬ?» ያጊዲ ኦይቹዳሶና።

ጥሃሲ፡ «ኣካይ» ጊዲ ዛሪስ።

22 ያቲን፡ «ኔኒ ኦኔ? ኔኒ ኦና ከቲዳይሳታስ ኦዳና ማላ ኔኒ ኔና ኦና ጋይ?» ያጊዳሶና።

23 ጥሃሲ ዛሪዲ፡ «ናቢያ ኢሳያሲ ጊዳይሳዳ፡ ሳዳ ኦጊያ ሱሪሲቲ!»

ጊዲ ባዙ ቢታን ዋሲያ ኡራ ቃላይ ታና» ያጊሲ።

24 ቃሲ ፋሪሳዌቲ ከቲዳ ኣሳቲ 25 ጥሃሲሳኮ፡ «ኔኒ ኪሪስቶስ ዋይኮ ኤሊያሳ ዋይኮ ናቤ ጊዳና ኢዳኮ፡ ያቲን ኣይሰ ፃማቃይ?» ጊዲ ኦይቹዳሶና።

26 ጥሃሲ ዛሪዲ፡ «ታኒ ሃላን ፃማቃይስ፤ ሺን ሃንቲ ኤርና ኣሲ ሃንቲ ጊደን ኤቁስ። 27 ኢ ታፔ ጉዬራ ዩስ። ታኒ ሃሪ ኣቶሺን ኢያ ጫማ ዋድሩዋ ቢላናው ቤሲኬ» ያጊሲ።

28 ሄሲ ኡባይ ዮርዳኖሴ ሻፋፔ ሄፊንላን፡ ቢታኒያ ካታማን፡ ጥሃሲ ፃማቂያ ቤሳን ሃኒስ።

ያሳ ደርሳ

29 ጥሃሲ ዋንጌላ ጋላስ ዩሱሲ ባኮ ዩሺን ቤዒዲ፡ «ኣላሚያ ናጋራ ቁቹያ ያሳ ደርሳይ ሃይሳ! 30 ታኒ፡ ታፔ ጉዬራ ኢሲ ኣሲ ያና። ኢ ታፔ ካሴ ዳዒያ ጊሾ ታፔ ኣጼስ» ጋዳ ኦዲዳይሲ ሃይሳ። 31 ኢ ኦኔኮ ታኒ ኤሪኬ። ሺን ኢሲራዔሌ ኣሳስ ኢያ ቆንጨሳናው ሃላን ፃማቃሺ ያጊሲ።

32 ጥሃሲ ሃይሳዳ ያጊዲ ማርካቲስ፡ «ጌሻ ኣያናይ ሳሎፔ ሆሌዳ ዋጺሺኔ ኢያራ ዳዒሺን ቤዒስ። 33 ሄሲ ሃናናፔ ካሴ ታኒ ኢያ ኤሪኬ። ሺን ሃላን ፃማቃናው ታና ከቲዳ ያሳይ፡ ጌሻ ኣያናይ ዋጺዲ ኢያራ ዳዒሺን ኔኒ ቤዒናይሲኔ ጌሻ ኣያናን ፃማቃናይሲ ኢያ» ያጊዲ ታው ኦዲስ። 34 ታኒ ሄሲ ሃኒሺን ቤዒዳ፡ ኢ ያሳ ናባ ጊዲዳይሳ ማርካቲላ» ያጊሲ።

ዩሱፍ ካሊዳ ኮይር ታማሪታ

35 ቃሲ ዋንቴላ ጋላስ የሃኒሲ ባ ታማሪታ፤ ናምዓታራ ኢሲፊ ኤቁስ። 36 ዩሱሲ አጁሽን የሃኒሲ ቤዒዲ፣ «የሳ ደርሳይ ሃይሲሽ!» ያገሰ።

37 ናምዑ የሃኒሳ ታማሪቲ የሃኒሲ ጌይሳ ሲዒዲ ዩሱሳ ካሊዳሪና። 38 ዩሱሲ ባና ካሊይሳታ ጉዩ ሲሚ ቤዒዲ፣ «አይ ኮዩቲ?» ያገዱ ኦይቸሰ።

ኢንቲ ዛሪዲ፣ «አስታማሪያው፣ ኔኒ አውን ዳዓይ?» ያገደሰና።

39 ዩሱሲ ኢንታኮ፣ «ሃ ዩዲ ቤዒቲ» ያገሰ። ኢንቲ ቢዲ ኢ ዳዒያስቶ ቤዒዳሪና። ሄ ጋላስ ሳዓይ ታሙ ሳቲ ሄራ ገዲያ ገሾ ኢያ ማታን ፔዒዳሪና።

40 የሃኒሲ ገዳይሳ ሲዒዲ፣ ዩሱሳ ካሊዳ ናምዑ ታማሪታ፤ ኢሶይ፣ ሲሞን ጳዒርሳ ኢሻ ኢንዲሪያሳ።

41 ኢንዲሪያሳ ኮይር ባ ኢሻ ሲሞናራ ጋሄቲዲ፣ «ኮኒ ኪሪስቶሳ ዳሚዲ» ያገሰ። 42 ኢንዲሪያሳ ሲሞና ዩሱሳኮ ኤሂሰ።

ዩሱሲ ሲሞና ቤዒዲ፣ «ኔኒ ዮና ናዓ ሲሞና፤ ኔ ሱንሳይ ኬፋ * ገዲ ያጌታና» ያገሰ።

ዩሱሲ ፊልጶስ ናቲናዒላ ያገሰ

43 ዋንቴላ ጋላስ ዩሱሲ ጋሊላ ቢታ ባናው ቆፋ ቃቸሰ። ኢ ፊልጶስ ጋሄቲዲ፣ «ታና ካላ!» ያገሰ።

44 ፊልጶስ፣ ኢንዲሪያሳኔ ጳዒርሲ ዳዒዳ ቤቴሳይዳ ካታማ፤ ዩዳ ኣሴ።

45 ፊልጶስ ናቲናዒላራ ጋሄቲዲ፣ «ሙሴይ ሂጌ ማፃፋን፣ ቃሲ ናቤቲካ ኢያባ ፃፊዳ ዮሴፋ ናዓ ናዚሬቴ ዩሱሳ ኮኒ ዳሚዲ» ያገሰ።

46 ናቲናዒላ ዛሪዲ፣ «ናዚሬቴ ካታማ፤ ሎፖባይ ኬያናው ዳንዲዲ?» ያገሰ።

ፊልጶስ፣ «ያዳ ቤዓ» ያገሰ።

47 ናቲናዒላ ባኮ ዩይሳ ዩሱሲ ቤዒዲ፣ «ጌኔይ ባይና ቱማ ኢሰራዒሌ ኣሲ ሃይሳ!» ያገሰ።

48 ናቲናዒላ ዩሱሳኮ፣ «ኔኒ ታና አውን ኤራይ?» ያገሰ።

ዩሱሲ ዛሪዲ፣ «ፊልጶስ ኔና ጃጋና ሲንሌ፣ ኔኒ ባላሴ ሚላ ጋርሳን ዳዒሺን ታኒ ኔና ቤዓስ» ያገሰ።

49 ናቲናዒላ ዛሪዲ፣ «አስታማሪያው፣ ኔኒ ያሳ ናዓ! ኔኒ ኢሰራዒሌ ካዎ!» ያገሰ።

50 ዩሱሲ ኢያኮ፣ «ታኒ ኔና ባላሴ ሚላ ጋርሳን ቤዓስ ገዲ ገሾ አማናይ? ኔኒ ሃይሳፊ አጁያባ ቤዓና!» ያገሰ። 51 ቃሲ ዩሱሲ፣ «ታኒ ሂንቴው ቱማ ኦዲይሰ፤ ሳሎይ ዶዩቲን፣ ያሳ ኪታንቸቲ አሳ ናዓ ቦላ ኬዩሺኔኔ ዎጁሽን ሂንቴ ቤዓና» ያገሰ።

2

ዩሱሲ ያጋና ቤሳን

1 ሄሽንላ ጋላስ ጋሊላ ቢታን ቃና ካታማን ያጋናይ ያጋኔቲሰ። ዩሱሳ አያ ሄ ያጋኑዋን ዳዓዉሰ። 2 ዩሱሲካ ባ ታማሪታራ ኢሲፊ ሄ ያጋኑዎ ጃጌቲሰ። 3 ዎይኔ ኡሻይ ዉሪን፣ ዩሱሳ አያ ዩሱሳኮ፣ «ኤንታው ዎይኔ ኡሻይ ዉሪስ» ያጋሱ።

4 ዩሱሲ ዛሪዲ፣ «ታ አይ፣ ኔ ሃይሳን ጌሎፓ? ታ ዎዳይ ቡር ጋኪቤና» ያገሰ።

5 ዩሱሳ አያ ኦሳንቸታኮ፣ «ኢ ሂንቴው ኦዲያባ አይቢባ ገዲኮካ ኦሊቲ» ያጋሱ።

6 አይሁዳቲ ባንታ ጌሾ ዎጋስ ጎዔቲያ ኡሱቸን ሹቻ ባላቲ ሄ ቤሳን ዳዖሶና። ኢሲ ኢሲ ባላይ ናምዑ ዎይኮ ሄሹ ፀጋ ኦይኬሰ። 7 ዩሱሲ ኦሳንቸታኮ፣ «ባላታን ሃሌ ኩንሊቲ» ያገሰ። ኢንቲ ባላታስ ደና ጋካናው ሃሌ ኩንሊዳሪና። 8 ዩሱሲ ኢንታኮ፣ «ሃዒ ዲቂዲ ያጋኑዎ አዎቴላን ፖሊሴይሳስ አሚቲ» ያገሰ። ኢንቲ ኢያው ኤፊዲ አሚደሶና።

9 ያጋኑዎ አዎቴላን ፖሊሴይሲ ዎይኔ ኡሾ ላሚቲዳ ሃላ ጋንዒ ኤኪዲ አዉ፤ ዩዳኮ ኤሪቤና፣ ሺን ሃላ ኩንሊዳ ኦሳንቸቲ ኤርሶና። ያጋኑዎ አዎቴላን ፖሊሴይሲ ማቸው ኤኬይሳ ጃገዲ፣ 10 «አኒካ ሎፖ ዎይኔ ኡሻ አሳ ኮይርቲዲ ኡሾሰ። ያቲዲ አሳይ ኡዩ ካሊዳ፤ ጉዩ ቂራሪያ አሚሰ። ሺን ኔኒ ሎፖ ዎይኔ ኡሻ ሃና ጋካናው ዎላ አጋደሳ» ያገሰ።

11 ዩሱሲ ሃ ኮይር ማላታ ጋሊላ ቢታን ቃና ካታማን ኦሊሰ፤ ሄሳን ባ ጌታቴላ ቤሲሰ። ኢያ ታማሪቲ ኢያ አማኒደሶና።

12 ሃሳፊ ጉዩ፣ ዩሱሲ ባ አይራ፣ ባ ኢሻታራኔ ባ ታማሪታራ ኢሲፊ ቂፊርናሆሚ ካታማ ቢዲ ጉላ ጋላስ ጋምዒሰ።

ዩሱሲ ያሳ ኬላፊ ዛልዔይሳታ ኬሲስ (ማቶ 21:12-13፤ ማር 11:15-17፤ ሉቃ 19:45-46)

13 አይሁዳቲ ቦንቸያ ፓሲካ ባሌ ጋላሳይ ማታቲን ዩሱሲ ዩሩሳላሚ ቢሰ። 14 ቢዲ ያሳ ኬላን ቦራታ፣ ሚዛታ፣ ደርሳታኔ ሆሌታ ባይዜይሳታኔ ባንታ አይዲያን ኡቲዲ ሚሼ ላሚይሳታ ዳሚሰ። 15 ኢ ፀርቃፊ ደቂዲ አሳ ኡባ ኢንታ ማህታራ ያሳ ኬላፊ ጎዲዲ ካሬ ኬሲሰ። ሚሼ ላሚይሳታ ፃርጶዛታካ አሊ ዩገዲ ኢንታ ሚሺያ ላሊሰ። 16 ሆሌ ባይዜይሳታ፣ «ሃ ሆሌታ ሃይሳፊ ኬሲቲ፤ ታ አዎ ኬላ ገያ ኦሶፊቲ» ያገሰ።

17 ኢያ ታማሪቲ ጌሻ ማፃፋን፣ «ታኒ ኔ ኬላስ ሚሹቲያ ሚሻይ ታና ታማዳ ፀጌስ» ጌቲቲዲ ፃፊቲዳይሳ አኬኪደሶና።

18 ሃሳፊ ጉዩ፣ አይሁዳቲ ዛሪዲ፣ «ኔ ሃይሳ አላናው ኔው ማቲ ዳዔይሳስ ኡና አይ ማላታ ኦላዳ ቤሳኔ?» ያገደሶና።

19 ዩሱሲ፣ «ሃ ያሳ ኬላ ላሊቲ፤ ታኒ ሄሹ ጋላሳን ዛራዳ ኬፃና» ያገሰ።

20 ቃሲካ አይሁዳቲ፣ «ሃ ያሳ ኬላ ኬፃናው አይታማኔ ኡሱቸን ላይሊ ኤኪሰ። ሺን ኔኒ ሄሹ ጋላሳን ኬፃኔ?» ያገደሶና።

21 ሺን ዩሱሲ ኦዲያ ያሳ ኬላይ ባ አሳቲላባ። 22 ሃሳ ገሾ፣ ዩሱሲ ሃይቆ፤ ዳንዲዳ፤ ጉዩ ኢያ ታማሪቲ ኢ ሃሳ ገዳይሳ አኬኪደሶና። ቃሲ ኢንቲ ጌሻ ማፃፋን ፃፊቲዳይሳኔ ዩሱሲ ኦዲዳይሳ አማኒደሶና።

23 ዩሱሲ ፓሲካ ቦንቸያ ቤሳን ዩሩሳላሚን ዳዒሺን፣ ኢ ኦሊዳ ማላታታ ቤዒዲ ዳር አሳይ ኢያ አማኒደሶና።

24 ሺን ዩሱሲ አሳ ኡባ ኤሪያ ገሾ ኢንታ አማኒቤና።

25 አሳ ዎዛናን ዳዒያባ ኢ ባ ሁዔን ኤሪያ ገሾ አሳባ አኒካ ኢያው ኦዳና ሚላ ኮሺቤና።

* 1:42 ኬፋ፣ ገያ ቃላይ አራማይኬ ደና ገዲሺን፣ ገሪኬ ደናን ቢርሹላይ ጳዒርሳ ዎይኮ ዛላ ጉሱ። 1:51 ሜጴ 28:12 2:12 ማቶ 4:13 2:13 ኬሳ 12:1-27 2:17 ማዘ 69:9 2:19 ማቶ 26:61፤ 27:40፤ ማር 14:58፤ 15:29

3

ዩሱፊን ኒቆዲሞስ

1 ፋሪሳዊታ ያራፔ ገዲዳ፣ አይሁዳታ ሃላቃይ፣ ኒቆዲሞስ ገያ ኢሲ አዳይ ዳዔስ። 2 ኒቆዲሞስ ቃማ ዩሱፊን ዩዲ፣ «አስታማሪያው፣ ኔኒ ያሳይ ከቲዳ አስታማሪ ገዳይሳ ኑኒ ኤርሰ። አይሰ ገኩ፣ ያሳይ ኢያራ ደና ኢዲን ሃ ኔኒ ኦሊያ ማላታ አላናው ዳንዳዊያ አሲ ባዋ» ያገለገለ።

3 ዩሱፊን ዛሪዳ፣ «ታኒ ኔው ቱማ ኦዳይስ፤ ኦኒካ ዛሪ ዩሌቶና ኢዲን ያሳ ካዋቱላ ቤዓናው ዳንዳዊያ» ያገለገለ።

4 ኒቆዲሞስ፣ «ጩጋ አሲ ዋኒዲ ዛሪ ዩሌታናው ዳንዳዊያ? ባ አይ ኦሎ ስሚ ገሌዲ ዛሪ ዩሌታናው ዳንዳዊያ?» ያገለገለ።

5 ዩሱፊን ዛሪዳ፣ «ታኒ ኔው ቱማ ኦዳይስ፤ ኦኒካ ሃላፊኒ ገሻ አያናፔ ዩሌቶና ኢዲን፣ ያሳ ካዋቱላ ገላናው ዳንዳዊያ። 6 አሾ ናዓቲላ አወፔኔ አዩፔ ዩሱ፤ ያሳ ናዓቲላ ገሻ አያናፔ አሜቲስ። 7 ታኒ፣ «ሂንቲ ዛሪ ዩሌታናው ቤሴስ» ጋዳ ሂንቲው ኦዲዳ ገሾ ኔኒ ማላሌቶፋ። 8 ጩርኮይ ባ ኮዩዳ ቤሴ ጩርኮስ። ኔኒ ኢያ ኮሺንቻ ሲዓሳፔ ኦቲን ኢ አወፔ ያኮ ዋይኮ ኦው ቢያኮ ኤራካ። አያናፔ ዩሌቲዳ ኡባይ ሄሳ ማላ» ያገለገለ።

9 ያቲን ኒቆዲሞስ፣ «ሄሲ ዋኒዲ ሃናናው ዳንዳዊያ?» ያገለገለ ኦይቸስ።

10 ዩሱፊን ዛሪዳ፣ «ኔኒ ኢሲራዔላታ አስታማሪ ገዳሽ ሃይሳ ኤሪኪ? 11 ታኒ ኔው ቱማ ኦዳይስ፤ ኦ ኤሪያባ ኦዳሴ ቤዒዳባ ማርካቶስ፣ ሺን ኦ ማርካቲላ ሂንቲ ኤኬኬታ። 12 ታኒ ሂንቲው ሳዓባ ኦዲን ሂንቲ አማናናባ ገዲኮ ሳሎባ ኦዲን ዋቲ አማናኔ? 13 ሳሎፔ ዋቲዳ አሳ ናዓፔ ኦቲን ሳሎ ከዩዳይ ኦኒካ ባዋ፤ [ሳሎን ዳዊያ አሳ ናዓይ ታና]» * ያገለገለ።

14-15 ሙሴይ ባዙ ቢታን ቢራታ ሾሺ ካቁዳይሳዳ ታና አማኒዳ ኡባይ ሜሪና ዴዐቀ ኤካና ማላ አሳ ናዓይ ቶቁ ጋናው ቤሴስ።

16 ያሳ ናዓ አማኒያ ኡባይ ሜሪና ዴዐቀ ላታናፔ ኦቲን ቶና ማላ ያሳይ ሃ አላሚያ ዳር ደሲዳ ገሾ ባ ኢሲ ናዓ አሚስ። 17 ያሳይ ባ ናዓ ሃ አላሚያ ከቲዳይ አላሚያ ፐርዳናው ገደናሽን አላሚያ ኢያ ባጋራ አሻና።

18 ናዓ አማኒያ ኦኒካ ፐርዳቲና፣ ሺን ናዓ አማናና ኦኒካ ኢሲ ያሳ ናዓ አማኒያ ገሾ ሃዒ ፐርዳቲስ። 19 ፐርዳይካ ሃይሳ፣ ፖይ አላሚያ ዩሱ፣ ሺን አሳ ኦሶይ ኢታ ገዲያ ገሾ አሳይ ፖዑዋፔ አሊዲ ቶማ ደሴስ። 20 ኢታባ ኦሊያ ኦኒካ ፖ ዩዳስ። አይሰ ገኩ፣ ባ ኦሶይ ቆንጮና ማላ ፖዑዋኮ ዩሱ። 21 ሺን ቱማ ኦሊያ ኦኒካ ያሳይ ከቲዳይሳዳ ኢ ኦሊዳይሳ ፖይ ቆንጫሳና ማላ ፖዑዋኮ ዩሱ።

ዩሱፊን ማቆያ ጥሃኒሳ

22 ሄሳፊ ጉዬ፣ ዩሱፊን ኢያ ታማራቲ ዩሁዳ ቢታ ቢደሰና። ዩሱፊን ያን ማቆያ ኤንታራ ጉላ ዋይ ኡቲስ።

23 ቃሲ ጥሃኒሲ ሳሌሜ ማታን ዴዊያ ሄናና ገያሶን ገዲያ ሃሊ ዴዊያ ገሾ አሳ ያን ማቆያ። አሳይካ ያ ቢዲ ማቆቶሶና። 24 ሄ ዋይ ጥሃኒሲ ቡር ቃሽቲቤና።

25 ሄሳፊ ጉዬ፣ ጥሃኒሳ ታማራቲኔ ኢሲ አይሁዳ አዳይ † ገሾ ዋጋባ ፓላሚደሶና። 26 ኤንቲ ጥሃኒሳኮ ቢዲ፣ «አስታማሪያው፣ ፐርዳናሴ ሻፋፔ ሄፊንላን ኔራ ዳዔይሲ፣ ኔኒ ኢያባ ማርካቲዳይሲ፣ ሄኮ ማቆያ። አሳይ ኡባይካ ኢያኮ ሶሶና» ያገለገለ።

27 ጥሃኒሲ ዛሪዳ፣ «ያሳይ አሞና አሲ አይቢባካ ኤካናው ዳንዳዊያ። 28 ታኒ ከሪሶቶሳ ገዲኬ፣ ሺን ኢያፔ ሲንሌ ከቲታስ» ገዲይሳሰ ሂንቲ፣ ሂንቲ ሁዔን ታው ማርካ። 29 ገሎስ ገሊዳራ ኤኬናው ገሊዳይሳሳ። ኤኬይሳ ላገይ ኢያ ማታን ኦቁዲ ኢ ገይሳ ሲዒያ ዋይ ዳር ኡፋይቲስ። ሄሳ ገሾ፣ ሃይሲ ታ ኡፋይሳይ ፖሌቲስ። 30 ኢ ገታታናው ታኒ ጉፃናው ቤሴስ» ያገለገለ።

31 ሶላፊ ዩይሲ ኡባፊ ሶላ። ሳዓፔ ቤንቲዳይሲ ሳዓባ። ኢ ሳዓባ ኦዳስ። ሳሎፔ ዩይሲ ኡባፊ ሶላ።

32 ኢ ባ ቤዒዳባኔ ሲዒዳባ ማርካቲስ፣ ሺን ኢያ ማርካቲላ ኤኬይ ባዋ። 33 ኢያ ማርካቲላ ኤኬያ ኦኒካ ያሳይ ቱማ ገዳይሳ ቆንጫሴስ። 34 ያሳይ ባ ገሻ አያና ኢያው ኩሜሊ አሚያ ገሾ ያሳይ ከቲዳይሲ ያሳ ቃላ ኦዳስ። 35 አዋይ ባ ናዓ ደሲዲ ኡባባ ኢያ ኩሺን ዋሊስ። 36 ናዓ አማኒያ ኡራስ ሜሪና ዴይ ዳዔስ። ሺን ናዓ አማናናይሳ ሶላ ያሳ ሃንቆይ ዳዔሲፔ ኦቲን ኢ ዴፖ ዴሜና።

4

ዩሱፊን ሳማሪ ማጫሲው

1 ዩሱፊን ጥሃኒሳይሳፊ ዳሪያ ካሌይሳታ ባኮ ሺሺይሳኔ ማቆይሳ ፋሪሳዊቲ ሲዒደሶና። 2 ገዲኮካ ዩሱፊን ታማራቲ ማቆይሶናፔ ኦቲን ዩሱፊን ኦኒካ ማቆይሶና። 3 ዩሱፊን አሳይ ኢያባ ገይሳ ሲዒዳ ዋይ ዩሁዳፔ ዳንዲዲ ጋሊላ ቢስ። 4 ጋሊላ ቢሽ ሳማራራ አቆናይሲ ኢያው አቶናባ ገዲሲ።

5 ሄሳ ገሾ፣ ያይቆቢ ባ ናዓ ሶሴፋስ አሚዳ ጋዲያ ማታን ዳዊያ ሲካሬ ገያ ሳማሪ ካታማ ቢስ። 6 ሄ ቤሳን ያይቆባ ሃላ ኦላይ ዳዔስ። ዩሱፊን ሃሙላን ዳሱሪዲ ሄ ሃላ ኦላ ማታን ኡቲስ። ሄ ዋይ ሳዓይ ኡሱፔን ሳቲ ሄራ።

7 ኢሲ ሳማሪ ካታማ ማጫሲ ሄ ኦላፊ ሃሌ ቲካናው ያሱ። ዩሱፊን ሄ ማጫሴኮ፣ «ታና ሃሌ ኡሻርኪ» ያገለገለ። 8 ሄ ዋይ ዩሱፊን ታማራቲ ካሊ ሻማናው ካታማ ቢደሰናሺን።

9 ሄ ማጫሲያ ዛሪዳ፣ «ኔኒ አይሁዳ አሴ ገዳሹ፣ ሳማሪ ማጫሲ ገዲያ ታና ዋናዳ ሃሌ ኡሻ ጋይ?» ያጋሱ። ሄሳ ኢያ ገዲይ አይሁዳቲ ሳማራታራ ጋሄቶና ገሾሳ።

10 ዩሱፊን ዛሪዳ፣ «ኔኒ ያሳ አሞታኔ ሃሌ ታና ኡሻ ገይሲ ኦኒኮ ኤሪዳባ ገዲያኮ ኢያ ኔ ዋሳና፤ ኢካ ኔው ዴፖ አሚያ ሃሌ አማናሺን» ያገለገለ።

11 ማጫሲያ ዛሪዳ፣ «ሳዳው፣ ኔው ዳቁያባይ ባዋ፤ አላይካ ዚቃ። ያቲን፣ ዴፖ አሚያ ሃሌ ኔ አወፔ ኤካኔ?»

12 ኮስ ሃ ሃላ ኦላ አሚዳ ኦ አዋ ያይቆባፔ ኔኒ አቆይ? ኢ፣ ኢያ ናይቲኔ ኢያ ሜሄይ ሃ ኦላፊ ኡዩደሶና» ያጋሱ።

13 ዩሱፊን፣ «ሃ ሃላፊ ኡዩዳ ኦኒካ ዛሪ ሳሞታና።

14 ሺን ታኒ አሚና ሃላ ኡያ ኦኒካ ኡባካ ሳሞቲና። ታኒ

* 3:13 ሳሎን ዳዊያ አሳ ናዓይ ታና፣ ኢሲ ኢሲ ቤኒ ማፃፋቲ ጉጆሶና። 3:14-15 ታይ 21:9 3:24 ማቶ 14:3፤ ማር 6:17፤ ሉቃ 3:19-20 † 3:25 ኢሲ አይሁዳ አዳይ፣ ኢሲ ኢሲ ማፃፋቲ «ጉላ አይሁዳ አሳቲ» ያሰሶና። 3:28 ጥሃ 1:20 3:35 ማቶ 11:27፤ ሉቃ 10:22 4:5 ሜዴ 33:19፤ ኢያ 24:32 4:9 ኢዝ 4:1-5፤ ናህ 4:1-2

አማና ሃላይ እያ ገደን ማሪና ዴያ አሚያ ጎጊያ ፑልቶ ገደና» ያገሱ።

15 ማጫሲያ ዛራዳ፡ «ጎዳው፡ ታኒ ሳሞቶና ማላኔ ሃሌ ተካናው ሃ ቤሳ ዮና ማላ ታው ሄ ሃላ አማ» ያገሱ።

16 ዩሱሲ አኮ፡ «ባዳ ኔ አዚና ጃጋዳ ያ» ያገሱ።

17 ማጫሲያ ዛራዳ፡ «ታው አዚኒ ባዋ» ያገሱ።

ዩሱሲ አኮ፡ «ታው አዚኒ ባዋ ጉሳን ባላባካ።

18 ኔው ካሴ እቻሹ አዚናቲ ዳዎሶና። ሃራ ኔራ ዳዲያ አዳይ ኔ አዚና ገዴና። ኔኒ ሃራ ቱማ ኦዳዳሳ» ያገሱ።

19 ማጫሲያ ዛራዳ፡ «ጎዳው፡ ኔኒ ናቤ ገዴይሳ ታኒ ኤሪሰ። 20 ኑ አዋቲ ሃ ዳሪያ ቦላ ያሳ ጎይኒደሶና።

ሺን ሂንቲ አይሁዳቲ አሲ ያሴ ጎይናናው ቤሲያ ቤሳይ ዩራሳላማና ጌታ» ያገሱ።

21 ዩሱሲ፡ «ሃ ማጫሴቲ ታና አማና፤ ሃ ዳሪያ ቦላ ዋይኮ ዩራሳላማን አዋ ሂንቲ ጎይናና ዋይይ ያና።

22 ሂንቲ ሳማሬቲ ኤርናይሳ ጎይኔታ። ሺን ኔኒ አቶቲላይ አይሁዳ፤ ያ ገሾ ኑ ኤሪይሳ ጎይናሰ። 23 ሺን አዋ ቱማን ጎይኔይሳቲ አያናኒኔ ቱማቲላን ጎይናና ዋይይ ማታቲሰ፤ ሃራካ ጋኪሰ። ሃዛ፡ አዋይ ኮይይ ሃይሳ ማላ አጊያን ጎይኔይሳታ። 24 ያሳይ አያና፤ አያው ጎይኔይሳቲ አያናኒኔ ቱማቲላን ጎይናናው ቤሴሰ» ያገሱ።

25 ማጫሲያ ዛራዳ፡ «ኪሪሰቶሲ ያናይሳ ታኒ ኤሪይሰ። ኢ ያ ዋይ ኑሰ ኡባባ ኦዳና» ያገሱ።

26 ዩሱሲ፡ «ሃ ኔራ ኦዳቲይ ታኒ ኢያ» ያገሱ።

27 ኤንቲ ኦዳቲሺን፡ ዩሱሳ ታማሬቲ ቤዳ ቤሳፊ ሰሚደሶና። ዩሱሲ ማጫሳራ ኦዳቲሺን ኤንቲ ቤዳዲ ዳር ማላሌቲደሶና። ሺን ማጫሴኮ፡ «አይ ኮያይ?» ዋይኮ ዩሱሳኮ፡ «አራ አይሰ ኦዳታይ?» ገዳይ ኦኒካ ባዋ።

28 ሃሳፊ ጉዬ፡ ማጫሲያ ባ ሃላ ኦቲዋ አጋዳ ጉዬ ካታማ ባዳ አሳኮ። 29 «ታኒ ኦሊዳባ ኡባ ታው ኦዳዳ አዲያ ቤዳናው ዩዲቲ። ኢ ኪሪሰቶሳ ገዳንዳሻ?» ያገሱ። 30 አሳይ ካታማ፤ ኬዩዲ ዩሱሳኮ ቢደሶና።

31 ሄሲ ሃኒሺን፡ እያ ታማሬቲ ዩሱሳኮ፡ «ጉላባ ማርኪ» ያገዱ ዋሲደሶና።

32 ሺን ኢ፡ «ታው ሂንቲ ኤርና ካሌ ታ ማይሲ ዳዴሰ» ያገሱ።

33 ሃሳ ገሾ፡ እያ ታማሬቲ ባንታ ገደን፡ «ኢያው ሚያባ አሲ ኤሆና አገና?» ያገደሶና።

34 ዩሱሲ ኤንታኮ፡ «ታ ካላይ ታና ኪቲዳይሳ ሼኒያ አላናይሳኔ እያ ኦሱዋ ፖላናይሳ። 35 ሂንቲ፡ «አይዲ አገና፤ ጉዬ ካላይ ጫኬታና፤ ጌኬቲዬ? ሺን ታኒ ሂንቲው ኦዳይሰ፤ ካላይ ካዲዲ ሺሾሰ ጋኪዳይሳ ሎይሌ ያሊቲ። 36 ዜሪይሲኔ ጫኬይሲ አሲፊ ኡፋይታና ማላ ጫኬይሲ ዳዋዜ ኤኬሰ ቃሲ ካላ ማሪና ዳዎሰ ሺሾሰ። 37 ሃዛ፡ «አሶይ ዜሪሰ፤ ሃንኮይ ቃሲ ጫኬሰ» ገያ ኦዳይ ቱማ። 38 ሂንቲ ዳቡሪሶናይሳ ሺሻና ማላ ታኒ ሂንቲና ኪታሰ። ሃራቲ ኦሊ ዳቡሪዳሱዋን ጌሊዲ ሂንቲ ኤንታ ዳቡሪ አይፊያ ኤኪዳታ» ያገሱ።

39 ማጫሲያ፡ «ኢ፡ ታኒ ኦሊዳ ኡባባ ኦዳሰ» ጋዳ ማርካቲዳ ገሾ ሄ ካታማን ዳዲያ ሳማሬ አሳ፤ ዳርቲ ዩሱሳ አማኒደሶና። 40 ሳማሬ አሳይ ዩሱሳኮ ዩዲ፡ ባንታ ማታን ጋምዳና ማላ ዩሱሳ ዋሲን ኢ ያን ናምቡ ጋላሰ ኡቲሰ።

41 ኢ ኦዲያ ቃላ ገሾ ካሴይሳፊ ዳር አሳይ አማኒደሶና። 42 ቃሲ ኤንቲ ማጫሴኮ፡ «ሃራ ኑ አማኒይ ኑ ሁዳን ኢ ጌይሳ ሲዲዳ ገሾሳፊ አቲን ኔኒ ማርካቲዳ ገሾሳ ገዴና። ቃሲ ኢ ቱማ ሃ አላሚያ አሼይሳ ገዴይሳ ኑኒ ኤሪዳ» ያገደሶና።

ዩሱሲ አሲ ሹማ ናዓ ፓሌሰ

43 ናምቡ ጋላሳ፤ ጉዬ፡ ዩሱሲ ያፔ ኬዩዲ ጋሊላ ቢታ ቢሰ። 44 ዩሱሲ ባ ሁዳን፡ «ናቤይ ባ ቢታን ቦንቹቲና» ያገዱ ካሴቲዲ ኦዲሰ። 45 ዩሱሲ ጋሊላ ጋኪዳ ዋይ ጋሊላ አሳይ እያ ሞኪደሶና። አይሰ ገኮ፡ ፓሲካ ባሌ ቦንቹያ ጋላሰ ኤንቲ ዩራሳላማን ዳዲያ ገሾ ኢ ኦሊዳባ ኡባ ቤዲደሶና።

46 ዩሱሲ ሃላ ዋይኔ ኤሺ ላሚዳ ቤሳ፡ ጋሊላን ዳዲያ ቃና ካታማ ቢሰ። ቁፊርናሆሚን ካዋ ኬላን ኦሊያ አሲ ሹማሰ ናዓይ ሃርጌቲሰ። 47 ዩሱሲ ዩሁዳ፤ ጋሊላ ዩዳይሳ ሄ ሹማይ ሲዲዲ አያኮ ዩሰ። ሃይቃናው ማቲዳ ባ ናዓ ቢዲ ፓላና ማላ ዩሱሳ ዋሲሰ።

48 ዩሱሲ ሹማኮ፡ «ያሳይ ኦሊያ ማላታታኔ ኦራላባታ ቤዶና ዳዲሼ ሂንቲ ኡባራካ አማኒኬታ» ያገሱ።

49 ሹማይ ዛሪዲ፡ «ጎዳው፡ ታ ናዓይ ሃይቆና ዳዲሺን ታራ ዩዳርኪ» ያገሱ።

50 ዩሱሲ፡ «ኔ ሶ ባ፤ ኔ ናዓይ ፓፃና» ያገሱ። ሄ ሹማይ ዩሱሲ ገዴይሳ አማኒዲ ባ ሶ ቢሰ።

51 ኢ ባ ሶ ቢሺን ኢያ አይሌቲ ኢያኮ ዩሼ ኢያራ ኦጌን ጋሂቲዲ፡ «ኔ ናዓይ ፓፂሰ» ገደሶና።

52 ኢ ባ አይሌታ ባ ናዓሰ አይ ሳቲን ሎዲዳኮ ኦይቸሰ። ኤንቲ ዛሪዲ፡ «ዚኔ ላፑን ሳቲን ሚሻይ አገሰ» ያገደሶና። 53 ናዓ አዋይ ዩሱሲ ባኮ፡ «ኔ ናዓይ ፓፃና» ገዴይ ሄ ሳቲያን ገዴይሳ አኬኪሰ። ሄሳ ገሾ፡ ኢኔ እያ ሶ አሳ ኡባይ አማኒደሶና።

54 ሄሲ ዩሱሲ ዩሁዳ፤ ጋሊላ ዩዲ ኦሊዳ ናምባንሶ ማላታ።

5

ዩሱሲ አሲ ጉንዳ አዲያ ፓሌሰ

1 ሃሳፊ ጉዬ፡ ዩሱሲ አይሁዳቲ ቦንቹያ ባሊያሰ ዩራሳላማ ቢሰ። 2 ዩራሳላማን ደርሳ ፔንጊያ ማታን ኢብራይሰዳ ዶናን ቤቲሳይዳ ገያ ቲቁቲዳ ሃሌ ዳዴሰ። ሄ ቲቁቲ ኡቲዳ ሃላ ማታን እቻሹ ሹምፒያ ቤሳቲ ዳዎሶና። 3 [ሄሳን ሃላይ ቃፃናይሳ ናጊያ] ዳር ሃርጋንቸቲ፡ ቆቁቲ፡ ዋቤቲኔ ጉንዳቲ ዘንዲደሶና። 4 [አይሰ ገኮ፡ ኢሲ አሲ ቶሆ ጎዳ ኪታንቸይ ቲቁቲዳ ሃላን ዋዲዲ ሃላ ቃሌሰ። ሃላይ ቃፂያ ዋይ ኮይሮ ጌሊዳ ኡራይ ባና ኦይኪዳ አይ ሃርጌፊካ ፓፂሰ።] * 5 ሄ ቤሳን ሃሰታማኔ ሆሰፑን ላይሌ ሃርጌቲዳ አሲ አይይ ዳዴሰ። 6 ዩሱሲ ያን ዘንዲዳ አዲያ ቤዲዲ፡ ቃሲ ዳር ዋይ ሃርጌቲዳይሳ ኤሪዲ አዲያኮ፡ «ፓፃናው ኮያይ?» ያገሱ።

7 ሃርጋንቸይ ዛሪዲ፡ «ጎዳው፡ ሃላይ ቃፂያ ዋይ ታና ሃላን ዩጊያ አሲ ባዋ። ታኒ ጌላና ሃኒያ ዋይ ሃራይ ታፔ ሲንላቲዲ ጌሊ ኪቸሰ» ያገሱ።

8 ዩሱሲ ኢያኮ፡ «ዳንዳ ኤቃ፤ ኔ አልጋ ቶካዳ ባ» ያገሱ። 9 አዳይ ሶሁዋራካ ፓፂሰ፤ ባ አልጋ ቶኪዲ ቢሰ።

4:44 ማቶ 13:57፤ ማር 6:4፤ ሉቃ 4:24 4:45 ጥሃ 2:23 4:46 ጥሃ 2:1-11 * 5:4 አሲ አሲ ቤኒ ማፃፋቲ ፓይዶ ሃሻሰ ኮይር ባጋኔ ፓይዶ ኦይዳ ጉጃኮና። 5:10 ናህ 13:19፤ ኤር 17:21

ሄሲ ሳምባታ ጋላሳን ሃኒሰ። 10 ሄሳ ገሾ፣ አይሁዳቲ ፓዲዳ አዲያኮ፣ «ሃቺ ሳዓይ ሳምባታ፤ ኔኒ ኔ አልጋ ቶኬይሲ ዋጋ ገደና» ያገደሰና።

11 ሺን አዳይ፣ «ታና ፓሊዳይሲ፣ ኔ አልጋ ቶካዳ ባ ገሰ» ያገደዱ ዛሪሰ።

12 ኤንቲ ኢያኮ፣ «ኔና፣ ኔ አልጋ ቶካዳ ባ ገዳይ ኢ ኦኔ?» ያገደዱ አይቺደሰና።

13 ሺን ዩሱሲ ሄ ቤሳን ዳሮ አሳ ገደራ ኤሪሶና ካንሊዱ ቢዳ ገሾ አዳይ ባና ፓሊዳይ ኦኔኮ ኤሪሶና።

14 ዩሱሲ ጉዩፔ ሄ አዲያ ያሳ ኬላን ደሚዳ፣ «ሂኮ፣ ኔኒ ፓዳሳይ ሃይሳፌ ኢታባይ ኔና ጋኮና ሜላ ዛራዳ ናጋራ ኦላፋ» ያገሰ። 15 ሃሳፌ ጉዩ፣ አዳይ ቢዱ ባና ፓሊዳይሲ ዩሱሳ ገደዳይሳ አይሁዳታሰ ኦዲሰ።

16 ዩሱሲ ሄሳ ሳምባታ ጋላሰ ኦሊዳ ገሾ አይሁዳቲ ዩሱሳ ጎዳ ኦይኪደሰና። 17 ዩሱሲ ዛሪዳ፣ «ታ አዋይ ኡባ ዋዴ ኦሊሰ፤ ታካ ኦላናው ቤሴሰ» ያገሰ።

18 ዩሱሲ ሳምባታ ቦንቾና ገሾ ያላላሰ ገደናሺን ያሳይ ባ አዋ ገዱ ባና ያሳራ ገረሲዳ ገሾ አይሁዳቲ ኢያ ዋዳናው ካሴፔ ሚንሊዱ ኮዩደሰና።

ያሳ ናዓ ማታ

19 ዩሱሲ ዛሪዳ፣ «ታኒ ሂንቴው ቱማ ኦዳይሰ፤ ናዓይ ባርካ አይኮካ ኦላናው ዳንዳዔና። ኢ ባ አዋይ ኦሊሺን ቤዖይሳ ያላላ ኦሊሰ። አዋይ ኦሊይሳ ናዓይካ ኦሊሰ።

20 አዋይ ባ ናዓ ደሲያ ገሾ ኢ ኦሊያ ኦሶ ኡባ ባ ናዓ ቤሴሰ። ሂንቴ ማላሌታና ሜላ ኢ ሃይሳፌ አዲያ ኦሶ ባ ናዓ ቤሳና። 21 አዋይ ሃይቂዳይሳታ ሃይቆፔ ዳንሊዱ ኤንታው ዴዎ ኢሚይሳዳ ናዓይካ ባ ኮዩይሳታሰ ዴዎ ኢሚሰ። 22 አዋይ ናዓሰ ፐርዳ ማታ ኡባ ኢሚሰፔ ኦቲን ኢ ኦናካ ፐርዳና። 23 አሳይ ኡባይ አዋ ቦንቺይሳዳ ናዓካ ቦንቻና። ናዓ ቦንቻና ኦኒካ ናዓ ከቲዳ አዋካ ቦንቻና።

24 «ታኒ ሂንቴው ቱማ ኦዳይሰ፤ ታ ቃላ ሲዔይሳሲኔ ታና ከቲዳይሳ አማኔይሳሰ ሜሪና ዴዎይ ዴዔሰ። ኢ ሃይቆፔ ዴዎን ፐኒዳ ገሾ ፐርዳቴና። 25 ታኒ ሂንቴው ቱማ ኦዳይሰ፤ ሃይቂዳ አሳይ ያሳ ናዓ ቃላ ሲዔያ ዋዴይ ያና፤ ሄሲካ ሃዒ። ሄ ቃላ ሲዔይ ዴዎን ዳና። 26 አዋይ ዴዎሰ ፑልቶ ገደዳይሳዳ ናዓካ ዴዎሰ ፑልቶ ኦሊሰ። 27 ናዓይ አሳ ናዓ ገደዳይ ገሾ አዋይ ናዓሰ ፐርዳ ማታ ኢሚሰ።

28 «ዱፎን ዴዔይሳቲ ኢያ ቃላ ሲዔዱ ዴንዲያ ዋዴይ ያና ገሾ ሃይሳን ማላሌቶፊቴ። 29 ሎዎ ኦሊዳይሳቲ ዴዎን ዳናው ቃሲ ኢታ ኦሊዳይሳቲ ፐርዳ ኡካናው ዱፎፔ ዴንዳና።

ዩሱሳሰ ማርካቲዳ አሳታ

30 «ታኒ ታ ማታን አይቢባካ ኦላናው ዳንዳዒኬ። ያሳይ ታው ኦዲዳይሳዳ ፐርዳይሰ። ታኒ ታና ከቲዳይሲ ኮያባ ኦላይሲፔ ኦቲን ታ ኮያባ ኦላና ገሾ ታ ፐርዳይ ቱማ።

31 «ታኒ ታባ ማርካቲቲ ታ ማርካቲላይ ቱማ ገደና። 32 ታባ ማርካቲቲ ሃሪ ዴዔሰ፤ ኢ ታባ ማርካቲይሲ ቱማ ገደይሳ ታኒ ኤራይሰ።

33 «ሂንቴ ጥሃኒሳኮ አሴ ከቲን ኢ ቱማሰ ማርካቲሰ።

34 ታኒ ሄሳ ሂንቴው ኦዴይ፣ ሂንቴ አታና ሜላ ጋዳፔ ኦቲን አሳ ማርካቲሊ ታው ኮሺን ገደና። 35 ጥሃኒሲ

ሙቃዳዳ ኤዲሼ ፖሲሰ። ሂንቴ ጉላ ዋዴ ኢያ ፖዑዋን ኡፋይቲይታ።

36 «ሺን ታው ጥሃኒሳፔ አዲያ ማርኪ ዴዔሰ። ታኒ ኦላና ሜላ ታ አዋይ ታው ኢሚዳ ኦሶቲ ታባ ማርካቶሶና፤ አዋይ ታና ከቲዳይሳ ቆንጩሶሶና።

37 «ቃሲ ታና ከቲዳ አዋይካ ባ ሁዔን ታባ ማርካቲሰ። ሂንቴ ኢያ ቃላ ኡባራካ ሲዒቤኬታ ዋይኮ ኢያ ማላ ቤዒቤኬታ። 38 ኢ ከቲዳይሳ ሂንቴ አማናና ገሾ ኢያ ቃላይ ሂንቴ ዋዛናን ባዋ።

39 «ጌሻ ማዓፋታፔ ሜሪና ዴዎ ዴማናባ ሂንቴው ዳኒን ኤንታ ፐልጌታ፤ ኤንቲ ታባ ማርካቶሶና። 40 ሺን ሂንቴ ዴዎ ዴማናው ታኮ ያናው ኮዩኬታ።

41 «አሳፔ ታኒ ቦንቾ ኮዩኬ። 42 ሺን ታኒ ሂንቴ ዋዛናን ያሳ ሲቆይ ባይናይሳ ኤራይሰ። 43 ታኒ ታ አዋ ማታን ያሰ። ሺን ታና ሞኪቤኬታ። ሃራይ ባ ማታን ያ ዋዴ ኢያ ሞኬታ። 44 ሂንቴ ኢሶይ ኢሱዋፌ ቦንቾ ኮዩይሳቲ፣ ኢሲ ያሳፌ ያ ጋላታ ኡካናው ኮዮናይሳቲ፣ ዋኒዱ ታና አማናናው ዳንዳዔቲ?

45 «ታኒ ታ አዋ ሲንላን ሂንቴና ሞቲያባ ሂንቴው ዳናፖ። ሂንቴና ሞታናይ ሂንቴ ኡፋይሳን ናገያ ሙሴ።

46 ሂንቴ ሙሴ አማኒዳባ ገደዳይኮ ኢ ታባ ዓፊዳ ገሾ ታናካ አማናናሺን። 47 ሺን ሂንቴ ኢ ዓፊዳይሳ አማናና ኢዲኮ ታ ቃላ ዋቲዱ አማናኔ?» ያገሰ።

6

ዩሱሲ ኢቻሹ ሙኩሉ አሳ ሙዚሰ (ማቶ 14:13-21፤ ማር 6:30-44፤ ሉቃ 9:10-17)

1 ሃሳፌ ጉዩ፣ ዩሱሲ ያባርዮሳ ገያ ጋላላ አሳፌ ሄፊንሊ ፐኒሰ። 2 ኢ ሃርጋንቾታ ፓሶን ኦሊዳ ማላታ ቤዒዳ ገሾ ዳሮ አሳይ ኢያ ካሊደሰና። 3 ዩሱሲ ዴሪያ ቦላ ከዩዱ፣ ያን ባ ታማሬታራ ኢሲፌ ኡቲሰ። 4 አይሁዳቲ ቦንቺያ ፓሲካ ባሌ ጋላሳይ ጋኪሰ። 5 ዩሱሲ ዳሮ አሳይ ባኮ ዩይሳ ቤዒዱ ፊልጶሳኮ፣ «ሃ አሳ ኡባ ሙዛናው ገደዳይ ካሊ ኦሊፔ ሻማኔ?» ያገሰ። 6 ኢ ሃሳ ፊልጶሳ ፓጫናው ገሲፔ ኦቲን ኢ ባ ሁዔን አይ ኦሳኒኮ ኤሪሰ።

7 ፊልጶሲ ዛሪዳ ዩሱሳኮ፣ «ሃሪ አቶሺን፣ ሁዔን ሁዔን፣ ኢሲ ኢሲ ባርሲ ጋላናው፣ ናምዑ ያቱ ዳናሬን * ኡይሉ ሻማኒካ ገደና» ያገሰ።

8 ቃሲ ዩሱሳ ታማሬታፔ ኢሶይ፣ ሲሞን ጳዊርሳ ኢሻይ ኢንዲሪያሲ። 9 «ኢቻሹ ባንጋ ሶሎኔ ናምዑ ሞሎ ኦይኪዳ ኢሲ ናዓይ ሃይሳን ዴዔሰ። ሺን ሃ አሳ ኡባሰ ሄሲ አይ ማዳኔ?» ያገሰ።

10 ዩሱሲ ባ ታማሬታኮ፣ «አሳ ኡቲሲቴ» ያገሰ። ሄ ቤሳን ዳሮ ማቲ ዴዔሰ፤ አሳ ኡባይ ኡቲሰ። አዴ አሳ ታይቦይ ኢቻሹ ሙኩሉ ገደና። 11 ዩሱሲ ኡይሳ ኤኪዱ ያሳ ጋላቲ ሲሚዱ ያን ኡቲዳ አሳሰ ገሺሰ። ሞሉዋካ ኤኪዱ ሃሳዳ ኦሊዱ ኢሚን፣ አሳይ ባ ኮዩዳይሳ ሜላ ሚሰ። 12 ኤንቲ ኡባይ ካሊዳፔ ጉዩ ዩሱሲ ባ ታማሬታኮ፣ «ኢሲባይካ ኢቶና ሜላ ኦቲዳ ቲፊያ ሺሺቴ» ያገሰ። 13 ሃሳ ገሾ፣ ኤንቲ ኡባ ሺሺደሰና። አሳይ ሚን ኦቲዳ ባንጋ ሶሎ ቲፊያ ሺሺዱ ታማኔ ናምዑ ጋይታ ኮንሊደሰና።

5:29 ዳኔ 12:2 5:33 ጥሃ 1:19-27፤ 3:27-30 5:37 ማቶ 3:17፤ ማር 1:11፤ ሉቃ 3:22 * 6:7 ዳናሬ፣ ኢሲ ዳናሬይ ኢሲ አሲ ኢሲ ጋላሰ ኦሊ ፐራዱ ኤኪያ ሚሹ። ናምዑ ያቱ ዳናሬይ ኢሲ አሲ ላይላ ባጋ ኦሊዱ ኤኪያ ሚሹ ከና። (ማቶ 20:2) ያሊቴ።

14 አሳይ ዩሱሲ አሊዳ ማላታታ ቤዲዳ ዎዴ «ሃይሲ ቱማ ሃ አላሚያ ያና ጌቲቲዳ ናቢያ» ያገደሰና።
15 ዩሱሲ እንቲ ኢያ ኦይኪዲ ዎልቃን ካዎ አላናው ሃይሳ ኤሪዲ፣ ባርካ ዴሪያ ቦላ ዛሪ ኬደሰ።

ዩሱሲ አባ ቦላራ ሃሙቲሰ
(ማቶ 14:22-33፤ ማር 6:45-52)

16 ሳዓይ አማርሲዳ ዎዴ ዩሱሳ ታማሪቲ አባኮ ዎዲደሰና። 17 ሳዓይ ቃሚዳ ገሾኔ ዩሱሲ ቡር ኤንታኮ ዩቦና ገሾ ኢያ ታማሪቲ ዎሳሎን ጌሊዲ አባ ፒኒዲ ቁፊርናሆማ ባናው ዴንዲደሰና። 18 ዎልቃማ ጫርኮይ ጫርኪዳ ገሾ አባይ ቃዲሰ። 19 ኢቻሹ ዎይኮ ኡሱፑን ኪሎ ሚቲሬ ጌዴይሳ ማላ እንቲ አባ ፒዲዲ ቢዳፔ ጉዩ ዩሱሲ አባ ቦላራ ሃሙቲሹ ዩይሳ ቤዲዲ ያዩደሰና።
20 ሺን ኢ፣ «ባቦፊቲ፣ ታና» ያገደሰ። 21 እንቲ ኡፋይቲዲ ኢያ ዎሳሎን ጌልሲደሰና፤ ኢራካ ዎሳሎይ እንቲ ቢያ አባ ጋፃ ጋኪሰ።

ዩሱሲ ዴፖ ኡይላ

22 ዎንቴላ ጋላሰ አባፊ ሄፊንላን አቲዳ ዳር አሳይ ኢሲ ዎሳሎ ፃላሊ ዴዔይሳ ቤዲደሰና። ዩሱሲ ባ ታማሪታዎ ዎሳሎን ጌሊዲ፣ ኤንታራ ቦናይሳኔ እንቲ ባንታርካ ቢዳይሳ አኬኪደሰና። 23 ሺን ዲባርዮሳፔ ሃራ ዎሳሎቲ ዩሱሲ ያሳ ጋላቲን፣ አሳይ ኡይላ ሚዳ ቤሳ ዩደሰና። 24 አሳይ ዩሱሲ ዎይኮ ኢያ ታማሪቲ ያን ባይናይሳ ቤዲዲ፣ ዩሱሳ ኮያናው ዎሳሎታን ጌሊዲ ቁፊርናሆማ ቢደሰና።

25 አሳይ ዩሱሳ አባፊ ሄፊንላን ዴሚዳ ዎዴ «አሰታማሪያው፣ ሃ አወዴ ያዲ?» ያገደሰ።

26 ዩሱሲ ዛሪዲ፣ «ታኒ ሂንቴው ቱማ ኦዳይሰ፤ ሂንቴ ታና ኮዩይ ኡይላ ሚዳ ካሊዳ ገሾሳፊ አቲን ማላታ ቤዲዳ ገሾሳ ገዴና። 27 ሳሚያ ካላሰ አላፊቲ፣ ሺን ሜሪና ዴፖ አሚያ ካላሰ አሊቲ። ያሳ አዎይ ኢ አላና ማላ ኢያው ማታ አሚዳ ገሾ ሃ ካላ አሳ ናዓይ ሂንቴው አማና» ያገደሰ።

28 ያቲን እንቲ፣ «ኮኒ ያሳ ኡሱዎ አላናው አይ ኦላኔ?» ያገደሰ ዩሱሳ አይቺደሰና።

29 ዩሱሲ ዛሪዲ፣ «ሂንቴ አላና ማላ ያሳይ ኮያ ኦሪይ ሃይሳ፣ ኢ ከቲዳይሳ አማኒቲ» ያገደሰ።

30 እንቲ ዛሪዲ፣ «ኮኒ ቤዲዲ፣ ኔና አማናና ማላ አይ ማላታ ኔ ቤሳኔ? ኔ አይ ኦላኔ? 31 ጌሻ ማፃፋን፣ ለእንቲ ማና ማላ ኡይላ ሳሎፔ አሚሰን ጌቲቲ ፃፊቲዳይሳዳ ኦ አዎቲ ባዘ ቢታን ማና ሚደሰና» ያገደሰና።

32 ዩሱሲ፣ «ታኒ ሂንቴው ቱማ ኦዳይሰ፤ ሂንቴው ሳሎፔ ቱማ ኡይላ አሚዳይ ታ አዎፔ አቲን ሙሴ ገዴና። 33 ሂዛ፣ ያሳይ አሚያ ኡይላይ ሳሎፔ ዎዲዳይሲ አላሚያሰ ዴፖ አሚይሳ» ያገደሰ።

34 እንቲ ዛሪዲ፣ «ሳዳው፣ ኦሰ ሄ ኡይላ ኡባ ዎዴ አማ» ያገደሰና።

35 ዩሱሲ፣ «ታኒ ዴፖ አሚያ ኡይላ፤ ታኮ ያ ኦኒካ ኡባራካ ኮሻቲና። ቃሲ ታና አማኒያ ኡራይ ኡባራካ ሳሞቲና። 36 ሺን ታኒ ሂንቴው ኦዳይሰ፤ ሂንቴ ታና ቤዲዳታ፣ ሺን አማኒኬታ። 37 ታ አዎይ ታው አሚያ ኡባይ ታኮ ያና፤ ቃሲ ታኮ ያ ኦናካ ካሬ ዩዲኬ። 38 ታኒ ታ ኮያባ አላናው ገደናሺን ታና ከቲዳይሲ ኮያባ አላናው ሳሎፔ ያሰ። 39 ታና ከቲዳይሲ ኮዩይ ሃይሳ፣ ታኒ ኢ ታው አሚዳ ኡባታካ ወርሴላ ጋላሰ ሃይቆፔ ዴንላና ማላፔ አቲን ኢሱዎካ ጳይሳና ማላ ኮዩና። 40 ሂዛ፣ ታ

አዎይ ኮዩይ ሃሳ፣ ናዓ ቤዲዲ አማኒያ ኡባይ ሜሪና ዴዎዎ ኤካና፤ ታኒ ሄ ኡባ ወርሴላ ጋላሰ ሜሪና ዴፖሰ ሃይቆፔ ዴንላና» ያገደሰ።

41 ዩሱሲ፣ «ታኒ ሳሎፔ ዎዲዳ ኡይላ» ገዳ ገሾ አይሁዴቲ ኢያ ቦላ ዙዙሚደሰና። 42 እንቲ፣ «ሃይሲ ኮኒ ኢያ አዎኔ ኢያ አዩው ኤሪያ ዮሴፋ ናዓ ዩሱሳ ገዴኔ? ያቲን፣ ኢ ዋኒዲ፣ ለታኒ ሳሎፔ ዎዲሰን ጋናው ዳንዳዲ?» ያገደሰና።

43 ዩሱሲ ዛሪዲ፣ «ኢሶይ ኢሱዎራ ዙዙሚይሳ አገቲ። 44 ታና ከቲዳ ታ አዎይ ታኮ ኤሂያ አሳፔ አቲን ታኮ ያናው ዳንዳዲያ ኦኒካ ባዎ። ታኒ ወርሴላ ጋላሰ ኢያ ሜሪና ዴፖሰ ሃይቆፔ ዴንላና። 45 ናቤቲ፣ ሮሳይ አሳ ኡባ ታማርሳና) ያገደሰ ፃፊደሰና። አዎ ሲዔይሲኔ ኢያፔ ታማሪያ ኦኒካ ታኮ ዩሰ። 46 ያሳ ማታፔ ዩዳይሳፊ አቲን አዎ ቤዲዳይ ኦኒካ ባዎ፤ ኢያ ፃላሊ አዎ ቤዲሲ።

47 «ታኒ ሂንቴው ቱማ ኦዳይሰ፤ ታና አማኒያ ኦዳይሰካ ሜሪና ዴፖይ ዴዔሰ። 48 ታኒ ዴፖ አሚያ ኡይላ። 49 ሂንቴ አዎቲ ባዘን ማና ሚደሰና፣ ሺን ሃይቁደሰና። 50 ሳሎፔ ያ ኡይላይ ሃይሳ፤ ሄ ኡይላ ሚያ ኦኒካ ሃይቁና። 51 ሳሎፔ ዩዳ ዴፖ ኡይላይ ታና፣ ኦኒካ ሃ ኡይላ ሚኮ ሜሪናው ዳና። ቃሲ ሃ አላሚይ ዴፖን ዳና ማላ ታኒ ሂንቴው አማና ኡይላይ ታ አሹዎ» ያገደሰ።

52 አይሁዴቲ፣ «ሃ አዳይ ባ አሹዎ ኦ ማና ማላ ኦሰ ዎቲዲ አማናው ዳንዳዲ?» ያገደሰ ባንታ ገደን ፓላሚደሰና።

53 ሃሳ ገሾ፣ ዩሱሲ እንታኮ፣ «ታኒ ሂንቴው ቱማ ኦዳይሰ፤ አሳ ናዓ አሹዎ፣ ሂንቴ ሞና ኢዳኮ፣ ቃሲ ኢያ ሱላ ሂንቴ ኡዮና ኢዳኮ፣ ሂንቴው ዴፖይ ባዎ። 54 ታ አሹዎ ሚያ ኡራሲኔ ታ ሱላ ኡያ ኡራሰ ሜሪና ዴፖይ ዴዔሰ። ታኒ ወርሴላ ጋላሰ ኢያ ሃይቆፔ ዴንላና። 55 ታ አሹይ ቱማ ካላ፤ ታ ሱላይካ ቱማ ኡሹ። 56 ታ አሹዎ ሚያ ኡራይኔ ታ ሱላ ኡያ ኡራይ ታናን ዴዔሰ፤ ታካ ኢያን ዴዔይሰ። 57 ዴፖ አዎይ ታና ከቲን፣ ታኒ ኢያ ባጋራ ዴፖን ዴዔይሳዳ፣ ታና ሚያ ኡራይካ ታ ጋሶን ዴፖን ዳና። 58 ሳሎፔ ዎዲዳ ኡይላይ ሃይሳ፣ ሂንቴ አዎቲ ሚዲ ሃይቁዳ ማና ማላ ገዴና፤ ሃ ኡይላ ሚያ ኡራይ ሜሪናው ዳና» ያገደሰ።

59 ዩሱሲ ቁፊርናሆማ ካታማን አይሁዴ ዎሳ ኬላን ሃይሳ ታማርሲሰ።

ሜሪና ዴፖ ቃላ

60 ዩሱሳ ታማሪታፔ ዳሪያ ባጋይ ሃሳ ሲዲዳ ዎዴ «ሃይሲ ጌሎና ቲሚርቲ፤ ሃይሲ ኦዴሰ ጌሊ?» ያገደሰና።

61 ዩሱሲ ባ ታማሪቲ ሃሳሰ ዙዙሚዳይሳ ኤሪዲ፣ «ሃይሲ ሂንቴና ቆቢ? 62 ያቲን፣ አሳ ናዓይ ካሴ ዴዲያሱዎ ፑዴ ኬዩሺን ሂንቴ ቤዲዲ ዎይጋንዴቲ?

63 ጌሻ አያናይ ዴፖ አሚሰ፤ አሳ ዎልቁ አይኮካ ማዴና። ታ ሂንቴው ኡዲያ ቃላይ ዴፖ አሚያ ጌሻ አያናፔ ዩሰ።

64 ሺን ሂንቴ ገደን አማናይሳቲ ዴፖሰና» ያገደሰ። አማናይሳቲ ኦናንቴኮ ዩሱሲ ኮይርፔ ደሚዲ ኤሪሰ። ቃሲ ባና አላ አማናይ ኦኔኮ ኤሪሰ። 65 ቃሲካ ዩሱሲ፣ «አዎይ ባ ጎና ኦኒካ ታኮ ያናው ዳንዳዲና ጋዳ ታኒ ኦዲዳይ ሃሳ ገሾሳ» ያገደሰ።

66 ሃሳ ጋሶን፣ ዩሱሳ ካሌይሳታፔ ዳርቲ ኢያ አገዲ ጉዩ ሲሚደሰና፤ ዛሪ ኢያ ካሊሶኮና። 67 ዩሱሲ ታማኔ

ናምቡ ባ ታማሪታ፡ «ሂንቴካ አገዲ ባናው ኮዬቲ?» ያገዲ ኦይቸሰ።

68 ሲሞን ጳውሎስ ዛሪዲ፡ «ጎዳው፡ ኑኒ ኦዳኮ ባኔ? ኔው ማሪና ዳዎ አሚያ ቃላይ ዳዎስ። 69 ኔኒ ያሳ ጌሻ ገዳይሳ ኑኒ አሚናሲኔ ኤርሰ» ያገሰ።

70 ዬሱሲ ኤንታኮ፡ «ታኒ ሂንቴና ታማኔ ናምባታ ደራቢከና? ሺን ሂንቴፌ ኢሶይ ዓላሄ» ያገሰ።

71 ዬሱሲ ሄሳ ገዳይ ሲሞና ናዓ አሰቆርታ ዩሁዳሳ፡ ዩሁዳ ዬሱሳ አላ አሚናው ዳዎያ ታማኔ ናምባ ታማሪታ፤ ኢሱቀ።

7

ዬሱሳራኔ ኢያ አሻታራ

1 ሄሳፌ ጉዬ፡ አይሁዳቲ ዬሱሳ ዋዳናው ኮያ ገሾ ኢ ዩሁዳ አገዲ ጋሊላን ሲሚራቲስ። 2 አይሁዳቲ ቦንቸያ ሻቃራ ባሌይ ቦንቸታናው ማቲስ። 3 ሄሳ ገሾ፡ ዬሱሳ አሻቲ፡ «ኔ ታማሪቲ ኔኒ ኦላያ ማላታታ ቤዓና ማላ ሃይሳፌ ዳንዳዳ ዩሁዳ ቢታ ባ። 4 ባው ኤሪታናው ኮያ አሲ ኦኒካ ባ ኦሱቀ ጌንፋና። ኔኒ ሃይሳታ ኦላዳ ኔባ አላሚያ ኤሪሳ» ያገደሰና። 5 ኢያ አሻቲ ሄሳ ገዳይ ኢያን አማኒቦና ገሾሳ።

6 ዬሱሲ ኤንታኮ፡ «ታው ኢንጃ ዋዳይ ጋኪቤና፡ ሺን ሂንቴው ኡባ ዋዳይ ኢንጃቲስ። 7 አላሚይ ሂንቴና ኢፃናው ዳንዳዳና፡ ሺን ታኒ አላሚያ ኦሶይ ኢታ ገዳይሳ ማርካቲያ ገሾ ታና ኢፃስ። 8 ሂንቴ ባሊያ ቤቲ፤ ታ ዋዳይ ጋኪቦና ገሾ ታኒ ባሊያ ቤኬ» ያገሰ። 9 ኢ ሄሳ ገዲ ጋሊላን አቲስ።

ዬሱሲ ባሊያ ቦንቸናው ቢስ

10 ኢያ አሻቲ ባሊያ ቦንቸናው ቢዳፔ ጉዬ ዬሱሲ ኦናካ ኤሪሶና ቆሳን ሄ ቤሳ ቢስ። 11 አይሁዳቲ ባሊያ ቦንቸያ ቤሳን፡ «ኢ አውን ዳዊ?» ያገዲ ኢያ ኮዩደሶና።

12 አሳይ ካልካሺዲ ኢያባ ኦዳቶሶና። ባጋይ፡ «ኢ ሎዎ አሲ» ገያ ዋዳ ሃራቲ ቃሰ፡ «አካይ፡ ኢ አሳ ባሌሌስ» ያገሰና። 13 ሺን አይሁዳ ሃላቃታስ ያዩዳ ገሾ ኦኒካ ኢያባ ቆንጩን ኦዳቲና።

14 ባሊያ ቦንቸዲ ገደ ጋሊያ ዋዳ ዬሱሲ ያሳ ኬላ ቢዲ ታማርሶ ኦይኪስ። 15 አይሁዳቲ፡ «ሃ አዳይ ቲሚርቲ ታማርና ሃይሳ ኡባ ቀቲ ኤሪዳ?» ያገዲ ማላሌቲደሶና።

16 ዬሱሲ ዛሪዲ፡ «ታ ታማርሲያ ቲሚርቲይ ታና ከቲዳ ያሳ ማታፔ ያ ቲሚርቲፌ አቲን ታባ ገዳና።

17 ያሳ ሺኒያ ኦላናው ኮያ ኦኒካ ሃ ቲሚርቲይ ያሳ ማታፔ ዩያኮኔ ዋይኮ ታኒ ታፔ ኦዲያኮ ኤራና። 18 ባባ ኦዲያ ኦኒካ ባ ሁዔ ቦንቸ ኮዬስ። ሺን ባና ከቲዳይሳ

ቦንቸዋ ኮያ ኦኒካ ኢ ተማንቸ፤ ኢያን ዋርደይ ባዋ። 19 ሙሴይ ሂንቴው ሂጊያ አሚሰ፡ ሺን ሂንቴፌ ኦኒካ ሂጊያ ናገቤና። ያቲን አይስ ታና ዋዳናው ኮዬቲ?» ያገሰ።

20 አሳይ ዛሪዲ፡ «ኔና ዓላሃይ ኦይኪስ፤ ኔና ዋዳናው ኦኔ ኮዬይ?» ያገደሰና።

21 ዬሱሲ፡ «ታኒ ኢሲ ማላታ ኦላን ሂንቴ ኡባይ ማላሌቲዳታ። 22 ሂንቴ፡ ሂንቴ ናይታ ቃፃራና ማላ

ሙሴይ ከቲስ። ሺን ቃፃሪ ሂንቴ ማይዛቲ ደሚደሶና፤ አቲን ሙሴ ገዳና። ሄሳ ገሾ፡ ሂንቴ ሳምባታ ጋላስ አዳ ናይታ ቃፃሪታ። 23 ሙሴ ሂጊይ ከቲዳ ገሾ ሂንቴ ሳምባታ ጋላስ ቃፃሪያባ ገዲኮ፡ ታኒ ኢሲ አሳ ኩሜላ አሳቲላ ፓሊዳ ገሾ ታራ አይስ ካጩቲ? 24 ቱማ ፒርዳ ፒርዳቲፔ አቲን አሳ ሶምዎ ቤዒዲ ፒርዳፊቲ» ያገሰ።

ዬሱሲ፡ ኢ ኪሪሰቶሴ?

25 ዬሩሳሌሜ አሳፔ ኢሶቲ ኢሶቲ፡ «ኤንቲ ዋዳናው ኮያ ኡራይ ሃይሳ ገዳይ? 26 ሄኮ፡ ኢ ቆንጩን ኦዳስ፤ ኤንቲ ኢያ አይኮካ ኅኮና። ኢ ኪሪሰቶሳ ገዳይሳ አይሁዳ ሃላቃቲ ቱማ ኤሪደናሻ? 27 ኪሪሰቶሲ ያ ዋዳ ኢ አዉፔ ያኮ ኦኒካ ኤሪና፡ ሺን ኢ አዉፔ ዩዳኮ ኑ ኤርሰ» ያገደሰና።

28 ዬሱሲ ያሳ ኬላን ታማርሲሼ ባ ቃላ ቶቁ ኦላዲ፡ «ቱማ ሂንቴ ታኒ ኦኒኮኔ ታ አዉፔ ዩዳኮ ኤሪቲ? ታኒ ታ ማታን ያቢኬ፡ ሺን ታና ከቲዳይሲ ቱማንቸ፤ ሂንቴ ኢያ ኤሪኬታ። 29 ሺን ታኒ ኢ ከቲን ኢያ ማታፔ ዩዳ ገሾ ኢያ ኤሪይሰ» ያገሰ።

30 ሄሳ ገሾ፡ ኤንቲ ኢያ ኦይካናው ኮዩደሶና። ሺን ኢያ ዋዳይ ቡር ጋኪቦና ገሾ ኦኒካ ኢያ ቦላ ኩሼ ዋሊቤና። 31 ሺን ዳር አሳይ ዬሱሳ አማኒዲ፡ «ኪሪሰቶሲ ያ ዋዳ ሃ ኡራይ ኦላዳ ማላታታፔ ዳሪያ ማላታ ኦላኔዬ?» ያገደሰና።

ዬሱሳ ኦይካናው ዋታዳራቲ ከቲቲደሶና

32 ፋሪሳዊቲ ዳር አሳይ ዬሱሳባ ካልካሺይሳ ሲዒደሶና። ካሂኔ ሃላቃቲኔ ፋሪሳዊቲ ኢያ ኦይሊዲ ቃሽሳናው ያሳ ኬላ ናጌይሳታ ከቲደሶና።

33 ዬሱሲ፡ «ታኒ ሂንቴራ ጉላ ዋዳ ጋምዓና፤ ሄሳፌ ጉዬ ታና ከቲዳይሳኮ ባና። 34 ሂንቴ ታና ኮያና፤ ሺን ዳሚኬታ። ታኒ ዳዎያሱቀ ሂንቴ ያናው ዳንዳዳኬታ» ያገሰ።

35 አይሁዳቲ ኢሶይ ኢሱቀራ፡ «ሃይሲ ኑኒ ዳምናሶ አው ባና ሃኒ? ገሪኬ ካታማን ዳዎያ አይሁዳታኮ ቢዲ ገሪኬታ ታማርሳናው ሃኒዬ? 36 ሂንቴ ታና ኮያና፤ ሺን ዳሚኬታ ቃሰ፡ «ታኒ ዳዎያሱቀ ሂንቴ ያናው ዳንዳዳኬታ» ጉሳይ አይ ኩሴ?» ያገደሰና።

ዳዎ ሃላ

37 ባሊያ ቦንቸያ ጋላሳታፔ ዋልቃማኔ ዉርሴላ ጋላሳን ዬሱሲ ዳንዲዲ፡ ባ ቃላ ቶቁ ኦላዲ፡ «ሳምቲዳ ኦኒካ ታኮ ዩዲ ኡዮ። 38 ታና አማኒያ ኦኒካ ጌሻ ማፃፋይ ገዳይሳዳ ዳዎ አሚያ ፑልቶ ሃላይ ኢያፔ ጎና» ያገሰ። 39 ኢ ሄሳ ገዳይ ኢያ አማኒዳይሳቲ ኤካናው ዳዎያ ጌሻ አያናባ። ዬሱሲ ቡር ቦንቸቲቦና ገሾ ሄ ዋዳ ጌሻ አያናይ አሚቲቤና።

አሳ ገደን ሻኬቲላ ሜዴቲስ

40 ሄ አሳፔ ዳርቲ ኢ ጌይሳ ሲዒዲ፡ «ቱማ ሃይሲ ናቢያ» * ያገደሰና።

41 ሃራቲ ቃሰ፡ «ሃይሲ ኪሪሰቶሳ» ያገደሰና። ሺን ሃራቲ ቃሰ፡ «ኪሪሰቶሲ ጋሊላፔ ዋኒዲ ኬዩ?»

42 ጌሻ ማፃፋይ፡ «ኪሪሰቶሲ ዳዋቲ ሼሻፔ ዳዋቲይ ዳዊዳ ቤቲሌሜ ካታማፔ ያና ያጌኔዬ?» ያገደሰና።

43 ሄሳ ገሾ፡ ዬሱሳ ጋሶን አሳይ ባንታ ገደን

7:2 ለዌ 23:34፤ ዛሬ 16:13 7:22 ለዌ 12:3፤ ሜዳ 17:10 7:23 ጥሃ 5:9 7:37 ለዌ 23:36 7:38 ሂዝ 47:1፤ ዛካ 14:8
* 7:40 ናቢያ፡ ሃ ቤሳን ናቢያ ጌቲቲዳይ ያና ገዲ ኤንቲ ናገዳ ናቢያ ቆንጩሴስ። (ጥሃ 1:21 ጻለቲ።) 7:42 2ሳሙ 7:12፤ ሚክ 5:2

ሻኬቲዶሶና። 44 ሄ አሳፔ ኢሶቲ ኢሶቲ ኢያ ኦይካናው ኮዩዶሶና፣ ሺን ኦኒካ ኢያ ቦላ ኩሼ ዋሊቤና።

አይሁዳ ሃላቃቲ አማኒቦኮና

45 ያሳ ኬላ ናጌይሳቲ ካሂኔ ሃላቃታኮኔ ፋሪሳዊታኮ ጉዬ ሰሚ ዩን ኤንቲ፣ «አይሰ ኢያ ኤሂቤኬቲ?» ያጌዲ ኦይቺዶሶና።

46 ያሳ ኬላ ናጌይሳቲ ኤንታኮ፣ «ሃ አዳይ ኦይቲይሳሉ ኦኒካ ኦይቲና» ያጌዲ ዛሪዶሶና።

47 ፋሪሳዊቲ ዛሪዲ፣ «ኢ ሂንቴናካ ባሌሌዳ?»

48 አይሁዳ ሃላቃታ፣ ዋይኮ ፋሪሳዊቲ ኢያ አማኒዳ አሲ ዳዲ? 49 ሙሴ ሂጊያ ኤሮና ሃ አሳይ ቃንጌቲዳባ» ያጌዶሶና።

50 ፋሪሳዊታ፣ ኢሶይ ቃማ ዬሱሳኮ ቢዳ ኒቆዲሞሲ ኤንታኮ፣ 51 «ኢሲ አሲ ጊያባ ሲዶና ዋይኮ ኢ አይ ኦሊዳኮ ኤሮና ዳዲሼ ኮይሮቲዲ ኢያ ቦላ ፐርዳይሲ ኮ ሂጊያን ዳዲ?» ያጌሰ።

52 ኤንቲ ዛሪዲ፣ «ኦኒካ ቃሲ ጋሊላ ቢታ አሴ? ጋሊላ ቢታፊ ናቤይ ኬዮናይሳ ጌሻ ማፃፋፔ ፒልጋዳ ዳማ» ያጌዶሶና።

8

ላይማቴላን ኦይኬቲዳ ማጫሲው

1 ኢሶይ ኢሶይ አጊዲ ባ ሶ ባ ሶ ቢሰ፣ ሺን ዬሱሲ ሻማሆ ዳሪያ ቦላ ቢሰ። 2 ቃሲ ዋንቴላ ጋላሰ ጉራ ያሳ ኬሌ ሰሚሰ። ዳሮ አሳይ ኢያኮ ዩን ኡቲዲ ኤንታ ታማርሲሰ። 3 ሂጌ አሰታማራቲኔ ፋሪሳዊቲ ላይማቴሺን ኦይኪዳ ኢሲ ማጫሲው ኢያኮ ኤሂዶሶና። ኤንቲ አሳ ኡባ ሲንላን ኢዮ ኤሲዲ፣ 4 «አሰታማሪያው፣ ሃ ማጫሲያ ላይማቴሺን ኮ ኦይኪዳ። 5 ሙሴ ሂጌይ ሃኒ ሜላ ማጫሰ ሹቻን ጫዳታ ሃይቃና ሜላ ከቲሰ። ያቲን፣ ኔኒ ዋይጋይ?» ያጌዶሶና።

6 ኤንቲ ሃሳ ጊዳይ ዬሱሳ ፓጪዲ ኢያ ሞቲያባ ዳማናሳ። ሺን ዬሱሲ ሆኪዲ ባ ቢራዴን ቢታ ቦላ ፃፊሰ። 7 ኤንቲ ኢያ ዛሪ ዛሪ ኦይቺዲ አሳና ኢዳን፣ ፑዳ ቶቁ ጊዲ፣ «ሂንቴ ጊዶን ናጋራ ኦሊቦና አሲ ኮይሮቲዲ ኢዮ ሹቻን ጫዳ» ያጌሰ። 8 ቃሲካ ሆኪዲ ቢታ ቦላ ፃፊሰ።

9 ኤንቲ ሃሳ ሲዲዳ ዋዳ ጨማታፔ ደሚዲ ኢሶይ ኢሶይ ኬዩሼ ወሪዶሶና። ዬሱሳ ፃላሊ ሂ ቤሳን ኤቁዳ ማጫሴራ አቲሰ። 10 ኢ ፑዳ ቶቁ ጊዲ ማጫሴኮ፣ «ማጫሴቲ፣ አሳቲ አው ቢዶና? ኔ ቦላ ፐርዲዳይ ኦኒካ ባዊ?» ያጌሰ።

11 ማጫሲያ፣ «ሳዳው፣ ኦኒካ ባዋ» ያጋሱ። ዬሱሲ ዛሪዲ፣ «ታኒካ ኔ ቦላ ፐርዲኬ። ባ፤ ዛሪዳ ናጋራ ኦሶፋ» ያጌሰ።

ዬሱሲ አላሚያሰ ፖዩ

12 ቃሲካ ዬሱሲ አሳኮ፣ «ታኒ አላሚያሰ ፖዩ። ታና ካሊያ ኦኒካ ዳዩ አሚያ ፖዑዋ ኤካናፔ አቲን ቶማን ሲሜራቲና» ያጌዲ ኦዲሰ።

13 ፋሪሳዊቲ፣ «ኔ ኔባ ማርካታሳ፣ ሺን ኔ ማርካቲላይ ቱማ ጊዳና» ያጌዶሶና።

14 ዬሱሲ ዛሪዲ፣ «ታኒ ታባ ማርካቲኮካ ታ ማርካቲላይ ቱማ። አይሰ ጊኮ፣ ታኒ አወፔ ዩዳኮ ቃሲ አው ቢያኮ ኤራይሰ። ሺን ሂንቴ ኤራይታ። 15 ሂንቴ አሳ ቆፋን ፐርዳታ፤ ታኒ ኢሲ አሳ ቦላካ ፐርዲኬ። 16 ታኒ

ፐርዲያባ ጊዲኮካ ታ ፐርዲይ ቱማ። አይሰ ጊኮ፣ ታና ከቲዳ ታ አዋይ ታራ ዳዲሲፔ አቲን ታኒ ታርካ ዳዲኬ። 17 ናሞዑ አሳ ማርካቲላይ ቱማ ጊዳይሲ ሂንቴ ሂጊያን ፃፊቲሰ። 18 ታኒ ታባ ታ ሁዔን ማርካቲላይ፤ ቃሲ ታና ከቲዳ ታ አዋይካ ታባ ማርካቲሰ» ያጌሰ።

19 ኤንቲ፣ «ኔ አዋይ አወን ዳዲ?» ያጌዲ ኢያ ኦይቺዶሶና።

ዬሱሲ ዛሪዲ፣ «ሂንቴ ታና ዋይኮ ታ አዋ ኤራይታ። ታና ኤራይባ ጊዲያኮ፣ ሂንቴ ታ አዋካ ኤራናሺን» ያጌሰ።

20 ዬሱሲ ያሳ ኬላን ሙፃታ ሚሺያ ዩጊያ ሳይኔይ ዳዲያ ቤሳን ሃሳ ታማርሲሰ። ኢያ ቃማይ ቡሮ ጋኪቦና ጊሾ ኦኒካ ኢያ ኦይኪቤና።

21 ቃሲካ ዬሱሲ ኤንታኮ፣ «ታኒ ባና፤ ሂንቴ ታና ኮያና፣ ሺን ሂንቴ አቶቲላ ዳሞና ሂንቴ ናጋራን ሃይቃና። ታኒ ቢያሱዋ ባናው ሂንቴ ዳንዳዔኬታ» ያጌሰ።

22 አይሁዳ ሃላቃቲ፣ «ኢ፣ ታኒ ቢያሱዋ ሂንቴ ባናው ዳንዳዔኬታ» ያጌሰ። ኢ ባና ባርካ ዋዳኔዬ?» ያጌዶሶና።

23 ዬሱሲ ዛሪዲ፣ «ሂንቴ ጋርሳፊ፤ ታኒ ቦላፊ። ሂንቴ ሃ አላሚያፔ፣ ታኒ ሃ አላሚያፔ ጊዲኬ። 24 ሂንቴ አቶቲላ ዳሞና ሂንቴ ናጋራን ሃይቃና ጋዳ ታኒ ሂንቴው ኦዲዳይ ሃሳ። ታኒ ታና ጊዳይሳ ሂንቴ አማናና ኢዳኮ ሂንቴ አቶቲላ ዳሞና ሂንቴ ናጋራን ሃይቃና» ያጌሰ።

25 ኤንቲ፣ «ኔኒ ኦኒ?» ያጌዲ ኦይቺዶሶና።

ዬሱሲ ዛሪዲ፣ «ታኒ፣ ኮይሮፔ ሂንቴው ኦዲዳ ታና።

26 ታኒ ሂንቴባ ኦዲዳ ፐርዲያባይ ዳርባይ ዳዲሰ። ሺን ታና ከቲዳይሲ ቱማንቸ፤ ቃሲ ታኒ ኢያፔ ሲዲዳይሳ ፃላላ አላሚያሰ ኦዲይሰ» ያጌሰ።

27 ዬሱሲ ባ አዋባ ኦዲይሳ ኤንቲ ኦኪኪቦኮና።

28 ሃሳ ጊሾ፣ ዬሱሲ ኤንታኮ፣ «ሂንቴ አሳ ናባ ፑዳ ቶቁ ኦሊያ ዋዳ ታኒ ታና ጊዳይሳ ሂንቴ ኤራና። ቃሲካ ታኒ ታ ማታን ኢይኮካ ኦሊናይሳኔ ታ አዋይ ታና ታማርሲዳይሳ ኦዲይሳ ሂንቴ ኤራና። 29 ታና ከቲዳይሲ ታራ ዳዲሰ። ታኒ ኡባ ዋዳ ኢያ ኡፋይሲያባ ኦሊያ ጊሾ ኢ ታና ታ ፃላላ አጊቤና» ያጌሰ።

30 ዬሱሲ ሃሳ ኦዲሺን ሲዲዳ ዳሮ አሳይ ኢያ አማኒዶሶና።

ናጋራ አይሌቲላፊ ኬሲ

31 ዬሱሲ ባና አማኒዳ አሳታኮ፣ «ሂንቴ ታ ቲሚርቲያሰ ከቲቲኮ ቱማ ታና ካሌይሳታ። 32 ሂንቴ ቱማ ኤራና፤ ቱማይካ ሂንቴና አይሌቲላፊ ኬሳና» ያጌሰ።

33 ኤንቲ ዛሪዲ፣ «ኦኒ አብራሃሜ ሹሺ፤ ኦኒ ኦዲሰካ አይሌቲቦኮ። ኔኒ ዋይጋዳ፣ ሂንቴ አይሌቲላፊ ኬያና» ያጌዶሶና።

34 ዬሱሲ ዛሪዲ፣ «ታኒ ሂንቴው ቱማ ኦዲይሰ፤ ናጋራ ኦሊያ ኦኒካ ናጋራ አይሌ። 35 አይሌይ ሜሪናው ሶ አሳራ ዳና፣ ሺን ናባይ ሜሪናው ሶ አሳራ ዳዲሰ። 36 ናባይ ሂንቴና አይሌቲላፊ ኬሲኮ ሂንቴ አይሌቲላፊ ቱማ ኬያና። 37 ሂንቴ አብራሃሜ ሹሺ ጊዳይሳ ታኒ ኤራይሰ። ሺን ታ ቃላይ ሂንቴ ዋዛናን ባይና ጊሾ ታና ዋዳናው ኮዬታ። 38 ታኒ ታ አዋይ ታና ቤሲዳይሳ ኦዲይሰ። ሺን ሂንቴካ ሂንቴ አዋፔ ሲዲዳይሳ ኦሊያ» ያጌሰ።

39 ኤንቲ ዛሪዲ፣ «ኦ አዋይ አብራሃሜ» ያጌዶሶና።

ዩሱሲ ኤንታኮ፡ «ሂንቴ ኣብራሃሜ ናይታ ጊዲያኮ ኢ ኦሊዲይሳ ኦላና። 40 ሺን ያሳፊ ሲዒዳ ቱማ ኦዲዳ ታና ሂንቴ ዋጻናው ኮዩታ። ኣብራሃሜይ ሄሳዳ ኦሊቤና። 41 ሂንቴ፡ ሂንቴ ኣዋይ ኦሊዲይሳ ኦላታ» ያገሰ።

ኤንቴ ዛሪዲ፡ «ኮኒ ቱማ ያሳ ናይታ፤ ኮሰ ኢሲ ኣዋይ ያሳ ያላሊ ዳዔሰ» ያገደሶና።

42 ዩሱሲ ኤንታኮ፡ «ያሳይ ቱማ ሂንቴ ኣዋ ጊዲያኮ ሂንቴ ታና ደሳና፤ ኣይሰ ገኮ፡ ታኒ ያሳ ማታፔ ያዳ ሃይሳን ዳዓይሰ። ታና ኢ ከቲሰፔ ኣቲን ታኒ ታ ማታን ያቢኬ። 43 ታኒ ጌይሳ ሂንቴ ሲዓናው ኮዮና ገሾ ታ ጊያባይ ሂንቴው ጌሊና። 44 ሂንቴ፡ ሂንቴ ኣዋ ያላሂ ናይታ። ቃሲ ሂንቴ፡ ሂንቴ ኣዋይ ኣሞቲያባ ኦላናው ኮዩታ። ኢ ኮይርፔ ደሚዲ ሸምፖ ዋጺይሳ። ቱማ ኢያን ባይና ገሾ ኢ ቱማ ኢዓሰ። ዋርዶይ ኢያው ማጺ ጊዲዳ ገሾኒ ኢ ዋርዶ ኣዋ ጊዲያ ገሾ ዋርዶ ኦዳቲሼ ባፔ ኦዳቲሰ። 45 ታኒ ቱማ ሃሳያይሰ፡ ሺን ሂንቴ ታና ኣማኔኬታ። 46 ሂንቴ፡ «ኮኒ ናጋራ ኦሊሺን ታ ቤዓሰ» ጋናው ዳንዳዔይ ኦኔ? ታኒ ቱማ ኦዳቲያባ ጊዲያ ታና ኣይሰ ኣማኔኬቲ? 47 ያሳ ኣሲ ያሳይ ጊያባ ሲዒሰ። ሂንቴ ያሳ ኣሲ ጊዶና ገሾ ያሳይ ጊያባ ሲዒኬታ» ያገሰ።

ዩሱሲ ኣብራሃሜፕ ሲንሕ

48 ኣይሁዳቲ ዛሪዲ፡ « ኮኒ ሳማሬ ኣሲ፤ ኔናን ቱና ኣያናይ ዳዔሰ» ገሼ ሊኬ ጊዶኮ?» ያገደሶና።

49 ዩሱሲ ኤንታኮ «ታ ቦላ ቱና ኣያኒ ባዋ። ታኒ ታ ኣዋ ቦንቻይሰ፡ ሺን ሂንቴ ታና ካወሼታ። 50 ታኒ ታ ሁዔ ቦንቻ ኮዩኬ፤ ታኒ ቦንቻታና ማላ ኮዩይሲኔ ታው ፐርዳይሲ ዳዔሰ። 51 ታኒ ሂንቴው ቱማ ኦዳይሰ፤ ታ ቃላ ናጊያ ኦኒካ ሃይቁና» ያገሰ።

52 ኣይሁዳቲ ዛሪዲ፡ «ኔ ቦላ ቱና ኣያናይ ዳዔይሳ ኮኒ ሃዒ ኤሪዳ። ኣብራሃሜይ ሃይቁሰ፤ ናቤቲካ ሃይቁደሶና። ሺን ኮኒ፡ «ታ ቃላ ናጊያ ኦኒካ ሃይቁና» ያገሰ። 53 ኮኒ ሃይቁዳ ኮ ኣዋ ኣብራሃሜፕ ኣጻዩ? ናቤቲካ ቃሲ ሃይቁደሶና። ኮኒ ኔና ኮና ጋዳ ቆፓይ?» ያገደሶና።

54 ዩሱሲ፡ «ታኒ ታና ቦንቻኮ ታ ቦንቻይ ሃዳ። ሂንቴ፡ «ኮ ያሳ» ጊያ ታ ኣዋይ ኢ ታና ቦንቻሰ። 55 ሂንቴ ኢያ ኤርና ኢዒኮ ታኒ ኢያ ኤሪይሰ። ታኒ ኢያ ኤሪኬ ገኮ ሂንቴ ማላ ዋርዶታይሰ። ሺን ታኒ ኢያ ኤሪይሰ፤ ቃሲ ኢያ ቃላካ ናጊይሰ። 56 ሂንቴ ኣዋይ ኣብራሃሜይ ታ ያሳ ጋላሳ ቤዒዲ ኡፋይታናው ኣሞቲሰ፤ ቤዒዲካ ኡፋይቲሰ» ያገሰ።

57 ኣይሁዳቲ ዛሪዲ፡ «ሃሪ ኣቶሺን፡ ኔው ኢሻታው ላይሌ ኩሚቤናሺን ዋናዳ ኣብራሃሜ ቤዓሰ ጋይ?» ያገደሶና።

58 ዩሱሲ ኤንታኮ፡ «ታኒ ሂንቴው ቱማ ኦዳይሰ፤ ኣብራሃሜይ ዩሌታናፔ ካሴ ታኒ ታና » ያገሰ።

59 ሃሳ ገሾ፡ ኤንቴ ዩሱሳ ጫዳናው ሹቹ ኤኪደሶና። ሺን ዩሱሲ ኤንታፊ ጌሚዲ ያሳ ኬላፊ ኬዩዲ ቢሰ።

9

ዩሱሲ ቆቄ ጊዲዲ ዩሌቲዳ ኣዲያ ፓሊሰ

1 ዩሱሲ ቢሼ ዩሌቶሳፔ ቆቄ ጊዲዲ ዳዒያ ኢሲ ኣዲያ ቤዒሰ። 2 ኢያ ታማሬቲ፡ «ኣስታማሪያው፡ ሃ ኣዳይ ቆቄ ጊዲዲ ዩሌታና ማላ ናጋራ ኦሊዲይ ኦኔ?»

ኢ ኦሊዲይ ዋይኮ ኢያ ዩሌዲይሳቲ ኦሊደና?» ያገዲ ኦይቹደሶና።

3 ዩሱሲ፡ «ያሳ ኦሪይ ኢያ ቦላ ቆንጫና ማላፔ ኣቲን ኢ ዋይኮ ኢያ ዩሌዲይሳቲ ናጋራ ኦሊዲ ገሾ ጊዶና።

4 ሳዒ ጋላሰ ዳዒሺን ታና ከቲዳይሳ ኦሱዋ ኮ ኦላናው ቤሴሰ። ኦኒካ ኦላናው ዳንዳዮና ቃማይ ዩሰ። 5 ታኒ ኣላሚያን ዳዒሼ ኣላሚያሰ ፖ» ያገሰ።

6 ዩሱሲ ሃሳ ጊዲ ሳዒን ጩቲሰ። ባ ጩቻን ጉላ ቢታ ላኮሊዲ ሄ ኡርቃን ቆቄ ኣዲያ ኣይፊያ ቲዩሰ። 7 ያቲዲ፡ «ባዳ ሳሊሆሚ (ሳሊሆሚ ጉሳይ ከቲቲዳይሳ ጉሰ) ጊያ ቲቁቲዳ ሃላን ኔ ኣይፊያ ሚጩታ» ያገሰ። ሃሳ ገሾ፡ ኣዳይ ቢዲ ባ ኣይፊያ ሚጩቲዲ ያሊሼ ሲሚሰ።

8 ኣዲያ ሾርቲኔ ኣዳይ ካሴ ዋሲሺን ቤዒዳ ኣሳይ፡ «ሃይሲ ኡቲዲ ዋሲያ ኣዲያ ጊዳይዩ?» ያገደሶና።

9 ኢሲ ኢሲ ኣሳይ፡ «ሃይሲ ኢያ» ያገደሶና። ሃራቲ ቃሲ፡ «ኣካይ፡ ሃይሲ ኢያ ዳኔሲፔ ኣቲን ኢያ ጊዶና» ያገደሶና።

ሺን ኣዳይ፡ «ኤ፡ ታና» ያገሰ።

10 ኤንቴ ኢያኮ፡ «ያቲን ኔ ኣይፊይ ዋኒዲ ያሊዳ?» ያገዲ ኦይቹደሶና።

11 ኢ ዛሪዲ፡ «ዩሱሳ ጊያ ኣዳይ ጉላ ኡርቃ ላኮሊዲ ታ ኣይፊያ ቲዩዲ፡ «ሳሊሆሚ ባዳ ኔ ኣይፊያ ሚጩታ» ያገሰ። ታኒ ባዳ ሚጩታዳ ያላ ኣጋሰ» ያገሰ።

12 ኤንቴ ኢያኮ፡ «ኢ ኣወን ዳዒ?» ያገዲ ኦይቹደሶና።

ኣዳይ፡ «ታኒ ኤሪኬ» ያገሰ።

ፋሪሳዊቲ ሃኒዳባ ኤሪናው ኮዩደሶና

13 ኤንቴ ካሴ ቆቄ፡ ሺን ሃዒ ያሊዲ ኣዲያ ፋሪሳዊታኮ ኤፊደሶና። 14 ዩሱሲ ኡርቃ ላኮሊዲ ኣዲያ ኣይፊያ ፓሊዳ ጋላሳይ ሳምባታ ጋላሰ። 15 ሃሳ ገሾ፡ ኣዳይ ዋኒዲ ያሊዳኮ ፋሪሳዊቲ ኢያ ዛሪ ኦይቹደሶና። ኣዳይ ኤንታኮ፡ «ኢ ታ ኣይፊያን ጉላ ኡርቃ ቲዩሰ። ታ ኣይፊያ ሚጩታዳ ሃዒ ያላይሰ» ያገሰ።

16 ፋሪሳዊታፔ ኢሶቲ ኢሶቲ፡ «ሃይሳ ኦሊዳ ኣዳይ ሳምባታ ሂጊያ ናጎና ገሾ ያሳ ማታፔ ዩቤና» ያገደሶና።

ሺን ሃራቲ፡ «ናጋራንቸ ኣሲ ሃይሳ ማላ ማላታ ዋቲ ኦላናው ዳንዳዒ?» ያገዲ ባንታ ጊዶን ሻኬቲደሶና።

17 ሃሳ ገሾ፡ ፋሪሳዊቲ ኣዲያኮ፡ «ኢ ኔ ኣይፊያ ያሊሲዳ ገሾ ኔ ኢያባ ዋይጋይ?» ያገደሶና።

ኣዳይ፡ «ኢ ናቤ» ያገሰ።

18 ኣይሁዳ ሃላቃቲ፡ ኢያ ኣዩወኔ ኣዋ ያገዲ ኦይቻና ጋካናው፡ ኣዳይ ካሴ ቆቄ ጊዲዲይሳኔ ሃዒ ኢ ያሊይሳ ኣማኒቦኮና። 19 ኤንቴ ኢያ ኣዩወኔ ኢያ ኣዋኮ፡ «ሂንቴ «ቆቄ ጊዲዲ ዩሌቲሰ» ጊያ ሂንቴ ናዓይ ሃይሰ? ያቲን፡ ሃዒ ዋኒዲ ያሊዳ?» ያገዲ ኦይቹደሶና።

20 ኢያ ዩሌዲይሳቲ፡ «ሃይሲ ኮና ጊዲዲይሳኔ ቆቄ ጊዲዲ ኢ ዩሌቲዳይሳ ኮ ኤርሰ። 21 ሺን ሃዒ ኢ ዋኒዲ ያሊዳኮ ቃሲ ኢያ ኣይፊያ ኦኒ ፓሊዳኮ ኮኒ ኤርኮ። ኢያ ኦይቹቲ። ኢ ባና ኤሪዳ ኣሲ ጊዲያ ገሾ ባባ ኦዳናው ዳንዳዒ» ያገደሶና። 22 ኢያ ዩሌዲይሳቲ ሃሳ ጊዳይ ኣይሁዳታሰ ያዩዳ ገሾሳ። ኣይሰ ገኮ፡ ኣይሁዳቲ፡ ዩሱሲ ኢ ከሪሰቶሳ ያገዲ ማርካቲያ ኣሲ ዳዒኮ ሄ ኡራ ኣይሁዳ ዋሳ ኬላፊ ሂላናው ኮይርቲዲ ዘሬ ቃቹደሶና። 23 ኢያ ዩሌዲይሳቲ፡ «ኢ ባና ኤሪዳ ኣሲ፤ ኢያ ኦይቹቲ» ያገዲይ ሃሳሳ።

24 ሃሳ ገሾ፡ ቆቄ ገዲዲ ዩሌተዳ አዲያ ኤንቲ ዛሪ ያገደ፡ «ቱማ ኦዳናው ያሳን ጫቃ፤ ሃ አዳይ ናጋራንቸ ገደይሳ ኑ ኤሮስ» ያገደሰና።

25 አዳይ ዛሪዲ፡ «ኢ ናጋራንቸ ገዲን፡ ገደና ኢዳን ታ ኤሪኤ። ታኒ ቆቄ ገደይሳኔ ሃዲ ያሌይሳ ሃ ኢሲባ ኤራይስ» ያገደሰ።

26 ኤንቲ ዛሪዲ፡ «ኢ ኔው አይ ኦሊዳ? ኢ ኔ አይፊያ ዋቲ ፓሊዳ?» ያገደሰና።

27 ኢ ኤንታኮ፡ «ታኒ ሂንቲው ኦዳስ፡ ሺን ሲባቤከታ። አይስ ዛሪ ሲባናው ኮዬቲ? ሂንቲካ ኢያ ታማሬ ገዳናው ኮዬቲዬ?» ያገደሰ።

28 ኤንቲ ኢያ ጫዩዲ፡ «ኔ ሄ ኡራ ታማሬ ገዳ፤ ኑኒ ሙሴ ታማሬ። 29 ያሳይ ሙሴስ ኦዲዳይሳ ኑኒ ኤሮስ፡ ሺን ሃ ኡራይ ኢ አወፔ ዩዳኮካ ኑ ኤሮኮ» ያገደሰና።

30 አዳይ ኤንታኮ፡ «ኢ አወፔ ዩዳኮ ሂንቲ ኤሮናይሲ ማላሊሲያባ፡ ሺን ኢ ታ አይፊያ ፓሊስ። 31 ያሳ ቦንቹይሳኔ ኢ ኮያባ ኦሊያ ኡራ ያሳይ ሲባሲፔ ኣቲን ናጋራንቸታ ሲባና። 32 ሳሎይ ሳዲ ማዴቶሳፔ ቆቄ ገዲዲ ዩሌተዳ አሳ አይፊ ፓሊዳይ ኦኒካ ባዋ። 33 ሃ አዳይ ያሳፊ ከቲቲቦናባ ገዲያኮ ኢሲባካ ኦላናው ዳንዳዔና» ያገደሰ።

34 ኤንቲ ዛሪዲ፡ «ኔኒ ናጋራን ዩሌታዳ ዲጪዳይሲ ኑና ታማርሳናው ኮያይ?» ያገደሰና። ኢያ አይሁዳ ዋሳ ኬላፊ ሂሊደሰና።

ዋዛና ቆቄቲሳ

35 ዩሱሲ ኤንቲ አዲያ ኬሲዳይሳ ሲባዳ ዋዳ ኢያ ዳሚዲ፡ «አሳ ናባ አማናይ?» ያገደሰ ኦይቸሰ።

36 አዳይ ዩሱሳኮ፡ «ጎዳው፡ ታኒ ኢያ አማናና ማላ ኢ ኦኔ? ታው ኦዳርኪ?» ያገደሰ።

37 ዩሱሲ አዲያኮ፡ «ኔኒ ኢያ ቤባዳሳ፤ ሃ ኔራ ኦዳቲይሲ ኢያ» ያገደሰ።

38 አዳይ ዛሪዲ፡ «ጎዳው፡ አማናይስ» ያገደሰ ዩሱሳስ ጎይኒስ።

39 ዩሱሲ፡ «ቆቄቲ ያላና ማላኔ ያሌይሳቲ ቆቃና ማላ ታኒ ፐርዳናው ሃ አሳሚያ ያስ» ያገደሰ።

40 ኢያራ ዳዒያ ጉላ ፋሪሳዌቲ ሃሳ ሲባዲ፡ «ኑ ቆቄዬ?» ያገደሰ ኦይቸደሰና።

41 ዩሱሲ፡ «ሂንቲ ቆቄ ገዲያኮ ሂንቲው ናጋራ ገዳና። ሺን ሃዲ ሂንቲ ያሎስ ገያ ገሾ ሂንቲ፡ ሂንቲ ናጋራን ዳዔታ» ያገደሰ።

10

ዩሱሲ ሎዖ ሄንሳንቸ

1 ዩሱሲ፡ «ታኒ ሂንቲው ቱማ ኦዳይስ፤ ደርሳ ገርቤ ገደ ፔንጌራ ገደና ሃራራራ ጌሊያ ኦኒካ ካይሶኔ ፓንጋ።

2 ሺን ፔንጌራ ጌሊይሲ ደርሳታ ሄማይሳ። 3 ፔንጌያ ናጌይሲ ኢያው ፔንጌያ ደዬስ፤ ደርሳቲካ ኢያ ቃላ ሲያሰና። ኢ ባ ደርሳታ ኤንታ ሱንላን ሱንላን ያጌስ፤ ኤንታ ካሌሊዲ ካሬ ኬሴስ። 4 ኢ ባይሳታ ካሬ ኬሴዳፔ ጉዬ ኤንታ ሲንላን ሃሙቲስ። ኤንቲ ኢያ ቃላ ኤሪያ ገሾ ኢያ ካሎሰና። 5 ሃራ ኡራ ቃላ ኤንቲ ኤሮና ገሾ ኢያፔ ባቃቶሰናፔ ኣቲን ኢያ ጌደ ካሎኮና» ያገደሰ።

6 ዩሱሲ ኤንታው ሃ ሎሚሱዋ ኦዲስ፡ ሺን ኢ አይ ገዳኮ ኤንቲ ኣኬኪቦኮና።

7 ዛሪዲ ዩሱሲ ኤንታኮ፡ «ታኒ ሂንቲው ቱማ ኦዳይስ፤ ታኒ ደርሳታስ ፔንጌ። 8 ታፔ ሲንሌ ዩዳ ኡባይ ካይሶኔ ፓንጋ፤ ሺን ደርሳቲ ኤንታ ሲባሰኮና።

9 ፔንጌይ ታና፤ ታ ባጋራ ጌሊያ ኦኒካ ኣታና። ኢ ታ ባጋራ ጌላናኔ ኬያና፤ ሎዖ ሄማቲያ ቤሲ ዳማና። 10 ካይሶይ ካይሶታናው፡ ሹካናወኔ ቆይሳናው ዩሲፔ ኣቲን ሃራባስ ዩና። ታኒ ኤንታው ዳይይ ዳና ማላኔ ኩሚዲ ፓላሃና ማላ ያስ።

11 «ታኒ ሎዖ ሄንሳንቸ፤ ሎዖ ሄንሳንቸይ ባ ደርሳታ ገሾ ባ ሹምፑዋ አላ ኢማስ። 12 ኬራ ሄማያ አሲ ደርሳታ ጎዳኔ ሄንሳንቸ ገደና ገሾ ሱዳሚይ ያ ዋዳ ቤባዲ ደርሳታ ኣገዲ ቤስ። ሃሳ ገሾ፡ ሱዳሚይ ደርሳታ ኦይኪዲ ላሌስ። 13 ኬራ ሄማይሲ ሚሼስ ሄማያ ገሾኔ ደርሳታባይ ኢያ ቆፊሶና ገሾ ደርሳታ ኣገዲ ባቃቲስ።

14-15 «ታኒ ሎዖ ሄንሳንቸ። ታ አዋይ ታና ኤሬይሳዳ ታኒካ ታ አዋ ኤራይስ። ሃሳዳካ፡ ታኒ ታ ደርሳታ ኤራይስ፤ ታ ደርሳቲካ ታና ኤሮሰና። ታኒ ታ ደርሳታ ገሾ ታ ሹምፑዋ አላ ኢማይስ። 16 ሃ ወዲያን ባይና ሃራ ደርሳቲ ታው ዳዖሰና። ታኒ ኤንታካ ኤሃናው ቤሴስ። ኤንቲ ታ ቃላ ሲባና፤ ኤንቲ ኢሲ ወዳ ገዳና፤ ሄንሳንቸይካ ኢሱዋ።

17 «ታኒ ታ ሹምፑዋ አላ ኢማዳ ዛራ ኤኪያ ገሾ ታ አዋይ ታና ደሴስ። 18 ታ ደሳዳ ታ ሹምፑዋ አላ ኢማይሲፔ ኣቲን ታፔ ኦኒካ ኤኬና። ታ ታ ሹምፑዋ አላ ኢማናወኔ ዛራ ኤካናው ማቲ ታው ዳዔስ። ታኒ ኦላና ማላ ታ አዋይ ታና ከቲዳይሲ ሃይሳ» ያገደሰ።

19 ሃሳ ኢ ገዳ ገሾ አይሁዳታ ገደን ቃሲካ ሻኬቲላ ማዴቲስ። 20 ኤንታፊ ዳሪያ ባጋይ፡ «ኢያን ቱና ኣያኒ ዳዔስ! ኢ ጎዬስ! ኢ ገያባ ኣይስ ሲባቲ?» ያገደሰና።

21 ሃራቲ ቃሲ፡ «ፃላሄይ ኦይኪዳ አሲ ሃይሳዳ ኦዳቲና። ቱና ኣያኒ ቆቄ ኣይፊ ያሊሳናው ዳንዳዔዬ?» ያገደሰና።

22 ዩሱሲ አሳ ናባ

23 ዩሱሲ ያሳ ኬላን ሰሎሞኔ ባራንዳን ሲማሬቴስ። 24 አይሁዳቲ ዩሱሳ ዩሾን ሸቄ ኤቁዲ፡ «ኔኒ ኑና አወዳ ጋካናው ሲዴራ ዋላኔ? ኔኒ ከሪሰቶሳ ገዲኮ ኣኔ ኑስ ጌሻዳ ኦዳ» ያገደሰና።

25 ዩሱሲ ዛሪዲ ኤንታኮ፡ «ታኒ ሂንቲው ኦዳስ፤ ሺን ታና ኣማኔኬታ። ታኒ ታ አዋይ ታው ኢሚዳ ማታን ኦሊያ ኦሶይ ታባ ማርካቲስ። 26 ሺን ታኒ ሂንቲው ኦዲዳይሳዳ ሂንቲ ታ ደርሴ ገደና ገሾ ኣማኔኬታ። 27 ታ ደርሳቲ ታ ቃላ ሲያሰና። ታኒ ኤንታ ኤራይስ፤ ኤንቲካ ታና ካሎሰና። 28 ታኒ ኤንታው ማሪና ዳዑዋ ኢማይስ፤ ኤንቲ ኡባራካ ቆዮኮና። ኦኒካ ታ ኩሼፔ ኤንታ ቦንቄ ኤካናው ዳንዳዔና። 29 ኤንታ ታው ኢሚዳ ታ አዋይ ኡባፊ ኣዴስ * ኦኒካ ታ አዋ ኩሼፔ ኤንታ ቦንቄ ኤካናው ዳንዳዔና። 30 ታኔ ታ አዋይ ኢሲና» ያገደሰ።

31 አይሁዳቲ ዩሱሳ ጫዳናው ቃሲካ ሹቺ ዳንሊደሰና። 32 ዩሱሲ ኤንታኮ፡ «ታኒ ኦላና ማላ ታ አዋይ ታው ኢሚዳ ዳር ሎዖ ኦሶታ ሂንቲና ኦላ ቤሳስ።

10:14-15 ማቶ 11:27፤ ሉቃ 10:22 * 10:29 ታ አዋይ ኡባፊ ኣዴስ፡ ኢሲ ኢሲ ቤኒ ማፃፋቲ፡ «ታ አዋይ ታው ኢሚዳ ኤንቲ ኡባፊ ኣዴሰና» ያሳሰና።

ሄሳታቴ አዉሳ ጊሾ ታና ሹቻን ጫዳናው ኮዬቲ?» ያገሰ።

33 አይሁዳቲ ዛሪዲ፡ «ኑኒ ኔና ኔ ሎዎ አሶ ጊሾ ሹቻን ጫዳናው ኮዮኮ። ሺን ኔኒ ያሳ ጫያ ጊሾኔ አሴ ጊዳሼ ኔ ኔና ያሴ ጊያ ጊሾሳ» ያገደሶና።

34 ዬሱሲ ዛሪዲ፡ «ጌሻ ማፃፋን ያሳይ፡ ሂንቴ ያሳታ» ጊዳይሲ ዓፌቲቤኔ? 35 ጌሻ ማፃፋይ ማሪናው ለማቲና፡ ያሳይ ባ ቃላ አሚዳ አሳታ፡ (ያሳታ) ጊዲ ያገኘ፡ 36 አዋይ ደሪዲ ሃ አላሚያ ከቲዳ ታና ያሳ ናባ ዋቲዲ (ያሳ ጫያሳ) ያገቱ? 37 ታኒ ታ አዋይ አሌይሳ አሶና አዲኮ ታና አማናፒቲ። 38 ሺን ታኒ አሊያባ ጊዲኮ ሂንቴ ታና አማናና አዲኮካ፡ ታ አዋይ ታናን ዴይሳኔ ታካ ታ አዋን ዴይሳሳ ሂንቴ ኤራና ማላ ታ ኦሱዋ አማኒቲ» ያገሰ።

39 ቃሲካ ኤንቲ ኢያ አይካናው ኮዩደሶና፡ ሺን ኢ ኤንታፌ ኬሲ ኤከሲ።

40 የሃሊሲ ካሴ ዓማቂያ ቤሳ፡ የርዳናሴ ሻፋፕ ሄፊንሌ ዬሱሲ ፒኒዲ ያን ዴሲሲ። 41 ዳሮ አሳይ ዬሱሳኮ ዩዲ፡ «የሃሊሲ ማላታ አሊቤና፡ ሺን ኢ ሃ አዲያባ አዲዳባይ ኡባይ ቱማ» ያገደሶና። 42 ያን ዳሮ አሳይ ዬሱሳ አማኒደሶና።

11

አላዛሪ ሃይቁዋ

1 ቢታኒያ ጉታን አላዛሪ ጊያ ኢሲ አዳይ ሃርጌቲሰ። ቢታኔይ ማይራማኔ ኢ ሚቹያ ማርታ ዴዲያ ጉታ።

2 ማይራማ ጎዳ ቶሁዋ ሺቶ ቲያዳ ባ ቢናን ኢያ ቶሁዋ ቁቹዳሮ። ሃርጌቲዳይ ኢ አሻ አላዛሪ። 3 ሄሳ ጊሾ፡ ሚቹቲ፡ «ጎዳው፡ ኔ ደሴይሲ ሃርጌቲሰ» ጊዲ ዬሱሳኮ ከቲደሶና።

4 ዬሱሲ ሄሳ ሲዲዳ ዎዴ «ሃ ሃርጌይ፡ ያሳይኔ ኢያ ናባይ ቦንቹታና ማላፕ አቲን ሃይቆሰ ጋሊያ ሃርጌ ጊዳና» ያገሰ።

5 ዬሱሲ ማርታ፡ ኢ ሚቹዉኔ አላዛሪ ደሴሰ። 6 ሺን አላዛሪ ሃርጌዳይሳ ዬሱሲ ሲዲዲ ባ ዴዲያ ቤሳን ናምቡ ጋላሰ ጋምሲ። 7 ሄሳፌ ጉዬ፡ ዬሱሲ ባ ታማራታኮ፡ «ዛሪዲ ዩሁዳ ቢታ ቦሰ» ያገሰ።

8 ኢያ ታማራቲ ዛሪዲ፡ «አሰታማሪያው፡ ጉሳ ዎዴፕ ካሴ አይሁዳቲ ኔና ሹቻን ጫዲዲ ዎቆናው ኮዩደሶና፤ ሃሳካ ያ ባኔ?» ያገደሶና።

9 ዬሱሲ፡ «ኢሲ ጋላሳን ታማኔ ናምቡ ሳቲይ ዴዴሰ ጊዴኔዬ? ጋላሰ ሃሙቲያ አሲ ሃ አላሚያ ፖቡዋ ቤዲያ ጊሾ ቆሴቲና። 10 ሺን ቃማ ሃሙቲያ ኦኒካ ፖይይ ባይና ጊሾ ቆሴቲሰ» ያገሰ። 11 ዬሱሲ ሄሳ ጊዳፕ ጉዬ ኤንታኮ፡ «ኑ ደሴያ አላዛሪ ቆሰከሲ፡ ሺን ኢያ ዴንፋናው ታኒ ባና» ያገሰ።

12 ኢያ ታማራቲ ዛሪዲ፡ «ጎዳው፡ ኢ ቆሰከዳባ ጊዲኮ ኢያው ሎባና» ያገደሶና።

13 ዬሱሲ አላዛሪ ሃይቁዳይሳ አዲሰ፡ ሺን ኤንታው ጮ ቆሰኮ ዳኒሰ። 14 ሄሳ ጊሾ፡ ዬሱሲ ጌሺዲ ኤንታኮ፡ «አላዛሪ ሃይቁሰ። 15 ሂንቴ አማናና ማላ ታኒ ሄ ቤሳን ዴዳይሳሰ ሂንቴ ጊሾ ኡፋይታይሰ። አኔ ዬቆቲ፤ ኢያኮ ቦሰ» ያገሰ።

16 ሄሳፌ ጉዬ፡ ዲዲሞሳ * ጌቲቲያ ቶማሲ ባ ላጌ ታማራታኮ፡ «አሰታማሪያራ ሃይቃናው ኑካ ቦሰ» ያገሰ።

ዬሱሲ ዴንዶኔ ዴዎ

17 ዬሱሲ ጋኪያ ዎዴ አላዛሪ ሞጌቲን ኦይዲ ጋላሰ ጊዲሲ። 18 ቢታኔይ ዬሩሳላሜፕ ሄቶ ከሎ ሚቲሪ ማላ ሃኬሰ። 19 ዳሮ አይሁዳቲ ማርታኔ ማይራሞ ኤንታ አሻይ ሃይቁዳይሳሰ ሚንጭፋናው ዩደሶና።

20 ማርታ ዬሱሲ ዩዳይሳ ሲዲዳ ኢያ ሞካናው ኬያሱ፡ ሺን ማይራማ ሶን አታሱ። 21 ማርታ ዬሱሳኮ፡ «ጎዳው፡ ኔኒ ሃይሳን ዴዲዳባ ጊዲያኮ ታ አሻይ ሃይቁና። 22 ሺን ሃሳ ጊዲኮካ ኔኒ ዎሲያባ ያሳይ ኔው አማናይሳ ታኒ ኤራይሰ» ያገሰ።

23 ዬሱሲ፡ «ኔ አሻይ ሃይቆፕ ዴንዳና» ያገሰ።

24 ማርታ ኢያኮ፡ «ዉርሴሳ ጋላሰ ኢ ሃይቆፕ ዴንዳናይሳ ኤራይሰ» ያገሰ።

25 ዬሱሲ ኢኮ፡ «ታኒ ዴንዶኔ ዴዎ፤ ታና አማኒያ ኦኒካ ሃይቁኮካ ዴዎን ዳና። 26 ቃሲ ዴዎን ዴዴይኔ ታና አማኒያ ኦኒካ ሃይቁና። ሄሳ ኔኒ አማናይ?» ያገሰ።

27 ማርታ ዛሪዲ፡ «ጎዳው፡ ኤ ታኒ አማናይሰ! ኔኒ ያሳ ናባ፡ አላሚያ ያናው ዴዲያ ከሪሰቶሳ ጊዴይሳ ታኒ አማናይሰ» ያገሰ።

28 ማርታ ሄሳ ጊዳፕ ጉዬ፡ ባዳ ባ ሚቹው ጌማን ያጋዳ፡ «አሰታማሪይ ዩዲ ኔና ኮዬሰ» ያገሰ።

29 ማይራማ ሄሳ ሲዲዳ ዎዴ ኤሌሳ ዴንዳ ኤቃዳ ዬሱሳኮ ባሰ። 30 ሄ ዎዴ ዬሱሲ ማርታራ ጋሂቲዳ ቤሳን ዴዴሰ፤ ቡሮ ጉታ ጋኪቤና። 31 ማይራሞ ሚንጭሊሼ ኢራ ሶን ዴዲያ አይሁዳቲ፡ ኢያ ዴንዳ ኤቃዳ ኤሌሳዳ ካሪ ኬዩዳይሳ ቤዲዲ፡ ዲፎ ባዳ ዬካናው ሃኒያ ዳኒን ኢዮ ካሊዲ ኬዩደሶና።

32 ማይራማ ዬሱሲ ዴዲያሱዋ ባዳ ኢያ ቤዲዳ ዎዴ ኢያ ቶሁዋ ቦላ ኩንዳዳ፡ «ጎዳው፡ ኔኒ ሃይሳን ዴዲዳባ ጊዲያኮ ታ አሻይ ሃይቁናሺን» ያገሰ።

33 ዬሱሲ ማይራማኔ ኢራ ዴዲያ፡ አይሁዳቲ ዬኬይሳ ቤዲዲ፡ ባ ዎዛናን ዳሮ ሴሌቲዲ፡ 34 «አዉን ሞጊዴቲ?» ያገደሶና። ሃይቁኑ፡ «ጎዳው፡ ያዳ ቤባ» ያገደሶና።

35 ዬሱሲ አፋዲሰ። 36 ሄሳ ጊሾ፡ አይሁዳቲ፡ «ኢ አላዛሪ አይ ማላ ደሴያኮ ቤዲቲ» ያገደሶና።

37 ሺን ኤንታፌ ኢሶቲ ኢሶቲ፡ «ሃይሲ ቆቁያ ያሊሲዳይሲ ሃ አዳይ ሃይቆና ማላ አፋናው ዳንዳዴኔሺን?» ያገደሶና።

ዬሱሲ አላዛሪ ሃይቆፕ ዴንገሊሰ

38 ቃሲካ ዬሱሲ ሴሌቲዲ፡ አላዛሪ ሞጌቲዳ ዲፋዋ ቢሰ። ሄ ዲፎይ ሹቻን ጎርዴቲዳ ጎንጎሎ። 39 ዬሱሲ፡ «ሹቻ ዴንገሊቲ» ያገደሶና።

ማርታ፡ «ጎዳው፡ ኢ ሃይቆሳፕ ኦይዲ ጋላሰ ጊዲዳ ጊሾ ሃሳ ዴንቃና» ያገሰ።

40 ዬሱሲ ማርታኮ፡ «ኔ አማኒያባ ጊዲኮ ያሳ ቦንቹዋ ቤዳናይሳ ታኒ ኔው አዳቢኪና?» ያገሰ። 41 ኤንቲ ሹቻ ዴንገሊን ዬሱሲ ሳሎ ፑዴ ያሊዲ፡ «አዋው፡ ታና ኔ ሲዲዳ ጊሾ ኔና ጋላታይሰ። 42 ኔ ኡባ ዎዴ ታና ሲዲዳባ ታኒ ኤራይሰ። ሺን ሃይሳን ኤቁዳ አሳይ ኔኒ ታና ከቲዳይሳ አማናና ማላ ታኒ ኤንታ ጊሾ ሃይሳ ጋይሰ» ያገሰ።

43 ዬሱሲ ሄሳ ጊዳፕ ጉዬ፡ ባ ቃላ ቆቁ ኦሊዲ፡ «አላዛሪ፡ ሃ ኬያ!» ያገሰ። 44 ሃይቁዳ አዳይ ዚጴቲዳ ማላ ኩሼይኔ ቶሆይ ሻሎን ቃሼቲዲ ዴዲሺን ኢያ

አይፌ ካሬይ ጎዜቲዳ ሜላ ዱፉዋፔ ኬዩስ። ዩሱሲ ከንታ። «ቢርሺቴ! ቦ ጌቴ!» ያገሰ።

ኪሪስቶስ ቦላ ማቄተደሶና
(ማቶ 26:1-5፤ ማር 14:1-2፤ ሉቃ 22:1-2)

45 ሄሳ ጊሾ። ማይራሚኮ ዪዳ አይሁዳታፔ ዳርቲ ዩሱሲ ኦሊዳይሳ ቤዒዲ ኢያ አማኒደሶና። 46 ሺን ከንታፊ ኢሶቲ ኢሶቲ ፋሪሳዊታኮ ቢዲ ዩሱሲ ኦሊዳይሳ ከንታው ኦዲደሶና። 47 ሄሳፊ ጉዬ። ካሂኔ ሃላቃቲኔ ፋሪሳዊቲ ቫንጉዋ ሺሺዲ። «ሃ አዳይ ዳር ማላታታ ኦሊያ ጊሾ ኑ አይ ኦሊያ? 48 ኑኒ ኢያ ሲዒ ጊዲ አገኩ አሳ ኡባይ ኢያ አማናና። ቃሲ ሮሜ ቢታ አሳቲ ዪዲ ኑ ያሳ ኬላኔ ኑ ዴሪያ ጳይሳና» ያገደሶና።

49 ከንታፊ ኢሶይ ቃያፋ ጌይሲ። ሄ ላይሊ ካሂኔ ሃላቃ ጊዲዳይሲ። «ሂንቲ አይኮካ ኤሬኬታ! 50 አሳይ ኡባይ ጳይይሳፊ አሳ ኡባ ጊሾ ኢሲ አሲ ሃይቄይሲ ሎዖ ጊዳይሳ ኤሬኬቲ?» ያገሰ። 51 ኢ ሄሳ ባፔ ጊቤና። ሺን ሄ ላይሊ ካሂኔ ሃላቃ ጊዲያ ጊሾ ዩሱሲ አይሁዳ አሳ ጊሾ ሃይቃናው ቤሴይሳ ቲንቢቲ ኦዲሰ። 52 ቃሲ ዩሱሲ አይሁዳ አሳ ፃላላስ ጊደናሺን ላሌቲዲ ዴዒያ ያሳ አሳ ኡባ ኢሲፊ ሺሻናውኔ ኢሲ አሲ ኦላናው ሃይቃና።

53 ሄ ጋላሳፔ ደሚዲ ከንቲ ኢያ ዋጳናው ማቄተደሶና። 54 ሄሳ ጊሾ። ዩሱሲ አይሁዳታ ጊደን ቆንጩን ሲሜሬቲቤና። ሺን ባዞ ቢታ ማታን ዴዒያ ኤፍሬሜ ጉታ ቢስ። ባ ታማሬታራ ሄ ቤሳን ጋምዒሰ።

55 አይሁዳቲ ቦንቹያ ፓሲካ ጋላሳይ ማቲስ። ቃሲ ዳር አሳይ ባንታና ጌሻናው ፓሲካ ቦንቹያ ጋላሳይ ጋካናፔ ሲንሌ ሄ ቢታፊ ዩሩሳላሜ ቢደሶና። 56 ከንቲ ያሳ ኬላን ኤቄዲ ዩሱሳ ዩሳ ናጊያ ጊሾ «አይ ቆፔቲ? ዩሱሲ ባሊያ ቦንቻናው ዩኔ?» ያገዲ ኢሶይ ኢሱዋ ኦይቹደሶና። 57 ካሂኔ ሃላቃቲኔ ፋሪሳዊቲ ዩሱሳ ኦይካናው። ኢ ዴዒያሱዋ ኤሪያ ኦኒካ ባንታው ኦዳና ሜላ ከቲደሶና።

12

ዩሱሳ ሺቶ ቲዪዳ ማጫሲው
(ማቶ 26:6-13፤ ማር 14:3-9)

1 ፓሲካ ቦንቹያ ጋላሳፔ ኡሱቸን ጋላስ ሲንላቲዲ። ዩሱሲ ሃይቆፔ ዴንሊዳ አላዛሪ ዴዒያ ጉታ። ቢታኒያ ቢስ። 2 ሄ ቤሳን ከንቲ ኢያው ካሆ ጊጊሲደሶና። አላዛሪ ዩሱሳራ ኢሲፊ ጋይታ ቦላ ኡቲዳሺን ማርታ ከንታና ሞካውሱ። 3 ማይራሚ ናርደሴ ጊያ ዳር አለዖ ጌሻ ሺቶ ኤሃዳ ዩሱሳ ቶሁዋ ቲያሱ። ባ ቢናናን ኢያ ቶሁዋ ቁቻሱ፤ ኬላ ኡባይ ሺቶ ሳዎን ቶንጉ ጊስ።

4 ሺን ዩሱሳ ታማሬታፔ ኢሶይ። ዩሱሳ አሊ አማናይሲ። አሰቆርታ ዪሁዲ። 5 «አይሰ ሃ ሺቶይ ሄዡ ጭቲ ዲናሬን ባይዜቲዲ። ሚሼይ ማንቆታስ አሜቴ?» ያገሰ። 6 ኢ ካይሶ ጊዲዳ ጊሾ ሄሳ ጊሲፔ አቲን ማንቆታስ ቃጭቲዲ ጊቤና። ኢ ሚሼ ካርጻታ ኦይኬይሳ ጊዲያ ጊሾ ኡባ ዋዴ ኢያፔ ባው ኤኬስ።

7 ዩሱሳ። «ኢያ ባው ዴዒያ ታ ሞሳ ጋላሳስ ሚንጂዳ ጊሾ ኢዮ አጋጊቲ። 8 ማንቆቲ ኡባ ዋዴ ሂንቴራ ዳና። ሺን ታኒ ኡባ ዋዴ ሂንቴራ ዴዒኬ» ያገሰ።

12:3 ሉቃ 7:37-38 12:8 ዛሬ 15:11 12:13 ማዝ 118:25-26 12:14-15 ዛካ 9:9 12:25 ማቶ 10:39፤ 16:25፤ ማር 8:35፤ ሉቃ 9:24፤ 17:33

9 ሄ ዋዴ ዳር አሳይ ዩሱሲ ቢታኒያን ዴዒይሳ ሲዒዲ ያ ቢደሶና። ከንቲ ዩሱሳ ፃላላ ጊደናሺን ኢ ሃይቆፔ ዴንሊዳ አላዛሪካ ቤዒናው ቢደሶና። 10 ሄሳ ጊሾ። ካሂኔ ሃላቃቲ አላዛሪካ ቃሲ ዋጳናው ማቄተደሶና። 11 አይሰ ጊኮ። አላዛሪ ጋሶን ዳር አይሁዳቲ ከንታና ኢዲዲ ዩሱሳ አማናሶና።

ዩሱሲ ቦንቹን ዩሩሳላሜ ጌሊስ
(ማቶ 21:1-11፤ ማር 11:1-11፤ ሉቃ 19:28-40)

12 ዋንቴላ ጋላስ ፓሲካ ቦንቹያ ቤሳ ዪዳ ዳር አሳይ ዩሱሲ ዩሩሳላሜ ቤይሳ ሲዒዲ። 13 ዛምባ ሃይሊ ኤኪዲ ኢያ ሞካናው ኬዪደሶና። ባንታ ቃላ ጶቁ ኦሊዲ።

«ሆሳና! ያሳይ ጋላቲቶ!
ጎዳ ሱንላን ዩይሲ አንጃቶ!
ያሳይ ኢስራዔል ካወዋ አንጃ!»
ያገደሶና።

14-15 ጌሻ ማፃፋን።
«ጻዮኔ ካታማው። ባቦፋ!
ሂኮ። ኔ ካዎይ ሃሪ ማራ ቦላ ኡቲዲ ዩስ»
ጌቴቲዳይሳዳ ዩሱሲ ሃሪ ማሪ ዴሚዲ ኢያ ቶጊስ።

16 ዩሱሳ ታማሬቲ ሄሳ ካሴ አኬኪቦኮና። ሺን ዩሱሲ ቦንቹቲዳፔ ጉዬ ከንቲ ሄሳ ኡባ አኬኪደሶና። ሄሲ ኡባይ ጌሻ ማፃፋይ ጊዳይሳዳ ሃኒስ።

17 ዩሱሲ አላዛሪ ዲፎፔ ጃጊዲ። ሃይቆፔ ዴንሊዳ ዋዴ ኢያራ ዴዒያ ዳር አሳይ ዩሱሳባ ማርካቲደሶና። 18 ዳር አሳይ ኢያ ሞካናው ኬዪደይ። ኢ ሄ ማላታታ ኦሊዳይሰሳ ሲዒዳ ጊሾሳ። 19 ሄሳ ጊሾ። ፋሪሳዊቲ ኢሶይ ኢሱዋኮ። «ኑ አይኮካ ኦላናው ዳንደያናይሳ ቤዒቲ፤ ዴሪ ኡባይ ኢያ ካሌስ» ያገደሶና።

20 ፓሲካ ቦንቹያ ጋላስ ጎይናናው ዩሩሳላሜ ቢዳይሳታ ጊደን ኢሲ ኢሲ ጊሪኬ አሳቲ ዴዖሶና።

21 ከንቲ ጋሊላ ቢታን ቤቴሳይዳ ካታማፔ ዪዳ ፊልጶሳኮ ቢዲ። «ጎዳው። ኑኒ ዩሱሳ ቤዒናው ኮዮስ» ያገዲ ዋሲደሶና። 22 ፊልጶሲ ቢዲ ኢንዲሪያሳስ ኦዲን ናምዓይ ቢዲ። ዩሱሳስ ኦዲደሶና።

23 ዩሱሲ ከንታኮ። «አሳ ናዓይ። ቦንቹቲያ ዋዴይ ጋኪስ። 24 ታኒ ሂንቴው ቱማ ኦዲይሰ፤ ኢሲ ጊስቲ አይፊይ ቢታን ዋጲዲ ዋቆና ኢዲኮ ባርካ አቲስ። ሺን ሄ ጊስቲ አይፊይ ዋቄኮ ዳር አይፊ አይፊስ። 25 ባ ሺምፑዋ ደሲያ ኦኒካ ጳይሴስ፤ ባ ሺምፑዋ ሃ አላሚያን ኢዲያ ኦኒካ ሜሪና ዴዖስ አሺስ። 26 ታኒ ዴዒያሱዋን ታራ ዳና ሜላ ታው ኦላናው ኮያ ኦኒካ ታና ካላናው ቤሴስ። ታው ኦሊያ ኦናካ ታ አዋይ ቦንቻና።

ዩሱሲ ባ ሃይቆዋባ ሲንላቲዲ ኦዲስ

27 «ሃዒ ታ ሺምፖይ ዳር ኡንዒቲስ፤ ያቲን ዋይሳ? ሓ አዋው። ታና ሃ ሳቴፔ አሻርኪ» ያጎ? አካይ። ታኒ ዪዳይ ዋዬ ኤካናሳ። 28 ታ አዋው። ኔ ሱንላ ቦንቻ» ያገሰ።

ሄ ዋዴ ሳሎፔ። «ታኒ ታ ሱንላ ቦንቻስ፤ ዛራዳካ ቦንቻና» ያገያ ቃላይ ዪስ።

29 ሄ ቤሳን ኤቄዳ ዳር አሳይ ሄ ቃላ ሲዒዲ። «ሄሲ ዳዳ» ያገደሶና።

ሃራቲ ቃሲ። «ኪታንቹይ ኢያው ኦዲስ» ያገደሶና።

30 ዩሱሲ ዛሬዲ ከነታኮ፡ «ሃ ቃላይ ሂንቲ ጊሾ ዩሲፔ ኣቲን ታ ጊሾ ጊዳና። 31 ሃ ኣላሚይ ፒርዳቲያ ዋዳይ ሃዲ፤ ሃ ኣላሚያ ሃሪይሲ ሃዲ ካሬ ሆሌታና። 32 ቃሲ ታኒ ሳዓፔ ጶቁ ኦሴቲዳ ዋዳ ኣሳ ኡባ ታኮ ኤሃና» ያጊሰ። 33 ኢ ሄሳ ጊዳይ ኣይ ማላ ሃይቆ ሃይቃኒኮ ከነታው ቆንጨሳና።

34 ዳር ኣሳይ ዛሬዲ፡ «ኮ ሂንቲ ከሪሰቶሲ ማሪናው ዳዔይሳ ኦዳሰ። ያቲን፡ ኔኒ ዋይጋዳ፡ «ኣሳ ናዓይ ጶቁ ጋናው ቤሴሰን» ጋይ? «ኢ፡ ኣሳ ናዓይ ኦኔ?» » ያጊደሶና።

35 ዩሱሲ፡ «ፖይሪ ሂንቲራ ጉላ ዋዳ ጋሞዓና። ሂንቲው ጱሞና ማላ ፖይሪ ዳዒሺን፡ ፖውዋን ሃውቲቲ። ጱማን ሃውቲያ ኣሲ ኣው ቢያኮ ኤሪና። 36 ፖይሪ ታ ጊዳና ማላ ፖይሪ ዳዒሺን ፖውዋ ኣማኒቲ» ያጊሰ።

ኣይሁዳቲ ኣማኒቦኮና

ዩሱሲ ሄሳ ኦዲዳፔ ጉዬ ቢዲ ከነታፊ ጌሚሰ። 37 ኢ ሄሳ ማላ ማላታታ ከነታ ሲንሳን ኦላንካ ኣማኒቦኮና። 38 ናቢያ ኢሳያሲ፡

«ጎዳው፡ ኮ ማርካቲላ ኦኒ ኣማኒዳ? ጎዳይ ባ ዋላቃ ኦዳሰ ቆንጨሲዳ?» ጊዳይሲ ቱማ ጊዳና ማላ ከነቲ ኢያ ኣማኒቦኮና።

39-40 ቃሲካ ኢሳያሲ፡ «ከነታ ኣይፊይ ደሎና ማላ፡ ከነታ ዋዛናይ ኣኬኮና ማላ፡ ከነቲ ያሳኮ ሲሚን፡ ኢ ከነታ ፓሶና ማላ፡ ያሳይ ከነታ ኣይፊያ ቆቂሲሰ። ከነታ ዋዛና ማኒላሰ።

ጊዳ ጊሾ ከነቲ ኣማናናው ዳንዳዒቦኮና።

41 ኢሳያሲ ሄሳ ጊዳይ፡ ዩሱሳ ቦንቹዋ ቤዒዳ ጊሾኔ ኢያባ ኦዲዳ ጊሾሳ።

42 ጊዳኮካ፡ ኣይሁዳታ ሃላቃታፔካ ዳርቲ ዩሱሳ ኣማኒደሶና። ሺን ፋሪሳዊቲ ባንታና ኣይሁዳታ ዋሳ ኬላፊ ኬሶሶና ጊዳ ያዩዳ ጊሾ ኣማኒዳ ጊዳ ቆንጨኛ ማርካቲቦኮና። 43 ሄሳ ከነቲ ኦላዳይ፡ ያሳን ኤሪታናይሳፊ ኣላዲ ኣሳን ኤሪታናይሳ ደሲዳ ጊሾሳ።

44 ዩሱሲ ባ ቃላ ጶቁ ኦላዳ፡ «ታና ኣማኒያ ኦኒካ ታና ከቲዳይሳካ ኣማኒሰፔ ኣቲን ታ ዓላላ ኣማኒና። 45 ታና ቤዒያ ኦኒካ ታና ከቲዳይሳካ ቤዒሰ። 46 ታና ኣማኒያ ኡባይ ጱማን ደና ማላ ታኒ ፖይ ጊዳዳ ኣላሚያ ያሰ። 47 ታ ቃላ ሲዒዳ ከቲቶና ኦናካ ታኒ ፒርዲኬ። ኣይሰ ጊኮ፡ ታኒ ኣላሚያ ኣሻናው ያሲፔ ኣቲን ፒርዳናው ያሲኬ። 48 ታና ኢዳይሳኔ ታ ቃላ ኤኮና ኦናካ ፒርዳይሲ ዳዒሰ። ታኒ ኦዲዳ ቃላይ ወርሴላ ጋላሰ ሄ ኡራ ፒርዳና። 49 ኣይሰ ጊኮ፡ ታኒ ሄሳ ታፔ ኦዲኬ፡ ሺን ታና ከቲዳ ታ ኣዋይ ታኒ ጋናይሳኔ ኦዳናይሳ ከቲሰ። 50 ቃሲ ኢያ ከታይ ማሪና ዴፖ ጊዳይሳ ታኒ ኤሪይሰ። ሄሳ ጊሾ፡ ታኒ ኦዳይሲ ታ ኣዋይ ታና ኦዳ ጊዳይሳ» ያጊሰ።

13

ዩሱሲ ባ ታማሪታ ቶሁዋ ማጨሰ

1 ፓሲካ ቦንቹያ ጋላሳይ ጋካናፔ ሲንሳቲዲ ሃ ኣላሚያ ኣጊዲ ኣዋኮ ቢያ ዋዳይ ጋኪዳይሳ ዩሱሲ ኤሪሰ። ሃ

ኣላሚያን ዳዒያ ባይሳታ ኡባ ዋዳ ደሲሰ፤ ወርሴላ ጋካናወካ ከነታ ደሲሰ።

2 ዩሱሳራኔ ኢያ ታማሪታራ ኢሲፊ ካሆ ሞሶና። ሄሳፊ ካሴ ዓላሄይ ሲሞና ናዓ ኣሰቆርታ ዩሁዲ ዩሱሳ ኣላ ኢማናዳ ኢያ ዋዛናን ኢታ ቆፋ ዋላሰ። 3 ዩሱሲ ኣዋይ ኡባባ ኢያ ኩሺን ዋላዳይሳ፡ ኢ ያሳ ማታፔ ዩዳይሳኔ ሲሚዲ ኢያኮ ባናይሳ ኤሪሰ። 4 ዩሱሲ ጋይታ ቦላፊ ዳንዲዲ ቦላ ባጋ ማዑዋ ቃሪ ዋላዲ፡ ፖፃ ኤኪዲ ባ ያሳን ማርፃፊሰ። 5 ሄሳፊ ጉዬ፡ ሃሌ ማቻ ማሺን ቲጊዲ፡ ባ ታማሪታ ቶሁዋ ማጨሰ፤ ቃሲ ባ ያሳን ዳንጨዳ ፖፃን ቁቹሰ።

6 ዩሱሲ ሲሞን ጳዒርሳኮ ያ ዋዳ ጳዒርሲ፡ «ጎዳው፡ ኔ ታ ቶሁዋ ማጨኔ?» ያጊሰ።

7 ዩሱሲ ዛሬዲ ኢያኮ፡ «ታኒ ኦላይሳ ኔ ሃዲ ኤራካ፡ ሺን ጉዬፔ ኣኬካና» ያጊሰ።

8 ያቲን፡ ጳዒርሲ፡ «ኔ ታ ቶሁዋ ኡባራካ ማጨካ» ያጊሰ።

ዩሱሲ ኢያኮ፡ «ታኒ ኔ ቶሁዋ ማጨና ኢዲኮ ኔወኔ ታው ኢሲፊፔላ ባዋ» ያጊሰ።

9 ጳዒርሲ ዩሱሳኮ፡ «ጎዳው፡ ያቲኮ፡ ታ ቶሁዋ ዓላላ ጊደናሺን ታ ኩሺያኔ ታ ሁዒያ ማጨ» ያጊሰ።

10 ዩሱሲ ዛሬዲ፡ «ቦላ ማጨቲዳ ኦኒካ ቶሆፔ ሃራባ ማጨታናው ኩሸና፤ ኢያው ኡባሶይ ጌሺ። ሂንቲ ጌሺ፡ ሺን ኡባይ ጌሺ ጊዳኬታ» ያጊሰ። 11 ዩሱሲ ባና ኣላ ኢማና ኡራይ ኦኔኮ ኤሪያ ጊሾ «ሂንቲ ኡባይ ጌሺ ጊዳኬታ» ያጊሰ።

12 ከነታ ቶሁዋ ማጨዳፔ ጉዬ ዩሱሲ ባ ማዑዋ ዛሪ ማዒሰ። ሲሚ ጋይታ ቦላ ኡቲዲ ከነታኮ፡ «ታኒ ሂንቲው ኦላዳይሳ ኣኬኬቲ? 13 ሂንቲ ታና ኣሰታማሪኔ ጎዳ ጌታ፤ ታኒ ሂንቲ ጌይሳ ጊዳያ ጊሾ ሎፖ ጊዳታ። 14 ታኒ ሂንቲው ጎዳኔ ኣሰታማሪ ጊዳሺ ሂንቲ ቶሁዋ ማጨኮ ሂንቲካ ኢሶይ ኢሱዋሰ ሄሳዳ ኦላናው ቤሴሰ። 15 ሂንቲ፡ ታኒ ሂንቲው ኦላዳይሳካ ሂንቲካ ኦላና ማላ ሂንቲው ለሚሶ ጊዳሰ። 16 ታኒ ሂንቲው ቱማ ኦዳይሰ፤ ኣይሴይ ባ ጎዳፔ፡ ከቲቲዳይሲ ከቲዳይሳፊ ኣጼና። 17 ሂንቲ ሄሳ ኤሪዲ ኦላያባ ጊዳኮ ኣንጃቲዳይሳታ።

18 «ታኒ ሂንቲና ኡባ ጊኬ፤ ታኒ ደሪዳይሳታ ኤራይሰ። ሺን ጌሻ ማፃፋን፡ «ታ ባርሲዳይሲ ታ ኩሺያ ሳዒሰ» ጌቲቲዳይሲ ቱማ ጊዳናው ቤሴሰ። 19 ታኒ ታና ጊዳይሳ ሂንቲ ኣማናና ማላ ሄሲ ሃናናፔ ሲንሳታዳ ሂንቲው ኦዳይሰ። 20 ታኒ ሂንቲው ቱማ ኦዳይሰ፤ ታኒ ከቲዳ ኦናካ ሞኪያ ኡራይ ታና ሞኬሰ። ታና ሞኪያ ኦኒካ ታና ከቲዳይሳ ሞኬሰ» ያጊሰ።

ዩሱሲ ባና ኣላ ኢማናይ ኦኔኮ ኮይርቲዲ ኦዲሰ (ማቶ 26:20-25፤ ማር 14:17-21፤ ሉቃ 22:21-23)

21 ዩሱሲ ሄሳ ኦዲዳፔ ጉዬ ባ ዋዛናን ዳር ኡንዔቲዲ፡ «ታኒ ሂንቲው ቱማ ኦዳይሰ፤ ታና ሂንቲፊ ኢሶይ ኣላ ኢማና» ጊዲ ቆንጨሲዲ ኦዲሰ።

22 ኢ ኦዳባ ኦዲያኮ ኢያ ታማሪታሰ ኤሪቶና ኢዲን ኢሶይ ኢሱዋ ያሊደሶና። 23 ኢያ ታማሪታፔ ኢሶይ፡ ዩሱሲ ደሴይሲ፡ ዩሱሳ ማታን ኡቲሰ። 24 ሄሳ ጊሾ፡ ሲሞን ጳዒርሲ ኢያ ቃሞፖቲዲ፡ «ኢ ኦና ጊያኮ ኣኔ ኦይቻ» ያጊሰ።

12:34 ማዝ 110:4፤ ኢሳ 9:7፤ ሂዝ 37:25፤ ዳኔ 7:14 12:38 ኢሳ 53:1 12:39-40 ኢሳ 6:10 13:12 ሉቃ 22:27 13:16 ማቶ 10:24፤ ሉቃ 6:40፤ ዮሃ 15:20 13:18 ማዝ 41:9 13:20 ማቶ 10:40፤ ማር 9:37፤ ሉቃ 9:48፤ 10:16

25 ሃሳ ገሾ፡ ሄ ታማሪይ ዩሱሳኮ ሸቂዲ ሃይላን፡ «ጎዳው፡ ኢ ኦኔ?» ያገሰ።

26 ዩሱሳኮ ዛሪዲ፡ «ታኒ ኡይላ ዋዳን ቱሻዳ ባርሴይሳ» ያገሰ። ቃሲ ኡይላ ማንላ ኤኪዲ፡ ዋዳን ቱሻዲ፡ ሰሞና ናዓ አሰቆርታ ዩሁዳ ባርሴሰ።

27 ዩሁዲ ኡይላ ባሪዳ፤ ጉዬ ፃላሂይ ሰሁዋራ ዩሁዳን ገሊሰ። ዩሱሳኮ ኢያኮ፡ «ኔኒ ኦላናው ቆፒዳባ ኤሌሳዳ ኦላ» ያገሰ። 28 ሺን ጋይታ ቦላ ኡቲዳይሳታ፤ ኦኒካ ዩሱሳኮ ሃሳ ኣይሰ ኢያኮ ገዳኮ ኤሪቤና። 29 ዩሁዲ ሚሼ ኦይኪያ ገሾ ኢያ ታማሪታ፤ ኢሶቲ ኢሶቲ ዩሱሳኮ ኢያ፡ «ፓሲካ ቦንቹያ ጋላሳሰ ባንታው ኮሺያባ ሻማ ዋይኮ ማንቆታሰ ሙፃታ ኢማ ገሰ» ያገዱ ቆፒደሶና።

30 ዩሁዲ ኡይላ ባሪዳ ማላ ሰሁዋራ ካሬ ከዩሰ። ሄ ዋዳ ሳዒ ቃማ።

ኦሪሳ ኪታ

31 ዩሁዲ ካሬ ከዩዳ፤ ጉዬ፡ ዩሱሳኮ፡ «ሃዒ አሳ ናዓይ ቦንቹቲሰ፤ ያሳይካ ኢያ ባጋራ ቦንቹቲሰ። 32 ያሳይ ኢያ ባጋራ ቦንቹቲኮ ኢ ባ ሁዒን አሳ ናዓ ቦንቻና፤ ቃሲ ኢ ሃሳ ኤሌሴዲ ኦላና። 33 ታ ናይቶ፡ ታኒ ሂንቴራ ዳር ዋዳ ጋምዒኬ። ሂንቴ ታና ኮያና፡ ሺን ታኒ ኣይሁዳታሰ ኦዲዳይሳ ማላ፡ «ሂንቴ ታኒ ቢያሱዋ ባናው ዳንዳዒኬታ»። 34 ታኒ ሂንቴው ኢማያ ኦሪሳ ኪታይ ሃይሳ፤ አሶይ ኢሱዋ ደሰቲ። ታኒ ሂንቴና ደሰዳይሳዳ ሂንቴ ኢሶይ ኢሱዋ ደሳናው ቤሴሰ። 35 ሂንቴ ኢሶይ ኢሱዋራ ደሴቲኮ ሂንቴ ታ ታማሪ ገዳይሳ አሳ ኡባይ ኤራና» ያገሰ።

ጳጳርሲ ካዳናይሳ ዩሱሳኮ ኮይርቲዲ ኦዲሰ (ማቶ 26:31-35፤ ማር 14:27-31፤ ሉቃ 22:31-34)

36 ሰሞን ጳጳርሲ ዩሱሳኮ፡ «ጎዳው፡ ኔኒ ኣው ባይ?» ያገሰ።

ዩሱሳኮ ዛሪዲ፡ «ታኒ ቢያሱዋ ኔኒ ሃዒ ካላናው ዳንዳዒካ፡ ሺን ጉዬ፤ ታና ካላና» ያገሰ።

37 ጳጳርሲ፡ «ጎዳው፡ ታኒ ኔና ሃዒ ካላናው ኣይሰ ዳንዳዒኪና? ታኒ ኔ ገሾ ሃይቃናውካ ገጋ ኡታሰ» ያገሰ።

38 ዩሱሳኮ ዛሪዲ፡ «ታ ገሾ ሃይቃናው ቱማ ገጋ ኡታዲ? ታኒ ኔው ቱማ ኦዲይሰ፤ ኩቶይ ዋሳና፤ ሲንላ ኔኒ ታና ሄቱ ቶሆ ካዳና» ያገሰ።

14

ዩሱሳኮ አዋኮ ኤፊያ ኦኒ

1 ዩሱሳኮ ባ ታማሪታኮ፡ «ሂንቴ ዋዳናይ ኡንዔቶ፤ ያሳ አማኒቲ፡ ታናካ አማኒቲ። 2 ታ አዋ ኬላን ዳር ቤሲ ዳዓሰ። ታኒ ሂንቴው ቤሴ ገሊሳናው ባይሰ። ሃሳ ገደናኮ ታኒ ሂንቴው ኦዲኬሺን። 3 ታኒ ባዳ ቤሴ ገሊሲዳ፤ ጉዬ ታኒ ዳዒያሱዋን ሂንቴ ዳና ማላ ሰማ ያዳ ሂንቴና ታኮ ኤፋና። 4 ሂንቴ ታኒ ቢያሱዋ ኤፊያ ኦኒያ ኤፊታ» ያገሰ።

5 ያቲን፡ ቶማሲ፡ «ጎዳው፡ ኔኒ ቢያሱዋ ኦኒ ኤርኮ፤ ኦኒያ ዋቲዲ ኤራናው ዳንዳዒካ?» ያገሰ።

6 ዩሱሳኮ ዛሪዲ፡ «ኦኒይ፡ ቱማይኔ ዳዖይ ታና። ታ ባጋራ ገደና ኢዳኮ ኦኒካ ታ አዋኮ ባናው ዳንዳዒና።

7 ሂንቴ ታና ኤሪያባ ገዲያኮ፡ ታ አዋካ ኤራና። ሺን ሂዛ፤ ደሚዲ ሂንቴ ኢያ ኤፊታኔ ኢያ ቤዒዳታ» ያገሰ።

8 ፊልጶሲ ዩሱሳኮ፡ «ጎዳው፡ አዋ ኦና ቤሳ፤ ሄሲ ኦሰ ገደና» ያገሰ።

9 ዩሱሳኮ ዛሪዲ፡ «ታኒ ሃይሳ ማላ ዋዳ ሂንቴራ ዳዒንካ ታና ኤሪኪ? ታና ቤዒዳ ኡራይ አዋካ ቤዒሰ። ያቲን፡ ኔኒ ዋይጋዳ፡ «አዋ ኦና ቤሳ» ጋይ? 10 ታኒ አዋራ ኢሰና ገዳይሳኔ አዋይካ ታራ ኢሰና ገዳይሳ ኔኒ አማኒኪዬ? ታኒ ሂንቴው ኦዲያ ቃላ ታኒ ታ፤ ኦዲኬ፡ ሺን ታናን ዳዒያ አዋይ ባ ኦሱዋ ኦሴሰ። 11 ታኒ አዋን ዳዒይሳኔ አዋይካ ታናን ዳዒይሳ አማኒቲ። ሃሳ አማናና ኢዳኮ ታ ኦሴያባታን ታና አማኒቲ።

12 «ታኒ ሂንቴው ቱማ ኦዲይሰ፤ ታና አማኒያ ኡራይ ታኒ ኦሴያ ኦሱዋ፤ ኣዲያ ኦሶ ኦላና። ታኒ አዋኮ ቢያ ገሾ ታና አማኒያ ኦኒካ ሃይሳፊ ኣዲያ ኦሶ ኦላና። 13 አዋይ ናዓ ባጋራ ቦንቹታና ማላ ታ ሱንላን ሂንቴ ዋሲያ ኡባ ታ ሂንቴው ኦላና። 14 ታ ሱንላን ኣይቢባካ ሂንቴ ኦይቹኮ ታ ሂንቴው ኦላና።

ዩሱሳኮ ገሻ ኣያና ኢማናው ቃላ ገሊሰ

15 «ሂንቴ ታና ደሲኮ ታ ኪታ ናጋና። 16 ታኒ አዋ ዋሳና፤ ሂንቴራ ማሪናው ዳና ማላ ማንላይሳ ሂንቴው ኢማና። 17 ሄ ኣያናይ ያሳ ቱማ ቆንጨሴሰ። ሃ ኣላሚያ ኣሳይ ኢያ ቤዖና ገሾኔ ኤርና ገሾ ኢያ ኤካናው ዳንዳዖኮና። ሺን ኢ ሂንቴራ ዳዒያ ገሾኔ ሂንቴ ገደን ዳና ገሾ ሂንቴ ኢያ ኤፊታ።

18 «ታኒ ሂንቴና ኣያ ኣጫ ባይና ናዓዳ ሂንቴ ፃላላ ኣገኪ፤ ሲማዳ ሂንቴኮ ያና። 19 ጉላ ዋዳ፤ ጉዬ ኣላሚይ ታና ዛሪ ቤዒና፡ ሺን ሂንቴ ቤዒና። ታኒ ዳዖን ዳዒያ ገሾ ሂንቴካ ዳዖን ዳዓና። 20 ታኒ ታ አዋን፡ ሂንቴ ታናን፡ ቃሲ ታኒ ሂንቴናን ዳዒይሳ ሂንቴ ሄ ጋላሰ ኤራና።

21 «ታ ኪታ ኤኪዲ ናገይ ታና ደሴሰ። ታና ደሴይሳ ታ አዋይካ ደሴሰ፤ ታኒካ ኢያ ደሳይሰ፤ ታኒ ኢያው ቆንጨና» ያገሰ።

22 አሰቆርታ ዩሁዳ ገደና ዩሁዲ ዩሱሳኮ፡ «ጎዳው፡ ኔኒ ዋታዳ ኣላሚያሰ ገደናሺን ኦሰ ኔና ቆንጨሳኔ?» ያገሰ።

23 ዩሱሳኮ ዛሪዲ፡ «ታና ደሲያ ኦኒካ ታ ቃላሰ ኪቲታና። ታ አዋይ ኢያ ደሳና። ቃሲ ታ አዋይኔ ታኒ ኢያኮ ዩዲ ኢያራ ዳና። 24 ታና ደሶና ኦኒካ ታ ቃላሰ ኪቲቲና። ሂንቴ ሲዒያ ቃላይ ታና ኪቲዳ አዋባ፤ ኣቲን ታባ ገደና።

25 «ታኒ ሂንቴራ ሃዒ ዳዒሼ ሃሳ ሂንቴው ኦዲሰ። 26 ሺን አዋይ ታ ሱንላን ኪታና ማንላይሳ ገሻ ኣያናይ፡ ሂንቴና ኡባባ ታማርሳና። ታኒ ሂንቴው ኦዲዳ ኡባ ኢ ሂንቴና ሃሳዩሳና።

27 «ሳርቲላ ሂንቴው ኢማና። ታኒ ታ ሳርቲላ ሂንቴው ኢማና። ታ ኢማያ ሳርቲላይ ኣላሚይ ኢማያ ሳርቲላ ማላ ገደና። ሃሳ ገሾ፡ ኡንዔቶፊቲ፡ ያዮፊቲ። 28 «ታኒ ባና፡ ሺን ሲማዳ ሂንቴኮ ያና» ገዳይሳ ሲዒዳታ። ሂንቴ ታና ቱማ ደሲያባ ገዲያኮ ታ አዋይ ታ፤ ኣዲያ ገሾ ታኒ ኢያኮ ቤይሳን ሂንቴ ኡፋይታና። 29 ሄሲ ሃኒያ ዋዳ ሂንቴ ኣማናና ማላ ሄሲ ሃና ዳዒሺን ሲንላታዳ ታኒ ሂንቴው ኦዲሰ።

30 «ሃ ኣላሚያ ሃሪይሲ ያ ገሾ ሂዛ፤ ጉዬ ሂንቴራ ዳር ኦዴቲኬ። ታና ኢ ኣይኮካ ኦላናው ዳንዳዒና።

31 ሺን ታኒ አዋ ደሴይሳ ኣላሚይ ኤራና ማላ ታ አዋይ ታና ኪቲዳይሳ ኡባ ኦላይሰ። ዳንዲቲ፤ ሃይሳፊ ቦሰ።

15

ወይንም ቱማ ኡባይ ዩሱሳ

1 «ታሊ ወይንም ቱማ ኡባ። ገሻንቸይ ታ አዋ። 2 ታ ቦላ ዳዊያ አይፊ አይፎና ታሺያ ኡባ ኢ ካሬሰ። አይፊያ ታሺያ ካሴይሳፊ አቋ አይፋና ማላ ሄ ታሺያ ኢ ገሊሳና። 3 ታሊ ሂንቲው አዲዳ ቃላ ገሾ ሂንቲ ገሺ። 4 ታናን ዳዊቲ፣ ታሊካ ሂንቲናን ዳዊና። ወይንም ታሺይ ኡባራ ዳዎና ኢዳኮ ሄ ታሺይ ባርካ አይፊ አይፋናው ዳንዳዊና። ሄሳዳካ፣ ሂንቲካ ታናን ዳዎና ኢዳኮ አይፊ አይፋናው ዳንዳዊኮታ።

5 «ታሊ ወይንም ኡባ፣ ሂንቲ ታሺታ። ታናን ዳዊይሰኔ ታሊ ኢያን ዳዊይሰ፣ ኢ ዳር አይፊ አይፋና። ታ ባይና ሂንቲ ያላላ አይኮካ አፋናው ዳንዳዊኮታ። 6 ታናን ዳና ኡራይ ታሺዳ ካሬን ዩገቲዲ ማላና። ሄሳ ማላ ታሺቲ ሸቁዲ ታማን ዩገታና፣ ፀጌታና። 7 ሂንቲ ታናን ዳዊኮ፣ ታ ቃላይካ ሂንቲናን ዳዊኮ፣ ሂንቲ ኮያባይ አይባ ገዲኮካ ዋሲቲ፣ ሂንቲ ኤካና። 8 ሂንቲ ዳር አይፊ አይፊያ ታ ታማሬ ገዲኮ፣ ሄሳን ታ አዋይ ቦንቸታና። 9 አዋይ ታና ዳሴይሳዳ ታካ ሂንቲና ዳሳይሰ፣ ታ ሰቁዋን ዳዊቲ። 10 ታሊ ታ አዋ ከታ ናጋዳ ኢያ ሰቁዋን ዳዊዳይሳዳ ሂንቲካ ታ ከታ ናገኮ ታ ሰቁዋን ዳና።

11 «ታ ኡፋይሳይ ሂንቲናን ገዳና ማላኔ ሂንቲ ኡፋይሳይ ፖሎ ገዳና ማላ ታሊ ሂንቲው ሄሳ ኡዳሰ። 12 ታ ከታይ ሃይሳ፣ ታሊ ሂንቲና ዳሴይሳዳ ሂንቲካ ኢሶይ ኢሱዋ ዳሰቲ። 13 ባ ሸምፑዋ ባ ላገያሰ አሊዲ አማይሳፊ አቋያ ገታ ሰቆይ ባዋ። 14 ታሊ ሂንቲና ከቲዳባ ኡባ አሊኮ ሂንቲ ዳሴይሳዳ።

15 «አይሌይ ባ ጎዳይ አሊያባ ኤርና ገሾ ታሊ ሂንቲና ሂዛፍ ጉዬ አይሌታ ገከ። ሺን ታ አዋፍ ሰዲዳ ኡባ ታሊ ሂንቲው አዲዳ ገሾ ሂንቲና ዳሴይሳዳ ታ ጋሰ። 16 ታሊ ሂንቲና ዳራሲፍ አቲን ሂንቲ ታና ዳሪቤኮታ። ሂንቲ ቢዲ ቆዳና አይፊ አይፋና ማላ ታሊ ሂንቲና ሹማሰ። ያኒኮ ታ አዋይ ሂንቲ ታ ሱንላን ዋሲዳባ ኡባ አማና። 17 ታ ከታይ ሃይሳ፣ ኢሶይ ኢሱዋ ዳሰቲ።

ዩሱሱ አላማይ ኢፃናይሳ ኡዲሰ

18 «አላማይ ሂንቲና ኢዳኮ ኮይርቲዲ ታና ኢዳይሳ አከከቲ። 19 ሂንቲ አላማያባ ገዲያኮ አላማይ ባባዳ ሂንቲና ዳሳና። ሺን ታሊ ሂንቲና አላማፍ ዳሪዳ ገሾኔ ሂንቲ አላማያባ ገዳና ገሾ አላማይ ሂንቲና ኢዳሰ። 20 ሳይሌይ ባ ጎዳፍ አቋና) ጋዳ ታሊ ሂንቲው አዲዳይሳ አከከቲ። አንቲ ታና ጎዳዳባ ገዲኮ ሂንቲናካ ጎዳና። አንቲ ታ ቃላ ናገዳባ ገዲኮ ሂንቲ ቃላካ ናጋና። 21 ሺን አንቲ ታና ከቲዳይሳ ኤርና ገሾ ሃ ኡባ ታ ጋሶን ሂንቲ ቦላ አፋና። 22 ታሊ ያዳ አዳና ገዲያኮ አንታው ናጋራ ገዳና። ሺን ሃዲ አንቲ አሊዳ ናጋራሰ ጋሶያባይ ባዋ። 23 ታና ኢዳይሰ ታ አዋካ ኢዳሰ። 24 ኦኒካ አሊቦና ኦሶ ታ አንታ ገደን አላቦናባ ገዲያኮ አንታው ናጋራ ገዳና አታና። ሺን ሃዲ አንቲ ታሊ አሊዳ ኦሶ-ዋ ቤዲዲ ታናካ ታ አዋካ ኢዳይሰና። 25 ሺን አንታ ሂገያን፣ ሳታና ፎ አዳይሰና) ጌቲቲዲ ያፊቲዳይሰ ፖሎታና ማላ ሄሲ ሃሊሰ።

26 «አዋፍ ያ ቱማ ቆንጨሲያ ኢያና ታ ሂንቲው ከታና። ኢ ሂንቲና ማንሌላና፣ ታባ ማርካታና።

16

27 ሂንቲካ ኮይርፍ ዳሚዲ ታራ ዳዊያ ገሾ ታባ ማርካታና።

1 «ታሊ ሄሳ ሂንቲ አማናይ ቆዳና ማላ ሂንቲው አዳሰ። 2 አንቲ ሂንቲና አይሁዴ ዋሳ ከላታፍ ከሲ ዩዳና። ሄሳዳካ፣ ሂንቲና ዋቋያ ኦኒካ ያሲ ኮያባ አሊያ ዳኒያ ዋዳይ ያና። 3 አንቲ ሄሳ ሂንቲ ቦላ አሊይ ታና ዋይኮ አዋ ኤርና ገሾሳ። 4 ሺን አንቲ ሄሳ ሂንቲ ቦላ አሊያ ዋዳይ ጋኪያ ዋዳ ታሊ ሂንቲው አዲዲዳይሳ ሂንቲ አከካና ማላ ታሊ ሂንቲው ሃይሳ አዳሰ።

ገሻ ኢያና ኡሱዋ

«ሲንላታዳ ታሊ ሃይሳ ሂንቲው አዳና ጋምዲይ ታ ሂንቲው ዳዊያ ገሾሳ። 5 ሺን ሃዲ ታሊ ታና ከቲዳይሳኮ ባይሰ፣ ሂንቲፊ ኦኒካ፣ (አዉ ባይ?) ገዲ ታና ኦይቼይ ባዋ። 6 ሺን ታሊ ሄሳ አዲዳ ገሾ ሂንቲ ዋዳናን ዳር አዛናይ ዳዊሰ። 7 ሺን ታሊ ሂንቲው ቱማ አዳይሰ፣ ታሊ ቢኮ ሂንቲው ሎዎ። አይሰ ገኮ፣ ታሊ ቦና ኢዳኮ ማንሌላይሰ ሂንቲኮ ዩና። ሺን ታሊ ቢኮ ኢያ ሂንቲኮ ዩዳና። 8 ማንሌላይሰ ዩዳና፣ ናጋራባ፣ ያሎቴላባኔ ፐርዳባ ሃ አላማያ አሳ ኤሪሳና። 9 ናጋራባይ፣ አሳይ ታና አማናና ገሾሳ። 10 ያሎቴላባይ፣ ታሊ አዋኮ ቢያ ገሾኔ ሂንቲ ታና ዛሪ ቤያና ገሾሳ። 11 ፐርዳባይ፣ ቃሲ አላማያ ሃሪይሲ ፐርዳቲዳ ገሾሳ።

12 «ታሊ ሂንቲው አዲያባይ ዳርባይ ዳዊሰ፣ ሺን ሃዲ ሂንቲው ጌሌና። 13 ቱማ ኢያናይ ያ ዋዳ ሂንቲና ቱማቴላ ኡባኮ ካሌላና። ኢ ሰዲዳባ አዳሲፍ አቲን ባፍ አይቢባካ አዳና። ቃሲ ሲንላፊ ያናባ ሂንቲው ኢ አዳና። 14 ኢ ታው ዳዊይሳፊ ኤከዲ ሂንቲው አዲያ ገሾ ኢ ታና ቦንቸታና። 15 አዋሰ ዳዊያባ ኡባይ ታባ፣ (ማንሌላይሰ ታው ዳዊይሳፊ ኤከዲ ሂንቲው አዳና) ታሊ ገዳይ ሄሳሳ።

ሂንቲ አዛናይ ኡፋይሳን ላማታና

16 «ጉላ ዋዳፍ ጉዬ ታና ቤዳኮታ፣ ቃሲ ጉላ ዋዳፍ ጉዬ ሂንቲ ታና ቤዳና» ያገሰ።

17 ኢያ ታማራታፍ ኢሶቲ ኢሶቲ ባንታ ገደን፣ «ጉላ ዋዳፍ ጉዬ ሂንቲ ታና ቤዳኮታ፣ ቃሲ ጉላ ዋዳፍ ጉዬ ሂንቲ ታና ቤዳና፣ ቃሲካ ታሊ አዋኮ ባይሰ ጉሳይ ዋይ ጉሴ?» ያገደሰና። 18 «ጉላ ዋዳፍ ጉዬ ጌይሲ ዋይ ጉሴ?» ኢ አይ አዳይኮኮ ኦሰ ኤሬቴና» ያገደሰና።

19 አንቲ ባና አይቻናው ኮይይሳ ዩሱሱ ኤሪዲ፣ «ታሊ፣ (ጉላ ዋዳፍ ጉዬ ታና ቤዳኮታ፣ ቃሲ ጉላ ዋዳፍ ጉዬ ሂንቲ ታና ቤዳና) ገዳይሳሰ ሂንቲ ኢሶይ ኢሱዋ ኦይቼቲ? 20 ታሊ ሂንቲው ቱማ አዳይሰ፣ ሂንቲ ዩካናኔ አፋፃና፣ ሺን ሃ አላማይ ኡፋይታና። ሃዲ ሂንቲ አዛናና፣ ሺን ሂንቲ አዛናይ ኡፋይሳን ላማታና። 21 ኢሲ ማጫሲያ ናዳ ዩላና ሃኒያ ዋዳ ባ ዩሎ ዋዳይ ጋኪዳ ገሾ ሂርጋዉሱ። ሺን ናዳ ዩሊዳፍ ጉዬ ናዲ ሃ አላማያን ዩሌቲዳ ኡፋይሳ ገሾ ባ አንግ ደጋዉሱ። 22 ሄሳዳካ፣ ሂንቲካ ሂንቲ ዋዳናን አዛኔታ፣ ሺን ታሊ ሂንቲና ዛራዳ ቤዳና። ሂንቲ ዋዳናይ ዳር ኡፋይታና፣ ሄ ኡፋይሳ ኦኒካ ሂንቲፊ ኤከና።

23 «ሄ ጋላሰ ሂንቲ ታና አይቢባካ ዋሴኮታ። ታሊ ሂንቲው ቱማ አዳይሰ፣ ሂንቲ ታ ሱንላን ዋሲያባ ኡባ

አዋይ ሂንቲው አማና። 24 ሃዲ ጋካናው ታ ሱንላን አይቢባካ ዋሲቤኬታ። ሂንቲ ኡፋይሳይ ፖሎ ጊዳና ማላ ያሳ ዋሲቲ፤ ሂንቲ ኤካና።

25 «ታኒ ሃዲ ጋካናው ሂንቲው ለሚሰን ኦዳስ፡ ሂዛፍ ታኒ ለሚሰን ኦዳና ዋይይ ያና። ሺን አዋባ ታኒ ሂንቲው ቆንጨን ኦዳና። 26 ሃ ጋላሰ ሂንቲ ታ ሱንላን አዋ ዋሳና፤ ሂንቲ ገሾ ታኒ አዋ ዋሲኬ። 27 አይሰ ገኮ፡ አዋይ ባ ሁዒን ሂንቲና ዶሴስ። ሂንቲ ታና ዶሴያ ገሾኔ ታኒ አዋ ማታፎ ዩዳይሳ አማኒዳ ገሾ ኢ ሂንቲና ዶሴስ። 28 ታኒ አዋ ማታፎ ሃ አላሚያ ያሰ፤ ቃሲ አላሚያ አጋዳ አዋኮ ባና» ያገሰ።

29 ኢያ ታማራቲ ዛሪዲ፡ «ሄኮ፡ ሃዲ ኔኒ ቆንጨን ኦዳሳ፤ ለሚሰን አይኮካ ኦዳካ። 30 ኔኒ ኡባባ ኤሬይሳ ኦኒ ሃዲ ኤርሰ፤ ቃሲ ኔና ኦኒካ ኦይቻና ማላ ኔኒ ኮያካ። ሄሲ ኦና ኔኒ ያሳፊ ከቲቲዳይሳ አማንጭስ» ያገደሰና።

31 ያቲን፡ ዬሱሲ ዛሪዲ ኤንታኮ፡ «ሃዲ አማኔቲ? 32 ሄኮ፡ ሂንቲ፡ ሂንቲ ሶ ሂንቲ ሶ ላሌቲያ ዋይይኔ ታ ያላላ ዬጊ አገዲ ባቃቲያ ዋይይ ያና፤ ሃዲካ ዩከቸሰ። ሺን አዋይ ታራ ዴዲያ ገሾ ታ ታ ያላላ ገዲኬ። 33 ሂንቲ ታራ ዴዲያ ሳርይ ሂንቲው ዳና ማላ ታኒ ሄሳ ኦዳስ። አላሚን ዴዲያ ሂንቲ ዋይይታና። ሺን ሚኒቲ፤ ታኒ አላሚያ ያናስ» ያገሰ።

17

ዬሱሳ ዋሳ

1 ዬሱሲ ሄሳ ኦዳይፍ ጉዬ ፑዴ ሳሎ ያሊዲ፡ ሃይሳዳ ያገሰ። «አዋው፡ ሳቲይ ጋከሰ፤ ኔ ናዳይ ኔና ቦንቻና ማላ ኔኒ ኔ ናዳ ቦንቻ። 2 ኔኒ ኢያው አሚዳ ኡባሰ ኢ ሚሪና ዴቦዋ አማና ማላ አሳ ኡባ ቦላ ኢያው ማታ አማዳሳ። 3 ሚሪና ዴይይ፡ ኔና፡ ኢሲ ቱማ ያሳኔ ኔ ከቲዳ ዬሱሰ ከሪሰቶሳ ኤር። 4 ኔኒ ታ ኦላና ማላ አሚዳ ኦሱዋ ፖላዳ ኔና ሳዓን ቦንቻስ። 5 ሃዲካ፡ አዋው፡ አላሚይ ማዴታናፍ ሲንጭ ኔ ማታን ታው ዴዲያ ቦንቻዋን ታና ቦንቻ።

6 «አላሚያ አሳፍ ኔኒ ታው አሚዳይሳታ ኔና ኤሪሳስ። ኤንቲ ኔይሳታ፤ ኔኒ ኤንታ ታው አሚዳሳ። ኤንቲ ኔ ቃላሰካ ከቲቲዳይሳ። 7 ኔኒ ታው አሚዳ ኡባባይ ኔፍ ዩዳይሳ ኤንቲ ሃዲ ኤርሶና። 8 ኔኒ ታው አሚዳ ቃላ ታኒ ኤንታው አማሰ፤ ኤንቲካ ሄ ቃላ ኤከደሶና። ታኒ ኔ ማታፎ ዩዳይሰ ቱማ ገዴይሳ ኤሪዲ ኔኒ ታና ከቲዳይሳካ አማኒደሶና።

9 «ታኒ ኤንታው ዋሳይሰ። ኤንቲ ኔይሳታ ገዲያ ገሾ ኔኒ ታው አሚዳ አሳሰ ዋሳይሰ፤ ኤንቲን አላሚያሰ ዋሲኬ። 10 ታው ዴዲያ ኡባባይ ኔባ፤ ኔው ዴዲያ ኡባይካ ታባ። ታኒ ኤንታ ባጋራ ቦንቻታስ። 11 ታኒ ሂዛፍ ጉዬ አላሚን ዴዲኬ፤ ኤንቲ አላሚን ዴይሶና። ታኒ ሃዲ ኔኮ ባይሰ። ገሻ አዋው፡ ሃ ኔኒ ታው አሚዳይሳቲ ኔራኔ ታራ ኢሲኖ ገዲዳይሳዳ ኤንቲ ኢሲኖ ገዲና ማላ ኤንታ ኔ ታው አሚዳ ኔ ሱንላን ናጋ። 12 ታኒ ኤንታራ ሳዓን ዴዲያ፡ ኔ ታው አሚዳ ኔ ሱንላ ዋልቃን ኤንታ ናጋስ። ገሻ ማፃፋይ ገዲይሰ ፖሊታና ማላ ቆዮይ ቤሲያ ኡራፍ ኤንቲን ኤንታፊ ሃሪ ኦኒካ ቆይቤና።

13 «ሃዲ ታኒ ኔኮ ባይሰ። ታ ኡፋይሳይ ኤንታ ዋዛናን ፖሎ ገዲና ማላ ሃይሳ ታኒ አላሚን ዴዲያ ኡዳይሰ። 14 ታኒ ኤንታው ኔ ቃላ አማሰ። ታኒ አላሚፍ ገዲናይሳዳ፡ ኤንቲካ አላሚፍ ገዲና ገሾ አላሚይ ኤንታ

ኢዲስ። 15 ኔኒ ያላሃፍ ኤንታ ናጋና ማላፍ ኤንቲን አላሚፍ ኬሳና ማላ ዋሲኬ። 16 ታኒ አላሚፍ ገዲናይሳዳ ኤንቲካ አላሚፍ ገዲኮና። 17 ኔኒ ኔ ቱማቲላን ኤንታ ኔባ ኦላ፤ ኔ ቃላይካ ቱማ። 18 ኔኒ ታና አላሚያ ከቲዳይሳዳ ታኒካ ኤንታ አላሚያ ከታሰ። 19 ቃሲ ኤንቲ ቱማ ኔባ ገዲና ማላ ኤንታ ገሾ ታኒ ታ ሁዒያ ኔው አማይሰ።

20 «ታኒ ኤንታ ያላላሰ ገዲናሺን ኤንቲ ቃላ ኦዳን፡ ታና አማናይሳታሰካ ዋሳይሰ። 21 ኤንቲ ኡባይ ኢሲኖ ገዲና ማላ ታኒ ዋሳይሰ። አዋው፡ ኔ ታናን ዴዲያሳዳ፡ ቃሲ ታ ኔናን ዴዲያሳዳ ኤንቲ ኦናን ዳና ማላ ዋሳይሰ። ሄ ዋይ ኔኒ ታና ከቲዳይሳ አላሚይ አማናና። 22 ኔኒኔ ታኒ ኢሲኖ ገዴይሳዳ፡ ኤንቲ ኢሲኖ ገዲና ማላ፡ ኔኒ ታና ቦንቹዳይሳዳ፡ ታኒካ ኤንታ ቦንቻሰ። 23 ታኒ ኤንታን፡ ኔኒ ታናን ዴዲያሳዳ ኤንቲ ፖሎ ኢሲኖ ገዲና ማላ ኔና ዋሳይሰ። ሄሲካ፡ ኔ ታና ከቲዳይሳኔ ኔ ታና ዶሴዳ ዶሴዋን ኤንታ ዶሴዳይሳ አላሚይ ኤራን ማላሳ።

24 «አዋው፡ ኔኒ ታው አሚዳይሳቲ ታኒ ዴዲያሱዋን ታራ ዳና ማላ ኮያይሰ። አላሚይ ማዴታናፍ ሲንጭ ኔኒ ታና ዶሴዳ ገሾ ታው አሚዳ ታ ቦንቹዋ ኤንቲ ቤዓና።

25 «ገሻ አዋው፡ አላሚይ ኔና ኤሪና፡ ሺን ታኒ ኤራይሰ። ቃሲ ኔኒ ታና ከቲዳይሳ ሃይሳቲ ኤርሶና። 26 ኔኒ ታና ሰቂዳ ሰቆይ ኤንታናን ዳና ማላ፡ ቃሲ ታኒ ኤንታናን ገዲና ማላ፡ ታኒ ኔ ሱንላ ኤንታ ኤሪሳሰ፤ ሲንላሰካ ኤሪሳና» ያገሰ።

18

ዬሱሳ ኦይኬቲላ

(ማቶ 26:47-56፤ ማር 14:43-50፤ ሉቃ 22:47-53)

1 ዬሱሲ ዋሳ ኦንገዲፍ ጉዬ ባ ታማራታራ ቁዳርና ዛንጋራ ፒኒዲ፡ ሄ ቤሳን ዴዲያ አታከልቲያ ገደ ጌሊደሶና። 2 ዬሱሲ ኡባ ዋይ ባ ታማራታራ ያን ሸቂያ ገሾ ዬሱሳ አላ አሚዳ ዩሁዲ ሄ ቤሳ ኤሪሰ። 3 ሄሳ ገሾ፡ ዩሁዲ ፓናሴ፡ ያምፍ፡ ቶራኔ ጎንዳሌ ኦይኪዳ ዳር ዋታዳሪታ፡ ካሂኔ ሃላቃቲኔ ፋሪሳዊቲ ከቲዳ ያሳ ከላ ናገያ ፖሊሴታ ካሌላ ኤኪዲ፡ ሄ ቤሳ ቢሰ።

4 ዬሱሲ ባና ጋካና ሃኒያባ ኡባ ኤሪዲ፡ ጋያ ከዬዲ፡ «ኦና ኮዬቲ?» ያገሰ።

5 ኤንቲ ዛሪዲ፡ «ናዚሬቲ ዬሱሳ ኮዮስ» ያገደሰና። ኢ ዛሪዲ፡ «ታኒ ዬሱሳ» ያገሰ።

ዬሱሳ አላ አሚዳ ዩሁዲ ያን ኤንታራ ኤቂሰ። 6 ኢ፡ «ታኒ ዬሱሳ» ገዳ ዋይ ኤንቲ ጉዬ ሸቂዲ፡ ሳዓን ከንዲደሶና። 7 ዬሱሲ ቃሲካ፡ «ኦና ኮዬቲ?» ያገደሰ ኦይቸሰ።

ኤንቲ፡ «ናዚሬቲ ዬሱሳ ኮዮስ» ያገደሰና።

8 ኢ ዛሪዲ፡ «ታኒ ዬሱሳ ገዴይሳ ሂንቲው ኦዳስ። ሃዛ፡ ሂንቲ ታና ኮያባ ገዲኮ ሃይሳታ ዩዲቲ» ያገሰ። 9 ኢ ሄሳ ገዲይ፡ «አዋው፡ ኔኒ ታው አሚዳይሳታፍ ሃሪ አቶሺን ኢሱዋካ ቆይሳቢኬ» ገዲይሰ ፖሊታና ማላሳ።

10 ሲዋን ጳዳርሳሰ ማሺ ዴዲሰ። ኢ ሄ ማሻ ሾዲዲ ካሂኔ ሃላቃ አይሊያሰ ኡሻቻ ሃይላ ሾጪዲ፡ ቃንፃ ዬሲስ። ሄ አይሊያ ሱንላይ ማልኮሳ። 11 ዬሱሲ ጳዳርሳኮ፡ «ኔ ማሻ ሾሁዋን ዛሪ። ታ አዋይ ታው አሚዳ ፀዓፍ ታኒ ኡዮናባ ኔው ዳኒ?» ያገሰ።

ዬሱሲ ሃና ሲንጭ ሸቂብ

(ማቶ 26:57-58፤ ማር 14:53-54፤ ሉቃ 22:54)

12 ርሜ ዋታዳሬቲኔ ኤንታ ሃላቃይ ያሳ ከላ ናጊያ ፖሊሴታራ ኢሲፌ ዩሱፍ ኦሎሎ ቃቸዶሶና። 13 ኮይሮ ዩሱፍ ሃናኮ ኤፌዶሶና። ሃኒ ሄ ላይሌ ካሂኔ ሃላቃ ጊዲያ ቃያፋ ቦሎ። 14 ቃያፊ፡ «አሳ ኡባ ጊሾ ኢሲ አሲ ሃይቁኮ ሎዎ» ጊዲ ካሴ አይሁዳታ ዘሪዳይሳ።

ጳጳርሲ ዩሱፍ ካዲሰ
(ማቶ 26:69-70፤ ማር 14:66-68፤ ሉቃ 22:55-57)

15 ሲሞን ጳጳርሲኔ ሃራ ኢሲ ታማሬይ ዩሱፍ ካሊዲ ቢዶሶና። ካሂኔ ሃላቃይ ሄ ሃራ ታማሬያ ሎይሌ ኤሬሰ። ሄሳ ጊሾ፡ ኢ ዩሱፍ ካሂኔ ሃላቃ ዘባ ጌሊሰ። 16 ሺን ጳጳርሲ ካሬራ ዲርሳ ፔንጊን ኤቁሰ። ካሂኔ ሃላቃይ ኤሪያ ሃራ ታማሬይ ካሬ ከዩዲ፡ ፔንጊያ ናጊያ ናዔሰ አዲዲ፡ ጳጳርሳ ጋሌ ጌልሲሰ። 17 ፔንጊያ ናጊያ ናዔያ ጳጳርሳኮ፡ «ኔኒ፡ ሄ አዲያ ታማሬታፔ ኢሱዋ ጊዲኪ?» ያጋሱ።

ጳጳርሲ ዘሪዲ፡ «አካይ፡ ታኒ ጊዲኬ» ያገሰ።

18 ሳባይ ማጊያ ጊሾ አይሌቲኔ ናጌይሳቲ ዪፋ ታማ ኤሌዲ፡ ዩዩ አጁ ኤቁዲ ካዮሶና። ጳጳርሲካ ኤንታራ ኤቁዲ ታማ ካዩሰ።

ካሂኔ ሃላቃይ ዩሱፍ ኦይቸሰ
(ማቶ 26:59-66፤ ማር 14:55-64፤ ሉቃ 22:66-71)

19 ካሂኔ ሃላቃይ ዩሱፍ፡ ኢያ ታማሬታባኔ ኢያ ቲሚርቲያባ ኦይቸሰ። 20 ዩሱሲ ዘሪዲ፡ «ታኒ አሳ ኡባሰ ቆንጩን ኦዳሰ። ታኒ አይሁዳ ኡባይ ሸቁያ አይሁዳ ዋሳ ከላኒኔ ያሳ ከላን ኡባ ዋዳ ታማርሳሰ። ጌማን አይኮካ ኦዳቢኬ። 21 ያቲን፡ ኔኒ ታና አይሰ ኦይቻይ? ታ ኦዲሺን ሲዒዳ አሳ ኦይቻ። ሄ አሳይ ታኒ ኦዲዲዳይሳ ኤርሶና» ያገሰ።

22 ዩሱሲ ሄሳ ጊዳ ዋዳ ሄ ቤሳን ኤቁዳ ዋታዳሬታፔ ኢሶይ ዩሱፍ ባቁዲ፡ «ካሂኔ ሃላቃሰ ሃይሳዳ ዘሪይ?» ያገሰ።

23 ዩሱሲ ዘሪዲ፡ «ታኒ ኢታባ ኦዲዳባ ጊዲኮ ሃይሳን ዳዒያ አሳ ኡባ ሰንላን ኦዳ። ሺን ታኒ ቱማ ኦዲዳባ ጊዲኮ ታና አይሰ ባቃይ?» ያገሰ።

24 ሄሳ ጊሾ፡ ሃኒ፡ ዩሱሲ ቃሾቲዳ ማላ ካሂኔ ሃላቃ ቃያፋኮ ዩዲሰ።

ጳጳርሲ ዩሱፍ ዘሪ ካዲሰ
(ማቶ 26:71-75፤ ማር 14:69-72፤ ሉቃ 22:58-62)

25 ጳጳርሲ ያን ኤቁዲ፡ ታማ ካዩሺን፡ ሃራቲ ኢያኮ፡ «ኔኒ ሃ አዲያ ታማሬታፔ ኢሱዋ ጊዲኪ?» ያገሰ።

ጳጳርሲ ዘሪዲ፡ «አካይ፡ ታኒ ጊዲኬ» ያገዲ ካዲሰ።

26 ካሂኔ ሃላቃ አይሌታፔ ኢሶይ፡ ጳጳርሲ ሃይላ ቃንዲዳ አዲያ ዳባይ፡ ጳጳርሳኮ፡ «ታኒ ኔና ኢያራ አታኪልቲያ ጊዳን ቤዓቢኪና?» ያገዲ ኦይቸሰ።

27 ጳጳርሲ ቃሲካ ካዲሰ። ሶሁዋራ ኩቶይ ዋሲ አገሰ።

ዩሱሲ ጲላዎሳ ሰንላን
(ማቶ 27:1-2፤ 11-14፤ ማር 15:1-5፤ ሉቃ 23:1-5)

28 ዋንታ ጉራ፡ ኤንቲ ዩሱፍ ቃያፋ ሶፔ ዳሪያ ሃሪይሳ ኦሶ ከሌ ኤፌዶሶና። አይሁዳቲ ፓሲካ ባሌ ካላ ማናው

ባንታና ቱኒሶና ማላ ዳሪያ ሃሪይሳ ኦሶ ከሌ ጌሊቦኮና። 29 ሄሳ ጊሾ፡ ጲላዎሲ ኤንታኮ ካሬ ከዩዲ፡ «ሃ አዲያ አይሰ ሞቲቲ?» ያገሰ።

30 ኤንቲ፡ «ኢ ኢታ ኦላናባ ጊዲያኮ ኔኒ ኢያ ኔኮ ኤሆኮ» ያገደሶና።

31 ጲላዎሲ ዘሪዲ፡ «ሃንቲ ኢያ ኤኪ ኤፊዲ፡ ሃንቲ ሃጌይ ጌይሳዳ ኢያ ቦላ ፐርዲቲ» ያገሰ።

አይሁዳቲ፡ «ኦናካ ዋዲያ ማቲ ኦሰ ባዋ» ያገደሶና፤ 32 ሄሲ ሃኒዳይ ዩሱሲ አይ ማላ ሃይቆ ሃይቃኔኮ ኤሪሳናው ኦዲዳይሲ ፖሊታናሳ።

33 ጲላዎሲ ባ ኦሶ ከላ ዘሪ ጌሊዲ፡ ዩሱፍ ያገዲ፡ «ኔኒ አይሁዳ ካዎ?» ያገዲ ኦይቸሰ።

34 ዩሱሲ ጲላዎሳ፡ «ሃ ኦይሻ ኔኒ ኔፔ ኦይቻዬ ዋይኮ ሃራ አሲ ኔው ታባ ኦዲዳ?» ያገሰ።

35 ጲላዎሲ ዘሪዲ፡ «ታ አይሁዳ አሴ? ኔ አሳይኔ ካሂኔ ሃላቃቲ ኔና ታው አሌ ኢሚዶሶና። ኔ አይ ኦላዲ?» ያገሰ።

36 ዩሱሲ፡ «ታ ካዎቲላይ ሃ አላሚያና ጊዳና። ኢ ሃይሳን ጊዲያኮ ታ አይሁዳታ ሃላቃታሰ አቆ ኢሜቶና ማላ ታ አይሌቲ ታው ኦሌታና። ሺን ታ ካዎቲላይ ሃ አላሚያና ጊዳና» ያገሰ።

37 ሄሳ ጊሾ፡ ጲላዎሲ ዩሱፍኮ፡ «ያቲን፡ ኔኒ ካዎዬ?» ያገዲ ኦይቸሰ።

ዩሱሲ ዘሪዲ፡ «ቱማ ታ ካዎ ጊዳይሳ ኔ ጋዳሳ። ታኒ ዩሌቲዳይኔ ሃ አላሚያ ዩዳይ ቱማቲላሰ ማርካታናሳ። ቱማ ባጋ ጊዲዳ ኦኒካ ታኒ ጌይሳ ሲዒሰ» ያገሰ።

38 ጲላዎሲ፡ «ቱሚ አይቤ?» ያገሰ።

ጲላዎሲ ሄሳ ጊዳፔ ጉዬ አይሁዳታኮ ካሬ ከዩዲ፡ «ታኒ ኢያፔ አይ ኢታካ ዳማቢኬ። 39 ሺን ፓሲካ ባሌ ጋላሰ፡ ኢሲ አሴ ሃንቲው ቃሾፔ ቢሊያ ማዜይ ዳዒሰ። ታኒ ሃንቲው አይሁዳታ ካዉዋ ቢላና ማላ ኮይቲ?» ያገሰ።

40 ኤንቲ ዘሪዲ፡ ባንታ ቃላ ቶቁ ኦሌዲ፡ «ባርባና ቢላፌ አቲን ኢያ ጊዳና» ያገደሶና። ሺን ባርባኒ ፓንጋ።

19

ዋታዳሬቲ ዩሱፍ ቶቸዶሶና
(ማቶ 27:27-32፤ ማር 15:15-21)

1 ሃሳፌ ጉዬ፡ ጲላዎሲ ዩሱፍ ጋራፊሲሰ። 2 ዋታዳሬቲ አንገላ ካላቻ ማዲዲ ኢያ ሁዒን ዋሊዶሶና። ቃሲ ዘዎ ማዎ ኢያ ማይዚዶሶና። 3 ኢያኮ ሸቁዲ፡ «አይሁዳ ካዉዋው፡ ማሪናው ካዎታ» ያገዲ ኢያ ባቁዶሶና።

4 ጲላዎሲ ቃሲካ ካሬ ከዩዲ፡ አይሁዳታኮ፡ «ሃኮ፡ ታኒ ኢያፔ አይ ኢታካ ዳማቦናይሳ ሃንቲ ኤራና ማላ ኢያ ሃንቲኮ ካሬ ከሳና» ያገሰ። 5 ሃሳፌ ጉዬ፡ ዩሱሲ አንገላ ካላቻ ባ ሁዒን ዋሊዲ፡ ዘዎ ማዎ ማዒዲ፡ ካሬ ከዩሰ። ጲላዎሲ አይሁዳታኮ፡ «ኡራ ሃይሳ ቤዒቲ» ያገሰ።

6 ካሂኔ ሃላቃቲኔ ያሳ ከላ ናጌይሳቲ ኢያ ቤዒዳ ዋዳ ባንታ ቃላ ቶቁ ኦሌዲ፡ «ማሰቃሊያ ቦላ ካቃ! ካቃ!» ያገደሶና።

ጲላዎሲ ኤንታኮ፡ «ሃንቲ ኢያ ኤፊዲ፡ ማሰቃሊያ ቦላ ካቁቲ። ታኒ ኢያፔ አይ ኢታካ ዳማቦኪኬ» ያገሰ።

7 አይሁዳቲ ዘሪዲ፡ «ኦሰ ሃጌይ ዳዒሰ። ኢ ባና ያሳ ናዓ ኦሌዳ ጊሾ ኦ ሃጊያላ ኢ ሃይቃናው ቤሴሰ» ያገደሶና።

8 ጲላጎሲ ሄሳ ሲዲዳ ዎዴ ካሴይሳፌ ዳሮ ያዩሰ።
 9 ቃሲካ ጲላጎሲ ባ ኦሶ ከሌ ሲሚ ጌሊዲ ዩሱሳኮ።
 «ኔኒ እወፔ ያዲ?» ያጊዲ ኦይቸሰ። ሺን ዩሱሲ
 ኢያው አይኮካ ዛሪቤና። 10 ሄሳ ጊሾ፣ ጲላጎሲ፣ «ታው
 ኦዲኪ? ኔና ቢላናው ዎይኮ ማሰቃሊያ ቦላ ካቃናው
 ታው ማቲ ዴዔይሳ ኤሪኪ?» ያጊሰ።

11 ዩሱሲ፣ «የሳይ ኔው ማታ ኢሚቦናባ ጊዲያኮ
 ታ ቦላ ማቲ ኔው ዴናሺን። ሄሳ ጊሾ፣ ታና ኔው አሌ
 ኢሚዳይሰ አዲያ ናጋራ ኦሌሰ» ያጊሰ።

ዩሱሳ ቦላ ሃይቆ ፐርዲደሶና
 (ማቶ 27:15-31፤ ማር 15:6-20፤ ሉቃ 23:13-25)

12 ጲላጎሲ ሄሳ ሲዲዳ ዎዴ ዩሱሳ ቢላናው ኦጌ
 ኮዩሰ። ሺን አይሁዳቲ ባንታ ቃላ ቶቁ አሌዲ፣ «ኔኒ
 ኢያ ቢሊያባ ጊዲኮ ካወቀ ቁሳሪ ባጋ ጊዳካ። ባና
 ካዎ ጊያ ኦኒካ ቁሳሪ ሞርኬ» ያጊደሶና።

13 ጲላጎሲ ሄሳ ሲዲዲ ዩሱሳ ካሪ ከሲሰ።
 ያቲዲ፣ «ሎቹ ሹቹ» ጊያሶን ፐርዲ ኦይዲያን ኡቲሰ።
 ኢብራይስጭ ቃላን ሄ ቤሳይ «ጋባታ» ጉሱ። 14 ሄ
 ጋላሳይ ፓሲካ ባሌ ቦንቻናው ጊጌቱላ ጋላሰ። ሄ ዎዴ
 ሳዲ ኡሱቸን ሳቲ ሄሪ። ጲላጎሲ አይሁዳታኮ፣ «ሂንቲ
 ካወቀ ሃይሳ ቤዒቲ» ያጊሰ።

15 አይሁዳቲ ባንታ ቃላ ቶቁ አሌዲ፣ «ዲጋ! ዲጋ!
 ማሰቃሊያ ቦላ ካቃ» ያጊደሶና።

ጲላጎሲ ዛሪዲ፣ «ሂንቲ ካወቀ ታኒ ማሰቃሊያ ቦላ
 ካቃናይሳ ኮዩቲ?» ያጊዲ ኦይቸሰ።

ካሂኔ ሃላቃቲ፣ «ቁሳሪፔ ሃራ ካዎይ ኡሰ ባዎ»
 ያጊደሶና።

16 ሄሳፌ ጉዩ፣ ኤንቲ ዩሱሳ ማሰቃሊያ ቦላ ካቃና
 ማላ ጲላጎሲ ኤንታው አሌ ኢሚሰ።

ዩሱሲ ካቁቲሰ
 (ማቶ 27:32-44፤ ማር 15:21-32፤ ሉቃ 23:26-43)

ኤንቲ ዩሱሳ ኦይኪዲ ኤፊደሶና። 17 ዩሱሲ ባ
 ማሰቃሊያ ቶኪዲ፣ «ሁዔ ጉጌ» ጊያ ቤሳ ቢሰ።
 «ሁዔ ጉጌ» ጉሳይ ኢብራይስጭ ቃላን «ጎልጎታ» ጉሱ።

18 ኤንቲ ሄ ቤሳን ማሰቃሊያ ቦላ ዩሱሳ ካቁደሶና።
 ቃሲ ኢያራ ሃራ ናምቡ አሳታ፣ ኢሱዎ ያ ባጋራ ሃንኩዎ
 ሃ ባጋራ ማሰቃሊያ ቦላ ካቁደሶና። 19 ጲላጎሲ፣
 «አይሁዳታ ካወቀ፣ ናዚሬቲ ዩሱሳ» ያጊያ ፀፌ ያፊዲ
 ማሰቃሊያ ቦላ ዎሊሰ። 20 ዩሱሲ ማሰቃሊያ ቦላ
 ካቁቲዳ ቤሳይ ካታማሰ ማታን ዴዒያ ጊሾ ዳሮ
 አይሁዳቲ ሄ ፀፊያ ናባቢደሶና። ፀፊይ ያፊቲዳይ
 ኢብራይስጭ ደናን፣ ላቲኔ ደናኒኔ ጊሪኬ ደናና። 21 ሄሳ
 ጊሾ፣ ካሂኔ ሃላቃቲ ጲላጎሳኮ፣ « ሃ አዳይ ባና አይሁዳ
 ካዎ ያጊሰ» ጋዳ ያፋፔ ኦቲን ላይሁዳ ካዎ» ጋዳ ያፎፓ»
 ያጊደሶና።

22 ያቲን፣ ጲላጎሲ፣ «ታ ያፊዳይሳ ያፋሰ» ያጊዲ
 ዛሪሰ።

23 ዎታዳሬቲ ማሰቃሊያ ቦላ ኢያ ካቁዳፔ ጉዩ
 ኢያ ማዕቀ ኤኪዲ፣ ኦይዲ ቤሳን ሻኪዲ፣ ኢሶ
 ኢሶ ኤኪደሶና። ዩዳ ማዕቲያ ኢያ አዲሳ ማዕቀ
 ኤኪደሶና። 24 ዎታዳሬቲ፣ «ኦና ጋካኔኮ፣ ሳማ ዩጋናፔ
 ኦቲን ማዕቀ ፔቶ» ያጊደሶና። ሄሲ ሃኒዳይ ጌሻ
 ማዓፋን።

«ታ ማዕቀ ሻኪ ኤኪደሶና፤
 ታ አዲሳ ማዕቀ ቦላካ ሳማ ዩጊደሶና»
 ጌቲቲዳይሲ ፖሌታና ማላሳ። ሄሳ ጊሾ፣ ዎታዳሬቲ ሄሳ
 ኦሊደሶና።

25 ሺን ዩሱሳ ማሰቃሊያ ማታን ኢያ አያ፣ ኢያ አዩ
 ማቸያ፣ ቁሊዮዴ ማቸያ ማይራማኔ ማግዴላ ማይራማ
 ኤቁደሶና። 26 ዩሱሲ ባ አዩወኔ ኢ ደሲያ ታማሪይ ያን
 ኤቁደሳታ ቤዒዲ፣ ባ አዩኮ፣ «ታ አዩ፣ ኔ ናዓ ሃይሳ
 ቤዒ» ያጊሰ።

27 ሄሳፌ ጉዩ፣ ሄ ታማሪያኮ፣ «ኔ አዩው ሃና ቤዒ»
 ያጊሰ። ሄ ታማሪይ ኢዮ ሄ ዎዴፔ ደሚዲ ባራ ዳና ማላ
 ሶ ኤፊሰ።

ዩሱሲ ሃይቁሰ
 (ማቶ 27:45-56፤ ማር 15:33-41፤ ሉቃ 23:44-49)

28 ሄሳፌ ጉዩ፣ ዩሱሲ ኡባይ ሃዲ ፖሌቲዳይሳ
 ኤሪዲ፣ ጌሻ ማዓፋን ያፊቲዳይሲ ፖሌታና ማላ «ታና
 ሳሚሰ» ያጊሰ።

29 ሄ ቤሳን ኢሲ ፀጋ ኩሚላ ጫላ ዎይኔይ ዴዒሰ።
 ኤንቲ ኢሰፖንጃ ሄ ዎይኒያን ዩጊዲ፣ ሂሶዴ ሚላ ያራን
 ዎሊዲ፣ ዩሱሳ ደናኮ ሺሺደሶና። 30 ዩሱሲ ዎይኒያ
 ጋንዲ ቤዒዲ፣ «ፖሌቲሰ» ያጊሰ።

ሄሳፌ ጉዩ፣ ባ ሁዲያ ዘቁ ኦሊዲ ባ ሺምፑዎ
 ኢሚሰ።

ዩሱሳ ሚያ ቶራን ጫዲደሶና

31 ሄ ጋላሳይ ጊጌቱላ ጋላሰ ጊዲያ ጊሾኔ ዎንቲላ
 ጋላሳይ ቦንቻ ሳምባታ ጊዲያ ጊሾ አሳታ አሃይ
 ማሰቃሊያ ቦላ ሳምባታ ጋላሰ ፔያና ማላ ኤንታ ቶሁዎ
 ሚንሊዲ፣ ማሰቃሊያፔ ዎዲሳና ማላ አይሁዳቲ ጲላጎሳ
 ዎሲደሶና። 32 ሄሳ ጊሾ፣ ዎታዳሬቲ ቤዲ፣ ዩሱሳራ
 ካቁቲዳ ናምቡ አሳታ ቶሁዎ ሚንሊደሶና። 33 ሺን
 ዩሱሳኮ ዩዳ ዎዴ ኢ ሃይቁዳይሳ ቤዒዲ፣ ኢያ ቶሁዎ
 ሚንሊቦኮና። 34 ሺን ዎታዳሬታፔ ኢሶይ ኢያ ሚያ ቶራን
 ጫዲን ሶሁዎራ ሱሊኔ ሃሊ ጎጊሰ። 35 ሂንቲ አማናና
 ማላ ሄሳ ቤዒዳይሲ ማርካቲሰ። ኢያ ማርካቲላይካ
 ቱማ። ቃሲ ኢ ኦይይሲ ቱማ ጊዴይሳ ኤፊሰ። 36 ሄሲ
 ሃኒዳይ ጌሻ ማዓፋይ፣ «ኢያ ሚቁላታፔ ኢሶይካ ሚቁና»
 ጊዳይሲ ፖሌታና ማላሳ። 37 ቃሲካ ጌሻ ማዓፋይ ሃራ
 ቤሳን፣ «ኤንቲ ባንታ ጫዲዳይሳ ቤዒና» ያጌሰ።

ዩሱሲ ሞጌቲሰ
 (ማቶ 27:57-61፤ ማር 15:42-47፤ ሉቃ 23:50-56)

38 ሄሳፌ ጉዩ፣ አርማቲያሳ ካታማፔ ዩዳ ዮሴፊ
 ዩሱሳ አሃ ኤካናው ጲላጎሳ ዎሲሰ። ዮሴፊ አይሁዳታሰ
 ያዩዳ ጊሾ ቆሳን ዩሱሳ ካሊይሳ።

ጲላጎሲ፣ «ኤካ» ያጊሰ። ሄሳ ጊሾ፣ ዮሴፊ ቢዲ
 ዩሱሳ አሃ ኤኪሰ። 39 ቃሲ ኒቆዲሞሲ፣ ሃይሳፌ ካሴ
 ዩሱሳኮ ቃማ ዩዳይሲ፣ ካርቤኔ ጎዳራ ኡላራ ዎላኬቲዳ
 ሃሰታማኔ ኢሲ ኪሎ ጊራማ ጊዲያ ሺቶ ኤኪዲ
 ዮሴፋራ ዩሰ። 40 ሄ ናምቡ አሳታ ዩሱሳ አሃ ኤኪዲ፣
 አይሁዳቲ አሃ ያዲያ ማራን፣ ሺቶራ፣ ሞሳ አፊላን
 ያዲደሶና። 41 ዩሱሲ ማሰቃሊያ ቦላ ካቁቲዳ ቤሳን
 ዳሮ አታኪልቲይ ዴዒሰ። ሄ አታኪልቲያ ጊደን ሹቻፊ
 ዎጬቲዲ ኦሴቲዳ ቡሮ ኦኒካ ሞጌቲቦና ኦራላ ዲፎይ

ዳዌስ። 42 ሃ ጎንጎሎይ ማታን ዳዌያ ጊሾኔ አይሁዳቲ ሳምባታስ ጊቴታያ ጋላስ ጊዲያ ጊሾ ዩሱሳ አሃ ያን ሞጊደሶና።

20

ዩሱሲ ሃይቆፔ ዳንዲስ
(ማቶ 28:1-8፤ ማር 16:1-8፤ ሉቃ 24:1-12)

1 ዋጋ ዋዴ ዋንታ ቡር ጌዮና ዳዊሽን፣ ማግዳላ ማይራማ፣ ዩሱሲ ሞጌቲዳ ዱፋዋ ባዳ ሹቻይ ሃ ዱፋዋ ደናፔ ዳንዲዳይሳ በዓሱ። 2 ሲሞን ጳጳርሳኮኔ ዩሱሲ ደሲያ ሃንኮ ታማሪያኮ ዋፃ ባዳ፣ «ዱፋዋፔ ጎዳ ኤፊደሶና፤ ኢያ አዉን ዋሊዳኮ ኑ ኤርኮ» ያጋሱ።

3 ሃሳ ጊሾ፣ ጳጳርሳኔ ሃንኮ ታማሪይ ከዩዲ ዱፋዋ ቢደሶና። 4 ናምባይካ ኢሲፊ ዋዲደሶና፣ ሺን ሃንኮ ታማሪይ ጳጳርሳፔ አዲሲ ሲንፋቲዲ ዱፋዋ ጋከሰ። 5 ሃ ታማሪይ ሆኪዲ፣ ሞጎ አፊላ በዒሰ፣ ሺን ዱፋዋን ዋዲቤና። 6 ሲሞን ጳጳርሳኔ ኢያ ካሊ ዩዲ፣ ዱፋዋን ዋዲዲ ሞጎ አፊላይ ያን ዳዌይሳ በዒሰ። 7 ቃሲ ዩሱሳ ሁዔን ፃፃቲዳ አፊላይ ፃፃቲዳ ማላ ደማ ኢሲ በሳን ዳዌይሳ በዒሰ። ሃ አፊላይ ደማ ዳዌሲፔ አቲን ሞጎ አፊላሪ ኢሲፊ ዳና። 8 ሃ ዋዴ ሲንፋቲዲ ዱፋዋ ጋከዲ ሃንኮ ታማሪይ ጌሊ በዒዲ አማኒሰ። 9 ዩሱሲ ሃይቆፔ ዳንዳናው በሴይሳ ኦዲያ ጌሻ ማፃፋ ቃላ ኤንቲ ቡር አኬኪቦኮና። 10 ሃሳፊ ጉዬ፣ ኢያ ታማሪቲ ባንታ ሶ ሲሚዲ ቢደሶና።

ዩሱሲ ማግዳላ ማይራሚስ በንቲስ
(ማቶ 28:9-10፤ ማር 16:9-11)

11 ሺን ማይራማ ሃ ዱፋዋ ደናን ኤቃዳ ዩካሽ ሆካዳ ዱፋዋ ጊደ ያለሱ። 12 ቦላ ማፃ ማዒዳ ናምቡ ኪታንቸቲ ዩሱሳ አሃይ ዘንዒዳሱዋን ኢሶይ ሁዔሶራ ሃንኮይ ተሆሶራ ኡቲዳሺን በዓሱ። 13 ኤንቲ ኢኮ፣ «ማጫሴቲ፣ አይስ ዩካይ?» ያጊዲ ኦይቸደሶና።

ኢያ፣ «ኤንቲ ታ ጎዳ ኤፊደሶና፤ ኤንቲ አዉን ዋሊዳኮ ታኒ ኤሪኬ» ያጋሱ።

14 ሃሳ ጊዳፔ ጉዬ፣ ኢያ ጉዬ ሲማ ያሊያ ዋዴ ዩሱሲ ያን ኤቁዳይሳ በዓሱ። ሺን ኢ ዩሱሳ ጊዲዳይሳ ኤራቡኮ። 15 ዩሱሲ ኢኮ፣ «ማጫሴቲ፣ አይስ ዩካይ? ኦና ኮያይ?» ያጊዲ ኦይቸሰ።

ማይራማ አታኪልቲ ኦሳንቸዋ ዳኒን፣ «ጎዳው፣ ኔ ኤኪዳባ ጊዲኮ፣ ኢያ አዉን ዋሊዳኮ ታው ኦዳርኪ። ታኒ ኢያ ኤካና» ያጋሱ።

16 ዩሱሲ ኢኮ፣ «ማይራሚ» ያጊሰ። ኢያ ኢያኮ ሲማዳ፣ ኢብራይስፃ ደናን «ሬቡኒ» ያጋሱ። ሃሳስ ቢርሼላይ «አስታማሪያው» ጉሱ።

17 ዩሱሲ ኢኮ፣ «ታኒ ቡር ታ አዋኮ ቦና ጊሾ ታና ኦይካዳ አሻናው ኮዮፓ። ሺን ታ ኢሻታኮ ባዳ፣ ታኒ ታ አዋኮኔ ሂንቲ አዋኮ፣ ታ ያሳኮኔ ሂንቲ ያሳኮ፣ ሲማና ጊሰ» ጋዳ ኤንታው ኦዳ» ያጊሰ።

18 ማግዳላ ማይራማ ጎዳ በዒዳይሳኔ ኢው ሃሳ ኢ ኦዲዲዳይሳ ባዳ ኢያ ታማሪታስ ኦዳሱ።

ዩሱሲ ባ ታማሪታስ ቆንጨስ
(ማቶ 28:16-20፤ ማር 16:14-18፤ ሉቃ 24:36-49)

19 ዋጋ ዋዴ ኦማርሲ፣ ኢያ ታማሪቲ አይሁዳታስ ያዩዲ ካሪያ ጎርዲዲ ሸቄ ኡቲዳሺን፣ ዩሱሲ ዩዲ፣ ኤንታ ጊደን ኤቁዳ፣ «ሳርይ ሂንቲው ጊደ» ያጊሰ።

20 ሃሳ ጊዲ ሲሚዲ ባ ኩሺያኔ ባ ሚያ ኤንታ በሲሰ። ኢያ ታማሪቲ ጎዳ በዒዳ ዋዴ ዳር ኡፋይቲደሶና።

21 ዩሱሲ ዛሪዲ ኤንታኮ፣ «ሳርይ ሂንቲው ጊደ፤ ታ አዋይ ታና ኪቲዳይሳዳ ታኒካ ሂንቲና ኪታይስ» ያጊሰ።

22 ሃሳ ጊዳፔ ጉዬ፣ ኤንታ ቦላ ኡፋ ጊዲ ፑኒሰ። ቃሲ፣ «ጌሻ አያና ኤኪቲ። 23 ሂንቲ አቶ ጊዳ አሳ ናጋራይ አቶ ጌቲታና። ሂንቲ አቶ ጎናይሳታ ናጋራይ አቶ ጌቲታና» ያጊሰ።

ዩሱሳኔ ቶማሳ

24 ሺን ታማኔ ናምቡ ታማሪታፔ ኢሶይ፣ ዲዲሞሳ * ጌቲታያ ቶማሲ፣ ዩሱሲ ዩዳ ዋዴ ኤንታራ ዳና። 25 ሃሳ ጊሾ፣ ሃንኮ ኢያ ታማሪቲ ቶማሳኮ፣ «ኑኒ ጎዳ በዒዳ» ያጊደሶና።

ሺን ቶማሲ ኤንታኮ፣ «ሚሲማሪን ኢ ጫዴቲዳ ኢያ ኩሺያን ዳዌያ ቤታ በዶናኔ ሃ ቤታ ታ ቢራዴን ቦቾና፣ ቃሲ ታ ኩሺያ ኢያ ሚያን ዩዳ በዶና አማኒኬ» ያጊሰ።

26 ሳሚንታፊ ጉዬ፣ ዩሱሳ ታማሪቲ ቃሲካ ሶን ሸቄዲ ኡቲደሶና፤ ቶማሲካ ኤንታራ ዳዌሰ። ካሪይ ጎርዳቲዲ ዳዊሽን ዩሱሲ ዩዲ፣ ኤንታ ጊደን ኤቁዳ፣ «ሳርይ ሂንቲው ጊደ» ያጊሰ። 27 ሃሳፊ ጉዬ፣ ዩሱሲ ቶማሳኮ፣ «ታ ኩሺያ ኔ ቢራዴያን ቦቾና በዓ። ቃሲ ኔ ኩሺያ ታ ሚያን ዩዳና በዓ፤ ሲዶፓ፣ አማና» ያጊሰ።

28 ቶማሲ ዛሪዲ፣ «ታ ጎዳው፣ ታ ያሳው» ያጊሰ።

29 ያቲን ዩሱሲ፣ «ኔኒ ታና በዒዳ ጊሾ አማናዳሳ፣ ሺን ታና በዶና አማኒዳይሳቲ አንጃቲዳይሳታ» ያጊሰ።

ሃ ማፃፋ ቆፋ

30 ዩሱሲ ሃ ማፃፋን ፃፊቲቦና ሃራ ዳር ማላታታ ባ ታማሪታ ሲንፋን ኦሊሰ። 31 ሺን ዩሱሲ ኢ ኪሪስቶሳ፣ ያሳ ናሳ ጊዳይሳ ሂንቲ አማናና ማላኔ አማኒዲ ኢያ ሱንፋን ዳዎ ዳማና ማላ ሄሲ ፃፊቲሰ።

21

ዩሱሲ ላፑን ባ ታማሪታስ ቆንጨስ

1 ሃሳፊ ጉዬ፣ ዩሱሲ ዲባርዮሳ አባ ማታን ባ ታማሪታስ ዛሪ ቆንጨሰ። ኢ ኤንታው ሃይሳፊ ካሊዲ ዳዌያ ሃናታን ቆንጨሰ። 2 ሲሞን ጳጳርሳኔ ማንቲ ጌቲታያ ቶማሲ፣ ቃና ጋለላፔ ዩዳ ናቲናዒሊ፣ ዛብዲዮሳ ናይቲኔ ዩሱሳ ታማሪታፔ ሃራ ናምባቲ ኢሲፊ ዳዎሶና።

3 ሲሞን ጳጳርሳኔ ኤንታኮ፣ «ታኒ ሞሎ ኦይካናው ባይሰ» ያጊሰ።

ኤንቲ፣ «ኑካ ኔራ ባና» ያጊዲ፣ ዋጎሉዋ ጊደ ጌሊደሶና። ሺን ኤንቲ ሃ ቃማን አይቢ ሞሎካ ኦይኪቦኮና።

4 ዋንታ ጉራ ፃልቄይ ደላናፔ ሲንፋ፣ ዩሱሲ አባ ጋፃን ኤቁስ፣ ሺን ኢያ ታማሪቲ ዩሱሳ ጊዲዳይሳ ኤርቦኮና። 5 ዩሱሲ ኤንታኮ፣ «ታ ላጌቶ፣ ሞሎ ኦይኪቤኬቲ?» ያጊሰ።

ኤንቲ ዛሪዲ፣ «ኦይኮካ ኦይኪቦኮ» ያጊደሶና።

6 ኢ ዛሪዲ፣ «ሂንቲ ጊቲያ ዋጎሉዋፔ ኡሻቻ ባጋራ ዩጊቲ፤ ጉላ ሞሎ ሂንቲ ኦይካና» ያጊሰ። ሃሳ ጊሾ፣

20:23 ማቶ 16:19፤ 18:18 * 20:24 ዲዲሞሳ ጌይሳ ቢርሼላ ጥሃ 11:16 ያለቲ። 21:3 ሉቃ 5:5 21:6 ሉቃ 5:6

ጊቲያ ኡሻቻ ባጋራ ዩጊደሶና። ሞሎይ ዳሪዳ ጊሾ ጎቺዲ ኬሳናው ጾኔቲደሶና።

7 ዩሱሲ ደሲያ ታማሪይ ጳጳርሳኮ። «ሃይሲ ጎዳ!» ያገለገለ። ሲሞን ጳጳርሲ ኢ ጎዳ ጊዳይሳ ሲዲ ወደ ካሎ ዳዲያ ጊሾ ባ ማዑዋ ማዲዲ አባ ጊዳ ጉፒ ጌሊሲ። 8 ሺን ዋሳሉዋን ኣቲዳ ሃንኮ ታማሪቲ ሞሎይ ኩሚዳ ጊቲያ ጎቺዲ፣ አባፌ ጋፃ ኬዩደሶና። ኤንቲ አባፌ ናምዑ ጭቱ ዋቆ ማላ ሃኮሶና። 9 ኤንቲ አባፌ ጋፃ ኬዩዳ ወደ ጊፋ ቦንቆን ሞሎይ ዳዴይሳኔ ኡይሊ ቤዲደሶና።

10 ዩሱሲ ኤንታኮ። «ሃዲ ሃንቲ ኦይኪዳ ሞሎዋፕ ጉላራ ሃሚቲ» ያገለገለ።

11 ሲሞን ጳጳርሲ ዋሳሉዋን ጌሊዲ፣ ጭታኔ አሻታማኔ ሃቸ ዋጋ ሞሎቲ ኩሚዳ ጊቲያ ጎቺዲ አባፌ ጋፃ ኬሲሲ። ሞሎይ ሃሳ ማላ ዳሮ ጊዲን ጊቲይ ዳኬቲቤና።

12 ዩሱሲ ኤንታኮ። «ሃ ዩዲ ሚቲ» ያገለገለ። ኢ ጎዳ ጊዳይሳ ኤንቲ ኤሪዳ ጊሾ ኢያ ታማሪታፕ ኢሶይካ፣ «ኔኒ ኦኔ?» ጊዲ ኢያ ኦይቻናው ሚኒዳይ ባዋ። 13 ዩሱሲ ዩዲ፣ ኡይላ ኤኪዲ ኤንታው ኢሚሰ፤ ሞሎዋካ ሃሳዳ ኢሚሰ።

14 ዩሱሲ ሃይቆፕ ዳንዲዲ ባ ታማሪታሰ ቆንጨሺን ሃይሲ ሃቸንሱ።

ዩሱሳኔ ጳጳርሳ

15 ኤንቲ ሚዳፕ ጉዩ፣ ዩሱሲ ሲሞን ጳጳርሳኮ። «ዮና ናዓው ሲሞና፣ ታና ሃይሳታፕ ኣላዳ ደሳይ?» ያገለገለ።

* ሲሞን ጳጳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገለገለ።

ዩሱሲ ኢያኮ። «ታ ደርሳ ማራታ ሂማ» ያገለገለ።

16 ዩሱሲ ቃሲካ፣ «ዮና ናዓው ሲሞና፣ ታና ደሳይ?» ያገለገለ።

ሲሞን ጳጳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገለገለ።

ዩሱሲ፣ «ታ ደርሳታ ሂማ» ያገለገለ።

17 ዩሱሲ ሃቸንሱ፣ «ዮና ናዓው ሲሞና፣ ታና ደሳይ?» ያገለገለ።

ዩሱሲ ሃቸንሱ ሲሞን ጳጳርሳኮ። «ታና ደሳይ?» ያገለገለ። ኦይቸዳ ጊሾ ጳጳርሲ አዛኒዲ፣ «ጎዳው፣ ኔኒ ኡባባ ኤራሳ፤ ታኒ ኔና ደሴይሳ ኔ ኤራሳ» ያገለገለ።

ዩሱሲ፣ «ታ ደርሳታ ሂማ። 18 ታኒ ኔው ቱማ ኦዳይሰ፤ ኔኒ ናዓቲሳን ዳዲያ ወደ ኔርካ ዳንጨታዳ፣ ኔ ኮዩዳ ሶ ባሳ። ሺን ኔ ጨሚዳ ወደ ኔ ኩሺያ ሚጫ ቤሳና። ሃሪ ዳንጨሳና፤ ኔ ደሶና ሶ ኤፋና» ያገለገለ።

19 ዩሱሲ ሃሳ ጳጳርሲ አይ ማላ ሃይቆ ሃይቁዲ፣ ፆሳ ቦንቸሳኔኮ ኤሪሳናው ገሰ። ሃሳ ጊዳፕ ጉዩ፣ ዩሱሲ ጳጳርሳኮ። «ታና ካላ» ያገለገለ።

ዩሱሳኔ ሃንኮ ታማሪያ

20 ጳጳርሲ ጉዩ ሰሚዲ፣ ዩሱሲ ደሲያ ታማሪይ ባፕ ጉዩራ ዩይሳ ቤዲሲ። ሃ ታማሪይ፣ ካሆ ሚያሶን ዩሱሳኮ ሸቁዲ፣ «ጎዳው፣ ኔና አሊ ኢማናይ ኦኔ?» ጊዳይሳ።

21 ጳጳርሲ ሃ ታማሪያ ቤዲዲ፣ «ጎዳው፣ ሃ አዳይ ቃሲ ዋናኔ?» ያገለገለ። ዩሱሳ ኦይቸሰ።

22 ዩሱሲ ኢያኮ። «ታኒ ያና ጋካናው ኢ ዳና ማላ ታኒ ኮይኮ፣ ሃሲ ኔና አይ ማቲዳ? ኔኒ ታና ካላ» ያገለገለ።

23 ሃሳ ጊሾ፣ ሃ ታማሪይ ሃይቁና ጊያ ኦዳይ አሻታ ኡባ ጋኪሰ። ሺን ዩሱሲ፣ «ታኒ ያና ጋካናው፣ ኢ ዳና ማላ ታኒ ኮይኮ ኔና አይ ማቲዳ?» ያገለገለ። ኣቲን «ሃይቁና» ገቤና።

24 ሃ ኦዳባ ማርካቲዳይኔ ሃይሳ ፆዳይ ሃ ታማሪያ። ኢያ ማርካቲላይ ቱማ ጊዳይሳ ኔኒ ኤሮሰ።

25 ዩሱሲ ኦሊዳ ሃራ ዳርባይ ዳዴሰ። ታ ቆፒን፣ ኡባባይ ሁዔን ሁዔን ፆፊቲዳኮ፣ ፆፊቲያ ማፃፋታሰ ኩሚሳ አላሚይ ዋሳንው ጊዳናባ ዳኔና።

* 21:15 ዮና ጊሪኬ ዳናን ዮና ጊያ ሱንላይ ጥሃኒሳ ጊያ ሱንላሰ ሳጶሎ ሱንሱ። 21:20 ዮሃ 13:25

ሃዋሪታ ኦሱዋ ጋሳ ቆፋ

ሃዋሪታ ኦሱ ማፃፋይ፣ ሉቃስ ዋንጌላ ካሊዲ ፃፊት ያዘገጠው ማፃፋይ። ማፃፋሰ ደዲያ ዋና ቆፋይ ኮይሮ ዩሱፊ ካሊዲ አሳቲ ጌሻ አያናይ ካሌሊን፣ ኢያባ ኦዲያ ቃላ፣ «ዩሩሳሌምን፣ ዩሱዳ ቢታ ኡባን፣ ሳሚሬን፣ ሳዓ ጋፃ፤ ጋፃ ጋካናው» (1:8) ዋንጌላ ቢታ ኡባ ዋቲ ጋሊዳኮ ኦዳናሳ። ማፃፋይ፣ አማኖይ አይሁዳ አሳታ ጊደን ደሜቲዲ፣ ኩሜሳ አላሜን ደዲያ አሳ ኡባ አማኖ ጊዳና ጋካናው ዋኒዲ ዳልጊዳኮ ኦዲያ ታሪኩ። ሃ ማፃፋ ፃፊይ፣ አሚኒያ አሳቲ ሮሜ ካዋቲሳ ኩንዲሳናው ጋርሳራ ማቁቲያ አሲ ጊዳናይሳኔ አማኖይ አይሁዳታ ሃይማኖቱ ፖሎ ኦሊይሳ ጊዳይሳ ኤሪሳናው ኬሂ ዳቡሪዲ ኦሊሰ።

ሃዋሪታ ኦሱ ማፃፋን ዩሱፊ ተደፊያ ዋንጌላይ ጋኪያ ቤሳይ ዋዴን ዋዴን ዳልጊ ዳልጊ ቤይሳኔ ዋሳ ኬሊ ኤቁዳይሳ ቆንጨሲያ ሄዡ አይፊ ኪፊሊታን ሻካናው ዳንዳዲቲሰ።

1. አማኖይ ዩሱፊ ሳሎ ኬዩ ሲሚን ደሜቲዳይሳ።
2. አማኖይ ኢስራኤል ቢታ ኡባ ጋኪዳይሳ።
3. ሮሜ ጉጂዲ ሜዲቲራኔ አባ ዩሹዋን ደዲያ ቢታ ኡባን ዳልጊዳይሳ ቤሴስ።

ሃዋሪታ ኦሱ ማፃፋን አዲዲ ቤንቴይ ጌሻ አያና ኦሱ ጊዲሺን፣ ጳጳስ ቆሩሳላሜን ደዲያ አሚኒይሳታ ቦላ ዋልቃራ ዋዲዳይሳ ኦዲስ። ሄሳዳካ፣ ማፃፋ ጊደን ቆንጨዳ ኦሱታ ኡባን ቤንቲዳይሳዳ ጌሻ አያናይ ዋሳ ኬላኔ ዋሳ ኬላ አይሴይሳታ ካሌሊዳይሳኔ ሚንሌሊዳይሳ ጉጂዲ ኦዲስ። ቤኒ ዋዴ አሚቲያ አማኖ ኪታይ ደማ ደማ ኦዲቲዳ ቃላ፤ ኬሶን ኬሶን ኤኬቲስ። ሃዋሪታ ኦሱዋ ጊደን ኦሴቲዳ ኦሱታ ኪታይ አሚኒያ አሳ ዳዖኒኔ ዋሳ ኬላ ኢሲፊቴላን ደዲያ ዋልቃይ አይ ሜላ ጌቲኮ ቤሴስ።

ሃዋሪታ ኦሱዋ አይፊ ቆፋታ

- ማርካቴሳስ ጊጌቲላ 1:1-26
- 1) ዩሱፊ ማርሴላ ኪታኔ አሚዳ ኡፋይሳ 1:1-14
 - 2) ዩሱዳ ቤሳን ሃራ ደራዋ 1:15-26
- ዩሩሳሌምን ማርካቴላ 2:1-8:3
- ዩሱዳኒኔ ሳሚሬን ማርካቴላ 8:4-12:25
- ጳውሎሳ ሃዋሪቲሳ ኦሱዋ 13:1-28:31
- 1) ኮይሮ ሃዋሪቲሳ ቡሳ 13:1-14:28
 - 2) ዩሩሳሌም ሸቁዋ 15:1-35
 - 3) ናሞዳንሳ ሃዋሪቲሳ ቡሳ 15:36-18:22
 - 4) ሄዡንሳ ሃዋሪቲሳ ቡሳ 18:23-21:16
 - 5) ጳውሎሲ ዩሩሳሌምን፣ ቁሳሪያኒኔ ሮሜን ቃሼቲሳ 21:17-28:31

1-2 ቲዎፊሎሳ፣ ዩሱፊ ባ ኦሱዋ ኦይኪዳ ዋዴ፤ ሳሎ ቢዳ ጋላሳ ጋካናው፣ ኦሊዳባኔ ታማርሲዳባ ኡባ ታኒ ታ ኮይሮ ማፃፋን ፃፋሰ። ሳሎ ባና፤ ሲንፊ ኢ ባ ደሪዳ ሃዋሪታ ጌሻ አያናን ኪቲስ። 3 ኢ ባ ዋያ፤ ጉዬ ሃይቆፔ ዳንዲዳይሳ ሲዲይ ባይና ቆንጨሲዲ ኤንታው ባና ቤሲስ። ኦይታው ጋላሰ ኤንታው ቆንጨዲ ያሳ ካዋቲሳባ ኤንታ ታማርሲስ። 4 ኢሲ ዋዴ ኤንታራ

ኢሲፊ ሚሽ ኤንታ ሃይሳዳ ያጊዲ ኪቲስ። «ታ ሂንቲው ኦዲዳ፣ ታ አዋይ አማና ጊዳ ኡፋይሳ ቃላ ናጊቲ፤ ኦቲን ዩሩሳሌምን ኬዮ፤ 5 አይሰ ጊኮ፣ ዮሃኒሲ ሃሳን ፃማቁስ፣ ሸን ጉላ ዋዴ፤ ጉዬ ጌሻ አያናን ሂንቲ ፃማቁታና» ያጊሰ።

6 ሃዋሪቲ ዩሱፊ ጋሂቲዳ ዋዴ ኢያኮ፣ «ጎዳው፣ ኢስራኤልታስ ኔ ካዋቲሳ ዛራና ዋዴይ ሃይሴ?» ያጊዲ ኦይቲዳሰና።

7 ዩሱፊ ኤንታኮ፣ «ታ አዋይ ባ ማታን ኦሊያ ዋዴያኔ ላይሳ ሂንቲ ኤራናው ዳንዳዲኬታ። 8 ሸን ጌሻ አያናይ ሂንቲ ቦላ ዋዲያ ዋዴ ሂንቲ ዋልቃን ኩማና። ያኒ ሲሚዲ፣ ዩሩሳሌምን፣ ዩሱዳ ቢታ ኡባን፣ ሳሚሬኒኔ ሳዓ ጋፃ ጋካናው ታው ማርካታ ጊዳና» ያጊሰ።

9 ሄሳ ጊዳይሳፊ ጉዬ ኤንቲ ፃሊሸን፣ ቶቁ ቶቁ ጊዲ፣ ሳሎ ቢን ሻራይካ ኢያ ኤንታ አይፊያ፤ ጌንሊስ።

10 ዩሱፊ ቢያ ዋዴ ኤንቲ ሳሎ ቲሺ ኦሊዲ ፃሊሸን፣ ቦላ ማፃ ማዲዳ ናሞ- አሳቲ አኬኮና ኤንታ ማታን ኤቁዳ። 11 «ጋሊላ አሳው፣ ሳሎ ፃሊሸ፣ ሂንቲ አይሰ ኤቁዳቲ? ሃ ሂንቲ ቤዲሸን ሳሎ ቢዳ ዩሱፊ ሄሳዳካ ሲሚዲ ያና» ያጊዳሰና።

ዩሱዳ ቤሳን ማቲያሲ ደራቲስ (ማቶ 27:3-10)

12 ሄሳፊ ጉዬ፣ ሃዋሪቲ ሻማሆ ደሪያ፤ ዩሩሳሌም ሲሚዳሰና፣ ሻማሆ ደሪይ ዩሩሳሌምን ማታን ደዲስ።

13 ኤንቲ ዩሩሳሌም ጌሊዲ፣ ባንታ ደዲያ ቤሳ ፖቁያ ቦላ ኬዩዳሰና። ኤንቲካ፣ ጳዊርሳ፣ ዮሃኒሳ፣ ያይቆባ፣ ኢንዲሪያሳ፣ ፊልጶሳ፣ ቶማሳ፣ ባርቶሎሚዮሳ፣ ማቶሳ፣ ኢልፊዮሳ ናዓ ያይቆባ፣ ባ ቢታስ ሚሹቲያ ሲሞናኔ ያይቆባ ናዓ ዩሱዳ። 14 ሃይሳቲ ኡባይ ማጫሳታራ፣ ዩሱፊ አይ ማይራሚራኔ ዩሱፊ አሻታራ ኡባይ ኢሲ ዋዳናን ጊዲዲ ሚንሊዲ ዋሰሰና።

15 ሄ ዋዴ ጳዊርሲ ፃታኔ ላታማ ጊዲያ አሚኒያ አሳይ ሸቁዳ ቤሳን ዳንዲ ኤቁዳ፣ ሃይሳዳ ያጊሰ። 16 «አሳው፣ ዩሱፊ ኦይኪዳይሳታ ካሌሊዳ ዩሱዳባ ጌሻ አያናይ ካሴ ዳዋቲ ደናን ኦዲዳ ያሳ ቃላይ ፖሊታናው ቤሴስ። 17 ዩሱዲ ኦራ ኢሲፊ ሃ ኦሱዋ ኦላናው ደራቲዳ አሲ።»

18 ሸን ዩሱዲ ባ ኢታ ኦሱዋን ደሚዳ ሚሸን ጋዴ ሻሚስ። ኢ ጉፋኒዲ ኩንዲን፣ ኢያ ኡሎይ ዳኬቲስ፤ ኢያ ማራጩይ ኡባይ ካሪ ኬዩስ። 19 ዩሱዳ ቦላ ሃኒዳባ ዩሩሳሌምን ደዲያ አሳ ኡባይ ሲዲስ። ሄሳ ጊሸ፣ ሄ ጋዴያ ባንታ ቃላን አኬልዳማ (ሱላ ጋዴ) ጊዲ ፃጊዳሰና።

20 «ሄሲካ ማዘሙራ ማፃፋን፣ ሳሊ ኬላይ ካሎ አቶ፤ ኦኒካ ኢያን ዳዖ።

ቃሲ ኢያ ሹማቲሳ ሃሪ ኤኮ፣ ጌቲቲ ፃፊቲስ።

21 «ሄሳ ጊሸ፣ ጎዳ ዩሱፊ ኦ ጊደን ሲሜራቲዳ ዋዴ ኡባን ኦራ ደዲይሳታ፤ 22 ቃሲ ፃማቁያ ዮሃኒሳ ዋዴያ፤ ደሚዲ ጎዳ ዩሱፊ ሳሎ ቢዳ ጋላሰ ጋካናው ኦራ ደዲይሳታ፤ ኢሲ አሲ ኢያ ዳንዲዋሰ ኦራ ማርካ ጊዳናው ቤሴስ» ያጊሰ።

23 ሄሳ ጊሸ፣ አሳይ ደራዋሰ ዮሰያሳ ጊያ ባርሳባሳ ጌቲቲያ ዮሴፋኔ ማቲያሳ ናሞዓ ሸሸደሰና። 24 ሄሳፊ ጉዬ፣ ያሳ ዋሲሸ፣ «አሳ ኡባ ዋዳና ኤሪያ ጎዳው፣ ሃ

ናምዓታ፤ ኔ ኦና ደሪዳኮ ኩና ቤሳ። 25 ዪሁዲ ባ ቤሳ ቢዲ። ኣጊዳ ኦሎብኔ ሃዋሪቴላ ኦሎብ ኤካና ማላ ሃይሳታ፤ ኩሰ ቆንጫሳ» ያጊደሶና። 26 ኤንታ ቦላ ሳማ ዪጊደሶና። ሳማይ ማቲያሳ ቦላ ዋዲን ማቲያሶ ታማኔ ኢሲ ሃዋሪታ ቦላ ጉኩቲሰ።

2

ጌሻ ኣያና ዩሳ

1 ጳጳስጳሎስ ይገባ ጋላሳይ ጋኪዳ ዋዳ ኣማኒያ ኣሳ ኡባይ ኢሲፊ ኢሲ ቤሳን ሸቆዲ ዳዖሶና። 2 ቆፖና ዋልቃማ ጎቲዳ ጉሚያ ጉንሳይ ኣኩኮና ሳሎ፤ ዪዲ ኤንቲ ዳዲያ ኩላ ኩሚሰ። 3 ቃሲ ታማ ላጮ ዲኒያ ኢንፃርሳቲ ኤንታው ቤንቲሹ። ሻኩቲ ሻኩቲ ኤንታ ኡባ ቦላ ዋዲደሶና። 4 ኤንቲ ኡባይ ጌሻ ኣያናን ኩሚዲ ዲማ ዲማ ደናን ኦዳታና ማላ ጌሻ ኣያናይ ኤንታ ዳንዳዲሲን ሃሳያ ደሚደሶና።

5 ሄ ዋዳ ቢታ ኡባፊ ዪዳ ያሳ ያያ ኣይሁዳቲ ዩሩሳሌምን ዳዖሶና። 6 ሄ ጉንሳ ሰዒዲ ዋዳ ዳር ኣሳይ ሸቆደሶና። ኣማኒያ ኣሳይ ኤንታ ቃላን ኦዳቲሺን ሰዒዲ ጊሾ 7 ማላሌቲዲ። «ሃ ኦዳቲያ ኣሳ ኡባይ ጋላላ ኣሴ ጊደኮናዩ? 8 ያቲን። ኩኒ። ኩ ዩሌቲዳ ቢታ ደናን ኤንቲ ኦዳቲሺን ዋኒዲ ሰዓናው ዳንዳዲዶ? 9 ኩኒ ጳርፃን። ሜደናን። ኤላሜን። ናምዑ ሻፋታ፤ ጊደን ዳዕይሳቲ። ዪሁዳን። ቃጳደቂያን። ጳንያሳን። ኢሲያን። 10 ጲርጌን። ጲንፊሌን። ጊብጻን። ቃሬና ማታን ዳዲያ ሊቢያን ዳዕይሳታ። ኩ፤ ባጋቲካ ሮሜ፤ ዪዳ ኣሳታ። 11 ኣይሁዳቲኔ ኣይሁዳቲላ ኣማኖ ጌሊዳ ኣሳቲ። ቃርፃሳኔ ኣራቤ ኣሳቲ። ያሳይ ኦሊዳ ጊታ ኦሎብ ኩ ቃላን ኦዳቲሺን ሲዖስ» ያጊደሶና። 12 ኡባይ ማላሌቲዲ። ጋናባ ጳዩዲ ዋሊኮ። «ላ ሃይሲ ኣይ ጉሴ?» ያጊደሶና። 13 ሸን ሃራቲ። «ሃይሳቲ ኡዪዲ ማላቲደሶና» ያጊዲ ቁልቁሲደሶና።

ጳጳሮሳ ሃሳያ

14 ሸን ጳጳሮሲ። ታማኔ ኢሲ ሃዋሪታራ ዳንዲ ኤቂዲ። ባ ቃላ ጳቂ ኦሊዲ። ኤንታው ሃይሳዳ ያጊዲ ኦዲሰ። «ኣይሁዳቶ። ዩሩሳሌምን ዳዲያ ኡባቶ። ታኒ ኦዳይሳ ሰዒቲ። 15 ዋንታፊ ሃቡ ሳቲ ጊዲያ ጊሾ ሃንቲ ቆፔይሳዳ ሃ ኣሳቲ ማላቲቦኮና፤ ሃሲ ሃንቲው ኤሬቶ። 16 ሸን ሃይሲ ሃኒዳይ ናቢያ ኢዩዔሊ ኦዲዳይሲ ፖሌታና ማላሳ።

17 « (የሳይ። ዋዲያ ዉርሴላን ሃይሳዳ ሃናና ያጌስ። ታኒ ኣሳ ኡባ ቦላ ታ ኣያና ጉሳና። ሃንቲ ኣዳ ናይቲኔ ማጫ ናይቲ። ቲንቢቲ ኦዳና። ሃንቲ ያላጋቲ ቆንጫሳ ቤዓና፤ ሃንቲ ጩማቲ ኣሙሆ ኣሙሃና።

18 ሄ ጋላሳታን ታና ኣማኒያ ኣዳ ኣይሌታ ቦላኔ ማጫ ኣይሌታ ቦላ ታኒ ታ ኣያና ጉሳና፤ ኤንቲ ቲንቢቲ ኦዳና።

19 ቃሲ ታኒ ቦላ ሳሎብን ኦራላባ። ጋርሳ ሳዓንካ ማላ ቤሳና። ሱሉ። ታሚኔ ዋልቃማ ጫጋኒ ቤንታና።

20 ጊታኔ ቦንቾ ጊዲዳ ጎዳ ጋላሳይ

ጋካና፤ ሲንሌ ኣዋይ ጳማና፤

ኣጌናይካ ሱሉ ዳናና።

21 ሄ ዋዳ ሃሳዳ ሃናና፤

ጎዳ ሱንሳ ጻጊያ ኦኒካ ኣታና ያጊሰ።

22 «ኢሰራዔሌ ኣሳው። ሃ ቃላ ሰዒቲ። ናዚሬቲ ዩሱሳ ኦናቲሳይ። ያሳይ ሃንቲ ጊደን ኦሊዳ ዋልቃማ ኦሎብኔ ማላታታን ሃንቲው ቆንጫይሳ ሃንቲ። ሃንቲ ሁዒን ኤሬታ። 23 ያሳ ካሴ ኤራኒኔ ኢያ ሸኒያን ዩሱሲ ሃንቲው ኣዲ ኦሚቲሰ። ሃንቲ ኢያ ናጋራንቾቲ ማሰቃሊያ ቦላ ካቂዲ ዋዳና ማላ ኣሉ ኣሚዳታ። 24 ሸን ያሳይ ሃይቆ ዋልቃ ዲጊዲ ኢያ ዳንሉሰ። ሃሳ ጊሾ። ሃይቆይ ኢያ ኦይካናው ዳንዳዲቤና። 25 ዳዊቲይ ኢያባ ኦዲሹ። ታኒ ያርኮና ማላ።

ጎዳይ ታ ኡሻቻን ዳዕሰ።

ጎዳ ኡባ ዋዳ ታ ማታን ቤዓይሰ።

26 ሃሳ ጊሾ። ታ ዋዛናይ ኡፋይቲሰ፤

ታ ኢንፃርሳን ኡፋይሲ ኩሚሰ፤

ሃይቂያ ታ ኣሳቲላይ ኡፋይሳን ዳና።

27 ኣይሰ ጊኮ። ታ ሸምፑዋ ሲዖሌን ኣጋካ።

ቃሲ ኔ ጌሻ ናዓ ኣሃ ዋቂሳካ።

28 ኔኒ ታና ዳዖ ኦጊያ ኤሪሳዳሳ።

ኔኒ ታራ ዳዕይሳን ታ ኡፋይሳይ ኩሚሰ ጊዳሰ።

29 «ኣሳው። ኩ ኣዋ ዳዊቲባ ታ ሃንቲው ጌሻዳ ኦዳና።

ዳዊቲይ ሃይቂዲ ሞጌቲሰ፤ ኢያ ዲሬይ ሃቺ ጋካናው

ኩ ማታን ዳዕሰ። 30 ዳዊቲይ ናቤ ጊዲዳ ጊሾ ያሳይ

ኢያ ሸሻ፤ ኢሱብ ኢያ ካዋቲላ ኣራታ ቦላ ኡቲሳናው

ኢያው ጫቂዳ ጫቂዋ ኤሬሰ። 31 ሃሳ ጊሾ። ኪሪሰቶሳ

ዳንዲዋ ሲንሌ ጻሊዲ። «ኢያ ሸምፑይ ሲዖሌን ኣቲቤና፤

ኢያ ኣሳቲላይካ ዋቂቤና። ጊዲ ኦዲሰ።

32 «የሳይ። ሃ ዩሱሳ ሃይቂዋ፤ ዳንሌዳይሳሰ ኩኒ

ኡባይ ማርካ። 33 ሃሳ ጊሾ። ያሳይ ባራ ሃራና ማላ

ባ፤ ኡሻቻ ባጋራ ኢያ ጳቂ ጳቂ ኦሊዲ። ኢያው ኣማና

ጌቲቲዳ ጌሻ ኣያና ኤኪዲ። ሃይሳ ሃንቲ ሃዒ ቤዒይሳኔ

ሲዒይሳ ኩ ቦላ ጉሲሰ። 34-35 ጋሶይካ። ዳዊቲይ ባ

ሁዒን ሳሎ ቢቤናሸን ያጊሰ።

ሳዳይ። ታ ጎዳ። «ታኒ ኔ ሞርኬታ

ኔ ቶሆይ ዩዲያሶ ኦላና ጋካናው

ሃይሳን ታ፤ ኡሻቻ ባጋን ኡታ» ጊሰ።

ያጊሰ።

36 «ሃሳ ጊሾ። ሃ ሃንቲ ማሰቃሊያ ቦላ ካቂዳ ዩሱሳ።

የሳይ ጎዳኔ ኪሪሰቶሳ ኦሊዳይሳ ኢሰራዔሌ ኣሳ ኡባይ

ቲማ ኤር» ያጊሰ።

37 ኣሳይ ጳጳሮሲ ጊዳይሳ ሰዒዲ ዋዳ ባንታ ዋዛናን

ቦሼቲዲ ጳጳሮሳኔ ሃንኮ ሃዋሪታኮ። «ኣሻቶ። ያቲን ኩኒ

ኣይ ኦሊና?» ያጊደሶና።

38 ጳጳሮሲ ኤንታኮ። «ሃንቲ ናጋራይ ኣቶ ጌቲታና ማላ

ናጋራ፤ ሰሚዲ። ሃንቲ ኢሶይ ኢሶይ ዩሱሰ ኪሪሰቶሳ

ሱንላን ፃማቂቲቲ። ያሳይ ኢሚያ ጌሻ ኣያና ሃንቲ ኤካና።

39 ጋሶይካ ያሳይ ኣማና ጊዳ ኡፋይሳ ቃላይ ሃንቲሰ።

ሃንቲ ናይታሰኔ ጎዳይ ኩ ያሳይ ባኮ ጻጊያ ሃሆን ዳዲያ

ኡባሳ» ያጊሰ።

40 ጳጳሮሲ ኤንታው ሃራ ቃላካ ጉጂ ማርካቲዲ።

«ሃ ዋዲያ ጌላ ኣሳ ቦላ ያናው ዳዲያ ፐርዲፊ

ሃንቲ ሁዒያ ኣሸቲ» ያጊዲ ዞሪሰ። 41 ጳጳሮሲ

2:1 ሉዊ 23:15-21፤ ዛሬ 16:9-11 2:17 እዩ 2:28-32 2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5 2:28 ማዝ 16:8-1 2:30 ማዝ 132:11፤ 2ሳሙ 7:12-13 2:34-35 ማዝ 110:1

አዲዳይሳ ኤኪዳይሳት ፃማቁቲደሶና። ሄ ጋላስ ሄቸ-
ሙኩሉ ገዲያ አሳይ አማኒደሶና። 42 ኤንቲ ሃዋርያት
ቲሚርቲያን፣ ኢሲፊቴላን፣ ኡይላ ሙሳኒኔ ያሳ ዋሳን
ሚኖሶና።

አማኒያ አሳ ኢሲፊቴላ ዳዑዋ

43 ሃዋርያት ኩሼን ዳር ኦራፋባይኔ ማላቲ ኦሴቲያ
ጊሾ አሳ ኡባይ ያዩደሶና። 44 አማኒዳ ኡባይ ኢሲፊ
ዳዎሶና፤ ባንታው ዳዲያባ ኡባ ኢሲፊ ሻኬቶሶና።
45 ኤንቲ ባንታው ዳዲያባ ባይዚዲ ሚሺያ ኢሱዋስ
ኢሱዋስ ኮሺዳ ማላ ሻኮሶና። 46 ኡባ ጋላስ ኢሲ
ዋዛናን ገዲዲ ያሳ ኬላን ሺቆሶና። ባንታ ኬላን ኢሶይ
ኢሱዋ ፀገዲ ኡፋይሳኒኔ አሸኬ ዋዛናን ካላ ሞሶና።
47 ያሳ ጋላቲሼ አሳ ኡባን ሳቤቲደሶና። ጎዳይ አቴይሳታ
ጋላስ ጋላስ ኤንታ ቦላ ጉጁስ።

3

ዋቤ አዳይ ፓዲስ

1 ኢሲ ጋላስ ጳዊርሲኔ ዮሃንሲ ያሳ ዋሳናው ኡዲፋን
ሳቲን ያሳ ኬላ ቢደሶና። 2 ዩሌቶሶፕ ደሚዲ ዋቤ
ገዲዳ ኢሲ አዳይ ያሳ ኬላ ፔሊያ አሳፕ ሚሼ ዋሳና
ሚላ ኡባ ዋዴ ሎዎ ጊያ ያሳ ኬላ ፔንጊያን ኤሂዲ
ዋሶሶና። 3 ሄ ዋቤ አዳይ ጳዊርሲኔ ዮሃንሲ ያሳ ኬላ
ጌላና ሃኒሺን ቤዲዲ ኤንታ ሚሼ ዋሲስ።

4 ኤንቲካ ኢያ ጫዲ ፃሊዲ፣ «ኑኮ ሃ ፃላ»
ያገደሶና። 5 ዋቤ አዳይ ኤንታፊ አይኮ ኤካና ዳኒን
ኤንታኮ ፃሊስ። 6 ሺን ጳዊርሲ ኢያኮ፣ «ታው ሚሼይ
ባዋ፣ ሺን ታው ዳዲያባ ታኒ ኔው ኢማና። ናዚሬቴ ዩሱስ
ኪሪስቶሳ ሱንላን ዳንዳዳ ሃሙታ» ያገሰ።

7 ሄሳፊ ጉዬ፣ ዋቤ አዲያ ኡሻቻ ኩሺያ ኦይኪዲ
ዳንሱስ። ኡሌሲዲ ኢያ ቶሆይኔ ቁንጫፊሌይ ሚኒ
ኣገሰ። 8 አዳይ ጉፒዲ ዳንዲ ኤቁስ። ጌዴኔ ሃ ሃሙሳ
ደሚስ። ሄሳፊ ጉዬ፣ ሃሙቲሼ፣ ጉፒሼኔ ያሳ ጋላቲሼ
ኤንታራ ኢሲፊ ያሳ ኬላ ጌሊስ።

9 ኢ ሃሙቲሺኒኔ ያሳ ጋላቲሺን አሳ ኡባይ ኢያ
ቤዲደሶና። 10 ቤዲዳ ኡባይ ሚሼ ዋሳናው ሎዎ ጊያ
ያሳ ኬላ ፔንጊን ኡቲዳይሲ ኢያ ገዲዳይሳ ኤሪደሶና፤
ኢ ሃኒዳባ ቤዲዲ ማላሌቲደሶና።

ጳዊርሲ ያሳ ኬላን ሃሳዬዳ ሃሳያ

11 አዳይ ጳዊርሳፔኔ ዮሃንሳፕ ዳዲኬ ገዲ ኦይኪዲ
ዳዲሺን አሳ ኡባይ ማላሌቲዲ፣ ሶሎሞኔ ባራንዳ
ጊያሶን ኢሲፊ ኤንታኮ ዋዲደሶና። 12 ጳዊርሲ አሳ
ቤዲዳ ዋዴ አሳኮ፣ «ኢሰራዬላ አሳው፣ አይስ ሃይሳን
ማላሌቲቲ? ዋይኮ አይስ ኑና ጫዲ ፃሊቲ? ኑኒ ኑ
ዋላቃን ዋይኮ ኑ ፃሎቲላን ሃ አዲያ ሃሙሳዳባ ሂንቲው
ዳኒ? 13 አብራሃሜ፣ ዩሳቃ፣ ያይቆባ ያሳይ፣ ኑ አዋታ
ያሳይ፣ ባ ናዓ ዩሱሳ ቦንቺስ። ሺን ሂንቲ ሃይቆስ አላ
አሚዳይሳ ጳላያሲ ቢላናው ኮዩንካ ሂንቲ ኢያ ሲንላን፣
ሱኒ ኢያ ኤሮኮ» ያገደታ። 14 ሂንቲ ጌሻኔ ያላዋ፣
ሱኒ ኢያ ኤሮኮ ገዲ፣ ሺምፖ ዋዲዳይሳ ሂንቲው
ቢላና ሚላ ጳላያሳ ዋሲደታ። 15 ዳዑዋ አሚይሳ
ሂንቲ ዋዲደታ፣ ሺን ያሳይ ሃይቆፔ ኢያ ዳንሱስ። ሄሳስ
ኑኒ ማርካ። 16 ሃ ሂንቲ ቤዴይሲኔ ኤሪያ አዳይ ፓዲዲ

ሚኒዳይ ዩሱሳ ሱንላን አማኒዳይሳና። ሃ ሂንቲ ኡባ
ሲንላን ኢያ ሃይሳዳ ፓሊዳይ ኢ ዩሱሳ አማኒዳ ጊሾሳ።

17 «ሃዒካ ታ አሻቶ፣ ሂንቲካ ሂንቲና ካሌጬይሳታዳ፣
ኤሮና ኦሊዳይሳ ታኒ ኤራይስ። 18 ሺን ያሳይ ቤኒ ናቤታ
ኡባ ደናን፣ «ኪሪስቶሲ ዋዬ ኤካናው ቤሴስ» ያገደይሲ
ሃይሳዳ ፖሌታና ሚላ አሊስ። 19 ሂዛ፣ ያሳይ ሂንቲ
ናጋራ አቶ ጋና ሚላ ጎዳኮ ሲሚቲ። 20 ጎዳ ማታፔ
ሚንሌላ ዋዴይ ሂንቲው ያና። ያሳይ ኪሪስቶሳ ገዳና
ሚላ ሲንላቲዲ ደሪዳ ዩሱሳ ሂንቲው ዩዳና። 21 ያሳይ
ባ ጌሻ ናቤታ ደናን ቤኒ ኦዲዳይሳ ሚላ ኡባባይ
ኦራዲያ ዋዴይ ጋካናው ዩሱሲ ሳሎን ጋምዓናው ቤሴስ።
22 ሙሴይ፣ ሳዳ ያሳይ ታና ዳንሊዳይሳ ሚላ ሂንቲ
ገደፊ ሂንቲው ናቤ ዳንላና። ሂንቲ ኢ ጌይሳ ኡባ
ሲዲቲ። 23 ሄ ናቤይ ኦዴይሳ ሲያና ኣሲ ኦኒካ አሳ
ገደፊ ሻኬቲዲ ቆዮ» ያገሰ።

24 «ቃሲ ሳሙዔላፕ ደሚዲ ዳዲያ ናቤቲ ኡባይ ሃ
ዋዲያባ አዲደሶና። 25 ሂንቲ ናቤታ ናይታ፤ ቃሲ ያሳይ
አብራሃሜስ፣ ሳዓን ዳዲያ አሳ ኡባ ታኒ ኔ ሺሻ ባጋራ
አንጅና» ያገደዲ ኑ አዋታስ ጌሊዳ ቃላ ላቲያ ናይታ።

26 ያሳይ ሂንቲና ኡባ ሂንቲ ኢታ ኦጊያፔ ዛሪዲ አንጅና
ሚላ ባ ናዓ ዳንሊዲ ሂንቲው ኮይሮ ዩዲስ» ያገሰ።

4

ጳዊርሲኔ ዮሃንሲ አይሁዳ ሻንጎ ሲንላን

1 ጳዊርሲኔ ዮሃንሲ አሳስ ኦዲሺን ካሂኔ ሃላቃቲ፣ ያሳ
ኬላ ናጌይሳታ ሃላቃይኔ ሳዲቃዌቲ ኤንታኮ ዩደሶና።

2 ኤንቲ ዩሱሲ ሃይቆፔ ዳንደይሳኒ ኢያ ጋሶን ሃይቆፔ
ዳንደይ ዳዴይሳ አሳ ታማርሲዳ ጊሾ ዩሎቲደሶና።
3 ሄሳ ጊሾ፣ ኤንታ ኦይኪዲ ሳዓይ ኦማርሲዳ ጊሾ
ዋንታና ጋካናው ቃሾ ኬላ ጌሊሲደሶና። 4 ሺን ቃላ
ሲዲዳይሳታፔ ዳርቲ አማኒደሶና። አማኒዳ አዴ አሳ
ታይቦይ ኢቻሹ ሙኩሉኮ ቢስ።

5 ዋንቲላ ጋላስ ዳሪያ ሃሪይሳቲ፣ ጨማቲኔ፣ ሂጌ
አስታማሪቲ ዩሩሳላሜን ሸቂደሶና። 6 ሄ አሳ ገደን
ካሂኔ ሃላቃይ ሃኒ፣ ቃያፊ፣ ዮሃንሲ፣ ኢስኪንዲሬይኔ
ካሂኔ ሃላቃ ሶ አሳቲ ኡባይ ዳዎሶና። 7 ሃዋርያት ባንታ
ሲንላን ኤሲዲ፣ «አይቢ ዋላቃን ዋይኮ ኦዴ ሱንላን
ሃይሳ ሂንቲ ኦሊዳቲ?» ያገደዲ ኦይቺደሶና።

8 ሄ ዋዴ ጳዊርሲ ጌሻ አያናን ኩሚዲ፣ «ዳሪያ
ሃሪይሳቲ፣ ጨማቶ፣ 9 ሃቺ ሃ ዋቤ አዲያስ ኦሴቲዳ
ሎዎ ኦሱዋሲኔ ኢ ዋኒዲ ፓዲዳኮ ሂንቲ ኑና ኦይቺኮ፣
10 ማስቃሊያ ቦላ ሂንቲ ካቁን፣ ያሳይ ሃይቆፔ ዳንሊዳ
ናዚሬቴ ዩሱስ ኪሪስቶሳ ሱንላን ሃ አዳይ ፓዲዲ
ሂንቲ ሲንላን ኤቁዳይሲ ሂንቲውኔ ኢሰራዬላ አሳ ኡባስ
ኤሪቶ።

11 ሲምቤይሳቲ ቦሪዲ ኢዲዳ ሹቻይ፣
ጎዳ ፃጶዋ ሚንሊያ፣
ኡባፊ አዲያ ሹቹ ገዲስ፤
ሄ ሹቻይ ዩሱሳ።»

12 ሄሳ ጊሾ፣ አቶቲላ ኢያ ባጋራፔ አቲን ሃራ ኦዴ
ባጋራካ ባዋ፣ ኑኒ ኢያ ሱንላን አታና ሚላ አሳ ኡባስ
ያሳይ ሳሎፔ ጋርሳን አሚዳ ሃራ ሱንሊ ባዋ» ያገሰ።

13 ሸቂዳ አሳይ ጳዊርሲኔ ዮሃንሲ ሚኒዳ ሚኖቲላ
ቤዲዳ ዋዴ ኤንቲ ታማሪቦና ጮ አሲ ገዲዳይሳ

2:44 ሃ.ኦ 4:32-35 3:13 ኬሳ 3:15 3:14 ማቶ 27:15-23፤ ማር 15:6-14፤ ሉቃ 23:13-23፤ ዮሃ 19:12-15 3:22 ዛሬ
18:15፣ 18 3:23 ዛሬ 18:19 3:25 ሜዴ 22:18 4:11 ማዘ 118:22

አኩሪ ማለፊት ደረሰና፤ እንደ ዩሱፍ ደምደሞ አራዳሪ። 14 ቃሲ ፓዊሳ ኣዳይ ጳጳር ጳጳሪን የሃረገራ ኤቁይሳ ኣሳይ ቤዒዲ ጊያባ ጳጳሪ ደረሰና። 15 ሺን ጳጳር ጳጳሪን የሃረገራ ካሪ ኬያና ማላ ኦሊዲ ባንታ ጊደን። 16 «ሃ ኣሳታ ኦ ኣይ ኦሊኖ? ኣንታ ኩሺን ኦሊቲዳ ጊታ ማላታይ ዩሩሳሌምን ዳዒያ ኡባሰ ቤንቲሰ። ኦኒ ሃሳ ኤርኮ ጋናው ዳንዳዎኮ። 17 ሺን ሃ ኦዳይ ኣሳ ጊደን ላሌቶና ማላ ሃዛፎ ጉዬ ሃ ኣሳቲ ዩሱፍ ሱንጻን ኦዳሰካ ኦዳና ማላ ማንጻዲ ናጊሳና» ያጊዲ ዘሬቲደሶና።

18 ኣንታ ያጊዲ፣ ዩሱፍ ሱንጻን ሃዛፎ ኦዳና ማላ ወይኮ ታማርሶና ማላ ከቲደሶና። 19 ሺን ጳጳር ጳጳሪን የሃረገራ ኣንታኮ ዛሪዲ፣ «ዶሳሰ ከቲታናይሳፊኔ ሃንቲው ከቲታናይሳፊ ዶሳ ሱንጻን ኣዉሲ ሎዎኮ ኣኔ ሃንቲ ፐርዲቲ። 20 ኦኒ ቤዒዳባኔ ሲዒዳባ ኦዳና ኣጋናው ዳንዳዎኮ» ያጊደሶና።

21 ቢታ ጨማቲኔ ዳሪያ ሃሪይሳቲ ካሰፔ ማንጻ ናጊሲዲ ኣንታ ዩዲ ኣጊደሶና። ኣሳይ ሃረገሳባ ሰላ ጋላቲያ ጊሾ ኣንታ ሱራናው ዳንዳዒባኮና። 22 ሃ ማላታን ሃርጊያፊ ፓሌዳ ኣዲያሰ ላይላይ ኦይታማፔ ኣጲሰ።

አማኒያ ኣሳ ዎሳ

23 ጳጳር ጳጳሪን የሃረገራ ቢርሼቲዲ ባንታ ዳቦታኮ ቢዲ፣ ካሃኔ ሃላቃቲኔ ጨማቲ ባንታኮ ጊዳባ ኡባ ኣንታው ኦዲደሶና። 24 ኣንቲ ሃሳ ሲዒዳ ዎዴ ኢሲ ዎዛናን ጊዲዲ ዶሳ ሃይሳዳ ያጊዲ ዎሲደሶና። «ኡባ ሃሪያ ጎዳው፣ ሳሎታ፣ ሳባ፣ ኣባኔ ኣንታ ጊደን ዳዒያ ኡባባ ማጲዳይሶ። 25 ኦኒ ኔ ኣይሊያ፣ ኦ ኣዎ ዳዊቲ ደናን ጌሻ ኣያናን።

«ዳሪይ ኣይሰ ዩሎቲደና?

ኣሳይ ኣይሰ ጮ ማቁቲደና?

26 ሳባ ካዎቲኔ

ዳሪያ ሃሪይሳቲ ኢሲፊ ጎዳ ቦላኔ ከሪሰቶሳ ቦላ ዳንዲደሶና ያጋዳሳ።

27 «ቲማካ፣ ሄርዲሲኔ ጳጳሪ ጳጳሪ ኣይሁዳ ጊደና ኣሳራኔ ኢሰራዔሌ ኣሳራ ኔ ደሪዳ ኔ ጌሻ ናባ ዩሱፍ ቦላ ዳንዳናው ሃ ካታማን ሸቁደሶና። 28 ቃሲ ኦኒ ኔ ዎልቃኒኔ ኔ ሺኒያን ኦላና ጋዳ ቆፓ ኡቲዳባ ኡባ ፖሊደሶና። 29 ሃሪካ ጎዳው፣ ኣንታ ማንዳላ ቤዓ፤ ኦኒ ኔ ኣይሊቲ ኔ ቃላ ኩሜላ ዎዛናን ኦዳና ማላ ኦና ዳንዳዒሳ። 30 ኔ ጌሻ ናባ ዩሱፍ ሱንጻን ሃርጋንቸታ ፓላናው፣ ኦራላባይኔ ማላታቲ ኦሴታና ማላ ኔ ኩሺያ ማጮ» ጊዲ ዎሲደሶና።

31 ኣንቲ ዶሳ ዎሲዳፔ ጉዬ ሃ ኣንቲ ሸቁዳሶይ ቃዒሰ። ኣንታ ኡባን ጌሻ ኣያኒ ኩሚን ዶሳ ቃላ ማኖቲላን ኦዲደሶና።

ኮይሮ ኣማኒዳ ኣሳ ኢሲፊቴላ

32 ኣማኒይሳቲ ኡባይ ቆፋኒኔ ዎዛናን ኢሲኖ ጊዲደሶና። ኣንቲ ባንታው ዳዒያባ ታባ ጎናሺን ኢሲፊ ሻኬቶሶና። 33 ሃዋርቲ ጎዳ ዩሱሲ ሃይቆፔ ዳንዲዳይሳ ጊታ ዎልቃን ማርካቶሶና። ዶሳይ ኣንታ ኡባሰ ኣጼ ኬሃቲላ ዳርሲዲ ኣሚሰ። 34 ቢቲ ዎይኮ ኬላ ዳዕይሳቲ ኡባይ ባይዚ ኤኪዳ ሚሺያ ኤሂያ ጊሾ ኣማኒይሳታ ጊደን ማቶታንቸይ ኢሶይካ ባዎ። 35 ሚሺያ ኤሂዲ ሃዋሪታሰ ኣሞሶና፤ ሃ ሚሺያ ኢሱዋሰ ኢሱዋሰ ኮሺይሳዳ ሻኪ ሻኪ ኣሚሰ።

4:24 ኬሳ 20:11፤ ናህ 9:6፤ ማዝ 146:6 4:25 ማዝ 2:1-2
4:32 ሃ.ኦ 2:44-45

36 ቆጶርሳ ጊያ ቤሳን ዩሎቲዳ ዮሴፋ ጊያ ሌዎ ሺሻፔ ጊዲዳ ኢሶይ ዳዒሰ። ኢያ ሱንጻ ሃዋሪቲ ባርናባሳ (ሚንጼሶ ናባ) ጊደሶና። 37 ባርናባሲ ባው ዳዒያ ቢታ ባይዚዲ ሚሺያ ኤሂዲ ሃዋሪታሰ ኣሚሰ።

5

ሃናኒያኔ ኢያ ማቸው ሳጲር

1 ኢሲ ሃናኒያ ጊያ ኣዳይ ባ ማቸ ሳጲሪራ ጋዴ ባይዚሰ። 2 ሃ ባይዚዳ ሚሺያፔ ባ ማቸያ ኤሪሺን ባጋ ኣሺዲ፣ ኣቲዳይሳ ኤሂዲ ሃዋሪታሰ ኣሚሰ።

3 ሺን ጳጳር ጳጳሪን ሃናኒያኮ፣ «ኦኒ ጌሻ ኣያና ጨማና ማላኔ ጋዲያ ባይዚዳ ሚሺያፔ ሻካዳ ኣሻና ማላ ያላሃይ ኔ ዎዛናን ኣይሰ ጌሊዴ? 4 ኦኒ ባይዛናፔ ካሲ ጋይይ ኔባ ጊዴኔዬ? ቃሲ ኦኒ ባይዛ ሰሚንካ ሚሺይ ኔባ ጊዴኔዬ? ያቲን፣ ሃሳ ማላባ ኦላናው ኣይሰ ኔ ዎዛናን ቆፓዲ? ኦኒ ዶሳ ቦላ ዎርዶታዳሳፔ ኣቲን ኣሳ ቦላ ዎርዶታባካ» ያጊሰ።

5 ሃናኒይ ሃ ቃላ ሲዒዳ ማላ ኩንዲዲ ሃይቁሰ፤ ሃሳ ሲዒዳ ኡባይ ዳር ያዩሰ። 6 ናባቲላ ኣሳቲ ሶ ጌሊዲ ኢያ ኣሃ ያዒዲ ኤፊዲ ሞጊደሶና።

7 ሄሹ ሳቲፔ ጉዬ ሃናኒያ ማቸያ ሃሳ ኤርና ዳዒሺ ጳጳር ጳጳሪን ዳዒያሱዎ ጌላሱ። 8 ጳጳር ጳጳሪ ኢኮ፣ «ሃንቲ ጋዲያ ሃይሳ ማላ ሚሺሰ ባይዚዳቲ? ኣኔ ታው ኦዳ» ያጊሰ።

ኢያካ፣ «ኤ፣ ሃይሳ ማላ ሚሺሰ ባይዚዳ» ያጋሱ።

9 ጳጳር ጳጳሪን ማጮሲው፣ «ኦሪኔ ኔ ኣዚናራ ጎዳ ኣያና ፓጫናው ኣይሰ ዘሬቲደቲ? ሂኮ፣ ኔ ኣዚና ሞጊዳ ኣሳቲ ካሪን ዳዎሶና፤ ኔናካ ኣንቲ ካሪ ኬሳና» ያጊሰ።

10 ማጮሲያ ኢራካ ጳጳር ጳጳሪን ቶሁዎ ማታን ኩንዲዳ ሃይቃ ኣጋሱ፤ ናባቲላቲ ጌሊያ ዎዴ ሃይቁዳር ዳሚዲ ካሪ ኬሲዲ፣ ኢ ኣዚና ማታን ሞጊደሶና። 11 ኩሜላ ዎሳ ከላይኔ ሃሳ ሲዒዳ ሃራ ኣሳ ኡባይ ዳር ያዩደሶና።

ኦራላባይኔ ማላሊሲያባታ

12 ሃዋሪቲ ዳር ማላታታኔ ኦራላባታ ኣሳ ጊደን ኦሎሶና። ኣማኒያ ኡባይ ሶሎሞኔ ባራንዳን ኢሲፊ ሸቆሶና። 13 ሃራ ኣሳቲ ኣንታራ ጋሃታናው ኢሲ ኣሲካ ሚኒቤና፣ ሺን ኣሳይ ኣንታ ቦንቸሰ። 14 ኣማኒያ ኣዳታኔ ማጮሳታ ታይቦይ ካሲይሳፊ ዳሪሽ ቢሰ። 15 ሃሳ ጊሾ፣ ኣሳይ ሃርጋንቸታ ሃላኒኔ ኣልጋን ቶኪዲ ጳጳር ጳጳሪን ኣጲያ ዎዴ ኢያ ኩያይ ኣንታፊ ኢሶታ ኢሶታ ቦላ ሸምፓና ማላ ኦኒ ደናን ኬሲዲ ዎሎሶና። 16 ቃሲ ዳር ኣሳይ ዩሩሳሌም ማታን ዳዒያ ካታማታፔ ሃርጋንቸታኔ ቱና ኣያኒ ዎይሲያ ኣሳታ ኤኪዳ ዮሶና፤ ኡባይካ ፓዒደሶና።

ሃዋሪታ ቦላ ጎዲ ዳንዲሰ

17 ካሃኔ ሃላቃይኔ ኢያራ ዳዒያ ሳዲቃዊቲ ኡባይ ቃናቲን ኩሚዲ ሃዋሪታ ቦላ ዳንዲደሶና። 18 ሃዋሪታ ኦይኪዲ ዳሪያ ቃሾ ኬላን ዩጊደሶና። 19 ሺን ጎዳ ከታንቸይ ቃማ ቃሾ ኬላ ፔንጊያ ደዩዲ ሃዋሪታ ካሪ ኬሲዲ፣ 20 «ቢዲ፣ ዶሳ ኬላን ኤቁዲ ሃ ኦራላ ዳዎ ቃላ ኣሳ ኡባሰ ኦዲቲ» ያጊሰ። 21 ሃዋሪቲ ሃሳ ሲዒዳ ዎዴ ዎንታ ጉራ ዶሳ ኬላ ጌሊዲ ታማርሶ ደሚደሶና። ካሃኒታ ሃላቃይኔ ኢያራ ዳዕይሳቲ ዩዲ፣ ኢሰራዔሌ ጨማታ ኡባ ያጊ ሺሺዲ ሃዋሪታ ባንታ ሲንጼ ኤሃና ማላ ዎታዳሬታ ቃሾ ኬላ ከቲደሶና። 22 ሺን ዎታዳሬቲ

4:27 ማቶ 27:1-2፤ ማር 15:1፤ ሉቃ 23:1፤ 7:11፤ ዮሃ 18:28-29

ቃሾ ከሌ ቢዲ ሃዋርያት ዳሚቦኮና። ጉዬ ሲሚ ዩዲ ዳሪያስ። 23 «ኮኒ ቢያ ዎዳ ቃሾ ከላ ጉንጌይ ሚንሉ ጎርዳቲ። ናጌይሳቲ ጉንጌን ኤቁዳይሳታ ዳሚዳ። ሺን ኮኒ ካሪያ ዳያ ዎዳ ጌደን ሃሪ ኣቶሺን ኢሲ ኣሲካ ባዎ» ያጊደሶና። 24 ሄሳ ጊሾ፣ ያሳ ከላ ዎታዳሬታ ከቲይሲኔ ካሂኔ ሃላቃቲ ሄሳ ሲዒዳ ዎዳ «ሃዋርያት ቦላ ኣይቢ ሃሂዳ?» ያጊዲ ሂርጊደሶና።

25 ሄ ዎዳ ኢሲ ኣይይ ኤንታኮ ዩዲ፣ «ሂኮ፣ ቃሾ ከሌ ሂንቴ ጌልሲዳ ኣሳቲ ያሳ ከላን ኤቁዲ ኣሳ ታማርሶሶና» ያጊዲ ኤንታው ኦዲሰ። 26 ያሳ ከላ ዎታዳሬታ ከቲይሲ ባ ዎታዳሬታራ ቢዲ ሃዋርያት ኤሂሰ። ሺን ኤንቴ ባንታና ኣሳይ ሹቻን ጫዳና ጊዲ ያዩዳ ጊሾ ኤንታ ኣዳሺዲ ኤሂደሶና።

27 ኤንቴ ሃዋርያት ኤሂዲ፣ ሸቁዳ ሻንጉዋ ሲንላን ኤሲን ካሂኔ ሃላቃይ ኤንታኮ። 28 «ሂንቴና ኮኒ ሄ ኡራ ሱንላን ታማርሶና ሜላ ሚንሉዲ ከቲቦኮ? ሂኮ፣ ሂንቴ ቲሚርቲያ ዩሩሳላሜ ካታማ ኡባ ጋሌዳታ። ሄ ኡራ ሸምፑዋስ ኮና ኦይላናው ቆፔቲ?» ያጊዲ ኦይቲሰ።

29 ጳጳሮሳራኔ ሃንኮ ሃዋርያታራ ኤንታው ዛሪሹ፣ «ኮኒ ኣሳሰ ከቲታናፔ ያሳሰ ከቲታናው ቤሴሰ። 30 ማሰቃሊያ ቦላ ሂንቴ ካቁዲ ዎዲዳ ዩሱሳ ኦ ኣዎታ ያሳይ ሃይቆፔ ዳንሉሰ። 31 ኢሰራዔሌቲ ናጋራፔ ሲማና ሜላኔ ኤንታ ናጋራይ ኣቶ ጌቲታና ሜላ ያሳይ ዩሱሳ ሃሪይሳኔ ኣሽይሳ ኦሌዲ ቦንቸን ባፔ ኡሻቻ ባጋን ኡቲሲሰ። 32 ሄሳሰ ኮኒ ማርካ፤ ቃሲ ያሳይ ባና ኣማኔይሳታሰ ኢሚዳ ጌሻ ኣያናይካ ማርካ» ያጊደሶና።

33 ሸቁዳ ኣሳይ ሄሳ ሲዒዳ ዎዳ ዳር ዩሎቲዲ፣ ሃዋርያት ዎዳናው ቆፔደሶና። 34 ሺን ኣሳ ኡባን ዳር ቦንቸቲዳ፣ ሂጌ ኣሰታማሪይ፣ ጋማሊያሌ ጊያ ኢሲ ፋሪሳዌይ ዳንዲ ኤቁዲ ሃዋርያት ጉላ ዎዳሰ ካሪ ከሳሳ ሜላ ከቲሰ። 35 ሄሳሳ ጉዬ፣ ሸቁዳ ኣሳኮ፣ «ኢሰራዔሌ ኣሳው፣ ሃ ኣሳታ ቦላ ሂንቴ ኦላናው ቆፔያባፔ ናጌቲ።

36 ኣይሰ ጊኮ፣ ሃይሳፌ ካሴ ቲዎዳሲ ባና፣ ታኒ ጊታ» ጊዲ ዳንዲ፣ ኦይዲ ፃቲ ጊዲያ ኣሳቲ ኢያራ ኢሲፊደሶና። ሺን ኢያ ዎዲን ኢያ ካሊዳ ኡባይ ላሌቲን ፓላና ኣሲ ጊዲዲ ኣቲደሶና። 37 ሄሳሳ ጉዬ፣ ኣሳይ ታይቤቲያ ዎዳ ጋሊላ ዩሁዲ ዳንዲዲ ዳር ኣሳ ፓንጋዩዲ ካሌሉሰ። ሺን ኢያካ ዎዲን ኢያ ካሊዳ ኣሳ ኡባይ ላሌቲሰ። 38 ሃሲካ ታ ሂንቴው ኦዲይሰ፤ ሃ ኣሳታፔ ሻከቲ፤ ኤንታ ቦቾፊ፤ ኣይሰ ጊኮ፣ ሃ ቆፋኔ ሃ ኦሎዎ ኣሲ ኦሌያባ ጊዲኮ ጳያና። 39 ሺን ሃ ቆፋይኔ ሃ ኦሶይ ያሳፌ ዩዳባ ጊዲኮ፣ ሂንቴ ኤንታ ጳይሳናው ዳንዳዔኮታ። ጌላዳ ያኒሹ ሂንቴ ያሳራ ካጩታና» ያጊዲ ኦዲሰ። ሄሳ ጊሾ፣ ሸቁዳ ኣሳይ ጋማሊያሌ ዞሪያ ኤሺደሶና።

40 ሃዋርያት ሶ ፃጊዲ ሊሶን ጋራፊሲሰ። ሄሳሳ ጉዬ፣ ኤንታኮ፣ «ዩሱሳ ሱንላ ናምባንላ ዳንላፊቲ» ጊዲ ቢርሺ ዩዲደሶና። 41 ዩሱሳ ሱንላ ጊሾ ኤንቴ ካዉያናይሲ ቤሲያባ ጊዳይሳ ኤሪዳ ጊሾ ሻንጉዋ ሲንላፊ ኡፋይቲሹ ከዩደሶና። 42 ኤንቴ ኡባ ዎዳ ያሳ ከላኒኔ ኣሳ ሶን ዩሱሲ ኢ ከሪሰቶሳ ጊዳይሳ ታማርሶኔ ሳባኮ ኣጊቦኮና።

6

ላፑን ኣሳታ ደሪቴላ

1 ሄ ዎዳ ካሌይሳታ ታይቦይ ዳሪ ዳሪ ቢሺን፣ ጊሪኬ ደና ኦዳቲያ ኣይሁዳቲ ዩሁዳን ዩሎቲዲ ዳዒያ ኣይሁዳታ ቦላ ዙዙሚደሶና። ኣይሰ ጊኮ፣ ጊሪኬ ደና ኦዳቲያ ኣይሁዳቲ፣ «ጋላሰ ጋላሰ ኢሜቲያ ካላን ኦ ኣምዔቲ ናቁቶሶና» ያጊደሶና። 2 ታማኔ ናምዑ ሃዋርያት ዎሳ ከላ ኣሳ ኡባ ፃጊዲ፣ «ኮኒ ያሳ ቃላ ኦዳይሳ ኣጊዲ ካሌ ጊሻናው ኦሰ ቤሴና። 3 ሂዛ፣ ኢሻቶ፣ ሎዎ ኣሳታ፣ ጌሻ ኣያናኒኔ ጨንጫቴላን ኩሚዳ ላፑን ኣሳታ ሂንቴ ጊደፌ ደሪቴ፤ ኮኒ ኤንታ ሃ ኦሎዎሰ ሹማና። 4 ሺን ኮኒ፣ ኦ ኩሚላ ዎዲያ ያሳ ዎሳኒኔ ቃላ ታማርሶን ፔሻና» ያጊደሶና።

5 ሃዋርያት ኦዲዳ ኦዳይ ኣሳ ኡባ ኡፋይሲሰ። ሄሳ ጊሾ፣ ኣማናይኔ ጌሻ ኣያኒ ኩሚዳ ኢሰፃፋና፤ ፊልጶሳ፣ ጲርኮርሳ፣ ኒቃርኔ፣ ፃምና፣ ጳርሜናኔ ኣይሁዳ ኣማና ጌሊ ሲሚዳ ኣንዎኪያ ኒቆላዎሳ ደሪደሶና። 6 ኤንታ ሃዋርያት ሲንላን ኤሲን፣ ሃዋርያት ኤንታ ቦላ ኩሹ ዎሌዲ ያሳ ዎሲደሶና።

7 ያሳ ቃላይ ዳልጊ ዳልጊ ቢሰ። ዩሩሳላሜን ዳዒያ ኣማኔይሳታ ታይቦይ ዳሪ ዳሪ ቢሰ፤ ዳር ካሂኔቲካ ኣማኒደሶና።

ኢሰፃፋናሴይ ኦይኮቲሰ

8 ኢሰፃፋናሴይ ኣጼ ከሃቴላኒኔ ዎልቃን ኩሚዲ ኣሳ ጊደን ኦራላባታኔ ማላታታ ኦሌሰ። 9 ኣይሎቲላፌ ከዩዳ ኣይሁዳ ዎሳ ከላ ኣሳይ ቁሪናፔኔ ኢሰከንዲሪያፔ ከልቁያፊኔ ኢሲያፔ ዩዳ ኢሲ ኢሲ ኣሳቲ ዳንዲዲ ኢሰፃፋናሴራ ፓላሚደሶና። 10 ሺን ኢሰፃፋናሴይ ኣያና ዎልቃን ኦዳቲያ ጨንጫቴላ ኤንቴ ኤቁታናው ዳንዳዒቦኮና።

11 ሄ ዎዳ ኤንቴ፣ «ሙሴኔ ያሳ ኢ ጫዩሺን ሲዒዳ» ጊያ ዎርዶ ኣሳታ ሻሚደሶና። 12 ሄሳዳ ኦሌዲ ቢታ ጨማታኔ ሂጌ ኣሰታማሪታ ኢያ ቦላ ዳንሉደሶና። ኢሰፃፋናሴይ ኦይኪዲ ሻንጉዋ ሲንላ ኤፊደሶና። 13 ኢያ ቦላ ፓይዲዳ ዎርዶ ማርካቲ፣ «ሃ ኡራይ ሃ ያሳ ከላኔ ሙሴ ሂጊያ ዛሪ ዛሪ ጫዩሰ። 14 ኢ፣ ሳይሲ ናዚሬቲ ዩሱሰ፣ ሃ ያሳ ከላ ላላና፤ ቃሲ ሙሴይ ኦሰ ኢሚዳ ሂጊያ ላማና» ያጊሺን ኮኒ ሲዒዳ» ያጊደሶና።

15 ሻንጎ ሺቆን ኡቲዳ ኣሳ ኡባይ ኢሰፃፋናሴ ሎይሉዲ ፃሊያ ዎዳ ኢያ ሶምይ ከታንቸ ሶምዎ ዳኔሰ።

7

ኢሰፃፋናሴ ሃሳያ

1 ካሂኔታ ሃላቃይ ኢሰፃፋናሴኮ፣ «ሃይሲ ቱሜ?» ያጊዲ ኦይቲሰ።

2 ኢሰፃፋናሴይ፣ «ታ ኢሻቶ፣ ታ ኣዎቶ፣ ሲዒቲ! ኦ ኣዎ ኣብራሃሜይ ካራኔን ዳናው ባናፔ ሲንላ ማሴዶሚያን ዳዒሺን፣ ቦንቸ ያሳይ ኢያው ቆንጨዲ፣

3 ሳ ቢታፊኔ ኔ ዳቦታፔ ሻከታዳ ታኒ ኔና ቤሲያ ቢታ ባ» ያጊሰ። 4 ሄ ዎዳ ኣብራሃሜይ ካልዳዊታ ቢታፊ ከዩዲ ካራኔን ዳናው ቢሰ። ኢያ ኣዎይ ሃይቁዳፔ ጉዬ ያሳይ ኢያ ሃ ቢታ ሃሲ ሂንቴ ዳዒያ ቤሳ ኤሂሰ። 5 ኢ ሃ ቢታፊ ሃሪ ኣቶሺን ቶሆይ ዩዲያ ቤሲካ ኣብራሃሜሰ ኢሚቤና። ሺን ናሲ ኢያው ባይና ዎዳ ያሳይ ሃ ቢታ ኢያዉኔ ኢያ ሹሻሰ ላታ ኦሌዲ ኢማናይሳ ቃላ ጌሊሰ።

6 ያሳይ ኣብራሃሜኮ፣ ሳ ሹሻይ ሃራ ቢታን ኢማላቴላን

ዳና፤ ያን ኦሎጥ ጭቱ ላይሌ ኤንቲ አይሌቴላን ሃራታና።
 7 ሺን ታኒ ኔ ሺሻ ሃሪያ ዳሪያ ቦላ ፐርዳና። ሄሳፌ ጉዬ።
 ኤንቲ ሄ ቢታፌ ኬዱ ደላሳን ታው ጎይናና ያገሉ።
 8 ያሳይ አብራሃሜ ሺሻይ ቃግራታና ሜላ ኢያራ ጫቂን።
 ደላቂ ዩሌቲዳ ሆሰፑንሳ ገላሳን ቃግራሰ። ደላቂ ያይቆባ
 ቃግራሰ፤ ቃሲ ያይቆቢ ታማኔ ናሞዑ ባ ናይታ። ኑ አዋታ
 ማይዛታ ቃግራሰ።

9 «ያይቆባ ናይቲ ዮሴፋ ቃናቲዲ ገብጭ ቢታን
 አይሌቴላሰ ባይዚዶሶና። ሺን ያሳይ ኢያራ ዳዔሰ።

10 ኢያ። ኢያ ዋይ ኡባፌ ኬሰሰ። ገብጭ ካወዋ ሰንላን
 ሳባኔ ጨንጫቴላ ኢያው አሚሰ። ገብጭ ካወደ ዮሴፋሰ
 ገብጭ ቢታኔ ባ ኬላ ኡባ አይሳናዳ ሃላቃቴላ አሚሰ።

11 «ገብጭ ቢታኒኔ ካናኔ ቢታ ኡባን ኮሺ ገሊዲ
 ዳር አሳ ኡንዔላሰ። ሄ ዋይ ኑ ማይዛቲ ካላ ዳማናው
 ዳንዳሲቦኮና። 12 ያይቆቢ ገብጭ ቢታን ካላ ዳዔይሳ
 ሲዒዲ ኑ አዋታ ኮይር ያ ዩዲሰ። 13 ናሞዓንሉ ቡሳን
 ዮሴፌ ባ አሻታሰ ባናቴላ ኤሪሰሰ። ገብጭ ካወደካ
 ዮሴፋ ሺሻ ኤሪሰ። 14 ዮሴፌ ባ አዋ ያይቆባኔ ባ ዳቦ
 ኡባ። ላፑን ታማኔ ኢቻሹ አሳ ባኮ ያና ሜላ ከቲዲ
 ኤሂሰሰ። 15 ያይቆቢ ገብጭ ቢታ ዋዲሰ፤ ኢኔ ኢያ ናይቲ
 ያን ሃይቂዶሶና። 16 ኤንታ አሃይ ሄ ቤሳፌ ሲኬሚ ቢታ
 ቶኩቴዲ ቢዲ። ያን አብራሃሜይ ሃሞሬ ናይታፔ ዳር
 ቢራን ሻሚዳ ዱፎን ሞጌቲሰ።

17 «ሺን ያሳይ አብራሃሜሰ አማና ገዳይሳ ፖሊያ
 ዋይይ ገካናው ማቲዳ ዋይ ገብጭ ቢታን ዳዔያ ኑ
 አሳይ ዳሪ ዳሪ ቢሰ። 18 ሄሳፌ ጉዬ። ዮሴፋ ኤርና ሃራ
 ካወደ ገብጭ ቢታን ካዋቲሰ። 19 ሄ ካወደ ኑ ኬሪላ
 ገኒዲ ጉላ ናይቲ ሃይቃና ሜላ ኤንታ ካሬ ኬሲ ዩጋና
 ሜላ ኑ አዋታ ኡንዔላሰ።

20 «ሄ ዋይ ሙሴይ ዩሌቲሰ፤ ኢ ያሳ ሰንላን ዳር
 ሎዖ ናና። ባ አዋ ኬላን ሃቸ- አገና ገካናው ዲጨሰ።

21 ሙሴይ ዋራ ሆሌቲዳ ዋይ ገብጭ ካወዋ ናዔያ
 ዳማ ኤካዳ ባ ናሳ አላዳ ኢያ ዲቻሱ። 22 ሙሴይ
 ገብጭታ ጨንጫቴላ ኡባ ታማሪዲ ኦዲኒኔ ኦሶን ሚኖ
 አሲ ገዲሰ።

23 «ሙሴሰ ላይላይ ኦይታማ ኩሚዳ ዋይ ባ
 አሻታ። ኢሰራዔሌታ ቤዓናው ባ ዋዛናን ቆፐሰ።

24 ኢሰራዔላታፔ ኢሱዋ ገብጭ ኢሶይ ቆሃሺን ቤዒዲ
 ሄ ኢሰራዔሌ ኡራ ማዲዲ። ሄ ቆሃዲ ገብጭ ኡራ
 ዋዲ ኩሺ ዛሪሰ። 25 ሙሴይ ባ አሻታ ባ ባገራ
 ያሳይ አሻናው ሃይይሳ ኤንቲ አኬካና ገዲ ቆፐሰ። ሺን
 ኤንቲ አኬከቦኮና።

26 «ዋንቴላ ገላሰ ናሞዑ ኢሰራዔሌ አሳቲ ኢሶይ
 ኢሱዋራ ዋዲቲሺን ዳሚዲ ኤንታ ሲጌላናው ኮዩዲ።
 ላሳቶ። ሂንቲ አሻንታ፤ አይሰ ኢሶይ ኢሱዋ ቆሃቲ?»
 ያገሉ።

27 «ሺን ባ ላገያ ቆሃይሲ ሙሴኮ። ሳና ኑ ቦላ
 ሃሪይሳኔ ዳይና ኦሊዳይ ኦኔ? 28 ኔኒ ዚኔ ገብጭ ኡራ
 ዋዲይሳዳ ታና ዋዲናው ኮያይ?» ያገዲ ሙሴ ሱጊ
 ዩዲሰ። 29 ሙሴይ ሄሳ ሲዒዳ ዋይ ገብጭፌ ቤቲዲ

ሚዲያሜ ቢታን ቤቲ አሲ ገዲዲ ዳዒሺ ናሞዑ አዳ
 ናይታ ዩሊሰ።

30 «ጎዳ ከታንቸይ ኦይታሙ ላይላፌ ጉዬ ሲና
 ዳሪያ ማታን ዳዒያ ባዞ ቱሺያ ገደን ኤዲያ ታማ ላጮ
 ገደን ሙሴሰ ቤንቲሰ። 31 ሙሴይ ባ ቤዒዳይሳን
 ማላሌቲዲ። ሎይላ ቤዓናው ቱሺያ ማቲ ሺቂዲ
 ዳዒሺን። ጎዳ ቃላይ። 32 ታኒ ኔ አዋታ። አብራሃሜ
 ያሳ። ደላቃ ያሳ። ያይቆባ ያሳ) ያገሺ ሙሴኮ ዩሰ።
 ሙሴይ ያሻን ኮኮሪዲ ያላናው ዳንዳሲቤና።

33 «ጎዳይ ሙሴኮ። ሳና ኡና ሃሪይሳኔ ዳይና
 ኦሊዳይ ኦኔ?» ያገዲ ኢዲዳይሳ ቱሺያ ገደን ኢያው
 ቤንቲዳ ከታንቸዋ ባገራ ሃሪይሳኔ አሺይሳ ኦሊዲ ያሳይ
 ከቲሰ። 36 ሙሴይ ኢሰራዔሌታ ገብጭፌ ኬሲዲ
 ማላሊሲያባታኔ ኦራላባታ ገብጭ ቢታኒኔ ዘዖ አባን
 ኦሊዲ ኤንታ ኦይታሙ ላይላ ባዞ ቢታን ካሌላሰ።

37 «ኢሰራዔሌ አሳኮ። ሳሳይ ታና ዳንላዲዳይሳዳ
 ሂንቲ ሺሻ ገደፌ ታ ሜላ ናቤ ሂንቲው ዳንላና) ያገዲይ
 ሄ ሙሴ። 38 ባዞ ቢታን ሺቂዳ ኢሰራዔሌ
 አሳራ ዳዒዳይሰ። ኑ አዋታራኔ ሲና ዳሪያ ቦላ ኢያው
 ኦዲዳ ከታንቸዋራ ዳዒዳ ሙሴይ ኢያ። ያቲዲ። ያሳ
 ዳዖ ቃላ ኑሰ አማናው ኤከሰ።

39 «ሺን ኑ ማይዛቲ ሙሴሰ ከቲታናው ዳሲቦኮና፤
 ኢያ ኢዲ ጉዬ ገብጭ ሲማናው አሞቲዶሶና። 40 ቃሲ
 ኦርናኮ። ሳና ካሌላያ ያሳታ ኑሰ ኦላ። አይሰ ገኮ።
 ሃይሲ ኡና ገብጭፌ ኤሂዳ ሙሴይ። ዋኒዳኮ ኔኒ ኤርኮ)
 ያገደሶና። 41 ሄ ዋይ ማሪ ዳኒሲዲ ኤቃ ኦሊዶሶና።
 ሄ ኤቃሰ ያርሾ ያርሺዲ ባንታ ኩሺን ኦሊዳ ኦሱዋን
 ኡፋይቲዶሶና። 42 ሺን ያሳይ ኤንታው ዘኮ ዛሪሰ።
 ኤንቲ ሳሎ ያሊንቶታ ጎይናና ሜላ ኤንታ ዩጊ አገሰ።
 ናቤታ ማፃፋን።

ኢሰራዔሌ አሳው። ኦይታሙ ላይላ ኩሚላ
 ባዞ ቢታን ሹኪዳ ሚሂያኔ
 ያርሺዳ ያርሹዋ ታው ያርሺዳቲ?
 43 ሂንቲ። ሂንቲው ጎይናናው ኬሲዳ ኤቃኔ ሞሎኬ
 ዳንካኒያ
 ሬፋና ገያ ሂንቲ ያሳ ያሊንቶ ሚሲሊያ ቶኪዳታ።
 ታኒ ሂንቲና ባቢሎኔፔ
 ሂኒ ባገ ዩዳና) ጌቲቲዲ ፃፌቲሰ።

44 «ኑ አዋታሰ ባዞ ቢታን ማርካ ዳንካኒይ ዳዔሰ።
 ኢያካ ያሳይ ሙሴ ከቲዳይሳዳኔ ኢያ ቤሲዳይሳዳ
 ኦሊሰ። 45 ቃሲ ኑ አዋቲ ሄ ዳንካኒያ ባንታ አዋታፔ
 ኤከዲ ያሳይ ካሴ ዩዳዳዳ አይሁዳ ገደና አሳ
 ቢታ ኦይኪዳ ዋይ ኢያሱራ ያ ኤከዲ ገሊዶሶና። ሄ
 ዳንካኒይ ዳዊቲ ዋይ ገካናውካ ሄ ቤሳን ዳዒሰ።

46 ዳዊቲይ ያሳን ሳቤቲሰ። ቃሲ ያይቆባ ጎዳይ ዳዓና

7:7 ከሳ 3:12 7:8 ሜዴ 17:10-14፤ 21:2-4፤ 25፤ 26፤ 29:31-35 7:9 ሜዴ 37:11፤ 28፤ 39:2፤ 21 7:10 ሜዴ 41:39-41
 7:11 ሜዴ 42:1-2 7:13 ሜዴ 45:1፤ 16 7:14 ሜዴ 45:9-10፤ 17-18፤ 46:27 7:15 ሜዴ 46:1-7፤ 49:33 7:16 ሜዴ
 23:3-16፤ 33:19፤ 50:7-13፤ ኢያ 24:32 7:17 ከሳ 1:7-8 7:19 ከሳ 1:10-11፤ 22 7:20 ከሳ 2:2 7:21 ከሳ 2:3-10
 7:23 ከሳ 2:11-15 7:29 ከሳ 18:3-4 7:30 ከሳ 3:1-10 7:35 ከሳ 2:14 7:36 ከሳ 7:5፤ 14:21፤ ታይ 14:33
 7:37 ዛሬ 18:15፤ 18 7:38 ከሳ 19:1-20:17፤ ዛሬ 5:1-33 7:40 ከሳ 32:1 7:41 ከሳ 32:2-6 7:42 አሞ 5:25-27
 7:44 ከሳ 25:9፤ 40 7:45 ኢያ 3:14-17 7:46 2ሳሙ 7:1-16፤ 1ታሪ 17:1-14 7:47 1ካዋ 6:1-38፤ 2ታሪ 3:1-17

ከሌ ከፃናው ያሳ ዋሲስ። 47 ሺን ኢያው ከሌ ከፃዳይ ሰሎሞኔ።

48 «ሃሮሺን፣ ኡባሬ ቦላ ያሳይ ኣሲ ከፃዳ ከሌን ዳና። ናቤይ ገዳይሳ ማለ።

49 ሳሎይ ታ ኣራታ። ሳዓይካ ታ ቶሆይ ዩዲያሶ።

ያቲን፣ ታው ሂንቲ ኣይ ማላ ከሌ ከፃኔ? ዎይኮ ታኒ ሸምፒያሶይ ኣውኔ? 50 ሃ ኡባ ታ ኩሺያን ኦላቢኪና?» ያገሰ ጎዳይ።

51 «ሂንቲ ዋኒዳ ሲያና ኣሲ? ሂንቲ ዎዛናይ ያሳ ቃላ ኤካናው ኣይሰ ኢፃዳ? ሂንቲ ሃይላይ ኣይሰ ቱሊዳ? ሂንቲ፣ ሂንቲ ኣዎታሶ ኡባ ዎዳ ገሻ ኣያናራ ኤቁቲታ።

52 ናቤታ ገደሬ ሂንቲ ኣዎቲ ጎደናይ ኦኔ? ያሳ ናዓይ፣ ፃሎይ ያናይሳ ካሴቲዲ ኦዲዳይሳታ ዎዲያሶና። ሃዒ ሂንቲ ኢያ ኣሌ ኣሚዲ ዎዲያታ። 53 ሂንቲ ከታንቸዎ ኩሸፔ ያሳ ሂጊያ ኤኪዳታ፣ ሺን ከቲቲቤኮታ» ያገሰ።

ኢስጻፋናሴይ ሹቻን ጫዳቲስ

54 ኤንቲ ሃሳ ሲዒዳ ዎዳ ባንታ ዎዛናን ኢስጻፋናሴ ቦላ ዳር ዩሎቲዲ፣ ባንታ ማቲርሻ ሳዒዲ ማንዲደሶና።

55 ሺን ኢስጻፋናሴይ ገሻ ኣያናን ኩሚዲ፣ ሳሎ ፑዳ ፃሊዲ፣ ያሳ ቦንቸዎኔ ዩሎሳ ያሳ ኡሻቻ ባጋን ኤቁዳይሳ ቤዒሰ። 56 «ሂን፣ ታኒ ሳሎይ ደዩቲን፣ ኣሳ ናዓይ፣ ያሳ ኡሻቻ ባጋን ኤቁዳይሳ ቤዒሰ» ያገሰ።

57 ቃላ ጶቁ ኦሊዲ ዋሲሸ፣ ባንታ ሃይላ ኦይኪዲ ኢሲሬ ኢያኮ ዎዲያሶና 58 ኢያ ካታማፔ ጋፃ ኬሲዲ፣ ሹቻን ጫዳደሶና። ማርካቲ ባንታ ማዑዎ ኢሲ ሳዶላ ጊያ ናዓቲሳ ማታን ዎሊደሶና።

59 ኢስጻፋናሴይ፣ «ታ ጎዳ ዩሎሳ፣ ታ ሸምፑዎ ኤካ» ያገዲ ፃገሺን ኤንቲ ኢያ ሹቻን ጫዳሶና።

60 ጉልባቲዲ፣ ባ ቃላ ጶቁ ኦሊዲ፣ «ታ ጎዳው፣ ሃ ናጋራ ኤንታው ኣቶ ጋ» ያገሰ። ሂሳ ያገዲ ሲሚዳ ማላ ሃይቁ ኣገሰ።

8

ሳዶሊ ኣማኒያ ኣሳ ጎዳሰ

1 ሳዶሊ ኢስጻፋናሴ ሃይቁዎን ኡፋይቲስ። ሂ ጋላስ ዩራሳላማን ዳዒያ ዎሳ ከሌን ገታ ጎዳ ዳንዲሰ። ሃዎራቲ ኣቲን ኣማኔይሳቲ ኡባይ ዩሁዳ ቢታኒኔ ሳማራ ቢታን ላሌቲደሶና። 2 ኢሲ ኢሲ ያሳ ኣሳቲ ኢስጻፋናሴ ሞገደሶና፤ ቃሲ ኢያው ዳር ዩኪደሶና። 3 ሺን ሳዶሊ ዎሳ ከሌ ጳይሳናው ኮዩስ። ሶ ሶ ዩዩ ጌሊዲ፣ ኣማኒያ ኣዳታኔ ማጫሳታ ጎቺ ጎቺ ከሲዲ ቃሾ ከሌ ጌልሴስ።

ዎንጌላይ ሳማራን ሳባኬቲስ

4 ላሌቲዳ ኣማኔይሳቲ ቢዳ ቤሳ ኡባን ቃላ ኦዲደሶና። 5 ፊልጶሲ ሳማራ ካታማ ቢዲ ኪሪስቶሳባ ኣሳስ ኦዲሰ። 6 ዳር ኣሳይ ፊልጶሲ ገዳይሳ ሲዒዳ ዎዳኔ ኢ ኦሊያ ማላታታ ቤዒዳ ዎዳ ኢያ ኣከኪዲ ሲዒደሶና። 7 ቱና ኣያናቲ ዋሲዲ ዳር ኣሳፔ ከዩደሶና፤ ቃሲ ዳር ጉንዳቲኔ ዎቤቲ ቢሊቲደሶና። 8 ሂ ካታማን ዳዒያ ኣሳይ ዳር ኡፋይቲደሶና።

9 ሺን ሲሞና ጊያ ኢሲ ኡራይ ሂ ካታማን ዳዒሰ። ኢ፣ ሳና ገታ) ገዲ ሳማራ ኣሳ ማርቲላን ማላሊሲሺ ጋሞዒሰ። 10 ጉላሬ ገታ ጋካናው ዳዒያ ኣሳ ኡባይ።

«ገታ ያሳ ዎልቃይ ሃይሳ» ገዲ ኢያባ ሲያሶና። 11 ዳር ዎዳፔ ደሚዲ ማርቲሺ ሳማራ ኣሳ ማላሊሲዳ ገሾ ኣሳይ ኢያባ ሲያሶና። 12 ሺን ፊልጶሲ ያሳ ካዎቲላባኔ ዩሎስ ኪሪስቶሳ ሱንላባ ኣዳታሲኔ ማጫታሰ ኦዲን፣ ኤንቲ ኢያባ ኣማኒዲ ፃማቁቲደሶና። 13 ቃሲ ሲሞኒካ ባ ሁዒን ኣማኒዲ ፃማቁቲሰ። ፊልጶሳራ ኢሲሬ ቢዳ ቤሳ ኡባን ኦሴቲያ ገታ ማላታታ ቤዒዲ ማላሊቲሰ።

14 ዩራሳላማን ዳዒያ ሃዎራቲ ሳማራ ኣሳይ ያሳ ቃላ ኤኪዳይሳ ሲዒዳ ዎዳ ጳዒርሳኔ ዮሃንሳ ኤንታኮ ዩዲደሶና። 15 ጳዒርሳኔ ዮሃንሲ ቢዲ፣ ኣማኔይሳቲ ገሻ ኣያና ኤካና ማላ ኤንታው ያሳ ዎሲደሶና።

16 ኣይሰ ገኮ፣ ሳማራ ኣሳቲ ጎዳ ዩሎሳ ሱንላ ፃላላን ፃማቁቲደሶናፔ ኣቲን ኤንታሬ ኢሱዎ ቦላካ ገሻ ኣያኒ ዎዲቤና። 17 ሂ ዎዳ ጳዒርሳኔ ዮሃንሲ ባንታ ኩሺያ ኤንታ ቦላ ዎሊን፣ ኤንቲ ገሻ ኣያና ኤኪደሶና።

18 ሃዎራቲ ባንታ ኩሺያ ኤንታ ቦላ ዎሊን፣ ኤንታው ገሻ ኣያናይ ኢማቲዳይሳ ሲሞኒ ቤዒዳ ዎዳ ጳዒርሳሲኔ ዮሃንሳሰ ሚሼ ኤሂዲ፣ 19 «ታኒካ ታ ኩሺያ ዎሊያ ኡባይ ገሻ ኣያና ኤካና ማላ ሃ ማታ ታዉካ ኢማርኬቲ» ያገሰ።

20 ሺን ጳዒርሲ ኢያኮ፣ «ኔይ ያሳ ኣሞታ ሚሼን ሻማናው ቆፒዳ ገሾ ኔ ሚሼይ ኔራ ጳዮ። 21 ኔ ዎዛናይ ያሳ ሲንላን ሱራ ገደና ገሾ ኔው ሃይሳን ገሾይ ዎይኮ ቃዲ ባዎ። 22 ሂዛ፣ ሃ ኔ ዎዛና ኢታቲላ ገሾ ናጋራፔ ሲማ። ኔ ዎዛናን ዳዒያ ኢታ ቆፋ ያሳይ ኣቶ ጋና ማላ ያሳ ዎሳ። 23 ጋሶይካ፣ ኔይ ኢታ ቃናቲኒኔ ናጋራ ቃሹዎን ዳዒይሳ ታኒ ቤዒይሰ» ያገሰ።

24 ሲሞኒ ዛሪዲ፣ «ሂንቲ ገዳይሳሬ ኢሶይካ ታና ጋኮና ማላ ታው ያሳ ዎሲቲ» ያገሰ።

25 ጳዒርሳኔ ዮሃንሲ ማርካቲዳፔኔ ጎዳ ቃላ ኦዲዳፔ ጉዩ ዩራሳላማ ሲሚደሶና። ሳማራን ዳዒያ ዳር ጉታታን ዎንጌላ ኦዲደሶና።

ፊልጶሲ ቶጲያ ሞሪና ፃማቁስ

26 ጎዳ ከታንቸይ ፊልጶሳኮ፣ «ዳንዳዳ ዩራሳላማፔ ጋዛ ኤፊያ ባዘ ቢታ ኦጊያኮ ባ። ሂ ኦጊይ ዳጌሃ ባጋራ ዳዒስ» ያገሰ። 27 ፊልጶሲ ዳንዲዲ ቢስ። ሂንዴኬ ጊያ ቶጲያ ካዋስ ኢ ሚሼ ኡባ ናጊያ ቶጲያ ኣሲ ዳዒስ። ኢካ ጎይናናው ዩራሳላማ ቢስ። 28 ፓራ ጋሪያን ኡቲዲ፣ ዩራሳላማፔ ባ ቢታ ሲሚሼ ናቢያ ኢሳያሳ ማፃፋ ናባቤስ።

29 ገሻ ኣያናይ ፊልጶሳኮ፣ «ሂ ጋሪያኮ ባዳ ኢያ ማቲ ሺቃ» ያገሰ።

30 ያቲን ፊልጶሲ ዎዲ ቢዲ ጋኪያ ዎዳ ሞሪናይ ናቢያ ኢሳያሳ ማፃፋፔ ናባቢሺን ሲዒዲ፣ «ኔ ናባቤያሲ ኔው ጌሊ?» ያገሰ።

31 ሞሪናይ «ታው ኦዲ ጌልሲያ ኣሲ ባይና ዋኒዲ ጌላኔ?» ያገሰ። ባራ ጋሪያን ከዩዲ ኡታና ማላ ፊልጶሳ ዎሲስ። 32 ሞሪናይ ናባቢያ ማፃፋ ከፊሌይ፣

«ኢ ደርሳዳ ሹኬታናው ላጌቲስ፤ ደርሳ ማሪ ባ ኢኪሲያ ማዳይሳታ ሲንላን ሲዒ ጌይሳዳ፣ ኢካ ባ ደና ደዩቤና።

33 ኢ ካዉዩስ፤ ኢያው ፃሎ ፐርዲ ጳይሰ። ኢያ ዳይይ ሃ ሳዓፔ ቃንፃቲዳ ገሾ ኢያ ሸሻባ ኦኔ ኦዳናይ?» ያገሰ።

34 ሞሪያዬ ዛሪዲ ፊልጶስ፡ «ናቤይ ኦዳባ ኦዲ? ባባ ኦዲዬ ወይኮ ሃራ ኣሳባ ኦዲ? ታው ኦዲርኪ» ያገሰ። 35 ፊልጶስ ዛሪዲ፡ ያሳ ቃላ ሄ ቤሳፊ ደሚዲ፡ ዩሱሳባ ኦዲያ ዋንጌላ ኢያው ኦዲሰ።

36 ኤንቲ ቢሼ ሃሊ ዳዊያሶ ጋኪደሶና። ሞሪያይ፡ «ሃሌ ሃይሳ ቤዓ፤ ታ ፃማቄቶና ማላ ኣይቢ ዲጊ?» ያገሰ።

37 ፊልጶስ ኢያኮ፡ «ኔኒ ኔ ኩሜላ ዋዛናፔ ኣማኒኮ ዳንዳዓሳ» ያገሰ።

ኢ ዛሪዲ፡ «ዩሱሰ ኪሪሰቶሲ ያሳ ናዓ ጊዳይሳ ታኒ ኣማናይሰ» ያገሰ።

38 ጋሪይ ኤቃና ማላ ሞሪያይ ከቲን፡ ናምዓይ ዋዲዲ ሃላን ጌሊደሶና፤ ፊልጶስ ኢያ ፃማቄሰ። 39 ኤንቲ ሃላፊ ጋፃ ኬዱዳ ዋዳ ጎዳ ኣያናይ ፊልጶስ ቆፖና ኤኪሰ። ናምዓንሉ ሞሪያይ ፊልጶስ ቤዒቤና፡ ሺን ባ ኦጊያ ኡፋይቲሼ ቢሰ። 40 ፊልጶስ ኣዛፃናን ባና ዳሚሰ። ቃሲ ቁሳሪያ ያና ጋካናው ካታማታን ዩዱዲ ዋንጌላ ማርካቲሰ።

9

ሳፆሊ ኪሪሰቶሳ ኣማኒሰ (ሃ.ኦ 22:6-16፤ 26:12-18)

1 ሄ ዋዳ ሳፆሊ ጎዳ ካሌይሳታ ዋዳናው ማንዲዲ ካሂኔ ሃላቃኮ ቢሰ። 2 ጎዳ ኦጊያ ካሊያ ኣዳታኔ ማጫታ ዳሚኮ፡ ቃቸሼ ዩሩሳላሜ ኤሃናው፡ ዳማሰቆን ዳዒያ ኣይሁዳ ዋሳ ኬላታሰ ዳብዳቤይ ፃፊታና ማላ ኢያ ዋሲሰ።

3 ኢ ቢዲ፡ ዳማሰቆ ካታማ ጋካናው ማቲሺን፡ ቆፖና ሳሎፔ ዋልቃማ ፖይይ ኢያ ዩሹዋን ፖዒሰ። 4 ኢ ሳዓን ኩንዲዳሺን፡ «ሳፆላ፡ ሳፆላ፡ ኣይሰ ታና ጎዳይ?» ጊያ ቃላ ሲዒሰ።

5 ሳፆላ፡ «ጎዳው፡ ኔኒ ኣኔ?» ያገዲ ኣይቸሰ። «ታኒ፡ ኔኒ ጎዳድ ዩሱሳ» ያገሰ።

6 ሺን ሳፆሊ ኮኮሪሼኔ ማላሌቲሼ፡ «ጎዳው፡ ታኒ ኣይ ኦላና ማላ ኮያይ?» ያገሰ።

ጎዳይ ኢያኮ፡ «ዳንዳዳ ካታማ ጌላ፤ ኔኒ ኦላናው ቤሲያባይ ያን ኔው ኦዳታና» ያገሰ።

7 ሳፆላራ ኦጊያ ቢያ ኣሳቲ ኣይኮካ ኦዳቶና ኤቂ ኣቲደሶና። ቃላ ሲደሶና፡ ሺን ኦናካ ቤዒቤኮና። 8 ሳፆሊ ኩንዲዳ ቤሳፊ ዳንዲዲ ፃሊያ ዋዳ ኢያ ኣይፊይ ዳሞና ኢዲሰ። ሄሳ ጊሾ፡ ኤንቲ ኢያ ኩሺያ ኦይኪዲ ካሌሊዲ ዳማሰቆ ጌልሲደሶና። 9 ሄሹ ጋላሰ ጋካናው ኢ ፃላናው ዳንዳዒቤና፤ ኣይኮካ ማቤና፤ ኡዩቤና።

10 ዳማሰቆን ኢሲ ሃናኒያ ጊያ ዩሱሳ ታማሪይ ዳዒሰ። ጎዳይ ቆንጩላን፡ «ሃናኒያ» ያገዲ ፃገሰ።

ሃናኒይ ዛሪዲ፡ «ታ ጎዳው፡ ሃይሳን ዳዒይሰ» ያገሰ።

11 ጎዳይ ኢያኮ፡ «ዳንዳዳ ሱሬ ጌቲቲያ ኦጊያ ባዳ፡ ዩሁዳ ሶን ሳፆሊ ጊያ ቲርሴቤፔ ዩዳ ኡራ ኮያ፤ ሳፆሊ ዋሲሰ። 12 ቃሲ ሃናኒይ ጌሊዲ፡ ሳፆሊ ናምዓንሉ ፃላና ማላ ባ ኩሺያ ኢያ ቦላ ዋሊሺን ቆንጩላን ቤዒሰ» ያገሰ።

13 ሃናኒይ ዛሪዲ፡ «ጎዳው፡ ዩሩሳላሜን ኔ ጌሻ ኣሳ ቦላ ሄ ኡራይ ኣይ ማላ ኢታባ ኦሊዳኮ ታኒ ዳር ኣሳፔ ሲዓሰ። 14 ቃሲ ዳማሰቆን ኔ ሱንላ ፃጌይሳታ ኡባ ቃቻናው፡ ካሂኔ ሃላቃቲ ኢያው ማታ ኣሚደሶና» ያገሰ።

15 ሺን ጎዳይ ኢያኮ፡ «ሳፆሊ ኣይሁዳ ጊደና ኣሳ ሲንላን፡ ካዋታ ሲንላኒኔ ኢሰራዒሌ ኣሳ ሲንላን፡ ታ ሱንላ ኤሪሳናውኔ ታው ኦላናው ደሬቲዳ ሚሼ ጊዲያ ጊሾ ኔኒ ኢያኮ ባ። 16 ኣይሰ ጊኮ፡ ታ ሱንላ ጊሾ ኢ ኣይ ማላ ዋዩ ኤካናው ቤሲያኮ ታኒ ኢያ ቤሳና» ያገሰ።

17 ሃናኒይ ቢዲ፡ ሶ ጌሊዲ፡ ባ ኩሺያ ሳፆላ ቦላ ዋሊዲ፡ «ታ ኢሻ ሳፆላ፡ ኔኒ ያ ኦጊያን ኔው ቤንቲዳ ጎዳ ዩሱሰ፡ ኔኒ ፃላና ማላኔ ጌሻ ኣያናን ኩማና ማላ ታና ከቲሰ» ያገሰ። 18 ኤሌሲዲ፡ ሳፆሊ ኣይፊያፔ ኢሲ ፖቆ ሚላባይ ዋዲን፡ ሳፆሊ ናምዓንሉ ፃሊሰ። ቃሲ ዳንዲዲ ፃማቄቲሰ። 19 ካሊ ሚዲ ፃሊዲ፡ ዳማሰቆን ዳዒያ ኣማኒይሳታራ ጉላ ጋላሰ ጋምዒሰ።

ሳፆሊ ዳማሰቆን ታማርሲሰ

20 ኤሌሲዲ ሳፆላ፡ «ዩሱሰ ያሳ ናዓ» ያገዲ ዳማሰቆን ዳዒያ ኣይሁዳ ዋሳ ኬላታን ቃላ ታማርሲሰ።

21 ሄሳ ሲዒዲ ኡባይ ማላሌቲዲ፡ «ሃይሲ ዩሩሳላሜን ዩሱሳ ሱንላ ፃጌይሳታ ቃቸይሳ ጊዳይኮ? ቃሲ ሃ ዩዳይ ኤንታ ቃቸዲ፡ ካሂኔ ሃላቃታ ሲንሌ ኤፋናሳ ጊዳይ?» ያገደሶና።

22 ሺን ሳፆሊ ቃላ ኦደን ሚኒ ሚኒ ቢሰ። ዩሱሰ፡ ኢ ኪሪሰቶሳ ጊዳይሳ ቆንጩሲዲ ኦዲዳ ጊሾ ዳማሰቆን ዳዒያ ኣይሁዳቲ ኢያው ዛሪያባ ዳዩደሶና።

23 ዳር ጋላሳፔ ጉዬ ኣይሁዳቲ ሸቂዲ፡ ሳፆላ ዋዳናው ዘሬቲደሶና። 24 ሺን ኣይሁዳቲ ባና ዋዳናው ቆፒዳይሳ ሳፆሊ ሲዒሰ። ኤንቲ ኢያ ዋዳናው ቃማኔ ጋላሰ ካታማ ፔንጊያን ናጎሶና። 25 ሺን ኢያ ታማሪቲ ኢያ ቃማ ኤፊዲ፡ ጊምቤ ዲርሳ ማሰኮቲያራ ዳቸራ ዋዲሲደሶና።

ሳፆሊ ዩሩሳላሜን ታማርሲሰ

26 ሳፆሊ ዩሩሳላሜን ጋኪዳ ዋዳ ኣማኒይሳታራ ጋሂታናው ኮዩሰ። ሺን ኢ ኪሪሰቶሳ ኣማኒዲይሲ ኤንታው ቱማ ዳናና ኢዲን ኢያው ያዩደሶና። 27 ሺን ባርናባሲ ሳፆላ ሃዋሪታኮ ኤፊሰ። ኦጊን ጎዳይ ዋኒዲ ቆንጩዳኮኔ ሃሳዩሲዳኮ፡ ቃሲ ሳፆሊ ዳማሰቆን ዩሱሳ ሱንላን ያዮና ዋቲዲ ቃላ ኦዲዳኮ ኤንታው ጌሺዲ ኦዲሰ። 28 ሳፆሊ ዩሩሳላሜን ዩዩዲ ጎዳ ሱንላን ያዮና ቃላ ኦዲሼ፡ ሃዋሪታራ ኢሲፊ ዳዒሰ። 29 ቃሲ ሳፆሊ ጊሪኬ ቃላ ሃሳን ኣይሁዳታራ ኦዳቲሼ ፓላሚሰ። ሺን ኤንቲ ኢያ ዋዳናው ኮዩደሶና። 30 ኣማኒያ ኣሳቲ ሄሳ ሲዒዲ፡ ሳፆሊ ቁሳሪያ ኤፊዲ ቲርሴቤ ዩዲደሶና።

31 ዩሁዳን፡ ጋላላኒኔ ሳማሪ ኡባን ዳዒያ ዋሳ ኬላታ ሳርቲላን ዳዒደሶና። ቃሲ ሚኒደሶና፤ ጎዳሰ ያዩሼ ጌሻ ኣያና ሚንሌሉዋን ዳሪ ዳሪ ቢደሶና።

ጳዒርሲ ሊዳኒኔ ዮጵን ታማርሲሰ

32 ጳዒርሲ ቢታ ኡባ ዩዩሼ ሊዳን ዳዒያ ኣማኒያ ኣሳታኮ ጋኪሰ። 33 ያን ሆሰቸን ላይሌ ኩሜሊ ጉንዲዲ ኣርሳን ዘንዒዲ ዳዒያ ኤኒያ ጊያ ኣዲያ ዳሚሰ። 34 ጳዒርሲ፡ «ኤኒያ፡ ዩሱሰ ኪሪሰቶሲ ኔና ፓላና፤ ዳንዳዳ ኔ ሂፃ ዳንላ» ያገሰ። ኢካ ኤሌሲዲ ዳንዲ ኤቂሰ። 35 ሊዳኒኔ ሳርናን ዳዒያ ኣሳ ኡባይ ኤኒያ ቤዒዲ፡ ጎዳኮ ሲሚደሶና።

36 ዮጵ ካታማን ኢሲ ፃቢቶ ጊያ ኣማኒያራ ዳዓዉሱ። (ፃቢቶ ጉሳይ ጌንዔ ጉሱ) ኢያ ባ ዳዒዳ ዋዳ ኡባን ሎዖባ ኦላሼኔ ማንቆታ ማዳሼ ዳዓሱ። 37 ሄ ዋዳ ኢያ ሃርጋዳ ሃይቁን፡ ኣሳይ ኢ ኣሃ ማጫዲ፡ ፖቂያ ቦላ ኬሲዲ ዚንዒሲደሶና። 38 ሊዲ ዮጵሰ ማታ።

አማኔይሳቲ ጳጳርሲ ሊዳን ዳዕይሳ ሲዲዲ፡ «ሃያና ኑኮ ኤሌሳዳ ያ» ያገያ ከታ ናሞዑ አሳታ ቦላ ኢያኮ ከቲደሶና።

39 ሃሳ ገሾ፡ ጳጳርሲ ዳንዲዲ፡ ኤንታራ ቢስ። ያ ጋከን፡ ፖቂያ ቦላ ዳዕይሳ ከፊሊያ ኢያ ጌልሲደሶና። አሞዔቲ ጳጳርሳ የሹዋን ኤቂዲ ዩኪሼ ደርቃ ኤንታራ ፓፃ ዳዕይሳ ኦሊዳ ቃሚሴታኔ አፊላታ ኡባ ጳጳርሳ ቤሲደሶና። 40 ጳጳርሲ ኤንታ ኡባ ካሬ ኬሲዲ፡ ጉልባቲዲ ያሳ ዋሲስ። ቃሲ አሃኮ ሲሚዲ፡ «ፃቢቲ፡ ዳንዲ» ያገሰ። ፃቢታ ባ አይፊያ ዳያዳ ጳጳርሳ ቤዓዳ፡ ዳንዲ ኡታስ። 41 ጳጳርሲ አዮ ባ ኩሺያን ማዲዲ ዳንላ ኤሲስ። ሃሳፊ ጉዬ፡ አማኔይሳታኔ አሞዔታ ፃገዲ፡ ዳንዲዳር ኤንታ ሲንሐ ሺሺስ።

42 ሃ ኦዳይ ዮጴ ካታማ ኡባ ጋከስ። ዳር አሳይ ጎዳ አማኒደሶና። 43 ጳጳርሲ ዮጴን ሲሞና ገያ ጋልባ ሃሺይሳ ሶን ዳር ጋላስ ጋሞሲስ።

10

ጳጳርሳኔ ቆርኔሊዮሳ

1 ቂሳሪያን፡ «ፃሌ ኦላ አሳታ» ጌቲቲያ ኦላንቸታ ገደን ኢሲ ቆርኔሊዮሳ ጌቲቲያ ማቶ ሃላቃይ ዳዕይሳ። 2 ቆርኔሊዮሲ ባ ሶ አሳራ ያሳ ሚንላ አማኒያ አሲኔ ያሳ ጎይኒያ አሲ። አይሁዳ ማንቆታካ ዳር ማዳስ፡ ቃሲ ያሳ ኡባ ዋዴ ዋሲስ። 3 ኢሲ ጋላስ ኡዲፋን ሳቲ ሄሪን ያሳ ከታንቸይ ኢያኮ ዩዲ፡ «ቆርኔሊዮሳ» ገዲ ፃገሺን ኢ ቆንጩላን ጌሺዲ ቤዒስ።

4 ቆርኔሊዮሲ ዳጋሚዲ ከታንቸዋ ቲሺ ኦሊ ፃሊዲ፡ «ጎዳው፡ ኢ አይቤ?» ያገሰ።

ከታንቸይ ዛሪዲ፡ «ኔ ዋሳይኔ ማንቆታ ኔ ማዳይሲ ያሳ ሲንላን ሃሳዬቲስ። 5 ሃዒ ዮጴ አሴ ከታዳ፡ ጳጳርሳ ገያ ሲሞና ኤሂሳ። 6 ጳጳርሲ አባ ደናን ጋልባ ሃሺያ ሲሞና ሶን ኢማላቲላ ሲራቲስ» ያገሰ።

7 ቆርኔሊዮሲ ባው ኦዲዲ ከታንቸይ ቢን፡ ባ አይሌታፔ ናሞዔታኔ ያሳ ጎይኒያ ባ ማታ ዋታዳሬታፔ ኢሱዋ ፃገዲ፡ 8 ኤንታው ኡባባ ኦዲዲ ዮጴ ከቲስ።

9 ዋንቲላ ጋላስ ኤንቲ ቢዲ፡ ዮጴ ካታማ ማቲሺን ኡሱቸን ሳቲ ሄሪን ያሳ ዋሳናው ጳጳርሲ ፖቂ ቦላ ኬይስ። 10 ኢ ኮሻቲዲ ካላ ማናው ኮዩስ፡ ሺን ካላ ካፂሺን ኢ ቆንጩላ ቤዒስ። 11 ሳሎይ ደዬቲን፡ ጌታ አፊላ ዳኒያባይ ኦይዲ ባጋራ ኦይኬቲዲ ዋዲሺን ኢ ቤዒስ። 12 ኢያን አይዲ ቶሆራ ዳዕይሳ ሚሃቲ፡ ዋራ ደዓቲ፡ ኡሎራ ጎሼቲያ ሜዴቲላቲኔ ሳሎ ካፎቲ ኡባይ ዳዕይሳ። 13 ሃ ዋዴ «ጳጳርሳ፡ ዳንዲ ኤቃዳ ሹካዳ ማ» ገያ ቃሊ ኢያኮ ዩሰ።

14 ሺን ጳጳርሲ፡ «ጎዳው፡ አካይ! ታ ቱናባ ኡባራካ ማ ኤሪኬ» ያገሰ።

15 ቃሲ፡ «የሳይ ጌሺዲይሳ ኔኒ ቱና ጎፓ» ገያ ቃሊ ናሞዒንሶ ኢያኮ ዩሰ። 16 ሄሲካ፡ ሄሹ ቶሆ ሃኒዳፔ ጉዬ ሄ ጌታ አፊላ ዳኒይሲ ኤሊሲዲ ፑዴ ሳሎ ኤኬቲስ።

17 ጳጳርሲ ባ ቤዒዳ ቆንጩላ ቢርሸላይ፡ «አይ ገዳንዳሻ?» ገዲ ባ ዋዛናን ቆፐሺን፡ ቆርኔሊዮሲ ከቲዳ አሳቲ ሲሞና ሶ ኦይቹ ዳሚዲ ካሬን ኤቂደሶና። 18 ባንታ ቃላ ቶቁ ኦሊዲ፡ «ጳጳርሳ ገያ ሲሞን ኢማላቲላን ዳዕይ ሃይሳኔ?» ያገዲ ኦይቹደሶና።

19 ጳጳርሲ ቆንጩላን ቤዒዳባ ቆፋ ቦላ ዳዕይሺን፡ ጌሻ አያኒ ኢያኮ፡ «ሄኮ፡ ሄሹ አሳቲ ኔና ኮዮሶና። 20 ዳንዲዳ ዋዳ፡ ታኒ ኤንታ ከቲዳ ገሾ ሲዶና ኤንታራ ባ» ያገሰ።

21 ጳጳርሲ አሳታኮ ዋዲዲ፡ «ሂንቲ ኮዬይ ታና፤ አይስ ዩዴቲ?» ያገሰ።

22 ኤንቲ ዛሪዲ፡ «ኑና ማቶ ሃላቃይ ቆርኔሊዮሲ ከቲስ፡ ኢ ዲሎ፡ ያሳ ጎይኒያ አሲኔ አይሁዳ አሳ ኡባን ዳር ቦንቸቲዳ አሲ። ቆርኔሊዮሲ፡ ኔና ባ ሶ ኤሂሲዲ ቃላ ኔፔ ሲዓና ሚላ ጌሻ ከታንቸይ ኢያው ኦዲስ» ያገደሶና። 23 ጳጳርሲ አሳታ ሶ ጌልሲዲ ሞከስ።

ዋንቲላ ጋላስ፡ ዳንዲዲ ኤንታራ ቢስ። ዮጴ ካታማን ዳዕይሳ አማኔይሳታፔ ኢሶቲ ኢሶቲ ኢያራ ኢሲፊ ቢደሶና። 24 ዋንቲላ ጋላስ፡ ቂሳሪያ ጋከደሶና። ቆርኔሊዮሲ ባ ዳቦታኔ ባ ማታ ላጌታ ኢሲፊ ፃገሺ ሺሺዲ፡ ጳጳርሳ ናጌስ። 25 ጳጳርሲ ሶ ጌላና ሃኒሺን፡ ቆርኔሊዮሲ ኢያራ ጋሄቲዲ ኢያ ሲንላን ኩንዲዲ ኢያው ጎይናናው ኮዩስ። 26 ሺን ጳጳርሲ፡ «ዳንዲ፡ ታካ ታ ሁዒን ኔ ሚላ አሴ» ያገዲ ኢያ ዳንላስ።

27 ጳጳርሲ ቆርኔሊዮሳራ ኦይቲሼ ሶ ጌሊያ ዋዴ ዳር አሳይ ሸቂዳይሳ ዳሚስ። 28 ኢ አሳኮ፡ «አይሁዳ አሲ ሃራ ዳሪራ ኢሲፋናው ዋይኮ ጋሄታናው ዋጋ ገደናይሳ ሂንቲ ኤሬታ። ሺን ታኒ ኦናካ ቱና ዋይኮ ጌሺ ገዴና ጎና ሚላ ያሳይ ታና ቤሲስ። 29 ሃሳ ገሾ፡ ሂንቲ ታኮ ከቲን ኢያይ ባይና ያስ። ሃዒ ታና አይስ ፃገሲዳኮ ታው ኦዲቲ» ያገሰ።

30 ቆርኔሊዮሲ፡ «ታኒ ሃቹ ኦይዲ ጋላሳፔ ካሴ ሃናዴ ኡዲፋን ሳቲ ዋሳ ዋሲሺን፡ ጳሊያ ማፖ ማዒዳ አሲ ታ ሲንላን ኤቂስ። 31 ኢ ታኮ፡ «ቆርኔሊዮሳ፡ ያሳይ ኔ ዋሳ ሲዲስ፡ ኔኒ ማንቆታ ማዲዳይሳካ ሃሳይስ። 32 ሂዛ፡ አሴ ዮጴ ከታዳ፡ ሲሞን ጳጳርሳ ጌይሳ ፃገሳ። ኢ፡ ሲሞና ገያ ጋልባ ሃሺያ ኡራ ሶን አባ ደናን ሲራቲስ» ያገሰ። 33 ሃሳ ገሾ፡ ታኒ ኔኮ ኤሌሳዳ ከታሰ፤ ኔ ሎዎ ያዳሳ። ሂዛ፡ ያሳይ ኔና ከቲዳባ ኡባ ሲዓናው ሃዒ ኔኒ ኡባይ ሃይሳን ጎዳ ሲንላን ዳዎስ» ያገሰ።

ጳጳርሳ ሃሳያ

34 ካሊዲካ፡ ጳጳርሲ፡ «የሳይ አሳ ሶሞፖ ቤዒዲ አሴ አሳፔ ሻኬና። 35 ሺን አሴ ኡባ ኦና ገዲኮካ ባው ያዬይሳኔ ዲሎ ኦሶ ኦላይሳን ያሳይ ኡፋይቲይሳ ታኒ ቱማ አኬካስ። 36 ያሳይ፡ ኡባ ጎዳ ገዲዳ ዩሱስ ከሪስቶሳ ባጋራ ሳርቲላ ኦዲሼ ሃ ዋንጌላ ኢሰራዔሌ አሳስ ከቲዳይሳ ሂንቲ ኤሬታ። 37 ዮሃኒሲ ፃንቃቲባ ጋሊላን ሳባኪዳ ዋዲያፔ ደሚዲ ዩሁዲ ቢታ ኡባ ጋካናው ሃኒዳባ ሂንቲ ኤሬታ። 38 ያሳይ ናዚሬቲ ዩሱሳስ ጌሻ አያናኔ ዋልቃ ኢሚስ። ያሳይ ኢያራ ዳዕይሳ ገሾ ሎዎባ ኢ ኦሊሼ ፃላሄ ኩሼን ሃሬቲዳ ኡባ ፓሊሼ ዩዩስ።

39 «አይሁዳ ቢታኒኔ ዩሩሳላሚን ኢ ኦሊዳ ኡባባስ ኔኒ ማርካታ። ኤንቲ ማሰቃሊያ ቦላ ካቂዲ ኢያ ዋዲደሶና። 40 ሺን ያሳይ ሄሻንሶ ጋላሳን ሃይቆፔ ኢያ ዳንላዲ አሳስ ቆንጩና ሚላ ኦሊስ። 41 ሃ ቆንጩላይ ያሳይ ኮይሮ ደሪዳ ማርካታሳፊ አቲን አሳ ኡባስ ገዴና። ኢ ሃይቆፔ ዳንዲዳፔ ጉዬ ኢያራ ሚዳኔ ኡዩዳ። 42 ኔኒ ዋንጌላ አሳስ ኦዳና ሚላኔ ፓፃ ዳዕይሳታ ቦላኔ ሃይቂዳይሳታ ቦላ ፐርዳናው ያሳይ ሹሚዳይ ዩሱሳ ገዴይሳ ማርካታና ሚላ ኦና ከቲስ። 43 ያሳይ ኢያ

አማኒያ ኡባ ናጋራይ፡ ኢያ ሱንግን አቶ ጌቴቴይሳ ናቤቴ ማርካቶሶና» ያገሰ።

አይሁዳ ገደና አሳቲ አማኒዲ ጌሻ አያና ኤኪደሶና

44 ጳጳሮሲ ቡሮ ሄ ኦዳ ኦንጎናሽን ቃላ ሲዲያ ኡባ ቦላ ጌሻ አያኒ ዋዲስ። 45 ጳጳሮሳራ ዮጴጌ ዩዳ አማኒያ ቃፃሬቲዳ አይሁዳ ኡባይ፡ አይሁዳ ገደናይሳታ ቦላ ጌሻ አያኒ ጉኪዳ ጊሾ ማላላቲደሶና። 46 ጋሶይካ፡ ኤንቲ ዲማ ዲማ ደናን ሃሳዬሽኒኔ ያሳ ገታቲፋ ሳቢሽን ሲዲደሶና።

ሄ ዋዴ ጳጳሮሲ ዛሪዲ፡ 47 «ሃይሳቲ ቃሲ ኦ ማላ ጌሻ አያና ኤኪደይሳቲ ፃማቄቶና ማላ ሃሌ ዲጋናይ ኦኒ?» ያገሰ። 48 ኤንቲ ዩሱስ ኪሪስቶሳ ሱንግን ፃማቄታና ማላ ኤንታ ኪቲስ። ሃሳፌ ጉዬ፡ ኤንቲ ባንታራ ጉላ ጋላስ ኡታና ማላ ጳጳሮሳ ዋሲደሶና።

11

ጳጳሮሲ ባ ኦሌዳባ ዩሩሳሌም ዋሳ ኬላስ ኦዲስ

1 ሃዋሪቲኔ ዩሁዳ ኡባን ዴዲያ አማኒይሳቲ፡ አይሁዳ ገደናይሳቲካ ያሳ ቃላ ኤኪደይሳ ሲዲደሶና። 2 ጳጳሮሲ ዩሩሳሌም ቢዳ ዋዴ ቃፃሬቲዳ አማኒይሳቲ፡ 3 ኢያኮ፡ «ኔኒ ቃፃሬቲቦናይሳታኮ ጌላዳ ኤንታራ ካሌ አይስ ማዲ?» ያገደሶና።

4 ሺን ጳጳሮሲ ሃኒዳባ ኮይሮፔ ደመዲ ማራን ማራን ኦዲስ፡ 5 «ታኒ ዮጴ ካታማን ያሳ ዋሳሽ ቆንጨዬ ቤዓስ። ገታ ኦጌላ ዳኒያባይ ኦይዲ ባጋራ ኦይከቲዲ ሳሎፔ ዋዲሽ ታኮ ዩስ። 6 ታኒ ቲሽ ኦላ ኢያ ገደ ያሊያ ዋዴ ኦይዲ ቶሆራ ዴዲያ ማህታ፡ ዋራ ደዓታ፡ ኡሎራ ጎሽቲያ ማዴቲላታኔ ሳሎ ካፎታ ቤዓስ። 7 «ጳጳሮሳ፡ ዴንዳ፡ ሹካዳ ማ» ገያ ቃላ ሲዳስ።

8 «ሺን ታኒ፡ ሳዳው፡ አካይ፡ ቱናባይ ዋይኮ ጌናባይ ኡባካ ታ ደናኮ ሽቄ ኤሪና» ያጋሰ።

9 « (የሳይ ጌሽዳይሳ ኔኒ ቱና ጎጋ) ያገያ ቃላ ናምዓንሎ ሳሎፔ ዩስ።

10 «ሄሲ ሄሹ ቶሆ ሃኒን፡ ወርሴላን ኡባባይ ሳሎ ፑዴ ኤኬቲስ። 11 ሄ ሳቲካ ሄሹ አሳቲ ቁሳሪያፔ ታኮ ኪቲቲዲ ታኒ ዴዲያ ኬላ ጋኪ ኦገደሶና። 12 ሲዶዶ ኤንታራ ባና ማላ አያናኢ ታው ኦዲስ። ቃሲ ሃ ኡሱፑን አሻቲ ዮጴጌ ታራ ቁሳሪያ ቢደይሳታራ ቆርኔሊዮሳ ሶ ጌሊዳ። 13 ኪታንቸይ ኢያ ሶን ኤቁዲ፡ (ዮጴ ኪታዳ ጳጳሮሳ ጌቴቴያ ሲሞና ያገላ። 14 ኔና ኔ ሶ አሳ ኡባ ኦሽያ ቃላ ኢ ኔው ኦዳና) ገዳይሳ ቆርኔሊዮስ ኮስ ኦዲስ።

15 «ታኒ ሃሳያ ደመያ ዋዴ ጌሻ አያናይ ኮይሮ ኦ ቦላ ዋዲደይሳዳ ኤንታ ቦላካ ዋዲ አገሰ። 16 ሄ ዋዴ (ዮሃኒሲ ሃላን ፃማቄስ፡ ሺን ሃንቲ ጌሻ አያናን ፃማቄታና) ያገደ ጎዳ ቃላይ ታው ቆፌቲስ። 17 ያሳይ ኮስ ጎዳ ዩሱስ ኪሪስቶሳ አማኒይሳታስ ኢሚዳ ኢሞታ አይሁዳ ገደናይሳታስካ ኢሚኮ፡ ያቲን ያሳ ዲጋናው ታኒ ኦኒ?» ያገሰ።

18 ኤንቲ ሃሳ ሲዲዳ ዋዴ ባንታ ፓላማ ኦገደ፡ «ሃሳ ገዲኮ፡ ያሳይ አይሁዳ ገደናይሳቲካ ናጋራፔ ሲሚዲ ዴፖን ዳናዳ ቃዳ ኢሚስ» ያገደ ሳ ጋላቲደሶና።

አንጾኪያ ዋሳ ኬላ

19 ኢስጻፋኖሴ ሃይቆስ ጋሌዳ ጎዳ ጋሶን ላሌቲዳ አማኒይሳቲ ቃላ አይሁዳታ ፃላላስ ኦዲሽ ሲሮፊንቄ፡ ቆጶሮሳኔ አንጾኪያ ጋካናው ዩዩደሶና። 20 ሺን ቆጶሮሳፔፔ ቄሪናፔ ዩዳ ኢሲ ኢሲ አማኒያ አሳቲ አንጾኪያ ቢዲ፡ ጎዳ ዩሱሳ ዋንጌላ ገሪኬ አሳስካ ኦዲደሶና። 21 ጎዳ ዋልቃይ ኤንታራ ዴዴስ፤ ቃሲ ዳሮ አሳይ አማኒዲ ጎዳኮ ሲሚደሶና።

22 ሄ ኦዳ ዩሩሳሌምን ዴዲያ ዋሳ ኬላይ ሲዲዳ ገሾ ባርናባሳ አንጾኪያ ኪቲስ። 23 ባርናባሳ አንጾኪያ ቢዳ ዋዴ ያሳ አጾ ኬሃቲላ ኦሎግ ቤዲዲ ኡፋይቲስ። ኤንቲ ኡባይ ባንታ ኩሜላ ዋዛናን ጎዳን ሚኒዲ ዳና ማላ ኤንታ ዘሪስ። 24 ባርናባሳ ጌሻ አያናይኔ አማኖይ ኩሚዳ ሎፖ ኦሲ ገዲያ ገሾ ዳሮ አሳይ ጎዳ አማኒደሶና።

25 ሃሳፌ ጉዬ፡ ባርናባሳ ሳፖላ ኮያናው ቲርሴሴ ቢስ። 26 ያን ሳፖላ ዴሚዳ ዋዴ አንጾኪያ ኤኪዲ ዩስ። ባርናባሳኔ ሳፖላ ዋሳ ኬላ አሳራ ላይሌ ኩሜሌ ኡቲዲ ዳሮ አሳ ታማርሲደሶና። አማኒይሳቲ አንጾኪያን «ኪሪስታኔ» ጌቴቲዲ ኮይሮ ያጌቴደሶና።

27 ሄ ዋዴ ኢሲ ኢሲ ናቤቲ ዩሩሳሌምፔ አንጾኪያ ዋዲደሶና። 28 ኤንታ ገደፌ አጋቦሳ ጌይሲ ዴንዲዲ ቢታ ኡባን ገታ ኮሺ ኬያናይሳ አያና ዋልቃን ቲንቢቲ ኦዲስ። ሄሲ ሃኒዳይ ሮሜ ካወዋ ቃላወዲዮሳ ዋዴና።

29 አማኒይሳቲ ሁዔን ሁዔን ባንታ ዋልቃ ማላ ሚሽ ኬሲዲ ዩሁዳን ዴዲያ አማኒይሳታስ ማዴ ዩዳናው ቆፋ ቃቺደሶና። 30 ኤንቲ ሃሳዳ ኦሌዲ፡ ሚሽያ ባርናባሳ ቦላኔ ሳፖላ ቦላ ዋሳ ኬላ ጨማታስ ዩዲደሶና።

12

ዋሳ ኬላ ቦላ ዋልቃማ ጎዳ ጋኪስ

1 ሄ ዋዴ ካዋይ ሄሮዲሲ * ዋሳ ኬላ አሳፔ ባጋ ጎዳ ደመስ። 2 ዮሃኒሳ አሻ ያይቆባ ማሻን ዋዲሲስ። 3 ሄሲ አይሁዳታ ኡፋይሲደይሳ ቤዲዲ፡ ጉጁዲ ጳጳሮሳካ ኦይሌስ። ሄሲ ሃኒዳይ ፓሲካ ባሌ ቦንቺያ ጋላሳታና። 4 ጳጳሮሳ ኦይኪዲ ቃቺስ። ፓሲካ ቦንቺያ ጋላሳታፔ ጉዬ ዴሪያ ሲንሌ አላናው ቆፒዲ፡ ኦይዲ ኦይዲ ዋታዳሬቲ ኢያ ናጋና ማላ ታማኔ ኡሱፑን ዋታዳሬታስ ኦሌ ኢሚስ።

5 ሃሳ ገሾ፡ ጳጳሮሲ ቃሾ ኬላን ናጌቲስ። ሺን ዋሳ ኬላ አሳይ ኢያው ሚንሌዲ ያሳ ዋሶሶና።

ኪታንቸይ ጳጳሮሳ ቃሾ ኬላፌ ኬሲስ

6 ሄሮዲሲ ጳጳሮሳ አሳ ሲንሌ ሺሻናፔ ካሴ ቃማ ጳጳሮሲ ናምዑ ባጋራ ናምዑ ዋታዳሬታራ ሳንላላታን ቃሾቲዲ ኤንታ ገደን ጳሰኪስ። ናጌይሳቲ ቃሾ ኬላ ፔንጌታን ኤቁዲ ናጎሶና። 7 አኬኮና ዴዲሺን ጎዳ ኪታንቸይ ቆንጨሰ። ቃሾ ኬላን ፖይ ፖዲስ። ኪታንቸይ ጳጳሮሳ ሚያ ቦቺ ባርኪሲዲ፡ «ኤሌ ዴንዳ» ያገሰ። ኢራካ ሳንላላታይ ኢያ ኩሺያፔ ዋዲ አገሰ። 8 ኪታንቸይ ኢያኮ፡ «ኔ ማዑ ማዳ፡ ኔ ጨማካ ኦላ» ያገሰ። ጳጳሮሲ ሃሳዳ ኦሌስ፤ ኪታንቸይ፡ «ኔ ላፖና ማዳ ታና ካላ» ያገሰ።

9 ጳጳሮሲ ቃሾ ኬላፌ ኬዩዲ ኪታንቸዋ ካሊስ። ኢያው ቆንጨዬ ቤዲያባ ዳኒሲፔ ኦቲን ኪታንቸይ ኦሌያባይ ቱማ ዳኒቤና። 10 ኪታንቸይኔ ጳጳሮሲ

11:16 ሃ.ኦ 1:5 11:19 ሃ.ኦ 8:1-4 11:28 ሃ.ኦ 21:10 ኮይሩዋ። ኢ፡ 37-44 ማርቲላ ላይላ ጋካናው ሃሪስ። ኢ ካወዋ ሄሮዲሳስ

* 12:1 ካዋይ ሄሮዲሲ፡ ሃይሲ ካዋይ ሄሮዲሲ፡ ሄሮዲሳ ኦገርጶ ገያ ናና ናና 12:4 ኬላ 12:1-27

ኮይሩዎን ርምዳን ወታደራዊ አዲስ ካታማ ኤፌያ ቢራታ ፔንጊያኮ ጋኪደሶና። ፔንጊይ ከነታው ባርካ ደዌቲ አገሰ። ከነቲ ኬዩዲ ኢሲ ኦጊያራ ቢሺን ከታንቸይ አከኮና ጳጳሮች ሻኬቲ አገሰ።

11 ጳጳሮች ስሜን፣ «ታና ጎዳይ ባ ከታንቸዋ ከቲዲ፣ ሄሮዲሳ ኩሼፔኔ ናጊዲ ኡቲዳ አይሁዳ አሳ ኡባፌ አሺዳይሳ ሃራ ቱማ ኤራሰ» ያገሰ።

12 ኢ ሄሳ አከኪዳ ዋዴ ዳሮ አሳይ ኢሲፌ ሸቂዲ ያሳ ዋሲያ ቤሳ፣ ማርቆሳ ጊያ ዮሃንሳ አዬ ማይራሚ ሶ ቢሰ። 13 ያን ካሬን ኤቂዲ ያገሰ። ኢሲ ሮዳ ጊያ ኦሳንቸያ ፔንጊያ ደያናው ያሰ። 14 ሮዳ ጳጳሮች ቃላ ጊዲዳይሳ ኤራዳ ዋዴ ኡፋይሳን ኩማዳ ካሪያ ደዌና ጉዬ ዋፃ ባዳ፣ «ጳጳሮሲ ካሬን ኤቂሰ» ያገዳ አሳሰ ኦዳሰ።

15 አሳይ ኢኮ፣ «ኔኒ ጎያይ!» ያገደሶና። ሮዳ ጳጳሮች ጊዲዳይሳ ገሻዳ ኦዳሰ። ከነቲ፣ «ሄሲ ኢያ ናጊያ ከታንቸዋ» ያገደሶና።

16 ሺን ጳጳሮሲ ካሬን ኤቂዲ ያገደሶ አሳና ኢዲን አሳይ ካሪያ ደዩዲ ኢያ ቤዒዲ ማላሌቲደሶና። 17 ሺን ከነቲ ሲዒ ጋና ማላ ጳጳሮሲ ባ ኩሺያን ማላዲ ጎዳይ ቃሾ ከላፌ ኢያ ዋቲ ከሲዳኮ ከነታው ቆንጨሲ ኦዲዲ፣ «ሃይሳ ያይቆባሲኔ አማኒያ አሳታሰ ኦዲቲ» ጊዲ ያፔ ከዩዲ ሃራሶ ቢሰ።

18 ሳዒ ዋንቲያ ዋዴ «ጳጳሮሲ አው ቢዴ» ጊዲ ዋታዳሬቲ ዋሊ ጊደን ዳሮ ካጨደሶና። 19 ሄሮዲሲ ጳጳሮች ኮዩሲን፣ ኢ ጳዩዳ ዋዴ ናጊይሳታ ቆሪዲ፣ ከነታ ዋጳና ማላ ከቲሰ። ሄሳፌ ጉዬ፣ ሄሮዲሲ ዩሁዳፔ ቁሳሪያ ዋዲያ ያን ጉላ ዋዴ ኡቲሰ።

ሄሮዲሳ ሃይቁዋ

20 ሄሮዲሲ ጳጳሮች አሳ ቦላኔ ሲደና አሳ ቦላ ደሮ ሃንቁቲሰ። ከነታ ቢታይ ካሊ ሄሮዲሳ ቢታፌ ዴሚያ ጊሾ ከነቲ ኢሲፌ ጊዲዲ ኢያ ሞሪና ቢላሰያሳ ባንታው ጨማ ኦሊዲ ጊጋናው ሄሮዲሳኮ ቢደሶና።

21 ሄሮዲሲ ሱንሉዳ ጋላሳን ባ ካዋቲላ አፊላ ማዒዲ፣ አራታ ቦላ ኡቲዲ አሳሰ ኦዲሰ። 22 አሳይ፣ «ሄሲ ያሳ ቃላ፣ አሳ ቃላ ጊዴና» ያገደሶ ዋሲደሶና። 23 ሄሮዲሲ ያሳ ቦንቸቦና ጊሾ ኢራካ ጎዳ ከታንቸይ ኢያ ዳቸን ጉፀኔን ማቲቲዲ ሃይቁሰ።

24 ሺን ያሳ ቃላይ ዲጨሼኔ ዳልጊሼ ቤሰ።

25 ባርናባሲኔ ሳያሊ ባንታ ኡሱዋ ፖሊዲ ማርቆሳ ጊያ ዮሃንሳ ባንታራ ኤኪዲ ዩራሳላሜፔ ሲሚደሶና።

13

ባርናባሲኔ ሳያሊ ከቲቲደሶና

1 አንጾኪያን ዴዒያ ዋሳ ከላን ናቤቲኔ አሰታማሬቲ ዴዎሶና። ከነቲ ባርናባሳ፣ ካሬሊ ጌቲቲያ ስሞና፣ ቁሪናፔ ዩዳ ሉኪዮሳ፣ ካወቀ ሄሮዲሳራ ዲጨዳ ሚናሄኔ ሳያላ። 2 ከነቲ ጎዳ ጎይኒሺኒኔ ያሚሺን ጊሻ አያናይ፣ «ታኒ ያገደ ኡሱዋሰ ባርናባሳኔ ሳያላ ታው ዲማዩቲ» ያገሰ።

3 ሄሳ ጊሾ፣ ከነቲ ያሚዳፔኔ ዋሲዳፔ ጉዬ ባንታ ኩሺያ ከነታ ቦላ ዋሊዲ ዩዲደሶና።

ባርናባሲኔ ሳያሊ ቆጶሮሳ ቢደሶና

4 ሄሳ ጊሾ፣ ጊሻ አያኒ ከነታ ከቲሰ። ሴሌወቁ ቢደሶና፣ ያፔ ማርካቤን ጌሊዲ ቆጶሮሳ ሃላን ቲቁቲዳ ቢታ ቢደሶና። 5 ከነቲ ሲልማና ጋኪዲ አይሁዳ ዋሳ ከላታን ያሳ ቃላ ኦዲደሶና። ዮሃንሲ * ማዲሼ ከነታራ ዴዒሰ።

6 ከነቲ ቆጶሮሳ ሃላን ቲቁቲዳ ቢታ ካንሉዲ ጳፋ ጋኪያ ዋዴ ኢሲ ዋርዳንቸ ናቢያ ባር-ዩሱሳ ጊያ አይሁዳ ማሩዋ ዴሚደሶና። 7 ሄ ማርይ ዴሪያ አይሲያ ሳርጊዮሰ ጳውሎሳ ጊያ አከካንቸ አዲያራ ዴዒሰ። ሳርጊዮሰ ጳውሎሲ ባርናባሳኔ ሳያላ ባኮ ያገደሶ ያሳ ቃላ ስዓናው ኮዩሰ። 8 ሺን ጊሪኬ ደናን ማሩዋ ሱንሳይ «ኤልማሳ» ጌቲቲሰ። ኢ ዴሪያ ሃሪይሲ አማኖና ማላ ዲጋናው ኮዩዲ ባርናባሳራኔ ጳውሎሳራ ኤቁቲሰ።

9 ሺን ጳውሎሳ ጊያ ሳያሊ ጊሻ አያናን ኩሚዲ ማሩዋ ጫዲ ያሊዲ፣ 10 «ላ፣ ያላሄ ናዓው፣ ኢታቲሉ ኡባይ ኩሚዳይሶ፣ ያሎቲላ ኡባሰ ሞርኪያው፣ ሱራ ጎዳ ኦጊያ ሚርቁይሳ አገኪ? 11 ሄኮ፣ ሃራ ጎዳ ኩሼይ ኔ ቦላ ዴዒሰ። ኔኒ ቆቁ ጊዳና፣ ጉላ ዋዴሰ አዋ ፖፆ ቤዓካ» ያገሰ።

ኢራ ጫጋናይኔ ቆማይ ኢያ አይፊያ ጎዘን፣ ባ ኩሺያ ኦይኪዲ ካሌሉያ አሲ ኮዩሼ ዩዩሰ። 12 ዴሪያ ሃሪይሲ ሄሳ ቤዒዲ ዋዴ ጎዳባ ታማርሴይሳን ማላሌቲዲ አማኒሰ።

ባርናባሲኔ ጳውሎሲ ጲሲዲያ አንጾኪያ ቢደሶና

13 ጳውሎሲኔ ኢያራ ዴዒይሳቲ ጳፋፔ ዴንዲዲ፣ ጸንፊሊያን ዴዒያ ጳርጌ ማርካቤራ ቢደሶና። ዮሃንሲ ከነታፌ ሻኬቲዲ ዩራሳላሜ ሲሚሰ። 14 ሺን ከነቲ ጳርጌፌ አዲዲ ጲሲዲያን ዴዒያ አንጾኪያ ጋኪደሶና። ሳምባታ ጋላሰ አይሁዳ ዋሳ ከሌ ጌሊዲ ኡቲደሶና። 15 ሙሴ ሂጌይኔ ናቤታ ማፃፋይ ናባቤቲዳፔ ጉዬ አይሁዳ ዋሳ ከላ ሃላቃቲ፣ «ኦ አሻቶ፣ አሳ ሚንሌሉያ ቃሊ ሂንቲው ዴዒያኮ አሳሰ ኦዴርኬቲ» ያገደሶ ከነቲደሶና።

16 ጳውሎሲ ዴንዲ ኤቁዲ ባ ኩሼ ማሊዲ፣ «ኢሰራዔሌ አሳታው፣ ቃሲ ያሳ ጎይኒያ አይሁዳ ጊደና አሳው፣ ሲዒቲ። 17 ሃ ኢሰራዔሌ አሳ ያሳይ፣ ኦ ማይዛታ ደሪሰ። ጊብፄ ቢታን ኢማላቲላን ከነቲ ዴዒሺን፣ ከነታ ዳርሲዲ ባ ጊታ ዋልቃን ጊብፄ ቢታፌ ከነታ ከሲሰ።

18 ባዘ ቢታን ኦይታው ላይላ ማላ ከነታ ዳንዳዒሰ።

19 ካናኔ ቢታን አይሁዳ ጊደና ላፑን ካዋቲላታ ዲጊዲ ከነታ ቢታ ባ አሳ ላቲሲሰ። 20 ሄሳፌ ጉዬ፣ ናቢያ ሳሙዔላ ዋዴ ጋካናው ኦይዲ ያታኔ አሻታው ላይላ ማላ አይሲያ ዳይናታ ከነታው ኢሚሰ። 21 ሄሳፌ ጉዬ፣ ከነቲ ባንታው ካዋ ኢማና ማላ ዋሲን፣ ያሳይ ቢኒያሜ ሼሻፔ ቁሴ ናዓ፣ ሳያላ ኦይታው ላይሊ ካዋታና ማላ ከነታው ኢሚሰ። 22 ያሳይ ሳያላ ሻራዳፔ ጉዬ ከነታ ቦላ ዳዋቲ ካዋሉሰ። ያሳይ ዳዋቲባ ማርካቲሼ፣ ሓኒ ኮያ ኡባ ታ ዋዛና ማላ ኦሊያ ኢሴዬ ናዓ ዳዋቲ ዴማሰን ያገሰ።

23 «ያሳይ፣ ሓኒ ዳዋቲ ሼሻፔ ኢሰራዔሌ ዴሪያ አሼይሳ ኤሃና፣ ጊዳይሳ ማላ ዩሱሳ ኤሂሰ። 24 ዩሱሲ ያናፔ ሲንሌ ኢሰራዔሌ አሳ ኡባይ ባንታ ናጋራፔ ሲሚዲ ፃማቁታና ማላ ዮሃንሲ ቃላ ኦዲሰ። 25 ቃሲ ዮሃንሲ ባ ኡሱዋ ወርሳና ሃኒሼ አሳኮ፣ ሓና ኦና ጊዲ ቆፔቲ?

* 13:5 ዮሃንሲ፣ ሃ ቤሳን ፃፊቲዳ ዮሃንሲ፣ ሃዋሪያ ዮሃንሲ ጊደናሺን ዮሃንሲ ማርቆሳ ጌቲቲያ ማርቆሳ ዋንጌላ ፃፊዳይሳ። 13:17 ከሳ 1:7፤ ከሳ 12:51 13:18 ታይ 14:34፤ ዛሬ 1:31 13:19 ዛሬ 7:1፤ ኢያ 14:1 13:20 ዛሬ 2:16፤ 1ሳሙ 3:20 13:21 1ሳሙ 8:5፤ 10:21 13:22 1ሳሙ 13:14፤ 16:12፤ ማዘ 89:20 13:24 ማር 1:4፤ ሉቃ 3:3

ታሪ ሂንቲ ናጊያ ከሪሰቶሳ ጊዲክ፡ ሺን ታሪ ኢያ ጫማ ቢርሻናው ታው ቤሶናይሲ ታፔ ጉዬራ ዬሱስ ያገሰ።

26 «አሻቶ፡ አብራሃማ ሹሻቶ፡ ቃሲ ሃይሳን አይሁዳ ገደናሺን ያሳሰ ያዩይሳቶ፡ ሃ አቶቴላ ቃላይ ኑስ ከቲቲስ። 27 አይስ ገኮ፡ ዩሩሳላሜን ዳዒያ አሳይኔ ኤንታ ሃላቃቲ ዩሱሳ ኤሪሶኮና። ሳምባታ ኡባን ናባቤቲያ ናቤታ ቃላ አኩኪቦና ገሾ ኢያ ቦላ ፒርዲዲ ናቤቲ ኦዲዳ ቃላ ፖሊደሶና። 28 ዩሱሳ ዋዲሳናው ኢሲ ጋሶይካ ዳዩን ጸላዎሲ ኢያ ዋዳና ማላ ዋሲደሶና። 29 ኤንቲ ዩሱሳባይ ገሻ ማፃፋን ፃፊቲዳባ ኡባ ፖሊዳ ዋዳ ማሰቃሊያፔ ኢያ ዋዲሲ ዋጊደሶና። 30 ሺን ያሳይ ሃይቆፔ ዩሱሳ ዳንሱስ። 31 ሄሳፌ ጉዬ፡ ኢ ባራ ጋሊላፔ ዩሩሳላሜ ዩይይሳታሰ ዳሮ ቶሆ ቤንቲስ። ኤንቲ ሃዒ ኢያባ አሳሰ ማርካቶሶና።

32 «ያሳይ ኑ አዋታሰ ኢማና ጊዳ ዋንጌላ ኑኒ ሂንቲው ኦደስ። 33 ዳዊቴይ ባ ማዘሙሬ ማፃፋን ናምዓንላ ሹምፑዋን፡

ሳኒ፡ ታ ናዓ፡

ታሪ ሃቺ ኔና ዩላስ) ጌቲቲዲ ፃፊቲዳ ዩሱሳ፡ ያሳይ ሃይቆፔ ዳንሱዲ ኑ ማይዛታሰ ኢማና ጊዳይሳ ኑስ ኤንታ ናይታሰ ፖሊስ።

34 ኢ ዋቆና ማላ ያሳይ ሃይቆፔ ኢያ ዳንሱን ኤሪሳናው፡ ታሪ ዳዊቴስ ኢማና ጊዳ

አማኔቲዳ ገሻ አንጂዋ ሂንቲው ኢማና) ያጊዲ ኢዲስ።

35 ሄሳ ገሾ፡ ማዘሙሬ ማፃፋን ሃራሶን ቃሲ፡

ሳ ገሻ ናዓ አሃ ዋቂሳካ) ያገሰ።

36 «ዳዊቴይ ባ ዋዳ ያሳ ቆፋ ፖሊዳፔ ጉዬ ሃይቂዲ ባ አዋታራ ሞጌቲዲ ዋቂስ። 37 ሺን ያሳይ ሃይቆፔ ዳንሱዲይሲ ዋቂቤና።

38 «ሄሳ ገሾ፡ ታ አሻቶ፡ ናጋራ አቶቴላይ ዩሱሳ ባጋራ ካሴቲዲ ሂንቲው ኦደቲዳይሳ ኤሪቲ። ሙሴ ሂጌይ ናጋራፔ ያሊሳናው ዳንዳዒና። 39 ሺን ዩሱሳ አማኒያ ኡባይ ናጋራፔ ያሊስ። 40 ሄሳ ገሾ፡ ናቤቲ ጊዳይሲ ሂንቲ ቦላ ጋኮና ማላ ናጌቲቲ።

41 «ያሳይ ጊዳባ ለቂሴይሳቶ! ቤዒቲ! ማላሌቲቲ! ዳዩቲ!

አኒካ ኦዲን፡ ሂንቲ አማኖና ኦሱዋ ታሪ ሂንቲ ዋዲያን ኦላና) » ያገሰ።

42 ጳውሎስን ባርናባሲ አይሁዳ ዋሳ ከላፊ ከዩሺን፡ ካሊያ ሳምባታን ሄሳ ጉጂዲ ኦደና ማላ አሳይ ኤንታና ዋሲደሶና። 43 ሹቆይ ላሌቲዳፔ ጉዬ ዳር አይሁዳቲኔ አይሁዳታ አማኑዋን ጌሊዲ ያሳ ጎይኒያ ዳርቲ ጳውሎስን ባርናባሳ ካሊደሶና። አማኒዳይሳቲ ያሳ አቶ ከሃቴላን ማኒዲ ዳና ማላ ኤንታ ዘሪደሶና።

44 ካሊያ ሳምባታን ካታማን ዳዒያ አሳፔ ዳርቲ ያሳ ቃላ ሲዓናው ሹቂደሶና። 45 ሺን አይሁዳቲ ዳር አሳ ቤዒዳ ዋዳ ጳውሎሳ ቃናቲዲ ኢያ ሃሳያ ኢዲዲ ኢያ ጫዩደሶና።

46 ጳውሎስን ባርናባሲ ያዮና፡ «ያሳ ቃላይ ኮይርቲዲ ሂንቲው ኦደታናው ኮሺስ። ሺን ሂንቲ ቃላ ኢዲዲ ማሪና ዳዑዋ ኤካናው ኑስ ቤሴና ጊዲ ሂንቲ፡ ሂንቲ

ሁዒን ፒርዲዳ ገሾ ሂካ ኑኒ አይሁዳ ገደናይሳታኮ ሲሞስ። 47 ጋሶይካ ጎዳይ፡

ሳላሜ ኩሚላይ ኔ ባጋራ አታና ማላ፡

ታሪ ኔና አይሁዳ ገደና ዳሪያሰ ፖዎ ኦላስ) ያጊዲ ኡና ከቲስ» ያጊደሶና።

48 አይሁዳ ገደናይሳቲ ሄሳ ሲዒዳ ዋዳ ኡፋይቲዲ ያሳ ቃላ ቦንቺደሶና። ቃሲ ማሪና ዳዑዋስ ደሬቲዳ ኡባይ አማኒደሶና።

49 ጎዳ ቃላይ ሄ ቤታ ኡባ ጋኪስ። 50 ሺን አይሁዳቲ፡ አይሁዳ ገደና ያሴ ጎይኒያ ዲሬ ማጫሳታኔ ካታማን ዳዒያ ጊታ አሳታ ጳውሎሳ ቦላኔ ባርናባሳ ቦላ ዳንሱዲደሶና። ሄ አሳቲ ኤንታ ጎዳ ደሚዲ ባንታ ቤታፊ ከሲደሶና። 51 ሺን ጳውሎሳራኔ ባርናባሳራ ኢዳይሳታሰ ማላ ገደና ማላ ባንታ ቶሆዋፔ ባና ፒቲዲ ኢቆኒዮኔ ካታማ ቢደሶና። 52 ቃሲ አንግኪያን ዳዒያ አማኒይሳቲ ገሻ አናናኒኔ ኡፋይሳን ኩሚደሶና።

14

ጳውሎስን ባርናባሲ አቆኒዮኔ ቢደሶና

1 ካሴይሳዳካ፡ ጳውሎስን ባርናባሲ አቆኒዮኔን አይሁዳታ ዋሳ ከሌ ጌሊዲ ዳር አይሁዳቲኔ አይሁዳ ገደናይሳቲ አማናና ጋካናው ቃላ ኦዲደሶና። 2 ሺን አማኒቦና አይሁዳቲ፡ አይሁዳ ገደናይሳታ ዋዛና ላሚዲ አሻታ ቦላ ዳንሱዲደሶና። 3 ሃዋሬቲ ያን ዳር ዋዳ ጋምዒደሶና። ኤንቲ ያዮና ጎዳባ ኦዲደሶና። ጎዳይ ማላታታኔ ኦራላባ ኤንቲ ኦላና ማላ ኤንታው ማታ አሚዲ ባ አቶ ከሃቴላ ቃላይ ቱማ ጊዳይሳ ቆንጨሲስ። 4 ሺን ሄ ካታማ አሳይ ሻኩቲዲ፡ ባጋይ አይሁዳታራ ባጋይ ቃሲ ሃዋሬታራ ጊዲስ።

5 አይሁዳ ገደናይሳቲኔ አይሁዳቲ ባንታ ሃላቃታራ ኢሲፌ ጊዲዲ ሃዋሬታ ቆሃናውኔ ሹቻን ጫዳናው ኮዩደሶና። 6 ሃዋሬቲ ሄሳ ኤሪዲ፡ ሊሰደራኔ ዳርቤ ጊያ ሊቃዖኒያ ካታማታኔ ኤንታ ሄራን ዳዒያ ቤታ ባቃቲደሶና። 7 ያን ዋንጌላ ኦዲደሶና።

ጳውሎስን ባርናባሲ ሊሰደራኔ ዳርቤን

8 ዩሌቶሳፔ ደሚዲ ናምዑ ቶሆይ ዋሲን ሃሙቲ ኤርና ኢሲ አዳይ ሊሰደራኒ ዳዒስ። 9 ሄ አዳይ ጳውሎስ ኦዲሺን ኡቲዲ ሲዒስ። ጳውሎስ ኢያ ጫዲዲ ያሊያ ዋዳ ፓፃናው ኢያው አማናይ ዳዒይሳ ቤዒዲ። 10 ባ ቃላ ቶቁ ኦሊዲ፡ «ሲቲ ጋዳ ኔ ቶሆዋን ኤቃ» ያገሰ። ያቲን፡ ጉፔ ዳንዲ ኤቂዲ ሃሙላ ደሚስ።

11 ጳውሎስ ኦሊዳይሳ አሳይ ቤዒዲ ባንታ ቃላ ቶቁ ኦሊዲ ሊቃዖኒያ ደናን፡ «ያሳቲ አሴ ዳኒዲ ኑኮ ዋዲደሶና» ያጊደሶና። 12 ባርናባሳ፡ «ዲያ» ጊዲ፡ ጳውሎስ ሃሳያን ዋናቲያ ገሾ ኢያ፡ «ሄርሜሳ» ጊዲ ሱንሱደሶና። 13 ካታማፔ ጋፃን ዳዒያ ኤቃ ዲያ ከላ ካሂኔይኔ አሳይ ኮርማታኔ አሌቆ ጨሻታ ሃዋሬታሰ ያርሻናው ኮዩዲ ካታማ ፔንጌ ኤሂደሶና።

14 ሺን ባርናባሲን ጳውሎስ ሄሳ ሲዒዳ ዋዳ ኤንቲ ኦላናው ቆፒዳይሳ ኢዲዲ ባንታ ማዑዋ ፔዲደሶና። አሳ ጊደ ዋዳ ጌሊዲ፡ 15 ባንታ ቃላ ቶቁ ኦሊዲ፡ «አሳው፡ ሃይሳ አይሰ ኦሌቲ? ኑካ ሂንቲ ማላ አሴ። ሃ ፓላናባፔ

13:25 ማቶ 3:11፤ ማር 1:7፤ ሉቃ 3:16፤ ዮሃ 1:20፤ 27 13:28 ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15
13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 13:31 ሃ.ኦ 1:3 13:33 ማዘ 2:7 13:34 አሳ
55:3 13:35 ማዘ 16:10 13:41 ኢ.ሰ 1:5 13:47 አሳ 42:6፤ 49:6 13:51 ማቶ 10:14፤ ማር 6:11፤ ሉቃ 9:5፤ 10:11
14:15 ከሳ 20:11፤ ማዘ 146:6

ሳሎሞን ሳዓ፡ አባይ ከንታ ገደን ዳዒያ ኡባባ ማዲያ ዳዖ ያሳኮ ሂንቲ ሲማና ማላ ሂንቲው ኑኒ ዋንጌላ ኦደሰ። 16 ኢ በኒ አሳ ባንታ ኦጊያ ባና ማላ ዋዲ አገሰ። 17 ሺን ኢራ ሳሎሞን ቡኪሲሰ፡ ካላካ ዋዲን ዋዲን አሚሰ፡ ካላ አሚዲ ሂንቲና ዳሮ ኡፋይሲሰ፡ ያቲዲ ሂንቲው ሎዖባ ኦላዲ ባው ማርካ ዳይሲቤና» ያገደሰና። 18 ሃዋሪቲ ሃሳ ገዲ ባንታው አሳይ ያርሾና ማላ ዋዲ ዲገደሰና።

19 አንጾኪያፕቴ ኢቆኒዮኔፕ ዱዳ አይሁዳቲ፡ አሳ ባንታ ባጋ ዛሪዲ ሹቻን ጳውሎሳ ጫዲደሰና። ከንታው ኢ ሃይቁዳባ ዳኒን ካታማፕ ጋፃ ጎቺ ኤፊዲ ዩገደሰና። 20 ሺን አማኔይሳቲ ዱዲ፡ ኢያ ዩሹዋን ኤቁዳሺን ኢ ዳንዲዲ ካታማ ጌሊሰ። ዋንቲላ ጋላሰ ባርናባሳራ ኢሲፊ ዳርቤ ቢሰ።

ጳውሎሳን ባርናባሳን ሶሪያ አንጾኪያ ሲሚደሰና

21 ከንቲ ዳርቤ ካታማን ዋንጌላ ኦዲዲ ዳርታ አማንላዳፕ ጉዬ ሊሰዓራ፡ ኢቆኒዮኔ ጲሲዲያ አንጾኪያ ሲሚደሰና። 22 ያን አማኔይሳታ ሚንሌሊቤ ከንቲ አማናን ሚኒዲ ዳዓና ማላ ዘሪቤ፡ «የሳ ካዎቲላ ጌላናው ኑኒ ዳሮ ዋዬ ኤካናው ቤሴሰ» ያገደዲ ታማርሲደሰና። 23 ቃሲ ዋሳ ከላታሰ ሁዔን ሁዔን ጨማታ ደሪደሰና። ያሚዳፕቴ ዋሲዳፕ ጉዬ ከንቲ አማኒዳ ጎዳሰ ከንታ ሃዳራ አሚደሰና።

24 ጲሲዲያ ቢታ ካንላዲ አዲዲ ጲንፊሊያ ቢደሰና። 25 ጴርጌን ቃላ ኦዲዳፕ ጉዬ አፃሊያ ቢደሰና። 26 ያፕ ከንቲ ባንታ ፖሊዳ ኦሎቆሰ ያሳ አዶ ከሃቲላሰ ከንታ ሃዳራ አሚዳ አንጾኪያ ማርካቤራ ሲሚደሰና።

27 አንጾኪያ ጋኪዳ ዋዴ ዋሳ ከላ አሳ ሺሺዲ ያሳይ ከንታው ኦላዲ ኦሎቆ ኡባይ አይሁዳ ገደና አሳይ አማናና ማላ ከንታው ዋቲ ፕንጌ ደዩዳኮ ኦዲደሰና። 28 ሃሳን አማኔይሳታራ ዳሮ ዋዴ ጋምዲደሰና።

15

ዩሩሳሌም ሸቁዋ

1 ኢሲ ኢሲ አሳቲ ዩሁዳፕ አንጾኪያ ቢዲ፡ «ሙሴ ዋጋላ ሂንቲ ቃፃራቶና ኢዲኮ አታናው ዳንዳዒኮታ» ገዲ አማኔይሳታ ታማርሶ ደሚደሰና። 2 ሃሲ ጳውሎሳን ባርናባሳ ከንታራ ዳሮ ፓላማናዳኔ ካጫናዳ ኦላሰ። ሃሳ ገሾ፡ አንጾኪያን ዳዒያ ኢሲ ኢሲ አሳቲ ጳውሎሳራን ባርናባሳን ዩሩሳሌም ቢዲ ሃዋሪታራን ጨማታራ ጋሃቲዲ ሄ ኦዳ ቢላና ማላ ቆፋ ቃቺደሰና።

3 ዋሳ ከላይ ከንታ ከቲን ቢደሰና። ከንቲ ሲርፊንቁ ሳማራራ አዲሽ አይሁዳ ገደናይሳቲ ያሳኮ ዋኒዲ ሲሚዳኮ ኦዲደሰና። ሃሲ አማኔይሳታ ኡባ ዳሮ ኡፋይሲሰ። 4 ከንቲ ዩሩሳሌም ጋኪዳ ዋዴ ዋሳ ከላይ፡ ሃዋሪቲን ጨማቲ ከንታ ሞኪደሰና። ያሳይ ባንታራ ኦላዳባ ኡባ ኦዲደሰና። 5 ሺን ፋሪሳዊታ ባጋፊ አማኒዳ ኢሲ ኢሲ አሳቲ ዳንዲ ኤቁዲ፡ «አይሁዳ ገደናሺን አማኒዳ አሳቲ ቃፃራታናው ሙሴ ሂጊያ ናጋናው ቤሴሰ» ያገደሰና።

6 ሃዋሪቲን ጨማቲ ሃሳ ዘራታናው ሸቁደሰና። 7 ዳሮ ሃሳዩዳፕ ጉዬ፡ ጳዒርሲ ዳንዲ ኤቁዲ፡ «ታ አሻቶ፡ አይሁዳ ገደናይሳቲ ዋንጌላ ቃላ ታ ደናፕ ሲዒዲ አማናና ማላ ካሴቲዲ ታና ያሳይ ሂንቲ ገደፊ ደሪዳይሳ

ሂንቲ ኤሪታ። 8 አሳ ዋዛና ኤሪያ ያሳይ ጌሻ አያና ኑሰ አሚዳይሳዳ ከንታውካ አሚዲ ቱማይሰ። 9 አማናን ከንታ ዋዛና ጌሽዳ ገሾ ኑ ገደኒኔ ከንታ ገደን ዲማቲላ ዋሊቤና። 10 ሃሳ ገሾ፡ ኑ አዋቲኔ ኑኒ ቶካናው ዳንዳዒባና ቃምባራ አማኔይሳታ ሞርጌን ዋሊዲ ሃዒ አይሰ ያሳ ፓጮቲ? 11 ጎዳ ዩሴሰ ኪሪሰቶሳ አዶ ከሃቲላን ከንቲ አቲዳይሳዳ ኑካ አቲዳይሳ አማናሰ» ያገሰ።

12 አሳይ ሲዒ ገዲ፡ ባርናባሳን ጳውሎሳ አይሁዳ ገደና አሳ ገደን ባንታ ባጋራ ያሳይ ኦላዳ ማላታታኔ ኦራላባ ኡባ ኦዲሺን ሲደሰና።

13 ከንቲ ሃሳን ኦንጊዳፕ ጉዬ ያይቆቤ፡ «አሻቶ፡ ታ ጌይሳ ሲዒቲ። 14 ያሳይ አይሁዳ ገደናይሳታ ገደፊ ባ አሴ ደራናው ኮዩዲ ከንታና ኮይሮ ዋቲዲ ቆፕዳኮ ሲሞኒ ኦዲሰ። 15 ናቤታ ቃላይ ሃይሳራ ጌሴ። ጌሻ ማፃፋን።

16 ሳይሳፊ ጉዬ፡ ታኒ ሲማና፡ ከንዲዳ ዳዋቲ ካዎቲላ ዳንላና። ላሊቲዳ ከላካ ዛራ ኤሳና።

17 አቲዳ አሳ ኡባይ ታኮ ያና፡ ታኒ ያጊዳ አይሁዳ ገደና አሳ ኡባይ ታና ኮያና። 18 ቤኒፕ ደማዳ ሃሲ ኤሪታና ማላ ኦላዳ ያሳይ፡ ታኒ ያጋይሰ» ያገሰ።

19 «ሃሳ ገሾ፡ ታ ቆፋይ ያሳኮ ሲሚያ አይሁዳ ገደናይሳታ ኑኒ ዋይሶናኮ ሎዖ። 20 ሺን ከንቲ ኤቃሰ ያርሾቲዲ ቲኒዳባ ሞና ማላ፡ ላይማቶና ማላ፡ ባወታ ሞና ማላኔ ሱላ ኡዮና ማላ ከንታው ኑኒ ዳብዳቤ ፃፋናው ኮሽሰ። 21 ሙሴ ሃጌይ ቤኒፕ ደሚዲ ሳምባታን ሳምባታን አይሁዳ ዋሳ ከላታን ናባቤቲሼ ካታማ ኡባን ሳባከቲሰ» ያገሰ።

22 ሃሳፊ ጉዬ፡ ሃዋሪቲን ጨማቲ ዋሳ ከላ አሳ ኡባራ ኢሲፊ ባንታ ገደፊ ጉላ አሳታ ደሪዲ ጳውሎሳራን ባርናባሳን አንጾኪያ ዩዳናው ቆፋ ቃቺደሰና። ከንቲ ዳሮ ቦንቼቲዳ ናምቡ አሳታ ባርሳባሳ ጌቲቲያ ዩሁዳኔ ሲላሴ ደሪደሰና። 23 ሃይሳዳ ጌቲቲ ያፊቲዳ ዳብዳቤያ ከንታ ቦላ ዩዲደሰና፡ «ኑኒ ሃዋሪቲን ጨማቲ ሂንቲ አሻቲ፡ አንጾኪያን፡ ሶሪያኒኔ ኪልቁያን ዳዒያ አይሁዳ ገደና አሻታሰ ኑ ሳርሉዋ ከቶሰ።

24 «ኑኒ ከቶና አሳቲ ኑ ገደፊ ቢዲ፡ ሳሂንቲ ቃፃራታናው ሂጊያ ናጋናው ቤሴሰ» ገዲ፡ ሂንቲና ዋይሲዳይሳኔ ዩሎዩዳይሳ ሲዒዲ። 25 ኑኒ ደሲያ ባርናባሳን ጳውሎሳ ደሪቲዳ አሳታራ ኢሲፊ ሂንቲኮ ከታናው ኢሲ ዋዛናን ኑ ቆፋ ቃቺዳ። 26 ከንቲ ኑ ጎዳ ዩሴሰ ኪሪሰቶሳ ገሾ ባንታ ዳዑዋ አላ አሚደሰና። 27 ሃሳ ገሾ፡ ኑኒ ያፊዳይሳ ከንቲ ባንታ ደናን ጉጂዲ ሂንቲው ኦዳና ማላ ዩሁዳኔ ሲላሴ ከቲዳ።

28 «ሃ ኮሽይሳታፕ አቲን ሃራ ቶሆ ሂንቲና ቶሶና ማላ ኑኒ ጌሻ አያናይ ኦዳ ቃቺዳ። 29 ኤቃሰ ያርሾቲዲ ቲኒዳባ ሞፕፕ፡ ሱሉ ኡዮፕፕ፡ ባወታ ሞፕፕ፡ ላይማቶፕፕ፡ ሃ ኡባፊ ሂንቲ፡ ሂንቲ ሁዒያ ናጊኮ ሎዖባ ኦላታ» ያገደሰና።

30 ሃሳ ገሾ፡ ከቲቲዳይሳቲ ሞይዜቲዲ አንጾኪያ ቢዲ አማኒያ አሳ ሺሺዲ፡ ዳብዳቤ አሚደሰና። 31 ከንቲ ሄ ሚንሌሊያ ዳብዳቤያ ናባቢዳ ዋዴ ኡፋይቲደሰና። 32 ቃሲ ዩሁዳኔ ሲላሴይ ባንታ

ሁዓን ናቤ ገዲያ ገሾ አማኔይሳታ ሎይሌ ዘሪዲ ሚንሌሌደሶና። 33 ኤንቲ ኣንጾኪያን ጉላ ጋላሰ ኡቲዳፕ ጉዬ አሻቲ ሎዖራ ሞይዚን ባንታና ኪቲዳይሳታኮ ሲሚደሶና። 34 * [ሺን ሲላሴይ ያን አታናው ኮዩሰ።] 35 ቃሲ ጳውሎሴኔ ባርናባሲ ሃራ ዳር አሳታራ ኢሲፊ ጎዳ ቃላ ታማርሲሼኔ ዋንጌላ ኦዲሼ ኣንጾኪያን ጋሞዲደሶና።

ጳውሎሴኔ ባርናባሲ ሻኬቲደሶና

36 ጉላ ጋላሳፕ ጉዬ ጳውሎሴ ባርናባሳኮ። «ኮኒ ጎዳ ቃላ ኦዲዳ ካታማ ኡባን አማኔይሳቲ ዋኒዲ ዳዒያኮ ጉዬ ሲሚሼ ያሞሳና» ያገሰ። 37 ባርናባሲ ማርቆሳ ጌቲቲያ ዮሃንሳ ባንታራ ኤፋናው ኮዩሰ። 38 ሺን ጳውሎሴ ማርቆሳ ባንታራ ኤፋናው ኮዩሰና። ጋሶይካ፣ ኢ ጳንፊሊያን ሻኬቲዲ ኤንታራ ኦላናው ቢቤና። 39 ኤንታ ገደን ኢታ ኦሺ ኮዩን ኢሶይ ኢሱዋፊ ሻኬቲደሶና። ባርናባሲ ማርቆሳ ኤኪዲ ማርካቤራ ቆጶሮሳ ቢሰ። 40 ሺን ጳውሎሴ ሲላሴ ደሪሰ፤ አማኔይሳቲ ጳውሎሳ ያሳ አቶ ኬሃቴላሰ ሃዳራ አሚዳፕ ጉዬ ኢ ኮዩዲ ቢሰ። 41 ያቲዲ፣ ዋሳ ኬላታ ሚንሌሌሼ ሶሪያራኔ ኪልቁያራ አጳሰ።

16

ዲሞቲዮሲ ጳውሎሳራኔ ሲላሴራ ጋሃቲሰ

1 ጳውሎሴ ዳርቤኔ ሊሰዲራ ቢሰ። ያን ዲሞቲዮሳ ገያ አማኒያ አሲ ዳዒሰ። ኢያ አያ አማኒያ አይሁዳ ማጫሰ። ኢያ አዋይ ገሪኬ አሲ። 2 ሊሰዲራኒኔ ኢቆኒዮኔን ዳዒያ አማኔይሳቲ ዲሞቲዮሳ ሎይሌዲ ማርካቲደሶና። 3 ጳውሎሴ ዲሞቲዮሳ ባራ ኤፋናው ኮዩዲ፣ ኢያ አዋይ ገሪኬ አሲ ገዲዳይሳ ሄ ቤሳን ዳዒያ አይሁዳ ኡባይ ኤሪያ ገሾ ኢያ ቃዖሪሰ። 4 ኤንቲ ካታማታራ ቢሼ ዩሩሳላሚን ዳዒያ ሃዋሬቲኔ ጨማቲ ዋሉዳ ሂገያ አማኔይሳቲ ናጋና ሚላ ኤንታው ኦዲሼ አጳደሶና። 5 ሃሳ ገሾ፣ ዋሳ ኬላቲ አማናን ሚኒሼ፣ ታይሶንካ ጋላሰ ጋላሰ ዳሪ ዳሪ ቢደሶና።

ጳውሎሴ ማቄደኒያ ባናዳ ጃጌቲሰ

6 ኢሲያን ቃላ ኦደና ሚላ ጌሻ አያናይ ኤንታ ዲገዳ ገሾ ጲርጌራኔ ጋላቲያ ቢታራ አጳደሶና። 7 ኤንቲ ሚሲያ ዛዋ ጋኪዳ ዋዴ ቢቲኒያ ባናው ኮዩደሶና። ሺን ዩሱሳ አያናይ ኤንታ ዲገሰ። 8 ሃሳ ገሾ፣ ኤንቲ ሚሲያ ማታራ አጳሼ ዲሮዳ ዋጳደሶና። 9 ጳውሎሴ ቃማ ቆንጩሳን ኢሲ ማቄደኒያ አሲ ባኮ። «ማቄደኒያ ፒናዳ ኮና ማዳርኪ» ያገሼ ኤቂዲ ዋሲሺን ቤዒሰ። 10 ቆንጩሳ ኢ ቤዒዳፕ ጉዬ ኤሌሲዲ ኮኒ ማቄደኒያ ባናው ኮዩዳ። ሄሲካ፣ ዋንጌላ ያን ዳዒያ አሳሰ ኦዳናው ያሳይ ኮና ጃጌዳይሳ ኤሪዳ ገሾሳ።

ሊዲያ ኪሪሰቶሳ አማናሱ

11 ዲሮዳዳፕ ዳንዲዲ ማርካቤን ጌሊዲ ሳሞቲራቄ ቢዳ፣ ዋንቴላ ጋላሰ ናጶሌ ቢዳ። 12 ያፕ ዳንዲዲ ማቄደኒያ ቢታን ዳዒያ ፊልጲሲዩሳ ገያ ኮይር ካታማ ቢዳ። ቃሲ ፊልጲሲዩሲ ሮሜ አሳይ ዳዒያ ካታማ። ኮኒ ሄ ካታማን ጉላ ጋላሰ ኡቲዳ።

13 ሳሞባታ ጋላሰ ካታማፕ ጋዖን ሻፋ ደናን አይሁዳቲ ያሳ ዋሲያ ቤሲ ዳዒይሳ ኤሪዲ ያ ቢዳ። ሄ ቤሳን ሸቂዳ ማጫሳሰ ቃላ ኦዲዳ።

14 ኮና ሲዒያ አሳፕ ኢሲ ሊዲያ ጌቲቲያ ቲያቲርና ካታማፕ ዩዳ፣ ያሳ አማኒዳ ዘዖ አፊላ ዛልዒያ፣ ማጫሲያ ዳዒወሱ። ጳውሎሴ ኦዳይሳ ኢያ ሲዒና ሚላ ያሳይ ኢ ዋዛና ደዩሰ። 15 ሊዲያ ባ ሶ አሳራ ኢሲፊ ዓማቄቲዳፕ ጉዬ ኮኮ፣ «ሂንቲ ታና ጎዳ ቱማ አማናሱ ገኮ ታ ሶ ዩጳቲ» ጋዳ ሚንሳዳ ዋሳሱ።

ጳውሎሴኔ ሲላሴ ቃሼቲደሶና

16 ኮኒ ያሳ ዋሲያ ቤሳ ቢሺን ኢታ አያኒ ኢ ቦላ ዳዒዲ ካይሲያ ኢሲ ጌላዖ አይሌይ ኮራ ጋሃታሱ። ኢያ ካያዳ ዳር ሚሼ ባ ጎዳታሰ ኤሃወሱ። 17 ጳውሎሳኔ ኮና ካላዳ፣ «ሃይሳቲ ኡባፊ ቦላ ያሳ አይሌታ! ኤንቲ ሂንቲ አታና ኦጊያ ኦዳይሳታ» ጋዳ ዋሳሱ።

18 ኡባ ጋላሰ ሃሳዳ ጋወሱ። ሺን ጳውሎሴ ዩሎቲዲ ጉዬ ሲሚዲ፣ ሄ አያና፣ «ዩሱሰ ኪሪሰቶሳ ሱንሳን ኢፕ ኬያ» ገዲ ኪቲሰ። ኢራካ ኢታ አያናይ ኢፕ ኬዩ አገሰ።

19 ሺን ኢ ጎዳቲ ባንታው ሚሼ ዳሚያ ኦጌይ ቆዩዳይሳ ቤዒዲ፣ ጳውሎሳኔ ሲላሴ አይኪዲ፣ ዳባባ ዳይናታ ሲንሌ ጎቼ ኤፊደሶና። 20 ዳይናታ ሲንሌ ኤንታ ኤፊዲ፣ «ሃይሳቲ አይሁዳ አሲ ገዲሼ ኮ ካታማ አሳ ዳር ዋይሶሶና። 21 ኮኒ ሮሜ ቢታ አሲ ገዲሼ ኤካናወኔ ኦላናው ዋጋ ገደናባ ታማርሶሶና» ያገደሶና።

22 አሳይ ኢሲ ባጋ ገዲዲ፣ ጳውሎሳ ቦላኔ ሲላሴ ቦላ ዳንዲደሶና። ዳይናቲ ኤንታ ማዑዋ ቃሪዲ ዓምዓን ኤንታ ሸጫና ሚላ ኪቲደሶና። 23 ኤንታ ዳር ዋጳዳፕ ጉዬ ቃሾ ኬሌ ጌልሲደሶና። ቃሾ ኬላ ናጌይሲ ኤንታ ሚንሌ ናጋና ሚላ ኪቲደሶና። 24 ቃሾ ኬላ ናጌይሲ ሄ ኪታ ኤኪዲ፣ ጳውሎሳኔ ሲላሴ ቃሾ ኬላሰ ቆልዓ ጌልሲሰ። ኤንታ ቶሁዋ ዲዒሰ

25 ሺን ገዲ ቢላሂ ገዲያ ዋዴ ጳውሎሳራኔ ሲላሴራ ዋሲሼኔ ማዘሙራ ዩጂሼ ያሳ ጋላቶሶና። ቃሾ ኬላን ዳዒያ ሃራ አሳቲካ ኤንቲ ገያባ ሲዖሶና። 26 ቆፖና ቃሾ ኬላ ባሶይ ቃዖና ጋካናው ቢታ ቃዖይ ሃኒሰ። ሄ ሳቲንካ ፔንጌ ኡባይ ደዩቲ አገሰ፤ ቃሼቲዳ አሳ ኡባ ሳንላላታይ ቢርሼቲ ዋጳሰ። 27 ቃሾ ኬላ ናጌይሲ ጳሰኮፊ ባርኪዳ ዋዴ ቃሾ ኬላ ፔንጌ ኡባይ ደዩቲዳይሳ ቤዒዲ ቃሾ አሳይ ኬሲ ኤኪ ቢዳባ ዳኒን ባና ዋጳናው ማሼ ኤኪሰ። 28 ሺን ጳውሎሴ ቃላ ቶቄ ኦሊዲ «ኮ ኡባይ ሃይሳን ዳዒያ ገሾ ኔኒ ኔና ቆሆፓ» ያገሰ።

29 ቃሾ ኬላ ናጌይሲ ያምፕ ዋሲ ኤኪዲ ኤሌሲዲ ጋሌ ዋዒሰ። ኮኮሪሼ ጳውሎሳ ሲንሳኒኔ ሲላሴ ሲንሳን ጉፋኒሰ። 30 ኤንታ ካሪ ኬሲዲ፣ «ታ ጎዳቶ፣ ታኒ አታናው አይ ኦላናው ቤሲ?» ያገሰ።

31 ጳውሎሳራኔ ሲላሴራ ኢያኮ፣ «ጎዳ ዩሱሰ ኪሪሰቶሳ አማና፤ ኔራኔ ኔ ሶ አሳራ አታና» ያገደሶና። 32 ኤንቲ ኢያሲኔ ኢያ ሶን ዳዒያ ኡባሰ ጎዳ ቃላ ኦዲደሶና። 33 ቃማ ሄ ሳቲንካ ቃሾ ኬላ ናጌይሲ ኤንታ ኤፊዲ ኤንታ ማዲንሳ ሚጨሰ። ኤሌሲዲ ባ ሶ አሳ ኡባራ ዓማቄቲሰ። 34 ጳውሎሳኔ ሲላሴ ባ ሶ ኤፊዲ ኤንታው ካሌ አሊሰ። ኢ ባ ሶ አሳ ኡባራ ያሳ አማኒዳ ገሾ ኡፋይቲሰ።

35 ሳሳይ ዋንቲን ዳይናቲ፣ «ሄ አሳታ ቢላ» ያገዲ ፖሊሴ ሃላቃታ ኢያኮ ኪቲደሶና። 36 ቃሾ ኬላ ናጌይሲ፣ «ሂንቲ ቢሌታና ሚላ ዳይናቲ ኪቲደሶና። ሂዛ፣ ኬዩዲ ሳር ቢቲ» ያገዲ ሄ ኪታ ጳውሎሳሰ ኦዲሰ።

* 15:34 ኢሲ ኢሲ ማፃፋታን ፓይዶ 34 ባዋ። 15:38 ሃ.ኦ 13:13

37 ሺን ጳውሎስ ሄ ፖሊሴ ሃላቃታኮ፡ «ኑኒ ሮሜ አሲ * ገዲሺን ኤንቲ ኑና ፐርዲ ባይና አሳ ሲንጻን ዋጂዲ፡ ቃሾ ኩጻን ዩጊደሶና። ሃዲ ኑና ጌማን ኩዩዲ ሶ ጎና? ሃኑና፡ ኤንቲ ባንታ ሁዔን ዩዲ ኑና ኩሶ» ያገሰ።

38 ፖሊሴ ሃላቃቲ ዳይናታሰ ሄሳ ኦዲን፡ ጳውሎሳራኔ ሲላሴራ ሮሜ ቢታ አሲ ገዲዳይሳ ሲዲዳ ዋዴ ያዩደሶና። 39 ሄሳ ገሾ፡ ዳይናቲ ዩዲ ኤንታኮ፡ «ኑኒ ሂንቲና ቆሂዳ» ገደሶና። ቃሾ ኩጻፌ ካራ ኤንታ ኩሲዲ፡ ካታማፔ ኩዩዲ ባና ማላ ዋሲደሶና። 40 ጳውሎሳራኔ ሲላሴራ ቃሾ ኩጻፌ ኩዩዲ ሊዲያ ሶ ቢደሶና። ያን ኣማኔይሳታራ ጋሄቲዲ ኤንታ ማንሐሌዲ ኩዩዲ ቢደሶና።

17

ጳውሎስ ቴሴሎንቄን ታማርሲስ

1 ጳውሎሳራኔ ሲላሴራ ኣምፊጸሊሳራኔ ኣጸሎኒያራ ኣጂዲ ቴሴሎንቄ ቢደሶና። ያን ኣይሁዴ ዋሳ ኩሌ ዴዒስ። 2 ጳውሎስ ካሴይሳዳ ያ ጌሊስ። ያን ሄዙ ሳሚንታ ያሳ ቃላፔ አሳስ ኦዲስ። 3 ከሪስቶሲ ዋዩ ኤካናወኔ ሃይቆፔ ዴንዳናው ቤሴይሳ ኤንታው ቆንጨሲዲ ኦዲሽ፡ «ዩሱሲ ሃ ታኒ ሂንቲው ኦዴይሲ ከሪስቶሳ» ያገሰ። 4 ኤንታፊ ኢሶቲ ኢሶቲ ኦዴይ ቱማ ገዴይሳ ማዲዲ ጳውሎሳራኔ ሲላሴራ ኢሲፊደሶና። ሄሳዳካ፡ ያሳ ጎይኒያ ዳር ገሪኬ አሳይኔ ዳር ቦንቸቲዳ ማጫሳቲካ ኤንታራ ኢሲፊደሶና።

5 ሺን ኣይሁዴቲ ቃናቲዲ ኢሲ ኢሲ ኦሶይ ባይና ኢታ አሳታ ኦፔፔ ሺሺደሶና። ካታማን ቡቁሌ ኩሲደሶና፤ ጳውሎሳኔ ሲላሴ አሳስ ኣሌ ኢማናው ኮዩዲ ያሶና ኩላ ቱቁደሶና። 6 ጳውሎስኔ ሲላሴ ኤንታው ቤንቶና ኢዲን፡ ያሶና ኢሲ ኢሲ ኣማኔይሳታ ካታማ ሃላቃታኮ ጎቹ ኤፊዲ፡ «ሃይሳቲ ቢታ ኡባ ቡቁይሳቲ ሃዲ ኑኮ ዩደሶና። 7 ያሶኒ ኤንታ ባ ሶን ዋሌስ። ሃይሳቲ፡ «ዩሱሳ ገያ ሃራ ካዋይ ዴዒስ» ገዲ ቁሳሬ ኪታ ማንሐሶና» ያገዲ ቶቁ ገዳ ቃላን ኦዲደሶና።

8 ሺቁዳ አሳይኔ ካታማ ሃላቃቲ ሄሳ ሲዲዳ ሃናናባ ጻዩደሶና። 9 ሃላቃቲ ያሶና ሃራታ ዋሴን ቢርሺደሶና።

ጳውሎስ ቤሪያን ታማርሲስ

10 ኣማኔይሳቲ ጳውሎሳኔ ሲላሴ ቃማራ ቤሪያ ዩዲደሶና። ቤሪያ ጋኪዲ፡ ኣይሁዴ ዋሳ ኩሌ ጌሊደሶና። 11 ቤሪያ አሳቲ ቴሴሎንቄ አሳታፔ ኣጂዳ ሱሬታ። ኤንቲ ቃላ ኩሜላ ዋዛናፔ ኤኪደሶና፤ ጳውሎስ ገዳይሲ ቱማ ገዴይሳ ሻኪ ኤራናው ጋላስ ጋላስ ጌሻ ማፃፋታ ፃናደሶና። 12 ሄሳ ገሾ፡ ኤንታፊ ዳርቲ፡ ገሪኬታፔካ ቦንቸቲዳ ዳር ማጫሳቲኔ ዳር ኣዴቲ ኣማኒደሶና።

13 ሺን ቴሴሎንቄን ዴዒያ ኣይሁዴቲ ጳውሎስ ያሳ ቃላ ቤሪያንካ ኦዲዳይሳ ሲዲዳ ዋዴ ቤሪያ ዩዲ አሳ ቡቁደሶና። 14 ሄሳፊ ጉዩ፡ ኣማኔይሳቲ ኤሌሲዲ ጳውሎሳ አባ ማቲ ዩዲደሶና። ሺን ሲላሴይኔ ያምቲዮስ ቤሪያን ኣቲደሶና። 15 ጳውሎሳ ሞይዚዳ አሳቲ ኣቴና ጋሌደሶና። ሄ አሳቲ ሲላሴይኔ ያምቲዮስ

ባንታው ዳንዳዔቲዳ ማላ ኤሌሲዲ ባኮ ያና ማላ ጳውሎስ ኪቲዳ ኪታ ኤኪዲ ቤሪያ ሲሚደሶና።

ጳውሎስ ኣቴና ቢስ

16 ጳውሎስ ኣቴናን ሲላሴይ ያምቲዮሳ ናገሼ፡ ካታማን ኤቁ ኩሚዳይሳ ቤዲዲ ዩሎቲስ። 17 ሄሳ ገሾ፡ ኣይሁዴ ዋሳ ኩጻን ኣይሁዴታራኔ ያሳ ጎይኒያ ኣይሁዴ ገደና አሳታራ ቃሲ ባራ ጋሄቲያ አሳታራ ኡባ ዋዴ ፓላሚስ። 18 ኤጲቆሮሳኔ ኢስቶይኬ ጌቲቲያ ጨጋታፔ ኢሲ ኢሲ ኤራንቸቲ ጳውሎሳራ ፓላሚደሶና። ኤንታፊ ኢሶቲ ኢሶቲ፡ «ሃ ዮያማይ ኣይ ኦዳናው ኮዩ?» ያገደሶና።

ሃራቲ ጳውሎስ ዩሱሳባኔ ሃይቆፔ ኢ ዴንዲዳይሳ ባንታው ኦዲዳ ገሾ «ኦራላ ያሳታባ ኦዲያ ዳኔስ» ያገደሶና።

19 ጳውሎሳ ኦይኪዲ ኣርዮስፓጎሳ ገያ ሺቆ ቤሳ ኤፊዲ፡ «ሃ ኔኒ ታማርሲያ ኦራላባይ ኣይቤኮ ኑና ኤሪሲኪ? 20 ኣይሰ ገኮ፡ ኔኒ ኑስ ኦራላባ ኦዳሳ፤ ሂዛ ሄሲ ኣይቤኮ ኔኒ ኤራናው ኮዮስ» ያገደሶና። 21 ኣቴና አሳ ኡባይኔ ያን ዴዒያ ኢማላቲ ኦራላባ ኦዴቶናኔ ሲያና ፔዶኮና።

22 ጳውሎስ ኣርዮስፓጎሳን ሺቁዳ አሳ ሲንጻን ኤቁዲ፡ «ኣቴና አሳው፡ ሂንቲ ያሳታሰ ኡባባን ዳር ያዩይሳ ታኒ ቤዳይሰ። 23 ታኒ ሂንቲ ካታማራ ዩያሼ ሂንቲ ጎይኒያ ቤሳታ ቤዲያ ዋዴ (ኤራቶና ያሳስ) ጌቲቲ ያፊቲዳ ያርሾ ቤሳ ዴማስ። ሃ ሂንቲ ኤርናሺን ጎይኔይሳ ታኒ ሂንቲው ኦዲይሰ። 24 ሳዓኔ ሳዓን ዴዒያ ኡባባ ማጂዳ ያሳይ፡ ሳሉዋኔ ሳዓ ጎዳይ፡ ኣሲ ኩዲዳ ኩጻን ዴና። 25 ኢ ዴያ፡ ሽምፖኔ ኡባባ አሳ ኡባሰ ኢሚያ ገሾ ፓጨ ዴዒያ አሳዳ አሳ ማዴ ኮዩና። 26 ያሳይ አሳ ዜሬሌ ኡባ ኢሲ ኣዲያፊ ማጂዲ ቢታ ኡባን ዋሌስ። ያቲዲ ኤንቲ ዴዒና ዋዲያሲኔ ቤሳስ ዛዋ ኢሚስ። 27 ኢ ሄሳ ኦሌዳይ ኣሲ ኢያ ኮያና ማላኔ ፐልጊዲ ዴማና ማላሳ። ሃኒኮካ ኢ ኑፔ ጌሚቤና። 28 ሂንቲፊ ኢሲ ኢሲ ዩዲይሳቲ፡ «ኑኒ ኢያ ናይታ» ገዳይሳዳ፡ «ኑኒ ኢያን ፓፃ ዴዶስ፡ ቃያስ።» 29 ሂዛ፡ ኔኒ ያሳ ናይታ ገዲያ ገሾ (ያሳይ አሳ ሂላቲላኒ ቆፋን ዋርቃፊ ዋይኮ ቢራፔ ዋይኮ ሹቻፊ ኦሴቲዳባ ዳኔስ) ያገዲ ቆፓናው ቤሴና። 30 ሄሳ ገሾ፡ ያሳይ ካሴ ዋዴ ኣሳይ ኤርና ኦሌዳይሳ አገዲ ኣጂስ፡ ሺን ሃዲ ኡባሰን ዴዒያ ኣሲ ኡባይ ናጋራፔ ሲማና ማላ ኪቲስ። 31 ኣይሰ ገኮ፡ ያሳይ ባ ደሪዳ ኣዲያን ሳዓን ዴዒያ አሳ ኡባ ቦላ ዲሎ ፐርዳ ፐርዳናው ቃማ ገገሲ ዋሌስ። ኢያ ሃይቆፔ ዴንሐዲ ሄሳ አሳ ኡባሰ ቱማዩስ» ያገሰ።

32 ኤንታፊ ኢሲ ኢሲ አሳቲ ሃይቆፔ ዴንደባ ጳውሎሳፔ ሲዲዲ፡ ኢያ ቦላ ቁልቁሲደሶና። ሺን ሃራቲ፡ «ኑኒ ሄሳ ኔፔ ጉጂዲ ሲዳናው ኮዮስ» ያገደሶና። 33 ሄሳ ገሾ፡ ጳውሎስ ኤንታ ገደፊ ኩዩስ። 34 ሺን ኢሲ ኢሲ ኣዴቲ ጳውሎሳራ ጋሄቲዲ ኣማኒደሶና። ኤንታ ገደፊ ኣርዮስፓጎሳን ሺቁዋን ዴዒያ ዲዮናሰዮሳ ገያ ኣዴይ፡ ዳማርሶ ገያ ኢሲ ማጫሲያኔ ሃራቲ ዴዶሶና።

18

ጳውሎስ ቆርንቶሳ ቢስ

* 16:37 ሮሜ አሲ፡ ጳውሎስ ሮሜ አሲ ያገዲ ባና ያገዳይ ሄ ዋዴ ኣይሁዴ ቢታ ሃራይ ሮሜ ካዋቲላ ገዲዳ ገሾሳ። ሄ ዋዴ ሮሜ ቢታን ዴዒያ ኣሳይ ፐርዲ ባይና ጋራፊቶኮና። 17:24 1ካዋ 8:27፤ ኢሳ 42:5፤ ሃ.ኦ 7:48

1 ሃሳፌ ጉዬ፡ ጳውሎስ አቴና፤ ከዩዲ፡ ቆርንቶሳ ቢስ። 2 ያን አቀላ ጊያ ጳጳሳን ዩሌቲዳ ኢሲ አይሁዳ ኣሲ ዳሚስ። አይሁዳ ኣሳ ኡባይ ሮሜ፤ ከያና ማላ ካዎይ ቃላዉዲዮሲ ከቲዳ ጊሾ ጉሳ ዎዴ፤ ካሴ ኢ ባ ማቼ ጲሪስቁላራ ዓሊ፤ ዩሊ፤ ጳውሎስ ኤንታራ ጋሃታናው ቢስ። 3 ኢያ ኦሶይ ኤንታይሳዳ ዲንካኔ ሲኮ ጊዲያ ጊሾ ኤንታራ ኡቲዲ ኢሲፌ ኦሊስ። 4 ጳውሎስ ሳምባታ ኡባን አይሁዳታኔ ገሪኬታ ኣማንላናው አይሁዳ ዎሳ ኬላን ፓላሚስ።

5 ሲላሴይኔ ዓሞቲዮሲ ማቁዲያ፤ ዩዲ ዎዴ ጳውሎስ ባ ኩሜላ ዎዲያ ኢሚዲ አይሁዳታስ ዩሱሲ ኢ፡ ከሪስቶሳ ጊዲ ቃላ ኦዲስ። 6 ሺን ኤንቲ ጳውሎሳ ኢዲዲ ኢያ ጫዩን ጳውሎስ ባ ማዑዎ፤ ባና ቆቆፊሽ፡ «ሂንቲ ሳሚይ ሂንቲና ኦይኮ፤ ታኒ ሃሳን ዳዲኬ። ሂዛ፤ ጉዬ፡ ታኒ አይሁዳ ጊደና ኣሳኮ ባይስ» ያጊስ።

7 ያ፤ ከዩዲ ዎሳ ሳይኒያ ቲቶስ ዮሰያሳ ጊያ ኡራ ሶ ቢስ። ዮሰያሳ ከላይ አይሁዳ ዎሳ ከላ ማታን ዳዒስ። 8 አይሁዳ ዎሳ ከላ ሃላቃይ ቃሪስጳሲ ባ ሶ ኣሳ ኡባራ ጎዳ ኣማኒስ። ቆርንቶሳ ኣሳታፔካ ዳርቲ ዎሳ ቃላ ሲዒዳ ዎዴ ኣማኒዲ ማቁቲደሶና።

9 ጎዳይ ኢሲ ቃማ ጳውሎሳስ ቆንጫዲ፡ «ያዮፋ፤ ኦዳ፡ ሲዒ ጎፓ። 10 ታኒ ኔራ ዳዒይስ። ታው ሃ ካታማን ዳር ኣሲ ዳዒያ ጊሾ ኔና ቆሂዲ ኢታባን ዩጋና ኣሲ ኦኒካ ባዎ» ያጊስ። 11 ሃሳ ጊሾ፡ ጳውሎስ ዎሳ ቃላ ኣሳ ታማርሲሼ ኢሲ ላይላኔ ኡሱፑን ኣኔና ኤንታራ ኡቲስ።

12 ጋሊዮሲ ኣካያ ቢታ አይሲያ ዎዴ አይሁዳቲ ኢሲፌ ጳውሎሳ ሶላ ዳንዲዲ ፐርዳ ከላ ኢያ ኤፊዲ። 13 «ሃ ኣይይ ሂጊያ ኢዲዲ፡ ኣሳይ ዎሳ ሳይናና ማላ ኦሊስ» ያጊደሶና።

14 ጳውሎስ ሃሳናና ሃኒሺን፡ ጋሊዮሲ አይሁዳታኮ፡ «አይሁዳቶ፡ ሄሲ ኢታ ኦሶ ዎይኮ ናቆ ጊዲያኮ ታኒ ሂንቲባ ዳንዳዒ ሲዳናው ቤሴስ። 15 ሺን ቃላስ፡ ሱንላሲኔ ሂንቲ ሂጊያስ ሂንቲ ፓላሚያባ ጊዲኮ ሂንቲ፡ ሂንቲው ቢሊቲ፤ ሃሳ ታኒ ፐርዲኬ» ያጊስ። 16 ያቲዲ፡ ኤንታ ፐርዳ ከላፌ ካሬ ከሲስ። 17 ሃሳፌ ጉዬ፡ ገሪኬ ኣሳ ኡባይ አይሁዳ ዎሳ ከላ ሃላቃ ሶስቲኒሳ ኦይኪዲ ፐርዳ ከላ ሲንላን ዎዲደሶና። ሺን ጋሊዮሲ ሃሳ ፓዎባ ጊሴና።

ጳውሎስ ኣንጾኪያ ቢስ

18 ጳውሎስ ዳር ጋላስ ቆርንቶሳን ኡቲዳ፤ ጉዬ ኣማኒያ ኣሳ ሳርላዲ፡ ጲሪስቁሊራኔ አቀላራ ማርካቤራ ሶሪያ ቢስ። ሺን ኢ ባና፤ ሲንፊ ባው ጋሶይ ዳዒያ ጊሾ ከንኪሪያ ካታማን ባ ሁዒያ ቡሉሴቲስ። 19 ኤንቲ ኤፊሶና ጋኪዳ ዎዴ ጳውሎስ ጲሪስቁሊራኔ አቀላ ያን ኣጊስ። ሺን ባው አይሁዳ ዎሳ ከላ ጌሊዲ አይሁዳታራ ኦዴቲስ። 20 ኤንቲ ባንታራ ዳር ዎዴ ኡታና ማላ ጳውሎሳ ዎሲደሶና ሺን ኢ ኢዲስ። 21 ኤንታፊ ሻኬቲሹ፡ «ታኒ ያ ባሊያ ዩሩሳላሚን ቦንቻናው ቤሴስ። ሺን ያሲ ጊኮ ሂንቲኮ ሲማዳ ያና» ያጊዲ ኤፊሶና፤ ማርካቤራ ቢስ። 22 ቁሳሪያ ጋኪዳ ዎዴ ዩሩሳላሚ ቢዲ ዎሳ ከላ ኣሳ ሳርላዲ፤ ጉዬ ኣንጾኪያ ቢስ።

23 ያን ጉሳ ዎዴ ጋሞዲዳ፤ ጉዬ ኣማኒያ ኣሳታ ኡባ ሚንፊላሼ ጋላቲያራኔ ጲርጌራ ኣዲስ።

ኣጲሎስ ኤፊሶናኒኔ ቆርንቶሳን

24 ኢስኪንዲሪያን ዩሌቲዳ ኢሲ ኣጲሎሳ ጊያ አይሁዳ ኣሲ ኤፊሶና ቢስ። ኢ ኦዳ ኤሪያ ኣሲኔ ዎሳ ቃላ ዳር ኤሪያ ኣሲ። 25 ኢ ጎዳ ኦጊያ ታማሪዲ፡ ኣያናን ፀጌቲዲ ዩሱሳባ ሱሬ ታማርሴስ። ጊደሺን፡ ዮሃኒሳ ዊንቃቲያ ዓላላ ኤሬስ። 26 ኢ አይሁዳ ዎሳ ከላን ያዮና ታማርሴስ። ጲሪስቁሊኔ አቀላ ኢ ኦዴይሳ ሲዒዳ ዎዴ ኢያ ባንታራ ሶ ኤፊዲ ዎሳ ኦጊያ ካሴይሳፌ ጌሺዲ ኢያው ኦዲደሶና።

27 ኣጲሎስ ኣካያ ባናው ኮዩን ኤፊሶናን ዳዒያ ኣማኒያ ኣሳይ ኢያ ቆፋ ኤኪዲ ኣካያን ዳዒያ ኣማኒይሳቲ ኢያ ሞካና ማላ ኤንታው ዲብዲቤ ዓፊደሶና። ኢ ያ ጋኪዳ ዎዴ ዎሳ ኣጼ ከሃቲላ ባጋራ ዩሱስ ከሪስቶሳ ኣማኒይሳታ ዳር ማዲስ። 28 አይስ ጊኮ፡ ዩሱሲ ኢ ከሪስቶሳ ጊዴይሳ አይሁዳታስ ዎሳ ቃላ፤ ቆንጫሲዲ ዳሪያ ሲንላን ሚንላ ኦዲዲ ኤንታ ላሊስ።

19

ጳውሎስ ኤፊሶና ቢስ

1 ኣጲሎስ ቆርንቶሳን ዳዒሺን፡ ጳውሎስ ቆሞ ባጋራ ኣዲዲ ኤፊሶና ቢስ። ያን ኢሲ ኢሲ ኣማኒያ ኣሳታ ዳሚስ። 2 ኤንታኮ፡ «ሂንቲ ኣማኒዳ ዎዴ ጌሻ ኣያና ኤኪዳቲ?» ያጊዲ ኦይቲስ።

ኤንቲ፡ «ኣካይ፡ ኤኪሶኮ፤ ሃሪ ኣቶሺን፡ ጌሻ ኣያኒ ዳዒያባካ ሰዒቦኮ» ያጊደሶና።

3 ጳውሎስ ኤንታኮ፡ «ያቲን፡ ኣይቢን ማቁቲዳቲ?» ያጊስ።

ኤንቲ፡ «ኦኒ ዮሃኒሳ ዊንቃቲያን ማቁቲዳ» ያጊዲ ዛሪደሶና።

4 ጳውሎስ፡ «ዮሃኒሲ ባፔ ጉዬራ ያ ዩሱስ ከሪስቶሳን ኣሳይ ኣማናና ማላ ኣሳስ ኡዲሹ፡ ናጋራፔ ሲሞ ቤሲያ ዊንቃቲያን ማቁቲ» ያጊስ።

5 ኤንቲ ሃሳ ሲዒዳ ዎዴ ጎዳ ዩሱስ ከሪስቶሳ ታማሪ ጊዳናው ማቁቲደሶና። 6 ጳውሎስ ባ ኩሺያ ኤንታ ሶላ ዎላዳ ዎዴ ጌሻ ኣያኒ ኤንታ ሶላ ዎዲን፡ ዲማ ዲማ ደናን ኦዴቲደሶና፤ ቃሲ ቲንቢቲ ኦዲደሶና። 7 ሄ ቤሳን ታማኔ ናሞዳ ጊዲያ ኣሳቲ ዳደሶና።

8 ጳውሎስ አይሁዳ ዎሳ ከላ ጌሊዲ፡ ዎሳ ካዎቲላባ ያዮና ፓላሚሼኔ ሎይላ ቆንጫሲሼ ኤንታራ ሄቶ ኣኔና ጋካናው ጋሞዲስ። 9 ሺን ኤንታፊ ኢሶቲ ኢሶቲ ጱቤ ጊዲዲ ዳር ኣሳ ሲንላን ጎዳ ኦጊያ ጫዩዲ ኣማናና ኢዲደሶና። ጳውሎስ ኣማኒይሳታ ኤንታፊ ሻኪ ኤኪዲ ዓራኖሳ ጊያ ቲሚርቲ ከላን ኡባ ዎዴ ኤንታ ታማርሴስ። 10 ጳውሎስ ናሞዑ ላይላ ጋካናው ቃላ ኦዲስ። ሃሳ ጊሾ፡ ኢሲያን ዳዒያ ኣሳ ኡባይ፡ አይሁዳቲኔ አይሁዳ ጊደናይሳቲ ጎዳ ቃላ ሲዒደሶና።

ዎሳይ ጳውሎሳ ኩሺን ኦሊዳ ማላታታ

11 ዎሳይ ጳውሎሳ ኩሺን ዎላቃማ ማላታታ ኦሊስ።

12 ሃሳ ጊሾ፡ ኣሳይ ኢያ ሶላ ቦቲዳ ማራቢያ ዎይኮ ማዑዎ ሃርጋንቻታስ ኤፊሶና። ኤንቲካ ፓዶሶና፤ ቱና ኣያናቲካ ኤንታፊ ከዮሶና።

13 ቱና ኣያናታ ከሲሼ ዩያ አይሁዳታ፤ ኢሶቲ ኢሶቲ፡ «ጳውሎስ ሳባኪያ ዩሱሳ ሱንላን ከዩቲ ጊዲ ሂንቲና ከቶስ» ያጊዲ፡ ቱና ኣያናቲ ኦይኪዳ ኣሳታ ሶላ ጎዳ

ዩሱፍ ሱንላ ያገለገሉ 14 ካሄዱ ሃላቃ አስቆጭ ጊያ አሲ አይሁዳ አዲያሰ ሃሳ አሊያ ላፑን ናይቲ ደዎሶና።

15 ሺን ቱና አያናይ ኤንታኮ። «ታኒ ዩሱፍካ ጳውሎሳካ ኤራይስ። ሺን ሂንቲ ኦናንቲ?» ያገሰ።

16 ቱና አያናይ ኦይኪዳ አዳይ ኤንታ ቦላ ጉፒ ዎዲዲ። ኤንታ ማዲንግሲዲ። ሄ ከላፊ ካሎ ባቃታና ጋካናው ዎልቃሚሰ። 17 ኤፌሶናን ዳዒያ አይሁዳቲኔ አይሁዳ ገደናይሳቲ ኡባይ ሄሳ ሲዒዲ ዳር ያዩደሶና። ጎዳ ዩሱፍ ሱንላይ ዳር ቦንቼቲሰ። 18 አማኔይሳታፕ ዳርቲ ባንታ አሊዳ ኢታ ኦሱዎ ፓዲኔን ቆንጩን ኦዲሼ ዮሶና። 19 ቢቲይሳታፕ ዳርቲ ባንታ ማፃፋታ ሺሺዲ አሳ ኡባ ሲንላን ፀጊደሶና። ሄ ማፃፋታ ጋቲያ ቆዳይ አሻታው ሙኩሉ ቢራ ሳንቲሜ * ገዲሰ። 20 ሄሳዳ ሃኒዲ ያሳ ቃላይ ዲጩኔ ዳልገሼ ቢሰ።

ኤፌሶና ካታማን ኦሺ ዳንዲሰ

21 ሄሲ ፖሌቲዳፕ ጉዬ ጳውሎሲ። «ታኒ ዩሩሳላሚ ባ ሲማዳ ሮሜካ ባናው ቤሴሰ» ያገዲ ማቆደኒያራኔ አካያራ አዲዲ ዩሩሳላሚ ባናው ቆፋ ቃቸሰ። 22 ቃሲ ባና ማዳይሳታፕ ናምባታ ዲሞቲዮሳኔ ኤራሰያሳ ማቆደኒያ ከቲዲ። ባው አሲያን ጉላ ዎዳ ጋምሲሰ።

23 ሄ ዎዳ ጎዳ ኦጊያ ገሾ ኤፌሶናን ዎልቃማ ካቸ ከዩሰ። 24 አሲ ቢራ አሊያ ዲሚዳርሳ ጊያ ኡራይ አርጻሚሲ ኤቃ ከላ ሚሲሊያ ቢራፕ አሊዲ ዳር ዎዴ ዳሜሰ። 25 ሄሳ ገሾ። ሄሳ ሚላ ኦሶ አሊይሳታ አሲፊ ሺሺዲ። «አሳው። ኦ ዲሬቲላይ ሃ ኦሱዎን ገዳይሳ ሂንቲ ኤሬታ። 26 ሃይሲ ጳውሎሲ። «አሳ ኩሼን ኦሱቲዳይሳቲ ያሳታ ገደኮና» ያገዲ። ኤፌሶናኒኔ ጉላ ቢታታፕ ኦቲን ኩሜላ አሲያ ኡባን ዳዒያ ዳር አሳ ኦዲ አማንሉዳይሳኔ ባሌላዳይሳ ሂንቲ ቤዒዳታኔ ሲዒዲታ። 27 ማቶ ገዲዳይ። ኦ ኦሶይ ካዴቲይሳ ፃላላ ገደናሺን አሲያኒኔ ቢታ ኡባን ዳዒያ አሲ ጎይኒያ ገታ ያሴ አርጻሚሲ ከላይ ቦንቼቶና አቲይሳኔ ኢ ገታቲላይካ ኩንዳናይሳ» ያገሰ።

28 አሳይ ሄሳ ሲዒዲ ዎዳ ሺኒን ፀጊቲዲ። «ኤፌሶና አርጻሚሳ ገታ» ያገዲ ዋሲደሶና። 29 ሄ ዋሶይ ካታማ ኡባ ጋኪሰ። ጳውሎሳራ ሃሙቲያ ማቆደኒያ አሳታ። ጋዮሳኔ አርሰዲሮኮሳ ኦይኪዲ ጎቼሼ ካሳ ቤሳ ዎዲደሶና። 30 ጳውሎሲካ አሳይ ሺቁዳሱዎ ገላናው ኮዩሰ። ሺን አማኔይሳቲ ኢያ ዲገደሶና። 31 አሲያ ቢታ ሃላቃታፕ ጳውሎሳ ላፕ ገዲዳ ኢሶቲ ኢሶቲ ጳውሎሳኮ ከቲዲ። «ካሳ ቤሳ ቆንጩን ከያዳ ቤንቶፋ» ገዲ ኢያ ዋሲደሶና።

32 ሺቁዳ አሳሰ ሃናናባይ ጳይሰ፤ ዳሪያ ባጋ አሳይ ሃሪ አቶሺን አይሰ ሺቁዳኮ ኤሮና ገሾ ኢሶይ አሲባሰ ዋሲያ ዎዳ ሃንኮይ ሃራባሰ ዋሴሰ። 33 አይሁዳቲ አሰከንዲሬ ገያ አዲያ አሊ ቤሲን። አሲ አሲ አሳይ ኢ ጋናባ አዲዲ ኢያ ሲንሌ አሊደሶና። ኢ አሳይ ሲዒ ጋና ሚላ ባ ኩሺያን ማሊ ቤሲዲ። አሳሰ ሞቲታናው ኤቁሰ። 34 ሺን አሰከንዲሬይ አይሁዳ አሲ ገዲዳይሳ አሳይ ኤሪዳ ዎዳ ናምባ ሳቲ ገደናይሳ ሚላ ኡባይ አሲ ቃላን። «ኤፌሶና አርጻሚሳ ገታ» ያገዲ ዋሲደሶና።

35 ወርሴላን ካታማ ፃፊይ አሳ ሲዒ አሊዲ። «ኤፌሶና አሳው! ኤፌሶና ካታማይ ገታ አርጻሚሲ ኤቃ ከላኔ ሳሎፕ ዎዲዳ። ኢ ሹቻ ሚሲሊያ ናጌይሳ ገዳይሳ ኤሮና አሲ ባዎ። 36 ሃይሳ ካሺ ገያ አሲ

ባይና ገሾ ሂንቲ ሲዒ ጋናው ዲርገዲ አይኮ ኦሶና አጋናው ቤሴሰ። 37 ሂንቲ ሃ አሳታ። ኤቃ ከላ ሚሼ ካይሶቲቦናይሳታኔ ኦ ያሳታ ጩይቦናይሳታ ኤሂዳታ። 38 ሄሳ ገሾ። ዲሚዳርሲኔ ኢያራ ዳዒያ ኦሳንቸቲ አሳ ሞታናው ኮይኮ። ፐርዳ ከላይ ዳያ ዳዒሰ፤ ዳይናቲካ ዳዎሶና፤ ኤንቲ ሞታናው ዳንደዎሶና። 39 ሺን ሂንቲ ሃራ ኦዳ ኮይኮ። ሻንሳ ሺቆን ኦዳይ ቤዒቶ። 40 ሄሳ ገደና ኢዲኮ ሃቸ ሃኒዳባሰ ሮሜ ካዎቲላይ ኦና ኦይቻና። ሃ ቡቁላሰ ጋሶይ ባይና ገሾ ኦኒ ጋሶ ኦዳናው ዳንደዎኮ» 41 ያገዲ ሺቁዎ ላሊሰ።

20

ጳውሎሲ ማቆደኒያኔ ገሪኬ ቢሰ

1 ዋሶይ ዳጩዳፕ ጉዬ ጳውሎሲ አማኒያ አሳታ ያገሲዲ ኤንታ ዘራዳፕ ጉዬ ሳርሊዲ ማቆደኒያ ባናው ከዩሰ። 2 ኢ አዲያ ቢታታን ዳዒያ አማኒያ አሳ ቃላ ኦዲዲ ሚንሌሊዳፕ ጉዬ ገሪኬ ቢታ ቢሰ። 3 ኢ ያን ሄቭ አጌና ኡቲዲ። ማርካቤራ ሶሪያ ባናው ቆፒዲ ዳዒሺን። አይሁዳቲ ባና ዎጳናው ኮይይሳ ኤሪዲ ማቆደኒያራ ጉዬ ሲማናው ኮዩሰ።

4 ጳውሎሳ ሞይዚዳይሳቲ ቤሪያፕ ጳርሁሳ ናባ ሶዳደርሳ። ቲሴሎንቄሬ አርሰዲሮኮሳኔ ሲኮንዲሳ። ዳርቤሬ ጋዮሳ። አሲያፕ ቲከቆሳ። ዲሪፊሞሳኔ ዲሞቲዮሳ። 5 ሄሳቲ ሲንሌ ቢዲ ኦና ዲርዳዳን ናጎሶና። 6 ኦኒ ኡይላ ባሊያ ቦንቼዳፕ ጉዬ ፊልጲሲዩሳፕ ማርካቤራ ዳንዲዲ። ኢቻሻንላ ጋላሳን ኤንታ ዲርዳዳን ጋኪዲ ያን ላፑን ጋላሰ ጋምሲዳ።

ጳውሎሲ ዲርዳዳን

7 ሳሚንታሬ ኮይሮ ጋላሳን ኦኒ ኡይላ ሚንላናው ሺቁዲ ዳዒሺን። ጳውሎሲ ዎንቲሌ ባናው ቆፒዳ ገሾ ኤንታው ቃላ ኦዲሼ ገዲ ቢላሂ ጋካናው ኦዳ አዲሲሰ። 8 ኦኒ ሺቁዲ ኡቲዳ ፖቁያን ዳር ፖይይ ዳዒሰ። 9 ኤወዲኮሳ ገያ አሲ ናባቲላይ ማሰኮቲ ቦላ ኡቲዲ። ባና ደገዲ ዲሰኪሰ። ጳውሎሲ ኦዳ አዲሲዳ ዎዳ ኤወዲኮሲ ዲሰኮ ኤዩዲ ሄቭንላ ፖቁያፕ ኩንዲዲ ሃይቁዳይሳ አሳይ ዳንሊሰ። 10 ሺን ጳውሎሲ ዎዲዲ። ኢያ ቦላ ጉፋኒሰ። ኢያ ኢዲሚዲ። «ኢ ሃይቁቤና። ሂርጎፊቲ» ያገሰ። 11 ሄሳፊ ጉዬ። ፑዳ ፖቁያ ቦላ ከዩዲ ኡይላ ሚንሊዲ ሚሰ። ሳዒ ዎንታና ጋካናው አሳሰ ኦዲዳፕ ጉዬ ዳንዲዲ ቢሰ። 12 ሄ ፓዲዳ ናቲላ ሶ ኤፊዲ ዳር ኡፋይቲደሶና።

ጳውሎሲ ዲርዳዳፕ ሚሊዳ ቢሰ

13 ሺን ጳውሎሲ ባና ያፕ ሞካና ሚላ ኦሶ ኦዲዳ ገሾ ካሰቲዲ ማርካቤያኮ ቢዲ። አሶሳ ባናው ዳንዲዲ። አይሰ ገኮ። ኢ ቶሆን ባናው ቆፒዳ ገሾ ኦና ሄሳላ ከቲሰ። 14 ኢ ኦራ አሶሳን ጋሃቲን ማርካቤያን ኢያ ኤኪዲ ሚዳሊኔ ቢዳ። 15 ዎንቲላ ጋላሰ ያፕ ዳንዲዲ ማርካቤራ ከዮሳ ሲንሌን ዳዒያ ቤሳ ጋኪዲ፤ ቃሲ ዎንቲላ ጋላሰ ሳሞሳ ፒኒዲ ካሊያ ጋላሰ ሚሊዳ ጋኪዲ። 16 ጳውሎሲ አሲያን ዳር ጋምዎና ኤፌሶና ማታራ አጳናው ቆፒሰ። ባው ዳንዲዳቲኮ ጳንዩቆሰዳ ባሊያ ጋላሰ ዩሩሳላሚ ጋካናው ኤሶቲሰ።

ጳውሎሲ ኤፌሶና ጩማታ ዘሪሰ

17 ጳውሎሲ ሚሊዳፕ ኤፌሶና ከቲዲ ዎሳ ከላ ጩማታ ያገሲሰ። 18 ዎሳ ከላ ጩማቲ ኢያኮ ዩን።

* 19:19 ቢራ ሳንቲሜ። ማቶሳ 26:15 ያሊቲ።

አንታኮ ሃይሳዳ ያገለገለ። «ታሪ ኢሲያ ጌሊዳ ኮይር ገላሳ፤ ደሚዳ ሂንቲራ ደሚዳ ወደ ኡባን ዋና ደሚዳኮ ሂንቲ ኤሬታ። 19 እይሁዳይት ዲላቲዲ ታ ቦላ ማቶ ገሊኮካ ታሪ አሽኬቴላኒኔ ዳር አፋላን ጎዳሰ አላሰ። 20 ዳባባካ ሂንቲ ከላን ከላን ሂንቲና ታማርሲሽ ሂንቲና ማዲያባ፤ ኢሲባካ ፓጪሳቢኬ። 21 ታሪ እይሁዳይታሲኔ እይሁዳይ ገደናይሳታሰ ናጋራ፤ ያሳኮ ሲማና ማላኔ ኦ ጎዳ ዩሱሳ አማናና ማላ ማርካታሰ።

22 «ያን ታና እይቢ ጋካኔኮ ኤሪኬ፣ ሸን ሃዲ ታሪ ጌሻ አያናሰ ከቲታዳ ዩሩሳሌም ባይሰ። 23 ጌሻ አያናይ ቃሾይኔ ዋዬይ ታና ናጌይሳ ካታማ ኡባን ታው ማርካቲሰ። 24 ሸን ታ ዋላ ፖላናውኔ ጎዳ ዩሱሰ ከሪሰቶሳ፤ ኤኪዳ ኦሎቆ፣ ያሳ አጾ ከሃቴላ ዋንጌላ ማርካቲይሳ ፖላናው ታ ሸምፕው ፓላናዳ ቆዳይሰ።

25 «ታሪ ሃዲካ ያሳ ካዋቴላ ማርካታሽ ሂንቲ ኡባ ገደን ዩያሰ። ሂዛ፤ ጉዬ ሂንቲሬ ኦኒካ ታና ቤያናይሳ ኤሪይሰ። 26 ሃሳ ጊሾ፣ ሂንቲሬ ኢሲ ኡራይ ጳዩኮካ ታ ኦይሽቶናይሳ ሃቺ ሂንቲው ጌሻዳ ኦዳይሰ። 27 እይሰ ጊኮ፣ ያሳይ ኦላናው ቆፕዳባ ኡባ ሂንቲው እይቢባካ አሾና ኦዳሰ።

28 «ባ ናባ ሱላን ዋዚዳ ያሳ ዋሳ ከላ ናጊቲ። ጌሻ አያናይ ሂንቲና ሃላቃ ኦሊዲ ደሪዳ ወዲያሲኔ ሂንቲ ሁዲያሰ ናጌቲቲ። 29 ታሪ ቢዳ፤ ጉዬ፣ ወዲያሰ ቃጼቶና ኢታ ሱዳማቲ ሂንቲ ገደ ጌላናይሳ ታ ኤሪይሰ። 30 አማኔይሳታ ባንታ ጌዳ ካሌላናው ዋርዶ ታማርሲያ አሳቲ ሂንቲ ገደሬ ዳንዳና። 31 ሃሳ ጊሾ፣ ታሪ ሄሹ ላይላ ቃማኔ ገላሰ አፋላን ሂንቲና ሁዳን ሁዳን ማንሌላይሳ ቆፕሽ ናጌቲቲ።

32 «ሃዲካ ሂንቲና ማንላናውኔ ጌሻ አሳራ ላቲሳናው ዳንዳዲያ ያሳሲኔ ኢያ አጾ ከሃቴላ ቃላሰ ሂንቲና ሃደራ ኢማይሰ።

33 «ታሪ ኦፔካ ቢራ ዋይኮ ዋርቃ ዋይኮ አፊላ አምታቢኬ። 34 ታሪ ታ ኩሽን ኦላዳ ታናኔ ታራ ዳዔይሳታ ኮሽዳባ ማዲዳይሳ ሂንቲ፣ ሂንቲ ሁዳን ኤሬታ። 35 ሂንቲ ሃይሳዳ ዳቡሪዲ ኦሊሽ ዳቡራንቸታ ማዳናይሳኔ ጎዳ ዩሱሰ፣ «ኤኬይሳሬ አማይሰ አንጃቲዳይሳ» ገዳ ቃላ ሂንቲ ቆፓናው ቤሴይሳ ታሪ ሂንቲና ኡባባን ቤሳሰ» ያገለገለ።

36 ጳውሎሲ ሃሳ ኦዲ ኦንጊዲ አንታ ኡባራ ጉልባቲዳ ያሳ ዋሲሰ። 37 አንቲ ኡባይካ ጳውሎሳ ኢዲሚዲ ዩኪዲ ዩሪደሶና። 38 ኢ ዛሪዲ፣ «ታና ቤዳኬታ» ያገለገለ ቃላይ አንታ ዳር አዛንላሰ። አንቲ ማርካቢያ ጋካናው ኢያ ሞይዚደሶና።

21

ጳውሎሲ ዩሩሳሌም ቢሰ

1 ኦኒ ኤሬሶና ጪማታ፤ ሻኬቲዳ ማላ ቆሴ ቢዳ። ዋንቲላ ገላሰ ሮዳ ጋኪዲ ያፔ ጳፃራ ቢዳ። 2 ሲርፊንቄ ፒኒያ ማርካቤ ደሚዲ ኢያን ጌሊዲ ባናው ዳንዲዳ። 3 ኦኒ ቆጲሮሳ ቤዳናው ዳንዲዳያ ሶ ዩዲ፣ ቆጲሮሳ ሃዲሮሳ ባጋ ኦኒዲ ሶሪያ ቢዳ። ማርካቤይ ባ ጫና ያን ዋላናው ኮዩዳ ጊሾ ዲሮሳ ቢዳ። 4 ያን አማኒያ አሳታ ደሚዲ አንታራ ላፑን ገላሰ ኡቲዳ። ጳውሎሲ ዩሩሳሌም ቦና ማላ አንቲ ኢያው አያናን ኦዲደሶና። 5 ኦኒ አንታራ ኡቲያ ዋይይ ወሪን ከዩዲ ቢዳ።

አንቲ ኡባይ ባንታ ማጫሳታራኔ ባንታ ናይታራ ኢሲሬ ካታማ፤ ካሬ ኬሲዲ ኦና ሞይዚደሶና። ኦኒ አባ ደናን ጉልባቲዳ ያሳ ዋሲዳ። 6 ሃሳሬ ጉዬ፣ ዋሊ ሳርሊዲ ኦ ማርካቢያን ጌሊዳ፤ አንቲ ባንታ ሶ ሲሚደሶና።

7 ኦኒ አባ ኦጊያ ኦንጊዲ፣ ዲሮሳ፤ ጳጳሌማይሳ ጋኪዳ። ያን አማኒያ አሳታ ሳርሊዲ፣ አንታ ማታን ኢሲ ገላሰ ፔዲዳ። 8 ዋንቲላ ገላሰ ከዩዲ፣ ቁሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩሩሳሌም ካሴ ደራቲዳ ላፑናታ፤ ኢሱቆ። 9 ፊልጶሳሰ ናቤ ጊዲዳ ኦይዲ ጌላፖ ናይቲ ዳዎሶና።

10 ኦኒ ኡንዳና ገላሰ ያን ኡቲዲ ዳዲሽን አጋቦሳ ጊያ ናቤይ ዩሁዳ፤ ቁሳሪያ ዩሰ። 11 ኦኒ ዩዲ ጳውሎሳ ሳቁያ ኤኪዲ ባ ኩሽያኔ ባ ቶሁቆ ቃቺዲ፣ «ጌሻ አያናይ ሃ ሳቁያ ጎዳ፣ ዩሩሳሌምን እይሁዳቲ ሃይሳዳ ቃቺዲ፣ እይሁዳ ገደና አሳሰ አሊዲ አማና ያጌሰ» ያገለገለ።

12 ኦኒ ሃሳ ሲዲዳ ዋይ ኦኒ ያን ዳዲያ አሳቲ ጳውሎሲ ዩሩሳሌም ቦና ማላ ዋሲዳ። 13 ሸን ጳውሎሲ ዛሪዲ፣ «ሂንቲ ሃይሳዳ ዩኪሽ እይሰ ታ ዋዛና ሽጊሴቲ? ታሪ፣ ጎዳ ዩሱሳ ሱንላ ጊሾ ቃሽቴላ ፃላላ ገደናሽን ዩሩሳሌምን ሃይቃናውካ ጊጌታሰ» ያገለገለ።

14 ኦኒ ዛሪያ ኢ ኤኮና ኢዳን፣ «ጎዳ ሽኔይ ሃና» ያገለገለ ሲዲ ገዳ።

15 ያን ጉላ ዋይ ጋምዲዳ፤ ጉዬ ጊጌቲዲ ዩሩሳሌም ባናው ከዩዳ። 16 ቁሳሪያን ዳዲያ አማኒያ አሳታ፤ ጉላቲ ኦራ ቢደሶና። አንቲ ኦኒ ሸምፓናሱቆ ሚናሶና ጊያ ቆጲሮሳ አዲያ ሶ ኤፊደሶና። ሚናሶኒ ኮይር አማኒዳ አሳ፤ ኢሱቆ።

ጳውሎሲ ዩሩሳሌም ጋኪሰ

17 ኦኒ ዩሩሳሌም ጋኪዳ ዋይ አማኒያ አሳቲ ኦና ኡፋይሳን ሞኪደሶና። 18 ዋንቲላ ገላሰ ጳውሎሲኔ ኦኒ ያይቆባራ ጋሄታናው ቢዳ። ዋሳ ከላ ጪማቲ ኡባቲካ ያን ዳዎሶና። 19 ጳውሎሲ አንታ ሳርሊዳ፤ ጉዬ እይሁዳ ገደና አሳ ገደን ባ ባጋራ ያሳይ ኦሊዳባ ኡባ አንታው ኦዲሰ።

20 አንቲ ሃሳ ሲዲዳ ዋይ ያሳ ጋላቲዲ ጳውሎሳኮ ሃይሳዳ ያገለገለ። «ኦ ኢሻው፣ እይሁዳታ ገደን አፑን ሙኩላቲ ያሳ አማኒዳኮ ኔ ቤዳሳ፤ አንቲ ኡባይካ ሂጊያ ማንላ ናጎሶና። 21 ኦኒ እይሁዳ ገደናይሳታ ቢታን ዳዲያ እይሁዳ ኡባይ ባንታ ናይታ ቃፃሮና ማላ፣ እይሁዳታ ዋጋ ካሎና ማላኔ ሙሴ ሂጊያ ኢፃና ማላ ኦኒ ታማርሲይሳ ዩሩሳሌምን ዳዲያ እይሁዳቲ ሲዲደሶና። 22 ያቲን እይቢ ሎዎ? ኦኒ ዩዳይሳ ዳርቲ ሲዳና።

23 «ሃሳ ጊሾ፣ ኦኒ ኔው ኦዳይሳ ሲዳ፤ ጋሶይ ዳዲያ ኦይዲ አሳቲ ኦ ማታን ዳዎሶና። 24 አንታ አካዳ አንታራ ጌያ፤ ቃሲ አንቲ ባንታ ሁዲያ ማዳታና ማላ አንታው ማሽ ኢማ። አንቲ ካሴ ኔባ ሲዲዳይሲ ቱማ ገደናይሳኔ ኦኒ ኔ ሁዳንካ ሂጌ ናጊያ ኦሲ ገዳይሳ ኡባይ ኤራና።

25 «ሸን አማኒዳ እይሁዳ ገደና አሳታ ገዲኮ፣ አንቲ ኤቃሰ ያርሽቴዳባ ሞና ማላ፣ ሱሉ ኡዮና ማላ፣ ባውታ ሞና ማላኔ ላይማቶና ማላ፣ ኦኒ ኦዳ ቃቺዲ፣ አንታው ዳብዳቤ ፃፊዳ» ያገለገለ።

26 ሃሳሬ ጉዬ፣ ጳውሎሲ ዋንቲላ ገላሰ አሳታ ኤኪዲ፣ አንታራ ጌዩሰ። ኢ ባንታ ጌያ ገላሳይ አዉዳ ፖሌቲያኮ ኤሪሳናውኔ ባንታ ያርሹቆ አዉዳ ያርሻኔኮ ኤሪሳናው ያሳ ከሊ ጌሊሰ።

ጳውሎስ እይከቲስ

27 ላዮን ጋላሳይ ወራና ሃኒሽን፣ ኢሲያፕ ዩዳ እይሁዳቲ ያሳ ከላን ጳውሎስ በዲዲ፣ አሳ ኡባ ደንሐሊዲ ጳውሎስ እይከደሶና። 28 «ኢስራኤል አሳው፣ ኑና ማዲቲ፣ ሃ ኡራይ፣ ኑ ዳሪያ፣ ኑ ሂጊያኔ ሃ ያሳ ከላ ኢፃና ማላ አሳ ኡባ ታማርሴስ። ሄሲካ ጊደና ኢፃን እይሁዳ ጊደናይሳታ ያሳ ከሐ ጌልሲዲ፣ ሃ ገሻ ቤሳ ቱሲሲስ» ያጊዲ ዋሲደሶና። 29 ኢንቲ ሄሳ ጊዳይ ካሴ ኤፊሶና ፂርፊሞሳ ጳውሎሳራ ካታማን በዲዳ ጊሾ ሃዲ ጳውሎስ ያሳ ከሐ ኢያ ኤኪ ጌሊዳባ ኢንታው ዳኒስ።

30 ካታማ ኡባይ ቡቁቲስ፤ አሳ ኡባይ ሸቁዲ ጳውሎስ እይከዲ ያሳ ከሐፊ ካሬ ጎቹደሶና። ያሳ ከሐ ፔንጌቲ ኤሌሲዲ ጎርዳቲደሶና። 31 አሳይ ጳውሎስ ዋጳና ሃኒሽን፣ «ዩሩሳሌም ካታማይ ኩሜሊ ቡቁቲስ» ጊያ ኡዳይ ሮሜ ሻላቀኮ ጋኪስ። 32 ሻላቀይ ዋታዳሬታኔ ማቶ ሃላቀታ ኤኪዲ ዋፂሽ ዩስ። አሳይ ሻላቀኔ ዋታዳሬታ በዲዳ ዋዴ ጳውሎስ ዋዴይሳ አጋጊደሶና።

33 ሄ ዋዴ ሻላቀይ ሸቁዲ፣ ጳውሎስ እይከዲ፣ ናሞዑ ሳንላላታን ቃሽታና ማላ ከቲስ። ያቲዲ፣ ኢ ኦኔኮኔ አይ ኦሊዳኮ አሳ እይቸስ። 34 አሳፔ ባጋይ ኢሲባ ጊዲ ዋሲያ ዋዴ ሃራቲ ሃራባ ጊዲ ዋሲስ። ዋሶይ ዳሪዳ ጊሾ ሻላቀይ ቱማ ሻካንው ዳንዳዴቶና ኢፃን፣ ዋታዳሬቲ ጳውሎስ ባንታ ዳዲያሶ ኤፋና ማላ ከቲስ። 35 ጳውሎስ ዩዲ ከያ ዳላ ጋኪያ ዋዴ አሳ ሱጌላ ጊሾ ዋታዳሬቲ ኢያ ቶኪደሶና። 36 ዳር አሳይ፣ «ኢ ሃይቆ!» ያጊዲ ዋሲሽ ካሎሶና።

ጳውሎስ ሞቱዋስ ዛር ኢሚስ

37 ዋታዳሬቲ ጳውሎስ ባንታ ዳዲያሶ-ዋ ጌልሳና ሃኒሽን፣ ጳውሎስ ሻላቀኮ፣ «ታኒ ኔው ኢሲባ ኦዶ?» ያጊስ።

ኢ ጳውሎሳኮ፣ «ኔኒ ጊሪኬ ደና ኤራይ? 38 ኔኒ ሃይሳፊ ሲንሐ ቡቁሊ ሜዲዲ ሸሞፖ ዋዲዳ እይዲ ሙኩሉ አሳታ ኤኪዲ ባዞ ጌሊዳ ጊብፀ ኡራ ጊዲኪ?» ያጊስ።

39 ሸን ጳውሎስ፣ «ታኒ፣ ከልቁያን ዳዲያ ኤሬቲዳ ቱርሴሴ ካታማን ዩሌቲዳ እይሁዳ አሲ። ሃያና ታና ኡዲሳርኪ?» ያጊስ።

40 ሻላቀይ ኢያኮ፣ «ኦዳ» ያጊን ጳውሎስ ዳላ ቦላ ኤቁዲ፣ አሳይ ሲዲ ጋና ማላ ባ ኩሺያን ማሊስ። አሳይ ሲዲ ጊን ኢብራይስፅ ደናን ሃይሳዳ ያጊስ።

22

1 «ታ ኢሻቶ፣ ታ አዋቶ፣ ታኒ ሃዲ ሃንቲው ኢሚያ ዛሩዋ ሲዲቲ።» 2 ጳውሎስ ኢንታው ኢብራይስፅ ደናን ኦዴይሳ ሲዲዲ ካሴይሳፊ አሊዲ ሲዲ ጊደሶና። ኢ ካሊዲ፣

3 «ታኒ ከልቁያን ዳዲያ ቱርሴሴን ዩሌታዳ ሃ ካታማን ዲጫስ። ታ አስታማሬይካ ጋማሊያሌ፤ ታኒ ኑ አዋታ ሂጊያ ሚንላ ታማራይ፣ ሃቹ ሂንቲ ኡባይ ሃኔይሳዳ ያሳስ ሚሽቲያ እይሁዳ አሲ። 4 ታኒ ሃ ኢያ ካሊያ ማጫታኔ እዴታ ኦይካዳ ቃሾ ከላን ዩጋሽን ኢንታ ዋዲሳና ጋካናው ዋዩ በሲዳ አሲ። 5 ሄሳዳካ፣ ካሂኔ

ሃላቃይኔ ሻንጎ ኡባይ ታባ ማርካታናው ዳንዳዴስ። ታኒ ዳማስቆን ዳዲያ ኤንታ ኢሻታስ ኢንታፊ ዳብዳቤ ኤካዳ ያን ዳዲያ አሳቲ ቃሽቲዲ ሴሬታና ማላ ዩሩሳሌም ኢንታ ኤሃናው ያ ባስ።

6 «ታኒ ባዳ ዳማስቆ ማቲዳ ዋዴ ሴታ ጋላስ ቆፖና ሳሎፔ ጊታ ፖያይ ታ ዩሹዋን ፖዲስ። 7 ታኒ ሳባን ኩንዳ ዳዲሸን፣ «ሳዎላ፣ ሳዎላ፣ ታና አይስ ጎዳይ?» ጊያ ቃላ ሲዳስ። 8 ታኒ ዛራዳ፣ «ሳዳው፣ ኔኒ ኦኔ?» ያጋስ።

ኢ ዛሪዲ፣ «ታኒ፣ ኔኒ ጎዲያ ናዚሬቲ ዩሱሳ» ያጊስ። 9 ታራ ዳዴይሳቲ ፖዑዋ በዲደሶናፔ አቲን ታው ኦዴይሳ ቃላ ኦኔኪቦኮና።

10 «ታኒ፣ ሳዳው፣ ታ አይ ኦሶ?» ያጋስ። «ሳዳይ ታኮ፣ «ዳንዳዳ ዳማስቆ ባ። ኔኒ ኦላና ማላ ያሳይ ቆፒዳባ ኡባይ ያን ኔው ኦዴታና» ያጊስ። 11 ሄ ዋልቃማ ፖዑዋ ጋሶን ታ አይፊይ ቆቁን፣ ታራ ዳዲያ አሳቲ ታ ኩሺያ ኦይኪዲ፣ ታና ጎቹን ዳማስቆ ጋካስ።

12 «ዳማስቆን ዳዲያ እይሁዳ ኡባይ ዳር ቦንቹያ ኢሲ ሃናኒያ ጊያ አዳይ፣ ኑ ሂጊያ ቦንቹይሴኔ ያሳ ሚንሐ ዋሴይሲ ዳዴስ። 13 ሃናኔይ ታኮ ዩዲ፣ ታ ማታን ኤቁዲ፣ «ታ ኢሻው ሳዎላ፣ ፀላ» ያጊስ። ኤሌሳዳ ታኒ ኢያ ፀላ አጋስ።

14 «ኢ ታኮ፣ «ኑ አዋታ ያሳይ ኔኒ ኢያ ሸኒያ ኤራና ማላ፣ ኢያ ፀሎ ናባ በዳና ማላኔ ኢያ ደናፔ ቃላ ሲዳና ማላ ካሴቲዲ ኔና ደሪስ። 15 ኔኒ በዲዳባኔ ሲዲዳባ አሳ ኡባ ሲንላን ኢያው ማርካታና። 16 ሃዲ አይስ ጋሞዳይ? ዳንዳዳ ፃማቁታ፤ ኢያ ሱንላ ፀጋዳ ኔ ናጋራፔ ማጫታ» ያጊስ።

17 «ታኒ ጉዩ ዩሩሳሌም ሲማዳ ያሳ ከላን ዋሲሽን፣ ታው ቆንጩሐ በንቲስ። 18 ቆንጩላን ጎዳይ ታኮ፣ «ኔ ታው ማርካቲያ ማርካቲላ አሳይ ኤኮና ጊሾ ኤሌሳዳ ዩሩሳሌምፔ ከያ» ያጊሽን በዳስ።

19 «ታኒ፣ ሳዳው፣ እይሁዳ ዋሳ ከላ ኡባን ኔና አማኔይሳታ ኦይካዳ ዋዲዳይሳኔ ቃሾ ከላን ዩጊዳይሳ ኢንቲ ኤርሶና። 20 ኢንቲ ኔ ማርካ ኢስፂፋናሴ ዋዲያ ዋዴ ታኒ ሃ ኦዳን ኢሲፋስ። ቃሲ ኢንታ ማታን ኤቃዳ ኢያ ዋዴይሳታ ማዑዋ ናጋይስ» ያጊስ።

21 «ሳዳይ ታኮ፣ «ታኒ ኔና እይሁዳ ጊደና አሳኮ ሃሆሶ ከቲያ ጊሾ ዳንዳዳ ባ » ያጊስ።

ጳውሎስ ሮሜ አሲ ጊዳይሳ ቆንጩሲስ

22 ጳውሎስ ሄ ቃላ ኦዲዲ ኦንጋና ጋካናው አሳይ ኢ ጌይሳ ሲደሶና። ሄሳፊ ጉዩ፣ ባንታ ቃላ ጶቁ ኦሊዲ፣ «ሃይሳ ቢታፊ ቆይሳ! ኢ ዳናው በሴና» ያጊደሶና።

23 ኢንቲ ዋጫሚሸን፣ ባንታ ማዑዋ ቦላ ሆሊሸኒኔ ባና ቦላ ላሊሸን፤ 24 ሻላቀይ በዲዲ ዋታዳሬቲ ጳውሎስ ባንታ ዳዲያሶ-ዋ ኤፋና ማላ ከቲስ። ቃሲ አሳይ አይስ ሄሳዳ ዋጫሚዳኮ ኤራናው ኮዩዲ ጳውሎስ ሊሶን ጋራፊዲ ፒልጋና ማላ ኢንታ ከቲስ። 25 ሸን ዋታዳሬቲ ጳውሎስ ዳፎን ሚንሐ ቃቸዲ ጋራፋና ሃኒያ ዋዴ ጳውሎስ ባ ማታን ኤቁዳ ማቶ ሃላቀኮ፣ «ሮሜ አሲ * ፒርዲ ባይና ጋራፊይሲ ሃንቲው ዋጌ?» ያጊስ።

26 ማቶ ሃላቀይ ሄሳ ሲዲዳ ዋዴ ሻላቀኮ ቢዲ፣ «ሃ አዳይ ሮሜ አሲ። ኔኒ አይ ኦላናው ቆፓይ?» ያጊዲ ኦይቸስ።

27 ሻላቃይ ጳውሎስን ሸቆዳ፡ «ኔኒ ሮሜ አሴ? አኔ ታው ኦዳ» ያገሰ።

ጳውሎስ፡ «ኤ» ያገሰ።

28 ሻላቃይ ዛሬዳ፡ «ታኒ ሃ ጋዴቴላ ዳር ሚሸን ሻማስ» ያገሰ።

ሸን ጳውሎስ፡ «ታ ሃ ጋዴቴላ ዩሌቴላን ዳማ ኤካስ» ያገሰ።

29 ሄሳ ጊሾ፡ ጳውሎስ ፕሊጋናው ቆፒዳይሳቲ ኢራ ኢያፔ ሻኬቲዶሶና። ሻላቃይ ሮሜ አሴ ሳንላላታን ቃቺዳይሳ ኤሪዳ ዎዴ ያዩሰ።

ጳውሎስ አይሁዳ ሻንጎ ሲንጼ ሸቆስ

30 ዎንቴላ ጋላስ ሻላቃይ፡ አይሁዳቲ ጳውሎስ አይስ ሞቲዳኮ ጌሺ ኤራናው ኮዩሰ። ካሂኔ ሃላቃቲኔ ሻንጎ ኡባይ ሺቃና ሚላ ከቲስ፤ ቃሲ ጳውሎስ ቃሾፕ ቢሊሲዲ ኤንታ ሲንላን ኤሲሰ።

23

1 ጳውሎስ ሸቆዎ ጫዲ ያሊዲ፡ «ታ አሻቶ፡ ታኒ ሃቺ ጋካናው ያሳ ሲንላን ታ ዴዎ ኡባን ሎዎ ዎዛናን ዳዓስ» ያገሰ። 2 ካሂኔ ሃላቃይ ሃናኔይ፡ ጳውሎስ ደናን ባቃና ሚላ ኢያ ማታን ኤቆዳይሳታ ከቲስ። 3 ሄ ዎዴ ጳውሎስ ኢያኮ፡ «ላ ኔ ቦቁንቲ ቲዩዳ ጎዳ ዳኔይሶ፡ ያሳይ ኔና ባቃና፡ ኔኒ ታ ቦላ ሂጊያሉ ፒርዳናው ኡታዳ ዳዓሼ ሂጌይ ባይና ታና ባቃና ሚላ ከታይ?» ያገሰ።

4 ጳውሎስ ማታን ኤቆዳይሳቲ ኢያኮ፡ «ኔ ያሳ ካሂኔ ሃላቃ ጫያይ?» ያገደሰና።

5 ጳውሎስ፡ «ታ አሻቶ፡ ኢ ካሂኔ ሃላቃ ጊዲዳይሳ ታኒ ኤራቢኬ፤ አይስ ጊኮ ያሳ ቃላን፡ ሳይ ዴሪያ አይሴይሳ ቦላ ኢታ ቃላ ሃሳዮፓ» ጌቲቲ ያፊቲስ» ያገሰ።

6 ሸን ጳውሎስ ሄ ቤሳን ዳዒያ አሳፔ ባጋቲ ሳዲቃዌታ፡ ባጋቲ ፋሪሳዌታ ጊዴይሳ ቤዒዲ፡ «ታ አሻቶ፡ ታኒ ፋሪሳዌኔ ፋሪሳዌ ናዓ፤ ሃይቆዳይሳቲ ሃይቆፔ ዳንዳና) ጋዳ ታኒ ኡፋይሳን ናጊያ ጊሾ ኤንቲ ታ ቦላ ፒርዶሶና» ያገደዲ ኦዲሰ።

7 ጳውሎስ ሄሳ ጊዳ ዎዴ ፋሪሳዌታ ጊዳኒኔ ሳዲቃዌታ ጊዳን ኦሺ ኬዩን ሻኬቲዶሶና። 8 አይስ ጊኮ፡ ሳዲቃዌቲ፡ «ሃይቆዳ አሴ ዳንዳና፤ ከታንቾይካ አያኒካ ባዎ» ያጎሶና። ሸን ፋሪሳዌቲ ናምዳይካ ዳዒይሳ አማኖሶና። 9 ጊታ ካቺ ኬዩስ፤ ፋሪሳዌታ ባጋ ጊዲዳ ሂጌ አስታማሬቲ ዳንዲ ኤቆዳ፡ «ሃ ኡራ ቦላ አይቢ ባላካ ዳሚቦኮ፤ ኢያው አያኒ ዎይኮ ከታንቾይ ሃሳዮና አጌና» ያገደዲ ፓላሚዶሶና።

10 አሻይ ዳሪን አሳይ ጳውሎስ ሻቆሬሶና ሚላ ጊዲ፡ ሻላቃይ ባ ዎታዳሬቲ ዎዳዲ ኤንታ ጊዶሬ ኢያ ኤሌሲ ኬሲዲ ባንታ ዳዒያሱዎ ኤፋና ሚላ ከቲስ።

11 ሄ ቃማ ጎዳይ ጳውሎስ ማታን ኤቆዳ፡ «ጳውሎስ፡ ኔኒ ታው ዩራሳላሚን ማርካቲዳይሳዳ ሮሜንካ ማርካታናው ቤሴስ፤ ሚና፤ አይኮይ ባዎ» ያገሰ።

ጳውሎስ ዎዳናው ማቆቲዶሶና

12 ዎንቴላ ጋላስ አይሁዳቲ፡ «ጳውሎስ ዎዳና ዳዒሼ ሞኮ ኡዮኮ» ጊዲ ጫቂዶሶና። 13 ጳውሎስ ቦላ ሄሳ

ማቆቲዳ አሳቲ ኦይታማፔ ዳርሶና። 14 ኤንቲ ካሂኔ ሃላቃታኮኔ ዳሪያ ጨማታኮ ቢዲ፡ «ኦኒ ጳውሎስ ዎዳና ዳዒሼ ካሌ ጊያባ ሞኮ ጊዲ ጫቂዳ። 15 ሂዛ፡ ሂንቲኔ ሻንጎይ ኢያባ ጌሺዲ ፕሊጊያባይ ዳዒያ ዳኒሲዲ፡ ጳውሎስ ሂንቲኮ ኤሃና ሚላ ሻላቃ ኦይቺቲ። ኦኒ ኢ ሃ ሸቆዎ ጋካናፔ ሲንጼ ኢያ ዎዳናው ጊጊዲ ኡቲዳ» ያገደሰና።

16 ሸን ጳውሎስ ሚቺ ናዓይ ሄ ማቆዎ ሲዒዳ ዎዴ ቢዲ ዎታዳሬቲ ዳዒያሱዎ ጌሊዲ፡ ጳውሎስ ኦዲሰ።

17 ጳውሎስ ማቶ ሃላቃታፔ ኢሱዎ ያገደዲ፡ «ሃ ናዓይ ሻላቃስ ኦዲያባይ ዳዒያ ጊሾ ኢያ ሻላቃኮ ኤፋ» ያገሰ።

18 ማቶ ሃላቃይ ናዓ ሻላቃኮ ኤፊዲ፡ «ቃሾ ኬላን ዳዒያ ጳውሎስ ታና ባኮ ያገደዲ፡ ሃ ናዓይ ኔው ኦዲያባይ ዳዒያ ጊሾ ኢያ ኔኮ ኤሃና ሚላ ታና ዎሲስ» ያገሰ።

19 ሻላቃይ ናዓ ኩሺያ ኦይኪዲ፡ ዳማ ካሬ ኬሲዲ፡ «ኔኒ ታው ኦዳናባይ አይቤ?» ያገደዲ ኦይቺስ።

20 ናዓይ ሻላቃኮ፡ «አይሁዳቲ ጳውሎስ ባከፔ ሚንጼ ፕሊጋናው ኮዩዳባ ዳኒሲዲ ኔኒ ዎንቶ ኢያ ሸቆዎ ኤሃና ሚላ ኔና ዎሳናው ዘሬታ ቃቺዶሶና። 21 ሸን ኔኒ ኤንቲ ጊያባ ሲጋፓ። አይስ ጊኮ፡ ኦይታማፔ ዳሪያ አሳቲ ጳውሎስ ዎዳና ዳዒሼ ሳሌ ሞኮ፡ ሃሌ ኡዮኮ» ጊዲ ጫቂዳ፡ ቆሴቲዲ ኢያ ናጎሶና። ሃዒ ኔ ጊያባ ያላላ ሲዓናው ናጎሶና» ያገሰ።

22 ሻላቃይ ዛሬዳ፡ «ሃ ኦዳ ኔ ታው ኦዲዳይሳ ሃራ ኦዴስካ ኦዳፓ» ያገደዲ ናዓ ጉዬ ዩዲሰ።

ጳውሎስ ዳሪያ አይሲያ ፊልኪሳ ሲንጼ ሸቆስ

23 ሻላቃይ ማቶ ሃላቃታፔ ናምዓታ ያገደዲ፡ «ቃማሬ ሂዙ ሳቲን ቁሳሪያ ባናው፡ ናምዑ ያቲ ዎታዳሬታ፡ ላፑን ታው ፓራ አሳታኔ ናምዑ ያቲ ቶራንቾታ ጊጊሲቲ።

24 ዳሪያ አይሲያ ፊልኪሳኮ ጳውሎስ ሳር ጋላናው ቶጋ ሚሄ ጊጊሲቲ» ያገደዲ ኤንታ ከቲስ። 25 ሻላቃይ ፊልኪሳስ ሃይሳዳ ጊያ ዳብዳቤ ያፊስ።

26 «ቃላዉዲዮሳ ሉሲዮሳፔ ዳሪያ አይሲያ ቦንቾ ፊልኪሳስ፡ ሳርይ ኔው ጊዶ። 27 አይሁዳቲ ሃ ኡራ ኦይኪዲ ዎዳና ሃኒሺን፡ ኢ ሮሜ ቢታ አሲ ጊደይሳ ኤራዳ ዎታዳሬታራ ጋካዳ ኢያ አሻስ። 28 ኤንቲ ኢያ አይስ ሞቲያኮ ኤራናው ኮያዳ ኤንታ ሸቆዎን ኢያ ሸሻስ። 29 ኤንቲ ባንታ ሂጊያስ ኢያ ሞቲዳይሳሬ አቲን ኢያ ዎዳሲያባ ዎይኮ ቃሺሲያባ ጊዳናይሳ ታ ዳማስ። 30 ኤንቲ ሃ ኡራ ቦላ ማቆቲዳ ዘጊርሳይ ታና ጋኪን፡ ታኒ ኤሌሳዳ ኢያ ኔኮ ዩዳስ። ኢያ ሞቲይሳቲ ኔ ሲንላን ቢዲ ሞታና ሚላ ከታስ» ያገሰ።

31 ሄሳ ጊሾ፡ ዎታዳሬቲ ከቲቲዳይሳዳ ጳውሎስ ኤኪዲ፡ ቃማ አንቲዳዒሪሳ ጋሌዶሶና። 32 ዎንቴላ ጋላስ ፓራ አሳቲ ኢያራ ባና ሚላ ኦሌዲ ቶሆ አሳቲ ጉዬ ሲሚዶሶና። 33 ቶጋይ ቁሳሪያ ጋኪዲ ዳብዳቤያ ዳሪያ አይሴይሳስ አሚዲ፡ ጳውሎስ ኢያ ሲንጼ አሌዶሶና። 34 ዳሪያ አይሴይሲ ዳብዳቤያ ናባቢዳፔ ጉዬ «ጳውሎስ፡ ኔ አው አወራጃ አሴ?» ጊዲ ኢያ ኦይቺስ። ኢ ከልቂያ አሲ ጊደይሳ ኤሪዳ ዎዴ 35 «ታኒ ኔባ ኔና ሞቲይሳቲ ያ ዎዴ ሲዓና» ያገሰ። ዎታዳሬቲ ጳውሎስ ሄርዲሳ ኬላን ናጋና ሚላ ከቲስ።

24

ጳውሎስን አይሁዳዊ ሞት ደረሰ

1 ኢቻቮ ጋላት ጉዬ ካሂኔ ሃላቃይ፣ ሃናኔይ፣ ጨማታራኔ ያርጻሉሳ ጊያ ኢሲ ያባቃራ ቁሳሪያ ቤስ። ኤንቲ ዳሪያ አይሴይሳ ቦላ ጳውሎስ ሞት ደረሰ።
 2 ጳውሎስ ያገታዊ ጌሊዳ ዋዴ ያርጻሉሲ ኢያ ሃይሳዳ ያገደላ ሞተሰ።

«ቦንቾ ፊልኪሳ፣ ኩኒ ኔ ባጋራ ዳር ሳርቲል ዳሚዳ፣ ኔ ሎጾ አይሱዋን ኑ ቢታይ ዳር ላሚቲስ። 3 ቦንቾ ፊልኪሳ፣ ኩኒ አወንካ አወዴ ጊዲን ዳር ጋላታን ሃሳ ኤኮስ። 4 ታኒ ኔና ጋምቢሶናሽን ኔኒ ኔ ኬሃቲላን ኑባ ቃንላን ሲባና ማላ ኔና ዋሳይስ። 5 ሃ ኡራይ ቆቤ ጊዲዲ ቢታ ኡባን ዳዲያ አይሁዳታ ጊዲን ቡቁላ ሜዲዲ ናዚራዊታ ባጋ አሳ ካሌጼይሳ ጊዲይሳ ኤሪሪ። 6 ሃሪ አቶሽን፣ ያሳ ኬላ ቲኒሳና ሃኒሽን ኩኒ ኢያ አይኪዳ፣ ኑ ሃጊያዳ ኢያ ቦላ ፕርዳናው ቆፕዳ። 7 ሽን ሻላቃ ሉሲዮሲ ዩዲ፣ ዋልቃን ኑ ኩሼፕ ኢያ ዋሊ ኤኪስ። 8 ኢያ ሞት ይሳተካ ኔኮ ያና ማላ ኪቲስ። ኔኒ ኔ ሁዴን ሃ ኡራ ፕልጋዳ ኩኒ ኢያ ሞትያ ሞቱዋ ኡባ ኤራናው ዳንዳሳሳ» ያገሰ።

9 አይሁዳዊት፣ «ሃ ኡዳይ ቱማ» ጊዲ ኢያ ቆፋ ማዲዳሶና።

ጳውሎስ ሞቱዋስ ዛር አሚስ

10 ዳሪያ አይሴይሲ ጳውሎስ ኦዳ ጊዲ ማሊስ። ጳውሎስ ሃይሳዳ ጊዲ ዛሪስ። «ኔኒ ዳር ዋዴፕ ደማዳ፣ ሃ አሳስ ፕርዳሼ ዳዲይሳ ኤራዳ ታ ኦዳስ ኡፋይሳን ዛር አሚይስ። 11 ታኒ ሳይናው ዩሩሳላሚ ኬዩን ታማኔ ናምቡ ጋላት አዳናይሳ ኔኒ ኔ ሁዴን ኤራናው ዳንዳሳ። 12 አይሁዳቲ ታና ያሳ ኬላን ጊዲን አይሁዳ ዋሳ ኬላን ጊዲን ካታማን ጊዲን አዳራካ ፓላሚሽን ዋይኮ አሴ ሽሻዳ ማቂሽን ኢሲ አሲካ ዳሚቤና። 13 ሃሪካ ኤንቲ ታና ሞትያባስ ማርካ ዳማናው ዳንዳሶና።

14 «ሽን ታኒ ኢሲባ አማናይስ፤ ታኒ ሃጊን ዳዲያባኔ ናቤቲ ፃፊዳ ኡባባ አማናዳ፣ ኑ አዋታ ያሳ፣ ኤንቲ ዋርዶ ጊያ ኦጊያን ሳይናይስ። 15 ኤንቲ ባንታ ሁዴን አማኔይሳ ማላ ዲሎቲኔ ናጋራንቾቲ ሃይቆፕ ዳንዳናይሳ ታካ አማናይስ። 16 ሃሳ ጊሾ፣ ታኒ ያሳ ሲንላኒኔ አሳ ሲንላን ኡባ ዋዴ ሎጾ ካሂ ታው ዳና ማላ ሚናይስ።

17 «ታኒ ዩሩሳላሚፕ ኬዮሳፕ ዳር ላይላፊ ጉዬ ታ ቢታ ማንቆታስ ማዴ አማናወኔ ያርሾ ያርሻናው ዩሩሳላሚ ባስ። 18 ታኒ ያሳ ኬላን ሃሳ አላዳ ጊሻ ዋጋ ፖላ ሲሚን ታና ዳሚዳሶና። ሃ ዋዴ ታራ አሲ ባዋ፣ አሽካ ኬዩቤና። 19 ሽን ኢሲያፕ ዩዳ ኢሲ ኢሲ አይሁዳቲ ያን ዳዳሶና፤ ኤንቲ ታ ቦላ ኦዳ ኮይኮ ዩዲ ታና ኔ ቦላ ሞታናው ዳንዳሶና። 20 ዋይኮ ታኒ ሻንጉዋ ሲንጼ ሸቂዳ ዋዴ አላዳ ባሊ ዳዲኮ ሃይሳቲ ኔ ሲንላን ዳዲይሳቲ ኦዳና። 21 ታኒ ኤንታ ጊዲን ኤቃዳ፣ ሳይቂዳይሳቲ ዳንዳና ጋዳ ዋሳዳ ኦዲዳ ጊሾ ሃቾ ሂንቲ ሲንላን ታ ቦላ ፕርዳሶና» ጋስ፤ ሃሳፊ ሃራባ አላቢኬ» ያገሰ።

22 ሽን ፊልኪሲ ያሳ ኦጊያባ ጌሽ ኤሪዳ ጊሾ «ታኒ ሃንቲ ኦዳ ሻላቃ ሉሲዮሲ ያ ዋዴ ፕርዳና» ያገደላ ሞይዚስ። 23 ፊልኪሲ ቃሲ ጳውሎስ ቃቾና ናጋና ማላኔ

ኢያ ዳቦታፕ ኦኒካ ኢያ አይቻናው ዩሽን ዳጎና ማላ ማቶ ሃላቃስ ኦዲስ።

ጳውሎስ ፊልኪሳ ሲንጼ ኔ ዳሩሲላ ሲንጼ ሸቂስ

24 ጉላ ጋላት ጉዬ፣ ፊልኪሲ አይሁዳ ባጋ ጊዲዳ ባ ማቾ ዳሩሲላራ ዩዲ ጳውሎስ ኪቲ ኤሂሲዲ ዩሱስ ኪሪስቶሳን አማናባ ኢያፕ ሲዲስ። 25 ጳውሎስ ዲሎቲላባ፣ ባ ሁዴ ሃርባኔ ያናው ዳዲያ ፕርዳባ ኦዲሽን፣ ፊልኪሲ ያዩዲ፣ «ኔኒ ሃሪስ ባ፤ ታው ኢንጄቲዳ ዋዴ ኔና ያገላና» ያገሰ። 26 ሃ ዋዴ ጳውሎስ ጉቦ ኤካናው ቆፕዳ ኢያ ዛሪ ዛሪ ያገሲዲ ኢያራ ኦዴቲስ።

27 ናምቡ ላይላፊ ጉዬ፣ ፊልኪሳ ቤሳ ጳርቂዮስ ፊስጾሲ ኤኪስ። ፊልኪሲ አይሁዳታ ኡፋይሳናው ኮዩዲ ጳውሎስ ቢሎና አጋገሰ።

25

ጳውሎስ ሮሜ ካወዋስ አቤት ገሰ

1 ፊስጾሲ ካዋቲዳ ሄቱ ጋላት ጉዬ ቁሳሪያፕ ዩሩሳላሚ ቤስ። 2 ያን ካሂኔ ሃላቃቲኔ አይሁዳታ ካሌጼይሳቲ ጳውሎስ ሞት ደረሰ። 3 ጳውሎስ ዩሩሳላሚ ኤሂሽን ኦጊን ቆሴቲዲ ኢያ ዋቆናው ኤንታው ኢንጄታና ማላ ባንታና ማዶ ጊዲ ፊስጾሳ ዋሲዳሶና። 4 ፊስጾሲ ኤንታኮ፣ «ጳውሎስ፣ ቁሳሪያን ቃሾ ኬላን ዳዲስ፤ ታኒ ታ ሁዴንካ ኤሌሳዳ ጉዬ ሲማና ሃናይስ። 5 ኢ ባሊዳባይ ዳዲኮ ሃንቲ ጊዲን አዋቲይሳቲ ታራ ቁሳሪያ ቤዲ ኢያ ሞቶና» ያገደላ ዛሪስ።

6 ፊስጾሲ ኤንታ ማታን ሆሰፕን ዋይኮ ታው ጋላት ማላ ጋምቢዳፕ ጉዬ ቁሳሪያ ቤስ። ዋንቲላ ጋላስ ፕርዳ ኦይዲያን ኡቲዲ ጳውሎስ ኤሃና ማላ ኪቲስ። 7 ኢ ዩን ዩሩሳላሚፕ ዩዳ አይሁዳቲ ኢያ ዩሹዋን ኤቂዲ ኤንቲ ላላናው ዳንዳሶና ዳር ዳዎ ሞቶ ኢያ ቦላ ሸሽዳሶና። 8 ጳውሎስ ዛሪዲ፣ «ታኒ አይሁዳ ሃጊያ ጊዲን ያሳ ኬላ ዋይኮ ሮሜ ካወዋ ቁሳሪ ናቃቢኬ» ያገሰ።

9 ሽን ፊስጾሲ አይሁዳታ ኡፋይሳናው ኮዩዲ ጳውሎስ፣ «ዩሩሳላሚ ባዳ ሃ ሞቱዋባ ያን ታ ሲንላን ፕርዳታናው ኮያይ?» ያገደላ ኦይቼስ።

10 ሽን ጳውሎስ፣ «ታኒ ፕርዳታናው ቤሲያ ቁሳሪ ፕርዳ ኬላን ኤቃ ኪቻስ። ኔኒ ሎይላ ኤሪይሳዳ ታኒ አይሁዳታ አይቤንካ ናቃቢኬ። 11 ሂዛ፣ ታኒ ናቂዳባይ ዋይኮ ሃይቆስ ጋሊያባ አሊዳባ ጊዲኮ ሃይቆፕ ታና አሻ ጊኬ። ሽን ኤንቲ ታና ሞቲያ ሞቶይ ጮ ጊዳፕ ጉዬ ኦኒካ ታና ኤንታው አላ አማናው ዳንዳዴና። ቁሳሪይ ታባ ፕርዳ ጋዳ ኦይቻይስ» ያገሰ።

12 ሃ ዋዴ ፊስጾሲ ባ ዞራንቾታራ ዞራቲዲ፣ «ኔኒ ቁሳሪይ ታባ ፕርዳ ጋዳ ኦይቻዳሳ፤ ቁሳሪኮ ባሳ» ያገደላ ዛሪስ።

ጳውሎስ አገርጳ ሲንጼ ኔ ባርኒቄ ሲንጼ ሸቂስ

13 ጉላ ጋላት ጉዬ ካዋይ አገርጳኔ ባርኒቄይ ፊስጾሳ ሳርላናው ቁሳሪያ ቤዳሶና። 14 ያን ኤንቲ ዳር ጋላስ ጋምቢን፣ ፊስጾሲ ካወዋስ ጳውሎስ ሃይሳዳ ያገደላ ኦዲስ፤ «ፊልኪሲ ቢሎና አገዲ ቢዳ ኢሲ አይይ ሃይሳን ዳዲስ። 15 ታኒ ዩሩሳላሚ ቤዳ ዋዴ ካሂኔ ሃላቃቲኔ አይሁዳ ጨማቲ ኢያ ቦላ ፕርዳና ማላ ታና ዋሲዲ ኢያባ ታው ኦዲዳሶና። 16 ታኒ፣ ሞቲቲዳ ኡራይ ባና ሞቲይሳታ ሲንላን ኤቂዲ ባ ሞቲዳባስ ዛር

አሞናሽን፣ እና ጊዲኮካ አዲዲ አሜቴይሲ ሮሜ ሂገ ጊደና ያጋዳ እንታው ዛራሰ።

17 «ሄሳ ጊሾ፣ እንቲ ሃይሳን ሸቂዳ ዋዴ ታኒ ጋምዖና ዋንቴላ ጋላሰ ፐርዳ ኬላ ጌላዳ ጳውሎሳ ኤሃና ማላ ኪታሰ። 18 ኢያ ሞቴይሳቲ ኢያ ማታን ኤቂዳ፣ ኢታባን ኢያ ሞቶና አጎኮና ጋዳ ታኒ ቆፐዳይሳ ማላ ኢያ ሞቴቦኮና። 19 ሸን እንቲ ባንታ አማኖባኔ ጳውሎሰ፣ ፓፃ ዴዔሰን ጊያ ኢሲ ሃይቂዳ ዩሱሳ ጌቴቲያ አዲያባ ኢያራ ፓላሞሶና። 20 ሃ ኦዳይ ታና ሻካናው ሜቲዳ ጊሾ ጳውሎሲ ዩሩሳላሚ ቢዲ፣ ያን ፐርዳታናው ኮያኮ ጋዳ ኢያ ኦይቻሰ። 21 ሸን ጳውሎሲ ባ ኦዳ ቁሳሬይ ቤዓና ጋካናው ቃሾ ኬላን ጋምዖናው ኦይቸሰ። ታኒ ኢያ ቁሳሬኮ ዩዳና ጋካናው ኢ ቃሽታና ማላ ኪታሰ» ያገሰ።

22 ሄሳ ጊሾ፣ አገርጸ ፊሰጾሳኮ፣ «ታኒ ታ ሁዔንካ ሄ ኡራይ ጊያባ ሰዓናው ኮያይሰ» ያገሰ።

ፊሰጾሲ ኢያኮ፣ «ኔኒ ዋንቶ ኢ ጊያባ ሰዓና» ያገሰ።

23 ዋንቴላ ጋላሰ አገርጸኔ ባርነቂይ ጊታ ቦንቾን ሻላቃታራኔ ካታማን ዴዔያ ጊታ አሳታራ ዩዲ ፐርዳ ኬላ ጌሊደሶና። ፊሰጾሲ ጳውሎሳ ጃጊሲዲ ኤሂሰ። 24 ፊሰጾሲ፣ «ካዋው አገርጸ፣ ሃይሳን ኩራ ዴዔያ አሳው፣ አይሁዳቲ ዩሩሳላሚንካ ሃይሳንካ ዋሲዲ፣ ሩኢ ሂዛፐ ጉዬ ፓፃ ዳናው ቤሴና» ያገዱ፣ ታና ዋሲዲ ኡራ ሃይሳ ቤዔታ። 25 ሸን ኢያ ሃይቆሰ ጋሊያባ አይቢባካ ታኒ ዴማቢኬ። ኢ ባ ሁዔን፣ «ቁሳሬይ ታባ ፐርዳ ያጋዳ ኦይቻይሰ» ጊዳ ጊሾ ቁሳሬኮ ኢያ ዩዳናው ቆፋ ቃቻሰ።

26 ታኒ ኢያባ ታ ጎዳ ቁሳሬሰ ፃፋናው ጊዲያ ጋሶይ አይቢካ ባዋ። ሄሳ ጊሾ፣ ኢያባ ሂንቴ ቤዒኮ ታ ፃፊያባይ ቤንታኔኮ ጋዳ ሂንቴ ሲንጼ ኡባራካ ካዋው፣ አገርጸ፣ ኔ ሲንጼ ኢያ ኤሃሰ። 27 አይሰ ጊኮ፣ ቃሽቲዳ አሲ ቦላ ዳይናሰ አሊያ ዋዴ ኢ አይሰ ሞቴቲዳኮ ቆንጨሶና አጌይሲ ታው ኤያቴላ ዳኔሰ» ያገሰ።

26

ጳውሎሲ አገርጸ ሲንላን ዛራዳ ዛሩዋ

1 አገርጸ ጳውሎሳኮ፣ «ኔኒ ኔባ ኦዳናው ዳንዳዓሳ» ያገሰ። ሄ ዋዴ ጳውሎሲ ባ ኩሺያ ዴንሊዲ ሃይሳዳ ያገሰ።

2 «ካዋው፣ አገርጸ፣ አይሁዳቲ ታና ሞቴዳባሰ ዛሮ አማናው ሃቺ ኔ ሲንላን ኤቃሽ ታ ቃዳይ ሎፖ ጋዳ ቆፓይሰ። 3 ኔኒ አይሁዳ ዋጋኔ ፓላማ ሎይላዳ ኤሪያ ጊሾ ታና ሳሌቶና ሰዓና ማላ ዋሳይሰ።

4 «ታኒ ናዓቴላፊ ደማዳ ታ አሳ ጊደኒኔ ዩሩሳላሚን ዴዔዳ ታ ዴዐ-ዋ አይሁዳ ኡባይ ኤርሶና። 5 ታኒ ኮይሮፐ ደማዳ፣ ኩ አማኖ ሂጊያ ሚንሊዲ ናጊያ ፋሪሳዊታ ያራፔ ጊዳይሳ እንቲ ማርካታናው ኮይኮ ኤርሶና።

6 ሃዒካ ታኒ ያሳይ ኩ አዋታሰ አማና ጊዳ ኡፋይሳ ናጊያ ጊሾ ሞቴታዳ ሃይሳን ኤቃሰ። 7 ቃሲ ታማኔ ናሞ- ኩ አዋታ ሸሻይ ያሳ ቃማኔ ጋላሰ ሚንሊዲ ጎይኒሽ ያሳይ አማና ጊዳይሳ ኤካናው ኡፋይሳን ናጎሶና። ካዋው አገርጸ፣ አይሁዳቲ ታና ሞቴይ ታኒ ኡፋይሳን ሄሳ ናጊያ ጊሾሳ። 8 አይሁዳቶ፣ ያሳይ ሃይቂዳይሳታ ዴንጼይሳ አይሰ አማኔኬቲ?

9 «ካሴ ታኒ ታ ሁዔንካ ናዚሬቴ ዩሱሳ ሱንላ ቴቃናው ዳንዳዔቲዳባ ኡባ ኦላናው ቤሴሰ ጋዳ ቆፓሰ።

10 ታኒ ዩሩሳላሚን አሊዳይ ሃይሳ። ካሂኔ ሃላቃታፔ

ማታ ኤካዳ ያሳ አሳታፔ ዳሮታ ቃሽሳሰ። እንታ ዋዲያ ዋዴካ እንታ ሃይቂዋ ደሳሰ። 11 ዳሮ ዋዴ አይሁዳ ዋሳ ኬላ ኡባን እንቲ ሴሬታና ማላኔ ዩሱሳ ጫዩዲ ካዳና ማላ እንዔላሰ። ታኒ ዋጊ ባይና እንታ ሃንቂታዳ ሃሪ አቶሽን፣ ሃራ ቢታ ካታማታ ጋካናው እንታ ጎዳሰ።

12 «ታኒ ሃ ኦዳሰ ካሂኔ ሃላቃታፔ ማታኔ ኪታ ኤካዳ ዳማሰቆ ባይሰ። 13 ካዋው፣ ታኒ ሴታ ጋላሰ ኦጊያን ዴዔሸን አዋ ፖፐፔ ዳሮ አዲያ ፖይይ ታ ዩሹዋኒኔ ታራ ቤይሳታ ዩሹዋን ሳሎፔ ፖዒሰ። 14 ኔኒ ኡባይካ ሳዓን ኩንዲዳ ዋዴ ኢብራይሰ፤ ደናን፣ ሳፖላ፣ ሳፖላ፣ ታና አይሰ ጎዳይ? ኔኒ ኔና ጫዲያ ፃምዓ ቃኪኮ ኔና ቆሃሳ» ያገዱ ታው ኦዲሸን ሲዓሰ።

15 «ታኒ፣ ሳዳው፣ ኔኒ ኦኔ?» ያገሰ።

«ጎዳይ፣ ታኒ፣ ኔኒ ጎዲያ ዩሱሳ፤ 16 ሸን ዴንዳ ኤቃ። ሃቺ ኔኒ ታና ቤዒዳይሳኒኔ ሲንላፊ ታ ኔና ቤሳኻሳ ሃራታሰ ማርካታና ማላ ታ ኦሳንቾ ኦላዳ ኔና ሹማናው ኔው ቤንታሰ። 17 ኢሰራዔሌ አሳታፔኔ ታኒ ኔና እንታኮ ኪቲያ አይሁዳ ጊደናይሳታፔ ኔና አሻና። 18 ኔኒ እንታ አይፊያ ደያና፣ ቋማፔ ፖፐኮ፣ ፃላሄ ኩሼፔ ያሳኮ እንታ ዛራና። እንቲ ታናን አማኒዲ ናጋራ አቶቴላ ኤካና። ያሳይ ደራዳ አሳ ጊደን ባንታ ላታ ዴማና» ያገሰ።

19 «ካዋው አገርጸ፣ ሄሳ ጊሾ፣ ታው ሳሎፔ ቤንቲዳ ቆንጨሳሰ ኪቲታናይሳ ኢፃቢኬ። 20 ሸን ታኒ ኮይሮታዳ ዳማሰቆን ሄሳፊ ጉዬ ዩሩሳላሚኒኔ ዩሁዳ ቢታ ኡባን ዴዔይሳቲኔ አይሁዳ ጊደናይሳቲ ባንታ ናጋራፔ ያሳኮ ሲማና ማላኔ ናጋራፔ ሲሙዋ ቤሲያ ኦሶ ኦላና ማላ ቃላ ኦዳሰ። 21 ሄሳ ጊሾ፣ አይሁዳቲ ታና ያሳ ኬላን ኦይኪዲ ዋዳናው ኮይደሶና። 22 ሃቺ ጋካናው ያሳ ማዴይ ታፔ ሻኬቴቤና፤ ያኒያ ጊሾ፣ ጉላሲኔ ጊታሰ ማርካታሽ ሃይሳን ኤቃሰ። ናቤቴኔ ሙሴይ ሃናና ጊዲ ኦዲዳይሳፊ ሃራ ኢሰባካ ታኒ ኦዲዳባይ ባዋ። 23 ሂሲካ፣ ሳኪሪሰቶሲ ዋዬ ኤካናው ቤሴሰ፤ ቃሰ ሃይቆፔ ኮይሮ ዴንዲዲ አይሁዳታሲኔ አይሁዳ ጊደናይሳታሰ አቶቴላ ፖፖ ኦዳናው ቤሴሰን ጊዳይሳ» ያገሰ።

24 ጳውሎሲ ሄሳ ያገዱ ዛሪሸን፣ ፊሰጾሲ ባ ቃላ ቋቂ ኦሊዲ፣ «ጳውሎሳ፣ ኔ ጎያዳሳ፤ ኔ ዳሮ ቴሚርቴይ ኔና ጎሻሰ ጋሊሰ» ያገሰ።

25 ሸን ጳውሎሲ፣ «ቦንቾ ፊሰጾሳ፣ ታኒ ቱማባኔ ቤሲያባ ኦዲይሰፔ ኣቲን ጎያቢኬ። 26 ታኒ ቆንጨኩን ኦዲያ ኦዳ ካዋይ ኤሬሰ። ሃ ኦዳይ ጌማን ኦሴቴቦና ጊሾ ኢሶይካ ኢያፔ ጌሞናይሳ ታኒ ጌሻዳ ኤራይሰ።

27 «ካዋው አገርጸ፣ ኔኒ ናቤታ አማናሳ ጊዲኪ? ኔኒ አማኔይሳ ታኒ ኤራይሰ» ያገሰ።

28 ካዋይ አገርጸ፣ ጳውሎሳኮ፣ «ሃ ጉላ ሳቴን ታና አማንላናው ኮያይ?» ያገሰ።

29 ጳውሎሲ፣ «ዳሮ ዋዴ ጊዲን ጉላ ዋዴ ኔ ፃላላ ጊደናሸን ሃቺ ታና ሲዒያ ኡባይ ሃ ቃሹዋፔ ኣቲን ታ ማላ ጊዳና ማላ ያሳ ዋሳይሰ» ያገሰ።

30 ሃሳፊ ጉዬ፣ ካዋይ ፊሰጾሲ፣ ባርነቂይኔ እንታራ ኡቲዳ ኡባይካ ዴንዲደሶና። 31 ያፔ ኬዩዲ ቢሽ ኢሶይ ኢሱዋራ፣ «ሃ ኡራይ ሃይቆሰ ዋይኮ ቃሾሰ ጋሊያባ አይኮካ ኦሊቤና» ያገዱ ኦይቴደሶና። 32 አገርጸ ፊሰጾሳኮ፣ «ሃ ኡራይ «ቁሳሬይ ታባ ፐርዳ» ጎናኮ ቢሌታናው ዳንዳዔሰ፣ ሸን ኣቲሰ» ያገሰ።

27

ጳውሎስ ሮሜ ቤ

1 ኑኒ ማርካቤራ ፃሌ ባናው ቃቸዳ ዎዴ አወገሰ፣ ላይኛው ገጽ ላይ ማቶ ሃላቃስ ጳውሎስን ሃራ ጉላ ቃሾ አሳታ አሟደሶና። 2 ኢሲያ ጋፃን ዴዲያ ቢታታ ቢያ አዲራሚያን ማርካቤን ጌሊዲ ዴንዲዳ። ማቆዶኒያ አሲ ገዲዳ ቴሴሎንቆ አርሰ፣ ጳውሎስ ኑራ ዴዲያ።

3 ዎንቴላ ጋላስ ኑኒ ሲዶና ጋኪሺን፣ ዩሊዮሲ ጳውሎስን ከሂዲ ባ ላጌታኮ ቢዲ ኮሺያባን ማዴታና ማላ ኤንታኮ ዩዲስ። 4 ያፔ ዴንዲዳ ሲንላራ ኑ ቦላ ጫርኪያ ጊሾ ሃላን ቴቁቲዳ ቢታ፣ ቆጶርሳን ዜምፒዲ አቋዳ። 5 ኪልቁያን ጸንፊሊያ ማታን ዴዲያ አባ ፒኒዲ ለቁያን ዴዲያ ሙራ ጋኪዳ። 6 ያን ማቶ ሃላቃይ ፃሌ ቢያ ኢሲኪንዲሪያ ማርካቤ ዴሚዳ፣ ኢያን ኑና ጌልሲስ።

7 ኑኒ ዳሮ ጋላስ ሎዳራ ቢዲ፣ ዳሮ ሜቶን ቃንዳሳ ካታማ ማታ ጋኪዳ። ያራ ባናው ኑና ጫርኪይ ዲጊን ሳልሞናራ አቋዳ ሃላን ቴቁቲዳ ቢታ፣ ቃርፃሳን ዜምፒዲ አቋዳ። 8 ዳሮ ሜቶን ጋፃ ጋፃ ኦይኪዲ ላሲያ ካታማ ማታን ዴዲያ አባ ዶናን «ማርካቤይ ዎፑ ገዲ ሸምፒያሶ» ገያ ቤሳ ጋኪዳ።

9 ኑኒ ያን ዳሮ ዎዲያ ጋምዲዳ፣ ጉዬ ያሚ ቢሌቲን፣ ማርካቤራ ቡሲ ሜቲያ ጊሾ ጳውሎስ ኤንታ ዘሪስ።

10 «አሳው፣ ኑ ቡሳን ገታ ቦሺኔ ዳሮ ቆሆይ ዴዲያ ታው ቤንቴስ፣ ቆሆይ ጫና ቦላኔ ማርካቤያ ቦላ ፃላላ ገደናሺን ኑ ዴዲያ ቦላካ ጋካና» ያገሰ። 11 ሺን ማቶ ሃላቃይ ጳውሎስ ገደይሳፊ አላዲ ማርካቤያ ላጌይሲኔ ማርካቤያ ጎዳይ ጌይሳ አማኒስ። 12 ሄ አባ ዶናን ዴዲያ ካታማይ ባልጎ አጌና አላናው ኤንታው ኢንቋቶና ጊሾ ዳሪያ አሳቲ ባንታው ዳንዳዴቲኮ ፊንቁ ካታማ ጋኪዲ ባልጎ አጌና ያን አላናው ዘሪቲዶሶና። ፊንቁይ ፑዴሃ-ወሎሃፔኔ ዴጌሃ-ወሎሃፔ ገደን አባ ዶናን ዴዲያ ካታማ።

አባ ቦላ ጎቴይ ዴንዲስ

13 ካወሻ ዴጌሃ ጫርኪይ ሎዳራ ጫርኪዳ ዎዴ ባንታ ቆፒዳይሳዳ ሃኒዳባ ዳኒን ዴንዲዳ፣ ማርካቤይ ቃያና ማላ ኦይኪያ ቢራታ ፑዴ ኤኪዲ ቃርፃሳ ማታራ አቋዳሶና። 14 ሺን ዳሮ ጋምዶና «አወርቁስ» ገያ ዎልቃማ ጎቴይ ሃላን ቴቁቲዳ ቢታፊ ዴጌ ኤንታ ቦላ ዴንዲስ። 15 ሄ ጎቴይ ማርካቤያ ሱጊዲ ኤፎና ዲጊዳ ጊሾ ጫርኪይ ማርካቤያ ባ ዶሲዳ ሶ ኤፊስ።

16 ኑኒ ቁዳ ገያ ሃላን ቴቁቲዳ ቢታ ዜምፒዲ ቢሾ ዳሮ ሜቶቲዳ ማርካቤያ ዎሳሎ አሻናው ዳንዳዲዳ። 17 ኤንቲ ዎሳሎ ፑዴ ኬሲዳ፣ ጉዬ ዎደሩዎን ማርካቤያ ቦላ ፃዲዳ፣ ሚንሌ ቃቸዶሶና። ሱርቲሳ ገያ ሻፊያን ባንታና ዶምዴሳና ገዲ ሂርጊዳ፣ ማርካቤያ ሻራ ዎቋሲዲ ማርካቤያ ጮ ዩዲ አገደሶና።

18 ጎቴይ ዎልቃማ ቢን ዎንቴላ ጋላስ ጫና፣ ባጋ አባን ሆሎ ኦይኪዳሶና። 19 ሄቸንሎ ጋላስ ማርካቤያ ሚሺያ ኤኪዲ ባንታ ኩሺን ሆሊዶሶና። 20 ኑኒ ዳሮ ጋላስ አዎ አይፊኔ ያሊንቶ ቤያና ጊሾኔ ዎልቃማ ኡሾይ ኑ ቦላ ኡሺዳ ጊሾ ሲንላፊ ሸምፖራ አታና ገዲ ቆፒኮኮ።

21 ሄ ዎዴ ኤንቲ ዳሮ ጋላስ ካሌ ሞና ጋምዲዳ ጊሾ ጳውሎስ ኤንታ ገደን ዴንዲ ኤቁዳ፣ «አሳው፣ ሂንቲ ታ ዘሪያ ኤኪዲ ቃርፃሳ፣ ዴንዶና አገዳኮ ሃ ማቶይኔ ቆሆይ ኑና ጋኪዳ። 22 ሺን ታኒ ሂንቲና ያዮፊቲ

ጋዳ ዘራይስ፤ አይስ ጊኮ፣ ሃ ማርካቤይ ቋያና፣ አቲን ሂንቲፊ ኢሲ አሳ ሸምፖይካ ቋዬና። 23 ዜኔ ቃማ ታ ኢያባ ገዲዳይሲኔ ታ ጎይኒያ ያሳይ ከቲዳ ከታንቸይ ታ ማታን ኤቁዳ፣ 24 «ጳውሎስ፣ ያዮፋ፤ ኑኒ ሮሜ ካወቀ ቁሳፊ ሲንላን ኤቃናው ቤሴስ። ሂኮ ያሳይ ኔ ጊሾ ኔራ ቢያ አሳ ኡባ ሸምፑዎ አሸስ» ያገሰ። 25 ሄሳ ጊሾ፣ አሳው፣ ያዮፊቲ። ሄ ከታንቸይ ታው ኦዲዳይሲ ሃናናይሳ ታኒ አማናይስ። 26 ሺን ጫርኪይ ኑና ኤፊዲ ኢሲ ሃላን ቴቁቲዳ ቢታ ጋፃን ሆላና» ያገሰ።

27 ታማኔ ኦይዳንሎ ቃማን ሜዲቲራኔ አባን ኑና ጫርኪይ ጌዴኔ ሃ ሱጊሺን፣ ገዲ ቢላሄ ገዲያ ዎዴ ማርካቤያን ኤይሳታስ ቢታኮ ማቲዳባ ዳኒስ። 28 ኤንቲ ጫሞቴላ ኤራናው ኮዩዲ ዎደር ፃራን ዴዲያ ቃቸዲ አባን ዩጊን፣ አባይ ሆሰፑን ታው ዎቋ ገዲስ። ጉሌ ጋምዲዳ፣ ዛሪ ዩጊን ኡሱፑን ታው ዎቋ ገዲስ።

29 ኤንቲ አባ ጋፃን ዴዲያ ሹቻን ዶምዴቶና ማላ ያዩዳ፣ ማርካቤይ ቦና ማላ ኦይኪያ ኦይዲ ቢራታታ ማርካቤያ፣ ጉዬራ አባን ዩጊዲ፣ ሳባይ ዎንታና ማላ ያሳ ዎሶሶና። 30 ማርካቤያን ኤይሳቲ ማርካቤያ፣ ባቃታናው ኮዩዳ፣ ማርካቤይ ቦና ማላ ኦይኪያ ቢራታታ ማርካቤያ ሲንላ ባጋራ አባን ዩጊያ ዳኒን ዎሳሎ አባን ዩጊዶሶና። 31 ጳውሎስ ማቶ ሃላቃኮኔ ዎታዳሬታኮ፣ «ሃይሳቲ ማርካቤያን ሸምፒ ኡቶና ኢዲኮ ሂንቲ አታናው ዳንዳዴኮታ» ያገሰ። 32 ሄሳ ጊሾ፣ ዎታዳሬቲ ዎሳሎይ ቃሸቲዳ ዎደሩዎ ቃንዲዲ ዩዲ አገደሶና።

33 ሳባ ዎንታና ሃኒሺን ኡባይ ካሌ ማና ማላ ጳውሎስ አሳኮ፣ «ሂንቲ ካሌ ሞና ገሺ ሃቸራ ታማኔ ኦይዲ ጋላስ ጋምዲዳ። 34 ሄሳ ጊሾ፣ ጉላ ካሌ ሂንቲ ማና ማላ ታኒ ሂንቲና ዎሳይስ። ሂንቲ ጋሸታና ማላ ጉላ ካሌ ማናው ኮሺስ፤ ሃሪ አቶሺን ሂንቲ ሁዔ ቢናና፣ ኢሶይካ ቋዬና» ያገሰ። 35 ጳውሎስ ሄሳ ገዲ ኡይሌ ኤኪዲ ኡባ ሲንላን ያሳ ጋላቲስ፤ ኡይላ ሚንሌዲ ሙሱ ዶሚስ። 36 ኡባይ ሚኔቲዲ ባንታው ካሌ ኤኪዲ ሚዶሶና። 37 ኑኒ ማርካቤያን ዴዲያሳቲ ናምዑ ፃታኔ ላፑን ታማኔ ኡሱፑና። 38 ኤንቲ ሚዲ ካሊዳ ዎዴ ጫና ገሰቲያ አባን ዩጊዲ ማርካቤያ ዴፀዎ ካወሸደሶና።

ማርካቤይ ሚዲስ

39 ሳባ ዎንቲዳ ዎዴ ማርካቤያ አሳንቸቲ አው ቢታ ጋኪዳኮ ኤርናሺን፣ አባ ጋፃን ዴዲያ ሻፊኔ ሲሊሞ ቤዲዶሶና። ባንታው ዳንዳዴቲኮ ማርካቤያ ሄ ሻፊያኮ ሺሻናው ቆፒዶሶና። 40 ያቲዳ፣ ማርካቤይ ቦና ማላ ኦይኪያ ቢራታታ ቢርሺዲ አባን ዩጊዶሶና። ሄ ዎዴ ላጊያ ሚላ ቃቸያ ዎደሩዎ ቢርሺዶሶና። ሄሳፊ ጉዬ፣ ጫርኪይ ማርካቤያ ሲንሌ ሱጋና ማላ ማርካቤያ ኤፊያ ሻራ ሲንላ ባጋራ ቶቁ አላዲ ቡሱ ዶሚዶሶና።

41 ሺን ማርካቤይ ሻፊ ዶሬን ዶምዴቲዲ ሚቲቲስ። ማርካቤያስ ሲንላ ባጋይ ፀጉኒዲ ሻፊያ ጫዲ ኦይኪዲ ቃያና ኢዲን፣ ጉዬ ባጋይ ዙሊያ ሱጌላን ማቆሬቴሌ ኦይኪስ።

42 ዎታዳሬቲ ቃሾ አሳ፣ ኢሶይካ ሃላ ዎቋዲ ኬሲ ኤኮና ማላ ኤንታ ዎቋናው ዘሪቲዶሶና። 43 ሺን ማቶ ሃላቃይ ጳውሎስ አሻናው ኮዩዲ ዎታዳሬታ ዘሪታ ኢዲስ። ሃሌ ዎቋ ኤሪያ ኡባይ ማርካቤያ፣ ሃላን ጉፒ ጉፒ ዎቋዲ ካሴቲዲ ጋፃ ኬያና ማላ ከቲስ። 44 አቲዳይሳቲ ሳንቃ ቦላኔ፣ ማርካቤያ ማዕዎ ቦላ

ከያና ሜላ ከተሰ። ሄሳዳ ሃኒዲ ኡባይ ጋፃ ሳርራ ከዪደሶና።

28

ጳውሎስ ማልታ ጊያ ሃላን ተቋቋሞ ቢታ ቢሰ

1 ኑኒ ጋፃ ሳር ከዪደ ሞዴ ጋኪዳ ሃላን ተቋቋሞ ቢታይ ማልታ ጌቲቲይሳ ኤሪዳ። 2 ማልታ አሳይ ኑሰ ዳር ከሃ ከሄደሶና። ኢሪ ቡኪያ ገሾኔ ማጊያ ገሾ ታማ ኤሊዲ ኑና ኡባ ሞኪደሶና። 3 ጳውሎስ ዳር አራራ ሸሽዲ ታማን ሞላሸን፣ ሾሽ ሴላ ገሾ ከዪደዲ ኢያ ኩሸያ ቦላ ፃፃቲዲ ኢያ ዳኪስ። 4 ማልታ አሳይ ሾሽ ጳውሎሳ ኩሸን ፃፃቲዳይሳ ቤዒዳ ሞዴ ኢሶይ ኢሱዋኮ። «ቱማ ሃ ኡራይ ሸምፖ ሞዲዳ አሰ፤ ሃሪ አቶሽን አባሬ ኢ አቲንካ ፆሳ ፐርዳሬ * አቲዲ ፓፃ ዳናው ዳንደዒቤና» ያጊደሶና። 5 ሸን ጳውሎስ ባ ኩሸያ፤ ሾሻ ወፃርኪዲ፣ ታማን ዬጊስ፤ ኢያ አይኮካ ቆሃቤና። 6 ኤንቲ፣ «ኢያ አሳቲላይ ኪፃስ፣ ሞይኮ አኩኮና ኩንዲዲ ሃይቆስ» ጊዲ ናሳሶና። ሸን ዳር ሞዴ ናጊዲ ኢያ አሳቲላን አይቢካ ዲማቲዳባይ ጳዪን፣ «ሃይሲ ያሴ» ያጊዲ ባንታ ቆፋ ለሚደሶና። 7 ሃ ሄራን ሃላን ተቋቋሞ ቢታ ሃላቃ፣ ፑፕሊዮሳ ጌይሳሰ ጋዴይ ዳዒስ፤ ሄሹ ጋላሰ ጋካናው ኢ ኑና ሲቆን ሞኪስ። 8 ፑፕሊዮሳ አዋይ ቆዳ፣ ሚሻኔ ኡሎ ኡቲሶን ሃርጌቲዲ ዚንዒዲ ዳዒስ። ጳውሎስ ኢያ ሶ ጌሊዲ ኢያው ያሳ ሞሲስ፤ ባ ኩሸያ ኢያ ቦላ ሞላዲ ፓሊስ። 9 ሄሳሬ ጉዬ፣ ማልታን ዳዒያ ሃርጊያ ሃራ አሳቲካ ዪዲ ፓፃደሶና። 10 ኤንቲ ኑና ዳር ቦንቺደሶና፤ ኑኒ ማርካቤራ ባናው ዳንዲዳ ሞዴ ኦጌስ ኮሺያባ ኑሰ አሚደሶና።

ጳውሎስ ማልታሬ ሮሜ ቢሰ

11 ሄሹ አገና፤ ጉዬ፣ ማልታን ባልሳ አሊዲ ኢሰከንዲሪያ ማርካቤራ ባናው ዳንዲዳ። ሄ ማርካቤያ ቦላ ዲዮስቆሮሳ ጊያ ሚንቲ ኤቃታ ሚሲሌይ ዳዒስ። 12 ሲራኩሴ ካታማ ጌሊዲ ያን ሄሹ ጋላሰ ኡቲዳ። 13 ያፔ ዳንዲዲ ሬጊዩሜ ካታማ ጋኪዳ። ኢሲ ጋላሳ፤ ጉዬ፣ ዲጌሃ ባጋ ጫርኮይ ጫርከን፣ ሞንቲላ ጋላሰ ፑቲዮሌ ካታማ ጋኪዳ። 14 ያን ኑኒ ኢሲ ኢሲ አማኒያ አሳታ ዳሚን፣ ባንታራ ሳሚንታ ጋምዳና ሜላ ኑና ሞሲደሶና። ሄሳሬ ጉዬ፣ ሮሜ ቢዳ። 15 ሮሜን ዳዒያ አማኒያ አሳቲ ኑባ ሲዒዲ፣ አፊዮሳ ጊያን፣ ሄሹ አቆያሶ ጊያ ቤሳ ጋካናው ኑና ሞካናው ዪደሶና። ጳውሎስ ኤንታ ቤዒዳ ሞዴ ያሳ ጋላቲዲ ሚኔቲስ።

ጳውሎስ ሮሜን

16 ኑኒ ሮሜ ጌሊዲ ሞዴ ጳውሎስ ባና ናጊያ ሞታዳሪያራ ባርካ ዳፆ ጌቲቲስ።

17 ሄሹ ጋላሳ፤ ጉዬ፣ ጳውሎስ አይሁዴታ ሃላቃታ ባኮ ጻጊሲስ። ኤንቲ ሸቆዳ ሞዴ ኤንታኮ፣ «ታ አሻቶ፣ ታኒ ኑ አሳ ሞይኮ ኑ አዋታ ሞጋ ቦላ አይቢ ቆሆካ ኦላቢከ፣ ሸን ታና ዬሩሳላሚን ቃቺዲ ሮሜ አሳሰ አሊዲ አሚደሶና። 18 ኤንቲ ታ ሞቱሞ ቤዒዲ ሃይቆስ ጋሊያባ ታ ቦላ አይቢባካ ዳሚቦና ገሾ ታና ቢላናው ቆፒደሶና። 19 ሸን አይሁዴቲ ሄሳ ኢዳዳ ሞዴ ታባ ቄሳሬይ ፐርዳ» ያጋሲ፤ አቲን ታኒ ታ ዳሪያ ሞቲያባይ ዳዒን ጊደና። 20 ታኒ ሃንቲና ጻጊሲዳይ ሃንቲና

ቤዳናውኔ ሃንቲው ሃይሳ ኡዳናሳ። ታኒ ሃ ሳንላላታን ቃሼቲዳይ ኢሰራዔሌ አሳይ ናጊያ ኡፋይሳ ገሾሳ» ያጊሰ።

21 አይሁዴ ሃላቃቲ ጳውሎሳኮ፣ «ኑሰ ዪሁዳ፤ ኔባ ፃሬቲዳ ዳብዳቤይ ጋኪቤና። ያፔ ዪዳ አሳታ፤ ኢሶይካ ኔባ ኢታ ኡዲዳይ ባሞ። 22 ሸን ሃ ኔ ካሊያ አማኑሞ ዲማ ዲማ ቤሳን አሳይ ኢፃይሳ ኑኒ ኤሪያ ገሾ ኔ ቆፋ ሲዳናው ኮዮስ» ያጊደሶና።

23 ኤንቲ ባንታ ያና ጋላሰ ጳውሎሳሰ ቃፃሪዲ፣ ሃ ጋላሰ ዳሪዲ ኢ ዳዒያሱሞ ዪደሶና። ኢ ሞንታሬ አማርሲ ጋካናው ያሳ ካሞቲላባ ኤንታው ማርካቲስ። ቃሲ ኤንቲ ዬሱሳባ አማናና ሜላ ሙሴ ሃጊያሬኔ ናቤታ ማፃፋ፤ ቆንጨሲዲ ኤንታ ታማርሲስ። 24 ኢሶቲ ኢሶቲ ጳውሎስ ጊዳይሳ አማኒደሶና፣ ሸን ሃራቲ አማኒቦኮና።

25 ኤንቲ ባንታ ጊደን ኡዳ ማፆና ኢዳዳ ሞዴ ጳውሎስ ኢሲባ ጊዳ፤ ጉዬ ቢደሶና። ኢ ሃይሳዳ ያጊሰ። «ጌሻ አያናይ ኑ አዋታሰ ናቢያ ኢሳያሳ ደናን ኡዲዳይሲ ቱማ።

26 ሳኒ ሄ አሳኮ ባዳ፣

ሃንቲ ሲሳ ሲዒታ፣ ሸን ሃንቲው ጌሊና፤

ሃንቲ ቤፆ ቤዒታ፣ ሸን ዳሚኬታ።

27 ሃ አሳ ሞዳናው ሙሚስ፤

ኤንታ ሃይላይ ቱሊስ፤

ኤንታ አይሬይካ ጎዘቲስ።

ሄሲ ባይኮ፣

ኤንቲ ባንታ አይሬያን ቤዒዲ፣ ባንታ ሃይላን

ሲዒዲ፣ ባንታ ሞዳናን አኬኪዲ፣

ኤንቲ ታኮ ሲማና፤

ታካ ኤንታ ፓላናሸን» ያጋ» ያጊሰ።

28 «ሄዳ፣ ሃይሲ ያሳ አቶቲላ ኪታይ አይሁዴ

ጊደናይሳታሰ ጊዳይሳ ኤሪታ። ኤንቲካ ሲዳና» ያጊሰ።

29 ጳውሎስ ሄሳ ጊዳ፤ ጉዬ አይሁዴቲ ባንታ ጊደን

ዳር ፓላሚሽ ከዪዲ ቢደሶና።

30 ጳውሎስ ከራ ኬላን ናሞዑ ላይሊ ኩሜሊ

ዳዒስ፤ ያን ዳዒሼ ባኮ ያ ኡባ ሞኬስ። 31 ያሽ

ባይናኔ ኑኒካ ዲሳናሸን ያሳ ካሞቲላባ ሳባኪስ፤ ጎዳ

ዬሱስ ኪሪሰቶሳባ ቆንጨሲዲ ታማርሲስ።

* 28:4 ያሳ ፐርዳሬ፣ ሄ ሞዴ ሃ ቢታን ዲማ ዲማ ማጫ ያሳቲ ዳፆሶና። ኤንታሬ ኢሲኒያ ኢታ ኦሊያ አሳ ፐርዲያር። ኢያ ፐርዳ ያሲ ጌቲታ ጻጊታሱ። 28:19 ሃ.ኦ 25:11 28:26 ኢሳ 6:9-10

ጳውሎስ ሮሜ አሳስ ፃፊዳ ኪታ ጋሳ ቆፋ

ሃዋሪያ ጳውሎስ ኪታይ ሮሜ አሳስ ፃፊቲዳይ፡ ጳውሎስ ሮሜን ዳዒያ ዋሳ ከላ ቤዓናው ቆፒዳ ጊሾ ኢ ቢያ ዋዴ ኢንቲ ጊሊዳ ናጋና ማላ ኦላና፡፡ ጳውሎስ ቆፋይ ሮሜን ዳዒያ አማኔይሳታራ ጉላ ዋዴ ኦሊዳፒ ጉዬ ኢንቲ ኢያ ማዲን ኢሰፔኔ ባናሳ፡፡ አማኖባ ኢ ኤሪዳይሳኔ አማኒያ አሳይ ሄ ቲሚርቲያ ኦሶን ፔሻና ማላ ቆንጨሲዳ ፃፊሰ፡፡ ሃ ማፃፋን ጳውሎስ ኩሚላ ኪታይ ሃ ቆፋ ኦይኬሰ፡፡

ጳውሎስ ሮሜን ዳዒያ አማኒያ አሳታ ኮይሮ ሳርሊ ሲሚዳ፡ ካሊዳ ኢንታው ዋሴይሳ ኦዲዳፒ ጉዬ ባ ኪታስ ጉልሳ ቆፋ፡ «ዋንጌላን ያሳ ጊሎቴላይ ቆንጨሲ፤ ሄ ጊሎቴላይ ኮይሮፒ ወርሴሊ ጋካናው አማኖን ቆንጨሲ» ጊዳ ኦዴሰ (1:17)፡፡

ሄሳፊ ጉዬ፡ ሄ ቆፋ ዳልጊሲዳ ፃፊሰ፡፡ አይሁዳታ ጊዳን አይሁዳ ጊዳና አሳ ጊዳን ኡባይ ናጋራሰ ሃሬቲዳይሳታ ጊዳያ ጊሾ ኢንቲ ያሳራ ሲጌታናው ኮሼሰ፡፡ አሳይ ያሳራ ሲጌታናው ዳንዳዔይ ዩሱስ ኪሪሰቶሳ አማኖና፡፡ ኢንቲ ያሳራ ሜዲያ ሃ ኦራላ ጋሄቴላ አይፊይ፡ ኦራላ ዳዎ ጊዳይሳ ጳውሎስ ዳልጊሲዳ ኦዴሰ፡፡ አማኒያ አሲ ያሳራ ሳር ዳዔሰ፤ ቃሲ ያሳ አያና ባጋራ ናጋራፔኔ ሃይቆ ዋልቃፊ ኬሲ ኤኬሰ፡፡ ሼዎፖ 5-8 ጋካናው ጳውሎስ ያሳ ሃጌይኔ አማኒያ አሳ ዳዎን ኦሊያ ያሳ አያና ዋልቃ ቆፋይ አይቤኮ ኦዴሰ፡፡ ሄሳፊ ካሊዳ፡ ጳውሎስ፡ «ያሳይ አሳ ናይታሰ ቆፒዳ ቆፋ ጊዳን አይሁዳቴኔ አይሁዳ ጊዳና አሳይ ዋኒዳ ኢሲፊ ዋዳታናው ዳንዳዒ?» ያጊያ ኦይሻሰ ዛሮ አማኖው ባዳቲሰ፡፡

ቃሲ አይሁዳቴ ዩሱሳ ኤኮና ኢዲዳይ ያሳ ቆፋ ጊዳይሳ ኦዴሰ፡፡ ሄሲ ሃኒዳይ ዩሱስ ኪሪሰቶሳ ባጋራ ቆንጨሲዳ አዶ ኬሃቴላ ጊዳን አሳ ዛሬ ኡባ ሃዳና ማላሳ፡፡ ጊዳሺን፡ አይሁዳቴ ዩሱሳ ኤኮና ዋዴይ ያናይሳ ጳውሎስ አማኔሰ፡፡ ወርሴላን ጳውሎስ አማኖ ዳዎ ዋኒዳ ዳናው ቤሲያኮ ኦዴሰ፡፡ ያሳሰ ኦላናባ፡ አማኒያ አሳቲ ባንታ ቢታሲኔ ባንታ ጊዳን ኢሶይ ኢሱዋሰ አዋቴላን ኦላናባኔ ካሃ ጋሶን ሜዴቲያ ኦይሼታባ ቆንጨሲዳ ኦዴሰ፡፡

ሮሜ ኪታ አይፊ ቆፋታ

- ጌሎ ቆፋ 1:1-15
- ሮሜ ኪታ ሁዔ ቆፋ 1:16-17
- አሳ ናዓሰ አቶቴሊ ኮሼይሳ 1:18-3:20
- ያሳይ አሴ አሺያ ኦጊያ 3:21-4:25
- ኪሪሰቶሳን ቤንቲያ ኦራላ ዳዐ-ዋ 5:1-8:39
- ኢሰራዔሊስ ያሳ ቆፋ 9:1-11:36
- አማኒያ አሳ ዳሳ 12:1-15:13
- ኩሻ ቆፋኔ ሳርሶ 15:14-16:27

1 ዩሱስ ኪሪሰቶሳ አይሌ ጊዳዳ፡ ሃዋሪ ጊዳና ማላ ያጌቲዳይሳፊኔ ያሳ ዋንጌላ ሳባካና ማላ ዳሬቲዳ ጳውሎስ ኪቲዳ ኪታ፡፡

2 ያሳይ ዳሮ ዋዴፒ ሲንሌ ባ ናቤታ ባጋራ አማና ያጊዳ ያሳ ዋንጌላይ ጌሻ ማፃፋታን ፃፊቲሰ፡፡ 3 ሄ ዋንጌላይ ኦሶን ዳዋቴ ሼሻፔ ዩሌቲዳ፡ ያሳ ናዓ፡ ኦ ጎዳ ዩሱስ ኪሪሰቶሳባ፡፡ 4 ቃሲ ኢ ባ ጌሻ አያናን ሃይቆፔ ዳንዳዳ፡ ያሳ ናዓ ጊዳይሳ ጊታ ዋልቃን ቤሲሰ፡፡ 5 ኢያ ባጋራ አይሁዳ ጊዳና አሳ ኡባይ፡ አማኒዳ ኪቲታና ማላ ኪሪሰቶሳ ሱንላ ጊሾ ያሳይ አዶ ኬሃቴሊኔ ሃዋሪቴላ ማታ ኦሰ አሚሰ፡፡ 6 ዩሱስ ኪሪሰቶሳሰ ጊዳና ማላ ያጌቲዳ አሳታፔ ባጋቲ ሃንቴና፡፡

7 ሮሜን ዳዒያ፡ ያሳይ ሲቆይሳታሲኔ ኢያ ጌሻ ዳሬ ጊዳና ማላ ዳሪዳይሳታሰ፡፡

ያሳ ኦ አዋፔኔ ጎዳ ዩሱስ ኪሪሰቶሳፔ አዶ ኬሃቴላይኔ ሳርቴላይ ሃንቴው ጊዳ፡፡

ጋላታ ዋሳ

8 ኡባፊ ኮይሮታዳ፡ ሃንቴ አማኖይ ቢታ ኡባን ሲዔቲዳ ጊሾ ዩሱስ ኪሪሰቶሳ ባጋራ ሃንቴ ጊሾ ታ ያሳ ጋላታይሰ፡፡ 9 ታኒ ኢያ ናዓ ዋንጌላባ ኩሚላ ዋዛናን ኦዲያ ያሳይ፡ ታኒ ታ ዋሳን ኡባ ዋዴ ሃንቴና ቆፔይሳሰ ኢ ማርካ፡፡ 10 ወርሴላን፡ ያሳ ሼኔ ጊዳኮ፡ ታኒ ሃንቴኮ ባናው ኦይይ ታው ኢንጃታና ማላ ኡባ ዋዴ ዋሳይሰ፡፡ 11 ታኒ ሃንቴው አያና ኢሙዋ ሻካናወኒ ሃንቴና ቤዓናው ላዋታይሰ፡፡ 12 ሄሲካ፡ ታኒ ሃንቴ አማኑዋን፡ ቃሲ ሃንቴ ታ አማኑዋን ሚኔታና ማላሳ፡፡

13 ታ አሻቶ፡ ታኒ አይሁዳ ጊዳና አሳፔ አይፊ ዳሚዳይሳዳ፡ ሃንቴፊካ አይፊ ዳማናው ሃንቴኮ ባናው ቆፓሰ፡ ሺን ዲጌታሰ፡፡ 14 ታማሪዳ አሳሲኔ ታማሪቦና አሳሰ ቃሲ ጨንጫታሲኔ ኤያታሰ ታው አጮይ ዳዔሰ፡፡

15 ሄሳ ጊሾ፡ ሮሜን ዳዒያ ሃንቴወካ ዋንጌላ ኦዳናው አዋታይሰ፡፡

ዋንጌላይ ያሳ ዋልቃ

16 ኢያ አማኒያ ኡባ፡ ኮይሮቲዳ አይሁዳታ፡ ካሊዳ አይሁዳ ጊዳናይሳታ አሻናው ዋንጌላይ ያሳ ዋልቃ ጊዳያ ጊሾ ታ ዋንጌላን ዩላቲኬ፡፡ 17 ጊሎይ አማኖን ዳዎን ዳና ጌቲቲዳ ጌሻ ማፃፋን ፃፊቲሰ፡፡ ዋንጌላን ያሳ ጊሎቴላይ ቆንጨሲ፤ ኮይሮፒ ወርሴሊ ጋካናው አሳይ ጊሌይ አማኖና፡፡

አሳ ኢታቴሊ

18 ቱማይ ኤሬቶና ማላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፡ ያሳ ሃንቆይ ሳሎፔ ዋዴሰ፡፡ 19 ያሳይ ኢንታው ቆንጫናው ቤሲያባ ቆንጨሲዳ ጊሾ ኢንቲ ያሳባ ኤርሶና፡፡ 20 አላሚይ ሜዴቶሳፔ ደሚዳ፡ አሳሰ ቤንቶና ያሳ ካንዳይ፡ ሄሲካ ኢያ ሚሪና ዋልቃይኔ ያሳቴላይ ኢያ ሜዴቲላን ቆንጨዳ ዳዒያ ጊሾ አሳይ ባንታ ኢታቴላሰ ጋሶያባይ ባዋ፡፡

21 ኢንቲ ያሳ ኤሪሼ፡ ኢያ ቦንቲቦኮናኔ ጋላቲቦኮና፡፡ ኢንታ ቆፋይ ማዳናባ ጊዳሰ፤ ኢንታ አኬኮና ዋዛናይ ዲሚሰ፡፡ 22 ኢንቲ ባንታና ጨንጫታ ጎሶና፡ ሺን ኤያታ፡፡ 23 ኢንቲ ሃይቆና ያሳ ጎይናናይሳ አጊዳ፡ ሃይቁያ አሳ ሜዶን፡ ካፎታ ሜዶን፡ ደዓታ ሜዶኒኔ ኡሎራ ጎሼቲያባታ ዳኒሲዳ ኦሊዳ ሚሲሌታ ጎይኒደሶና፡፡

24 ሄሳ ጊሾ፡ ኢንቲ ኢሶይ ኢሱዋራ ቦርሶባ ኦሊዳ፡ ባንታ አሳቴላ ካወሻና ማላ ያሳይ ኢንታ ዋዛናይ አዋቲያ ቱና ኦሶስ ኢንታ ዩጊ አጊሰ፡፡ 25 ሄሲ ሃኒዳይ ኢንቲ ያሳ ቱማ ዋርዶን ላሚዳ ጊሾኔ ሜዴዳ ያሳ አጊዳ፡፡

ሜዴቱላ ሳይነዳ ገሾላ። ያሳይ ሜሪናው ጋላቴቲዳይሳ። አሚንዒ።

26 ሄሳ ገሾ፣ ያሳይ ኤንታና ኤንታ ቦርሶ አሙዋስ ዩጊ አገሰ። ኤንታ ማጫሳይ ባንታው ቤሲያ አዳራ ጋሄቲላ አገዲ፣ ቤሶናባ ሃኒዲ ማጫሲ ማጫሳራ ጋሄቲዳሶና።

27 ሄሳዳካ፣ አዳቲ ባንታው ቤሲያ ማጫሳራ ጋይቲላ አገዲ፣ አዳይ አዳራ ጋሄቲዳሶና። አዳቲ ኢሶይ ኢሱዋራ አዋን ፀጌቲዲ፣ ቦርሶባ አሊዳሶና። ባንታ አሊዳ ባላሰ ቤሲያ ፐርዳ ኤኪዳሶና።

28 ኤንቲ ያሳ ኤሪሾ፣ ሃሪ አቶሺን ኢያባ ቆገናው ኮኖና ኢዳዳ ገሾ ቤሶናባ አላና ሜላ ያሳይ ኤንታና ፓላና ቆፋሰ አሊ አሚሰ። 29 ኤንታን ጌላቴላ፣ ኢታቴላ፣ ዩቄይ፣ ጌይይ፣ ቃናቲይ፣ ሸምፖ ዋዶይ፣ ፓላሚ፣ ጨዋይ ኢታ አዋይ ኩሚሰ። ኤንቲ ዘገሬይሳታ፣ 30 አሳ ሱንላ ኢሴይሳታ፣ ያሳ ኢዳይሳታ፣ ጫይይሳታ፣ ኦቶሬይሳታ፣ ጨቆቴይሳታ፣ ኢታባ አላናው ኮይይሳታን ባንታ አይሰኔ አዋስ ኪቴቶናይሳታ፣ 31 አክኮናይሳታ፣ ጫቆ ሚንሱይሳታ፣ ሲቆይ ባይናይሳታ፣ ቃዴይ ባይናይሳታ። 32 ሃይሳታ ሜላ አሌይሳታስ ሃይቆይ ቤሴስ ገያ ያሳ ሂጊያ ኤሪሾ፣ ሃይሳታ አሶሶና። ኤንቲ ባንታው አሶ ያላላ ገደናሺን አሊያ ሃራታካ ናሾሶና።

2

ያሳ ዓሎ ፐርዳ

1 ሄሳ ገሾ፣ ኔና ሃራታ ቦላ ፐርዳይሶ፣ ኔኒ ጋሶያባይ ባዋ። ኔኒ ሃራታ ቦላ ፐርዳሾ፣ ሄ ኔኒ ፐርዲያ ኡራ ሜላ አሊኮ፣ ኔ፣ ኔ ቦላ ፐርዳሳ። 2 ሄሳ ሜላ አሶ አሌይሳታ ቦላ ያሳይ ዓሎ ፐርዳ ፐርዳይሳ ኑ ኤርሰ። 3 ኔኖ፣ ሄሳ ሜላ አሶ አሌይሳታ ቦላ ፐርዳይሶ፣ ኤንቲ አሌይሳ ሜላ አሌይሶ፣ ኔኒ ያሳ ፐርዳሬ አታናባ ዳኒ? 4 ዋይኮ ያሳ ከሃቴላ፣ ጌንጫኒ ዳንዳዳ ዳርቴላ ካቆይ? ያሳይ ኔው ከሃዳይ ኔና ናጋራፔ ዛራናው ገዳይሳ ኤሪከይ?

5 ሺን ሃንቲው ሹቻ ዋዛኒኔ ሲዶና ሃይላ ዳዔሰ። ሄሳ ገሾ፣ ያሳ ሃንቆይኔ ዓሎ ፐርዳይ ቆንጨያ ጋላሰ፣ ኔ ቦላ ፐርዳይ ዳራና ሜላ አላሳ። 6 ያሳይ ኢሱዋስ ኢሱዋስ ኢያ ኦሱዋ ሜላ አሚና። 7 ሎፖ አሶን ሚኒዲ፣ ጋላታ፣ ቦንቾኔ ቆኖና ዳዑዋ ኮይይሳታስ ያሳይ ሜሪና ዳዑዋ አሚና። 8 ሺን ባንታና ሲቆይሳታ፣ ቱማ ኢዳይሳታኔ ኢታባ አላናው ኮይይሳታ ቦላ ያሳ ሃንቆይኔ ፐርዳይ ያና። 9 ኢታባ አሊያ አሳ ኡባ፣ ኮይርቴዲ አይሁዳታ፣ ካሊዲ አይሁዳ ገደና አሳ ሜቶይኔ ዋይይ ጋካና። 10 ሺን ያሳይ ሎፖ አሶ አሊያ ኡባሰ፣ ኮይርቴዲ አይሁዳታሰ፣ ካሊዲ አይሁዳ ገደናይሳታስ ጋላታ፣ ቦንቾኔ ሳርቴላ አሚና። 11 ያሳይ ሶምፖ ቤዒዲ አሴ ሻከና።

12 ሃጌይ ባይና ናጋራ አሊዳ ኡባይ ሃጌይ ባይና ቆያና። ሃጌይ ዳዒሺን፣ ናጋራ አሊዳ ኡባይ ሃጌን ፐርዳታና። 13 ያሳ ሲንላን ዓሊይሳቲ ሃጌ ናጌይሳታፔ አቲን ሃጌ ሲሳ ያላላ ሲዳይሳታ ገደሶና። 14 ሃጌይ ባይና አይሁዳ ገደና አሳይ ሜቶን ሃጌይ ኪቴይሳ አሶሶና። ኤንታው ያፊቲዳ ሃጌይ ባይና ኢዳኮካ ኤንቲ ባንታ ዋዛኖን ሃጌያ ኤርሶና። 15 ኤንታ ሃናታይ፣ ሃጌ ኪታይ ኤንታ ዋዛኖን ያፊቲዳይሳ ቤሴሰ። ቃሲ ኤንታ ካሃይ ኤንታ ቦላ ማርካቲሰ። ኤንታ ቆፋይ ኢሲ ኢሲ ቶሆ ኤንታና ባላ ጌሰ፤ ኢሲ ኢሲ ቶሆ ኤንታና ሊኬ ጌሰ። 16 ታ ታማርሲዳ ዋንጌላ ሜላ ያሳይ ዩሱስ

ኪሪስቶሳ ባጋራ አሳ ዋዛኖን ጌሚዳ ቆፋ ፐርዲያ ዋዳ ሄሲ ኤሬታና።

አይሁዳታኔ ኤንታ ሃጊያ

17 ሺን ኔ ኔና አይሁዳ ጋሳ፤ ሃጌን ዜምፓሳ፤ ያሳን ጨቃሳ። 18 ኔ አላና ሜላ ያሳይ ኮያባይ አይቤኮ ኤራሳ። ሃጊያ ታማሪዳ ገሾ ቱማ ገዲያባ ደራናው ኤራሳ። 19 ኔኒ ቆቄታ ካሌሌይሳ፣ ቃሲ ቆማን ዳዔይሳታስ ፖፖ ገዳይሳ ሻካ ኤራሳ። 20 ኔኒ ሃጊያሬ ዳሚዳ ኤራቴላኒኔ ቱማቴላን ኤያታ ኤሪሴይሳኔ ዮጋታ ታማርሴይሳ ገዳይሳ ኤራሳ። 21 ያቲን፣ ኔ ሃራታ ታማርሴይሴ ኔ ኔና አይሰ ታማርሴኪ? ኔኒ፣ «ካይሶቶፓ» ጋሾ፣ ኔኒ ኔ ሁዔን ካይሶታዎ? 22 ኔኒ፣ «ላዋፋ» ጋሾ፣ ኔኒ ኔ ሁዔን ላማዬ? ኔኒ ኤቃ ኢፃሾ፣ ኤቃይ ዳዒያ ኬላ ቦንቃዬ? 23 ኔኒ ያሳ ሃጊያን ጨቄታሳ፣ ሺን ሃጊያሰ ኪቴቶና ኢዳዳ ያሳ ዩላያይ? 24 ገሻ ማፃፋን፣ «ሃንቲ ጋሶን ያሳ ሱንላይ አይሁዳ ገደና አሳታን ጫይቲሰ» ጌቲቲዲ ያፊቲሰ።

25 ኔ ሃጌሰ ኪቴቲኮ፣ ኔ ቃፃሬቴላሰ ማይይ ዳዔሰ፣ ሺን ኔኒ ሃጊያሰ ኪቴቶና ኢዳኮ ኔ ቃፃሬቴላይ ቃፃሬቲቦና ሜላ ገዳሰ። 26 አይሁዳ ገደና አሲ ቃፃሬቶና ዳዒሾ፣ ሃጊያሰ ኪቴቲኮ፣ ያሳይ ኢያ ቃፃሬቲዳ ሜላ ታይቤኔ? 27 ሃንቲ፣ አይሁዳ አሳቲ፣ ሃንቲው ያፊቲዳ ሃጌይኔ ቃፃርይ ዳዒሺን፣ ሃንቲ ሃጌሰ ኪቴቶና ኢዳኮ፣ አይሁዳ ገደና አሳይ ቃፃሬቶና ኢዳኮካ ሃጌሰ ኪቴቲዲ፣ ሃንቲ ቦላ ፐርዳና። *

28 ሃዛ፣ ሱንላን አይሁዳ ገዲዳ ኡባይ ቱማ አይሁዳ ገዳና። ቃሲ ካሬ አሳቴላ ቃፃርይ ቱማ ቃፃር ገዳና። 29 ሺን ቱማ አይሁዳቴላ ጋላ ባጋን አይሁዳ ገዳይሳ። ቱማ ቃፃሬቴላ ያሳ አያናን ኦሴቲያ ዋዛና ቃፃሬቴላሬ አቲን ያፊቲዳ ሃጊያን ኦሴቲያ አሳቴላ ቃፃር ገዳና። ሄ ኡራይ ጋላታ ያሳሬ ኤኬሲፔ አቲን አሳፔ ገዳና።

3

አይሁዳታ አማናና ኢያ

1 ያቲን፣ አይሁዳ ገደን አይ ዳማቴላ ዳዒ? ዋይኮ ቃፃሬቴላን አይ ማይይ ዳዒ? 2 ቱማካ አይሁዳ ገደይ ዳር ኦጌራ ማዳሰ። ኡባሬ ሲንሌ ያሳይ ባ ቃላ ሃዳራ አይሁዳታስ አሚሰ።

3 ያቲን፣ ኤንታሬ ኢሶቲ ኢሶቲ ቃላ አማናና ኢዳኮ፣ ኤንታ ኢያይ ያሳ አማኔቴላ ዳጊይ? 4 ዳጊና! አሳ ኡባይ ዋርዳንቾ ገዲኮካ ያሳይ ቱማ ገደ። ጌሻ ማፃፋን፣ «ኔ ቃላን ኔ ዓላሳ፤ ኔና ሞቴይሳ ፐርዳን ላላሳ»

ጌቲቲዲ ያፊቲሰ።

5 ያቲን፣ ኑ ናጋራይ ያሳይ ዓሎ ገዳይሳ ቤሲያባ ገዲኮ፣ ኑ ዋይጋኔ? ያሳይ ኑ ናጋራ ገሾ ኑ ቦላ ፐርዲኮ፣ ሊኬ ገዳኔይ? ሃይሳ ታኒ አሳ ቆፋላ ጋይሰ። 6 ሄሲ ኡባራካ ሃኔና። ሃሳዳ ሃኒኮ፣ ያሳይ ሃ አላሚያ ቦላ ዋቲ ፐርዳኔ?

7 ሺን ታ ዋርዳቴላይ ያሳ ቱማ ቆንጨሲዲ፣ ኢያ ቦንቾዋ ዳርሲ ቤሲያባ ገዲኮ፣ ያቲን፣ አይሰ ታ ቦላ ናጋራንቾዳ ፐርዳቲ? 8 ኢሲ ኢሲ አሳይ፣ «ሎፖይ ያና ሜላ ኢታ አሶሰ» ያጊዲ ታማርሲያዳ አሊዲ ታና ሞቶሶና። ሄሳ ሜላ አሳ ቦላ ያ ያሳ ፐርዳይ ሊኬ።

2:1 ማቶ 7:1፤ ሉቃ 6:37 2:6 ማዝ 62:12፤ ለሚ 24:12 2:11 ዛሬ 10:17 2:24 አሳ 52:5 * 2:27 ሃንቲ ቦላ ፐርዳና፣ ኤንታ ሃናታይ ዋይኮ ኤንታ ኪቴቲላይ ሃንቲ ቦላ ፐርዳና። 2:29 ዛሬ 30:6 3:4 ማዝ 51:4

አሲ ኡባይ ናጋራንቸ

9 ያተን፡ ኩ ወይጋኑ? ኩ አይሁዳቲ፡ አይሁዳ ገደናይሳታ፤ አጵናዬ? ገደና! አይሁዳ ገደን፡ አይሁዳ ገደና ኢዲን ኡባይ ናጋራንቸ ገደይሳ ታኒ ካሴታዳ ሂንቲው አደሰ።

10 ጌሻ ማፃፋን፡ «ደሎ አሲ ኢሶይካ ባዎ።

11 እኩኩያ አሲ ባዎ፡ ያሳ ኮያ ኦኒካ ባዎ።

12 አሳ ኡባይ ያሳሰ ዘኮ ዛሪደሶና፤ ኡባይ ኢሲፌ ፓሶና ገደደሶና።

ሎዎ ኦሊያ ኦኒካ ባዎ፤

ኢሲ አሲካ ባዎ።

13 ኤንታ ደና፤ ኬያ ቃላይ፡ ደዌቲዳ ዲፎ፤ ኬያ ዲንቆ ማላ፤ ባንታ ኢንፃርሳን ጨዋሶና።

ኤንታ ደና፤ አሴ ዎጲያ፡

ሸሻ ማርዜይ ኬዬሰ።

14 ኤንታ ደናን ጨዋ ኦዲይኔ ባዴላ ኩሚሰ።

15 ኤንቲ ሱላ ጉሳናው ኤሌሶሶና።

16 ኤንታ ኦጊያን ጳዮይኔ ቆሆይ ዴዔሰ።

17 ኤንቲ ሳርቴላ ኦጊያ ኤርኮና።

18 ባንታ ዴዎብን ያሳሰ ያዮኮና።

ጌቲቲዲ ፃፊቲሰ።

19 አሴ ኡባ ደና ኦይሳናውኔ ኩሚሳ አላሚያ ያሳ ፒርዳፌ ጋርሳን ሸሻናው፡ ሂጌይ አሚቲዳይ ሂጌፌ ጋርሳን አቄይሳታሰ ገደይሳ ኩ ኤርሰ። 20 ሃሳ ገሾ፡ ኦኒካ ሂጌሰ ከቲቲዲ ያሳ ሲንላን ያላናው ዳንዳዔና። ሂጌይ አሴ ኡባይ ናጋራንቸ ገደይሳ በሴሰ።

ደሎቴላ አማኖና

21 ሸን ሃዲ ያሳይ አሲ ሂጌይ ባይናሸን ያሊያ ኦጊ ቆንጨሲሰ። ሄ ኦጊያ ሙሴ ሂጌይኔ ናቤቲ ማርካቲደሶና። 22 ሃ ደሎቴላ፡ ያሳይ ዬሱሰ ከሪሰቶሳ ባጋራ አሳ ኡባሰ ሻኮይ ባይና አሚሰ።

23 አሳ ኡባይ ናጋራ ኦሊደሶና፤ ያሳይ ኤንታው አሚዳ ቦንቸዎፌ ሃኪዲ አቲደሶና። 24 ሸን ኤንቲ ያሳ አጼ ኬሃቴላን፡ ዎኪያ ከሪሰቶሰ ዬሱሳ ባጋራ ጮ ያሊደሶና።

25 ያሳይ ዬሱሰ ከሪሰቶሳ ያርሾ ኦሊዲ አሚዳይ፡ ኢያ አማኒያ ኡባይ ኢያ ሱላን ናጋራ ማርቴላ ዳማና ማላሳ። ያሳይ ሃሳ ኦሊዲይ ባ ዳንዳዔን ካሴ ናጋራ ታይቦና አገዲ፡ ባ ደሎቴላ በሳናሳ። 26 ሃዲ ዎዲያን ዬሱሳ አማኒያ ኡባ ያሊሲዲ፡ ያሳይ ባ ሁዒን ደሎ ገደይሳ በሴሰ።

27 ያተን፡ ኩ ጨቁቲያባይ አይቢ ዳዒ? አይቢካ ባዎ። ኩ ጨቁቲይ ሂጌሰ ከቲቲያ ገሾዬ? አካይ! አማኖ ገሾሳ። 28 ያሳይ አሴ ያሊሴይ አማኖና፤ አቲን ሂጌሰ ከቲቲላን ገደናይሳ ኩ አኩኮሰ።

29 ዎይኮ ያሳይ አይሁዳታ ፃላላ ያሴዬ? አይሁዳ ገደናይሳታሰ ያሴ ገደኔዬ? ቱማ፡ አይሁዳ ገደናይሳታሰካ ኢ ያሴ። 30 ያሳይ ኢሶ፤ አይሁዳታኔ አይሁዳ ገደናይሳታ አማኖን ያሊሴይ ኢያ። 31 ያተን፡ ኩ ሂጌያ አማኖ ገሾ ሻርሰ ጉሴዬ? ገደና! ሂጌያ ሚንሶሊ፤ አቲን።

4

አብራሃሜይ አማኖን ያሊሰ

1 ያተን፡ ኩ ማይዛይ አብራሃሜይ አይ ዳሚዳ?

2 አብራሃሜይ ኦሶን ያሊዳባ ገደያኮ፡ ኢ ጨቁቲያባይ ዳዔሰ፡ ገደሸን፡ ያሳ ሲንላን ጨቁታናው ዳንዳዔና።

3 ጌሻ ማፃፋይ፡ «አብራሃሜይ ያሳ አማኒሰ፤ ያሳይ ሃሳ ኢያው ደሎቴላ ኦሊዲ ኤኪሰ» ያጌሰ።

4 ኦሊያ ኡራይ ኤኪያ ዳዎዜይ፡ ኢያ ኦሶ ዎልቃሰ ጨጌቲያ ጋቲ፤ አቲን ኢያው አዎታ ገደና። 5 ሸን ኦሶ ኦሶና ኦኒካ ናጋራንቸዎ ያሊሲያ ያሳ አማኒኮ፡ ኢያ አማኖይ ኢያው ደሎቴላ ገደዲ ታይቤቲሰ። 6 ጌሻ ማፃፋን ዳዊቲይ፡ ኦሶይ ባይና ያሳይ ያሊሲያ አሳቲ አይ ሚላ አንጃቲዳኮ ሃይሳዳ ያገዲ ቆንጨሴሰ።

7 «ኤንታ ባላይ አቶ ጌቲቲዳይሳቲኔ ኤንታ ናጋራይ ካሚቲዳይሳቲ አንጃቲዳይሳታ።

8 ጎዳይ ኢያ ናጋራ ታይቦና አሲ አንጃቲዳይሳ» ያጌሰ።

9 ያተን፡ ዳዊቲይ ኦዲዳ አንጃይ ቃፃሬቲዳ አሳ ፃላላሴዬ? ዎይኮ ቃፃሬቲቦና አሳሴ? ኩ፤ «ጌሻ ማፃፋይ፡ «አብራሃሜይ ያሳ አማኒሰ፤ ያሳይ ሃሳ ኢያው ደሎቴላ ኦሊዲ ኤኪሰ» ያጌሰ» ገደና። 10 ያተን፡ ሃሲ አዉዳ ሃኒዳ? አብራሃሜይ ቃፃሬቲኔዬ? ዎይኮ ቃፃሬቶና ዳዒሸኔ? ቃፃሬታና፤ ሲንላ ሃኒሲ፤ አቲን ጉዬ ጌቲ።

11 አብራሃሜይ ቃፃሬታና፤ ሲንላ ኢያ አማኖይ ኢያው ደሎቴላ ገደዲ ታይቤቲዳይሳ ኤሪሳናው፡ ኢያ ቃፃሬይ ማላታ ገደሰ። ሃሳ ገሾ፡ አብራሃሜይ ቃፃሬቶና አማኔይሳታሴ አማኖን ያሊይሳታ ኡባሰ አዎ ገደሰ።

12 ኢ ቃፃሬቲዳይሳታሰካ አዎ። አብራሃሜይ ኤንታው አዎ ገደዳይ ኤንቲ ቃፃሬቲዳ ገሾ ፃላላሰ ገደናሸን ኢ ቃፃሬታና፤ ሲንላ አማኒዳ አማኑዎ ኤንቲ ካሊዳ ገሾሳ።

13 አብራሃሜይ ኢያ ሸሻሰ፡ «አላሚያ ታ ሂንቲው አማኖ» ያገዳ ኡፋይሳይ፡ አብራሃሜይ አማኖን ያሊዳ ገሾሳፌ አቲን ሂጌ ናገዲ ፖሊዳ ገሾ ገደና። 14 ሂጌሰ ከቲቲዳይሳቲ ያሳይ አማኖ ገዳ ኡፋይሳ ላታኤይሳታ ገደኮ፡ አሳ አማኖይ ማዳና፤ ያሳ ኡፋይሳይካ ሃዳ ገደሰ። 15 ሂጌ ሚንሶይ ያሳ ሃንቆ ኤሄሰ፡ ሸን ሂጌይ ባይናሶን ሂጌ ሚንሶይ ባዎ።

16 ሃሳ ገሾ፡ ያሳይ አሚዳ ኡፋይሳይ አማኖን ኤኩቲሰ። ሃ ኡፋይሳይ አብራሃሜ ሸሻ ኡባሰ ያሳ አጼ ኬሃቴላ ባጋራ አሚቲዳይሳ ቆንጨሴሰ። ሃሲካ ሂጌ ናገይሳታ ፃላላሰ ገደናሸን አብራሃሜዳ አማኒዳ ኡባሳ። አብራሃሜይ ኩ ኡባሰ አዎ። 17 ጌሻ ማፃፋን፡ «ታ ኔና ዳር ካዎቴላታሰ አዎ ኦሳሰ» ጌቲቲዲ አብራሃሜ ገሾ ፃፊቲሰ። ሃ ኡፋይሳይ አብራሃሜሰ አሚቲዳይ ሃይቁዳይሳታሰ ዳዎ አሚይሲኔ ኦራሳባ ኦሊያ ያሳይ ኢያ ገደይሳ ኢ አማኒዳ ገሾሳ።

18 ያሳይ አብራሃሜሰ ዳር ዜሬላ አማኖይሳ ጫቂሰ። ኡፋይሰ ኦሳናው አይኮካ ዳንዳዔቶና ዎይ አብራሃሜይ ያሳን አማኒዳ ገሾኔ ኡፋይሲ ኦሊዳ ገሾ ዳር ካዎቴላታሰ አዎ ገደሰ። 19 አብራሃሜሰ ጻቱ ላይላ

3:10 ማዘ 14:1-3፤ 53:1-3 3:13 ማዘ 5:9፤ 140:3 3:14 ማዘ 10:7 3:15 ላሳ 59:7-8 3:18 ማዘ 36:1 3:20 ማዘ 143:2፤ ጋላ 2:16 3:30 ዛሬ 6:4፤ ጋላ 3:20 4:3 ሜዴ 15:6፤ ጋላ 3:6 4:7 ማዘ 32:1-2 4:11 ሜዴ 17:10 4:13 ሜዴ 17:4-6፤ 22:17-18፤ ጋላ 3:29 4:14 ጋላ 3:18 4:16 ጋላ 3:7 4:17 ሜዴ 17:5 4:18 ሜዴ 15:5 4:19 ሜዴ 17:17

ኩማና ሃኒኮካ፣ ባ ዳቡሪዳ አሳቴላኔ ሳራ ናዓ ዬላናው ዳንዳዎናይሳ ኤሪሼ ባ አማኑዋን ዳቡሪቤና።

20 ገደሺን፣ ኢ ባ አማኑዋን ሚኒዲ ያሳሰ ቦንቾ አሚሰፔ አቲን ያሳይ አሚዳ ኡፋይሳ አማኖና አሚዳ፣ ሲቋቤና። 21 አብራሃሜይ፣ ያሳይ ጫቁዳ ጫቁዋ ፖላናይሳ ባ ኩሜላ ዋዛናን አማኒሰ። 22 ሄሳ ገሾ፣ ያሳይ ኢያ አማኑዋ ያሎቴላን ታይቢሰ።

23 ሺን፣ «ኢያው ያሎቴላን ታይቢሰ» ገያ ቃላይ አብራሃሜ ያላላሰ ያፌቲቤና። 24 ሄ ቃላይ ኑ ጎዳ ዬሱሳ ሃይቆፔ ዳንሉዳ ያሳ አማኒያ ኑሰካ ኑ አማኖይ ያሎቴላን ታይቢታና ሜላ ያፌቲሰ። 25 ያሳይ ኢያ ኑ ናጋራ ገሾ ሃይቆሰ አሉዲ አሚሰ፤ ኢ ኑና ያላሳናው ሃይቆፔ ዳንዲሰ።

5

ያሳን ዳዒያ ሳርቴላ

1 ሂዛ፣ ኑ አማኖን ያላዲ ገሾ ኑ ጎዳ ዬሱሰ ከሪሰቶሳ ባጋራ ያሳራ ኑሰ ሳርቴላ ዳዒሰ። 2 ኑኒ ኢያ ባጋራ ሃዒ ኑ ኤቁዳ አቋ ኬሃቴላ ገደ አማኖን ገሊዳ። ሄሳ ገሾ፣ ኑ ያሳ ቦንቾዋ ሻኬታናው ዳዒያ ኡፋይሳን ጨቁቶሰ።

3 ሄሳ ያላላ ገደናሺን ሜቶይ ዳንዳዓ ኤሄይሳ ኑ ኤሪያ ገሾ ኑ ሜቱዋንካ ጨቁቶሰ። 4 ቃሲ ዳንዳዓይ ገንጫ፣ ገንጫይ ኡፋይሲ አሚይሳ ኑ ኤርሰ። 5 ኑሰ አሚዳ ገሻ አያና ባጋራ ያሳይ ባ ሰቁዋ ኑ ዋዛናን ጉሲዳ ገሾ ሄ ኡፋይሳይ ኑና ዬላዬና።

6 ኑኒ ቡር ዳቡሪንቻታ ገዲዲ ዳዒሺን፣ ያሳ ዋዳይ ጋኪን፣ ከሪሰቶሲ ናጋራንቻታ ገሾ ሃይቁሰ። 7 ያሎ አሳ ገሾ ሃይቃና አሲ ዳማናይሲ ዳር ሜቶ፣ ሺን ኬሃ አሳ ገሾ ሃይቃና አሲ ኦኒ ኤሪ ቤንቶና አጌና። 8 ሺን ኑኒ ቡር ናጋራንቻ ገዲዲ ዳዒሺን፣ ከሪሰቶሲ ኑ ገሾ ሃይቁሰ። ሄሲ ያሳይ ኑና አይ ሜላ ሲቁያኮ ኢያ ሲቁዋ ቤሴሰ። 9 ሂዛ፣ ኑኒ ከሪሰቶሳ ሱላን ያላዲሳ ገዲኮ፣ ኡባፌ አሉዲ ኢያ ባጋራ ያሳ ሃንቁዋፌ አታና። 10 ኑኒ ያሳራ ካሴ ሞርኬ፣ ሺን ኢያ ናዓ ሃይቁዋን ኢያራ ሲጌቲዳ። ሄሳፌ አሉዲ፣ ሃዒ ኑኒ ያሳራ ሲጌቲዳፔ ጉዬ ኢያ ናዓ ዳዑዋ ጋሶን ኑኒ አታና። 11 ሄሳ ያላላ ገደናሺን ሃዒ ኑና ያሳራ ሲጌሉዳ ኑ ጎዳ ዬሱሰ ከሪሰቶሳ ባጋራ ኑ ያሳን ጨቁቶሰ።

አዳሜኔ ከሪሰቶሳ

12 አዳሜ ባጋራ ናጋሪ ሃ አላሚያ ገሊሰ። ሄ ናጋራ ባጋራ ሃይቆይ ዩሰ። አሲ ኡባይ ናጋራ ኡሉዳ ገሾ ሃይቆይ አሳ ዛሬ ኡባ ጋኪሰ። 13 ሂጌይ አሚታናፔ ሲንሐ አላሚን ናጋሪ ዳዒሰ፣ ሺን ሂጌይ ባይና ዋዳ ናጋሪ ናጋራ ገዲዲ ታይቤቴና። 14 ሺን አዳሜፔ ሙሴ ጋካናው ሃይቆይ አሳ ኡባ ሃሪሰ። ሃሪ አቶሺን፣ አዳሜዳ ሂጌሰ ከቴቶና አሚዳ፣ ናጋራ ኡሉቦናይሳታ ቦላካ ሃይቆይ ካዋቲሰ።

አዳሜይ ያና ዬሱሳሰ ለሚሶ። 15 ሺን ያሳ አቋ ኬሃቴላይ አዳሜ ናጋራ ሜላ ገደና። ኢሲ አሳ ናጋራ ባጋራ ዳር አሳይ ሃይቁሰ። ሺን ዬሱሰ ከሪሰቶሳ ባጋራ ያሳ አቋ ኬሃቴላይ አሳ ኡባሰ ዳሪዲ አሚቲሰ። 16 አዳሜ ናጋራ ገደኒኔ ያሳ አሞታ ገደን ዳር ዳማቴላ ዳዒሰ። ኢሲ አሳ ናጋራ ጋሶን ያሳይ ኢያ ቦላ ፐርዲሰ። ሺን አሳይ ዳር ናጋራ ኡሉንካ ያሳ አቋ ኬሃቴላይ ያሎቴላ ኤሂሰ። 17 ኢሲ አሳ ናጋራ ጋሶን ሃይቆይ አሳ ኡባ ቦላ

ካዋቲሰ። ሺን ዬሱሰ ከሪሰቶሳ ባጋራ ያሳ አቋ ኬሃቴላይ ያሎቴላ አሞታ ኤኪያ ኡባይ፣ ያር ዳዒን ዳዒሶና።

18 ሂዛ፣ ኢሲ አሲ ናጋራ ኡሉዳ ጋሶን አሳ ኡባ ቦላ ፐርዲ ዩዳይሳዳ ኢሲ አሲ ያሎ ኡሉዳ ጋሶን፣ ያሳይ አሴ ኡባ ያላሲዲ ኤንታው ዳዒ አሚሰ። 19 ኢሲ አሲ ከቴቶና አሚዳ ጋሶን፣ ዳር አሳይ ናጋራንቻ ገዲዳይሳዳ ኢሲ አሳ ከቴቶላን ዳር አሳይ ያላና።

20 አሳይ ናጋራ ዋልቃ ኤራና ሜላ ሂጌይ ዩሰ፣ ሺን ናጋራ ዋልቃይ ዳሪዳ ዋዳ ያሳ አቋ ኬሃቴላይ አቋዲ ዳሪሰ። 21 ናጋሪ ሃይቆ ዋልቃን ካዋቲዳይሳ ሜላ ያሳ አቋ ኬሃቴላይ ያሎቴላ ዋልቃን ካዋቲዳ፣ ኑ ጎዳ ዬሱሰ ከሪሰቶሳ ባጋራ ኑና ሜሪና ዳዑዋኮ ካሌሴሰ።

6

ናጋራሰ ሃይቁዲ ከሪሰቶሳን ዳዒ

1 ያቲን፣ ኑኒ ዋይጋኔ? ያሳ አቋ ኬሃቴላይ ዳራና ሜላ ናጋራን ሚኒዲ ዳዒኖ? 2 አካይ፣ ኑኒ ናጋራሰ ሃይቁዳባ ገዲኮ፣ ያቲን፣ ኑኒ ሂዛፔ ዋኒዲ ናጋራን ዳኔ?

3 ኑ ኡባይ ከሪሰቶሰ ዬሱሳሪ ኢሲፋናው ፃማቁቲዳ ዋዳ ኢያ ሃይቁዋን ኢያራ ኢሲፋናው ፃማቁቲይሳ ኤሪኬቲዬ? 4 ኑ ፃማቁቲዳ ዋዳ ከሪሰቶሳራ ሃይቁዳኔ ሞጌቲዳ። ከሪሰቶሲ ያሳ አዋ ቦንቾ ዋልቃን ሃይቆፔ ዳንዲዳይሳ ሜላ ኑካ ኡራላ ዳዒን ዳና።

5 ኑ ኢያ ሃይቁዋን ኢያራ ኢሲኖ ገዲኮ፣ ሄሳዳካ፣ ኢያ ዳንዲዋን ኢያራ ኢሲኖ ገደና። 6 ኑ ሂዛፔ ናጋራሰ አይሌ ገደና ሜላኔ ኑ ናጋራንቻ አሳቴላ ዋልቃይ ቋያና ሜላ ኑ ጨማ አሳቴላይ ከሪሰቶሳራ ካቁቲዳይሳ ኤርሰ።

7 ኢሲ አሲ ከሪሰቶሳን ሃይቁዳባ ገዲኮ፣ ኢ ናጋራ ዋልቃፌ ሳዓ ኬዩሰ። 8 ኑኒ ከሪሰቶሳራ ሃይቁኮ፣ ኢያራ ዳዒን ዳናይሳ አማኖሰ። 9 ከሪሰቶሲ ሃይቆፔ ዳንዲዳ ገሾ ዛሪ ኢ ሃይቆናይሳኔ ሃይቆይ ሲንላፌ ኢያ ሃርናይሳ ኑ ኤርሰ። 10 ኢ ሃይቁዳ ዋዳ ናጋራሰ ኢሲ ቶሆ ወርሴላ ጋካናው ሃይቁሰ፣ ሺን ሃዒ ዳዒን ያሳሰ ዳዒሰ። 11 ሄሳዳካ፣ ሂንቴ ናጋራሰ ሃይቁዲ፣ ጎዳ ከሪሰቶሰ ዬሱሳ ባጋራ ያሳሰ ዳዒን ዳዒይሳ ቆፒቴ።

12 ሄሳ ገሾ፣ ሂንቴ፣ ሂንቴ አሳቴላ አሙዋሰ ከቴቶና ሜላ ሃይቁያ ሂንቴ አሳቴላ ናጋሪ ሃርፖ። 13 ቃሲ ሂንቴ አሳቴላ ናጋራ ኡላቴላ ሚሼ ኡሉዲ አሞፊቴ። ሺን ሂንቴ ሃይቆፔ ዳንዲዳ፣ ዳዒን ዳዒያ አሳዳ ሂንቴ አሳቴላ ያሳሰ አሚቴ። ቃሲ ሂንቴ ኩሜላ አሳቴላ ያሎ ኡሶ ኡላናው ያሳሰ አሉ አሚቴ። 14 ሂንቴ ያሳ አቋ ኬሃቴላ ጋርሳን ዳዒታፔ አቲን ሂጌፌ ጋርሳን ዳዒና ገሾ ናጋሪ ሂንቴና ሃራናው ቤሴና።

ያሎቴላ አይሌ

15 ያቲን፣ ኑ ዋይጋኔ? ሂጌፌ ጋርሳን ገደናሺን ያሳ አቋ ኬሃቴላ ጋርሳን ዳዒያ ገሾ ናጋራ ኡላኔዬ? አካይ! 16 ሂንቴ ኢሲ አሳሰ ከቴታናው ሂንቴና አይሌ ኡሉዲ አሚያ ዋዳ ሄ ሂንቴ ከቴቲይሳሰ አይሌ ገዲይሳ ኤሪታ። ሄሳዳካ፣ ሂንቴ ናጋራሰ ከቴቲኮ፣ ሂንቴው ሃይቆ ኤሂያ ናጋራሰ አይሌ ገደታ። ዋይኮ ሂንቴ ያሳሰ ከቴቲኮ ያሎቴላ ኤሂያ ያሳሰ አይሌ ገደታ። 17 ካሴ ሂንቴ ናጋራሰ አይሌ፣ ሺን ሃዒ ሂንቴ ኤኪዳ ቲማ ቲሚርቲያሰ ኩሜላ ዋዛናፔ ከቴቲዳ ገሾ ያሳሰ ጋላቲ ገደ። 18 ሂንቴ ናጋራ አይሌቴላ ቃሾፔ ቢሊቲዲ ያሎቴላ አይሌ ገዲዳታ።

19 ሃንቴ ሃንቴ ቆፋን ዳቡራንቸ ገዲያ ገሾ ታኒ ኦዳሰካ ገሊያ ኦገን ኦዳይሰ። ካሴ ሃንቴ፣ ሃንቴ አሳቴፋ ቱናኔ ኢታባ አፋናው አይሌ ኦሊዲ አሚዳይሳ ማላ ሃዒ ሃንቴ አሳቴፋ ገሺ ገዲና ማላ ሂሎቴፋ አይሌ ኦሊዲ አሚቴ።

20 ሃንቴ ናጋራሰ አይሌቴዲ ዳዒያ ዎዳ ሂሎቴፋሰ ሃሬቴኬታ። 21 ሃንቴና ሃዒ ዩላያ ቤኒ ሃንቴ ኢታ ኦሎቸ አይ ማዳ ዳሚዳቴ? ሄ ኦሎታ ወርሴላይ ሃይቆ። 22 ሺን ሃንቴ ናጋራ አይሌቴፋ ቃሾፕ ቢሌቴዲ፣ ያሳሰ አይሌ ገዲዳቴ። ሄሲ ሃንቴና ገሺ ኦሊዲ ሜሪና ዳዑቀኮ ካሌሌሰ። 23 ናጋራ ጋቴይ ሃይቆ። ሺን ያሳይ፣ ኦ ጎዳ ከሪሰቶሰ ዩሱሳ ሳጋራ አሚያ አዎታይ ሜሪና ዳዎ።

7

ኦሎ ገሌ ለሚሶ

1 ታ አሻቶ፣ ታኒ ኦዳይ ሃኔ ኤሪያ አሳታሳ። ሃኔይ ኢሲ አሲ ፓፃ ዳዒያ ዎዳ ኡባን ኢያ ሃሬሰ። 2 ለሚሶሰ፣ አዚና ገሊዳ ማጫሲያ ኢ አዚናይ ፓፃ ዳዒያ ዎዳ ሃኔን ኢያራ ቃሾታሰ። ሺን ኢ አዚናይ ሃይቁኮ ኢያራ ኢያ ጫቁዳ ጫቆይ አዮ ሃሬና። 3 ሃሳ ገሾ፣ ኢያ ባ አዚናይ ፓፃ ዳዒያሺን፣ ሃራ አዳ ገሊኮ፣ ኢያ ላሚዳሮ ጌቴታዉሰ። ሺን ኢ አዚናይ ሃይቁኮ፣ ጫቆይ አዮ ሃሮና ገሾ ኢያ ሃራ አዚና ገሊኮ፣ ኢያ ላሚዳሮ ጌቴቱኮ።

4 ሃሳ ገሾ፣ ታ አሻቶ፣ ሃንቴ ከሪሰቶሳ አሳቴፋ ሳጋራ ሃኔ ዎልቃሰ ሃይቁዳ፣ ያሳሰ አይፌ አይፋናው ሃይቆፕ ዳንዲዳ ከሪሰቶሳሰ ገዲዳቴ። 5 ኦ አሾ አዎይ ኦና ሃሪን፣ ኦ ዳዒያ ዎዳ ሃኔይ ጉጂ ናጋራ ኦፋና ማላ ኦና ዳንጫሰ። ኦ አሳቴፋ ገዲን ኢታ አዎቴሌ ዳዒያ ገሾ ኦኒ ሃይቆ አይፌ አይፋና ማላ ኦሊሰ። 6 ሺን ሃዒ ኦኒ ኦና ቃቸዳ ሃኒያሰ ሃይቁዳ ገሾ ኦኒ ሃኔ ቃሾፕ ቢሌቴዳ። ሃሳ ገሾ፣ ገሻ አያና ኦገን ያሳሰ ከቴቶሲፕ አቴን ፃፊቴዳ ጩማ ሃኒያሰ ከቴቶኮ።

ሃኔኔ ናጋራ

7 ያቴን፣ ኦኒ ዎይጋኔ? ሃኔይ ባ ሁዒን ናጋሬ? ገዳና! ሺን ሃኔይ ናጋራ አይቤኮ ታና ኤሪሰሰ። ሃኔይ፣ «አዎቶፋ» ጎናኮ፣ አዎቴሌ አይቤኮ ታኒ ኤሪኬ። 8 ሺን ታ ኡባባ አዎታና ማላ ናጋራ ሃኔ ሳጋራ ታናን ኦኔ ዳሚሰ። ሃኔይ ባይኮ ናጋራ ሃይቁዳይሳ።

9 ካሴ ሃኔይ ባይና ዎዳ ታ ፓፃ፣ ሺን ሃኔይ አሜቴዳ ዎዳ ናጋራ ፓፃን ታ ቃሲ ሃይቃሰ። 10 ታኒ ዳዎን ዳና ማላ ያሳይ አሚዳ ሃኔይ ታው ሃይቆ ኤሂሰ። 11 ናጋራ ሃኔ ሳጋራ ታና ጩማ ኦኔ ዳሚዲ፣ ዎዳሰ።

12 ሃሳ ገሾ፣ ሃኔይ ገሺ፣ ኢያን ፃፊቴዳ ከታይካ ገሺ፣ ሂሎኔ ሎዎ።

13 ያቴን፣ ሎዎ ገዲዳባይ ታ ቦላ ሃይቆ ኤሂዳዬ? ገዳና! ሺን ናጋራ ናጋራ ገዳይሲ ቆንጫና ማላ ሎዎባን ማዳቴዲ ታው ሃይቆ ኤሂሰ። ሃሳ ገሾ፣ ናጋራ ናጋራቴላይ ሃኔ ሳጋራ አዲዲ ኤሪቴሰ።

14 ኦኒ ሃኔይ አያናባ ገዳይሳ ኤሮሰ። ሺን ታኒ ናጋራሰ ባይዜቴዳ አሾ አሲ። 15 ታኒ ኦሊያባ አኬኪኬ፣ ታኒ ደሲያባ አፋናይሳ አጋዳ ታ ኢዲያባ አላይሰ። 16 ታኒ ኢዲያባ ኦሊያባ ገዲኮ፣ ሃኔይ ሎዎ ገዳይሳ ማዕደሰ።

17 ሃሳ ገዲኮ፣ ሄ ኦሎታ ታናን ዳዒያ ናጋራይ ኦላይሲፕ አቴን ታ ኦሊኬ።

18 ታናን፣ ሄሲካ ታ አሾቀን ሎዎባይ ባይናይሳ ኤሪይሰ። ሎዎባ ኦሊያ አዎቴሌ ታናን ዳዒሰ። ሺን ሎዎባ አፋናው ዳንዳዒኬ። 19 ታኒ ኢዲያ ኢታባ ኦላይሲፕ አቴን ታ ደሲያ ሎዎባ ኦሊኬ። 20 ታኒ ኢዲያባ ኦሊያባ ገዲኮ፣ ሃሳ ታናን ዳዒያ ናጋራይ ኦላይሲፕ አቴን ኦሊይ ታና ገዲኬ።

21 ሃዛ፣ ታ ሎዎባ አፋናው ደሲሺን፣ ኢታባ ኦሶይ ዎጋ ገዳይሳ ዳሚሰ። 22 ታኒ ታ ዎዛናን ያሳ ሃኒያን ኡፋይታይሰ። 23 ሺን ታ አሳቴፋ ገዲን ዳዒያ ታ ቆፋ ሃኒያራ ኦሊቴያ ዳማ ሃኔ ቤዓይሰ። ሄ ሃኔይ ታ አሳቴፋ ገዲን ኦሊያ ናጋራ ሃኒያሰ ታና አይሌ ኦሊዲ አሚሰ። 24 ታኒ ዎኒዳ ዪባታ አሴ? ሃይቆሰ ኤፊያ ሃ አሳቴፋፊ ታና አሻናይ ኦኔ? 25 ኦ ጎዳ ዩሱሰ ከሪሰቶሳ ሳጋራ ታና አሺያ ያሳሰ ጋላቴ ገዲ።

ሃዛ፣ ታኒ ታ ቆፋን ያሳ ሃኒያሰ ሃሬታይሰ፤ ሺን ታ አሳቴፋን ታና ናጋራ ኦሲሲያ ሃኒያሰ ሃሬታይሰ።

8

ገሻ አያናን ዳዎ

1 ሃሳ ገሾ፣ ከሪሰቶሰ ዩሱሳን ዳዒይሳቴ ሃዒ ፐርዳቶኮና። 2 ከሪሰቶሰ ዩሱሳ ሳጋራ ኦሰ ዳዎ አሚያ ገሻ አያና ሃኔይ፣ ታና ናጋራኔ ሃይቆ ሃኔ አይሌቴፋፊ ኬሲሰ። 3 ኦ ናጋራ አሳቴፋ ጋሶን፣ ሃኔይ ዳቡራንቸ ገዲያ ገሾ ኦና አሻናው ዳንዳዒቤና። ያሳይ ባ ናዓ ናጋራንቸ አሳ ለሚሶን ናጋራሰ ያሮሾ ገዲና ማላ ከቴዲ ሃሳ ኦሊሰ። ያቴዲ፣ ያሳይ ከሪሰቶሳ አሾቀ ሳጋራ ናጋራ፣ ናጋራንቸ አሳ ገዲን ፐርዲሰ። 4 ያሳይ ሃሳ ኦሊዳይ፣ ኦ አሾ አዎይ ኮዬይሳዳ ገዲናሺን ገሻ አያናይ ኮዬይሳዳ ዳዒያ ኦ ቦላ ሃኒያ ሂሎ ከታይ ፖሌታና ማላሳ።

5 ባንታ አሾ አሙቀ ካሊዲ ዳዒይሳቴ ባንታና ኡፋይሲያባ ቆፖሶና። ሺን ገሻ አያና ሺኔን ዳዒይሳቴ ገሻ አያና ኡፋይሲያባ ቆፖሶና። 6 ኦ ቆፋይ አሾ አዎሰ ሃሬቴኮ ሃይቆ ኤሂሰ። ሺን አያና አዎሰ ሃሬቴኮ ዳዎኔ ሳሮቴሌ ኤሂሰ። 7 አሾ አዎሰ ሃሬቴያ አሲ ያሳ ሃኒያሰ ከቴታናው ኮዮና ገሾኔ ከቴታናው ዳንዳዎና ገሾ ያሳራ ሞርኬ። 8 ባንታ አሾ አሙቀሰ ሃሬቴይሳቴ ያሳ ኡፋይሳናው ዳንዳዎኮና።

9 ሺን ያሳ አያናይ ሃንቴናን ዳዒኮኔ ሃንቴና ሃሪኮ፣ ሃንቴ አያና ሺኔን ዳዒይታፕ አቴን ሃንቴ አሾ አሙቀሰ ሃሬቴኬታ። ከሪሰቶሳ አያናይ ባይና ኦኒካ ከሪሰቶሳባ ገዲና። 10 ሺን ከሪሰቶሲ ሃንቴናን ዳዒኮ፣ ሃንቴ አሳቴፋይ ናጋራ ጋሶን ሃይቁዳይሳ። ሺን ሃንቴ አያናይ ሂሎቴፋ ጋሶን ዳዎን ዳዒሰ። 11 ሺን ዩሱሳ ሃይቆፕ ዳንጫዳ ያሳ አያናይ ሃንቴናን ዳዒኮ፣ ከሪሰቶሳ ሃይቆፕ ዳንጫዳ ያሳይ፣ ሃንቴናን ዳዒያ ባ ገሻ አያናን ሃይቁያ ሃንቴ አሳቴፋሰ ዳዎ አሚና።

12 ሃዛ፣ ታ አሻቶ፣ ኦኒ ኦ አሾ አሙቀ ካሊዲ ዳናው ቤሴና። 13 ሃንቴ፣ ሃንቴ አሾ አሙቀሰ ዳዒኮ ሃይቃና፣ ሺን ገሻ አያና ዎልቃን ናጋራ ኦሎታ ዎዳኮ ሃንቴ ዳዎን ዳና። 14 ያሳ አያናይ ካሌሊያ ኡባይ ያሳ ናይታ። 15 ኦኒ፣ «አባ፣ ታ አዎው» ያገዲ ያገዲ፣ ያሳ ናይታ ኦሊያ ገሻ አያና ኤኪዳፕ አቴን ዛሪዲ ያሻን ዳናው አይሌ ኦሊያ

አያና ኤኪቦኮ። 16 ያሳ አያናይ ኑ አያናራ ገዲዲ ኑኒ ያሳ ናይታ ገዳይሳ ማርካቴስ። 17 ኑኒ ኢያ ናይታ ገዲኮ ያሳ ኣንጅዋ ላታና፤ ኪሪሰቶሳራ ዋላ ሄ ኣንጅዋ ላታና። ቃሲ ኑኒ ኪሪሰቶሳራ ሜቱዋ ኤኪኮ ኢያራ ዋላ ኢያ ቦንቹዋን ሻኬታና።

ያናይሳ ገዲን ዋልቃማታ ገዲን፤ 39 ሳሎ ዋልቃ ገዲን ሳሳ ዋልቃ ገዲን ኣይ ሜዴቴሌ ገዲን ኑ ጎዳ፤ ኪሪሰቶስ ዩሱሳን ዳዒያ ያሳ ሲቁዋፔ ኑና ሻካናው ዳንዳያናይሳ ታኒ ኤራስ።

ያና ቦንቹዋ

18 ኑኒ ሃዒ ዋዬቲያ ዋያ፤ ሲንላፌ ኑስ ቆንጫና ቦንቹዋራ ጋሌ ቤዒኮ፤ ገኒሳናው ዳንዳዔቴና ጋዳ ቆፓይስ። 19 ሜዴቴላ ኡባይ ያሳ ናይታ ቆንጩላ ዳሮ ለሞቲዲ ናጎሶና። 20 ሜዴቴላ ኡባይ ሃዳ ገዲሰ፤ ሄሲካ፤ ሜዴቴላ ዳሮን ገደናሽን ኡፋይሳን ናጋና ሚላ ኦሌዳ ያሳ ሼኔን ሃኒስ። 21 ሜዴቴላይ ባ ሁዔን ቆዮ ኣይሌቴላፌ ዋዜቲዲ፤ ያሳ ናይታራ ዋላ ቦንቹ ላዓ ሻኬታና። 22 ሜዴቴላይ ኢሲፌ ሃና ጋካናው ሚያይ ኦይኪዳ ማጫሳዳ ኦሌኒኔ ኡንዓን ዳዔይሳ ኑ ኤሮስ። 23 ቃሲ ሄሳ ሜዴቴላ ዓላላ ገደናሽን ገሻ አያና ባይራ አሞታዳ ኤኪዳ ኑኒ፤ ኑ ሁዔን ኑ ኣሳቴላስ ዋዘ ገዲዳ ያሳ ናይታ ገዳና ኡፋይሳ ናገሼ ኑ ኣሳቴላን ኦሎስ። 24 ሃ ኡፋይሳን ኑኒ ኣቲዳ። ሺን ኑኒ ኡፋይሲ ኦሌያባይ ቤንቲያ ገዲኮ ሄሳ ኑኒ ኡፋይሲ ኦሌ? 25 ሺን ኑ ቤያናባ ዳማና ገዲ ኡፋይሳን ናገኮ ሄሳ ዳንዳዓን ናጎሶ።

26 ሄሳዳ ገሻ አያናይ ኑ ዳቡራን ማዳስ። ኑኒ ያሳ ዋቲ ዋሳናው ቤሲያኮ ኤሮኮ፤ ሺን ገሻ አያናይ ባ ሁዔን፤ ኣሲ ዳዳናው ዳንዳዔቶና ቃላን ኑስ ጋናቴስ። 27 ቃሲ ኣሳ ዋዛና ኤሪያ ያሳይ ገሻ አያና ቆፋይ ኣይቤኮ ኤሪስ። ገሻ አያናይ ያሳ ሼኒያዳ ገሻታስ ጋናቴስ።

28 ያሳ ሲቁይሳታሲኔ ኢያ ሼኒያዳ ያጌቲዳይሳታስ ያሳይ ኡባ ሎዎስ ኦሌይሳ ኤሮስ። 29 ያሳይ ኮይሮቲዲ ኤሪዳይሳቲ ባ ናዓ ዳናና ሚላኔ ናዓይካ ኣማኔይሳታ ገደን ባይራ ገደና ሚላ ኤንታ ዳማዩዲ ዋሊስ። 30 ያሳይ ኮይሮቲዲ ዳማዩዳይሳታ ያገሰ፤ ሄ ያገዳይሳታ ያሊሲስ፤ ሄ ያሊሲዳይሳታ ቃሲ ቦንቹስ።

ያሳ ሲቁዋ

31 ያቲን፤ ኑ ሃ ኡባስ ዋይጋኔ? ያሳይ ኑ ባጋ ገዲኮ ኑራ ኦኔ ኤቁታናይ? 32 ኢ ሃሪ ኣቶሺን፤ ባ ናዓስ ቃዴቶናሽን፤ ኑ ገሻ ኣሌ አሚስ። ያቲን፤ ባ ናዓ ኑስ ኣሌ አሚዳይሲ ዋኒዲ ኡባባ ጮ አሚኔ?

33 ያሳይ ኤንታና ያሊሲዳ ገሻ ኢ ደሪዳይሳታ ኦኔ ዋታናይ? 34 ያቲን፤ ኤንታ ቦላ ፒርዳናው ዳንዳዔይ ኦኔ? ኦኒካ ባዋ። ሃይቆፔ ዳንዲዲ ያሳ ኡሻቻን ኡቲዳ፤ ኪሪሰቶስ ዩሱሳ፤ ኢ ኑስ ጋናቴስ።

35 ሄዛ፤ ኑና ኪሪሰቶሳ ሲቁዋፔ ሻካናይ ኦኔ? ዋዩዬ ዋይኮ ሜቶዬ ዋይኮ ጎዳዬ ዋይኮ ኮሼዬ ዋይኮ ካሎቴሌዬ ዋይኮ ያሼዬ ዋይኮ ኦሌዬ? 36 ገሻ ማፃፋን፤

«ኑኒ ኔ ገሻ ጋላሳ ኩሜላ ሃይቆስ፤ ሹካስ ኤፊያ ደርሳዳ ታይቤቲዳ» ጌቲቲዲ ያፌቲዳይሳ ሚላ ገዲሰ።

37 ሺን ኑኒ፤ ኑና ሲቁዳ ኪሪሰቶሳን ሃ ኡባ ፖሎ ያኖስ።

38 ሄሳ ገሻ፤ ሃይቆ ገዲን ዳዎ ገዲን ኪታንቾታ ገዲን ሃሪይሳታ ገዲን ሃዒ ዳዔይሳ ገዲን ሲንላፌ

9

ኢስራዔሌታ ደራቴላ

1 ታኒ ኪሪሰቶሳን ቱማ ኦዳይስ፤ ዋርደቲኬ። ገሻ አያናይ ካሌሌያ ታ ካሃይ ታኒ ዋርደቶናይሳ ታው ማርካቴስ። 2 ታ ዋዛናን ኢስራዔሌታስ ዳሮ ቃዴታይሲኔ ቃማ ጋላስ ቆፓይስ። 3 ታኒ፤ ታ ኢሻታ ገሻ ኪሪሰቶሳፔ ሻኬታዳ ያሳ ቃንጌላፌ ጋርሳን ዳዒዳኮ ደሳይሲሺን። 4 ኤንቲ ኢስራዔሌታ፤ ያሳይ ኤንታ ባ ናይታ ኦሌስ፤ ባ ቦንቹዋ ኤንታው ቆንጩሲስ። ኤንታራ ጫቁስ፤ ሃገያ ኤንታው አሚስ። ኤንቲ ያሳ ጎይናና ቱማ ኦገያ ቤሲስ፤ ያሳይ ኡፋይሳ ቃላ ኤንታው አሚስ። 5 ኤንቲ ዩሌቴላን ማይዛታ ዛሬ፤ ቃሲ ኪሪሰቶስ ኢሾን ኤንታ ዛሬ ገዲዲ ዩስ። ኡባፌ ቦላ ገዲዳ ያሳይ ሜሪናው ጋላቴቶ። አሚንዒ!

6 ገደሺን፤ ያሳይ ጌሊዳ ቃላይ ፖሌቶና ኣቲስ ጉሱ ገደና። ኢስራዔሌ ኣሳ ኡባይ ያሳ ኣሲ ገደኮና። 7 ቃሲ ኣብራሃሜ ዛሬ ኡባይ ኣብራሃሜ ናይታ ገደኮና። ያሳይ ኣብራሃሜስ፤ «ኔ ዜሬላይ ዩሳቃ ባጋራ ያጌታና» ያገሰ።

8 ሄሳ ጉሳይ ኣሾን ዩሌቴዳ ናይቲ ኡባይ ያሳ ናይታ ገደኮና። ሺን ቱማ ኢስራዔሌ ናይቲ ያሳይ ኣብራሃሜስ ጌሊዳ ቃላዳ ዩሌቴዳ ናይታ። 9 ያሳይ አሚና ገዲ ጌሊዳ ቃላይ፤ «ታኒ ዋንቶ ላይሌ ሃኖዴ ያና፤ ሳራካ ኣዴ ናዓ ዩሳና» ያጌይሳ።

10 ሄሳ ዓላላ ገደናሽን ኢርቢቄኔ ዩሳቁ ዩሊዳ ሜንቲ ኣዴ ናይታባ ኣኩኪቴ። 11 ኤንቲ ዩሌቴናፔ ዋይኮ ኢታ ዋይኮ ሎዎ ኦላናፔ ሲንሌ ያሳ ደርይ ኦሶን ገደናሽን ያሳን ገዳይሳ ቆንጩሳናው። 12 «ባይራይ ካሎዋስ ኪቲታና» ያገዲ ጎዳይ ኢርቢቃስ ኦዲስ።

13 ሄሲካ ገሻ ማፃፋን፤ «ያይቆባ ደሳስ፤ ኤሳዌ ኢፃስ» ጌቲቲዲ ያፌቲስ።

14 ያቲን፤ ኑኒ ዋይጋኔ? ያሳይ ኣሴ ኣሳፔ ሻኪዬ? ገደና። 15 ጎዳይ ሙሴኮ፤

«ታ ማራናው ኮዩዳይሳታ ማራና፤ ታ ቃዴታናው ኮዩዳይሳታስ ቃዴታና» ያገሰ።

16 ሄዛ፤ ያሳ ደርይ ኣሳ ሼኔን ዋይኮ ኦሶን ገደናሽን ኢያ ማርቴላና።

17 ገሻ ማፃፋን፤ ገብፃ ካወዋኮ፤ «ታኒ፤ ታ ዋልቃ ኔናን ቤሳናዔኔ ታ ሱንሳይ ኣላሚ ኡባን ኤሬታና ሚላ ሄሳስ ኔና ካዋላስ» ጌቲቲዲ ያፌቲስ። 18 ሄዛ፤ ያሳይ ማራናው ኮዩይሳ ማሪስ፤ ዋዛና ሙሚሳናው ኮዩይሳ ዋዛና ሙሚሴስ።

ያሳ ሃንቁዋኔ ማርቴላ

19 ሃንቴፌ ኢሶይ፤ «ያቲን፤ ያሳይ ኣሴ ኢታ ኦሶ ገሻ ኣይስ ቦሪ? ያሳ ሼኒያ ኢፃስ ጋናይ ኦኔ?» ያገዲ ኣይቻናው ዳንዳዔስ።

20 ሺን ታ ኢሻው፤ ያሳራ ፓላማናው ኔኒ ኦኔ? ኡርቃፌ ሜዴቲዳ ሚሼይ ባና ሜዲዳይሳ፤ «ታና ሃይሳዳ ኦላዳ ኣይስ ሜዳዲ?» ገዲ ኣይቻናው ዳንዳዒ? 21 ዋይኮ

8:20 ሜዲ 3:17-19 8:23 2ቆር 5:2-4 8:36 ማዝ 44:2 9:4 ኪሳ 4:22 9:7 ሜዲ 21:12 9:9 ሜዲ 18:10
9:12 ሜዲ 25:23 9:13 ሚላ 1:2 9:15 ኪሳ 33:19 9:17 ኪሳ 9:16 9:20 ኢሳ 29:16፤ 45:9

ኡርቃ ሜዴይሲ ኢሲ ኡርቃፌ ኢሱዋ ቦንቾ ሚሹ። ሃንኩዋ ቃሲ ቶሼ ሚሹ ኦሊዲ ሜዳናው ማቲ ባዌ?

22 ያሳይ ባ ሃንቁዋ ቤሳናውን ባ ዋልቃ ኤሪሳናው ኮዩዲ። ፐርዳሰ ገገዳ ሃንቆ ናይታ ደሮ ገንጫን ዳንዳሲዳኮ ኔ ኣይ ኤራይ? 23 ሃሳ ኢ ኦሊዲይ ኮይሮቲዲ ቦንቾሰ ገገሲዳ። ባ ደሪዳ ናይታሰ ባ ቦንቾዋ ቆንጫሳናሳ። 24 ኣይሁዳ ገዲን። ዋይኮ ኣይሁዳ ገደና ኣሳ ኡባይ ያሳን ደሬቲዳ።

25 ናቢያ ሆሴዔ ማፃፋን። «ታ ኣሴ ገደናይሳታ። ታ ኣሴ) ጋዳ ዪጋና። ታ ሲቃቦና ዳሪያ። (ሲቁቲዳይሳታ) ጋዳ ዪጋና።

26 ኤንቲ። ታ ኣሴ ገደኬታ) ጌቲቲ ዪጌቲዳ ቤሳን። «ዴያ ያሳ ናይታ) ጌቲቲዲ ዪጌታና» ያጌሰ።

27 ናቢያ ኣሳያሲ ኢሰራዔል ኣሳባ። «ኢሰራዔል ኣሳይ ኣባ ጋፃን ዳሲያ ሻፊያዳ ዳሪኮካ። ኤንታፌ ጉላ ኣሳ ያላሊ ኣታና።

28 ጎዳይ ኣላሚያ ኡባ ቦላ ኤሌሲዲ ፖሎ ፐርዳ ፐርዳና።» 29 ቃሲካ ኣሳያሲ።

«ኡባፌ ዋልቃማ ጎዳይ ኮሰ ጉላ ዜሬሌ ኣሾናባ ገዲያኮ።

ኩኒ ሰደሜኔ ጋዋራ ካታማዳ ዳያናሺን» ያገዲ ኮይሮቲዲ ኦዲሰ።

30 ያቲን። ኑ ዋይጋኔ? ዪሎቴላ ኮዩቦና ኣይሁዳ ገደና ኣሳይ ኣማኖን ዪሎቴሌ ዳሚደሶና። 31 ሺን ዪሎቴላኮ ጋሊያ ሂጌይ ዳሲያ ኢሰራዔል ኣሳይ ዪሎቴሌ ዳሚቦኮና። 32 ኣይሰ ዳሚቦኮና? ኤንቲ ዪሎቴላ ኣማኖን ገደናሺን ኦሶን ኤካናው ኮዩዳ ገሾሳ። ያገያ ገሾ። ኤንቲ። «ዱቢያ ሹቻን» ዱቤቲደሶና። 33 ጌሻ ማፃፋን።

«ታኒ ዪዮኔን ዱቢ ኮንዲሲያ ሹቻ ዋላና። ኢያን ኣማኒያ ኦኒካ ዬላቴና»

ጌቲቲዲ ያፌቲሰ።

10

1 ታ ኢሻቶ። ታ ኩሜላ ዋዛናን ታ ኣዋቴይኔ ያሳ ዋሴይ ኢሰራዔልይ ኣታና ሜላሳ። 2 ኤንቲ ያሳሰ ሚሹቶሶናሺን። ቲማ ኤራቴላን ሚሹቶናይሳ ታ ማርካታይሰ። 3 ኤንቲ ያሳ ዪሎቴላ ኦጊያ ኤሮና ኢዲዲ። ባንታ ሁዔ ዪሎቴላ ካሊደሶናፕ ኣቲን ያሳ ዪሎቴላ ኮዩቦኮና። 4 ኣሲ ኡባይ ኣማኖን ዪላና ሜላ ኪሪሰቶሲ ሂጊያ ፖሊሰ።

ኣቶቴላይ ኡባሳ

5 ኣሲ ሂጌ ናገዲ ኤኪያ ዪሎቴላባ ሙሴይ ያፊሹ። «ሂጌ ናገያ ኦኒካ ሂ ሂጊያ ናገዲ ሜላ ዳዔሰ» ያገሰ።

6 ሺን ኣማኖን ኤኪያ ዪሎቴላባ ጌቲቲዳይ ሃይሳ። «ኔ ዋዛናን። (ኦኒ ሳሎ ኬያኔ?) ያጎፓ፤ ሄሲ ኪሪሰቶሳ ዋጂሳናሳ። 7 ዋይኮ። (ዲጌ ሳዓ ጋርሲ ዋጃናይ ኦኔ?) ጎፓ፤ ሄሲ ኪሪሰቶሳ ዳፎፕ ኬሳናሳ። 8 ሺን ያገዲ ያፊቲሰ። (ያሳ ቃላይ ኔ ማታና፤ ኔ ደናኒኔ ኔ ዋዛናን ዳዔሰ) ኩኒ ሂንቲው ኦዲያ ኣማኖ ቃላይ ሃይሳ።

9 «ዬሱሲ ጎዳ» ጋዳ ኔ ደናን ማርካቲኮኔ ያሳይ ኢያ ሃይቆፕ ዳንሊዲይሳ ኔ ዋዛናን ኣማኒኮ። ኔ ኣታና።

10 ኣሲ ባ ዋዛናን ኣማኒዲ ዪሌሰ፤ ባ ደናን ማርካቲዲ

ኣቲሰ። 11 ጌሻ ማፃፋይ። «ኢያን ኣማኒያ ኦኒካ ዬላቴና» ያገሰ። 12 ኢሲ ያሳይ ኡባ ጎዳ ገዲያ ገሾ ኣይሁዳታ ገደኒኔ ኣይሁዳ ገደና ኣሳ ገደን ዲማቴሌ ባዌ። ኢ ባና ዪጊያ ኡባሰ ዳሮ ኬሃ። 13 ጌሻ ማፃፋይ። «ጎዳ ሱንላ ዪጊያ ኦኒካ ኣታና» ያገሰ።

14 ያቲን። ኤንቲ ኣማኖና ዳሲሹ ዋኒዲ ኢያ ዪጋናው ዳንዳያና? ኤንቲ ኢያባ ሲያና ዳሲሹ ዋቲዲ ኢያ ኣማናናው ዳንዳያና? ቃሲ ኤንታው ቃላ ኦዲያ ኣሲ ባይና ዳሲሹን። ዋኒዲ ሲዓናው ዳንዳያና? 15 ኪቲቲዳ ኣሲ ባይና ዳሲሹን። ቃላይ ዋኒዲ ኦዲያናው ዳንዳዒ? ጌሻ ማፃፋን። «ኡፋይሳ ዋንጌላ ኦዲያ ኣሳ ቶሆቲ ዋኒዲ ሎዎና!» ያገዲ ያፊቲሰ።

16 ሺን ኢሳያሲ። «ጎዳው። ኑ ማርካቴላ ኦኒ ኣማኒዳ?» ያገዲዳሳዳ። ኡባይ ዋንጌላ ኣማኒቦኮና።

17 ሃሳ ገሾ። ኣማኖይ ሲሳፌ ዬሰ፤ ሲሲ ኪሪሰቶሳ ቃላፕ ዬሰ።

18 ገደሺን። ኢሰራዔል ኣሳይ ቃላ ሲዲቦኮና ጉሴዬ? ኣካይ ሲዲደሶና። ጌሻ ማፃፋን።

«ኤንታ ቃላይ ቢታ ኡባን ሲዒቲሰ። ኤንታ ኦዲይ ሳዓ ጋፃ ጋኪሰ» ያገቲሰ። 19 ሺን ኢሰራዔል ኣሳይ ኤሪቦኮና ጉሴዬ? ሙሴይ ካሴ።

«ታኒ ሂንቲና ሌቁቲዳ ኣሳን ቁርይሳና፤ ቃሲ ኤያ ኣሳን ሂንቲና ዩሎያና» ያገሰ።

20 ቃሲ ኢሳያሲ። «ታና ኮዩቦና ኣሳሰ ቤንታሰ፤ ታና ኦይቶቦና ኣሳሰ ቆንጫሰ» ያገዲ ያዮና ኦዲሰ።

21 ሺን ኢሳያሲ ኢሰራዔልታባ ኦዲሹ። «ኡባ ዋይ ኪቲቶና ኣሳሲኔ ታና ኢዲያ ኣሳሰ ታ ኩሺያ ሚጫሰ» ያገሰ።

11

ያሳይ ኢሰራዔልታ ኣገቤና

1 ኣኔ ታ ኦይቶይሰ። ያቲን። ያሳይ ባ ኣሳ ኣገዳዬ? ኣገቤና! ታኒ ታ ሁዔን ኢሰራዔል፤ ኣብራሃሜ ሹሹ፤ ቢኒያሜ ዛሬ። 2 ያሳይ ኮይሮ ደሪዳ ባ ኣሳታ ዬጌና።

ጌሻ ማፃፋን። ኤሊያሲ ኢሰራዔላታ ያሳ ሲንላን ዋቲ ዋቲዳኮ። ሂንቲ ኤሪኬቲ? 3 ኤሊያሲ። «ጎዳው። ኤንቲ ኔ ናቤታ ዋጂደሶና። ኔ ያርሾ ቤሳካ ላሊደሶና። ታ ታርካ ኣታሰ፤ ኤንቲ ታርካ ዋጃናው ኮዮሶና» ያገሰ።

4 ያሳይ ኢያው ዋይጌ ዛሬዎ? «ባዓሌ ኤቃሰ ጎይኒቦና ላፑን ሙኩሉ ኣሳ ታው ኣሻሰ» ያገሰ።

5 ሄሳዳካ። ሃ ዋዲያን ያሳይ ባ ኣጾ ኬሃቴላን ደሪዳ ጉላ ኢሰራዔሌቲ ዳዎሶና። 6 ኢ ኤንታ ደሪዳይ ባ ኣጾ ኬሃቴላናፕ ኣቲን ኤንታ ኦሶን ገደና። ደርይ ኦሶን ገዲኮ። ኢያ ኣጾ ኬሃቴላይ ቲማ ኣጾ ኬሃቴሌ ገደና።

7 ያቲን። ዋኒዳ? ኢሰራዔሌቲ ባንታ ኮያባ ዳሚቦኮና። ሺን ያሳይ ደሪዳ ጉላቲ ዳሚደሶና። ኣቲዳይሳቲ ባንታ ዋዛና ሙሚሲደሶና። 8 ሄሲካ። ጌሻ ማፃፋን።

«ኤንቲ ባንታ ኣይፊያን ቤዎናዳ ባንታ ሃይላን ሲያናዳ።

9:25 ሆሴ 2:23 9:26 ሆሴ 1:10 9:27 ኣሳ 10:22-23 9:29 ኣሳ 1:9 9:33 ኣሳ 28:16 10:5 ለዌ 18:5 10:6 ዛሬ 30:12-14 10:11 ኣሳ 28:16 10:13 ኣዩ 2:32 10:15 ኣሳ 52:7 10:16 ኣሳ 53:1 10:18 ማዝ 19:4 10:19 ዛሬ 32:21 10:20 ኣሳ 65:1 10:21 ኣሳ 65:2 11:1 ፊል 3:5 11:3 1ካዋ 19:10፣ 14 11:4 1ካዋ 19:18 11:8 ዛሬ 29:4፤ ኣሳ 29:10

ሃና ጋካናው ኤንታው
 የሳይ አዛላ እያና አሚስ»
 ጌቲቲዲ ዓፊቲዳይሳዳ ሃኒስ። 9 ቃሲ ዳዋቲይ፡፡
 «ኤንቲ ሚያ ጋይታይ ኤንታ ዓሃዳ ኦይኮ፤
 ኤንታ ጉፋንጎልያ አፎ ገደ፤
 ኤንታ ኢታቲላይ ኤንታ ቦላ ጋኮ።
 10 ኤንቲ ያሎናዳ ኤንታ አይፌይ ገዜቶ፤
 ኡባ ዋዴ ሜቶን ኤንቲ ኩኒዲ ዴያ» ያገሰ።
 11 ያቲን፡ አይሁዳቲ ዛሬ ዳንደና ሚላ ኩንዲደናዬ?
 ገደና! ኤንታ ኩንዳላይ አይሁዳ ገደና አሳይ አታና
 ሚላ ጋሶ ገደሰ። ሄሲካ አይሁዳቲ ኤንታ ቦላ ቃናታናዳ
 ኦሊስ። 12 አይሁዳታ ናጋራይ አላሚያሰ ዳሮ አንጆ
 ኤሂስ፤ ቃሲ ኤንታ ኩንዳላይ አይሁዳ ገደና አሳሰ ዳሮ
 አንጆ ገደሰ። ያቲን፡ ዳሬቲዳ አይሁዳቲ ኩሚላ አቲያ
 ዋዴ አንጆይ አይ ሚላ ዳራንዳሻ!
 13 ታኒ፡ ሃሚ ሃንቲው አይሁዳ ገደና አሳሰ ኦዳይሰ።
 አይሁዳ ገደና አሳሰ ሃዋሬ ገዳዳ ኦሊይሳን ታኒ ዳሮ
 ጨቁታይሰ። 14 ታ ሃሳ ኦሊዳይ ታው አሻን ዛሬ ገደዳ
 ኢሰራዴታ ቁርያዳ ኤንታፊ ጉላታ አሻናሳ። 15 የሳይ
 ኤንታ ዩጊዳ ዋዴ ሃ አላሚይ የሳራ ሲጌቲስ። የሳይ
 ኤንታ ሺሺ ኤኪያ ዋዴ ሃይቁዳ አሲ ሃይቆፕ ዴንዲዳ
 ሚላ ገደሰ።
 16 ኮይሮ ሚንጎዳ ባሶ ኡይላይ የሳሰ ያርሼቲዲ
 ጌሺ ገደኮ፡ ሙሚ ኡይላይካ ጌሺ። ሚላሰ ዓጾይ
 ጌሺ ገደኮ፡ ታሼይካ ጌሺ። 17 ጋዴን ቶኪዳ ሻማሆ
 ታሼ ገደዳ አይሁዳቲ ካሬቲን፡ ሃንቲ ባዘን ደሊዳ
 ሻማሆ ታሼ ገደዳ አይሁዳ ገደናይሳቲ ኤንታ ቤሳን
 ቆንጮቲዲ ኤንታ አንጆዋኔ ዳሬቲላ ሻኬቲዳታ። 18 ሃዘ፡
 ሃንቲ ታሼዳ ካሬቲ ዋዴዳ አይሁዳታ ቦላ ኦቶርቶፊቲ።
 ሃንቲ ኦቶርቲያባ ገደኮ፡ ዓጾይ ሃንቲና ቶኬሲፕ አቲን
 ሃንቲ ዓጾዋ ቶኮናይሳ አኬኪቲ።
 19 ኔኒ፡ «ሄ ታሼቲ ካሬቲዳይ፡ ታ ኤንታ ቤሳን
 ቆንጮታና ሚላሳ» ጋናው ዳንዳሳሳ። 20 ሄሲ ቱማ። ኤንቲ
 አማኒቦና ገሾ ካሬቲደሶና። ኔኒ አማኒዳ ገሾ ሄ ቤሳን
 ኤቃዳሳ። ኔኒ ያያናው ቤሴሰፕ አቲን ኦቶራናው ቤሴና።
 21 የሳይ ሚዳን ታሼ ገደዳ አይሁዳታሰ ቃዴቶና ኢዳኮ
 ሃንቲዉካ ቃዴቲና።
 22 ሃዘ፡ የሳይ አይ ሚላ ኬሃኮኔ አይ ሚላ ያሺያኮ
 ቤና። ኢ ያሺይ ከቲቶናይሳታ፡ ቃሲ ኢ ኬሃይ ኢያ
 አማኒዲ ሚኒዲ ኤቁዳይሳታሳ። ሚኒዲ ኤቆና ኢዳኮ
 ሃንቲካ ካሬታና። 23 አይሁዳቲ አማኒኮ፡ ካሴ ኤንቲ
 ዴዲያ ቤሳ ሲማና። የሳይ ኤንታ ዛሬዲ፡ ዋላናው
 ዳንዳሳሳ። 24 ሃንቲና ባዘን ዴዲያ ሻማሆ ገደዳ
 አይሁዳ ገደናይሳታ ቃንዲዲ፡ ጋዴን ቶኬቲዳ ሻማሆ
 ቦላ ሃንቲና ቶኪኮ፡ ሚዳን ጋዴ ሻማሆ ገደዳ
 አይሁዳታ ባንታ ኮይሮ ቤሳን ዛሬ ቶካናው ዋኒዲ
 ዳንዳሳቲኔ?

የሳ ማርቲላይ ኡባሳ

25 ታ አሻቶ፡ ሃንቲ ሃንቲና ኤራንቾ ገደ
 ጨቁቶፊቲ። ታ ሃንቲው ኦዲያ ኢሲ ፀሪ ዴዲስ።
 ሄሲካ ኢሰራዴታፕ ባጋይ ሲያና ኢዳዳይ ዉርሴላ
 ጋካናው ገደናሺን አታናው ዴዲያ አይሁዳ ገደና አሳይ
 ኩሚላ የሳኮ ያና ጋካናሳ። 26 ሃሳዳካ፡ ኢሰራዴታ አሳ
 ኡባይ አታና። ጌሻ ማፃፋን፡

«ኮና አሼይሲ ዲያኔፕ ያና፤
 ያይቆባ ዜራላፊ ኢታ ኡባ ዲጋና።
 27 ታኒ ኤንታ ናጋራ አቶ ጊያ ዋዴ
 ኤንታራ ጫቃና ጫቆይ ሃይሳ»
 ጌቲቲዲ ዓፊቲስ።
 28 አይሁዳቲ ዋንጌላ ኤኮና ኢዳዲ፡ ሃንቲ ገሾ
 የሳራ ሞርኬ ገደዳሶና። ገደሺን፡ ሃሚካ ኤንቲ
 ዳሬቲዳይሳታ፡ የሳይ ኤንታ አዋታ ገሾ ኤንታ ደሴስ።
 29 የሳይ ባ ኢሙዋኒኔ ባ ያሳን ቁርቲና። 30 ሃንቲ
 አይሁዳ ገደናይሳቲ ካሴ የሳሰ ከቲቲቤኬታ። ሺን ሃሚ
 አይሁዳቲ ከቲቶና ኢዳን፡ ሃንቲ የሳ ማርቲላ ኤኪዳታ።
 31 ሃሳዳካ፡ ሃንቲ ኤኪዳ ማርቲላ አይሁዳቲ ኤካና
 ሚላ ሃሚ የሳሰ ከቲቶና ኢዳዳሶና። 32 የሳይ አሳ ኡባ
 ባ ማርቲላ ቤሳናው ኮዱዲ፡ አሲ ኡባይ ከቲቶና ኢዳና
 ሚላ ኦሊስ።
 33 የሳ ዳሬቲላ፡ ጨንጫቲላኔ ኤራቲላ አኬኪዲ
 ኦዳናይ ኦኔ? ኢያ ፕርዳይ ፕላጌቲና፡ ኢያ ኦጌይ
 ኤሬቲና። 34 ጌሻ ማፃፋን፡
 «ሳዳ ቆፋ ኤሬይ ኦኔ?
 ኢያ ዘራናው ዳንዳሳይ ኦኔ?
 35 የሳሰ ታልዴይኔ
 ታልዴያ ዛሬዲ ኤኬይ ኦኔ?»
 ያገሰ።
 36 ኡባ ኢ ሚዳሰ፤ ኡባይ ኢያን ዴዲስ፤ ኡባይ ኢያ
 ቦንቾሳ። የሳሰ ሚሪናው ቦንቾይ ገደ። አሚንዲ።

12

ከሪሰቶሳን ኦራላ ዴያ

1 ሃዘ፡ ታ አሻቶ፡ ሃንቲ፡ ሃንቲ አሳቲላ የሳ ኡፋይሲያ፡
 ዴያይ ጌሻ ያርሾ ኦሊዲ፡ ኢማና ሚላ ታኒ ሃንቲና የሳ
 ማርቲላን ዋሳይሰ። የሳ ሃንቲ ጎይናናው ቤሲያ ቱማ
 ኦጌይ ሃሳ። 2 ሎያ፡ ኡፋይሴይሳኔ ፖሎ ገደዳ የሳ
 ሺኒያ ሃንቲ ሻኪ ኤራናው ሃንቲ ቆፋን ላሜቲቲፕ አቲን
 ሃ አላሚያ ዳናፕቲ።
 3 የሳይ ሃንቲ ኢሱዋሰ ኢሱዋሰ ኢሚዳ አማኑዋ
 ሚላ ዋዛናማ አሳዳ ቆፕቲ። ቆፕናው ቤሴይሳፊ አሊዲ
 ሃንቲና ዲማዱዲ፡ ኦቶሮን ቆፕጌቲ ጋዳ ታው ኢሜቲዳ
 አዳ ኬሃቲላን ሃንቲው ኦዳይሰ። 4 ኦ ኢሲ አሳቲላ ገደን
 ዲማ ዲማ ከፊሌቲ ዴሶሶና፤ ሃ ዲማ ዲማ ከፊሌታሰ
 ዲማ ዲማ ኦሶይ ዴዲስ። 5 ሃሳዳ፡ ኦኒ ዳሮ አሲ
 ገደኮካ ከሪሰቶሳን ኢሲ አሳቲላ ገደዳ። ኦኒ ኢሲ
 አሳቲላ ገደዲ ዲማ ዲማ ከፊሌቲ ኢሶይ ኢሱዋራ
 ኦይኬቲዳ። 6 ኦሰ ኢሜቲዳ አዳ ኬሃቲላን ዲማ ዲማ
 አሞታቲ ዴሶሶና። ኦ አሞይ ቲንቢት ኦዳ ገደኮ፡ ኦሰ
 ዴዲያ አማኑዋ ሚላ ኦዳናው ቤሴስ። 7 ኦ አሞይ ሃራታ
 ማዴ ገደኮ፡ ሃ ኦሱዋን ሚናናው ቤሴስ፤ ታማርሶ
 ገደኮ፡ ሃ ታማርሱዋን ሚናናው ቤሴስ። 8 ኦ አሞይ
 ሃራታ ሚንጮላ ገደኮ፡ ሚኒዲ ሚንጮላናው ቤሴስ። ኦ
 አሞይ ኦሰ ዴዲያባፕ ሃራታሰ አሞ ገደኮ፡ ዋዛናፕ
 ኢማናናው ቤሴስ። ኦ አሞይ አይሶ ገደኮ፡ ሚኒዲ
 አይሳሳን ቤሴስ። ኦ አሞይ ሃራታሰ ኬሆ ገደኮ፡
 ኡፋይሳን ኬሃናው ቤሴስ።
 9 ሃንቲ ሲቆይ ቆዴፕ ቆሞን ገደናው ቤሴና። ኢታባ
 ኢዳቲ፤ ሎያባ ሚንጎዳ ኦይኪቲ። 10 ኢሶይ ኢሱዋራ
 ኢሻዳ ሲቁቲቲ፤ ኢሶይ ኢሱዋ ቦንቾቲ። 11 አዛሎፊቲ፤
 ሃንቲ አያናን ሚኒዲ ጎዳሰ ኦሊቲ። 12 የሳይ ኢሚዳ

11:9 ማዘ 69:22-23 11:26 ኢሳ 59:20-21 11:27 ኢሳ 27:9 11:33 ኢሳ 55:8 11:34 ኢሳ 40:13 11:35 ኢዮ
 41:11 11:36 1ቆር 8:6 12:4 1ቆር 12:12 12:6 1ቆር 12:4-11

ኩፋይሳን ኩፋይተቴ፤ ማቴዎ ዳንዳዊቴ፤ ኡባ ዎዴ ያሳ ዎሲቴ። 13 አማኒያ ገሻታ ኮሺያባን ማዲቴ፤ አማላታ ዎኪቴ።

14 ሂንቴና ጎዴይሳታ አንጂቴ፤ አንጂቴ፤ አቲን ባደፊቴ። 15 ኩፋይተሳታራ ኩፋይተቴ፤ ዩኬይሳታራ ዩኪቴ። 16 ኢሶይ ኢሶዋራ ኢሲ ቆፋን ዳዊቴ። ኦቶሮ ቆፋ አገዲ፤ ሂንቴና ካወሺዲ፤ ካወሻ ኦሶ ኦላቴ። ሂንቴ ሂንቴና ጨገጫ ገዲ ቆፖፊቴ።

17 ኦኒካ ሂንቴው ኢታባ ኦላኮ፤ ሄ ኡራሰ ኢታ ዛሮፒቴ። አሳ ኡባ ሰንሳን ናሺሲያ ሎዎ ኦሶ ኦላቴ። 18 አሳ ኡባራ ሳሮን ዳናው ሂንቴው ዳንዳዊቴያ ኡባ ኦላቴ። 19 ታ አሻቶ፤ ሂንቴ፤ ሂንቴ ሁዔን አሳሰ ሃሎ ኬዮፒቴ። ያሳይ ሃሎ ኬያና ማላ ኢያው አጋገቴ። ገሻ ማፃፋን።

«ታኒ ሃሎ ኬያና፤
ታኒ ኩሼ ዛራና»
ያጌሰ ጎዴይ፤ ጌቴቴዲ ፃፊቴሰ።
20 ሺን ገሻ ማፃፋን፤
«ኔ ዋርኬይ ኮሻቴኮ ሙዛ፤
ኢ ሳዎቴኮ ኡሻ።
ኔኒ ሄሳ ኦላኮ ኢያ ሁዔን
ዬላ ታማ ቦንቆ ቆላሳ»
ጌቴቴዲ ፃፊቴሰ።

21 ኢታ ሎዎን ያናፒ አቲን ኢታን ያኔቶፋ።

13

ዳሪያ አይሴይሳታሰ ከቴቱላ

1 ያሳ ሼኔ ገደናሺን ማቴ ኢሜቶና ገሾኔ ሃዒ ዳዊያ ሹማቴካ ያሳ ሼኔን ሹማቴዳ ገሾ አሲ ኡባይ ዳሪያ አይሴይሳታሰ ከቴታናው ቤሴሰ። 2 ሃሳ ገሾ፤ ማታራ ዳዊይሳታሰ ከቴቶና ኢጂያ ኦኒካ ያሳ ከታ ኢጃሰ። ከቴቶና ኢጂያ ኦኒካ ባ ቦላ ፒርዳ ኤሄሰ። 3 አይሴይሳታ ኢታ ኦላይሳታፒ አቲን ሎዎ ኦላይሳታ ያሾኮና። አይሴይሳታሰ ያዮና አጋናው ኮያይ? ያኮ ሎዎ ኦላ፤ ኤንቴ ኔና ጋላታና። 4 ኤንቴ ኔው ሎዎባ ኦላናው ሹማቴዳ ያሳ አይሌ። ሺን ኔኒ ኢታባ ኦላኮ፤ ኤንቴ ኢታባ ኦላዲይሳ ሴሪያ ገሾ ኢያው ያያ። ኤንቴ ኢታ ኦላይሳታ ሴሪዲ፤ ያሳ ሃንቁዎ ቆንጨሲያ ያሳ አይሌ። 5 ሃሳ ገሾ፤ ያሳ ሃንቁዎ ያላላሰ ገደናሺን ሂንቴ ካሃይ ማርካቴያ ገሾ ዳሪያ አይሴይሳታሰ ከቴታናው ቤሴሰ። 6 ሂንቴ ገራ ገራይካ ሃሳሳ። ዳሪያ አይሴይሳታ ሄ ኦሶዎ ኦላይ፤ ኤንቴ ያሳ አይሌታ ገዲዳ ገሾሳ። 7 ኢሶዋሰ ኢሶዋሰ ቤሴይሳ አሚቴ። ገራ ገራናው ቤሴይሳሰ ገሪቴ፤ ቃራፃ ቃንፃናው ቤሴይሳሰ ቃራፃ ቃንፃቴ፤ ያያናው ቤሴይሳሰ ያዩቴ፤ ቦንቆይ ቤሴይሳ ቦንቆቴ።

ሲቁቴቴ

8 ኢሶይ ኢሶዋራ ሲቁቴቴ። ሲቆ አጮፔ አቲን ሂንቴ ቦላ ሃራ አጮይ ደፖ። አሴ ሲቁያ ኦኒካ ሃጌይ ጌይሳ ፖሊሰ። 9 «ላዎፋ፤ ዎጶፓ፤ ካይሶቶፓ፤ አዎቶፋ» ገያ ከታይኔ ሃራ ከታ ኡባይ፤ «አሴ ኔ ሁዔዳ ደሳ» ገያ

ከታን ቃሼቴሰ። 10 አሴ ሲቁያ ኦኒካ ኢያ ቦላ ኢታባ ኦላ። ሃሳ ገሾ፤ አሴ ሲቁይሲ ሃጌ ከታ ፖሊሰ።

11 ጳሰኮፊ ሂንቴ ባርኪያ ዎዴይ ሃዒ ገዴይሳ አኬኪዲ ሃሳ ኦላቴ። ኦ ኢታና ዎዴይ ኮይሮ ኦ አማኒዳ ዎዴያፒ ሃዒ ኦኮ ማቴሰ። 12 ጳማ ዎዴይ አቆናው ሃኔሰ፤ ዎንታይ ማቴሰ። ሂዛ፤ ኦኒ ጳማ ኦሶ አገዲ ፖዎ ኦላ ሚሼ ኦይኮሰ። 13 አኔ ጋላሰ ፖዎን ዳዊያ አሳዳ ማራን ዳዎሰ። ማላኒኔ ላይማቴላራ ጋሄቴያ ዲማ ዲማ ቱና ኦሶታን፤ * ፓላማኒኔ ቃናቴን ገደፖ። 14 ጎዳ ዬሱሰ ከሪሰቶሳ ካንዲዎ ማዊቴ፤ ሂንቴ ናጋራንቾ አሳቴላይ ባ አሙዎ ፖላና ሚላ ኢያው ቆፖፊቴ።

14

አሳ ቦላ ፒርደፊቴ

1 አማኖን ዳቡሪዳ ኦናካ ሺሺ ኤኪቴፔ አቲን ኢያ ቆፋ ቦላ ፒርደፊቴ። 2 ለሚሶሰ፤ አማኖን ሚኒዳ ኢሲ አሲ አይ ካላካ ማናው ዳንዳዊሰ። ሺን አማኖን ዳቡሪያ አሲ አታኪልቴ ያላላ ማሰ። 3 ኡባባ ሚያ አሲ ዋና ኡራ ካጶፖ። ኡባባ ዋና አሲ ሚያ ኡራ ቦላ ፒርደፊቴ። ያሳይ ኡባ ሚያ ኡራ ሺሺ ኤኪሰ። 4 ሃራ አሳ አይሌ ቦላ ፒርደይ ኔኒ ኦኒ? ኢ ዳቡሪን ዎይኮ ሚኒን ባ ጎዳሳ። ጎዳይ ኢያ ኤሳናው ዳንዳዊያ ገሾ ኢ ሚኒዲ ኤቃና።

5 ቃሲ «ኢሲ ጋላሳይ ሃራ ጋላሳፔ አጴሰ» ያገዲ ቆፒያ አሲ ዳዊሰ። ሃራይ ቃሲ፤ «ጋላሳቴ ኡባይ ኢሲ ሚላ» ገዲ ቆፒሰ። ሺን ኢሶይ ኢሶይ ባ ቆፋ አኬኪዲ ቃሾ። 6 ኢሲ ጋላሳ ሃራ ጋላሳታፔ ኦላዲ ቦንቆያ ኦኒካ ጎዳ ቦንቆሰ ገዲ ኦላሰ። ኡባ ካላ ሚያ አሲ ጎዳ ቦንቆሰ ገዲ ሚሰ። ኢ ሚያ ሄ ካላ ገሾ ያሳ ጋላቴሰ። ኡባ ካላ ዋና አሲ ጎዳ ቦንቆሰ ዋና አኔሰ፤ ቃሲ ዋና አጎን ያሳ ጋላቴሰ። 7 ኦፔ ኦኒካ ባው ዳና፤ ቃሲ ኦ ገደፊ ኦኒካ ባው ሃይቁና። 8 ኦ ዳዎን ዳዊኮ ጎዳሰ ዳዎሰ፤ ቃሲ ሃይቁኮካ ጎዳሰ ሃይቆሰ። ሂዛ፤ ኦ ዳዎን ዳዊን ዎይኮ ሃይቁን ጎዳሳ።

9 ከሪሰቶሲ ሃይቁዲ ሃይቆፔ ዳንዲዳይ፤ ዳዎን ዳዊይሳታሰኔ ሃይቁዳይሳታሰ ጎዳ ገደናሳ። 10 ያቴን፤ ኔኒ ኔ አሻ ቦላ አይሰ ፒርደይ? ዎይኮ ኔኒ ኔ አሻ አይሰ ካጳይ? ኦኒ ኡባይ ያሳ ፒርደ አራታ ሰንሳን ኤቃና።

11 ገሻ ማፃፋን ጎዳይ፤
«ታኒ ዳዎን ዳዊይሰ፤
አሳ ኡባይ ታ ሰንሳን ጉልባታና፤
ታኒ ያሴ ገዴይሳ ማርካታና»
ያጌሰ። 12 ሂዛ፤ ኦ ኦላዲባሰ ኦ ሁዔን ሁዔን ያሳ ሰንሳን ሺቁዲ ዛር አማና።

ሃራ አሲ ጳቤሶፋ

13 ሃሳ ገሾ፤ ኦኒ ኢሶይ ኢሶዎ ቦላ ፒርደይሳ አጎሰ። ሺን ሂንቴ አሻ ጳብሲዲ ዎይኮ ቃጂዲ ናጋራን ጌልሲያባ ኦላናዳ ናጌቴቴ። 14 ጎዳ ዬሱሳ አማኒያ አሳዳ፤ ባ ሁዔን ቱና ገዲዳ ካላ ባይናይሳ ታኒ ገሻዳ ኤራይሰ። ሺን ኢሲ አሲ ኢሲባ ቱና ገዲ ቆፒኮ ሄሲ ኢያው ቱና ገደሰ። 15 ኔ ሚያ ካላ ገሾ ኔ አሻ ጳብሲያባ ገዲኮ፤ ከሪሰቶሳን ዳዊያ ኔ አሻ ሲቃካ። ከሪሰቶሲ ኢያ ገሾ ሃይቁዳ ኡራ ኔ ሚያ ካላን ኢያ አያና ዳዎዎ ጳይሶፋ።

12:14 ማቶ 5:44፤ ሉቃ 6:28 12:16 ለሚ 3:7 12:19 ዛሬ 32:35 12:20 ለሚ 25:21 13:6 ማቶ 22:21፤ ማር 12:17፤ ሉቃ 20:25 13:9 ኬሳ 20:13-17፤ ዛሬ 5:17-19፤ ሉዌ 19:18 * 13:13 ላይማቴላራ ጋሄቴያ ዲማ ዲማ ቱና ኦሶታን፤ ዎይኮ ዬላን፤ ማላን፤ ላይማቶን፤ ቃይጃን ገደፖ ገዲ ቢላናው ዳንዳዊሰ። ላይማቴላራ ጋሄቴያ ዲማ ዲማ ቱና ኦሶታ አሲ ያሳ ሃርፔ ካሬ ኬዲ ደዳ ካንደ ኤኪዲ ፖሊያ ኦሶ ጉሱ። 14:1 ቆላ 2:16 14:10 2ቆር 5:10 14:11 አሳ 45:23

16 ሂዛ፡ ሂንቲው ደዒያ ለዓቴላ ሃራቲ ቦራና ማላ ኦሎፊቴ። 17 ያሳ ካዎቴላይ ጌሻ ኣያናን ቤንቲያ ደሎቴላ፡ ሳርቴላኔ ቱማ ኡፋይሲፊ ኣቲን ሙሳባኔ ኡሻባ ጊዳና። 18 ሂሳዳ ኪሪሰቶሳሰ ኦሎያ ኣሲ ያሳ ኡፋይሲሰ፤ ኣሳንካ ኣንጃቴሰ።

19 ሂሳ ጊሾ፡ ኣኔ ኩሲ ሳርቴላ ቤንቲያ ኦሎያ ኢሱዎ ኢሱዎ ኣማኖን ማንሱያ ኦሎያ ኮኖሰ። 20 ካሳ ጊሾ ጋዳ ያሳ ኦሎዎ ዳይሰሶ። ኡባ ካላ ማቴቴሰ፡ ሸን ሃራ ኣሲ ናጋራን ቆብሲያ ካላ ሙሲ ኢታ። 21 ኔ ኢሻይ ቆብቶና ማላ ኣሾ ሞና ዎይኮ ኡሹ ኡኖና ዎይኮ ኔ ኢሻ ቆብሲያ ሃራባ ኦሎና ኣጎይ ሎዎ።

22 ሂዛ፡ ሃ ኔ ኣማኑዎ ኔ ጊደኒኔ ኔ ያሳ ጊደን ናጋ። ሊኬ ጊደ ቆፒዳባ ኦሎያ ዎዴ ኢያ ካሃይ ሞቶና ኡራይ ኣንጃቴዳይሳ። 23 ሸን ሲጲሼ ማያ ኡራሰ ኢያ ሙሳይ ኣማኖን ጊደና ጊሾ ፒርዴቴሰ። ኣማኖይ ባይና ኦሎቴዳ ኦሶ ኡባይ ናጋራ።

15

ሃራታ ኡፋይሳናው ቤሴሰ

1 ኩሲ ኣማኖን ማንሱዳይሳቲ ዳቡራንቸታ ቶሁዎ ቶካናው ቤሴሰ። ኩሲ ኩና ኡፋይሳናው ቤሴሰ። 2 ኩሲ ኩ ኢሻ ኣማኖን ማንሱናው ኢያ ማዳናውኔ ኡፋይሳናው ቤሴሰ። 3 ኪሪሰቶሳሰ ባና ኡፋይሲቤና። ሸን ጌሻ ማፃፃፍ፡ «ኣሳይ ኔና ጫዬዳ ጫሻይ ታና ጋኪሰ» ጌቴቲ ፃፊቲዳይሳዳ ሃኒሰ። 4 ጌሻ ማፃፃይ ኢሚያ ጌንጫኒኔ ማንሱሉዎን ኩ ኡፋይሳ ኦካና ማላ ጌሻ ማፃፃን ፃፊቲዳ ኡባይ ኩና ታማርሳናው ፃፊቲሰ።

5 ጌንጫኔ ማኖቴላ ኢሚያ ጎዳይ ሂንቲ ኪሪሰቶሰ ዬሱሳ ካሲያ ዎዴ ኢሲፊቴላ ሂንቲው ኢዎ። 6 ሄሲካ፡ ኩ ጎዳ ዬሱሰ ኪሪሰቶሳ ኣዎ፡ ያሳ፡ ኢሲ ዎዛናኒኔ ኢሲ ቃላን ሂንቲ ቦንቻና ማላሳ።

ዎንጌላይ ኣሳ ኡባሳ

7 ኪሪሰቶሰ ሂንቲና ኤኪዳይሳዳ ያሳ ቦንቸሰ ኢሶይ ኢሱዎ ኤኪቴ። 8 ያሳይ ቤኒ ኣዎታሰ ኢሚዳ ኡፋይሳይ ፖሌታና ማላኔ ኢያ ቱማቴላይ ኤሬታና ማላ ኪሪሰቶሰ። ኣይሁዴታ ኣይሌ ጊዲዲ ዪዳይሳ ታ ሂንቲው ኦዳይሰ። 9 ኪሪሰቶሰ ኣይሁዴታ ኣይሌ ጊዲዲ ሃራ ጋሶይ ቃሲ ኣይሁዴ ጊደና ኣሳቲ ያሳ ኢያ ማርቴላ ጊሾ ጋላታና ማላሳ። ጌሻ ማፃፃፍ፡

«ታ ኔና ኣይሁዴ ጊደና ኣሳ ጊደን ጋላታና፤ ኔ ሱንሳ ሳባና»

ጌቴቲዲ ፃፊቲዳይሳዳ ሃኒሰ።

10 ቃሲ፡ «ኣይሁዴ ጊደና ኣሳው፡ ያሳ ዴሪያራ ኡፋይቲቴ» ያጌቴሰ።

11 ቃሲ ዛሪዲ፡ «ኣይሁዴ ጊደና ኣሳው፡ ጎዳ ጋላቲቴ፤ ካዎቴላ ኡባይ ኢያ ሳቢቴ» ያጌቴሰ።

12 ሄሳዳ ኢሳያሲ፡ «ኢሴዬ ዛሬፕ ዬሌቲያ ኢሶይ ያና፤ ኢ ካዎቴላ ኡባ ሃራና።

ኤንቲ ባንታ ኡፋይሳ ኢያ ቦላ ዎላና» ያጌሰ።

13 ጌሻ ኣያና ዎልቃን ሂንቲ ዲጫና ማላ ኡፋይሲ ኢሚያ ያሳይ፡ ሂንቲ ኣማኑዎ ጋሶን ሂንቲው ኡፋይሲኔ ሳርቴላ ኩሚላ ኢዎ።

ጳውሎሲ ፃፊዳ ጋሱዎ

14 ታ ኢሻቶ፡ ሂንቲናን ሎዎቴላኔ ኡራቴላ ኩሚዳይሳ ቃሲ ኢሶይ ኢሱዎ ዘራናው ዳንዳዔይሳ ታ ጌሻዳ ኤራይሰ። 15 ታኒ ሂንቲና ኢሲ ኢሲባ ጉጃ ኣኬኪሳናው ኮያዳ ያኖና ሃ ዳብዳቢያ ሂንቲው ፃፋሰ። 16 ታኒ ኪሪሰቶሰ ዬሱሳ ኣይሌ ጊደና ኣሳሰ ካሂኔዳ ኦሳዳ፡ ዎንጌላ ኦዳና ማላ ያሳይ ታው ኣጶ ኬሃቴላ ኣሚሰ። ኣይሁዴ ጊደና ኣሳይ ጌሻ ኣያናን ጌዬዲ፡ ያሳ ኡፋይሲያ ያርሾ ጊደና ማላ ያሳይ ሄሳ ኦሎሰ።

17 ታኒ ኪሪሰቶሰ ዬሱሳን ጊዳዳ ያሳሰ ኦሎያ ኦሎዎን ጩቄታይሰ። 18 ኣይሁዴ ጊደና ኣሳይ ያሳሰ ኪቴታናዳ፡ ኪሪሰቶሲ ታ ቃላኔ ታ ኦሎዎ ባጋራ ኦሎዳ ኦሎዎ፤ ኣቲን ሃራ ታ ጩቄቲያባይ ባዎ። 19 ያሳይ ሄሳ ማላታኒኔ ጌሻ ኣያና ዎልቃን ዎቲ ኦሎዳኮ ታ ሂንቲው ኦዳና። ታኒ ዬራሳላሚፕ ደማዳ፡ ኢሊዎርቆኔ ጋካናው ኪሪሰቶሳ ዎንጌላ ሳባካሰ። 20 ታኒ ሃራ ኣሲ ባሲዳ ቤሳን ኬፃናው ኮዬኬ። ኪሪሰቶሳ ሱንሳይ ጭጌቲቦና ቤሳን ዎንጌላ ኦዳናው ኣዎታይሰ። 21 ጌሻ ማፃፃፍ፡

«ኢያባይ ኦዳቲቦና ኣሳቲ ኢያ ቤዓና፤ ኢያባ ሲዒቦና ኣሳቲ ኣኬካና» ጌቴቲዲ ፃፊቲሰ።

ጳውሎሲ ሮሜ ባናው ቆፒሰ

22 ሄሳ ጋሶን፡ ታኒ ሂንቲኮ ያናው ዳንዳዒቢኬ። 23 ሸን ታኒ ሃዒ ሃ ሃራን ታ ኦሎዎ ኦንጊዳ ጊሾኒ ዳር ላይሳፊ ደማዳ ሂንቲና ቤዓናው ላዎቲዳ ጊሾ 24 ታኒ ኢሰፔኔ ባሼ ሂንቲና ቤዓናው ቆፓሰ። ቃሲ ጉላ ዎዴ ሂንቲኮ ኡፋይቲዳፕ ጉዬ ኢሰፔኔ ቢያ ዎዴ ሂንቲ ታ ኦሎያሰ ታና ማዳና ማላ ኮያይሰ።

25 ሸን ሃዒ ታኒ ያሳ ኣሳታ ማዳናው ዬራሳላሚ ባይሰ። 26 ማቄደኒያኔ ኣካያን ደዒያ ያሳ ኣሳቲ፡ ዬራሳላሚን ደዒያ ማንቆታ ሚሼን ማዳናው ኮዬዳ ጊሾሳ። 27 ኤንቲ ማንቆታ ማዳናይሲ ኤንታው ኣቶናባ ጊዲዳ ጊሾ ባንታ ሁዒን ሄሳ ኦሳናው ቆፋ ቃቸዶሶና። ኣይሁዴቲ ኣይሁዴ ጊደናይሳታራ ኣያና ኣንጂዎ ሻኬቲኮ፡ ኤንቲ ቃሲ ባንታው ደዒያባን ኣይሁዴታ ማዳናው ቤሴሰ። 28 ሄሳ ጊሾ፡ ታኒ ሃ ሸቄዳ ሚሼያ ኤንታው ኢሚዳፕ ጉዬ ኢሰፔኔ ባሼ ሂንቲ ማታራ ኣጳና። 29 ታኒ ሂንቲኮ ቢያ ዎዴ ኪሪሰቶሳ ኣንጂዎን ኩማዳ ባናይሳ ኤራይሰ።

30 ታ ኢሻቶ፡ ታው ያሳ ዎሲሼ ታ ባዒያን ታራ ኤቃና ማላ ጎዳ ዬሱሰ ኪሪሰቶሳኒኔ ጌሻ ኣያና ሲቁዎን ሂንቲና ዎሳይሰ። 31 ያሳይ ታና ዪሁዳን ደዒያ ኣማኖና ኣሳታፕ ኣሻናዳኔ ዬራሳላሚን ታ ኦሳና ኦሶይ ያሳ ኣሳታ ማታን ኤኬታና ማላ ታው ዎሲቴ። 32 ቃሲ ያሲ ጊኮ፡ ታኒ ሂንቲኮ ባዳ ኡፋይሳን ሂንቲራ ሸዎፓና ማላ ታው ዎሲቴ። 33 ሳርቴላ ያሳይ ሂንቲ ኡባራ ጊደ። ኣሚንዒ።

16

ሳርፉ

1 ከንከሪያ ካታማን ዳዒያ ዋሳ ኩላን ኦሊያ ኑ ሚቸያ ፊባ ሎዎ ማጫሰ ገዳይሳ ሂንቴ ኤራና ሚላ ኮያይሰ።
 2 ሂንቴ ኢዮ አማኒያ አሳቲ ጎዳ ሱንሳን ሞካናው ቤሲያ አማኒያ አሳታፔ ኢሱዋዳ ሞኪቴ። ኢያ ሂንቴፊ ኮያባ ኡባ ኢዮ ማዲቴ። ኢያ ባ ሁዔን ዳር አሳ ማዳሱ፤ ቃሲ ታና ታ ሁዔንካ ዳር ማዳሱ።

3 ከሪሰቶሰ ዩሱሳ ኦሱዋ ታራ ኢሲፌ ኦሊያ ጲሪሰቂላኔ አቂላ ሳር ገቴ። 4 ኤንቴ ታ ጊሾ ባንታ ሸምፑዋ አሊ ኢሚደሶና። ታ ዓላላ ገደናሽን አይሁዴ ገደና አሳ ዋሳ ኩላ ኡባይ ኤንታ ጋላቴሰ። 5 ኤንታ ሶን ሸቂያ አማኒያ አሳ ሳር ገቴ።

ኢሲያ ቢታን ከሪሰቶሳ ኮይር አማኒዳ፣ ታ ደሲያ ኤጳኔዎሳሰ ታ ሳርፉዋ ኦዲቴ።

6 ሂንቴ ጊሾ ኦሶን ዳር ዳቡሪዳ ማይራዎ ሳር ገቴ። 7 ታራ ቃሾ ኩላን ኦሊዳ ታ አይሁዴ ላጌታ ኣንዲርኒቆሳኔ ዩኒያሳ ሳር ገቴ። ኤንቴ ዩሱሳ ሃዋሬታ ገደን ኤሬቴዳይሳታ። ቃሲ ኤንቴ ከሪሰቶሳ ታፔ ሲንሐ አማኒደሶና።

8 ጎዳን አማኒያ ታ ሲቆ ላጊያ፣ አምጺሊያዎሳ ሳር ገቴ። 9 ከሪሰቶሳ ኦሱዋ ኑራ ኢሲፌ ኦሊያ ኡርባናሴኔ ታ ደሲያ ኢሰታኩሳ ሳር ገቴ። 10 ከሪሰቶሳን አማንሊያ አይሊያ አጳሊሳሰ ታ ሳርፉዋ ኦዲቴ። አርሰዎቡሎሳ ሶ አሳሰ ታ ሳርፉዋ ኦዲቴ። 11 ታ አይሁዴ ላጊያ ሄርዲዮና ሳር ገቴ።

ናርሲሳኔ ኢያ ሶ አሳፔ ከሪሰቶሳ አማኒዳይሳታ ሳር ገቴ።

12 ጎዳ ኦሱዋን ዳቡሪያ ቲሩፋይናኔ ቲሩፎሳ ሳር ገቴ። ቃሲ ጎዳሰ ዳር ዳቡራዳ ኦሊያ፣ ታ ደሲያ ጳርሲሶ ሳር ገቴ። 13 ጎዳ ኦሱዋን ዳር ኤሬቴዳ ሩፎሳሴኔ ታና ባ ናዒዳ ቤዒያ ኢያ አዩሰ ታ ሳርፉዋ ኦዲቴ።

14 አሲኒከርቶሳሰ፣ ፊሌንናሰ፣ ሄርሜሳሰ፣ ፓቲሮባሳሰኔ ኤንታራ ዳዒያ አማኒያ አሻታ ኡባሰ ታ ሳርፉዋ ኦዲቴ።

15 ፊሎሎፕሳ፣ ዩሊያ፣ ኔሪያ፣ ኢያ ሚቸው፣ ኦሎምፖሳኔ ኤንታራ ዳዒያ አማኒያ አሳ ኡባ ሳር ገቴ።

16 ጌሻ ዩሬቴሊ ዩሬቴሼ፣ ኢሶይ ኢሱዋ ሳርፉቴ። ከሪሰቶሳ ዋሳ ኩላ ኡባይ ሂንቴና ሳር ያጎሶና።

ወርሴላ ዞሬ

17 ታ ኢሻቶ፣ ሂንቴ ታማሪዳ ቲሚርቲያ ኢዲዲ፣ ሂንቴ ገደን ሻኩቴሊኔ ሜቶ ሜዲያ አሳታፔ ናጌቲቴ። ኤንታፊ ሃኪቴ። 18 ሃሳ ሜላ አሳቲ ባንታው ኦሎሶናፔ ኣቲን ኑ ጎዳ ከሪሰቶሳሰ ኦሎኮና። ባንታ ማልዒያ ደናኒኔ ሳጳሊያ ቃላን አይኮ ኤርና አሳ ዋዛና ባሌሶሶና። 19 ዋንጌላሰ ሂንቴ ከቴቴዳይሳ አሳ ኡባይ ሲዒዳይሲ ታና ኡፋይሴሰ። ሺን ሂንቴ ሎዎባ ኤራና ሜላኔ ኢታባፔ ሃካና ሜላ ታ ኮያይሰ። 20 ሳርቴላ ያሳይ ዓላሂያ ሂንቴ ቶሁዋፔ ጋርሳን ጋጩ ዩጋና።

ኑ ጎዳ ዩሱሰ ከሪሰቶሳ አጼ ኬሃቴላይ ሂንቴራ ገደ።

21 ታራ ኦሊያ ዲሞቲዮሲ ሂንቴና ሳር ያጌሰ። ሄሳዳካ፣ ታ ዳቦቲ ሉቂዮሲ፣ ያሶኒኔ ሶሰጳዲሮሲ ሂንቴና ሳር ያጎሶና።

22 ሃ ዳብዳቢያ ጳውሎሳሰ ዓፊዳ ታኒ፣ ዓርዲዮሲ፣ ሂንቴና ጎዳ ሱንሳን ሳር ያጋይሰ።

23 ታና ሞኪዳይኔ ዋሳ ኩላ ኡባይ ኢያ ሶን ሸቂያ ጋዮሰ፣ ሂንቴና ሳር ያጌሰ። ካታማ ሚሺያ ኦይኪያ ኤራሰዎሲኔ ኑ ኢሻ ቃርዎሲ ሂንቴና ሳር ያጎሶና። [24 ኑ ጎዳ ዩሱሰ ከሪሰቶሳ አጼ ኬሃቴላይ ሂንቴ ኡባራ ገደ። አሚንዒ።] *

25 ያሳሰ ጋላቲ ገደ። ታኒ፣ ዩሱሰ ከሪሰቶሳን ኦዲያ ዋንጌላ ቃላኒኔ ዳር ዋዴፔ ቆሴቲዲ ጋምዒዳ ቲማቴላን፣ ያሳይ ሂንቴና አማኖን ሚንሊዲ ኤሳናው ዳንዳዔሰ። 26 ሺን ሃዒ ሄ ቲማይ ቆንጨሰ። ካዎቴላ ኡባይ አማኒዲ ከቴታና ሜላ ሜሪና ያሳ ከታን ናሴቲ ሄ ቲማባ ያፊደሶና።

27 ዩሱሰ ከሪሰቶሳ ባጋራ ጨንጫቴሊ ኢያ ዓላላሰ ዳዒያ፣ ኢሲ ያሳሰ ሜሪናው ቦንቾይ ገደ። አሚንዒ።

16:3 ሃ.አ 18:2 16:13 ማር 15:21 16:21 ሃ.አ 16:1 16:23 ሃ.አ 19:29፤ 1ቆር 1:14፤ 2ዲሞ 4:20 * 16:24 ቤኒ ኮይር ማፃፋታን ፓይዶ 24 ዳና።

ጳውሎስ ቆርንቶሳ አሳስ ጻፊ ኮይር ከታ ጋላ ቆፋ

ጳውሎስ ቆርንቶሳ አሳስ ጻፊ ኮይር ከታይ ጻፈተዳይ፡ ጳውሎስ ቆርንቶሳን ኤሲዳ ዋሳ ከላን አማኒያ አሳ ደቦኒኔ አማኖ ቦላ ደንዲዳ ሜቱዋስ ዛር አማኖ፡ ሄ ዋዴ ቆርንቶሳ ካታማይ ቢታን ዳዒያ ዲማ ዲማ አሳይ ዳዒያ ገሪኬ ካታማኔ አካያ ገያ ሮሜ አውራጃስ ዋና ካታማ፡ ሄ ካታማይ ዛልዒን ኤሬቲዳ፡ ዋጋን ማኒዳ፡ ዲማ ዲማ ኢታ ዳዖን ዳልገደይሳኔ ሃይማኖቲ ዳርቲላን ኤሬቲዳይሳ፡

ሃዋሬይ ማንሳዲ ኦዳናው ኮዩዳይ፡ ሄ ዋሳ ከላ ገደን ሜዴቲዳ ሻሆቲላባ፡ ዲማ ዲማ ኢታ ዳዖባ፡ ላይማቲላባ፡ ኤኮ ጌሎባ፡ ዋሳ ከላ ዋጋባ፡ ጌሻ አያና አምታታባኔ ሃይቆፔ ዳንደባ፡ ዋንጌላይ ሃ ኦይሻታ ዋቲ ዛሪያኮ ሃዋሬይ ናገዲ ኦዳስ፡

ሲቆይ ያሳይ ባ አሳስ አሚዳ አቶ አምታ ገደይሳ ሸምፖ ታማኔ ሄቫይ ቆንጨሴስ፤ ቃሲ ሸምፖ ታማኔ ሄቫይ ሃ ማፃፋን ዳሮ ኤሬቲዳ ከፊሌ ጌቲቲዲ ኤሬቲስ፡

1 ቆርንቶሳ ከታ አይፌ ቆፋታ

- ጌሎ ቆፋ 1:1-9
- አማኒያ አሳ ገደን ሜዴቲዳ ሻሆቲላ 1:9-4:21
- ላይማቲላኔ ሶ አሳ ዳዖ ዋጋ 5:1-7:40
- አማኒያ አሳኔ አማኖና አሳ 8:1-11:1
- ዋሳ ከሌኔ ጎይኖ ዋጋ 11:2-14:40
- ከሪስቶሳ ዳንዲዳ አማኒያ አሳ ዳንዲዳ 15:1-58
- ዩሁዳን ዳዒያ ማቶቲቲዳ አማኒያ አሳስ ማዶ 16:1-4
- ኩሻ ቆፋ 16:5-24

1 ያሳ ሸኒያን ዩሱስ ከሪስቶሳ ሃዋሬ ገዳናው ያጌቲዳ ጳውሎስኔ፡ ኑ አሻ ሶስቲኒሲ፡ 2 ቆርንቶሳን ዳዒያ ያሳ ዋሳ ከላስ፡ ዩሱስ ከሪስቶሳን ጌዩዳይሳታሲኔ ጌሺ ገዳና ማላ ያጌቲዳይሳታሲ፤ ቃሲ ኤንታሲኔ ኑስ ጎዳ ገዲያ ኑ ጎዳ ዩሱስ ከሪስቶሳ ሱንላ ኡባ ቤሳን ያገያ ኡባስ፤

3 ያሳይ፡ ኑ አዋይኔ ጎዳይ ዩሱስ ከሪስቶሳ ሂንቲው አቶ ከሃቲላኔ ሳርቲላ አም፡

ጳውሎስ ያሳ ጋላቲስ

4 ያሳይ ከሪስቶስ ዩሱሳ ባጋራ ሂንቲው አሚዳ አቶ ከሃቲላ ገሾ ታኒ ኡባ ዋዴ ያሳ ጋላታይስ፡

5 ኢያን ኦዳኒኔ ኤራቲላ ኡባን ሂንቲ ዳራቲዳታ፡

6 ታኒ ከሪስቶሳ ማርካቲዳይሲ ቱማ ገደይሳ ሄሲ ቆንጨሴስ፡ 7 ሄሳ ገሾ፡ ሂንቲ ኑ ጎዳ ዩሱስ ከሪስቶሳ ዩሳ ናገሼ ዳዒሺን፡ አይ አያና አምይካ ሂንቲው ፓሎና፡ 8 ኑ ጎዳ ዩሱስ ከሪስቶሳ ሲሚያ ዋዴ ሂንቲ ቦሬቶናይሳታ ገዳና ማላ ኢ ወርሴላ ጋካናው ሂንቲና ማንላና፡ 9 ባ ናባ፡ ኑ ጎዳ ዩሱስ ከሪስቶሳ ሲሚያ ዳና ማላ ሂንቲና ያገዳ ያሳይ አማኔቲዳይሳ፡

ዋሳ ከላን ዳዒያ ሻሁዋ

1:2 ሃ.ኦ 18:1 1:12 ሃ.ኦ 18:24 1:14 ሃ.ኦ 18:8፤ ሃ.ኦ 19:29፤ ሮሜ 16:23 1:16 1ቆር 16:15 1:19 ኢሳ 29:14
1:20 ኢዮ 12:17፤ ኢሳ 19:12፤ 33:18፤ 44:25 1:31 ኤር 9:24

10 ታ አሻቶ፡ ሂንቲ ገደን ሻኬቲላ ዳናዳ ሂንቲ ኢሲ ዋዛናኒኔ ኢሲ ቆፋን ኢሶ ገዲዲ፡ ዳና ማላ ኑ ጎዳ ዩሱስ ከሪስቶሳ ሱንላን ታ ሂንቲና ዋሳይስ፡

11 ታ አሻቶ፡ ቁሎዔ ሶ አሳይ ሂንቲ ገደን ኦሺ ዳዒይሳ ታው ኦዲደሶና፡ 12 ሂንቲፌ ኢሶቲ ኢሶቲ፡ «ታኒ ጳውሎሳሳ፤ ታኒ አጸሎሳሳ፤ ታኒ ጳዒርሳሳ፤ ታኒ ከሪስቶሳሳ» ያጌታ፡ 13 ከሪስቶሳ ሻኬቲዳይ? ሂንቲ ገሾ ማስቃሊያ ቦላ ካቁቲዳይ ጳውሎሴዬ? ዋይኮ ሂንቲ ጳውሎሳ ሱንላን ማጭቲዳይቲዬ?

14 ታኒ ቃሪስጳሲኔ ጋዮሲ አቲን ሂንቲፌ ኦናካ ማጭቲዳይ ገሾ ያሳ ጋላታይስ፡ 15 ሄሳ ገሾ፡ ኦኒካ ሂንቲና ታ ሱንላን ማጭቲዳይ ታናው ዳንዳዒና፡ [16 ቃሲ ኢስዒፋኖሴ ሶ አሳካ ታ ማጭቲዳይሳ አኬካይስ፡ ሸን ሃራ ኦና ማጭቲዳይ ሃሳዩኬ፡] 17 ከሪስቶሳ ታና ከቲዳይ ዋንጌላ ኦዳና ማላሳፌ አቲን ማጭቲዳይ ማላ ገዳና፡ ከሪስቶሳ ማስቃሊያ ቦላ ሃይቁዳይሲ ሃዳ ገደና ማላ ታኒ አሳ ጨንጫቲላ ቃላን ኦዲኬ፡

ከሪስቶሳ ያሳ ዋልቃኔ ጨንጫቲላ

18 ከሪስቶሳ ማስቃሊያ ቦላ ሃይቁዳይሳ ኦዲያ ቃላይ ቆይይሳታስ ኤያቲላ፡ ሸን ኑስ አቲይሳታስ ያሳ ዋልቃ፡ 19 ጌሻ ማፃፋን፡

«ታኒ ጨንጫታ ጨንጫቲላ ቆይሳና፤ አኬካንቸታ አኬካ ባሌላና» ያጌስ፡

20 ያቲን፡ ጨንጫ አውን ዳዒ? ሂኔ አስታማሬይ አውን ዳዒ? ዋይኮ ሃ ሳባ ኤራንቸይ አውን ዳዒ? ያሳይ ሃ ሳባ ጨንጫቲላ ኤያቲላ ኦሊቤኔ?

21 ሃ ሳባ አሳይ ባንታ ጨንጫቲላን ያሳ ኤርና ማላ ባ ጨንጫቲላን ዲገዲ፡ ኤያቲላን ታይቤቲያ፡ ኦኒ ኦዲያ ቃላን አማኔይሳታ አሻናው ያሳ ሸኔ ገዲስ፡ 22 አይሁዳቲ ማላታ ቤዓናው ኮዮሶና፤ ቃሲ ገሪኬቲ ጨንጫቲላ ኮዮሶና፡ 23 ሸን ኦኒ ማስቃሊያ ቦላ ካቁቲዳ ከሪስቶሳ ሳባኮስ፡ ሄሲ አይሁዳታስ ቆይ፤ ቃሲ ገሪኬታስ ኤያቲላ፡ 24 ሸን ያሳይ ያጌቲዳይሳታስ፡ አይሁዳ ገዲን፡ ገሪኬ ገዲን ከሪስቶሳ ያሳ ዋልቃኔ ኢያ ጨንጫቲላ፡ 25 ያሳ ኤያቲላይ አሳ ጨንጫቲላፌ አቆስ፤ ቃሲ ያሳ ዳቡራይ አሳ ሚኖቲላፌ ማኔስ፡

26 ሂዛ፡ ታ አሻቶ፡ ያሳይ ሂንቲና ያገያ ዋዴ ሂንቲ አይ ማላ አሴኮ ቆፒቲ፡ አሳ ቆፋን ሂንቲ ገደን ጨንጫቲ፡ ዋልቃማቲኔ ቶቃ ዛሬቲ ዶኮና፡ 27 ሸን ያሳይ ጨንጫታ ዩላያናው አላሚን ዳዒያ ኤያታ ዶሪስ፤ ቃሲ ሚናታ ዩላያናው አላሚን ዳዒያ ዳቡራንቸታ ዶሪስ፡ 28 ያሳይ ሃ አላሚያን ገታ ጌቲቲዳባ ቆይሳናው፡ ሃ ሳባ ካወሻባ፡ ካቆቲዳባኔ ፓሶናባ ዶሪስ፡ 29 ኦኒካ ያሳ ሲንላን ጨቁቶና ማላ ሄሳ ኦሊስ፡ 30 ሸን ያሳይ ሂንቲው ከሪስቶስ ዩሱሳ ሲሚያ ዳና ማላ ኦሊስ፡ ኢ ኑስ ያሳፌ ጨንጫቲላ፡ ያሎቲላ፡ ጌሻቲላኔ አቶቲላ ገዲስ፡ 31 ሄሳ ገሾ፡ ጌሻ ማፃፋን፡ «ጨቁቲያ ኦኒካ ጎዳን ጨቆ» ያጌስ፡

2

ከሪስቶሳ ካቁቲላ

1 ታ አሻቶ፡ ታኒ ኮይር ያሳ ቃላ ሂንቲው ኦዲሽ ዩዳ ዋዴ ደና ቢላቲላኒኔ ጨንጫቲላን ያቢኬ፡ 2 ታኒ

ሂንቴራ ደዲያ ዋዴ ማሰቃሊያ ቦላ ካቁቲዳ ዩሱስ ከሪሰቶሳፔ ኣቲን ሃራባ ኤራናው ኮዪኬ ጋዳ ታ ቆፋ ቃቻሰ። 3 ታ ሂንቴራ ደዲያ ዋዴ ዳቡራን፣ ያሻኒኔ ዳር ኮኮርሳን ዳዓሰ። 4 ታ ከታይኔ ታ ቲሚርቲይ ዳና ቢላቴላኒኔ ጨንጫቴላን ጊዳናሺን ጌሻ ኣያና ዋልቃ ቆንጨሴላና። 5 ሂሲካ፣ ሂንቴ ኣማኖይ ያሳ ዋልቃናፔ ኣቲን ኣሳ ጨንጫቴላን ዜምፖና ማላሳ።

ያሳ ጨንጫቴላ

6 ኣያና ዳዖን ዲጨዳይሳታሰ ኑኒ ጨንጫቴላ ቃላን ኦዶሰ። ሺን ሄ ጨንጫቴላይ፣ ሃ ሳዓ ጨንጫቴላ ዋይኮ ጳያናው ደዲያ ሃ ሳዓ ሃራይሳታ ጨንጫቴላ ጊዳና። 7 ሺን ኑኒ ኡዲያ ጨንጨቴላይ፣ ዳር ዋዴፔ ሲንሌ ያሳይ ኑ ቦንቸዋሰ ገጊሲዳይሳኔ ጌሚዲ ደዲያ ፀራ ጨንጫቴላ። 8 ሃ ሳዓ ሃራይሳታፔ ኦኒካ ሃ ጨንጫቴላ ኤሪቤና። ኤንቲ ኤሪዳባ ጊዲያኮ፣ ቦንቸ ጎዳ ማሰቃሊያ ቦላ ካቆኮና። 9 ሺን ጌሻ ማፃፋን፣ «ኣይፌይ ቤዒቦናባ፣ ሃይሌ ሰዒቦናባ፣ ዋዛኒ ቆፒቦናባ።

ያሳይ ባና ሲቁይሳታሰ ገጊሲሰ» ያጌሰ።

10 ያሳይ ባ ፀራ ባ ኣያና ባጋራ ኑስ ቆንጨሴሰ። ጌሻ ኣያናይ ሃሪ ኣቶሺን ጌሚዳ ያሳ ፀራ ኡባ ፒልጌሰ። 11 ኣሳን ደዲያ ኣሳ ኣያናፔ ኣቲን ኣሳባ ኦኒካ ኤሪና። ሄሳዳካ፣ ያሳባ ያሳ ኣያናፔ ኣቲን ኦኒካ ኤሪና። 12 ያሳይ ኑስ ጮ ኣሚዳባ ኑ ኤራና ማላ ያሳ ኣያና ኤኪዳፔ ኣቲን ሃ ሳዓ ኣያና ኤኪቦኮ።

13 ኑኒ ኣያናባ፣ ኣያና ኣሳታሰ ኣሳ ጨንጫቴላን ጊዳናሺን ያሳ ኣያናይ ኣሚያ ጨንጫቴላን ታማርሰሰ። 14 ሺን ጌሻ ኣያናይ ባይና ኣሲ ያሳ ኣያና ኣሞታታ ኤኬና። ሄሲ ኢያው ኤያቴላ፤ ኡባይ ጌሻ ኣያናን ፒልጌቲያ ጊሾ ኢ ኤራናው ዳንዳዔና። 15 ሺን ጌሻ ኣያኒ ደዲያ ኣሲ ኡባባ ፒልጌሰ፣ ሺን ኢያ ኦኒካ ፒልጌና። 16 ጌሻ ማፃፋን፣ «ጎዳ ዋዛና ኤሪይ ኦኒ?»

ኢያ ዘራናው ዳንዳዔይ ኦኒ?»

ጌቲቲዲ ያፌቲዳይሳ ማላ። ሺን ኑስ ከሪሰቶሳ ዋዛኒ ደዴሰ።

3

ያሳ ኦሳንቸታ

1 ታ ኣሻቶ፣ ሂንቴ ከሪሰቶሳን ቡር ዮጋኔ ኣማኖና ኣሳሶ ደዲያ ጊሾ ታኒ ኣያናባ ሂንቴው ኦዳናው ዳንዳዓቢኬ። 2 ሂንቴ ሚኖ ካሊ ማናው ዳንዳዒቦና ጊሾ ታኒ ሂንቴና ማሊ ፓሃሰ፤ ሃዒካ ዳንዳዒቤኬታ።

3 ሃዒካ ሂንቴ ኣማኖና ኣሳዳ ደዴታ። ሂንቴ ጊደን ደዲያ ቃናቴይኔ ፓላማይ ሂንቴ ኣማኖና ኣሳዳ ደዴይሳ ኤሪቤኔ? ሂንቴ ኣማኖና ኣሳዳ ሃኔታ። 4 ሂንቴፌ ኢሶይ፣ «ታኒ ጳዉሎሳሳ» ሃራይ ቃሲ፣ «ታኒ ኣጲሎሳሳ» ገኮ፣ ኣማኖና ኣሳ ማላ ጊዳኬቲ?

5 ያቲን፣ ኣጲሎሲ ኦኒ? ጳዉሎሲ ኦኒ? ኑኒ ሂንቴና ኣማንሉዳ ያሳ ኦሳንቸታ። ያሳይ ኢሱዋሰ ኢሱዋሰ ኣሚዳ ኦሱዋ ማላ ኦሊያ ኦሳንቸታ ጊደኮናዬ? 6 ታ ቶካሰ፤ ኣጲሎሲ ሃሌ ኡሺሰ፣ ሺን ዲቺይ ያሳ። 7 ሄሳ ጊሾ፣ ዲቺዳ ያሳፌ ኣቲን ቶኬይካ ሃሌ ኡሺይካ ኣይኮካ ጊዳና። 8 ቶኬይኔ ሃሌ ኡሺይ ዋሊ ማላ፣ ሺን ኢሶይ

ኢሶይ ባ ኦሱዋ ማላ ያሳይ ኣሚያ ዋይቱዋ ኤካና። 9 ኑኒ ኢሲፌ ያሳሰ ኦሊያ ኢያ ኦሳንቸታ ጊዲያ ጊሾ ሂንቴ ያሳ ሾቃ፤ ያሳ ኬላ። 10 ያሳይ ታው ኣሚዳ ኣጵ ኬሃቴላ ማላ ሂላንቸ ኣናጻዳ ባሱዋ ዩጋሰ። ሃራ ኡራይ ኢያ ቦላ ኬጻሰ። ሺን ኢያ ቦላ ኬጻያ ኦኒካ ዋቲዲ ኬጻያኮ፣ ባው ናጌቶ። 11 ኢሲ ቶሆ ዩጌቲዳ ባሱዋፔ ሃራ ባሶ ዩጋናው ኦኒካ ዳንዳዒና። ሄ ባሶይካ ዩሱስ ከሪሰቶሳ። 12 ሺን ሃ ባሱዋ ቦላ ኦኒካ ዋርቃን ዋይኮ ቢራን ጊዲን፣ ኣልዖ ሹቻን ዋይኮ ሚላን ጊዲን፣ ማታን ዋይኮ ማቃን ኬጻኮ፣ 13 ኢሲ ኢሲ ኣሲ ሄ ባሱዋ ቦላ ኣይቢን ኬጻዳኮ ፒርዳ ጋላሰ ታማን ፓጮቲዲ ቆንጨና። 14 ኦኒካ ሄ ባሱዋ ቦላ ኬጻዳ ኬላ ታማን ፀ-ጌቶና ኣቲኮ፣ ባ ዋይቱዋ ኤካና። 15 ሺን ኦዴ ኦሶይካ ታማን ፀ-ጌቲኮ፣ ሄ ኡራሰ ዋይቶይ ባዋ። ጊደሺን፣ ኢ ባ ሁዒን ታማፔ ኬሲ ኤኪዳ ኣሳዳ ኣታና።

16 ሂንቴ ያሳ ኬላ ጊዳይሳኔ ያሳ ኣያናይ ሂንቴናን ደዴይሳ ኤሪኬቲ? 17 ኦኒካ ያሳ ኬላ ላሊኮ፣ ያሳይካ ኢያ ላላና። ያሳ ኬላይ ጌሺ፤ ሄ ኬላይካ ሂንቴና።

18 ኦኒካ ባና ጨሞፎ። ሃ ሳዓ ጨንጫቴላን ባና ጨንጫ ኦሊዲ ኤኪያ ኦኒካ ያሳ ሲንላን ጨንጫ ጊዳናው ኤያ ጊደ። 19 ሃ ሳዓ ጨንጫቴላይ ያሳ ሲንላን ኤያቴላ። ጌሻ ማፃፋን፣

«ያሳይ ጨንጫታ ኤንታ ጌኔ ቆፋን ኦይኬሰ» ያጌሰ።

20 ቃሲ፣ «ጨንጫታ ቆፋይ ማዶናባ ጊዳይሳ ጎዳይ ኤሪሰ» ያጌሰ።

21 ሄሳ ጊሾ፣ ኡባይ ሂንቴሳ ጊዲያ ጊሾ ኦኒካ ኣሳን ጨቁቶፎ። 22 ጳዉሎሲ፣ ኣጲሎሲኔ ጳይርሲ፣ ሃ ኣላሚይ፣ ዳይይ፣ ሃይቆይ፣ ሃዒ ደዴይ፣ ሲንላፌ ያናይሲ፣ ኡባይ ሂንቴሳ። 23 ሂንቴ ከሪሰቶሳሳ፤ ከሪሰቶሲ ያሳሳ።

4

ከሪሰቶሳ ሃዋሪታ

1 ኣሳይ ኑና ከሪሰቶሳ ኣይሌዳኔ ያሳ ፀራ ቆንጨሳናው ሃዳሪ ኣሚቲዳ ኣሳዳ ኦሊዲ ቆፖ።

2 ሄ ሃዳሪ ኤኪዳ ኣሳቲ ባንታ ጎዳሰ ኣማኔቲዳይሳታ ጊዳናው ቤሴሰ። 3 ሺን ሂንቴ ዋይኮ ሃራይ ታና ፒርዲኮ፣ ታው ኣይኮካ ጊዳና። ሃራይ ኣቶ፣ ታካ ታ ቦላ ፒርዲኬ። 4 ታ ካሃይ ጌሺ፣ ሺን ሄሲ ታ ፖሎ ጻሎ ጊዳይሳ ቤሴና። ታ ቦላ ፒርዳናይ ጎዳ ፃላላ። 5 ሄሳ ጊሾ፣ ዋይይ ጋኮና፣ ጎዳይ ዮና ኦዴ ቦላካ ፒርደፊቴ። ኢ ቆማን ጌሚዳባ ፖ ኬሴና፤ ኣሳ ዋዛናን ቆሴቲዳ ቆፋ ቆንጨሳና። ሄ ዋዴ ኢሶይ ኢሶይ ያሳፌ ጋላታ ኤካና።

6 ታ ኣሻቶ፣ ሂንቴ ጊሾ ኣጲሎሳኔ ታና ለሚሶ ኦላዳ ሂንቴው ኦዳሰ። ሄሳ ታ ኦሊዳይ፣ «ፃፊቲዳይሳፌ ኣጵፋ» ያጊያ ዘሪያ ሂንቴ ኑፔ ታማራና ማላሳ። ሄሳ ጊሾ፣ ኦኒካ ኢሱዋ ሳቢዲ ሃንኩዋ ካፋናው ቤሴና። 7 ኔ ሃራታፔ ኣይቢን ኣቆይ? ኔኒ ኤካቦናባይ ኣይቢ ደዳ። ያቲን፣ ኔኒ ኤኪዳባ ሃራ ኣሳፔ ኤኪዳ ጊዲኮ፣ ኤኪቦና ኣሳዳ ኣይሰ ጨቁታይ?

8 ሃዒ ሂንቴ ካሊዳታ። ሃዒ ሂንቴ ዴሬቲዳታ። ኑኒ ባይና ሂንቴ ፃላላ ካዋቲዳታ። ሂንቴ ቱማ ካዋቲዳባ ጊዲያኮ፣ ኑካ ሂንቴራ ካዋታናሺን። 9 ያሳይ ኑና ሃዋሪታ፣ ሃይቆ ፒርዳቲዳ ኣሳዳ ኣሳ ኡባፌ ኑና ጉዬ ኣሊዳ ታው

2:3 ሃ.ኦ 18:9 2:9 ኢሳ 64:4 2:16 ኢሳ 40:13 3:2 ኢሳ 5:12-13 3:4 1ቆር 1:12 3:6 ሃ.ኦ 18:4-11፣ 24-28
3:16 1ቆር 6:19፤ 2ቆር 6:16 3:19 ኢዮ 5:13 3:20 ማዘ 94:11

ዳኔስ። ኑኒ ሃ አላሚያስ፣ ኪታንቸታሲኔ አሳሰ ካሳባ ገዲዳ።

10 ኑኒ ከሪሰቶሳ ገሾ ኤያ ገዲዳ፣ ሺን ሂንቴ ከሪሰቶሳን ጨንጫታ ገዲዳ። ኑኒ ዳቡራንቸ፣ ሺን ሂንቴ ሚኖ ገዲዳ። ሂንቴ ቦንቸቲዳ፣ ሺን ኑኒ ቶሽቲዳ። 11 ሃዒ ጋካናው ኑ ኮሻቶስ፣ ሳሞቶስ፣ ካሎቶስ፣ ዋዴቶስ፤ ዳና ሶ ቆዴዲ ቶይላቶስ። 12 ኑኒ ኑ ኩሽን ኦሌ አቆስ። ኑና አሲ ባዲያ ዋዴ አንጀስ፤ ኑና ጎዲያ ዋዴ ዳንዳሶስ። 13 ኑ ቦላ ኢታባ ኦዴቲያ ዋዴ ሎያ ቃላ ዛርስ። ኑ ሃዒ ጋካናው ሃ አላሚያ ፒቶኔ ዋራ ዩጌቲያ ቡሬ ገዲዳ።

14 ታኒ ሃሳ ፃፊዳይ፣ ታ ሲቁያ ናይታዳ፣ ሂንቴና ዘራናው ፃፋሲፕ ኣቲን ዩላያናው ገዴና። 15 ከሪሰቶሳን ሂንቴና ዲቸያ ታይቦፕ ቦላ ገዲዳ ካሌሌይሳቲ ዳዒኮካ፣ ሂንቴው ኢሲ አዉ ዳዒስ። ታ ሂንቴና ከሪሰቶሳ ዩሱሳ ዋንጌላን ዩላስ። 16 ሂዛ፣ ሂንቴ ታና ለሚሶ ኦሌዲ ካላና ሚላ ሂንቴና ዋሳይስ። 17 ሃሳ ገሾ፣ አማኔቲዳ፣ ታ ሲቁያ፣ ጎዳን ታ ናዓ፣ ዓሞቲዮሳ ሂንቴኮ ከታሰ። ኢ ዲማ ዲማ ቤሳን ዳዒያ ዋሳ ኬላን ታ ታማርሲዳ፣ ከሪሰቶሳ ዩሱሳን ዳዒያ ታ ኦጊያ ሂንቴና ሃሳዩሳና።

18 ታኒ ሂንቴኮ ዮናባ ዳኒን፣ ኦቶሪያ ኢሲ ኢሲ አሳቲ ዳዖሶና። 19 ሺን ጎዳይ ገኮ፣ ማታ ዋዴ ታኒ ሂንቴኮ ባና። ሄ ዋዴ ኦቶራንቸታ ኦዳ ፃላላ ገዴናሺን ኤንታ ዋልቃካ ኤራና። 20 ያሳ ካዋቲላይ ኦዳ ገዴናሺን ዋልቃ። 21 ታኒ ሂንቴኮ ፃሞዓራ ቦዬ ዋይኮ ሲቆራኔ አሽኬ አያናራ ቦ? አዉሳ ዳሬቲ?

5

አማኒያ አሳ ገዴን ዳዒያ ዩላያ ኦሶ

1 ሂንቴ ገዴን ላይማቴሌ ዳዒይሲ ዘገሬቴስ። ሃሳ ሚላ ላይማቴሌ ሃሪ አቶሺን፣ አማኖና አሳይካ ኦሶኮና። ሂንቴ ገዴን ባ አዋ ማቸራ ቱኒዳ አሲ ዳዒስ። 2 ሃሳን ሂንቴ ቁርታናዉኔ ዩላታናው ቤሴኔ፣ ሺን ኦቶርቲዳ። ሃሳ ሚላ ቦርሶባ ኦሌዳ ኡራ ሂንቴ ገዴሬ ኬሳናው ቤሴኔ?

3 ታኒ አሾን ሂንቴራ ደና ኢዳኮካ አያናን ታ ሂንቴራ ዳዒይስ። ታኒ ሂንቴራ ዳዒያ አሳዳ ሃናዳ ሃሳ ሚላ ኦሶቀ ኦሌዳ ኡራ ቦላ ፒርዳስ። 4 ኑ ጎዳ ዩሱሰ ከሪሰቶሳ ሱንላን ሂንቴ ሸቁያ ዋዴ ታኒ አያናን ሂንቴራ ዳና። ሃሳን ጎዳ ዩሱሰ ከሪሰቶሳ ዋልቃይ ሂንቴራ ገዴና። 5 ሄ ኡራ ናጋራ አሾይ * ቆዴዳ፣ ኢያ አያናይ ጎዳ ዩሱሳ ፒርዳ ጋላሳን አታና ሚላ ኢ ፃላሂስ አጂ ኢሜቶ።

6 ሂንቴ ጨቆይ ሎያ ገዴና። ጉላ ኢርሾይ ሙኑቃ ኡባ ዳንሌይሳ ኤሬኬቲዬ? 7 ሂንቴ ሃዒ ኢርሾይ ባይና ሙኑቃ ገዴና ሚላ፣ ናጋራ ኢርሾቀ ሂንቴሬ ኬሲቴ። ኑሰ ፓሲካ ደርሳ ገዲዳ ከሪሰቶሲ ያርሼቴስ። 8 ሃሳ ገሾ፣ ጌይይኔ ኢታቴሌ ዳዒያ ኢርሾቀራ ገዴናሺን ቱማቴሌኔ ጌሻቴሌ ዳዒያ ኡይላራ ኑ ባሊያ ቦንቸሰ።

9 ታ ካሴ ፃፊዳ ዳብዳቢያን ሂንቴ ላይማቴያ አሳራ ጋሄቶና ሚላ ሂንቴው ኦዳስ። 10 ሃሳ ጉሳይ ሃ አላሚያን ዳዒያ ላይማቴይሳታራ ዋይኮ ኡዜታራ ዋይኮ ካይሶታራ ዋይኮ ኤቃ ጎይይይሳታራ ፖሎ ጋሄቶሬቴ ጉሱ ገዴና።

ሃሳ ገዴኮ፣ ሃ አላሚያፕ ሂንቴ ኬያናው ቤሴሰ ሺን አቲስ። 11 ሺን አማኖይሰ ያገሼ ላይማቴይሳታራ ዋይኮ ኡዜታራ ዋይኮ ኤቃ ጎይይይሳታራ ዋይኮ ጫዩይሳታራ ዋይኮ ማሶቴይሳታራ ዋይኮ ካይሶታራ ጋሄቶሬቴ ጋዳ ሂንቴው ኦዳይስ። ሃሳ ሚላ አሳራ ሃሪ አቶሺን፣ ካሌካ ሞፒቴ።

12 ዋሳ ኬላሬ ካሬራ ዳዒይሳታ ቦላ ፒርዳናው ታና አይቤ ጋሌይ? ዋሳ ኬላን ዳዒይሳታ ቦላ ሂንቴ ፒርዳኬቴዬ? 13 ሺን ካሬራ ዳዒይሳታ ቦላ ያሳይ ፒርዳና። ሄ ኢታባ ኦሌያ ኡራ ሂንቴ ገዴሬ ኬሲቴ።

6

አማኒያ አሳ ገዴን ዳዒያ ሞቶ

1 ሂንቴ ገዴሬ ኢሶይ ኢሱዋራ ሞቶይ ዳዒኮ፣ ሃሳ አማኒያ አሳ ሲንላን ፒርዳታናይሳ አገዲ አማኖና አሳ ሲንላን ፒርዳታናው ዋኒዲ ቤ? 2 ጌሻቲ አላሚያ ቦላ ፒርዳናይሳ ሂንቴ ኤሬኬቲ? ያቲን፣ ሂንቴ አላሚያ ቦላ ፒርዳናባ ገዴኮ፣ ሃይሳ ሚላ ጉላባ ፒርዳናው ዋኒዲ ዳንዳዒኬቲ? 3 ኑኒ ኪታንቸታ ቦላ ፒርዳናይሳ ኤሬኬቲ? ያቲን፣ ሃ ሳዓ ዳሳባ ቦላ ፒርዳናይሲ ሂንቴና ዋኒዲ ያኒ? 4 ያቲን፣ ሃሳ ሚላ ሜቶይ ሂንቴ ገዴን ሜጄቲኮ፣ ዋሳ ኬላ አይሬን ካጄቲዳ አሳ ሲንላን ፒርዳታናው ዋቲ ኤሬቲ? 5 ታኒ ሂንቴና ዩላያናው ሃሳ ጋይስ። ሂንቴ ገዴን ካጨቴዳ አሳታ ሲጌላናው ዳንዳዒያ አኬካ አሲ ባዌ? 6 ያቲን፣ ኢሲ አማኔይሲ ሃንኮ አማኔይሳ ፒርዳ ኬላን አማኖና አሳ ሲንላን ሞታናው ቤሲ?

7 ሃዛ፣ ሂንቴ ኢሶይ ኢሱዋ ሞቲያባ ገዴኮ ሂሲ ሂንቴ ኩንዳላ ቤሴስ። ሃሳሬ ሂንቴ ቆሄቲኮኔ ጨማቲኮ ኬሄኔ? 8 ሺን ሂንቴ ዋሊ ገዴን አማኔይሳቲ ኢሶይ ኢሱዋ ቆሄታኔ ጨማታ።

9 ጌላቲ ያሳ ካዋቲላ ላቶናይሳ ሂንቴ ኤሬኬቲ? ሂንቴና ጨሞሬቴ፤ ላይማቴይሳቲ ዋይኮ ኤቃ ጎይይይሳቲ ዋይኮ ቃይፃይሳቲ ዋይኮ አዴራ አዴራ ጋሄቴይሳቲ። 10 ዋይኮ ካይሶቲ ዋይኮ ኡዜቲ ዋይኮ ማሶቴይሳቲ ዋይኮ ጫዩይሳቲ ዋይኮ ቦንቄይሳቲ ያሳ ካዋቲላ ላቶኮና። 11 ሂንቴሬ ኢሲ ኢሲ አሳቲ ካሴ ሃሳ ሚላ። ሺን ሂንቴ ሃዒ ጎዳ ዩሱሰ ከሪሰቶሳ ሱንላኒኔ ያሳ አያናን ሚጨቴዳታ፤ ጌዩዳታ፤ ዒሊዳታ።

ሂንቴ አሳቴላን ያሳ ቦንቸቲ

12 ሂንቴ፣ «ኑ ኮዩዳባ አላናው ዳንዳሶስ» ያጌታ። ሺን ኡባይ ሂንቴና ማዴና። ታኒ ኮዩዳባ ኡባ አላናው ዳንዳዒይስ፣ ሺን አይቢካ ታና ሃሪና። 13 ሂንቴ፣ «ካሌ ኡሎሳ፤ ኡሎይካ ካላሳ» ያጌታ። ሺን ያሳይ ኡሎዋካ ካላካ ቆይሳናይሳ ታ ሂንቴው ኦዳይስ። ኑ አሳቴላይ ጎዳሳሬ አቲን ላይማቴላሳ ገዴና። ጎዳይካ ኑ አሳቴላሳ። 14 ያሳይ ጎዳ ሃይቆፕ ዳንሌዳይሳዳ፣ ኑናካ ሃይቆፕ ባ ዋልቃን ዳንላና።

15 ሂንቴ አሳቴላይ ከሪሰቶሳ አሳቴላሬ ባጋ ገዴይሳ ኤሬኬቲ? ያቲን፣ ታኒ ከሪሰቶሳ አሳቴላሬ ባጋ ኡፋዳ ላይማቴላ አሳቴሌ ገዴና ሚላ ኦሶ? ሃኔና!

16 ላይማቴያ ኡራይ ኢ ጋሄቲያ አሴራ ኢሲ አሳቴሌ ገዴይሳ ኤሬኬቲ? ጌሻ ማፃፋን፣ «ኤንቲ ናሞዓይ ኢሲ

4:12 ሃ.ኦ 18:3 4:16 1ቆር 11:1፤ ፊል 3:17 5:1 ዛሬ 22:30 * 5:5 ናጋራ አሾይ፣ ናጋራ ሚላይ ዋይኮ ናጋራ አሳቴላይ። 5:6 ጋላ 5:9 5:7 ኬሳ 12:5 5:8 ኬሳ 13:7፤ ዛሬ 16:3 5:13 ዛሬ 13:5፤ 17:7 6:12 1ቆር 10:23 6:16 ሜጲ 2:24

አሳቴሌ ገዳና» ጌቴቴዲ ዓፌቲስ። 17 ሺን ጎዳራ ኢሲፊያ ኡራይ ኢያራ ኢያናን ኢሶ ገዳስ።
 18 ላይማቴላፌ ሃኪቴ። ኢሲ ኡራይ ኦሊያ ሃራ ናጋራይ ኢያ አሳቴላፌ ካሬራ ኦሴቲስ። ሺን ላይማቴያ አሲ ባ አሳቴላ ቦላ ናጋራ ኦሴስ። 19 ሂንቴ አሳቴላይ ያሳይ ሂንቴው ኢሚዳ ሂንቴናን ዳዒያ ጌሻ ኢያና ኬሊ ገዳይሳ ኤሬኬቲ? ሂንቴ ሂንቴባ ገዳኬታ። 20 ያሳይ ሂንቴና ጋቴን ሻሚስ። ሄሳ ጊሾ፣ ሂንቴ አሳቴላን ያሳ ቦንቸቴ።

7

ኤኮ ጌሎባ

1 ሂንቴ ታው ዓፊዳ ዳብዳቢያስ ዛርይ ሃይሳ። ኢሲ አሲ ማቸና ዳዒኮ ሎዎ። 2 ሺን ላይማቴላፌ አታናው ኢሲ ኢሲ አዳይ ማቸ ኤኮ፤ ቃሲ ኢሲ ኢሲ ማጫሳስ አዚኒ ዴዎ።

3 አዚናይ ባ ማቸስ፣ ቃሲ ማቸያ ባ አዚናስ ቤሲያባ ኩን። 4 ማቸስ ባ አሳቴላ ቦላ ኢው ማቲ ባዎ፣ ሺን ማታይ ኢ አዚናሳ። ሄሳዳካ፣ አዚናስ ኢያ አሳቴላ ቦላ ማቲ ባዎ፣ ሺን ማታይ ማቸሳ። 5 ሂንቴ ዋሳን ጉላ ዋዴ ጋምናናው ዘሬቴላን ገደና ኢዲኮ፣ ኢሶይ ኢሶዋ ዲጎፊቴ። ሄሳ ጋሶን ሂንቴናቴላ ሃራናው ያኔቲን፣ ያላሄይ ሂንቴና ፓጮና ማላ ኢሲፌ ዳዒቴ። 6 ሺን ታኒ ሂንቴና ዘራናው ሃይሳ ጋይሲፔ ኦቲን ኪታ ገዳና። 7 አሲ ኡባይ ታዳ ማቸ ኤኮና ዳዒያኮ ደሳይስ። ሺን ያሳይ ኢሶዋስ ኢሶዋስ ኢሚዳ ዴማ ኢሞቲ ዳዒስ። ኢሶዋስ ሃይሳ ማላ ሃንኩዋስ ሄሳ ማላ ኢሞቲ ዳዒስ።

8 ማቸ ኤኮናይሳታሲኔ አዚና ጌሊቦናይሳታሰ ቃሲ አምዔታሰ ታኒ ጌይ፣ ታዳ ኤኮና ዋይኮ ጌሎና ዳዒቴ ጋዳ ዘራይስ። 9 ሺን አምን ፀጌቴይሳፌ ኤኬይሲኔ ጌሊይሲ ሎዎ ገዲያ ጊሾ ኤንቲ ባንታና ሃራናው ዳንዳዎና ኢዲኮ፣ ኤኮኔ ጌሎ።

10 ታኒ ኤኮዳይሳታኔ ጌሊዳይሳታ ሃይሳዳ ጋዳ ዘራይስ፤ ታና ገዲኬ ጎዳይ ኪቴስ፤ ማቸያ ባ አዚናፔ ሻኬቶ። 11 ሺን ሻኬቲኮ ሃራ አዚና ጌሎና ባርካ ዴዎ ዋይኮ ባ አዚናራ ገን። አዚናይ ባ ማቸው ቢሎ።

12 ሺን ሃራታሰ ጎዳ ገደናሺን ታኒ ሃይሳዳ ጋይስ። አማናና ማቸ ዳዒያ አማኒያ አዚኒ ዳዒኮ፣ ኢያ ማቸያ ኢያራ ኢሲፌ ዳናው ኮይኮ ኢዮ ቢሎ። 13 ቃሲ አማናና አዚኒ ዳዒያ አማኒያ ማቸ ዳዒኮ፣ ኢ አዚናይ ኢራ ኢሲፌ ዳናው ኮይኮ ኢያፔ ቢሎቶ። 14 አማናና አዚናይ ባ አማኒያ ማቸ ባጋራ ጌዬስ፤ ቃሲ አማናና ማቸያ ባ አማኒያ አዚና ባጋራ ጌያወሱ። ሄሲ ባይኔኮ፣ ሂንቴ ናይቲ ቱና ገደሶና፣ ሺን ሃዒ ኤንቲ ጌሺ። 15 ሺን አማናና አዚናይ ዋይኮ ማቸያ ቢላናው ኮይኮ ቢሎ። አማኒያ ማቸያ ዋይኮ አዚናይ ሄሳ ማላባን ቃሺቶኮና። ያሳይ ኑና ሳርቴላን ዳና ማላ ያገሰ። 16 አማኒያ ማቸቴ፣ ኔኒ አማናና ኔ አዚና አሻኔኮ አይ ኤራይ? ዋይኮ አማኒያ አዚናው፣ ኔኒ አማናና ኔ ማቸው አሻኔኮ አይ ኤራይ?

ያሳይ ሂንቴና ያገዳይሳዳ ዳዒቴ

17 ኢሲ ኢሲ አሲ ጎዳይ ኢያው ኢሚዳ ኢሞታዳኔ ያሳይ ኢያ ያገዳይሳዳ ዴዎ። ዋሳ ኬላ ኡባን ታኒ ታማርሲዳ ዋጋይ ሃይሳ። 18 ኦኒካ ቃፃሬቲዲ አማኒዳባ ገዲኮ፣ ቃፃሬቶና ሃናፖ። ቃፃሬቶና አማኒዳ ኦኒካ

ዳዒኮ፣ ቃፃሬታናው ኮዮፖ። 19 ያሳ ኪታ ፖላናው ቤሴሰፔ ኦቲን ቃፃሬቲን ቃፃሬቶና ኦጊን አይኮካ ማዴና።

20 ኢሲ ኢሲ አሲ ያሳይ ባና ያገያ ዋዴ ዳዒይሳዳ ዴዎ። 21 ያሳይ ኔና ያገያ ዋዴ ኔኒ አይሎ? አይኮይ ባዎ ሄሳስ ኡንዔቶ። ሺን ኔኒ አይሎቴላፌ ላዓ ኬያናው ዳንዳዒኮ ዩዳ ኬያ። 22 አይሎ ገዲ ዳዒሺ ጎዳን ያገቴዳ አሲ ጎዳን አይሎቴላፌ ላዓ ኬዩስ። ሄሳዳካ፣ አይሎ ገደና ዳዒሺ፣ ጎዳን ያገቴዳ አሲ ኪሪሰቶሳ አይሎ። 23 ያሳይ ሂንቴና ጋቴን ሻሚዳ ጊሾ አሳ አይሎ ገደፒቴ። 24 ታ ኢሻቶ፣ ሂንቴ ኢሶይ ኢሶይ ያገቴያ ዋዴ ዳዒያ ዳዑዋን ያሳራ ኢሲፌ ዳዒቴ።

ኤኪቦና፣ ጌሊቦና አሳባኔ አምዔታባ

25 ጌላዎታባ ጎዳይ ታና ኪቲዳባይ ባዎ። ሺን ጎዳይ ታው ኢሚዳ ማሮቴላ ማላ ታኒ ሂንቴና ዘራይስ። 26 ሂዛ፣ ሃዒ ማቸዋ ጊሾ ኤኮና ዋይኮ ጌሎና ዴሲ ታው ሎዎ ዳኔስ። 27 ኔ ማቸ ኤኮዳባ ገዲኮ፣ ቢላናው ኮዮፓ። ኔ ማቸ ኤኮናባ ገዲኮ፣ ኤካናው ኮዮፓ። 28 ሺን ኔ ማቸ ኤኪኮ ናጋራ ባዎ። ሄሳዳ ጌላዒያካ አዚና ጌሊኮ ናጋራ ባዎ። ሺን ኤኪያ ጌሊያ አሳሰ ሃ ሳዓን ዳሮ ማቸይ ዳዒያ ጊሾ ሂንቴ ሄሳፌ አታና ማላ ታ ኮያይስ።

29 ታ ኢሻቶ፣ ታ ጌይ ሄሳ፤ ዋዴይ ወሪስ። ሂዛፔ ሰንጮ ማቸ ዳዒይሲ ማቸ ኤኮናይሳዳ ዴዎ። 30 ዩኬይሳቲ ዩኮናዳ፣ ኡፋይቴይሳቲ ኡፋይቶናዳ፣ ሻማይሳቲ አይኮይካ ባይናዳ ባንታና ታይሎ። 31 ሃ ሳዓ ሻሎዋን ማዴቴይሳቲ ማዴቲቦናዳ ሃና። ሃ አላሚያ ማላይ አፋና።

32 ሂንቴ ሃርጊ ባይና ዳና ማላ ታ ደሳይስ። ማቸ ኤኪቦናይሲ ጎዳ ኡፋይሳናው ኮያ ጊሾ ጎዳባ ቆፔስ።

33 ሺን ማቸ ኤኪዳይሲ ባ ማቸው ኡፋይሳናው ኮያ ጊሾ ሃ ሳዓባ ቆፔስ። 34 ኢያ ቆፋይ ናምዓን ሻኬቲስ። አዚና ጌላቦና ጌላዒያ ባ አሳቴላኒኔ ባ ሸምፑዋን ጌያዳ ጎዳ ኡፋይሳናው ኮያ ጊሾ ጎዳባ ቆፓወሱ። ሺን አዚና ጌሊዳራ ባ አዚና ኡፋይሳናው ኮያ ጊሾ ሳዓባ ቆፓወሱ።

35 ታኒ ሄሳ ሂንቴው ኦዴይ፣ ሂንቴ ማዴታና ማላሳፌ ኦቲን ሂንቴና ኡንዔላናው ገደና። ሺን ሂንቴ ቆፋይ ሻኬቶና ማራን ዳዒዲ ጎዳ ኡፋይሲያባ ሂንቴ ኦላና ማላ ታኒ ኦዳይስ።

36 ኦኒካ ባ ኦይቸዳ ጌላዒስ ጌሎ ዋዴይ አፋሰ ገዲ ኢዮ አጋናው ቆፒኮ፣ ሄሲ ቃሲ ኢው ሎዎ ገደናይሲ ኢያው ሰዔቲኮ፣ ባ ኮዩዳይሳ ኦላ፤ ኤንቲ ኤኬቶ፣ ጌሎቶ፤ ሄሳን ናጋራ ባዎ። 37 ሺን ኢሲ አሲ ኡንዔሊያባይ ጳዩን፣ ባ ዋዛናን ማኒዲ፣ ባና ሃራዲ፣ ባ ኦይቸዳ ጌላዒው ኤኮና አጋናው ኮይኮ ሎይሊስ። 38 ሄሳ ጊሾ፣ ጌላዒው ኤኪያ ኡራይ ሎይሊስ፤ ቃሲ ኤኮና ኡራይ ዳሮ ሎይሊስ።

39 ማቸያ ባ አዚናይ ፓፃ ዳዒያ ዋዴ ኡባን ኢያራ ቃሺታሱ። ሺን ኢ አዚናይ ሃይቁኮ፣ ባ ደሲዳ አዚና ጌላናው ዳንዳዓወሱ። ገደሺን፣ ኢያ ጌሊያ አዳይ አማኒያ አሲ ገደናው ቤሴስ። 40 ታ ቆፋን ገዲኮ፣ ኢያ ጌሎና ዳዒኮ ኡፋይሳን ዳና። ቃሲ ታው፣ ታ ቦላ ያሳ አያኒ ዳዒያ ዳኔስ።

8

ኤቃስ ያርሼቲዳ ካፋባ

1 ኤቃስ ያርሼቲያ ካፋባ ገዲኮ ኑ ኡባይ ኤርሰ። ኤራቴሌ ኦቶርሱስ። ሺን ሲቆይ ዲቼስ። 2 ኦኒካ ባና ኤራይስ ገዲ ቆፒኮ። ኢ ቡሮ ኤራናው ቤሴይሳ ኤሪቤና። 3 ሺን ኦኒካ ያሳ ሲቁኮ ኢ ያሳ ማታን ኤሬቲዳይሳ።

4 ሄሳ ገሾ። ኤቃስ ያርሼቲዳ ካሌ ሙሳባ ገዲኮ ሃ ኣላሚያን ጎዲ ኢሲ ያሳፊ ኣቲን ሃሪ ባይና ገሾ ኤቁ ፓላናባ ገዲይሳ ኦኒ ኤርሰ። 5 ያሴ ገደናሺን ሳሎኒኔ ሳባን ያሴ ጌቲቲ ያጌቲያ ዳሮ ያሳቲኔ ጎዳቲ ዳባኮካ። 6 ኡባባ ሜዲዳ። ኑ ኢያባ ገዲዳ። ኢሲ ያሳይ። ኣቀይ። ኑስ ዳዔስ። ኡባይ ኢያ ባጋራ ሜዲቲዳ። ኑካ ኢያ ባጋራ ዳያ ዳሚዳ ኢሲ ጎዳይ። ዩሱስ ኪሪስቶሲ ኑስ ዳዔስ።

7 ሺን ሃይሳ ኤሬይ ኡባ ገደና። ኢሲ ኢሲ ኣሳይ ኤቃ ጎይናራ ሜዜቲዳ ገሾ ካሌ ሚያ ዎዴ ኤቃስ ያርሼቲዳባ ኦሊዲ ኤኮሶና። ሄ ዎዴ ኤንታ ካሃይ ዳቡራ ገዲያ ገሾ ቱኔስ። 8 ሺን ካሌ ኑና ያሳራ ዳቦዬና። ኑ ሞና ኣገዲ ኣይኮካ ቆሃቶኮ፤ ቃሲ ሚዲ ዲማ ጎዔቶኮ።

9 ሺን ሂንቴ ኮዩዳባ ማናው ላባቴሌ ሂንቴው ዳባኮካ ሄሲ ኣማኖን ሚናናይሳታ ቆቦና ማላ ናጌቲቲ።

10 ኔኒ ኔና ኤራንቸ ጋዳ ኤቃስ ያርሼቲዳ ካሌ ማናው ኤቃ ኬላን ኡቲዳሺን። ኣማኖን ሚናናይሲ ኔና ቤዲኮ ሄሲ ኢያ ኤቃስ ያርሼቲዳ ካሌ ማና ማላ ዳንጤጤ።

11 ሂዛ። ኔ ኤራቴላ ጋሶን ኪሪስቶሲ ኢያ ገሾ ሃይቁዳ። ኣማኖን ሚናና ኔ ኣሻይ። ቆይስ። 12 ሄሳዳ ኦሊዲ። ኣማኖን ሚናና ሂንቴ ኣሻታ ቆሂሽኔ ኤንታ ካሃ ማዲንጂሲሽ ኪሪስቶሳ ቆሂታ። 13 ሄሳ ገሾ። ካሌ ታ ኣሻ ቆቢያባ ገዲኮ። ኢ ቆቤቶና ማላ ኣሾ ኡባራካ ሚኬ።

9

ሃዋሪታ ማታ

1 ታኒ ዩዳ ዳዒያ ኣሲ ገዲኪና? ታ ሃዋሪ ገዲኪና? ታኒ ኑ ጎዳ ዩሱስ ኪሪስቶሳ ቤዓቢኪና? ሂንቴ ጎዳን ታ ዳቡራ ኣይፊ ገደኬቲ? 2 ሂንቴ ጎዳባ ገዲያ ገሾ ታ ሃራታስ ሃዋሪ ገደና ኢጂኮካ። ሂንቴው ሃዋሪ ገደይሳስ ሂንቴ ማርካ።

3 ታና ሃዋሪ ገደና ጌይሳታስ ታ ኢሚያ ዛርይ ሃይሳ።

4 ኑ ሂንቴፊ ማናውኔ ኡያናው ቱማ ኑስ ማቲ ባዌ?

5 ሃንኮ ሃዋሪታዳ። ጎዳ ኣሻታዳኔ ጳጊሮሳዳ። ኣማኒያ ኑ ማቸታ ኤኪ ሃሙታናው ኑስ ማቲ ባዌ? 6 ዎይኮ ኦሊዲ ማናው ቤሴይ ታራኔ ባርናባሳ ፃላሌ? 7 ባ ሚሽን ዎታዳሬታሌ ኦሌይ ኦኔ? ዎይኮ ዎይኔ ቶኪዲ። ኢያፕ ኣይፊ ሞናይ ኦኔ? ዎይኮ ወዳ ሃሚሽ። ሄ ወዲያፕ ማሌ ኡኖናይ ኦኔ?

8 ታኒ ሄሳ ኣሳ ቆፋላ ጋይናዬ? ሂጌይ ሄሳ ጌኔ?

9 ሙሴ ሂጊያን። «ወዲማን ካላ ዩዲያ ቦራ ደና ቃቸፋ» ጌቲቲዲ ፃፊቲስ። ያቲን ያሳይ ሄሳ ቦራስ ቆፒዲ ገደ?

10 ያሳይ ሄሳ ገደይ ኑስ ቆፒዲ ገደኔ? ኤ ኑ ገሾሳ። ጎይይሲካ። ካላ ጌሽይሲካ ባና ጋኬይሳ ኤካና ገዲ ኡፋይሳን ኣላናው ቤሴስ ጌቲቲዲ ቱማ ኑ ገሾ ፃፊቲስ። 11 ኦኒ ሂንቴ ገደን ኣያና ዜሬሌ ዜሪዳ ገዲኮ ኣሾስ

ኮሺያባ ኑ ሂንቴፊ ኤኪኮ። ሄሲ ገታባዬ? 12 ሃራቲ ሄሳ ሂንቴፊ ኤካናው ኤንታው ማቲ ዳዒኮ። ኑስ ኤንታይሳፊ ኣዲያ ማቲ ዳዔስ።

ሺን ኦኒ ኪሪስቶሳ ዎንጌላስ ቆቤ ገደና ማላ። ኡባ ጌንጮሲፕ ኣቲን ሄ ማታን ጎዔቲቦኮ። 13 ያሳ ኬላን ኦሊያ ኣሳቲ ባንታ ካላ ያሳ ኬላፊ ኤኬይሳ ኤሬኬቲ? ቃሲ ያርሾ ቤሳን ኦሌይሳቲ ያርሹዎፊ ኤኬይሳ ኤሬኬቲ? 14 ሄሳዳካ። ዎንጌላ ማርካቲይሳቲ ዳሳስ ኮሺያባ ዎንጌላፕ ኤካና ማላ ጎዳይ ኪቲስ።

15 ሺን ታኒ ሃ ማታ ኡባን ኣይኮካ ጎዔታቢኬ። ታኒ ሃይሳ ፃፊዳይ ታ ማታ ቦንቸሳናው ኮያዳ ገደና። ኦኒካ ታ ጨቁዎ ሃዳ ኦላናፕ ሃይቆይ ታው ሎያ። 16 ታኒ ዎንጌላ ኦዳይ ኪቲቲዳ ገሾሳፊ ኣቲን ታና ጨቁሲያባ ገደና። ዎንጌላ ኦዳና ኢጂኮ። ታና ኣዩ። 17 ታኒ ዎንጌላ ደሳዳ ሳባኪኮ ታው ዎይቶይ ዳዔስ። ሺን ታኒ ዎንጌላ ደሶና ኪቲታዳ ሳባኪያባ ገዲኮ ሄሳ ያሳይ ታው ሃዳራ ኢሚስ። 18 ያቲን። ታ ዎይቶይ ኣይቤ? ታኒ ዎንጌላ ሳባኪያ ዎዴ ታ ማታን ጎዔቶና ዎንጌላ ጮ ሳባኬይሲ ታው ዎይቶ።

19 ታኒ ኦዳስካ ኣይሌ ገዲኬ። ሺን ዳሮታ ኣሻናው ኡባስ ኣይሌ ገደስ። 20 ታኒ ኣይሁዴታ ኣሻናው ኤንታራ ኤንታ ገደስ። ታ ሁዒን ሂጌፊ ጋርሳን ዳዒኬ። ሺን ሂጌፊ ጋርሳን ዳዔይሳታ ኣሻናው ሂጌፊ ጋርሳን ዳዒያ ኣሲ ገደስ። 21 ያሳ ሂጊያፊ ካሬ ኬኖና። ኪሪስቶሳ ሂጊያስ ኪቲታሼ። ሂጌይ ባይናይሳታ ኣሻናው ሂጌይ ባይና ኣሳዳ ገደስ። 22 ታኒ ዳቡራንቸታ ኣሻናው ዳቡራንቸ ገደስ። ታኒ ጉላታ ኣሻናው ኡባራ ኡባ ሃናስ። 23 ታኒ ዎንጌላ ኣንጂዎ ሻኬታናው። ሃ ኡባ ዎንጌላ ገሾ ሃናስ።

24 ዎላን ጋዴቲያ ኡባይ ዎዳስ። ሺን ኢሱዎ ፃላሊ ዎይቶ ኤኬይሳ ኤሬኬቲ? ሄሳዳ ሂንቴካ ዎይቲዎ ኤካናው ዎዩቲ። 25 ጋዴቲያ ኣሳ ኡባይ ኡባባን ባንታና ሃሬስ። ኤንቲ ሄሳ ዳቡሬይ ቆያ ካላቻ ዎይቶ ኤካናሳ። ሺን ኦኒ ዳቡሬይ ሜሪና ካላቻ ዎይቲዎ ኤካናሳ። 26 ሄሳ ገሾ። ታኒ ቆፊ ባይና ኣሳዳ ዎዩኬ። ጨርኮ ዩምፒያ ኣሳዳ ጮ ኩሼ ዩዲኬ። 27 ሺን ታኒ ሃራታስ ዎንጌላ ሳባኪዳፕ ጉዬ ታ ሁዒን ዩጌቲዳ ኣሲ ገደና ማላ ታ ኣሳቴላ ዎልቃን ሃራዳ ታው ኪቲታና ማላ ኦላይስ።

10

ኤቃ ጎይናፊቲ

1 ታ ኣሻቶ። ታኒ ሂንቴ ሃይሳ ኣኬካና ማላ ኮያይስ። ኑ ኣዋቲ ኡባይ ሻራፕ ጋርሳራ ሃሙቲደሶና፤ ኡባይ ኣባ ፒኒደሶና። 2 ኤንቲ ሙሴራ ኢሲፋናው ሻራኒኔ ኣባን ፃማቁቲደሶና። 3 ኤንቲ ኡባይ ኢሲ ኣያና ካላ ሚደሶና። 4 ቃሲ ኡባይ ኢሲ ኣያና ኡሻ ኡዩደሶና። ኤንቲ ባንታና ካሊያ ኣያና ዛላፊ ፑልቲዳ ኡሻ ኡዩደሶና፤ ሄ ዛላይካ ኪሪስቶሳ። 5 ሺን ያሳይ ኤንታፊ ዳሮታን ኡፋይቲቦና ገሾ ኤንታ ኣሃይ ባዞ ቢታን ዎዲዲ ኣቲስ።

6 ኤንቲ ኢታባ ኣሞቲዳይሳዳ። ኑካ ኢታባ ኣሞቶና ማላ ሄሲ ኡባይ ኑስ ለሚሶ ገዲስ። 7 ጌሻ ማፃፋን። «ኣሳይ ማናውኔ ኡያናው ኡቲደሶና፤ ቃሲ ዩፃናው ዳንዲደሶና» ጌቲቲዳይሳዳ ኤንታፊ ኢሶቲ ኢሶቲ ኤቃ

9:9 ዛሬ 25:4፤ 19ዋ 5:18 9:11 ሮሜ 15:27 9:14 ማቶ 10:10፤ ሉቃ 10:7 10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ኬሳ 32:6

ጎይኒዳይሳ ማላ ሂንቴ ኤቃ ጎይኖሬቴ። 8 ኤንታፌ ኢሶቲ ኢሶቲ ላይማቲዳይሳዳ ኑ ላይማታናው ቤሴና። ሄሳ ጋሶን ኤንታፌ ኢሲ ጋላሰ ላታማኔ ሄቩ ሙኩሉ ኣሲ ሃይቁሰ። 9 ኤንታፌ ኢሶቲ ኢሶቲ ጎዳ ፓጩዲ ሸሻን ዲከቲዲ ሃይቁዳይሳዳ ኑ ጎዳ ፓጩናው ቤሴና።

10 ኤንታፌ ኢሶቲ ኢሶቲ ዙዙሚ ሃይቆ ኤሂያ ከታንቸዋን ቆዩዳይሳዳ ሂንቴካ ዙዙሞሬቴ።

11 ሃ ኤንታ ሶላ ጋኪዳ ኡባይ ኑ ናጌታና ማላ ኑስ ለሚሶ ጊዲሰ። ቃሲ ዋዴ ወርሴላ ሶላ ዴዲያ ኑስ ቲሚርቲ ጊዳና ማላ ሃ ኡባይ ፃፊቲሰ።

12 ሄሳ ጊሾ፣ ታ ኤቃሰ ጊያ ኦኒካ ኩንደና ማላ ባና ናጎ። 13 ኣሴ ኡባ ጋኪያ ፓጩፕ ኣቲን ዲማ ፓጩይ ሂንቴና ጋኪቤና። ሂንቴ ዋልቃይ ዳንዳዴይሳፌ ኣቋያ ፓጩን ሂንቴ ፓጩቶና ማላ ኣላ ኣሞና ያሳይ ኣማኔቲዳይሳ። ሂንቴና ፓጩይ ጋኪያ ዋዴ ሄ ፓጩያ ኢ ሂንቴና ዳንዳዲሳና። ቃሲ ሄ ፓጩያፕ ሂንቴ ኬያና ኦጊያ ኢ ጊሊሳና።

14 ሂዛ፣ ታ ኣልዎ ኣሻቶ፣ ኤቃ ጎይኖሬ ሃከቴ።

15 ሂንቴ ዋዛናማ ኣሲ ጊዲዳ ጊሾ ታ ሃይሳ ኦዳይሰ። ታኒ ጌይሲ ቱማ ጊዴይሳ ሂንቴ ሂንቴ ሁዔን ፐርዲቴ።

16 ኑኒ ያሳ ጋላቲዲ ሻኬቲያ ኣንጆ ፀዓይ ከሪሰቶሳ ሱላራ ኢሲፊቴላ ዴዳይሳ ጊዴኔዬ? ቃሲ ኑኒ ባሊያ ኡይላይ ከሪሰቶሳ ኣሹዋራ ኢሲፊቴላ ዴዳይሳ ጊዴኔዬ? 17 ኑኒ ዳር ጊዲኮካ ኡይላይ ኢሲኖ፣ ኑ ሄ ኢሲ ኡይላ ሻኬቲያ ጊሾ ኢሲ ኣሳቴላ።

18 ኣኔ ኢሰራዔል ኣሳይ ኦሊዳይሳ ኣከከቴ። ያርሼቲዳ ያርሼቱ ማይሳታሰ ያርሼ ቤሳራ ኢሲፊቴላ ባዌዬ? 19 ታኒ ኣይ ጋናው ኮያዳ ጋይና? ኤቃሰ ያርሼቲዳ ካላይ ዋይኮ ኤቃይ ፓሊያባ ጊዴና። 20 ኤንቲ ያርሼይ ያሳሰ ጊደናሺን ቱና ኣያናታሳ። ሄሳ ጊሾ፣ ሂንቴው ቱና ኣያናታራ ኢሲፊቴላ ዳና ማላ ኮዩኬ።

21 ሂንቴ ጎዳ ፀዓፕ ኡዩሼ፣ ቃሲ ቱና ኣያናታ ፀዓፕ ኡያናው ዳንዳዴኬታ። ጎዳ ጋይታፕ ሚሼ ቃሲ ቱና ኣያናታ ጋይታፕ ማናው ዳንዳዴኬታ። 22 ኑ ሄሳ ኦሊዳ ጎዳ ዩሎይና? ኑ ኢያፕ ኣቋያ ሚኖዬ?

23 ሂንቴ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባይ ማዴና። ሂንቴ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባባይ ዲቼና። 24 ኢሲ ኢሲ ኣሲ፣ ሃራ ኣሲ ማዲያባ ቆፓናው ቤሴሲፕ ኣቲን ባና ማዲያባ ፃላላ ቆፖሬ።

25 ሂንቴ ካሃ ሲዴን ጌልሲያ ኦይሻ ዳንላና ጊያን ባይዙቲያ ኣሹዋ ጮ ሚቴ። 26 ኣይሰ ጊኮ፣ «ሳዒኔ ሳዒን ዴዲያ ኡባይ ጎዳሳ።»

27 ኢሲ ኣማናና ኣሲ ሂንቴና ኣማታናው ኮዩዲ ያጊኮ ባናው ኮይኮ ቤቴ። ሂንቴ ካሃን ማዴቲያ ኦይሻን ሲዳና ሂንቴ ሲንላ ኣሊያባ ኡባ ሚቴ። 28 ሺን ኢሲ ኣሲ፣ «ሃይሲ ኤቃሰ ያርሼቲዳባ» ጊኮ፣ ሄ ሂንቴው ኦዲዳ ኣዲያ ጊሾኔ ሂንቴ ካሃ ጊሾ ሄ ካላ ሞፐቴ። 29 ታኒ፣ ካሃ ጊሾ ጌይ ሄ ሂንቴው ኦዲዳ ኡራ ካሃ ጉሱፌ ኣቲን ሂንቴ ካሃ ጊዳና።

ሃራ ኣሳ ካሃ ጊሾ ጋዳ ታኒ ታ ላዓቲላ ሶላ ኣይሰ ፐርዳ? 30 ታኒ ሚያ ካላ ያሳ ጋላታዳ ሚኮ ባሊዳዳ ኣይሰ ቦሬቲያና?

31 ሂዛ፣ ሂንቴ ኣይ ሚኮ ኣይ ኡዩኮ፣ ዋይኮ ኣይ ኦሊኮካ ኡባባ ያሳ ቦንቸሰ ኦሊቴ። 32 ኣይሁዳታ ጊዲን ጊሪኬታ ጊዲን ዋይኮ ያሳ ዋሳ ኬላ ጊዲን ኦዴሰካ ቆቤ ጊደፐቴ። 33 ታኒ ኡባ ዋዴ ዳርታ ኣሻናው ኤንቴ ማዴቲያ ኦጌ ኮያይሲፕ ኣቲን ታና ማዲያ ኦጌ ኮዩኬ።

11

1 ታኒ ከሪሰቶሳ ለሚሱዋ ካሌይሳዳ፣ ሂንቴካ ታና ካሊቴ።

ጎይኖ ማራ

2 ሂንቴ ኡባባን ታና ቆፐያ ጊሾኔ ታ ታማርሲዳ ቲሚርቲያ ሚንላዲ ናጊዳ ጊሾ ታ ሂንቴና ጋላታይሰ።

3 ሺን ከሪሰቶሲ ኣዴ ኡባሰ ሁዔ፣ ኣዴይ ማጫሳሰ ሁዔ፣ ቃሲ ያሳይ ከሪሰቶሳሰ ሁዔ ጊዴይሳ ሂንቴ ኤራና ማላ ታ ኮያይሰ። 4 ባ ሁዔያ ጉሉንቲዲ ያሳ ዋሲያ ዋይኮ ቲንቤቴ ኦዲያ ኣዴ ኡባይ ሁዔ ጊዲዳ ከሪሰቶሳ ቶቼሰ። 5 ባ ሁዔያ ቃጮና ያሳ ዋሲያ ዋይኮ ቲንቤቴ ኦዲያ ማጫሲያ ሁዔ ጊዲዳ ባ ኣዘና ቶቻወሲ። ባ ሁዔያ ቃጮና ማጫሲያ ባ ሁዔያ ሜዳቲዳ ማጫሳ ማላ።

6 ማጫሲ ባ ሁዔያ ቃጮና ኢዳኮ፣ ባ ሁዔያ ቃንዳቶ። ሺን ኢው ሁዔያ ቃንዳይ ዋይኮ ሜዳይ ቦርሶ ጊዲኮ ባ ሁዔያ ቃጮ። 7 ኣዴይ ያሳ ለሚሶኔ ያሳ ቦንቸ ጊዲያ ጊሾ ባ ሁዔያ ቃቻናው ቤሴና፣ ሺን ማጫሲ ኣዴሰ ቦንቸ። 8 ማጫሲ ኣዴፌ ሜዴታሱፕ ኣቲን ኣዴይ ማጫሳፕ ሜዴቲቤና። 9 ማጫሲ ኣዴሰ ሜዴቲሲፕ ኣቲን ኣዴይ ማጫሳሰ ሜዴቲቤና። 10 ሃይሳ ጊሾኔ ከታንቸታ ጊሾ ማጫሲ ባው ማቲ ዴዳይሳ ቤሲያ ማላ ባ ሁዔን ቃጮናው ቤሴሰ።

11 ሺን ጎዳ ቆፋን ማጫሲ ኣዴይ ባይና ዴና፤ ኣዴይካ ማጫሲ ባይና ዴዳና። 12 ማጫሲ ኣዴፌ ሜዴቲዳይሳዳ ኣዴይካ ማጫሳፕ ጮሊቲሰ። ሺን ኡባባይካ ያሳፌ ሜዴቲሰ።

13 ኣኔ ሂንቴ ፐርዲቴ። ማጫሲ ባ ሁዔ ቃጮና ያሳ ዋሳናው ቤሰ? 14 ኣዴይ ባ ሁዔያ ዲቼኮ ኢያው ቦርሶ ጊዴይሳ ሃሪ ኣቶሺን ሜዴቲላ ሂንቴና ታማርሴኔ?

15 ሺን ማጫሲ ባ ሁዔያ ዲቼኮ ኢው ቦንቸ ጊዴኔ? ማጫሳሰ ሁዔይ ኣሚቲዳይ ኢያ ባና ካማና ማላሳ።

16 ሺን ሃይሳ ሶላ ፓላማናው ኮያ ኣሲ ዴዲኮ፣ ኑስ ጊዲን ዋይኮ ያሳ ዋሳ ኬላታሰ ጊዲን ሃይሳፌ ሃራ ዋጊ ባዋ።

ጎዳ ካሁዋ ኤኪያ ማራ

(ማቶ 26:26-29፤ ማር 14:22-25፤ ሉቃ 22:14-20)

17 ሂንቴ ኢሲፌ ሸቄይ ጎዳሰ ጊደናሺን ቆሆሰ ጊዲያ ጊሾ ሃዒ ታ ኣሚያ ከታን ሂንቴና ናሺኬ። 18 ታ ኮይሮ ሲዳዴይ፣ ሂንቴ ዋሳ ኬላን ሸቄያ ዋዴ ሂንቴ ጊደን ሻሂቴላ ዴዳይሳ። ሄ ታ ሲዳይሳፌ ባጋይ ቱማ ጊዴይሳ ኣማናይሰ። 19 ሂንቴ ጊደፌ ቱሚ ዴዳይሳቲ ኦናንቴኮ ኤሬታና ማላ ሂንቴ ጊደን ሻኮይ ዳናይሲ ኣቲና። 20 ሂንቴ ኢሲፌ ሸቄያ ዋዴ ሂንቴ ሸቄይ ጎዳ

10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሉቃ 22:19-20
10:18 ሉዌ 7:6 10:20 ዛሬ 32:17 10:22 ዛሬ 32:21 10:23 1ቆር 6:12 10:26 ማዝ 24:1 11:1 1ቆር 4:16፤ ፊል 3:17 11:7 ሜዴ 1:26-27 11:8 ሜዴ 2:18-23

ካሁዋ ማናሳ ገደና። 21 ሂንቴ ካሊ ሚያ ዋዴ ኢሶይ ኢሱዋ ናገና ባይሳ ባይሳ ሚያ ገሾ ኢሶይ ኮሻቴሰ ሂንኮይ ቃሲ ማሳቴሰ። 22 ቱማ ሂንቴ ማናዉኔ ኡያናው ሂንቴው ከሌ ባዌ? ዋይኮ ያሳ ዋሳ ከላ ካዴቴ? ኣይኮይ ባይና ማንቆታ ዩላዌቴ? ታ ሂንቴና ዋይጎ? ሃይሳሰ ታ ሂንቴና ናሾ? ናሺኬ።

23 ታኒ ሂንቴው ኢሚዳ ቲሚርቲያ ጎዳፕ ኤካሰ። ጎዳ ዩሱሲ ኣዲዲ ኢሚቴያ ቃማን ኤይላ ኤኪዲ። 24 ያሳ ጋላቴሰ። ኡይላ ባሊዲ «ሄሲቴ፤ ሚቴ። ሃይሲ ሂንቴው ኢሚቴያ ታ ኣሹዋ። ሃይሳ ሚሼ ታና ሃሳዩቴ» ያገሰ። 25 ሃሳዳካ፡ ካሁዋ ሚዲ ሲሚን፡ ፀዓ ኤኪዲ፡ «ሃይሲ ፀዓይ ታ ሱላን ኤቂያ ኦራላ ጫቁዋ። ሂንቴ ኢያፕ ኡያ ዋዴ ኡባን ታና ሃሳዩቴ» ያገሰ። 26 ሂንቴ ሃ ኡይላ ሚያ ዋዴ ሃ ፀዓ ኡያ ዋዴ ኡባን ጎዳይ ያና ጋካናው ኢያ ሃይቁዋ ኦዴታ።

27 ሃሳ ገሾ፡ በሶና ኦጊያን ጎዳ ኡይላ ሚያ ዋይኮ ጎዳ ፀዓ ኡያ ኦኒካ ኢያ ኣሹዋኔ ሱላ ቶቺዳ ገሾ ባ ናጋራን ኦይሼቴሰ። 28 ሺን ኣሲ ባና ፓጮ። ያቲዲ ኡይላ ሞ፤ ፀዓፕካ ኡዮ። 29 ጎዳ ኣሹዋባ ሻኪ ኤርና፡ ኡይላ ሚይኔ ፀዓፕ ኡይይ፡ ባ ቦላ ፐርዳ ሜሲኔ ኡዩሰ። 30 ሃሳ ገሾ፡ ሂንቴ ገደፌ ዳርቲ ዳቡሪዶሶና፤ ሃርገደሶና፤ ቃሲ ኡንዴና ኣሳቲ ሃይቁደሶና። 31 ሺን ኦ ኦና ፓጪ በዒዳባ ገዲያኮ፡ ኦ ቦላ ፐርዳታናሺን። 32 ኣላሚይ ፐርዳቲያ ዋዴ ኦ ኣላሚያራ ፐርዳቶና ሜላ ሃሲ ጎዳይ ኦና ሴሬሰ።

33 ሃሳ ገሾ፡ ታ ኢሻቶ፡ ጎዳ ካሁዋ ማናው ሂንቴ ሸቂያ ዋዴ ኢሶይ ኢሱዋ ጋሊ ኤኪቴ። 34 ሂንቴ ሸቆይ ፐርዳሰ ገደና ሜላ ኮሻቲዳ ኦኒካ ዴዒኮ፡ ባ ሶን ሞ። ኣቲዳባ ታኒ ያ ባዳ ሂንቴው ኡዳና።

12

ጌሻ ኣያና ኢሞታታ

1 ታ ኢሻቶ፡ ጌሻ ኣያና ኢሞታታባ ሂንቴ ኤራና ሜላ ታ ኮያሰ። 2 ሂንቴ ያሳ ኣማኖና ዋዴ ደኒ ባይና ኤቃታን ጎሽቲዲ፡ ሂንቴ ኤርና ሶ በዳይሳ ኤሬታ። 3 ያሳ ኣያናይ ካሌሊያ ኣሲ ኦኒካ፡ «ዩሱሲ ቃንጌቶ» ያገና። ቃሲ ጌሻ ኣያናይ ካሌሊያ ዴሲሺን፡ ኦኒካ፡ «ዩሱሲ ጎዳ» ጋናው ዳንዳያናይሳ ሂንቴ ኤራና ሜላ ኮያይሰ።

4 ዲማ ዲማ ኣያና ኢሞታቲ ዴዶሶና፡ ሺን ኢሞታታ ኢሚያ ኣያናይ ኢሱዋ። 5 ኦ ጎዳሰ ኦሊያ ዲማ ዲማ ኦሶቲ ዴዶሶና፡ ሺን ጎዳይ ኢሱዋ። 6 ኦ ጎዳሰ ኦሊያ ዲማ ዲማ ኦጌቲ ዴዶሶና፡ ሺን ሄ ኦጌታን ኣሳ ኡባን ኦሊያ ያሳይ ኢሱዋ። 7 ሺን ኢሱዋሰ ኢሱዋሰ ኢሚቴዳ ኢሞታታን ሃራታ ማዳና ሜላ ጌሻ ኣያናይ ቆንጩሰ።

8 ጌሻ ኣያናይ ኢሱዋሰ ጨንጫቴላ ኩሚዳ ቃላ ኢሚሰ፤ ቃሲ ኢሱዋሰ ኤራቴላ ኩሚዳ ቃላ ኢሚሰ። 9 ሄ ጌሻ ኣያናይ ኢሱዋሰ ኣማኖ፡ ሃንኩዋሰ ቃሲ ፓሊያ ዋልቃ ኢሚሰ። 10 ጌሻ ኣያናይ ኢሱዋሰ ማላታ ኦሊያ ዋልቃ፡ ኢሱዋሰ ቲንቢቴ ኦሊያ ዋልቃ ኢሚሰ። ኢሱዋሰ ኣያናፕ ኣያና ሻኪ ኤሪያ ዋልቃ፡ ኢሱዋሰ ዲማ ዲማ ደናን ኦሊያ ዋልቃ፡ ቃሲ ኢሱዋሰ ዲማ ዲማ ደናን ኦዴቲዳይሳ ቢርሺያ ዋልቃ ኢሚሰ። 11 ሺን ሃ ኡባ ኦሊይ ሄ ኢሲ ጌሻ ኣያና። ኢ ኮያ ሜላ ኢሲ ኢሲ ኣሳሰ ዲማ ዲማ ኢሞታ ኢሚሰ።

ኣሳቴላኔ ዲማ ዲማ ቢሊቴታ

12 ኢሲ ኣሳቴላን ዳር ቢሊቴቲ ዴዶሶና፡ ሺን ሄ ዲማ ዲማ ቢሊቴቲ ኢሲ ኣሳቴላ ገደሶና። ሃሳዳካ፡ ኪሪሰቶሲ ዲማ ዲማ ቢሊቴቲ ዴሲያ ኣሳቴላ ሜላ።

13 ኦኒ ኣይሁዴ ገዲን ገሪኬ ገዲን ኣይሌ ገዲን ዋማኖ ገዲን፡ ኡባይ ኢሲ ኣሳቴላ ገዳናው ጌሻ ኣያናን ፃማቁቲዳ። ቃሲ ኦ ኡባይ ኢሲ ጌሻ ኣያና ኤኪዲ።

14 ኦ ኣሳቴላን ዲማ ዲማ ቢሊቴቲ ዴዶሶናፕ ኣቲን ኢሲ ቢሊቴ ገደና። 15 ቶሆይ፡ «ታኒ ኩሼ ገደና ገሾ ቢሊቴ ገዲኬ» ገኮ፡ ኢ ሃሳ ገዳ ገሾ ቢሊቴታይ ኣቲዬ? 16 ሃይላ፡ «ታኒ ኣይፌ ገደና ገሾ ቢሊቴ ገዲኬ» ገኮ፡ ኢ ሃሳ ገዳ ገሾ ኣሳቴላፌ ኢሲ ቢሊቴ ገደይሲ ኣቲዬ? 17 ኣሳቴላ ኡባይ ኣይፌ ፃላላ ገዲዳኮ፡ ኦ ኣይቢን ሰዓኔ? ቃሲ ኣሳቴላ ኡባይ ሃይላ ፃላላ ገዲዳኮ ኦ ኣይቢን ሰጎንጎኔ?

18 ሺን ያሳይ ባ ኮዩዳይሳዳ፡ ኣሳቴላ ገደን ዲማ ዲማ ቢሊቴታ ዋሊሰ። 19 ኡባይ ኢሲ ቢሊቴ ገዲዳኮ ኣሳቴላ ዋኒዲ ዳኔ? 20 ሺን ቢሊቴቲ ዳር ገዲኮካ፡ ኣሳቴላይ ኢሶ።

21 ኣይፌይ ኩሼኮ፡ «ኦ ታው ኮሻካ» ጋናው ዳንዳዔና። ዋይኮ ሁዔይ ቶሆኮ፡ «ኦ ታው ኮሻካ» ጋናው ዳንዳዔና። 22 ሺን ዳቡራ ዳኒያ ኣሳቴላ ቢሊቴቲ ኦሰ ኣዲዲ ኮሾሶና። 23 ቦንሻ ኮሼና ገዲ ኦ ቆፐያ ኦ ቢሊቴታፕ ባጋታ ዳር ቦንሻሰ። ቃሲ ኦ ቦርሴቲያ ኦ ኣሳቴላ ቢሊቴታ ኣሊ ቦንሻዲ ናጎሰ። 24 ኦ በዒን ቦርሶና ኣሳቴላ ቢሊቴታሰ ቦንሻ ኮሼና። ሺን ያሳይ ኦ ኣሳቴላ ቢሊቴታ ዋሊራ ጋሴሊዲ ቦርሲያ ቢሊቴታሰ ኣዲያ ቦንሻ ኢሚሰ። 25 ኣሳቴላ ቢሊቴቲ ኢሶይ ኢሱዋራ ሻኮ ሜዶና ዋሊሰ ቆፓና ሜላ ኦሊዲ ሜዲሰ። 26 ኣሳቴላ ቢሊቴታፕ ኢሶይ ሳኬቲኮ ቢሊቴቲ ኡባይ ኢያራ ሳኬቶሶና። ኣሳቴላ ቢሊቴታፕ ኢሶይ ቦንሻቲኮ ቢሊቴቲ ኡባይ ኢያራ ኡፋይቶሶና።

27 ሂንቴ ኡባይ ኪሪሰቶሳ ኣሳቴላ፤ ቃሲ ሂንቴ ኢሶይ ኢሶይ ኢያ ቢሊቴታ። 28 ዋሳ ከላን ያሳይ፡ ኮይር ሃዋሬታ፡ ናምዓንላ ናቤታ፡ ሄሻንላ ኣሰታማሬታ፡ ካሊዲ ማላታ ኦሊይሳታ፡ ፓሌይሳታ፡ ሃራታ ማዴይሳታ፡ ዋሳ ከላ ኣይሴይሳታ፡ ዲማ ዲማ ደናን ሃሳይይሳታ ዋሊሰ።

29 ኡባይ ሃዋሬ? ኡባይ ናቤ? ኡባይ ኣሰታማሬ? ኡባይ ማላታ ኦሊ? 30 ኡባይ ፓሊዬ? ኡባይ ዲማ ዲማ ደናን ኦዴቲ? ኡባይ ዲማ ዲማ ደናን ኦዴቶይሳ ቢርሺ? 31 ሺን ኡባፌ ኣዲያ ኢሞታ ሚንሊዲ ኮዩቴ። ቃሲ ኡባፌ ኣዲያ ኦጊያ ታ ሂንቴና ቤሳና።

13

ቱማ ሲቆ

1 ታኒ ኣሳ ቃላኔ ኪታንሻ ቃላ ኦዴታናው ዳንዳዒኮካ፡ ታው ሲቆይ ቆዩኮ፡ ጮ ገሪያ ዳላ ሜላ። 2 ቲንቢቴ ኦሊያ ኢሞይ ታው ዴዒኮካ፡ ፀራ ኡባ ኤሪኮካ፡ ኤራቴላ ኡባይ ዴዒኮካ፡ ቃሲ ዴሪያ ዴንሊዲ ሃራሶ ኤፊያ ኣማኖይ ታው ዴዒኮካ፡ ሲቆይ ቆዩኮ፡ ታ ኣይኮካ ገዲኬ። 3 ታው ዴዒያባ ኡባ ማንቆታሰ ኢሚኮካ፡ ሃሪ ኣቶሺን፡ ታና ታማሰ ኣላ ኢሚኮካ፡ ሲቆይ ቆዩኮ ታና ኣይኮካ ማዳና።

11:25 ከሳ 24:6-8፤ ኤር 31:31-34 12:4 ሮሜ 12:6-8 12:12 ሮሜ 12:4-5 12:28 ኤፌ 4:11 13:2 ማጥ 17:20፤ 21:21፤ ማር 11:23

4 ሲቆይ ደንዳዳንቸ። ሲቆይ ከሃ። ሲቆይ ቃናቴና። ሲቆይ ጩቁቴና። ሲቆይ ኦቶሬና። 5 ሲቆይ በሶናባ ኦሌና። ሲቆይ ኦዘቴና። ሲቆይ ዩሎቴና። ሲቆይ ባ ቆሆ ፓይዳና። 6 ሲቆይ ተማን ኡፋይቴሲ፤ አቲን ዋርደን ኡፋይቴና። 7 ሲቆይ ኡባ ዳንዳዳሲ፤ ኡባ አማኔሲ፤ ሎጎባይ ሃናና ገዲ፤ ኡፋይሳን ናጌሲ፤ ኡባ ጌንጩሲ።

8 ሲቆይ ወርሴላ ጋካናው ጳዩና። ሺን ቲንቢቴይ አታና፤ ዲማ ዲማ ደናን ኦይቴይሲ አታና፤ ኤራቴላካ አጳና። 9 ኑ ኤራቴላፊ ጉላ ኤርሲ፤ ቲንቢቴይ፤ ባጋ ኦዶሲ። 10 ሺን ፖሎ ገዲዳይሲ ያ ዋዴ ፖሎ ገደናይሲ አታና።

11 ታኒ ናባ ዳዲያ ዋዴ ናባዳ ሃሳይሲ፤ ናባዳ ቆፓይሲ፤ ናባዳ አኬካይሲ። ታ ካሃሚዳ ዋዴ ናባቴላ ሃኑዋ አጋሲ። 12 ሃባ ፖይይ ባይናሶን ማሰቶቴን በዔይሳዳ በዎሲ። ሺን ሄ ዋዴ ኑ ቆንጩን በዓና። ሃባ ኑ ኤራቴላፊ ጉላ ኤርሲ። ሺን ሄ ዋዴ ያሳይ ኑ ኤራቴላዳ ፖሎ ኤራና።

13 ሃዛ። አማናይ። ኡፋይሲኔ ሲቆይ። ሃ ሃዘቲ ኤቁዲ ዳና። ሺን ሃይሳታ፤ አዴይ ሲቆ።

14

ቲንቢቴይ ዲማ ዲማ ደና

1 ሲቆ ካለቴ። አያና አሞታታ ሚንላዲ ኮዩቴ፤ ኡባፊ አላዲ። ቲንቢቴ አሞታ ሚንላዲ ኮዩቴ። 2 ዲማ ዲማ ደናን ኦይቴያ አሲ ያሳሰ ኦይሲ፤ አቲን አሳሰ ኦይና። ሺን አሳሰ ቆንጩባና ፀራ አያና ዋልቃን ኦይቴያ ገሾ ኦኒካ ኢ ኦይቴይሳ አኬኮና። 3 ሺን ቲንቢቴ ኦይይሳቲ አሲ ዲቻናው። ሚንላፋናው ሚንላናው አሳሰ ኦይሲ። 4 ዲማ ዲማ ደናን ኦይያ አሲ ባና ዲቼሲ። ሺን ቲንቢቴ ኦይያ አሲ ዋሳ ኬላ ዲቼሲ።

5 ሂንቴ ኡባይ ዲማ ዲማ ደናን ኦይቴያኮ ታ ደሳይሲ። ሺን ቲንቢቴ ኦይናይሳ አላዳ ደሳይሲ። ዲማ ዲማ ደናን ኦይቴይሳ ዋሳ ኬላ ዲቻናው በርሺያ አሲ ጳዩኮ። ዲማ ዲማ ደና ኦይቴያሳፊ ቲንቢቴ ኦይይሲ አዴሲ።

6 ሺን ታ አሻቶ። ታኒ ሂንቴኮ ባዳ ቆንጩላን ዋይኮ ኤራቴላን ዋይኮ ቲንቢቴ ኦይን ዋይኮ ቲማርቴን ገደናሺን ዲማ ዲማ ደናን ኦይቴኮ ሂንቴና አይ ማዳኔ? 7 ዲማ ዲማ ዩላ ሚሽታሰ አሲ ቆሞ ገርሲ ዳዲኮ። ሱሱልዔ ገርሲኔ ዲላ ገርሲ ዋቲዲ ሻኪ ኤራኔ? 8 ቃሲ ሞይዜ ፑናይ ጌዩዲ ኤራቶና ኢዲኮ ኦላሰ ገጌቴይ ኦኔ? 9 ሃሳዳካ። ዲማ ዲማ ደናን ሂንቴ ኦይቴይሲ ቆንጩ ገደና ኢዲኮ ሂንቴ ኦይይሳ ኦኒ ኤራኔ? ሃሲ ጫርኮሰ ኦይያ ማላ።

10 ሃ አላሚያን ዳር ደናቲ ዳዎሶና፤ ሃ ኡባሰ በርሺላ ዳዳሲ። 11 ሺን ኢሲ አሲ ኦይቴያ ደና ታኒ ኤርና ኢዲኮ ኢ ታው አማሌ ገዴሲ፤ ታካ ኢያው አማሌ ገዴይሲ። 12 ሃሳዳካ። ጌሻ አያና አሞታ ሂንቴ ኤካናው ሚንላዲ ኮይኮ። ዋሳ ኬላ ዲቻናው ኡባፊ አዲያ አሞታ ኮዩቴ።

13 ዲማ ዲማ ደናን ኦይቴያ አሲ ባ አዳ በርሻናው በርሺላ አሞታይ አሚታና ማላ ያሳ ዎሶ። 14 ታኒ ዲማ ዲማ ደናን ያሳ ዎሶኮ። ታ አያና ዎሶሲ። ሺን ታ ዎዛናይ አይኮካ ጎዔቴና። 15 ያቲን። ታ አይ አላናው ኮሺ? ታኒ ታ አያናን ያሳይሲ፤ ታ ዎዛናካ ያሳይሲ። ታኒ ታ አያናን ዩግይሲ፤ ታ ዎዛናካ ዩግይሲ። 16 ሃሳ ገደና ኢዲኮ ኦኒ ኔ አያናን ያሳ ጋላቴያ ዋዴ ሃ በሳን

ኔጌ ጌይሳ ኤርና አሲ ኔ ጋላቴይሳ ዎይገዲ። «አሚንዒ» ጋኔ? 17 ኔጌ ያሳ ጋላቴይሲ ሎያ። ሺን ሃራ አሲ ማዴና።

18 ታ ሂንቴ ኡባፊ አላዳ ዲማ ዲማ ደናን ኦይቴያ ገሾ ያሳ ጋላጋይሲ። 19 ሺን ታኒ ዋሳ ኬላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦይታና፤ ኤራቴያ ደናን ኢቻሹ ቃላ ኦይታናው ደሳይሲ።

20 ታ አሻቶ። ሂንቴ ቆፋን ናይታዳ ሃና፤ ሂንቴ ኢታባሰ ናይታዳ ሃኒቴ፤ አቲን ሂንቴ ቆፋን ካሃማታ ገዲቴ። 21 ጎዳይ። ጌሻ ማፃፋን።

«ታኒ ሃ አሳሰ። ዲማ ዲማ ደናን ኦይቴያ አሳኒኔ አማላ አንግርሳን ኦይቴያ አሳን ኦዳና።

ሺን ሃሲ ሃኒኒካ ታና ሲዎኮና» ያጌሲ።

22 ሂዛ። ዲማ ዲማ ደናን ሃሳዮይ። አማናና አሳሰ ማላ ገዴሲ፤ አቲን አማኒያ አሳሳ ገዴና። ቲንቢቴይ አማኒያ አሳሰ ማላ ገዴሲ፤ አቲን አማናና አሳሳ ገዴና።

23 ዋሳ ኬላ አሳይ ኢሲፊ ሺቁያ ዋዴ ኡባይ ዲማ ዲማ ደናን ኦይቴኮ ኤርና ዎይኮ አማናና አሳይ ሂንቴ ሺቁዎ ዩዲ። «ሃይሳቲ ጎዮሶና» ጎኮናዬ? 24 ሺን ኤርና ዎይኮ አማናና አሳይ ዋሳ ኬላ ያ ዋዴ አሳይ ቲንቢቴ ኦይሺን። ሲዲኮ ባ ናጋራ አኬካና፤ ቃሲ ኢ ሲዲዳ ቃላን ፐርዴታና። 25 ኤንቲ ኢያ ዎዛናን ጌሚዳ ቆፋ ቆንጩሳና። ሃሳዳካ። «ቲማ ያሳይ ሂንቴ ገደን ዳዳሲ» ያገዲ ማርካቴዲ። ጉፋኒዲ ያሳሰ ጎይናና።

ጎይና ማራ

26 ታ አሻቶ። ኑ ዎይገዴ? ሂንቴ ኢሲፊ ሺቁያ ዋዴ ኢሱዋሰ ማዘሙራይ ዳዳሲ፤ ኢሱዋሰ ታማርሶ አሞቲ ዳዳሲ፤ ኢሱዋሰ ቆንጩላ ዳዳሲ፤ ኢሱዋሰ ዲማ ዲማ ደናን ሃሳዮይ ዳዳሲ፤ ኢሱዋሰ በርሺላ አሞቲ ዳዳሲ። ሃ ኡባይ ዋሳ ኬላ ዲቻናባ ገዳናው በሴሲ። 27 ዲማ ዲማ ደናን ኦይቴያ አሳቲ ዳዳሲ። ናሞዎ ዎይኮ ላሪኮ ሃዘ ገዲዲ ማራን ማራን ሃሳናው በሴሲ። ኤንቲ ኦይቴይሳ ሃራ አሲ በርሺ። 28 ሺን በርሺያ አሲ ጳዩኮ። ዲማ ዲማ ደናን ኦይቴይሲ ዋሳ ኬላን ሲዲ ጎ። ባወኔ ባ ያሳሰ ኦይ።

29 ቲንቢቴ ኦይይሳቲ ናሞዎ ዎይኮ ሃዘ ገዲዲ ኦይ። ቃሲ ሃራቲ ኤንቲ ገያባ ፐርደና። 30 ሃ ሺቁዎን ዳዳያ ሃራ አሳሰ ኢሲባይ ቆንጩኮ ካሴ ኦይቴይሲ ሲዲ ጎ። 31 ኡባይ ታማራና ማላኔ ኡባይ ሚናና ማላ ማራን ማራን ቲንቢቴ ኦይናው ዳንዳዳታ። 32 ናቤታ አያና ናቤታሰ ከቴቴሲ። 33 ጌሻታ ዋሳ ኬላ ኡባይ ሚዜቴዳይሳዳ ያሳይ ሳርቴላ ያሳፊ አቲን ጫሶ ያሲ ገዴና።

34 ማጫሲ ዋሳ ኬላን ሲዲ ጎ። ሙሴ ሂጌይ ጌይሳዳ ኤንቲ ሃራቶፊ አቲን ዋሳ ኬላን ኦይናው ኤንታው ማቲ ባዎ። 35 ማጫሲ ዋሳ ኬላን ሃሳዮይ ቦርሶ ገዲያ ገሾ ኢሲባ ኤራናው ኮይኮ ሶን ባንታ አዚናታ አይቸና።

36 ያሳ ቃላ ኮይር ሂንቴ ኤሂዴቲ? ዎይኮ ያሳ ቃላይ ሂንቴ ያላላኮ ዩዴ? 37 ኦኒካ ባና ናቤ ዎይኮ ባና ያሳ አሲ ገዲ ቆፐኮ። ታኒ ሂንቴው ያፊይሲ ጎዳ ከታ ገዴይሳ አኬኮ። 38 ሺን ኦኒካ አኬኮና ኢዲኮ ኢካ አኬኮቶፊ።

39 ሃሳ ገሾ። ታ አሻቶ። ቲንቢቴ ኦይናው ሚንላዲ አሞቲቴ፤ ቃሲ ዲማ ዲማ ደናን ኦይቴይሳካ ዲጎፊቴ። 40 ሺን ኡባይካ ዎጋኒኔ ማራን ገደ።

15

ከሪስቶስ ሃይቆፔ ዳንዲዎ

1 ታ አሻቶ፣ ታ ሂንቴው ማርካቲዳ ዎንጌላ ሂንቴ ኤኪዳይሳኔ ሂንቴ አማኖይ ኢያን ኤቁዳይሳ ሂንቴ እኩካና ማላ ኮያይሰ። 2 ታ ታማርሲዳ ዎንጌላ ማንላዲ እይኪኮ ሂንቴ ኢያን አታና። ሄሲ ሃናና ኢዳኮ ሂንቴ አማናኦይ ሃዳ ገዳና።

3 ታኒ ኤኪዳ ኡባፌ አዲያ ኪታ ካሴታዳ ሂንቴው አማሰ። ሄሲካ፣ ጌሻ ማፃፋይ ጌይሳዳ፣ ከሪስቶሱ ኑ ናጋራ ገሾ ሃይቁሰ። 4 ሞጌተሰ፤ ጌሻ ማፃፋይ ጌይሳዳ፣ ሄሻገላ ጋላሳን ሃይቆፔ ዳንዲሰ። 5 ዳዲሮሳሰ ቆንጨሰ። ሄሳፌ ጉዬ፣ ታማኔ ናሞው ሃዋሬታሰ ቆንጨሰ። 6 ሄሳፌ ጉዬ፣ ኢቻሹ ያታፔ ዳሪያ አሳሰ ኢሲ ቶሆ ቆንጨሰ። ኤንታፌ ዳሪያ ባጋይ ሃሲ ጋካናው ፓፃ ዳዎሶና፣ ሺን ጉሳቲ ሃይቁዳሶና። 7 ሄሳፌ ጉዬ፣ ያይቆሳሰ ቆንጨሰ፤ ጉዬፔ ባ ሃዋሬታ ኡባሰ ቆንጨሰ።

8 ቃሲ ወርሴላን አወጫያ ማላ ገዲዳ ታው ቆንጨሰ። 9 ታኒ ዬሱሳ ሃዋሬታ ኡባፌ ላፋ። ታኒ ያሳ ያሳ ኩላ ጎዲዳ ገሾ ዬሱሳ ሃዋሬ ጌቲታዳ ያጌታናው ቤሶናይሳ። 10 ሺን ያሳ አዶ ከሃቴላን ታ ሃሲ ገዲዳይሳ ገዲሰ፤ ኢ ታው አሚዳ አዶ ከሃቴላይ ማላ አቲቤና። ታኒ ሃንኮ ሃዋሬታፔ አላዳ ዳቡራሰ። ሺን ታራ ዳሲያ ያሳ አዶ ከሃቴላይ ኦሊሰፔ አቲን ታና ገዲኬ። 11 ሂዛ፣ ታና ገዲን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ኪታ አማኒዳታ።

ሃቆፔ ዳንዲ

12 ከሪስቶሱ ሃይቆፔ ዳንዲዳይሳ ኑ ሳባኪያ ዎዳ ሂንቴፌ ኢሶቲ ኢሶቲ ያቲን፣ ዎይገዲ፣ «ሃይቆፔ ዳንዲይ ባዎ» ያጎና? 13 ሃይቆፔ ዳንዲይ ባይናባ ገዲኮ ከሪስቶሱ ሃይቆፔ ዳንዲቤና ጉሱ። 14 ከሪስቶሱ ሃይቆፔ ዳንዲቤናባ ገዲኮ ኑ ቲማርቲይ ቃሲ ሂንቴ አማኖይካ ሃዳ። 15 ሃይቆፔ ዳንዲይ ባይናሺን፣ ኑኒ ያሳይ፣ «ከሪስቶሳ ሃይቆፔ ዳንዲሰ» ያገዲ ሳባኪሼ ያሳ ዎርዳንቾ ማርካታ ገዲዳ ጉሱ። 16 ሃይቁዳ አሳይ ሃይቆፔ ዳንዲቤናባ ገዲኮ ሂዛ፣ ከሪስቶሱ ሃይቆፔ ዳንዲቤና። 17 ከሪስቶሱ ሃይቆፔ ዳንዲናባ ገዲኮ፣ ሂንቴ አማኖይ ሃዳ፤ ቃሲ ሂንቴ ሃሲ ጋካናው ሂንቴ ናጋራን ዳዎታ። 18 ሂዛ፣ ከሪስቶሳ አማኒዲ ሃይቁዳይሳቲካ ጳዩዳሶና ጉሱ። 19 ኑኒ ሃ አላሚያ ዳዎታ ፃላላሰ ከሪስቶሳን ኡፋይሲ ኦሊዳባ ገዲኮ፣ ሃ ሳባን ዳሲያ አሳ ኡባፌ ኑባይ አዲዳ ዩባታ።

20 ሺን ከሪስቶሱ ሃይቁዳይሳታሰ ሃይቆፔ ዳንዲን ባይራ ገዲዲ ቱማ ዳንዲሰ። 21 ሃይቆይ ኢሲ አሳ ባጋራ ሃ አላሚያ ዩዳይሳዳ ሃይቆፔ ዳንዲይ ኢሲ አሳ ባጋራ ዩሰ። 22 አዳሜ ባጋራ አሳ ኡባይ ሃይቁዳይሳዳ ከሪስቶሳ ባጋራ አሳ ኡባይ ዳዎን ዳና። 23 ሺን ኢሶይ ኢሶይ ባ ማራን ማራን ዳንዲና። ከሪስቶሱ ኡባፌ ካሴቲዲ ዳንዲሰ፤ ሄሳፌ ጉዬ፣ ከሪስቶሳይሳቲ ኢ ያ ዎዳ ዳንዲና።

24 ሄሳፌ ጉዬ፣ ከሪስቶሱ ሃሪይሳ፣ ማታኔ ዎልቃ ኡባ ጳይሲዲ፣ ካዎቲላ ያሳ አዎሰ አሚያ ዎዳ ዎዲያ ወርሴላይ ያና። 25 ያሳይ ኢያ ሞርኬታ ኡባ ኢያ ቶሆዋፔ ጋርሳን ዎላና ጋካናው ከሪስቶሱ ሃራናው ቤሴሰ። 26 ወርሴላን ኢ ጳይሳናው ዳሲያ ሞርኬይ ሃይቆ።

27 ጌሻ ማፃፋን፣ «ያሳይ ኡባባ ኢያ ማታፔ ጋርሳን ሃሪሲሰ» ጌቲቲዲ ፃፌቲሰ። ሺን ኡባ ኢያ ማታፔ ጋርሳን ሃሪሲሰ ጌይሲ፣ ኡባባ ኢያ ማታፔ ጋርሳን ሃሪሲዳ ያሳ ጉጃና። 28 ኡባባይ ከሪስቶሳ ማታፔ ጋርሳን ሃሪቲዳፔ ጉዬ ከሪስቶሱ ቃሲ ባ ሁዒን ኡባባ ባው ሃሪሲዳ ያሳሰ ሃሪታና። ሄ ዎዳ ያሳይ ባ ፃላላ ኡባ ሃሪና።

29 ሃይቁዳይሳቲ ዳንዲናባ ገዲኮ ኤንታ ገሾ አሳሰ አይቤ ዎዴይ ዳሲ? ሃይቁዳይሳቲ ዳንዲናባ ገዲኮ ያቲን፣ አይሰ፣ አሳይ ሃይቁዳይሳታ ገሾ ፃማቁቶና?

30 ያቲን፣ ኑኒ አይሰ ኡባ ዎዳ ኑናቲላ ሜቶሰ አላ ኢሞና? 31 ታ አሻቶ፣ ታ ጋላሰ ጋላሰ ሃይቆሰ አዳዳ አሚታይሰ። ሄሲካ፣ ጎዳ ከሪስቶሰ ዬሱሳን ዳሲያ ዳዎታ ኢሲፌቲላን ሂንቴናን ጨቁያ ገሾሳ። 32 አሳ ቆፋላ ገዲኮ፣ ታኒ ኤፌሶናን ዳሲያ ቡቲቲዳይሲ ታና አይ ማዲ? ሃይቁዳይሳቲ ሃይቆፔ ዳንዲናባ ገዲኮ፣ «ዎንቶ ኑ ሃይቁያ ገሾ ሃቺ ማና ኡያና» ያገዲ አሳ ማላ ገዲሰ።

33 ጨሚቶፊቲ! ኢታ ላጌቲላ ሎዎ አማሊያ ኢሴሰ። 34 ሂንቴ እኩካኮ ሲሚቲ፣ ናጋራ ኦሎፊቲ። ሂንቴፌ ኢሲ ኢሲ አሳይ ያሳ ኤርኮና። ታኒ ሂንቴና ዬላያናው ሄሳ ጋይሰ።

ዳንዲ አሳቲላ

35 ኢሲ አሲ፣ «ሃይቁዳ አሳይ ዎኒዲ ዳንዲን? ኤንቲ አይ ማላ አሳቲላራ ያኒ?» ያጎና አጌና። 36 ኔና ኤያው፣ ኑኒ ቢታን ዜሪያ ዜሪላይ ሃይቆና ደሌና። 37 ኑኒ ዜሪይ ገሰቲ ገዲን ዎይኮ ሃራ ካላ ቆሞ አይፌ ፃላላ ዜሪሳፔ አቲን ደሊዳ ደላ ገዲና። 38 ሺን ያሳይ ዜሪላሰ ባ ደሲዳ ማላ ሜዴቲላ አሚሰ። ዲማ ዲማ ዜሪላሰ ዲማ ዲማ አሳቲላ አሚሰ። 39 ሜዴቲላ ኡባ አሾይ ኢሶ ገዲና። ሺን አሳ አሾይ ኢሶዎ፤ ሜሄ አሾይ ዲማ፤ ካፎታ አሾይ ዲማ፤ ቃሲ ሞሎ አሾይ ዲማ።

40 ሳሎ አሳቲላ ዳዎሰ፤ ቃሲ ሳባ አሳቲላ ዳዎሰ። ሺን ሳሎ አሳቲላ ቦንቾይ ዲማ፤ ቃሲ ሳባ አሳቲላ ቦንቾይ ዲማ። 41 አዎ ቦንቾይ ዲማ፤ አጌና ቦንቾይ ዲማ፤ ያለንቶታ ቦንቾይ ዲማ፤ ኢሲ ያለንቶይ ሃንኮ ያለንቲዎፌ ቦንቾን ዲማቲሰ።

42 ሃይቁዳይሳቲ ሃይቆፔ ዳንዲያ ዎዳ ሄሳዳ ሃናና። ሃይቁያ አሳቲላይ ዜሪቲሰ፤ ሃይቆና አሳቲላ ገዲዲ ዳንዲሰ። 43 ቶሼን ዜሪቲዲ፣ ቦንቾን ዳንዲና፤ ዳቡራን ዜሪቲዲ፣ ዎልቃን ዳንዲና። 44 ሜዴቲላ አሳቲላይ ዜሪቲዲ፣ አያና አሳቲላ ገዲዲ ዳንዲና። ሜዴታ አሳቲላ ዳዎኮ፣ አያና አሳቲላ * ዳዎሰ።

45 ሄሳዳካ፣ ጌሻ ማፃፋን፣ «ኮይሮ አዳይ፣ አዳሚይ፣ ፓፃ ዳሲያ አሴ ገዲዲ ሜዴቲሰ» ያጌሰ። ሺን ወርሴላ አዳሚይ፣ ከሪስቶሱ፣ ዳዎ አሚያ አያና ገዲሰ። 46 ሺን ሜዴታ አሲ ኮይሮ ዩን፣ ጉዬፔ አያና አሲ ዩሲፔ አቲን አያና አሲ ኮይሮ ዩሴና። 47 ኮይሮ አዳሚይ ቢታፌ ሜዴቲዳ ቢታ አሲ፤ ናሞባገላ አዳሚይ ሳሎፔ ዩዳ ሳሎ አሲ። 48 ቢታፌ ሜዴቲዳይሳቲ ቢታፌ ሜዴቲዳይሳ ዳናሶና። ሳሎይሳቲ ሳሎፔ ዩዳይሳ ዳናሶና። 49 ኑኒ ቢታፌ ሜዴቲዳ አዲያ ዳኔይሳ ማላ ሳሎፔ ዩዳ አዲያ ዳናና።

15:3 ኢሳ 53:5-12 15:4 ማዝ 16:8-10፤ ማቶ 12:40፤ ሃ.ኦ 2:24-32 15:5 ማቶ 28:16-17፤ ማር 16:14፤ ሉቃ 24:34፤ 36፤ ዮሃ 20:19 15:8 ሃ.ኦ 9:3-6 15:9 ሃ.ኦ 8:3 15:25 ማዝ 110:1 15:27 ማዝ 8:6 15:32 ኢሳ 22:13 * 15:44 አያና አሳቲላ፣ ጌሻ አያናይ ሃራዳ ዎይኮ ጌሻ አያናይ ዳዎ አሚዳ አሳቲላ ጉሱ። 15:45 ሜዴ 2:7

50 ታ አሻቶ፡ ታ ጌይሲ ሃሳ፤ ሃሳ ኑ ማዲዳ አሳቴላይ ያሳ ካዎቴላ ላታናው ዳንዳዔና። ዎቂያ አሳቴላይ ዎቆና አሳቴላ ላቴና።

51 ታ ሂንቴው ኢሲ ፀራ ኦዳና። ኑ ኡባይ ሃይቆኮ፡ ሺን ወርሴላን ኡባይ ላማታና። 52 ሞይዜይ ፑኔቲያ ዎዴ አይፌይ ቂጺ ፃላናው ሃሳዮና ላማታና። ሃይቂዳ አሳይ ዎቆና እሲ ጊዲዲ ዴንዳና፤ ኑካ ላማታና።

53 ሃይሲ ዎቂይሲ ዎቆናይሳ፡ ሃይሲ ሃይቂይሲ ሃይቆናይሳ ማዳናው ቤሴስ።

54 ሃይሲ ዎቂይሲ ዎቆናይሳ፡ ቃሲ ሃይሲ ሃይቂይሲ ሃይቆናይሳ ማዲያ ዎዴ ጌሻ ማፃፋን፡ «ሃይቆይ ያናን ማቴቲስ» ጊያ ቃላይ ፖሌታና። 55 ሃሳዳካ፡ «ሃይቆ፡ ኔ ያኖይ አዉን ዴዒ?»

ሃይቆ፡ ኔ ቆሂያ ዎልቃይ አዉን ዴዒ?» ጊዳ ቃላይ ፖሌታና። 56 ሃይቆይ ዴኪያ ዎልቃይ ናጋራ፤ ቃሲ ናጋራ ዎልቃይ ሂጌ። 57 ሺን ኑ ጎዳ ዩሱስ ኪሪስቶሳ ባጋራ ኑስ ያኖ አሚያ ያሳ ጋላቲ ጋኮ።

58 ሃሳ ጊሾ፡ ታ ሲቆ አሻቶ፡ ቃያና ማኒዲ ኤቂቴ። ጎዳ ኦሱዋን ሂንቴ ዳቡሬይሲ ጮ ጊዳናይሳ ኤሪዲ ኡባ ዎዴ ጎዳ ኦሱዋ አዛሎና ኦሊቴ።

ማዳናው ባንታና አሊ አሚዳይሳ ሂንቴ ኤሬታ። 16 ሂንቴካ ኤንታ ማላ አሳሲኔ፡ ኤንታራ ኦሶን ዳቡሪያ ኡባስ ኪቴታና ማላ ታ ሂንቴና ዎሳይሰ።

17 ኢሰፃፋናሴይ፡ ፎርቆናሲኔ አካይቆሲ ታኮ ዩዳይሲ ታና ኡፋይሲሰ። ሂንቴ ባይና ቤሳን ኤንቴ ሂንቴና ጊዲዲ ታ ፓጫ ኩንሊዳሶና። 18 ኤንቴ ሂንቴና ኡፋይሲዳይሳዳ ታናካ ኡፋይሲዳሶና። ሃሳ ማላ አሳታ ዳጎፕቴ።

19 ኢሲያ ዎሳ ኬላ አሳይ ሂንቴና ሳር ጎሶና። አቂሊኔ ጲሪስቂላ ባንታ ሶን ሺቂያ ዎሳ ኬላ አሳራ ኢሲፌ ሂንቴና ጎዳ ሱንላን ዎዛናፕ ሳርሶሶና። 20 አማኒያ አሻቲ ኡባይ ሂንቴና ሳር ያጎሶና።

ጌሻ ዩሬቴሊ ዩሬቴሼ ኢሶይ ኢሱዋ ሳርሊቴ።

21 ታኒ፡ ጳዉሎሲ፡ ሃ ሳርሱዋ ታ ኩሼን ፃፋሰ።

22 ጎዳ ዳሶና እሲ ዴዒኮ፡ ቃንጌቲዳይሳ ጊዴ። ኑ ጎዳው፡ ሃያ!

23 ጎዳ ዩሱስ ኪሪስቶሳ አጶ ኬሃቴላይ ሂንቴራ ጊዴ።

24 ታ ሲቆይ ኪሪስቶስ ዩሱሳን ዴዒያ ሂንቴ ኡባራ ጊዴ። አሚንዒ።

16

አማኒያ አሳስ ሺቂዳ ማዲዋ

1 አማኒያ አሳስ ሚሼ ሺሾባ ጋላቲያ ዎሳ ኬላታስ ታኒ ኪቴዳይሳዳ ሂንቴካ ኦሊቴ። 2 ሚሼያ ሺሾይ ታ ሂንቴኮ ቢያ ዎዴ ጊዳና ማላ ኢሶይ ኢሶይ ሳሚንታፌ ኮይሮ ጋላሰ፡ ዎጋ ዎዴ ዎጋ ዎዴ ባ ዴማይሳፌ ኬሲዲ ባ ሶን ዳጋዮ። 3 ታኒ ያ ቢዳ ዎዴ ሚሼያ ዩሩሳላማ ጋላና ማላ ሂንቴ ዳሪያ አሳስ ዳብዳቤ አማዳ ኤንታ ዩሩሳላማ ኪታና። 4 ኤንታራ ታ ቡሳይ ኮሺያባ ጊዲኮ ኤንቴ ታራ ባናው ዳንዳዎሶና።

ጳዉሎሳ ቆፋ

5 ታኒ ማቂዳይያራ አጳናው ቆፒዳ ጊሾ ያ ባዳ ሂንቴኮ ያና። 6 ታ ቢያሶ አው ጊዲኮካ፡ ታ ቡሳን ሂንቴ ታና ማዳና ማላ ሂንቴ ማታን ጉላ ዎዴ ጋምዖና አጊኬ። ባልጎ አጌናታ ሂንቴ ማታን አላና ዎያ አጋና። 7 ታኒ ኦጌራ አጳሽ ሂንቴና ቤዓናው ኮዩኬ። ጎዳይ ጊኮ፡ ሂንቴ ማታን ጉላ ዎዴ ታካናው ቆፓይሰ።

8 ሺን ታኒ ጳንጻቆሰጻ ባሌይ ጋካናው ኤፌሶናን ጋምዓና። 9 ታው ኦሶይ ኩሚዳ ዳልጋ ፔንጌይ ዶዩቲሰ፡ ሺን ዳሮ ኤቂቴያ ሞርኬቲ ዴዎሶና።

10 ኢ ታ ማላ ጎዳ ኦሶ ኦሊያ እሲ ጊዲያ ጊሾ ጻሞቲዮሲ ሂንቴኮ ቢኮ፡ ሂንቴ ማታን ኢ ሂርጎና ዳና ማላ ኦሊቴ። 11 ኦኒካ ኢያ ካጶፖ። ኢ ታኮ ሳር ሲማና ማላ ኢያ ማዲዲ ሞይዚቴ። ታኒ ኢ ሃንኮ አማኔይሳታራ ሲማናይሳ ናጋይሰ።

12 ኑ አሻ አጲሎሲ ሃንኮ አማኔይሳታራ ሂንቴኮ ባና ማላ ታ ኢያ ሚንሳ ዎሳሰ። ሃሳ ሂንቴኮ ባናው ኮዩቤና፡ ሺን ኢያው ኢንጃቲያ ዎዴ ሂንቴኮ ባና።

ወርሴላ ዞሬኔ ሳርሶ

13 ባርኪቴ፤ አማኖን ኤቂቴ፤ ፃሊቴ፤ ሚኒቴ። 14 ኦሶ ኡባ ሲቆን ኦሊቴ።

15 ታ አሻቶ፡ ኢሰፃፋናሴይኔ ኢያ ሶ አሳይ አካያን ኤንቴ ኮይሮ አማኒዳይሳታ ጊዳይሳኔ አማኔይሳታ

ጳውሎስ ቆርንቶስ አሳሰ ፃፊዳ ናምዓንሉ ኪታ ጋላ ቆፋ

ጳውሎስ ቆርንቶስ አሳሰ ፃፊዳ ናምዓንሉ ኪታይ ፃፊቱዳይ፡ ኢያው ቆርንቶስ ዋሳ ከላራ ዳዊያ ጋህቴላይ ዳሮ ሜቶ ጊደ ጌሊዲ ዳዊያ ዋዳና። ኢሲ ኢሲ ዋሳ ከላ አሳቲ ጳውሎስ ኢታ ቦሪ ቦሪካ ጳውሎስ ሲጋ ሜቶናው ኢያው አዋይ ዳዊያ ሴሲስ። ሄሲ ሃሲያ ዋዳ ጊታ ኡፋይሳ ኡፋይታናው ዳንዳዊያ ቆንጨሴስ።

ጳውሎስ ባ ኪታን ኮይሮ ኪፊሊያን፡ ቆርንቶስ ዋሳ ከላራ ኢያው ዳዊያ ጋህቴላ ቆንጨሴዲ፡ ዋሳ ከላን ሜቶቲዳ ቦሪያሲኔ ኢፀቀስ አይሰ ሚኖ ዛሮ አሚዳኮ ኦዳስ። ሄሳራ ጋሊዲ ኢያ ሴሪይ ኤንታ ናጋራፔ ዛሪዲ ሲጋን ጋሊዲ ጊሾ ኢ ኡፋይቲዳ ኡፋይሳ ኤንታው ቆንጨሴስ። ካሊዲካ፡ ዩሁዳን ዳዊያ አማኒያ አሳ ማዳናው ባንታው ዳዊያባፔ ጮ አማና ሜላ ሃሳይሴስ። ወርሴላ ሽምጋታን ጳውሎስ ባ ሃዋሪቴላ ቦላ ዳንዲዳ ሞቱቀስ ዛሮ አሚስ። ጋሶይካ፡ ቆርንቶስ ዋሳ ከላን ዳዊያ ኢሲ ኢሲ አሳቲ ባንታና፡ «ቱማ ሃዋሪ» ኦሊዲ፡ «ጳውሎስ ዋርዳንቾ ሃዋሪ» ኦሊዲ ሞቶሶና።

2 ቆርንቶስ ኪታ ኢይፌ ቆፋታ

ጌሎ ቆፋ 1:1-11

ጳውሎስ ቆርንቶስ ዋሳ ከላ 1:12-7:16

ዩሁዳን ዳዊያ አማኒያ አሳ ማዳ 8:1-9:15

ጳውሎስ ባ ሃዋሪቴላ ማታሰ አሚዳ ዛሮ 10:1-13:10

ኩሻ ቆፋ 13:11-14

1 ያሳ ሸኔን ዬሱስ ኪሪስቶስ ሃዋሪ ጊዲዳ ጳውሎስኔ፡ ኑ አሻ ጃሞቲዮሲ፡

ቆርንቶስን ዳዊያ ያሳ ዋሳ ከላሲኔ አካያ ቢታን ዳዊያ ያሳ አሳ ኡባስ ፃፊዳ ኪታ።

2 ያሳ ኑ አዋፔኔ ጎዳ ዬሱስ ኪሪስቶስ፡ አቆ ከሃቴላይኔ ሳሮቴላይ ሂንቴው ጊደ።

ጳውሎስ ያሳ ጋላቴስ

3 ማሮቴላ አዋስ፡ ኡባ ዋዳ ኑና ሚንሌሊያ ያሳሰ፡ ኑ ጎዳ ዬሱስ ኪሪስቶስ አዋስ ጋላቲ ጊደ። 4 ያሳይ ኑስ አሚዳ ሚንሌሊያን፡ ሜቶን ዳዊያሳታ ኑ ሚንሌላና ሜላ ያሳይ ኑና ኑ ሜቶ ኡባን ሚንሌሊስ። 5 ኑኒ ኪሪስቶስ ዳሮ ዋያ ሻኬቲዳይሳዳ ቃሲ ኑኒ ኢያ ዳሮ ሚንሌሊያን ሚናና። 6 ኑኒ ዋዬቲኮ ሄሲ ሂንቴና ሚንሌላናሳኔ ሂንቴና አሻናሳ። ቃሲ ኑኒ ሚኔቲኮ ኑኒ ጌንጨዳ ዋያ ሜላ ሂንቴካ ጌንጨዲ፡ ያሳይ ሂንቴው አሚያ ሚንሌሊያን ሚናና። 7 ሂንቴ ኑ ኤኪዳ ሜቱዋ ሜላ ኤኪዲ፡ ኑ ሚንሌሊያን ሻኬታናይሳ ኑ ኤሪያ ጊሾ ኑ ኡፋይሳይ ሂንቴናን ሚና።

8 ኑ አሻቶ፡ ኢሲያ ቢታን ኑና ጋኪዳ ሜቱዋ ሂንቴ ኤሪና ሜላ ኮዮስ። ሄ ኑና ጋኪዳ ሜቶይ ኑ ዋልቃፌ ዳሪን፡ ሃይቆና አቶኮ ጊዲ ኡፋይሲ ቃንጂዳሺን። 9 ኑኒ ኑ ቦላ ሃይቆ ፐርዲ ፐርዳቲዳ ሜላ ቆፐዳ። ሺን ኑኒ ኑ ሁዔን ጊደናሺን፡ ሃይቆዳይሳታ ዳንሊያ ያሳን አማኔታና ሜላ ሄሲ ሃሲስ። 10 ያሳይ ሄሳ ሜላ ኢታ ሃይቆፔ ኑና አሺስ፤ ሃዊካ አሻና፤ ሲንላፊካ ኢ ኑና አሻና ጊዲ

ኢያን ኡፋይሲ ዋሶስ። 11 ዋሳን ኑና ማዲቲ። ዳሮ ዋሳ ጋሶን ያሳ ማዲታ ኑ ዳሚያ ዋዳ ዳሮ አሳይ ኑ ጊሾ ያሳ ጋላቶሶና።

ጳውሎስ ባናው ቆፐዳ ቆፋ ላሚስ

12 ኑኒ ኑ ጌሻ ካሃን ጨቁቶስ። ኑኒ ሃ አላሚያን ዳዊያ ዳዊያ ኡባራካ ኑ ዳዊያ ዳዊያ ቱማቴላኒ ሱሪቴላን ሂንቴራ ዳዊያ። ሄሲካ፡ ሃ አላሚያ ጨንጨቱላን ጊደናሺን ያሳ አቆ ከሃቴላና። 13 ኑ ሂንቴው ፃፊዳ ዳብዳቤይ ሂንቴ ናባባናውኔ አከካናው ዳንዳዊያባፔ አቲን ሃራ ጊደና። ሂንቴ ኢያ አከካናው ዳንዳዊያሳ ታ አማናይስ። 14 ሃዲ ሂንቴ ኑና ሃሲዳ ከና ኤሪታ፡ ሺን ሲንላፊ ኩሜሊ ኤሪናይሳ ታ አማኔታይስ። ኑ ጎዳ ዬሱስ ሲሚያ ዋዳ ኑኒ ሂንቴናን ጨቁቲዳይሳዳ ሂንቴካ ኑናን ጨቁታና።

15 ሄሳ ታኒ ሎይላ ኤሪዳ ጊሾ ሂንቴ ናምዓንሉ ጎዳታና ሜላ ካሲታዳ ሂንቴኮ ባናው ቆፋ ቃቻስ።

16 ታኒ ማቁደኒያ ባሽኔ ያፔ ሲማሽ ሂንቴና ቤዓና። ታኒ ያፔ ዩሁዳ ቢያ ዋዳ ሂንቴ ታና ታ ኢጊያን ማዳና ጋዳ ቆፐስ። 17 ታኒ ሄሳ ጋሼ አይ ኦላናው ቤሲያኮ ኤሮና አሲ ዳናይና? ዋይኮ ታኒ ታ ቆፋ ቃቹያ ዋዳ አሳ ቆፋዳ፡ ኢሲ ቶሆ «ኤ» ቃሲ ኢሲ ቶሆ «አካይ» ጊያ አሳ ሜሊዬ?

18 ሺን ያሳይ አማኔቲይሳ ጊዲያ ጊሾ ኑ ሂንቴው ኦዲያ ቃላይ «ኤ» ዋይኮ «አካይ» ጌይሳ ጊደና።

19 ታኒ፡ ሲላሴይኔ ጃሞቲዮሲ ሂንቴው ማርካቲዳ ያሳ ናዳይ፡ ዬሱስ ኪሪስቶስ ኡባ ዋዳ «ኤፔ» አቲን «ኤ» ኔ «አካይ» ጊደና። 20 ያሳይ አማና ጊዳ ኡባይ ኪሪስቶስ ባጋራ «ኤ» ጊደስ። ኑኒ ኪሪስቶስ ባጋራ ያሳ ቦንቾስ፡ «አሚንዳ» ጌይ ሄሳ ጊሾሳ። 21 ኑኒ ሂንቴ ኪሪስቶስን ሚኒዲ ኤቃና ሜላ ኦሊዲይኔ ባ ኦሱቀስ ደሪዳይ ያሳ። 22 ኑኒ ኢያባ ጊደይሳ ኤሪሳናው ባ ማታሚያ ኑ ቦላ ዋሊስ፤ ቃሲ ባ ጌሻ አያና ኦይሊ ኦሊዲ ኑ ዋዛናን ዋሊስ።

23 ታኒ ቆርንቶስ ቦና አጊዳይ ሂንቴ አዛኖና አታና ሜላሳ፤ ሄሲ ዋርዳ ጊዲኮ ያሳይ ታ ሽምፑዋ ታፔ ኤኮ። 24 ሂንቴ፡ ሂንቴ አማኑዋን ሚኒዲ ዳዊያ ጊሾ ኑ ሂንቴና ኡፋይሳናው ሂንቴራ ኢሲፌ ኦሊይሳታፔ አቲን ሂንቴና ዋልቃን አማንሌይሳታ ጊደኮ።

2

1 ታኒ ናምዓንሉ ሂንቴኮ ቢኬ ጋዳ ቆፋ ቃቹዳይ ሂንቴና አዛንሉና አጋናሳ። 2 ታኒ ሂንቴና አዛንሊኮካ ታ አዛንሊዳ ሂንቴፌ ሃሪ ታና ኡፋይሳናው ዳዊያ ኦኔ? 3 ታኒ ሂንቴው ሄ ዳብዳቤያ ፃፊዳይ፡ ታ ሂንቴና ቤዓናው ቢያ ዋዳ ታና ኡፋይሳናው ቤሲያ አሳን ታ አዛናናው ኮዮና ጊሾሳ። ታ ኡፋይቲያ ዋዳ ሂንቴ ኡባይካ ኡፋይታናይሳ ታ አማናይስ። 4 ታኒ ዳሮ ዋዬኒኔ ኡንዓን ቃሲ ዳሮ አፋላን ፃፊዳይ፡ ሂንቴና አዛንላናሳ ጊደናሺን ታኒ ሂንቴና ኡባ አይ ሜላ ደሲያኮ ሂንቴና ኤሪሳና ሚላሳ።

ቆሃዳይሳ ማሮባ

5 አሴ አዛንሊዳ ኦኒካ ዳዊኮ ታ ኢያ ባላ ዳርሳናው ኮዩኬፌ አቲን ታና ጊደናሺን ሂንቴፌ ዳሮታ አዛንሊስ። 6 ሂንቴፌ ዳሪያ አሳይ ሄ ኡራ ቤሪዳ ቤሪይ ኢያው

ገደና። 7 ሃሳ ገሾ። ሃ ኡራይ ዳር አዛኒዲ። ኡፋይሲ ቃንዮና ማላ ሂንቲ ኢያ ማራናውኔ ማንጭላናው ቤሴስ። 8 ሂንቲ ኢያ ሲቄይሳ ዛሪ ኢያው ቆንጨሳና ማላ ታ ሂንቲና ዋሳይስ። 9 ታ ሄ ዳብደቢያ ሂንቲው ፃፊዲ። ሂንቲ ፓጩቲዲ። ኡባባን ታው ከቴቴይሳ ኤራናው ኮዪዳ ገሾሳ። 10 ሂንቲ ማሪያ ኡራ ታካ ማራና። ታኒ ማራናባይ አይቤ ዳዲኮካ። ከሪስቶሳ ሲንሳን ሂንቲ ገሾ ጋዳ ማራስ። 11 ታኒ ሃሳ ኦሊዲይ ፃላሂያ ጨዋ ኦሱዋ ኑ ኤሪያ ገሾ ፃላሂን ጨማቶና አታና ማላሳ።

ዲሮዳን ጳውሎሳ አንዲቲሳ

12 ታኒ ከሪስቶሳ ዋንጌላ ሳባካናው ዲሮዳን ቢዳ ዋዴ ጎዳይ ያን ታው ኦሶ ኦጌ ገረሲዲ ዋሉስ። 13 ሺን ታኒ ታ አሻ ቲቶ ያን ዳማቦና ገሾ ታ ዋዛናይ ሺምፒቤና። ሃሳ ገሾ። ያን ዳዲያ አሳ ሳርላዳ ኢያ ኮያናው ማቄዲያ ባስ።

14 ሺን ከሪስቶሳ ባጋራ ኡባ ዋዴ ኑና ያናን ካሌሊያኔ ሺቶ ማላ ሳዊያ ከሪስቶሳባ ኑ ኤሪያ ቲሚርቲያ ኡባ ቤሴ ጋላና ማላ ኦሊያ ያሳ ጋላቲ ጋኮ። 15 ኑኒ አቲያ አሳ ገደኒኔ ጳያ አሳ ገደን ከሪስቶሳ ባጋራ ያሳሰ አሜቲዳ ሳዊያ ሺቶ ማላ። 16 ጳያ አሳሰ ሃይቆኮ ኤፊያ ሃይቆ ፔና፤ ቃሲ አቲያ አሳሰ ዳዎኮ ኤፊያ ዳዎ ሳዋ፤ ያቲን። ሃሳ ማላ ኦሱዋስ ገደናይ ኦኔ? 17 ኑኒ ያሳ ቃላ ዋዴ ዳማናው ኮዪዲ ዋላኪዲ ዛልዲያ ዳር አሳ ማላ ገደኮ። ሺን ያሳይ ከቲዳ ሱሬ አሳታ ማላ ከሪስቶሳን ዳዲዲ ያሳ ሲንሳን ቃላ ኦዶስ።

3

ኦራላ ጫቁዋ ኦሳንቸታ

1 ኑኒ ዛሪዲ ኑና ሳቢኖዬ? ዋይኮ ሃራ አሳዳ። ሳባ ዳብደቢያ ሂንቲው ዬዳናው ዋይኮ ሂንቲፊ ኤካናው ኑና ኮሺዬ? 2 አሲ ኡባይ ሂንቲና ኤራና ማላኔ ናባባና ማላ ሂንቲ ኑ ዋዛናን ፃፊቲዲ ዳዲያ ኑ ዲብደቤ። 3 ሂንቲ ቃላሜን ገደናሺን ዳዎ ያሳ አያናን። ሹቻ ቦላ ገደናሺን አሳ ዋዛናን ፃፊቲዳይሳታኔ ኑናን ሃጋዜቲዳ ከሪስቶሳ ዳብደቤ ገደይሳ ቤሴዳታ።

4 ኑ ሃሳ ገደይ። ከሪስቶሳ ባጋራ ያሳን አማኖይ ኑስ ዳዲያ ገሾሳ። 5 ኑ ሃሳ ኦላናው ዳንዳዲይ ያሳ ዋልቃናፔ አቲን ኑኒ ኑ ዋልቃን አይኮካ ኦላናው ዳንዳዎኮ። 6 ኑ ኦራላ ጫቁዋ ኦሳንቸታ ገደና ማላ ያሳይ ኑና ዳንዳዲሲስ። ሄ ኦራላ ጫቆይ ገሻ አያናን ቤንቲዳይሳፊ አቲን ፃፊቲዳ ሂንቲ ገደና። ሂንቲ ዋዴስ። ሺን ገሻ አያናይ ዳዎ አሜስ።

7 ሹቻ ቦላ ፃፊቲዳ ሂንቲ አሜቲያ ዋዴ ያሳ ቦንቸይ ቆንጨስ። ሙሴ ሶምዑዋን ዳዲያ ቦንቸይ ጳዪሽ ቢያባ ገደኮካ። ኢሰራዬሌ አሳይ ኢያ ሶምዑዋ ቲሺ ኦሊዲ ያላናው ዳንዳዲሶኮና። ሂዛ። ሃይቆ ኤሂያ ሂንቲ ሃሳ ማላ ቦንቸን ቆንጨኮ። 8 ያቲን። ገሻ አያናን ኦሴቲያ ኦሱዋ ቦንቸይ ዋኒዲ አዴኔ? 9 አሳ ቦላ ፒርዳ ኤሂያ ሂንቲ ቦንቸ ገደኮ ያቲን። አሴ ያሊሲያ ኦራላ ኦጌይ ዋኒዲ አዴዲ ቦንቸቴኔ? 10 ካሴ ቦንቸ ገደዳይሳ ሃዲ አዴያ ቦንቸይ ዳዲይሳራ ጋሊ ቤዲያ ዋዴ ቦንቸይ ባይናባ ገደሲስ። 11 ጉላ ዋዴስ ቆንጨዲ

ጉዬፔ ጳይዳይሲ ሃይሳዳ ቦንቸቲኮ። ሜሪናው ዳዲይሲ ዋኒዲ አዴዲ ቦንቸቴኔ?

12 ኑስ ሃይሳ ማላ ኡፋይሳይ ዳዲያ ገሾ ዬላቶና ኦዴቶስ። 13 ኑኒ። ኢሰራዬሌ አሳይ ጳዪሽ ቢያ ቦንቸዋ ወርሴላ ቤያና ማላ ባ ሶምዑዋ ካሚዳ ሙሴ ማላ ገደኮ። 14 ሺን ኤንታ ዋዛናይ ዳይጨስ። ሃቸ ጋካናው ኤንቲ ጋልዳ ጫቁዋ ናባቢያ ዋዴ ኤንታ ዋዛናይ ሄ ካማን ካሜቲ ዳዲስ። ሄ ካማይ ከሪስቶሳ ፃላላን ቃሬቲስ። 15 ሺን ሃቸ ጋካናውካ ኤንቲ ሙሴ ማፃፋ ናባቢያ ዋዴ ኡባን ሄ ካማይ ኤንታ ዋዛና ካሜስ። 16 ሺን ኦኒካ ጎዳኮ ሲሚያ ዋዴ አወዴካ ሄ ካማይ ቃሬቲስ። 17 ጎዳይ አያና፤ ጎዳ አያናይ ዳዲያ ቤሳን ላሳቴሌ ዳዲስ። 18 ኑኒ ኡባይ ካሜቲቦና ሶምዎን ጎዳ ቦንቸዋ ቤዳና። * ኑኒ አያና ገደዲ ጎዳ ማላ ዳናናው ቦንቸፊ ቦንቸን ላሜታና።

4

ቱማ ሃዋሪቲላ ኦሱዋ

1 ሂዛ። ያሳይ ባ ማርቲላን ሃ ኦሱዋ ኑስ አሚዳ ገሾ ኑኒ ኡፋይሲ ቃንዮኮ። 2 ኑኒ ዬላያ ጌማ ኦሶ ኡባ አገደ፤ ጌኔ ኦሶ ኦሶኮ፤ ያሳ ቃላ ዋርዶራ ዋላኮኮ። ቱማ ቆንጨን ሃሳዪሽ። አሳ ኡባ ካሃይ ኑና ኤካና ማላ ያሳ ሲንሳን ኑና ሺሾስ።

3 ኑ ኦዲያ ዋንጌላይ ጌሚዳባ ገደኮካ። ጌሚዳይ ጳዮ ኦጌን ዳዲያ አሳሳ። 4 ሃ አላሚያ ሃሪያ ያሳይ አማኖና አሳ ዋዛና ጎዚስ። ኤንቲ ያሳ ማላን ቆንጨዳ ከሪስቶሳ ቦንቸ ዋንጌላ ፖዑዋ ቤያና ማላ ዲገስ። 5 ኑኒ። ዬሱስ ከሪስቶሲ ጎዳ ገደይሳኔ ኑ ኢያ ገሾ ሂንቲ ኦሳንቸ ገደይሳ ኦዶሲፔ አቲን ኑባ ኦዶኮ። 6 «ጳማን ፖይይ ፖይ» ገደ ያሳይ። ከሪስቶሳ ሶምዑዋን ፖዲያ ያሳ ቦንቸዋ ኤራ ፖዑዋ አማናው ባ ፖዑዋ ኑ ዋዛናን ፖዲሲስ።

7 ሺን ኡባፊ አዴያ ዋልቃይ ኑባ ገደናሺን ያሳባ ገደይሳ ቤሳናው ሃ ቦንቸ ሻሎይ ሜቃ ሚሽ * ገደዲ ኑ አሳቴላን ዳዲስ።

8 ኑ ኡባ ባጋራካ ዋዴቲዳ። ሺን ሜቄሬቲቦኮ። ኑስ ሃዲርሲ ገደሲስ። ሺን ኡፋይሲ ቃንዲቦኮ። 9 ኑ። ዋርኬታን ጎዴቲዳ። ሺን ላጌ ጳዪቦኮ። ኑ ዋርኬታን ሾጩቲዲ ኩንዲዳ። ሺን ጳዪቦኮ። 10 ዬሱሳ ዳይይ ኑ አሳቴላን ቆንጨና ማላ ኢያ ሃይቁዋ ኡባ ዋዴ ኑ አሳቴላን ቶኪዲ ዩኖስ። 11 ዬሱሳ ዳይይ ሃይቁያ ኑ አሳቴላን ቆንጨና ማላ ፓፃ ዳዲያ ኑኒ ኢያ ገሾ ኡባ ዋዴ ሃይቆስ አዴዲ አሜቶስ። 12 ሂዛ። ሃይቆይ ኑናን ኦሊያ ዋዴ ዳይይ ሂንቲናን ኦሊስ።

13 ገሻ ማፃፋን። «ታ አማናሰ፤ ሃሳ ገሾ ሃሳያሰ» ያገቲስ። ሃሳ ማላ አማኖይ ኑስ ዳዲያ ገሾ ሃሳኖስ። 14 ጎዳ ዬሱሳ ሃይቆፔ ዳንገሊዳ ያሳይ። ኑናካ ዬሱሳራ ሃይቆፔ ዳንገላናይሳኔ ሂንቲራ ኢሲፊ ባ ሲንጭ ሺሻናይሳ ኤርሰ። 15 ሄሲ ኡባይ ሃኒዳይ ሂንቲ ገሾሳ። ያሳ አቆ ኬሃቴላይ ዳር አሳ ጋኪያ ዋዴ አሳይ ያሳ ቦንቸዋሰ ዳር ጋላታ አማና።

አማናን ዳዎ

2:12 ሃ.ኦ 20:1 3:3 ከሳ 24:12፤ ኤር 31:33፤ ሂዛ 11:19፤ 36:26 3:6 ኤር 31:31 3:7 ከሳ 34:29 3:13 ከሳ 34:33
 3:16 ከሳ 34:34 * 3:18 ቤዳና። ማስቶቴዳ ዛሪዲ ጳሊሳና ጌቲቲ ቢርሺታናው ዳንዳዲስ። 4:6 ሜዴ 1:3 * 4:7 ሜቃ ሚሽ። ሃ ቤሳን ሜቃ ሚሽ ጌቲቲዳይ ቢታፊ ኦሴቲዳ ሚሹታ ቤሳና - ኦቶ። ሻቴ። ቤሹ... 4:13 ማዛ 116:10

16 ሄሳ ጊሾ፣ ኑኒ ኡፋይሲ ቃንጾኮ። ኑ በንቲያ አሳቴላይ ዳቡሪሽ ቢያባ ጊዲኮካ፣ ኑ ኣያና አሳቴላይ ጋላስ ጋላስ ኑራዲስ። 17 ሃዲስ ኑኒ ዋዬቲያ ሃ ካዉሻ ዋዬይ፣ ኡባፌ ከሂ ጊታቲያ ሜሪና ቦንቹዋ ኑስ አሚሳና። 18 ኑኒ በንቲያባ ጊደናሽን በንቶናባ ያሎሰ። በንቲያባይ ሃዲሳ፣ ሺን በንቶናባይ ሜሪናሳ።

5

1 ሃዲ ኑ ዳዲያ ዲንካኔ ዳኒያ ሃ ሳዓ አሳቴላይ ለሌቲኮካ፣ አሲ ከዲቦና፣ ያሳይ ከዲዳ ሜሪና ከላይ ኑስ ሳሎን ዳዲያሳ ኤርስ። 2 ሳሎ አሳቴላ ማዓናው አሞቲሼ ሃዲ ሃ ሳዓን ዳዲሼ ኦሎስ። 3 ኑኒ ሄሳ ማዲያ ዋዴ ካሎቶኮ። 4 ዲንካኔ ዳኒያ ሃ ሳዓ አሳቴላን ኑ ዳዲሼ ዳጃቲዲ ኦሎስ። ሃይቂያ ኑ አሳቴላይ ዳዶን ላሚታና ሜላ ሳሎ አሳቴላ ማዓናው ኮኮሲፕ ኣቲን አሹዋፕ ሻኬታናው ኮዪዲ ጊደና። 5 ኑና ሃይሳስ ገገሲዳይ ያሳ። ቃሲ ሲንሳፌ ያናባስ ኦይሌ ኦሌዲ ባ ኣያና ኑስ አሚሰ።

6 ሄሳ ጊሾ፣ ኑኒ ሃ ሳዓ አሳቴላን ዳዲያ ዋዴ ኡባን ጎዳፕ ሃኪዲ ዳዲያሳ ኤሪኮካ ኡባ ዋዴ አማኔቲዲ ዳዶስ። 7 ኑኒ ዳዲይ አማኖናፕ ኣቲን በዲያባን ጊደና። 8 ኑ ሃ ሳዓ አሳቴላፌ ሻኬቲዲ፣ ኑ ሶ ቢዲ ጎዳራ ኢሲፌ ዳናው አሞቲያ ጊሾ አማኔቲዲ ዳዶስ። 9 ሄሳ ጊሾ፣ ኑ ሃ አሳቴላን ዳዲን ዋይኮ ሃ አሳቴላፌ ሻኬቲን፣ ኑ አሞይ ኢያ ኡፋይሳናይሳ። 10 ኑኒ ኢሶይ ኢሶይ ሃ ሳዓን ዳዲሼ ሎዎ ጊዲን ዋይኮ ኢታ ጊዲን፣ ኦሌዳ ኦሎቶስ በሲያ ፐርዳ ኤካናው ኪሪስቶሳ ፐርዳ ኣራታ ሲንሳን ሺቃና።

አሴ ያሳራ ሲጌላ

11 ሂዛ፣ ኑኒ ጎዳ ቦንቹይሲ ኣይ ጉሴኮ ኤሪያ ጊሾ አሳይ ኑ ኦይይሳ ኤካና ሜላ ዘርስ። ያሳይ፣ ኑኒ ኦኔኮ ኑና ኤሪስ፤ ቃሲ ሂንቲካ ሂንቲ ካሃን ኑ ኦኔኮ ኤሪታ ያጋዳ ቆገይሰ። 12 ዋዛናን ጊደናሽን ማላን ጨቁቲያ አሳ ደና ኦይሳናው ሂንቲ ኑናን ጨቁታና ሜላ ሂንቲው ጋሶ ጊደናው ኮኮሲፕ ኣቲን ኑ ኑና ዛሪዲ ናሻናው ኮኮኮ። 13 ኑ ጎሽ ጊዲኮ ያሳ ቦንቹሳ፤ ዋዛናማ ጊዲኮ ሂንቲሳ። 14 ኢሶይ ኡባስ ሃይቂዳይሳኔ ኡባይ ቃሲ ኢያራ ሃይቂዳይሳ ኑ ኤሪያ ጊሾ ኪሪስቶሳ ሲቆይ ኑና ሃሪስ። 15 ዳዶን ዳዲያሳቲ ሂዛፕ ጉዬ ባንታው ጊደናሽን ኣንታው ሃይቂዳይሳሲኔ ሃይቆፕ ዳንዲዳይሳስ ዳና ሜላ ኪሪስቶሲ አሳ ኡባ ጊሾ ሃይቂሰ።

16 ሂዛፕ ጉዬ፣ ኑኒ ኣናካ አሳ ቆፋን ፐርደኮ። ሃይሳፌ ካሴ ኑኒ ኪሪስቶሳካ አሳ ቆፋን ፐርዲዳባ ጊዲኮካ፣ ሂዛፕ ሃሳዳ ፐርደኮ። 17 ሄሳ ጊሾ፣ ኦኒካ ኪሪስቶሳን ዳዲኮ ኦራላ ሜጴቲላ፤ ጋልዓ ሜጴቲላይ ኣጲስ፤ ኡባይካ ኦራላ ጊዲሰ። 18 ሄሳ ኡባ ያሳይ ኦሌሰ። ኢ ኪሪስቶሳ ባጋራ ኑና ባራ ሲጌላሰ። ቃሲ ሃራታ ባራ ሲጌላና ሜላ ኑስ ሲጌላ ኦሶ አሚሰ። 19 ያሳይ ኪሪስቶሳ ባጋራ አሳ ኡባ ባራ ሲጌላሰ። ኣንታ ናጋራ ታይቢቤና፤ ቃሲ አሳ ባራ ሲጌላያ ቃላ ኑስ አሚሰ።

20 ያሳይ አሳ ኑ ባጋራ ያገያ ጊሾ ኑ ኪሪስቶሳን ኪቲቲዲ አሳ ያሳራ ሲጌቲቲ ጊዲ ኪሪስቶሳ ጊሾ ዋሶስ።

21 ኑኒ ያሳ ዲሎቴላ ኪሪስቶሳ ባጋራ ኤካና ሜላ፣ ናጋራ ኤርና ኪሪስቶሳ ኑ ጊሾ ናጋራንቹ አሳዳ ኦሌሰ።*

6

1 ኑኒ ያሳራ ኢሲፌ ኦሌያ አሲ ጊዳይሳዳ፣ ሂንቲ ኤኪዳ ኣጼ ከሃቴላ ሃዳ ኦላና ሜላ ኑ ሂንቲና ዋሶስ። 2 ያሳይ፣

«ታ ኔና ሲዓና ዋዴን ሲዓስ፤ አቶቴላ ጋላሳን ኔና ማዳሰ» ያጌስ። ሂኮ፣ ታ ሲዲያ ዋዴይ ሃዲ፤ አቶቴላ ጋላሳይ ሃቹ።

3 ኦኒካ ኑ ኦሎቶ ቦራና ሜላኔ ኑናን ጳቤታና ሜላ ኮኮኮ። 4 ጊደሽን፣ ኑ ቱማ ያሳ ኦሳንቹታ ጊዳይሳ ኑ ኦሌያ ኡባባን በሲዳ። ዳር ፔንጫን፣ ዋዬን፣ ሜቶን፣ ኡንዓን፣ 5 ጋራፌቲላን፣ ቃሹን፣ ኢያን ኮሚዳ ዋጫማን፣ ዳቡራን፣ ጲስኮ ጳዮን፣ ያማን፣ 6 ጌሻቲላን፣ ኤራቴላን፣ ዳንዳዓን፣ ከሃቴላን፣ ጌሻ ኣያናን፣ ቱማ ሲቆን፣ 7 ቱማ ሃሳያኒኔ ያሳ ዋልቃን ኑኒ ኢያ ኦሳንቹታ ጊዳይሳ በሲዳ። ቃሲ ዲሎቴላይ ኑስ ቶራኔ ጎንዳሌ። 8 ኑኒ ቦንቹቲዳኔ ቶሹቲዳ፤ ጫዬቲዳኔ ጋላቲቲዳ። ቱማ ሃሳዮሰ፣ ሺን አሳይ ኑና ዋርዳንቹ ጊደሶና። 9 ኑ አሳን ኤራቴላ አሲ፣ ሺን ኤራቶና አሳ ሜላ ጊዲዳ። ሃይቂደሶና ያጌቲዳ፣ ሺን ፓዓ ዳዶስ፤ ሾጬቲዳ፣ ሺን ሃይቂቦኮ። 10 ኑኒ ኣዛኒኮካ ኡባ ዋዴ ኡፋይቶስ። ኑ ማንቆ ዳናሰ፣ ሺን ዳር አሳ ዳራፎሶ። ቃሲ ኣይኮይካ ባይና አሲ ዳናሰ፣ ሺን ኡባይ ኑባ።

11 ቆርንቶሳ አሳው፣ ኑ ሂንቲው ቆንጨን ኦዲዳ፤ ኑ ኡሎቶ ሂንቲና በሲዳ። 12 ሂንቲ ኑና ሂንቲ ሲቁዋ በሶና ዲጊዳታፕ ኣቲን ኑ ኑ ሲቁዋ ሂንቲና ዲጊቦኮ። 13 ኣዉ ባ ናይታስ ኦይይሳዳ ታ ሂንቲው ኦዲይሰ፤ ኑ ሂንቲና ኑ ኡሎቶ በሲዳይሳዳ፣ ሂንቲካ ሂንቲ ኡሎቶ ኑና በሲቲ።

አማኖና አሳራ ዳዲያ ኢሲፌቲላ ጎሳ

14 አማኖና አሳራ በሶና ኦጌን ዋዳቶፊቲ። ዲሎቴላሲኔ ናጋራስ ኣይቢ ጋሃቴላ ዳዲ? ፖሶሲኔ ጳማሰ ኣይቢ ኢሲፌቲላ ዳዲ? 15 ኪሪስቶሳኔ ያላሂ ኢሲፌ ጋልያባይ ኣይቤ? ቃሲ አማኔይሲኔ አማኖናይሲ ኢሲፌ ኮዲያባይ ኣይቤ? 16 ያሳ ከላሰ ኤቃታራ ኣይቢ ኢሲፌቲላ ዳዲ? ያሳይ፣

«ታኒ ኤንታ ጊደን ዳዳና፣ ኤንታ ጊደን ሃሙታና።

ታኒ ኤንታ ያሳ ጊደና፤ ኤንቲካ ታ ኣሴ ጊደና» ጊደይሳዳ፣ ኑኒ ዳዎ ያሳ ኬላ። 17 ሄሳዳካ፣ ጎዳይ፣ «ኤንታ ጊደፌ ሻኬቲዲ ከዩቲ፤ ቱና ጊዲዳባ ቦቾፊቲ፤ ታ ሂንቲና ኤካና።

18 ታ ሂንቲው አዋ ጊደና፤ ሂንቲ ታው ኣዴ ናይታኔ ማጫ ናይታ ጊደና፤ ያጌስ ኡባፌ ዋልቃማ ጎዳይ» ያገሲ።

5:10 ሮሜ 14:10 * 5:21 ናጋራንቹ አሳዳ፣ ናጋራ ያርሾ ኦሌሰ። 6:2 ኣሳ 49:8 6:5 ሃ.ኦ 16:23 6:16 ለዌ 26:12፤ ሂዛ 37:27፤ 1ቆር 3:16፤ 6:19 6:17 ኣሳ 52:11 6:18 2ሳሙ 7:14፤ 1ታሪ 17:13፤ ኣሳ 43:6፤ ኤር 31:9

7

1 ሂዛ፡ ታ ሲቆቶ፡ ሃ ኡፋይሳይ ኑስ ዴዲያ ገሾ ኑ ኣሹዋኔ ኑ ሼምፑዋ ቱኒሲያባ ኡባፌ ኑና ገሾስ። ያሳሰ ያዩዲ ኑ ገሻቴላ ፖሎ ኦሎስ።

ጸዉሎሳ ኡፋይሳ

2 ሂንቴ ኡሉዋ ኑና ቤሲቴ። ኑኒ ኦናካ ናቁሶኮ፤ ኦናካ ቆሂሶኮ፤ ኦናካ ጨሚሶኮ። 3 ታኒ ሄሳ ሂንቴ ቦላ ፐርዳናው ጊኬ። ሃይሳፌ ካሴ ታ ሂንቴው ኡዲዳይሳዳ፡ ሂንቴ ኑ ዋዛናን ዴዴታ፤ ኑ ፓፃ ዴዲንካ ሃይቁንካ ሂንቴፌ ሻኬቶኮ። 4 ታ ኡዲያባ ሂንቴፌ ቆቴኬ፤ ታ ሂንቴናን ጨቁታይስ፤ ኑ ዋዬ ኡባን ሚኔታይስ፤ ቃሲ ገታ ኡፋይሲ ኡፋይታይስ።

5 ኑኒ ማቁደኒያ ቢዳ ዋዴ ኡባ ባጋራ ዋዬቲዳፔ ኣቲን ሼምፐሶኮ። ካሬራ ዋርኬታን፡ ኑ ጋላን ያሻን ኡንዴቲዳ።

6 ሺን ኣዛኒዳይሳታ ሚንሌሌያ ያሳይ፡ ቲቶ ዩሳን ኑና ሚንሌሌስ። 7 ኑና ሚንሌሌይ ቲቶ ዩሳ ሃላላ ገደናሺን ሂንቴካ ኢያ ሚንሌሌይሳና። ሂንቴ ታና ላሞቴይሳ፡ ታው ኣዛኔይሳኔ ታው ቆቴይሳ ታ ሲዲዳ ዋዴ ታና ዳር ኡፋይሲስ።

8 ታ ዳብዳቤይ ሂንቴና ኣዛንሊኮካ ኣይስ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቴና ጉላ ዋዴስ ኣዛንሊዳ ገሾሳ። 9 ሃዲ ታኒ ኡፋይቲዳይ፡ ታ ሂንቴና ኣዛንሊዳ ገሾ ገደናሺን ሂንቴ ኣዛኖይ ሂንቴና ሂንቴ ናጋራፔ ዛሪዳ ገሾሳ። ያሳይ ባ ሼኒያዳ ሂንቴና ኣዛንሊሲፔ ኣቲን ኑ ሂንቴና ኣይቢንካ ቆሂሶኮ።

10 ያሳይ ኮያ ኣዛኖይ፡ ኣቶቴላኮ ጋሌያ ናጋራፔ ሲሞ ኤሄስ፤ ኢያን ቂርያባይ ባዋ። ሺን ሃ ሳሳ ኣዛኖይ ሃይቆ ኤሄስ። 11 ሂንቴ ኣዛኖይ ሂንቴናን ኣይፊሲዳ ኣይፊያ ቤዲቴ። ሄ ኣዛኖይ ሂንቴና ኣይ ሜላ ዴንሌሊዳኮ፡ ኣይ ሜላ ዛር ኢማናዳ ገረሲዳኮ፡ ሄ ኡራ ቦላ ኣይ ሜላ ሃንቁሲዳኮ፡ ኣይ ሜላ ታው ያያና ሜላ ኦሊዳኮ፡ ኣይ ሜላ ኣሞዴዳኮ፡ ሄ ኡራ ቤራናው ኣይ ሜላ ገረዳኮ ቤዲቴ። ሃ ኡባባን ሂንቴ ገሺ ገዴይሳ ማርካዩዳታ።

12 ሄሳ ገሾ፡ ታኒ ሃ ዳብዳቤያ ሂንቴው ፃፊዳይ፡ ናቁዳ ኡራ ዋይኮ ናቁቴዳ ኡራ ገሾ ገዴና። ሺን ሂንቴ ኑስ ኣይ ሚላ ቆፐያኮ ያሳ ሲንላን ሂንቴ፡ ሂንቴና ቤዳና ሚላ ፃፋስ። 13 ኑኒ ኡፋይቲዳይ ሄሳ ገሾሳ። ኑ ኡፋይሳፌ ኣጂዲ ኑና ዳር ኡፋይሲዳይ፡ ሂንቴ ቲቶ ኡፋይሲዳይሳኔ ኢያ ዋዛና ሼምፐሲዳይሳ። 14 ታኒ ሂንቴና ናሻዳ ኢያው ኦዲን ሂንቴ ታና ዩላዩቤኬታ። ሺን ኑኒ ኡባ ዋዴ ሂንቴው ቲማ ኦዲዳ፤ ሄሳዳካ ኑኒ ቲቶ ሲንላን ሂንቴና ናሺዳይሲ ቲማ ገዴሲ። 15 ሂንቴ ኢያው ያሻን ኮኮሪዳ፡ ኢያ ሞኪዳይሳ ቃሲ ኢያው ኣይ ሜላ ኪቴቲዳኮ ኢ ቆፐያ ዋዴ ሂንቴው ዴዲያ ሲቆይ ሚኒሼ ቢስ። 16 ታኒ ኡባባን ሂንቴናን ኣማኔቲያ ገሾ ኡፋይታይስ።

8

ኣሞባ

1 ኑ ኣሻቶ፡ ያሳይ ማቁደኒያን ዴዲያ ዋሳ ኬላታስ ኣሚዳ ኣጁ ኬሃቴላ ሂንቴ ኤራና ሚላ ኑ ኮኖስ።

2 ኤንቴ ገታ ሜቶን ፓጨቲዳሶና፡ ሺን ኤንታ ኡፋይሳይ ዋልቃማ። ኤንታ ማንቆቴላስ ዛዊ ባዋ፡ ሺን ባንታ ኢሙዋን ዳር ኬሂደሶና። 3 ኤንቴ ባንታ ዋልቃ ሚላኔ ባንታ ዋልቃፌ ኣጁይሳ ደሲዲ ኣሚዳይሳስ ታ ማርካ።

4 ኤንቴ ያሳ ኣሳ ማዲያ ሎዎ ኦሶ ኑራ ኦላናው ኮዩዲ ኑና ዳር ዋሲደሶና። 5 ኤንቴ ኑኒ ቆፐዳይሳፌ ኣሊዲ ኡሊደሶና። ኮይርቲዲ ባንታና ጎዳስ ኣሚደሶና፤ ካሊዲ፡ ያሳ ሼኒያዳ ባንታና ኑስ ኣሚደሶና።

6 ሃ ሎዎ ኦሶዋ ደሚዳ ቲቶይ ጉጂ ኦላናዴኔ ሂንቴና ማዲዲ፡ ሄ ኦሶዋ ፖሊሳናዳ ኢያ ዋሲዳ። 7 ሺን ሂንቴ ኡባባን፡ ኣማኖን፡ ሃሳያን፡ ኤራቴላን፡ ገታ ኣሞን፡ ኑና ሲቆኒኔ ኡባባን ዴሬቲዳይሳዳ ሃ ሎዎ ኦሶዋንካ ሂንቴ ኬሃ ገዴና ሜላ ኑ ኮኖስ።

8 ታኒ ሄሳ ኪታናው ጊኬ። ሺን ሃራታ ገታ ኣሙዋ ሂንቴ ሲቁዋራ ጋላ ቤዳዳ ሂንቴ ኣይ ኬና ቲሜኮ ኤራናው ጋይስ። 9 ሂንቴ ኑ ጎዳ ዩሱስ ኪሪሰቶሳ ኣጁ ኬሃቴላ ኤራታ። ኪሪሰቶሲ ዴሬ ገዴ ኡቲዲ፡ ሂንቴ ኢያ ማንቆቴላን ዴሬታናዳ ሂንቴ ገሾ ማንቁስ።

10 ታኒ ሃ ኦዳን ሂንቴና ማዲያ ዘሬ ዘራናው ኮያይስ። ሂንቴ ዘላይሊ ኣማናው ፃላላ ገደናሺን ሄሳ ኦላናው ኣሞቴላንካ ሂንቴ ኮይር። 11 ሂንቴ ኦላናው ደሚዳ ኦሶዋ ሃዲ ፖሊቴ። ሂንቴ ሂንቴው ዴዴይሳ ኬና ኣሚኮ፡ ሄሲ ሂንቴ ኣማናው ዳር ኣሞቴይሳ ቆንጨሲስ። 12 ኢሲ ኣሲ ኣማናው ኣሞቴኮ፡ ኢያ ኣሞይ ያሳ ሲንላን ኤኬቴይ፡ ኢ ባው ዴዲዳይሳ ኬና ኣሚናፔ ኣቲን ባይናባፔ ኣማናው ኡንዴቲን ገዴና።

13 ታኒ ሄሳ ገይ፡ ሂንቴ ኡባይ ኢሲ ገና ገዴና ሚላሳፌ ኣቲን ሃራቲ ዋያፔ ሼምፐን ሂንቴ ዋዬታና ሚላሳ ገዴና። 14 ዋዴ ኤንታ ፓላሃይ ሂንቴ ፓጨ ኮንላና ሚላ ሃዲ ሂንቴ ፓላሃይ ኤንታ ፓጨ ኮንላ። ሄሳን ሂንቴ ገና ገዴና። 15 ጌሻ ማፃፋን፡ «ዳር ሺሺዳይሳስ ፓላሃይና፤ ጉላ ሺሺዳይሳስ ፓጨቤና» ጌቴቲ ፃፊቲዳይሳ ሜላ።

ቲቶኔ ኢያ ላጌታ

16 ኑ ሂንቴው ቆፐይሳዳ ቲቶይካ ሂንቴው ቆፓና ሚላ ኦሊዳ ያሳይ ጋላቴቶ። 17 ቲቶይ ሂንቴኮ ቢዳይ፡ ኑ ኢያ ዴንሌሊዳ ገሾ ፃላላ ገደናሺን ኢ ባ ሼኔን ባናው ኣሞቴዳ ገሾሳ። 18 ዋንጌላ ማርካቴላን ዋሳ ኬላ ኡባን ዳር ኤራቴዳ ኣሻ፡ ኑኒ ቲቶራ ኢሲፌ ኪቶስ። 19 ሄሳ ቦላ ኑኒ ሃ ኬሃ ኣሞታ ኤፊያ ዋዴ ኑራ ባና ሚላ ሃ ሎዎ ኦሶዋን ጎዳ ቦንቻናውኔ ሃራታ ማዳናው ዴዲያ ኣሙዋ ቤሳናው ኢ ዋሳ ኬላታን ደሬቲስ።

20 ሃ ኣሚቲዳ ኬሃ ኢሙዋ፡ ኑ ኦሶ ቦላ ፔሺያ ዋዴ ቦሬቶና ሚላ ናጌቶስ። 21 ኑኒ ጎዳ ሲንላን ፃላላ ገደናሺን ኣሳ ሲንላንካ ሎዎ ገዴዳባ ኦሎስ።

22 ቃሲ ዳር ዋዴ ፓጨን ሚኒዲ ኣጂዳ ኑ ኣሻ፡ ኤንታራ ሂንቴኮ ኪቲዳ። ኢ ሂንቴናን ኬሃ ኣማኔቲያ ገሾ ሃዲ ሂንቴና ማዳናው ዳር ኣሞቴስ። 23 ቲቶባ ኤራናው ኮይኮ፡ ኢ ሂንቴና ማዳናው ታራ ኦሊያ ታ ኦሶ ላጌያ። ሃንኮ ኣሻታባ ገዴኮ ዋሳ ኬላቲ ኪቲዳይሳታ፤ ቃሲ ኣሳይ ኤንታ ዴሳ ቤዲዲ ኪሪሰቶሳ ቦንቻሶና። 24 ሄሳ ገሾ፡ ዋሳ ኬላቲ ሂንቴ ሲቁዋኔ ኑ ሂንቴና ናሼይሲ ቲማ ገዴይሳ ቆንጨሳናው ሂንቴ ሲቁዋ ሃ ኣሳታ ቤሲቴ።

9

ኣማኒያ ኣሳስ ኬሲዳ ሚሺያ

1 ኣማኒያ ኣሳስ ኬሲያ ሚሺያባ ታ ሂንቴው ፃፋናው ኮሼና። 2 ሂንቴ ማዳናው ኬሃ ኣሞቴይሳ ታ ኤራይስ። ሂንቴ ኣካያ ኣሳይ፡ ዘላይላፌ ደሚዲ ማዳናው ገረቲዳይሳ ታኒ ማቁደኒያ ኣሳስ ደና ኮንላዳ ኦዳስ።

ሂንቴ ገታ አሞይካ ኤንታፌ ዳርታ ዳንጼሊስ። 3 ሃ ኦሎቀን ሂንቴናን ኮ ጩቁቲያ ጩቆይ ሃዳ ገደና ማላ ኮይሮ ሂንቴባ ታ ኦዲዳይሳዳ ሂንቴ ገቢቲዲ ናጋና ማላ ሃ አሻታ ሂንቴኮ ከታሰ። 4 ማቁደኒያ አሳይ ታራ ቢዲ፣ ሂንቴ ገቢቶና ዳዲሽ፣ ዳሚኮ፣ ኮ ሂንቴናን ዩላታና፣ ቃሲ ሂንቴ ኮፔ አቶ ዩላታና። 5 ሃሳ ገሾ፣ ሃ አሻቲ ታፔ ሲንጻቲዲ ሂንቴኮ ቢዲ፣ ሂንቴ አማና ገዳ ኢሙቀ ካሴቲዲ ገቢሳና ማላ ታ ኤንታና ከታሰ። ታኒ ጋኪያ ዋዴ ሄ አሞይ ገቢ ኡቴስ። ሄ ዋዴ ሄ ኬሃቴላ አሞይ ዋልቃን ገደናሽን ዳሳን ገዳይሳ ኤሪሴስ።

6 ሃይሳ አኬኪቲ፣ ጉሉ ዜሪዳይ ጉሉ ጫካና፣ ዳር ዜሪዳይ ዳር ጫካና። 7 ያሳይ ኡፋይሳን አሚያ ኡራ ደሲያ ገሾ ዋልቃን ዋይኮ ደሲ ባይና ገደናሽን ኢሲ ኢሲ አሲ ባ ዋዛናን ቆፒዳይሳዳ ዳሳን አማናው ቤሴስ። 8 ኡባ ዋዴ ኡባባን ኮሺያባ ኡባ ዳሚዲ ሎዎ ኦሶ ኡባ አፋናው ዳንዳናና ማላ ያሳይ ሂንቴው ባ አንጃቀ ዳርሳና። 9 ጌሻ ማፃፋን፣

«ኢ ባ ሻሉቀ ማንቆታሰ ላሊስ፤
ኢያ ዲሎቴላይ ማሪናው ዳናና»
ያገሰ። 10 ዜሪይሳስ ዜሪሊ፣ ማናው ካሊ አሚያ ጎዳይ፣ ሂንቴ ዜሪያ ዜሪላ ዳርሲዲ አማና። ሂንቴ ዲሎቴላ አይፊያካ ዳርሳና።

11 ዳር አሳይ ሂንቴ አሚያ ኢሙቀ ኮፔ ኤኪዲ፣ ያሳ ጋላታናዳ፣ ሂንቴ ኡባ ዋዴ ዳርሲዲ አሚይሳታ ገደና ማላ ያሳይ ሂንቴና ኡባ ባጋራ ዲሬያና። 12 ሃ ሂንቴ አሚያ አሞይ አማኒያ አሳ ፓጫ ኩንሉ ያላላ ገደናሽን አሳይ ያሳ ጋላታናው ጋሶ ገዳስ። 13 ሃ ሂንቴ ኦሶይ ሂንቴ አማኑቀ ኤርሲዲ ከሪሰቶሳ ዋንጌላ ሂንቴ አማኒዲኔ ኢያው ከቴቲዲ ሂንቴው ዳዲያባ ኤንታራኔ ሃራታራ ሻኬቲዳ ገሾ ኡባይ ያሳ ቦንቻና። 14 ያሳይ ሂንቴው አሚዳ አቶ ኬሃቴላ ገሾ ኤንቴ ሂንቴው ያሳ ዋሲሽ ሂንቴና ቤዳናው ላሞቶሶና። 15 ዛቂ ባይና ያሳ ኢሙቀስ ያሳይ ጋላቴቶ።

10

ጳውሎሲ ሞቴይሳታሰ ዛሪዳ ዛሩቀ

1 ታ ሂንቴራ ዳዲያ ዋዴ ሹጎ፣ ቃሲ ሂንቴፌ ሃኪያ ዋዴ ኮ ቦላ ሚኔስ ያጌቲዳ፣ ጳውሎሲ፣ ኬሃኔ አሻኬ ገዲዳ ከሪሰቶሳ ሱንጻን ሂንቴና ዋሳይስ። 2 ታኒ ሂንቴኮ ቢያ ዋዴ ኮ አሾ ቆፋራ ሰሜሬቲያ አሲ ኦሊዲ ቆፒያ አሳ ቦላ ሚኖ ቃላን ኦዴታናው ቆፋ ቃቻስ። ሂንቴ ቦላ ሄሳዳ ኦዴታና ማላ ሂንቴ ታና ኦሶናዳ ሂንቴና ዋሳይስ። 3 ኮኒ ሃ ሳዳን ዳዲኮካ ሃ ሳዳ አሳዳ ኦሊቶኮ። 4 ኮ ኦላ ሚሽይ ሃ ሳዳይሳ ገዳና። ሽን ሚፃ ላላናው ዋልቃራ ዳዲያ ያሳ ቶራ። ቱማራ ኤቁቲያ ፓላማኔ፣ 5 ያሳ ኤርና ማላ ዳጊያ ኦቶሮ ቆፋ ኡባ ሳሎስ። አሳ ቆፋ ኡባ ዳዲዲ ከሪሰቶሳስ ከቴታና ማላ ኦሶስ። 6 ሂንቴ ከቴቲዳይ ፖሎ ገዲያ ዋዴ ኮኒ ከቴቲላ ኢያ ኡባ ሴራናው ገቢታና።

7 ሂንቴ አይፊይ ቤዳዳ ማላ ፒርዴታ። አኒካ ባና ከሪሰቶሳባ ገዲ ቆፒያባ ገዲኮ፣ ኮካ ከሪሰቶሳባ ገዳይሳ ኤር። 8 ጎዳይ ታው አሚዳ ማታን ጩቁቲኮካ ሄሳን ዩላቴኬ። ሄ ማታይ ታው አሚቲዳይ ሂንቴና ዲቻናሳፌ አቲን ቆሃናሳ ገዳና። 9 ታኒ ታ ዳብዳቤያን ሂንቴና ያሽሳናው ኮያዳ ዓፊዳባ ዳናፖ። 10 ኢሲ ኢሲ አሳይ፣ «ጳውሎሳ ዳብዳቤይ ዳዎኔ ዋልቃማ፣ ሽን ኢያ

ሶሞዎን ቤዲያ ዋዴ ኢ ዳቡራንቸ፤ ኢያ ኦዳይካ ፓሌና» ያሳሰና። 11 ሄ አሳቲ ኮ ሃሆን ዳዲሽ ዓፊያ ዳብዳቤያኒኔ ማታን ሂንቴራ ዳዲሽ ኦሊያ ኦሎቀ ገደን ዳማቴላ ባይናይሳ አኬኮ።

12 ኮኒ ባንታና ናሺያ አሳታራ ኦና ገናናናው ዋይኮ ጋዴያናው ኮዮኮ። ሺን ኤንቴ ባንታና ባንታራ ገናዪዲ ዋይኮ ጋዴዪዲ ቤዲሽ ኤያ።

13 ሺን ኮኒ ያሳይ ኦሰ አሚዳ ቆሳን ጩቁቶሲፔ አቲን ዛቀ ፒኒዲ ጩቁቶኮ፤ ሄ ዛቀይ ሂንቴኮካ ጋኬስ።

14 ኮኒ ቤሴይሳፌ አሊዲ ጩቁቶኮ፣ ሺን ከሪሰቶሳ ዋንጌላ ሂንቴኮ ጋሊዳይሳን ጩቁቶሶ። 15 ኮኒ ያሳይ ኤሲዳ ዛቀፔ ፒኒዲ፣ ሃራቲ ኦሊዳ ኦሶን ጩቁቶኮ። ገደሽን፣ ሂንቴ አማኖይ ዳጫና ማላ ያሳይ አሚዳ ዛቀን ሂንቴ ገደን ኮ ኦሊያ ኦሶይ ዳልጋና ገዲ ቆፖሰ። 16 ኮኒ ሃራ አሲ ባ ዛቀን ኦሊዳ ኦሶን ጌሊዲ ጩቁቶኮ፣ ሺን ሂንቴፌ ፒኒዲ ሃራታሰ ዋንጌላ ማርካታናው ዳንዳዎስ። 17 ሺን፣ ጌሻ ማፃፋን፣ «ጩቁያ ኡባይ ጎዳ ሎዎቴላን ጩቆ» ያገዲ ዓፊቲስ። 18 ጎዳይ ናሺያ ኡራፔ አቲን ባና ባው ናሺያ ኡራይ ናሼቴና።

11

ጳውሎሳኔ ዋርዳንቸ ሃቀሬታ

1 ታ ጉላ ኤያቴላ ሂንቴ ሃዲካ ዳንዳናና ጋዳ ቆፓይስ፤ ሃያና ዳንዳዲቴ። 2 ያሳይ ሂንቴው ቆፒዳይሰሳዳ፣ ታካ ሂንቴው ቆፓይስ። ታኒ ሂንቴና ጌሻ ጌላዲዳ ኢሲ አዲያ፣ ከሪሰቶሳሰ አማናው ኦይቻ ዋሳስ።

3 ሺን ሾሻይ ባ ጌኒያን ሄዋኖ ባሌሊዳይሳዳ ኮኒ ኤሪ ሂንቴ ዋዛናይ አቲዲ ከሪሰቶሳሰ ዳዲያ ሂንቴ ሱራቴላኔ ጌሻቴላ አጋንዴቲ ጋዳ ሃርጋይስ። 4 ኢሲ አሲ ዪዲ፣ ኮኒ ሂንቴው ማርካቲዳ ዩሶሳፔ ሃራ ዩሶሳ ሂንቴው ማርካቲኮ፣ ዋይኮ ሂንቴ ኤኪዳ አያናፔኔ ዋንጌላፔ ሃራ አያናኔ ዋንጌላ ሂንቴው ኦዲኮ፣ ሲዲ ገዲ ኤኬታ።

5 ሺን ታኒ ዩሶሳ ከቲዳ «ገታ ሃቀሬታፔ» ጉዳይስ ጋዳ ቆፒኬ። 6 ታኒ ኦዳ ኤርና አሲ ገዲኮካ፣ ኤራቴላ ታው ዳዴስ። ሄሳ ታ ሂንቴው ዳር ኦጌን ቆንጨሳስ።

7 ታኒ ሚሽ ኦይቸና ያሳ ዋንጌላ ሂንቴው ጮ ኦዲዳይሴኔ ሂንቴና ቶቁ ኦላዳ ታና ቶቸዳይሴ ታው ናጋራ ገዲ? 8 ታኒ ሂንቴው ኦላናው ሃራ ዋሳ ኬላታፔ ሚሽ ቦንቃ ኤካስ። 9 ታ ሂንቴራ ዳዲያ ዋዴ ታና ማቴንካ ሂንቴፌ ኢሲ አሲካ ዋሳይሰኬ። ማቁደኒያፔ ዪዳ አማኔይሳቲ ታና ኮሺያባ ኡባን ማዲዳሶና። ሃቸ ጋካናው ታ ሂንቴው ቶሆ ገዲቢኬ ሲንላሰካ ቶሆ ገዲኬ። 10 ከሪሰቶሳ ቱማቴላይ ታናን ዳዲሽን፣ ታ ጩቁቀ አካያ ቢታን ታና ኦኒካ ዳጌና። 11 ታ ሃይሳ አይስ ጋይና? ሂንቴና ደሶና ገሾሴዬ? ታኒ ሂንቴና ደሴይሳ ያሳይ ኤሪስ።

12 «ኮካ ሂንቴ ማላ ኦሶስ» ያገዲ ጩቁያ ሃንኮ ሃቀሬታ ጩቁቀ ጋሱቀ ቆይሳናው ሃዲ ታ ኦሊይሳ ሲንላሰካ ኦላና። 13 ሃይሳ ማላ አሳቲ ከሪሰቶሳ ሃቀሬ ዳናናው ባንታና ላሚያ ዋርዳንቸ ሃቀሬታኔ ጨሚያ ኦሳንቸታ። 14 ሄሲ ማላሊሲያባ ገዳና፣ አይስ ገኮ፣ ያላሄይ ፖዎ ከታንቸ ዳናናው ባና ላሚስ። 15 ሃሳ ገሾ፣ ያላሄ ኦሳንቸቲ ዲሎቴላ ኦሳንቸታ ዳናናው ባንታና ላሚኮ ሄሲ ገታባ ገዳና። ኤንቴ ዉርሴላን ባንታ ኦሱቀዳ ኤካና።

ጳውሎስ ጋኪዳ ማቴዎ

16 እነዚህ ታና ኤያ ጊዲ ቆገና ማላ ዛራዳካ ኦዲይስ። ታ ሂንቴው ኤያ ዳኒኮካ ታ ጉላራ ጩቁታና ማላ ታና ኤያ ኦሊዲ ኤኪቴ። 17 ታኒ ሃይሳዳ ጩቁታዳ ኦዲቴይ፡ ጎዳይ ኮዩይሳዳ ጊደናሽን ኤያቴላን ኦዲይስ። 18 ዳሮ አሳይ ሃ ሳዓባን ጩቁቲያ ጊሾ ታካ ጩቁታና። 19 ሂንቴ ዎዛናማ ጊዲያ ጊሾ ኤያ አሳባ ኡፋይሳን ዳንዳዔታ። 20 እነዚህ ሂንቴና አይሌይኮ ዎይኮ ሂንቴና ቦንቁኮ ዎይኮ ባው ማዴታናው ሂንቴኮ ሸቁኮ ዎይኮ ሂንቴ ቦላ ኦቶርቲኮ ዎይኮ ሂንቴና ባቁኮ ሂንቴ ዳንዳዔታ። 21 ኦኒ ሄሳ ኦላናው ዳሮ ዳቡራንቾ ጊዴይሳ ዩላታሹ ታ ኦዲይስ።

ሸን እነዚህ ማኒዲ ጩቁቲኮ፡ ታካ ጩቁታናው ማናይስ። ታኒ ሄሳ ኤያ አሳዳ ኦዲይስ። 22 ኤንቲ ኢብራዌ? ታካ ኢብራዌ። ኤንቲ ኢሰራዔል? ታካ ኢሰራዔል። ኤንቲ ኢብራሃማ ሹሹ? ታካ ኢብራሃማ ሹሹ። 23 ኤንቲ ከሪስቶሳ ኦሳናቾ? ታኒ ጎሻ አሳዳ ኦዲይስ፡ ኤንታፊ አዲያ ከሪስቶሳ ኦሳንቾ። ታኒ ኦሶን ዳሮ ዳቡራስ፤ ዳሮ ዎዴ ቃሹታስ፤ ጋራፊታስ፤ ዳሮ ዎዴ ሃይቆቴ አታስ። 24 አይሁዳቲ ታና ሃስታማኔ ኡዲፋና ኢቻሹ ቶሆ ጋራፊዶሶና። 25 ሄቹ ቶሆ ዓምዓን ሾጩታስ፤ ኢሲ ቶሆ ሹቻን ጩዴታስ፤ ማርካቤይ ሄቹ ቶሆ ማዒስ፤ አባ ጊደን ኢሲ ቃማ ኩማሊ አቃዳ ፔዓስ። 26 ታኒ ዳሮ ኦጊያ ዳቡራን ሃሙታስ። ከፃ ሃላፊኔ ፓንጋፊ አታስ። አይሁዳቲኔ አይሁዳ ጊደና አሳይ ታ ቦላ ማቶ ጋሊዶሶና። ካታማይ፡ ባዘይ፡ አባይ፡ ታና ያሹስ፤ አማኒያ ዳኒያ አሳቲ ታና ዎይሲዶሶና። 27 ታኒ ኦሶን ዳቡራስኔ ጫዎታስ፡ ዳሮ ቶሆ ጳስኮ ጳያስ፡ ኮሻታስ፡ ሳዎታስ፡ ዳሮ ቶሆ ያማስ፡ ማጌታስ፡ ካሎታስ።

28 ሃራባ ኡባ ታይቦና ኡባ ዎዴ ታና ቆፊሴይ ዎሳ ከላታባ። 29 ኢሲ አሲ ዳቡሪያ ዎዴ ኢያራ ታ ዳቡራቢኪና? ኢሲ አሲ ናጋራን ጳቤቲያ ዎዴ ታ አወዳ ቂሮቶና አጋዲና?

30 ታ ጩቁታናው ኮሺያባ ጊዲኮ ታኒ ዳቡራንቾ ጊዴይሳ ኤሪሲያባን ጩቁታና። 31 ማሪናው ቦንቾቲዳ ያሳይ፡ ኦ ጎዳ ዩሱስ ከሪስቶሳ አዎይ፡ ታ ዎርዶቶናይሳ ኤሬስ። 32 ዳማስቆ ካታማን አሬታሳ ጊያ ካወዋፔ ጋርሳራ ሃራይስ ታና ኦይላናው ኮዩዲ ዳማስቆ ካታማ ፔንጊያ ናጊሲስ። 33 ሸን አሳይ ታና ዳቾን ዩጊዲ፡ ካታማ ዲርሳ ማስኮቲያራ ዎዲሲን ታኒ ኢያ ኮሺያፔ አታስ።

12

ጳውሎስ ቆንጩኅ

1 ጩቁቲላስ ጎራ ባይናይሳ ኤራይስ። ሸን ጩቁታናው ኮሺኮ፡ ጎዳፔ ኤኪዳ ቆንጩኅን ጩቃና። 2 ታማኔ ኦይዲ ላይላፊ ካሴ፡ ከሪስቶሳ አማኒያ ኢሲ ኡራይ ሄቻንላ ሳሉዋ ቢዳይሳ ታ ኤራይስ። ሄ ኡራይ አሾን ዎይኮ አሾፔ ካሬራ ቢዳኮ ታ ኤሪኬ፤ ያሳይ ኤሬስ። 3 ሄ ኡራይ ሄቻንላ ሳሉዋ ኤኬቲዳይሳ ኤራይስ። ሸን ኢ አሾን ዎይኮ አሾፔ ካሬራ ኤኬቲዳኮ ታ ኤሪኬ፤ ያሳይ ኤሬስ። 4 ሄ ኡራይ ጋናቴ ኤኬቲዲ አሲ ቆንጩሳናውኔ አሲ ኦዳናው ዳንዳዎናባ ሲዒስ።

5 ታኒ ሄ አዲያባን ጩቁታና፡ ሸን ታኒ ታ ዳቡራፔ አቲን ታናን ጩቁቲያባይ ባዎ። 6 ታኒ ቱማ ኦዲቲያ ጊሾ ጩቁታናው ኮይኮካ ኤያ ጊዲኬ። ሸን አሲ ታ ኦሊይሳ ቤዔይሳፊኔ ሲዔይሳፊ አሊዲ ቆገና ማላ ጋዳ ጩቁቲሊ አጋይስ።

7 ታው ቆንጩኅ ጊታ ቆንጩኅን ታ ኦቶርቶና ማላ ታና ዎይሳናው ታ አሹዋን ጫዲያ ዓላሂያ ኪታንቾይ ታው ኢማቲስ። 8 ሃ ዎይሲያባ ታፔ ዲጋና ማላ ታኒ ጎዳ ሄቹ ቶሆ ዎሳስ። 9 ሸን ጎዳይ፡ «ታ ዎልቃይ ኔ ዳቡራን ቆንጩኅ ጊሾ ታ አዶ ከሃቴላይ ኔው ጊዳና» ያገሰ። ከሪስቶሳ ዎልቃይ ታናን ቆንጩኅ ማላ ታ ዳቡራን ኡፋይታሹ ጩቁታይስ። 10 ታኒ ከሪስቶሳ ጊሾ ዳቡሪያ ዎዴ ጫዬቲያ ዎዴ ዎዬቲያ ዎዴ ጎዴቲያ ዎዴ ማቶቲያ ዎዴ ታ ዳቡራን ኡፋይታይስ። አይስ ጊኮ፡ ታ ዳቡሪያ ዎዴ ሄ ዎዴ ማናይስ።

ጳውሎስ ቆርንቶሳ አሳስ ቆፔስ

11 ታኒ ኤያ አሳዳ ጩቁታስ። ሄሳዳ ታ ጩቁታና ማላ ኦሊዲይ ሂንቴና። ታ፡ ታ ሁዒን ኤሬቶና አሲ ጊዲኮካ፡ «ጊታ ሃዋሬታ» ጌቲቲይሳታፔ ጉዲኬ። ሄሳ ታው ማርካታናው ቤሴይ ሂንቴናሽን። 12 ታ ሂንቴ ጊደን ዳዓሹ ዳንዳዓን ኦሊዲ ማላታቲኔ ማላቲ ታ ቱማ ሃዋሬ ጊዴይሳ ቤሶሶና። 13 ታ ሂንቴው ቶሆ ጊደናይሳፊ አቲን ሃራ ዎሳ ከላታፔ ሂንቴ አይቤን ጉዲዴቲ? ሄሲ ባላ ጊዲኮ ታና ማሪቴ።

14 ታኒ ሂንቴኮ ባናው ጊጌቲሽን ሃይሲ ታው ሄቻንላ። ታ ሂንቴናፔ አቲን ሂንቴው ዳዒያባ ኮዮና ጊሾ ሂንቴና ዎይሳናው ኮዩኬ። ዩሊዳይሳቲ ባንታ ናይታስ ሻሎ ማንጀሶናፔ አቲን ናይቲ ባንታና ዩሊዳይሳታስ ሻሎ ማንጀኮና። 15 ታ ሂንቴ ጊሾ ታው ዳዒያባኔ ታና አላ ኢማንካ ታና ኡፋይሴስ። ያቲን፡ ታኒ ሂንቴና ሄሳዳ ኬሃ ሲቆያ ዎዴ ሂንቴ ታና ጉላራ ሲቁቲ?

16 ጊዲኮካ፡ ታ ሂንቴው ቶሆ ጊዲኬ፤ ዎይሳቢኬ፤ ሸን ሂንቴና ጩዋኒኔ ጌኔን ኦይኪዳባ ሂንቴው ዳናና አጌና። 17 ሃሪ አቶሽን፡ ታ ሂንቴኮ ኪቲዳ አሳታፔ ሂንቴና ጩማዳ አሲ ዳዒ? 18 ቲቶይ ሂንቴኮ ባና ማላ ታኒ ዎሳስ፤ ቃሲ አማኒያ ኢሻካ ኢያራ ዩዳስ። ያቲን፡ ቲቶይ ሂንቴና ጩማዴ? ኦኒ ኦ ኦሱዋ ኢሲ አያናን ኦሊቦኮ? ቃሲ ኦ ሃናይካ ኢሲኖ ጊዴኔ?

19 ኦ ኡባ ዎዴ ሂንቴ ሲንላን ኦና ያሊሳናው ሞቲቲያባ ሂንቴው ዳኒ? ኦ ከሪስቶሳን ዳዒዲ ያሳ ሲንላን ሃራ ጋካናው ኦደስ። ኦ ሲቆ ኢሻቶ፡ ኦ ሃ ኡባ ኦሊይ ሂንቴና ዲቻናሳ። 20 ታ ሂንቴኮ ቢያ ዎዴ ኦኒ ኤሪ ሂንቴ ታ ኮዩይሳዳ ሃናና፡ ቃሲ ታካ ሂንቴ ኮዩይሳዳ ሃናና ጋሄቶና አጎኮ ጋዳ ያያይስ። ቃሲ ኦኒ ኤሪ ሂንቴ ጊደን ፓላሚ፡ ቃናቴይ፡ ሃንቆይ፡ ዩቁይ፡ ዘጊርሲ፡ አሳ ሱንላ ኢሶይ፡ ኦቶሮይኔ ካቺ ዶና አጌና ጋዳ ያያይስ። 21 ታኒ ናምዓንላ ሂንቴኮ ቢያ ዎዴ ያሳይ ሂንቴ ሲንላን ታና ካወሻና ጋዳ ያያይስ። ካሴ ናጋራ ኦሊዲ ሄ ባንታ ኦሊዲ ቱናቴላፊ፡ ላይማቴላፊኔ ዩላያ ኦሱዋፔ ሲማቦና አሳታ ቤዓዳ አዛናና አጊኬ ጋዳ ያያይስ።

13

ወርሴላ ዘሬኔ ሳርላ

1 ታ ሂንቴኮ ቢሺን ሃይሲ ሄሻን። ኣይ ሞቶይካ ናሞዑ ወይኮ ሄሹ ማርካን ሚኔሰ። 2 ታኒ ናሞዓን። ሂንቴራ ጋሄቲዳ ወይ ሂንቴ ገደን ካሴ ናጋራ ኦሊዳ ኡራኔ ሃራታ ኡባ ሰርና ኣገኪ ጋዳ ኦዳ ዋሳሰ። ሃዒ ታ ሃካዳ ዳዒኮካ ሰማዳ ሂንቴኮ ቢያ ወይ ኦዳሰካ ቃዲቲኬ።

3 ታናን ዳዒዲ ኦዳይ ከሪሰቶሳ ገዳይሳ ሂንቴ ኡራናው ኮይታ። ኢ ሂንቴራ ሃሳያ ወይ ወልቃማፔ ኣቲን ሂንቴ ገደን ዳቡራንቸ ገዳና። 4 ከሪሰቶሲ ማሰቃሊያ ቦላ ዳቡራን ካቁቲሰ፣ ሺን ያሳ ወልቃን ዳያን ዳዒሰ። ኢ ዳቡራንቸ ገዲዳይሳዳ፣ ኦካ ዳቡራንቸ። ሺን ሂንቴና ሃጋዛናው ያሳ ወልቃን ኢያራ ዳያን ዳና።

5 ኣማኖን ሚኒዲ ዳዒያኮ ሂንቴና ሂንቴው ፓጪ ቤዒቲ። ፓጪን ሂንቴ ኩንደና ኣቲኮ፣ ከሪሰቶሲ ሂንቴናን ዳዒይሳ ሂንቴ ኤሬታ። ሺን ከሪሰቶሲ ሂንቴናን ደና ኢዳኮ ሂንቴ ኩንደታ። 6 ኦኒ ፓጪን ኩንደናይሳ ሂንቴ ኤሬታ ጋዳ ኣማናሰ።

7 ሂንቴ ኢታባ ኦላና ሚላ ኦኒ ያሳ ዋሶሰ። ኦኒ ሚኖ ገዳይሳ ኣሳይ ቤዓና ሚላ ገደናሺን ኦኒ ሚኖ ገደና ኢዳኮካ፣ ሂንቴ ሎያ ኦላና ሚላ ኦኒ ዋሶሰ። 8 ኦኒ ቱማሰ ኦላሲፔ ኣቲን ቱማራ ኤቁቲያባ ኣይባካ ኦላኮ። 9 ኦ ዳቡራያ ወይ ሂንቴ ቃሲ ሚኒያ ወይ ኦና ኡፋይሴሰ። ሂንቴ ቦሬይ ባይናይሳታ ገደና ሚላ ኦ ሂንቴው ያሳ ዋሶሰ።

10 ታኒ ሂንቴሬ ሃካዳ ዳዒሺ ዓፊዳይ ሄሳ ገሾሳ። ታኒ ሂንቴኮ ቢያ ወይ ጎዳይ ታው ኢሚዳ ማታን ዜምፓዳ ሂንቴ ቦላ ጎዳታናው ኮዪኬ። ጎዳይ ታው ማታ ኢሚዳይ፣ ሂንቴና ማዳናሳሬ ኣቲን ቆሃናሳ ገደና።

11 ዉርሴላን ታ ኢሻቶ፣ ሳር ዳዒቲ። ቦሬይ ባይና ዳዒቲ፣ ታ ዘሪያ ሰዒቲ። ኢሲ ዋዛናን ገዲዲ ዳዒቲ፣ ሳርቲላን ዳዒቲ። ሰቆኔ ሳር ኢሚያ ያሳይ ሂንቴራ ገደ።

12 ጌሻ ዩሬቲላ ዩሬቲሺ፣ ኢሶይ ኢሱዋ ሳርላቲ።

13 ያሳ ኣሳ ኡባይ ሂንቴና ሳር ሳር ያጎሶና።

14 ጎዳ ዩሱሰ ከሪሰቶሳ ኣዶ ኬሃቲላይ፣ ያሳ ሲቆይ፣ ጌሻ ኣያና ኢሲሬቲላይ ሂንቴ ኡባራ ገደ።

ጳውሎስ ጋላቴያ አሳሰ ግፊዳ ከታ ጋላ ቆፋ

ዩሱስ አሸባሪ ገደባዎችን ለሁሉም ምንገላ ቃላይ ደማ ደማ ቤሳን ሳባከቲን፣ አይሁዳ ገደና አሳይ አማኒ አማኒ ቢያ ዋዳ «ከሪስታኔ ገደናው ሙሴ ሂኔ ፖላናው ኮሺዬ ኮሼኔ?» ያገደ ያይሸይ አሲፊ ዳንዲሰ። ሄ ዋዳ ጳውሎስ፡ «ከሪስታኔ ገደናው ሙሴ ሂኔ ፖላናው ኮሺና፤ ዩሱስን አራፋ ዳዎ ዳማናው ኮሺያ ዋናይ አማኖ። አሳይ ያሳ ሲንላን ያላናው ዳንዳዔይ አማኖ ያላላን» ያገደ ታማርሲስ። ሺን ጉላ አሲያን፣ ጋላቴያ አውራጃን ዳዊያ ዋሳ ከላን ዳዊያ አሳ ገደን፣ «አሲ ያሳ ሲንላን ያላናው ዩሱስን አማኖ ያላላ ገደናሽን ሙሴ ሂኔያካ ፖላናው ኮሺስ» ያገደ ጳውሎስ ተማርቴያ ጳልቂያ አሳቲ ዳዎሶና።

ጳውሎስ ጋላቴያ ማፃፋ ግፊዳይ፣ ሄ ባላ ተማርቴያን ጨማቲዳ አሳ ቱማ አማኑዋኮኔ አማኖ ዳዎዋኮ ዛራናሳ። ጳውሎስ ዩሱስን ሃዋሪ ገደባዎች ተላይዲ አዶ አይከሰ። ኢያ ሃዋሪ አሲዲ ያገደይ አሲ ገደናሽን ያሳ ገደባይ ኢ ከቲቲዳይ አይሁዳ ገደና አሳሰ ገደባይ ቆንጨሲዲ ኦዲስ። ኢያራ ኦይሴሲዲ አሳይ ያላናው ዳንዳዔይ አማኖ ያላላና ገደባይ ኦዲስ። ወርሴላ ሺምፖታን አማኖ ዳዎይ ዩሱስን አማኖን ቤንቲያ ሲቆፔ ፑልቲይሳ ገደባይ ኦዲስ።

ጋላቴያ ከታ አይፊ ቆፋታ

- ጌሎ ቆፋ 1:1-10
- ጳውሎስ ሃዋሪቲላ ማታ 1:11-2:21
- ያሳ አጾ ከሃቴላ ምንገላ 3:1-4:31
- ላዒቲሴኔ አማኖን ዲሱ 5:1-6:10
- ኩሻ ቆፋ 6:11-18

1 አሳፔ ዋይኮ አሳ ባጋራ ገደናሽን ዩሱስ ከሪስታኖሳፔኔ ኢያ ሃይቆፔ ዳንሴዳ ያሳ አዋፔ ሃዋሪ ገደና ማላ ከቲቲዳ ታ ጳውሎስ፣ 2 ታራ ዳዊያ አማኒያ አሻቲ ኡባይ፣ ጋላቴያን ዳዊያ ዋሳ ከላታሰ ከቲዳ ከታ።

3 ያሳይ ኦ አዋይኔ ኦ ጎዳ ዩሱስ ከሪስታኖሲ ሂንቲው አጾ ከሃቴላኔ ሳርቲላ አም።

4 ሃ ኢታ ዋዲያፔ ኦና አሻናው፣ ኦ ያሳ፣ ኦ አዋ ሺኔን ከሪስታኖሲ ኦ ናጋራ ገሾ ባና አሴ አሚሰ። 5 ያሳሰ ማሪናፔ ማሪና ጋካናው ቦንቾይ ገደ። አሚንዒ።

ቱማ ምንገላይ አሲኖ

6 ከሪስታኖሳ አጾ ከሃቴላን ሂንቲና ያገደ ያሳ አገዲ፣ ሃራ ምንገላኮ፣ ሂንቲ ኤሌሲዲ፣ ዋኒዲ ሲሚዳኮ ታና ማላሊሴስ። 7 ሂንቲና ባሌላናውኔ ከሪስታኖሳ ምንገላ ዋቢሳንው ኮያ ጉላ አሳቲ ዳዎሶናፔ አቲን ቱማ ምንገላይ አሲኖ። 8 ሺን ኦና ገደን ዋይኮ ሳሎ ከታንቾ ገደን ከኒ ሂንቲው ኮይሮ ኦዲዳ ምንገላፔ ዲማቲያ ሃራ ምንገላ ሂንቲው ኦዲያባ ገደኮ፣ ኢ ቃንጌቲዳባ ገደ። 9 ሃይሳፊ ሲንሴ ከኒ ገደባይሳዳ ሃዒካ ዛራዳ ገይሰ። ሂንቲ ኤከዳ ምንገላፔ ዲማቲያ ምንገላ ኦኒካ ሂንቲው ኦዲኮ ሄ ኡሪይ ቃንጌቲዳባ ገደ።

1:13 ሃ.ኦ 8:3፤ 22:4-5፤ 26:9-11 1:14 ሃ.ኦ 22:3 1:15 ሃ.ኦ 9:3-6፤ 22:6-10፤ 26:13-18 1:18 ሃ.ኦ 9:26-30 2:1 ሃ.ኦ 11:30፤ 15:2 2:6 ዛሬ 10:17

10 ያቲን፣ ታና አሲ ናሻና ማላ ኮያይናዬ? ዋይኮ ያሲ ናሻና ማላ ኮያይና? ዋይኮ ታ አሲ ኡፋይሳናው ኮያይና? ታ አሲ ኡፋይሳናው ኮያባ ገደኮ፣ ከሪስታኖሳ አይሌ ገደኮ።

ጳውሎስ ያጌቲላ

11 ታ አሻቶ፣ ታ ሂንቲው ኦዲዳ ምንገላይ አሳፔ ገደናይሳ ሂንቲ ኤራና ማላ ታ ኮያይሰ። 12 ታው ሃ ምንገላ ዩሱስ ከሪስታኖሲ ቆንጨሲሲፔ አቲን አሳፔ ኤካቢኬ ዋይኮ አሲ ታና ታማርሲሴና።

13 ታ ካሴ አይሁዳ አማኖን ዳዊያ ዋዳ ዋና ዳዊዳኮ፣ ሂንቲ ሲዒዳታ። ታ ዋሳ ከላ ቃጼይ ባይና ጎዳናውኔ ጳይሳናው ባዳታሰ። 14 አይሁዳ አማኖ ናሻን፣ ታ ዋዳን ዳዊያ አይሁዳ አሻታፔ አጳይሰ። ኦ አዋታ ዋጋሰካ አጳዳ ሚሺታይሰ።

15 ሺን ታ ቡሮ ታ አዬ ኡሎን ዳዊሺን ያሳይ ታና ደሪሰ፤ ባ አጾ ከሃቴላን ታና ያገሰ። 16 አይሁዳ ገደና አሳሰ ምንገላ ኦዳና ማላ ያሳይ ባ ናባ ታው ቆንጨሲዳ ዋዳ ታ ኦዳራካ ዛሬታቢኮ። 17 ዋይኮ ታፔ ሲንሴ ሃዋሪ ገደዳይሳታራ ጋሂታናው ዩራሳላሚ ባቢኮ። ሺን ታ ካሴታዳ አራቤ ቢታ ባሰ፤ ሃሳፊ ሲማዳ ዳማሰቆ ካታማ ያሰ። 18 ሄቸ ላይላፊ ጉዬ፣ ጳዲሮሳራ ጋሂታናው ዩራሳላሚ ባዳ ኢያራ ታማኔ ኢቻቸ ጋላሰ ኡታሰ። 19 ሺን ጎዳ አሻ ያይቆባፔ አቲን ሃንኮ ሃዋሪታ ቤዓቢኮ።

20 ታ ሂንቲው ግፊዳይሲ ዋርዶ ገደናይሳ ያሳ ሲንላን ሂንቲው ቆንጨሳይሰ።

21 ሃሳፊ ጉዬ፣ ታኒ ሶሪያ ቢታኔ ከላቂያ ቢታ ባሰ። 22 ዩሁዳን ዳዊያ ዋሳ ከላ አሳይ ታና ቤዒዲ ኤሪሶኮና። 23 ሺን ኤንቲ፣ «ካሴ ኦና ጎዲያ ኡራይ፣ ሃዒ ሄ ኢ ጳይሳናው ኮያ አማኑዋባ ሳባከሰ» ያገይሳ ሲዒደሶና። 24 ሲዒዳ ኡባይ ታ ጋሶን ያሳ ጋላቴደሶና።

2

ሃዋሪቲ ጳውሎስ ኤከደሶና

1 ታማኔ ኦይዳ ላይላፊ ጉዬ፣ ባርናባሳራ ዛራዳ ዩራሳላሚ ባሰ። ሄ ዋዳ ቲቶ ታራ ኤካዳ ባሰ። 2 ያሳይ ታው ቆንጨሲዳ ቆንጨፍላን ያ ባዳ አይሁዳ ገደና አሳ ገደን ታ ሳባከያ ምንገላ ኤንታው ቆንጨሳሰ። ካሴ ታ ዋዲዳ ዋላይኔ ሃዒካ ታ ዋዲያ ዋላይ ሃዳ ገደና ማላ ጋዳ ካሌሌይሳታ ዲማ ሺሻዳ ኤንታው ኦዳሰ። 3 ሃሪ አቶሺን፣ ታራ ዳዊያ ቲቶይ ገሪኬ አሲ ገደኮካ፣ ቃፃራቶ ገዲ ኤንዔሌቦኮና። 4 ገደሺን፣ አማኒያ አሻታ ዳኒዲ ኦ ገደ ጌሊዳ ኢሶቲ ኢሶቲ ኢ ቃፃራታና ማላ ኮዩደሶና። ሄ አሳቲ ከሪስታኖሰ ዩሱስን ኦሰ ዳዊያ ላዒቲላ ዋቸዲ ቤዓናው ጌማን ኦ ገደ ጌሊዲ ዛሪዲ ኦና አይሌ ኦላናው ኮኖሶና። 5 ሺን ቱማ ምንገላይ ሂንቲናን ሚኒዲ ዳና ማላ ኦኒ ሃሪ አቶሺን፣ ጉላ ዋዳሰካ ኤንታው ከሺ አሚቦኮ።

6 ሺን ሃላቃ ዳኒያ አሳታ ኦናቲላይ ታው አይኮካ ገደና። ያሳይ አሳ ሶምዎ ቤዒዲ ፐርዳና። ሃ አሳቲ ታ ማርካቲያ ምንገላ ቦላ ጉጂዳባይ ባዋ። 7 ሺን ጳዲሮሲ፣ አይሁዳታሰ ምንገላ ኦዳና ማላ ያሳይ ኢያው ሃዳራ አሚዳይሳዳ ታወካ አይሁዳ ገደና አሳሰ ምንገላ ኦዲያ ሃዳራ አሚዳይሳ ኤንቲ ጉዬፔ ቤዒደሶና። 8 ሂዛ፣

1:13 ሃ.ኦ 8:3፤ 22:4-5፤ 26:9-11 1:14 ሃ.ኦ 22:3 1:15 ሃ.ኦ 9:3-6፤ 22:6-10፤ 26:13-18 1:18 ሃ.ኦ 9:26-30 2:1 ሃ.ኦ 11:30፤ 15:2 2:6 ዛሬ 10:17

ጳጳሮች እይሁዳ ተሞራ ገደና ማላ ኦሊዳ ያሳይ፡ ታካ እይሁዳ ገደና አሳሰ ሃብሬ ገደና ማላ ኦሊዳ፡፡ 9 ቃሲ ቱሱ ዲኒዲ ቤንቲያ ያይቆቤ፡ ጳጳሮችን የሃረሱ፡ ታው አማቴዳ አቶ ከሃቴላ ቤዒዳ ዋዴ ኑራ ኢሲፊዳይሳ ቆንጨሳናው ታ ኩሺያን ባርናባሳ ኩሺያ ኦይኪደሶና፡፡ ኑኒ እይሁዳ ገደና አሳኮ፡ ቃሲ ኤንቲ እይሁዳ አሳኮ ባናው ገገደሶና፡፡ 10 ኤንቲ ኑና ሚንሊዲ ሃዳራ ገደይ፡ ኑኒ ማንቆታሰ ቆፓናይሳ፡፡ ካሴካ ታ ሄሳ ኦላናው አሞቴይሰ፡፡

ጳጳሮች ጳጳሮች ተሞራቲያ ጳጳሮች

11 ጳጳሮች እንደሆነ ካታማ ዩዳ ዋዴ ኢ ባሊዳ ገሾ ታኒ ኢያ ሶምዮን «ኑኒ ባላዳሳ» ጋሰ፡፡ 12 ያይቆቤ ከቲዳ ጉላ አሳይ ያናፔ ሲንሌ ኢ እይሁዳ ገደና አሳራ ማሰ፡ ሺን ኤንቲ ዩዳፔ ጉዬ፡ «እይሁዳ ገደና አሳፔ አማኒዳይሳቲ ቃፃሬታናው ቤሴሰ» ገያ አሳሰ ያዩዲ ኤንታፊ ሻኬቲሰ፡፡ 13 ቃሲ ሃንኮ አማኒዳ እይሁዳቲ ጳጳሮች ሃኑዋ ካሊደሶና፡፡ ሃሪ አቶሺን፡ ባርናባሲካ ኢያ ቆፋን ገሾቲሰ፡፡

14 ሺን ኤንቲ ዋንጌላ ቱማቴላን ሱሪ ሃውቶናይሳ ቤዳዳ፡ ጳጳሮች አሳ ኡባ ሲንላን፡ «ኑኒ እይሁዳ ገደሹ፡ እይሁዳ ዋጋሶ ገደናሺን እይሁዳ ገደና አሳዳ ዴዓሳ፤ ያቲን፡ ዋናዳ እይሁዳ ገደናይሳታ፡ ላይሁዳ ዋጋን ዴዒቲ ጋዳ ዋልቃታይ?» » ያጋሰ፡፡

15 ኑኒ ዩሌታን እይሁዳ፡ ሺን ናጋራንቾ ገዲዳ እይሁዳ ገደና አሳ ማላ ገደኮ፡፡ 16 ሺን አሲ ዩሱሰ ከሪሰቶሳ አማኒዳ ዒሌሲፔ ኦቲን ሂጌ ናገዲ ዒሎናይሳ ኤሮሰ፡፡ ኦኒካ ሂጌ ናገዲ ዒሎና ገሾ ኦካ ሂጌ ናገዲ ገደናሺን ከሪሰቶሳን አማኒዳ ዒላና ማላ ከሪሰቶሰ ዩሱሳ አማኒዳ፡፡

17 ኑ እይሁዳቲካ ከሪሰቶሳ ባጋራ ዒላናው ኮሺሰ፡፡ ሄሳ ገዲኮ ኦካ ሃራ አሳዳ ናጋራንቾ ገዴይሳ ቤዮሰ፡፡ ያቲን፡ ኑ ናጋራ ኦላና ማላ ዴንሌይ ከሪሰቶሳ ጉሴዬ? ኡባካ ገደና! 18 ሂዛ፡ ታ ላሊዳይሳ ዛራዳ ከዴያባ ገዲኮ ታኒ ታ ሁዒን ሂጌ ማንሌይሳ ገዴይሳ ቆንጨሳይሰ፡፡ 19 ታኒ ያሳሰ ዳና ማላ ሂጌ ባጋራ ሂጌሰ ሃይቃሰ፡፡ 20 ታኒ ከሪሰቶሳራ ማሰቃሊያ ቦላ ካቁታሰ፡፡ ታኒ ሂዛፔ ታው ዴዒኬ፡ ሺን ከሪሰቶሲ ታናን ዴዒሰ፡፡ ታ ሃዒ ዴዒያ ዴዒዋ፡ ታና ዴሲዲ ታ ገሾ ባና አሊ አማኒዳ ያሳ ናዓ አማናዳ ዴዒይሰ፡፡ 21 ታኒ ያሳ አቶ ከሃቴላ ሃዳ ኦሊኬ፡፡ ዒሎቴሊ አሳሰ ሂጌ ባጋራ ቤንቲያባ ገዲያኮ፡ ከሪሰቶሲ ጮ ሃይቁሰ ጉሱ፡፡

3

ዒሎቴሊ አማናና

1 ሂንቲኖ፡ እኩኪ ባይና ጋላቲያ አሳው፡ ሂንቲ እይፊያ ሲንላን ከሪሰቶሰ ማሰቃሊ ቦላ ካቁቲዳ ሚሲሌዳ ቆንጨዲ ቤንቲሰ፡፡ ያቲን፡ ቱማሰ ሂንቲ ከቲቶና ማላ ሂንቲና ቢቲዳይ ኦኔ? 2 ታ ኢሲባ ኤራናው ኮያይሰ፤ ሂንቲ ገሻ አያና ኤኪዳይ ሂጌ ናገዲዬ ዋይኮ ሂንቲ ሲዒዳ ዋንጌላ አማኒዳ ኤኪዳይ? 3 ሂንቲ ሄሳ ማላ ኤዬ? ሂንቲ ያሳ አያናን ደሚዲ፡ ሃዒ ዋልቃን ፖላናው ኮዬቲ? 4 ሂንቲ ዋንጌላ ጋሰን ዳር ዋዬቲዳይ ማሊ? ሄ ዋዬ ኡባይ ጮ ገዲዳ? 5 ያሳይ ሂንቲው ገሻ አያና

አማይኔ ሂንቲ ገደን ማላታታ ኦሊይ፡ ሂንቲ ሂጌ ናገዲ ገሾዬ ዋይኮ ዋንጌላ ሲዒዲ አማኒዳ ገሾ?

6 እኔ አብራሃማ ቤዒቲ፡ «ኢ ያሳ አማኒሰ፤ ያሳይ ኢያው ሄሳ ዒሎቴሊ ኦሊዲ ኤኪሰ» ጌቲቲዲ ያፊቲሰ፡፡

7 ሂዛ፡ አማኒይሳቲ አብራሃማ ናይታ ገዴይሳ ኤሪቲ፡፡

8 ያሳይ እይሁዳ ገደና አሳ አማኖን ዒሊሳናይሳ ገሻ ማፃፋይ ቤዒዲ፡ «ካዋቴላ ኡባይ ኔናን አንጄታና» ያገዲ፡ ዋንጌላ አብራሃማሰ ካሴቲዲ አዲሰ፡፡ 9 ሄሳ ገሾ፡ አማኒያ ኡባይ አማኒዳ አብራሃማራ ኢሲፊ አንጄቲደሶና፡፡

10 ሂጌ ናገዲ ዒላና ገያ ኦኒካ ቃንጌቲዳይሳ፡፡ አይሰ ገኮ፡ ገሻ ማፃፋን፡ «ሂጌ ማፃፋን ያፊቲዳ ኡባ ናሳና ኦኒካ ቃንጌቲዳይሳ ገደ» ጌቲቲዲ ያፊቲሰ፡፡

11 «ዒሎይ አማኖን ዳና» ጌቲቲዲ ያፊቲዳ ገሾ ኦኒካ ያሳ ሲንላን ሂጌ ናገዲ ዒሎናይሰ ኤሪቲዳባ፡፡ 12 ሂጌይ አማኖን ዜምፔና፡፡ ሺን፡ «ሂጌ ናገዲ ኦኒካ ሂጌያን ዴዮን ዳና» ያገሰ፡፡

13 «ሚላ ቦላ ካቁቲዳ ሃይቁያ ኦኒካ ቃንጌቲዳይሳ» ጌቲቲ ያፊቲዳ ገሾ ከሪሰቶሲ ኑ ገሾ ቃንጌቲዳይሳ ገዲዲ፡ ኑና ሂጌ ቃንጌላፊ ዋዚሰ፡፡ 14 ያሳይ አብራሃማሰ አማኒዳ አንጄይ፡ ዩሱሰ ከሪሰቶሳ ባጋራ እይሁዳ ገደና አሳ ጋካና ማላኔ ያሳይ አማና ገዳ ገሻ አያና ኑኒ አማኖን ኤካና ማላ ሄሳ ኦሊዳ፡፡

ሂጌ ኤፋይሳ ቃላ

15 ታ አሻቶ፡ ታ ሂንቲው አሳ ዴዮን ማዜ ገዲዲ ዴዒያባ ለሚሶ ኦላዳ ኦዳይሰ፡፡ አሲ ጫቁዳ ጫቆይ ሚኒዳፔ ጉዬ፡ ኦኒካ ሄ ጫቁዋ ሻራናው ዋይኮ ኢያ ቦላ ሃራ ጉጃናው ዳንዳዒና፡፡ 16 ያሳይ ሄ ከኬ ቃላ አብራሃማሰኔ ኢያ ዜሪላሰ አሚሰ፡፡ ገሻ ማፃፋይ፡ ዳር አሳሰ ኦዲያዳ፡ «ኔ ዜሪላሰ» ጌና፡፡ ሺን ኢሲ አሳሰ ኦዲያዳ፡ «ኔ ዜሪላሰ» ያገሰ፤ ኢካ ከሪሰቶሳ፡፡

17 ታኒ ጌይ ሃይሳ፤ ኦይዲ ያታኔ ሃሰታው ላይላፊ ጉዬ አማቴዳ ሂጌይ፡ ኮይር ያሳይ ሚንሊዳ ጫቁዋ ሻራዲ ኤፋይሳ ቃላ ቆይሳናው ዳንዳዒና፡፡ 18 ያሳይ አማያ ላታይ ሂጌን ኤኩቲያባ ገዲያኮ ያሳይ አማዳ ኤፋይሳ ባጋራ ገዴይሰ አቲሰ፡፡ ሺን ያሳይ ባ አቶ ከሃቴላን ላታ አብራሃማሰ ኤፋይሳ ቃላ ባጋራ አሚሰ፡፡

19 ያቲን፡ ሂጌይ አይሰ አማቴዳ? ሂጌይ አማቴዳይ፡ አብራሃማሰ ኤፋይሳ ቃላ አማቴዳ ዜሪላይ ያና ጋካናው ኢታ ኦሶይ እይቤኮ ኤሪሳናሳ፡፡ ሂጌይ ከታንቾታ ባጋራ አማቴዳ፡ ገደ ገዲዲ ሲጌሊያ ኢሲ አሳ ባጋራ ኦሶ ቦላ ፔዒሰ፡፡ 20 ገደ ገዲዲ ሲጌሊያ ኡራይ ኢሲ አሳ ያላላሰ ገዴና፡ ሺን ያሳይ ኢሲኖ፡፡

21 ያቲን፡ ሂጌይ ያሳ ኤፋይሳ ቃላራ ኤቁቲዬ? አካይ፡ ገዴና! ሂጌይ አማቴዳይ አሳሰ ዴዮ አማናው ገዲያኮ፡ ዒሎቴሊ ሂጌ ባጋራ ቤንታናሺን፡፡ 22 ሺን ዩሱሰ ከሪሰቶሳ አማኒን ቤንቲያ ኤፋይሳ ቃላይ አማኒይሳታሰ አማታና ማላ ኩማላ አላማይ ናጋራሰ ሃራቲዲ ዴዒይሳ ገሻ ማፃፋይ ኦዴሰ፡፡

23 ሺን አማናይ ያናፔ ካሴ ሂጌይ ኑና ቃቺ ዋሊሰ፡፡ ሄ አማናይ ቆንጨና ጋካናው ሂጌይ ኑ ቦላ ጎርዲ ዋሊሰ፡፡ 24 ሄሳ ገሾ፡ ኑኒ አማኖን ዒላና ማላ ከሪሰቶሲ ያና ጋካናው ሂጌይ ናዓ ናገዲ አሳ ማላ ኑና ናገዲሳ ገዲሰ፡፡

2:16 ማዝ 143:2፤ ሮሜ 3:20፣ 22 3:6 ሜጴ 15:6፤ ሮሜ 4:3 3:7 ሮሜ 4:16 3:8 ሜጴ 12:3 3:10 ዛሬ 27:26
3:11 ኢብ 2:4 3:12 ለዌ 18:5 3:13 ዛሬ 21:23 3:16 ሜጴ 12:7 3:17 ከሳ 12:40 3:18 ሮሜ 4:14

25 ሺን ሃዲ አማኖይ ዪዳ ጊሾ ሂጌይ ሂዛፔ ጉዬ ናዓ ናጊያ አሳ ማላ ኑና ናጌይሲ አተሰ።

26 ሂንቴ ኡባይ ዬሱስ ከሪስቶሳ አማኒዲ ያሳ ናይታ ጊዲዳታ። 27 ከሪስቶሳራ ኢሲኖ ጊዳናው ፃማቄቲዳ ኡባይ ከሪስቶሳ ማዶ ማዲዳታ። 28 ሂንቴ ኡባይ ከሪስቶሳን ኢሲኖ ጊዲያ ጊሾ አይሁዳ አሳ ጊዳኒኔ ገሪኬ አሳ ጊዳን፣ አይሌ ጊዳኒኔ ሞማኖ ጊዳን፣ አዳ ጊዳኒኔ ማጫሳ ጊዳን ዲማቲሊ ባዎ። 29 ሂዛ፣ ሂንቴ ከሪስቶሳባ ጊዳኮ ሂንቴ አብራሃሜ ዛሬ። ያሳ ኡፋይሳ ቃላዳ ሂንቴ ላቲይሳታ።

4

1 ታ ጌይሲ ሃይሳ። ላቲይ ናዓ ጊዲ ዳዒሹ፣ ሻሎ ኡባይ ኢያባ ጊዲኮካ፣ ኢ አይሌፊ አይኮካ ዲማቲና። 2 ሺን ኢያ አዋይ ጊዳ ዎይይ ጋካናው ኢ ሃዳራ ኤኪዳይሳታ ኩሼኒኔ ናጌይሳታ ኩሼን ዳዒሰ። 3 ሄሳዳካ፣ ኑኒ ናዓቲላን ዳዒያ ዎይ አላሚያ ዎጋስ አይሌቲዲ ዳዒዳ። 4 ሺን ዎይይ ጋኪዳ ዎይ ያሳይ ሂጌፊ ጋርሳን፣ ማጫሳፔ ዬሌቲዳ ባ ናዓ ከቲሰ። 5 ኢ ሄሳ ኦሊዳይ፣ ሂጌስ ሃሬቲዲ ዳዒይሳታ ዎዛናዉኔ ኑና ባ ናይታ አላናሳ።

6 ኑ ያሳ ናይታ ጊዲያ ጊሾ «አባ፣ አዎው» ጊዲ ያጊያ ባ ናዓ አያና ኑ ዎዛና ጊዳ ከቲሰ። 7 ሄሳ ጊሾ፣ ሂዛፔ ኔኒ ያሳ ናዓፔ አቲን አይሌ ጊዳካ። ኔኒ ኢያ ናዓ ጊዲኮ፣ ያሳ ላቲይሳ ጊዳዳሳ።

ጳውሎስ ገላትያ አሳስ ቆፒስ

8 ሂንቴ ካሴ ያሳ ኤሮና ዎይ ያሴ ጊዳናይሳታስ አይሌ ጊዲዲ ሃሬቲዳታ። 9 ሺን ሃዲ ሂንቴ ያሳ ኤሪዳታ፤ ኡባራካ ያሳን ኤሬቲዳታ። ያቲን ፓላና ኅዎና አላሜ ዎጋታኮ ጉዬ ዎኒዲ ሲሜቲ፣ ዎጂ ኤቁዲ፣ ዎኒዲ ኤንታው አይሌ ጊዳናው ከዬቲ፣ 10 ዲማ ጊዲዳ ገላሳታ፣ አጌናታ፣ ዎይታኔ ላይሳታ ሂንቴ ሎይሊ ቦንቲታ። 11 ታና ሂንቴባይ ያሹስ፤ ታ ሂንቴው ጮ ዳቡራዲናሻ?

12 ታ አሻቶ፣ ታ ሂንቴዳ ሃኒዳ ጊሾ ሂንቴካ ታዳ ሃኒቲ ጋዳ ሂንቴና ዎሳይሰ። ሂንቴ ታና አይቢንካ ቆሂቤኬታ። 13 ታኒ ኮይሮ ሃርጌታሹ ሂንቴው ዎንጌላ ኦዲዳይሳ ሂንቴ ኤሬታ። 14 ታ ሃርጌይ ሂንቴው ፓጩ ጊዲኮካ፣ ታና ሳሌቲቤኬታ፤ ኢጻቤኬታ። ሺን ታና ያሳ ከታንቾ ዎይኮ ከሪስቶስ ዬሱሳ ሞኬይሳዳ ሞኪዳታ።

15 ያቲን፣ ሄ ሂንቴው ዳዒያ ኡፋይሳይ ኡባይ አው ቢዳ? ሂንቴው ዳንዳዒቲዳኮ፣ ሂንቴ ታው፣ ሂንቴ አይፊያ ኬሲዲ አሚያኮ ኢዎናይሳ ታ ማርካታይሰ። 16 ያቲን፣ ታ ሂንቴው ቱማ ኦዲዳ ጊሾ ሂንቴው ሞርኬ ጊዳዲናዬ?

17 ሄ አሳቲ ሂንቴና ባንታኮ ዛሬናው ኮዮሶና፣ ሺን ኤንታ ቆፋይ ሎዎሳ ጊዳና። ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ማላ አላናሳ። 18 ሎዎሳ አላናው አሞቲኮ ሎዎ፣ ሺን ሄሲ ታ ሂንቴራ ዳዒያ ዎይ ያላላ ጊዳናሺን ኡባ ዎይ ጊዳ።

19 ታ ሲቆ ናይቶ፣ ከሪስቶሲ ሂንቴናን ሚሲሌታና ጋካናው ዬሎስ ማጫሲ ሚያቲይሳዳ ታ ሂንቴ ጊሾ ሚያታይሰ። 20 ሂንቴባይ ታው ሃዲርሲ ጊዲን ታ

ኡንዔታስ፤ ሃዲ ሂንቴ ጊዳን ታ ቤንታዳ ሼኔታዳ ኦዲያኮ አይ ማላ ዳሳይናሺን።

አጋርኔ ሳር

21 ሙሴ ሂንጌ ሃሬቲዲ ዳናው ኮዬይሳቶ፣ አኔ ታው ኦዲቲ፤ ሂጌይ አይ ጊያኮ ኤሬኬቲ? 22 ጌሻ ማፃፋይ፣ «አብራሃሜስ አይሌፊኔ ጎዳቲፊ ዬሌቲዳ ናሞው ናይቲ ዳዎሶና» ያጌሰ። 23 አይሌ ናዓይ አሲ ናዓ ዬሊያ ማራን ዬሌቲሰ፣ ሺን ጎዳቲ ናዓይ ያሳ ኡፋይሳ ቃላን ዬሌቲሰ።

24 ሃ ማጫሳቲ ናሞው ጫቆታስ ለሚሶ ጊዲዲ ኤኬቶሶና። ኤንታፊ ኢሲኒያ፣ ሲና ዳሪያፔ ዪዳራ፣ ባ ናይታ አይሌቲላስ ዬላሱ፤ ኢያካ አጋር። 25 አጋራ አራቤ ቢታን ዳዒያ ሲና ዳሪያን ለሚሶታዳ ሃዒ ዳዒያ ዬራሳላሚ ዳናዉሱ። አይሰ ገኮ፣ ኢያ ባ ናይታራ አይሌቲላን ዳዐኩ፤ ኢያ ኑ ኡባስ አዮ። 27 ጌሻ ማፃፋይ፣ «ናቲ፣ ዬሎና ማይንሌቲ ኡፋይታ፤ ናቲ ሚያታ ኤርናሬ ኢሊላ።

ናቲ ሚያታ ኤርናሬ ኢሊላ። አዚናራ ዳዒያ ማጫሴፔ፣ አዚኒ ባይና ማጫሴስ ናይቲ ዳር» ያጌሰ።

28 ታ አሻቶ፣ ሂንቴ ዪሳቃዳ ያሳ ኡፋይሳ ቃላን ዬሌቲዳ ናይታ። 29 ሺን ሄ ዎይ አሳ ማራዳ ዬሌቲዳይሲ፣ አያና ዎላቃን ዬሌቲዳይሳ ጎዲሰ። ሃቸካ ሄሳ ማላ።

30 ሺን ጌሻ ማፃፋይ ዎይጌ? «አይሌ ናዓይ ጎዳቲ ናዓራ ኢሲፊ ላቶና ጊሾ አይሊው ኢ ናዓራ ዎላ ኬሳ ዬዳ» ያጌሰ። 31 ሄሳ ጊሾ፣ ታ አሻቶ፣ ኑኒ ጎዳቲ ናይታፔ አቲን አይሌ ናይታ ጊዳኮ።

5

ከሪስቶሳን ዳዒያ ላዓቲላ

1 ኑኒ ላዓቲላን ዳና ማላ ከሪስቶሲ ኑና አይሌቲላፊ ኬሲሰ። ሂዛ፣ ሚኒዲ ኤቁቲ፤ ዛሪዲ አይሌቲላ ቃሞባራን ጌሎፒቲ።

2 ታ፣ ጳውሎስ፣ ጌይሳ ሲዒቲ። ሂንቴ ቃፃሬታናው ኮይኮ፣ ከሪስቶሲ ሂንቴና አይኮካ ማዳና። 3 ቃፃሬቲያ ኦኒካ ሂጌይ ከቲያ ኡባ ፖላናው ቤሴይሳ ጉጃዳ ታ ኦዲይሰ። 4 ሂጌ ናጊዲ ያላናው ኮዬይሳቶ፣ ከሪስቶሳፔ ሻኬቲዳታ፤ ያሳ አጼ ኬሃቲላፊ ኩንዲዳታ። 5 ሺን ኑኒ ያሳ አያና ባጋራ አማኖን ያላናው ኡፋይሳን ናጎሰ። 6 ሂዛ፣ ከሪስቶስ ዬሱሳን ዳዒኮ፣ ሲቆን ቆንጨያ አማኖፔ አቲን ቃፃሬቲን፣ ቃፃሬቶና አጊን ኑና አይኮካ ማዳና።

7 ካሴ ሂንቴ ሎዎ ዎፃታ፣ ሺን ሃዲ ቱማስ ከቲቶና ማላ ሂንቴና ዲጊዳይ ኦኔ? 8 ሃይሳ ማላ ኢታ ጨሞይ ሂንቴና ያጊዳ ያሳፊ ዪቤና። 9 ሄሲካ፣ «ጉላ ኢርሾይ ሙኑቃ ኡባ ዳንሌሰ።» ጌቲቲዲ ፃፊቲዳይሳ ማላ። 10 ሂንቴው ሃራ ቆፊ ባይናይሳስ ታ ጎዳን አማኔታይሰ። ሺን ሂንቴና ቡቁያ ኦኒካ ያሳፊ ባ ፒርዳ ኤካና።

11 ታ አሻቶ፣ ታ ሃዒ ጋካናው ቃፃሮ ሳባኪያባ ጊዲኮ፣ ያቲን ታና አይሰ ጎዳና? ሄሲ ቱማ ጊዲያኮ ከሪስቶሳ ማሰቃሊያባ ታማርሶይ አሳስ ጱቤ ጊዳናሺን። 12 ሂንቴና ቡቁይሳቲ ቃፃሬቲላ ያላላ ጊዳናሺን ባንታና ቃራቲያኮካ ታ ዳሳይሰ።

13 ታ አሻቶ፣ ሂንቴ ላዓ ዳናው ያጌቲዳታ። ጊዳሺን፣ ሂንቴ ላዓቲላይ አሾ አሞ ፖላናው ሂንቴው ጋሶ ጊዳፖ፤

ሃሳፊ አሉዲ ኢሶይ ኢሱዋ ሲቆን ማዲቲ። 14 ሂጌ ኡባይ፡ «ኣሴ ኔዳ ደሳ» ያጊያ ኢሲ ቃላን ቃሹቲሰ።
 15 ሺን ሂንቴ ኢሶይ ኢሱዋራ ሳፃቲያባኔ ማቴቲያባ ጊዲኮ፡ ሂንቴ ዋሊ ዉርሶና ማላ ናጌቲቲ።

ኣያና ዴዎኔ ኣሾ ዴዎ

16 ሂዛ፡ ታ ሂንቴው ኦዳይሰ፤ ኣያናን ዴዎቲ፤ ሂንቴ ኣሾ ኣሙዋ ፖሎፒቲ። 17 ኣሾ ኣሞይ ኣያና ኣሙዋራ ሞርኬ፤ ቃሲ ኣያና ኣሞይካ ኣሾ ኣሙዋራ ሞርኬ። ኤንቲ ኢሶይ ኢሱዋራ ኢፃቲያ ጊሾ ሂንቴ ዶሲያባ ኦላናው ዳንዳዔኬታ። 18 ሺን ኣያናይ ሂንቴና ካሌሊያባ ጊዲኮ ሂጌይ ሂንቴና ሃሪና።

19 ኣሾ ኦሶቲ ኤሬቲዳይሳታ፤ ኤንቲካ፡ ላይማቴሉ፡ ቲናቴሉ፡ ቃይፃ፡ 20 ኤቃ ጎይኖ፡ ቢታ፡ ሞርኬቴሉ፡ ካቲ፡ ቃናቲ፡ ሃንቆ፡ ባና ደሶ፡ ሻኬቴሉ፡ ኢታ ቶቤ 21 ጌኔ፡ ማሉ፡ ዩሉኔ ሃሳ ሃሳ ማላታ። ካሴ ታ ሂንቴው ኦዲዳይሳዳ ሃዒካ ታ ሂንቴው ኦዳይሰ። ሃይሳ ማላባታ ኦሌይሳቲ ያሳ ካዎቴላ ላቶኮና።

22 ሺን ኣያና ኣይፊይ፡ ሲቆ፡ ኡፋይሲ፡ ሳርቴሉ፡ ዳንዳዳ፡ ኬሃቴሉ፡ ሎዎቴሉ፡ ኣማኖ፡ 23 ኣሽኬቴሉ፡ ባና ሃር። ሃይሳ ማላባታ ኢፃያ ሂጌይ ባዎ።

24 ኪሪሰቶስ ዩሱሳባ ጊዲዳይሳቲ ባንታ ኣሹዋ ኢያ ኢታ ቆፋራኔ ኢያ ኣሙዋራ ኢሲፊ ማሰቃሊያ ቦላ ካቂዶሶና። 25 ኑ ኣያናን ዴዎያባ ጊዲኮ፡ ኑና ኣያናይ ካሌሉ። 26 ኣኔ ኢሶይ ኢሱዋ ዩሎዩሽኔ ቃናቲሹ ጮ ጨቄቴይሳ ኣጎሰ።

6

ኢሶይ ኢሱዋ ማዲቲ

1 ታ ኣሻቶ፡ ኢሲ ኣሲ ናጋራን ኩንዲኮ፡ ኣያናን ዴዎያ ሂንቴ ሃ ኡራ ኣሽኬቴላን ሱሪሰቲ። ሺን ኔኒ ሃሳ ማላባን ፓጮቶና ማላ ኔና ናጋ። 2 ኢሶይ ኢሱዋ ዴዎ ቶሁዋ ቶኪቲ። ያቲኮ ኪሪሰቶሳ ሂጊያ ፖሌታ። 3 ኢሲ ኣሲ ኣይኮይካ ባዎሺን፡ ባና ሃራታፔ ሎዎ ጊዲ ቆፒኮ፡ ኢ ባና ጨማሰ። 4 ሺን ኢሲ ኢሲ ኣሲ ባ ኦሱዋ ፓጮ። ሃሳፊ ጉዬ፡ ሃራታራ ባና ጋዴዩይሳ ኣጊዲ ባው ጨቄቴያባ ዴማሰ። 5 ኢሲ ኢሲ ኣሲ ባ ቶሁዋ ባው ቶካናው ቤሴሰ።

6 ያሳ ቃላ ታማሪያ ኦኒካ ሎዎባ ኡባ ባ ኣሰታማሪያራ ሻኬቴሰ።

7 ሂንቴ፡ ሂንቴና ጨሞሬቲ። ኣሲ ባ ዜሪዳባ ዛሪዲ ጫኪያ ጊሾ ያሳ ቦላ ቄልቂሶፒቲ። 8 ባ ኣሾ ኣሙዋ ኩንሳናው ዜሪያ ኦኒካ፡ ባ ኣሾ ኣሙዋፔ ሃይቆ ቡጫና። ሺን ኣያና ኡፋይሳናው ዜሪያ ኦኒካ ኣያናፔ ማሪና ዴዎ ጫካና። 9 ኣኔ ሎዎ ኦሶ ኦላናው ኣዛሌይሳ ኣጎሰ። ኑኒ ኣዛሎና ኢፃኮ ዎዴይ ጋኪያ ዎዴ ኑ ዜሪዳይሳ ጫካና። 10 ኑ ኢንጆ ዎዴ ዴማኮ፡ ኣሳ ኡባሰ፡ ኣሉዲካ ኣማኒያ ኣሳሰ ሎዎባ ኦላሰ።

ዉርሴላ ዞሬኔ ሳርታ

11 ታኒ ታ ኩሼን፡ ኣይ ማላ ጊታ ፒዳሌን ሂንቴው ፃፊዳኮ ቤዒቲ። 12 ኣሳ ሲንሳን ሎዎ ጊዲዲ ቤንታናው ኮያ ኣሳቲ ሂንቴ ቃፃሬታና ማላ ኮኖሶና። ሺን ሃሳ ኤንቲ ኦሌይ፡ ኪሪሰቶሳ ማሰቃሊያ ጊሾ ኤንታና ጎዲ ጋኮና ማላሳ። 13 ኤንቲ ሂንቴ ቃፃሬቲላን ጨቄታናው ኮዩዲ

ሂንቴና ቃፃሬቶ ጎሶናፔ ኣቲን ቃፃሬቲዳይሳቲካ ባንታ ሁዒን ሂጊያ ናጎኮና።

14 ሺን ኣላማይ ታው ካቄቲዳይሳፊኔ ታኒካ ኣላማያሰ ካቄቲዳ፡ ጎዲ ዩሱሰ ኪሪሰቶሳ ማሰቃሊያፔ ኣቲን ሃራ ጨቄቴሉ ታፔ ሃኮ። 15 ሂዛ፡ ቃፃሬቲን ቃፃሬቶና ኣጊን ኣይኮካ ማዴና። ማዴይ ኦራላ ማዴቴሉ ጊዶ። 16 ሃ ዎጋ ካሊያ ኡባሲኔ ያሳ ዴሬ ጊዲዳ ኢሰራዔሌሰ ሳርቴላይኔ ማርቴላይ ጊዶ።

17 ታኒ ዩሱሳሰ ማዲንፃዳ ቤታ ታ ኣሳቴላን ቶኪዳ ጊሾ ሂዛፔ ታና ኦኒካ ዎይሶ።

18 ታ ኢሻቶ፡ ኑ ጎዲ ዩሱሰ ኪሪሰቶሳ ኣጼ ኬሃቴላይ ሂንቴራ ጊዶ። ኣሚንዒ።

ጳውሎስ ኤፌሶና አሳስ ፃፊ ዘታ ጋላ ቆፋ

ጳውሎስ ኤፌሶናን ዳዊስ አሳስ ፃፊ ዘታን ኡባፊ አሊዲ ጻሊዲባይ፡ «ዎዴይ ጋኪያ ዎዴ ያሳይ ፖላናው ቆፒዳ ቆፋይ፡ ሳሎኒኔ ሳዓን ዳዊስ ማዴታላ ኡባይ ኪሪሰቶሳፔ ጋርሳን ጊዳና ማላላ» ያገያ ቆፋ (1:10)። ሄሳ ቦላ ጉጂዲ ዬሱስ ኪሪሰቶሳራ ዳዊስ ኢሲፊቴላን፡ አሳ ዘፊሊ ኡባይ ኢሲና ጊዳና ማላ ሃ ጊታ ቆፋ ኦሶን ፔሻና ማላ ያሳ አሳ ሃሳዬሴስ።

ኤፌሶና ኪታ ኮይር ኪፊሊያን ፃፊይ ካራ ቆፋ ጊዲዲ ኢሲፊቴላባ ፃፋናው ደሚዳይሳ ዳልጊሲዲ፡ ያሳ አዎይ ባ አሳ ዋቲ ዶሪዳኮ፡ ኤንቲካ ኢያ ናዓ፡ ዬሱስ ኪሪሰቶሳን ባንታ ናጋራፔ ማርታ ዳሚዲ ዋኒዲ ላዓ ኬዬዳኮ፤ ያሳ ጊታ ኡፋይሳ ቃላይ ጌሻ አያና ባጋራ ቱማ ጊዳይሲ ኤሬቲዳኮ ኦዴስ። ናምዓንሉ ኪፊሊያን ቃሲ ፃፊይ ሃ ኪታ ናባቢያ አሳይ ባንታ ኢሲፊቴላ ዳዑዋን ኪሪሰቶሳን ኤንታው ዳዊስ ኢሲፊቴላይ ቱማ ጊዳና ማላ ኤንቲ ዋኒዲ ዳናው ቤሲያኮ ቆፊሴስ።

አሳይ ኪሪሰቶሳን ዳዊስ ኢሲፊቴላ ዋኒዲ ዳናው ቤሲያኮ ደማ ደማ ለሚሶን ቆንጨሰ። ዎሳ ኬሊ አሳቲላ ለሚሶ ጊዲያ ዎዴ ኪሪሰቶሲ ሄ አሳቲላሰ ሁዔ። ዎሳ ኬሊ ገምቤ ኬላን ለሚሴቲያ ዎዴ ኪሪሰቶሲ ሄ ኬላ ጎዳ ፃጵዎ ሚንሉያ ዎና ሹቻ። ዎሳ ኬሊ ማቸን ለሚሴቲያ ዎዴ ኪሪሰቶሲ አዘናን ለሚሴቲስ። ፃፊይ ኪሪሰቶሳ ባጋራ ቆንጨዳ ያሳ አጼ ኬሃቲላ ዳር ናሺዲ ኦዲሼ፡ ጊዳይ ጨዋቲያ ሃሳያ ሃሳዬሴ። ኢ ኡባባ፡ ኪሪሰቶሳ ሰቁዎ፡ ኢያ ያርሼቲላ፡ ኢ ኢሚዳ ናጋራ አቶቲላ፡ ኢያ አጼ ኬሃቲላኔ ኢያ ጌሻቲላ ባጋራ ጻሊስ።

ኤፌሶና ኪታ አይፊ ቆፋታ

- ሳርሶ 1:1-2
- ኪሪሰቶሳኔ ዎሳ ኬሊ 1:3-3:21
- ኪሪሰቶሳን ዳዊስ ኦራሳ ዳዑዋ 4:1-6:20
- ኮሻ ቆፋ 6:21-24

1 ያሳ ሼኔን ኪሪሰቶሰ ዬሱሳ ሃዎሪ ጊዲዳ ጳውሎሳፔ፡ ኤፌሶናን ዳዊስ ጌሻታሲኔ ኪሪሰቶሰ ዬሱሳ አማኔይሳታሰ ፃፊቲዳ ኪታ።

2 ያሳ ኦ አዎፔኔ ጎዳ ዬሱስ ኪሪሰቶሳፔ አጼ ኬሃቲላይኔ ሳርቲላይ ሂንቲው ጊዳ።

ኪሪሰቶሳን ዳዊስ አያና አንጂዎ

3 ሳሎን ዳዊስ አያና አንጂ ኡባን ኪሪሰቶሳ ባጋራ ኦና አንጂዳ፡ ኦ ጎዳ ዬሱስ ኪሪሰቶሳ አዎይ፡ ያሳይ ጋላቲቶ።

4 ኦኒ ኢያ ሰንላን ጌሻታኒ ቦሬይ ባይናይሳታ ጊዳና ማላ ያሳይ አላሚይ ማዴታናፔ ካሴ ኪሪሰቶሳ ባጋራ ባ ሰቁዎን ኦና ዶሪስ። 5 ያሳይ ባ ሼኒያን ባ ደሲዳይሳዳ ዬሱስ ኪሪሰቶሳ ባጋራ ኦና ባ ናይታ ኦላናው ካሴቲዲ ቆፒ ዎሊስ። 6 ያሳይ ባ ሰቁያ ናዓ ባጋራ ኦስ ጮ አሚዳ አጼ ኬሃቲላይ ቦንቸታና ማላ ሄሳ ኦሊስ።

7 ያሳ አጼ ኬሃቲላ ዳራሬቲላዳ ኪሪሰቶሳ ሱላን ዎዜቲዲ ናጋራ አቶቲላ ዳሚዳ። 8 ባ አጼ ኬሃቲላ ጨንጫቲላኒ ኤራቲላን ኮንሉዲ ኦስ አሚስ። 9 ያሳይ

ባ ደሲዳይሳዳ ኪሪሰቶሳ ባጋራ ኢያ ሼኒያ ጮራ ኦ ኤራና ማላ ኦሊስ። 10 ዎዴይ ጋኪያ ዎዴ ያሳይ ፖላናው ቆፒዳ ቆፋይ፡ ሳሎኒኔ ሳዓን ዳዊስ ማዴታላ ኡባይ ኪሪሰቶሳፔ ጋርሳን ጊዳና ማላላ።

11 ኡባባ ባ ሼኒያዳ ኦሊያ ያሳይ፡ ካሴቲዲ ባ ቆፒ ዎሊዳይሳዳ ኪሪሰቶሳ ባጋራ ኦኒ ኢያባ ጊዳና ማላ ኦና ዶሪስ። 12 ሄሳ ኢ ኦሊዳይ፡ ኪሪሰቶሳን ኡፋይሲ ዎሊዲ ናንን ኮይር ጊዲዳ ኦኒ ያሳ ቦንቸዎ ጋላታን ቆንጨሳና ማላላ። 13 ሂንቲካ ሂንቲ አቶቲላ ዎንጌላ፡ ሄሲካ ቱማ ቃላ ሲዲዳ ዎዴ ኪሪሰቶሳ አማኒዳታ። ያሳይ ሂንቲው አሚና ጊዳ ጌሻ አያናን ሂንቲ አታሚቲዳታ። 14 ያሳ ቦንቸይ ጋላቲታና ማላ ያሳይ ባ አሳ ዎዛና ጋካናው ጌሻ አያና ኦስ ኦይሉ ኦሊዲ አሚስ።

ጳውሎሳ ዎሳ

15 ሄሳ ጊሹ፡ ጎዳ ዬሱሳ ሂንቲ አማኔይሳኔ ጌሻታ ኡባ ሂንቲ ሰቁይሳ ታ ሲዲዳ ዎዴ 16 ታ ዎሳን ሂንቲና ቆፓሼ ሂንቲ ጊሹ ያሳ ጋላቲይሳ አጋቢኬ። 17 ጎዳ ዬሱስ ኪሪሰቶሳ ያሳይ፡ ቦንቸ አዎይ፡ ያሳ ሂንቲ አሊ ኤራናዳ ጨንጫቲላኔ ቆንጨላ አያና ሂንቲው አሚናዳ ታኒ ያሳ ዎሳይሰ። 18 ያሳይ ሂንቲና ጻጊዳ ኡፋይሳይኔ ጌሻቲ ላቲያ ቦንቸ ላታይ አይ ማላ ዳርኮ ሂንቲ ኤራና ማላ ያሳይ ሂንቲ ዎዛና አይፊያ ደያና ማላ ታኒ ያሳ ዎሳይሰ።

19 ቃሲ ኢያ አማኒያ ኦናን ኦሊያ ኢያ ዎልቃይ አይ ማላ አጼዳ ጊቲኮ ሂንቲ ኤራና ማላ ዎሳይሰ። ሄ ዎልቃይ ዩኔቶናኔ ዳቡርና ዎልቃ። ሃ ኦናን ዳዊዲ ኦሊያ ዎልቃይ፤ 20 ኪሪሰቶሳ ሃይቆፔ ዳንሉዲ፡ ሳሎን ያሳፊ ኡሻቻ ባጋራ ኡቲሲዳ ጊታ ዎልቃይ ኢሲና። 21 ኢያ ሱንላይ፡ አይሴይሳታፔኔ ማታ አዎታፔ፡ ሃሬይሳታፔኔ ጎዳታፔ፡ ቦላ ጊዲዲ ሃ አላሚያ ፃላላን ጊዳናሺን ሰንላፊ ያና አላሚያንካ ሃራ ሱንላታ ኡባፊ ጶቃ።

22 ያሳይ ኡባ ኪሪሰቶሳ ቶሁዋፔ ጋርሳን ሃሪሲስ፤ ቃሲ ዎሳ ኬላን ኡባባን ጎዳ ጊዳና ማላ ኢያ ሹሚስ። 23 ዎሳ ኬላይ ኪሪሰቶሳ ኩሚሊ ኦሊያ ኢያ አሳቲላ። ማዴታላይ ዳዊስ ቤሳ ኡባን ኪሪሰቶሲ ባ ሁዔን ኡባባ ኩንሉይሳ።

2

ኪሪሰቶሳን ሃይቆፔ ዳዎ ፒኔሊ

1 ሃይሳፊ ካሴ ሂንቲ፡ ሂንቲ ናጋራኔ ሂንቲ ቆሁዎ ጋሶን ሃይቆዳይሳታ። 2 ሄ ዎዴ ሂንቲ ሃ አላሚያ ኢታ ኦጊያ ካሊዳታ። ጫርኩዎ ቦላ ዳዊስ አያና ዎልቃታ ሃላቃሲኔ ሃዒካ ያሳሰ ኪቲቶና አሳ ሃሪያ አያናሰ ኪቲቲዳታ። 3 ኦ ኡባይካ ካሴ ሄ አሳታ ጊደን ኦ አሾ አሙዎኔ ኦ ዎዛና ሼኒያ ካሊዲ ዳዊዳ። ኦካ ሃራታ ማላ ኦ ማዴታላን ያሳ ሃንቁዎ ኤካናው ዳዔይሳታ።

4 ሺን ያሳ ጊታ ማርቲላፊኔ ኦስ ዳዊስ ጊታ ሰቁዎፔ ዳንዲዳይሳን፤ 5 ሃሪ አቶሺን ኦኒ ኦ ቆሁዎን ሃይቆዳ ዳዊሺን ኪሪሰቶሳ ባጋራ ኦስ ዳዎ አሚስ። ሂንቲካ አቲዳይ ያሳ አጼ ኬሃቲላና። 6 ያሳይ ኦና ኪሪሰቶሳራ ኢሲፊ ሃይቆፔ ዳንሉዲ ሳሎ ሰሁዎን ኢያራ ኢሲፊ ዎሊስ። 7 ኢ ሄሳ ኦሊዳይ፡ ኪሪሰቶሰ ዬሱሳ ባጋራ ኦስ ቆንጨሲዳ ባ ኬሃቲላኔ ዛዎ ባይና ባ አጼ ኬሃቲላ ዳራሬቲላ ያና ላይላን ኦና ቤሳናሳ። 8 ሂንቲ አጼ ኬሃቲላን አማናን አቲዳታ። ሄሲካ፡ ያሳ አዎታፔ አቲን ሂንቲ ኦሶን ቤንቲዳባ ጊዳና። 9 ኦኒካ ጨቆቶና ማላ አቶቲላይ

በንጉዳይ ኦሪጎን ገደና። 10 ኮኒ ያሳ ማዴቴሌ፤ ኢ ኮስ ካሴቴዲ ገጊሲ ዋሊዲ ሎዎ ኦሪታ ኦላና ማላ ኪሪሰቶስ ዩሱሳ ባጋራ ኦራሊ ማዴቴዳ።

ኪሪሰቶሳራ ዴዲያ ኢሲፊቴላ

11 ሄሳ ገሾ፣ ሂንቴኖ ዩሌታን አይሁዳ ገደናይሳቶ፣ አይሁዳቲ ባንታው አሳ ኩሼን ቃፃሬቴዲ፣ ሂንቴና ቃሲ ቃፃሬቴሶናይሳታ ገዲ ያጌይሳ አክከቴ። 12 ሄ ዋዴ ሂንቴ ኪሪሰቶሳፕ ሻኬቲ ዴዲዳይሳ፣ ኢሰራዴሌ አሳስ አሳጋ ገዲዲ ዴዲዳይሳ፣ ያሳ ኡፋይሳ ቃላፕ ሃኪዲ ዴዲዳይሳኔ ሃ አላሚያን ኡፋይሳኔ ያሲ ባይና ዴዲዳይሳ አክከቴ። 13 ሺን ሂንቴ ካሴ ሃኪዲ ዴዲዳይሳቲ፣ ሃሲ ኪሪሰቶስ ዩሱሳን ዴዲዲ ኪሪሰቶሳ ሱላን ማታ ሸቁዴታ።

14 ኪሪሰቶሲ ኦ ሳርቴላ፤ ኢ አይሁዳ ኢይሁዳ ገደና አሳ ቲሚዲ፣ ናምዳ ሻኪ ዋሊዲ ሞርኬቴላ ጎዳ ላሊሰ። 15 ኢ ባናን ሃ ናምዎ ዛሬታፕ ኢሲ ኦራላ አሴ ማዲዲ፣ ሂጊያ ኢያ ኪታራኔ ዋጋታራ ኢሲፊ ባ አሳቴላን ዳይሲዲ ሳርቴሌ አሚሰ። 16 ኪሪሰቶሲ ማሰቃሊያ ቦላ ሃይቁዲ ሞርኬቴላ ዳይሲሰ፤ ቃሲ ናምዎ ዛሬታ ኢሲ አሳቴሌ ኦሊዲ ያሳራ ሲጌሊሰ። 17 ኪሪሰቶሲ ዩዲ፣ ያሳፊ ሃኪዲ ዴዲያ ሂንቴው፣ ቃሲ ማቲዲ ዴዲያ ኢንታው ሳርቴላ ዋንጌላ ኦዲሰ። 18 ኦ ኡባይ ኢያ ባጋራ ኢሲ አያናን አዋ ሲንሌ ሸቃናው ዳንዳዎሰ።

19 ሂዛፕ ሂንቴ አላጋ ዋይኮ አማሌ ገዴኬታ፣ ሺን ሂንቴ ሃሲ ጌሻታ ቢታ አሲኔ ያሳ ሶ አሲ። 20 ሂንቴ ሃዋሬቴኔ ናቤቲ ባሲዳ ባሱዋ ቦላ ከፃቲዴታ። ጎዳ ያጸዋ ሚንሊያ ሹቻይ ኪሪሰቶስ ዩሱሳ። 21 ኢያን ከላ ኡባይ ኢሲፊ ኦይኬቴዲ ጎዳን ጌሻ ያሳ ከሌ ገደናው ዲጩሰ። 22 ሂንቴ ቃሲ ያሳይ ባ አያናን ዴዲያ ከሌ ገደናው ኪሪሰቶሳን ኢሲፊ ከፃቴታ።

3

አይሁዳ ገደና አሳስ ሃዋሪ ገዲዳ ጳውሎሳ

1 ሄሳ ገሾ፣ ታኒ፣ ጳውሎሲ፣ አይሁዳ ገደና ሂንቴ ገሾ ኪሪሰቶስ ዩሱሳን ቃሾ አሲ ገደሰ። 2 ታ ሂንቴና ማደና ማላ ያሳይ ባ አጵ ኬሃቴላን ታው አሚዳ ሃ ኦሱዋባ ሂንቴ ሎይሌ ሲዲዴታ። 3 ታ ሂንቴው ካሴ ቃንላን ያፊዳይሳዳ ያሳይ ባ ፀራ ቆንጩላን ታው ቆንጩሲሰ። 4 ታ ያፊዳይሳ ሂንቴ ናባቢያ ዋዴ ኪሪሰቶሳ ፀራ ታ አይ ማላ ኤሪዳኮ ሂንቴ አክከናው ዳንዳዴታ። 5 ሃ ፀራይ ጌሻ ሃዋሪታሲኔ ናቤታሰ ሃሲ አያና ባጋራ ቆንጩዳይሳዳ ቤኒ ዋዴ አሳስ ሄሳዳ ቆንጩሲቤና። 6 ፀራይ ሃይሳ፣ አይሁዳ ገደና አሳይ ዋንጌላ ባጋራ ኢሰራዴሌታራ ኢሲፊ ያሳ አንጁዋ ላቶሶና። ኢሰራዴሌታራ ኢሲ ከላ አሲ ገደሶና፤ ኪሪሰቶስ ዩሱሳ ባጋራ ያሳ ኡፋይሳ ቃላ ኤኮሶና።

7 ያሳይ ባ አሊያ ዋልቃ ባጋራ ታው አሚዳ አጵ ኬሃቴላን ሃ ዋንጌላስ ኦሳንቾ ገደሰ። 8 ታኒ ጌሻታ ኡባፊ ላፋ ገዲኮካ አይሁዳ ገደና አሳስ ዛዋ ባይና ኪሪሰቶሳ ዱሬቴላ ዋንጌላ ኦደና ማላ ሃ አጵ ኬሃቴላይ ታው አሚቲሰ። 9 ቃሲ ካሴ ዋዲያን ኡባ ማዲዳ ያሳን ቆሴቴዲ ዴዲያ ፀራሰ፣ ያሳ ቆፋይ አይቤኮ ቆንጩሳናው አጵ ኬሃቴላይ ታው አሚቲሰ። 10 ያሳይ ሄሳ አሊዳይ ሃሲ ዋዲያን ዋሳ ከላ ባጋራ ሳሎ ሶሁዋን ዴዲያ ሃላቃታሲኔ ሃሪይሳታሰ ባ ዴማ ዴማ ቆንጩላ

ኤሪሳናሳ። 11 ያሳይ ባ ሚሪና ቆፋ ኦ ጎዳ ኪሪሰቶስ ዩሱሳ ባጋራ ፖላናው ሄሳ ኦሊሰ። 12 ኦ አሚናን ያሺ ባይና ያሳኮ ሺቃና ማላ ኪሪሰቶሲ ኮስ ሚኖቴሌኔ ላዳቴሌ አሚሰ።

13 ታኒ ሂንቴ ገሾ ዋዴ ኤኪያ ገሾ ሂንቴ ታ ዋያን ዩላቶናዳ ሂንቴና ዋሳይሰ፤ ታኒ ሂንቴ ቦንቹዋሰ ዋዴታይሰ።

ኤፌሶና አሳስ ዋሴቴዳ ዋሳ

14 ታኒ አዋ ሲንላን ጉልባታዳ ዋሴይ ሄሳ ገሾሳ። 15 ሳሎኒኔ ሳዓን ዴዲያ ኢሲ ኢሲ ሶ አሳይ ኢያን ሱንሌቴሰ። 16 ያሳይ ባ ቦንቾ ዱሬቴላፊ ሂንቴ ጋርሳ አሳቴላ ሚንሊያ ዋልቃ ባ አያና ባጋራ አሚና ማላ ሂንቴው ዋሳይሰ። 17 ቃሲ አሚናን ኪሪሰቶሲ ሂንቴ ዋዛናን ዳና ማላኔ ሂንቴ ሲቆን ያጸ ዩዲዲ ሚኒዲ ዳና ማላ ዋሳይሰ። 18 ሄሳዳካ፣ ኪሪሰቶሳ ሲቆይ አይ ማላ ዳልጌኮ፣ አዱሴኮ፣ ጶቁኮኔ ጨዋኮ ጌሻታ ኡባራ ኤሪያ ዋልቃ ሂንቴ አክከና ማላ ዋሳይሰ። 19 ኤራቴላፊ አጲያ ኪሪሰቶሳ ሲቁዋ ሂንቴ ኤራና ማላ ቃሲ ዴዎ አሚያ ያሳ ዋልቃን ሂንቴ ኩማና ማላ ታ ዋሳይሰ።

20 ሂዛ፣ ኦ ገደን ኦሊያ ባ ዋልቃ ባጋራ ኮኒ ዋሴይሳፊ ዋይኮ ቆፕይሳፊ አሊዲ አላናው ዳንዳዲያ ያሳሰ። 21 ዋሳ ከላኒኔ ኪሪሰቶስ ዩሱሳን ዋዴ ኡባን ሚሪናፕ ሚሪና ጋካናው ቦንቾይ ገደ። አሚንዲ።

4

ኪሪሰቶሳራ ዴዲያ ኢሲፊቴላ

1 ሂዛ፣ ጎዳ ገሾ ቃሾቴዳ ታኒ፣ ሂንቴ ያጌቴዳ ያሳስ ቤሲያ ዴዎ ዳና ማላ ሂንቴና ዋሳይሰ። 2 ሂንቴ ኡባ ዋዴ አዳኔ ሃኖ ገዲቴ፤ ኢሶይ ኢሱዋ ዳንዳዲቴኔ ሲቆን ዴዲቴ። 3 ሳርቴላን ቃሾቴዲ አያናይ አሚያ ኢሲፊቴላ ናጋናው ሚኒቴ። 4 ያሳይ ሂንቴና ያጌዳ ዋዴ ኢሲ ኡፋይሳስ ያጌዳይሳዳ ኢሲ አሳቴሌኔ ኢሲ አያኒ ዴዴሰ። 5 ኢሲ ጎዳይ፣ ኢሲ አሚናይኔ ኢሲ ያንቃቴይ ዴዴሰ። 6 ኡባፊ ቦላ ገዲዳ፣ ኡባ ባጋራ ኦሊያኔ ኡባ ገደን ዴዲያ ኢሲ ያሳይ፣ ኡባ አዋይ ዴዴሰ።

7 ሺን ኪሪሰቶሲ አሚናው ኮዩዳይሳዳ ኦ ኢሶይ ኢሶይ ዴማ ዴማ አምታ ኤኪዳ። 8 ሄሳ ገሾ፣ ያሳ ቃላይ፣

«ኢ ፑይ ኬዩዳ ዋዴ ዴዴቴዳ ዳርታ ባራ ኤኪዲ ቢሰ፤ አሳስካ አምታ አሚሰ» ያጌሰ። 9 ያቲን፣ «ፑይ ኬዩሰ» ጉሳይ ዋይ ጉሴ? ኢ ኮይር ዳጌ፣ ሳዓ ዚቃ ቤሳ ዋዲሰ ጉሱ ገደና ኢዳኮ አይ ጉሴ? 10 ሃ ዳጌ ዋዲዳይሰ፣ ኡባ ቤሳን ቤንታናው ኡባፊ ጶቃ ሳሉዋ ኬዩዳይሲ ኢያ።

11 ኢ ኢሶታ ኢሶታ ሃዋሪታ፣ ኢሶታ ኢሶታ ናቤታ፣ ኢሶታ ኢሶታ ዋንጌላ ሳባኬታ፣ ኢሶታ ኢሶታ ዋሳ ከሌ ሃሚይሳታ፣ ኢሶታ ኢሶታ አሰታሚታ ኦሊዲ አሚሰ። 12 ኢ ሄሳ ኦሊዳይ ኪሪሰቶሳ አሳቴሌ ገዲዳ ዋሳ ከሌ ዲቻናውኔ አሚኒያ አሳ ያሳ ኦሪስ ገጊሳናሳ። 13 ሄሳዳካ፣ ኦ ኡባይ ያሳ ናዓ ኤሪዲ አሚናን ቤንቴያ ኢሲፊቴላኮ ጋኪዲ፣ ኪሪሰቶሳ አያና ዴዎ ኩማላ ጋኪዲ ዴጫና ሚሳሳ።

14 ሂዛፕ ጉዬ፣ አሳ ጌኔ ጨዋን ገጊዳ ባሌሊያ ዋርዶ ቲሚርቴ ጫርኮኒኔ ሆቤን ጌዴኔ ሃ ኩሎ ካዲያ ናይታ ማላ ገደናው ቤሴና። 15 ሺን ኮኒ ቲማ ሲቆን ኦዲሼ አሳቴላሰ ሁዔ ገዲያ ኪሪሰቶሳራ ዴዲያ ኢሲፊቴላ

ጉጂ ጉጂ ዲቸሰ። 16 ኩሜላ አሳቴላይ ኪሪስቶስ ቦላ ዜምፔስ ቃሲ ዲማ ዲማ አሳቴላ ቢሊቴቲ ኢሶይ ኢሱዋራ ኦይኬቲዲ ኦቲስ። ኢሲ ኢሲ አሳቴላ ኪፊሌይ ባ ኦሱዋ ኦሊያ ዋዴ ኩሜላ አሳቴላይ ሲቆን ዲጩሰ።

ኪሪስቶስን ኦራሳ ዴፖ

17 ሄሳ ጊሾ፣ ታኒ ሃይሳ ሃንቴው ጎዳ ሱንላን ኦዳይሲኔ ማርካታይስ። ጎሲ ባይና ቆፋ ቆፒያ አይሁዳ ጊደና አሳታዳ ዴፖ። 18 ኤንታ ቆፋይ ቆሚስ፤ ባንታ ዋዛና ሙሚሲደሶና። ኤንቲ ኤራቴላ ቆሚስ፤ ኢዳስ ጊዲ ያሳይ ኢሚያ ዴዑዋፕ ሃኪደሶና። 19 ኤንቲ ዬላ ጊያባ ኤሮኮና፤ ኤንቲ ላይማቴላስ ባንታና አላ ኢሚደሶና፤ ቃሲ ቱናባ ኡባ ጉዬ ጎና ኦሶሶና።

20 ሺን ሃንቴ ኪሪስቶስ ኤሪዳይ ሄሳ ማላ ኦገን ጊዴና። 21 ኢያባ ቱማ ሲሲዴታ። ቃሲ ዬሱሳን ዴሲያ ቱማ ማላ ኢያፕ ታማሪዴታ። 22 ሃንቴ ካሴ ዴሲያ ዴፖ ኦጊያ አገቴ። ቃሲ ባ ጩሚያ አሞን ቆያ ሃንቴ ጩጋ አሳቴላ ዲገቴ። 23 ሃንቴ ዋዛና ቆፋን ኦራዲቴ። 24 ቱማ ዲሎቴላኒኔ ጌሻቴላን ያሳ ለሚሶን ሜዴቲዳ ኦራሳ አሳቴላ ማሲቴ።

25 ሃዛ፣ ዋርዶ ኦዴቶፊቴ። ኮኒ ኡባይ ኪሪስቶስ አሳቴላ ቢሊቴታ ጊዲያ ጊሾ አሳ ኡባራ ቱማ ኦዴቲቴ።

26 ሃንቁቲቴ፣ ሺን ሃንቴ ሃንቁዋን ናጋራ ኦሶፊቴ። ሃንቴ ሃንቁቲ ዴሲሺን አዊ ሎሎ። 27 ያላሄስ ቤሴ አሞፊቴ። 28 ካይሲያ ኡራይ ሃዛፕ ጉዬ ካይሶቶፖ። ሺን ማንቆታ ማዲያባይ ኢያው ዳና ማላ ባ ኩሼን ሎያባ አሶ።

29 ሃንቴ ዶናፕ ኢታ ቃሊ ኬዮፖ። ሺን ሲዬይሳታ ጎዳና ማላኔ ሃራታ ማንጮሊያ ኮሺያ ሎፖ ቃሊ ሃንቴ ዶናፕ ኬዮ። 30 ያሳይ ሃንቴና ዋዚያ ጋላሳስ ሃንቴና አታሚዲ ዋሊዳ ያሳ አያና አዛንጮፊቴ። 31 ጫሜቴላ፣ ዪሎ፣ ሃንቆ፣ ዋሶ፣ ጫሼኔ ኢታ ኡባ ሃንቴፊ ሃሲቴ። 32 አሊዲ ኢሶይ ኢሱዋስ ኬሃኔ ቃዴቴይሳታ ጊዲቴ። ያሳይ ኪሪስቶስ ባጋራ ሃንቴው አቶ ጊዳይሳዳ ሃንቴካ ዋሊስ አቶ ገቴ።

5

1 ሃዛ፣ ያሳይ ዶሲያ ናይታዳ ኢያ ዳኒቴ። 2 ኪሪስቶስ ኦና ዶሲዲ ባና ኦ ጊሾ ያሳስ ሳዊያ ኢሞኔ ያርሾ አሊዲ ኢሚዳይሳዳ ሃንቴካ ሲቆን ዴሲቴ።

3 ሺን ላይማቴላ፣ ቱናቴላኔ ኡዜቴላ አማኒያ አሳስ ቤሶና ጊሾ ሃንቴ ጊደን ኡባራካ ሲዴቶፎ። 4 ያሳ ጋላቴቴ ኣቲን ዬላያባይኔ ኤያ ኦዲ ዋይኮ ቂዴይ ሃንቴው ቤሶና ጊሾ ሃንቴ ጊደን ኡባካ ዴፖ። 5 ሃይሳ ኤሪቴ፤ ኦኒካ ላይማቴይ ዋይኮ ቱናባ አላይ ዋይኮ ኡዜቴይ ኪሪስቶስ ካዋቴላኔ ያሳ ካዋቴላ ላታናው ዳንዳሶና። ኡዜቴላ ኤቃ ጎይኖ ማላ።

6 ሃይሳታ ጋሶን ያሳ ሃንቆይ ከቴቶና አሳ ቦላ ያና ጊሾ ኦኒካ ሃንቴና ጋሶና ኡዳን ጩሞፎ። 7 ሃሳ ማላ አሳራ ኢሲፊቴላ ኦሶፊቴ። 8 ካሴ ሃንቴ ቆሚን ዴሲዴታ፣ ሺን ሃሲ ጎዳ ባጋራ ፖፖን ዴሲታ። ሃዛ፣ ፖፖ አሳዳ ፖፖን ሲሜሬቴቴ። 9 ፖፖይ ሎፖቴላ፣ ዲሎቴላኔ ቱማቴላ አይፊስ።

10 ጎዳ ኡፋይሲያባ ኦላናው ኮዩቴ። 11 ጎሲ ባይና ቆሚ ኦሶ ቆንጩሲቴቴ ኣቲን ኢያራ ኢሲፎፒቴ። 12 ኤንቲ ጌማን ኦሊያ ኦሱዋ ሃሪ አቶሺን ኦዳናውካ ዬላዬስ። 13 ሺን ኡባባይ ፖፖን ኬያ ዋዴ ቆንጩን ቤንቴስ። 14 ፖፖይ ኡባባ ቆንጩን ቤሴስ። ሃሳ ጊሾ፣ «ኔኖ ቆሰኪይሶ ባርካ፤ ሃይቆፕ ዳንዳ፤ ኪሪስቶስ ኔ ቦላ ፖሳና» ያጌቴስ።

15 ሃዛ፣ ሃንቴ ዋኒዲ ዴሲያኮ ኦኬኪ ቤዲቴ። ጩንጫታ ጊዲቴፕ ኣቲን ኤያታ ጊደፒቴ። 16 ላይሳይ ኢታ ጊዲያ ጊሾ ኢንጃቲያ ዋዴ ኡባ ጎዴቴቴ። 17 ሃሳ ጊሾ፣ ጎዳ ሼኔይ አይቤኮ ኦኬኪቴቴ ኣቲን ኡፖፒቴ።

18 ጌሻ አያናን ጋላስ ጋላስ ኩሚቴቴ ኣቲን ቆሮኮ ሃንቴና ካሊሊያ ጊሾ ዋይኔ ኡሻን ማሶቶፊቴ። 19 ማዝሙራን፣ ሳባኒኔ አያና ዬላን፣ ኢሶይ ኢሱዋራ ኦዴቲቴ። ቃሲ ሃንቴ ዋዛናን ዛማሪሼኔ ሳቢሼ ጎዳ ጋላቴቴ። 20 ኦ ጎዳ ዬሱስ ኪሪስቶስ ሱንላን ኡባ ዋዴ ያሳ አዋ ኡባባስ ጋላቴቴ።

21 ኪሪስቶስ ቦንቹዋስ ጊዲ ኢሶይ ኢሱዋስ ሃራቴቴ።

አዚናባኔ ማቼባ

22 ማቼቶ፣ ጎዳስ ሃራቴይሳዳ ሃንቴ አዚናታስ ሃራቴቴ። 23 ኪሪስቶስ ዋሳ ኬላስ ሁዔ ጊዴይሳዳ አዚኒካ ባ ማቼስ ሁዔ። ቃሲ ኪሪስቶስ ባ አሳቴላ ጊዲዳ ዋሳ ኬላ አሼይሳ። 24 ሺን ዋሳ ኬላይ ኪሪስቶስ ሃራቴይሳዳ ማቼቲ ባንታ አዚናታስ ኡባባን ሃራታናው ቤሴስ።

25 አዚናቶ፣ ኪሪስቶስ ዋሳ ኬላ ዶሲዲ ባና ኢው ኢሚዳይሳዳ ሃንቴካ ሃንቴ ማቼታ ዶሲቴ። 26 ኢ ዋሳ ኬላ ባ ቃላ ባጋራ ሃላን ማጩዲ ጌሺስ። 27 ኪሪስቶስ ዋሳ ኬላ ቂቲ ዋይኮ ሶምፖ ቱሲ ዋይኮ ሃሳ ማላባይ ባይና ኢ ኩሜላ ቦንቹዋራ ጌሺኔ ቦሬቶናሮ አሊዲ ባኮ ሺሻናው ኮዩዲ ሃሳ አሊስ። 28 ሃሳዳካ፣ አዚናቲ ባንታና ዶሲይሳዳ ባንታ ማቼታ ዶሳናው ቤሴስ። ባ ማቼው ዶሲይሲ ባና ዶሲስ። 29 ባና ኢዲያ ኦሲ ኦኒካ ባዋ፣ ሺን ኪሪስቶስ ዋሳ ኬላስ ኦላይሳዳ ባ አሳቴላ ሙዜሲኔ ናጌስ። 30 ኮኒ ኪሪስቶስ አሳቴላ ቢሊቴታ።

31 ያሳ ቃላይ፣ «ሃሳ ጊሾ፣ ኦሲ ባ አዋኔ ባ አዩው አገዲ፣ ባ ማቼራ ኢሲፊ ዳና፤ ኤንቲ ናምዳይካ ኢሲ አሾ ጊዳና» ያጌስ። 32 ሃይሲ ጊታ ፀራ፣ ሺን ታኒ ሃሳ ኪሪስቶስ ሃሳ ኬላባ ለሚሶ ኦላዳ ኦዳይስ። 33 ጊደሺን፣ ሃንቴ ኢሶይ ኢሶይ ሃንቴ ማቼታ ሃንቴ፣ ሃንቴና ዶሲይሳዳ ዶሲቴ። ኢሲ ኢሲ ማቻ ባ አዚና ቦንቻናው ቤሴስ።

6

ናይታባኔ ዬሊዳይሳታባ

1 ናይቶ፣ ሃንቴ ጎዳባ ጊዲያ ጊሾ ሃንቴና ዬሊዳይሳታስ ኪቴቴቴ። ሃሲ ሃንቴው ቤሲያባ። 2 «ኔ አዩወኔ ኔ አዋ ቦንቻ።» ሃሲ ኡፋይሳ ቃሊ ዴሲያ ኮይሮ ኪታ። 3 «ኔ ሃሳ ፖሊያባ ጊዲኮ ኡባይ ኔው ኢንጃታና፤ ኔ ላይሳይ ሳዳ ቦላ አዲቃና።»

4:16 ቆላ 2:19 4:22 ቆላ 3:9 4:24 ሜዴ 1:26፤ ቆላ 3:10 4:25 ዛካ 8:16 4:26 ማዝ 4:4 4:32 ቆላ 3:13
5:2 ኪሳ 29:18፤ ማዝ 40:6 5:16 ቆላ 4:5 5:19 ቆላ 3:16-17 5:22 ቆላ 3:18፤ 1ጳጳ 3:1 5:25 ቆላ 3:19፤ 1ጳጳ 3:7
5:31 ሜዴ 2:24 6:1 ቆላ 3:20 6:2 ኪሳ 20:12፤ ዛሬ 5:16 6:4 ቆላ 3:21

4 አዋቶ፡ ሂንቴ ናይታ ጎዳ ቃላ ታማርሶኒኔ ኤንታ ካሌሶን ዲቺቴፔ ኣቲን ኤንታና ጫሚሶፒቴ።

ጎዳታባኔ ኣይሌታባ

5 ኣይሌቶ፡ ኪሪሰቶሳሰ ኪቴቴይሳዳ ሂንቴ ሳባ ጎዳታሰ ያሻን፡ ቦንቾኒኔ ሱሬ ዋዛናን ኪቴቴ። 6 ኤንታ ሲንሳን ሳባ ዴማናው ኤንቲ ቤዒያ ዋዴ ዓላላ ኦሎፊቴ። ሺን ኪሪሰቶሳ ኣይሌታዳ ያሳ ሺኒያ ዋዛናፔ ፖሊቴ።

7 ኣሳሰ ጊዶናሺን ጎዳሰ ጊዲ ሂንቴ ኩሜላ ዋዛናፔ ኦሊቴ። 8 ኣይሌ ጊዲን ዋይኮ ጎዳ ጊዲን ኢሶይ ኢሶይ ባ ኦሊዳ ሎዎ ኦሱዋሰ ጎዳፔ ዋይቶ ኤካናይሳ ኤሬታ።

9 ጎዳቶ፡ ኣሳ ሶምዎ ቤዒዲ ማዶና ጎዳይ፡ ሳሉዋን ዴዔይሳ ኤሬታ። ሄሳ ጊሾ፡ ሂንቴ ኣይሌታ ማንዴይሳ ኣጊዲ ኤንቲ ሂንቴው ቦንቾን ኪቴቴይሳ ሜላ ሂንቴ ኤንታው ሎዎባ ኦሊቴ።

ያሳ ኦላ ሚሼታ

10 ወርሴላን፡ ጎዳኒኔ ኢያ ጊታ ዋልቃን ሚኒቴ።

11 ዓላሂ ጨሙዋ ኤቄታናው ዳንዳናና ሜላ ያሳይ ሂንቴው ኢሚዳ ኦላ ሚሼያ ኡባ ማዒቴ። 12 ኑ ኦላይ ኣሳራ ጊዶናሺን ሳሎን ዴዒያ ቱና ኣያና ኦላንቾታራ፡ ማታ አዋታራ፡ ሃሬይሳታራኔ ሃ ቋማ ኣላሚያ ዋልቃታራ።

13 ሄሳ ጊሾ፡ ኢታ ጋላሳ ቴቃናወኔ ኡባ ፖሊዲ፡ ሚኒዲ ኤቃናው ሂንቴ ዳንዳናና ሜላ ያሳ ኦላ ሚሼታ ኡባ ማዒቴ። 14-15 ቱማ ዪሳን ዳንጮዳ ዳንጨዲ፡ ዪሎቴላ ፀሩሬዳ ቲራን ዋሊዲ፡ ሳርቴላ ዋንጌላ ሂንቴ ቶሁዋን ጫማዳ ኣሊዲ ሚኒዲ ኤቄቴ። 16 ሄ ኡባሬ ኣሊዲ፡ ዓላሂይ ዬዲያ ሳዒያ ታማ ደንጌ ኡባ ቶይሳናው ዳንዳዒያ ኣማኡዋ ኡባ ዋዴ ጎንዳሌዳ ኦይኪቴ። 17 ያሳ ኣቶቴላ ቢራታ ባርኔዓዳ ሂንቴ ሁዔን ዋሊቴ፤ ቃሲ ጌሻ ኣያና ማሻ፡ ኢካ ያሳ ቃላ ኦይኪቴ። 18 ዋሳ ኣጎሬቴ፤ ሃራታሰካ ጋናቴቴ፤ ኡባ ዋዴ ኣያናን ዋሲቴ። ሄሳን፡ ጌሻታሰ ሳሌቶና ሚኒዲ ኡባ ዋዴ ዋሲቴ።

19 ታኒ ዋንጌላ ፀሩ ያሺ ባይና ቆንጨሳዳ ኦዳና ሜላ ያሳይ ታው ቃላ ኢማና ሜላ ዋሲቴ። 20 ታኒ ሄሳ ኦላናው ኪቴታሰ ሃዒካ ቃሾን ዴዔይ ሄ ዋንጌላ ጊሾሳ። ያኒያ ጊሾ፡ ታኒ ያሺ ባይና ቤሴይሳዳ ኦዳና ሜላ ታው ዋሲቴ።

ወርሴላ ሳርላ

21 ታኒ ዋና ዴዒያኮኔ ኣይ ኦሊያኮ ሂንቴ ኤራና ሜላ ኑ ሲቆ ኢሻይ፡ ጎዳ ኦሱዋን ኣማኔቲዳ ኦሳንቾይ፡ ቲኪቆሲ፡ ታባ ኡባ ሂንቴው ኦዳና። 22 ኑኒ ኡባይ ዋኒዲ ዴዒያኮ ሂንቴው ኦዳና ሜላኔ ሂንቴና ሚንጮላና ሜላ ታኒ ኢያ ሂንቴኮ ኪታሰ።

23 ያሳ አዋፔ፡ ጎዳ ዬሱሰ ኪሪሰቶሳፔ ሳርቴላይኔ ሲቆይ ኣማናራ ኢሲሬ ኣማኒያ ኡባሰ ጊዶ። 24 ኢርዖና ሲቆን ኑ ጎዳ ዬሱሰ ኪሪሰቶሳ ሲቂያ ኡባራ ያሳ ኣጾ ኬሃቴላይ ጊዶ።

ጳውሎስ ፊልጲሲዩሳ አሳሰ ፃፊዳ ኪታ ጋሳ ቆፋ

ጳውሎስ ፊልጲሲዩሳ አሳሰ ፃፊዳ ኪታይ ፃፊተዳይ፡ ርሜ ቢታን ማቄደኒያ አውራጃን፡ ፊልጲሲዩሳ ቢታን ዳዒያ ዋሳ ኬላሳ። ሄ ዋሳ ኬላይ ጳውሎስ አውርጋ ቢታን ኮይሮ ኤሲዳ ዋሳ ኬላ። ሃ ኪታይ ፃፊተዳይ፡ ጳውሎስ ቃሾ ኬላን ዳዒያ ዋዴ ሃራ አማኒያ አሳንቸተ ኢያ አጻዳ ዋዴ፤ ፊልጲሲዩሳ ዋሳ ኬላን ዳንዲዳ ዋርዶ ተሚርቲያ ጋሶን ኢያ ዋዳይ ዳር አዛኒዳ ዋዴ። ገደሺን፡ ጳውሎስ ዩሱስ ኪሪስቶስ ሚንሉዲ አማኒያ ገሾ ሃ ኪታን ቆንጩዲ ቤንቴይ፡ ኡፋይሲኔ ኩሚሳ አማኔቲሉ። ፊልጲሲዩሳን ዳዒያ ዳር አሳይ ርሜ፤ ዲዔተዲ ዩዳ አሲ። ከንቲ ርሜ ቢታሰ ሚሹቶሶና ኤይሌ ናጎሶና፡ ከንታፊ ኢሶቲ ኢሶቲ አማኒዲ ባንታ ቢታ አሳን ጎዴቲደሶና፡ ሄ ጎዳይ ከንታ ቦላ ሜቶኔ ማንቆቲሉ ኤሂስ (ሃ.ኦ 16:20-21)።

ጳውሎስ ሃ ኪታ ፃፊዳ ኮይሮ ጋሶይ ኢያ ሜቱዋ ዋዴ ኢያ ማዳናው ፊልጲሲዩሳ አማኒያ አሳይ አዋታ ኢያው ዩዲዳ ገሾ ከንታ ጋላታናሳ። ኢያ ቦላኔ ከንታ ቦላ ዳማ ዳማ ሚቶይ ገዢዳ ገዲኮካ ከንቲ ሚኒታና ሚላኔ ኩሚሳ አማኔቲዲ ዳና ሚላ ሃ ዳሚዳ ኢንጂያን ከንታ ሚንሉሉስ። ጩቆኔ ኦቶሮ አገዲ፡ ዩሱስ ኪሪስቶስ አሽኬቲላን ከንቲ ኩሚና ሚላ ሚንሉዲ ከንታ አኬኪሲስ። ዩሱስ ኪሪስቶስ ኢሲፊ ገደን ከንቲ ዳሚዳ ዳይይ ያሳ አጼ ኬሃቲላፊ ፑልቲዳይሳኔ አማኖን ከንቲ ኤኪዳይሳፊ አቲን አይሁዴታ ዋጋ ፖሎን ቤንቲዳባ ገደናይሳ ከንታ አኬኪሲስ። ዩሱስ ኪሪስቶስ ኢሲፊ ዳዒያ ኡባስ ያሳይ አሚያ ሳሩዋኔ ኡፋይሳ ከንታው ፃፊስ።

ሃ ኪታይ ኤሬቴይ ኡፋይሲ፡ አማኔቲሉ፡ ኢሲፊቴሉኔ አማኖን ሚኒዲ ዳይ ቆንጩሲዲ ቤሴይሳና። ሄሳ ቦላ ጉጂዲ፡ ጳውሎስ ፊልጲሲዩሳ ዋሳ ኬላ ሲቂያ ገታ ሲቁዋ ቆንጩሲስ።

ፊልጲሲዩሳ ኪታ አይፊ ቆፋታ

- ጌሎ ቆፋ 1:1-11
- ጳውሎስ ሃኒዲ ዳዒያ ዳሳ 1:12-26
- አማኖን ሌሚሶ ዳይ 1:27-2:18
- ፂሞቲዮሳሲኔ ኤጳፊራዲቲስ ዳዒያ ቆፋ 2:19-30
- ሞርኬታፔኔ ኢታታፔ ናጌቲሉ 3:1-4:9
- ጳውሎስ ፊልጲሲዩሳ አማኒያ አሳ 4:10-20
- ሳሮሌኔ አንጅ 4:21-23

1 ኪሪስቶስ ዩሱሳራ ኢሲፊዳ ገሾ ያሳባ ገዲዳ፡ ፊልጲሲዩሳ ካታማን ዳዒያ ዋሳ ኬላ ጩማታሲኔ ዳቆኔታ ኡባስ። ዩሱስ ኪሪስቶስ አይሌ ገዲዳ፡ ጳውሎስ፤ ፂሞቲዮሳ፤ ኪቲቲዳ ኪታ።

2 ኦ አዋ ያሳፊኔ ጎዳ ዩሱስ ኪሪስቶስ አጼ ኬሃቲላይኔ ሳርቲላይ ሂንቲው ገደ።

ጳውሎስ ጋላታ ዋሳ

3 ታኒ ሂንቲና ቆጊያ ዋዴ ኡባን፡ ታ ያሳ ጋላታይስ።
4 ታኒ ሂንቲ ኡባስ ያሳ ዋሲያ ዋዴ ኡፋይሳን ዋሳይስ። 5 ሂንቲ ኮይሮ ጋላሳ፤ ሃዒ ጋካናው፡ ዋንጌላ

ማርካቴይሳን ታራ ኢሲፊ ገዲዳ፡ ታና ማዲዳ ገሾ ያሳ ጋላታይስ። 6 ሂንቲ ገደን ሎዎ ኦሶ ደሚዳ ያሳይ፡ ኪሪስቶስ ዩሱሲ ሲሚያ ጋላሳይ ጋካናው፡ ፖላናይሳ ኤራይስ።

7 ሂንቲ ኡባ ዋዴ ታ ዋዳናን ዳዒያ። ታኒ ኡባ ዋዴካ ሃሳዳ ቆጋናው ቤሴስ። ሃዒ ታኒ ቃሾን ዳዒሼኔ ቃሾታና፤ ሲንሌ ዋንጌላ ናጎኒኔ ዋንጌላ ሚንላ ኤሶን ያሳይ ታው ቃዲዳ ቃዳ ሂንቲካ ታራ ሻኬቲዳ። 8 ታኒ ሂንቲና ኡባ ኪሪስቶስ ዩሱሳ ሲቁዋን አይ ሚላ ላሞቲያኮ ያሳይ ታው ማርካ።

9 ሂንቲ ሲቆይ ቱማ ኤራቴላራኔ አኬካራ ኢሲፊ ጉጂ ጉጂ ዲጫና ሚላ ያሳ ዋሳይስ። 10 ሃሳን ሂንቲ ሎዎባ ሻኪዲ፡ ደሬይሳታ፡ ኪሪስቶስ ሲሚያ ጋላሳን ጌሻታኔ ቦሬቶናይሳታ ገደና። 11 ሂንቲ ዳይይ ያሳ ቦንቹዋሲኔ ጋላታስ ዩሱስ ኪሪስቶስ ባጋራ ቤንቲያ ጊሎቲላ አይፊያን ኩሚዲ አይፋና።

ጳውሎስ ቃሾቲላይ ዋንጌላይ ዳልጋና ሚላ ማዲስ

12 ታ ኢሻቶ፡ ታና ጋኪዳ ኡባይ ዋንጌላይ ዳልጋና ሚላ ቱማ ማዲዳይሳ ሂንቲ ኤራና ሚላ ኮያይስ።

13 ታኒ ኪሪስቶስ ገሾ ቃሾቲዳይሳ፡ ካዋ ኬላ ናጌይሳቲኔ ሃይሳን ዳዒያ ሃራቲ ኡባይ ኤሮሶና። 14 ታ ቃሾቲዋ ጋሶን ኦ ኢሻታ፤ ዳርቲ ጎዳን ኬሂ አማኔቲደሶና። ሃሳ ገሾ፡ ያሳ ቃላ ያሺ ባይና ካሴይሳፊ አጼ ሚኒዲ ኦዳና ሚላ ሚኖቲሉ ዳሚደሶና።

15 ገደሺን፡ ኢሶቲ ኢሶቲ ቃናቲኒኔ ጋላማን ኪሪስቶስ ጎደሶና፡ ሺን ሃራቲ ሱሬ ዋዳና፤ ኦደሶና። 16 ሱሬ ዋዳና፤ ኦደይሳቲ፡ ያሳይ ታው ዋንጌላ ናጎ ኦሶ አሚዳይሳ ኤሪያ ገሾ ሲቆን ኦደሶና። 17 ሺን ታና ቃናቲይሳቲ ታ ቃሾቲዋ ቦላ ሃራ ሜቶ ኤሃናባ ከንታው ዳኒን ባንታና ደሲዲ ኪሪስቶስ ጎደሶና፤ ኦደሶና፤ ኦደሶና፤ ኦደሶና፤ ኦደሶና።

18 ሄሲ አይኮካ ሜቲና። ቱማ አጌን ገዲን ዋይኮ ዋርዶ ኦኒን ገዲን ሄ ኡባን ኪሪስቶስ ሳባኬቲስ። ታና ሄሲ ኡፋይሲስ። ቃሲ ሃራባይ ታና ኡፋይሲያባይ። 19 ታኒ ሂንቲ ዋሳኒኔ ዩሱስ ኪሪስቶስ አያና ማዲዋን አታናይሳ ኤሪያ ገሾ ታና ኡፋይሲስ። 20 ታ ገታ አሞይኔ ኡፋይሳን ናጌያ ናጎይ ታ ዩላቶና አታናይሳ። ሺን ኡባ ዋዴ ኡፋይሳዳ፡ ሃዒካ ታኒ ጋዳ ዳዒን ዋይኮ ሃይቁን ያኖና ታ ኩሚላ አሳቲላን ኪሪስቶስ ቦንቹታና ጋዳ ሚኖቲላን ኡዳይስ። 21 ታ ዳዒኮካ ኪሪስቶስ ፃላላስ ዳዒይስ፤ ቃሲ ታ ሃይቁኮካ ታው አጼዳ ዋዴ። 22 ሺን ታ ጋዳ ዳዒኮ አይፊይ ዳዒያ ኦሶ አላና። ሺን ጋዳ ዳዒይሳፊኔ ሃይቆፔ አዉሳ ደራኔኮ ታው ኤራቲና። 23 ታኒ ሃ ናሞባታ፤ አዉሳ ደራኔኮ ከንባታስ። ሃ ዳዒው፤ ሻኬታዳ ኪሪስቶስ ኢሲፊ ዳናው አሞታይስ፤ ኪሪስቶስ ኢሲፊ ዳዒይሲ ኡባፊ አጼዳ ሎዎ። 24 ሺን ታኒ ሂንቲ ገሾ ጋዳ ዳዒይሲ ሂንቲው ዳር ኮሺያባ።

25 ሃሳ ታኒ ጌሻዳ ኤራይስ፤ ታኒ፡ ሂንቲ አማኖን ዲጫናዳኔ ኡፋይታናዳ ሂንቲራ ጋዳ ዳና። 26 ሃሳ ገሾ፡ ታኒ ሂንቲኮ ሲማዳ ያ ዋዴ ኪሪስቶስ ዩሱሳራ ሂንቲ ዳዒያ ዳዒው፤ ታናን ዳዒያ ጩቁቲላይ ሂንቲው ዳራና።

27 ኡባፊ አሉዲ፡ ሂንቲ ኪሪስቶስ ዋንጌላስ ቦንቹ ኤሂያ ዳይ ዳዒቲ። ታ ሂንቲና ቤዒን ዋይኮ ቤያና ኢጊን ሂንቲ ኢሲ ቆፋን ሚኒዲ ኤቁዲ፡ ሃራቲ ዋንጌላን አማናና ሚላ ኢሲ ዋዳናን ገዲዲ ኢሲፊ ባጭይሳ ታ

ሲዓና። 28 ሂንቴ ሞርኬታስ ያዮፊቴ። ኤንቴ ሂንቴራ ኤቁቴያባ ጊዲኮ ሄሲ ሂንቴው አቶቴሳስ። ኤንታው ቆዮስ ያሳፌ ጊዲዳ ማላ። 29 ኪሪስቶሳስ ኦሊያ ቃዲይ ሂንቴው አሜቴዳይ። ሂንቴ ኢያ አማናና ማላ ፃላላ ጊደናሺን ሂንቴ ኢያ ጊሾ ማቶ ኤካና ማላ። 30 ሄሳ ጊሾ። ሂንቴ ታ ዋያ ካሴ ቤዒዳታ፤ ሃዒካ ታ ዋዬቴይሳ ሲዔታ። ሂንቴካ ታ ዋያ ማላ ዋዬቴታ።

2

ቱማ አሽኬቴሊ

- 1 ኪሪስቶሳን ሂንቴ ዳዒያ ዳዖይ ሂንቴና ማንሌስ፤ ቃሲ ኢያ ሲቆይካ ሂንቴና ማንሌሌስ። ጌሻ አያናራ ሂንቴው ኢሲፊቴሊ ዳዒስ፤ ሂንቴ ሃራታስ ኬሄታኔ ቃዴቴታ። 2 ሂዛ። ሂንቴ ኢሲ ቆፋን፣ ሲቆን፣ ኢሲ ዋዛናኒኔ አያናን ኢሲኖ ጊዲዲ ታና ፖሎ ኡፋይሲቴ። 3 ሂንቴና ዶሶን ዋይኮ ጨቁቴያ ሃዳ አሞን ኢሲባካ አላፊቴ። ሺን ሂንቴ ኢሶይ ኢሱዋፊ ገታታይሲ ያጊዲ ቆፖና ሂንቴና ካወሸቴ። 4 ሂንቴ ኢሶይ ኢሶይ፣ ሃራ ኢሲ ማዲያባ ኮዩቴቴ ኣቲን ሂንቴና ማዲያባ ፃላላ ኮዮፒቴ። 5 ኪሪስቶስ ዩሱሳን ዳዒያ ቆፋይ ሂንቴናን ዳናው ቤሴስ። 6 ኢያው ኡባ ዋዴ ያሳ ሃኖቴሊ ዳዒስ። ያኒያ ጊሾ፣ ኢያ ያሳራ ኢሲኖ ኦሊያ ሃኖታ። ዋልቃን ኤካናው ኮዩቤና። 7 ጊደሺን፣ ኢ ባው ዳዒያ ቦንቹዋ ኡባ አጊዲ፣ አይሌ ሜዴታ ኤኪስ፤ አሴ ዳኒዲ ቆንጨሲ። 8 ኢ ባና ካወሸሰ፤ ሃይቃና ጋካናው፣ ሃሪ አቶሺን ማሰቃሊያ ቦላ ሃይቃናው ከቴቴስ። 9 ሄሳ ጊሾ፣ ያሳይ ኢያ ዳር ዶቁ ዶቁ ኦሊስ፤ ቃሲ ሱንሳ ኡባፊካ አዲያ ዶቃ ሱንሳ አሚስ። 10 ሳሎንኔ ሳዒን፣ ሳዒቴ ጋርሳን ዳዒያ ኡባይ፣ ዩሱሳ ሱንሳ ቦንቹዋስ ጉልባታና። 11 አሳ ኡባይ ባንታ ኢንፃርሳን፣ ዩሱስ ኪሪስቶሳ ጎዳ ያጊዲ፣ ያሳ አዋ ቦንቹዋስ ማርካታና።

ሃ አላሚያስ ፖያ ጊደ

- 12 ታ አሻቶ፣ ታኒ ሂንቴራ ዳዒያ ዋዴ ኡባን ሂንቴ ከቴቴዳይሳዳ፣ ሃዒ ታኒ ሂንቴ ማታፔ ሃኪንካ፣ ካሴይሳፊ አሊዲ፣ ከቴታናው ቤሴስ። ያሳስ ያሻኒኔ ኮኮርሳን ሂንቴ አቶቴሳ ፖላናው አሊቴ። 13 ያሳይ፣ ሂንቴ ኢያው ኤሮ ጊዲ ከቴታና ማላ ኡባ ዋዴ ሂንቴ ጊደን ኦሊስ። 14 አይ ኦሶ ኦሊሽካ ዙዙሞና ዋይኮ ፓላሞና አሊቴ። 15 ጌላኔ ናጋራንቾ አሳ ጊደን ቦሪቶናይሳታ፣ ጌሻታኔ ፖኮይ ባይና ያሳ ናይታ ጊዲቴ። ሂንቴ ኤንታ ጊደን ሳሎ ያላንቶዳ ፖዒሼ፣ 16 ዳዖ አሚያ ከታ ኤንታው አዲቴ። ሄ ዋዴ ታ ዳቡሪሳይኔ ታ ኦሶይ ማላ አቲቦና ጊሾ ኪሪስቶሲ ያ ጋላስ ታ ሂንቴናን ጨቁቴታና። 17 ሂንቴ ያሳስ አሚያ አማኖ አሞታ ቦላ ታ ሱላይ ኡሻ ያርሾዳ * ጉኪኮካ ታና ኡፋይሴስ። ሂንቴካ

ታራ ኡፋይታና። 18 ሄሳዳ ሂንቴካ ኡፋይቴዲ ታናካ ኡፋይሳናው ቤሴስ።

ዲሞቴዮሳኔ ኤጳፊራዲቱሳ

- 19 ታኒ ሂንቴ ዳዑዋባ ሲዓዳ ኡፋይታናው ዲሞቴዮሳ ሂንቴኮ ኤሌሳዳ ዩዳና ማላ ጎዳ ዩሱሲ ታና ማዳናይሳ አማኔታይስ። 20 ሂንቴ ዳዑዋሰ ዋዛናፔ ቆፒያ ኢያ ማላ አሲ ሃሪ ኦኒካ ባዋ። 21 ሃራቴ ባንታና ጎዒያባ ኮዮሶናፔ ኣቲን ዩሱስ ኪሪስቶሲ ኮያባ አላኮና። 22 ኢ ታራ ኢሲፊ ጊዲዲ ናዒ ባ አዋስ ኦሊይሳዳ ዋንጌላ ኦሶ ኦሊዳይሳኔ አማኔታያ አሲ ጊዳይሳ ሂንቴ ኤሬታ። 23 ሄሳ ጊሾ፣ ታባይ ሃኒያባ ቤዒዳ ኤሌሳዳ ኢያ ሂንቴኮ ዩዳና ጋዳ ቆፓይስ። 24 ታኒ፣ ታ ሁዒን ማታ ዋዴን ሂንቴኮ ባናይሳ ጎዳን አማኔታይስ። 25 ሄሳዳካ፣ ታኒ፣ ታ አሻ ኤጳፊራዲቱሳ፣ ታራ ኢሲፊ ታ ባጋ ጊዲዲ ኦሊዳይሳ፣ ኦሊቴዳይሳኔ፣ ታና ማዳናው ሂንቴው ከቴቴዳይሳ፣ ሂንቴኮ ኪታናው ቆፓስ። 26 ኢ ሂንቴና ኡባ ቤዒናው ዳር ላሞቴስ። ቃሲ ኢ ሃርጌቴዳይሳ ሂንቴ ሲዒዳ ጊሾ ባ ዋዛናን ዳር ኡንዔቴስ። 27 ኢ ቱማ ሃርጌቴዲ ሃይቁ ከቹዲ ኣቲስ። ሺን ያሳይ ኢያው ቃዴቴስ። ኢያ ፃላላስ ጊደናሺን አዛናይ አዛኖ ቦላ ጉዠቶናዳ፣ ታወካ ቃዴቴስ። 28 ሂዛ፣ ሂንቴ ኢያ ዛሪ ቤዒዲ ኡፋይታናዳ ታወካ ታ ዋዛና ስላይ ኢርፃናዳ ታኒ ኢያ ኤሌሳዳ ሂንቴኮ ዩዳናው አሞታይስ። 29 ጎዳስ ሃጋዚያ አሳዳ ኢያ ኩሜላ ኡፋይሳን ሞኪቴ። ቃሲ ኢያ ማላ አሳ ኡባካ ቦንቹቴ። 30 ሂንቴ ታ ማታን ጊዲዲ አላናው ዳንዳዖና ማዲያ ማዲዲ ኪሪስቶሳ ኦሱዋ ጊሾ ባ ሼሞፑዋስ ሚሼቶና ኢዒዲ ሃይቁ ከቹዲ ኣቲስ።

3

ቱማ ዲሎቴላ

- 1 ወርሴላን፣ ታ አሻቶ፣ ሂንቴ ጎዳባ ጊዲያ ጊሾ ኡፋይቴቴ። ታኒ ካሴ ፃፊዳይሳ ዛራዳ ፃፋናይሲ ታና ዋይሴና፣ ሺን ሂንቴና ባላፔ ናጋና። 2 ኢታባ ኦሊያ ካናታፔ፣ ቃሲ ቃፃሬታናው ኮሼስ ጊያ ኢታ አሳታፔ ናጌቴቴ። 3 ኦኒ ያሳ ጌሻ አያናን ጎይኒያ ጊሾኔ ኦዑዋን ኪሪስቶስ ዩሱሳን ጨቁቴያ ጊሾ ቱማ ቃፃሮ ቃፃሬቴዳይሳታ። ኦኒ ካሪ አሳቴላ ቦላ ኦሴቴያባን ጨቁቶኮ። 4 ታ ካሪ አሳቴላን ጨቁቴታናው ኮሼኮ ታ ዳርባን ጨቁቴታናው ዳንዳዒይስ። አይ አሲካ ባ ካሪ አሳቴላን ጨቁቴያባይ ባው ዳዒስ ጊዲ ቆፒኮ፣ ታኒ ኢያፔ ዳር አቆዳ ጨቁቴያባይ ዳዒስ። 5 ታኒ ዩሌቴዳ ሳሚንታራ ቃፃሬታስ። ታኒ ዩሌታን ኢሰራዒሌ፤ ታኒ ቢኒያሜ ዛሪ፤ ታኒ ዋላኪ ባይና አይሁዴ አሴ። አይሁዴ ሂጌ ናንን ጊዲኮ ታኒ ፋሪሳዌ። 6 አይሁዴ አማኑዋስ ሚሼቴላን ጊዲኮ ታኒ ዋሳ ከላ ዩዳሳስ። ኢሲ አሲ ሂጌ ናጊዲ ዒሊያባ ጊዲኮ፣ ታናን ቦሪይ ቤንቴቤና። 7 ሺን ካሴ ታና ማዴስ ጋዳ ቆፒዳባ ኡባ፣ ኪሪስቶሳ ጊሾ ጋዳ ማደናባ ኦላዳ ታይባስ። 8 ሄሳ ፃላላ ጊደናሺን ታኒ ታ ጎዳ ኪሪስቶስ ዩሱሳ ኤሬይሲ ሃራባ ኡባፊ ዳር አዲያ ጊሾ ሄ ኡባ ዋዴይ ባይናባዳ ታይባስ። ታኒ ኢያ ጊሾ ኡባባ ቆያስ። ኪሪስቶሳ ዳማናው ኡባባ ዋራ ሆሌቴዳ ቡሬዳ ታይባይስ። ታኒ ዩሱሳራ ኢሲኖ ጊዳስ።

1:30 ሃ.ኦ 16:19-40 2:10 ኢሳ 45:23 2:15 ዛሬ 32:5 * 2:17 ታ ሱላይ ኡሻ ያርሾዳ፣ ኢሲ ኢሲ ዋዴ ያርሾ ቤሳን ያርሼቴያ ሜሄ ያርሹዋ ቦላ ሃሌ ዋይኮ ዋይኔ ኡሻይ ጉኪስ። 3:5 ሃ.ኦ 23:6፤ 26:5፤ ሮሜ 11:1 3:6 ሃ.ኦ 8:3፤ 22:4፤ 26:9-11

9 ታኒ ሂጌስ ከቴታዳ ዳሚያ ታ ሁዔ ዓሎቴሉ ታው ባዋ። ከሪስቶሳ አማኒን ቤንቲያ ዓሎቴላይ፣ ያሳ ማታፔ ያ ዓሎቴላይ ሃዒ ታው ዳዔስ። 10 ታኒ ከሪስቶሳኔ ኢያ ዳንዶ ዋልቃ ኤራናው ኮያይስ። ታኒ ኢያ ማቲዋ ኢያራ ቫኪታናውኔ ኢያ ሃይቁዋን ኢያ ዳናናው አዋታይስ። 11 ሃሳዳካ፣ ሃይቆፔ ዳንዳዳ ማሪናው ዳዎን ዳናይሳ ኡፋይሲ ኦላይስ።

ጋፃ ጋካናው ዋዒቲ

12 ታኒ ሃዒ ጋፃ ጋካሰ ዋይኮ ታናን ባሊ ባዋ ጊኬ። ሺን ከሪስቶሰ ዩሱሲ ታና ኦይኪዳ ጊሾ ታኒ ታ ስንላን ዳዒያ ዋይቲዋ ኦይካናው ዋፃይሲኔ ቡቴታይስ። 13 ታ አሻቶ፣ ታኒ ሃሳ ዳሚስ ጋዳ ቆፒኬ፣ ሺን ታኒ ኢሲባ ኦላይስ። ታፔ ጉዩራ ዳዔይሳ ደጋዳ ሲንላን ዳዔይሳ ኦይካናው ዛቲራይስ። 14 ሃሳ ጊሾ፣ ታኒ ጋፃ ጋካናው ዋፃይስ። ያሳይ ከሪስቶሰ ዩሱሳ ባጋራ ሳሎ ዳዐቀሰ ያጊዳ ዋይቲዋ ኦይካናው ዳቡራይስ።

15 ሂዛ፣ ኦኒ አያናን ጋሽቲዳ ኡባይ ሃሳ ቆፓናው ቤሴስ። ሂንቴፊ ባጋታሰ ዳማቲያ ቆፊ ዳዒኮ፣ ሃሳካ ያሳይ ሂንቴው ቆንጪሳና። 16 ጊዲኮካ፣ ኦኒ ሃኖ ጋካናው ዳዒዳ ዳዐቀን፣ ኦኒ ሲንጭ ቦስ።

17 ታ አሻቶ፣ ታና ዳኒቴ፤ ሃሳዳካ፣ ኦ ለሚሱዋ ካሊያ አሳታ አኬኪዲ ቤዒቴ። 18 ታኒ ሃሳ ሂንቴው ካሴ ዳር ቶሆ ኦዳስ፣ ሺን ሃዒካ ዛራዳ አፋላን ኦዳይስ። ከሪስቶሲ ማሰቃሊያ ቦላ ሃይቁዳይሳሰ ባንታና ሞርኬ ኦሊዳ ዳር አሳቲ ዳዎሶና። 19 ኤንታ ወርሴላይ ቆዩ፣ ኤንታ ኡሎይ ኤንታው ያሴ። ዩላታናው ቤሲያባን ኤንቲ ጩቁቶሶና፤ ቃሲ ሃ ሳባባ ያላላ ቆፖሶና። 20 ኦ ቢታይ ሳሎዋና። ሳሎፔ ዪዲ ኦና አሻናው ዳዒያ ጎዳ ዩሱሰ ከሪስቶሳ ናጎስ። 21 ከሪስቶሲ ኡባባ ባ ማታፔ ጋርሳን ኦላናው ዳንዳዒያ ባ ዋልቃን ኦ ዳቡራንሻ አሳቴላ ለሚዲ ባ ቦንሻ አሳቴላ ዳኒሳና።

4

ወርሴላ ዘሪ

1 ታ አሻቶ፣ ታ ደሴይሳቶ፣ ታ ላሞቴይሳቶ፣ ታና ኡፋይሴይሳቶ፣ ታና ጊታዩይሳቶ ሂዛ ጎዳን ሚኒዲ ኤቂቴ።

2 ኤዋዲኔ ሲንግካ፣ ሂንቴ ናሞዓይ፣ ኢሲ ቆፋን ሚቸዳ ጎዳን ዳናዳ ታኒ ሂንቴና ዘራይስ። 3 ታራ ኦሊያ አማንጤይሶ፣ ኔኒ ሃ ማጫሳታ ማዳና ማላ ታ ኔና ዋሳይስ። ሃ ማጫሳቲ ታራ፣ ቁለሚንያሳራኔ ኤንታ ሱንላይ ያሳ ዳዎ ማፃፋን ፃፊቲዳ ሃራታራ ኢሲፊ ዋንጌላ ኡባ ቤሳ ጋላናው ዳቡራይሶና።

4 ጎዳራ ሂንቴ ዳዒያ ዳዐቀን ኡባ ዋዳ ኡፋይቲቴ። ታኒ ሃሳ ጉጃዳካ ኦዳይስ፤ ኡፋይቲቴ።

5 አሳ ኡባይ ሂንቴ አሽኬቴላ ኤር፤ ጎዳይ ማታን ያና። 6 ያሳ ሂንቴ ዋሲያ ዋዳ ኡባን ኢያ ጋላቲሼ፣ ሂንቴና ኮሺያባ ኡባሰ ዋሲቴፔ አቲን አይቢባሰካ ሂርጎፊቴ። 7 አሳ ኤራቴላ ኡባፊ አጂያ ያሳ ሳርቴላይ፣ ሂንቴ ዋዛናኔ ሂንቴ ቆፋ ጎዳ ዩሱሰ ከሪስቶሳ ባጋራ ናጋና።

8 ወርሴላን፣ ታ አሻቶ፣ ሂንቴ ዋዛናን ሎዎባኔ ጋላቲሲያባ ቆፒቴ። ቲማ ጊዲያባ ኡባ፣ ቦንሻባ ኡባ፣ ቆሆ ጊደናባ ኡባ፣ ጌሻባ ኡባ፣ ሲቆባ ኡባኔ ኡፋይሲያባ ኡባ ቆፒቴ። 9 ሂንቴ ታፔ ታማሪዳባ፣ ኤኪዳባ፣

ሲዒዳባኔ ቤዒዳባ ኡባ ኦሊቴ። ሳርቴላ አሚያ ያሳይ ሂንቴራ ኢሲፊ ጊዳና።

ጸወሎሲ አሚቲዳ አሞታሰ ጋላቲሰ

10 ዳር ዋዴፔ ጉዩ፣ ሂንቴ ታባ ዛሪዲ ቆፓናው ደሚዳ ጊሾ ታኒ ጎዳን ዳር ኡፋይታይስ። ሃሳ ጉሳይ፣ ታው ቆፓናው ሂንቴው ኢንጃቶና ኢዲዳይሳፊ አቲን ታው ቆፋ አጊቤኪታ። 11 ታኒ ሃሳ ታና ማቲዳ ጊሾ ጊኬ፤ ታው ዳዒያባይ ጊዳና ጉሱ ታማራስ። 12 ታኒ ማቶቲቲዲ ዳዒያ ዲሲ ኤራይስ፤ ቃሲ ዳሬቲዲ ዳዒያ ዲሲካ ኤራይስ። አዉን ጊዲን ቃሲ አይ ዋዳካ ታኒ ካሎኔ ኮሻ፣ ፓጩኔ ፓላሃ ታማራስ። 13 ከሪስቶሲ ታው አሚያ ዋልቃን ኡባባ ኦላናው ዳንዳዒያስ።

14 ጊዲኮካ፣ ሂንቴ ታ ማቲዋ ታራ ኤኪዳይሳን ሎዎ ኦሊዳታ። 15 ፊልጲሲዩሳ አሳው፣ ዋንጌላ ኮይር ኦዳናው ታኒ ማቁደኒያፔ ኬያ ዋዳ አሚያባንካ ኤኪያባንካ ሂንቴ ዋሳ ኬላፊ አቲን ሃሪ ታና ማዲቦናይሳ ሂንቴ ኤሬታ። 16 ቴሴሎንቄን ማቶይ ጋኪዳ ዋዳካ ታና ዛሪ ዛሪዲ ማዲዳታ። 17 ታኒ፣ ሂንቴፊ አሞታ ኤካናው ኮያዳ ጊደናሺን አሞፔ ያ አንጂዋ ሂንቴ ኤካና ማላሳ።

18 ታኒ፣ ሂንቴ አሚዳ ኡባኔ ጊዲዲ ፓላሃይሳ ኤካስ። ሂንቴ ዩዲዳ ኡባ ኤጳፊራዲቲሳፔ ኤካስ፤ ኮሺያባ ኡባይ ታው ዳዔስ። ሂንቴ ታው ዩዲዳ አሞይ ያሳሰ ሳዋ ቶንጉ ጊያ፣ ኢ ደሲያ፣ ኢ ኡፋይቲያ ያርሾ ማላ። 19 ታ ያሳይ ባ ቦንሻ ዳሬቴላፊ፣ ከሪስቶሰ ዩሱሳ ባጋራ ሂንቴው ኮሺያባ ኡባ አሚና። 20 ኦ አዋ ያሳሰ ማሪናፔ ማሪና ጋካናው ቦንሻይ ጊዳ። አሚንዒ።

ወርሴላ ሳርታ

21 ከሪስቶሰ ዩሱሳ ባጋራ ያሳባ ጊዲዳ ኡባ ሳር ጊቴ። ታራ ዳዒያ አሻቲ ሂንቴና ሳር ጎሶና። 22 ያሳባ ጊዲዳ አሳ ኡባይ፣ ኡባፊ አሊዲ ካወዋ ቁሳሬ ኬላን ዳዔይሳቲ ሂንቴና ሳር ጎሶና።

23 ጎዳ ዩሱሰ ከሪስቶሳ አጼ ኬሃቴላይ ሂንቴራ ጊዳ።

2

1 ታ ሂንቴውኔ ሎደቂያ ካታማን ዴዲያ አሳሰ፡ ሄሳዳካ ታና ኣይፌን ቤሲቦና አሳ ኡባሰ ኣይ ማላ ባጭታኮ ሂንቴ ኤራና ማላ ኮያይሰ። 2 ታ ባጭታያ ጋሶይካ ኤንቴ ባንታ ዋዛናን ማሂዲ፡ ሰቆን ቃሽቴዲ፡ ፖሎ ገዲዳ ኩሜላ ኣኮካ ዱሪቴላ ዴሚዲ ያሳ ፀራ ከሪሰቶሳ ኤራና ማላሳ። 3 ኢያን ያሳይ ማንጂዳ ኤራይኔ ጨንጫቴላ ኡባይ ዴዴሰ።

4 ታ ሄሳ ኦኒካ ሂንቴና ጨዋ ቃላን ባሌሶና ማላ ኮያዳ ጋይሰ። 5 ታ ሂንቴፌ ሃካዳ ዴዲኮካ ኣያናን ሂንቴራ ዴዳይሰ። ሂንቴ ዴሳ ማራኔ ከሪሰቶሳ ሂንቴ ማሂዲ ኣማኔይሳ ቤዳዳ ኡፋይታይሰ።

ከሪሰቶሳን ዴዲያ ኩሜላ ዴዳ

6 ሂንቴ ጎዳ ከሪሰቶሰ ዩሱሳ ኤኪዳይሳዳ ኢያን ዴዲቴ። 7 ኢያን ፃ፳ ዩዲቴ፤ ኢያን ከጭቴ። ሂንቴ ታማሪዳይሳዳ ኣማናን ማሂቴ፤ ያሳሰ ኩሚዲ ፓላሂዳ ጋላታ ኣሚቴ።

8 ከሪሰቶሳፕ ገደናሽን አሳ ዋጋኒኔ ሃ ኣላሚያ ጮ ዋጋን ካቴዳ ቲሚርቴያኒኔ አሳፕ ዩዳ ኤራቴላን ኦኒካ ሂንቴና ጨሚ ባሌሊዲ ዲያና ማላ ናጌቴቴ። 9 ያሳ ያሳቴላይ ከሪሰቶሳ አሳቴላን ኩሜላ ዴዴሰ። 10 ሂንቴካ ማታሲኔ ዋልቃ ኡባሰ ሁዔ ገዲያ ከሪሰቶሳን ኩሚዳታ።

11 ሂንቴ ከሪሰቶሳ ኣማኒዲ ቃፃሬቴዳታ። ሄሰካ አሳ ኩሽን ገደናሽን ሂንቴና ኢታ ሃኖቴላፌ ዲጊያ ከሪሰቶሳን ኦሴቴዳ ቃፃሬቴላ። 12 ሂንቴ ፃማቁቴዳ ዋዴ ከሪሰቶሳራ ኢሲፌ ሞጌቴዲ፡ ከሪሰቶሳ ሃይቆፕ ዴንሊዳ ያሳ ዋልቃ ኣማኒዲ፡ ከሪሰቶሳራ ኢሲፌ ዴንዲዳታ።

13 ሂንቴ፡ ሂንቴ ናጋራ ገሾኔ ሂንቴ ጨጋ አሳቴላ ቃፃሬቶና ገሾ ሃይቁዲ ዴዲሽን፡ ያሳይ ሂንቴ ናጋራ አቶ ገሰ። ከሪሰቶሳራ ሂንቴው ዴዳ ኣሚሰ። 14 ኢ ኦና ሞቴያኔ ኦራ ኤቁቴያ፡ ኦ ቦላ ፃፊቴዳ ኣጩዋ ዳኪዲ ማሰቃሊያ ቦላ ጳሺዲ ኦጌፕ ዲገሰ።

15 ከሪሰቶሳ ዋልቃታኔ ማታታ ማሰቃሊያን ያኒዲ፡ ኤንታ ኦላ ዳንጨዋ ቢሊሲዲ፡ ዲዔቴዳ አሳዳ ኦሊዲ ኤንታ ቆንጨን ዩሺዲ ቤሲሰ።

16 ሄሳ ገሾ፡ ሚያባን ዋይኮ ኡያባን፡ ባሌ ጋላሰ ዋይኮ ኣጌኒ ፃሪያ ቃማ ቦንቸን ኦኒካ ሂንቴ ቦላ ፕርደድ። 17 ሃይሳቴ ሲንላፌ ያናው ዴዲያባታሰ ኤሾ፡ ሺን ቴማይ ከሪሰቶሳ። 18 ቆጶፕ ቆዋ ኣሽኬቴላኒኔ ከታንቸ ጎይናን ጨቁቴያ ኦኒካ ሂንቴና ሂንቴ ዋይቴዋፕ ኣሾፎ። ሄሳ ማላ ኣሲ ባ ቤዲዳ ቆንጨላን ናሽቴሽ ባ ኣሾ ቆፋን ጮ ኦቶርቴሰ። 19 ሄሳ ማላ አሳሰ ሁዔ ገዲዳ ከሪሰቶሳራ ጋሃቴላ ባዋ። ኢ አሳቴላ ኡባ ሻያኒኔ ኬሶን ኬሶን ጋላ ኦይሊዲ ሙዚዲ ዲቼሰ። ያሳይ ሄሳ ማላ ኦጌን አሳቴላ ኡባሰ ዲቼ ኣሚሰ።

ኦራዳ ዴዳ

20 ሂንቴ ከሪሰቶሳራ ሃይቁዲ ሃ ኣላሚያ ሃሪያ ኣያናታ ዋልቃፌ ላዓ ከዩዳታ። ያቴን፡ ኣይሰ ሻኬቶና አሳዳ ገዲዲ ሃ ዋጋታሰ ሃሪቴቴ? 21 ሃ ዋጋቴ፡ «ኦይኮፋ፤ ላጮፋ፤ ቦቸፋ» ጌቴቴይሳታ። 22 ሃ ኡባይ አሳ ዋጋኔ

ቲሚርቴ ገዲያ ገሾ ኦሶ ቦላ ፕሚዳፕ ጉዬ ጳያና። 23 ሃ ከታቴ ቦንቸኔ ጨንጫቴላ ዳኒዲ ቤንታናው ዳንዳዎሶና። ሃ ዋጋቴ ያሴ ዳር ደሲሲያባ፡ ኣሽኬኔ ሂንቴ አሳቴላ ሃሪሲያባ ዳናሶና፡ ሺን ኦ ኢታ ኣሞቴላ ቦላ ዋልቁ ኤንታው ባዋ።

3

ኦራዳ ዴዳ

1 ሂዛ፡ ሂንቴ ከሪሰቶሳራ ሃይቆፕ ዴንዲዳይሳዳ፡ ያሳፌ ኡሻቻ ባጋን ኡቴዳ ከሪሰቶሰ ዴዲያ ቤሳን፡ ሳሎን ዴዲያባታ ኮዩቴ። 2 ሳሎን ዴዲያሳታ ቦላ ሂንቴ ቆፋ ዋሊቴፕ ኣቴን ሳዓን ዴዲያባታ ቦላ ዋሶቴ። 3 ሂንቴ ሃይቆን ሻኬቴዳ ማላ ሃ ኣላሚያፕ ሻኬቴዳታ። ሂንቴ ዴዳይ ከሪሰቶሳራ ኢሲፌ ያሳን ጌሚሰ። 4 ሂንቴው ዴዳ ገዲዳ ከሪሰቶሰ ቆንጨያ ዋዴ ሄ ዋዴ ሂንቴካ ኢያራ ቦንቸን ቆንጨና።

5 ሄሳ ገሾ፡ ሂንቴናን ዴዲያ ኣላሚያ ኣሞታ ዋዳቴ። ሄሳቴካ ላይማቴላ፡ ቴናቴላ፡ ላይማታናው ኣሞቴላ፡ ኤቃ ጎይና ማላ ገዲዳ ኡዜቴላ። 6 ሃይሳታ ጋሶን ያሳ ሃንቆይ ከቴቶና አሳ ቦላ ያና። 7 ሂንቴካ ካሴ ሄ ኢታ ኦጊያን ቢያ አሳ ገደን ዴዲሽ ሃይሳታ ኦሊዳታ።

8 ሃዒ ሂንቴ ሄሳታ ኦሶፊቴ። ቃሲ ሃንቆ፡ ኢያ፡ ካቼ፡ ዚጊርሲኔ ቦርሶ ኦዳ ሂንቴፌ ዲጌት። 9 ጨጋ አሳቴላ ኢያ ኦሶዋራ ሂንቴፌ ቃሪዳ ገሾ ኢሶይ ኢሶዋሰ ዋርዶቶፕቴ። 10 ያሳ ሜዶ ዳኒያ፡ ኤራቴላን ላሚቴዳ ኦራላ አሳቴላ ማዒቴ። 11 ሃ ኦራላ ሜዶቴላን፡ ገሪኬ ኣሲ ዋይኮ ኣይሁዴ ኣሲ፡ ቃፃሬቴዳይ ዋይኮ ቃፃሬቶናይ፡ ሳርባሪ ኣሲ * ዋይኮ ኢሰኩቴ ኣሲ † ኣይሌይ ዋይኮ ዋማናይ ባዋ። ከሪሰቶሰ ኡባ፤ ኢ ኡባን ዴዴሰ።

12 ሄሳ ገሾ፡ ያሳን ደሬቴዳ አሳዳ ጌሻታኔ ደሴቴዳይሳታ ገዲዲ፡ ማርቴላ፡ ከሃቴላ፡ ኣሽኬቴላኔ ዳንዳዎ ማዒቴ። 13 ኢሶይ ኢሶዋ ዳንዳዒቴ። ኦኒካ ባ ላጊያን ቆሃቴዳባይ ዴዲኮ ኢያው ኣቶ ጎ። ጎዳይ ሂንቴው ኣቶ ገዳይሳዳ ሂንቴካ ዋሊሰ ኣቶ ገቴ። 14 ሄ ኡባ ቦላ ኡባባ ኢሲፌ ሺሺዲ ቃቺያ ሲቆ ማዒቴ። 15 ያሳይ ሂንቴና ኢሲ ኣሲ ኦሊዲ ፃጊዳይ፡ ሳርቴላሰ ገዲያ ገሾ ከሪሰቶሳ ሳርቴላይ ሂንቴ ዋዛና ሃር።

16 ከሪሰቶሳ ቃላይ ሂንቴ ዋዛናን ኩሚዲ ዴዳ። ጨንጫቴላ ኡባን ኢሶይ ኢሶዋ ታማርሲቴኔ ዘሪቴ። ማዘሙራን፡ ሳባኒኔ ኣያና ዩላን ያሳ ዋዛናፕ ጋላቴሽ ዩፃቴ። 17 ያሳ ኣዋ ዩሱሳ ባጋራ ጋላቴሽ ሂንቴ ኦዴቴያባ ዋይኮ ኦሊያባ ኡባ ጎዳ ዩሱሳ ሱንላን ኦሊቴ።

ኣማኒያ አሳ ዲሳ

18 ማቼቶ፡ ኣማኒያ አሳሰ ቤሲያባ ገዲያ ገሾ ሂንቴ ኣዚናታሰ ሃሪቴቴ።

19 ኣዚናቶ፡ ሂንቴ ማቼታ ሲቁቴ፤ ኤንታው ኢቶፕቴ።

20 ናይቶ፡ ሂንቴና ዩሊዳይሳታሰ ኡባባን ከቴቴቴ፤ ሄሲ ጎዳ ኡፋይሲያባ።

21 ኣዋቶ፡ ሂንቴ ናይቴ ኡፋይሲ ቃንጎና ማላ ኤንታ ጨሚሶፊቴ።

2:12 ሮሜ 6:4 2:13 ኤፌ 2:1-5 2:14 ኤፌ 2:15 2:16 ሮሜ 14:1-6 2:19 ኤፌ 4:16 3:1 ማዘ 110:1 3:9 ኤፌ 4:22 3:10 ሜዶ 1:26፤ ኤፌ 4:24 * 3:11 ባርባሪ ኣሲ፡ ጉሳይ ታማሪቦና ዋይኮ ኤርና ዋይኮ ዩሊቴዳ ማላ ሰዒ ገዲ ዴዲያ ኣሲ ጉሱ። † 3:11 ኢሰኩቴ ኣሲ፡ ጉሳይ ዋዛና ሚና ኣሲ ዋይኮ ዋዛና ኢታ ኣሲ ጉሱ። 3:12 ኤፌ 4:2 3:13 ኤፌ 4:32 3:16 ኤፌ 5:19-20 3:18 ኤፌ 5:22፤ 1ጴጌ 3:1 3:19 ኤፌ 5:25፤ 1ጴጌ 3:7 3:20 ኤፌ 6:1 3:21 ኤፌ 6:4

22 አይሌቶ፡ ሳዓን ሂንቴው ጎዳ ገዲዳይሳታስ ኡባባን ኪቴቴ። ጎዳ ቦንቸሽ ሱሬ ዎዛና፤ ኪቴቴዲ ኤንታ ኡፋይሲቴ፤ ኣቲን ኣሲ ቤያ ገዲ ኦሎቴ።
 23 ሂንቴ ኦሎያ ኦሶ ኡባ ኣሳስ ገደናሽን ጎዳስ ኦሎያ ማላ ዎዛና፤ ኦሎቴ። 24 ጎዳ፤ ላታ ዎይቶ ኦሎዲ ሂንቴ ኤኬይሳ ኤሪቴ፤ ሂንቴ ጎዳ ኪሪሰቶሳ ሃጋዜታ። 25 ያሳይ ኣሳ ሶምዎ ቤዒዲ ፐርደና ገሾ ኦኒካ ኢታ ኦሶ ኦሎኮ ባ ኢታ ኦሶዎ ገሾ ዛር ኤካና።

4

1 ጎዳቶ፡ ሂንቴወካ ቃሲ ሳሎን ጎዳይ ዴዒይሳ ኤሪዲ፡ ሂንቴ ኣይሌታስ ዲሎቴላኒኔ ኢሱዎ ኢሱዎፊ ሻኮና ኮሺያባ ኦሎቴ።
 2 ያሳ ባርኪዲ ጋላቲሽ ቃንዎና ዎሲቴ። 3 ያሳይ ባ ቃላስ ፔንጌ ደያና ማላኔ ታኒ ሄሳ ጋሶን ቃሾን ዴዒያ ኪሪሰቶሳ ፀራ ኣዎጃና ማላ ኦሰካ ዎሲቴ። 4 ቃሲ ታካ ቤሴይሳዳ ቃላ ቆንጨሳዳ ኦደና ማላ ታው ያሳ ዎሲቴ።
 5 ኢንጃቲያ ዎዴ ኡባ ጎዴቲሽ ኣማኖና ኣሳ ማታን ጨንጫቴላን ዴዒቴ። 6 ሂንቴ ኣሳ ኡባስ ኮሺያ ዛር ኢሞ ኤራና ማላ ሂንቴ ኦዳይ ኡባ ዎዴ ኣጼ ኬሃቴላን ኩሚዳይሳኔ ማዲዳ ማልዒያባ ገደናው ቤሴሰ።

ወርሴላ ሳርታ

7 ኦ ሲቆ ኢሻይ ቲኪቆሲ፡ ታራ ኢሲፊ ጎዳ ኦሶዎን ኣይሌ ገዲዳ፡ ኣማኔቲያ ኦሳንቸይ፡ ታ ዴዐዎባ ሂንቴው ኦደና። 8 ታኒ ኢያ ሂንቴኮ ኪቴዳይ፡ ኦ ዎኒዲ ዴዒያኮ ሂንቴው ኦዲዲ ሂንቴና ሚንጮላና ማላሳ። 9 ኣናሰሞሲ፡ ኣማኔቲያ ሲቆ ኢሻይ፡ ሂንቴ ባጋይ፡ ኢያራ ሂንቴኮ ቤሰ። ኤንቴ ሃይሳን ሃኒያባ ኡባ ሂንቴው ኦደና።
 10 ታራ ቃሽቲዳ ኣሪሰዒርኮሲኔ ባርናባሳ ኢሻ ናዒይ ማርቆሲ፡ ሂንቴና ሳር ያጎሶና። ታ ሂንቴው ካሴ ኦዲዳይሳዳ ማርቆሲ ሂንቴኮ ቢኮ ኢያ ሞኪቴ።
 11 ዩሱሳ ገያ ያሰጎሲ ሂንቴና ሳር ሳር ያጌሰ። ያሳ ካዎቴላ ገሾ ታራ ኦሎያ ኣሳታ ገደፊ ኣይሁዴ ገዲዳይሳቲ ሃ ሄሻታ፤ ኤንቴ ታና ዳር ሚንጮሊደሶና።
 12 ሂንቴ ባጋይ፡ ኪሪሰቶስ ዩሱሳ ኣይሌይ፡ ኤጳፊሪ ሂንቴና ሳር ሳር ያጌሰ። ኢ ሂንቴ ያሳ ሲንሳን ሚኒዲ ኤቃናዳኔ ያሳ ሼኒያ ኤሪዲ ፖላና ማላ ኡባ ዎዴ ያሳ ሂንቴ ገሾ ዎሴሰ። 13 ኢ ሂንቴ ገሾኔ ሎደቂያኒኔ ሂራፖሊሳ ካታማን ዴዒያ ኣሳ ገሾ ዳር ዳቡሪዳይሳ ታ ማርካታይሰ።
 14 ኦ ሲቆ ኢሻይ ደቶሬይ ሉቃሲኔ ዴማሲ፡ ሂንቴና ሳር ሳር ያጎሶና። 15 ሎደቂያን ዴዒያ ኦ ኢሻታሰ፡ ኒሞፋሲኔ ኢ ኬላን ሺቂያ ኣሳሰ ኦ ሳርሉዎ ኦዲቴ።
 16 ሃ ዳብዳቢያ ሂንቴ ናባቢዳ፤ ጉዩ፡ ሎደቂያ ዎሳ ኬላን ናባቢሲቴ። ሂንቴካ ሎደቂያ ዎሳ ኬላይ ሂንቴው ዩዲያ ዳብዳቢያ ናባቢቴ። 17 ቃሲ ኣርኪጳሳ፡ «ጎዳይ ኔው ኢሚዳ ኦሶዎ ፖላናይሳ ደጎፓ» ያገዲ ቆፊሲቴ።
 18 ታኒ፡ ጳውሎሲ፡ ሃ ሳርሉዎ ታ ኩሼን 9ፋሰ። ታ ቃሹዎ ቆፐቴ።
 ያሳ ኣጼ ኬሃቴላይ ሂንቴራ ገደ።

3:22 ኤፌ 6:5-8 3:25 ኤፌ 6:5-8 4:1 ኤፌ 6:9 4:5 ኤፌ 5:16 4:7 ሃ.ኦ 20:4፤ 2ፃሞ 4:12 4:7 ኤፌ 6:21-22
 4:9 ፊልሞ 10-12 4:10 ሃ.ኦ 19:29፤ 27:2፤ ፊልሞ 24፤ ሃ.ኦ 12:12፤ 25፤ 13:13፤ 15:37-39 4:12 ቆላ 1:7፤ ፊልሞ 23 4:14
 2ፃሞ 4:10-11፤ ፊልሞ 24 4:17 ፊልሞ 2

ጳውሎስ ቱሴሎንቄ አሳሰ ፃፊዳ ኮይር ኪታ ጋላ ቆፋ

ቱሴሎንቄይ፡ ሮሜ ቢታን ዳዒያ ማቄዶኒያ አውራጃስ ዋና ካታማ። ጳውሎስ ፊልጲሲቶሳ ዬዲዲ ቢዳፕ ጉዬ ቱሴሎንቄን ዋሳ ኬላ ኤሲስ። ገደሺን፡ አይሁዳታ አማኑዋ ኤካናው ጌቲዲ ኡቲዳ አይሁዳ ገደና አሳይ፡ ጳውሎስ ታማርሲያ፡ ኪሪስቲና አማኖ ቲሚርቲያ ያኔቲዳ ገሾ አይሁዳቲ ቃናቲዲ፡ ጳውሎስ ቲሚርቲያ ጳልቀደሶና። ሃሳ ገሾ፡ ጳውሎስ ጋምዖናሺን ቱሴሎንቄ ዬዲዲ፡ ቤሪያ ቢስ (1:9-10)። ጉዬፕ ኢ ቱሴሎንቄ ጋኪዳ ዋዴ ኢያ ማዲያ ፃሞቲዮሲ ቱሴሎንቄ ዋሳ ኬላን ዳዒያ ሃናታ ኢያው ገሺዲ ኦዲስ።

ጳውሎስ ኮይር ኪታ ቱሴሎንቄ አሳሰ ፃፊዳይ፡ አማኒያ አሳ ዘራናሳኔ ሚንጤላናሳ። ኢ ኤንታ አማኑዋኔ ኤንታ ሲቁዋ ሎፖ ማርካቴሳ ሲዒዳ ዋዴ ያሳ ጋላቲስ። ካሴ ኢ ኤንታ ገደን ዳዒዳ ዋዴ አይ ማላ ዱሱ ዳዒዳኮ ኤንታ ሃሳይሴስ። ሃሳፊ ኪሪስቲሳ ናምዓንሶ ዩሳባ አይሹቲዳ አይሻስ ዛሮ አሜስ። ሃ አይሻታፕ ጉላቲ፡ «ኪሪስቲሶ ናምዓንሶ ያናፕ ሲንጤ ሃይቁዳ አማኒያ አሲ ኪሪስቲሳ ዩሳይ አሚያ ሜሪና ዴዎ ኤካናው ዳንዳዒ? ኪሪስቲሶ ናምዓንሶ ያናይ አዉዴ?» ጌቲቲይሳታ። ጳውሎስ ሃ ኢንጄ ዋዲያ ጎዳቲዲ፡ «ኪሪስቲሳ ናምዓንሶ ዩሳ ኡፋይሳን ናገሼ ኢ ያና ጋካናው ዋፑ ገዲ ሂንቲ ኦሶ አላቲ» ያገዲ ዘሪስ።

1 ቱሴሎንቄ ኪታ አይፊ ቆፋታ

- ጌሎ ቆፋ 1:1
- ጳውሎስ ኡፋይሳኔ ጋላታ 1:2-3:13
- አማኒያ አሳ ዴዎ ካሌሱዋ 4:1-12
- ኪሪስቲሳ ናምዓንሶ ዩሳባ 4:13-5:11
- ዉርሴሳ ዘሬ 5:12-22
- ኩሻ ቆፋ 5:23-28

1 ጳውሎስ ሲላሴይኔ ፃሞቲዮሲ ቱሴሎንቄ ዋሳ ኬላን ዳዒያ፡ ያሳ አዋባኔ ጎዳ ዬሱስ ኪሪስቲሳባ ገዲዳ አሳሰ ፃፊዳ ኪታ።

አጼ ኬሃቲሳይኔ ሳርይ ሂንቲው ገደ።

ቱሴሎንቄ አሳ ዴዎ-ዋኔ አማኑዋ

2 ኮኒ ያሳ ዋሲያ ዋዴ ኡባን ሂንቲና ቆፕሼ ሂንቲ ገሾ ኡባ ዋዴ ያሳ ጋላቶስ። 3 ያሳ ኑ አዋ ሲንላን አማኖን ሂንቲ አሊዳ ኦሱዋ፡ ሲቆን ሂንቲ ዳቡሪዳ ዳቡራኔ ዬሱስ ኪሪስቲሳን ዳዒያ ኡፋይሳ ኤካናው ሂንቲ ሚኒዲ ኤቁዳ ኤቁዋ ኡባ ዋዴ ቆፖስ።

4 ኑ አሻቶ፡ ያሳይ ሂንቲና ዶሴይሳኔ ባ አሴ አሊዲ ሂንቲና ዶሪዳይሳ ኤርስ። 5 አይስ ገኮ፡ ኮኒ ዋንጌላ ደና ፃላላን ገደናሺን ዋልቃን፡ ገሻ አያናኒኔ ዋንጌላ ቱማ አማኖን ሂንቲው ኤሂዳ። ኮኒ ሂንቲራ ጋምዒዳ ዋዴ ኡባን ሂንቲ ገሾ ዋኒዲ ዳዒዳኮ ሂንቲ ኤሪታ።

6 ሂንቲ ዳር ሜቶ ኤኪኮካ ገሻ አያናይ አሚያ ኡፋይሳን ኪታ ኤኪዴታ፤ ኮናኔ ጎዳ ዳኒዴታ። 7 ሃሳ ገሾ፡ ማቄዶኒያኔ አካያ ቢታን ዳዒያ አማኒያ ኡባስ ሌሚሶ ገዲዳታ። 8 ጎዳ ቃላይ ሂንቲፊ ኬዬዲ፡ ማቄዶኒያኒኔ

አካያ ፃላላን ገደናሺን ያሳ ሂንቲ አማኔይሲ ኡባሶን ሲዒቲስ። ሂዛ፡ ኮኒ ጋናባይ አይኮይካ ባዋ። 9 ኮኒ ሂንቲኮ ቢዳ ዋዴ ሂንቲ ኮና ሞኪዳ ሞኩዋኔ ሂንቲ፡ ሂንቲ ኤቃ አገዲ ቱማኔ ዴዎ ያሳ ሃጋዛናው ሂንቲ ሲሚዳይሳ ኤንቲ ባንታ ሁዒን አደሶና። 10 ቃሲ ያሳ ናባይ፡ ዬሱሲ፡ ያሳይ ሃይቆፕ ዴንጤዳይሲ፡ ሲንሳፊ ያና ያሳ ሃንቁዋፊ ኮና አሻናይሲ፡ ሳሎፕ ያናይሳ ሂንቲ ናጌይሳ ኤንቲ ማርካቶሶና።

2

ጳውሎስ ቱሴሎንቄን አሊዳ ኦሱዋ

1 ታ አሻቶ፡ ኮኒ ሂንቲኮ ቢዳይ ማላ ገደናይሳ ሂንቲ፡ ሂንቲ ሁዒን ኤሪታ። 2 ሺን ኮኒ ሂንቲኮ ቱሴሎንቄ ያናፕ ሲንጤ ፊልጲሲቶሳ ካታማን ዋዴቲዳይሳ ጫዬቲዳይሳ ሂንቲ ኤሪታ። ዳር ኢያይ ዳዒኮካ ሂንቲው ኢያ ዋንጌላ ኦዳና ማላ ያሳይ ኮሰ ሚናቴላ አሚስ። 3 ኮኒ ሂንቲና ዘሪዳይ ባሌሶን ዋይኮ ጨሞን ዋይኮ ጌኔን ገዴና።

4 ሺን ያሳይ ኮናን አማኔቲዲ ባ ዋንጌላ ኦዳና ማላ ኮሰ ሃዳራ አሚዳ ገሾ ኦደስ። ኑ ሃሳ አሌይ ኑ ዋዛና ቤዒያ ያሳ ኡፋይሳናሳፊ አቲን አሴ ኡፋይሳናሳ ገዴና። 5 ኑ ሚሼ ያሪዲ ዋርዶ ሂንቲና ሳቢሼ ሂንቲኮ ዮናይሳ ሎይሊዲ ኤሪታ፤ ያሳይ ኮሰ ማርካ። 6 ኮኒ ሂንቲፊ ገዲን ዋይኮ ሃራ አሳ ኦዴፊካ ቦንሻ ኮዩቦኮ። 7 ኮኒ ኪሪስቲሳ ሃዋሬ ገዴይሳዳ ኮሰ ኮሺያባ አሚቲ ገዲ ኤካናው ዳንዳዮስ፡ ሺን አያ ባ ናይታ ዲቼይሳ ማላ ሂንቲ ገደን አሽኬ ገዲዳ። 8 ኑ ሂንቲና ዶሲዳ ገሾ ያሳ ዋንጌላ ሂንቲው ሻኮ ፃላላ ገደናሺን ኑ ዴዑዋካ ሂንቲው አማኖው ገገዳ። ሂንቲ ኮሰ ዳር አሊዳ። 9 ኑ አሻቶ፡ ኑ ኦሱዋኔ ኑ ዳቡራ ኤሪታ። ሂንቲው ያሳ ዋንጌላ ኦዲሼ፡ ሂንቲና ዋይሶና ማላ ቃማኔ ጋላስ አሊዳ።

10 ኑ ዴዎይ ሂንቲ አማኔይሳታ ማታኒኔ ያሳ ሲንላን ጌሽ፡ ፃሎኔ ቦሪቶናይሳ ገዴይሳስ ሂንቲ ማርካ። 11 ኮኒ ሂንቲው ሁዒን ሁዒን ዬሊዳይሳቲ ባንታ ናይታስ ሃኔይሳዳ ሃኒዳይሳ ኤሪታ። 12 ኑ ሂንቲና ዘሪዳ፡ ሚንጤሊዳ። ቃሲ ባ ካዋቲላኔ ባ ቦንቹዋ ሻካናው ሂንቲና ፃገያ ያሳ ኡፋይሲያ ዴዎ ሂንቲ ዳና ማላ ሂንቲው ሚንጤዲ ኦዲዳ።

13 ሂንቲው ኮኒ ያሳ ቃላ ኦዲዳ ዋዴ አሳ ቃላዳ ገደናሺን ያሳ ቃላዳ ሲዒዲ ኤኪዳ ገሾ ኮኒ ኡባ ዋዴ ያሳ ጋላቶስ። ኢ ቱማ ያሳ ቃላ፤ ያሳ ቃላይ አማኒያ ሂንቲናን ኦሌስ።

14 ታ አሻቶ፡ ሂንቲ ዩሁዳ ቢታን ዳዒያ ዋሳ ኬላታኔ ያን ኪሪስቲሶ ዬሱሳ ካሊያ አሳታዳ ሃኒዴታ። ኤንታ አይሁዳቲ ዋይሲዳይሳዳ ሂንቲናካ ሂንቲ ቢታ አሳይ ዋይሲዳሶና። 15 ሃ አይሁዳቲ ጎዳ ዬሱሳኔ ናቤታ ዋጂደሶና፤ ቃሲ ኮና ጎዲደሶና። ኤንቲ ያሳ ኡፋይሶናይሳታኔ አሴ ኡባ ኢያይሳታ። 16 ኤንቲ ሃሪ አቶሺን፡ አይሁዳ ገደና አሳይ አታና ማላ ኮኒ ኤንታው ቃላ አይይሳ ዲጎሶና። ሃሳዳ ሃኒዲ ኤንታ ናጋራ ፀሓይ ኩማና ጋካናው ኡባ ዋዴ ናጋራ አላሶና። ዉርሴላን፡ ያሳ ሃንቆይ ኤንታ ቦላ ዋጂስ።

ጳውሎስ ቱሴሎንቄ አሳ ዛሪ ቤዓናው አሞቲስ

17 ሺን ኑ አሻቶ፡ ኮኒ ኑ ቆፋን ገደናሺን አሻን ሂንቲፊ ሻኬቲዲ ጉላ ዋዴ ጋምዒዳይሳን ሂንቲና ዳር ላሞቲዲ ቤዓናው ኮዩዳ። 18 ኑ ሲሚ ሂንቲኮ ባናው ኮዩዳ።

ታሊ ታ ሁዔን ሂንቴኮ ባናው ኮያሰ፡ ሺን ፃላሄይ ኑና ደጊሰ። 19 ሂዛ፡ ኑ ጎዳ ዩሱሰ ኪሪሰቶሲ ያ ዎዴ ኑ ኡፋይሳይ ዎይኮ ኑ ጨቁቲያ ኑ ካላቻይ ኦኔ? ሂንቴና ጊዴኬቲዬ? 20 ቱማ ሂንቴ ኑ ቦንቶኔ ኑ ኡፋይሲ።

3

1 ሃሳ ጊሾ፡ ኑሰ ጌንጫናው ዳንዳዔቶና ኢዲን፡ አቴና ካታማን ኑርካ አታናው ቆፋ ቃቸዳ። 2 ሂንቴና ዘራናዳኔ አማኖን ሂንቴና ሚንጭላናዳ ኑራ ኢሲፌ ያሳሰ ኦፊይሳኔ ኪሪሰቶሳ ዎንጌላ ኦዲያ ኑ አሻ ዲሞቲዮሳ ሂንቴኮ ከቲዳ። 3 ሂንቴና ጋኪዳ ጎዳን ሂንቴፌ ኦኒካ ጉዬ ሲሞፎ። ሄ ጎዳይ ኑሰ ያሳ ሺኔ ጊዴይሳ ሂንቴ፡ ሂንቴ ሁዔን ኤሬታ። 4 ኑ ሂንቴራ ዳዒያ ዎዴ ጎዳ ጋካናይሳ ሂንቴው ኮይሮቲዳ ኦዲዳ። ሂንቴ ኤሬይሳ ማላ ሃሳዳ ሃሊሰ። 5 ሃሳ ጊሾ፡ ታው ጌንጫናው ዳንዳዔቶና ኢዲን፡ «ኦኒ ኤሪ ፃላሄይ ኤንታ ፓጩዲ ኑ ዳቡራ ማላ አሻና አጌና» ጋዳ ሂንቴ አማኑዋባ ኤራናው ዲሞቲዮሳ ሂንቴኮ ኪታሰ።

6 ሃዒ ዲሞቲዮሲ ሂንቴ ማታፔ ዩዲ፡ ሂንቴ አማኑዋባኔ ሂንቴ ሲቁዋባ ሎዎ ዎሪ ኦዲሰ። ቃሲ ሂንቴ ኡባ ዎዴ ኑሰ ሎዎ ቆፔይሳኔ ኦኒ ሂንቴና ቤዓናው ላሞቲይሳዳ ሂንቴካ ኑና ቤዓናው ላሞቲይሳ ኢ ኑሰ ኦዲሰ። 7 ታ አሻቶ፡ ኑና ጋኪያ ዋያኒኔ ኑ ሜቶ ኡባን ሂንቴ አማኑዋ ጊሾ ሂንቴናን ሚኔቲዳ። 8 ሂንቴ ጎዳን ሚኒዲ ዳዒኮ ኑካ ዳዎን ዳዎሰ። 9 ሂዛ፡ ኦኒ ሂንቴ ጋሶን ዳሚዳ ኡፋይሳሰ ያሳ ዋቲ ጋላቲኖ? 10 ኦኒ ሂንቴና ቤዓናውኔ ሂንቴ አማኑዋን ፓጩዳባ ኩንላናው ቃማኔ ጋላሰ ኑ ኩሜላ ዎዳናን ያሳ ዎሶሰ።

11 ያሳይ ኑ አዋይ ባ ሁዔኒኔ ኑ ጎዳይ ዩሱሰ ኪሪሰቶሲ ኑ ሂንቴኮ ባና ኦጊያ ጊሊሶ። 12 ኑ ሂንቴና ዳሮ ዶሴይሳዳ ጎዳይ ሂንቴ ኢሶይ ኢሱዋ ሰቁያ ሰቆኔ ኦሴ ኡባ ሰቁያ ሰቆ ሂንቴው ዳርሶኔ ጉጅ። 13 ኑ ጎዳይ ዩሱሰ ኪሪሰቶሲ ባ ጌሻታራ ያ ዎዴ ያሳ፡ ኑ አዋ ሲንላን ሂንቴ ዎዳናይ ጌሺኔ ቦሪይ ባይናይሳ ኦፊዲ ኢ ሂንቴና ሚንጭላና።

4

ያሳ ኡፋይሲያ ዳዎ

1 ወርሴላን፡ ታ አሻቶ፡ ያሳ ኡፋይሳናው ሂንቴ ዋኒዲ ዳናው ቤሲያኮ ኑፔ ታማሪዳታ። ሄሲ ሂንቴ ኮይሮፔ ዳዒዳ ዳዑዋ፡ ሺን ሃዒ ሂንቴ ካሴይሳፌ ኦፊዲ ኦላናዳ ጎዳ ዩሱሳ ሱንላን ሂንቴና ዎሶሲኔ ዘርሰ። 2 ኦኒ ጎዳ ዩሱሳ ማታን ሂንቴና ከቲዳ ከታይ ኦወሴኮ ኤሬታ።

3 ያሳይ፡ ሂንቴ ጌሺ ጊዳና ማላኔ ላይማቶና ማላ ኮዬሰ። 4 ሂንቴ ኢሶይ ኢሶይ፡ ሂንቴ ማቸታራ ጌሻቴላኒኔ ቦንቶን ዳናው ቤሴሰ። 5 ያሳ ኤርናኔ አማኖና ኦሳዳ ላይማቲላ አሞን ፀ-ጌቶፊቴ። 6 ኑ ካሴ ሂንቴው ኦዲዳይሳዳኔ ሚንጫ ዘሪዳይሳዳ ጎዳይ ሃሳ ማላባ ኦፊያ ኡባ ፐርዲያ ጊሾ ኦኒካ ሃይሳታን ባ አማኒያ አሻ ናቃናውኔ ጨማናው ቤሴና። 7 ያሳይ ኦኒ ጌሽቴላን ዳና ማላፔ አቲን ቱናቴላን ዳና ማላ ዪጊቤና። 8 ሃሳ ጊሾ፡ ሃ ቲሚርቲያ ኢዲያ ኦኒካ ሂንቴው ጌሻ ኦያና ኢሚያ ያሳ ኢዳሰፔ አቲን ኦሴ ጊዳና።

9 ሂንቴ ኢሶይ ኢሱዋ ዋቲ ሲቃኔኮ ያሳይ ሂንቴና ታማርሲዳ ጊሾ ሃዒ ሲቆባ ኑ ሀንቴው ፃፋናው ኮሼና። 10 ቃሲ ማቁደኒያ ቢታን ዳዒያ አማኒያ አሻታ ኡባ ቱማ ሂንቴ ዶሴታ። ሺን ኑ አሻቶ፡ ሃዒካ ሂንቴ ኤንታ ኦፊ ዳሳና ማላ ሂንቴና ዎሶሰ።

11 ኦኒ ካሴ ሂንቴው ኦዲዳይሳዳ ዎፑ ጊዳ ዳዑዋ ዳዒቴ። ሂንቴ፡ ሂንቴ ኦሶ ኦፊዲ ሂንቴው ዳሳሰ ኮሺያባ ዳሚቴ። 12 ሃሳዳ ሃሊኮ፡ አማኖናይሳታ ማታን ሂንቴ ቦንቸታና፤ ቃሲ ሂንቴና ኮሺያባሰ ኦናካ ኦዳሼኬታ።

ጎዳ ዩሳባ

13 ኑ አሻቶ፡ አማኒዲ ሃይቁዳ ኦሳቲ ሃናናባ ሂንቴ ኤራና ማላ ኮዮሰ። ሂንቴ ኤንታ ጊሾ ኡፋይሲ ባይና ኦሳዳ ካዮቶፊቴ። 14 ኦኒ፡ ዩሱሲ ሃይቁዳይሳኔ ቃሲ ሃይቆፔ ዳንዲዳይሳ አማኖሰ። ሃሳዳካ፡ ያሳይ ዩሱሳ አማኒዲ ሃይቁዳይሳታ ኢያራ ዎላ ኤሃናይሳ አማኖሰ።

15 ጎዳይ ኑሰ ኦዲዳይሳዳ ጎዳይ ያ ጋላሰ ኢያራ ጋሃታናው ኦኒ ፓፃ ዳዒይሳቲ፡ ሃይቁዳይሳታፔ ሲንላቶኮ። 16 ጎዳይ ዎልቃማ ከታራ፡ ከታንቸታ ሃላቃ ጊርሳራ፡ ያሳ ሞይዜ ፑናራ፡ ሳሎፔ ዎቆ። ኪሪሰቶሳ አማኒዲ ሃይቁዳይሳቲ ኮይሮቲዳ ሃይቆፔ ዳንዳና። 17 ሃሳፌ ጉዬ፡ ሄ ዎዴ ኦኒ ፓፃ ዳዒይሳቲ፡ ጎዳራ ሻራን ጋሃታናው ኤንታራ ኢሲፌ ሳሎ ኤኬታና። ሃሳፌ ጉዬ፡ ኦኒ ጎዳራ ኢሲፌ ሜሪናው ዳና። 18 ሃሳ ጊሾ፡ ሃ ቃላን ኢሶይ ኢሱዋ ሚንጭላቴ።

5

ጎዳ ዩሳ ጊሊዲ ናጊቴ

1 ታ አሻቶ፡ ሃ ሃኖቲ ሃናና ዎዲያኔ ኦጌና ሂንቴው ፃፋናው ኮሼና። 2 ጎዳ ጋላሳይ ካይሶይ ቃማ ዩይሳዳ ያናይሳ ሂንቴ ሎይላ ኤሬታ። 3 ኦሳይ፡ «ሳዒ ሳር፡ ኦይኮይካ ሃኔና» ያጊሺን፡ ማጫሰ ኢቁላ ኦይኬይሳዳ ቆዮይ ኤንቲ ቆፖና ኤንታ ቦላ ያና። ኤንቲ ኦይ ኦኒካ ኬሲ ኤኮኮና።

4 ሺን ኑ አሻቶ፡ ሃ ጋላሳይ ሂንቴው ካይሶይ ዩይሳዳ ያናው ሂንቴ ቋማን ዳዒኬታ። 5 ሂንቴ ኡባይ ፖዎ ኦሲኔ ጋላሳን ዳዒያ ኦሲ፤ ኦኒ ቃማ ኦሲ ዎይኮ ቋማ ኦሲ ጊዳኮ። 6 ሃሳ ጊሾ፡ ኦኒ ሃራቲ ዲሰኬይሳዳ ዲሰካናው ቤሴና፤ ኦኒ ባርካንወኔ ጊሊዲ ዳናው ቤሴሰ። 7 ዲሰኬይሳቲ ቃማ ዲሰኮሶና፤ ማላቲይሳቲ ቃማ ማላቶሶና። 8 ሺን ኦኒ ጋላሳ ኦሲ ጊዲያ ጊሾ ጊሊዲ ዳናው ቤሴሰ። አማኖኔ ሲቆ ፀሩሬዳ ቲራን ማዒዲ፡ ኦቶቴላ ኡፋይሳ ሁዔን ዎላያ ኦላ ቢራታ ባርኔፃዳ ዎላዲ ዳናው ቤሴሰ። 9 ያሳይ ኑና ኑ ጎዳ ዩሱሰ ኪሪሰቶሳ ባጋራ ኩሜላ ኦቶቴላ ኤካና ማላ ዳሪሰፔ አቲን ሃንቆሰ ዳሪሴና። 10 ኦኒ ፓፃ ዳዒን ዎይኮ ሃይቁን፡ ኪሪሰቶሲ ያ ዎዴ ኢያራ ኢሲፌ ዳና ማላ ኪሪሰቶሲ ኑ ጊሾ ሃይቁሰ። 11 ሃሳ ጊሾ፡ ሂንቴ ካሴ ኦፊይሳዳ፡ ኢሶይ ኢሱዋ ሚንጭላቴኔ ዲቸቴ።

ወርሴላ ዘሬኔ ሳርታ

12 ኑ አሻቶ፡ ሂንቴ ጊዳን ኦፊይሳታ፡ ሂንቴና ካሌላና ማላኔ ዘራና ማላ ጎዳይ ዳሪዳይሳታ ቦንቻና ማላ ሂንቴና ዎሶሰ። 13 ኤንቲ ኦፊያ ኦሱዋ ጊሾ ኤንታ ዳር ቦንቸቴኔ ሲቁቴ። ኢሶይ ኢሱዋራ ሳርቴላን ዳዒቴ።

14 ኑ አሻቶ፣ ኑኒ ሂንቴና ዘርሰ። ቦዛታ ሃንቂቴ፤
 ባቤይሳታ ሚንጭላቴ፤ ዳቡራንቸታ ማዲቴ፤ አሴ ኡባ
 ዳንዳዲቴ። 15 ኑኒካ ኢታ ጊሾ ኢታ ዛርና ሜላ ናጌቴቴ።
 ሂንቴ ዋሊሲኔ አሳ ኡባሰ ሎዖባ አሳናው ሚኒቴ።

16 ኡባ ዋዴ ኡፋይቴቴ። 17 ኡባ ዋዴ ያሳ ዋሲቴ።
 18 ኡባባን ጋላቴቴ። ኪሪሰቶሰ ዩሱሳ ባጋራ ያሳይ
 ሂንቴፌ ኮዬይ ሄሳ።

19 ጌሻ አያና ኦሱዋ ቶይሶፒቴ። 20 ቲንቢቴ ቃላ
 ካዶፒቴ። 21 ኡባባ ፓጩቴ፤ ሎዖባ ኤኪቴ። 22 ኢታ
 ኦሶ ኡባፌ ሃኪቴ።

23 ሳር አሚያ ያሳይ ባ ሁዔን ሂንቴና ፖሎ ጌሾ። ኑ
 ጎዳይ ዩሱሰ ኪሪሰቶሲ ያና ጋላሳሰ፣ ያሳይ ሂንቴ አያና፣
 ሂንቴ ሸምፑዋኔ ሂንቴ ኩሜላ አሳቴላ ቦሬይ ባይና
 ናጎ። 24 ሂንቴና ዌይይሲ አማኔቴዳይሳ ጊዲያ ጊሾ ሄሳ
 ኢ ፖላና።

25 ኑ አሻቶ፣ ኑሰ ያሳ ዋሲቴ።

26 አማኒያ አሳ ኡባ ጌሻ ዩሬቴላን ሳርሲቴ።

27 ሂንቴ ሃ ኪታ አማኒያ አሳ ኡባሰ ናባባናዳ ጎዳ
 ሱንላን ሂንቴና ዋሳይሰ።

28 ኑ ጎዳ ዩሱሰ ኪሪሰቶሳ አዶ ከሃቴላይ ሂንቴራ
 ኢሲፌ ጊዳ። አሚንዒ።

ጳውሎስ ቲሴሎንቄ አሳስ ፃፊዳ ናምዓንሉ ኪታ ጋሳ ቆፋ

ኪሪስቶስ ናምዓንሉ የሳ ቦላ ዴንዲዳ እይሾይ ፓላማ ሜዲሽ ቢዳ ጊሾ ቲሴሎንቄ ዋሳ ኬላን ሜቶይ ዳሪ ዳሪ ቢስ። ጳውሎስ ቲሴሎንቄ አሳስ ፃፊዳ ናምዓንሉ ኪታይ። «ጎዳ የሳ ጋሳሳይ ማቲስ» ያጊያ አማኖ ቲሚርቲያ ቦላ ሚንሲዲ ኦዴስ። ጳውሎስ ኦዲሽ። ኪሪስቶስ ያናፕ ሲንጮ። «ጌላ ኡራ» ጌቲቲያ ኪሪስቶስ ኢይይሳ ካሌሱዋን ሃ አላሚያ ቦላ ኢታቴሌኔ ጌላቴሌ ዳሪሽ ባና ያጊዲ ኤንታ አማኑዋ ሱሪሱስ።

ሃዋሪይ። ሜቶይን ዋይይ ዳሪኮካ ኤንቲ ባንታ አማኑዋን ሚናናዲ ኢኔ ኢያራ ኢሲፌ ዴዴይሳቲ ኦፊይሳዳ። ኤንቲ ባንታ ዱሳስ ኮሺያባ ዴማናው ሚኒዲ ኦላና ማላ ቃሲ ሎፖ ኦሶ ኦላናው ጉዬ ጎና ማላ ኤንታ ሚንሲዲ ዞሪስ።

2 ቲሴሎንቄ ኪታ አይፌ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ኪሪስቶስ ናምዓንሉ የሳባ ኢሜቲዳ ቲሚርቲ 2:1-17

አማኖ ዱሳ ዋጋ ቦላ ኢሜቲዳ ዞሪ 3:1-15

ኩሻ ቆፋኔ ሳርሞ 3:16-18

1 ጳውሎስ። ሲላሴይኔ ሚሞቲዮሲ ቲሴሎንቄ ዋሳ ኬላን ዴዲያ። ያሳ አዋባኔ ጎዳ ዩሱስ ኪሪስቶስ ቢዲዳ አሳስ ፃፊዳ ኪታ።

2 ያሳ ኑ አዋፔኔ ጎዳ ዩሱስ ኪሪስቶስ አጼ ኬሃቴላይኔ ሳርቴላይ ሂንቲው ጊዳ።

ኪሪስቶስ ያ ዋዴ ሃናና ፐርዳ

3 ኑ አሻቶ። ሂንቲ አማኖይኔ ሂንቲ ኢሶይ ኢሱዋኔ ሃራታ ሰቂያ ሰቆይ ዳር ዲጨያ ጊሾ ኑኒ ሃሳስ ያሳ ኡባ ዋዴ ጋላታናው ቤሴስ። 4 ሂንቲና ጋኪዳ ጎዳኒኔ ዋይ ኡባን ጌንጫኒኔ አማኖን ሚኒዲ ኤቁዳ ጊሾ ኑኒ ኑ ሁዴን ያሳ ዋሳ ኬላታን ሂንቲባ ማርካቲሽ ሂንቲናን ጨቁቶስ።

5 ሂንቲ ኢያ ጊሾ ጊዲ ሜቶ ኤኪያ ያሳ ካዋቴላስ ቤሴይሳታ ጊዲዲ ታይቤታና ማላ ያሳ ሚሎ ፐርዳስ ሃይሲ ማላ። 6 ያሳይ ቱማ ፐርዳ ፐርዳና። ያሳይ ሂንቲና ዋይሴይሳታ ቦላ ዋይ ኤሃና። 7 ጎዳይ ዩሱስ ባ ዋልቃማ ኪታንቸታራ። ታማ ላጮራ ሳሎፔ ያ ዋዴ ዋይቲያ ሂንቲናኔ ኑና ሽምፒሳና። 8 ቃሲ ያሳይ ባና ኤርናይሳታኔ ኑ ጎዳ ዩሱስ ኪሪስቶስ ዋንጌላስ ኪቲቶናይሳታ ፐርዳና። 9 ኤንቲ ጎዳ ሲንሳፌኔ ኢያ ቦንቸዋ ዋልቃፌ ቫኬቲዲ ሜሪና ቆዩዋን ፐርዳታና።

10 ሃ ጋላስ። ኢ ባይሳታኒኔ ባና አማኔይሳታ ኡባን ቦንቸታንዉኔ ሳቤታናው ያ ዋዴ ኑ ሂንቲው ኦዲዳ ኪታ ሂንቲ አማኒዳ ጊሾ ሂንቲ ኢያ ቦንቸይሳታ ጊዳኒኔ ሳቤይሳታ ጊዳን ዳና።

11 ኑኒ ሂንቲው ኡባ ዋዴ ያሳ ዋሴይ ሃሳሳ። ኑ ያሳይ ሂንቲና ጃጊዳ ዴቡዋስ ቤሴይሳታ ጊዲዲ ታይቤታና ማላ ኑኒ ዋሶስ። ሂንቲ ሎፖባ ኦላናው አሞቲያ አሙዋኔ ሂንቲ አማኖ ኦሱዋ ኢ ባ ዋልቃን ፖሎ። 12 ሃሳን ኑ

ያሳኔ ኑ ጎዳ ዩሱስ ኪሪስቶስ አጼ ኬሃቴላን። ጎዳ ዩሱስ ሱንላ ሂንቲ ቦንቸና፤ ሂንቲናካ ኢ ቦንቸና።

2

ጌላ ኡራ

1 ኑ አሻቶ። ኑ ጎዳ ዩሱስ ኪሪስቶስ የሳባኔ ኑ ኢያራ ጋሃታናው ሺቃናባስ ኑ ሂንቲና ዋሶስ። 2 ቲንቢቲን ዋይኮ ሃራ አሳፔ ሲዲዳ ቃላን ዋይኮ ኑፔ ኤኪዳ ኪታዳ ኦሊዲ። «ጎዳ ጋሳሳይ ጋኪስ» ጊዲ ሂንቲ ዋዛናይ ዳጋሞፎኔ ዋባቆፖ። 3 ሂንቲና ኦኒካ አይ ኦጊካ ባሌላፎ። ካሴቲዲ ዉርሴላ ኡራ ጌላቴላይ ቆንጮናኔ ቆዩይ ቤሲያ ጌላ ኡራይ ዮና ዴዲሽ። ጎዳ ጋሳሳይ ጋኪና። 4 አሲ ጎይኒያባኔ ያሳያባ ኡባ ኢ ኢፃናኔ ባና ቆቁ ኦላና። ሃሪ አቶሺን። ያሳ ኬሌ ጌሊ ኡቲዲ። «ታኒ ያሴ» ጋና።

5 ታኒ ሂንቲው ዴዳሽ ሂንቲው ኦዲዳይሳ አኬኬኬቲ? 6 ኢ ባ ጋሳሳን ያናፕ አቲን ሃዲ ዮናዳ አይቢ ኢያ ቲቁያኮ ኤሬታ።

7 አሳስ ቆንጨቦና ጌላቴላ ፀራ ዋልቃይ ሃዲካ ኦፊስ። ሺን ሃዲ ኢያ ቲቁይሲ ዴዴስ። ኢያ ቲቁይሲ ኦጌፔ ኪቻና ጋካናው ኢ ቆንጨፎና። 8 ሃሳፌ ጉዬ። ጌላ ኡራይ ቆንጨፎና። ሺን ጎዳ ዩሱስ ባ ዶናፔ ኬያ ሽምፑዋን ባ ቦንቸ የሳን ኢያ ዋቆና። 9 ጌላ ኡራይ ያላሂያ ዋልቃን ዩዲ ዋርዶ ማላታታኔ ማላሊሲያባታ ኦላና። 10 ሃሳዳካ። ቆዩስ ዴዲያ አሳታ ዲማ ዲማ ጨሚያ ኢታ ኦሶን ባሌላና። ኤንቲ ቆዩዳይ አሺያ ቱማ ደሲዲ ኤኮና ኢዳዳ ጊሾሳ። 11 ሃሳ ጊሾ። ኤንቲ ዋርዶ ጊዲያባ አማናና ማላ ያሳይ ዋልቃማ ባሌሶ ኤንታ ቦላ ዩዳና። 12 ሂሲካ። ቲማ አማኖና አሳቲ። ናጋራ ኦሶን ኡፋይቲሳቲ ኡባይ ፐርዳታና ማላሳ።

አቶቴላስ ዶሪቲዳ አሳታ

13 ጎዳይ ደሲያ ኑ አሻቶ። ኑኒ ያሳ ሂንቲ ጊሾ ኡባ ዋዴ ጋላታናው ቤሴስ። ሂንቲ አታና ማላ ያሳይ ጌሻ አያና ዋልቃን ሂንቲና ጌሺዳይሳኔ ሂንቲካ ቱማ አማኒዳይሳን ኢ ሂንቲና ባይራዳ ዶሪስ። 14 ያሳይ። ኑ ሂንቲው ኦዲዳ ዋንጌላ ባጋራ ሂንቲና ጃጊዳይ። ሂንቲ ኑ ጎዳ ዩሱስ ኪሪስቶስ ኢሲፌ ቦንቸታናሳ። 15 ሃዛ። ኑ አሻቶ። ሚኒዲ ኤቁቲ። ኑኒ ሂንቲና ኑ ዶናን ጊዲን ዋይኮ ዳብዳቢያን ጊዲን ታማርሲዳ ቲሚርቲያ ኦይኪቲ።

16-17 ያሳይ ኑ አዋይ ኑና ደሴስ። ኢ ኦስ ኬሃ፤ ኢ ሜሪና ሚንጮኦኔ ሎፖ ኡፋይሳ ኦስ አሚስ። ሂንቲ ኡባ ዋዴ ሎፖባ ኦላናዉኔ ኦዴታናው ኢ ሚንጮላና ማላኔ ማዳና ማላ ኑ ጎዳ ዩሱስ ኪሪስቶስ ያሳ ኑ አዋ ዋሶስ።

3

ኦስ ዋሲቲ

1 ዉርሴላን ኑ አሻቶ። ጎዳ ቃላይ ሂንቲ ጊዳን ኤሌሲዲ ዳልጋናዳኔ ቦንቸታናዳ ኦስ ዋሲቲ። 2 ሃሳዳካ። አሲ ኡባይ ቃላ ሲዲዲ አማኖና ጊሾ ያሳይ ጌላታፔኔ ኢታ አሳታፔ ኑና አሻና ማላ ኦስ ዋሲቲ።

3 ሺን ጎዳይ አማኔቲዳይሳ፤ ኢ ሂንቲና ሚንጮላናኔ ያላሂፔ ናጋና። 4 ኑኒ ሂንቲና ኪቲይሳ ሃዲካ ሲንሳፌካ ሂንቲ ኦላናይሳስ ጎዳን ኑኒ አማኔቶስ።

5 ጎዳይ ሂንቴ ዋዛና ያሳ ሲቁዋኮኔ ኪሪሰቶሳ ዳንዳዳኮ ካሌሉ።

አሶ ቢሎና ዴባቲ

6 ኑ አሻቶ፣ ሂንቴ ኑፔ ኤኪዳ ኪታ ካሎናይሳታፔኔ አሶ ቢሊያ አዛላ አማኒያ አሳታፔ ሂንቴ ሻኬታናዳ ጎዳ ዩሱሰ ኪሪሰቶሳ ሱንፋን ሂንቴና ኪቶሰ። 7 ኑዳ ሃኒዲ ዳናው ቤሴይሳ ሂንቴ፣ ሂንቴ ሁዔን ኤሪታ። ኑኒ ሂንቴራ ዴባቲ ዋዳ አሶ ቢሊቦኮ። 8 ኑኒ ኦዴፊካ ካሌ ማላ ማቦኮ። ኑሰ ዳንዳዴቲዳ ማላ ቃማኔ ጋላሰ ኦሌ ደቡሪዲ ዴባቲ አቲን ኦዴሰካ ቶሆ ገዲቦኮ። 9 ኑኒ ሃሳ ኦሌዳይ፣ ሂንቴው ለሚሶ ገዳናሳፊ አቲን ሂንቴፊ ማዴ አይቻናው ኑሰ ማቲ ቆዩና ገዴና። 10 ኑ ሂንቴራ ዴባቲ ዋዳ፣ «ኦላናው ኮዮና አሲ ኦኒካ ሞፖ» ያገዲ ኪቲዳ።

11 ኑኒ ሃሳ ገዳይ፣ ሂንቴ ገደን አሲ አሲ አዛላቲ ዴባቲ ሲዲዳ ገሾሳ። ሄ አሳቲ ጌልሶናባን ጌሊዲ ሃራታ አሶ ቢሊሶሶናፔ አቲን አይኮካ አቶና። 12 ኑኒ ሃሳ ማላ አሳቲ ማራ ዴዎ ዳናዳኔ ባንታና ኮሺያባ ኦሌዲ ዴማናዳ ጎዳ ዩሱሰ ኪሪሰቶሳ ሱንፋን ኤንታ ኪቶሲኔ ዘርሰ።

13 ሺን ኑ አሻቶ፣ ሎዎ አሶ ኦላናው አዛሎፊ።

14 ሃዲ ኑኒ ሃ ዳብዳቢያን ኪቲዳ ኪታሰ ኪቲቶና አሲ ኦኒካ ዴባቲ ሄ ኡራ ኤሪቲ። ኢ ዩላታና ማላ ኢያፔ ሻኬቲ። 15 ሺን ኢያ አሻዳ ሴሪቴፔ አቲን ሞርኬዳ ያሎፊ።

ዉርሴላ ሳርታ

16 ሳር አሚያ ጎዳይ፣ ባ ሁዔን ሂንቴው ኡባ ዋዴኔ ኡባ ባጋራ ሳር አሞ። ጎዳይ ሂንቴ ኡባራ ገደ።

17 ታኒ ጳዉሎሲ፣ ሃ ኪታ ታ ኩሼን ፃፋሰ። ታ ኪታ ኡባሰ ማላይ ሃይሳ፤ ታኒ ሃሳዳ ፃፋይሰ።

18 ኑ ጎዳ ዩሱሰ ኪሪሰቶሳ አጾ ኬሃቴላይ ሂንቴ ኡባራ ገደ።

ጳውሎስ ዲዎቲዮሳስ ፃፊዳ ኮይሮ ኪታ ጋላ ቆፋ

ዲዎቲዮሳ ጌቲቲያ፣ አማኒያ ናዓቲላይ፣ ጉላ ኢሲያን ዩሌቲስ (ሃ.ኦ 16:1-3)። ኢያ ኣያ ኣይሁዳ፤ ኢያ ኣዋይ ቃሲ ገሪኬ ኣሲ። ኢ ደወሎሳራ ኢሲፊ ኦሌይሳኔ ዋንጌላ ኦሶን ጳውሎስ ማታን ማዲያ ኣሲ። ጳውሎስ ዲዎቲዮሳስ ፃፊዳ ኮይሮ ኪታይ ሄቩ ኣይፊ ቆፋታ ማንላ ያለሰ።

ኡባፊ ኮይሮቲዳ ኪታይ፣ ዋሳ ኬላን ዳንዲዳ ዋርዶ ቲሚርቲያባ ማንላዲ ኦደሰ። ሃ ኢማላ ቲሚርቲይ ኣይሁዳ ቲሚርቲያፊ ባጋ፣ ቃሲ ኣይሁዳ ገደና ኣሳ ቲሚርቲያፊ ባጋ ኦይኪሰ። ሄሲካ፣ «ሃ ቤንቲያ ኣላሚይ ናጋራን ኢቲዳ ገሾ ኣሲ ኣቶቲላ ዳማናው ዲማ ገዲዳ ፀራ ኤራናው፣ ኢሲ ኢሲ ካላታ ሞና ኣጋናውኔ ማቸ ኤኮና ዋይኮ ኣዚና ጌሎና ኣጋናው ኮሼሰ» ያገያ ቆፋ ባሶ ኦሌዲ ዳንዲሲ።

ናምዓንሳ ቆፋይ፣ ዋሳ ኬላ ኣይሶባኔ ጎይኖ ዋጋባ ታማርሲያ ቲሚርቲያ፣ ሄሳዳካ ዋሳ ኬላ ካሌሌይሳቲኔ ኤንታ ማዳይሳቲ ኣይ ማላ ማራ ዲሱ ዳናው ቤሲያኮ ኦደሰ።

ወርሴላን፣ ዲዎቲዮሲ ዩሱስ ኪሪሰቶሳስ ኦሌያ ሎዖ ኣሲ ዋኒዲ ገዳናው ቤሲያኮ፣ ቃሲ ዲማ ዲማ ኣማኒያ ኣሳ ማታን ኢያው ዳዒያ ኣዋቲላይ ኣይቤኮ፣ ጳውሎስ ኢያ ዘሪዳ ዘሪያ ዳሞስ።

1 ዲዎቲዮሳ ኪታ ኣይፊ ቆፋታ

ጌሎ ቆፋ 1:1-2

ዋሳ ኬላ ኣይሲያ ኣሳስ ኢሜቲዳ ኣይሶ ዋጋ 1:3-3:16

ዲዎቲዮሳስ ኢሜቲዳ ቲሚርቲያ 4:1-6:21

1 ኑና ኣሺያ ያሳኒኔ ኑ ኡፋይሳን ናገያ ዩሱስ ኪሪሰቶሳን ኪቲቲዳ፣ ዩሱስ ኪሪሰቶሳ ሃዋሪ ገዲዳ፣ ጳውሎሳ፤ 2 ኣማኖን ታው ቱማ ናዓ ገዲዳ ዲዎቲዮሳስ።

ያሳ ኑ ኣዋ፣ ኑ ጎዳ ኪሪሰቶሳ ኣቶ ኬሃቴላይ፣ ማርቲላይኔ ሳርቲላይ ኔው ገደ።

ዋርዶ ቲሚርቲያፊ ናጌቲላ

3 ታኒ ማቄዲያ ባሼ ኔና ሃዳሪዳይሳዳ፣ ኢሲ ኢሲ ኣሳቲ ዋርዶ ቲሚርቲያ ታማርሴይሳ ዲጋናው ኔ ኤፊሶናን ጋምዓና ማላ ኮያይሰ። 4 ኤንቲ ጎዒ ባይና ሃይሴ ኦዳኔ ባንታ ኮቻ ታይቡዋ ኣጋናዳ ኦዳ። ሄሳ ማላባይ ፓላማ ካሌሌሲ፤ ኣቲን ኣማኖን ኦሴቲያ ያሳ ኦሱዋስ ማዴና። 5 ሃ ኪታ ሁዔ ቆፋይ ጌሻ ዋዛና፤ ሎዖ ካሃቴኔ ቱማ ኣማኑዋ፤ ቤንቲያ ሲቆዋ ዳንሌላናሳ። 6 ኢሲ ኢሲ ኣሳቲ ሃይሳ ኣገዲ፣ ፓላ ደዳኮ ሲማዶሶና። 7 ኤንቲ ያሳ ሂገያ ኣሰታማሪ ገዳናው ኮዮሶና። ሺን ኤንቲ ኣይ ኦዲያኮ ዋይኮ ቱማ ኦሌዲ ኦዳይሲ ኢ ኣይቤኮ ኤርኮና።

8 ኣሲ ቤሴይሳዳ ሂገያን ጎዔቲኮ ሂገይ ሎዖ ገዳይሳ ኤርሰ። 9 ኢሲባ ኣኬካናው ኮሼሰ። ሂገይ ሎዖ ኣሳስ ማዴቲቤና። ሺን ሂገይ፣ ሂገ ማንሌይሳታ፣ ዋራንቻታ፣ ያሴ ያኖናይሳታ፣ ሸምፖ

1:2 ሃ.ኦ 16:1 1:13 ሃ.ኦ 8:3፤ 9:4-5 2:7 2ዲዎ 1:11

ዋዴይሳታ፣ ናጋራንቸታ፣ ጌሻቲላ ባይናይሳታ፣ ቱናታ፣ ሃሪ ኣቶሺን ባንታ ኣዩው ዋይኮ ኣዋ ዋዴይሳታ፣ 10 ላሚይሳታ፣ ኣዳይ ኣዳራ ላይማቴይሳታ፣ ኣሴ ባይኬይሳታ፣ ዋርዳንቸታ፣ ዋርዶን ጫቄይሳታ፣ ዋይኮ ቱማ ቲሚርቲያራ ጋሃቶና ኣይ ኦሶ ኦሌይሳታ ሴራናው ኬዩሰ። 11 ሄ ቲሚርቲይ ቦንቸኔ ኣንጃቲዳ ያሳይ ታኒ ኣዋጃና ማላ ታው ሃዳራ ኢሚዳ ዋንጌላ ገደን ዳዔሰ።

ያሳ ማርቲላስ ጳውሎስ ጋላቲዳ ጋላታ

12 ታኒ ኦሌያ ኦሱዋን ታው ዋልቃ ኢሚዳ ኑ ጎዳ ኪሪሰቶስ ዩሱሳ ጋላታይሰ። ታና ባ ኦሱዋስ ሹሚዲ ሄ ኦሱዋስ ቤሳሳ ገዲ ታይቤዳ ገሾ ኢያ ጋላታይሰ። 13 ታኒ ሃይሳፊ ካሴ ኢያ ጫዬይሳ፣ ኢያ ዩዳሌይሳኔ ማቶሌይሳ ገዲኮካ ታኒ ሄሳ ኤርናኔ ኣማኖና ኦሌዳ ገሾ ያሳይ ታና ማሪሰ። 14 ኑ ጎዳይ ባ ኣቶ ኬሃቴላ ታ ቦላ ጉሲዲ፣ ሄ ኣቶ ኬሃቴላራ ኣማኖኔ ሲቆ ኪሪሰቶስ ዩሱሳ ባጋራ ታው ኢሚሰ።

15 «ኪሪሰቶስ ዩሱሲ ናጋራንቸታ ኣሻናው ሃ ኣላሚያ ዩሰ» ገያ ቃላይ ኣማንሌይሳኔ ኣሳ ኡባይ ኤካናው ቤሴይሳ። ኡባፊ ኣቋዳ ናጋራንቸይ ታና። 16 ሺን ማሪና ዴዑዋ ኤካናው ኢያ ኣማኒያ ኣሳስ ታኒ ለሚሶ ገደና ማላ ዩሱስ ኪሪሰቶሲ ዳር ዳንዳዒሰ። ታው ኡባፊ ኣቋዳ ናጋራንቸዋስ ያሳይ ባ ማርታ ዳርሲሰ። 17 ኣይፊን ቤንቶናይሳስ፣ ኢሲ ያሳስ፣ ሃይቆናይሳስ፣ ማሪና ካወዋስ፣ ማሪና፤ ማሪና ጋካናው ጋላታይኔ ቦንቸይ ገደ። ኣሚንዒ።

18 ዲዎቲዮሳ፣ ታ ናዓው፣ ካሴ ኔባ ናቤቲ ኦዲዳ ቃላ ቦላ ኤቃዳ ሃ ኪታ ሃዳራ ኔው ኢሚይሰ። ኔ ሄ ቃላ ካሊኮ ሎዖ ኦላ ኦሌታና። 19 ኣማኖይኔ ሎዖ ካሂ ኔው ዳዖ። ኢሶቲ ኢሶቲ ካሃ ቆይዲ ማርካቤይ ሆቤን ቆይይሳዳ ባንታ ኣማኑዋ ቆይሲዶሶና። 20 ሄሳ ሃኒዳይሳታ ገደን ሃሚኔዮሲኔ ኢሲኪንዲሬይ ዳዖሶና። ኤንቲ ታማሪዲ ያሳ ጫዬይሳ ኣጋና ማላ ታኒ ያላሂስ ኤንታና ኣሳ ኢማሰ።

2

ዋሳባኔ ጎይኖባ

1 ኡባፊ ሲንላታዳ፣ ኣሳ ኡባስ ያሳ ኦይቻናው፣ ዋሳናው፣ ጋናታናውኔ ጋላታናው ቤሴይሳ ታኒ ኔና ኣኬኪሳይሰ። 2 ኔኒ ቱማ ኣያና ዳዖኒኔ ጌሻቲላን ያሳ ጎይኒሼ ሳርቲላኒኔ ዋፑ ገዳ ዳዖን ዳና ማላ ካዋታሲኔ ሹማታ ኡባስ ዋሲቴ። 3 ሄሳ ማላ ዋሳይ ኑና ኣሺያ ያሳ ሲንላን ሎዖኔ ኡፋይሲያባ። 4 ያሳይ ኣሲ ኡባይ ኣታናዳኔ ቱማ ኤራናዳ ኮዩሰ። 5 ኢሲ ያሲ ዳዔሰ። ያሳፊኔ ኣሳ፤ ገደን ገዲዲ ሲጌሊያ ኢሶይ ዳዔሰ፤ ኢሳ ኣሴ ገዲዳ ኪሪሰቶስ ዩሱሳ። 6 ኢ ኣሳ ኡባ ዋዛናው ባና ኣሊ ኢሚሰ። ያሳይ ባ ዋዲያን ኣሳ ኡባ ዋዛናው ኮይይሳ ቤሲያ ማርካይ ሃይሳ። 7 ያሳይ ታና ዋንጌላስ ኣሰታማሪኔ ሃዋሪ ኦሌዲ ደሪዳይ ሄሳሳ። ታኒ ቱማ ኦዳይሰ፤ ዋርዶቲኬ፤ ኣማኖኔ ቱማ ኣይሁዳ ገደና ኣሳስ ማርካታና ማላ ያሳይ ታና ሹሚሰ።

8 ሄሳ ገሾ፣ ኡባ ቤሳን ዳዒያ ኣዳቲ፣ ባንታና ያሳስ ዲማዩዲ፣ ሃንቆኔ ፓላማ ዲገዲ፣ ባንታ ኩሺያ ፑዳ ዳንሊዲ ያሳ ዋሳና ማላ ኮያይሰ።

9 ሄሳዳ ማጫሳይ ባንታና ሃሪዳይሳ ቆንጨሲያ፣ ቦንቸይኔ ማሪ ዳዒያ ማዕ-ዋ ማዓናው ቤሴሰ። ኤንቲ

1:2 ሃ.ኦ 16:1 1:13 ሃ.ኦ 8:3፤ 9:4-5 2:7 2ዲዎ 1:11

ማሪ ባይና ሁዔ ዳላን፣ ዋርቃን ዋይኮ ኢንቆን፣ ዋይኮ ኣልዎ ኣፊላን ባንታና ኣሌቁሶፖ። 10 ሺን ያሳሰ ጎይናይሰ ጊያ ማጫሳይ ባንታው ቤሴይሳዳ ሎዎባ ኦሎና።

11 ማጫሳይ ከቲቲላን ሰዒ ጊዲ ታማር። 12 ታኒ ማጫሳይ ታማርሳና ማላ ዋይኮ ኣዳ ቦላ ኣዋታና ማላ ጊዳናሺን ሰዒ ጊዲ ዳና ማላ ኮያይሰ። 13 ኣዳማይ ኮይሮ ማጫሳይ፤ ጉዬፕ ሄዋና ማጫሳይ። 14 ቃሲ ጨማታዳ ያሳ ሂጊያ ማንሊዳይ ማጫሳይ ኣቲን ኣዳማ ጊዳና። 15 ሺን ማጫሳይ ኣማናን፣ ሲቆኒኔ ገሻቴላን ባንታና ሃሪዲ ዳዒኮ * ናይታ ዩሎን ኣታና።

3

ዋሳ ኬላ ጨማታ

1 ኦኒካ፣ «ዋሳ ኬላ ካሌሊያ ኣሲ ጊዳናው ኮይኮ ሎዎባ ኣዎቲሰ» ጊያ ኦዳይ ቱማ። 2 ዋሳ ኬላ ካሌሊያ ኣሲ ቦሬቶናይሳ፣ ኢሲ ማቺ ዓላሊ ዳዒይሳ፣ ማራን ዳዒይሳ፣ ባና ሃሪይሳ፣ ቤሴይሳዳ ኦሌይሳ፣ ኣማሌ ሞኬይሳ፣ ታማርሳናው ዳንዳዒይሳ፣ 3 ማላቶናይሳ፣ ኦዩቶናይሳ፣ ፓላሞናይሳ፣ ማሺ ሲቆናይሳ፣ 4 ኢያ ናይቲ ኢያው ከቲቲይሳን ቦንቼይሳ፣ ባ ኬላ ኣይሳናው ዳንዳዒይሳ ጊዳናው ቤሴሰ። 5 ኢሲ ኣሲ ባ ኬላ ኣይሳናው ዳንዳዒይሳ ኢዳኮ፣ ያሳ ዋሳ ኬላ ዋቲ ኣይሳናው ዳንዳዒይሳ።

6 ኦቶርን ሱጌቲዲ፣ ዓላሄይ ያሳ ፐርዳን ከንዲዳይሳዳ ከንደና ማላ፣ ኦሪላ ኣማኒዳ ኣሲ ጊዳናው ቤሴና። 7 ቦሬኒኔ ዓላሄ ዓሄን ጌሎና ማላ ሄ ኡሪይ ኣማናና ኣሳ ማታን ናሽቴይሳ ጊዳናው ቤሴሰ።

ዋሳ ኬላ ዳቆኔታ

8 ሄሳዳ ቃሲ ዋሳ ኬላ ዳቆኔቲ ቦንቼቲዳይሳታ፣ ናሞው ደና ኦዩቶናይሳታ፣ ዳር ዋይኔ ኡሻ ኡቶናይሳታ፣ ማሺ ያሬቶናይሳታ፣ 9 ኣማኦ ፀራ ገሻ ካሃን ናጌይሳታ ጊዳናው ቤሴሰ። 10 ኤንቲ ኮይሮቲዲ ፓጩታናው ኮሽሰ፤ ኤንታ ቦላ ቦሬይ ባይና ኢዳኮ፣ ዋሳ ኬላ ዳቆኔ ጊዲዲ ኦሎ።

11 ሄሳዳካ፣ ኤንታ ማጫሳቲ ቦንቼቲዳይሳታ፣ ዘገረናይሳታ፣ ማራን ዳዒይሳታ፣ ኡባባን ኣማኔቲይሳታ ጊዳናው ቤሴሰ።

12 ዋሳ ኬላ ዳቆኔቲ ኢሲ ማቺ ዓላሊ ዳዒይሳ ጊዳ። ባ ናይታኔ ባ ኬላ ሎይላ ኣይሴይሳ ጊዳናው ቤሴሰ። 13 ዋሳ ኬላ ዳቆኔ ጊዲዲ፣ ሎዎ ኦሪ ኦሌይሳቲ፣ ኤንታው ገታ ቦንቸ ቃሲ ከሪሰቶሰ ዩሱሳን ባንታው ዳዒያ ኣማኦባባ ኦዳናው ዳር ሚናቴላ ዳማና።

ገታ ፀራ

14 ታኒ ሃ ከታ ኔው ዓፋሽ፣ ኤሌሳዳ ኔኮ ባና ጋዳ ኡፋይሲ ዋላይሰ። 15 ሺን ታኒ ቦና ጋሞዒኮ፣ ያሳ ኬላን ኣሳይ ዋኒዲ ዳናው ቤሴያኮ ኡራና ማላ ሃይሳ ኔው ዓፋይሰ። ዳዎ ያሳ ኬላይ ቱማቲላሰ ቱሲኔ ባሶ። 16 ኦ ኣማኦ ፀራይ ሲጴይ ባይና ገታ። ከሪሰቶሰ ኣሾ ማዒዲ ቆንጨሰ፤

ኢያ ቱማቲላ ገሻ ኣያናይ ማርካቲሰ። ከታንቸታሰ ቤንቲሰ፤ ኢ ካዎቲላ ኡባሰ ሳባኬቲሰ። ኣላሚን ዳዒያ ኣሳን ኣማኔቲሰ፤ ቦንቸን ሳሎ ኤኬቲሰ።

4

ዋርዶ ኣሰታማሪታ

1 ያና ዋዲያን ባሌሊያ ኣያናታኔ ቱና ኣያናታ ተሚርቲያ ካሊዲ፣ ኢሲ ኢሲ ኣሳይ ኣማኦባ ካዳናይሳ ገሻ ኣያናይ ቆንጨሲዲ ኦዲሰ። 2 ሄሳ ማላ ተሚርቲይ ኤንታ ካሃይ ደጨን፣ ኣሳ ባሌሊያ ዋርዶንቸ ኣሰታማሪታፕ ዩሰ።

3 ሄሳ ማላ ኣሳቲ ኤኮኔ ጌሎ ቃሲ ኢሲ ኢሲ ካላታ ሞና ማላ ዳጎሶና። ሺን ኣማኔይሳቲኔ ቱማ ኤሬይሳቲ ያሳ ጋላቲ ዋሲዲ ማና ማላ ያሳይ ካላ ማጫሳይ። 4 ያሳይ ማጫሳይ ኡባባይ ሎዎ። ያሳ ጋላቲዲ ሚኮ ዋራ ዋጲያባይ ኣይቢካ ባሞ። 5 ኡባባይ ያሳ ቃላኒኔ ዋሳን ጌሺ ጊዳሰ።

ከሪሰቶሰ ኣማኔቲዳ ኣይሌ ጊዳ

6 ሄሳ ገሻ፣ ኔኒ ሃ ተሚርቲያ ኣማኔይሳታ ታማርሲኮ፣ ኦ ኣማኦባኒኔ ሎዎ ተሚርቲያ ከቲታዳ ዲጨዳ ከሪሰቶሰ ዩሱሳ ሎዎ ኣይሌ ጊዳና። 7 ሺን ጎዒ ባይና ቱማ ጊዳና ኦዳፕኔ ጨማ ማጫሳ ሃይሲያፕ ባ ቃታ። ቱማ ኣያና ዳዎን ዳናው ኔና ሎሂሳ። 8 ኣሲ ባ ኣሳቲላ ሚንላናው ኦሊያ ኦሪይ ጉላ ማዴሰ። ሺን ቱማ ኣያና ዳዎን ባና ሎሂሶይ ሃዒካ ማሪናውካ ዳዎ ኢሚያ ኡፋይሲ ዳዒያ ገሻ ኡባሰ ማዴሰ። 9 ሃ ቃላይ ኣሳ ኡባይ ኤካናው ቤሴያ ቱማ ኦዳ። 10 ኦኒ ኣሳ ኡባ፣ ኡባሬ ኣሊዲ ኣማኔይሳታ ኣሺያ ዳዎ ያሳሬ ኤካና ጊዲ ኡፋይሳን ናጊያ ገሻ፣ ሄሳሰ ኦኒ ኦሪን ዳቡሮሲኔ ባዳቶሰ።

11 ሃይሳ ከታኔ ታማርሳ። 12 ኔኒ ያላጋ ጊዲያ ገሻ ኔና ኦኒካ ካጶፖ። ሺን ኣማኔይሳታሰ ኔኒ ኦዳን፣ ኦሪን፣ ሲቆን፣ ኣማናኒኔ ገሻቴላን ለሚሶ ጊዳ። 13 ታኒ ያና ጋካናው ኣሳሰ ገሻ ማፃፋ ናባቦን፣ ሳባኮኒኔ ታማርሶን ሚና። 14 ቲንቢቲይ ኦዳቲን፣ ጨማቲ ባንታ ኩሺያ ኔ ቦላ ዋሊዳ ዋዴ ኔኒ ኤኪዳ፣ ኔናን ዳዒያ ገሻ ኣያና ኢሞታ ካጶፓ።

15 ኔ ዲቻይ ኣሳ ኡባሰ ቆንጨና ማላ ሄሳ ሚንላ ቆፓ፤ ሃይሳ ኡባ ዋዴ ኦላ። 16 ኔ ሁዒያሲኔ ኔ ተሚርቲያሰ ናጊታ። ኔኒ ሄሳ ኡባ ዋዴ ኦሊኮ ኔና ኔና ሲዔይሳታ ኣሻሳ።

5

ኣምዔታባ

1 ጨማ ኣዳታ ኔ ኣዎዳ ቦንቻሬ ኣቲን ሃንቁቶፋ። ያላጋ ኣዳታ ኔ ኢሻዳ ኦላዳ ያላ። 2 ጨማ ማጫሳታ ኔ ኣዩዳ፣ ያላጋ ማጫሳታ ኔ ሚቸዳ፣ ፖሎ ገሻቴላን ኦይካ።

3 ኣዚኒ ሃይቁዳ ቱማ ኣምዔታ ቦንቻ። 4 ሺን ኣምዔሰ ናይቲ ዋይኮ ናይታ ናይቲ ዳዒኮ፣ ሄ ናይቲ ቱማ ኣያና ዳዎን ዳዒይሳ ቤሳናው ባንታና ዩሊዳይሳታኔ፣ ባንታ ዋጋ ኣዩወኔ ዋጋ ኣዎ ማዲዲ ኩሽ ዛር ታማር። ሄሲ ያሳ ኡፋይሲያባ።

5 ባርካ ዳዒያ ቱማ ኣምዒያ ያሳሬ ማዴ ዳማናው ኡፋይሳን ናጋሱ። ጋላሲኔ ቃማ ያሳይ ባና ማዳና ማላ ዋሳወሱኔ ኦይቻወሱ። 6 ሺን ሃ ኣላሚያን ሎዎ ዲሳ ያላላ ኮያ ኣምዒያ ፓፃ ዳዒሽ ሃይቁዳር። 7 ኦኒካ ኤንታ ቦርና ማላ ሃ ከታ ኤንታው ኢማ። 8 ሺን ባ ዳቦታሰ።

2:9 1ጴጊ 3:3 2:13 ሜዴ 2:7፣ 21-22 2:14 ሜዴ 3:1-6 * 2:15 ባንታና ሃሪዲ ዳዒኮ፣ ዋይኮ ኢያ ዩሊዳ ናይቲ ኣማናን፣ ሲቆኒኔ ገሻቴላን ባንታና ሃሪዲ ዳዒኮ። 3:2 ቲቶ 1:6-9

ኡባሬ አሉዲ ባ ሶ አሳሰ ቆፖና ኦኒካ ባ አማኑዋ ካዲዳይሳ፤ አማኖና አሳፔካ አዲዳ ኢታ።

9 ላይሌ ኡሱቱን ታው ኩሚቦና አምዔ ሱንላ ማዘጋባን ፃፎ። ቃሲ ሃሳ ቦላ ኢያ ባ አዚናሰ አማኔቲዳር ገዳናው ኮሺሰ። 10 ናይታ ዲሾን፣ አማሌ ሞኮን፣ ገሻታ ቶሁዋ ማቻን፣ ማቶቲያ አሳ ማዳን፣ ሎዎ ኦሶ ኡባሰ ባና አላ አሚዳርኔ ሎዎ ኦሶን ኤሬቲዳር ገዳናው ቤሴሰ።

11 ሺን ያላጋ አምዔታ ሱንላ ማዘጋባን ፃፎ። ኤንታና አዚና ጌሎ ጌሎ ገያ አሾ አምይ ኦይኪያ ዋዴ ኪሪሰቶሳ አጋና። 12 ኤንቲ ኮይር ጌሊዳ ቃላ ማንሊዳ ገሾ ፐርዳታና። 13 ሃሳ ቦላ ኤንቲ ኦሶ ጳዩዲ ኬላፊ ኬሌ ዩያና። ዩሻ ፃላላ ገደናሺን ዚገርሳኒኔ ባንታና ጋላናባን ጌሊዲ ቤሶናባ ኦይቶሶና። 14 ሃሳ ገሾ፣ ኦ ሞርኬቲ ኦ ቦላ ኦይቲያ ኢታባ ዴሞና ማላ ያላጋ አምዔቲ አዚና ጌሊዲ፣ ናባ ዩሊዲ፣ ባንታ ኬላ አይሳና ማላ ዘራይሰ። 15 ሃይሳፊ ካሴ ጉላ አምዔቲ ፃላሃ ካሳናው ጉዬ ሲሚደሶና።

16 ኢሲ አማኒያ ማጫሴሰ ሶ አሳ ገደን አምዔቲ ዴባኮ ኢያ ኤንታ ማዳናው ቤሴሰ። ሃሳዳ ኦሊኮ፣ ዋሳ ኬላሰ ቶሆይ ካወዩሰ። ሃ ዋዴ ዋሳ ኬላይ ማዴ ቤሲያ ቱማ አምዔታ ማዳናው ደንዳዔሰ።

17 ዋሳ ኬላ ሎይሊ ሃሚያ ጨማቲ፣ ኡባሬ አሉዲ፣ ቃላ ሳባኮኒኔ ታማርሶን ደቡሬይሳቲ ዳኮ ቦንቾ ኤካናው ቤሴሰ። 18 ገሻ ማፃፋይ፣ «ዉዴማን ካላ ዩዲያ ቦራ ደና ቃቾፋ» ሃሳዳካ፣ «ኦሳንቾይ ባ ዳሞዚያ ኤካናው ቤሴሰ» ያጌሰ።

19 ናምዑ ዋይኮ ሃቹ ማርኪ ባይና፣ ዋሳ ኬላ ጨማ ሞቲያባ ሲያፓ። 20 ሃራቲ ያያና ማላ ናጋራ ኦሊያ ኦናካ አሳ ኡባ ሲንላን ሃንቄታ።

21 ኔኒ አሳ ሶምዎ ቤያና፣ ኢሱዋ ኢሱዋፊ ዲማኖና ሃ ኪታ ናጋና ማላ ያሳ፣ ጎዳ ዩሱሰ ኪሪሰቶሳኔ ደሬቲዳ ኪታንቾታ ሲንላን ታ ኔና ዘራይሰ። 22 ኦዴ ቦላካ ኔ ኩሺያ ዋላዳ ሹማናው ኤሌሶፓ። ሃራታ ናጋራን ጌሎፓ፤ ኔና ጌሻቲላን ናጋ።

23 ኔኒ ኡባ ዋዴ ሃርጌቲያ ገሾኔ ኔ ኡሎ ሃርጌያ ገሾ ሃላ ፃላላ ኡዮፓ፤ ጉላ ዋይኔ ኡያ።

24 ኢሲ ኢሲ አሳታ ናጋራይ ቆንጩ፤ ኤንታ ናጋራይ ኤንታ ፐርዳናው ኤንታፊ ሲንሌ አዲሰ፣ ሺን ሃራታ ናጋራይ ጉዬፔ ጋምዲ ቆንጩሰ። 25 ሃሳዳ፣ ሎዎ ኦሶይካ ቆንጩ፤ ቆንጩና ኢዲኮካ ጌማናው ደንዳዔና።

አቲን አይኮካ ኤሬና። ኤንታው ኢሲ ቆፋ ቦላ ፓላማናውኔ ኦይታናው ኢታ አምይ ዴዔሰ። ሃሲ ቃናቲ፣ ኦሺ፣ ጫሺ፣ ኢታ ሲዴኔ፣ 5 ገሳና ፓላማ ካሌሌሰ። ቃሲ ኤንታው ኢታ ዋዛኒ ዴዔሰ፤ ቱማካ ባሊደሶና፤ ኤንቲ ያሳ አማኖይ ዴሬቲላሰ ኦጌ ገዲ ቆፖሶና።

6 ሺን ታው ዴዔያባይ ገዳና ገያ አሳሰ ቱማ አያና ዴይ ገታ ዋዴ። 7 ኔኒ ሃ አላሚያ አይኮካ ኤሃቦኮ፤ ቃሲ ኢያፔ አይኮካ ኤኪዲ ቦኮ። 8 ኦሶ ካሊኔ ማይይ ዴዔኮ ሃሲ ገዳና። 9 ሺን ዴሬቲሊ ኮዩይሳቲ ፓጩኒኔ ሃሃን ጌሎሶና። ቃሲ ኤንታና ዴጌ ዳፊያኔ ጳይሲያ ኤያፔሊኔ ቆሃያ አምን ኩንደሶና። 10 ሚሼ ሲቆይ ኢታቲላ ኡባሰ ፑልቶ፣ ኢሶቲ ኢሶቲ ሚሼ አሞቲሼ አማኖፔ ባሌቲዲ ዳር ማቶን ባንታና ዩገደሶና።

ዓመተዮሳሰ አሜቲዳ ዘሬኔ ኪታ

11 ሺን ኔና፣ ያሳ አሶ፣ ሃሳፊ ባቃታ። ዓሎቲላ፣ ያሳ ዳና፣ አማኖ፣ ሲቆ፣ ዳንዳዔኔ አሽኬቲሊ ካላ። 12 አማኖ ባዲያ ሎይላ ባዲታ። ዳር አሳ ሲንላን ኔ ማርካቲዳ ኔ አማኑዋባ፣ ያሳይ ኔና ኢያው ዪገዳ ሚሪና ዴዑዋ ኦይካ። 13 ኡባሰ ዴዎ አሚያ ያሳ ሲንላኒኔ፣ ዴንዩ ጳላያሳ ሲንላን ሎዎ ማርካ ማርካቲዳ ኪሪሰቶሰ ዩሱሳ ሲንላን ታ ኔና ኪታይሰ። 14 ኦ ጎዳ ዩሱሰ ኪሪሰቶሰ ቆንጫና ጋካናው ሃ ኪታ ባሊኔ ቦሬይ ባይና ናጋ። 15 ባ ፃላላ ኡባ ሃሪያ ቦንቾ ያሳይ፣ ካዎታ ካዎይ፣ ጎዳታ ጎዳይ፣ ባ ቆፐዳ ቃማን ዩሱሰ ኪሪሰቶሳ ዛሪ ኪታና። 16 ኢሲ ኢያ ፃላሊ ሃይቄና። ኦኒካ ሺቃናው ዳንዳዎና ፖዎን ዴዔሰ። ኦኒካ ኢያ ቤዒቤና፤ ቃሲ ቤዓናዉካ ዳንዳዔና። ቦንቾይኔ ሚሪና ዋልቃይ ኢያው ገደ። አሚንዲ።

17 ሃ አላሚያ ዴሬቲ ጮ ጳያ ሻሎን ኦቶርቶና ማላኔ ጨቆና ማላ ኦዴ። ኦሶ ኮሺያባ ፓላሂሲዲ አሚያ ኦና አንጂያ፣ ዴሬ ያሳን አማኔታና ማላ ኤንታ ኪታ። 18 ኤንቲ ሎዎ ኦሶ ኦላናዳ ሎዎ ኦሶን ዴሬታናዳ፣ ኬሃታኔ ሃራታሰ ሻኬይሳታ ገዳና ማላ ኪታ። 19 ሃሲ ኤንታው ሲንላሰ ሚኖ ባሶ ገዲያ ገሾ ሃ ዋዴ ኤንቲ ቱማ ዴይ አይ ዳኒያኮ ኤሬና።

20 ዓመተዮሳ፣ ኢሲ ኢሲ አሳይ፣ «ኤሬቲሊ» ገያ ኤያ ፓላማፔኔ ሃዳ ኦዳፔ ባቃታ፤ ኔው አሜቲዳ ሃዳራ ናጋ። 21 ኢሶቲ ኢሶቲ ኦሶ ኤሬቲሊ ዴዔሰ ያገሺ አማኑዋ አገደሶና።

ያሳ አዶ ኬሃቲላይ ሂንቲ ኡባራ ገደ።

6

አይሌታሰ አሜቲዳ ዘሬ

1 ያሳ ሱንላይኔ ኦ ቲሚርቲይ ጫዬቶና ማላ አይሌቲላን ዴዔይሳቲ ባንታና ሃሪያ ጎዳታ ቦንቾ። 2 አማኒያ ጎዳቲ ዴዔያ አይሌቲ፣ ኤንታ ጎዳቲ ኤንታው አሻ ገዲያ ገሾ ኤንታ ካቶፖ። ኤንታ ኦሱዋን ማዴቲያ ጎዳቲ፣ አማኔይሳታኔ ደሴቲዳይሳታ ገዲያ ገሾ ኤንቲ ካሴይሳፊ አሉዲ ኦላናው ቤሴሰ።

ዋርዶ ቲሚርቲያኔ ቱማ ዴሬቲላ

ኔኒ ሃይሳ ታማርሳናውኔ ኤንቲ ኦላና ማላ ዘራናው ቤሴሰ። 3 ኦኒካ ዳማ ቲሚርቲያ ታማርሲያባ ገዲኮ፣ ኦ ጎዳ ዩሱሰ ኪሪሰቶሳ ቱማ ቃላራኔ ኦ አማኑዋ ቲሚርቲያራ ጋሃቲና። 4 ሃ ኡራይ ኦቶርን ሱጌቲሲፔ

ጳውሎስ ዲሞቴዮስ ፃፊዳ ናምዓንሉ ኪታ ጋሳ ቆፋ

ጳውሎስ ዲሞቴዮስ ፃፊዳ ናምዓንሉ ኪታይ፡ ጳውሎስራ ኢሲፌ ኦሌይሳኔ ጳውሎስ ማታን ማዲያ ናባቴላ ዲሞቴዮስ ዘሪዳ ዘሪያ ኦይኪስ፡ ሄ ዘሪያ ኦይፌ ቆፋይ፡ «ጌንጫን ሚናናው ቤሴስ» ጌይሳ፡ ዲሞቴዮስ ዘሬኔ ሚንሌሉ ቃላ ኤኪዳይ፡ ዩሱስ ኪሪስቶስ ተማ ማርካታና ማላ ዋንጌላ ቃላኔ ጋልዓ ጫቆ ተሚርቲያ ሚንሌዲ ኦይካና ማላኔ ማቶይኔ ኢያይ ዳሪኮካ ታማርሲኔ ዋንጌላ ሳባኮን ሚናና ማላሳ፡

ዲሞቴዮስ ሃዳ ኤያቴላ ፓላማፔ ሃካና ማላ ዲማ ሚና ዘሬይ ኢያው ኢማቲስ፡ ሄሳ ማላ ኦይይ ኦሳ ጳይሴሲፔ ኦቲን ኦይኮካ ማዳና፡

ሄ ኡባን ዲሞቴዮስ ኦኩካናው ቤሲያባይ፡ ጳውሎስ ሃናታኔ ኢያ ዲሳ ቆፋ ሄሲካ፡ ኢያ ኦማኑዋ፡ ኢያ ጌንጫ፡ ኢያ ሲቁዋ፡ ኢያ ዳንዲዓኔ ኢያ ጋኪዳ ማቲዋ ለሚሶ ኦሊዲ ካላናይሳ፡ ጳውሎስ ሃ ኪታ ፃፊዳይ፡ ኢ ባ ዋሳ ኦንጊዲ ሃይቆስ ጊጌቲዳ ዋዳና፡

2 ዲሞቴዮስ ኪታ ኦይፌ ቆፋታ

- ጌሎ ቆፋ 1:1-2
- ዲሞቴዮስ ኢማቲዳ ዘሪያ 1:3-2:13
- ወርሴላ ዋዲያባ 2:14-4:5
- ጳውሎስ ሃኒዲ ዳዒያ ዲሳ 4:6-18
- ኩሻ ቆፋ 4:19-22

1 ያሳ ሸኔን፡ ዩሱስ ኪሪስቶስን ቤንቲዳ ዳዖ ኡፋይሳ ማርካታናው ዩሱስ ኪሪስቶስ ሃዋሪ ጊዲዳ ጳውሎስ፡ 2 ታ ደሲያ ናባ ዲሞቴዮስ ኪቲቲዳ ኪታ፡

ያሳ ኦዋፔኔ ኦ ጎዳ ኪሪስቶስ ዩሱስ፤ ኦኦ ኬሃቴላይ፡ ማርቲላይኔ ሳርቲላይ ኔው ጊዳ፡

ዲሞቴዮስ ኢማቲዳ ዘሪያ

3 ታኒ፡ ታ ዋሳን ቃማኔ ጋላስ ኔና ቆፓይስ፡ ታኒ ዋሲያ ዋዳ ታ ማይዛታ ያሳኔ ታኒ ሎዖ ካሃን ሃጋዚያ ያሳ ኔ ጊሾ ጋላታይስ፡ 4 ታኒ ኔ ኦፋላ ቆፓይስ፤ ኔና ቤዓዳ ኡፋይታናው ዳር ላሞታይስ፡

5 ቃሲ ኔው ዳዒያ ተማ ኦማኑዋ ኤራይስ፡ ሄ ኦማኖይ ቤኒ ኔ ዋጋ ኦኦ ሎይዲኒ ኔ ኦኦ ኤወኒቁን ዳዒያ ኦማኑዋ ማላ፡ 6 ሄሳ ጊሾ፡ ታኒ ታ ኩሺያ ኔ ቦላ ዋሊዳ ዋዳ ያሳይ ኔው ኢሚዳ ኢሞታ ኔኒ ዛራ ኤላና ማላ ኦኩኪሳይስ፡ 7 ኦይስ ጊኮ፡ ያሳይ ኦስ ዋልቃ፡ ሲቆኔ ኦ ሁዔ ሃሪያ ኦያና ኢሚስ፤ ኦቲን ያሻ ኦያና ኢሚሴና፡

8 ሄዛ፡ ኦ ጎዳስ ማርካታናው ዩላቶፓ፤ ቃሲ ኢያ ጊሾ ቃሽቲዳ ታናንካ ዩላቶፓ፡ ሸን ያሳይ ኔው ኢሚያ ዋልቃ ዋንጌላ ጊሾ ታራ ማቶ ኤካ፡ 9 ያሳይ ባ ሸኔኒኔ ባ ኦኦ ኬሃቴላን ኦና ኦሺዲ፡ ባ ጊሻ ዳሬ ኦላናው ኦና ደሪስ፤ ኦቲን ኦኒ ኦሊዳ ኦሱዋ ጊሾ ጊዳና፡ ሃ ኦኦ ኬሃቴላ ኪሪስቶስ ዩሱስ ባጋራ ኦላሜይ ማዴታና፤ ሲንሌ ኦስ ኢሚስ፡ 10 ሃዒ ሃ ኦኦ ኬሃቴላይ ኦና ኦሺያ ኪሪስቶስ ዩሱስ ዩሳን ቆንጨስ፡ ኢ ሃይቆ ዋልቃ ጳይሴዲ፡ ዋንጌላ ባጋራ ጳዮና ዳዖ ኦስ ቆንጨሲስ፡

11 ታኒ ዋንጌላ ሳባኮ፡ ሃዋሪኔ ኦስታማሪ ጊዳና ማላ ያሳይ ታና ደሪስ፡ 12 ታኒ ሄሳ ጊሾ ሃ ማቲዋ ኤካይስ፤ ሸን ታ ኦማኔይ ኦኩ ኤሪያ ጊሾ ዩላቲኮ፡ ታው ኢማቲዳ ሃዳራ ሄ ጋላሳይ ጋካናው ኢ ናጋናው ዳንዲዳይሳ ኤራይስ፡

13 ታኒ ኔና ታማርሲዳ ተማ ቃላ ለሚሶ ኦላ ኦይካዳ ኪሪስቶስ ዩሱስ ባጋራ ኦባ ጊዲዳ ኦማኑዋኒኔ ሲቁዋን ዳዒ፡ 14 ኦ ጊዲን ዳዒያ ጌሻ ኦያና ዋልቃን ኔው ኢማቲዳ ሎዖ ሃዳራ ናጋ፡

15 ኢሲያ ቢታን ዳዒያ ኡባይ ታፔ ሃኪዳይሳ ኤራሳ፤ ኤንታ ጊዲን ፊጌሎሲኔ ሄርሞጌኔሲ ዳዖሶና፡

16 ኦኩሲሪሪ ታና ዳር ዋዳ ሚንሌሊዳ ጊሾ ጎዳይ ኢያ ሶ ኦሳስ ቃዴቶ፡ ታኒ ቃሾ ኬላን ዳዒያ ዋዳ ኢ ታናን ዩላቲቤና፡ 17 ሄሳ ቦላ ኢ ሮሜ ካታማ ዩዳ ዋዳ ታና ሚንሌ ኮዩዲ ዳሚስ፡ 18 ወርሴላ ጋላሳን ጎዳይ ኢያው ቃዴታና ማላ ታኒ ጎዳ ዋሳይስ፡ ኤፌሶና ካታማን ኢ ታና ኦይ ማላ ማዲዳኮ ኔ ሎይላ ኤራሳ፡

2

ዩሱስ ኪሪስቶስን ሚና

1 ሄዛ፡ ታ ናዓው፡ ኪሪስቶስ ዩሱስን ዳዒያ ማርቲላን ሚና፡ 2 ዳር ማርካታ ሲንላን ታኒ ኔና ታማርሲዳ ተሚርቲያ፡ ሃራታ ታማርሳናው ዳንዲዳ ኦማኔቲዳ ኦሳስ ሃዳራ ኢማ፡

3 ዩሱስ ኪሪስቶስ ኦማኑዋ ታታዳሪ ጊዳዳ ታራ ማቶ ኤካ፡ 4 ኦላ ዋታዳሪይ ባ ሃላቃ ኡፋይሳናው ጊጌቲሲፔ ኦቲን ሃራ ኦሶን ባና ፔሼና፡ 5 ሄሳዳካ፡ ጋዳ ዋዲያ ኦኒካ ቤሲያ ኦኩሪ ጋዳቶና ኢጻኮ ዋይቶ ኤኮና፡

6 ጎሻን ዳቡሪያ ጎሻንቾይ ባ ዳቡራ ኦይፊያ፤ ሚያ ኮይር ኦሲ ጊዳናው ቤሴስ፡ 7 ኔ ኦኩካና ማላ ጎዳይ ኔና ማዳና ጊሾ ታ ኔው ኦዲዳባ ኔ ዋዛናን ናጋ፡

8 ታኒ ማርካቲያ ዋንጌላ ማላ ሃይቆፔ ዳንዲዳ፡ ዳዋቴ ዘሬሊ ጊዲዳ ዩሱስ ኪሪስቶስ ቆፓ፡ 9 ታኒ ዋንጌላ ኦዲያ ጊሾ ኢታባ ኦሊዳ ኦሳዳ፡ ቃሽታዳ ማቶ ኤካስ፡ ሸን ያሳ ቃላይ ቃሽቴና፡ 10 ሄሳ ጊሾ፡ ያሳይ ደሪዳ ኦሳቲ ኪሪስቶስ ዩሱስን ዳዒያ ኦቶቴላ ማሪና ቦንቼዋራ ኤካና ማላ ኤንታ ጊሾ ኡባባን ዋይታይስ፡

11 ሃይሳዳ ያጊያ ተማ ቃላ ዳዒስ፤ «ኦኒ ኢያራ ሃይቁዳባ ጊዲኮ፡

- ኢያራ ኢሲፌ ዳዒና፡
- 12 ኦኒ ጌንጨኮ፡
- ኢያራ ኢሲፌ ካዋታና፡
- ኦኒ ኢያ ካዲኮ፡
- ኢ ኦና ካዳና፡
- 13 ኦኒ ኦማኔቶና ኢጻኮ፡
- ኢ ኦማኔቲዳይሳ ጊዲዲ ዳና፡
- ኦይስ ጊኮ፡ ኢ ባና
- ካዳናው ዳንዲዳና» ያጌስ፡

ሚና ኦሳንቾ

14 ኔኒ ኤንታ ሃይሳ ኦኩኪሳ፤ ኤንቲ ቃላታ ጋሶን ፓላሞና ማላ፡ ጎዳ ሲንላን ኤንታ ዘራ፡ ሄሲ ሲዔይሳታ ጳይሴሲፔ ኦቲን ኦይኮካ ማዳና፡ 15 ኔኒ ተማ ቃላ ሱሬቴላን ታማርሴይሳኔ ዩላዮና ኦሳንቾ ጊዳዳ፡ ያሳይ ናሽያ ኦሳዳ፡ ኔናቴላ ኢያው ኢማናው ሚና፡ 16 ሸን ሃ ኦላሚያስ ኢንጃቲያ ጎዖና ኦዳፔ ባቃታ፡ ሄሳ ማላ ኦዳይ ኦሴ ያሳፌ ሃሴስ፡ 17 ሄሳ ማላ ኦዳይ ኦሳቴሊ

ሚዲጊያ ፓዎና ወይዘራ ማዲንግ ማለ። ሄሳ ማለ ኦዳ ኦዳቲይሳታ ጊደፌ ሄሚኮሲኔ ፊሊዮሲ ደዎሶና። 18 ሃ አሳቲ ቱማ ኦጊያ ኦጊዲ። «ሃይቁዳ አሳይ ሃይቆፔ ቤኒ ዳንዲደሶና» ያጊዲ ጉላ አሳታ አማኑዋ ቆይሲደሶና።

19 ጊደሺን፣ ያሳይ ሚና ዘላ ሃዲዳ ጊሾ ቃዎናው ዳንዳዊና። ኢያ ቦላ፣ «ጎዳይ ባይሳታ ኤሬስ። ጎዳ ሱንግ ያጊያ ኦኒካ ኢታ ኦሶፔ ሃኮ» ያጊያ ቃላይ ያፈፀሰ።

20 ኢሲ ጊታ ኩላን ዋርቃፌ ወይኮ ቢራፔ ኦሴቲዳ ሚሼታ ያላላ ጊደናሺን ሚላፌ ወይኮ ኡርቃፌ ኦሴቲዳ ሚሼቲካ ደዎሶና። ሄሳታፔ ባጋቲ ቦንቾ ኦሶስ፣ ቃሲ ባጋቲ ቶሼቲያ ኦሶስ ፔዎሶና። 21 ሄሳ ጊሾ፣ ኦኒካ ኢታ ኡባ አጊኮኔ ባና ጌሺኮ፣ ቦንቾ ኦሶ ኦሊያ ሚሼ ጊደና። ኤንታ ዳዎይ ጌሺኔ ጎዳ ኡፋይሲያባ፣ ቃሲ ኤንቲ ሎዎ ኦሶ ኡባ ኦላናው ዳንዳዊሳታ ጊደና።

22 ናዓቲላ ኢታ አሙዋፔ ባቃታ። ጌሻ ዋዛናን ጎዳ ያጊያ አሳታራ ኢሲፌ፣ ዲሎቴላ፣ አማኑዋ፣ ሲቆኔ ሳርቴላ ካላ።

23 ሺን ኦሺ ሜዴይሳ ኤራዳ ኤያቴሌኔ ሃዳ ጊዲዳ ፓላማፔ ሃካ። 24 ጎዳ ኦሳንቾይ አሳ ኡባስ ኬሃ፣ ሎዎ ታማርሴይሳኔ ዳንዳዊንቾ ጊደናው ቤሴሲፔ ኦቲን ኦይታናው ቤሴና። 25 ኢ ባራ ኤቁቲይሳታ አሽኬቴላን ሴሬይሳ ጊደናው ቤሴስ። ኤንቲ ባንታ ናጋራፔ ሲሚዲ ቱማ ኤራናዳ ያሳይ ኦላኮኮ ኦኒ ኤራ። 26 ኤንቲ ባንታ ዋዛናኮ ሲሚዲ ባ ሺኒያ ኦላና ማለ ኤንታ ኦይኪዳ ያላሄ ያሄያፔ ኬሲ ኤካና።

3

ወርሴላ ጋላሳ ማላታታ

1 ወርሴላ ጋላሳን ኡንዴሊያ ዋዴይ ያናይሳ ኤራ። 2 አሳይ ባንታና ደሴይሳታ፣ ሚሼ ሲቁይሳታ፣ ጨቁቲይሳታ፣ ኦቶሬይሳታ፣ ጫዬይሳታ፣ ባንታና ዬሊዳይሳታስ ኪቲቶናይሳታ፣ ጋላቶናይሳታ፣ ጌሻቴሊ ባይናይሳታ፣ 3 ሲቆይ ባይናይሳታ፣ ማርቴሊ ኤርናይሳታ፣ ዘጊሬይሳታ፣ ባንታና ሃርናይሳታ፣ ቃዴይ ባይናይሳታ፣ ሎዎ ደሶናይሳታ፣ 4 ሞርኬስ አሊ ኢሜይሳታ፣ ቆፊ ባይናይሳታ፣ ኦቶሮን ሱጌቲይሳታ፣ ያሳፌ አሊዲ አሾ ኡፋይሳናው ደሴይሳታ ጊደና። 5 ኤንቲ አሚኒያ ዳናሶናፔ ኦቲን አማና ዋልቃ ካደሶና፤ ኔኒ ሄሳ ማለ አሳታፔ ባቃታ።

6 ኤንታፌ ኢሶቲ ኢሶቲ አሳ ኬሊ ጌሊዲ ናጋራን ኦይኬቲዳይሳታኔ ዳማ ዳማ አሞን ሱጌቲያ ዳቡራንቾ ማጫሳታ ቦላ ጎዳቶሶና። 7 ሄ ማጫሳቲ ኡባ ዋዴ ታማርሶና፣ ሺን ቱማ ኤራናው ዳንዳዎኮና። 8 ያኔሲኔ ያምባሬሲ ሙሴራ ኤቁቲዳይሳዳ ሃ አሳቲ ጉጌይ ኦላናይሳታኔ አማናን ኩንዲዳ አሳታ ጊዲያ ጊሾ ቱማራ ኤቁቶሶና። 9 ሺን ያኔሳኔ ያምባሬሳ ኤያቴላይ ቆንጨዳይሳዳ ኤንታ ኤያቴላይካ አሳ ኡባ ሲንግን ቆንጨና ጊሾ ኤንታው ሃኔና።

ወርሴላ ዘሬ

10 ሺን ኔኒ ታ ቲሚርቲያ፣ ታ ዲሳ፣ ታ ቆፋ፣ ታ አማኑዋ፣ ታ ዳንዳዊ፣ ታ ሲቁዋ፣ ታ ጌንጫ፣ 11 ታ ዬዴቴላኔ ታ ሜቱዋ ኤራሳ። አንዎኪያን፣ ኢቆኒዮኔን፣

ሊሰዲራ ካታማታን ታና ጋኪዳባኔ ታኒ ዳንዳዊዳ ሜቱዋ ኤራሳ፤ ጎዳይ ታና ሄ ኡባፌ አሺስ። 12 ኪሪስቶስ ዬሱሳን ያሳ ኡፋይሲያ ዳዎ ዳናው ኮያ ኡባይ ጎዴታና። 13 ኢታ አሳቲኔ ባሌጫይሳቲ ባንታው ባሌቲሼኔ ሃራታ ባሌሊሽ ካሴፔ ኢቲ ኢቲ ባና።

14 ሺን ኔ ታማሪዳ ቱማኒኔ ኔ አሚኒዳ አማኑዋን ኤቃ። ኔ ኦዴፌ ታማሪዳኮ ኤራሳ። 15 ኔኒ ኔ ናዓቲላፌ ደማዳ ኪሪስቶስ ዬሱሳ አማናዳ ኦቶቴሊ ዳሚያ ጨንጨቴሊ አማናው ዳንዳዊያ ጌሻ ማፃፋታ ኤራዳሳ።

16 ጌሻ ማፃፋ ኡባይ ያሳፌ አሜቲዳ ቃላ። ሄ ማፃፋይ ቱማ ታማርሳናው፣ ባሊዳይሳታ ሴራናው፣ ሱሪሳናውኔ ዲሎቴላ ዲሳስ ኮሺያ ዘሬ አማናው ማደስ። 17 ያሳ አሲ ፖሎኔ ሎዎ ኦሶ ኡባ ኦላናው ጊጊዳይሳ ጊደና ማለ ማደስ።

4

1 ታኒ ኔና ያሳ ሲንግላኒ፣ ካዋ ጊዲዲ ሃራናው ቆንጨያ ዋዴ ፓፃታኔ ሃይቁዳይሳታ ፐርዳናው ዳዊያ ኪሪስቶስ ዬሱሳ ሲንግን ዘራይስ። 2 ቃላ ኦዳ፤ ዋዴይ ኢንጃቲን ኢንጃቶና ኢዲን ሚናዳ ኦዳ። ዳር ዳንዳዊኔ ታማርሶን አሳ ዘራ፣ ሴራኔ ዳንጫላ። 3 አሳይ ቱማ ቲሚርቲያ ሲዎና ኢዲያ ዋዴይ ያና። ኤንቲ ባንታ አሙዋ ካሊዲ፣ ባንታው ሲዎናው ኡፋይሲያባ ኦዲያ አሰታማሬታ ሺሾሶና። 4 ኤንቲ ቱማ ቲሚርቲያ አጊዲ፣ ቱማ ጊደና ኦዳ ሲዎናው ባንታ ሃይላ ዘርሶና። 5 ሺን ኔኒ ኡባባን ኔና ሃራ። ሜቱዋ ዳንዳዊ። ዋንጌላ ማርካቴላ ኦሶ-ዋ ኦላ። ኔው ኢሜቲዳ ያሳ ኦሶ ኡባ ፖላ።

6 ታኒ ያርሼቲያ ዋዴይ ጋኪስ፤ ሃ አላሚያ አጋዳ ቢያ ዋዴይ ማቲስ። 7 ታኒ ሎዎ ኦላ ኦሌታስ፤ ታ ጋዲያ ዋፃዳ ወርሳስ፤ አማኑዋ ናጋስ። 8 ሲንግላፌ ዲሎቴላ ካላቻይ * ታና ናጌስ። ሄሳ ዲሎ ፐርዳ ፐርዲያ ጎዳይ ሄ ጋላስ ታው አማና። ሄሳ ታ ያላላስ ጊደናሺን ኢያ ቆንጨዋ አሞቲያ ኡባስ አማና።

ጳውሎሳ ቡዝ ቆፋታ

9 ኤሌሳ ያዳ ታና ቤዓ። 10 ዳማሲ ሃ አላሚያን ዳዊያባታ ደሴዲ፣ ታና አጊዲ፣ ቴሴሎንቄ ካታማ ቢስ። ቁርቁሲ ጋላቲያ ቢታ፣ ቃሲ ቲቶይ ዲልማዲያ ቢታ ቢስ።

11 ሉቃሳ ያላሊ ታራ ዳዔስ። ማርቆስ ያሳ ኦሶን ታና ማዳናው ዳንዳዊያ ጊሾ ኔራ ኤካዳ ያ። 12 ታኒ ቲኪቆሳ ኤፌሶና ካታማ ኪታስ። 13 ኔኒ ያሹ፣ ዲርዳዳ ካታማን ካርፖሳ ማታን አጋዳ ዪዳ ታ ኮቲያኔ ማፃፋታ ታው ኤካዳ ያ። ኡባካ ጋልባን ያፌቲዳ ማፃፋታ ኤኮና ዮፓ።

14 ቢራታ ቆዲያ ኢስኪንዲሬይ ታና ዳር ቆሃስ፤ ጎዳይ ኢያ ኦሶ-ዋዳ ኢያው ዘራና። 15 ኢ ኦ ቲሚርቲያ ዳር ኢዲያ ጊሾ ኢያፔ ኔና ናጋ።

16 ኮይር ታ ሞቲቲያ ዋዴ ኡባይ አጊዲ ቢደሶናፔ ኦቲን ኦኒካ ታና ማዲቤና። ያሳይ ሄ ባላ ኤንታው ታይቦፖ። 17 ሺን ታኒ ኩሚላ ኪታ አይሁዳ ጊደና አሳ ኡባስ ማርካቲን፣ ኤንቲ ሲዎና ማለ ጎዳይ ታ ማታን ኤቁዲ ታው ዋልቃ አሚስ። ቃሲ ኮሻቲዳ ጋሞዳ ደና ደዪዳ ሃይቁዋፔ ታና አሺስ። 18 ጎዳይ ታና ኢታ ኡባፌ

2:19 ታይ 16:5 3:8 ኬሳ 7:11 3:11 ሃ.ኦ 13:14-52፤ 14:1-20 * 4:8 ዲሎቴላ ካላቻይ፣ ዲሎቴላ ዳዎ ጊሾ ታ ኤካና ካላቻ። ዲሎቴላ ታው ካላቻ ኦሊዳ ኢሜስ ጉሱ። 4:10 ቆላ 4:14፤ ፊልሞ 24፤ 2ቆር 8:23፤ ጋላ 2:3፤ ቲቶ 1:4 4:11 ቆላ 4:14፤ ፊልሞ 24፤ ሃ.ኦ 12:12፣ 25፤ 13:13፤ 15:37-39፤ ቆላ 4:10 4:12 ሃ.ኦ 20:4፤ ኤፌ 6:21-22፤ ቆላ 4:7-8 4:14 1ጊዋ 1:20፤ ማዘ 62:12፤ ሮሜ 2:6

አሺዲ ባ ሳሎ ካዎቴላ ሳሮን ኤፋና። ኢያው ሜሪናፔ ሜሪና ጋካናው ቦንቶይ ገደ። አሚንዒ።

ወርሴላ ሳሮላ

19 ጲሪስቁላስ፣ አቁላሲኔ አኔሰፎራ ሶ አሳሰ ታ ሳሮሎዋ ኦዳ። 20 ኤራሰያሲ ቆሮንቶሳ ካታማን አቲሰ።

ዲሮፊሞሲ ሃርጌቲዳ ገሾ ሚሊዳ ካታማን አጋሰ።

21 ባልጎይ ጌላናፔ ሲንጼ ኤሉሳዳ ያ።

ኤወቡሉሲ፣ ጳዴሲ፣ ሊኑሲ፣ ቁላዴይኔ ሃራ አማኒያ አሳቲ ኡባይ ኔና ሳሮ ሳሮ ጎሶና።

22 ጎዳይ ዩሱስ ኪሪሰቶሲ ኔ አያናራ ገደ።

ያሳ ማሮቴላይ ሂንቲ ኡባራ ገደ።

ጳውሎስ ተቶስ ፃፊዳ ኪታ ጋላ ቆፋ

ተቶይ አይሁዳ ገደና አሲ፡ ሺን ጉዬፔ አማኒዲ፡ ጳውሎስ ዋንጌላ ኪታ ኦሱዋ ኦሊያ ዋዴ ማታን ኢያ ማዲዳ አሲ፡ ሄ ዋዴ ተቶይ፡ ዋሳ ኬላ ጻላናውኔ ናጋናው ቃርጻሳ ቢታን አቲሰ፡ ሃ ኪታይ ሄሹ አይፌ ቆፋታ ኦይኬሰ፡

1) ዋሳ ኬላ አይሲያ አሳይ፡ ኢታ ዱሱ ዳዒያ ቃርጻሳ አሳ ማታን አይ ማላ ሎዎ ዱሱ ዳናው ኮሺያኮ ተቶ አኬኪሰሰ፡

2) ዋሳ ኬላ ገደን ዳዒያ ዱማ ዱማ ጨጌታ፡ ሄሲካ፡ ጨማ አሳታ፡ ያላጋ አዳታኔ አይሌታ ዋቲ ታማርሳናው ቤሲያኮ ተቶ ዘሬሰ፡

3) አማኒያ አሳ አማኖ ዱሳባ፡ ሄሲካ፡ ሳርቴላኔ ሲቆን ዳናባ፡ ዋሳ ኬላ ገደፌ ኦሺ፡ ፓላማኔ ሻሆቴሌ ዲጋናባ ተቶስ ዘሬ አሚሰ፡

ተቶ ኪታ አይፌ ቆፋታ

ጌሎ ቆፋ 1:1-4

ዋሳ ኬሌ ካሌሊያ አሳ 1:5-16

ዋሳ ኬላን ዳዒያ ዱማ ዱማ ጨጌታ ኦሶ 2:1-15

ዘሬኔ ናገሶ 3:1-11

ኩሻ ቆፋ 3:12-15

1 ዬሱስ ኪሪሰቶሳ ሃዋሪይኔ ያሳ አይሌይ፡ ጳውሎስ፡ ፃፊዳ ዳብዳቤያ፡ ያሳይ ደሪዳ አሳ አማኑዋ ዲቻናዳኔ ቱማ አያና ዳዑዋ ዋኒዲ ዳኔኮ ቤሲያ ቱማ ኤራኮ ኤንታ ካሌላናው ታኒ ኪቲታሰ፡ 2 ሄ አማኖይኔ ኤራቴላይ ሜሪና ዳዑዋ ኡፋይሳ ቦላ ዜምፒስ፡ ሄሳ ዳር ዋዴፔ ሲንሌ ዋርዶቶና ያሳይ ኦስ አማና ገዲ ቃላ ጌሊሰ፡ 3 ኦና አሺያ ያሳይ ባ ዋዴን ሃ ኪታ ኦዳና ማላ ታው ሃዳራ አሚሰ፡

4 ኦ ኮሌ አማኑዋን ታ ቱማ ናባ ገዲዳ ተቶ፡

ያሳ አዋፔኔ ኦና አሺያ ዬሱስ ኪሪሰቶሳፔ አጾ ኬሃቴላይ፡ ማርቴላይኔ ሳርቴላይ ኔው ገደ፡

ተቶይ ቃርጻሳን አሊያ ኦሱዋ

5 ታኒ ኔና ቃርጻሳን አጋዳ ዪዳይ፡ ኔኒ አቲዳባ ገሊሳናዳኔ ታኒ ኪቲዳይሳዳ ካታማ ኡባን ዋሳ ኬላ ጨማታ ደራና ማላሳ፡ 6 ጨሚ ቦሬቶናይሳ፡ ኢሲ ማቼ አዚና፡ ማራ ጳዮን ዋይኮ ኪቲቴላ ኢዎን አሲ ቦርና አማኒያ ናይቲ ዳዒያ አሲ ገደናው ቤሲሰ፡ 7 ዋሳ ኬላ ጨሚ ያሳ ኦሱዋ ሃዳራ ኤኪዳ ገሾ ቦሬቶናይሳ፡ ኦቶርቶናይሳ፡ ኤሌ ዪሎቶናይሳ፡ ማሎቶናይሳ፡ ኦዳ ሚጶናይሳኔ ቤሶና ጎሳስ ዳፌቶናይሳ ገደናው ቤሲሰ፡ 8 ሺን አማሌ ሞኬይሳ፡ ሎዎባ ኡባ ደሴይሳ፡ አኬካንቾ፡ ጂሎ፡ ጌሺኔ ባና ሃሪይሳ ገደናው ቤሲሰ፡ 9 ሃሪታ ሱሬ ተሚርቲያን ሚንሌላናውኔ ሄ ተሚርቲያ ኢጻይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሲሰ፡

10 ኪቲቶናይሳቲ፡ ፓላና ኦዳ ኦዳይሳቲ፡ ጨሚይሳቲ ኡባካ ቃፃሬቴላ ዋጋ ናገያ ዳር አሳቲ ዳዎሶና፡ 11 ኤንቲ ቤሶና ኦጌን ሚሾ ዳማናው ኮዪዲ፡

ታማርሳናው ቤሶናባ ታማርሲሾ ኬላ አሳ ኡባ ኢሲያ ገሾ ኤንታ ተሚርቲያ ቱቃናው ቤሲሰ፡ 12 ኤንታ ናቤታፔ ኢሶይ፡ «ቃርጻሳ አሳይ ኡባ ዋዴ ዋርዶ ኦዳቶሶና፤ ኢታ ደዓታኔ አዛላ ያራምባታ»* ያገሰ፡ 13 ሃ ማርካቴላይ ቱማ ማርካቴሌ፡ ሄሳ ገሾ፡ ኤንታው ቱማ አማኖይ ዳና ማላ ኤንታ ሃንቄታ፡ 14 ቱማ ኢጻያ አሳ ተሚርቲያኔ አይሁዳታ ፓላና ቶሲያ ሲዎና ማላ ኤንታ ሴራ፡ 15 ባንታው ጌሺ ገዲዳይሳታሰ ኡባይ ጌሺ፡ ሺን ቱናታሲኔ አማኖናይሰታሰ ኤንታ ቆፋይኔ ካሃይ ቱኒዳ ገሾ ኤንታው አይቢካ ጌሺ ገደና፡ 16 ኤንቲ ኦ ያሳ ኤርሰ ጎሶና፡ ሺን ባንታ ኦሱዋን ኢያ ካዶሶና፡ ኤንቲ ያሳን ኢጻቴዳይሳታ፡ ኪቲቶናይሳታኔ ሎዎ ኦሶ ኡባሰ ገደናይሳታ፡

2

1 ሺን ኔኒ ሱሬ ተሚርቲያ ጳልቆና ተሚርቲ ታማርሳናው ቤሲሰ፡ 2 ጨማ አዳቲ ባንታና ሃሪይሳታ፡ ዋፑ ገደይሳታ፡ ቦንቾቲዳይሳታ፡ አማኖን፡ ሲቆኒኔ ዳንዳዓን፡ ሚኖ ገደና ማላ ዘራ፡ 3 ሄሳዳካ፡ ጨማ ማጫሳይ ባንታ ዱሳን ጌሻታ፡ ዘገርናይሳታ፡ ዋይኔ ኡሻን ሃሪቶናይሳታኔ ሎዎባ ታማርሴይሳታ ገደና ማላ ታማርሳ፡ 4 ኤንቲ ሄሳዳ ሃኒኮ ያላጋ ማጫሳይ ባንታ አዚናታኔ ባንታ ናይታ ሲቃና ማላ ታማርሳናው ዳንዳዎሶና፡ 5 ያሳ ቃላይ ቦሬቶና ማላ ባንታና ሃሪይሳታ፡ ጌሻታ፡ ባንታ ሶን አሌይሳታ፡ ኬሃታኔ ባንታ አዚናታሰ ኪቲቲይሳታ ገደና ማላ ያላጋ ማጫሳ ታማርሶና፡

6 ሄሳዳካ፡ ያላጋ አዳቲ ባንታና ሃሪና ማላ ዘራ፡ 7 ኔኒ ኔ ሁዔን ሎዎ ኦሶ ኡባን ኤንታው ለሚሶ ገደ፡ ኔኒ ኔ ተሚርቲያን ኤቁዳይሳኔ አማኔቲዳይሳ ገደ፡ 8 ኦ ሞርኬቲ ኦና ዘገራናው ጋሶያባይ ኤንታው ጳዪን ኤንቲ ዬላታና ማላ ኔኒ ቦሬቶና ሎዎ ኦዳ ኦዳታ፡

9 አይሌቲ ኡባባን ባንታ ጎዳታሰ ኪቲታና ማላ፡ ኤንታ ኡፋይሳና ማላኔ ኤንታራ ፓላሞና ማላ ዘራ፡ 10 ኤንቲ ባንታ ጎዳታፔ ካይሶቶፖ፡ ሄሲካ፡ ኦና አሺያ ያሳ ተሚርቲይ፡ ኡባ ኦጌን ደሴቲዳይሳ ገደና ማላ ባንታ አሊያ ኦሱዋን አማኔቲይሳታ ገደይሳ ቤሳና ማላ ኤንታ ዘራ፡

11 አሴ አሺያ ያሳ አጾ ኬሃቴላይ አሳ ኡባሰ ቆንጨሰ፡ 12 ሄ አጾ ኬሃቴላይ፡ ኦ ናጋራኔ ሃ አላሚያ አሙዋ አገዲ፡ ሃ ዋዲያን ኦና ሃሪዲ፡ ቱማ አያና ዳዑዋኒኔ ጂሎቴላን ዳና ማላ ኦና ታማርሴሰ፡ 13 ኦኒ ኦንጃቲዳ ኡፋይሳ ገዲዳ ገታ ያሳኔ ኦና አሺያ ዬሱስ ኪሪሰቶሳ ቦንቾ ቆንጨፍላ ናጎሰ፡ 14 ኢታ ኦሶ ኡባፌ ኦና ዋዛናውኔ ሎዎባ ኦላናው አሞቲያ ባ ጌሻ አሲ ኬሳናው ኦ ገሾ ባና አሊ አሚሰ፡

15 ኔኒ ሃይሳ ታማርሳ፤ ኩሜላ ማታን ዘራ፡ ሴራ፤ ኦኒካ ኔና ካጾፖ፡

3

አማኒያ አሳ ኦሶ

1 አሳይ ዳሪያ ሃሪይሳታሰ፡ አዋቴላይ ዳዒይሳታሰ ሃሪታናው፡ ኪቲታናውኔ ሎዎ ኦሶ ኡባ አላናው

1:4 2ቆር 8:23፤ ጋላ 2:3፤ 2ጊሞ 4:10 1:6 1ጊሞ 3:2-7 * 1:12 ቃርጻሳ አሳይ ኡባ ዋዴ ዋርዶ ኦዳቶሶና፤ ኢታ ደዓታኔ አዛላ ያራምባታ፡ ሄሳ ያገዲ ኦዳዳ ናቤኔ ኤጲሜንዳሳ ጌቲቲሰ፡ 2:14 ማዘ 130:8፤ ኬሳ 19:5፤ ዛሬ 4:20፤ 7:6፤ 14:2፤ 1ጴጌ 2:9

ገሌቲዳይሳታ ገዳና ማላ አከኪሳ። 2 ቃሲ ኤንቲ ኦዳ ቦላካ ኢታ ኦዳቶና ማላ፣ ሳሮ አሲ ገዳና ማላ፣ አሽከታኔ አሳ ኡባሰ ካዴቴይሳታ ገዳና ማላ ዞራ። 3 ኑኒ ካሴ ኤያታ፣ ከቴቶናይሳታ፣ ባሌቲዳይሳታ፣ ዲማ ዲማ አሾ ኡፋይሳሲኔ አሞሰ አይሌቲዳይሳታ። ኑኒ ኢታቴላኒኔ ቃናቴን ከሚዳይሳታ፤ ኑ አሴ ኢዳይሳታ፣ አሲካ ኑና ኢዳይሳታ። 4 ሺን አሺያ ያሳ ከሃቴላይኔ ሲቆይ ቆንጨዳ ዎዳ 5 ኑ ኦሊዳ ዓሎ ኦሱዎ ገሾ ገደናሺን ባ ማሮቴላ ገሾ ኑና አሺሰ። ኑና ኢ አሺዳይ፣ ናምዓንጾ ዩሌቴላ ማቻኒኔ ጌሻ አያና ባጋራ ኢሚዳ ኦራላ ዳዑዎና። 6 ሄ አያና፣ ያሳይ ኑና አሺያ ዩሱሰ ከሪሰቶሳ ባጋራ ኑ ቦላ ዳርሲዲ ጉሲሰ። 7 ባ አዶ ከሃቴላ ባጋራ ኑና ዓሊሲዲ ማሪና ዳዑዎ ላታ ኡፋይሳ ኦይካና ማላ ሄሳ ኦሊሰ። 8 ሃ ቃላይ አማኔቲዳ ቃላ። ያሳ አማኔይሳቲ ሎዎ ኦሶ ኦላናው ገሊዳይሳታ ገዳና ማላ ኔ ሃ ቃላ ማንጻዳ ኦዳና ማላ ታ ኮያይሰ። ሃይሳቲ አሴ ኡባሰ ሎዎኔ ጎዔይሳታ። 9 ሺን ኤያቴላ ፓላማፔ፣ ኮቻ ታይቦፔ፣ ካቻፌኔ ሂጌ ጋሶን ዳንዲያ ኦሻፌ ናጌታ። ሄሲ ጎዔኔ ዎዴይ ባይናባ። 10 ሻሆቴሊ ማዲያ ኡራ ኮይሮ ዞራ፤ ናምዓንጾ ሃንቄታ ሄሳፌ ጉዬ ኢያፔ ሃካ። 11 ሄሳ ማላ አሲ ጌላኔ ናጋራንቸ፤ ኢ ባ ቦላ ፒርዳይሳ ኤራ።

ወርሴላ ዞሪ

12 ታኒ ባልጎ ያን ሻጫናው ቆፒዳ ገሾ አርዳማሳ ዎይኮ ቲከቆሳ ኔኮ ከቲያ ዎዳ ኔ ታኮ ኒቆጲሊዮና ያናው ሚና። 13 ሂጌ ኤሪያ ዜናሲኔ አጲሎሲ ኦጌ ቢያ ዎዳ ኤንታው ኮሺያባይ ፓጮና ማላ ኤንታ ማዳ። 14 ኑ አሳይካ ፓላና አሲ ገዲዲ አቶና ማላ ባንታው ኮሺያባ ዳማና ማላ ሎዎ ኦሶ ኦላናው ሚኒዲ ታማሮ። 15 ታራ ዳዒያ ኡባይ ኔና ሳሮ ጎሶና፤ አማኖን ኑና ሲቁያ አሳ ሳሮ ጋ። ያሳ አዶ ከሃቴላይ ሂንቴ ኡባራ ገደ። አሚንዲ።

3:12 ሃ.ኦ 20:4፤ ኤፌ 6:21-22፤ ቆላ 4:7-8፤ 2ዓሞ 4:12 3:13 ሃ.ኦ 18:24፤ 1ቆሮ 16:12

ጳውሎስ ፊልሞናስ ፃፊ ዳብዳቤያ ጋላ ቆፋ

ፊልሞን ኤሬቲዳ አማኒያ አሰ። ኢ ቆላሲያሳ ዋሳ ኬላ አሰ ጊደና አቴና። ፊልሞናስ አናስሞሳ ጊያ አይሌይ ዳዔስ። ሄ አይሌይ ባ ጎዳፔ ቤቲዲ ቢዳ ዋዴ ቃሾ ኬላን ዳዔያ ጳውሎሳራ ጋሂቲስ። አናስሞሳ ዩሱሳ አማናና ሜላ ኦሊዲይ ጳውሎሳ። ጳውሎስ ፊልሞናስ ፃፊ ዳብዳቤይ፣ ፊልሞን ጉዬ ሲሚዲ ኢያኮ ቢያ ባ አይሊያራ ሲጌታና ሜላ አክኪሴስ። ጉጂዲካ ሃዒ አናስሞሳ አማኒያ አሰ ጊዲዳ ጊሾ ሂዛፔ ጉዬ አማኒያ አሻዳ ኢያ ሞኪ ኤካና ሜላፔ አቴን አይሌዳ ኢያ ታይቦናዳ ኢያው ኦዴስ።

ፊልሞና ኪታ አይፌ ቆፋታ

ሳሮሶ 1-3

ጋላታኔ ዋሳ 4-7

ጳውሎስ አናስሞሳ ጊሾ ፊልሞና ዋሲስ 8-21

ኩሻ ቆፋ 22-25

1 ታኒ ጳውሎስ፣ ዩሱስ ኪሪስቶሳ ጊሾ ቃሾን ዳዔይሲኔ ኑ አሻ ደሞቲዮሲ፣ ኑራ ኦሊያ ኑኒ ዶሲያ ፊልሞናስ፣ 2 ኔ ሶን ሸቂያ ዋሳ ኬላስ፣ ኑ ሚቼ አፊቢያሲኔ ኑራ ኢሲፌ ዳዔያ ዋታዳሬ አርኪዳሳስ ፃፊ ዳብዳቤያ ኪታ።

3 ያሳ ኑ አዋፔኔ ኑ ጎዳ ዩሱስ ኪሪስቶሳፔ አጼ ኬሃቴሳይኔ ሳርቴሳይ ሂንቴው ጊደ።

ፊልሞና ሲቁዋኔ አማኑዋ

4-5 ኔኒ ጌሻታ ዶሲይሳኔ ጎዳ ዩሱሳ አማኔይሳ ታኒ ሲዒያ ጊሾ ያሳ ዋሳሼ ኔና ቆፒያ ዋዴ ኡባን ታ ያሳ ጋላታይስ። 6 ኔኒ ኔ አማኑዋ ሃራታስ ሻኬይሲ ኑስ ኪሪስቶስ ዩሱሳ ባጋራ ያ ሎዖባ ኡባ ኤሪሳና ሜላ ታኒ ያሳ ዋሳይስ። 7 ጌሻታ ዋዛናይ ኔ ኦሱዋን ሚኒዳ ጊሾ ታ አሻው፣ ታኒ ኔ ሲቁዋን ዳር ኡፋይሲኔ ሚንሌሶ ዳማስ።

ጳውሎስ አናስሞሳ ፊልሞናስ ኦዲስ

8 ሂሳ ጊሾ፣ ኔኒ ኦሳናው ቤሲያባ ኦሳና ሜላ ኔና ኪታናው ኪሪስቶሳ ባጋራ ታው ሚኖቴሌ ዳዔስ። 9 ታኒ፣ ጨማይ ጳውሎስ፣ ኪሪስቶስ ዩሱሳሰ ሃዒካ ቃሾን ዳዔይሲ፣ ሲቆን ኔና ዋሳይስ። 10 ታኒ ቃሾን ዳዔሼ ኢያው ዘሪያ አዋ ጊዳዳ ታ ናዓ አናስሞሳ ጊሾ ኔና ዋሳይስ። 11 ኢ ካሴ ኔና ማዴና፣ ሺን ሃዒ ኔናካ ታናካ ቱማ ማዲያ አሰ።

12-13 ታኒ ዋዛናፔ ዶሲያ አናስሞሳ ኔኮ ዩዳይስ። ታኒ ዋንጌላ ጊሾ ቃሾቲዳሺን፣ ኔ ጊሾ ታው ኦሊዲ ታና ማዳና ሜላ ታ ማታን ኢያ አሻናው ኮያስ። 14 ሺን ኔ ሺኔዳ ኦሳናው ኮያሲፔ አቴን ኔራ ዘራቶና ዋልቃን አይኮካ ኦሳናው ኮዩኬ።

15 አናስሞሳ ጉላ ዋዴ ኔፔ ሻኬቲዳይሲ፣ ኦኒ ኤሪ ሲሚዲ ኡባ ዋዴ ኔራ ዳዖና አጌና። 16 ሂዛ፣ ሃይሳፌ ጉዬ አናስሞሳ አይሌ ጊደናሺን አይሌፌ ኢ ዳር አጼስ። ኢ

ታው አይ ሜላ ሲቆ ኢሼ! ቃሲ ኢ ኔው አሳ ባጋራካ ጎዳ ባጋራካ አጲዳ አሻ።

17 ሂዛ፣ ኔኒ ታና ኔ ሳጌ ጊያባ ጊዲኮ ታና ሞኬይሳዳ ኢያ ሞካ። 18 ኢ ኔና ቆሂዳባይ ዋይኮ ኢ አጮቲዳባይ ዳዒኮ ታፔ ኤካ። 19 ሄ አጩዋ ታኒ ቃንፃና ጋዳ ታኒ፣ ጳውሎስ፣ ታ ኩሼን ፃፋይስ። ኔኒ ታው ኔ ሸምፑዋ አጮታ ኡቲዳይሳ ታኒ ኔና አክኪሳናው ኮሼና።

20 ታ አሻው፣ ጎዳ ባጋራ ኔፔ ማዴ ዳማናው ኮያይስ። ኪሪስቶሳ ባጋራ ታና ሚንሌሳ። 21 ታኒ ጊዳይሳፌ ዳር ኔኒ ኦሳናይሳ ኤራዳ ቃሲ ኔ ታው ኪቲታናይሳ አማናዳ ሃይሳ ፃፋይስ።

22 ያሳይ ሂንቴ ዋሳ ሲዒዲ ታና ሂንቴኮ ጉዬ ዘራና ጋዳ ቆፒያ ጊሾ ታው ኢማሌ ሸምፒያ ኬሌ ጊሊሳ።

ወርሴላ ሳርታ

23 ኪሪስቶስ ዩሱሳ ጊሾ ታራ ቃሾን ዳዔያ ኤጳፊሪ ኔና ሳር ሳር ጌስ። 24 ቃሲ ታራ ኢሲፌ ኦሊያ ማርቆሲ፣ አርስዲሮኮሲ፣ ዳማሲኔ ሉቃሲ ኔና ሳር ሳር ጎሶና።

25 ጎዳ ዩሱስ ኪሪስቶሳ አጼ ኬሃቴሳይ ሂንቴ ኢያናራ ጊደ።

ኢብራዊ አሳሰ ፃፊትዳ ኪታ ጋሳ ቆፋ

ሃ ኪታይ ፃፊትዳይ፡ ዋልቃማ ሜቶይ ጋኪን፡ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፡ ዩሱስ ኪሪስቶስ ወርሴላኔ ቱማ ያሳ ቆንጨጭላ ገዴይሳ ኢብራዊ አሳሰ ቤሴስ። ሄ አማኒያ አሳይ ባንታ አማኑዋን ሚናና ማላ ኤንታ ሚንሌሌስ። ኢ ሄሳን ሄቭ አይፌ ቆፋታ ዋናዩዲ ቤሴስ።

1. ዩሱስ ላ ኤኪዳ ሜቱዋን አዋሰ ቱማ ኪቲቲዳ ማሪና ያሳ ናዓ። ኢ ያሳ ናዓ ገዲዳ ገሾ ጋልዓ ጫቁዋ ዋዴ ዴዒያ ናቤታ፤ ኪታንቸታ፤ ሙሴ፤ ሰላ።
 2. ዩሱስ ጋልዓ ጫቁዋ ካሂንታ፤ ዳር አዲያ ማሪና ካሂኔ ገዴይሳ ያሳይ ባ ሁዔን ማርካቲስ።
 3. ዩሱስ ባጋራ አማኒያ አሲ ናጋራ፤ ያሻፊኔ ሃይቆ፤ አቲስ። ዩሱስ ካሂኔ ሃላቃ ገዴይሳዳ፡ ካሴ ኢብራዊታ አማኖ ዋጋኒኔ ማሄ ያርሾን ኩያዳ ቤንቲያ አቶቲላ ሃዒ ቱማ ኦሊስ።
- ፃፊይ ኢብራዊሌ አሳ ታሪኩን ዳር ኤሬቲዳ አሳ አማኖ ለሚሶ ኦሊ ኤኪዳ (ሺዎ 11) ሃ ማፃፋ ናባቢያ አሳቲ ባንታ አማኑዋን ሚናና ማላ አክኪሴስ። ሄሳዳካ፡ ሺዎ 7 12 ናባቤይሳቲ ባንታ አይፊያ ዩሱስ ሰላ ዋሊዳ፡ ባንታ አማኑዋን ሚናና ማላኔ አይ ማቶይኔ ዋሊዳ ጋኪኮካ፡ ኤንቲ ጌንጫና ማላ ዘሬስ። ወርሴላን ዘሬኒኔ አክኪሶ ቃላን ባ ኪታ ኩዩስ።

ኢብራዊ ኪታ አይፌ ቆፋታ

- ጌሎ ቆፋ፡ ያሳይ ኪሪስቶስን ቆንጨዳይሳ 1:1-3
 ኪሪስቶስ ኪታንቸታ፤ ሰላ 1:4-2:18
 ኪሪስቶስ ሙሴ፤ ኢያሱ፤ ሰላ 3:1-4:13
 ኪሪስቶስ ካሂኔቲላይ ሰላ 4:14-7:28
 ኪሪስቶስ ጫቆይ ሰላ 8:1-9:22
 ኪሪስቶስ ያርሾይ ሰላ 9:23-10-39
 አማኖ ባይራቲላ 11:1-12:29
 ያሳ ኡፋይሶ 13:1-19
 አንጅኔ ኩሻ ቆፋ 13:20-25

ናዓይ ኪታንቸታ፤ ሰላ

1 ካሴ ያሳይ፡ ኦ አዋታሰ ናቤታ ባጋራ ዳማ ዳማ ኦጌን ዳር ዋዴ ኦዲስ። 2 ሺን ሃ ወርሴላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜዲዳ ባ ናዓ ባጋራ ኦስ ኦዲስ። 3 ናዓይ ያሳ ቦንቹዋ ጸሌላኔ ኩሜላ ያሳ ያሳቲላ ኤኪዳ፡ ባ ዋልቃማ ቃላን ሃ አላሚያ ካቲሲዳ ኦይኪስ። አሳ ኤንታ ናጋራ፤ ጌሺዳ፤ ጉዬ ኡባፌ ሰላ ያሳ ኡሻቻ ባጋን ሳሎዋን ኡቲስ።

4 ኢያው ኢሜቲዳ ሱንላይ ኪታንቸታ ሱንላፌ ሰላ ገዴይሳዳ ኢ ኤንታፌ ሰላ። 5 ሂዛ፡ ያሳይ ኪታንቸታ፤ ኦዴኮ።

«ኔኒ ታ ናዓ፤

ታ ሃቹ ኔው አዋ ገዲሰ» ገዴ?

ዋይኮ ቃሲ ኦዴኮ።

«ታኒ ኢያው አዋ ገዲና፤
ኢካ ታው ናዓ ገዲና» ገዴ?

6 ቃሲ ያሳይ ባ ባይራ ናዓ ሃ አላሚያ ኪቲሼ።

«ያሳ ኪታንቸቲ ኡባይ ኢያው ጎይኖ»

ያጌስ። 7 ያሳይ ኪታንቸታ ባ ኦዲሼ።

«ያሳይ ባ ኪታንቸታ ጫርኮ።

ባ አይሌታ ታማ ላጮ ኦሌስ»

ያጌስ። 8 ሺን ባ ናዓባ ኦዲሼ።

«ያሳው፡ ኔ ካዎቲላይ ማሪናው ዴዒስ።

ኔ ካዎቲላ ኔ ያሎቲላን አይሳሳ።

9 ኔኒ ያሎቲላ ደሳዳሳ፤ ኢታ ኢፃዳሳ።

ያሳይ፡ ኔ ጎዳይ፡ ኔና ኔ ላጌታ፤ አሊዲ ዶሪስ።

ኡፋይሳ ዛይቲ * ኔና ቲዩስ»

ያጌስ። 10 ያሳይ ዛሪዲ።

«ጎዳው፡ ኮይሮ ኔኒ ሳዓ ማዳዳሳ፤

ሳሎቲ ኔ ኩሼ ኦሶ።

11 ሄሳቲ ኡባይ ጳያና፤

ሺን ኔኒ ዳና።

ኤንቲ ኡባይ አፊላዳ ወራና።

12 ኔኒ ኤንታ ሳሌናዳ ፃፃና፤

ቃሲ ኤንቲ አፊላዳ ላሜታና።

ሺን ኔኒ ኡባ ዋዴ ኔና፤

ኔ ላይላይካ ወራና»

ያጌስ። 13 ሺን ያሳይ ኪታንቸታ፤ ኦዴኮ።

«ታኒ ኔ ሞርኬታ ኔ ቶሆይ

ዩዲያሶ ኦላና ጋካናው።

ሃይሳን ታ፤ ኡሻቻ ባጋን ኡታ» ገዴ?

14 ኪታንቸቲ ኡባይ አቶቲላ ዴማናው ዴዒያ አሳታ ማዳናው ያሳይ ኪቲዳ አያናታ ገደኮናዬ?

2

ገታ አንጂዋ

1 ሄሳ ገሾ፡ ኦኒ ሲዒዳ ቱማ፤ ሃራሶ ኤኬቶና ማላ ሄ ሲዒዳይሳ ሚንሌዲ ናጋናው ቤሴስ። 2 ሂዛ፡ ኪታንቸታ ባጋራ ኦዴቲዳ ቃላይ ቱማ ገዲኮ። ኢያ ናቆይኔ ኪቲቶና ኢያይ ፐርዳ ኤሂያባ ገዲኮ። 3 ያቲን፡ ኦኒ ሃይሳ ማላ ገታ አቶቲላ ኢፃሰ ገሾ። ዋኒዲ አታኔ? ኮይሮ ጎዳይ ባ ሁዔን ሄ አቶቲላ ኦዲስ፤ ቃሲ ኢያ፤ ሲዒዳይሳቲ ኦስ ጌሺዲ ማርካቲዶሶና። 4 ቃሲ ያሳይ ማላታታን፡ ኦራላባታን፡ ዳማ ዳማ ማላታኒኔ ባ ሺኒያዳ አሚዳ ጌሻ አያና አሞታታን ማርካቲላ ሚንሌስ።

ዩሱስ አሴ ገዲሰ

5 ያሳይ ሃ ኦኒ ኦዲያ ሲንላፌ ያና አላሚያ፡ ኪታንቸታሰ ሃሪሲቤና። 6 ጌሻ ማፃፋይ ኢሲ ቤሳን ሃይሳዳ ያጌስ።

«ኔኒ አሳሰ ቆጋናው አሲ አይቤ?»

ዋይኮ ኔኒ ኢያ ናጋናው ኢ አይቤ?

7 ኔ ኢያ ኪታንቸታ፤ ጉላ ዋዴስ ጉላዳሳ፤

ኢያ ሁዔን ቦንቹኔ ሳባ ካላቻ ዋላዳሳ።

8 ቃሲ ኡባባ ኢያ ቶሆ፤ ጋርሳን ዋላዳሳ»

ያጌስ። ያሳይ ኡባባ ኢያው ሃሪሲያ ዋዴ ኢያው ሃሪቲቦናባይ አይቤካ ባዋ። ሺን ሃዒ ኡባባይ ኢያው ሃሪቲሺን ኦኒ ቤዒቦኮ። 9 ሺን ኦኒ ኪታንቸታ፤ ጉላራ

1:5 ማዘ 2:7፤ 2ሳሙ 7:14፤ 1ታሪ 17:13 1:6 ዛሬ 32:43 1:7 ማዘ 104:4 1:8 ማዘ 45:6-7 * 1:9 ኡፋይሳ ዛይቲ፡ ኢ ካዎቲያ ዋዴ አሳይ ኡፋይሳን ኢሊሊዲ ኢያ ካዎሌይሳ ቤሴስ። 1:10 ማዘ 102:25-27 1:13 ማዘ 110:1 2:6 ማዘ 8:4-6

ጉዳዩ ይሁሉ ቤዖስ። ያሳ አጽ ከሃቴላ ጋሶን ይሁሉ አሳ ኡባስ ሃይቁስ። ኢ ዋዬ ሃይቆ ሃይቁዳ ገሾ ቦንቸኔ ሳባ ካላቻ ኢያ ሁዔን ዋሊስ። 10 ኡባባይ ኢያወኔ ኢያ ጋሶን ማጺቲዳ ያሳይ። ዳሮ ናይታ ባራ ቦንቸሳናው ኤንታ አቶቴላ ሁዒያ። ይሁሉ ዋዬን ፖሎ አላናው ኢያው ቤሴስ።

11 ይሁሉኔ ሄ ኢ ጌሺዳ አሳ ኡባይ ኢሲ አዋ ናይታ። ይሁሉ ኤንታ። «ታ ኢሻታ» ገዲ ያጋናው ይላቶናይ ሄሳሳ። 12 ይሁሉ።

«ታኒ ኔ ሱንላ ታ ኢሻታስ አዋጃና፤

ዳሪያ ሸቁዋን ኔና ጋላታና»

ያገሰ። 13 ቃሲ ኢ። «ታኒ ታ አማኑዋ ኢያ ቦላ ዋላና» ቃሲካ። «ያሳይ ታው አሚዳ ናይታራ ታ ሃይሳን ዳዓይስ» ያገሰ።

14 ናይቲ አሾይኔ ሱሌ ዳዔይሳታ ገዲያ ገሾ ይሁሉካ ኤንታዳ አሴ ገዲሰ። ኢ ሄሳ ኦሊዳይ። ሃይቆ ቦላ ዋልቁ ዳዒያ ዓላሄያ ባ ሃይቆዋን ጳይሳናሳ። 15 ቃሲ ባንታ ዳዖ ላይላ ኡባን ሃይቆ ያሻን አይሌቲዲ ዳዔይሳታ አይሌቲላፊ ዋዛናሳ።

16 ቱማ ይሁሉ ዩዳይ አብራሃሜ ዜሬሌ ማዳናሳፊ አቲን ከታንቸታ ማዳናሳ ገደና። 17 አሳ ናጋራይ አቶ ጌቲታና ማላ ያሳ ሲንሳን ማሪያኔ አማኔቲዳ ካሂኔ ሃላቃ ገዲሰ። ሄሳ ገሾ። ኢ ኡባባን ባ ኢሻታ ዳናናው ቤሴስ። 18 ኢ ባ ሁዒን ፓጩን ዋዬቲዳ ገሾ ፓጩቲይሳታ ማዳናው ዳንዳዕስ።

3

ይሁሉ ሙሴፕ ቦላ

1 ሄሳ ገሾ። ያሳይ ያገዳ ጌሻ ኢሻቶ። ኑ አማናን ጎዳ ገዲ ያገዳ ሃቀሪያኔ ካሂኔ ሃላቃ ይሁሉ ቤዒቲ። 2 ሙሴይ ያሳ ከላ ኡባን አማኔቲዳይሳዳ ይሁሉካ ባና ዶሪዳ ያሳስ አማኔቲዳይሳ። 3 ከሌ ከዳይሲ ከላፊ አጺዲ ቦንቸቲይሳዳ ይሁሉ ሙሴፕ አጺያ ቦንቸ ኤካናው ቤሴስ። 4 ኢሲ ኢሲ ከላ ከዳዳ አሲ ዳዔስ። ሺን ኡባ ገሺሲዳይ ያሳ። 5 ሙሴይ ያሳ ከላ ኡባን አማኔቲዳ አይሌ ገዲዳ። ያሳይ ሲንሳፊ ጋናባስ ማርካ ገዲሰ። 6 ሺን ከሪሰቶሲ ያሳ ከላን ናዳዳ አማኔቲዳይሳ። ኑ ኤካና ገዲ ናገያ ኡፋይሳ ሚንሲዲ ናገኮ ያሳ ከሌ ገደሰ።

ያሳ አሳስ ዳዒያ ሸምፑዋ

7 ሄሳ ገሾ። ጌሻ አያናይ ጌይሳዳ። «ሃቺ ሂንቲ ያሳይ ጌይሳ ሲዒያ ዋዴ 8 ባዘ ቢታን ፓጩያ ጋላስ። ሂንቲ አዋቲ ማካሊዳይሳዳ። ሂንቲ ዋዛና ሚንላፊቲ። 9 ሂንቲ አዋቲ ታና ፓጩደሶና፤ አይታው ላይሌ ታ ኡሱዋ ቤዒደሶና። 10 ሄሳ ገሾ። ታ ሄ ይሌቲላ ሃንቁታዳ። «ኤንቲ ኡባ ዋዴ ባንታ ዋዛናን ባሎሶና፤ ታ ኦጊያ ኤሪቦኮና» ያጋስ። 11 ሄሳ ገሾ። ታኒ ታ ሃንቁዋን ጫቃዳ። «ታ ሸምፖ ቤሳ ኡባካ ጌሎኮና» ያጋስ።

12 ታ ኢሻቶ። ሂንቲፊ ኦዴንካ። ዴዖ ያሳፊ ሂንቲና ሻኪያ ኢታኔ አማናና ዋዛኒ ደና ማላ ናጌቲቲ። 13 ሂንቲፊ ኦናካ ናጋሪ ባሌሊን። ባ ዋዛና ሚንላና ማላ «ሃቺ» ያጌቲዲ ያጌቲሺን ጋላስ ጋላስ ኢሶይ ኢሱዋራ ዘሬቲቲ። 14 ኑ ኮይሮ አማኑዋ ኑኒ ወርሴሌ ጋካናው ሚንሲዲ ናገኮ። ከሪሰቶሳራ ኢሲፊ ላታና። 15 ጌሻ ማዓፋን።

«ሃቺ ያሳይ ጌይሳ ሂንቲ ሲዒያ ዋዴ ሄ ዋዴ ኤንቲ ማካላቲላን ሃኒዳይሳዳ። ሂንቲ ዋዛና ሚንላፊቲ» ያገሰ።

16 ያሳይ ገደባ ሲዒዲ ማካሊዳይ ኦኔ? ሙሴይ ገብዳፊ ካሌሌ ከሲዳ ኡባ ገደኮናዬ? 17 ያሳይ አይታው ላይሌ ኦና ሃንቁቲዳ? ናጋራ ኦሊዳይሳታኔ ኤንታ አሃይ ባዘ ቢታን ዋጺ አቲዳ አሳታ ገደኮናዬ? 18 ቃሲ ያሳይ። «ታ ሸምፖ ቤሳ ጌሌኬታ» ያገዲ ጫቁዳይ። ኢያው ከቲቶና ኢዲዳ አሳፕ አቲን ኦዴሴ? 19 ሂዛ። ኤንቲ ሄ ሸምፖ ቤሳ ጌሎና አቲዳይ አማኒቦና ገሾ ገዳይሳ ኑ ቤዖስ።

4

1 ሂዛ። ያሳይ ኦና ባ ሸምፖ ቤሳ ጌልሳና ገዳ ቃላይ ቡሮ ሲንሳፊ ዳዒያ ገሾ ሂንቲፊ ኦኒካ ሄ ሸምፖ ቤሳ ጌሎና አቶና ማላ ናጌቶስ። 2 ኤንታው ዋንጌላይ ሳባከቲዳይሳዳ። ኦሰካ ሳባከቲስ። ሺን ኤንቲ ሲዒዳባ አማኒዲ ኤኪቦና ገሾ ኤንታ ጎዒቤና። 3 ገደሺን። አላማይ ማጺቶሳፕ ደሚዲ ያሳ ኦሶይ ፖሌቲዳይሳ ገዲኮካ። ያሳይ።

«ታኒ ታ ሃንቁዋን ጫቃዳ። ታ ሸምፖ ቤሳ ኡባካ ጌሎኮና» ገዲይሳዳ። ኑኒ አማኒዳይሳቲ ኢያ ሸምፖ ቤሳ ጌላና። 4 ላፑንላ ጋላሳባ ኢሲ ቤሳን። «ያሳይ ላፑንላ ጋላሳን ባ ኦሶ ኡባፊ ሸምፕሰ» ያገሰ። 5 ቃሲካ ሄ ቤሳን። «ኤንቲ ታ ሸምፖ ቤሳ ኡባራካ ጌሎኮና» ያገሰ። 6 ኮይሮ ዋንጌላ ሲዒዳይሳቲ ከቲቶና አዲዲ ሸምፖ ቤሳ ጌሊቦኮና። ያኒያ ገሾ። ሃዒካ ሄ ሸምፖ ቤሳ ጌላና ኢሲ ኢሲ አሳቲ ዳዖሶና። 7 ሄሳ ገሾ። ያሳይ። «ሃቺ» ገዲ ያገሺ ኢሲ ጋላስ ኦሰ ቃንዲስ። ዳሮ ዋዴፕ ጉዬ ያሳይ ዳዋቲ ባጋራ።

«ያሳይ ገደባ ሃቺ ሂንቲ ሲዒያ ዋዴ ሂንቲ ዋዛና ሚንላፊቲ» ያገዲ ኦዲስ። 8 ኢያሱይ ኤንታው ሸምፑዋ አሚዳባ ገዲያኮ። ያሳይ ሃራ ጋላሳባ ጉዬፕ ኦዴናሺን። 9 ሂዛ። ያሳ አሳስ ሳምባታ ሸምፖይ ናጌቲዲ ዳዔስ። 10 ያሳ ሸምፖ ቤሳ ጌሊያ ኦኒካ። ያሳይ ባ ኡሱዋፕ ሸምፕዳይሳዳ ኢካ ባ ኡሱዋፕ ሸምፓና። 11 ሄሳ ገሾ። ኦኒካ ሄ አሳ ከቲቲላ ኢፀዋ ካሊዲ። ኩንደናዳ ያሳ ሸምፖ ቤሳ ጌላናው ሚናስ።

12 ያሳ ቃላይ ዳዖኔ ኦሊይሳ። ናምቡ ባጋራ ቃራቲዳ ማሻፊ አጺዲ ኦጮ። ኢ ሸምፖ። አያና። ያጻኔ ኮሊዜ ጋካናው ካንሲዲ ጫዴስ። ቃሲ አሳ ዋዛናን ዳዒያ ጌሚዳ ቆፋኔ አሙዋ ሻኪዲ ፒርዴስ። 13 ያሳ ሲንሳፊ ቆሴቲያባይ አይባ ማጺቲላካ ባዋ። ኢያ አይፊ ሲንሳን

2:12 ማዘ 22:22 2:13 አሳ 8:17-18 2:16 አሳ 41:8-9 3:11 ማዘ 95:7-11 3:15 ማዘ 95:7-8 3:16 ታይ 14:1-35 4:3 ማዘ 95:11 4:4 ሜዴ 2:2 4:5 ማዘ 95:11 4:7 ማዘ 95:7-8 4:8 ዛሬ 31:7፤ ኢያ 22:4 4:10 ሜዴ 2:2

ኡባባይ ቆንጩኔ ካሎ ዳዕስ። ኑኒ ዛር አማናው ቤሴይ ኢያ ሲንገላና።

ጌታ ካሂኔ ሃላቃ ዬሱሳ

14 ሂዛ፡ ሳሎ ከዬዳ ጌታ ካሂኔ ሃላቃይ፡ ያሳ ናዓይ ዬሱሱ፡ ኑስ ዳዒያ ጊሾ ኑ አማኑዋ ሚንሉዲ ናጎሰ። 15 ኑ ካሂኔ ሃላቃይ ኑ ዳቡሪያ ዋዴ ኑስ ቃጴታናው ዳንዳዔይሳ። ኢ ናጋራ ኦሊቤና፡ ሺን ኑዳ ኡባባን ፓጩቲሰ። 16 ሂዛ፡ ማርቲላ ኤካናወኔ ማዴ ኮሺያ ዋዴ አጼ ከሃቴላ ዳማናው አጼ ከሃቴላይ ዳዒያሱዋ ያሳ አራታኮ ያዮና ሺቆስ።

5

1 ኢሲ ኢሲ ካሂኔ ሃላቁ አሳ ጊደፌ ደሬቲዲ፡ ያሳራ ጋሊያባን አሳ ጊሾ አሞታኔ ናጋራ ያርሾ ያርሻናው ሹሚቲሰ። 2 ኢ ባ ሁዔን ዳቡራንቾ ጊዲያ ጊሾ ኤርናይሳታሲኔ ባሌይሳታስ ቃጴታናው ዳንዳዔስ። 3 ኢ ባ ናጋራ ጊሾኔ አሳ ኡባ ናጋራ ጊሾ ያርሾ ያርሻናው ቤሴይ ሄሳሳ።

4 አኒካ ሃ ቦንቾዋ ባው ኤካናው ዳንዳዔና፡ ሺን አርኒ ካሂኔ ሃላቃ ጊዳናው ያጌቲዳይሳዳ ያሳን ያጌታናው ቤሴስ። 5 ሄሳዳካ፡ ኪሪሰቶሲ ካሂኔ ሃላቃ ጊዲያ ቦንቾዋ ባው ኤኪቤና። ሺን ያሳይ ኢያ፡

«ኔኒ ታ ናዓ።
ሃቾ ታ ኔው አዋ ጊዳስ»

ያጌስ። 6 ቃሲ ሃራሶን፡
«ማልከፃዲቄይ ካሂኔ ጊዲዳይሳዳ፡
ኔኒ ሜሪናው ካሂኔ ጊዳና»

ያጌስ። 7 ዬሱሱ አሴ ጊዲዲ ሃ አላሚያን ዳዒያ ዋዴ ባና ሃይቆፔ አሻናው ዳንዳዒያ ያሳ ዳር ዬሆኒኔ አፋላን ዋሲሰ። ኢ፡ ኢያ ቦንቾዲ ከቲቲዳ ጊሾ ያሳይ ኢያ ዋሳ ሲዒሰ። 8 ዬሱሱ ያሳ ናዓ ጊዲኮካ ባ ዋዬቲዳ ዋያን ከቲቲላ ታማሪሰ። 9 ሄሳንካ፡ ዬሱሱ ባ ኦሱዋ ፖሊዳፔ ጉዬ ባው ከቲቲያ ኡባይ ሚሪና አቶቲላ ዳማና ሜላ ጋሶ ጊዲሰ። 10 ያሳይ ማልከፃዲቄ ሹሚዳይሳዳ ካሂኔ ሃላቃ ኦሊዲ ኢያ ሹሚሰ።

አማኑዋን ዳቡርና ሜላ አሜቲዳ ናጊሶ

11 ሃ ኑ ኦዳ ቦላ ጉጂ ሃሳያናባይ ዳርባይ ዳዕስ፡ ሺን ሂንቲ አከካይ ጉላ ጊዲያ ጊሾ ሂንቲው ኦዲ ጌልሳናው ዋይሴስ። 12 ሂንቲ ሃኖዴ አስታማሬ ጊዳናው ቤሴስ፡ ሺን ያሳ ቃላ ኮይር ቲሚርቲያ ሂንቲና ዛሪ ታማርሲያ ሃራ አሲ ኮሺስ። ሂንቲ ሚኖ ካላ ማናው ዳንዳዮና ጊሾ ማላ ኮሺስ። 13 ማላ ፓሂቲያ አኒካ ዮጋ ናዓ ጊዲያ ጊሾ ሎዶኔ ኢታ ሻኪ ኤሪና። 14 ሺን ሚኖ ካላ ሎዶኔ ኢታ ሻኪዲ ኤሪያ ካሃማ አሳሳ።

6

1 ሂዛ፡ ኪሪሰቶሳን ታማርሲያ ኮይር ቲሚርቲያ አጊዲ ኪሪሰቶሳን ካሃማቲላኮ ቦሰ። ሃይቆ ኦሶፔ ሲሞባኔ ያሳ አማኖባ ኮይር ቲሚርቲያኮ ጉዬ ሲሞኮ።

2 ሄሳዳካ፡ ያንቃቲታባ፡ * ኩሼ ዋሶባ፡ ሃይቆፔ ዳንዳባኔ ሚሪና ፒርዳባ ዛሪ ታማርኮ። 3 ያሳይ ጊኮ ኑ ሄሳ ኦላና።

4 ኢሲ ቶሆ ፖዶይ ፖዒዳይሳታ፡ ሳሎ አሞታ ኤኪዳይሳታ፡ ጌሻ አያናን ሻኬቲዳይሳታ፡ 5 ሎዶ ያሳ ቃላኔ ሲንገላፌ ያና አላሚያ ዋልቃ ቤዒዳይሳታ፡ 6 ጉዬፔ ካዲዳይሳታ ናጋራፔ ናሞዓንሉ ዛራናው ዳንዳዔቲና። አይስ ጊኮ፡ አንቲ ባንታ ጳዩዋስ ያሳ ናዓ ዛሪ ካቂያ ሜላ ማስቃሊያ ቦላ ኢያ ካቆሶናኔ አሳ ሲንገላን ካወሾሶና።

7 ኡባ ዋዴ ኢ ቦላ ቡኪያ ኢራ ኡያዳ፡ ጎዬዳ ኡራ ማዲያ ካላ አሚያ ቢቲያ ያሳን አንጃቲዳር። 8 ሺን አጉንሉኔ ኪንቾቲ ዶሊያ ቢቲያ አይቢባካ ማዲኩ፤ ኢው ቃንጌላይ ማታቲስ፤ ወርሴላን ፀጌታና።

9 ኑ ሲቆ አሻቶ፡ ኑኒ ሃይሳዳ ኦዲያባ ጊዲኮካ፡ ሂንቲና አቶቲላኮ ካሌሊያ ሎዶባይ ሂንቲው ዳዔይሳ ኤርሰ። 10 ያሳይ ሱሬ ፒርዳይሳ። ያሳይ፡ ሂንቲ ኦሊዳ ኦሱዋኔ ካሴ ጊዲን ሃዒካ አማኔይሳታ ማዲዲ፡ ኢያው ዳዒያ ሲቁዋ ቤሲዳይሳ ደጌና። 11 ሂንቲ ኡባይ ኡፋይሳን ናጌይሳ ዳማና ጋካናው ሃ ሚኖቲላ ወርሴላ ጋካናው ቤሳና ሜላ ኑ አሞቶስ። 12 ሂንቲ አማኖኒኔ ዳንዳዒን ናጊያ ኡፋይሳ ላቲያ አሳ ዳናና ሜላፔ አቲን አዛላ ጊዳና ሜላ ኮዮኮ።

ያሳይ አሚዳ ኡፋይሳይ ሲጻሴና

13 ያሳይ አብራሃሚሰ አማና ጊዲ ጫቂዳ ዋዴ ባፔ አጲያ ሃሪ ጌቲ ባይና ጊሾ ባ ሁዔን ጫቂስ።

14 ኢያኮ፡ «ታኒ ኔና አንጃና፤ ኔ ዜሬላካ ዳርሳና» ያጊሰ። 15 አብራሃሚይ ዳንዳዒን ናጊዲ ያሳይ አማና ጊዳ ኡፋይሳ ኤኪስ።

16 አሲ ጫቂሼ ባፔ ጌታቲያ ኡራን ጫቂስ፤ ሄ ጫቆይ ጌቲቲዳባ ሚንሉዲ፡ ፓላማ ኡባ ቲቄስ። 17 ሄሳ ጊሾ፡ ያሳይ ባ ላሚቶና ቆፋ ኡፋይሳ ቃላ ላቲይሳታስ ቆንጩሳናው ኮዬዳ ጊሾ ጫቆን ሚንሉስ። 18 ያሳይ ዋርዶቲና፡ ኢያ ኡፋይሳ ቃላይኔ ጫቆይ፡ ናሞዓይካ ላሚቶኮና፡ ሃ ናሞዑባታን ኑ ሲንገላን ዳዒያ ኡፋይሳ ኦይካናው ዳናዳዒና ሜላ ጌሼ ዳማናው ኢያኮ ባቃቲዳ ኑኒ፡ ዋልቃማ ሚንሉሶ ዳማና።

19 ሃ ኡፋይሳይ ኑ ሽሞፑዋስ፡ ማርካቤይ ቃዖዳዳ ሚንሉዲ ኦይኪያ ቢራታ ሜላ። ሄ ኡፋይሳይ ማጋራጃዋሬ ጉዬ ባጋን ዳዒያ ጌሻ ቤሳ ጌሊስ።

20 ዬሱሱ ማልከፃዲቄ ሹማቲላዳ ሚሪናው ካሂኔ ሃላቃ ጊዲዲ፡ ኑ ጊሾ ኑፔ ሲንገላቲዲ ሄ ቤሳ ጌሊስ።

7

ካሂኒያ ማልከፃዲቄ

1 ማልከፃዲቄይ፡ ሳሌሜ ካዋይ፡ ኡባፌ ቦላ ያሳ ካሂኔ። ሄ ማልከፃዲቄይ አብራሃሚይ ካዋታ ኦሊ ያኒዲ ሲሚሽን ኢያራ ጋሂቲዲ ኢያ አንጂሰ። 2 አብራሃሚይ ባ ዳዒዳባ ኡባፌ ኢያው አሰራታ ከሲዲ አሚሰ። ማልከፃዲቄ ሱንገይ ኮይር «ዲሎቲላ ካዋ»፡ ናሞዓንሉ፡ «ሳሌሜ ካዋ» ቢርሼላይ፡ «ሳርቲላ ካዋ» ጉሱ። 3 ማልከፃዲቄስ አያ ዋይኮ አዉ ዋይኮ ዛሬ ፓይዳይ ባዋ። ኢያ ዬሌቲላስ ደሜላ ዋይኮ ኢያ ዳቡዋስ ወርሴላ ባዋ፡ ሺን ያሳ ናዓ ዳኒዲ ሚሪናው ካሂኔ ጊዲሰ።

5:3 ለዌ 9:7 5:4 ከሳ 28:1 5:5 ማዝ 2:7 5:6 ማዝ 110:4 5:7 ማቶ 26:36-46፤ ማር 14:32-42፤ ሉቃ 22:39-46
5:12 1ቆር 3:2 * 6:2 ያንቃቲታባ፡ ሃ ቤሳን ያንቃቲታባ ጌቲቲዳይ ዳማ ዳማ ጌሾ ዋጋታባ ኡዳናሳ። 6:8 ሜጴ 3:17-18 6:14 ሜጴ 22:16-17
6:19 ለዌ 16:2 6:20 ማዝ 110:4 7:1 ሜጴ 14:17-20

4 ማልኬግዳቄይ አይ ማላ ገቲኮ ቤዒቲ። ኑ አዋታ ማይዘይ፣ አብራሃሜይ፣ ባ ዳዒዳባፕ ኢያው አሰራታ አሚሰ። 5 ካሂኔ ገዲያ ለዌ ዛሬይ ኢሰራዔል አሳፕ፣ ሄሲካ አብራሃሜ ዜሬል ገዲዳ ባንታ አሻታፕ አሰራታ ኤካና ማላ ሂይ ከቲሰ። 6 ማልኬግዳቄይ ለዌ ዛሬ ገዲና ኢክኮካ አብራሃሜ፣ አሰራታ ኤከሲ፣ ኡፋይሳ ቃሊ ዳዒያ አብራሃሜ አንጂሰ። 7 ጉላይ ገታን አንጃቲይሲ ፓላንጤና።

8 ኢሲ ባጋራ፣ አሰራታ ኤኬይሳቲ ሃይቄያ አሳታ፣ ሺን ሃራ ባጋራ አሰራታ ኤኬይሲ ዳዎን ዳዔሰ ያገዲ ኦይቲዳይሳ። 9 ሂዛ፣ አሰራታ ኤኪያ ለዌይ፣ አብራሃሜ ባጋራ አሰራታ አሚሰ ጋናው ዳንዳዔቲሰ። 10 አይሰ ገኮ፣ ማልኬግዳቄይ አብራሃሜራ ጋሂቲያ ዎዴ ለዌይ ዩሊቲቦናባ ገዲኮካ፣ ባ ማይዘ አብራሃሜ ጉልባታን ዳዔሰ።

11 ኢሰራዔል አሳሰ ሂይ ለዌ ካሂኔቲሳ ባጋራ አሚቲሰ። ሃ ለዌ ካሂኔቲሳይ ፖሎ ገዲዳባ ገዲያኮ አርናይሳ ማላ ገዲናሺን፣ ማልኬግዳቄ ማላ ሃራ ካሂኔ ሹማናው አይሰ ኮሺዴ? 12 ሂዛ፣ ካሂኔቲ ላሚቲያ ዎዴ ሂይይካ ቃሲ ላሚታናው ቤሴሰ። 13 ሃ ኑ ኢያባ ኦዲያ ኡራይ ሃራ ዛሬ፣ ኢያ ሹሻፕ ኦኒካ ያርሾ ቤሳን ካሂኔቲሳን ኦሊቤና። 14 ኑ ገዳይ ዩሁዳ ሹሻፕ ዩዳይሲ ኤሬቲዳይሳ። ገዲሺን፣ ሙሴይ ካሂንቲባ ኦዲሾ ዩሁዳ ዛሬያባ አይባካ ኦዲቤና።

15 ማልኬግዳቄ ማላ ሃራ ካሂኔይ ዩዳባ ገዲያኮ ሃ ኑ ኦዲያባይ አጂ ቆንጫና። 16 ኢ ካሂኔ ገዲዳይ ቆናና ዳዐቀ ዎልቃናፕ ኦቲን ኢያ ማይዘ ሂኒኒኔ ዎጋን ገዲና። 17 ጌሻ ማፃፋይ፣

«ማልኬግዳቄ ካሂኔቲሳ ማላ፣ ኔኒ ሜሪናው ካሂኔ»

ያገዲ ማርካቲሰ። 18 ኮይሮ ሂይ ዳቡራንቸኔ ማድናባ ገዲያ ገሾ ሻሬቲሰ። 19 ሙሴ ሂይ አይቤንካ ፖሎ ኦላናው ዳንዳዒቤና። ሺን ኑኒ ኢያ ባጋራ ያሳኮ ሺቄያ ኡባሬ አጂያ ኡፋይሳ ቃላይ ኑሰ አሚቲሰ።

20 ከሪሰቶሲ ካሂኔ ገዲያ ዎዴ ያሳይ ጫቂሰ፣ ሺን ሃራቲ ካሂኔ ገዲዳ ዎዴ ሄሳ ማላ ጫቆይ ባዎ። 21 ሺን ዩሱሲ ጫቆን ካሂኔ ገዲሰ። ያሳይ ያገዲ ጫቂሰ፣ «ጎዳይ ጫቂሰ፣ ኢ ባ ቆፋ ላሚና፣

«ኔኒ ሜሪና ካሂኔ» » ያገሰ። 22 ሃ ጫቁዎ ጋሶን ዩሱሲ ኑሰ ኡባሬ አጂያ ቃላ ጫቁዎሰ ዋሴ ገዲሰ።

23 ካሂኔቲሳን ኦላና ማላ ሃይቆይ ኤንታ ዲገዳ ገሾ ኮይሮ ካሂኔታ ታይቦይ ዳሮ። 24 ሺን ዩሱሲ ሜሪናው ዳዒያ ገሾ ኢያ ካሂኔቲሳ ሃሪ ላቲና። 25 ሄሳ ገሾ፣ ኢ ኡባ ዎዴ ኤንታ ገሾ ጋናታናው ሜሪናው ዳዒያ ገሾ ያሳኮ ኢያ ባጋራ ዩይሳታ ፖሎ አሻናው ዳንዳዒሰ።

26 ሂዛ፣ ኑሰ ኮሺያባ አሚያ፣ ጌሻይ፣ ቦሬይኔ ቱኒ ባይናይሲ፣ ናጋራንቸታፕ ሻኬቲዳይሲኔ ሳሉዋፕ አጂዲ ቆቄዳ ካሂኔ ሃላቃይ ኑሰ ኮሺሰ። 27 ኢ ሃንኮ ካሂኔ ሃላቃታ ማላ ኮይሮ ባ ናጋራ ገሾ ካሊዲ አሳ ናጋራ ገሾ ጋላሰ ጋላሰ ያርሾ ያርሻናው ኮሺና። ኢ ባና ያርሺዳ ዎዴ ዛሬላና ኦኒን ኢሲ ቶሆ ባና ያርሺሰ። 28 ሙሴ ሂይ ዳቡራንቸ አሳ ካሂኔ ሃላቃ ኦሊዲ ሹሚሰ። ሺን

ሂገያሬ ጉዩ ዩዳ ጫቆ ቃላይ ሜሪናው ፖሎ ገዲዳ ያሳ ናባ ሹሚሰ።

8

ዩሱሲ ኑ ካሂኔ ሃላቃ

1 ኑኒ ሃሳያ ገታባይ ሄሳ። ሳሉዋን ኡባሬ ቦላ ያሳ አራታፕ ኡሻቻ ባጋን ኡቲዳ ሃይሳ ማላ ካሂኔ ሃላቃይ ኑሰ ዳዔሰ። 2 ኢ አሳን ገዲናሺን ጎዳን ኤቄዳ ቱማ ዲንካኒያን ያሳ ኬላን ኦሊሰ።

3 ካሂኔ ሃላቃ ኡባይ አሞኔ ያርሾ ያርሻናው ሹሚቲሰ። ሄሳ ገሾ፣ ሃ ካሂኔይ ያርሻናው ኢሲባይ ዳናው ኮሺሰ። 4 ሂይ ከቲይሳዳ ያርሺያ ካሂኔቲ ዳዒያ ገሾ ከሪሰቶሲ ሳሳን ዳዒያባ ገዲያኮ ካሂኔ ገዲና። 5 ኤንቲ ካሂኔቲሳን ኦሊያ ዲንካኒይ ሳሉን ዳዒይሳሰ ለሚሰኔ ኩያ። ሙሴይ ዲንካኒያ ኤሲያ ዎዴ ያሳይ ኢያኮ፣ «ታኒ ኔና ዳሪያ ቦላ ቤሲዳ ለሚሱዋ ካላዳ ኦላ» ያገሰ። 6 ሺን ዩሱሲ ገዲ ገዲዲ ሲጌሊያ ጫቆይ፣ ኮይሮ ጫቁዎፕ አጂይሳዳ ኢ ኤኪዳ ኦሶይ ኤንታይሳሬ አጂሰ። ሄሲ ኤቄዳይ አጂያ ጫቆ ቃላና።

7 ኮይሮ ጫቁዎን ባሊ ባይናባ ገዲያኮ ናሞዓንሎ ጫቆ ኮሺና። 8 ሺን ጎዳይ ኢያ ቦሪዲ፣ ሃይሳዳ ያገሰ። «ታኒ ኢሰራዔል አሳራኔ ዩሁዳ አሳራ ኦራላ ጫቆ ጫቁያ ዎዴ ያና።

9 ሄ ጫቆይ ታ ኤንታ አዋታ ገብጻ ቢታሬ ኩሺያ ኦይካዳ፣ ጎቻ ኬሲዳ ዎዴ ኤንታራ ጫቁዳ ጫቁዎ ማላ ገዲና።

ኤንቲ ታ ጫቁዎን አማኔቲቦና ገሾ ታኒ ኤንታ ዩጋ ኦጋሰ ያገሰ ጎዳይ።

10 ሺን ሂዛፕ ጉዩ ኢሰራዔል አሳራ ታ ጫቃና ጫቆይ ሃይሳ ያገሰ ጎዳይ። ታኒ ታ ሂገያ ኤንታ ጉገያን ዎላና፣ ኤንታ ዎዳናን ዓፋና።

ታኒ ኤንታ ያሳ ገዲና፣ ኤንቲካ ታ አሴ ገዲና።

11 ኤንታሬ ኦኒካ ባ ሾሩዎ ዎይኮ ባ ኢሻ፣ ሳዳ ኤራ» ያገዲ ታማርሴና።

ኤንቲ ጉሳሬ ገታ ጋካናው ኡባይ ታና ኤራና።

12 ታኒ ኤንታ ናቁዎ አቶ ጋና፣ ኤንታ ናጋራ ዛራ ቆፕኪ» ያገሰ።

13 ያሳይ ሃ ጫቁዎ «ኦራሊ» ገዲ ያገሸ ኮይሮይሳ ጋልዒሲሰ። ሂዛ፣ ጋልዒይኔ ጩጋይ ቆያ ዎዴይ ጋከሰ።

9

ሳሎ ጎይኖኔ ሳባ ጎይኖ

1 ኮይሮ ጫቁዎሰ ያሳ ጎይኒያ ዎጋይኔ ሳባ ያሳ ኬላይ ዳዔሰ። 2 ዲንካኒይ ኤቂሰ። ኢያን ያምፕ ዎሊያ ኮጫይ፣ ዓርጶዛይኔ ጎዳ ሲንላን ዎሊያ ኡይላይ ዳዔሰ፣ ሄ ቤሳይ ጌሻ ቤሳ ጌቲቲሰ። 3 ናሞዓንሎ ማጋራጃዎሬ ጉዩ ባጋራ ዳዒያ ቤሳይ ኡባሬ ጌሻ ቤሳ ጌቲቲሰ። 4 ኢያ ገዲን ኢፃኔ ጩዩሲያ ዎርቃ ሳኒይይኔ ዎርቃን ሚሽቲዳ ጫቆ ታቦቲይ ዳዔሰ። ሄ ጫቆ ታቦቲያን ማናይ ዳዒያ ዎርቃ ዓርይ፣ አጪዳ አርና ዓምዒይኔ

7:5 ታይ 18:21 7:17 ማዝ 110:4 7:21 ማዝ 110:4 7:27 ለዌ 9:7 8:1 ማዝ 110:1 8:8 ኤር 31:31-34 9:2 ከሳ 26:1-30፣ 25:31-40 9:3 ከሳ 26:31-33 9:4 ከሳ 30:1-6፣ 25:10-16፣ 16:33፣ ታይ 17:8-10፣ ከሳ 25:16፣ ዛሬ 10:3-5

ሙሴ ሂሳብ ማዕቀብ ለመሥሪያ ለመሥሪያ ለመሥሪያ 5 ህ ታቦቲያ፤ ስላ ባጋራ አቶቴላ ካማ ባንታ ቁፊያን ገንጠያ ቦንቾ ከሩቤቲ ዳዎሶና። ሺን ሃሲ ሄ ኡባ ቆንጨሲ ዲ አዳናው ዳንዳዎኩ።

6 ሃ ኡባይ ሃይሳዳ ገረዳ፤ ጉዬ፣ ካሂኔቲ ኡባ ዎዴ ባንታ ኡቡዎ አላናው ዳንካኒያሰ ኮይሮ ከፊሊያ ገሎሶና። 7 ሺን ካሂኔ ሃላቃ ሃላሊ ዳንካኒያሰ ናምዓንሎ ከፊሊያ ላይሳፊ ኢሲ ቶሆ ገሎሶ። ኢ ያ ገሊሹ ባ ናጋራ ገሾኔ አሳይ ኤሮና ኦሊዳ ናጋራ ገሾ ሱላ ያርሾ ኤኮና ገሎሶ። 8 ኮይሮ ዳንካኒይ ኤቁዲ ዳሲሺን፣ ኡባፊ ገሻ ቤሳ ኤፊያ ኦገይ ቡሮ ዳዬቲቦናይሳ ገሻ ኢያናይ ሄሳን ኤሪሴሰ።

9 ሄሲ ሃ ዎዲያሰ ለሚሶ፣ ያሳሰ አሜቲያ አሞይኔ ያርሾይ ጎይኒያ ኡራ ካሃ ገሻናው ዳንዳዎናይሳ ሃይሲ ቤሴሰ። 10 ሄሳቲ ሙሳባ፣ ኡሻባኔ ዳማ ዳማ ሜቻ ዎጋታ ኦዴይሳታ። ኤንቲ ኦራላ ዎጋይ ያና ጋካናው ኦሴቲያ ካሬ ባጋ ዎጋታ።

11 ሺን ከሪሰቶሲ ሃሲ ኦ ዳሚዳ ሎዎባታሰ ካሂኔ ሃላቃ ገዲዲ ዪሰ። ኢ ገሊዳ ዳንካኒይ ገታኔ ፖሎ ገዲዳይሳ። ሄ ዳንካኒይ አሳ ኩሼን ኦሴቲቤና ቃሲ ሃ አላሚያባ ገዴና። 12 ከሪሰቶሲ ኡባፊ ገሻ ቤሳ ገሊያ ዎዴ ዳሻ ሱሊኔ ማራ ሱሊ ኤኪዲ ገሊቤና። ሺን ሜሪና አቶቴላ አሚናው ባ ሱላ ኤኪዲ ዛሬሶና ኦገን ኢሲ ቶሆ ገሊሰ። 13 ዳሻ ሱላይኔ ኮርማ ሱላይ፣ ፀገቲዳ ኡሳ ቢደይ፣ ቲኒዳ አሳ ቦላ ሳርጩቲዲ ኤንታና ገሺያባ ገዲኮ፣ 14 ሜሪና ገሻ ኢያና ባጋራ ቦሬይ ባይና ያርሾ ኦሊዳ፣ ያሳሰ ባና አሚዳ ከሪሰቶሳ ሱላይ፣ ዳዎ ያሳ ጎይና ሚላ ሃይቆ ካሌሊያ ኡቡዎ፤ ኦ ካሃ ዎቲ አላ ገሼኔ?

15 ሄሳ ገሾ፣ ጭቲዳይሳቲ ያሳይ አሚዳ ሚሪና ላታ ኤካና ሚላ ከሪሰቶሲ ኦራላ ጫቁዎሰ ገዴ ገዲዲ ሲገሌይሳ ገዲሰ። ሄሲ ሃኒዳይ አሳይ ኮይሮ ጫቁዎ፤ ጋርሳን ዳሚያ ዎዴ ኦሊዳ ናጋራ፤ ኤንታና ዎዛናው ኢ ሃይቁዳይሳና።

16 ሂዛ፣ ከኬይ ዳሲኮ፣ ሄ ከኪዳ ኡራ ሃይቆይ ኤሬታናው ኮሼሰ። 17 ከኪዳ ኡራይ ሃይቁኮ ኢያ ከኬይ ሚኔሰ። ከኪዳ ኡራይ ሃይቆና ኣቲኮ ኢያ ከኬይ ኦሊና።

18 ሃሪ አቶሺን፣ ኮይሮ ጫቆይካ ሱሊ ባይና ሚኒቤና። 19 ሙሴይ ሂጌ ከታ ኡባ አሳሰ ኦዲዳ፤ ጉዬ ማራ ሱሊኔ ዳሻ ሱሊ ሃላራ ዎላኪዲ፣ ዘዎ ደርሳ ኢኪሴኔ ሂሶጾ ቦንጮ ኤኪዲ፣ ማፃፋ ቦላኔ አሳ ቦላ ወርጂሰ። 20 ሙሴይ አሳኮ፣ «ሂንቲ ናጋና ሚላ ያሳይ ከቲዳ ሱላ ጫቆይ ሃይሳ» ያገሰ። 21 ሄሳዳካ፣ ዳንካኒያ ቦላኔ ኦሊያ ሚሼ ኡባ ቦላ ሱላ ወርጂሰ። 22 ቱማካ ሂሳይ ገይሳዳ ጉላባታ፤ ኣቲን ኡባይ ሱላን ገዬሰ። ሱሊ ጉኮናሺን አቶቴሊ ባዎ።

ዬሱሳ ፖሎ ያርሾቴላ

23 ሳሉዎባሰ ለሚሶ ገዲዳይሳቲ ኡባይ ሚሄ ያርሾን ገያናው ኮሼሰ። ሺን ሳሎባቲ ባንታ ሁዒን ሄሳፊ አጂያ ያርሾዎን ገያናው ኮሼሰ።

24 ከሪሰቶሲ ቱማ ያሳ ከላሰ ለሚሶ ገዲዳ፣ አሳ ኩሼን ኦሴቲዳ ኡባፊ ገሻ ቤሳ ገሊቤና። ሺን ኢ ሃሲ ኦ ገሾ ያሳ ሲንላን ቤንታናው ሳሉዎ ገሊሰ።

25 ካሂኔ ሃላቃይ ላይላን ላይላን ባ ሱሊ ገደናይሳ ኤኪዲ፣ ኡባፊ ገሻ ቤሳ ገሊሰ። ሺን ከሪሰቶሲ ዳር ቶሆ ባና ያርሻናው ሳሎ ገሊቤና። 26 ሄሳዳ ሃኒዳባ ገዲያኮ፣ ከሪሰቶሲ አላሚይ ሚጄቶሳ፤ ደሚዲ ዳር ቶሆ ዎዬታናው ኮሼሰ። ሺን ሃሲ ዎዲያ ወርሴላን ናጋራ ዲጋናው ባና ያርሹዲ ዛሬሶና ኦገን ኢሲ ቶሆ ቤንቲሰ።

27 ኢሲ ኡባይ ኢሲ ቶሆ ሃይቃናው ሄሳፊ ጉዬ ፐርዴታናው ቤሴሰ። 28 ሄሳዳካ፣ ከሪሰቶሲ ዳር አሳ ናጋራ ዲጋናው ኢሲ ቶሆ ያርሹቲሰ። ሺን ኢ ናጋራ ቶካናው ገደናሺን ባና ናገይሳታ አሻናው ናምዓንሎ ቆንጫና።

10

1 ሙሴ ሂሳብ ያናው ዳሚያ ሎዎባታሰ ኩያ፤ ኣቲን ባ ሁዒን ዎና ገዴና። ሄሳ ገሾ፣ ላይላን ላይላን ፓጩይ ባይና ያርሹቲያ ያርሾይ ጎይናናው ሸቁያ አሳ ፖሎ አላናው ዳንዳዎና። 2 ሂሳይ ኤንታ ፖሎ አላናው ዳንዳዎዳባ ገዲያኮ ኤንቲ ያርሾ ያርሹይሳ አጋናሺን። ቃሲ ጎይናናው ሸቁያ አሳይ ባንታ ናጋራ፤ ገያና፣ ኤንታ ካሃይካ ኤንታና ባላ ገዲ ሞቲና። 3 ሺን ሄ ያርሾቲ ላይላን ላይላን ናጋራ ቆፊሶሶና። 4 አይሰ ገኮ፣ ኮርማ ሱሊኔ ዳሻ ሱሊ ናጋራ ዲጋናው ዳንዳዎና።

5 ሄሳ ገሾ፣ ከሪሰቶሲ ሃ አላሚያ ዪዳ ዎዴ ሃይሳዳ ያገሰ።

«ኔኒ ያርሾኔ አሞ ኮያባካ፤ ሺን ታው አሾ ገሊሳዳሳ።

6 ኔኒ ፀገቲያ ያርሾኒኔ ናጋራ ያርሹዎን ኡፋይታባካ።

7 ሄ ዎዴ ሳታ ገሾ ማፃፋን ፃፊቲዳይሳዳ፣ ጎዳው፣ ታኒ ኔ ሼኒያ አላናው ያሰ» ያጋሰ።

8 ያርሾይ ያርሹታና ሚላ ሂሳይ ከቲያባ ገዲኮካ፣ ከሪሰቶሲ ኮይሮ፣ «ኔኒ ያርሾኔ አሞ፣ ፀገቲያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያገሰ። 9 ካሊዲካ ኢ፣ «ጎዳው፣ ሄኮ ታኒ ኔ ሼኒያ አላናው ያሰ» ያገሰ። ሄሳ ገሾ፣ ከሪሰቶሲ ናምዓንሎ-ዎ ኤሳናው ኮይሮይሳ ሻሪሰ። 10 ዬሱሰ ከሪሰቶሲ ያሳ ሼኒያ ኦሊዲ፣ ዛሬሶና ኦገን ኢሲ ቶሆ ባ አሾዎ ያርሹዲ ገሾ ኦኒ ገዪዳ።

11 ካሂኔ ኡባይ፣ ናጋራ ዲጋናው ዳንዳዎና ሄ ያርሾታ ጋላሰ ጋላሰ ያርሹሼ ኤቁዲ ባ ኡቡዎ ኦሊሰ። 12 ሺን ከሪሰቶሲ ኡባ ዎዴሰ ገዲያ ኢሲ ናጋራ ያርሹዎ ያርሹዲ፣ ያሳፊ ኡሻቻ ባጋን ኡቲሰ። 13 ሄ ዎዲያ፤ ደሚዲ ኢያ ሞርኬቲ ኢያ ቶሆይ ዬጂያባ አላና ጋካናው ናገሰ። 14 ኢ ዛሬሶና ኦገን ኢሲ ቶሆ ባና ያርሹዲ ያርሹዎን ገሻታ ሚሪናው ፖሎ ኦሊሰ።

15 ቃሲ ገሻ ኢያናይ ኦሰ ሃይሳ ማርካቴሰ። ኮይሮ ሃይሳዳ ያገሰ።

16 «ሄ ጋላሳታ፤ ጉዬ፣ ታኒ ኤንታራ ጫቁያ ጫቆይ ሃይሳ፣ ታኒ ታ ሂሊያ ኤንታ ቆፋን ዎላና፤

ኤንታ ዎዛናን ፃፋና» ያገሰ። 17 ካሊዲካ፣ «ታኒ ኤንታ ናጋራኔ

9:5 ኪሳ 25:18-22 9:6 ታይ 18:2-6 9:7 ለዌ 16:2-34 9:13 ለዌ 16:15-16፤ ታይ 19:9፣ 17-19 9:19 ኪሳ 24:6-8
9:21 ለዌ 8:15 9:22 ለዌ 17:11 9:28 ኢሳ 53:12 10:5 ማዝ 40:6-8 10:11 ኪሳ 29:38 10:12 ማዝ 110:1
10:16 ኤር 31:33

አንታ ኢታ ኦሱዋ ዛራ ቆጥኤ» ያገሰ። 18 ሂዛ፣ ናጋሪ አቶ ጌቲቲዳፔ ጉዬ ናጋራስ ያርሼቲያ ያርሾ ኮሼና።

እኔ ያሳኮ ሺቆስ

19 ሂዛ፣ ታ አሻቶ፣ ኮኒ ዬሱሳ ሱላ ባጋራ ኡባሬ ጌሻ ቤሳ ጌላናው ኮስ ሚኖቴሌ ዳዔስ። 20 ኮ ጌላናይ ከሪስቶሲ ባ ማጋራጃዋ፣ ሄሲካ ባ አሹዋ ባጋራ ኮስ ደዩዳ ኦራሌኔ ዳዎ ጌዲዳ አጊያና። 21 ኮስ ያሳ ኬላ ቦላ ሹሜቲዳ ጌታ ካሂኔ ሃላቃይ ዳዔስ። 22 ኮኒ ኢታ ካሃፔ ጌያናው ኮ ዋዛና ዉርፃቲዳ፣ ኮ አሳቴላ ጂሎ ሃሳን ሜጬቲዳ፣ ሱሪ ዋዛናኒኔ ፖሎ አማኖን ያሳኮ ሺቆስ።

23 ኮስ ኡፋይሳ ቃላ አሚዳ ያሳይ አማንቲዳይሳ ጌዲያ ገሾ ኮ ማርካቲያ ኡፋይሳ ኡሻቺ ሃዲርሲ ጎና ሚንሌዲ አይኮስ። 24 አሶይ አሱዋ ሲቆሲኔ ሎዎ አሶስ ዋቲ ዳንፊላኔኮ እኔ ቆገስ። 25 አሶቲ አሶቲ ሜዜ ኦሊዲ ሺቆይሳ አጊዳይሳዳ ኮኒ አሲሬ ሺቆይሳ አጎኮ። ሺን ጎዳ ጋላሳይ ማታቲዳይሳ ሂንቲ ቤዲያ ገሾ ሄሳ ካሴይሳሬ አሊዲ ኦሊቴ።

26 ኮኒ ቱማ ኤራቴላ ኤኪዳፔ ጉዬ ኤሪሼ ናጋራ ኦሊኮ፣ ሂዛፔ ኮ ናጋራ ገሾ ያርሼታና ያርሾይ ባዋ።

27 ሺን ሂዛ አቲዳይ ያሺያ ፐርዳኔ ያሳ ሞርኬታ ፀጋናው ገጊዳ ዋልቃማ ታማ። 28 ሙሴ ሂጊያ ከቲቶና ኢጂዳ ኦኒካ ናሞቶ ዋይኮ ሄቩ አሲ አያ ቦላ ማርካቲኮ ቃጂይ ባይናሺን ሃይቁስ። 29 ያቲን፣ ያሳ ናዓ ካጂዳ ኡራይ፣ ባና ጌሺዳ ያሳ ጫቆ ሱላ ቱናባዳ ቆጥዳ ኡራይ፣ ቃሲ አጼ ከሃቴላ አያና ጫዩዳ ኡራይ፣ አይ ሜላ ኢታ ፐርዳ ኤካናው ቤሲያኮ እኔ ቆጥቲ።

30 ሂዛ፣ «ሃሎ ከሶይ ታባ፣ ታ ኩሼ ዛራና» ጌዳይሳ ኮ ኤርስ። ቃሲካ፣ «ጎዳይ ባ አሳ ፐርዳና» ያገሰ።

31 ዳዎ ያሳ ኩሼን ኩንዳሌ ዳር ያሸሰ።

32 ሂንቲው ያሳ ፖይይ ፖዲዳፔ ጉዬ ሂንቲ ዳር ዋዩን፣ ጌታ ባጃን ጌንጪዳ ቤኒ ዋዲያ ቆጥቲ። 33 አሲ አሲ ቶሆ ሂንቲ አሳ ሲንሳን ጫዩቲዳታ፣ ጎዳቲዳታ፣ አሲ አሲ ቶሆ ሄሳ ሜላ ዋዩይ ጋኪዳ አሳራ አሲሬ ዋዩዳታ። 34 ቃሸን ዳዲያ አሳሰካ ቃጂቲዳታ። ሂንቲው ሎዎኔ ጳዮና ሻሎይ ሳሎን ዳዔይሳ ሂንቲ ኤሪዳ ገሾ ሂንቲ ሻሎይ ቦንቁቲያ ዋዩ ኡፋይሳን ዳንዳዲዳታ።

35 ሄሳ ገሾ፣ ጌታ ዋይቶይ ዳዲያ ሂንቲ ሚኖቴላ ዩሳፊቴ። 36 ያሳ ሼኒያ ፖሊዲ፣ ኢ ሂንቲው አማና ጌዳ ኡፋይሳ ኤካና ጋካናው ጌንጫናው ኮሼስ። 37 ሂዛ፣ ጌሻ ማፃፋን፣

«አ፣ ያና ጌዳይሲ ያና፣ ጋሞዔና።

38 ሺን ታ ጂሎይ፣ ታናን አማኔቲዳ ዳና፣ ኦኒካ ጉዬ ሲሚኮ ታና ኡፋይሴና» ያገሰ። 39 ኮኒ አማኔቲዳ አቲያ አሳ ባጋሬ አቲን ጉዬ ሲሚዲ ጳያ አሳ ባጋ ጊዶኮ።

11

አማኖ

1 አማኖይ ጉሳይ፣ ዳማና ጌዲ ኡፋይሳን አማኔቲዳ ናጊያባኔ ኮ ቤዮናባ ቤዲያዳ ኦሊዲ ኤኪያባ። 2 ቤኒ አዋቲ አማኖን ያሳሬ ማርካቴሌ ኤኪዳሶና።

3 አላሚይ ያሳ ቃላን ሜጂቲዳይሳ ኮ አማኖን ኤርስ። ቃሲ ቤንቲያባይ ቤንቶናባፔ ሜጂቲስ።

4 አቤሊ ቃዔላይሳሬ አጂያ ያርሾ ያሳስ ያርሼዳይ አማኖና። ያሳይ አቤላ አሙዋ ኡፋይቲዳ ኤኪዳ ዋዩ ኢ ጂሎ ጌዲዳይሳ ማርካቲስ። አቤሊ ሃሪ አቶሺን፣ ሃይቁዳካ ባ አማኑዋን ሃዲ ጋካናው ኦደስ።

5 ሄኖኬይ ሃይቆና ሳሎ ቢዳይ አማኖና። ያሳይ አያ ኤኪዳ ገሾ ኦኒካ አያ ቤዳናው ዳንዳዲቤና፣ ሄኖኬይ ሳሎ ኤኬታናፔ ሲንጤ ኢ ያሳ ኡፋይሲዳ አሲ ጌዳይሲ ኦደቲስ። 6 አማኖይ ባይና ኦኒካ ያሳ ኡፋይሳናው ዳንዳዲያ። ያሳኮ ያ ኦኒካ ያሳይ ዳዔይሳኔ ባና ኮዬይሳታስ ዋይቶ አሚይሳ አማኖናው ኮሼስ።

7 ኖሃይ ቡር ቤንቶናባስ ያሳይ አያው ኦዲዳ ዋዩ ያሳስ ያዩዲ፣ ባናኔ ባ ሶ አሳ አሻናው አማኖን ማርካቤ ከጂስ። ያቲዲ ባ አማኑዋን አላሚያ ፐርዲዲ፣ አማኖን ቤንቲያ ጂሎቴላ ያሳሬ ኤኪስ።

8 አብራሃሜይ ላታ ኦሊዲ ኤካና ቢታ ባና ሜላ ያሳይ አያ ጂዲዳ ዋዩ ሃሪ አቶሺን፣ ኢ አው ቢያኮ ኤርና አጂኮካ ከቲቲዳይ አማኖና። 9 አብራሃሜይ ያሳይ አያው አማና ጌዳ ቢታን ቤቲ አሳዳ ዳዲዳይ አማኖና። ያሳይ ሄ አማና ጌዳይሳ አያራ አሲሬ ላታናው ዳዲያ ዩሳቃራኔ ያይቆባራ ዋላ ዲንካኔን ዳዲስ። 10 ኢ፣ ያሳይ ቆጥዲ ከጂዳ ፃላ ባሶይ ዳዲያ ካታማ ናጌስ።

11 ሳራ ባ ሁዔን ጪሚዳባ ጌዲኮካ ኡፋይሲ አሚዳ ያሳይ አማኔቲዳይሳ ጌዳይሳ ኤሪዳ ገሾ ቃንሳታናው ዋልቃ ዳሚዳይ አማኖና። 12 ሄሳ ገሾ፣ ሃይቁዳ አሲ ዳኒያ አሲ አዲያሬ ሳሎ ያለንቶ ሜላኔ አባ ጋፃን ዳዲያ ታይቦይ ባይና ሻሬ ሜላ ዜሬላይ ዩሌቲዳሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቁዳሶና። ሺን ሃሆራ ሄሳ ቤዲዲ፣ ዳሚዳዳ ኦሊዲ፣ ኡፋይሳን ኤኪዳሶና። ቃሲ ኤንቲ ሳዓን አማኤኔ ቤቲ አሲ ጌዳይሳ ኤሪዳሶና። 14 ሄሳዳ ጌያ አሳይ ባንታ ቢታ ናጌይሳ ቆንጩን ቤሴስ። 15 ኤንቲ ሄ አጊዲ ከዩዳ ቢታ ጉዬ ቆጥዳባ ጌዲያኮ ጉዬ ሲማናው ዳንዳዳሶና። 16 ሺን ሃዲ አጂ ሎዲያ ሳሎ ቢታ ላሞቶሶና። ሄሳ ገሾ፣ ያሳይ ኤንታው ካታማ ገጊሲዳ ገሾ «ኤንታ ያሳ» ጌቲቲዳ ጃጌታናው ዩላቴና።

17 አብራሃሜይ ፓጩቲዳ ዋዩ ዩሳቃ ያርሼዳይ አማኖና። ሄ ኡፋይሳ ቃላ ኤኪዳ አብራሃሜይ ባ አሲ ናዓ ያርሻናው ገጊስ። 18 ያሳይ አብራሃሜኮ፣ «ኔ ዜሬላይ ዩሳቃ ባጋራ ጃጌታና» ያገረዱ ኦዲስ። 19 ያሳይ ሃይቆፔ ዳንላናው ዳንዳዲይሳ አብራሃሜይ አማኒዳ ገሾ ዩሳቃ ሃይቆፔ ፓዒ ዳንዲዳዳ ኦሊዲ ዛሪ ኤኪስ።

20 ዩሳቃ ዋዩፔ ሃናናባ ኤሪዲ ያይቆባኔ ኤሳዌ አንጂዳይ አማኖና።

21 ያይቆቢ ሃይቃና ሃኒሼ፣ አሲ አሲ ዮሴፋ ናይታ አንጂዳይኔ ጉሬ ቦላ ካቲዲ ጎይኒዳይ አማኖና።

10:17 ኤር 31:34	10:22 ለዌ 8:30፤ ሂዛ 36:25	10:27 ኢሳ 26:11	10:28 ዛሬ 17:6፤ 19:15	10:29 ኬሳ 24:8
10:30 ዛሬ 32:35፤ 36	10:37 ኢብ 2:3-4	11:3 ሜዲ 1:1፤ ማዝ 33:6፤ 9፤ ዮሃ 1:3	11:4 ሜዲ 4:3-10	11:5 ሜዲ 5:21-24
11:7 ሜዲ 6:13-22	11:8 ሜዲ 12:1-5	11:9 ሜዲ 35:27	11:11 ሜዲ 18:11-14፤ 21:2	11:12 ሜዲ 15:5፤ 22:17፤ 32:12
11:13 ሜዲ 23:4፤ 1ታሪ 29:15፤ ማዝ 39:12	11:17 ሜዲ 22:1-14	11:18 ሜዲ 21:12	11:20 ሜዲ 27:27-29፤ 39-40	11:21 ሜዲ 47:3፤ 48:1-20
	11:22 ሜዲ 50:24-25፤ ኬሳ 13:19	11:23 ኬሳ 1:22፤ 2:2		

22 ዮሴፊ ሃይቃናው ማተዳ ዎዴ ኢስራዔል አሳይ ገብጻፊ ኬያናይሳ ኦዲዳይኔ ባ ማቄላ ኦላናባ ኤንታ ከተዳይ አማኖና።

23 ሙሴይ ዩሌተዳፔ ጉዬ ኢያ አያኔ ኢያ አዋይ ማላ ሎፖ ናባ ገዲዳይሳ ቤዒዲ ሄቸ አገና ቆተዳይ አማኖና፤ ኤንቲ ካወዋ አዋጁዋ ያዩቦኮና።

24 ሙሴይ ዲጪዳፔ ጉዬ ገብጻ ካወዋ ናባ ናባ ጌቲታናይሳ ኢዳዳይ አማኖና። 25 ሙሴይ ናጋራን ጉላ ዎዴስ ኡፋይታናፔ፣ ያሳ አሳራ ዋዬ ኤካናይሳ ደሪስ።

26 ኢ ዎዴፔ ዳማና ዎይቱዋ ቲሺ ኦሊዲ ያሊዳ ገሾ ገብጻ ሻሉዋፔ አሊዲ ከሪስቶሳ ገሾ ቦሬታናይሲ ዳር አዲያ ዲራቴላ ገዲዳይሳ ኤሪስ።

27 ሙሴይ ካወዋ ሃንቁዋ ያዮና፣ ገብጻፊ ኬዩዳይ አማኖና። ቤንቶና ያሳ ቤዒዳ አሳዳ ሃኒዲ ባ ቆፋን ጌንጪስ። 28 ሃይቆ ኤሃያ ከታንቸይ ኢስራዔል አሳ ባይራ ናይታ ዎዴና ማላ ሙሴይ ፋሲካኔ ሱላ ወርጻላ ዎጋ ኦሊዳይ አማኖና።

29 ኢስራዔል አሳይ ማላ ቢታራ ሃሙቲያዳ ሃሙቲዲ፣ ዘፖ አባ ጉኒዳይ አማኖና። ሺን ገብጻ አሳይ ጌላናው ፓጪ ቤዒሺን ሃላይ ኤንታ ሚቲስ።

30 ኢስራዔል አሳይ ኢያርኮ ካታማ ሹቻ ዲርሳ ላፑን ጋላስ ዩዩዲ፣ ኩንዲሲዳይ አማኖና። 31 ላይሚያ ራዓባ ቢታ ዎቼይሳታ ዋኪዳ ገሾ ከቲቶና አሳራ ሃይቆና አቲዳይ አማኖና።

32 ሂዛ፣ ሃራ ታ አይ ጎ? ጌዲዮናባ፣ ባራቃባ፣ ሳምሶናባ፣ ዮፍታሂባ፣ ዳዊቲባ፣ ሳሙዒላባ፣ ቃሲ ናቤታባ ኦዳናው ታው ዎዴይ ገዳና። 33 ኤንቲ አማኖን ካዎቲላታ ያኒደሶና፣ ያላላቲላን አይሲደሶና፣ ያሳይ አማና ገዳ ኡፋይሳ ኤኪደሶና፣ ጋዎታ ደና ጎርዲደሶና፣

34 ታማ ዎልቃ ቶይሲደሶና፣ ዋርካታ ማሻፊ አቲደሶና፣ ባንታ ደቡራን ሚኒደሶና፣ ኦላን ዎልቃማ ገዲደሶና፣ አላጋ ቶራ ጎዲደሶና። 35 ማጫሳቲ ባንታ ሃይቁዳይሳቲ ሃይቆፔ ፓዲን ኤኪደሶና።

ቃሲ ሃራቲ አዲያ ሃይቆፔ ዳንዲዋ ኤካናው ኮዩዲ ቃሹዋፔ ቢሌታናይሳ ኢዲደሶና። 36 ሃራቲ አሳን ቦሬቲዲ ሊሶን ጋራፊቲደሶና፣ ሃራቲ ሳንላላታን ቃሹቲዲ ቃሾ ኬላን ዩጌቲደሶና። 37 ኤንቲ ሱቻን ጫዳቲደሶና፣ ማጋዘን ናምዓ ኬዩዲ ጳልቁቲደሶና፣ ፓጩቲደሶና፣ ማሻን ሃይቁደሶና፣ ኤንታው ኡባባይ ጳዩን ማቶቲደሶና፣ ደርሳ ኢቲኔ ዳሻ አቲ ማዒዲ ዩዩደሶና። 38 ኤንታው ሃ አላማይ ገጎና ኢዲን ባዘ ቢታን፣ ዳሬ ቦላ፣ ጎንጎሎኒኔ ኦላ ገደን ዩዩደሶና።

39 ያሳይ ኤንታ አማኑዋባ ማርካቲካ፣ ሄ ኡባይ ጌቲቲዳ ኡፋይሳ ቃላ ኤኪቦኮና። 40 ያሳይ ኦሳ ሎፖባ ቆፔ ዎሊዳ ገሾ ኤንቲ ኦኒ ባይና ፖሎ ገደኮና።

12

ያሳይ ኦሳ አዋ

1 ሂዛ፣ ሻራዳ ኦ ዩሹዋን ዳሪዳ ሃይሳ ማላ ማርካቲ ኦ ማታን ዳዒያ ገሾ ኦና ጳቢያ ኡባኔ ኦይኪዲ ሃሪያ ናጋራ ዲጊዲ፣ ኦ ሲንላን ዳዒያ ጋዴ ዎላ ጌንጫን ዎያስ።

2 ኦ አማኑዋስ ኦጌ ደዩዳይሳኔ ኦ ወርሴላ ፖሎዋኮ ኦና ጋሊያ ዩሱሳ ቦላ ኦ አይፊያ ዎላስ። ዩሱሲ ዎዴፔ ዳዒያ ኡፋይሳ ገሾ ማስቃሊያ ዎያ ዳንዳዒዲ፣ ዩላ ሃይቁዋ ካዲዲ፣ ያሳፊ ኡሻቻ ባጋን ኡቲስ።

3 ሂዛ፣ ሂንቲ ደጪዲ ኡፋይሲ ቃንፖና ማላ ናጋራንቸታ ኢፀዋ ዳንዳዒዳ ዩሱሳ ቆፔ። 4 ናጋራራ ዳዒያ ባዲያን ቡር ሱሉ ጉሳና ጋካናው ኤቁቲቤኬታ። 5 ያሳይ ባ ቃላን፣ ባ ናይታዳ ሂንቲና ዘራዳይሳ ደጊዳታ።

«ታ ናዓው፣ ያሳ ሴራ ሌቆፋ፤ ኢ ኔና ሴሪያ ዎዴ ኡፋይሲ ቃንፖፋ።»

6 ጎዳይ ባ ደሲያ ኡራ ሴሬስ፤ ቃሲ ባ ናዓዳ ኤኪያ ኡባ ጋራፊስ»

ያጌስ። 7 ያሳይ ሂንቲና ባ ናይታዳ ሴሪያ ዎዴ ጌንጪቲ፤ አዋይ ሴርና ናዒ ኦኔ? 8 ያሳይ ባ ናይታ ኡባ ሴሬስ፤ ሂንቲ ሴሬቶና ኢዲኮ ቲማ ኢያ ናይታ ገደናሽን ባላኮ ናይታ። 9 ቃሲ ኦና ዩሊዳ ኦ አዋቲ ኦና ሴርሶና፤ ኦካ ኤንታና ቦንቸስ። ያቲን፣ ኦኒ ኦ አያና አዋስ ዋኒዲ አሊ ሃራቶኮ? 10 ሂዛ፣ ኦ አዋቲ ባንታው ሎፖ ዳኒዳ ማላ ጉላ ዎዴስ ኦና ሴሪደሶና። ሺን ያሳይ ኦ ጎዓስ፣ ኦ ኢያ ጌሻቲላን ሻኬታና ማላ ሴሬስ። 11 ኦኒ ሴሬቲያ ዎዴ ዩሎዩሲፔ አቲን ኡፋይሴና። ሺን ጉዬፔ ሴሬቲላ ማዜቲዳ አሳስ ሴራይ፣ ሳርይ ኩሚዳ ያሎቲላ አይፊ አይፊሴስ።

ዘሬኔ ናጊሶ

12 ሂዛ፣ ሂንቲ አርጋጪዳ ቁሲያኔ ሂንቲ ዳቡራዳ ጉልባታ ሚንሳፔ። 13 ዎቤይ ፓዳና ሚላፔ አቲን አሊ ማቆና ማላ ሂንቲ ተሁዋስ ሱሬ ኦጌ ገጊሲፔ።

14 አሳ ኡባራ ሳር ዳናወኔ ጌሻቲላን ዳናው ሚኒቲ፤ ጌሻቲላ ባይና ኦኒካ ጎዳ ቤዓናው ዳንዳዒና።

15 ሂንቲፊ ኦዴሰካ ያሳ አጾ ኬሃቲላይ ፓጩናዳ፣ ቃሲ ጫዋ አይፊ አይፊዲ ዳር አሳ ቲኒሲያኔ ጳይሲያ ዜሬላዳ ገደና ማላ ናጌቲፔ። 16 ሂንቲ ገደን ሳይማቲያ አሲ ዎይኮ ኢሲ ቶሆ ሚያ ካላስ ባ ባይራቲላ ቶቹዲ ባይዚዳ ኤሳዌ ማላ አሲ ደና ማላ ናጌቲፔ።

17 ጉዬፔ ኤሳዌይ ሄ አንጂዋ ኤካናው ኮዩዳ ዎዴ ዲጌቲዳይሳ ኤሬታ። ኢ ሄ አንጂዋ አፋላን ሚኒዲ ኮይኮካ፣ ዳማናው ዳንዳዒቤና፤ ኢ ናጋራፔ ሲማናው ቃዳ ዳሚቤና።

18 ሂንቲ ኩሺን ቦሹቲያ ሲና ዳሪያኮ፣ ኤዲያ ታማኮ፣ ጳማኮ፣ ጫጋናኮ፣ ጎቲያኮ፣ 19 ዎይዚያ ዋሱዋኮ ዎይኮ ቃላይ ሲዔቲያ ቤሳኮ ዩቤኬታ። ሄ ቃላ ሲዒዳ አሳይ ሃራ ጉዠ ቃላ ሲያና ማላ ዎሲደሶና። 20 አይስ ገኮ፣ «ሃሪ አቶሺን፣ ደዒ ሄ ዳሪያ ቦቹኮ፣ ሹቻን ጫዳቲዲ ሃይቆ» ያጊዳ ከታ ኤንቲ ቶካናው ዳንዳዒቦኮና። 21 ሄ ሃኒያባይ ዳር ዳጋንሊያባ ገዲዳ ገሾ ሙሴይ፣ «ታኒ ያሻን ኮኮራስ» ያጊሰ።

22 ሺን ሂንቲ ያዮኔ ዳሪያኮ፣ ዳፖ ያሳይ ዳዒያ ዩራሳሳሚ ካታማኮ፣ ኢሲፊ ሺቁዲ ኡፋይቲያ ዳር ሙኩሉ ከታንቸታኮ ሳሉዋ ዩዳታ። 23 ኤንታ ሱንላይ ሳሎን ፃፊቲዳ ዎሳ ኬላ ባይራ ናይታኮ፣ አሳ ኡባ

11:24 ኬሳ 2:10-12 11:28 ኬሳ 12:21-30 11:29 ኬሳ 14:21-31 11:30 ኢያ 6:12-21 11:31 ኢያ 2:1-21፤ 6:22-25 11:32 ሃሪ 6:11-8:32፤ 4:6-5:31፤ 13:2-16፤ 11:1-12፤ 14፤ 16:1፤ 1ካዎ 2:11፤ 14፤ 1:1-25 11:33 ዳኔ 6:1-27 11:34 ዳኔ 3:1-30 11:35 1ካዎ 17:17-24፤ 2ካዎ 4:25-37 11:36 1ካዎ 22:26-27፤ 2ታሪ 18:25-26፤ ኤር 20:2፤ 37:15፤ 38:6 11:37 2ታሪ 24:21 12:5 ኢዮ 5:17፤ ለሚ 3:11-12 12:12 ኢሳ 35:3 12:13 ለሚ 4:26 12:15 ዛሬ 29:18 12:16 ሜዴ 25:29-34 12:17 ሜዴ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19

ፐርዲያ ያሳኩ፡ ፖሎ ጊዲዳ ዓሎ አሳ አያናታኮ ዪዴታ።
24 ኦራፋ ጫቁቀሰ ጊደ ጊዲዲ ሲጌልያ ዬሱሳኩ፡ አቤላ ሱላፊ አዲያ ባ ኦራፋ ወርፃተዳ ሱሳኩ ዪዴታ።

25 ሂንቲው ኦራፋ ኦራ ቃላ ኢፃሰ ጎና ማላ ናጌቲቴ። ካሴይሳቲ ሳዓን ጊዲዲ ኦራፋ ከታ ሲያና ኢፃዲ አቲቦናባ ጊዲኮ ያቲን፡ ሳሎን ጊዲዲ ኦራፋ ቃላ ኮኒ ኢፃሰ ጊኮ ዋኒዲ አታኔ? 26 ሄ ዋዴ ኢያ ቃላይ ሳዓ ቃሉ። ሺን ሃዒ ታኒ፡ «ሳዓ ዓላ ጊደናሺን ኢሲ ቶሆ ዛራዳ ሳሎቀካ ቃላና» ያገሰ። 27 «ኢሲ ቶሆ ዛራዳ» ጊያ ቃላይ ቃዖባይ ማኒዲ ዳና ማላ ቃዒያ ማዴቲዳባቲ ዳያይሳ ቤሴሰ።

28 ኮኒ ቃዖናው ዳንዳያና ካዋቲፋ ኤኪያ ጊሾ ያሳ ጋላቶሰ፤ ያሳ ኦራይሲያ ኦጌን ቦንቾኒኔ ያሻቲፋን ኢያ ጎይናሰ። 29 ሂዛ፡ ኮ ያሳይ ቲማ ፀጊያ ታማ።

13

ወርሴፋ ዛሬ

1 አማኒያ አሳዳ ኢሶይ ኢሱቀራ ፖሎ ሲቁቲቴ።
2 አማሌ ሞኬይሳ ዳገገቴ። ኢሲ ኢሲ አሳቲ ሄሳዳ ኦራሽ ኤርና ከታንቾታ ሞኪዳሶና። 3 ቃሾን ዴዔይሳታ ሂንቲካ ኤንታራ ኢሲፊ ቃሾን ዴዔያዳ ኦራዲ ኤንታና ቆገቴ። ዋዬ ኤኪያ አሳራ ኢሲፊ ሂንቲካ ዋዬ ኤኪያዳ ኦራዲ ኤንታና ቆገቴ።

4 ኤኮይኔ ጌሎይ አሳ ኡባ ማታን ቦንቾቲዳባ ጊደ። ቃሲ ያሳይ ላይማቲይሳታኔ ላማይሳታ ፐርዳናው ዴዔያ ጊሾ አዘናይኔ ማቼያ ኢሶይ ኢሱቀሰ አማኔታናው ቤሴሰ።

5 ማሽ ሲቆጥ ሂንቲና ናጌቲ፤ ሂንቲው ዴዔያባን አሊቲ። ያሳይ፡ «ታኒ ኔና ኡባራካ ዬጊኬ ዋይኮ አጊኬ» ያገሰ። 6 ሄሳ ጊሾ፡ ኮኒ አማኔቲዲ፡ «ጎዳይ ታና ማዴይሳ፤

ታ ያዩኬ፤ አሲ ታና አይ ኦላኔ?» ያጎሰ።

7 ያሳ ቃላ ኮይር ሂንቲው ኦራዳ ሂንቲና ካሌይሳታ ቆገቴ። ኤንቲ ዋኒዲ ዴዒዳኮ ኤንታ ዴሳ ቤዒዲ ኤንታ አማኑቀ ካሊቲ።

8 ዬሱሳ ከሪሰቶሲ ዚኔካ ሃቼካ ማሪናዉካ ላማቲና።
9 ዳማ ዳማ ኦራፋ ቲማርቲን ሃራሶ ቤዲ ዳዮገቴ፤ ቦገቴ። ኮ ዋዛናይ ያሳ አዶ ኬሃቲፋን ማናናው ቤሴሰገቴ አቲን ማን ጎያና ካፋን ዋጋ ፖሎን ጊደ።

10 ሺን ዲንካኒያ ጊደን ኦራያ ካሂኔቲ ሄ ያርሾ ካላፊ ማናው ኤንታው ማቲ ባይና ያርሾ ቤሳይ ኮሰ ዴዔሰ። 11 ካሂኔ ሃላቃይ ናጋራ ያርሾሰ ማሄ ሱሊ ኤኪዲ ያርሻናው ኡባፊ ጌሻ ቤሳ ጌሌሰ። ሺን ሄ ማሂያ አሹቀ ዲርሳፊ ካሬን ፀጌሰ። 12 ሄሳዳካ፡ ዬሱሳ ዴሪያ ናጋራጌ ባ ሱላን ጌሻናው ካታማ ፔንጊያፊ ካሬን ዋዬቲሰ። 13 ሂዛ፡ ኮኒ ቦሪያ ቶኪዲ ዲርሳፊ ካሬ ኢያኮ ኬዮሰ። 14 ሂዛ፡ ኮሰ ሃይሳን ማሪናው ዴዔያ ካታማ ባዋ፡ ሺን ኮኒ ያና ካታማ ናጎሰ።

15 ሂዛ፡ ዬሱሳ ባጋራ ኡባ ዋዴ ኢያ ሱንላሰ ማርካቲያ ማቲርሻ ጋላታ ያርሾ ያሳሰ ኢሞሰ። 16 ሎዖባ ኦሶኔ ሂንቲው ዴዔያባገቴ ማቶቲዳ አሳሰ ኢሞ ዳጎገቴ። ሂዛ፡ ሄሳ ማላ ያርሾይ ያሳ ኡፋይሴሰ።

17 ሂንቲና ካሌይሳታሰ ከቲቲቴ፤ ኤንቲ ጊያባ ኦራቲ። ኤንቲ ባንታ ኦራያባሰ ያሳ ሲንላን ኦይሼታናው

ዴዔያ ጊሾ ሂንቲና ሄሞሶና። ሂንቲ ኤንታው ከቲቲኮ፡ ባንታ ኦሶቀ ኡፋይቲዲ ኦላና፤ ሄሲ ሃናና ኢዒኮ፡ ኤንቲ አዛኒሼ ኦላና፤ ሄሲ ሂንቲና አይቢባካ ማዴና።

18 ኮሰ ያሳ ዋሲቴ። ኮ ካሃይ ጌሺ፤ ኮ ኡባ ዋዴ ሎዖባ ኦላናው ኮዮሰ። 19 ታኒ ሂንቲኮ ኤሌሳዳ ያና ማላ ሂንቲ ታው ማንሊዲ ያሳ ዋሳና ማላ ታ ሂንቲና ሃዳራ ጋይሰ።

20 ሳርቲፋ ያሳይ፡ ዶርሳ ሄማያ ኮ ጎዳ ዬሱሳ፡ ባ ማሪና ጫቆ ሱላን ሃይቆጥ ዴንሊዳይሰ። 21 ኢያ ሽኒያ ኦላና ማላ ሎዖባ ኡባን ኢ ሂንቲና ዳንጨሶ። ኢያ ኡፋይሲያባ ዬሱሰ ከሪሰቶሳ ባጋራ ኮናን ያሳይ ኦላ። ዬሱሰ ከሪሰቶሳ ባጋራ ያሳሰ ማሪናጌ ማሪና ጋካናው ቦንቾይ ጊደ። አማንዒ።

22 ታ አሻቶ፡ ታ ሃ ዳብዳቢያ ሂንቲው ቃንላን ፃፊዳ ጊሾ ሂንቲ ታ ዘሪያ ሳሌቶና ኤካና ማላ ታ ሂንቲና ዋሳይሰ።

23 ኮ አሻይ፡ ደሞቲዮሲ ቃሾጌ ቢሊቲዳይሳ ኤሪቴ። ኢ ኤሌሲዲ ታኮ ዪኮ ታ ኢያራ ሂንቲና ባዳ ቤዓና።

24 ሂንቲና ካሌይሳታኔ አማኒያ ኡባ ሳር ጌቲ። ያሌጌ ዪዳ አማኒያ አሳይ ሂንቲና ሳር ያጎሰና።

25 ያሳ አዶ ኬሃቲፋይ ሂንቲ ኡባራ ጊደ። አማንዒ።

12:24 ሜዴ 4:10 12:25 ኬሳ 20:22 12:26 ሃጌ 2:6 12:29 ዛሬ 4:24 13:2 ሜዴ 18:1-8፤ 19:1-3 13:5 ዛሬ 31:6፣ 8፤ ኢያ 1:5 13:6 ማዘ 118:6 13:11 ለዌ 16:27

ያይቆባ ግፊዳ ኪታ ጋላ ቆፋ

ያይቆባ ኪታይ፡ አማኒያ አሲ ጋላስ ጋላስ ባ ዳዑዋ ካሌሊያ ቆፋታ ኦይኪስ። ሃ ኪታይ ግፊቲዳይ፡ ቢታ ኡባን ላሌቲዳ ታማኔ ናምዑ ኣይሁዳ ዜሬላላ። ሃ ማፃፋ ግፊይ፡ ጨንጫቴላ ኮኒ ኦሶን ፔሺያ ሃላ፡ አማኒያ አሳ ሞኮባኔ ሎዎ ካንደስ ኦኔ ቤሲያ ኦዳታ ሚሲሌዳ ቆንጨሲስ።

ያይቆባ ኪታይ፡ ማንቆቴላባ፡ ዱሬቴላባ፡ ፓጩባ፡ ሎዎ ካንደባ፡ ቃናቴባ፡ አማኖባ፡ ሎዎ ኦሶባ፡ አንፃርሳ ሃርባ፡ ጨንጫቴላባ፡ ኢሶይ ኢሱዋራ ኦሻባ፡ ኦቶርባ፡ አሽኬቴላባ፡ ሃራ አሳ ቦላ ፒርዳባ፡ ጨቄቴላባ፡ ገንጫባ፡ ዋሳባኔ አማኒያ አሲ ኦላናው ቤሲያባ ኡባ ቆሪዲ ግፊስ።

ያይቆባ ኪታይ፡ አማኖ ዳዎን አማኖይ ኦሶን ፔጫያ ሃናታታ ቆንጨሲዲ ቤሲስ።

ያይቆባ ኪታ ኣይፊ ቆፋታ

ሳርሶ 1:1

አማኖኔ ጨንጫቴላ 1:2-8

ማንቆቴላኔ ዱሬቴላ 1:9-11

ፓጩ 1:12-18

ዖሳ ቃላ ሲሲኔ ኦሶን ፔሮ 1:19-27

አሴ አሳፔ ዳማኖ ኮሾናይሳ 2:1-13

አማኖኔ ኦሶ 2:14-26

አንፃርሲ ሃርባ 3:1-18

አማኒያ አሲኔ ሃ ኣላሚያ 4:1-5:6

ዳማ ዳማ ዞሬታ 5:7-20

1 ዖሳኔ ጎዳ ዩሱስ ኪሪስቶሳ ኣይሌይ፡ ያይቆቢ፡ ቢታ ኡባን ላሌቲዳ ታማኔ ናምዑ ሹሻታስ ኪቲዳ ኪታ።

ሳር፡ ኣይ ሚላ ዳዔቴ?

አማኖኔ ጨንጫቴላ

2 ታ አሻቶ፡ ሃንቴና ዳማ ዳማ ፓጩይ ጋኪያ ዋዴ ሃንቴ ሎዎባ ዳሚዳዳ ኩሜላ ኡፋይሳን ኤኪቴ። 3 ሃንቴ አማኑዋ ፓጩቴላይ ዳንዳባ ሃንቴው አሚይሳ ኤሬታ። 4 ሃንቴ ወርሴላ ጋካናው ዳንዳባን ኣይቢ ፓጩይ ባይና ፖሎኔ ኩሚላ ገዳታ። 5 ሃንቴፊ ኦዳሰካ ጨንጫቴላ ቆዩኮ ዖሳ ዋሶ። ኢያው አሚታና። ዖሳይ ኦናካ ቦርና ኡባስ ኬሃቴላን አሚያ ዖሴ። 6 ሺን ኢ ዋሲያ ዋዴ ሲጶና አማኖን ዖሳ ዋሶ። ሲጶያ ኦኒካ ጨርኮይ ሱገን ቃዲያ አባ ዙሌ ሚላ። 7-8 ናምዑ ቆፊ ዳዔይኔ ባ ኦጊያን ኤቆና ኦኒካ ጎዳፔ ኣይኮካ ዳማና ገዲ ቆፖፎ።

ማንቆ አሳኔ ዱሬ አሳ

9 አማኒያ ማንቆ አሳቴ፡ ዖሳይ ኤንታና ቆቁ ኦሊያ ዋዴ ኡፋይቶ። 10 ቃሲ አማኒያ ዱሬ አሳቴ ዖሳይ ኤንታና ዘቁ ኦሊያ ዋዴ ኡፋይቶ። ዱሬ አሳቴ ጨሻዳ ቆያና። 11 አዋይ ባ ማሻራ ኬዩዲ ማታ ሚሊሲን፡ ጨሻይ ቆሌቴስ፤ ኢያ ሎዎቴላይካ ቆዩስ። ሃሳዳካ፡ ዱሬ አሳቴ ባንታ ኦሱዋን ዳቡሪሽ ቆያና።

አሴ ጋኪያ ፓጩያ

12 ሚቲዋ ዖኒዲ ኣጲዳፔ ጉዩ፡ ዖሳይ ባና ሲቄይሳታስ አማና ገዲ ቃላ ጌሊዳ ዳዎ ካላቻ ኤካና ጊሾ ሚቶን ገንጨያ አሲ ኣንጃቲዳይሳ። 13 ኦኒካ ፓጩቴያ ዋዴ «ታና ዖሳይ ፓጩስ» ጎፖ። ዖሳይ ኢታን ፓጩቴና፤ ቃሲ ኢ ኦናካ ፓጩና። 14 ሺን ኢሲ ኢሲ ኢሲ ባ ኢታ አሙዋን ጎሹቲያ ዋዴኔ ጨሚቲያ ዋዴ ፓጩቴስ። 15 ሃሳፊ ጉዩ፡ ኣሞቴላ ቃንሳቲዲ ናጋራ ዩሌስ፤ ቃሲ ናጋራ ዲጨዲ ሃይቆ ዩሌስ።

16 ታ ሲቆ አሻቶ፡ ጨሚቶፊቴ። 17 ሎዎ ኢሞይኔ ኩሜላ ኣንጃ ኡባይ ሳሎፔኔ ሳሎዋ ፖዑዋ ሚጲዳ ዖሳ አዋፔ ዩስ። ዖሳይ ኩያዳ ኡባ ዋዴ ላሚቴና። 18 ኦኒ፡ ኢያ ሚጲቴላስ ኮይር ገዳና ሚላ ኦና ቴማ ቃላን ባ ሹኔን ዩሊስ።

ሲሲኔ ኦሶ

19 ታ ሲቆ አሻቶ፡ ሃይሳ ኣኬኪቴ። አሲ ኡባይ ሲዳናው ኤሌሶ፡ ሺን ኦዳታናውኔ ሃንቄታናው ኤሌሶ። 20 አሳ ሃንቆይ ዖሳይ ኮያ ዲሎቴላ ኤሃና። 21 ሃሳ ጊሾ፡ ቱና ሃናታኔ ኢታቴላ ኡባ ዲጊዲ፡ ዖሳይ ሃንቴ ዋዛናን ቶኪዳ ሃንቴ ሹምፑዋ ኣሻናው ዳንዳዲያ ቃላ ኣዳቴላን ኤኪቴ።

22 ሺን ዖሳ ቃላ ኦሶን ፔሺቴፔ ኣቴን ሲሳ ግላላን ሃንቴና ጨሞፊቴ። 23 ቃላ ሲዲዲ ኦሶና አሲ፡ ኢ ባ ሶምዑዋ ማሰቶቴን ቤዲያ አሳ ሚላ። 24 ኢ ባ ሶምዑዋ ቤዲዲ ቤስ፡ ሺን ኢ ኣይ ዳኒያኮ ኤሌሲ ደጌስ። 25 ሺን ኦኒካ ኣይሌቴላፊ ኬሲያ ፖሎ ሃጊያ ኣኬካን ቤዲዲ፡ ካሊዲ ናጌይ፡ ሲዲዳይሳ ደጎና ኦሶን ፔሺያ ኡራይ፡ ባ ኦሶ ኡባን ኣንጃታና።

26 ባ አንፃርሳ ናጎና አማኖይስ ጊያ ኡራይ ባና ጨሚስ፤ ኢያ አማኖይ ሃዳ። 27 ዖሳ ኣዋ ሲንላን ቦሬይ ባይና ጌሻ አማኖይ ሃይሳ፡ ኣያ ኣዉ ባይና ናይታኔ ኣምዔታ ማዶኔ ኣላሚያ ቱናፔ ባና ናጎ።

2

አሴ ሻኮፋ

1 ታ አሻቶ፡ ሃንቴ ኦ ቦንቾ ጎዳ ዩሱስ ኪሪስቶሳ አማኒያባ ገዲኮ፡ አሳ ሶምዎ ዪሊዲ ኣሴ ቦንቾፊቴ። 2 ለሚሶስ፡ ዋርቃ ሚጊዶ ኣሊዲ፡ ሎዎ ማዎ ማዲዳ ዱሬ ኣሲ ሃንቴ ሸቁዋ ዩስ። ቃሲ ጨርቃ ማዎ ማዲዳ ማንቆ ኣሲካ ዩስ። 3 ሎዎ ማዎ ማዲዳ ኣዲያ ሃንቴ ኣሊ ቦንቾዲ፡ «ኔ ሃይሳን ሎዲያ ኦይዲያን ኡታ» ገዲ፡ ቃሲ ማንቆ ኣዲያ፡ «ኔ ያን ኤቃ ዋይኮ ሃይሳን ታ ቶሁዋ ማታን ሳዒን ኡታ» ጌታ። 4 ያፔን፡ ሃንቴ፡ ሃንቴ ገደን ሻኪቴላ ሚጲይሳታኔ ኢታ ቆፋራ ዳዲያ ዳይናታ ሚላ ገዳኬቴዩ?

5 ታ ሲቆ አሻቶ፡ ሲዲቴ። አማኖን ዱሬ ገዳና ሚላኔ ባና ሲቄይሳታስ አማና ገዲ ሳሎ ካዎቴላ ላታና ሚላ ሃ ሳዒን ዳዲያ ማንቆታ ዖሳይ ደሪቤኔዩ? 6 ሺን ሃንቴ ማንቆታ ቶቼታ። ሃንቴና ኤንዔሌይሳቴ ዱሬታ ገደኮናዩ? ሃንቴና ዳይና ሲንላ ጎቼይሳቴ ኤንታ ገደኮናዩ? 7 ሃንቴ ያጌቴዳ ሎዎ ጎዳ ሱንላ ጨዩይሳቴ ኤንታ ገደኮናዩ?

8 ሺን ጌሻ ማፃፋን፡ «አሴ ኡባ ኔና ኔ ደሴይሳዳ ደሳ» ጌቴቲዲ ግፊቲዳ ዖሳ ካዎቴላ ሃጊያ ሃንቴ ፖሊኮ ሎዎ ኦሌታ። 9 ሺን ሃንቴ ኣሳ ሶምዎ ዪሊዲ ቦንቾኮ፡ ናጋራ ኦሌታ ቃሲ ሃጌይ ሃንቴና ሃጌ ሚንሊዳ ኣሳዳ

ፕርዳና። 10 ኦኒካ ሂጌ ኡባፌ ኢሱዋ ማንገሊዲ፣ አቲዳ ኡባ ናገኮ ኡባ ማንገሊዲዳ ታይቤቲስ። 11 «ላሞፋ» ገዳ ጎዳይ፣ ቃሲ «ዎጾፓ» ገሰ። ሺን ኔኒ ላሞና አገዳ ዎጾዳባ ገዲኮ፣ ሂጌያ ማንገሊዲ። 12 አይሌቴላፌ ኬሲያ ሂጌያ ሲንገላን ፕርዳ ኤካናው ዳዊያ አሳዳ ኦዳቲቴኔ ኦሊቴ። 13 አሴ ማርና ኦናካ ያሳይ ማርና ፕርዳና። ሺን ማርቴላይ ፕርዳ ያኔስ።

አማኖኔ ኦሶ

14 ታ አሻቶ፣ ሂንቴፌ ኢሲ አሲ ታው አማኖይ ዳዔስ ገዲ፣ ባ አማኑዋ ኦሶን ቤሶና ኢደኮ ኢያ አይ ማዳኔ? ኢያ አማኖይ ኢያ አሻናው ዳንዳዊ? 15 ለሚሶስ ኢሲ አሻይ ዎይኮ ኢሲ ሚቺያ ካሎቲኮኔ ኤንታው ሚያባይ ቆይኮ፣ 16 ሂንቴፌ ኢሲ አሲ ኤንታኮ፣ «ሳር ቤቴ! ታማ ካይቴ! ካሊዲ ሚቴ!» ገዲ፣ ኮሺያባ ኤንታው አሞና ኢደኮ ኤንታ አይ ማዳ? 17 ሂሳ ገሾ፣ ኦሶይ ባይና አማኖይ ባርካ ሃይቁዳይሳ።

18 ሺን ኢሲ አሲ፣ «ኔው አማኖይ ዳዔስ፤ ቃሲ ታው ኦሶይ ዳዔስ። ኔኒ ኔ አማኑዋ ኔ ኦሶዋፔ ሻካዳ ታና ቤሳ፤ ታካ ታ አማኑዋ ታ ኦሶዋን ኔና ቤሳና» ጋና። 19 ኔኒ፣ ኢሲ ያሳይ ዳዔይሳ አማናሳ፤ ሂሲ ሎያ። ቱና አያናቲካ አማናሶና፤ ያሻን ኮኮርሶና። 20 ኔኖ ኤያው! አማኖይ ኦሶፔ ሻኬቲዲ ማዳናይሳ ኤራናው ኮያይ?

21 ኑ አዋ አብራሃሜይ፣ ባ ናዓ ዪሳቃ ያርሾ ቤሳ ቦላ ዎሊዳ ዎዴ ባ ኦሶዋን ያሊቤኔ? 22 ኢያ አማኖይ ኢያ ኦሶይ ኢሲፌ ኦሊዳይሳ ቤዒኪ? ኢያ አማኖይ ኢያ ኦሶዋን ፖሊቲስ። 23 ጌሻ ማፃፋይ፣ «አብራሃሜይ ያሳ አማኒስ። ያሳይ ሂሳ ኢያው ያሎቲሊ ኦሊዲ ታይቤሲ» ገዲዳሲ ፖሊቲስ። ቃሲ ኢ ያሳ ዳቦ ጌቲቲዲ ያጌቲስ።

24 አሲ አማኖ ያላላን ገዳናሺን ኦሶን ያሊይሳ ቤዓሳ። 25 ሂሳዳካ፣ ላይሚያ ራዓባ ኢሰራዔሊፔ ከቲቲዳይሳታ ዋካዳ ሃራ ኦኔራ ኤንታ ዋይዚዳ ዎዴ ባ ኦሶዋን ያሊቤኔ?

26 ሺምፖይ ሻኬቲዳ አሳቲላይ ሃይቆ ገዳይሳዳ፣ ኦሶይ ሻኬቲዳ አማኖይካ ሃይቁዳይሳ።

3

ኢንፃርሲ ናን

1 ታ አሻቶ፣ ሂንቴፌ ዳርቲ አሰታማሪ ገደፖ። ኑ፣ አሰታማሪቲ ሃራታፔ ኦጲያ ፕርዳ ኤካናይሳ ሂንቴ ኤሬታ። 2 ኑ ኡባይ ዳርባን ባሌቶስ። ባ ኦዳን ባሌቶና ኦኒካ ባናቲላ ናጋናው ዳንዳዊያ ፖሎ አሲ። 3 ፓራቲ ኮሰ ከቲታና ሜላ ቢዓላ ባርሲዲ ኦኒ ኮያ ቤሲ ኡባ ኤፎስ። 4 ማርካቤይ ሂሳ ሜላ ገታ ገዲሺ ዎልቃማ ጫርኩዋን ሱጌቲኮካ፣ ኢያ ላጌይሲ ባ ኮያ ቤሲ ዛሪዲ ላጌያ ጉላ ሚላን ላጌቲዲ ቤስ። 5 ሂሳዳ ኢንፃርሲ አሳቲላ ገደን ጉላ ገዲኮካ ዳር ገታባን ጩቁቲስ።

ጉላ ታሚ ዳር ገታ ዎራ ፀጌስ። 6 ኢንፃርሲ ታማ ሚላ። ኢንፃርሲ ኑ አሳቲላ ገደን ኢታን ኩሚዳ አላሜ፤ አሳቲላ ኡባ ቲኒሴስ። ጋናሜፔ ኬያ ታማዳ ኑ ዳዑዋ ዎላ ኡባ ፀጌስ። 7 ደዓታኔ ካፎታ፣ ኡሎራ ጎሽቴይሳታኔ አባን ዳዊያ ማጴቴላታ ኡባ አሲ ሃሬስ፤ ኤንቲካ ሃሬቲዶሶና። 8 ሺን ኦኒካ ኢንፃርሲ ሃራናው ዳንዳዊቤና። ኢንፃርሲ ዎጲያ ማርኬይ ኩሚዳ ሃራቶና ኢታ ማጴቴላ። 9 ኑ ኢንፃርሳን፣ ኑ፣ ጎዳኔ ያሳ ጋላቶስ። ቃሲ ኢያራ ያሳ ለሚሶን ማጴቴዳ አሳ ቃንጎስ። 10 ኢሲ

ደናፔ ጋላቲኔ ቃንጌሊ ኬዬስ። ታ አሻቶ፣ ሂሳዳ ሃናናው ቤሶና። 11 ፑልቶይ ኢሲ ኦላፌ ማልዒያ ሃሊኔ ጫሚያ ሃሊ ፑልታናው ዳንዳዊ? 12 ታ አሻቶ፣ ባላሴ ሚሊ ሻማሆ አይፋናው ዳንዳዊ? ዎይኮ ዎይኔ ሚሊ ባላሴ ሚላ አይፌ አይፋናው ዳንዳዊ? ጫሞ ሃላፌ ማልፖ ሃሊ ኬያናው ዳንዳዊና።

ሳሎ ጨንጨቱላኔ ሳዓ ጨንጨቱላ

13 ሂንቴ ገደን ጨንጨኔ አኬካንቾይ ኦኔ? ባ ሎዎ ዳዑዋ፣ አሽኬቲላኒኔ ጨንጨቱላን ኦሴቲዳ ኦሶን ቤሶ። 14 ሺን ሂንቴ ዎዛናን ጫሚያ ቃናቲይኔ ባና ደሶይ ዳዒኮ ጩቁቶፊቲ፤ ቱማ ቦላ ዎርዶቶፕቲ። 15 ሂሳ ሚላ ጨንጨቱላይ ሳሎፔ ዪዳባ ገደናሺን ሂሲ አሳባ፣ አላሜባ፣ ያላሃባ። 16 ቃናቲይኔ ባና ደሶይ ዳዒያ ሶን ኦሺኔ ኢታ ኦሶ ኡባይ ዳዎሶና። 17 ሺን ቦላፌ ያ ጨንጨቱላይ ኡባፌ ሲንጌ ጌሺ። ቃሲ ሳርቲሊ፣ አዳቲሊ፣ ሲዒዲ ኤኬይሳ፣ ቃጴቴይሳ፣ ሎዎ አይፌይ ኩሚዳይሳ፣ አሴ ሻኮናይሳኔ ጩቦቴሊ ባይናይሳ። 18 ሳርቲላ ደሴይሳቲ ሳርቲሊ ዜሪዲ ያሎቴሊ ቡጮሶና።

4

ሃ አላሚያራ ዳቦቶፕቲ

1 ኦሺኔ ኦሊ ሂንቴ ገደ አወፔ ዪ? ኤንቲ ዬይ ሂንቴ አሳቲላ ሃራናው ኦሊቲያ ሂንቴ አሾ አሙዋፔ ገዴኔዬ? 2 ሂንቴ አሞቲታ፣ ሺን ዳሜኬታ፤ ሂሳ ገሾ፣ ዎጲታ። ሚንገሊ ኮዬታ፣ ሺን ዳማናው ዳንዳዔኬታ፤ ሂሳ ገሾ፣ ኦዬቲታኔ ኦሊቲታ። ሂንቴ ያሳ ዎሶና ገሾ ኮያባ ዳሜኬታ። 3 ሂንቴ ዎሴታ፣ ሺን ዳሜኬታ። ሂንቴ አሾ አሙዋ ፖላናው ዎቤ ኦኔን ዎሲያ ገሾ ዳሜኬታ። 4 ሂንቴና፣ ላይማቲይሳቶ! ሃ አላሚያራ ደሴይ ያሳራ ዋርኬ ገዴይሳ ኤሬኬቲ? ሃ አላሚያራ ዳቦታናው ኮዬይ ኦኒካ ያሳራ ዋርኬ። 5 ጌሻ ማፃፋይ፣ «ያሳይ ኦናን ዳና ሚላ ኦሊዳ አያናይ፣ ኦኒ ኢያው ቡዞ ገደና ሚላ አሞቲስ» ገዲይሳ ጮ ገደባ ዳኒ? 6 ሺን ጌሻ ማፃፋይ፣ «ያሳይ ኦቶራንቾታ ኢዳስ፣ ሺን ባንታና ካወሽይሳታሰ ማርቴላ አሜስ» ያጌያ ገሾ ያሳይ ማርቴላ ዳርሲዲ አሜስ።

7 ሂሳ ገሾ፣ ያሳሰ ሃሬቲቲ፤ ያላሃሪ ኤቁቲቲ፤ ኢ ሂንቴፌ ሃካና። 8 ያሳኮ ሸቁቲ፤ ኢ ሂንቴኮ ሸቃና። ሂንቴና፣ ናጋራንቾቶ፣ ሂንቴ ኩሺያ ማጩቲቲ፤ ናሞቡ ቆፊ ዳዔይሳቶ፣ ሂንቴ ዎዛና ጌሺቲ። 9 ካዮቲቲ፣ ዬከቲኔ አፋጻቲ። ሂንቴ ሚቻይ ዬሆን፣ ሂንቴ ኡፋይሳይ አዛናን ላሜቶ። 10 ጎዳ ሲንገላን ሂንቴናቲላ ካወሺቲ፤ ኢ ሂንቴና ጶቁ ጶቁ ኦላና።

አሳ ቦላ ፕርዶፊቲ

11 ታ አሻቶ፣ ኢሶይ ኢሱዋ ዘገርፕቲ። ባ አሻ ዘገራይኔ ኢያ ቦላ ፕርዶይ ሂጌ ዘገራሴኔ ሂጌ ቦላ ፕርዶስ። ኔኒ ሂጌ ቦላ ፕርዲኮ ሂጌ ቦላ ፕርዶይሳ ገዳሳፔ አቲን ሂጌ ፖሊይሳ ገዳካ። 12 ሂጌ አሜይኔ ፕርዶይ ያሳ ያላላ። አሻናዉኔ ቆይሳናው ዳንዳዔይ ኢያ። ያቲን፣ አሳ ቦላ ፕርዲያ ኔኒ ኦኔ?

ጨቁቶፊቲ

2:11 ኬሳ 20:13-14፤ ዛሬ 5:17-18 2:21 ሜዴ 22:1-14 2:23 ሜዴ 15:6፤ 2ታሪ 20:7፤ አሳ 41:8 2:25 ኢያ 2:1-21
3:10 ሜዴ 1:26 4:6 ለሚ 3:34 4:13 ለሚ 27:1

13 ሂንቴ፡ «ኑኒ ሃቸ ዋይኮ ዋንቶ ያ ካታማ ዋይኮ ሃ ካታማ ባና፤ ያን ላይሌ ኡታና፤ ዛልዒዲ ዋቋሳና» ያገይሳቶ፡ ሰዒቲ። 14 ዋንቶ ኣይቢ ሃናኔኮ ሂንቴ ኤሪኬታ። ሂንቴ ዳይይ ዋናኔኮ ኤሪይ ኦኔ? ሂንቴ ጉላ ዋይ ቤንቴዲ ቆያ ኣካ ማላ። 15 ሂሳ ኣገዲ፡ «ጎዳይ ጊኮ ኑኒ ዳና፤ ሃይሳ ዋይኮ ሂሳ ኦላና» ያጋናው ቤሴሰ። 16 ሺን ሂንቴ ሃዒ ኦቶርቴታኔ ጨቁቴታ። ሂሳ ማላ ጨቆ ኡባይ ኢታ። 17 ሂሳ ጊሾ፡ ሎዖባ ኦላናው ኤሪሼ ኦላና ኡራሰ ሂሲ ናጋራ።

ኢ ያሳ ዋሲን ሳሎፕ ኢሪ ቡኪሰ፤ ሳዒይካ ካሊ ሞኪሰ።

19 ታ ኢሻቶ፡ ሂንቴፊ ኦኒካ ቱማ ኦጊያፕ ቡቲኮ፡ ሃራይ ኢያ ቱማኮ ዛሪኮ፡ 20 ናጋራንቸዋ ኢያ ባላ ኦጊያፕ ዛሪያ ኦኒካ፡ ኢያ ሼምፑዋ ሃይቆፕ ኣሼይሳኔ ኢያ ዳር ናጋራሰ ማርታ ኢማይሳ ኤር።

5

ዱሪታሰ ኢማቲዳ ዞሬ

1 ሂንቴኖ፡ ዱሪቶ፡ ሂንቴ ቦላ ኢታ ማቶይ ያ ጊሾ ዩኪቴኔ ዜሌሊቴ። 2 ሂንቴ ሻሎይ ቡቁሰ፤ ሂንቴ ኣራላይካ ቢላን ማቴቲሰ። 3 ሂንቴ ዋርቃይኔ ሂንቴ ቢራይ ሺዒሰ። ሄ ሺዒይ ሂንቴ ቦላ ማርካ ጊዳና። ኢ ሂንቴ ኣሳቴላ ታማዳ ማና። ሂንቴ ሃ ወሪዳ ቃማታን ሂንቴው ሻሎ ዳጋይታ። 4 ሂንቴ ጋይን ኦሊ ፔዒዳ ኣሳ ኬራ ሚሺያ ቃንዒቤኬታ። ሂሲ ሂንቴ ቦላ ዋሴሰ። ሄ ኣሳታ ዋሶይ ዋልቃማ ጎዳ ሃይላን ሰዒቲሰ። 5 ሃ ሳዒን ሂንቴ ኡሎ ዓላላሰ ቆፒዲ፡ ኢንጃን ዳዒዳታ። ሹካሰ ጊኬቲዳ ማሄዳ ሂንቴና ቋኪዳታ። 6 ሂንቴራ ኤቁታናው ዳንዳዖና ዒሎ ኣሳ ቦላ ፒርዲዳታ፤ ኢያ ዋቋይታ።

ጌንጫኔ ዋሳ

7 ታ ኢሻቶ፡ ጎዳይ ያና ጋካናው ጌንጫቴ። ጎሻንቸይ ቶርቸ ኢራይኔ ሲላ ኢራይ ያና ጋካናው ጌንጫዲ ኣልዖ ካላ ናጊዲ ዋቲ ጋሊ ኤኪያኮ ቆፒቴ። 8 ሄ ጎሻንቸዋዳ ሂንቴካ ጌንጫቴ። ጎዳ ዩሳይ ማታቲዳ ጊሾ ኡፋይሳን ናጊቴ።

9 ታ ኢሻቶ፡ ያሳይ ሂንቴ ቦላ ፒርዳና ማላ ኢሶይ ኢሱዋ ቦላ ዙዙዋፊቴ። ፒርዳይሲ ፔንጌን ኤቁሰ። 10 ታ ኢሻቶ፡ ዋያን ጌንጫዳ፡ ጎዳ ሱንላን ኦዲዳ ናቤታ ለሚሶ ኦሊዲ ኤኪቴ። 11 ዳንዳዒን ጌንጫዳይሳታ ኑኒ ኣንጃቲዳይሳታ ጎሰ። ኢዮቤይ ዋኒዲ ጌንጫዳኮ ሂንቴ ሰዒዳታ። ጎዳይ ወርሴላን ኢያ ዋቲ ማዲዳኮ ቤዒዳታ። ኢ ማርቲኔ ቃዴይ ኩሚዳ ጎዳ ጊዲያ ጊሾ ሂሳ ኦሊሰ።

12 ሺን ኡባፊ ሲንሌ፡ ታ ኢሻቶ፡ ሳሎዋን ጊዲን ዋይኮ ሳዒን ጊዲን ዋይኮ ሃራ ኣይቢንካ ጫቆፊቴ። ያሳ ፒርዳን ሂንቴ ጌሎናዳ ሂንቴ ኦዳይ ኤ ጊዲኮ፡ «ኤ» ጊቴ፤ ኣካይ ጊዲኮ፡ «ኣካይ» ጊቴ።

13 ሂንቴ ጊደን ማቶ ኤኪያ ኦኒካ ዳዒኮ ያሳ ዋሶ። ኡፋይቲያ ኦኒካ ዳዒኮ ጋላታን ዩዖ። 14 ሂንቴፊ ሃርጌቲያ ኦኒካ ዳዒኮ ዋሳ ኬላ ጨማታ ያጎ። ኤንቲ ጎዳ ሱንላን ሻማሆ ዛይቴ ቲዩዲ ኢያው ያሳ ዋሶ። 15 ኣማኖን ዋሲዳ ዋሳይ ሃርጋንቸዋ ፓላና። ጎዳይ ኢያ፡ ሃርጊያፊ ዳንላና፤ ኢ ናጋራ ኦሊዳባ ጊዲኮካ ጎዳይ ኢያ ማራና። 16 ሂሳ ጊሾ፡ ሂንቴ ፓፃና ማላ ሂንቴ ናጋራ ኢሶይ ኢሱዋሰ ፓዒቴኔ ኢሶይ ኢሱዋሰ ዋሴቴ። ዒሎ ኣሳ ዋሳይ ዋልቃማ ኦሶ ኦሌሰ። 17 ኤሊያሲ ኑ ማላ ኣሴ። ኢሪ ሳዒን ቡኮና ማላ ሚንሊዲ ያሳ ዋሲን ሄቸ ላይሊኔ ኡሱፑን ኣኔና ሳዒን ኢሪ ቡኪቤና። 18 ዛሪዲ

5:2 ማቶ 6:19 5:4 ዛሬ 24:14-15 5:11 ኢዮ 1:21-22፤ 2:10፤ ማከ 103:8 5:12 ማቶ 5:34-37 5:17 1ካዎ 17:1፤ 18:1 5:18 1ካዎ 18:42-45 5:20 ለሚ 10:12፤ 1ጳዒ 4:8

ጳጳርሳ ፩ዱ ኮይር ከታ ጋላ ቆፋ

ሃዋርያ ጳጳርሳ ፩ዱ ኮይር ከታይ ዓፊቲዳይ፡ «ደሬቲዳ ያሳ አሳታ» ጌቲቲ ያጌቲዳይሳታሲኔ ጉላ ኢሲያን ፑይሃ ባጋን ላሊቲዳ አማኒያ አሳሳ። ሃ ከታ አይሬ ቆፋይ፡ አማኖ ጋሶን ማቶይኔ ዋይይ ጋኪዳ አሳ ማንሌላናሳ። ሃ ማፃፋ ዓፊይ፡ ኢያ ሃይቁዋ፡ ኢያ ዳንዲዋ፡ ኢያ ናምዓንላ ዩሳ ኦዲያ ዩሱስ ከሪስቶሳ ዋንጌላ ቃላ ኤንታ ሃሳይሴስ። ዩሱስ ከሪስቶሳ ዳዑዋ ለሚሶ ኦሊ ያሊዲ፡ ማቶዋ ዳንዳዓን ካንላናዳ ኤንታ ቆፊሴስ። ሃሳራ ጋሊዲ፡ ማቶይ ኤንታ አማኑዋ ጌሻቲላ ፓጩይሳኔ፡ «ዩሱስ ከሪስቶሳ ቆንጩያ ጋላስ» ቤሲያ ዋይቶ ኤንቲ ኤካናው ዳዔይሳ ሃሳይሴስ።

፩ይ፡ ኤንቲ ማቶ ዳንዳዓና ማላ ማንሌላይሳ ቦላ ከሪስቶሳ ካሊያ አሳቲ ዳዔይሳዳ ዳና ማላ ቆፊሴስ።

1 ጳጳርሳ ከታ አይሬ ቆፋታ

ሳርሶ 1:1-2

ያሳይ ኮስ አሚዳ አቶቲላ 1:3-12

ጌሻቲላ ዲሱ 1:13-2:10

ማቶ ዋይ አማኒያ አሳይ ሃናናው ቤሲያባ 2:11-4:19

ጨማታሲኔ ናጥቲላታስ አሚቲዳ ዞሬ 5:1-11

ኩሻ ቆፋ 5:12-14

1 ታኒ፡ ዩሱስ ከሪስቶሳ ሃዋሪይ ጳጳርሳ፤ ጳንያሳን፡ ጋላቲያን፡ ቃጳይቂያን፡ ኢሲያኒኔ ቢቲኒያን ቤታንቾዳ ላሊቲዳ ዳዔያ ያሳይ ደሪዳ፡ አሳስ ሃ ዳብዳቢያ ዓፋስ። 2 ዩሱስ ከሪስቶሳስ ሃንቲ ከቲታና ማላኔ ኢያ ሱላን ጌያና ማላ፡ ያሳ አዋይ ባ ካሴ ኤራን ደሪዳይሳታሲኔ ጌሻ አያናን ጌዪዳ፡ ሃንቲው አቶ ከሃቲላይኔ ሳርቲላይ ጌዶ።

ጳዮና ኡፋይሳ

3 ዩሱስ ከሪስቶሳ ሃይቆፔ ዳንሊዲ ባ ጌታ ማርቲላን ናምዓንላ ዩሊቲላኔ ጳዮና ኡፋይሳ አሚዳ ኑ ጎዳ ዩሱስ ከሪስቶሳ አዋይ፡ ያሳይ ጋላቲቶ። 4 ቃሲ ያሳይ ሃንቲው ጳዮና፡ ኢቶናኔ ቡቆና ላታ ሳሎን ጊሲሲስ። 5 ሃ ላታይ ዋይ ወርሴላን ቆንጩናው ዳዔያ አቶቲላስ ያሳ ዋልቃን አማኖን ሃንቲው ናጌቲዲ ዳዔስ።

6 ሃሳ ጉላ ዋይስ ሃንቲ ዲማ ዲማ ፓጩን ኤንዔቲኮካ ሃሳን ኡፋይቲቲ። 7 ሃ ፓጩይ ሃንቲና ጋኪዳይ፡ ታማን ዩጊን ጳያ ዋርቃሬ ሃንቲ አማኖይ አቶኔ ቲማ ጌዳይሳ ቤሳናሳ። ሃ ፓጩቲዳ አማኑዋን ዩሱስ ከሪስቶሳ ቆንጩያ ዋይ ጋላታ፡ ቦንቾኔ ሳባ ሃንቲ ኤካና። 8 ሃንቲ ዩሱሳ ቤዒቤኮታ፡ ሺን ኢያ ሲቂታ። ሃንቲ ሃሳ ኢያ ቤዒቦናባ ጌዲኮካ፡ ኢያ አማኔታ።

ቃሲ ኦዳን ቆንጩሳናው ዳንዳዔቶና ኡፋይሳኒኔ ቦንቾን ኩሚዳታ። 9 ሃንቲ አማኖን ናጊያ ሃንቲ ሸምፑዋ አቶቲላ ኤካና።

10 አቶ ከሃቲላ ባጋራ ሃንቲው ጊሊዳ ሃ አቶቲላባ ናቤቲ ኤራናው ጌታ ኮሻኒኔ ናጎን ኮዪደሶና። 11 ኤንታን ዳዔያ ከሪስቶሳ አያናይ ኢያ ዋያባኔ ሃሳሬ ጉዬ ያና ቦንቾዋባ ካሴቲዲ ማርካቲሹ፡ አዉዴ ዋይኮ ዋኒዲ ሃናኔኮ አኮካን ፐልጊደሶና። 12 ናቤቲ ኦዲዳ ቲንቢቲይ

ባንታው ጊደናሺን ሃንቲው ጊዳይሳ ያሳይ ሃንቲው ቆንጩሲስ። ሃሳ አሳይ ሃንቲው ኦዲዳ ዋንጌላ ሳሎፔ ከቲቲዳ ጌሻ አያና ዋልቃን ሃንቲው ኦዲደሶና። ከታንቾቲካ ሃሳ ቤዓናው አሞቲደሶና።

ጌሻቲላን ዳዒቲ

13 ሃሳ ጊሾ፡ ኦሶስ ሃንቲና ጊሲሲቲ፤ ሃንቲና ሃሪቲ። ዩሱስ ከሪስቶሳ ቆንጩያ ዋይ ሃንቲ ኤካና አቶ ከሃቲላ ኡፋይሳን ናጌቲ። 14 ያሳ ናይታዳ ኢያው ከቲቲቲ፤ ሃንቲ ካሴ ኤርና ኦሊዳ ኢታ አሙዋ ካሎሬቲ። 15 ሺን ሃንቲና ያጊዳ ያሳይ ጌሺ ጊዲዳይሳዳ ሃንቲካ ሃንቲ ዳሳ ኡባን ጌሺ ጊዲቲ። 16 ጌሻ ማፃፋን፡ «ታኒ ጌሺ ጊዲዳ ጊሾ ሃንቲካ ጌሺ ጊዲቲ» ጌቲቲ ዓፊቲስ።

17 አሳ ሶምዖ ቤዖና ኢያ ኦሱዋዳ ፐርዲያ ያሳ፡ «ኑ አዋው» ጊዲ ያጊያባ ጊዲኮ፡ ሃ ሳዓ አማላቲላ ዲሳ ያሻን ዳዒቲ። 18 ሃንቲ፡ ሃንቲ አዋታፔ ላቲዳ ፓሶና ዳዑዋፔ ዋዜቲዳይሲ፡ ጳያ ቢራን ዋይኮ ዋርቃን ጊደናይሳ ኤሪታ። 19 ቦሬይ ዋይኮ ቦርሶይ ባይና ደርሳ ሱላዳ አልዖ ጊዲዳ ከሪስቶሳ ሱላን ዋዜቲዳታ።

20 ያሳይ አላሜይ ማዴታናፔ ካሴ ከሪስቶሳ ደሪስ፡ ሺን ሃ ወርሴላ ዋዲያን ከሪስቶሳ ሃንቲ ጊሾ ቆንጩስ። 21 ሃንቲ አማኖይኔ ሃንቲ ኡፋይሳይ ያሳን ጊዳና ማላ ኢያ ሃይቆፔ ዳንሊዲ፡ ቦንቾዳ ከሪስቶሳ ባጋራ ያሳን አማኔታ።

22 ሃንቲ ቱማቲላስ ከቲቲዲ ሃንቲናቲላ ጌሺዳታ። ሃንቲ ኢሶይ ኢሱዋ ዋዛናፔ ሲቂታ፡ ሺን ሃሳካ ቱማ ዋዛናፔ ማንሊዲ ሲቂቲ።

23 ሃንቲ ናምዓንላ ዩሊቲዳይ ጳያ ዜሬላሬ ጊደናሺን ማሪናው ዳዔያ ያሳ ቃላን ጳዮና ዜሬላሬ ዩሊቲዳታ።

24 ያሳ ቃላይ፡

«አሲ ኡባይ ማታ ማላ፤

ኢያ ቦንቾ ኡባይ ጨሻ ማላ።

ማታይ ማሌስ፡ ጨሻይካ ቆሌቲስ።

25 ሺን ጎዳ ቃላይ ማሪናው ዳዔስ»

ያጌስ። ሃንቲው ኦዲቲዳ ዋንጌላ ቃላይ ሃይሳ።

2

ዳዖ ሹቾኔ ጌሻ ዳሬ

1 ሃዛ፡ ኢታቲላ ኡባ፡ ጨሞ ኡባ፡ ጨቦቲላ ቃናቲኔ ዘጊርሲ ኡባ ሃንቲሬ ዲጊቲ። 2-3 ጎዳይ ከሃ ጊዳይሳ ሃንቲ ኤሪዲ ማዜቲዳይሳዳ ሃሳ ዩሊቲዳ ጉላ ናይታዳ ሃንቲ አቶቲላን ዲጨሽ ባናው ያሳ ጌሻ ቃላ ማላ ኡባ ዋይ አሞቲቲ።

4 አሳን ቦሬቲዲ ያሳን ደሬቲዳ አልዖ ጊዲዳ ዳዖ ሹቾ፡ ጎዳ ዩሱሳኮ ሸቂቲ። 5 ሃንቲ አያና ከሌ ከፀቲያ ዳዖ ሹቾታ። ሃንቲ ዩሱስ ከሪስቶሳ ባጋራ ያሳ ኡፋይሲያ አያና ያርሾ ያርሺያ ጌሻ ካሃኔታ። 6 ጌሻ ማፃፋን፡

«ሃኮ፡ ታኒ ያዮኔ ካታማን ጎዳ ዓጹዋ ማንሊያ፡

ደሬቲዳ፡ አልዖ ሹቾ ዋላስ፤

ኢያን አማኒያ ኢኒካ ዩላቲና»

ያጌስ። 7 ሃ ሹቾይ ሃንቲው አማኔይሳታስ አልዖ፡ ሺን አማኖናይሳታስ፡

«ጊምቤይሳቲ ካዲዲ ኢዲዳ ሹቾይ

ጎዳ ዓጹዋ ማንሊያ፡

ኡባሬ አዲያ ሹቾ ጊዲሲ።»

8 ቃሰካ፡

«ሃ ሹቻይ ኣሴ ጳቢያ ሹቹኔ ኣሴ ኩንዲሲያ ዛላ» ያጌሰ። ኤንቲ ሄሳስ ቃዳቲዳ ጊሾ ያሳ ቃላ ኪቲቶና ኢዲዲ ጳቢቲደሶና።

9 ሺን ያሳይ ጳማፔ ማላሊሲያ ባ ፖዑዋኮ ሂንቴና ጭገዳይ፡ ሂንቴ ኢያ ሎዎቲላ ሃራታሰ ኦዳናው ደሬቲዳ ዛሬ፡ ካዎ ካሂኔ፡ ጌሻ ዳሬኔ ያሳ ዲማ ዳሬ። 10 ሂንቴ ካሴ ያሳ ዳሬ ጊዳኬታ፡ ሺን ሃዲ ሂንቴ ኢያ ዳሬ። ሂንቴ ካሴ ማርቴላ ዳሚቤኬታ፡ ሺን ሃዲ ማርቴላ ዳሚዳታ።

ያሳ ኣይሌዳ ዳዎ

11 ታ ኢሻቶ፡ ሂንቴ ሃ ሳዓን ኢማሌኔ ቤታንቸ ጊዲዳይሳዳ ሂንቴ ሹምፑዎ ኦሊያ ኣሾ ኣሞፔ ሃካና ማላ ታኒ ሂንቴና ዋሳይሰ። 12 ኣማናና ኣሳይ ሂንቴና ኢታ ኦሊያ ኣሳዳ ዘገርያ ዋዳ ያሳይ ኦና ቤዓናው ያ ጋላሰ፡ ኤንቲ ሂንቴ ሎዎ ኦሱዋ ቤዒዲ ያሳ ጋላታና ማላ ሂንቴው ሎዎ ዳዎይ ዳዎ።

13 ጎዳ ጊሾ ጊዲ ማታራ ዳዲያ ኣሳታሰ ሃራቲቲ፤ ኡባሬ ቦላ ጊዲያ ጊሾ ካወዋሰካ ሃራቲቲ። 14 ኤንቲ ኢታ ኦሊይሳታ ሴራናውኔ ሎዎ ኦሊይሳታ ሳባናው ካወዋፔ ኪቲቲዳ ጊሾ ዳሪያ ኣይሴይሳታሰ ሃራቲቲ። 15 ሂንቴ፡ ሂንቴ ሎዎ ኦሱዋን ኤርና ኤያ ኣሳ ደና ኦይላናይሲ ያሳ ሹኔ። 16 ያሳ ኣይሌ ጊዲዲ ሳዓቲሳን ዳዲቲፔ ኣቲን ሂንቴ ሳዓቲሳ ኢታ ኦሶስ ካማ ኦሎፊ። 17 ኣሳ ኡባ ቦንቸቲ፤ ኣማኒያ ኣሳ ሲቂቲ፤ ያሳ ያዩቲ፤ ካዎ ቦንቸቲ።

ኪሪሰቶሳ ዋያ ለሚሱዋ

18 ኣይሌቶ፡ ሎዎ ጎዳታሰኔ ኬሃ ጎዳታ ዓላላሰ ጊደናሺን ኢታታሰካ ቦንቸን ሃራቲቲ። 19 ኣሲ ያሳ ጊሾ ጊዲ ቤሶና ዋዬ ዋዬቲኮ ያሳይ ኢያ ኣንጃና። 20 ሺን ሂንቴ ናጋራ ኦሊን ሂንቴና ዳቺያ ዋዳ ሂንቴ ዳንዳዒኮ ሂንቴው ኣይ ጋላቲ ዳዲ? ሺን ሎዎባ ኦሊዲ ዋዬ ዳንዳዒኮ ያሳይ ሂንቴና ሃሳስ ኣንጃና። 21 ያሳይ ሂንቴና ጭገዳይ ሄሳ ጊሾሳ፤ ኪሪሰቶሲ ሂንቴው ዋዬቲሰ፤ ሂንቴ ኢያ ካላና ማላ፡ ሂንቴው ለሚሶ ጊዲሰ። 22 ኢ ናጋራ ኦሊቤና፤ ኢያ ደናንካ ዋርደይ ቤንቲቤና። 23 ኤንቲ ኢያ ጫያ ዋዳ ዛሪዲ ጫዩቤና። ሺን ዋዬ ኤኪሹ ዓሎ ፐርዲያ ያሳሰ ባ ፐርዳ ኣጋገሰፔ ኣቲን ማንዲቤና። 24 ኢኒ ናጋራሰ ሃይቂዲ ዓሎቲላሰ ዳና ማላ ኪሪሰቶሲ ባ ኣሹዋን ኦ ናጋራ ማሰቃሊያ ቦላ ቶኪሰ፤ ሂንቴ ኢያ ማዲንላን ፓዲዳታ። 25 ካሴ ሂንቴ ኦጌ ባሊዲ ጳዩዳ ደርሳ ማላ፡ ሺን ሃዲ ሂንቴ ሹምፑዎ ሂማይሳኮኔ ናጌይሳኮ ሲሚዳታ።

3

ኣዚናባኔ ማቸባ

1-2 ሄሳዳካ፡ ማቸቶ፡ ሂንቴ ኣዚናታፔ ያሳ ቃላሰ ኪቲቶናይሳቲ ዳዲኮካ ኣይኮካ ኦዳቶናሺን፡ ሂንቴ ያሻቲላኔ ሂንቴ ጌሻ ዳዑዋ ቤዒዲ ኣማናና ማላ ኤንታው ሃራቲቲ። 3 ሂንቴ፡ ሂንቴ ሁዔ ፒዶኒኔ ዋርቃ ኣሶን ዋይኮ ሎዎ ማዎን ሂንቴ ቦላ ኣሳቲላ ሎይሶን ጊደፖ። 4 ሺን ሂንቴ ዋዛና ጊደን ዳዲያ

ዩጌልሳቲላይ ያሳ ሲንላን ሂንቴው ዳር ኣልዎ ጊዲዲ ጳዮና፡ ኣሽኬኔ ዋፑ ጊዳ ኣያና ጊደ። 5 ያሳይ ኢማና ጊዳይሳ ኣማኒዳ ጌሻ ማጫሳቲ ቢኒ ዋዳ ባንታ ኣዚናታሰ ሃራቲዲ፡ ባንታና ሃሳዳ ዳር ሎይሊደሶና።

6 ሄሳዳ ሳራ ኣብራሃማ፡ «ታ ጎዳው» ያጋዳ ዪጋሼ፡ ኢያው ኪቲታሱ፤ ሂንቴካ ኣይኮካ ያዮና ሎዎባ ኦሊኮ ኢ ናይታ።

7 ኣዚናቶ፡ ሂንቴ ማቸቲ ሂንቴሬ ዳቡራንቸ ማዴታ ጊዳይሳ ኤሪዲ፡ ኤንታና ቦንቸቲ፤ ሂንቴ ዋሳ ጳቦና ማላ ያሳይ ኢማዳ ዳዑዋ ኤንቲ ሂንቴራ ኢሲሬ ሳቲያ ጊሾ ኤንታ ቦንቸቲ።

ሎዎ ኦሊዲ ማቶ ኤኮ

8 ወርሴላን፡ ኡባይ ኢሲ ቆፋን ዳዲቲ። ኢሶይ ኢሱዋሰ ቃዴቲሹ፡ ኣሻዳ ሰቂቲቲ፤ ቃሲ ኢሶይ ኢሱዋሰ ኬሃታኔ ኣሽኬታ ጊዲቲ። 9 ኢታ ጊሾስ ኢታ ዋይኮ ጫሻ ጊሾ ጫዩዲ ዛርፐቲ፤ ሄሳ ኣገዲ፡ ያሳይ ሂንቴው ኣንጃዎ ኢማናው ሂንቴና ጭገዳ ጊሾ ኣንጃቲ። 10 ኣይሰ ጊኮ፡ ጌሻ ማዓፋይ፡

«ዳዎ ደሴይኔ ሎዎ ዋዳ ቤዓናው ኮዬይ ኦና ጊዲኮካ ባ ኢንግርሳን ኢታባኔ ዋርደ ኦዳቲይሳ ኣጎ።

11 ኢታባ ኦሊይሳ ኣገዲ ሎዎባ ኦሊ፤ ሳርቴላካ ኬሂ ኮዮኔ ካሎ።

12 ጎዳ ኣይሬይ ዓሎታኮ ያሌሰ፤ ቃሲ ኢ ኡባ ዋዳ ኤንታ ዋሳ ሃይዜሰ።

ሺን ጎዳይ ኢታባ ኦሊይሳታ ባ ሃንቆ ሶምዑዋን ያሌሰ» ያጌሰ።

13 ሂንቴ ሎዎባ ኦላናው ኣሞቲኮ ሂንቴና ቆሃናይ ኦኔ? 14 ሃሪ ኣቶሺን፡ ዓሎቲላ ጊሾ ሂንቴ ዋዬቲኮ ኣንጃቲዳይሳታ። ኣሳሰ ያዮፊቲኔ ሂርጎፊቲ።

15 ኪሪሰቶሳ ሂንቴ ዋዛናን ቦንቸቲኔ ጎዳዩቲ። ያሳይ ሂንቴው ኢሚዳ ኡፋይሳሰ ጋሶ ኦይቺያ ኦዳሰካ ዛር ኢማናው ኡባ ዋዳ ገጊ ኡቲቲ፡ ሺን ሄሳ ኣሽኬቲላኒኔ ያሻን ኦሊቲ። 16 ቃሲ ኪሪሰቶሳን ሂንቴ ዳዲያ ሎዎ ዳዑዋ ኢታባ ኦሊዳባዳ፡ ሂንቴና ጫያ ኣሳይ ዘገርያባን ዩላታና ማላ ሂንቴ ካሃይ ጌሺ ጊደ። 17 ያሳይ ጊዳባ ጊዲኮ ኢታባ ኦሊዳ ጊሾ ዋዬ ኤኬይሳሬ ሎዎባ ኦሊዳ ጊሾ ዋዬ ኤኬይሲ ሎዎ። 18 ኪሪሰቶሲ ኦና ያሳኮ ሺሻናው ባው ዓሎ ጊዲዲ ዳዲሹ፡ ናጋራንቸታ ጊሾ ኢሲ ቶሆ ናጋራ ኡባሰ ሃይቂሰ፤ ኢ ባ ኣሳቲላን ሃይቂሰ፡ ሺን ኣያናን ፓዲሰ። 19 ቃሲ ሄ ኣያናን ኢ ቢዲ ቃሾን ዳዲያ ሹምፖታሰ ቃላ ኦዲሰ። 20 ኖሃይ ማርካቢያ ኬዲያ ዋዳ ሄ ሹምፖቲ ያሳሰ ኪቲቶና ኢዲደሶና፡ ሺን ያሳይ ኤንታና ዳንዳዒሰ። ሆሰፑን ኣሳ ዓላሊ ማርካቢያን ጌሊዲ፡ ጳዮ ሃላሬ ኣቲደሶና። 21 ሄ ጳዮ ሃላይ ሃዲ ሂንቴና ኣሺያ ዪንቃቲ ለሚሶ ጊዲሰ። ሃ ዪንቃቲይ ቦላ ቂታ ማጮ ጊደናሺን ሎዎ ካሃ ያሳሬ ኤካናው ኢያ ዋሲያ ኦጌ ጊዲዲ፡ ኪሪሰቶሳ ዳንዲዋ ባጋራ ሂንቴና ኣሹሰ። 22 ኢ ሳሎ ቢዲ ያሳ ኡሻቻን ኡቲዲ፡ ኪታንቸታ፡ ማታ ኣዋታኔ ዋልቃማታ ሃራሰ።

4

ያሳሰ ዳዎ

2:8 ኢሳ 8:14-15 2:9 ኪሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኢሳ 9:2 2:10 ሆሴ 2:23 2:22 ኢሳ 53:9 2:23 ኢሳ 53:7 2:24 ኢሳ 53:5 2:25 ኢሳ 53:6 3:1-2 ኤሬ 5:22፤ ቆላ 3:18 3:3 1ጊዋ 2:9 3:6 ሜዲ 18:12 3:7 ኤሬ 5:25፤ ቆላ 3:19 3:10 ማካ 34:12-16 3:14 ማቶ 5:10፤ ኢሳ 8:12-13 3:20 ሜዲ 6:1-7:24

1 ሃሳ ገሾ፡ ከሪሰቶሲ ባ አሹዋን ኑስ ዋዬተዳ ገሾ ሂንቴካ ሄ ቆፋን ሂንቴና ዳንጨሲ ወሂዲ ኤቁቴ። ከሪሰቶሳ ገሾ ገዲ ባ አሹዋን ዋዬ ኤኪዳ ኡራይ ናጋራ ኦሊኬ ገዲ ቃንጻዳ ኣሲ። 2 ሄ ኡራይ ባ ኣተዳ ላይላን ያሳ ሼኔ ኦፋናው ኮዬሲ፤ ኣተን ኢታ አሾ አሞን ዳና። 3 ካሴ ሂንቴ ኣማኖና ኣሳይ ዳዒዳይሳዳ ዳዒዳ። ሂንቴ ኢታ አሞን፣ ላይማቴላን፣ ማሉን፣ ቱናቴሊ ዳንጫሊያ ዬላን፣ ፖኪያ ኤቃ ጎይናን ካሴ ዳዒዳ ዳሳይ ገዲና። 4 ኣማኖና ኣሳራ ሂንቴ ሾሪ ባይና ኦሱዋ ኦሉና ገሾ ማላሌተዲ ሂንቴና ጫዮሶና። 5 ሺን ኤንቴ ፓፃታ ቦላኔ ሃይቁዳ ኣሳ ቦላ ፐርዳናው ዳዒያ ያሳሰ ዛሮ ኣማኖና። 6 ሃይቁዳ ኣሳሰ ዋንጌላይ ሳባኬተዳይ ሃይሳ ገሾሳ። ኤንቴ ኣሳሳ ባንታ አሹዋን ፐርዳታና ቃሲ ባንታ ኣያናን ያሳሳ ዳዮን ዳና።

7 ሂዛ፡ ኡባባሰ ወርሴላይ ማታቲሰ። ሃሳ ገሾ፡ ዋሳናው ዳንዳዔታና ማላ ዋቸ ገዲ ዋዛኒ ዳዮ፤ ማራራ ዳዒቴ። 8 ሲቆይ ዳሮ ናጋራ ካሚያ ገሾ ኡባፊ ኣሊዲ ኢሶይ ኢሱዋራ ዋዛና፤ ሲቁቴ። 9 ዙዙሞና ኢሶይ ኢሱዋ አማላቴላን ሞኪቴ። 10 ሂንቴ ያሳፊ ዳማ ዲማ ኣቶ ኬሃቴላ አሞታ ኤኪዳይሳዳ ሂንቴ ኢሶይ ኢሶይ ሄ ኢሙዋ ቤሲያዳ ኦይኪዲ ኢሶይ ኢሱዋ ሃጋዚቴ። 11 ዬሱስ ከሪሰቶሳ ባጋራ ኡባባን ያሳይ ጋላቴታና ማላ ኦኒካ ኦዲያባ ገዲኮ ያሳፊ ቃላ ኤኪዳዳ ኦዲ። ቃሲ ኦኒካ ማዲያባ ገዲኮ ያሳይ ኢያው ኣሚያ ዋልቃዳ ማዲ። ቦንቾይኔ ዋልቃይ ማሪና፤ ማሪና ጋካናው ኢያው ገዲ። ኣሚንዒ።

ኣማኖ ጋሶን ጋኪያ ዋያ

12 ታ ባጋቶ፡ ሂንቴ ታማዳ ፀ-ጊያ ዋዬ ፓጪያ ገደራ ኣቋያ ዋዴ ኦራላባይ ሃኒዳዳ ማላሌቶፊቴ። 13 ሺን ኢያ ቦንቾይ ቆንጨያ ዋዴ ሂንቴ ኡፋይሳይ ገታ ገዲና ማላ ከሪሰቶሳ ዋያ ሂንቴ ኤኬይሳን ኡፋይቴ። 14 ከሪሰቶሳ ሱንላ ገሾ ኣሲ ሂንቴና ጫያ ዋዴ ያሳ ቦንቾ ኣያናይ ሂንቴ ቦላ ሸምፐያ ገሾ ሂንቴ ኣንጃቴዳይሳታ። 15 ሂንቴፊ ዋዬ ኤኪያ ኦኒካ ሸምፖ ዋዲዳዳ ዋይኮ ካይሶቲዳዳ ዋይኮ ኢታ ኦሊዳዳ ዋይኮ ጌልሶናባን ጌሊዳዳ ሃኒዲ ዋዬቶፎ። 16 ገደሺን፡ ኣማኖ ገሾ ዋዬቲኮ ከሪሰቶሳ ሱንላ ገሾ ያሳ ጋላቶ፤ ኣተን ዬላቶ።

17 ፐርዲ ያሳ ኣሳ ቦላ ደሚያ ዋዴ ጋኪሰ። ሂዛ፡ ሄ ፐርዲይ ኮይሮ ኑ ቦላ ደሚያባ ገዲኮ፡ ያሳ ዋንጌላሰ ከቲቶና ኣሳ ወርሴላይ ኣይ ገዲኔ? 18 ዲሎይ ኡንዓን ኣቲያባ ገዲኮ፡ ማካላንቾይኔ ናጋራንቾይ ያቲን ዋናኔ? 19 ሃሳ ገሾ፡ ያሳ ሸኔዳ ዋዬ ኤኬይሳቲ ባንታ ሸምፑዋ ሃደራ ባንታና ማዲዳ፡ ኣማንጫያ ያሳሰ ኣሚሼ ሎዶባ ኦሉ።

5

ጨማታሲኔ ያላጋታሰ ኣሚቴዳ ዞሪ

1 ሂዛ፡ ዋሳ ከላ ጨማታራ ጨማ ገዲዳይሲ፡ ከሪሰቶሳ ዋያ ማርካቴይሲኔ ቆንጨናው ዳዒያ ቦንቾዋ ሻኬታናው ዳዒያ ታኒ፡ ሂንቴ ገደን ዳዒያ ጨማታ ዞሪይሰ። 2 ሂንቴ ኣዋቴላፊ ጋርሳን ዳዒያ ያሳ ወዲያ ሄሚቴ። ያሳይ ኮዬይሳዳ ደሳና፤ ኣተን ኡንዔቲዲ ሄሞፊቴ። ቃሲ ሚሼ ኮሻን ገደናሺን ሃጋዛናው ዳዒያ

ሎዶ ቆፋን ሄሚቴ። 3 ሂንቴ ኣዋቴላፊ ጋርሳን ዳዒያ ወዲያሰ ለሚሶ ገዲቴ፤ ኣተን ጎዳቶ፤። 4 ሄሚይሳታ ሃላቃይ ቆንጨያ ዋዴ ቆሌቶና ቦንቾ ካላቻ ሂንቴ ኤካና።

5 ሃሳዳካ፡ ያላጋቶ፡ ጨማታሰ ሃራቴ። ሂንቴ ኢሶይ ኢሱዋሰ ኣሸኬ ገዲቴ። ጌሻ ማፃፋን፡ «ያሳይ ኦቶራንቾታ ኢዲሰ፡ ሺን ኣሸኬታሰ ኣቶ ኬሃቴላ ኣሚሰ» ያጌሰ። 6 ያሳይ ባ ዋዴ ሂንቴና ቦንቾና ማላ ዋልቃው ያሳ ኩሺያ፤ ጋርሳን ሂንቴና ካወሸቴ። 7 ኢ ሂንቴው ቆፐያ ገሾ ሂንቴና ሂርጊሲያ ኡባ ኢያ ቦላ ዬገቴ።

8 ሂንቴ ሞርኬይ ፃላሃይ፡ ሚቴያባ ኮዬዲ፡ ጋሞዳ ጉዲሼ ሂንቴ ማታራ ዩያ ገሾ ሂንቴና ሃራቴኔ ባርኪቴ። 9 ኣላሚን ዳዒያ ሂንቴ ኣሻቲ ሃሳዳ ዋዬ ኤኬይሳ ኤሪዲ፡ ኣማኖን ሚኒዲ፡ ፃላሃይ ኤቁቴ። 10 ባ ሚሪና ቦንቾዋሰ ከሪሰቶሰ ዬሱሳ ባጋራ ሂንቴና ዪጊዳ ኣቶ ኬሃቴላ ኡባ ያሳይ፡ ጉላ ዋዴሰ ሂንቴ ዋዬቲዳ፤ ጉዬ፡ ኢ ባ ሁዔን ሂንቴና ሸሻና፡ ካቲሳና፡ ሚንጫዲ ኤሳና፡ ፃሊሳና። 11 ሚሪና፤ ሚሪና ጋካናው ያሳይ ካዋቶ። ኣሚንዒ።

ወርሴላ ሳርላ

12 ኣማኔቲዳ ኣሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንላን ፃፋሰ። ታ ሃሳ ሂንቴው ፃፊዳይ፡ ሂንቴና ዞራናውኔ ያሳ ኣቶ ኬሃቴላይ ቱማ ገደይሳ ማርካታናሳ። ሄ ኣቶ ኬሃቴላን ሚኒዲ ኤቁቴ።

13 ሂንቴራ ኢሲፊ ደሬቲዳ ባቢሎኔን * ዳዒያ ዋሳ ከላ ኣሳይኔ ታ ናዓ ማርቆሲ ሂንቴና፡ «ሳር ሳር» ያጌሰ።

14 ሲቆ ዬሬቴላ ዬሬቴሼ፡ ኢሶይ ኢሱዋ ሳርላቴ። ከሪሰቶሳን ዳዒያ ሂንቴ ኡባሰ ሳርይ ገዲ። ኣሚንዒ።

4:8 ለሚ 10:12 4:18 ለሚ 11:31 5:2 ዮሃ 21:15-17 5:5 ለሚ 3:34 5:6 ማቶ 23:12፤ ሉቃ 14:11፤ 18:14 5:12 ሃ.አ 15:22፤ 40 * 5:13 ባቢሎኔን፡ ሃ ቤሳን ባቢሎኔ ጌቲቲዳይ ሮማ ካታማ ገደና ኣጌና። 5:13 ሃ.አ 12:12፤ 25፤ 13:13፤ 15:37-39፤ ቆላ 4:10፤ ፊልሞ 24

ጳጳርሳ ፩ዱ ናምዓንሉ ከታ ጋላ ቆፋ

ሃዋርያ ጳጳርሳ ፩ዱ ናምዓንሉ ከታይ ፩ተዳይ፡ ዳማ ዳማ ቤሳን ዳዒያ ቢኒ አማኒያ አሳሳ። ሃ ከታ አይፌ ቆፋይ፡ ዋርዶ አስታማሬታ ኢታ ኦሱዋኔ ኤንታ ተሚርቲያ ጋሶን ማዴቲዳ ዩላያ ዳዑዋ ኢፃና ማላሳ። ሄ ማዴቲዳ ማቶታ ዲጋናው ኦጌ ገዳናይ፡ ዩሱሳ ባንታ አይፊያን ቤዒዳ አሳቲኔ ኢ ታማርሲያ ዋዴ ባንታ ሃይላን ሲዒዳ አሳቲ ታማርሲዳ ተሚርቲያ ባጋራ ያሳባኔ ጎዳ ዩሱሳ ከሪሰቶሳ ባንታ አማንሉያ ኤራ አይካናይሳ። ፩ይ ማንሉዲ ኦዲዳይ፡ «ከሪሰቶሳ ናምዓንሉ ዩና» ያገያ ዋርዶ ተሚርቲያ። ሄ ቆፋ ማንሉዲ ኦዲሼ፡ «ከሪሰቶሳ ሲሚዲ ዮና ጋምዒዳይ፡ አሳ ኡባይ ባ ናጋራፔ ሲማና ማላፔ አቲን ኦኒካ ጳያና ማላ ኮዮና ገሸሳ» ያገሰ።

2 ጳጳርሳ ከታ አይፌ ቆፋታ

ሳርሶ 1:1-2
አማኒያ አሳ ፩ሳ 1:3-21
ዋርዶ አስታማሬታ 2:1-22
ከሪሰቶሳ ናምዓንሉ ዩሳ 3:1-18

1 ዩሱሳ ከሪሰቶሳ ሃዋሪይኔ ኢያ አይሌይ፡ ታኒ፡ ሲሞን ጳጳርሳ፡ ኦ ያሳኔ ኦና አሺያ ዩሱሳ ከሪሰቶሳ ግሎቴሳ ባጋራ ኦይሳ ማላ አልዎ አማና ኤኪዳይሳታሰ ሃ ዲብዳቢያ ፩ሳ።

2 ያሳኔ ኦ ጎዳ ዩሱሳ ኤርን አጼ ኬሃቴሳይኔ ሳርይ ሃንቲው ኩሞ።

ያሳ ፩ሳኔ ዶሩዋ

3 ባ ቦንቸኒኔ ሎዎቴሳን ኦና ግጊዳ ኢያ ኤርን ዳዎሲኔ ያሳ ዳኒዲ ዳናው ኮሺያባ ኡባ ያሳይ ባ ዋልቃን ኦሰ አሚሰ። 4 ሃንቲ ኢታ አሞ ጋሶን ማዴቲያ ሃ አላሚያን ዳዒያ ባሻፌ ኬሲ ኤካናዳኔ ያሳ ያሳቴሳን ሻኬታናዳ፡ ሃ አሞታታ ባጋራ ዳር አልዎ ከታ ኡፋይሳ ኦሰ አሚሰ።

5 ሃሳ ገሸ፡ ማኒዲ፡ ሃንቲ አማኑዋ ቦላ ሎዎቴሳ፡ ሎዎቴሳ ቦላ ኤራቴሳ፡ 6 ኤራቴሳ ቦላ ባና ሃር፡ ባና ሃር ቦላ ገንጫ፡ ገንጫ ቦላ ያሳ ዳና፡ 7 ያሳ ዳና ቦላ አሻቴሳ ኬሃቴሳ፡ አሻቴሳ ኬሃቴሳ ቦላ ሲቆ ጉጂቴ። 8 ሃይሳቲ ሃንቲው ዳሪዲ ዳዒያባ ገዲኮ፡ ጎዳ ዩሱሳ ከሪሰቶሳ ኤርን ማዲያ አሲኔ አይፌራ ዳዒያ አሲ አላና። 9 ሺን ሃሳቲ ባይና ኦኒካ ማታን ዳዒያባ ፩ላላ ቤዒያ ቆቁ። ኢ ባ ካሴ ናጋራፔ ገዩዳይሳ ዶጊሰ።

10 ሃሳ ገሸ፡ ታ አሻቶ፡ ሃንቲ ግሳኔ ሃንቲ ዶሩዋ ማንላናው ካሴይሳፌ አሉዲ ማኒቲ። ሃንቲ ሃሳታ አሉያባ ገዲኮ፡ ጳቤቴኬታ። 11 ሃሳን ኦ ጎዳኔ ኦና አሺያ ዩሱሳ ከሪሰቶሳ ማሪና ካዎቴሳ ገሊያ ኩሜሳ ማታይ ሃንቲው አሚታና።

12 ሃሳ ገሸ፡ ሃንቲ ሃይሳታ ኤሪያባኔ ሄ ኦይኪዳ ቱማን ማኒዲ ዳዒያባ ገዲኮካ፡ ታኒ ሃይሳታ ኡባ ዋዴ ሃንቲና ሃሳዩሶ አገኬ። 13 ታኒ ሺሞፖራ ዳዒዳ ዋዴ ኡባን ሃንቲና ሃሳዩሳይሲ ኮሺያባ ጋዳ ቆፓይሰ። 14 ኦ ጎዳ ዩሱሳ ከሪሰቶሳ ታው ቆንጨሳዳይሳዳ ታኒ ሃ ሃይቁያ አሳቴሳ ጋምዎና ቃራ ዩጋዳ ባናይሳ ኤራይሰ።

15 ታኒ ሃንቲፌ ሻኬቲኮካ ሃንቲ ሃይሳታ ኡባ ዋዴ አኬካና ማላ ታው ዳንዳዒቲያባ ኡባ አላና።

16 ኦኒ ጎዳ ከሪሰቶሳ ዋልቃኔ ኢያ ዩሳባ ሃንቲው ኦዴይ፡ ኢያ ገታ ቦንቸዋ ቤዒዲፔ አቲን ማዴ ኬሲዳ ሃይሴ ገዳና። 17 ዳር ዋልቃማ ቦንቸዋፌ፡ «ታኒ ኡፋይቲያ፡ ታ ደሲያ ናዒይ ሃይሳ» ያገያ ቃላይ ዩዳ ዋዴ ያሳ አዋፔ ቦንቸኔ ጋላታ ኤኪሰ። 18 ኦኒ ገሻ ዳሪያ ቦላ ኢያራ ዳዒያ ዋዴ ሄ ቃላይ ሳሎፔ ዩሺን ሲዒዳ።

19 ኦሰ ሃሳፌ አጼያ አማኔቲዳ ቲንቢቲ ቃሊ ዳዒሰ። ሳዒ ዋንታና ጋካናውኔ ባካሊ ሃንቲ ዋዛናን ደላና ጋካናው፡ ጳማን ፖዒያ ፖዎ አሲ ናጌይሳዳ፡ ሃንቲ ሄ ቃላ ናገኮ ሎዎ ኦፊታ። 20 ኡባፌ ካሴቲዲ ሃይሳ ኤሪቴ። ገሻ ማፃፋን ፩ተዳ ቲንቢቲ ቃላ ኦኒካ ባ ደሲዳዳ ቢርሻናው ዳንዳዒና። 21 ቲንቢቲ ኡባ፡ ያሳይ ከቲዳ አሳቲ ገሻ አያናይ ካሌሊን፡ ኦዲዶሶናፔ አቲን አሳ ሼኔን ኦዲቦኮና።

2

ዋርዶ አስታማሬታ

1 ሺን ዋርዶ ናቤቲ ካሴ አሳ ገደን ዳዒይሳ ማላ ሃዒካ ዋርዶ አስታማሬቲ ሃንቲ ገደን ዳንዳና። ኤንቲ ባንታና ዋዚዳ፡ ጎዳ ካዲዲ፡ ጳይሲያ ዋርዶ ተሚርቲያ ኤሃና። ሃሳን ኤንቲ ባንታ ቦላ ኤሌሲዲ ጳዮ ኤሆሶና።

2 ዳር አሳይ ዩላያ ኤንታ ኢታ ኦጌያ ካላና፤ ኤንታ ጋሶን ቱማ ኦጌይ ጫዬታና። 3 ዋርዶ አስታማሬቲ ሚሼ ያሪዲ ባንታው ማዴ ኬሲዳ ሃይሴን ሃንቲና ቦንቃና። ቤኒፔ ደሚዲ ኤንታ ፐርዳይ ገሊ ኡቲሰ፤ ኤንታ ጳዮይካ ኤንታና ናገ ኡቲሰ።

4 ናጋራ ኦሊዳ ከታንቸታሰ ያሳይ ቃዴቶና፡ ፐርዳ ጋላሰ ጋካናው ጋናማ ጳማ ኦላን ኤንታ ቃቺ ዩገሰ። 5 ሃሳዳካ፡ ያሳይ ግሎቴሳባ ኦዲያ ኖሃኔ ሃራ ላፑን አሳታ አሺዲ፡ ያሳ ጎይናና አሳይ ዳዒያ ቤኒ አላሚያ ቃዴቶና ጳዮ ሃላን ጳይሲሰ። 6 ገላታሰ ሊሚሶ ገደና ማላ ያሳይ ሶዶሜኔ ጋሞራ ካታማታ ቢዶ ኦሊዲ ፀገዲ ጳይሲሰ። 7 ሃጌሰ ከቲቶና ላይማቲያ አሳታ ገደን ዋዬቲሼ ዳዒዳ ግሎ ሎፃ ያሳይ አሺሰ። 8 ሄ ግሎ አዳይ ኤንታ ገደን ዳዒሼ፡ ኤንቲ ኦሊያ ኢታ ኦሱዋ ጋላሰ ጋላሰ ቤዒዳ ዋዴኔ ሲዒዳ ዋዴ ኢያ ሎዎ ዋዛናይ ኤንዒቴሰ። 9 ሃሳ ገዲኮ፡ ጎዳይ፡ ባና ጎይኒያ አሳታ ፓጩፔ ዋቲ አሻኮ፡ ቃሲ ናጋራንቸታ ፐርዳ ጋላሳሰ ጋካናው ዋቲዲ ሴሪሼ ናገሳኔኮ ኤሪሰ። 10 ኡባፌ አሉዲ ቱና አሞን አሾ ቆፋ ካሌይሳታኔ ማታ አዋታ ካዴይሳታ፡ ፐርዳ ጋላሰ ጋካናው ጎዳይ ናገሲሰ።

ሄ አሳቲ ጋንጃ ሚኖኔ ኦቶራንቸ ገዲያ ገሸ ሳሎ ማዴቴሳታ ጫዩሼ ያዮኮና። 11 ሺን ከታንቸቲ ዋርዶ አስታማሬታፔ ዋልቃኔ ሚኖቴሳን ዳር አጼሶናሺን ጎዳ ሲንላን ሳሎ ማዴቴሳታ ጫዮኮና። 12 ሺን ሄ አሳቲ ባንታ ኤርናባን ገሊዲ ጫዮሶና። ኤንቲ ኦይኬታናውኔ ሃይቃናው ዩሌቲዳ፡ ዋዛኒ ባይና ዶዳ ማላ ሃናሶና፤ ኤንቲካ ዋራ ዶዳዳ ጮ ጳያና።

13 ኤንቲ ጋሊዳ ማቱዋዳ ዛሪ ማቶታና። ሴታ ጋላሰ ዩዲሼ ጉፔይሳ ኡፋይሲያባ ገዲ ቆፖሶና። ኤንቲ ካዉሻታኔ ቱናታ ገዲ ዳዒሼ ሃንቲራ ሻኬቲያ ሲቆ

አማቱዋን ኡፋይቶሶና። 14 ላይማቲያ ማጫሲ ያሊዲ አገና አይፊይ ኤንታው ዴዔሰ፤ ቃሲ ናጋራ ኦፊይሳ አገኩና። አማኖን ማረቦና አሳ ጨዋሶና። ኤንታው ኡባ ዋዴ አዋቲያ ዋዛኒ ዴዔሰ፤ ኤንቲ ቃንጌቲዳይሳታ። 15 ኤንቲ ሱሬ አጌ አጊዲ፣ ማካላ ሚሽ ሲቁዲ ባሊዲ፣ ቢዖራ ናዓ ባላማ ኦጊያ ካሊዲሶና። 16 ኢ ባ ናጋራ ጋሶን ሃንቁቲሰ፤ ዶኒ ባይና ሃሬይ አሳዳ ሃሳዬዲ ናቢያ ጎሻቲላ ቲቁሰ።

17 ሄ አሳቲ ማሊዲ ፑልቶታ ማላኔ ጫርኮይ ቶኪዲ ኤፊያ ሻራ ማላ፤ ኤንታ ናጌይ ሳካና ቋማ። 18 ኤንቲ ሃዳኔ ኦቶሮ ኦዳ ኦዴቲሽ ባላን ዴዔያ አሳ ጊደፊ ኬሲ ኤኪዲ ቡሮ ሚኒቦና አሳታ ላይማቲላ አሾ አዋን ጨሚዲ ባሌሶሶና። 19 ኤንቲ ባንታው ቆዮ አይሌቴላን ዴዔሽ ሃራታኮ፣ «ሂንቲ አይሌቴላፊ ኬያና» ያገሶና። አይሰ ጊኮ፣ አሲ ባ ያኔቲዳባ ኡባሰ አይሌ። 20 ኤንቲ አሽያ ኦ ጎዳ ዩሱሰ ኪሪሰቶሳ ኤሪዲ ሃ አላሚያ ቱናቴላፊ ኬሲ ኤኪዳፔ ጉዬ፣ ዛሪ ቃዳቲዲ ያኔቲኮ ካሴ ዴዔያ ዴዐቆፔ ጉዬይሲ ኤንታው ኢታ ጊዳና። 21 ኤንቲ ያሎቴላ ኦጊያ ኤሪ ሰሚዲ አጌይሳፊ ኮይሮቲዲ ጌሻ ኪታ ኤርናኮ ኤንታው ሎዖሽን። 22 «ካኒ ባ ጮሻኮ ጉዬ ሰሚሰ» ቃሲ፣ «ሚጫቲዳ ጉዳንሶይ ጉዬ ሰሚዲ ኡርቃን ጎንዶሬቴሰ» ጊያ ለሚሶይ ቲማ ጊዴይሲ ኤንታ ቦላ ኦፊሰ።

ሱላን ቲልዓና። 13 ሺን ኮኒ ያሎቴላ ሃሪያ ኦራላ ሳሎኔ ኦራላ ሳዓ ያሳ ኡፋይሳ ቃላዳ ናገሰ።

14 ሄሳ ጊሾ፣ ታ ሲቆ አሻቶ፣ ኦ ሄ ጋላሳ ናጊያ ጊሾ ፖኮይኔ ቦሬይ ባይናይሳታ ጊዲዲ፣ ጎዳራ ሳሮን ዳናው ሚኒቲ። 15 አሲ ኡባይ አታና ሚላ ኮዩዲ ጎዳይ ዳንዳዔይሳ ደጎፔ። ቃሲ ኦ ሲቆ አሻይ፣ ጳውሎሲ፣ ያሳይ ኢያው አሚዳ ጨንጫቴላን ሃሳዳ ሂንቲው ያፊሰ። 16 ኢ ባ ዳብዳቤታ ኡባን ሄሳታባ ያፊሰ። ኢያ ዳብዳቤታ ጊደን አኬካናው ዋይሲያ ቆፋቲ ዴዖሶና። ታማሪቦናኔ ሚኒቦና አሳቲ ሃራ ያሳ ቃላ ሚርቁይሳዳ ሃ ኪታታካ ቆያናው ማቺዲ ሚርቆሶና።

17 ሄሳ ጊሾ፣ ታ ሲቆ አሻቶ፣ ሂንቲ ሄሳ ኤሪያ ጊሾ ማካላታ ባላን ጨሚቲዲ፣ ቆዮና ማላኔ ሚኒዲ ዴዔያ ቤሳፊ ኩንዶና ማላ ናጌቲቲ። 18 ሺን ሂንቲ ኦና አሽያ ኦ ጎዳ፣ ዩሱሰ ኪሪሰቶሳ አቋ ኬሃቴላኒኔ ኤራቴላን ዲጨቲ። ኢያው ሃዒካ ማሪናዉካ ቦንቾይ ጊደ። አሚንዒ።

3

ጎዳይ ያና

1 ታ ሲቆ አሻቶ፣ ሃይሲ ታ ሂንቲው ያፊዳ ዳብዳቤይ ናምዓንሉ። ታኒ ሃ ናምዑ ዳብዳቤታካ ሂንቲው ያፊዳይ፣ ሂንቲ ሱሬ ቆፋ ቆፓናዳ ሂንቲና ዴንጫላናሳ። 2 ቃሲ ጌሻ ናቤቲ ቤኒ ኦዲዳ ቃላኔ ኦና አሽያ ጎዳይ፣ ሃዋሬታ ባጋራ ኪቲዳ ኪታ ሂንቲ ሃሳያና ማላ ኮያይሰ። 3 ኡባፊ ካሴቲዲ፣ ዋዴ ዉርሴላን ባንታ አሙዋ ካሊዲ አሴ ቶቺይሳቲ፣ ቶቺሽ ያናይሳ ኤሪቲ። 4 ኤንቲ፣ «ታ ያና ጊዳይሲ አዉን ዴዒ? ኦ አዋቲ ሃይቁደሶና፣ ሺን ኡባባይ ሳዓይ ማጴቶሳፔ ዶሚዲ ዴዔይሳዳ ዴዔሰ» ያገሶና። 5 ዳሮ ዋዴፔ ካሴ ሳሎይ ያሳ ቃላን ማጴቲዳይሳ፤ ቃሲ ሳዓይ ሃላፊኔ ሃላን ማጴቲዳይሳ ኤሪሽ ካደሶና። 6 ሄ ዋዴ ዴዔያ ሳዓይ ሃላን ሚቲቲዲ ቆይሰ። 7 ሺን ሃዒ ዴዔያ ሳሎይኔ ሳዓይ፣ ጌላቲ ፐርዴቲያ ጋላሳይኔ ቆያ ጋላሳይ ጋካናው ሄ ቃላን ታማሰ ናጌቲዲ ዴዖሶና።

8 ሺን ታ ሲቆ አሻቶ፣ ሃ ኢሲባ ደጎፔ። ጎዳ ማታን ኢሲ ጋላሲ ሙኩሉ ላይላ ሚላ ጊዴይሳኔ ሙኩሉ ላይላ ኢሲ ጋላሳ ሚላ ጊዴይሳ ደጎፔ። 9 ኢሶቲ ኢሶቲ ጋምዒሰ ጊዲ ቆፔይሳዳ፣ ጎዳይ ባ ኡፋይሳ ቃላ ጊሾ ጋምዒና። ሺን ኦኒካ ቆዮና ማላ ኮዩዲ፣ ኡባይ ባንታ ናጋራፔ ሲማና ማላ ሂንቲ ጊሾ ጊዲ ጌንጨሶ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎቲ ዋልቃማ ጉንላን ቆያና፣ ሳሎ ማጴቲላቲ ታማን ፀጌታና፣ ሳዓይኔ ኢያ ቦላ ዴዔያ ኡባይ ቆያና። 11 ሂዛ፣ ኡባባይ ሃሳዳ ሃኒዳ ቆያባ ጊዲኮ ሂንቲ አይ ማላ አሲ ጊዳናው ቤሲ? ሂንቲ ጌሽኔ ያሳ ዳኒያ ዴዖ ዳናው ቤሲሰ። 12 ሂንቲ ሲንላራ ያ ያሳ ጋላሳ ናጊሽ ሂንቲው ዳንዳዔቲያባ ኡባ ኦፊዲ ሄ ጋላሳ ኤሶዩቲ። ሄ ጋላሰ ሳሎቲኔ ኢያን ዴዔያባይ ታማን ፀጌታና፣ ዋልቃማ

2:15 ታይ 22:4-35 2:22 ለሚ 26:11 3:3 ዪሁ 18 3:5 ሜዴ 1:6-9 3:6 ሜዴ 7:11 3:8 ማዝ 90:4 3:10 ማቶ 24:43፤ ሉቃ 12:39፤ 1ቲሰ 5:2፤ ዮቆ 16:15 3:13 ኢሳ 65:17፤ 66:22፤ ዮቆ 21:1

ዮሀንሳ ፩ዱ ኮይር ከታ ጋላ ቆፋ

ሃዋሪያ ዮሀንሳ ፩ዱ ኮይር ከታይ፡ ናምዑ አይፊ ቆፋታ አይከሰ። ሄሲካ ናባቤይሳቲ ያሳራኔ ኢያ ናባ ዩሱስ ከሪስቶሳራ ኢሲፊቴሌ ዳና ማላ ማንጮላናሳኔ ሄ ኢሲፊቴላ ቆይሲያ ዋርዶ ተሚርቲያፊ ሃካና ማላ ኤንታ አኩኪሳናሳ። ሄ ዋዴ ዴንዲዳ ዋርዶ ተሚርቲይ፡ «ያሳይ ቤንቶና አሳና አላሜ ሜጲስ። ሃ ቤንቲያ አላሜያኔ ኑ አሳቲላ ያሳይ ሜጲሶና ገሾ ኢታ። ቃሲ ሃ ቤንቲያ አላሜይኔ ኑ አሳቲላይ ኑ አሳና ቆሃናውኔ ቲኒሳናው ዳንዳዔና» ያገዲ ታማርሶሶና። ሄሳ ጉሳይ፡ ኮይር፡ ዩሱሲ አሴ ገዲዲ ዩቤና። ናምዓን፡ ኢሲ አሲ ባ አሳና ቲኒሶና ዴቪሾ ባ አሾን ናጋራ አላናው ዳንዳዔሰ ያጉሱ።

ሄሳ ገሾ፡ ዮሀንሳ ባ ከታን፡ ዩሱሲ አሴ ገዲዲ ዩዳይሳ ካዲያ ኦኒካ ያሳ ናባ ገዴና (4:2-3)። ቃሲ ያሳፊ ዩሊቲዳ ኦኒካ ኡባ ዋዴ ናጋራን ዴዔና (3:6) ያገዲ ያፊስ።

ሄ ዋርዶ አሰታማሬቲ፡ «አቶቲሌ ጉሳይ፡ ሃ ሳባ ዲሳስ ኡንዔቴላፊ ከዩዲ ዩዳ ገዲዲ ዴያ» ያጎሶና። ሄሳ ቦላ ጉጂዲ፡ «ኢታኔ ሎዎ ሻኪዲ ኦይከሌ ገዲን፡ ቃሲ ሃራ አሲ ሲቆ ገዲን አቶቲላራ አይቤ ጋሃቴሌ ካ ባዋ» ያጎሶና።

፩ዴ ሄ ተሚርቲያ አዲዲ፡ «ዩሱሲ ከሪስቶሲ ፖሎ አሴ። ዩሱሳ አማኔይሳቲኔ ያሳ ሲቆይሳቲ ኡባይ ባንታ ገዴን ኢሶይ ኢሱዋራ ሲቆታናው ቤሴስ» ያገዲ አዲስ።

1 ዮሀንሳ ከታ አይፊ ቆፋታ

- ጌሎ ቆፋ 1:1-4
- ፖን ቆማ 1:5-2:29
- ያሳ ናይታኔ ፩ላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- ያኒያ አማኖ 5:1-21

ዴያ አሚያ ቃላ

1 ኑ ኮይር፡ ደሚዲ ዴዔያ፡ ኑ ሃይላን ሲዲዳ፡ ኑ ያሊዳ፡ አይፊያን ቤዲዳ፡ ኑ ኩሺያን ቦቹዳ ዴያ ቃላባ ሂንቲው ፃፎስ። 2 ሄ ዴያይ ቆንጨን፡ ኑ ኢያ ቤዲዲ፡ ኢያባ ማርካቶስ። አዋ ማታን ዴዔያ ኑስ ቆንጨዳ፡ ማሪና ዴዐባ ሂንቲው አዋጅስ። 3 ኑራ ሂንቲው ኢሲፊቴሌ ዳና ማላ ኑኒ ቤዲዲይሳኔ ሲዲዲይሳ ሂንቲው ኦደስ። ሂንቲው ኑራ ኢሲፊቴሌ ዴዔያ ገሾ አዋራኔ ኢያ ናባ ዩሱስ ከሪስቶሳራ ኢሲፊቴሌ ዴዔስ። 4 ኑ ኡፋይሳይ ፖሎ ገዴና ማላ ሄሳ ሂንቲው ፃፎስ።

ያሳይ ፖ

5 ኑኒ ዴያ ገዲዲ ኢያፔ ሲዲዲ፡ ሂንቲው ኦዲያ ከታይ ሃይሳ፡ «ያሳይ ፖ፤ ኢያን ቆሚ ባዋ» ያገይሳ። 6 ኑስ ኢያራ ኢሲፊቴሌ ዴዔስ ያገሼ ቆማን ዴዔኮ፡ ኑ ኦዲኒኔ ኑ ኦሱዋን ዋርዶቶስ። 7 ሺን ፖን ኢ ዴዔይሳዳ፡ ኑካ ፖን ዴዔኮ፡ ኑስ ዋሊ ገዴን ኢሲፊቴሌ ዴዔስ። ኢያ ናባ፡ ዩሱሳ ሱላይ ናጋራ ኡባፊ ኑ ገሼስ።

8 ኑኒ፡ ኑናን ናጋሪ ባዋ ገሱ ኑ ኑና ጨዋስ፤ ኑናን ቱሚ ባዋ። 9 ሺን ያሳስ ኑ ናጋራ ፓዲኮ፡ ኢ ኑ ናጋራ አቶ ጋናውኔ ኑ ቆሆ ኦሶ ኡባፊ ኑና ገሻናው፡ አማኔቲዳይሳኔ ቱማ። 10 ኑኒ ናጋራ ኦሊቡገ ገሱ ያሳ ዋርዳንቸ ከሶስ፤ ኢያ ቃላይካ ኑናን ዴና።

2

ከሪስቶሲ ኑስ ጋናቲይሳ

1 ታ ናይቶ፡ ናጋራ ሂንቲ ኦላና ማላ ታኒ ሃይሳ ሂንቲው ፃፋይስ። ሺን ኦኒካ ናጋራ ኦሊኮ አዋ ማታን ኑስ ጋናቲያ ያሎይ፡ ዩሱሲ ከሪስቶሲ፡ ዴዔስ። 2 ኑ ናጋራይ ከሪስቶሳ ባጋራ አቶ ገቴቲስ። ኢ ኑ ናጋራ ፃላላስ ገዴናሺን አሳ ኡባ ናጋራስ ያርሼቲስ።

3 ኑኒ ያሳ ከታ ናገሱ፡ ሲዴይ ባይናሺን፡ ቱማ ኑ ኢያ ኤርስ። 4 ኦኒካ፡ «ታኒ ኢያ ኤራይስ» ያገሼ፡ ኢያ ከታ ናጎና ኢዲኮ ሄ ኡራይ ዋርዳንቸ፤ ቱማቲሌ ኢያን ባዋ። 5 ሺን ኢያ ቃላስ ኑ ከቲቲያባ ገዲኮ ሄ ኡራይ ያሳ ሲቆያ ሲቆይ ፖሎ ገዴስ። ኑኒ ያሳን ዴዔይሳስ ሄሲ ባው ቱማ ማርካ። 6 ታኒ፡ «ያሳን ዴዔይስ» ገያ ኦኒካ ከሪስቶሲ ዴዔይሳዳ ዳናው ቤሴስ።

ኦራላ ከታ

7 ታ ሲቆ አሻቶ፡ ታኒ ሂንቲው ኮይርፔ ዴዔያ ጋልዓ ከታ ፃፋይሲፔ አቲን ኦራላ ከታ ያፊኬ። ኢካ ሂንቲ ሲዲዳ ሄ ጋልዓ ከታ። 8 ገዲኮካ፡ ከሪስቶሳኒኔ ሂንቲናን ቱማ ገዲዲ ዴዔያ፡ ኦራላ ከታ ፃፋይስ። ቆማይ ከቸን፡ ሃዲ ቱማ ፖይ ፖዔስ።

9 «ፖን ዴዔይስ» ገሼ ባ አሻ ኢዲያ ኦኒካ፡ ሃዲካ ቆማን ዴዔስ። 10 ባ አሻ ደሲያ ኦኒካ ፖን ዴዔስ። ሄ ኡራን ሃራ አሲ ቆቢያባይ ባዋ። 11 ሺን ባ አሻ ኢዲያ ኦኒካ ቆማን ዴዔስ፤ ቆማን ሃሙቲስ። ቆማይ ኢያ አይፊያ ቆቂሲዳ ገሾ አው ቤያኮ ኤሬና።

12 ታ ናይቶ፡ ከሪስቶሳ ሱንሳ ባጋራ ሂንቲ ናጋራይ አቶ ገቴቲዳ ገሾ ታኒ ሂንቲው ፃፋይስ። 13 አዋቶ፡ ኮይርፔ ዴዔያ፡ ኢያ ሂንቲ ኤራዳ ገሾ ሂንቲው ፃፋይስ። ያላጋቶ፡ ፃላሂያ ሂንቲ ያኒዳ ገሾ ሂንቲው ፃፋይስ። 14 ጉላ ናይቶ፡ ያሳ ሂንቲ ኤራዳ ገሾ ሂንቲው ፃፋይስ። አዋቶ፡ ኮይርፔ ዴዔያ ኢያ ሂንቲ ኤራዳ ገሾ ሂንቲው ፃፋይስ። ያላጋቶ፡ ሂንቲ ሚኖ ገዲያ ገሾ ያሳ ቃላይ ሂንቲናን ዴዔያ ገሾኔ ፃላሂያ ሂንቲ ያኒዳ ገሾ ሂንቲው ፃፋይስ።

15 አላሜ ዋይኮ አላሜን ዴዔያባ ዶሶፕቲ። አላሜያ ዶሶያ ኦኒካ ያሳ ዶሶና። 16 አላሜን ዴዔያ ኡባባይ፡ አሾ አዋቲሌ፡ አይፊን ቤዲዲ አዋቲያባይኔ ሚሼን ጨቁቲሌ አላሜባፔ አቲን ያሳፊ ገዴና። 17 አላሜይኔ አላሜን አሲ አዋቲያ ኡባይ አቆና፡ ሺን ያሳ ሼኒያ ፖሊያ ኦኒካ ማሪናው ዳና።

ከሪስቶሳራ ኤቁቲያ ሞርኪያ

18 ታ ናይቶ፡ ዋዲያ ወርሴላይ ማታቲስ። ከሪስቶሳ ሞርኪይ ሲንሳፊ ያናይሳ ሂንቲ ሲዲዲይሳዳ ሃሪ አቶሺን፡ ሃዲካ ኢያ ሞርኪቲ ዳርቲ ዴንዲዶሶና። ሃሳ ገሾ፡ ዋዲያ ወርሴላይ ማታቲዳይሳ ኑኒ ሃሳን ኤርስ። 19 ሃ ሞርኪቲ ኑ ባጋ ገዴና ገሾ ኑ ገዴፊ ከዩዶሶና። ኤንቲ ኑ ባጋ ገዲያኮ ኑ ገዴን ዴዔና፡ ሺን ኤንታፊ ኦኒካ ኑ ባጋ ገዴናይሲ ኤሬታና ማላ ኑ ገዴፊ ከዩዶሶና።

20 ሺን ከሪስቶስ ሂንቴ ቦላ ገሻ እናና ጉሲስ፤ ቃሲ ሂንቴ ኡባይ ቱማ ኤሬታ። 21 ቱማ ሂንቴ ኤሪያ ገሻኔ ቱማን አይቢ ዋርዶይ ባይናይሳ ሂንቴ ኤሪያ ገሻ ታኒ ሂንቴው ፃፋይሲፔ ኣትን ቱማ ሂንቴ ኤርና ገሻ ገደና።

22 ዩሱሲ፣ ያሳይ ዶሪዳይሳ ገደና ገዲ ካዲያ ኣሳፔ ሃሪ ዋርዳንቸይ ኦኔ? ሂሳ ማላ ኣሲ ከሪስቶሳ ሞርኬ። ኢ ናዓ ካዲኮ ኣዋካ ካዴስ። 23 ናዓ ካዲያ ኦዴስካ ኣዋይ ባዋ፤ ቃሲ ናዓስ ማርካቲያ ኦዴስካ ኣዋይ ዴዕስ።

24 ሂሳ ገሻ፣ ኮይር ሂንቴ ሲዒዳ ቃላ ሂንቴ ዋዛናን ማንሉዲ ናገቱ። ኮይር ሲዒዳይሳ ሂንቴ ናገኮ ሂንቴው ናዒኔ ኣዋራ ኢሲፊቴሉ ዳና። 25 ናዓይ ኩስ ማሪና ዴዐ-ዋ ኢማና ገዲ ቃላ ገሊሰ።

26 ሂንቴና ባሌሉያ ኣሳ ገሻ ታኒ ሃይሳ ሂንቴው ፃፋስ። 27 ሺን ከሪስቶስ ሂንቴ ቦላ ባ ገሻ እናና ጉሲስ። ገሻ እናናይ ሂንቴናን ዴዒያ ገሻ ኦኒካ ሂንቴና ታማርሶ ኮሹና። ኢያ ገሻ እናናይ ሂንቴና ቱማ ታማርሶሲፔ ኣትን ዋርዶ ገደና። ገሻ እናናይ ሂንቴና ታማርሶዲይሳዳ ከሪስቶሳን ዴዒቴ።

28 ሂዛ፣ ታ ናይቶ፣ ኢ ቆንጨያ ዋዴ ኦኒ ያሺ ባይናኔ ኢያ ያሳ ጋላስ ኢያ ሲንሳን ኩ ዩላን ቆሴቶና ማላ ኢያን ዴዒቴ። 29 ከሪስቶስ ያሎ ገዴይሳ ሂንቴ ኤሪኮ ያሎ ኦሊያ ኡባይ ያሳ ናዓ ገዴይሳ ኤሪቴ።

3

ያሳ ናይታ

1 ኦኒ ያሳ ናይታ ገቴቲዲ ያጌታና ማላ ያሳይ ኩና ኣይ ማላ ዶሲዳኮ ቤዒቴ። ኦኒ ቱማካ ያሳ ናይታ። ሃ ኣላሚይ ያሳ ኤርና ገሻ ኩናካ ኤሬና። 2 ታ ሲቆ ኣሻቶ፣ ሃዒ ኦኒ ያሳ ናይታ፤ ኦኒ ኣይ ሃናኒኮ ቡር ኤሬቲቤና። ሺን ከሪስቶስ ቆንጨያ ዋዴ ኦኒ ኢያ ዳናይሳ ኤርሰ። ኢ ቱማ ዴዒይሳ ኦኒ ቤዒና። 3 ከሪስቶሳ ቤዒና ገዲ ኡፋይሳን ናገያ ኦኒካ፣ ከሪስቶስ ገሺ ገዲዳይሳዳ ባና ገሺሰ።

4 ናጋሪ ሂጌ ማንሉ ገዲያ ገሻ ናጋራ ኦሊያ ኡባይ ያሳ ሂጌ ማንሉስ። 5 ከሪስቶስ ኣሳ ናጋራ ቆይሳናው ቆንጨዳይሳ ሂንቴ ኤሬታ፤ ኢያን ናጋሪ ባዋ።

6 ከሪስቶሳን ዴዒያ ኦኒካ ናጋራን ዴና። ቃሲ ናጋራን ዴዒያ ኦኒካ ኢያ ቤዒቤና ዋይኮ ኤሪቤና።

7 ታ ናይቶ፣ ሂንቴና ኦኒካ ባሌሉ። ከሪስቶስ ያሎ ገዲዳይሳዳ ያሎ ኦሊያ ኦኒካ ያሎ። 8 ያላሄይ ኮይርፔ ናጋራ ኦሊዳ ገሻ ናጋራ ኡባ ዋዴ ኦሊያ ኦኒካ ያላሄ ዳቦ። ሂሳ ገሻ፣ ያሳ ናዓይ ያላሄ ኦሪ ቆይሳናው ቆንጨሰ።

9 ያሳ ናዓ ገዲያ ኦኒካ ያሳ ኣያናይ ኢያን ዴዒያ ገሻ ኢ ኡባ ዋዴ ናጋራን ዴና። ያሳይ ኢያ ኣዋ ገዲያ ገሻ ናጋራን ዴና። 10 ያሳ ናይታ ገደኒኔ ያላሄ ናይታ ገደን ዴዒያ ዲማቴላይ ሄሳን ኤሬቴስ፤ ያሎ ኦላና ኣሲ ዋይኮ ባ ኣሻ ዶሪና ኣሲ ያሳ ናዓ ገደና።

ኢሶይ ኢሱዋ ዶሲቴ

11 ኮይርፔ ሂንቴ ሲዒዳ ከታይ፣ «ኢሶይ ኢሱዋ ዶሳናው ቤሴስ» ያገያ ከታ። 12 ኦኒ ቃዔላ ማላ ገደናው ቤሴና። ቃዔላ ያላሄ ዳቦ ገዲዲ ባ ኣሻ ዋዴስ። ኢ ባ ኣሻ ኣይሰ ዋዴዳ? ኢያ ኦሪይ ኢታ ገዲዳ ገሻኔ ኢያ ኣሻ ኦሪይ ሎያ ገዲዳ ገሻ ዋዴስ።

13 ታ ኣሻቶ፣ ሃ ኣላሚያ ኣሳይ ሂንቴና ኢዳኮ ማላሌቶሬቴ። 14 ኦኒ ኩ ኣሻታ ሲቆያ ገሻ ሃይቆፔ ዴያ ፒኒዳይሳ ኤርሰ። ባ ኣሻ ዶሪና ኦኒካ ሃይቆ ኩያን ዴዒሰ። 15 ባ ኣሻ ኢዳያ ኦኒካ ሺምፖ ዋዴስ። ቃሲ ሺምፖ ዋዴያ ኦዴስካ ማሪና ዴያይ ባይናይሳ ሂንቴ ኤሬታ። 16 ከሪስቶስ ባ ሺምፖ ኩ ገሻ ኣሊ ኢሚዳይሳን ሲቆይ ኣይቤኮ ኦኒ ኤሪዳ። ኦኒ ኩ ኣሻታ ገሻ ኩ ሺምፖ ኣሊዲ ኢማናው ቤሴስ። 17 ሺን ዲሬ ገዲዳ ኦኒካ ማቶታንቸዋ ቤዒሹ፣ ኢያው ቃዴቶና ኢዳኮ ባ ዋዛናን ያሳ ሲቆይ ዴዒሰ ጋናው ዋኒዲ ዳንዴዒ? 18 ታ ናይቶ፣ ኦኒ ኦሪኒኔ ቱማቴላን ኩ ሲቆዋ ቆንጨሳናው ቤሴስፔ ኣትን ጮ ኦዳ ያላላን ዋይኮ ዶና ያላላን ሲቆታናው ቤሴና።

ያሳን ዴዒያ ኣማኔቴላ

19 ኦኒ ኢሶይ ኢሱዋ ሲቆይ፣ ኩ ቱማ ባጋ ገዴይሳ ኤርሰ፤ ሂሳስ ያሳ ሲንሳን ዩላቶኮ። 20 ኩ ዋዛናይ ኩ ቦላ ፐርዲያባ ገዲኮ፣ ያሳይ ኩ ዋዛናፔ ጌታ ገዴይሳ ኤርሰ፤ ኢ ኡባባ ኤሪሰ።

21 ታ ሲቆ ኣሻቶ፣ ኩ ዋዛናይ ኩ ቦላ ፐርደናባ ገዲኮ ኦኒ ያሳ ሲንሳን ያዮኮ። 22 ኦኒ ኢያ ከታ ናገያ ገሻኔ ኢያ ኡፋይሲያባ ኦሊያ ገሻ ዋሲያ ኡባ ኢያፔ ኤኮሰ። 23 ከሪስቶስ ኩና ከቲዳይሳዳ ያሳ ናዓ ዩሱሲ ከሪስቶሳ ሱንሳን ኣማናናዳኔ ኢሶይ ኢሱዋ ሲቆናዳ ያሳይ ኩና ከቲሰ። 24 ያሳ ከታ ናገያ ኦኒካ ያሳን ዴዒሰ፤ ያሳይካ ኢያን ዴዒሰ። ያሳይ ኩስ ኣሚዳ ገሻ እናና ባጋራ ኢ ኩናን ዴዒይሳ ኤርሰ።

4

ኣያናታ ሻኪ ኤሪቴ

1 ታ ሲቆ ኣሻቶ፣ ኣያናታ ኡባ ኣማናፒቴ፣ ሺን ኤንቴ ያሳፊ ዩዳኮ ፓጩ ቤዒቴ። ኣይሰ ገኮ፣ ዳር ዋርዶ ናቤቴ ኣላሚን ዴንዲዶሶና። 2 ያሳ ኣያና ገዴይሳ ሂንቴ ሃይሳን ኤሪና፤ «ዩሱሲ ከሪስቶስ ኣሴ ገዲዲ ዩዳይሳ ማርካታይሰ» ገያ ኣያና ኡባይ ያሳፊ ዩሰ። 3 ከሪስቶስ ኣሴ ገዲዲ ዩዳይሳ ኣማናይሰ ጎና ኣያና ኡባይ ያሳፊ ገደና። ሄሲ ከሪስቶሳ ኢዳያ ኣያና። ሂንቴ ሄ ኣያናይ ያናይሳ ካሴ ሲዒዴታ፤ ኢ ሃሪ ኣቶሺን ሃዒካ ኣላሚን ዴዒሰ።

4 ታ ናይቶ፣ ሂንቴ ያሳሳ። ሂንቴ ገደን ዴዒያ ገሻ ኣያናይ ኣላሚን ዴዒያ ኣያናፔ ዳር ዋላቃማ ገዲያ ገሻ ዋርዳንቸ ናቤታ ሂንቴ ያኒዴታ። 5 ኤንቴ ሃ ኣላሚያ ኣሴ ገዲያ ገሻ ሃ ኣላሚያባ ኦዶሶና፤ ሃ ኣላሚያ ኣሳይ ኤንታ ኦዶ ሲዶሶና። 6 ኦኒ ያሳፊ ዩሌቲዳ፤ ያሳ ኤሪያ ኦኒካ ኩና ሲዒሰ። ያሳ ኤርና ኦኒካ ኩና ሲዒሰ። ኦኒ ቱማ ኣያናፔ ዋርዶ ኣያና ሃሳን ሻኮሰ።

ያሳይ ሲቆ

7 ታ ሲቆ ኣሻቶ፣ ሲቆይ ያሳፊ ያ ገሻ ኣኔ ኢሶይ ኢሱዋራ ሲቆቶሰ። ሲቆያ ኦኒካ ያሳ ናዓ፤ ኢ ያሳ ኤሪሰ። 8 ያሳይ ሲቆ ገዲያ ገሻ ሲቆና ኦኒካ ያሳ ኤሬና። 9 ኦኒ ከሪስቶሳ ባጋራ ዴዐ-ዋ ዴማና ማላ ያሳይ ባ ኢሲ ናዓ ሃ ኣላሚያ ከቲሰ። ያሳይ ኩና ባ ሲቆዋ ሃሳን ቤሴስ። 10 ቱማ ሲቆ ጉሳይ ሃይሳ፣ ኦኒ ያሳ ሲቆዳ ገሻ ገደናሺን ያሳይ ኩና ሲቆዳ ገሻኔ ኩ ናጋራፔ ኩና ማራናው ባ ናዓ ከቲዳ ገሻሳ።

11 ታ ሲቆ አሻቶ፣ ያሳይ ኑና ሃይሳዳ ሲቁኮ፣ ኑካ ኢሶይ ኢሱዋ ሲቃናው ቤሴስ። 12 ያሳ ቤዒዳይ ኦኒካ ባዋ። ኑኒ ኢሶይ ኢሱዋ ሲቁኮ ያሳይ ኑናን ዳዔስ፤ ኢያ ሲቆይካ ኑናን ፖሎ ገዴስ።

13 ያሳይ ባ ጌሻ አያና ኑስ ኢሚዳ ጊሾ ኑኒ ያሳን ዳዔይሳኔ ኢካ ኑናን ዳዔይሳ ኤርስ። 14 አዋይ ባ ናዓ፣ ሃ አላሚያ አሽይሳ ገዴና ማላ ከተዳይሳ ኑኒ ቤዒዳ ማርካቶስ። 15 ዩሱሲ ያሳ ናዓ ገዴይሳ ማርካቶያ ኦዳካ ያሳይ ዳዔስ፤ ኢካ ያሳን ዳዔስ። 16 ያሳይ ኑና ሲቆይሳ ኑኒ ኤርሴኔ አማኖስ።

ያሳይ ሲቆ። ሲቆን ዳዔያ ኦኒካ ያሳን ዳዔስ፤ ያሳይካ ኢያን ዳዔስ። 17 ኑ ዳይይ ሃ አላሚያን ከሪስቶሲ ዳዔዳይሳ ማላ ገዴያ ጊሾ ፐርዳ ጋላስ ያኖና ኢያ ሲንጮ ሺቃናው ኢያ ሲቆይ ኑናን ፖሎ ገዴስ። 18 ሲቆን ያሽ ባዋ፣ ቱማ ሲቆይ ያሽ ከሲ ሆሌስ። ያሽኔ ፐርዳ ኢሲፊ ቢያ ጊሾ ያያ ኡራ ሲቆይ ፖሎ ገዴና።

19 ያሳይ ኮይሮ ኑና ሲቆይ ጊሾ ኑ ሲቆስ። 20 ኦኒካ፣ «ያሳ ሲቃይስ» ጊሽ ባ አሻ ኢዲኮ፣ ኢ ዋርዳንቸ። አይስ ጊኮ፣ ቤዒያ ባ አሻ ሲቆና ኦኒካ ቤዒሶና ያሳ ሲቃናው ዋኒዲ ዳንዳዒ? 21 ከሪስቶሲ ኑስ ኢሚዳ ከታይ ሃይሳ፤ «ያሳ ሲቆይ ኦኒካ ባ አሻ ሲቃናው ቤሴስ» ያጌይሳ።

5

አላሚያ ያና

1 ዩሱሳ፣ ኢ ከሪስቶሳ ያገዲ፣ አማኒያ ኦኒካ ያሳ ናዓ። አዋ ሲቆያ ኦኒካ ኢያ ናዓካ ሲቆስ። 2 ኑኒ ያሳ ሲቆያ ጊሾኔ ኢያ ከታ ናጊያ ጊሾ ያሳ ናይታ ሲቆይሳ ኤርስ። 3 ኑኒ ያሳ ሲቆኮ፣ ኢያ ከታታ ናሳስ። ኢያ ከታቲ ዳይ ገዴኮና። 4 አይስ ጊኮ፣ ያሳ ናዓ ገዴያ ኦኒካ ሃ አላሚያ ያናናው ዳንዳዔስ። ኑኒ ሃ አላሚያ ያናናይ ኑ አማኑዋና። 5 አላሚያ ያናናው ዳንዳዔይ ኦኒካ? ዩሱሲ ያሳ ናዓ ገዴይሳ አማኒያ ኦሳ ፃላሊ ያናና።

ከሪስቶሳ ማርካቶይሳ

6 ዩሱሳ ከሪስቶሲ ሃላ ዲንቃቲያራኔ ባ ሃይቁአዋ ሱላራ ዩሱ። ኢ፣ ሃላራኔ ሱላራ ዩሱ፤ ኢትን ሃላ ፃላላራ ዩሱና። ጌሻ አያናይ ቱማ ገዴያ ጊሾ ሄሲ ቱማ ገዴይሳ ማርካቶስ። 7 ሄሹ ማርካቶ ዳዔሶና። 8 ሄሳቲ፣ ጌሻ አያና፣ ሃላኔ ሱላ። ሃ ሄሹታ ማርካቶይሳ ኢሲኖ። 9 ኑ አሲ ማርካቶይሳ አማኖስ። ሺን ያሳ ማርካቶይሳ አሳይሳፊ ዳሮ አጼስ። ያሳይ ባ ናዓስ ማርካቶይሳ ማርካቶይሳ ሃይሳ። 10 ያሳ ናዓ አማኒያ ኡራ ዋዛናን ሃ ማርካቶይሳ ዳዔስ። ያሳ አማኖና ኦኒካ ያሳይ ባ ናዓስ ማርካቶይሳ ማርካቶይሳ አማኒሶና ጊሾ ያሳ ዋርዳንቸ ኦሌስ።

11 ሄዛ፣ ማርካቶይሳ ሃይሳ፤ ያሳይ ኑስ ሜሪና ዳዔ አሚስ፤ ሄ ዳይይካ ኢያ ናዓን ዳዔስ ያጌይሳ። 12 ያሳ ናዓይ ዳዔያ ኦዳስካ ዳይይ ዳዔስ። ያሳ ናዓይ ባይና ኦዳስካ ዳይይ ባዋ።

ሜሪና ዳዔ

13 ያሳ ናዓን አማኒያ ሂንቱው ሜሪና ዳይይ ዳዔይሳ ሂንቱ ኡራና ማላ ሃይሳ ሂንቱው ፃፋስ። 14 ያሳ ሽኒያዳ አይቢባካ ኢያ ዋሲኮ፣ ኢ ሲዔይሳ ኑኒ ኤሪያ ጊሾ ኢያን አማኑቶስ። 15 ኑኒ ዋሲያ ኡባ ኢ ሲዔይሳ ኤሪኮ፣ ኑኒ ዋሲያ ባ ኢ አማናይሳ ኤርስ።

16 ኦኒካ ባ አሻይ ሃይቆ ቤሶና ናጋራ ኦሊሽን ቤዒኮ፣ ያሳ ኢያው ዋሳናው ቤሴስ። ሃይቆ ቤሶና ናጋራ ኦሊዳይሳታስ ያሳይ ዳዔ አማኖ። ሃይቆ ቤሴያ ናጋሪ ዳዔስ። ታኒ ሂንቱና ሄሳስ ያሳ ዋሲቱ ጊኮ። 17 ኢታ ኦሶ ኡባይ ናጋራ፣ ሺን ሃይቆ ቤሶና ናጋሪ ዳዔስ።

18 ያሳ ናዓይ ኢያ ናጊያ ጊሾ ያሳ ናዓ ገዴዳ ኦኒካ ናጋራን ኡባ ዋዳ ዳይናይሳ ኑኒ ኤርስ። ፃላሄይ ኢያ ቆሃናው ዳንዳዔና። 19 ኑኒ ያሳሳ ገዴይሳኔ ሃ ኩሜላ አላሚይ ፃላሄን ሃራቲይሳ ኤርስ።

20 ኑኒ ቱማ ያሳ ኤራናዳ ያሳ ናዓይ ዩዳይሳኔ ኑስ አከካ ኢሚዳይሳ ኤርስ። ኑኒ ኢያ ናዓ፣ ዩሱሳ ከሪስቶሳ ባጋራ ቱማ ያሳን ዳይስ። ዩሱሲ ቱማ ያሳኔ ሜሪና ዳዔ።

21 ታ ናይቶ፣ ኤቃታፔ ሂንቱ ሃኪቱ።

ዮሀንሲ ፃፊዳ ናምዓንሉ ኪታ ጋላ ቆፋ

ዮሀንሲ ፃፊዳ ናምዓንሉ ኪታ፣ ዩሱፊ ሃዋሪ ጊዲዳ ጨማይ፣ ዮሀንሲ ፃፊስ። ፃፊቲዳይካ ደሬቲዳ ጎዳቲሳኔ ኢ ናይታሳ። ኦኒ ኤሪ፣ ሄሲካ ኢሲ ዋሳ ኬላሲኔ ኢያን ጎይኒያ አሳሰ ጊደና አገና። ሃ ቃንላ ኪታይ ፃፊቲዳይ፣ ኤንቲ ኢሶይ ኢሱዋራ ሲቋታና ሜላ አኬኪሳናሳኔ ዋርዶ አስታማሬታፔኔ ኤንታ ቲሚርቲያፊ ናጌታና ሜላ ቆፊሳናሳ።

2 ዮሀንሳ ኪታ ኣይፌ ቆፋታ

- ሳርሶ 1-3
- ሲቆይ ኡባፌ ቦላ 4-6
- ዋርዶ ቲሚርቲያፊ ናጌቲሉ 7-11
- ኩሻ ቆፋ 12-13

1 ታ ጨማይ ደሬቲዳ ጎዳቲሳኔ ኢ ናይታሰ ኪቲዳ ኪታ። ታ ፃላላ ጊደናሺን ቱማ ኤሪያ ኡባይ ሂንቲና ደሶሶና። 2 ሃ ቱማይ ኑናን ዳዒያ ጊሾኔ ሜሪናው ኑራ ዳና ጊሾ ታኒ ሂንቲና ቱማ ደሳይሰ።

3 ያሳ ኑ ኣዋኔ ኢያ ናዓ ዩሱሰ ኪሪሰቶሳ ኣቶ ኬሃቲላይ፣ ማርቲላይኔ ሳርቲላይ ቱማኒኔ ሲቆን ኢሲፊ ኑራ ጊደ።

ቱማባኔ ሲቆባ

4 ኣዋይ ኦና ኪቲዳይሳዳ፣ ኔ ናይታፔ ባጋቲ፣ ቱማስ ኪቲቲይሳ ቤዓዳ ታኒ ዳር ኡፋይታሰ። 5 ጎዳቲ፣ ሃዒካ ኩኒ ኡባይ ኢሶይ ኢሱዋ ሲቃና ሜላ ታኒ ኔና ዋሳይሰ። ሃ ኪታይ ኮይርፔ ኑራ ዳዒያ ኪታፔ ኣቲን ታኒ ኔው ኦራላ ኪታ ፃፊኬ። 6 ቱማ ሲቆይ ኦኒ ያሳ ኪታ ናጊዲ ዳናይሳ። ቃሲ ኮይርፔ ሂንቲ ሲዒዳይሳዳ ኢያ ኪታይ፣ ሂንቲ ኡባይ ሲቆን ዳና ሜላሳ።

7 ዩሱሰ ኪሪሰቶሲ ኣሴ ጊዲዲ ዩዳይሳ ኣማኖና፣ ዳር ባሌሌያ ኣሳቲ፣ ኣላሜን ዳንዲደሶና። ሄሳ ሜላ ኣሲ ኦኒካ ባሌሌይሳኔ ኪሪሰቶሳ ሞርኬ። 8 ሂንቲ ኦሊዳ ኩሜላ ዋይቲዋ ኤካናው ሚኒቲ። ሂንቲ ኦሊዳይሲ ቆዮና ሜላ ናጌቲቲ።

9 ኪሪሰቶሳ ቲሚርቲያን ደናይሳሲኔ ኢያፔ ሃኪያ ኡራሰ ያሳይ ባዋ። ኪሪሰቶሳ ቲሚርቲያን ዳዒያ ኡራሰ ኣዋይኔ ናዓይ ዳዖሶና። 10 ኦኒካ ሂንቲኮ ዩሼ ሃ ቲሚርቲያ ኤሆና ኢዲኮ፣ ሂንቲ ሶ ጌልሶፊቲ፤ ሳርካ ጎፐቲ። 11 ኢያ ሳር ጊያ ኦኒካ ኢያ ኢታ ኦሱዋን ኢያራ ሻኬቲሰ።

ዉርሴላ ሳርታ

12 ታኒ ሂንቲው ፃፋናው ኮዩዳ ዳርባይ ዳዒሰ። ሺን ዋርቃቲኒኔ ቃላሜን ፃፋናው ኮዩኬ። ኑ ኡፋይሳይ ፖሌታና ሜላ ሂንቲራ ሶምዖን ጋሂታዳ ኦይታናው ሂንቲኮ ባና ጋዳ ቆፓይሰ።

13 ያሳይ ደራዳ ኔ ሚቹ ናይቲ ኔና ሳር ያጎሶና።

ዮሀንሲ ፃፊዳ ሄሻንሉ ኪታ ጋሳ ቆፋ

ዮሀንሲ ፃፊዳ ሄሻንሉ ኪታ፡ ዩሱሳ ሃዋሬ ጊዲዳ ጨማይ፡ ዮሀንሲ ፃፊሰ። ኢ ፃፊዳይካ ጋዮሳ ጊያ ኢሲ ዋሳ ኬላ ሄሜይሳሳ። ፃፊይ ኢሲ ባጋራ ጋዮሲ ሃራ አማኔይሳታ ማዲዳ ጊሾ ኢያ ጋላቲሰ፤ ቃሲ ሃራ ባጋራ ዲዮተራፊሳ ጌቲቲያ ዋሳ ኬላ ሃላቃ ጊዳናው ኮያ ጌላ ኡራፔ ናጌታና ሜላ አኬኪሴሰ።

3 ዮሀንሳ ኪታ አይፌ ቆፋታ

ጌሎ ቆፋ 1-4

ጋዮሲ ጋላቲቲሰ 5-8

ዲዮተራፊሲ ቦሬቲሰ 9-10

ዲሜዲሮሲ ጋላቲቲሰ 11-12

ኩሻ ቆፋ 13-15

1 ታኒ ጨማይ፡ ቱማ ደሲያ ጋዮሳሰ ኪቲዳ ኪታ።

2 ታ ሲቁዋው፡ ኔኒ ኔ ሸምቸዋን ሎዖ ዳዔይሳ ታ ኤሬይሳዳ ኔው ፓያቲላ ዳና ሜላኔ ኔ ኦሊያባይ ሱራና ሜላ ኔው ያሳ ዋሳይሰ። 3 ጉላ አማኒያ አሳቲ ዪዲ፡ ኡባ ዋዴ ኔኒ ቱማን ዳዔይሳኔ ኔ ቱማቲላባ ማርካቲዳ ዋዴ ታኒ ዳሮ ኡፋይታሰ። 4 ታ ናይቲ ቱማቲላን ዳዔይሳ ሲዔይሳፊ አፂዲ፡ ታና ኡፋይሲያባይ ባዋ።

ጋዮሲ ጋላቲቲሰ

5 ታ ሲቁዋው፡ ኤንቲ ኔው አማሌ ጊዲኮካ፡ ኔኒ አማኒያ አሳታሰ አማንሌያ ኦሶ ኦላሳ። 6 ኤንቲ ኔ ሲቁዋባ ዋሳ ኬላን ማርካቶሶና። ሃዒካ ኤንቲ ቢያ ኦጊያን ያሳይ ደሴይሳዳ ኦላዳ ኤንታ ማዲኮ ሎዖ ኦላሳ። 7 ኤንቲ ኪሪሰቶሳ ሱንላ ጊሾ ኬዪሼ፡ አማኖና አሳታፔ አይኮካ ኤኪቦኮና። 8 ኔኒ ቱማ ኦሶዋ ኤንታራ ኢሲፊ ኦላናው ሃይሳ ሜላ አሳታ ማዳናው ቤሴሰ።

ዲዮተራፊሳኔ ዲሜዲሮሳ

9 ታኒ ዋሳ ኬላታሰ ዳብዳቤ ፃፋሰ፡ ሺን ኤንታ ሃላቃ ጊዳናው ኮያ ዲዮተራፊሲ ኦኒ ጌይሳ ኤኬና። 10 ሄሳ ጊሾ፡ ታኒ ያ ቢያ ዋዴ ኢ ኦ ቦላ ኦዴቲያ ኢታ ኦዳኔ ኢ ኦሊዳ ኦሶዋ ኦዳና። ኢ ሄሲ ጉዲሰ ጊዲ፡ ኦ አሻቲ ያ ዋዴ ሞኬና። ሃሪ አቶሺን፡ ኤንታ ሞካናው ኮዬይሳታካ ዲጊዲ ዋሳ ኬላፊ ኬሴሰ።

11 ታ ሲቁዋው፡ ሎዖባ ዳናፔ አቲን ኢታባ ዳናፓ። ሎዖባ ኦሊያ ኦኒካ ያሳ አሲ፡ ሺን ኢታባ ኦሊያ ኦኒካ ያሳ ቤዒቤና።

12 ዲሜዲሮሲ ሎዖ አሲ ጊዳይሳ አሳ ኡባይ ማርካቲሰ። ቱማይ ባ ሁዔን ኢያባ ማርካቲሰ፤ ኦካ ኢያባ ማርካቲሰ፤ ኦ ማርካቲላይ ቱማ ጊዳይሳ ሂንቲ ኤሬታ።

ዉርሴላ ሳርታ

13 ታኒ ኔው ፃፋናው ኮዪዳ ዳሮባይ ዳዔሰ፡ ሺን ቃላሜኒኔ ዋርቃቲን ፃፋናው ኮዪኬ። 14 ሺን ታኒ ማታራ ኔራ ጋሄታናው ቆፓይሰ፤ ሄ ዋዴ ኦኒ ኦዴታና።

15 ሳርይ ኔው ጊደ።

ኔ ዳቦቲ ኔና ሳሮ ያጎሶና። ኦ ዳቦታ ኡባ ኤንታ ሱንላ ሱንላ ጃጋዳ ታና «ሳሮ ጊሰ» ያጋ።

ጴሁዳ ፩ዱ ኪታ ጋላ ቆፋ

ጴሁዳ ኪታይ ፩ፊቲዳይ፣ አማኖና ዳዒሽ አማኒያ አሲ ዳኒዲ ዋርዶ ተሚርቲ ላሊያ አሳታፔ አማኒያ አሳይ ናጌታና ማላ እኩኪሳና። ሃ ቃንሳ ኪታይ ባ ጊደን አይኪዳ ቆፋታን ናምዓንሉ ጳዒሮሳ ኪታ ዳኒስ። ፩ፊይ፣ «አማኒያ አሳስ ኢሲ ቶሆኔ ወርሴላ ጋካናው አሜቲዳ አማኑዋስ ኦሌቲቲ» ያጊዲ ናባቤይሳታ ሚንሉዲ ቆፊሴስ።

ጴሁዳ ኪታ አይፊ ቆፋታ

ሳርሶ 1-2

ዋርዶ አስታማሪታ ተሚርቲያኔ ኤንታ ኩንዳላ 3-16

አማኖ ናጋና ማላ አሜቲዳ ዘሬ 17-23

ጋላታ ዋሳ 24-25

1 ታኒ ጴሁዳ፣ ዩሱስ ኪሪስቶሳ አይሌይ፣ ያይቆባ አሻይ፤

ፆሳይ ያጊዲይሳታስ፣ ፆሳ አዋይ ደሴይሳታሲኔ ዩሱስ ኪሪስቶሳን ናጌቲዳይሳታስ ሃ ዳብዳቢያ ፩ፋይስ።

2 ማርቴላ፣ ሳርቴላኔ ሲቆይ ሂንቲው ኩሞ።

ዋርዶ አስታማሪታ

3 ታ ሲቆ አሻቶ፣ ኑኒ ኢሲፊ ሻኬቲያ አቶቴላባ ሂንቲው ፩ፋናው ታኒ ዳር አሞታስ። ሺን አማኒያ አሳስ ኢሲ ቶሆኔ ወርሴላ ጋካናው አሜቲዳ አማኑዋስ ኦሌታና ማላ ሂንቲና ዘራሽ ፩ፋናይሲ ታው ኮሺያባ ጊዲስ። 4 ኤንታ ፐርዳና በኒፔ ፩ፊቲዳ ኡቲዳ፣ ኢሲ ኢሲ አሳቲ ኦኒካ ኤርና ሂንቲ ጊደ ጌሊደሶና። ኤንቲ ፆሳ ኤርናይሳታ፣ ኤንቲ ኑ ፆሳ አጵ ከሃቲላ ላይማታናው ጎዔቲያ ኦኒ ኦሊዲ ኤኮሶና። ባ ፩ላላ ካዋ ጊዲዳ፣ ኑ ጎዳ ዩሱስ ኪሪስቶሳ ካደሶና።

5 ሺን ሂንቲ ሃ ኡባ ኤሪያባ ጊዲኮካ፣ ጎዳይ ኢሰራዔሌ አሳ ጊብጻ ቢታፊ ዋቲ ኬሲዳኮ፣ ቃሲ ጉዬፔ አማኖናይሳታ ጳይሲዳይሳ ታ ሂንቲና እኩኪሳናው ኮያይስ። 6 ባንታ ዳዒያሱዋ አጊዲ፣ ባንታው አሜቲዳ ማታ ናጊቦና ኪታንቸታ፣ ጌታ ፐርዳ ጋላሳይ ጋካናው ፆሳይ ኤንታ ጳማፔ ጋርሳን ማሪና ሳንላላታን ቃቺ ዋላስ። 7 ሄሳዳ፣ ሶዶሜኔ ጋሞራ አሳይኔ ኤንታ ማታን ዳዒያ ካታማታን ዳዒያ አሳይ ላይማቲደሶና፤ ላይማቲላራ ጋሄቲያ ቱናቲላ ኦሊደሶና። ኤንቲ ማሪና ታማን ዋይታናይሳታስ ለሚሶ ጊዲደሶና።

8 ሄሳዳካ፣ ሃ አሙሃንቸቲ ባንታ አሳቲላ ቱኒሶሶና፤ ማታ አዋታ ካዶሶና፤ ሳሎ ማዴቴላታ ጫዮሶና። 9 ሺን ኪታንቸታ ሃላቃይ ሚካዔሌይ ሙሴ አሃስ ፩ላሄራ ፓላሚዳ ዋዴ «ጎዳይ ኔና ሴሮ» ያጊሲፔ አቲን ኢያ ቦላ ጫሻ ቃላ ኦሊዲ ሞታናው ኮዩቤና። 10 ሺን ሃ አሳቲ ባንታው ኤርናባ ኡባ ጫዮሶና፤ ቃሲ ኤንቲ ዋዛኒ ባይና ማሄዳ ማዶን ኤሪያ ኤራይ፣ ኢ ኤንታና ጳይሳና። 11 ኤንታና አዬ! ኤንቲ ቃዔላ ኦጊያን ቢደሶና። ሚሽ ኮዩዲ ባላማ ባላን ኩንዲደሶና። ቆሬይ ፆሳ ቦላ ዳንዲዳይሳዳ ኤንቲ ፆሳ ቦላ ዳንዲዲ ጳዩደሶና።

12 ሃ አሳቲ፣ ሂንቲ ሲቆ ጊቢራ ሚያ ቤሳን ሂንቲራ ኡቲያ ዋዴ ዩሊ ባይና ካወሻታ። ኤንቲ ባንታና ፩ላላ

ሂማይሳታ። ኤንቲ ጫርኮይ ኤፊያ ኢሪ ባይና ሻራ ማላ። ቃሲ አይፊ ዋዴን አይፊ አይፎና፣ ፩፩ራ ሾዴቲድ፣ ናምቡ ቶሆ ማሊዳ ሚላ ማላ። 13 ኤንቲ ሃንቁቲዳ አባ ዙሊያ ማላ ባንታ ፖኩዋ ጎፖንቲይሳታ። ኤንቲ ማሪናው ሳካና ጳማይ ናጊያ ቶይላቲያ ያለንቶታ።

14 አዳሜፔ ደሚዲ፣ ላፑንላ ዩሌታ ጊዲዳ ሄናኬይ፣ ሃ አሳታባ ቲንቤቲ ኦዲሽ፣ «ሄኮ፣ ጎዳይ፣ ባ ዳር ሙኩሉ ጌሻታራ ያና። 15 አሳ ኡባ ፐርዳና፤ ጌላታ ኡባ ኤንቲ ኦሊዳ ኢታ ኦሶ ኡባ ጊሾኔ ማካላቲላን ኤንቲ ፆሳ ቦላ ኦዴቲዳ ኢታ ኦዳ ኡባ ጊሾ ፐርዳና» ያጊሲ። 16 ሄ አሳቲ ኡባ ዋዴ ዙሙሚይሳታኔ ኦዳ ኮዩይሳታ። ቃሲ ባንታ ኢታ አሙዋ ካሎሶና፤ ባንታናን ጩቆሶና ካንታና ጎዒያባ ዳማናው ሃራታ ሳቦሶና።

ወርሴላ ዘሬ

17 ሺን ታ አሻቶ፣ ኑ ጎዳ ዩሱስ ኪሪስቶሳ ሃዋሪቲ ካሴ ሂንቲው ኦዲዳ ቃላ እኩኪቲ። 18 ኤንቲ፣ «ወርሴላ ዋዲያን፣ ባንታ አሙዋ ካሊዲ ቶቼይሳቲ ያና» ያጊደሶና። 19 ሄ አሳቲ አሳ ጊደን ሻሆቴላ ሚዴይሳታ፣ ባንታ አሾ አሙዋስ ሃራቲይሳታኔ ጌሻ አያናይ ባይናይሳታ።

20 ሺን ታ አሻቶ፣ ጌሺ ጊዲዳ ሂንቲ አማኑዋን ሂንቲና ዲቻናው ሚኒቲ፤ ቃሲ ጌሻ አያና ዋልቃን ዋሲቲ። 21 ሂንቲና ማሪና ዳዑዋኮ ጋሊያ ኑ ጎዳ ዩሱስ ኪሪስቶሳ ማርቴላ ናጊሽ ሂንቲና ፆሳ ሲቁዋን ናጊቲ።

22 ሲዴይ ዳዒያ አሳስ ቃዴቲቲ። 23 ኢሲ ኢሲ አሳታ ታማፔ ኬሲ ኤኪቲ። ቃሲ ኢታ አሞን ቲኒዳ ኤንታ ማዑዋ ኢዲሽ ሃራታስ ያሻን ቃዴቲቲ።

ጋላታ ዋሳ

24 ሂንቲ ኩንደና ማላ ናጋናው ቦሬይ ባይናይሳታኔ ጌታ ኡፋይሳን ኩሚዳይሳታ ኦሊዲ ባ ቦንቹዋ ሲንላን ሂንቲና ሺሻናው ዳንዳዒያ። 25 ኑና አሺያ ኢሲ ፆሳስ፣ ኑ ጎዳ ዩሱስ ኪሪስቶሳ ባጋራ ቦንቹይ፣ ጌታቴላ፣ ዋልቁኔ ማቲ፣ ካሴካ፣ ሃዒካ፣ ማሪናዉካ ኢያው ጊደ። አሚንዒ።

1:1 ማቶ 13:55፤ ማር 6:3 1:5 ኩሳ 12:51፤ ታይ 14:29-30 1:7 ሜዴ 19:1-24 1:9 ዳኔ 10:13፣ 21፤ 12:1፤ ዮ.ቆ 12:7፤
ዘሬ 34:6፤ ዛካ 3:2 1:11 ሜዴ 4:3-8፤ ታይ 22:1-35፤ 16:1-35 1:14 ሜዴ 5:18፣ 21-24 1:18 2ጴይ 3:3

ጥሃኒሳ ቆንጮላ ጋሳ ቆፋ

ጥሃኒሳ ቆንጮላይ ያፈተዳይ፡ እማኒያ አሳይ ዩሱስ ኪሪስቶስ ባንታው ጎዳ ኦሊዲ፡ ጌሻቴላን ዳዒዳ ጊሾ ኤንታ ሜቶይን ዋዩይ ጋኪዳ ዋዳና። ያፊይ ወዲዲ ያሊዳ አይፊ ቆፋይ፡ እማኒያ አሳ ኡፋይሳይ ኩሚሊ ጊዳና ሚላ ኤንታ ሚንሌዲ፡ ኤንታ ጋኪዳ ጎዳን ማቱዋ ጊደን ባንታ እማኑዋን ሚኒዲ ኤቃና ሚላ ዳንሌላናሳ።

ማፃፋን ዳሪያ ኪፊሌይ ዳርኔ ካሊ ካሊዲ ቆንጮላ ቆንጮላ ኦይኬስ። ሃ ቆንጮላቲ ሄ ዋዳ ዳዒያ አሳስ ጌሌስ፡ ሺን ሃራታስ ፀራ ጊዲዲ ጋምዲስ። ኤንቲ ኦይቲዳይካ ለሚሶ ኦዳና። ሃ ማፃፋን ዳዒያ ታይሶቲ፡ ማካ ሚሾቲኔ ዳባቲ ዳሬታኔ አያና ማዴቴላታ ለሚሶ። ማዘሙሬ አዘማቹይ ሲሚ ሲሚዲ ዩፃቴይሳዳ፡ ሄ ማፃፋን ዳዒያ ሁዔ ቆፋቲ ዲማ ዲማ ቆንጮላታ ባጋራ ዲማ ዲማ ኦኒን ሲሚ ሲሚ ሺቁደሶና። ሃ ማፃፋ ቢርሽላስ ዲማ ዲማ ቆፋይ ዳዒኮካ፡ ኢያው ሁዔ ቆፋይ ቆንጮ። ሄሲካ፡ «የሳይ ጎዳ ኪሪስቶስ ባጋራ ዛሬሶና ኦኒን ባ ሞርኬታ፡ ያላሄራ ጉጂዲ፡ ኢሲ ቶሆኔ ወርሴሊ ጋካናው ያናና። ሄ ያኑዋፔ ጉዬ፡ ኢያው አማኔቲዲ ዳዒዳ ባ ባጋታ ኦራላ ሳሎኔ ኦራላ ሳባ አንጅ ላቲሳና» ያጌይሳ።

ጥሃኒሳ ቆንጮላ አይፊ ቆፋታ

- ጌሎ ቆፋ 1:1-8
- ዩሱስ ላቸን ዋሳ ኬላታ ጊደን 1:9-20
- ላቸን ዋሳ ኬላታስ ያፊቲዳ ኪታ 2:1-3:22
- አራታ፡ ያላ ማፃፋኔ ደርሳ 4:1-5:14
- ላቸን ማታሚታ 6:1-8:1
- ላቸን ዋይዜታ 8:2-11:19
- ዳዋያኔ ናምዑ ደባታ 12:1-13:18
- ዲማ ዲማ ቆንጮላታ 14:1-15:8
- ላቸን ሃንቆ ፀሳታ 16:1-21
- ባቢሎኔ ኩንዳላ፡ ደባኔ ዋርደ ናቢያ 17:1-20:10
- ወርሴላ ፒርዳ 20:11-15
- ኦራላ ሳሎ፡ ኦራላ ሳባኔ ኦራላ ዩራሳላሚ 21:1-22:5
- ኩሻ ቆፋ 22:6-21

1 ኤሶን ሃናናው ዳዒያባ ባ አይሌታ ቤሳና ሚላ ያሳይ ኢያው ኢሚዳ ዩሱስ ኪሪስቶስ ቆንጮላይ ሃይሳ። ዩሱስ ባ ኪታንቹዋ ኪቲዲ፡ ባ አይሊያ ጥሃኒሳስ ቆንጮሲስ። 2 ጥሃኒሲ ያሳ ኪታ፡ ዩሱስ ኪሪስቶሲ ኦሊዳባኔ ኦዲዳባ ኡባ ማርካቲስ። 3 ሃ ኡባይ ሃናናው ዋዳይ ማቲዳ ጊሾ ሃ ቲንቢቲ ቃላ ናባቢያ ኦኒካ አንጅቲዳይሳ፤ ቃሲ ሃ ቃላ ሲዔይሳቲኔ ያፊቲዳ ኪታ ናጊያ ኡባይ አንጅቲዳይሳታ።

ላቸን ኢሲያ ዋሳ ኬላታስ ኪቲቲዳ ሳርላ
4-5 ሃ ዳብዳቤይ፡ ጥሃኒሳ፡ ኢሲያ ቢታን ዳዒያ ላቸን ዋሳ ኬላታስ ያፊቲስ። ካሴካ፡ ሃዒካ ዳዒያ፡ ሲንሳፊካ ያናው ዳዒያ ያሳፊ፡ ቃሲ ኢያ አራታ ሲንሳን ዳዒያ ላቸን አያናታ፤ ሄሳዳካ፡ ሃይቆፔ ዳንደን ኮይር

ጊዲዳይሳፊ፡ ሳባ ካዋታ ሃሪያ አማኔቲያ ማርካ ጊዲዳ ዩሱስ ኪሪስቶሳ፤ ኦዲ ኬሃቴላይ ሳርቴላይ ሂንቴው ጊደ።

ዩሱሲ ኡና ሲቆስ፡ ቃሲ ባ ሱላን ናጋራ አይሌቴላፊ ኡና ሳባ ኬሲስ። 6 ኦኒ ያሳ ኢያ አዋሰ ኦላና ሚላ ኡና ካዋቲላ ካሂኔ ኦሊስ። ኢያው ሜሪናፔ ሜሪና ጋካናው ቦንቶይኔ ዋልቃይ ጊደ። አሚንዒ።

7 ሄኮ፡ ዩሱሲ ሻራራ ዩስ። አሳ ኡባይ ሃሪ አቶሺን፡ ኢያ ጫዲዳ አሳይካ ኢያ ቤዓና። ሳባን ዳዒያ አሳ ኡባይ ኢያ ጊሾ ዩካና። ሄሲ ቱማ ሃናና! አሚንዒ።

8 «ካሴካ፡ ሃዒካ ዳዒይሲ፡ ሲንሳፊካ ያና ጎዳይ፡ ኡባፊ ዋልቃማ ያሳይ፡ አልፋኔ ኦሚጊ ታና» * ያጌስ ጎዳ ያሳይ።

ጎዳ ቆንጮላ

9 ታኒ፡ ጥሃኒሲ፡ ሂንቴ ኢሻይ፡ ሂንቴራ ኢሲፊ ዩሱሳን ዋያ፡ ኢያ ካዋቲላኔ ኢያ ዳንዳባ ቤዓስ። ታኒ ያሳ ቃላ ጊሾኔ ዩሱሳን ማርካቲዳ ጊሾ ፓፂሞ ጊያ ሃላን ቴቁቲዳ ቢታን ዳዒይስ። 10 ጎዳ ጋላሳን ታ ጌሻ አያናን ሃሬታዳ ዳዒይስ፤ ታፔ ጉዬራ ሞይዜ ፑና ሚላ ጊታ ገርሲ ሲዓስ። 11 ሄ ገርሳይ ታና፡ «ኔ ቤዔይሳ ማፃፋን ያፋዳ፡ ኢሲያን ዳዒያ ላቸን ዋሳ ኬላታስ፡ ኤፊሶና፡ ሳሚርኔሳ፡ ጰርጋሞና፡ ቲያቲርና፡ ሳርዳሳ፡ ፊላዳልፊያኔ ሎዶቁያ ዩዳ» ያጊስ።

12 ታኒ ታው ኦዲያ ገርሳ ቤዓናው ጉዬ ሲማዳ ያምፔ ዋሊያ ላቸን ዋርቃ ኮጫታ ቤዓስ። 13 ሄ ኮጫታ ጊደን አሳ ናባ ዳኔይሳ ቤዓስ። ኢ አዲሳ አፊላ ባ ቶሁዋ ጋሊ ማዒስ፡ ዋርቃ ዳንጮን ባ ቲራ ዳንጪስ።

14 ኢያ ሁዔይኔ ኢያ ቢናናይ ቦላ ደርሳ ኢኪሴ ሚላ ዋይኮ ሻቻ ሚላ ቦሊ፤ ኢያ አይፊይ ታማ ላጮ ዳኔስ።

15 ኢያ ቶሆይ ታማን ሴሪዲ ዞዒዳ ናሴ ቢራታ ዳኔስ፤ ኢያ ገርሳይካ ጊታ ሻፋ ኮሺንቻ ሚላ። 16 ኢ ባ ኡሻቻ ኩሺን ላቸን ያለንቶታ ኦይኪስ። ኢያ ደናፔ ናምዑ ባጋራ ቃራቲዳ ማሽ ኬዩስ። ኢያ ሶምያይ ሴታ ጋላሳ አዋ አይፊ ዳኔስ።

17 ታኒ ኢያ ቤዒዳ ዋዳ ሃይቁዳ አሳዳ ሃናዳ ኢያ ቶሁዋ ማታን ኩንዳስ። ኢ ባ ኡሻቻ ኩሺያ ታ ቦላ ዋሊዲ፡ «ያዮፋ፤ ኮይርይ ወርሴላይ ታና። 18 ታኒ ዳዒን ዳዒይስ፤ ታኒ ሃይቃስ፡ ሺን ሄኮ ሜሪ ሜሪናወካ ዳዒን ዳዒይስ። ሃይቆኔ ሲያሌ ቁልፔይ ታ ኩሺና። 19 ሂዛ፡ ሃዒ ሃኒያባኔ ሲንሳፊ ሃናናባ ኔ ቤዒዳባ ያፋ። 20 ኦኒ ታ ኡሻቻ ኩሺን ቤዒዳ ላቸን ያለንቶታኔ ላቸን ዋርቃ ኮጫታ ቢርሽላይ ሃይሳ፡ ላቸን ያለንቶቲ ላቸን ዋሳ ኬላታ ኪታንቹታ፤ ላቸን ዋርቃ ኮጫቲ ላቸን ዋሳ ኬላታ።»

2

ኤፊሶና ዋሳ ኬላስ ኪቲቲዳ ኪታ
1 «ኤፊሶና ዋሳ ኬላ ኪታንቹዋስ ሃይሳዳ ያጋዳ ያፋ። ባ ኡሻቻ ኩሺን ላቸን ያለንቶታ ኦይኪዳይሲኔ ላቸን ዋርቃ ኮጫታ ጊደራ ሃሙቴይሲ ሃይሳዳ ያጌስ። 2 ታኒ ኔ ኦሱዋ፡ ኔ ዳቡራኔ ኔ ጌንጫ ኤራይስ። ኔኒ ኢታ አሳታባ ጌንጫናው ዳንዳባናይሳ ኤራይስ።

1:4-5 ኬሳ 3:14፤ ጥ.ቆ 4:5 1:4-5 ኢሳ 55:4፤ ማዘ 89:27 1:6 ኬሳ 19:6፤ ጥ.ቆ 5:10 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ቱሴ 4:17፤ ዛካ 12:10፤ ጥሃ 19:34 * 1:8 አልፋኔ ኦሚጋ፡ ገሪኬ ደናን አልፋኔ ኦሚጊ ኮይርኔ ወርሴላ ፒዳሊታ፤ ቢርሽላይካ ኮይርኔ ወርሴላ ጉሱ። 1:8 ጥ.ቆ 22:13፤ ኬሳ 3:14 1:13 ዳኔ 7:13፤ ዳኔ 10:5 1:14 ዳኔ 7:9 1:14 ዳኔ 10:6
1:15 ሂዘ 1:24፤ 43:2 1:17 ኢሳ 44:6፤ 48:12፤ ጥ.ቆ 2:8፤ 22:13

ቃሲ ሃዋሬ ገደናሽን ባንታና፡ ሃዋሬ ገይሳታ ፒልጋ ኤራዳ ኤንቲ ዋርዳንቸ ገደይሳ ደሚዳይሳ ታ ኤራይሰ። 3 ነኒ ገንጫዳሳ፤ ታ ሱንላ ገሾ ሜቶ ዳንዳዳሳ፤ ያኔታባካ። 4 ገደሽን፡ ሃዲ ታ ነና ቦሪያባይ ደዌሰ፤ ሄሲካ ነኒ ካሴ ኔ ሲቁዋ አጋዳሳ። 5 ሂዛ፡ ኔ አይ ማላ ጾቃ ቤሳፌ ኩንዲዳኮ አኬካ! ኔ ናጋራፔ ሲማ፤ ነኒ ካሴ ኦሊያ ኦሱዋ አላ። ነኒ ኔ ናጋራፔ ሲሞና ኢዲኮ፡ ኔ ያምፔ ዋሊያ ኮጫ ኢያ ቤሳፌ ኤካና። 6 ሃዲ ታ ነና ናሽያ ኢሲባይ ደዌሰ፤ ታ ኢዲያ ኒቆላዌታ ኦሱዋ ኔካ ኢዳዳሳ።

7 ገሻ አያናይ ዋሳ ኬላታሰ ገያባ ሲዳናው ሃይሌ ደዌያ ኦኒካ ሲያ፡ ያኒያ ኦኒካ ያሳ ጋናቲያን ደዌያ ደያ ማሌ አይፌፔ ማና ማላ ማታ አማና።

ሳሚርኔሳ ዋሳ ኬላሰ ኪቲቲዳ ኪታ

8 «ሳሚርኔሳ ዋሳ ኬላ ኪታንቸዋሰ ሃይሳዳ ያጋዳ 94።

ኮይርይኔ ወርሴላይ፡ ሃይቂዳይሴኔ ሃይቆፔ ደንዲዳይሴ ሃይሳዳ ያገሰ።

9 ታኒ ኔ ዋያኔ ኔ ማንቆቱላ ኤራይሰ፤ ገደሽን ነኒ ዱሬ። አይሁዳ ገደናሽን ባንታና አይሁዳ ገይሳቲ ጫያ ጫሻ ታ ኤራይሰ፡ ሽን ኤንቲ ዓላሄ ማባራን ደዎሶና። 10 ነኒ ኤካናው ደዌያ ዋያ ባቦፋ። ዓላሄይ ሂንቲፌ ኢሶታ ኢሶታ ፓጫናው ቃሾ ኬላን ዩጋና፤ ታሙ ጋላሰ ጋካናው ሂንቲ ዋዬታና። ሃይቃና ጋካናው አማኔቲዳይሳ ገዳ፤ ታ ኔው ደያ ካላቻ አማና።

11 ገሻ አያናይ ዋሳ ኬላታሰ ገያባ ሲዳናው ሃይሌ ደዌያ ኦኒካ ሲያ፡ ያኒያ ኦኒካ ናምዓንሉ ሃይቆዋን ቆሄቲና።

ጸርጋሞና ዋሳ ኬላሰ ኪቲቲዳ ኪታ

12 «ጸርጋሞና ዋሳ ኬላ ኪታንቸዋሰ ሃይሳዳ ያጋዳ 94።

ናምዑ ባጋራ ቃራቲዳ ማሽ ደዌይሴ ሃይሳዳ ያገሰ። 13 ታኒ ኔ ደዌያ ቤሳን ደዌሳ፤ ነኒ ዓላሄ አራታይ ደዌያ ቤሳን ደዌሳ፤ ታ ሱንላ ማንላ ናጋዳሳ። ሃሪ አቶሽን፡ ዓላሄይ ደዌያ ሂንቲ ካታማን ሃይቂዳ ታው አማኔቲዳ ማርካይ፡ አንቲጸሲ፡ ደዌያ ዋዴካ አማኔታ አጋባካ።

14 ገደሽን፡ ታ ነና ቦሪያ ጉላባቲ ደዎሶና። ሄሲካ ኢሰራዌሌ አሳይ ኤቃሰ ያርሼቲዳ ካላ ሚዲ ቲናና ማላኔ ላይማቲላ ናጋራ አላና ማላ ባላቃ ታማርሲዳ ባላማ ቲሚርቲያ ኤኪዳ ኢሲ ኢሲ አሳቲ ኔራ ደዎሶና። 15 ሄሳዳካ፡ ኒቆላዌታ ቲሚርቲያ ታማሪያ አሳቲ ኔራ ደዎሶና። 16 ሄሳ ገሾ፡ ነኒ ኔ ናጋራፔ ሲማ፡ ሄሲ ሃናና ኢዲኮ፡ ታ ነኮ ኤሌሳ ያዳ ሄ አሳታ ታ ደናፔ ኬያ ማሻን አላና።

17 ገሻ አያናይ ዋሳ ኬላታሰ ገያባ ሲዳናው ሃይሌ ደዌያ ኦኒካ ሲያ፡ ያኒያ ኦኒካ ቆሴቲዳ ደዌያ ማናፌ * አማና። ቃሲ ኤኪያ ኡራፔ አቲን ሃራ አሲ ኤርና ኦራላ ሱንላይ ያፌቲዳ ቦላ ሹቻ ታ ኢያው አማና።

ቲያቲርና ዋሳ ኬላሰ ኪቲቲዳ ኪታ

18 «ቲያቲርና ዋሳ ኬላ ኪታንቸዋሰ ሃይሳዳ ያጋዳ 94።

ታማ ላጮ ዳኒያ አይፌይ ደዌይሴ፡ ቃሲ ታማን ሴሪዳ ናሴ ቢራታ ዳኒያ ቶሆይ ደዌይሴ፡ ያሳ ናዓይ፡ ሃይሳዳ ያገሰ። 19 ታኒ ኔ ኦሱዋ፡ ኔ ሲቁዋ፡ ኔ አማኔታ፡ ኔ ኦሱዋኔ ኔ ገንጫ ኤራይሰ። ነኒ ኮይር ኦሌይሳፌ ሃዲ አላዳ ኦሌይሳካ ኤራይሰ።

20 ገደሽን፡ ታ ነና ቦሪያ ኢሲባይ ደዌሰ፤ ባና ናቤ ገያ ማጫሲው፡ ኤልዛቤሎ፡ አይኮካ ጋባካ። ሄ ማጫሲያ ኤቃሰ ያርሼቲዳ ካላ ሚዲ ቲናናዳኔ ላይማታናዳ አላዳ ታ አይሌታ ባሌላሱ። 21 ኢያ ባ ናጋራፔ ሲማና ማላ ታ ኢው ዋዴ አማሰ፡ ሽን ኢያ ሲማናው ኮያቡኩ። 22 ኤንቲ ኢ ባላ ኦጊያፔ ሲሞና ኢዲኮ፡ ታ ኢዮ ኢታ ሃርጌን ዩጋና፤ ኢራ ላይማቲይሳቲካ ኢታ ዋዬ ዋዬታና። 23 ታኒ ኢ ናይታ ዋዳና፤ ቃሲ ዋሳ ኬላ ኡባይ ታ አሳ ቆፋኔ አሳ ዋዛና ኤሪይሳ ገደይሳ ኤራና። ታ ኢሱዋሰ ኢሱዋሰ ሂንቲ ኦሱዋዳ ኦሱዋዳ አማና። 24 ሽን ቲያቲርናን ደዌያ ስራታ፡ ሄ ኢታ ቲሚርቲያ ኤኪባናይሳታኔ፡ «ዓላሄ ገታ ፀራ» ጌቲቲያ ሃ ቲሚርቲያ ታማሪቦና ሂንቲና ሃራ ደያ ቶሆ ቶሲኬ። 25 ገደሽን፡ ታ ያና ጋካናው ሂንቲው ደዌያባ ሚንላ ናገቲ።

26 ያኔይሳሴ ወርሴላ ጋካናው ታው ኪቲቲያ ኦዴሰካ ካዋቲላታ ሃራና ማላ ማታ አማና።

27 ሲኢ ኤንታ ቢራታ ዓምዓን ሃራና፤ ማቃ ሚሼዳካ ማንሌሬላና።

ሄ ማታይ ታኒ ታ አዋፔ ኤኪዳ ማታ ማላ። 28 ቃሲ ታ ኢያው ባካላ ያሊንቶ አማና። 29 ገሻ አያናይ ዋሳ ኬላታሰ ገያባ ሲዲያ ሃይሌ ደዌያ ኦኒካ ሲያ።

3

ሳርዴሳ ዋሳ ኬላሰ ኪቲቲዳ ኪታ

1 «ሳርዴሳ ዋሳ ኬላ ኪታንቸዋሰ ሃይሳዳ ያጋዳ 94።

ላፑን ያሳ አያናታኔ ላፑን ያሊንቶታ ኦይኪዳይሴ ሃይሳዳ ያገሰ። ታኒ ኔ ኦሱዋ ኤራይሰ፤ አሲ ኔና ፓፃ ደዌሰ ገኮካ፡ ኔ ሃይቃዳሳ። 2 ባርካ! ጉላ አቲዳባኔ ሃይቃናው ማቲዳባ ማንላ። ኔ ኦሶይ ያሳ ሲንላን ፖሎ ገደናይሳ ደማሰ። 3 ሂዛ፡ ኔ ኤኪዳባኔ ሲዲዳባ አኬካ፤ ናጋ፤ ኔ ናጋራፔ ሲማ። ነኒ ባርኮና ኢዲኮ ታ ካይሶዳ ያና፤ ታ አይ ዋዴ ያኔኮ ኔ ኤራካ።

4 ሽን ባንታ ማዑዋ ቂታዮና ጉላ አሳቲ ሳርዴሳን ደዎሶና። ኤንታው ቤሲያባ ገዲያ ገሾ ቦላ ማዎ ማዒዲ ታራ ሃሙታና። 5 ያኒያ ኦኒካ ኤንታይሳዳ ቦላ ማዎ ማዓና። ታኒ ኢያ ሱንላ ደያ ማፃፋፔ ቁቸኬ። ታኒ ታ አዋ ሲንላኒኔ ኢያ ኪታንቸታ ሲንላን ኢ ታባ ገደይሳ ማርካታና። 6 ገሻ አያናይ ዋሳ ኬላታሰ ገያባ ሲዲያ ሃይሌ ደዌያ ኦኒካ ሲያ።

ፊላዴልፊያ ዋሳ ኬላሰ ኪቲቲዳ ኪታ

7 «ፊላዴልፊያ ዋሳ ኬላ ኪታንቸዋሰ ሃይሳዳ ያጋዳ 94።

ገሻይኔ ቱማንቸይ፡ ዳዊቲ ቁልፒያ ባ ኩሽን ኦይኪዳይሴ፡ ሃይሳዳ ያገሰ። ኢ ሳርዲን ኦኒካ

2:7 ሜዴ 2:9፤ ዮ.ቆ 22:2፤ ሂዘ 28:13፤ 31:8 2:8 ኢሳ 44:6፤ 48:12፤ ዮ.ቆ 1:17፤ 22:13 2:11 ዮ.ቆ 20:14፤ 21:8 2:14 ታይ 22:5 * 2:17 ማና፡ ኢሰራዌሌ አሳይ ባዘ ቢታን ሃሙቲያ ዋዴ ሳሎፔ ያሳይ ኤንታው አሚዳ ዳማ ካሌ ዋይኮ ኪታንቸ ካሌ። 2:17 ኪሳ 16:14 2:20 1ካዎ 16:3፤ 2ካዎ 9:22 2:23 ማዘ 7:9፤ ኤር 17:10፤ ማዘ 62:12 2:26 ማዘ 2:8-9 3:3 ማቶ 24:43 3:5 ኪሳ 32:32 3:7 ኢሳ 22:22፤ ኢዮ 12:14

ደገናው ደንዳዴና፤ ቃሲ ኢ ደደን ኦኒካ ጎርዳናው ደንዳዴና። 8 ታኒ ኔ ኦሱዋ ኤራሰ፤ ሄኮ ታ ኔ ሲንላን ኦኒካ ጎርዳናው ደንዳዴና ደያ ፔንጌ ዋላሰ። ኔ ዋለቃይ ጉላ ገዲኮካ፤ ታ ቃላ ናጋዳሳ፤ ታና ካዳባካ። 9 ኣይሁዳ ገደናሽን ባንታና ኣይሁዳ ገያ ዋርዶታኔ ፃላሄ ባጋታ ኔኮ ኤሃና ኔ ሲንላን ጉልባቲሳና። ታ ኔና ደሴይሳ ኤንታና ኤሪሳና። 10 ኔኒ፣ ሳንጫ) ጋዳ ታ ከቲዳ ከታ ናገዳ ገሾ ኩሜላ ኣላሚያ ፓጫናው ያ ዋዩ ዋዲያፔ ታኒ ኔና ናጋና።

11 ታኒ ኤሌሳዳ ያና፤ ኦኒካ ኔ ካላቻ ኤኮና ማላ ኔው ዳዲያባ ማንላዳ ኦይካ። 12 ያኒዳይሳ ታ ያሳ ኬላን ቱሱ ኦላና፤ ኢ ያን ማሪናው ዳና። ታኒ ታ ያሳ ሱንላኔ ታ ያሳ ካታማ ሱንላ ኢያ ቦላ ፃፋና፤ ኢያካ ታ ያሳ ማታፔ ዋዲያ ኦራላ ዩሩሳላሚ። ቃሲ ታ ታ ኦራላ ሱንላካ ኢ ቦላ ፃፋና። 13 ጌሻ ኣያናይ ዋሳ ኬላታሰ ገያባ ሲዲያ ሃይሌ ዳዲያ ኦኒካ ሲያ።

ሎዶቂያ ዋሳ ኬላሰ ከቲቲዳ ከታ

14 «ሎዶቂያ ዋሳ ኬላ ከታንቹዋሰ ሃይሳዳ ያጋዳ ፃፋ።

«ኣሚንዲ) ገዲዳ ኣማኔቲዳ ቱማ ማርካይ፣ ያሳ ማዴቲላ ሃሪይሲ ሃይሳዳ ያጌሰ። 15 ታኒ ኔ ኦሱዋ ኡባ ኤራይሰ፤ ኔኒ ኢርፃ ዋይኮ ሚሻ ገዳካ፤ ኔኒ ናምዓፌ ኢሱዋ ገዲኮ ሎዶ! 16 ኔኒ ኢርፃ ዋይኮ ሚሻ ገደናሽን ቦልዶ ገዲያ ገሾ ታ ኔና ታ ደናፔ ጨታና ሃናይሰ። 17 ሃዛ፣ ኔኒ፣ ሳኒ ዱሬ፣ ሻሎራ ዳዳይሰ፣ ታው ኣይባባይካ ፓጫቤና) ያጋሳ። ሽን ኔኒ ማቶታንቾ፣ ማንቆ፣ ቆቄኔ ካሎቲዳ ኣሲ ገዳይሳ ኤራካ። 18 ሃሳ ገሾ፣ ኔ ዱሬታናው ታማን ጌዱዳ ዋርቃ፣ ኔ ዩላ ካሎቱ ካማናው ቦላ ማዶኔ ሎይላ ፃላናው ማዲያ ኣይፌ ዳሌ ታፔ ሻማና ማላ ኔና ዘራይሰ።

19 ታ ደሴይሳ ሱራይሲኔ ሃንቃይሰ፤ ሃዛ ሚና፤ ኔ ናጋራፔ ሲማ። 20 ሃኮ፣ ታ ካሪን ኤቃዳ ፃጋይሰ። ኦኒካ ታ ፃሳ ሲዲዳ፣ ዉላ ደደኮ፣ ኢያኮ ጌላና፤ ኢያሩ ኢሲፌ ካሌ ማና፤ ኢካ ታራ ኢሲፌ ማና።

21 ታ ያናዳ ታ ኣዋራ ኢያ ኣራታን ኡቲዳይሳዳ ያኒዳይ ታራ ታ ኣራታን ኡታና ማላ ማታ ኣማና። 22 ጌሻ ኣያናይ ዋሳ ኬላታሰ ገያባ ሲዲያ ሃይሌ ዳዲያ ኦኒካ ሲያ» ያገሰ።

4

ሳሎን ዳዲያ ጎይና ዋጋ

1 ሃሳፌ ጉዬ፣ ታኒ ሳሎ ፃሊያ ዋዴ ደዬቲዳ ፔንጌ ቤዓሰ። ቃሲ ታ ካሴ ሲዲዳ ዋይዜ ገርሳ ማላይ ታኮ፣ «ሃ ኬያ፤ ሃይሳፌ ጉዬ፣ ሃናናው ዳዲያባ ታ ኔና ቤሳና» ያገሰ። 2 ሃ ዋዴ ታ ኣያናን ሃሪታዳ ዳዳይሰ። ሃኮ፣ ሳሎን ኣራታ ቦላ ኢሶይ ኡቲዳይሳ ቤዓሰ።

3 ሃ ኡቲዳይሳ ማላይ ኢያሰጳዴኔ ሳርዲዮና ገያ ኣልዶ ሹቻ ማላ። ኢያ ኣራታ ዩሹዋን ኣልዶ ሹቹ ዳኒያ ዙላይ ዳዴሰ። 4 ሃ ኣራታ ዩሹዋን ላታማኔ ኦይዱ ኣራታቲ ዳዶሶና፤ ኤንታ ቦላ ቦላ ማዶ ማዲዳ፣ ሁዔን ዋርቃ ካላቻ ዋሊዳ ላታማኔ ኦይዱ ጨማቲ ኡቲዳሶና።

5 ኣራታፔ ዋልዓንላ፣ ጉንላኔ ዳሾይ ኬዬሰ። ኣራታ ሲንላን ላፑን ፖዲያ ያምፔቲ ዳዶሶና፤ ኤንቲ ላፑን ያሳ ኣያናታ። 6 ኣራታ ሲንላን ቢሪሌ ዳኒያ ጳሊያ ቡርጨኮ ኣባይ ዳዴሰ።

ሲንላራኔ ጉዬራ ኣይፌይ ዳዲያ ኦይዱ ዳዶራ ዳዲያ ማዴቲላቲ ኣራታ ዩሹዋን ኣራታ ገደን ዳዶሶና። 7 ኮይር ማዴቲላ ማዴይ ጋሞ ዳኔሰ፤ ናምዓንላይ ቦሪ ዳኔሰ፤ ሃሻንላይ ኣሴ ዳኔሰ፤ ቃሲ ኦይዳንላይ ፔራዲያ ኣርጋንላ ዳኔሰ። 8 ኣይዱ ማዴቲላታ ኡባሰ ኡሱቸን ቁፌይ ዳዴሰ፤ ኤንታ ኣሳቲላ ኡባይ ኣይፌን ኩሚሰ። ኤንቲ ቃማኔ ጋላሰ ቃንዶና።

«ጌሻው፣ ጌሻው፣ ጌሻው፣

ጎዳው፣ ኡባፌ ዋለቃማ ያሳው፣

ካሴካ፣ ሃዲካ ዳዴይሶ፣ ሲንላፌ ያናይሶ»

ያሳሶና። 9 ሃ ማዴቲላቲ ኣራታን ኡቲዳይሳሲኔ ማሪናው ዳዴይሳሰ ሳባ፣ ቦንቾኔ ጋላታ ኢሚዳ ዋዴ 10 ላታማኔ ኦይዱ ጨማቲ ኣራታን ኡቲዳይሳኔ ማሪናው ዳዴይሳ ሲንላን ጉፋኒዲ ጎይኒዶሶና፤ ባንታ ካላቻ ኣራታ ሲንላን ዋሊዳ።

11 «ኑ ጎዳው፣ ኑ ያሳው፣

ኔኒ ቦንቾ፣ ሳባኔ ዋለቃ ኤካናው ቤሳሳ።

ኔኒ ኡባ ማዳዳሳ፤

ኡባባይ ኔ ሹኒያዳ ሃኒሰ፣ ማዴቲሰ»

ያገደሶና።

5

ደርሳይ ፃላ ማፃፋ ደደሰ

1 ሃሳፌ ጉዬ፣ ኣራታ ቦላ ኡቲዳይሳ ኡሻቻ ኩሹን ገደራኔ ካሬራ ፃፌቲዳ ላፑን ማታሚን ጎርዴቲዳ ፃላ ማፃፋ ቤዓሰ። 2 ኢሲ ሚና ከታንቾይ ባ ቃላ ቶቁ ኦሊዳ፣ «ማታሚያ ቢላናውኔ ማፃፋ ደያናው ቤሴይ ኦኔ?» ያገዲ ኣዋጂሽን ቤዓሰ። 3 ሽን ሳሎን ገዲን ጎዳን ዋይኮ ሳዓፔ ጋርሳን ገዲን ሃ ፃላ ማፃፋ ቢላናውኔ ገዲዋ ቤዓናው ዳንዳዴይ ኦኒካ ቤንቲቤና። 4 ፃላ ማፃፋ ቢላናውኔ ኢያ ገዲዋ ቤዓናው ቤሴያ ኣሲ ዳዴዳ ገሾ ታ ዳር ዩካሰ። 5 ያቲን፣ ጨማታፔ ኢሶይ ታኮ፣ «ዬኮፋ! ሃኮ፣ ዩሁዳ ዜሬላ ገዲያ ጋሞይ፣ ዳዋቲ ሹሻይ፣ ላፑን ማታሚታ ቢላናውኔ ማፃፋ ደያናው ዳንዳዴሰ» ያገሰ።

6 ሃሳፌ ጉዬ፣ ሹኬቲዳ ደርሳይ ኣራታሰ፣ ኦይዱ ዳዶን ዳዲያ ማዴቲላታሲኔ ጨማታሰ ገደን፣ ኤቁዳይሳ ቤዓሰ። ኢያው ላፑን ካጨቲኔ ላፑን ኣይፌቲ ዳዶሶና። ሃሳቲ ሳዓ ኡባ ከቲቲዳ ያሳ ላፑን ኣያናታ። 7 ሃ ደርሳይ ቢዳ፣ ኣራታ ቦላ ኡቲዳይሳ ኡሻቻ ኩሹፔ ፃላ ማፃፋ ኤከሰ። 8 ኢ ሃ ፃላ ማፃፋ ኤከዳ ዋዴ ዳዶን ዳዲያ ኦይዱ ማዴቲላቲኔ ላታማኔ ኦይዱ ጨማቲ ደርሳ ሲንላን ኩንዲዶሶና። ኤንቲ ኢሶይ ኢሶይ ዲላኔ ጌሻታ ዋሳ ገዲዳ ኢፃኔይ ኩሚዳ ዋርቃ ሻቲ ኦይኪዶሶና።

9 ኤንቲ፣

«ፃላ ማፃፋ ኤካናው፣

ማታሚያ ቢላናው ኔው ቤሴሰ።

ኣይሰ ገኮ፣ ኔኒ ሹኬታዳሳ፤

ዜሬላ ኡባፌ፣ ዲማ ዲማ ደናፔ።

3:9 ኢሳ 49:23፤ 60:14፤ ኢሳ 43:4 3:12 ዮ.ቆ 21:2፤ ኢሳ 62:2፤ 65:15 3:14 ለሚ 8:22 3:19 ለሚ 3:12፤ ኢብ 12:6
 4:2 ሂዝ 1:26-28፤ 10:1 4:5 ኬሳ 19:16፤ ዮ.ቆ 1:4፤ ዮ.ቆ 8:5፤ 11:19፤ 16:18፤ ሂዝ 1:13፤ ዛካ 4:2 4:6 ሂዝ 1:22 4:6
 ሂዝ 1:5-10፤ 10:14 4:8 ሂዝ 1:18፤ 10:12፤ ኢሳ 6:2 5:1 ሂዝ 2:9 5:5 ሚዴ 49:9፤ ኢሳ 11:1 5:6 ኢሳ 53:7፤ ዛካ 4:10
 5:8 ማዝ 141:2 5:9 ማዝ 33:3፤ 98:1፤ ኢሳ 42:10

ያራታቴኔ ካዎቴላታ ኡባፌ

ኔ ሱላን ያሳሰ ዎዛዳሳ።

10 ኢንቲ ኢያ ያሳ አዋሰ አላና ማላ

ኢንታና ካሂኔ ካዎቴላ ኦላዳሳ።

ኢንቲካ ቢታ ኡባ ሃራና»

ያጊዲ ኦራላ ማዝሙራ ዩዲደሶና።

11 ታ ቤዒያ ዎዴ ሙኩሉ ቶሆ ሙኩሉኔ ታሙ

ሙኩሉ ቶሆ ታሙ ሙኩሉ ጊዲያ ኪታንቸታ

ገርሳ ሲዓሰ። ኢንቲካ ኣራታ፣ ኦይዲ ዴዎን ዴዒያ

ሜዴቴላታ፣ ጨማታ ዩቩዋን ኤቂደሶና። 12 ሄ

ኪታንቸታ ዶቁ ጊዳ ቃላን፣

«ሹኩቲዳ ደርሳይ ዎልቃ፣ ዱሬቴላ፣

ጨንጫቴላ፣ ሚኖቴላ፣

ቦንቸ፣ ሳባኔ ጋላታ ኤካናው ቤሴሰ»

ያጊደሶና።

13 ሄሳፌ ጉዬ፣ ሳዓን፣ ሳሎን፣ ሳዓፔ ጋርሳኒኔ ኣባ

ጊደን ዴዒያ ሜዴቴላ ኡባይ፣

«ኣራታ ቦላ ኡቲዳይሳሲኔ ደርሳሰ፣

ጋላታይ፣ ቦንቸይ፣ ሳባይኔ ዎልቃይ

ሜሪ ሜሪናው ጊደ»

ያጊዲ ዩዲሽን ሲዓሰ።

14 ኦይዲ ዴዎን ዴዒያ ሜዴቴላቲ፣ «ኣሚንዒ»

ያጊደሶና፣ ቃሲ ጨማቲ ጉፋኒዲ ጎይኒደሶና።

6

ማታሚያ ደዬቴላ

1 ደርሳይ ላፑን ማታሚያፔ ኢሱዋ ደዩሽን ቤዓሰ።

ቃሲ ኦይዲ ዴዎን ዴዒያ ሜዴቴላታፔ ኢሶይ፣ ዳዳ

ዳሾ ገርሳን፣ «ሃያ!» ያጊሽን ሲዓሰ። 2 ሄኮ ቦላ ፓራ

ቤዓሰ። ሄ ፓራ ቶጊዳሲ ደንጌ ኦይኪሰ፤ ኢያ ሁዔን

ካላቺ ዴዒሰ። ኢካ ያኒሽ ያናናው ከዩሰ።

3 ቃሲ ደርሳይ ናምዓንሉ ማታሚያ ደዩዳ ዎዴ ዴዎን

ዴዒያ ናምዓንሉ ሜዴቴላይ፣ «ሃያ!» ያጊሽን ሲዓሰ።

4 ቃሲ ሃራ ሲሃ ዘየ ፓሪ ከዩሰ። ሄ ፓራ ቶጊዳይሳሰ

ሳዓፔ ሳር ቆይሳና ሜላኔ ኣሳይ ዎሊ ዉርሳና ሜላ ማቴኔ

ገታ ማሽ ኢሜቲሰ።

5 ደርሳይ ሄኸንሉ ማታሚያ ደዩዳ ዎዴ ዴዎን ዴዒያ

ሄኸንሉ ሜዴቴላይ፣ «ሃያ!» ያጊሽን ሲዓሰ። ሄኮ ካራላ

ፓራ ቤዓሰ፤ ኢካ ባ ኩሼን ሚዛኔ ኦይኪሰ። 6 ኦይዲ

ዴዎን ዴዒያ ሜዴቴላታ ጊደፌ፣ «ኢሲ ጋላሳ ኦሶሰ

ዳዎዜ፣ ባጋ ኪሎ ገሰቴ፤ ቃሲ ኢሲ ጋላሳ ኦሶሰ

ዳዎዜ፣ ኢሲ ኪሎኔ ባጋ ባንጋ ጊደ። ሽን ዛይቲያኔ

ዎይኒያ ቆሆፓ» ያጊሽን ሲዓሰ።

7 ደርሳይ ኦይዳንሉ ማታሚያ ደዩዳ ዎዴ ኦይዳንሉ

ዴዎን ዴዒያ ሜዴቴላይ፣ «ሃያ!» ያጊሽን ሲዓሰ። 8 ሄኮ

ዎንጮ ፓራ ቤዓሰ። ሄ ፓራ ቶጊዳይሳ ሱንላይ ሃይቆ፤

ኢያ ጌዶ ሲዎሌይ ካሌሰ። ኢንታው ኣላሜፔ ኦይዳንሉ

ኩሼያ ኦላን፣ ኮሻን፣ ጋደኒኔ ደዓን ዎዲሳና ሜላ ማቴ

ኢሜቲሰ።

9 ደርሳይ ኢቻሻንሉ ማታሚያ ደዩዳ ዎዴ ኢንቲ

ያሳ ቃላ ኦዲዳ ገሾኔ ባንታ ማርካቴላን ኣማኔቲዳ

ገሾ ሹኩቲዳ ኣሳ ሽዎፓታ ያርሾ ቤሳፌ ጋርሳን

ቤዓሰ። 10 ኢንቲ ባንታ ቃላ ዶቁ ኦላዲ፣ «ኡባ ሃሪያ

ጎዳው፣ ጌሻው፣ ቱማንቸዎው፣ ሳዓን ዴዒያ ኣሳ ቦላ

ኔ ፐርዳናይኔ ኦ ሱላ ገሾ ሃሎ ኪያናይ ኣዉዴ?»

ያጊደሶና። 11 ኢንታ ኢሱዋሰ ኢሱዋሰ ቦላ ማዎይ

ኢሜቲሰ። ኢንታይሳዳ ሃኒዲ ሃይቃናው ቤሲያ ኢንታ

ላጌታ ታይቦይ ኩማና ጋካናው ጉላ ዎዴ ሽዎፓና ሜላ

ኢንታው ኦይቲሰ።

12 ደርሳይ ኡሱፑንላ ማታሚያ ደዩዳ ዎዴ ታ ቤዓሰ፤

ዎልቃማ ቢታ ቃይይ ሃኒሰ። ኣዎ ኣይፌይ ካሪዲዲ ካሌ

ዳኒሰ። ኣጌናይካ ዞዒዲ ሱሉ ዳኒሰ። 13 ዎልቃማ

ጫርኮይ ጫርኪዲ ባላሴ ሚላ ቃዉዔ ኣይፊያ

ቆቆፊይሳዳ ሳሉዋ ያለንቶቲ ሳዓን ቆቆፊቲደሶና።

14 ሳሎይ ያላ ማፃፋዲ ያዲቲዲ ኣጂሰ፤ ዙማይኔ ኣባን

ቴቁቲዳ ቢታቲ ባንታ ቤሳፌ ዳዩደሶና። 15 ቢታ ካዎቲ፣

ዳሪያ ሃሪይሳቲ፣ ኦላ ካሌሌይሳቲ፣ ዱሬቴ፣ ዎልቃማቲ፣

ዳሌቲ፣ ዎማኖቲ ጎንጎሎኒ ዴሪያ ቦላ ዴዒያ ዘላ

ሆምዎን ቆሴቲደሶና። 16 ኢንቲካ ዙማኮኔ ዘላኮ፣ «ኦ

ቦላ ዎዲቲ፤ ኦና ቆሲቲ፤ ኣራታን ኡቲዳይሳ ኣይፊያፔኔ

ደርሳ ሃንቁዎፌ ኦና ጌንላቴ። 17 ሂዛ፣ ገታ ሃንቆ

ጋላሳይ ጋኪሰ፤ ኦኔ ዳንዳዒዲ ኤቃናይ?» ያጊደሶና።

7

144፣000 ኣሳታ ቦላ ማታሚያ ዎሴቲሰ

1 ሄሳፌ ጉዬ፣ ኦይዲ ኪታንቸቲ ኦይዲ ሳዓ ጋዎን

ኤቁዳይሳታ ቤዓሰ። ሄ ኪታንቸቲ ሳዓ ቦላ ዎይኮ ኣባ

ቦላ ዎይኮ ኣይ ሚላ ቦላ ጫርኮይ ኦይዲ ሳዓ ጋዎፔ

ጫርኮና ሚላ ቴቁደሶና። 2 ቃሲ ዴዎ ያሳ ማታሚያ

ኦይኪዳ ሃራ ኪታንቸይ ደሎሃ ባጋፌ ከዬይሳ ቤዓሰ።

ሄ ኪታንቸይ ባ ቃላ ዶቁ ኦላዲ፣ ሳዓኔ ኣባ ቆሃናው

ዎልቁ ኢሜቲዳ ኦይዲ ኪታንቸታ፣ 3 ያጊዲ፣ «ኦኒ ያሳ

ኣይሌታ ሶምዎን ማታሚያ ዎላና ጋካናው ቢታ ዎይኮ

ኣባ ዎይኮ ሚላ ቆሆፐቲ» ያጊሰ።

4 ያቲን፣ ታኒ ያሳ ማታሚያ ሶምዎን ዎሴቲዳይሳታ

ፓይዲዎ ሲዓሰ። ኢሰራዔሌ ማይዛታ ኡባፌ ያታኔ

ኦይታማኔ ኦይዲ ሙኩሉ ኣሳሰ ሶምዎን ማታሚ

ዎሊሰ።

5 ዩሁዳ ዜሬላፌ ታማኔ ናምዑ ሙኩሉ፣

ርቤላ ዜሬላፌ ታማኔ ናምዑ ሙኩሉ፣

ጋዴ ዜሬላፌ ታማኔ ናምዑ ሙኩሉ፣

6 ኣሴሬ ዜሬላፌ ታማኔ ናምዑ ሙኩሉ፣

ኒፍታሌሜ ዜሬላፌ ታማኔ ናምዑ ሙኩሉ፣

ሚናሴ ዜሬላፌ ታማኔ ናምዑ ሙኩሉ፣

7 ሲሞና ዜሬላፌ ታማኔ ናምዑ ሙኩሉ፤

ሌዌ ዜሬላፌ ታማኔ ናምዑ ሙኩሉ፣

ዩሳኮሬ ዜሬላፌ ታማኔ ናምዑ ሙኩሉ፣

8 ዛቢሎኔ ዜሬላፌ ታማኔ ናምዑ ሙኩሉ፣

ዮሴፋ ዜሬላፌ ታማኔ ናምዑ ሙኩሉ፣

ቢኒያሜ ዜሬላፌ ታማኔ ናምዑ ሙኩሉ፣

ኣሳ ሶምዎን ማታሚ ዎሊሰ።

ቦላ ማዎ ማዒዳ ዳር ኣሳታ

9 ሄሳፌ ጉዬ፣ ዜሬላ ኡባፌ፣ ካዎቴላ ኡባፌ፣ ያራ

ኡባፌኔ ዲማ ዲማ ደናፔ ዛዌ ባይና ዳር ኣሳ ቤዓሰ።

ሄ ኣሳይ ቦላ ማዎ ማዒዳ፣ ዛምባ ሃይሊ ባንታ ኩሼን

ኦይኪዲ፣ ኣራታ ሲንሳኒኔ ደርሳ ሲንሳን ኤቁደሶና።

5:10 ኪሳ 19:6፤ ዮ.ቆ 1:6 5:11 ዳኔ 7:10 6:2 ዛካ 1:7 6:4 ዛካ 1:7 6:5 ዛካ 6:2 6:8 ሂዘ 14:21 6:12 ዮ.ቆ 11:13፤ 16:18፤ ኢሳ 13:10፤ ኤር 2:10 6:13 ኢሳ 34:4 6:14 ዮ.ቆ 16:20 6:15 ኢሳ 2:19 6:16 ሆሴ 10:8፤ ሉቃ 23:30 6:17 ኤር 2:11፤ ሚላ 3:2 7:1 ኤር 49:36፤ ዳኔ 7:2፤ ዛካ 6:5 7:3 ሂዘ 9:4

10 ከነቲ ባንታ ቃላ ዶቁ ኦሊዲ፡ «አቶቴላይ አራታን ኡቲዳ ኮ ያሳፊኔ ደርሳፊ ዬስ» ያገደሶና።

11 ከታንቸቲ ኡባይ፡ አራታ፡ ጨማታኔ ኦይዲ ሜዴቴላታ ዩቩባን ኤቁደሶና። ከነቲ አራታ ሲንላን ጉፋኒዲ ያሳ ጎይኒደሶና።

12 «አሚንዲ!
አንጆይ፡ ቦንቸይ፡ ጨንጫቴላይ፡ ጋላታይ፡ ሳባይ ዋልቃይ፡ ሚናቴላይ ሜሪ ሜሪናው ኮ ያሳሰ ገደ።
አሚንዲ!»
ያገደሶና።

13 ጨማታቴ ኢሶይ ታኮ፡ «ሃ ቦላ ማዑ ማዑዳ አሳቲ ኦናንቴ? ከነቲ አዉቴ ዩደና?» ያገደዲ ኦይቸሰ።

14 ታኒ ዛራዳ፡ «ጎደው፡ ኔ ኤራሳ» ያገሰ።

አካ ታኮ፡ «ሃይሳቲ ዳር ዋዬ ዋዬዲ አዲዳይሳታ። ከነቲ ባንታ ማዑ ደርሳ ሱላን ሜጨዲ ገሸደሶና።

15 ሄሳ ገሾ፡
ከነቲ ያሳ አራታ ሲንላን ገደዲ ቃማኔ ጋላሰ ኢያ ከላን ኦላሶና።

ቃሲ አራታ ቦላ ኡቲዳይሲ ከነታው ኩያ ገደና።

16 ሂዛቴ ጉዬ፡ ከነቲ ኮሻቶኮና፡ ሳሞቶኮና፡ አቁ ዋይኮ ሚሺ ከነታ ሜና።

17 አራታ ገደን ኡቲዳ ደርሳይ ከነታ ሄማና። ዴያ ፑልቶ ሃላኮ ከነታ ካሌላና።

ያሳይ ከነታ አይፊያቴ አፋላ ኡባ ቁቻና» ያገሰ።

8

ላፑንላ ማታሚይ ደዬቲሰ

1 ደርሳይ ላፑንላ ማታሚያ ደዬዳ ዋዴ ባጋ ሳቲ ገደይሳ ሚላ ሳሎይ ሰዲ ገሰ።

2 ሄሳፊ ጉዬ፡ ታኒ ላፑን ሞይዜቲ አሜቲዳ ላፑን ከታንቸታ ያሳ ሲንላን ኤቁዳይሳታ ቤዓሰ።

3 ኢፃኔ ጨዩሲያ ዋርቃ ሻቲ ኦይኪዳ ሃራ ከታንቸይ ዩዲ፡ ያርሾ ቤሳ ማታን ኤቁሰ። ኢ አራታ ሲንላን ዴዲያ ዋርቃ ያርሾ ቤሳ ቦላ ገሻታ ኡባ ዋሳራ ጉጂዲ ያርሻና ሚላ ኢያው ዳር ኢፃኔይ አሜቲሰ። 4 ኢፃኒያ ጨያይ ገሻታ ዋሳራ ኢሲፊ ከታንቸባ ኩሾፔ ፑዴ ያሳኮ ከዩሰ። 5 ሄሳፊ ጉዬ፡ ከታንቸይ ኢፃኔ ጨዩሲያ ሻቲያ ኤኪዲ፡ ኢያን ያርሾ ቤሳፊ ቦንቆ ታማ ኩንላዲ ሳዓ ዲጌ ሆሊሰ። ያቲን ዴሾይ፡ ዋልዓንላ፡ ገርሲኔ ቤታ ቃይይ ሃኒሰ።

ላፑን ሞይዜታ

6 ሄሳፊ ጉዬ፡ ላፑን ከታንቸቲ ባንታ ሞይዚያ ፑናናው ገኔቲደሶና።

7 ኮይር ከታንቸይ ባ ሞይዚያ ፑኒያ ዋዴ ሻቸኔ ሱላራ ዋላኬቲዳ ታሚ ሳሎፔ ቡኪሰ። ሳዓፔ ሲኮይ ፀጌቲሰ፤ ሚላፊ ሲኮይ ፀጌቲሰ፤ ጨልያ ማታ ኡባይ ፀጌቲሰ።

8 ናሞዓንላ ከታንቸይ ባ ሞይዚያ ፑኒዳ ዋዴ ዋልቃማ ዴሬ ዳኒያባይ ታማን ኤዲሼ አባን ዩጌቲሰ።

ያቲን፡ አባፊ ሲኮይ ሱላ ገደሰ። 9 አባን ዴያን ዴዲያ ሜዴቴላፊ ሲኮይ ሃይቁሰ፤ ማርካቤታፔ ሲኮይ ዳይሰ።

10 ሄዥሎ ከታንቸይ ባ ሞይዚያ ፑኒዳ ዋዴ ያሞፔዳ ኤዲያ ዋልቃማ ያለንቶይ ሻፋፔ ሲኮባ ቦላኔ ፑልቶታ ቦላ ሳሎፔ ዋዲሰ። 11 ሄ ያለንቱባ ሱንላይ ጫሞ ጌቲቲሰ። ሃላፊ ሲኮባ ጫሚሲሰ፤ ሃላይ ጫሚዳ ገሾ ዳር አሳይ ሄ ሃላ ኡዩዲ ሃይቁደሶና።

12 ኦይዳንሎ ከታንቸይ ባ ሞይዚያ ፑኒሰ። አሞፔ፡ አጌናፔኔ ያለንቶታፔ ሲኮባ ዴቸሰ፤ ከነታ ፖዑሞፔ ሲኮይ ዱሚሰ። ጋላሳፔ ሲኮይ፡ ቃማፊካ ሲኮይ ዱሚሰ።

13 ኢሲ አርጋንላ ሳሎ ዶቁ ገደ፡ ፒራዲሺን ቤዓሰ። ሄ አርጋንላይ ባ ቃላ ዶቁ ኦሊዲ፡ «አቲዳ ሄዥ ከታንቸቲ ባንታ ሞይዚያ ፑናናው ዴዲያ ገሾ ሳዓን ዴዲያ አሳ አዬ! አዬ! አዬ!» ያገሸን ሲዓሰ።

9

1 ሄሳፊ ጉዬ፡ ኢቻሻንሎ ከታንቸይ ባ ሞይዚያ ፑኒን ሳሎፔ ዲጌ ሳዓ ኩንዲዳ ያለንቶ ቤዓሰ። ሄ ያለንቱባሰ ዋልቃማ ኦላ ቁልፔይ አሜቲሰ። 2 ያለንቶይ ኦላ ደዩዳ ዋዴ ዳልጋ ጮጮፔ ከያ ጩያ ሚላ ጩያይ ሄ ኦላፊ ከዩሰ። ሄ ኦላፊ ከዩዳ ጩያን አሞይኔ ሳሎይ ዱሚደሶና።

3 ሄ ጩያፔ ቦሌይ ከዩዲ ሳዓን ዋዲሰ። ሳዓን ዴዲያ ኮርኔታሰ ዴዲያ ዋልቃ ሚላ ዋልቁ ቦሌታሰ አሜቲሰ።

4 ያሳ ማታሚይ ሶሞዖን ባይና አሳ ፃላላፔ አቲን ሳዓን ዴዲያ ማታ ዋይኮ ሚላ ዋይኮ አይ ጨልዖባ ገደን ቆሆና ሚላ ቦሌታሰ ኦይቲሰ። 5 ቦሌቲ አሳ ኢቻሹ አጌና ጋካናው ፓፃ ካዓና ሚላ ማቲ አሜቲሰፔ አቲን አሳ ዋዳና ሚላ ገደና። ኮርኔይ አሴ ዲኪን ዛሚይሳ ሚላ ቦሌይ ዲኪዲ ዛሚሴሰ። 6 ሄ ጋላሳታን አሳይ ሃይቆ ኮያና፡ ሽን ዴሚና። ከነቲ ሃይቃናው አሞታና፡ ሽን ሃይቆይ ከነታፊ ሃካና።

7 ቦሌይ ኦላሰ ገረ ኡቲዳ ፓራ ዳኔሰ። ቦሊያ ሁዔን ዋርቃ ካላቸ ዴዲሰ፤ ከነታ ሶሞዖይካ አሳ ሶሞዖ ዳኔሰ።

8 ኢያ ቢናናይ ማጫሳ ቢናና ሚላ አዲሴ። ከነታ አቻይካ ጋሞ አቸ ዳኔሰ። 9 ከነታው ቲራ ቦላ ዋሊያ ቢራታ ፀሩሬይ ዴዲሰ፤ ከነታ ቄፊያ ገርሳይ ኦሌታናው ጋላቢያ ፓራኔ ፓራ ጋራ ገርሳ ሚላ። 10 ከነታው ኮርኔ ጎይና ዳኒያ ጎይኒኔ ዲኪያ ዩሺ ዴዲሰ። ሄ ጎይናን ኢቻሹ አጌና አሳ ቆሃና ሚላ ማቲ አሜቲሰ። 11 ከነታና ሃሪያ ካሞይ ዴዲሰ፤ ሄ ካሞይ ኦላ ከታንቸባ። ኢያ ሱንላይ ኢብራይሰፃ ደናን አብደና፤ ቃሲ ገሪኬ ደናን አጸለዮና ጌቲቲሰ። ኢያ ሱንላ ቢርሼላይ «ዳይሴይሳ» ጉሰ።

12 ኮይር አዬይ አዲሰ፤ ሄኮ፡ ቡር ሃራ ናሞዑ አዬቲ ኤሶን ሃናና።

13 ኡሱፑንላ ከታንቸይ ባ ሞይዚያ ፑኒሰ። ያሳ ሲንላን ኤቁዳ፡ ዋርቃ ያርሾ ቤሳን ዴዲያ ኦይዲ ካጩታፔ ኢሲ ገርሲ ሲዓሰ። 14 ሄ ገርሳይ ሞይዜ ኦይኪዳ ኡሱፑንላ ከታንቸባኮ፡ «ኤፊራዲሴ ገያ ገታ

7:14 ዳኔ 12:1፤ ማቶ 24:21፤ ማር 13:19 7:16 ኢሳ 49:10 7:17 ማዝ 23:1፤ ሃዝ 34:23፤ ማዝ 23:2፤ ኢሳ 49:10፤ ኢሳ 25:8
8:5 ለዌ 16:12፤ ሃዝ 10:2፤ ከሳ 19:16፤ ዮቆ 11:19፤ 16:18 8:7 ከሳ 9:23-25፤ ሃዝ 38:22 8:10 ኢሳ 14:12 8:11 ኤር
9:15 8:12 ኢሳ 13:10፤ ሃዝ 32:7፤ ኢዩ 2:10 9:2 ሜዴ 19:28 9:3 ከሳ 10:12 9:4 ሃዝ 9:4 9:6 ኢዩ 3:21፤ ኤር 8:3
9:7 ኢዩ 2:4 9:8 ኢዩ 1:6 9:9 ኢዩ 2:5 9:13 ከሳ 30:1

ሻፋን ቃሾቲዳ ኦይዱ ከታንቸታ ቢርሻ» ያገለገሉ። 15 ቢታ ቦላ ደዲያ አሳፔ ሲኩዋ ዋዳና ማላ ሄ ሳቲያሰ። ሄ ጋላሳሰ። ሄ አገናሲኔ ሄ ላይላሰ ገገዲ ኡቲዳ ኦይዱ ከታንቸቲ ቢርሾቲዳሶና። 16 ኦላ ፓራ ቶጊያ ኦላንቸታ ፓይደይ ዳር ፀቱ ማሎኔ ገዳይሳ ሲሳሰ።

17 ቃሲ ታ ቆንጮላን ፓራታኔ ሄ ፓራታ ቶጊዳ አሳ ቤሳሰ። ሄ አሳይ ቲራን ዋሊያ ቢራታ ፀሩሬይ ታማ ቦንቆ ማላ ዘዎ፣ ያከንቴ ማላ፣ ካሬላ ካሎሴ ማላኔ ዲኔ ማላ ጨሊሎ። ፓራታ ሁዔይ ጋሞ ሁዔ ማላ፤ ኤንታ ደናፔ ታሚ፣ ጨዩኔ ዲኔይ ከዩሰ። 18 ፓራታ ደናፔ ከዩዳ ታማን፣ ጨያኒኔ ዲኒያን ሄ ሄቸ ጋደታን ሳሳን ደዲያ አሳፔ ሲኮይ ሃይቁሰ። 19 ሄ ፓራታ ዋልቃይ ኤንታ ደና ገደኒኔ ሳይናን ደዲያ። ኤንታ ሳይናይካ ሸሻ ሁዔ ማላ፤ ኤንቲ ኢያራ አሳ ቆሆሶና።

20 ሃ ጋደታፔ አቲዳይሳቲ ባንታ ኩሼ ኦሱዋፔ ሲሚቦኮና። ኤንቲ ቱና አያናን ዋርቃሬ፣ ቢራፔ፣ ናሴ ቢራታፔኔ ሹቻሬ ኦሴቲዳ ኤቃሰ ሳይናሶና። ፀላናው፣ ሲሳናው፣ ሃሙታናው ዳንዳዎና ኤቃታሰ ሳይኔይሳ አገሶኮና። 21 አሳይ ዋዴይሳ፣ ቢቴይሳ፣ ላይማቴይሳኔ ካይሴይሳ አገዲ ማርታ ኦይቸቦኮና።

10

ከታንቸታ ጉላ ማፃፋ

1 ሃሳሬ ጉዬ፣ ታ ሃራ ዋልቃማ ከታንቸታ ሳሎፔ ሳሳ ዋዴሺን ቤሳሰ። ኢ ሻራ ማዲሰ፤ ኢያ ሁዔያ ቦላ ዙላይ ደዲያ። ኢያ ሶምዎይ አዋ ማላ፤ ኢያ ቶሆይ ታማ ቱሳ ማላ። 2 ሄ ከታንቸታ ደያ ደዲያ ኢሲ ጉላ ፃላ ማፃፋ ባ ኩሼን ኦይኪዲ፣ ባ ኡሻቻ ቶሆዋ አባ ቦላ፣ ባ ሃዲርሳ ቶሆዋ ቢታ ቦላ ኤሰሰ። 3 ጉዲያ ጋሞዳ ባ ቃላ ቋቂ ኦላዲ ዋሲሰ። ኢ ዋሲዳ ዋዴ ላፑን ዳዳቲ ባንታ ጉንላ ሲሲደሶና።

4 ላፑን ዳዳቲ ኦይቲዳ ዋዴ ታ ፃፋናው ገገታሰ። ሺን ሳሎፔ፣ «ላፑን ዳዳቲ ኦይዳይሳ ማታሚን ሳርዳሬ አቲን ፃሮፓ» ያገያ ገርሳ ሲሳሰ።

5 ያቲዲ፣ አባ ቦላኔ ቢታ ቦላ ኤቁዳ፣ ታ ቤዲዳ ከታንቸታ፣ ባ ኡሻቻ ኩሼያ ሳሎ ፑዴ ማጨሰ። 6 ኢ ማጨዲ ሳሎኒኔ ኢያ ገደን ደዲያ ኡባ፣ ሳሳኒኔ ኢያ ገደን ደዲያ ኡባ፣ አባኔ ኢያ ገደን ደዲያ ኡባ ማዲዳ፣ ማሪናው ደዲያ ያሳ ሱንላን ጨቁዳ፣ «ሃዘፔ ጉዬ፣ ያሳይ ጋሞዳና። 7 ሺን ላፑንላ ከታንቸታ ባ ሞይዚያ ፑኒያ ዋዴ ያሳይ ባ አይሌ ገዲዳ ናቤታ ባጋራ ቆንጨሲዳ ፀራ ቆፋይ ፖሌታና» ያገሰ።

8 ሃሳሬ ጉዬ፣ አባ ቦላኔ ቢታ ቦላ ኤቁዳ፣ «ኢያ ኩሼን ደዬቲዲ ደዲያ ፃላ ማፃፋ ከታንቸታ ኩሼፔ ኤካ» ያገዲ ናምዓንሉ ታው ኡዲሺን ሲሳሰ።

9 ታኒ ሄ ከታንቸታ ባዳ፣ ጉላ ፃላ ማፃፋ ኢማ ጋዳ ኦይቻሰ። ኢ ታኮ፣ «ኤካዳ ማ፤ ኢ ኔ ኡሎን ጨማና፣ ሺን ኔ ደናን ኤሳዳ ማልዳና» ያገሰ።

10 ታኒ ከታንቸታ ኩሼፔ ሄ ጉላ ፃላ ማፃፋ ኤካዳ ማሰ፤ ታ ደናን ኤሳዳ ማልዳሰ። ሺን ታ ኡሎን ጨሚሰ። 11 ሃሳሬ ጉዬ፣ ታኮ፣ «ኔኒ ያራ ኡባሰ፣ ዴሬ ኡባሰ፣ ደማ ደማ ደናን ኦይቲይሳታሲኔ ካዎታሰ ቲንቢቴ ዛራ ኦዳናው ቤሴሰ» ያገሰ።

11

ናምዑ ማርካታ

1 ሃሳሬ ጉዬ፣ ታው ዋዳ ፃምዓ ኢሚዲ፣ «ባዳ ያሳ ኬላኔ ያርሾ ቤሳ ዋዳ፤ ያን ሳይኒያ አሳታካ ፓይዳ።

2 ሺን ያሳ ኬላ ካሬ ዳባባይ አይሁዴ ገደና አሳሰ ኢሚቲዳ ገሾ ዋዶና አጋጋ። አይሁዴ ገደና አሳይ ገሻ ካታማ ኦይታማኔ ናምዑ አገና ሃራና። 3 ታኒ ካሌ ማዲዳ ታ ናምዑ ማርካታ ከታና፤ ኤንቲ 1260 ጋላሰ ቲንቢቴ ኦዳና» ያገሰ።

4 ሄ ናምዑ ማርካቲ አላሚያ ጎዳ ሲንላን ኤቁያ ናምዑ ሻማሆ ሚሳታኔ ናምዑ ያምፔ ዋሊያ ኮጫታ።

5 ኦኒካ ኤንታ ቆሃናው ኮይኮ ኤንታ ደናፔ ታሚ ከዩዲ፣ ኤንታ ሞርኬታ ጳይሴሰ። ኤንታ ቆሃናው ኮያ ኦኒካ ሃሳዳ ሃይቃና። 6 ኤንቲ ቲንቢቴ ኦዲያ ዋዴ ኢሪ ቡኮና ማላ ሳሎዋ ሳርዳናው ኤንታው ማቴ ደዲያ። ኤንታው ሃሌ ሱላ ከሳናው፣ ቃሲ ኤንቲ ኮዩዳ ማላ ቢታ ዲማ ዲማ ጋደን ጳይሳናው ኤንታው ማቴ ደዲያ።

7 ኤንቲ ባንታ ማርካቲላ ኦንገዳፔ ጉዬ፣ ኦላሬ ከያ ደዳይ ኤንታና ኦላና። ሄ ደዳይ ኤንታ ያናና፤ ዋዳና።

8 ኤንታ ሳይይ ማሰቃሊያ ቦላ ካቁቲዳ ገታ ካታማ ኦጊያ ቦላ ኤንታ አሃይ ዩጌታና። ሄ ካታማይ ለሚሶን ሶዶሜ ዋይኮ ገብጻ ጌቴቲ ጸጌቴሰ። 9 ቃሲ ዙሬላ ኡባሬ፣ ያራ ኡባሬ፣ ደማ ዲማ ደናፔኔ ካዎቴላ ኡባሬ ዩዳ አሳይ ኤንታ አሃ ሄቸ ጋላሲኔ ባጋ ጋካናው ቤሳና።

ኤንታ አሃይ ሞጌቶና ማላ አሳይ ዲጋና። 10 ሃ ናምዑ ናቤቲ ሳሳን ደዲያ አሳ ዋይሲዳ ገሾ አሳይ ኤንታ ሃይቁዋን ኡፋይታና። ባንታ ኡፋይሳ ቤሳናው ኢሶይ ኢሱዋሰ አምታ አማና።

11 ሄቸ ጋላሲኔ ባጋሬ ጉዬ፣ ዴዎ አያናይ ያሳ ማታፔ ዩዲ ኤንታን ጌሊን፣ ኤንቲ ዴንዲ ኤቁደሶና። ኤንታ ቤዲዳ ኡባይ ገታ ያሺ ያዩደሶና። 12 ሃሳሬ ጉዬ፣ ሄ ናምዑ ናቤቲ፣ «ሃ ፑዴ ከዩቲ» ገያ ቃላ ሳሎፔ ሲዲደሶና። ኤንታ ሞርኬቲ ኤንታና ቤዲሺን፣ ኤንቲ ሻራን ጌሊዲ ፑዴ ሳሎ ቢደሶና።

13 ሄ ሳቲያን ቢታይ ዋልቃማ ቃዎ ቃዳን፣ ካታማፔ ታማንሉ ኩሼይ ጳይሰ። ቃሲ ቢታ ቃዳን ላፑን ሙኩሉ አሳይ ሃይቁሰ። አቲዳ አሳይ ዳር ኮኮሪዲ ባቢዲ፤ ሳሎ ያሳሰ ቦንቸ ኢሚደሶና።

14 ናምዓንሉ አዬይ አዲሰ፣ ሺን ሄኮ ሄቸንሉ አዬይ ኤሶን ያና።

ላፑንላ ሞይዚያ

15 ላፑንላ ከታንቸታ ባ ሞይዚያ ፑኒሰ። ሳሎፔ፣ «ሳሳ ካዎቴላይ ኦ ጎዳሲኔ ከሪሰቶሳሰ ገዲሰ፤ ኢ ማሪናፔ ማሪና ጋካናው ሃራና» ያገያ ዋልቃማ ቃላይ ሲዳቲሰ። 16 ያቲን፣ ያሳ ሲንላን፣ ባንታ አራታን ኡቲዳ ላታማኔ ኦይዱ ጨማቴ ጉፋኒዲ፣ ያሳሰ ሳይኒዲ፣

17 «ሃዲካ ካሴካ ደዲያሰ፣ ጎዳው፣ ኡባሬ ዋልቃማ ያሳው፣

ኔኒ ገታ ዋልቃ ኦይካዳሳ። ኔኒ ሃራናው ደሚዳ ገሾ

ኔኒ ኔና ጋላቶሰ። 18 አይሁዴ ገደና አሳይ ሃንቁቲደሶና፣ ሺን ኔ ሃንቆይ ዩሰ።

9:20 ማዘ 115:4 10:5 ከሳ 20:11፤ ዛሬ 32:40፤ ዳኔ 12:7፤ አሞ 3:7 10:8 ሂዘ 2:8-3:3 11:1 ሂዘ 40:3፤ ዛካ 2:1 11:2 ሉቃ 21:24 11:4 ዛካ 4:3 11:6 1ካዎ 17:1፤ ከሳ 7:17 11:7 ዳኔ 7:7፤ ዮ.ቆ 13:5 11:8 ኢሳ 1:9 11:11 ሂዘ 37:10 11:12 2ካዎ 2:11 11:13 ዮ.ቆ 6:12፤ 16:18 11:15 ከሳ 15:18፤ ዳኔ 2:44፤ 7:14 11:17 ከሳ 3:14 11:18 ማዘ 2:5፤ 110:5፤ 115:13

ሃይቂዳይሳታ ቦላ ኔ ፐርዲያ ዎዴይ ዩስ።
 ኔኒ ኔ ኣይሌታ፥ ናቤታስ
 ጌሻታሲኔ ኔ ሱንሳስ ያይይሳታስ።
 ጉሳታሲኔ ጌታታስ፥ ኤንታ ኦሱዎዳ ኢሚያ ዎዴይ
 ጋኪስ።
 ኣላሚያ ዳይሴይሳታ ዳይሴያ ዎዴይ ዩስ።
 ያጊደሶና።
 19 ሳሎን ዴዲያ ያሳ ከላይ ደዬቲስ፤ ኢያ ጊደን
 ያሳ ጫቆ ታቦቲይ ቤንቲስ። ቃሲ ዎልዳንሳ ዎልዳሚስ።
 ዴሾይ ዴቸስ፤ ዳዲ ዳቂስ፤ ቢቲ ቃዲስ፤ ሻቸ ቡኪስ።

12

ማጫሲውኔ ዳዊያ

1 ሃሳፌ ጉዬ፥ ሳሎን ዎልቃማ ማላቲ ቤንቲስ። ኣዎ
 ማዳዳ፥ ኣጌና ቦላ ኤቃዳ፥ ታማኔ ናምቡ ያለንቶ ካላቻ
 ባ ሁዔን ዎሊዳ ዴዲያ፥ ኢሲ ማጫሲያ ቤንታሱ። 2 ሃ
 ማጫሲያ ቃንጮሽን፥ ኢዮ ኢቄላ ኦይኪን ኤንዔታዳ
 ዎሳሱ።
 3 ቃሲ ሃራ ማላቲ ሳሎን ቤንቲስ። ላፑን ሁዔቲኔ
 ታሙ ካጩቲ ዴዲያ ጌታ ዘፆ ዳዊይ ቤንቲስ። ኢ
 ባ ሁዔታ ቦላ ላፑን ካላቻ ዎሊስ። 4 ሃ ዳዊይ ባ
 ጎይናን ያለንቶታ፤ ሲኩዎ ሳሎ፤ ዳፊዲ ሳዓን ዩሊስ።
 ሃ ዳዊይ ናዓይ ዩሌቲ ዎዲዳ ማላ ሚታናው ኮዩዲ፥
 ዩላናው ኤቄቲያ ማጫሴ ሲንሳን ኤቄስ።
 5 ሃ ማጫሲያ ካዎቲላ ኡባ ቢራታ ፃምዓን ሃራናው
 ዴዲያ ኣዴ ናዓ ዩላሱ። ናዓይ ያሳኮኔ ኢያ ኣራታኮ ፑዴ
 ኤኬቲስ። 6 ማጫሲያ 1260 ጋላስ ጋካናው ኢዮ ናጋና
 ማላ ያሳይ ኢው ጊሊሲ ዎሊዳ ቤሳ ባዘ ቢታ ባቃታሱ።
 7 ሳሎን ኦሊ ማዴቲስ። ሚካዔሌይ ባ ኪታንቸታራ
 ዳዊያራ ኦሌቲስ፤ ዳዊይ ባ ኪታንቸታራ ጊዲዲ ዛሪ
 ኦሌቲስ። 8 ሺን ዳዊይ ያኔቲዲ ሳሎን ኤንታው ዴዲያ
 ቤሲ ዳዩደሶና። 9 ጌታ ዳዊይ፥ ቤኒ ሾሻይ፥ ሳዓን
 ዩኔቲስ። ኢካ ዳቡሎሳ ዎይኮ ፃላሂ ጌቲቲያ ኣላሚያ
 ባሌይሳ። ኢ ባ ኪታንቸታራ ኢሲፌ ዳጌ ኣላሚያ
 ዩኔቲስ።
 10 ሃሳፌ ጉዬ፥ ሳሎን ሃይሳዳ ያጊያ ቃላ ሲዓስ።
 «ሃዒ ኣቶቲላይ፥ ዎልቃይኔ ካዎቲላይ፥ ኦ ያሳሳ፤
 ማታይ ኪሪሰቶሳስ ጊዲስ።
 ሃዛ፥ ቃማኔ ጋላስ ያሳ ሲንሳን፥
 ኦ ኢሻታ ዋቲይሲ ሳሎ፤ ዳጌ ሆሌቲስ።
 11 ኤንቲ ደርሳ ሱሳኒኔ ባንታ ማርካቲላ ቃላን፥
 ኢያ ኦሊዲ ያኒደሶና።
 ኤንቲ ባንታ ሺምፑዎስ ሚሼቶና
 ባንታና ሃይቆስ ኣሉ ኢሚደሶና።
 12 ሃሳ ጊሾ፥ ሳሎኒኔ ኢያ ጊደን ዴዲያ ሳቶ ኡፋይቲቲ።
 ሺን ቢታኔ ኣባ ኣዬ!
 ሃዛ፥ ፃላሂይ ባው ጉላ ዎዴይ ኣቲዳይሳ ኤሪዳ ጊሾ
 ዎልቃማ ሃንቆን ሃንቲኮ ዎዲስ»
 ያጊስ።
 13 ቃሲ ዳዊይ ባና ሳዓ ዩጊዳይሳ ቤዒዳ ዎዴ ኣዴ
 ናዓ ዩሊዳ ማጫሲው ጎዲስ። 14 ማጫሲው ሾሻይ
 ቆሆና ማላ ሃዙ ላይሊኔ ባጋ ማሼኔ ኡያሼ ኢያ ናጌቲያ
 ቤሲ ባዘ ቢታ ፕራዳዳ ባና ማላ ናምቡ ዎልቃማ
 ኣርጋንላ ቁፌይ ኢው ኢሜቲስ።

15 ያቲዲ፥ ማጫሲው ዲያይ ዲዒዲ ኤፋና ማላ
 ዳዊይ ሻፋ ሃላ ማላ ባ ደና፤ ማጫሴ ጉዬራ ጮዩስ።
 16 ሺን ቢታይ ማጫሲው ማዲስ፤ ቢታይ ባ ደና
 ደዩዲ ዳዊያ ደና፤ ከዩዳ ሃላ ሚቲስ። 17 ሃ ዳዊይ
 ማጫሴ ቦላ ዳር ሃንቄቲዲ፥ ኢ ዜራላታ፥ ያሳ ኪታ
 ናጌይሳታኔ ዩሱሲ ቆንጪሲዳ ቱማስ ኣማኔቲዳይሳታ
 ኦላናው ቢዲ። 18 ኣባ ጋፃን ዴዲያ ሻፊያን ኤቄስ።

13

ናምቡ ደዓታ

1 ሃሳፌ ጉዬ፥ ኢሲ ደዓይ ኣባፌ ከዩሺን ቤዓስ።
 ኢያው ታሙ ካጩይኔ ላፑን ሁዔይ ዴዲስ። ሃ ታሙ
 ካጩታ ቦላ ታሙ ካላቻቲ ዴደሶና። ሃ ሁዔታ ቦላ
 ያሳ ጫሻ ሱንሳቲ ፃፊቲዲ ኡቲስ። 2 ታ ቤዒዳ ደዓይ
 ማሃ ዳኔስ፤ ኢያ ቶሆይ ባባንሳ ቶሆ ማላ፤ ኢያ ደናይካ
 ጋዎ ደና ዳኔስ። ዳዊይ ባ ዎልቃ፥ ባ ኣራታኔ ባ ጌታ
 ማታ ሃ ደዓስ ኢሚስ።
 3 ሃ ደዓ ሁዔያ፤ ኢሱዎ ቦላ ሃይቆስ ጋሊያ ማዲንላ
 ቤዓስ፥ ሺን ሃ ማዲንላይ ፓዲስ። ኣላሚያ ኣሳ ኡባይ
 ማላሌቲዲ ሃ ደዓ ካሊስ። 4 ዳዊይ ባ ማታ ደዓስ
 ኢሚዳ ጊሾ ኣሳ ኡባይ ዳዊያ ጎይኒደሶና። ቃሲ ኣሳይ፥
 «ደዓ ማላ ኦኔ? ኢያራ ኦሌታናው ዳንዳዔይ ኦኔ?»
 ያጊዲ ደዓስ ጎይኒደሶና።
 5 ሃ ደዓስ ኦቶርታና ማላኔ ጫያና ማላ ደኒ
 ኢሚቲስ፤ ኦይታማኔ ናምቡ ኣጌና ሃራና ማላ ማቲ ኢያው
 ኢሚቲስ። 6 ሃ ደዓይ ያሳ፥ ኢያ ሱንሳ፥ ኢ ዴዲያ ቤሳኔ
 ሳሎን ዴዲያ ኡባ ቃንጌላ ኦይኪስ። 7 ሃ ደዓይ ጌሻታራ
 ኦሌቲዲ፥ ኤንታና ያናና ማላ ዎልቂ ኢያው ኢሚቲስ። ያራ
 ኡባ፥ ዴሪ ኡባ፥ ዴማ ዴማ ደና ኡባ ቦላኔ ዜራላ ኡባ
 ቦላ ማቲ ኢያው ኢሚቲስ። 8 ኣላሚያ ማዴቶሳ፤
 ደሚዳ፥ ሹኬቲዳ ደርሳ ዴዎ ማፃፋን ኤንታ ሱንሳይ
 ፃፊቶና ሃ ሳዓን ዴዲያ ኣሳ ኡባይ ሃ ደዓስ ጎይና።
 9 ሲዒያ ሃይላ ዴዲያ ኣሲ ሲዮ። 10 ኣኒካ ዲዒታናው
 ዴዲያ ዴዲቲስ። ማሻን ሃይቃናው ዴዲያ ማሻን
 ሹኬታና። ሃሳንካ ጌሻታ ዳንዳዔይ ኣማኖይ ኤራታና።
 11 ቃሲካ፥ ሃራ ደዒ ሳዓ፤ ከዩሺን ቤዓስ። ኢያው
 ደርሳ ካጩ ዳኒያ ናምቡ ካጩይ ዴዲስ፤ ኢያ ሃሳያይ
 ዳዊይሳ ማላ። 12 ሃ ደዓይ ኮይሮ ደዓ ቤሳን፥ ኢያ
 ማታን ኦሌስ። ኢካ ሃይቆስ ጋሊያ ማዲንላፌ ፓዲዳ
 ኮይሮ ደዓስ፤ ቢታን ዴዲያ ኣሳ ኡባይ ጎዩናና ማላ
 ኦሌስ። 13 ሃ ናምዓንላ ደዓይ ሃሪ ኣቶሺን፥ ታማ
 ሳሎ፤ ኣሳ ኡባ ሲንሳን ዎዲሳና ጋካናው ጌታ ማላታታ
 ኦሌስ። 14 ኮይሮ ደዓ ቤሳን ኦላና ማላ፥ ኢያው
 ኢሚቲዳ ማላታታን ሳዓን ዴዲያ ኣሳ ኡባ ኢ ባሌላስ።
 ማሻን ማዲንዲዳ ፓዲዳ ደዓ ቦንቸስ ሚሲሌ ጊሊሳና
 ማላ ኤንታና ኪቲስ። 15 ናምዓንላ ደዓይ ኮይሮ ደዓ
 ሚሲሊያስ ሺምፖ ኢሚዲ ኦይታና ማላኔ ኢያው
 ጎይናይሳቲ ሃይቃና ማላ ኦሌያ ማቲ ኢሚቲስ።
 16 ሃ ናምዓንላ ደዓይ ጌቲኔ ጉላ፥ ማንቆይኔ ዴሬይ፥
 ዎማኖይኔ ኣይሌይ ባ ኡሻቻ ኩሺን ዎይኮ ባ ሶምዮን
 ማላ ዎላና ማላ ኦሌስ። 17 ሃ ደዓ ሱንሳይ ዎይኮ ኢያ
 ሱንሳ ፓይዲዎ ማላይ ባይና ኣሲ ኦኒካ ባይዛናውኔ
 ሻማናው ዳንዳዔና።

11:19 ዮ.ቆ 8:5፤ 16:18፤ 21 12:3 ዳኔ 7:7 12:4 ዳኔ 8:10 12:5 ኢሳ 66:7፤ ማዘ 2:9 12:7 ዳኔ 10:13 12:9
 ማዴ 3:1፤ ሉቃ 10:18 12:10 ኢዮ 1:9 12:14 ዳኔ 7:25፤ 12:7 13:1 ዳኔ 7:3፤ ዮ.ቆ 17:3 13:2 ዳኔ 7:4 13:5 ዳኔ
 7:8፤ 25፤ 11:36 13:7 ዳኔ 7:21 13:8 ማዘ 69:28 13:10 ኤር 15:2፤ 43:11

18 ጨንጨቴላ ኮሺይ ሄሳና። ኤራቴላ ዳዲያ ኦኒካ ሄ ደዓ ፓይዲዋ ቢርሽላ ኤር፤ ሄ ፓይዲይ ኦሳ ሱንላ። ሄ ፓይዲይ ኡሱፑን ጃታኔ ኡሱፑን ታማኔ ኡሱፑና።

14

ደርሳኔ 144፡000 ኦሳ

1 ሄሳፊ ጉዬ፣ ደርሳይ ዓዮኔ ዳሪያ ቦላ ኤቁዳይሳ ቤዓስ። ኢያራ ኢያ ሱንላይኔ ኢያ ኦሞ ሱንላይ ኢንታ ሰምዖን ፃፊቲዳ፣ 144፡000 ኦሳይ ዳዕስ። 2 ሳሎፔ ገታ ሃላ ጉንሱኔ ዳዳ ጉንሱ ዳኒያ ዋልቃማ ገርሲ ሲዓስ። ቃሲ ታ ሲዳዳ ገርሳይ ዲላ ዲዲሸን ሲዳቲያ ገርሳ ማላ። 3 144፡000 ኦሳይ ኦሪታ ሲንላን፣ ኦይዲ ዳዖን ዳዲያ ማዴቴላታ ሲንላኒኔ ጨማታ ሲንላን ኤቁዲ ኢንታፊ ሃራ ኦኒካ ታማራናው ዳንዳዖና ኦራላ ማዘሙራ ዩዲዳሶና። 4 ሃይሳቲ ማጫሳራ ባንታና ቱኒሶና ናጊዳ ጌሻታ። ኢንቲ ደርሳይ ቢያሶ ኡባ ካሎሶና። ኢንቲ ያሳሲኔ ደርሳስ ባይራ ገዲዲ፣ ሸቃናው ሳዓ ኦሳ ገደፊ ዋዜቲዳሶና። 5 ኢንቲ ዋርዶይኔ ቦሬይ ባይና ኦሳታ።

ሄቭ ኪታንቸታ

6 ሄሳፊ ጉዬ፣ ሜሪና ዋንጌላ ሳዓ ቦላ ዳዲያ ካዋቴላ ኡባስ፣ ዘሬላ ኡባስ፣ ያራ ኡባሲኔ ዳማ ዲማ ደና ኡባስ ማርካታናው ሳሎራ ፒራዲያ ሃራ ኪታንቸ ቤዓስ።

7 ሄ ኪታንቸይ ባ ቃላ ቶቁ ኦሊዲ፣ «ያሳይ ኦላሚያ ፐርዲያ ሳቲይ ጋኪዳ ገሾ ያሳስ ያዩቲ፤ ኢያ ቦንቸቲ። ሳሎ፣ ሳዓ፣ ኦባኔ ፑልቶ ሃላ ማዲዳ ያሳ ጎይኒቲ» ያገሰ።

8 ኮይሮይሳ ካሊዲ ሃራ ናምዓንሉ ኪታንቸይ፣ «ዳሬ ኡባ ቱናኔ ማላያ ዋይኔ ኡሸዳ፣ ገታ ባቢሎኔይ ኩንዳሱ! ኩንዳሱ!» ያገዲ ዋሲሰ።

9 ሄቭንሉ ኪታንቸይ ኢንታ ካሊዲ፣ ባ ቃላ ቶቁ ኦሊዲ፣ «ደዓኔ ኢያ ሚሲሊያ ጎይኒያ ቃሲ ኢያ ማላ ባ ሰምዖን ዋይኮ ባ ኩሸን ዋሊያ ኦኒካ ዳዲኮ።

10 ኢ ሃንቆ ፀዓን ኩሚዳ ያሳ ሃንቆ ዋይኒያ ኡያና። ኢንቲ ጌሻ ኪታንቸታ ሲንላኒኔ ደርሳ ሲንላን ኤዲያ ዲኔ ታማን ዋይታና። 11 ኢንታ ዋያ ጨያይ ሜሪ ሜሪናው ጨዩሼ ዳና። ደዓኔ ኢያ ሚሲሊያ ጎይኔይ ቃሲ ሄ ደዓ ሱንላ ማላይ ዳዲያ ኦኒካ ቃማኔ ጋላስ ሸምፖይ ባይና ካዔታና» ያገሰ።

12 ያሳ ኪታ ናጌይሳቲኔ ዬሱሳ ኦማኔቴይሳቲ ጌንጨያ ሚናቴላይ ቆንጨያ ዋይይ ሄሳ።

13 ሄሳፊ ጉዬ፣ «ሃዛፔ ጎዳን ሃይቄይሳቲ ኦንጃቲዳይሳታ» ያገደ ቃላ ሳሎፔ ሲዓስ።

ኦያናይ፣ «ኤ ቱማ፣ ኢንታ ኦሶይ ኤንታ ካሊያ ገሾ ኢንቲ ባንታ ዳቡራፔ ሸምፓና» ያገሰ።

ካላ ሸሾ ዋዴ

14 ሄሳፊ ጉዬ፣ ቦላ ሻራ ቦላ ኡቲዳ ኦሳ ናዓ ዳይይሳ ቤዓስ። ኢ ባ ሁዓን ዋርቃ ካላቻ ዋሊሰ፤ ቃሲ ባ ኩሸን ባጫ ኦይኪስ። 15 ሃራ ኪታንቸይ ያሳ ኬላፊ ኬዩዲ፣ ሻራ ቦላ ኡቲዳይሳኮ ባ ቃላ ቶቁ ኦሊዲ፣ «ካላ ሸሾ ዋዴይ ጋኪዳ ገሾ ኔ ባጫ ዬዳዳ ካላ ጫካ፤ ሳዓን ዳዲያ ካላይ ጋኪስ» ያገሰ። 16 ያቲን

ሻራ ቦላ ኡቲዳይሲ ባ ባጫ ሳዓ ዬዲዲ፣ ሳዓን ዳዲያ ካላ ጫኪስ።

17 ቃሲካ ሳሎን ዳዲያ ያሳ ኬላፊ ሃራ ኪታንቸይ ኬዩስ፤ ኢያወካ ኦጫ ባጫ ዳዕስ።

18 ታማ ቦላ ማቲ ዳዲያ ሃራ ኪታንቸይ ያርሾ ቤሳፊ ኬዩስ። ኢ ባ ቃላ ቶቁ ኦሊዲ ኦጫ ባጫ ኦይኪዳ ኪታንቸዋኮ፣ «ዋይኔ ኦይፊይ ቴሪዳ ገሾ ኔ ኦጫ ባጫ ዬዳዳ፣ ሳዓን ዳዲያ ዋይኒያፔ ቃንፃ» ያገሰ።

19 ሄ ኪታንቸይ ባ ባጫ ዬዲዲ፣ ሳዓን ዳዲያ ዋይኒያፔ ቃንፃዲ፣ ያሳ ገታ ሃንቆዋ ጉምዲያ ቤሳን ዩገሰ። 20 ኢንቲ ካታማፔ ጋፃን ዳዲያ ዋይኔ ኦይፊ ጉምዲያ ቤሳን ዬዴቲዳሶና። ሱሊ ዋይኒያ ጉምዲያ ቤሳፊ ኬዩዲ ኢሲ ሙኩሎኔ ኡሰፑን ጃቲ ኪሎ ሚቲራ ማላ ሃኪዲ፣ ፓራ ፑሎ ጋኪያ ማላ ኤሊዲ ቶቁ ገሰ።

15

ወርሴላ ቦሻታ

1 ታኒ ሳሎን ሃራ ገታኔ ማላሊሲያ ማላታ ቤዓስ። ያሳ ወርሴላ ሃንቁዋ ቆንጨሲያ ላፑን ቦሻታ ኦይኪዳ ላፑን ኪታንቸቲ ዳዖሶና።

2 ቃሲ ታማራ ዋላኬቲዳ ቡርጩኮ ኦባ ዳይይሳ ቤዓስ። ሄ ኦባ ጋፃን ደዓ፣ ኢያ ሚሲሊያኔ ኢያ ሱንላ ታይቡዋ ያኒዳይሳታ ቤዓስ። ያሳይ ኢንታው ኢሚዳ ዲላ ኦይኪዲ ኤቁዳሶና። 3 ኢንቲ ያሳ ኦይሊያ ሙሴ ማዘሙራያኔ ደርሳ ማዘሙራያ ሃይሳዳ ያገደ ዬዖሶና። «ጎዳው፣ ኡባፊ ዋልቃማ ያሳው፣

ኔ ኦሶይ ገታኔ ማላሊሲያባ። ዳሬ ኡባ ካዋው፣ ኔ ኦጌይ ዲሎኔ ቱማ።

4 ጌሺ ኔ ፃላላ ገዲያ ገሾ ጎዳው፣ ኔው ያዮናይኔ ኔ ሱንላ ቦንቸናይ ኦኔ?

ኔ ዲሎ ኦሶይ ኦሳ ኡባስ ቆንጨፔ ገዲያ ገሾ ካዋቴላ ኡባይ ኔ ሲንሱ ዩዲ ጎይናና» ያገዲ ዬዖሶና።

5 ሄሳፊ ጉዬ፣ ሳሎን ደይቲዲ ዳዲያ ያሳ ኬላ፣ ኢካ ማርካቴላ ዳንካኒያ ቤዓስ። 6 ላፑን ቦሻታ ኦይኪዳ ላፑን ኪታንቸቲ ያሳ ኬላፊ ኬዩዳሶና። ኢንቲ ጌሺኔ ጰሊያ ሊኖ ማዖ ማዲዳሶና፤ ባንታ ቲራን ዋርቃ ዳንጮ ዳንጨዳሶና። 7 ኦይዲ ማዴቴላታፔ ኢሶይ፣ ማሪናው ዳዲያ ያሳ ሃንቆይ ኩሚዳ ላፑን ዋርቃ ፀዓታ ላፑን ኪታንቸታስ ኢሚስ። 8 ያሳ ቦንቸዋፊኔ ኢያ ዋልቃፊ ዳንደይሳን ያሳ ኬላይ ጨያን ኩሚስ። ላፑን ኪታንቸቲ ኦይኪዳ ላፑን ቦሻቲ ፖሊታና ጋካናው ያሳ ኬላ ኦኒካ ጌላናው ዳንዳዲሲና።

16

ያሳ ሃንቆይ ኩሚዳ ፀዓታ

1 ሄሳፊ ጉዬ፣ ያሳ ኬላፊ ላፑን ኪታንቸታኮ፣ «ቢዲ ያሳ ሃንቁዋ ላፑን ፀዓታፔ ሳዓን ጉሲቲ» ያገዲ፣ ኦዲያ ዋልቃማ ቃላ ሲዓስ።

14:1 ሂዝ 9:4፤ ዮ.ቆ 7:3 14:5 ሶፎ 3:13 14:8 ኢሳ 21:9፤ ኤር 51:8፤ ዮ.ቆ 18:2 14:10 ኢሳ 51:17፤ ሜዴ 19:24፤ ሂዝ 38:22 14:11 ኢሳ 34:10 14:14 ዳኔ 7:13-14 14:15 ኢዩ 3:13 14:20 ኢሳ 63:3፤ ኤር.ዜ 1:15፤ ዮ.ቆ 19:15 15:3 ኪሳ 15:1 15:4 ኤር 10:7፤ ማዝ 86:9 15:5 ኪሳ 38:21 15:8 ኪሳ 40:34፤ 1ካዎ 8:10 16:2 ኪሳ 9:10

2 ኮይሮ ከታንቸይ ቢዲ፣ ባ ፀዓን ዴዔይሳ ሳዓን ጉሲን፣ ደዓ ማላይ ዴዔይሳታ ቦላኔ ኢያ ሚሲሊያ ጎይኒዳይሳታ ቦላ ኢታኔ ዛሚያ ማዲንላ ኬዩሰ።

3 ናምዓንሉ ከታንቸይ ባ ፀዓን ዴዔይሳ ኣባን ጉሲን፣ ኣባይ ሃይቂዳ ኣሳ ሱሉ ዳኒሰ። ቃሲ ኣባን ዴዔያ ሜዴቲላ ኡባይ ሃይቂሰ።

4 ሃሸንሉ ከታንቸይ ባ ፀዓን ዴዔይሳ ሻፋታኒኔ ፑልቶ ሃላታን ጉሲን፣ ሃላቲ ሱሉ ገዲዶሶና። 5 ሃሳፌ ጉዬ፣ ሃላ ቦላ ማቲ ዴዔያ ከታንቸይ ሃይሳዳ ያገሺን ሲዓሰ። «ሃራካ ቤኒካ ዴዔያ ገሻው፣

ሃይሳዳ ኔ ፐርዲዳ ገሾ ኔኒ ዓሎ።

6 ኤንቲ ገሻታ ሱላኔ ናቤታ ሱላ ጉሲዳ ገሾ

ኤንቲ ሱሉ ኡያና ሜላ ኦላዳሳ።

ኤንቲ ባንታው ቤሲያባ ኤኪዶሶና»

ያገሰ። 7 ያርሾ ቤሳፌ፣

«ጎዳው፣ ኡባፌ ዋልቃማ ያሳው፣

ኔ ፐርዲዳ ቱማኔ ዓሎ»

ያገያ ቃላ ሲዓሰ።

8 ኦይዳንሉ ከታንቸይ ባ ፀዓን ዴዔይሳ ኣዋ ቦላ ጉሲን፣ ኣዋይ ባ ሴላን ኣሳ ፀጋና ሜላ ኣዋሰ ዋልቂ ኢሜቲሰ። 9 ኣሳይ ዋልቃማ ሴላን ፀገቲዲ፣ ሄ ቦሻታ ቦላ ማቲ ዴዔያ ያሳ ሱንላ ባዲዶሶና፤ ባንታ ናጋራፔ ሲሚዲ ያሳ ቦንቹቦሶና።

10 ኢቻሻንሉ ከታንቸይ ባ ፀዓን ዴዔይሳ ደዓ ኣራታ ቦላ ጉሲን፣ ሄ ደዓ ካዋቲላይ ቆሚሰ። ኣሳይ ኤንዓ ገሾ ባንታ ኢንፃርሳ ሳይሶና። 11 ቃሲ ኣሳይ ኤንዓ ገሾኔ ማዲንላ ገሾ ሳሎ ያሳ ባዲዶሶና፤ ባንታ ኦሊዳ ናጋራፔ ሲሚቦሶና።

12 ኡሱቸንላ ከታንቸይ ባ ፀዓን ዴዔይሳ ገታ ኤፊራዒሴ ሻፋን ጉሲን፣ ደሎሃ ባጋፌ ያና ካዋታሰ ኦጌይ ገጋና ሜላ ሃላይ ሜሊሰ። 13 ሃሳፌ ጉዬ፣ ሾጴ ዳኒያ ሃሸ-ቱና ኣያናቲ ዳዊያ ደናፔ፣ ደዓ ደናፔኔ ዋርዶ ናቢያ ደናፔ ኬዩሺን ቤዓሰ። 14 ኤንቲ ማላታታ ኦሊያ ቱና ኣያናታ። ሄ ሃሸ-ቱና ኣያናቲ ኡባፌ ዋልቃማ ያሳ ገታ ጋላሳን ሃናናው ዴዔያ ኦላሰ ሺሻናው ኣላሚ ካዋታ ኡባኮ ባና።

15 «ሄኮ፣ ታ ካይሶዳ ያና! ኣሳ ሲንላን ካሎቶናዳኔ ዬላቶናዳ ባርኪዲ፣ ባ ማዑዋ ናገያ ኡራይ ኣንጃቲዳይሳ!» ያገሰ።

16 ሄ ቱና ኣያናቲ ካዋታ ኢብራይሰኔ ደናን ኣርማጌዶኔ ገያ ቤሳን ሺሺዶሶና።

17 ላቸንላ ከታንቸይ ባ ፀዓን ዴዔይሳ ጫርኮ ቦላ ጉሲን፣ ያሳ ኬላን ዴዔያ ኣራታፔ፣ «ፖሌቲሰ» ያገያ ዋልቃማ ቃላይ ዩሰ። 18 ሃሳፌ ዋልዓንሉ ዋልዓሚሰ፤ ዳዳይ ቆቂሰ፣ ቢታይ ቃዒሰ። ኣሲ ሳዓን ሜዴቶሳፔ ቢቲ ሃሳ ሜላ ቃዖ ቃዒቤና። ሃሲ ኡባፌ ኣዲዳ ቃዖ። 19 ገታ ካታማይ ሃሸ ኬዩዲ ሻኬቲሰ፤ ቢታ ኡባን ዴዔያ ካታማቲ ቆዩዶሶና። ያሳይ ገታ ካታማ ባቢሎኔ ቆፒዲ፣ ባ ኢታ ሃንቆ ዋይኔ ኡሻይ ኩሚዳ ፀዓ ኢው ኢሚሰ።

20 ሃላን ቱቁቲዳ ቢታቲ ቆዩዶሶና፤ ዴሬቲካ ቤንቲቦሶና።

21 ኣሳ ቦላ ኦይታማኔ ኢቻሾ ኪሎ ገራሜ ሜላ ዴዔያ ዋልቃማ ሻቺ ሳሎፔ ቡኪሰ። ቦሻይ ዳር ኢታ ገዲያ ገሾ ኣሳይ ሻቻ ቦሻ ገሾ ያሳ ባዲዶሶና።

17

ገታ ላይማቲያ ማጫሰው

1 ላቸን ፀዓታ ኦይኪዳ ላቸን ከታንቸታፔ ኢሶይ ታኮ ዩዲ፣ «ሃያ፤ ዳር ሃላታ ቦላ ኡቲዳ ገታ ላይማቲያ ማጫሰ ቦላ ያናው ዴዔያ ፐርዳ ታ ኔና ቤሳና።

2 ኣላሚያ ካዋቲ ኢራ ላይማቲዶሶና፤ ኣላሚን ዴዔያ ኣሳይካ ኢ ላይማቲላ ዋይኒያ ኡዩዲ ማላቲዶሶና» ያገሰ።

3 ሄ ከታንቸይ ታና ጌሻ ኣያናን ባዞ ቢታ ኤፊሰ። ያን ኢሲ ማጫሰያ ጫሻ ሱንላይ ኢ ቦላ ኡባን ፃፊቲዲ ኡቲዳ፣ ዘዖ ደዓ ቶጊዳር ቤዓሰ፤ ሄ ደዓሰ ላቸን ሁዔይኔ ታሙ ካጩይ ዴዔሰ። 4 ሄ ማጫሰያ ካሎሴ ማዖኔ ዘዖ ማዖ ማዓሱ፤ ኢያ ዋርቃን፣ ቦንቸ ሹቻኒኔ ኢንቆ ገያ ኣልዖ ሹቻን ኣሌቁታሰ። ኢያ ባ ኩሼን ቦርሲያባኔ ላይማቲላ ቱናቲላን ኩሚዳ ዋርቃ ፀዓ ኦይካሱ። 5 ኢ ሶምዖን ፀራ ኦሶ ቢርሽላይ ዴዔያ ሱንላይ፣ «ገታ ባቢሎኔይ፣ ላይማቲላሰኔ ሳዓን ዴዔያ ቱናባ ኡባሰ ኣዮ» ያገያ ፀፊይ ፃፊቲዲ ኡቲሰ። 6 ቃሲ ሄ ማጫሰያ ጌሻታ ሱላኔ ዬሱሳሰ ማርካቲሼ ሃይቂዳይሳታ ሱላ ኡያዳ ማላቲዳር ታ ቤዓዳ ማላሌታሰ።

7 ከታንቸይ ታኮ፣ «ኔኒ ኣይሰ ማላሌታይ? ታኒ ኔው ማጫሰ ፀራኔ ኢያ ቶኪዳ ላቸን ሁዔይኔ ታሙ ካጩይ ዴዔያ ደዓ ፀራ ኦዳና። 8 ኔኒ ቤዒዳ ደዓይ ኮይሮ ዴዔሰ፣ ሺን ሃራ ባዋ። ሄ ደዓይ ጨዋ ኦላፊ ኬዩዲ ቆዮሰ ባና። ሳዓይ ሜዴቶሳፔ ደሚዲ፣ ዴዖ ማዓፋን ኤንታ ሱንላይ ፃፊቲቦና ሳዓን ዴዔያ ኣሳይ ደዓ ቤዒዲ ማላሌታና። ሂዛ፣ ኢ ካሴ ዴዔሰ፤ ሃራ ባዋ፣ ሺን ሲንላፊ ያና።

9 «ሃይሲ ጨንጫቲላኔ ኣኬካ ኮዬሰ። ላቸን ሁዔቲ ማጫሰያ ኡቲያ ላቸን ዴሬታ፤ ሄሳቲ ቃሲ ላቸን ካዋታ።

10 ኤንታፊ ኢቻሾ ካዋቲ ኩንዲዶሶና። ኢሶይ ሃራ ጋካናው ሃሬሰ፤ ሃንኮ ካዋይ ዩቤና። ኢ ዩዲ ጉላ ዋዴ ታካናው ቤሴሰ። 11 ሲንሌ ዴዒዳ ደዓይ፣ ሃራ ባይናይሲ፣ ኢ ባ ሁዔን ሆሰቸንላ ደዓ። ኢ ላቸን ደዓታፔ ኢሱዋ፤ ኢ ቆያናው ቤሰ።

12 ኔኒ ቤዒዳ ታሙ ካጩቲ ሃር ደሚቦና ታሙ ካዋታ። ሺን ኤንቲ ደዓራ ኢሲፊ ኢሲ ሳቲ ካዋቲዲ ሃራናው ኤንታው ማቲ ኢሜታና። 13 ኤንታ ኡባሰ ኢሲ ቆፋይ ዴዔሰ፤ ኤንቲ ባንታ ዋልቃኔ ባንታ ማታ ደዓሰ ኢማና። 14 ኤንቲ ደርሳራ ኦሌታና፣ ሺን ደርሳይ ጎዳታ ጎዳኔ ካዋታ ካዋ ገዲያ ገሾ ኢ ዪገዳይሳቲ፣ ደሪዳይሳቲኔ ኣማኔቲዳይሳቲ ሄ ካዋታ ያናና» ያገሰ።

15 ከታንቸይ ቃሲካ ታኮ፣ «ላይማቲያራ ኡቲዳ ሄ ኔኒ ቤዒዳ ሃላቲ ያራታ፣ ካዋቲላታ፣ ዜሬላታኔ ዴማ ዴማ ደናን ኦይቲይሳታ። 16 ቃሲ ኔኒ ቤዒዳ ታሙ ካጩይኔ ደዓይ ላይማቲያር ኢያና። ኤንቲ ኢው ዴዔያ ኡባባ ኤካና። ቃሲ ኢዮ ካሎ ኣሻናኔ ኢ ኣሹዋ ሚዲጋና፤ ያቲዲ ኤንቲ ኢዮ ታማን ፀጋና። 17 ሂዛ፣ ያሳ ቃላይ ፖሌታና ጋካናው ኤንታ ቆፋይ ኢሲያ ገዲና ሜላ ኤንቲ ባንታ ኣይሲያ ዋልቃ ደዓሰ ኢማናዳኔ ያሳይ ቆፒዳይሳ ኤንቲ ኦላናዳ ኤንታ ዋዛናን ያሳይ ኣዋ ዋሊሰ። 18 ሄ

16:4 ኬሳ 7:17 16:5 ኬሳ 3:14 16:10 ኬሳ 10:21 16:12 ኢሳ 11:15 16:15 ማቶ 24:43 16:16 2ካዋ 23:29፤ 4ካ 12:11 16:18 ዮ.ቆ 8:5፤ 11:13 16:19 ኢሳ 51:17 16:20 ዮ.ቆ 6:14 16:21 ኬሳ 9:23 17:1 ኤር 51:13 17:2 ኢሳ 23:17፤ ኤር 51:7 17:3 ዮ.ቆ 13:1 17:4 ኤር 51:7 17:8 ዳኔ 7:7፤ ዮ.ቆ 11:7፤ ማዝ 69:28 17:12 ዳኔ 7:24

ኔኒ ቤዲዳ ማጫሲያ ሳዓ ካዎታ ሃሪያ ጌታ ካታሚው» ያገሰ።

18

ባቢሎን ኩንዳዳ

1 ያቲዲ፡ ጌታ ማቲ ዳዲያ ሃሪ ኪታንቸይ ሳሎፕ ዎቋሺን ታ ቤዓሰ። ሄ ኪታንቸዋ ቦንቸይ ሳዓ ፖሊሲሰ።

2 ሄ ኪታንቸይ ባ ቃላ ቶቁ ኦሊዲ፡ «ኢያ ኩንዳሱ! ጌታ ባቢሎንይ ኩንዳሱ! ባቢሎንይ ቱና ኣያናቲ ኣቋያ ቤሲ ጌዲሱ። ዲማ ዲማ ኢታባታሰ ከሌ ጌዲሱ፤ ቱና ካፎቲኔ ደዓቲ ሸምፕያ ቤሲ ጌዲሱ።»

3 ኣሳ ዜሬሌ ኡባ ባ ላይማቴላ ዎይኒያ ኡሻሱ። ሳዓ ካዎቲ ኢራ ላይማቴዶሶና።

ኢ ሚኮቴላፊ ዳንዶይሳን ቢታን ዳዲያ ዘልዓንቸቲ ዱሬቲዶሶና» ያገሰ።

4 ሄሳፊ ጉዬ፡ ታ ሳሎፕ ሃይሳዳ ያጊያ ሃሪ ቃላ ሲዓሰ። «ኢ ናጋራ ኢራ ኮዖና ማላኔ፡ ኢያ ኤካናው ዳዲያ ሴራ ሂንቴ ኤኮና ማላ፡ ታ ዳሪያው ኢፕ ከዪቴ።»

5 ሂዛ፡ ኢ ናጋራይ ሳሎ ጋካናው ደሬቲሰ። ያሳይ ኢ ናቋዋ ኣኪኪሰ።

6 ኢያ ኣሚዳይሳ ማላ ዘሪዲ ኢው ኣሚቴ። ኢያ ኦሊዳ ኦሱዋሰ ናምዑ ኩሽ ኢው ዘሪቴ። ኢያ ገጊሲዳ ኡሻ ቦላ ሂንቴ ናምዑ ኩሽ ማላያ ኡሻ ኢ ፀዓን ኩንዳሱ።

7 ኢያ ቦንቸቲዳይሳዳኔ ኢው ኢንጃቲዳይሳ ማላ፡ ኢዮ ሚቶሊቴኔ ካዮዪቴ።

ኢያ ባ ዎዛናን፡ ታኒ ካዌዳ ኡታሰ፤ ታ ኣዚኒ ባይና ማጫሰ ጊዲኪ፤

8 ሄሳ ጊሾ፡ ቦሻ ኡባይ፡ ሃርጌይ፡ ካዮይኔ ኮሺ ኢዮ ኢሲ ጋላሰ ኦይካና። ቃሲ ኢያ ታማን ፀጌታና፤ ኣይሰ ገኮ፡ ኢ ቦላ ፐርዲያ ያሳይ ዎልቃማ» ያገሰ።

9 «ኢራ ላይማቴዳይሳቲኔ ኢ ሚኮቴላን ዳዲዳ፡ ኣላሚያ ካዎቲ ሄ ካታሚያ ፀጌቲን ኬያ ጨያ ቤዲዳ ዎዳ ኢው ዋሲዲ ዬካና። 10 ኤንቲ ሄ ካታሜ ዎያ ቤዲዲ ያዪዳ ጊሾ ሃኪ ኤቂዲ፡ ሳሃ ጌታ ካታሚ! ዎልቃማ ካታሜ!

ባቢሎን፡ ኔና ኣዬ! ኔኒ ኢሲ ሳቲ ጌዶን ኔ ፐርዳ ኤካዳሳ» ያጋና።

11 «ኤንታ ማርካቢያ ጫና ሂዛፕ ሻሚያ ኣሲ ባይና ጊሾ ሳዓን ዳዲያ ዘልዓንቸቲ ሄ ካታሜሰ ዎሳናኔ ካዮታና። 12 ኤንታ ዎርቃ፡ ቢራ፡ ቦንቸ ሹቻ፡ ኢንቆ ጊያ ኣልዎ ሹቻ፡ ካሎሴ ማዖ፡ ሊኖ ማዖ፡ ሃሪ ማዖ፡ ዞዖ ማዖ፡ ዲማ ዲማ ሳዎ ሚላ፡ ዘሌ፡ ኣልዎ ሚላ፡ ናሴ ቢራታ፡ ጎሌ ሹቸ፡ 13 ቃራፋ፡ ቂማሜ፡ ኢፃኔ፡ ካርቤ፡

ሺቶ፡ ዎይኔ፡ ዘይቲ፡ ሊቆ ጳሌ፡ ገሰቲ፡ ሜሄ፡ ዶርሴ፡ ፓራ፡ ፓራ ጋራ፡ ኣይሌታኔ ሃሪ ኣሳታ ሻሚያ ኦኒካ ባዎ።

14 «ዘልዓንቸቲ ማጫሴኮ፡ ሳኒ ኣሞቲዳ ሎዖባ ኡባይ ኔፕ ጳይሰ። ኔ ኣቆይኔ ኣሌቁቲዳባ ኡባይ ኔፕ ሃኪሰ። ኔኒ ዘራዳ ኤንታ ኡባ ዳማካ» ያገደሶና።

15 ሄ ካታማን ዘልዒዲ ዱሬቲዳ ዘልዓንቸቲ ኢ ሜቱዎ ባቢዲ ኢፕ ሃኪዲ ኤቃና። ኤንቲ ዬካናኔ ካዮታና።

16 ቃሲ፡ «ሊኖ ማዖ፡ ካሎሴ ማዖን ዞዖ ማዖ ማዓዳ፡ ዎርቃን፡ ቦንቸ ሹቻኒኔ ኢንቆ ጊያ ኣልዎ ሹቻን ኣሌቁቲዳ፡

ሄ ጌታ ካታሜሰ ኣዬ! 17 ሃይሳ ማላ ጌታ ሻሎ ኡባይ ኢሲ ሳቲ ጌዶን ጳይሰ» ያገደሶና።

«ማርካቢያ ሳጊያ ኡባይ፡ ማርካቢያን ቢያ ኡባይ፡ ማርካቢያ ቦላ ኦሊያ ኡባይ ኣባን ዘልዒያ ኡባይ ሃኪ ኤቂዳሶና። 18 ሄ ካታሚያ ፀጌቲን ኬያ ጨያ ቤዲዳ ዎዳ ሳሃ ጌታ ካታሚው ዳኒያ ሃሪ ካታሚ ዳዲሻ?» ያገደሶና።

19 ኤንቲ ባንታ ሁዓን ባና ቆሊዲ፡ ዋሲዶሶናኔ ካዮቲዶሶና። ሳሃ ቦላ ማርካቤቲ ዳዲያ ኡባይ፡

ኢ ሻሎዎን ዱሬቲዳ ኡባይ፡ ሄ ካታሚያ ኢሲ ሳቲን ጳይዳ ጊሾ ኣዬ! ኣዬ!

20 ሳሎዎው፡ ኢ ጳዩዋን ኡፋይታ! ጌሻቶ፡ ሃዎሬቶ፡ ናቤቶ፡

ያሳይ ሂንቴ ጊሾ ኢ ቦላ ፐርዲዳ ጊሾ ኡፋይቲቴ።» ያገደሶና።»

21 ያቲን፡ ሚኖ ኪታንቸይ ዎፃ ዳኒያ ጌታ ሹቸ ዳንዲዲ ኣባን ሆሊሹ፡ «ጌታ ካታሚያ ባቢሎንይ ዎልቃን ሆሊታዳ ሃይሳዳ ኩንዳና፤ ኢያ ሃቺሬ ጉዬ ኡባካ ቤንቲኮ። 22 ዲሊ ዲጃይሳቲኔ ዬጃይሳቲ፡ ሱሱልዔኔ ሞይዜ ፑኔይሳቲ፡ ሂዛፕ ጉዬ ኔ ጌዶን ኡባካ ሲዔቶኮና። ኣይ ኮቻ ዘልዒ ዘልዒያ ኣሲካ ኔ ጌዶን ቤንቲና። ዎፃ ገርሲ ሂዛፕ ጉዬ ኔ ጌዶን ሲዔቲና።

23 ዎምፕ ፖይይ ዘሪዲ ኔ ጌዶን ፖዔና። ማቸ ኤኬይሳኔ ኣዚና ጌሊያሪ ቃሊ ሂዛፕ ጉዬ ኔ ጌዶን ሲዔቲና። ኔ ዘልዓንቸቲ ቢታ ኡባን ኤሬቲዳ ዎልቃማታ። ኔ ቢታን ካዎቲላታ ኡባ ጨማዳሳ» ያገሰ።

24 ናቤታ ሱላይ፡ ጌሻታ ሱላይኔ ቢታ ቦላ ሃይቂዳ ኣሳ ኡባ ሱላይ ኢ ጌዶን ቤንቲዳ ጊሾ ባቢሎንይ ፐርዳታሱ።

19

1 ያቲን፡ ሳሎን ዳር ኣሳይ፡ «ያሳይ ጋላቲቶ! ኣቶቴላይ፡ ቦንቸይኔ ዎልቃይ ኑ ያሳሰ ጌዶ።

2 ኢያ ፐርዲይ ቱማኔ ጂሎ። ሳዓ ቱኒሲዳ ኢታ ላይሚው ያሳይ ፐርዲሰ። ያሳይ ባ ኣይሌታ ሱላ ኢፕ ኣቺሰ» ያገሰ።

3 ሄ ኣሳይ ዘሪዲ ባንታ ቃላ ቶቁ ኦሊዲ፡

18:2 ኢሳ 21:9፤ ኤር 51:8፤ ዮ.ቆ 14:8፤ ኢሳ 13:21፤ ኤር 50:39 18:3 ኢሳ 23:17፤ ኤር 51:7 18:5 ሜጲ 18:20 18:6 ማዘ 137:8፤ ኤር 50:29 18:8 ኢሳ 47:7-9 18:9 ሃዘ 26:16-17 18:11 ሃዘ 27:31 18:12 ሃዘ 27:12፣ 13፣ 22 18:15 ሃዘ 27:31 18:17 ኢሳ 23:14፤ ሃዘ 27:26 18:18 ሃዘ 27:32 18:20 ሃዘ 27:30፤ ዛሬ 32:43፤ ኤር 51:48 18:21 ኤር 51:63 18:22 ኢሳ 24:8፤ ሃዘ 26:13 18:22 ኤር 7:34፤ 25:10 18:24 ኤር 51:49 19:2 ዛሬ 32:43፤ 2ካዎ 9:7

«የሳ ጋላቲ ጋኮ።
 ሄ ካታሚያ ማሪናው ጩናሾ ዳና»
 ያጊደሶና።
 4 ላታማኔ ኦይዲ ጩማቲኔ ዳዖን ዳዒያ ኦይዲ ማዴቲላቲ ኦሪታን ኦቲዳ ያሳሰ ጉፋኒዲ።
 «ኦሚንዒ! ያሳ ጋላቲ ጋኮ»
 ያጊዲ ጎይኒደሶና።
 5 ያቲን።
 «የሳ ኣይሌቲ።
 ያሴ ያያ ጉሌኔ ጊቲ ኡባይ።
 ኑ ያሳ ጋላቲቲ»
 ያጊያ ቃላይ ኣራታፔ ኬዩሰ።
 6 ያቲን። ዳሮ ኣሳዳ ዎጫሚያ። ዎልቃማ ሻፋዳ ጉሚያ። ዳዳዳ ዳቲያ ገርሳይ።
 «የሳ ጋላቲ ጋኮ፤
 ኑ ጎዳይ። ኡባሬ ዎልቃማ ያሳይ ካዎቲሰ።
 7 ደርሳ ያጋናይ ጋኪዳ ጊሾኔ ኢያ ጌሊያራ ጊሊዳ ጊሾ ኑ ኡፋይቶሰ። ጋላቶሲኔ ደርሳ ቦንቸሰ።
 8 ጌሎሰ ጊሊዳራ ጸሊያኔ ጌሺ ጊዲዳ ሊኖ ማዖ ማዖና ማላ ኢው ኢሚቲሰ»
 ያጊሺን ታ ሰዓሰ። (ሊኖ ማዖይ ጌሻታ ጂሎ ኦሶ ለሚሶ።)
 9 ሄሳሬ ጉዬ። ኪታንቸይ ታኮ። «ደርሳ ያጋኑዎ ጭቲዳይሳቲ ኣንጃቲዳይሳታ» ጋዳ ዓፋ። ሄ ኪታንቸይ ጉጂዲ። «ሃይሲ ያሳ ቱማ ቃላ» ያጊሰ።
 10 ሄ ዎዳ ታ ኢያ ጎይናናው ኢያ ቶሁዎ ቦላ ኩንዳሰ። ሺን ኢ። «ሃሳ ኦሶፋ! ታኒ ዬሱሳባ ማርካቲያ ኔ ማላኔ ኔ ኢሻታ ማላ። ኔ ያሳ ጎይና» ያጊሰ። ሂዛ። ዬሱሳባ ማርካቲዳይሳታሰ ናቤቴላ ኣያኒ ዳዔሰ።

ቦላ ፓራ ቶጊዳይሳ

11 ያቲን። ሳሎይ ደዬቲን። ያን ቦላ ፓሪ ዳዔይሳ ቤዓሰ። ሄ ፓራ ቶጊዳይሲ ኣማኔቲዳይሳኔ ቱማንቸ ጌቲቲሰ። ኢ ጂሎቴላን ፐርዳሲኔ ኦሌቲሰ። 12 ኢያ ኣይሬይ ታማ ላጮ ዳኔሰ፤ ኢያ ሁዔን ዳሮ ካላቸ ዳዔሰ። ኢያ ቦላ ኢ ኣቲን ሃሪ ኦኒካ ኤርና ዓሬቲዳ ሱንላ ዳዔሰ። 13 ኢ ሱላን ሙኬቲዳ ማዖ ዳዔሰ፤ ኢያ ሱንላይካ ያሳ ቃላ። 14 ጸሊያኔ ጌሺ ጊዲዳ ሊኖ ማዖ ማዒዳ ሳሎ ኦላንቸቲ ቦላ ፓራታ ቶጊዲ ኢያ ጌዶ ካሎሶና። 15 ካዎቲላታ ቃንጂያ ማሺ ኢያ ደናፔ ኬዬሰ። ኢ ቤራታ ዓምዓን ኣሳ ሃራና። ኡባሬ ዎልቃማ ያሳ ሃንቆ ዎይኔ ኡሻ ጉምዒያ ቤሳ ኢ ዬፋና። 16 ኢያ ማዐ-ዎ ቦላኔ ኢያ ዎዲሪያ ቦላ። «ካዎታ ካዉዎኔ ጎዳታ ጎዳ» ያጊያ ሱንላይ ዓሬቲሰ።
 17 ሄሳሬ ጉዬ። ኢሲ ኪታንቸይ ኣዎ ቦላ ኤቁዳይሳ ቤዓሰ። ሄ ኪታንቸይ ሳሎራ ፐራጂያ ካፎ ኡባሰ ባ ቃላ ቶቁ ኦሊዲ። «ሃ ዪቲ! ያሳ ጊቢራ ማናው ኢሲ ቤሲ ሸቁቲ። 18 ዪዲ ካዎታ ኣሹዎ። ሻላቃታ ኣሹዎ። ዎታዳሬታ ኣሹዎ። ፓራታ ኣሹዎ። ፓራታ ቶጊይሳታ ኣሹዎ። ኣሳ ኡባ ኣሹዎ። ኣይሌታ ኣሹዎ። ዎማኖታ ኣሹዎ። ጊታታኔ ጉላታ ኣሹዎ ማቲ» ያጊሰ።
 19 ደዓይ። ፓራ ቶጊዳይሳራኔ ኢያ ኦላንቸታራ ኦሌታናው ሳሳ ካዎቲኔ ኤንታ ኦላንቸቲ ኢሲ ቤሲ ሸቁዳሺን ቤዓሰ። 20 ሺን ሄ ደዓይኔ ኢያ ሱንላን ማላታታ ኦሊዳ ዎርዶ ናቤይ ኢያራ ኢሲሬ ኦይኬቲሰ።

ሄ ማላታታን ደዓ ማላይ ዳዔይሳታኔ ኢያ ሚሲሊያ ጎይኔይሳታ ኢ ባሌሊሰ። ደዓይኔ ዎርዶ ናቤይ ናምዓይካ ዲኔን ኤጂያ ታማ ኣባን ፓዓ ዩጌቲደሶና።
 21 ኣቲዳይሳቲ ፓራ ቶጊዳይሳ ደናፔ ኬያ ማሻን ሃይቁደሶና። ካፎቲ ኡባይ ኤንታ ኣሹዎ ሚዲ ካሊደሶና።

20

ሙኩሉ ላይሊ

1 ዛዊ ባይና ኦላ ቁልፒያኔ ጊታ ሳንላላታ ባ ኩሾን ኦይኪዳ ኢሲ ኪታንቸይ ሳሎፔ ዎጂሺን ቤዓሰ። 2 ኢ ዳዎያ ኦይኪዲ ሙኩሉ ላይሊሰ ቃቸሰ። ሄ ዳዎይ ኮይሮ ሾሻ። ዳቡሎሳ ዎይኮ ዓላሄ። 3 ኪታንቸይ ዛዊ ባይና ኦላን ኢያ ዩጊዲ። ሙኩሉ ላይሊ ዉራና ጋካናው ካዎቲላታ ዛሪ ባሌሊና ማላ ቁልፔን ጎርዲዲ ኣታሚሰ። ሄሳሬ ጉዬ። ዳዎይ ጉላ ዎዳሰ ቢሌታናው ቤሴሰ።
 4 ሄሳሬ ጉዬ። ኣራታታኔ ኣራታታ ቦላ ኡቲዲ ፐርዳና ማላ ማቲ ኢሚቲዳይሳታ ቤዓሰ። ዬሱሳሰ ማርካቲዳ ጊሾኔ ያሳ ቃላ ኦዲዳ ጊሾ ባንታ ቆጂያ ጎይሬቲዳ ኣሳ ሽምፑዎ ቤዓሰ። ኤንቲ ደዓ ዎይኮ ደዓ ሚሲሊያ ጎይኒቦኮና። ኤንቲ ደዓ ማላ ባንታ ሶምዖን ዎይኮ ባንታ ኩሾን ዎሊቦኮና። ኤንቲ ሃይቆፔ ዳንዲዲ ኪሪሰቶሳራ ኢሲሬ ሙኩሉ ላይሊ ሃሪደሶና። 5 ሃይሲ ኮይሮ ዳንዲዎ፤ ኣቲዳ ሃንኮ ሃይቁዳይሳቲ ሙኩሉ ላይሊ ዉራና ጋካናው ሃይቆፔ ዳንዲቦኮና። 6 ኮይሮ ዳንዲዎሰ ቃዲ ዳዔይሳቲ ኣንጃቲዳይሳታኔ ጌሻታ። ኤንታ ቦላ ናምዓንሉ ሃይቁዎሰ ዎልቁ ባዎ። ኤንቲ ያሳሲኔ ኪሪሰቶሳሰ ካሂኔ ጊዳና፤ ኢያራ ኢሲሬ ሙኩሉ ላይሊ ሃራና።

ዓላሂያ ያኔቲላ

7 ሙኩሉ ላይሊይ ዉሪዳፔ ጉዬ ዓላሂይ ቃሾፕ ቢሌታና። 8 ኢ ሳሳ ጋዓፔ ጋዓ ጋካናው ዳዒያ ካዎቲላታ። ኤንቲካ። ጎጌኔ ማሳጌ ጌቲቲይሳታ ባሌሊዲ ኦላሰ ሺሻናው ኬያና። ኤንታ ፓይደይ ኣባ ጋዓን ዳዒያ ሻሬ ማላ። 9 ኤንቲ ቢታ ኡባን ላሌቲዲ። ጌሻታ ሄራኔ ያሳይ ደሲያ ካታማ ቱቁደሶና። ሺን ታሚ ሳሎፔ ዎጂዲ ኤንታና ሚሰ።
 10 ኤንታ ባሌሊዳ ዓላሂይ። ደዓይኔ ዎርዶ ናቤይ ዩጌቲዳ ኤጂያ ዲኔ ታማ ኣባን ዩጌቲሰ። ኤንቲ ቃማኔ ጋላሰ ማሪናው ፓዓ ካዔታና።

ዉርሴላ ፐርዳ

11 ሄሳሬ ጉዬ። ጊታ ቦላ ኣራታ ቦላ ኡቲዳይሳ ቤዓሰ። ሳዒኔ ሳሎይ ኢያ ሱንላሬ ባቃቲደሶና፤ ኤንቲ ዛሪ ቤንቲቦኮና። 12 ሃይቁዳይሳቲ። ጊታቲኔ ጉላቲ ኣራታ ሱንላን ኤቁዳይሳታ ቤዓሰ፤ ማዓፋቲ ደዬቲደሶና፤ ቃሲ ዳዖ ማዓፋ ጊዲዳ ሃራ ማዓፊ ደዬቲሰ። ሃይቁዳይሳቲ ማዓፋን ዓሬቲዳ ባንታ ኦሱዎዳ ፐርዳ ኤኪደሶና። 13 ኣባይ ባ ጊደን ዳዒያ ሃይቁዳይሳታ ኢሚሰ፤ ሃይቆይኔ ሲዖሌይ ባንታ ጊደን ዳዒያ ሃይቁዳይሳታ ኢሚደሶና። ኢሲ ኢሲ ኢሲ ባ ኦሱዎዳ ፐርዳ ኤኪሰ። 14 ያቲን። ሃይቆይኔ ሲዖሌይ ታማ ኣባን ዩጌቲደሶና። ሄ ታማ ኣባይ ናምዓንሉ ሃይቆ። 15 ዳዖ ማዓፋን ኢያ ሱንላይ ዓሬቲቦና ኦኒካ ታማ ኣባን ዩጌቲሰ።

19:3 ኣሳ 34:10 19:5 ማዝ 115:13 19:6 ሃዝ 1:24፤ ማዝ 93:1፤ 97:1፤ 99:1 19:9 ማቶ 22:2 19:11 ሃዝ 1:1
 19:12 ዳኔ 10:6 19:15 ማዝ 2:9፤ ኣሳ 63:3፤ ኣዩ 3:13፤ ዮ.ቆ 14:20 19:17 ሃዝ 39:17-20 19:20 ዮ.ቆ 13:1-18 20:2
 ማዴ 3:1 20:4 ዳኔ 7:9 20:8 ሃዝ 38:2 20:11 ዳኔ 7:9-10

21

ኦራሳ ሳሎኔ ኦራሳ ሳዓ

1 ታኒ ኦራሳ ሳሎኔ ኦራሳ ሳዓ ቤዓሰ። ኮይር ሳሎኔ ኮይር ሳዓይ ዳይሰ፤ አባይካ ዳይሰ። 2 ገሻ ካታሚያ፡ ኦራሳ ዩሩሳላሜይ፡ አዚና ጌላናው አሌቄታዳ ገጋዳ ዳዒያ ማጫሳዳ ሳሎ፤ ያሳ ማታ፤ ዳጌ ወዲሽን ቤዓሰ።

3 አራታ፤ ሃይሳዳ ያገዲ፡ ኦራሳ ገታ ቃላ ሲዓሰ፤ «ያሳ ኮላይ አሳራ ዳዒሰ፤ ያሳይ ባ ቦንቸዋራ አሳራ ኢሲፊ ዳና። ኤንቲ ኢያ ዳሬ ገዳና፤ ያሳይ ባ ሁዒን ኤንታራ ዳና፤ ኢ ኤንታ ያሳ ገዳና። 4 ያሳይ ኤንታ አይፊ፤ አፋላ ኡባ ቁቻና። ሃዛ፤ ሃይቆይ ወይኮ ካዮይ ወይኮ ዋሶይ ወይኮ ወይኮ ወይኮ ዳና። ጋላዓ ኡባይ አዲሰ» ያገሰ።

5 አራታ ቦላ ኡቲዳይሰ፡ «ታኒ ኡባ ኦራሳ አሳና» ያገሰ። ቃሲ ዛሪዲ ታኮ፡ «ታኒ አይይሰ አማካይሳኔ ቱማ ገዲያ ገሻ ዓፋ» ያገሰ። 6 ቃሲ ታኮ፡ «ፖሌቲሰ! ታኒ አልፋኔ ኦሚጋ፤ ደሚላኔ ፖሎ። ሳሞቲዳ ኦናካ ዳዖ ሃላ ፑልቱዋሬ ጨገ ባይና ጮ ኡሻና። 7 ያኒያ ኦኒካ ሃሳ ኡባ ላታና፤ ታኒ ኢያው ያሳ ገዳና፤ ኢካ ታ ናዓ ገዳና። 8 ሺን ያሻንቸታ፡ አማኔቶናይሳታ፡ ቱናታ፡ ሸምፖ ወዲይሳታ፡ ላይማቲይሳታ፡ ቢቲይሳታ፡ ኤቃ ጎይኔይሳታ፤ ዋርዳንቸታ ቃዳይ ዳኔይ ኤዲያ ታማ አባን ገዳና። ሃሲ ናሞዓንሳ ሃይቆ» ያገሰ።

9 ላፑን ወርሴሳ ቦሻቲ ኩሚዳ ላፑን ፀዓታ አይኪዳ ላፑን ኪታንቸታ፤ ኢሶይ ታኮ ዩዲ፡ «ሃያ፡ ታኒ ኔና ጌሎሰ ገገዳ ደርሳ ማቸው ቤሳና» ያገሰ።

10 ኪታንቸታ ታና ዳር ዳቃ ዳሪያ ሁዒ ገሻ አያናን ኬሲዲ፡ ገሻ ካታማይ፡ ዩሩሳላሜይ፡ ሳሎ፤ ያሳ ማታ፤ ዳጌ ወዲሽን ቤሲሰ። 11 ሃ ካታማይ ያሳ ቦንቸን ፖዒሰ። ሃ ካታማ ፖይ ያሰጸዳ ገያ አልፖ ሹቻ ማላ፤ ገሻ ቢሪሎዳ ጸሎሰ። 12 ሃ ካታማ ደርሳይ ዋልቃማኔ አዲሰ። ኢያው ታማኔ ናሞ ፔንጌቲኔ ሃ ፔንጌታ ናገያ ታማኔ ናሞ ኪታንቸታ ዳዖሶና። ፔንጌታ ቦላ ታማኔ ናሞ ኢሰራዒሌ ዜሬሳታ ሱንሳይ ዓፊቲሰ። 13 ደሎሃ ባጋራ ሃሸ ፔንጌቲ፡ ፑዳሃ ባጋራ ሃሸ ፔንጌቲ፡ ዳኒሃ ባጋራ ሃሸ ፔንጌቲ፤ ወሎሃ ባጋራ ሃሸ ፔንጌቲ ዳዖሶና። 14 ካታማ ገምቤ ደርሳይ ታማኔ ናሞ ሹቻ ባሶታ ቦላ ኤቂሰ። ኤንታ ቦላ ታማኔ ናሞ ደርሳ ሃዋሬታ ሱንሳይ ዓፊቲሰ።

15 ታው ኦራሳ ኪታንቸዋሰ፡ ካታማ፡ ኢያ ፔንጌታኔ ኢያ ደርሳ ዋዲያ ዋርቃ ምዓይ ዳዒሰ። 16 ካታማሰ ኦይዲ ማዛኔቲ ዳዖሶና፤ ካታማ ጌሳይኔ ጎምፓይ ኢሲ ገና። ኪታንቸታ ካታማ ባ ምዓን ዋዲን፡ ካታማይ ታማኔ ናሞ ሙኩሉ ኪሎ ሚቲሬ ገዲሰ፤ ካታማ ጌሳይ፡ ጎምፓይኔ ዳቃቲላይ ኢሲ ገና። 17 ኪታንቸታ ቃሲ ደርሳ ዋዲን፡ ኪታንቸታ ጎዒቲያ አሳ ኩሸን ኢሲ ያታኔ ኦይታማኔ አይዲ ዋዲ ገዲሰ።

18 ካታማ ደርሳይ ያሰጸዳ ገያ ሹቻን ዳሬቲሰ። ካታማይ ማሰቶቲዳ ጸሊያ ገሻ ዋርቃን ኦሴቲሰ።

19 ካታማ ደርሳ ባሶይ ኡባ ቆሞ ቦንቸቲዳ ሹቻን

አሌቄቲሰ። ኮይር ሃዳቲዳ ሹቻይ ያሰጸዳ፡ ናሞዓንሳይ ሳሞፔሪ፡ ሃሸንሳይ ኬልቄድ፡ ኦይዳንሳይ ባሎሬ፡ 20 ኢቻሻንሳይ ሳርደንኪሰ፡ ኡሱፑንሳይ ሳርዲዮኔ፡ ላፑንሳይ ኪሪሰቲሎቤ፡ ሆሰፑንሳይ ቢሪሎ፡ ኡዲፋንሳይ ቶጳዚዮኔ፡ ታማንሳይ ኪሪሰጸራሲሰ፡ ታማኔ ኢሲንሳይ ያኪንቲ፡ ታማኔ ናሞዓንሳይ አሜቲሰዲና።

21 ታማኔ ናሞ ፔንጌታሰ ታማኔ ናሞ ኢንቆ ገያ አልፖ ሹቹ ዳዒሰ። ኢሲ ኢሲ ፔንጌይ ኢሲ ኢንቆን ኦሴቲሰ። ካታማ ዋጋ ኦይ ማሰቶቲዳ ጸሊያ ገሻ ዋርቃፊ ኦሴቲሰ።

22 ጎይይ፡ ኡባፊ ዋልቃማ ያሳይኔ ደርሳይ ካታማሰ ኬሌ ገዲያ ገሻ ታ ሃ ካታማን ያሳ ኬሌ ቤዓቢኬ።

23 ያሳ ቦንቸይ ሃ ካታማሰ ፖዒያ ገሻ ደርሳይ ኢያው ያምፔ ገዲያ ገሻ ካታማሰ አዋ ወይኮ አገና ፖ ኮሸና።

24 ካዋቲላቲ ሃ ካታማ ፖን ሃሙታና፤ ካዋቲካ ባንታ ቦንቸዋ ያ አሃና። 25 ቃሚ ያን ባይና ገሻ ካታማ ፔንጌቲ ኡባ ዋዲ ደያ ገዳና፤ ጎርዳቶኮና። 26 ካዋቲላታ ገታቲላይኔ ቦንቸይ ሃ ካታማ ያና። 27 ደርሳ ዳዖ ማዓፋን ሱንሳይ ዓፊቲዳይሳታ ዓላሊ አቲን ቱናባ ወይኮ ዩላያ ባ ኦሌይ ወይኮ ዋርደቲይ ኦኒካ ሃ ካታማ ጌሎና።

22

1 ያቲዲ፡ ኪታንቸታ ታና ያሳ ካዋቲላ አራታ፤ ደርሳ ካዋቲላ አራታ፤ ጎገያ ማሰቶቲዳ ጸሊያ ዳዖ ሃላ ሻፋ ቤሲሰ። 2 ሃ ሻፋይ ካታማ ኦገያ ገደራ ዳጌ ጎጌሰ። ሻፋ፤ ሃፊንሳ ባጋራ፤ ሃፊንሳ ባጋራ አገናን ኢሲ ቶሆ፤ ላይላን ታማኔ ናሞ ቶሆ አይፊያ ዳዖ ሚሊ ዳዒሰ። ሃ ሚላ ቦንጮይ ካዋቲላታ ኡባ ሃርጌሬ ፓሌሰ።

3 ሃ ካታማን አይቢ ቃንጌላካ ዳና። ያሳ ካዋቲላ አራታይኔ ደርሳ ካዋቲላ አራታይ ሃ ካታማን ዳና። ያሳ አይሌቲ ያሳሰ አሳና። 4 ኤንቲ ኢያ ሰምዑዋ ቤዓና፤ ኢያ ሱንሳይ ኤንታ ሰምዖን ዓፊታና። 5 ሃዛ፤ ቃሚ ዳና፤ ጎዳ ያሳይ ኤንታው ያምፔ ገዲያ ገሻ ኤንታው ያምፔ ወይኮ አዋ ፖ ኮሸና። ኤንቲ ማሪ ማሪናው ካዋታና።

ዩሱሳ ዩሳ

6 ኪታንቸታ ታኮ፡ «ሃ ታ ኦራሳ ቃላይ ቱማኔ አማካይሳ። ጎይይ፡ ናቤታ ባ ገሻ አያናን ኪቲያ ያሳይ፡ ማታን ሃናና ባ አይሌታ ቤሳናው ባ ኪታንቸዋ ከቲሰ» ያገሰ። 7 ዩሱሳ፡ «ሄኮ ታ ኤሌሳዳ ያና፤ ሃ ማዓፋን ዳዒያ ቲንቢቲ ቃላ ናገያ ኦኒካ አንጃቲዳይሳ» ያገሰ።

8 ታኒ፡ ጥሃኒሰ፡ ሃ ኡባ ሲዓሰ፤ ቤዓሰ። ታኒ ሃሳ ሲዒዳ ወዲኔ ቤዒዳ ወዲ ሃሳ ታና ቤሲዳ ኪታንቸዋ ጎይናናው ኢያ ቶሆ ቦላ ኩንዳሰ። 9 ሺን ኪታንቸታ ታኮ፡ «ሃሳ አላፋ! ታኒ ኔዳ፡ ናቤታዳ ኔ አሻታዳኔ ሃ ማዓፋን ዳዒያ ኡባ ኪቲቲያ አይሌታ ማላ፤ ያሳ ጎይና» ያገሰ።

10 ኪታንቸታ ዛሪዲ፡ «ሃ ኡባይ ፖሌቲያ ወዲይ ማታቲዳ ገሻ ሃ ማዓፋን ዓፊቲዳ ቲንቢቲ ቃላ ማታማን ጎርዳ። 11 ኢታ ኦሌይ ጉጂዲ ኢታ ኦላ፤ ቱኔይ ጉጂዲ

21:1 ኢሳ 65:17፤ 66:22፤ 2ጴጌ 3:13 21:2 ኢሳ 52:1፤ ጥ.ቆ 3:12፤ ኢሳ 61:10 21:3 ሂዘ 37:27፤ ለዋ 26:11 21:4 ኢሳ 25:8፤ ኢሳ 35:10፤ 65:19 21:6 ኢሳ 55:1 21:7 2ሳሙ 7:14፤ ማዘ 89:26 21:10 ሂዘ 40:1 21:12 ሂዘ 48:30-35
21:15 ሂዘ 40:3 21:21 ኢሳ 54:11-12 21:23 ኢሳ 60:19 21:24 ኢሳ 60:3 21:25 ኢሳ 60:11 21:27 ኢሳ 52:1፤ ሂዘ 44:9 22:1 ሂዘ 47:1፤ ዛካ 14:8 22:2 ሜዴ 2:9 22:3 ዛካ 14:10 22:5 ኢሳ 60:19፤ ዳኔ 7:18 22:11 ዳኔ 12:10

ቱኖ። ሎዎ ኦሌይ ጉጂዲ ሎዎ ኦላ፤ ጌዬይ ጉጂዲ ጌዮ» ያገሰ።

12 ዬሱሲ፣ «ሄኮ፣ ታኒ ኤሌሳዳ ያና። ኢሱዋስ ኢሱዋስ ኢያ ኦሱዋዳ ኢማናው ታ ዋይቶይ ታራ ዳዔስ።

13 ታኒ ኣልፋኔ ኦሜጋ፤ ኮይሮኔ ማርሴላ፤ ደሜላኔ ፖሎ።

14 «ባንታ ማዑዋ ሜጪዲ ጌሼይሳቲ ኣንጃቲዳይሳታ። ዴዎ ሚሴ ኣይፊያ ማናዉኔ ካታማ ፔንጊያራ ጌላናው ኤንታው ማቲ ኢሜቲስ። 15 ሺን ካናቲ፣ ቢቴይሳቲ፣ ላይማቴይሳቲ፣ ሺምፖ ዋዴይሳቲ፣ ኤቃ ጎይኔይሳቲ፣ ዋርዶ ደሴይሳቲኔ ኦሌይሳቲ ካሬን ዴዎሶና።

16 «ታኒ፣ ዬሱሲ፣ ሃ ማርካቴላ ሂንቴው፣ ዋሳ ኬላታስ ኦዳና ሜላ ታ ኪታንቹዋ ኪታስ። ታኒ ዳዊቲ

ሺሺኔ ዜሬላ። ታኒ ፖሊያ ጉራ ባካላ» ያገሰ።

17 ጌሻ ኣያናይኔ ጌላናው ጊጊዳ ማጫሲያ፣ «ሃያ» ያጎሶና። ቃሲ ሃይሳ ሲዒያ ኦኒካ፣ «ሃያ» ያጎ። ሳሞቲዳ ኦኒካ ሃዮ፤ ዴዎ ሃላ ኮያ ኦኒካ ጮ ኤኮ።

18 ታኒ ሃ ማፃፋን ፃፊቲዳ ቲንቢቲ ቃላ ሲዒያ ኦናካ ዘራይሰ። ኦኒካ ሃ ቃላ ቦላ ኢሲባ ጉጂኮ፣ ያሳይ ሃ ማፃፋን ፃፊቲዳ ቦሻ ኢያ ቦላ ጉጂና። 19 ኦኒካ ማፃፋን ዴዒያ ቲንቢቲ ቃላፔ ኢሲባ ፓጪሲኮ፣ ያሳይ ሃ ማፃፋን ፃፊቲዳ ዴዎ ሚላ ኣይፊያፔኔ ጌሻ ካታማፔ ኢያ ቃዳ ፓጪሳና።

20 ሃ ኡባ ማርካቴይሲ፣ «ቱማ፣ ታኒ ኤሌሳዳ ያና» ያገሰ።

ኣሚንዒ፤ ጎዳ ዬሱሳ፣ ሃያ።

21 ጎዳ ዬሱሳ ኪሪስቶሳ ኣቶ ኬሃቴላይ ሂንቴ ኡባራ ጊዶ። ኣሚንዒ።

22:12 ኢሳ 40:10፤ 62:11፤ ማዝ 28:4፤ ኤር 17:10 22:13 ዮ.ቆ 1:8፣ 17፣ 2:8፤ ኢሳ 44:6፤ 48:12 22:14 ሜዶ 2:9፤ 3:22
22:16 ኢሳ 11:1 22:17 ኢሳ 55:1 22:18 ዛሬ 4:2፤ 12:32